

ጌሻ ማጻፋ



The Holy Bible in the Dawro language of Ethiopia

## ጌሻ ማጻፋ

**The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025  
585b63ca-b8e6-55c8-bfef-10bdc95ad69c

## Contents

ማቶሳ ምሽራቹዋ . . . . .	1
ማርቆሳ ምሽራቹዋ . . . . .	36
ሉቃሳ ምሽራቹዋ . . . . .	59
ዮሃንሳ ምሽራቹዋ . . . . .	95
ኪቴዳዋንቴ እሱዋ . . . . .	122
ሮመ . . . . .	155
1 ቆሮንቶሳ . . . . .	170
2 ቆሮንቶሳ . . . . .	184
ጋላትያ . . . . .	193
ኤፊሶና . . . . .	199
ፕልጵስዮሳ . . . . .	204
ቆላሶያሳ . . . . .	208
1 ተሰሎንቀ . . . . .	212
2 ተሰሎንቀ . . . . .	216
1 ጽሞቶሳ . . . . .	218
2 ጽሞቶሳ . . . . .	222
ቲቶ . . . . .	225
ፕልሞና . . . . .	227
እብራዌ . . . . .	228
ያቆባ ኪታ . . . . .	239
1 ጳጵሮሳ ኪታ . . . . .	243
2 ጳጵሮሳ ኪታ . . . . .	247
1 ዮሃንሳ ኪታ . . . . .	250
2 ዮሃንሳ ኪታ . . . . .	254
3 ዮሃንሳ ኪታ . . . . .	255
ይሁዳ ኪታ . . . . .	256
ዮሃንሳ ሳፃ . . . . .	258
ማዘሙርያ . . . . .	276

ኑ ጎዳ የሱሳ ደንዲዋን ቆንጨላ 28:1-20

# ማቶሳ ጻፌዳ ሞሽራቸዋ ቃላ ገሌዋ

ማቶሳ ጻፌዳ ሞሽራቸዎ፣ የሱስ ያና ጌተትያ ህድታይ ካስ ኦደት ኤቴዳ ቆልያ ግድያዋን ጸሳይ ካስ ኤጫ ጫቁዋን ባረ አሳዉ እሚዳ ህድታ ቃላ ፖሌዳዌ የሱሳ ባገና ግድያዋ ኦድያ ሞሽራቸዋ ቃላ ኦይቁዳዋ። ሀ ሞሽራቸዋ ቃላይ የሱስ ኤንቱንቱ ግድን የለቲደ ድጩዳዌ አይሁዳቱ ጸላላሳ ግድናን፣ አላምያ ኡባን ደእያ አሳሳ።

ማቶሳ ጻፌዳ ሞሽራቸዋ ቃላይ ዳር አኪካን ጸፈቴዳ ማጻፋ። የሱሳ የለታን ደሚደ፣ እ ጸማቀቴዳዋን እ ፓጨቴዳዋ ኦድ ሰሚደ፣ ጋሊላን እ ቃላ ኦዴዳዋ፣ ታማርሴዳዋን ሀርጋንቻቱዋ ፓሌዳዋ ኦዴ። ሄዋፕ ካሊደ የሱስ ጋሊላፕ የሩሳላመ ቤዳዋን እ ሀ አላምያን ጋምኤዳ ዉርሰሳ ሳምንታን ሀኔዳ የዋቱዋ ቆንጭሴ። ሄዋንቱካ እ ካቀቶዋ፣ ሀይቁዳዋን ደንዲዳዋ ኦዲና።

ሀ ሞሽራቸዋ ቃላይ የሱሳ፣ ጸሳ ህግያ ብለላ እማናዉ ማታይ ደእያዋን ጸሳ ካዉተላባ ኤርሰያ ዋልቃማ ታማርሰያዋ ኦሊደ ሺሼዳ። አ ትምርትያፕ ዳርያ ባገይ፣ ዲማ ዲማ ኦግያን ገገቴዳ እቺሹ ሳን ሻከቴ።

1. ጸሳ ካዉተላን ደእና አሳ ኤሻ፣ ኦሱዋ፣ ማታን ዉርሰሳ ካጫ ኦድያ ደርያ ቦላ ትምርትያ (ማቶሳ 5:1—7:28)።
2. ታማን ላኦ የሱሳ ካልያዋንቱ ሞሽራቸዋ ቃላ ታማርሳናዉ ቤዳ ዋደ ኤንቱንቶ አመቴዳ ካለሉዋ (ማቶሳ 10)።
3. ጸሳ ካዉተላባ ታማርሰሽን ሸቄዳ ዲማ ዲማ ሊምሳቱዋ (ማቶሳ 13)።
4. የሱሳ ካልያዋንቱባ ብል ኦድያ ትምርትያ (ማቶሳ 18)።
5. ሀእ ዋድያ ዉርሰሳን ጸሳ ካዉተላ ጻሳ ጸልያዋን አመቴዳ ትምርትያ (ማቶሳ 24-25)።

## ሸምፓቱዋ ኡባቶ አመቴዳ ቃንሳ ቆፋቱዋ የሱስ ክርስቶሳ ጉዮ ዘርላን የለታ 1:1—2:23

- ጸማቅያ ዮሃንሳ ኦሱዋ 3:1-12
- የሱስ ጸማቀቶዋን ፓጨቶዋ 3:13—4:11
- የሱስ ኦሱዋ ጋሊላን ደሞዋ 4:12—18:35
- የሱስ ጋሊላፕ የሩሳላመ ቦዋ 19:1—20:34
- የሩሳላመን እዝ ዩሹዋን የሱሳ ዉርሰሳ ሳምንታ 21:1—27:66

የሱስ ክርስቶሳ የለታ ማራ (ሉቃሳ 3:23-38)

- 1 ሀዌ ዳዊታ ዛርያን አብራሃመ ዛረ ግዴዳ የሱስ ክርስቶሳ የለታ ኦድያ ማጻፋ።
- 2 አብራሃመ፣ ይሳቃ የሌዳ፤ ይሳቅ፣ ያቆባ የሌዳ፤ ያቆብ፣ ይሁዳን እ እሻቱዋ የሌዳ።
- 3 ይሁዳይ ትእማርፕ ፓሪሳን ዛሪሀ የሌዳ፤ ፓሪሰ፣ ሄጽርና የሌዳ፤ ሄጽርን፣ ራማ የሌዳ።
- 4 ራመ አምናዳባ የሌዳ፤ አምናዳብ፣ ናኦሶና የሌዳ፤ ናኦሶን፣ ሰልሞና የሌዳ።
- 5 ሰልሞን፣ ራኦሶ ጌተትያ ሞሽራትፕ ቦኤዛ የሌዳ፤ ቦኤዝ፣ ኡሩቶ ጌተትያ ሞሽራትፕ እዮቤዳ የሌዳ፤ እዮቤዳ፣ እስይ የሌዳ።
- 6 እስይ ካትያ ዳዊታ የሌዳ።
- ካትያ ዳዊተ፣ ኦርያ ማቻትፕ ሶሎሞና የሌዳ።
- 7 ሶሎሞን፣ ሮብእማ የሌዳ፤ ሮብእመ፣ አብያ የሌዳ፤ አቢ፣ አሳፋ የሌዳ።
- 8 አሳፋ፣ ዮሳፌጸ የሌዳ፤ ዮሳፌጸ፣ እዮራማ የሌዳ፤ እዮራመ፣ ኦዝያና የሌዳ።
- 9 ኦዝያን፣ እዮኦታማ የሌዳ፤ እዮኦታመ፣ አካዛ የሌዳ፤ አካዝ፣ ሀዘቁያሳ የሌዳ።
- 10 ሀዘቁያሳ ሞናሳ የሌዳ፤ ሞናሰ፣ አዋጸ የሌዳ፤ አዋጸ፣ እዮሰያሳ የሌዳ።
- 11 እሰራኤልያ አሳይ አዋደቲደ፣ ባብሎን ጋድያ ቤዳ ዋደ፣ እዮሰያሰ እኮንያናን \* አ እሻቱዋ የሌዳ።
- 12 ባብሎን አዋዲዋፕ ጉይያን፣ እኮንያናን ሳላትያላ የሌዳ፤ ሳላትያላ፣ ዘሩባቤላ የሌዳ።
- 13 ዘሩባቤል፣ አብዩዳ የሌዳ፤ አብዩደ፣ ኤልያቄማ የሌዳ፤ ኤልያቄሞ፣ አዘራ የሌዳ።
- 14 አዘረ ሳዶቃ የሌዳ፤ ሳዶቀ፣ አኪማ የሌዳ፤ አኪሞ ኤልዩዳ የሌዳ።
- 15 ኤልዩደ፣ አልኦዛሪ የሌዳ፤ አልኦዛሪ፣ ማታና የሌዳ፤ ማታን፣ ያቆባ የሌዳ።
- 16 ያቆብ፣ ክርስቶሳ ጌተትያ የሱሳ የሌዳ ማይራዋ ኦቺዳ ዮሴፋ የሌዳ።
- 17 ሰም የለታይ ኡባይ አብራሃሞፕ ዳዊታ ጋካናዉ ታማን ኦይዲ የለታ፤ ዳዊተፕ ደሚደ፣ አሳይ ባብሎን ጋድያ አዋደቲደ ቤዳ ዋድያ ጋካናዉ ታማን ኦይዲ የለታ፤ አሳይ ባብሎን ጋድያ አዋደቲደ ቤዳ ዋድያፕ ክርስቶሳ ፊ የለቴዳ ዋድያ ጋካናዉ ታማን ኦይዲ የለታ።

የሱስ ክርስቶሳ የለታ (ሉቃሳ 2:1-7)

18 የሱስ ክርስቶሳ የለታይ ሀዋ ማላ፤ አ ዳያ ማይራማ ዮሴፎ ኦሽታ ቃሽታ ኡታዳ። ሄ ዋደ ዮሴፎና ጋከተናን ደኦደ፣ ጌሻ አያናን ሻሃራዲ።

1:5 ኡሩቶ 4:18-22፤ 1 ኦዲዋ 2:13-15 \* 1:11 ሄዋ ጉሳይ፣ ዮኦክና ግያዋ፤ ቃይ ፓይዳዋ 12 ደእያዋካ ብለላይ አቱዋ። 1:11 2 ካታ. 24:14-15፤ 2 ኦዲዋ 36:10፤ ኤር. 27:20 † 1:17 ክርስቶሳ፣ ግያዌ ግሪክ ቃላና ግደደ፣ መሰሀ ጉሳይ አብራይስጥ ቃላና ግዲደ ላሉዋ ብለላይካ “ኦክቴዳዋ” ጉሳ። ‡ 1:19 ዮሴፎ ጸሎ አሳ ግያ ቆፋዉ ሄዙ ኦግያን ብለላይ አመታና ዳንዳዬ። 1. ጸሳባዉ ኡባዉ ኤዮ ገደ እዛዘትያ አሳ፤ አምልያ ሎኦ አሳ። 2. ጋራ (ቃረታንቻ)። 3. ሎኦዋ። ሄዋ ጉሳይ፣ ኡባ ካላ ሎኦባ እልያ አሳ ጉሳ።

19 እዞ ገብሰ ዋሴ ዮሴፎ ጽሑ እሳ ቶ ግዴዳ ድራው፤ እዞ ካወሻናው ኮይቤና፤ እባ ቆንጭሰናን እዞ እጋናው ቆፔዳ።

20 ሸን እ ሄዋ ቆፕሸን፤ ጎዳ ኪታንቻይ እኩሙዋን ስ እናና ጋከቲድ፤ “ዳዊተ ናኣ ዮሴፎ፤ ማይራማ ጌሻ እያናን ሻሃራዳ ድራው \* እዞ እካናው ያዮ።

21 እዞ እቲማ ናኣ የሳናውኑ፤ ኔንካ፤ እ እሳ ናጋራፕ እሸያ ድራው እ ሱንሳ የሱሳ ጋደ ዴሳናሳ” ያጌዳ።

22-23 ቃይ ጎዳይ ናብያ ባጋና፤ “ወደራታ ሻሃራናውኑ፤ ናኣካ የሳናውኑ፤ እ ሱንሳይካ እማኔላ ጌታታናዋ” ያጌዳዋ ፖለታና ማላ፤ ሀዌ ኡባይ ሃኔዳ፤ “እማኔላ” ያግያዋ፤ “ጸሳይ ኑናና ደኤ” ያግያዋ።

24 ዮሴፎ ገምእሹዋፕ ቤተደ፤ ጎዳ ኪታንቻይ ባረና እዛዘዋዳን፤ ማይራዋ ባረ ጎላ እፌዳ።

25 ሸን ናኣይ የለታና ጋካናው ዮሴፎ እዘኮ ሸቅቤና፤ ቃይ ናኣካ የሱሳ ገደ ሱንሴዳ።

## 2

ዶላሃ ባጋፕ ዬዳ ጸልንትያ ፓይድያ አሳቱዋ

1 የሱሰ ህሁዳ ጋድያን ቤተሊመ ጌተትያ ካታማን ሄሮድስ ካወቲደ ደእያ ዋደ የለቲዳ፤ ሄዋፕ ጉይያን፤ ጸልንትያ ፓይድያ አሳይ \* አዋይፊ ዶልያ ባጋፕ የሩሳላመ ዪደ፤

2 “እይሁዳ ካትያ ግዳናው የለቲዳ ናኣይ ሀቃን ደኢ? ኩን አዋይፊ ዶልያ ባጋና ከሴዳ እ ጸልንትያ በእደ፤ እወ ጎይናናው ዬደ” ያጌደ ኦቼድና።

3 ካትያ ሄሮድስ፤ ሄዋ ሰሲደ ዳጋሜዳ፤ የሩሳላመን ደእያ አሳይ ኡባይካ ዋዛና ባዬድና።

4 ሄሮድስ ቄሳቱዋ ካፓቱዋ ኡባቱዋን ሙሴ ሀግያ ታማርሰያዋንታ ዴሲደ፤ “ክርሰቶስ ሀቃን የለታንዳሻ?” ያጌደ ኦቼዳ።

5-6 ኡንቲንቲ ዛሪደ፤ “ይሁዳ ጋድያን ቤተሊመ ካታማን የለታናዋ፤ ናቤ፤ “ይሁዳ ጋድያን ደእያ ቤተሊመ፤

ኔን ህሁዳ ጋድያን ደእያ ዋልቃማ ካታማቱዋፕ ላፋካ።

እሰራኤልያ ሞድያዋ ኔፕ ከሳናዋ ገደ ጸፊዳ” ያጌድና።

7 ሄዋፕ ካላ፤ ሄሮድስ አዋይፊ ዶልያ ባጋፕ ዬዳ አሳቱዋ ጌማን ዴሲደ፤ ጸልንቲ ኡንቲንቶ ቤቲዳ ዋድያ ኡንቲንቲፕ ጌሺደ ኤራዳ።

8 ያቲደ ቤተሊመ ኡንቲንታ የዲደ፤ “ቢደ ናኣ ሎይሳ ኮይተ፤ እ ደሜዳ ዋደ ታንካ ባደ እወ ጎይናናዳን፤ ታናካ ኤርሰተ” ያጌዳ።

9 ኡንቲንቲ ካቲ ጌዳዋ ሰሰ ቢደ ኦግያን አዋይፊ ዶልያ ባጋና ኡንቲንቲ ካሰ በኤዳ ጸልንትያ በኤድና፤ ናኣይ ደኢያሳ ጋኪደ ኤቃና ጋካናው፤ ጸልንቲ ኡንቲንታ ካለሌዳ።

10 ኡንቲንቲ ሄ ጸልንትያ በኤዳ ዋደ፤ ዛዋይ ባይና ዳር ናሽቻ ናሽቲድና።

11 ጎላ ገሊደ፤ ናኣይ ባረ ዳይ ማይራሞና ደእያዋ በኤድና፤ ጉልባቲደ እወ ጎይኔድና፤ ሄዋፕ ካላ፤ ባረንቲ ሳጽንያ ዶዪደ፤ ዋርቃ፤ እጻና ካዋራ ተ እወ እሞታ ሺሼድና።

12 ኡንቲንቲ ሄሮድስ ከሙና ማላ፤ ጸሳይ እኩሙዋን ኡንቲንታ፤ “ህንተና ኤርተ” ገና ሀራ ኦግያና ባረንቲ ጋደ ሰሜድና።

### ግብጹ በቱሳ

13 ኡንቲንቲ ቤዳዋፕ ጉይያን፤ ጎዳ ኪታንቻይ እኩሙዋን ዮሴፎ ቤቲደ፤ “ሄሮድስ ናኣ ዋቋናው ኮይያ ድራው፤ ደንዳደ ናኣን እ ዳዮ አካደ ግብጹ ጋድያ በታ፤ ታን ነወ ኦዳና ጋካናው፤ ያን ደኢሻ” ያጌዳ።

14-15 ዮሴፎ ቃማ ደንዲደ፤ ናኣን እ ዳዮ አኪደ፤ ግብጹ ጋድያ ቤዳ፤ ጎዳይ ናብያ ባጋና፤ “ታን ታ ናኣ ግብጹ ጋድያፕ ዴሳድ” ያጌዳዋ ፖለታና ማላ፤ ሄሮድስ ሀይቃና ጋካናው እ ያን ደኤዳ።

### ሄሮድስ ቁር ናና ዋድሴዳ

16 ሄዋፕ ጉይያን፤ ሄሮድስ አዋይፊ ዶልያ ባጋፕ ዬዳዋንቲ ባረና ጭማዳዋ ኤራዳ ዋደ፤ ዳር ሀንቀቲደ፤ ጸልንቲ ካሰ ቤቲዳ ዋድያ ኡንቲንቲፕ ሰሴዳዋዳን፤ ዋታዳራቱዋ የዲደ፤ ቤተሊመን ነቶዋን ደእያ ላኡ ላይሳ እቲማ ናናን ላኡ ላይሳፕ ጋርሳና ደእያ እቲማ ናና ኡባ ዋድሴዳ።

### 17-18 ናብያ ኤርማሰ፤

“ዬኩነ ዘላሳይ ራማ ጌተትያ ካታማን ሰሰቲዳ፤

ራሄላ ባረ ናናው ዬካው።

ኡንቲንቲ ሀይቁድጎ ድራው፤

እጋ ገና፤ እገናን እጻዳ።”

ገደ ኦዴዳዋ ፖለቲዳ።

### ግብጹ ሰማ

19 ሄሮድስ ሀይቁዳዋፕ ጉይያን፤ ጎዳ ኪታንቻይ ግብጹን ዮሴፎ እኩሙዋን ቤቲደ

20 እ፤ “ደንዳ፤ ናኣን እ ዳዮ አካደ፤ እሰራኤልያ ጋድያ ሰማ። ናኣ ዋቋናው ኮይያዋንቲ ሀይቁ ድጌድና” ያጌዳ።

21 ዮሴፎ ደንዲደ፤ ናኣን እ ዳዮ አኪደ፤ እሰራኤልያ ሰማዳ።

22 ሸን ዮሴፎ እርከላዋሰ ባረ እወዋ ሄሮድስ ላይድያን ህሁዳ ጋድያን ካወቲዳዋ ሰሴዳ ዋደ፤ ያ ባናው ያዬዳ፤ ጸሳይ እወ እኩሙዋን ህንተና ኤርተ ገና፤ ጋለላ ጋድያ ቤዳ።

፳ 1:20 እኩሙዋን ጉሳይ፤ ጮካ ጎላና እኩሙዋ ግደናዳን እይሁዳቱዋ እኩሙዋ ጉሳይ፤ ጸሳይ ልክ ቆንጭያ ኦግያ።

\* 1:20 ጌሻ እያናን ሻሃራዳ ድራው፤ ጉሳይ እዛ ሀዋ ጋካናሸን የለታናዳን ናግያ ናኣይ፤ ጸሳ ጌሻ እያናፕ ዬ ጉሳ።

1:21 ሉቃሳ 1:31 1:22-23 እሳ. 7:14 1:25 ሉቃሳ 2:21 \* 2:1 ጸልንትያ ፓይድያ አሳ ጉሳይ፤ ኤርቲዳ ማራ ብለላን ኤራንቻ አሳቱዋ ጉሳ። 2:5-6 ሚክ. 5:2 † 2:11 እጻናን ካዋራ፡- እጻናይ፤ ማድያ ጳልያ ግዲደ፤ ታማን የግያ ዋደ ሳዋናሳ፤ ካዋራይካ ሳዋ ማድያ ጳልያ ግዲደ ሸቲዋዳን ማዴ። 2:14-15 ሆሰ 11:1 2:17-18 ኤር. 31:15 ‡ 2:23 ሀዋ ጌዳዋ ኦንጎቶ ኤርተና። 2:23 ማር. 1:24፤ ሉቃሳ 2:39፤ ዮሃ. 1:45

23 ናባቱ፡ “አሳይ እ፡ ናዝራትያ አሳ፡ ገደ ዴሳና” ያጌዳዌ ፖለታና ማላ፡ ናዝራተ ጌተትያ ካታማ ቢደ ደኤዳ።

**3**

ጳውሎስ የሃንሰ ቃላ ኦዴዳ (ማር. 1:1-8፤ ሉቃሳ 3:1-18፤ ዮሃ. 1:19-28)

1-2 ህ ወደ ጳውሎስ የሃንሰ አሳ፡ “ሳሉዋ ካወተላይ ማታቲዳ ድራወ፡ ህንተ ናጋራፕ ሰሞተ” ያጌደ፡ ይሁዳ መላ ቢታን ኦዴደ ዬዳ።

3 እያወ ጎፕ፡ ናብያ አሲያስ፡ የሃንሳባ አዲደ፡

“አቱ መላ ቢታን ባረ ቃላ ጶቁ አሊደ፡

“ጎዳ ኦግያ ገግሰተ።

እ ሄመታና ሎሱዋካ

እወ ስት አሳተ። ጌዳ”

ያጌዳ።

4 የሃንሳወ ጋሉዋ እስክያ ዳደቲዳ ማዩ ደኤ፤ ቃይ ባረ ጴሳን ዳፋዋ ዳንጨዳ፤ እ ሞያ ቁማይካ ባልያን ባዙዋ ኤሳ።

5 አሳይ ህ ወደ የሩሳላመፕ፡ ይሁዳ ጋድያ ኡባ ሳፕን ዮርዳኖሳ ሻፋ ሄራን ደእያ ጋድያ ኡባፕ አኮ ዪኖ።

6 ባረንቱ ናጋራ ፓጽና፡ ዮርዳኖሳ ሻፋን አሳ ጸማቁዳ።

7 ሽን የሃንሰ ዳሮ ፓርሳዋቱን \* ሳዲቃዋናቱ † ጸማቃታናወ ባረኮ ይያዋንታ በእደ፡ “ሀ ሸሻቶ፡ ጸሳ ሀንቁ ያና ሀንያዋፕ አታና ማላ፡ ሀንተወ ኦኔ ኦዴዳዌ?

8 ስሞ ሀንተ፡ ሀንተንቱ ናጋራፕ ስሜዳዋ ኤርሲያ ኦሱዋ፡ አሳተ።

9 ሀንተ ሀንተንቱ ዋዛናን፡ ኡብራሃመ ኑ አባ፡ ገደ ቆፕያዋ ሀንተወ ማላቶፖ። እያወ ጎፕ፡ ታን ሀንተንቶ ኦዳይ፤ ጸሳይ ሀ ሹቻቱዋፕ አብራሃሞ ናና ኦሳ ደንሳናወ ዳንዳዬ።

10 ቤጽ ሞላ ጸጹዋን ቃንጸናወ ገግ አቲዳ፤ ሎኦ እይፍያ እይፈና ሞላ ኡባይ ቃንጸቲደ፡ ታማን የገታና።

11 “ሀንተ ሀንተንቱ ናጋራፕ ስምያዋ በሳናወ፡ ታን ሀንተና ሃላን ጸማቃይ፤ ሽን ታፕ ጉየና ይያዌ፡ ሀንተንታ ጌሻ እያናንነ ታማን ጸማቃና። † እ ታፕ ደሮ ሞኔ፤ አ ጫማ ቶካናወካ ታን በሲያ አሳ ግድከ።

12 አ ኩሽያን ካላ ሰጽያ ላይዳይ ደኤ። ኡዲማን ደእያ ካላ ሎይሳ ጌሽ፤ ባረ ዛርጋ ድይያን ቆላና፤ ሽን ዳላ ቶኤና ታማን ጉዳና” ያጌዳ።

የሱስ ጸማቀቲዳ (ማር. 1:9-11፤ ሉቃሳ 3:21-22)

13 የሱስ ህ ወደ የሃንሳን ጸማቀታናወ፡ ጋሊላፕ ዮርዳኖሳ ጌተትያ ሻፋ አኮ ቤዳ።

14 ሽን የሃንሰ፡ “ታን ኔናን ጸማቀታናወ በሰያ ወደ፡ ኔን ታኮ ያይ?” ያጌደ፡ አ ድጋናወ ኮዬዳ።

15 ሽን የሱስ ዛሪደ እ፡ “ኔን ጽሎተላ ኦሱዋ ኡባ ሀዋዳን ፖላናወ በሰያ ድራወ፡ ሀእ ታወ ኤኖ ጋ” ያጌዳ። የሃንሰካ እወ ኤኖ ጌዳ።

16 የሱስ ጸማቀቶዋፕ ጉይያን፡ ኤላካ ሃላፕ ከሴዳ፤ ሳሉ ደየትና፡ ጸሳ እያናይ ሀራጽያዳን ሳሉዋፕ ዋጂደ ባረ ቦላ ይያ ወደ በኤዳ፤

17 ቃይ ሳሉዋፕ፡ “ታን ሲቅያ፡ ታና ናሽቶያ፡ ታ ናአይ ሀዋ” ያግያ ቃላይ ዬዳ።

**4**

የሱስ ፓጨቲዳ (ማር. 1:12-13፤ ሉቃሳ 4:1-13)

1 ሄዋፕ ጉይያን፡ ጸላህያን ፓጨታና ማላ፡ ጌሻ እያናይ አሳይ ደኤና ሳእ የሱሳ አፌዳ።

2 የሱስ እይታሙ፡ ጋላሳን እይታሙ፡ ቃማ ጸሞዋፕ ጉይያን ኮሻቲዳ።

3 ጸላህ ዪደ እ፡ “ኔን ጸሳ ናአ ግድፕ፡ እነ ሀ ሹቻቱዋ ኡክላ ግዳና ማላ ጋ” ያጌዳ።

4 ሽን የሱስ ዛሪደ፡ “ጸሳ ማጸፋን፡ ኡሳይ ጸሳይ ሃሳይያ ቃላ ኡባን ደአናፕ አትን፡ ኡክላ ጸላላን ደኤና ያገት ጸፈቲዳ” ያጌዳ።

5 ሄዋፕ ጉይያን፡ ጸላህ የሱሳ ጌሻ ካታማ አፍ ጌሻ ጎልያ ዴራን ኤሲደ።

6 “ኔን ጸሳ ናአ ግድፕ፡ እነ ዲገ ኩንዳ። እያወ ጎፕ፡ ጸሳ ማጸፋን፡

“ጸሳይ ባረ ከታንቻቱዋ

ነወ አዛዛናዋ”

ቃይ ኡኑቲንቲ ነ ገዲ ሹቻን ጴብተና ማላ፡

ባረንቲ ኩሽያን ኔና ደንሳናዋንታ”

ያገት ጸፈቲዳ” ያጌዳ።

7 የሱስ ዛሪደ እ፡ “ቃይካ ጸሳ ማጸፋን፡ ናጎዳ ነ ጸሳ ፓጨፓ” ያገት ጸፈቲዳ” ያጌዳ።

8 ቃይ ጸላህ የሱሳ እት ዳሮ ዋልቃማ ደርያ ዴራ ከሲደ፡ ሀ አላምያን ደእያ ካወተላ ኡባነ ኡንቲንቲ ቦንቹዋ

9 በሲደ እ፡ “ኔን ታወ ጉልባታደ ጎይናፕ፡ ታን ሀዋ ኡባ ነወ እማና” ያጌዳ።

10 ህ ወደ የሱስ ዛሪደ እ፡ “ላ ሀ ቤጻናወ ሃካ፤ እያወ ጎፕ፡ ጸሳ ማጸፋን፡ ናጎዳወ፡ ነ ጸሳወ ጎይና፤ አ ጸላላ ጎሽታን ጌተት ጸፈቲዳ” ያጌዳ።

3:1-2 ማቶሳ 4:17፤ ማር. 1:15 3:3 እሳ. 40:3 3:4 1 ካታ. 1:8 \* 3:7 ፓርሳዋቱዋ- ጉሳይ እይሁዳ አሳቱዋ ካለለያ አሳቱዋ ግድፕ ግዲደ ጌሻ ቃላን ካሰ ኤጫ ጫቁ ግዲን ደእያ ቃላ ዋጋ ኡባን እማንያዋንታ። † 3:7 ጎዲቃዋናቱዋ- ጉሳይ እይሁዳ አሳቱዋ ካለለያ አሳቱዋ ግድፕ ግዲደ ጌሻ ቃላን ካሰ ኤጫ ጫቁ ግዲን ደእያ ቃላ ዋጋፕ ሙሴ ጸፊዳ ኮይር እቺሹ ማጸፋቱዋ ግዲን ደእያ ዋጋቱዋ ጸላላን እማንያዋንታ። ‡ 3:11 ጌሻ እያናንነ ታማን ጸማቃና፡ ጉሳይ የሱስ ዪደ አሳ ጋርሳ እያና አሳተላ ላምያዋ ታማርሲያዋ። 3:17 ደመላ 22:2፤ ማዝ. 2:7፤ እሳ. 42:1፤ ማቶሳ 12:18፤ 17:5፤ ማር. 1:11፤ ሉቃሳ 9:35 4:4 ዛረ. 8:3 4:6 ማዝ. 91:11-12 4:7 ዛረ. 6:16 4:10 ዛረ. 6:13

11 ሕይወት ጉይያን፡ ጸላሂ የሱሳ አግና፡ ከታገቻቱ ዪደ፡ አዉ ኦሴድና።  
የሱሳ ባረ ታማርሰያ ኦሱዋ ጋሊላን ደሜዳ

(ማር. 1:14-15፤ ሉቃስ 4:14-15)

12 ዮሃንስ ቃሽቴዳዋ የሱሳ ስሴዳ ዋደ፡ ጋሊላ ጌተትያ ጋድያ ቤዳ።

13 ናዘሬተፕ ከሲደ፡ ቅፍርናሆማ ካታማ ቤደ፡ ያን ደኤዳ፤ ቅፍርናሆም ዛብሎናንን ንፍታሌመ ጋድያን ደእያ ጋሊላ አባ ማታን ደኤ።

14 ሀዋ ሀኔዳዋ ናብያ ኢሰያስ፡

15 “ዛብሎን ጋድያንን ንፍታሌመ ጋድያን፡ አባ ኦግያን ዮርዳኖሳ ሻፋፕ ሄፍንላ ባጋን፡

አይሁዳ ግደና አሳይ ደእያ ጋሊላን፡

16 ጳማን ደእያ አሳይ፡ ዋልቃማ ፖኤዋ በኤዳ።

ቃይ ሀይቁዋ ኩዋይ ደእያ ጋድያን ኡቴዳዋንቶ ፖኤ ከሴዳ”

ያጌዳዋ ፖሊታና ማላሳ።

17 ሄ ዋድያፕ ደሚደ የሱሳ፡ “ህንተ ናጋራ ፓጽተ፤ አያዉ ጎፕ፡ ሳሉዋ ካዉተላይ ማታቴዳ ድራሳ”

ጊደ ቃላ ኦዳዋ ደሚደ።

የሱሳ ባረና ካልያ ኦይዳቱዋ ጸጌዳ (ማር. 1:16-20፤ ሉቃስ 5:1-11)

18 የሱሳ ጋሊላ አባ ማታና አዲደ፡ ላኤ እሻቱ ጸጽርሳ ጌተትያ ሰሞንን እ እሻ እንድራሰ፡ ዋልያ ኦይቂያዋንታ ግደ ድራዉ፡ ዳባ \* አባን የግያዋንታ በኤዳ።

19 ኡንቱንታ፡ “ታና ካልተ፤ ታን ህንተና ዋልያ ኦይቂያዋዳን አሳ ታኮ አሀያ ኦግያ ታማርሰና” ያጌዳ።

20 ኡንቱንታ ኤለካ ባረንቱ ዳባ አጊደ፡ የሱሳ ካሌድና።

21 የሱሳ ሕይወት ሰንሳኮ ቤደ፡ ሀራ ላኤ እሻቱዋ፡ ዛብድዮሳ ናና ያቆባን እ እሻ ዮሃንሳ በኤዳ፤ ኡንቱንቱ ባረንቱ አዉዋ ዛብድዮሳና ሃላ ቦላን ብያ ዋንግርያ ግደን ባረንቱ ዳባ ጊገሰያዋንታ በኢደ፡ ጼሴዳ።

22 ኡንቱንቱ ኤለካ ሃላን ብያ ዋንግርያን ባረንቱ አዉዋ አጊደ፡ የሱሳ ካሌድና።

የሱሳ ጮራ አሳ ታማርሴዳን ፓሴዳ (ሉቃስ 6:17-19)

23 የሱሳ አይሁዳ ዋሳ ጎለቱዋን ታማርሴደ፡ ካዉተላ ሞሽራቹዋ ቃላ ኦዳድን ቃይ ሀርግያ ኡባፕን ሳኩዋ ኡባፕ አሳ ፓሴደ፡ ጋሊላ ጋድያ ኡባን ዩዬዳ።

24 አ ዋሪ ሰርያ ጋድያ ኡባ ጋኬዳ፤ ደማ ደማ ሀርግያን ኦይቅቲደ ሀርጌዳ አሳ ኡባ፡ ጸላሁቱዋን ኦይቅቲዳዋንታ፡ ዪጩዋ ሳኩ ደእያዋንታ፡ ቃይ ጉንዴዳዋንታ አሳይ የሱሳኮ አሄዳ፤ እ ኡንቱንታ ፓሴዳ።

25 ጮራ አሳይ ጋሊላ፡ ታሙ ካታማቱዋ፡ የኋሳላመፕ፡ ይሁዳፕን ዮርዳኖሳፕ ሄፍንላን ደእያ ጋድያፕ የሱሳ ካሌድና።

5

የሱሳ ደርያ ቦላን ግዳደ ታማርሴዳ ትምርትያ

(5:1—7:29)

1 የሱሳ ጮራ አሳ በኢደ፡ ፑደ ደርያ ከሲደ ኡቲዳ። እ ካልያዋንቱ እኮ ሸቄድና።

2 ኡንቱንታ ሀዋዳን ያግ ታማርሴዋ ደሜዳ።

ቱሙ እንጂዋ አክያ አሳቱዋ (ሉቃስ 6:20-23)

3 “ባረንቱ አያና ደኤዋን፡ ሀዬሳ ግዴዳዋ ኤርያዋንቱ እንጀቲዳዋንታ፤ አያዉ ጎፕ፡ ሳሉዋ ካዉተላይ ኡንቱንቱሳ።

4 ካዮትያዋንቱ እንጀቲዳዋንታ፤ አያዉ ጎፕ፡ ጸሳይ ኡንቱንታ ሞንሳና።

5 አሽከ ግዴዳዋንቱ እንጀቲዳዋንታ፤ አያዉ ጎፕ፡ ኡንቱንቱ ሳኤ ላታና።

6 ጽሎተላ ከሻትያዋንቱን ሳመትያዋንቱ፡ \* እንጀቲዳዋንታ፤ አያዉ ጎፕ፡ ጸሳይ ኡንቱንታ ካልሳና።

7 ማርያዋንቱ እንጀቲዳዋንታ፤ አያዉ ጎፕ፡ ጸሳይ ኡንቱንታ ማራና።

8 ዋዛና ጌሻቱ እንጀቲዳዋንታ፤ አያዉ ጎፕ፡ ኡንቱንቱ ጸሳ በአና።

9 አሳ ሰገልያዋንቱ እንጀቲዳዋንታ፤ አያዉ ጎፕ፡ ጸሳይ ኡንቱንታ፡ ባረ ናና ጊደ ጸሳና።

10 ጽሎተላ ድራዉ፡ የደርሰትያዋንቱ እንጀቲዳዋንታ፤ አያዉ ጎፕ፡ ሳሉዋ ካዉተላይ ኡንቱንቱሳ። †

11 “ህንተ ታና ካልያ ድራዉ፡ አሳይ ህንተና ቦርያ ዋደን ዋይሰያ ዋደ፡ ቃይ ህንተ ቦላ ኡታባ ኡባ ዋርዴዋን ሃሳይያ ዋደ፡ ህንተ እንጀቲዳዋንታ።

12 ህንተዉ ሳሉዋን ዋልቃማ ዋይታይ ደእያ ድራዉ፡ ናሽተተ፤ ሀሹ ጊተ፤ አያዉ ጎፕ፡ አሳይ ህንተፕ ካሰ ደኤዳ ናባቱዋ ሄዋዳን የደርሴድና።

ማጽንያን ፖኤዋ ሌምሱዋ (ማር. 9:50፤ ሉቃስ 14:34-35)

13 “አሳ ኡባዉ ህንተ ማጽን ማላ፤ ሽን ማጽን ማልአና ቆዮፕ፡ ዛሪደ እ ዋት

4:16 አሳ. 9:1-2 \* 4:18 ዳባ- ሀዋ ጉሳይ ዋልያ ጸራናዉ ዋይ ኦይቃናዉ ሃላን የግያ እማራሉዋን ማራብያ ግያዋ።

5:4 አሳ. 6:12 5:5 ማዘ. 37:11 \* 5:6 ሀዋ ብለላይ ጸሳዉ ኤና ግያዋንታ ዋይ ሎኩባ ዋይ ቱዋባ ኦልያዋንታ ጉሳ። † 5:10 ሳሉዋ ካዉተላይ ኡንቱንቱሳ- ጉሳይ ሄ አሳቱ ሳሉዋ ካዉተላ ላታናዉ ዳንዳይያዋንታ ግድያዋ በሴ።

ማልኤላኔ? ካረ ኦልና፣ አሳይ አ የድ ሀመታና ለትን፣ ሰንገላው እይነ ማደና።

14 «ሀ አላመው ህንተ ፖኦ፤ ደርያ ሁጲያን ኬጸቲዳ ካታማይ ገማና ደንዳየና።

15 ጸምፕያ ጸምፕ.ደ፣ ሶይን ደእያ አሳ ኡባው ፖኦና ማላ፣ ዶቁያ ሳን ዋጮፕ አትን፣ ካምያ ሚሻ ግድን ቁምእ ዋልያ አሳይ ኦንነ ባዋ።

16 ሄዋደንካ፣ አሳይ ህንተ ኦልያ ሎኦ ኦሎቀ በኢደ፣ ሳሉዋን ደእያ ህንተ አወዋ ቦንቻና ማላ፣ ህንተ ፖኦ አሳ ሰንገላን ፖኦ።

ሙሴ ህግያባ

17 «ታን ሙሴ ህግያን ናባቱ ታማርሰያዋ ፣ ጳይሳናው ዬዳዋ ህንተው ማላቶፖ፤ ታን ፖላናው ዬዳዋፕ አትን፣ ጳይሳናው ያበይከ።

18 እያው ሳፕ፣ ታን ህንተው ቱሙዋ ኦደይ፣ ሳሉኒ ሳኦይ አጻና ጋካናው፣ ቃይ ኡባባይካ ፖላታና ጋካናው፣ ስ ህግያፕ አት ጫቻይካ ዋይ ቄር ፕደሊካ አ።።

19 ሄዋ ድራው፣ ሀ አዛዙዋ ኡባፕ ጉጽያ እት አዛዙዋ መንልያ ኡራይ ኦንነ፣ ቃይ ሀራቱካ ባረዋደን ሀናናደን ታማርሰያ ኡራይ ኦንነ፣ ሳሉዋ ካወተላን ኡባፕ ጉላ ግዳና፤ ሽን አዛዙዋ ኦልያዋን ሀራንቱካ ኦላናደን ታማርሰያዋ ኦንነ ሳሉዋ ካወተላን ዶቃ ግዳና።

20 እያው ሳፕ፣ ህንተ ጽሎተላይ ሙሴ ህግያ ታማርሰያዋንቱ ጽሎተላፕን ፓርሳዋቱዋ ጽሎተላፕ ዳራና ጳየፕ፣ ሳሉዋ ካወተላ ህንተ ሙላ ገለናዋ ታን ኦደይ።

21 «በን አሳው፣ ኣላ ሞቶፕ፤ አሳ ዋጴዳ ኦንነ ፕርደታና፣ ጌዳዋ ሰሴድታ።

22 ሽን ታን ህንተው ኦደይ፣ ባረ እሻ ህንቀትያ ኡባይ ፕርደታና፤ ባረ እሻ ቦርያ ኡባይ ሻንጉዋ ፕርደዳው ሺቃና፤ ቃይ ባረ እሻ፣ ዶሎዋ ግያ ኡባይ ጋናምያ ታማ ፕርደዳው ሺቃና።

23 ሄዋ ድራው፣ ኔን ያርሽያሳን ያርሽሽን፣ ነ እሻ ናቄዳባይ ነው ሄዋን ሀሳየቶፕ።

24 ነ ያርሹዋ ሄዋን አጋይ ባ፤ ካሰታይ ነ እሻና ሰገታ ድጋ፤ ሄዋፕ ካላ ያደ፣ ነ ያርሹዋ ያርሻ።

25 «ኔና ሞትያዋና ዋዲ ደእሽን ኤላ አናና ሰገታ ድጋ፤ ሄዋ ጳየፕ፣ አ ኔና ዳና ሰንገላ አላና፤ ቃይ ዳናይ ኔና ፖልሰው አሰ እምና፣ ፖልሰ ኔና ቃሾ ገላን የጋና።

26 ታን ነው ቱሙዋ ኦደይ፣ ኔን እት ሳንትሚ አተናን፣ ነ ማጋጨዋ ወርሳደ ጭጋና ጋካናው፣ ሙላካ ቃሾ ሳለፕ ከሳካ።

ዋሹማባው እመቶ ትምርትያ

27 « ዋሹዋፕ ጌዳዋ ሰሴድታ።

28 ሽን ታን ህንተው ያጋይ፣ «ማጫውና ጴሊደ አሞትያ ኡባይ፣ ባረ ዋዛና ግደን ሄ ዋደ አናና ዋሹሜዳ።»

29 ነ ኡሽቻ አይፊ ኔና ናጋራ ኦሰሶፕ፣ ኔፕ ዋጫደ ኦላ አጋ፤ እያው ሳፕ፣ ነ ቦላይ ሙላካ ጋናምያ ታማን ኦላትያዋፕ፣ አፕ አቱ ፓጭንቶ ነው ሎኦ።

30 ቃይ ነ ኡሽቻ ከሺ ኔና ናጋራ ኦሰሶፕ፣ ኔፕ ቃንጸደ ኦላ አጋ፤ እያው ሳፕ፣ ነ ቦላይ ሙላካ ጋናምያ ታማን ኦላትያዋፕ፣ አፕ አቱ ፓጭንቶ ነው ሎኦ።

ማቶላ የደናደን እመቶ ትምርትያ

(ማቶላ 19:9፤ ማር. 10:11-12፤ ሉቃሳ 16:18)

31 « ቃይ ባረ ማቻቶ የድያ ኦንነ እዞ የድያ ፓራማ እሞ፣ ጌተቲዳ።

32 ሽን ታን ህንተው ያጋይ፣ «ባረ ማቻታ ዋሹመናን ደእሽን የድያ ኦንነ እዞ ዋሹማ ከሴ፤ ቃይ አሰናይ የዴዳ ሞሽራቶ አክያዌ ኦንነ ዋሹሜ።»

ጫቀናደን እመቶ ትምርትያ

33 «ቃይ በን አሳው፣ «ዋርዲዋን ጫቆፕ፤ ሽን ነ ሳዳው ጫቄዳዋ ፖላ፣ ጌዳዋ ሰሴድታ።

34 ሽን ታን ህንተው ያጋይ፣ «ኡባካ ጫቆፕ፣፤ ሳሉ ጸሳ ካወተላ ኦይድያ ግድያ ድራው፣ «ሳሉዋን ጫቆፕ፣»

35 ቃይ ሳኦይ አ ገዲ የድያ ሳ ግድያ ድራው፣ «ሳኦ፣ ጫቆፕ፣፤ ቃይካ፣ የሩሳላመ ዋልቃማ ካትያ ካታማ ግድያ ድራው፣ የሩሳላመንካ ጫቆፕ፣»

36 ኔን እት ብናናካ ቦላ ዋይ ካረላ ከሳናው ደንዳየና ድራው፣ «ነ ሁጲያንካ ጫቆፕ።»

37 ሽን ህንተ፣ «ኤ፣ ዋይ፣ «ግደና ጌተ፤ ሀዋንቱፕ ሀራይ ሴጸናፕ ዬ።

ኢታ ኢታን ዛረናደን እመቶ ትምርትያ

(ሉቃሳ 6:29-30)

38 « ኣይፍና ድራው አይፍና፤ አቻ ድራው አቻ፣ ጌዳዋ ሰሴድታ።

39 ሽን ታን ህንተው ያጋይ፣ «ህንተው ኢታባ ኦልያ ኡራው ኢታን ዛርፕ፣፤ ኦንነ ነ ኡሽቻ ባጋ ሻይያ ባቆፕ፣ ነ ሀድርሳ ባጋ ሻይያካ አ በሳ፤

40 ነ ሻምጭያ አካናው እት ኡራይ ኔና ዋቶፕ፣ ሄ ኡራው ነ ኮትያካ ጉጃ እማ።

41 ኦንነ ኔና እት ሳትያ ኦግያ ባረናና ባናደን ዋልቃንሳፕ፣ አናና ላኡ ሳትያ ኦግያ ባ።

42 ኔና ዋሰያ ኡራው እማ፤ ቃይ ኔፕ ታልአና ኮይያ ኡራውካ ድጎ።»

፤ 5:17 ሙሴ ህግያን ናባቱ ታማርሰያዋ- ጉሳይ አይሁድያ ገሻ ማጸፋ፤ ሄዌኔካ ኤጫ ጫቁዋ። ሰ 5:18 ኡባባይካ ፖላታና ጋካናው- ጉሳይ ቃላይ ታማርሰያ ኡባይ ቱማተላን ቆንጫና ጋካናው። 5:21 ከሳ 20:13፤ ዛረ. 5:17 5:27 ከሳ 20:14፤ ዛረ. 5:18 5:29 ማቶላ 18:9፤ ማር. 9:47 5:31 ዛረ. 24:1-4፤ ማቶላ 19:7፤ ማር. 10:4 5:32 ማቶላ 19:9፤ ማር. 10:11-12፤ ሉቃሳ 16:18፤ 1 ቆር. 7:10-11 5:33 ማቶላ 19:12፤ ገይ. 30:2፤ ዛረ. 23:21 5:35 ኢሳ. 66:1፤ ማዝ. 48:2 5:38 ከሳ 21:24፤ ዋጋ 24:20፤ ዛረ. 19:21 5:43 ከሳ 19:18



ሞርክያ ሲቃና ማላ እመቶ ትምርትያ  
(ሉቃሳ 6:27-36)

43 “ሳ ላገላቱዋ ሲቃ፤ ነ ሞርክያ ሞርካ፣  
ጌዳዋ ሰሴድታ።

44-45 ሸን ታን ህንተዉ ያጋይ፤ ሳሉዋን ደእያ ህንተ እዋ ናና ግዳና ማላ፣ ህንተ ሞርከቱዋ ሲቅተ፤ ህንተና ሸቄያዋንታ እንጅተ፤ ህንተና እጽያዋንቶ ሎኦባ ኦሳተ፤ ህንተና የደርሰያዋንቶ፣ ጸሳ ዋሰተ፤ እያዉ ጎጥ፣ ኢታ ኦሳዉካ ሎኦ ኦሳዉካ ጸሳይ ባረ እዋ እዋጽ፡፡ ቃይ ጽላቶካ ናጋራንቻቶካ ባረ እራ ቡክሴ።

46 ህንተ ህንተና ሲቅያዋንቱ ጸላላ ሲቆጥ፣ ህንተዉ እይ ዋይታይ ደእ? ሀራይ እቶ፣ ናጋራንቻቱካ ሄዋዳን ኦላፍ።

47 ህንተ ህንተንቱ እሻቱዋ ጸላላ ሳርቶጥ፣ ሀራቱ ኦሳያዋጥ እጅያባ እያ ኦላፍቱ? ሀራይ እቶ፣ እይሁደ ግደና እሳይካ ሄዋዳን ኦላ።

48 ሄዋ ድራዉ፣ ሳሉዋን ደእያ ህንተ እዉ ፖሎ ግደዋዳን፣ ህንተካ ፖሎ ግደተ።

### 6

ህይዳዉ እምያ ማራ ታማርሱዋ

1 “ህንተ ሎኦ ኦሉዋ ኦሳ በሳናዉ ኦሳ ሰንላን ኦሳና ማላ ናገትተ፤ ሄዋ ቆየጥ፣ ሳሉዋን ደእያ ህንተ እዉ ህንተዉ ጋትያ እመና።

2 “ሄዋ ድራዉ፣ ህንተ እዉደን ህይዳዉ እምያ ዋይ፣ ሎኦ ማላትያ ኢታቱ ባረንታ ቦንቶሳናዉ፣ እይሁዳ ዋሳ ጎለንነ ኦግያን ሀራን በኢታናዉ ኦሳያዋዳን ኦሳጥተ፤ ታን ህንተዉ ቱሙዋ ኦላይ፤ ኦንቱንቱ ባረንቱ ጋትያ እክ ድጌድፍ።

3-4 ሸን ኔን ህይዳዉ እምያ ዋይ፣ ጌማን እማናዳን፣ ነ ኡሸቻ ኩሺ ኦሳያዋ ሀድርሳ ኩሺ ኤርፖ። \* ጌማን ኦላዳዋ በእያ ነ እቡ፣ ነ ሎኦ ኦሉዋ ጋትያ ዛራናዋ።

ዋሳባ  
(ሉቃሳ 11:2-4)

5 “ጸሳ ዋሲደ፣ ሎኦ ማላትያ ኢታቱዋዳን ሀኖጥተ፤ እያዉ ጎጥ፣ ባረንታ እሳይ በእና ማላ፣ እይሁዳ ዋሳ ጎለንነ ኦግያ ድናን ኡቄደ፣ ጸሳ ዋሲደ ዋሲደ፣ ታን ህንተዉ ቱሙዋ ኦላይ፤ ኦንቱንቱ ባረንቱ ጋትያ ኡባካ እኬድፍ።

6 ሸን ኔን ጸሳ ዋሲደ ዋይ፣ ነ ጎለ ገላ፤ እናላ ቃቻደ፣ ቤተና ነ እዉዋ ዋሳ፤ ጌማን ኦሳቶዋ በእያ ነ እቡ ነዉ እማናዋ።

7 “ጸሳ ህንተ ዋሲደ ዋይ፣ ጸሳ እማንና ኦሳዳን፣ ሙ ሙላ ዛራቱዋ ዳርሶጥተ፤ ኦንቱንቱ ሃሳያ ዳራዋን ሰሰቱ ጌደ ቆጥፍ።

8 ሄዋ ድራዉ፣ ሄ ኦሳዳን ሀኖጥተ፤ እያዉ ጎጥ፣ ህንተ እቡ ህንተና ኩሸያዋ ህንተንቱ ዋሳናጥ ካሰቲደ ኤራ።

9 “ሰም ህንተንቱ ሀዋ ማላ ዋሳ ዋሰተ፤ “ሳሉዋን ደእያ ኑ እቡ።

ነ ጌሻ ሱንሳይ እንጀቶ።

10 ነ ካዉተላይ ዮ፤ ነ ሸኒ ሳሉዋን ሀኔዳዋዳን፣ ሳንካ ሀኖ።

11 ጋላሳን ጋላሳን ኩሸያ ቁማ ኑዉ ሀቼ እማ።

12 ኑን ኑና ናቆዋንቶ እቶ ያግያዋዳን፣ ኔንካ ኑ ናቆዋ እቶ ጋ።

13 ኑና ኢታባጥ እሻጥ እትን፣ ፓጭያን ገልሶጋ።

ካዉተላይ፣ ዋልቃይን ቦንቹ ሙድናዉካ ኔሳ። እመንእ።”

14 “ህንተንቱ ህንተና ናቆዳ ሀራ ኦሳ ናቆዋ እቶ ጎጥ፣ ሳሉዋን ደእያ ህንተንቱ እዉካ ህንተዉ እቶ ጋና።

15 “ሸን ህንተንቱ ህንተና ናቆዳ ሀራ ኦሳ ናቆዋ እቶ ጋና ቆየጥ፣ ህንተንቱ እዉካ ህንተ ናቆዋ እቶ ጌና።

ጸማባ

16 “ቃይ ህንተንቱ ጸምያ ዋይ፣ ሎኦ ማላትያ ኢታቱዋዳን፣ ካየትያዋ ማላቶጥተ፤ እያዉ ጎጥ፣ ኦንቱንቱ ጸምያዋ ኦሳይ በእና ማላ፣ ባረንቱ ሶምእያ ቡላልሲና፤ ታን ህንተንቶ ቱሙዋ ኦላይ፤ ኦንቱንቱ ባረንቱ ጋትያ እኬድፍ።

17-18 “ሸን ህንተንቱ ጸምያ ዋይ፣ ህንተንቱ እቡ ህንተ ጸምያዋ ኤርጥ እትን፣ ኦሳይ ኤርና ማላ፣ ህንተ ሶምእያ ሜጨትተ፤ ህንተ ሁጲያካ እክትተ፤ ያቶጥ፣ ቤተና ህንተ እዉ ህንተንቱ ኦሳያዋ ጌማን በኢደ፣ ህንተ ጋትያ እማናዋ።

ሳሉዋን ደእያ ሚሻባ  
(ሉቃሳ 12:33-34)

19 “ሚሻ ብልእይ ምያሳንነ ብራታይ ሸኢደ ባይዝያሳን፣ ካይሱካ ቦኪደ ዉኢያሳን፣ ሀ ሳኣን ህንተንቱ ሁጲያዉ ዳጋዮጥተ።

20 ሸን ብልእይ ሜናሳንነ ሸኤና ሳን፣ ካይሱካ ቦኪደ ዉኤና ሳን ህንተንቱ ሁጲያዉ ሳሉዋን ሚሻ ዳጋይተ።

21 እያዉ ጎጥ፣ ነ ዋዛናይ ነ ሚሻይ ደእያ ሳን ደእና።

ቦላ ፖኡዋባ  
(ሉቃሳ 11:34-36)

22 “ቦላ ፖኡ እይፍያ፤ ሄዋ ድራዉ፣ ነ እይፊ ፓጸ ግደጥ፣ ነ ቦላ ኡባይ ፖኡ ግደና።

23 ሸን ነ እይፊ ፓጸ ግደና ቆየጥ፣ ነ ቦላ ኡባይ ቆማና፤ ሰም ኔናን ደእያ ፖኡ ቆሞጥ፣ ቆማይ እይ ኬናኔ።

ደኦ ሀርጋናዉ በሰና  
(ሉቃሳ 16:13፤ 12:22-31)

5:48 ከሳ 19:2፤ ዛረ. 18:13 \* 6:3-4 ኡሸቻ ኩሺ ኦላዳዋ ሀድርሳ ኩሺካ ኤርፖ፣ ጉሳይ ጸሳጥ እትን፣ ኦን ኤርፖ ጉሳ። 6:15 ማር. 11:25-26 6:19 እያሳ 5:2-3

24 “ላሊ ጎዳቶ ሞደታናዉ ዳንዳይያዌ ኦንነ ባዋ፤ እያዉ ጎጥ፤ እቱዋ እጹደ፤ የኩዋ ሲቄ፤ ዋይ እቱዋ ቦንቹደ፤ የኩዋ ካዴ፤ እት አሳይ ጸሳዉን ሻሎ ሞደታናዉ ዳንዳይያና።

25 “ሄዋ ድራዉ፤ ታን ህንተንቱ ኦዳይ፤ ህንተ ደኦ ማናባዉን ኡሻናባዉ፤ ዋይ ህንተ ቦላዉ ማናናባዉ ህርጎጥተ፤ ሸምፑ ቁማፕ አ፳ኔ? ቃይ ቦላይ ማዩፕ አ፳ኔ?

26 ፓልያ ካፋቱዋ ጸልተ፤ ኡንቱንቱ ዘርክና፤ ጫክክና፤ ድይያንካ ቆልክና፤ ሸን ሳሎዋን ደእያ ህንተንቱ አዉ ኡንቱንታ ሞኪ፤ ህንተንቱ ኡንቱንቱፕ ሎይል ዳርክቱ?

27 ህንተንቱ ግደን ዳርሰ ህርጊደ፤ ባረ ጌሳ ቦላ እት ዋቆ ጉጅናዉ ዳንዳይያዌ ኦኔ?

28 “እያዉ ማዮ ህርጊቱ? ደምባን ደእያ ጨሻቱ ዋት ድጨኖንቶ፤ አከክ ጸልተ፤ ኡንቱንቱ ዳቡርክና ዋይ ፑቱዋ ሱቁክና።

29 ሸን ታን ህንተንቱ ኦዳይ፤ ሀራይ አቶ፤ ሶሎዋን ሄዋ ኪና ቦንቹቲዳዋ ግድደ፤ ሄ ጨሻቱዋፕ አቱዋ ማላካ ማይቤና።

30 ሸን ላፋ እማኑ ደእያዋንቶ፤ ጸሳይ፤ ሀቼ ደኢደ፤ ዋንት ታማን ኤጽያ ደምባ ማታ ማይዘያዌ፤ ህንተና ኡንቱዋፕ አሊደ ዋት ማይዘኔ?

31 ሰም፤ ሉን እያ ማኔ? ዋይ እያ ኡሻኔ? ዋይ እያ ማያኔ? ያጊደ ህርጎጥተ።

32 እያዉ ጎጥ፤ ሄ ኡባባ ጸሳ እማናባንቱ ዳርሲደ ኮዩና፤ ሄ ኡባባ ህንተና ኮሸያዋ ሳሎዋን ደእያ ህንተንቱ አዉ ኡራ።

33 ሸን ካሰቲደ፤ ጸሳ ካዉተላን አ ጽሎተላ ኮይተ፤ እ ህንተንቱ ሄ ኡባባ እማና።

34 ሄዋ ድራዉ፤ ዋንትባዉ ህርጎጥተ፤ እያዉ ጎጥ፤ ዋንት ጋላሳይ ባረዉ ህርጋና፤ ጋላሳ ኡባዉካ እ ሀጻዉ ግድያ ዋዩ ደኤ።

### 7

ሀራ አሳ ቦላ ፕርዳናዉ ኮሸና (ሉቃሳ 6:37-42)

1 “ጸሳይ ህንተንቱ ቦላ ፕርደና ማላ፤ ህንተካ ሀራቱዋ ቦላ ፕርደፕተ።

2 እያዉ ጎጥ፤ ህንተንቱ ሀራቱዋ ቦላ ፕርደያዋዳን፤ ጸሳይ ህንተንቱ ቦላ ፕርደና፤ ቃይ ህንተንቱ ሀራቶ እማናዉ ማክያባን እ ህንተዉ ማካና።

3 ነ እይፍያን ደእያ ቱሳ በእካ፤ ሸን ነ እሻ እይፍያን ደእያ ሱላ እያዉ ጸላይ?

4 ዋይ ነ እይፍያን ቱሳይ ደእሸን፤ ኔን ነ እሻ፤ ጥን ነ እይፍያፕ ሱላ ከሶ ዋናደ ጋናዉ ዳንዳይያ?

5 ላ ሀ ሎኡዋ ማላትያ ኢታዉ! ካሰታደ ነ እይፍያፕ ቱሳ ከሳ ድጋ፤ ሄዋፕ ጉይያን፤ ነ እሻ እይፍያፕ ሱላ ከሳናዉ ጌሻደ ጸላናዉ ዳንዳይያ።

6 “ጌሻባ ካናቶ እሞፕተ፤ ኡንቱንቱ ጉዮ ሰሚደ፤ ህንተና ሳአና። ቃይ እንቁዋ ጌተትያ

ህንተንቱ አልኦ ሹቻ ጉዲንሳቱዋ ሰንላን አሎፕተ፤ ኡንቱንቱ ባረንቱ ገድያን የቆና።

ዋሰተ፤ ኮይተ፤ ካርያኮ ዪደ ጸሰተ (ሉቃሳ 11:9-13)

7 “ዋሰተ፤ ህንተ አካና። ኮይተ፤ ህንተ ደማና፤ ካርያኮ ዪደ ጸሰተ፤ ህንተዉ ፕንጊ ደፃታና።

8 እያዉ ጎጥ፤ ዋሰያ ኡባይ አካና፤ ኮይያ ኡራይ ደማና፤ ቃይ ካርያኮ ዪደ ጸሰያ ኡራዉ ፕንጊ ደፃታና።

9 ዋይ ህንተንቱ ግደን ባረ ናአይ፤ ሉክላ እማ፤ ጎጥ፤ ሹቻ እምያ አዉ ደኢ?

10 ቃይ፤ ሞልያ እማ፤ ጎጥ፤ አዉ ሹሻ እማናዋ?

11 ህንተንቱ ኢታ ግዲደ፤ ህንተንቱ ናናቶ ሎኦባ እምያዋ ኤርፕ፤ ያትና፤ ሳሎዋን ደእያ ህንተንቱ አዉ ባረና ዋሰያዋንቶ ሎኦባ ዋት ዳርሰ አመኔ!

12 “ሄዋ ድራዉ፤ ሀራ አሳይ ህንተዉ ኦላናዉ ኮይያ ኡባባ ህንተካ አሳዉ አሳተ፤ እያዉ ጎጥ፤ ሙሴ ህግያ ብለላይን ናባቱ ታማርሰያዋ ሀዋ።

እንኦ ፕንግያባ (ሉቃሳ 13:24)

13 “እንኦ ፕንግያና ገልተ። እያዉ ጎጥ፤ ባየላዉ አፍያ ፕንጊ አኩዋ፤ ኦኒካ ዋጋ። ሄዋና ገልያ አሳይካ ጮራ።

14 “ሸን፤ ደኦ አፍያ ፕንጊ ኡንኦ፤ ኦኒካ ጸንላ። ቃይ ሄዋ ደምያዋንቱካ ጉላ።

ምላይ ባረ እይፍያን ኤረቲ (ሉቃሳ 6:43-44)

15 “ቦላ ባጋና ደርሳ ማላቲደ፤ ህንተኮ ይያ ዋርደ ናባቱዋፕ ናገትቱ፤ ሸን ኡንቱንቱ ጋርሳ ባጋና ዋላቱዋ ማላ።

16 ኡንቱንቱ እይፍያ እይፍያዋን ህንተ ኡንቱንታ ኤራና፤ አገንሳይ ዋደንላ እይፍያ እይፍያ፤ ጎምኦሪካ ኮክያ እይፍያ እይፍያ።

17 ሄዋዳንካ፤ ሎኦ ሞላ ኡባይ ሎኦ እይፍያ እይፍያ፤ ሸን ኢታ ሞላይ ኢታ እይፍያ እይፍያ።

18 ሎኦ ሞላይ ኢታ እይፍያ እይፍያናዉ ዳንዳይያ፤ ቃይ ኢታ ሞላይካ ሎኦ እይፍያ እይፍያናዉ ዳንዳይያ።

19 ሎኦ እይፍያ እይፍያ ሞላ ኡባይ ቃንጸቲደ፤ ታማን የገታና።

20 ሄዋ ድራዉ፤ ህንተ ኡንቱንቱ እይፍያ እይፍያዋን ኡንቱንታ ኡራንታ።

21 “ሳሎዋን ደእያ ታ አኩ ጌዳዋ አልያ ኡራይ ሳሎዋ ካዉተላ ገልፕፕ ለትን፤ ሳዳዉ፤ ጎዳዉ፤ ግያ ኡባይ ገለና።

22 ፕርዳ ጋላሰ ዳሮ አሳይ ታና፤ ሳዳዉ፤ ጎዳዉ፤ ኩን ነ ሱንላን ጸሳይ ኪቶዋ ኡድባይኮ? ነ ሱንላን ጸላሀቱዋ ከሰባይኮ? ቃይ ኩን ጸሳይ አልያ ማላልሰያባ ነ ሱንላን አልባይኮ? ያጋናዋንታ።

23 ታን ሄ ዋይ ኡንቱንታ፤ ጥን ህንተና ኡባካ ኤርከ፤ ኢታባ አልያዋንቱ ህንተ ታ ማታፕ ሃክተ፤ ያጋና።

ላኡ ማላ ጎላቱዋ  
(ሉቃስ 6:47-49)

24 “ሕዋ ድራው፤ ሀዋ ታ ቃላ ስሲደ ኦልያ ኡባይ ሞኖ ዛላ ቦላ ባረ ጎልያ ኬጾዳ ዋዛናማ አሳ ማላ።

25 እራይ ቡኪደ፤ ድኡ ድኤዳ፤ ጫርኩካ ጫርኪደ፤ ሄ ጎልያ ሱጌዳ። ሽን ጎሊ ሞኖ ዛላ ቦላ ኬጾቲዳ ድራው፤ ኩንድቤና።

26 “ሀዋ ታ ቃላ ስሲደ ከፍ አሳይ ኡባይ፤ ባረ ጎልያ ሻፍያ ቦላ ኬጾዳ ቦዛ አሳ ማላ።

27 እራይ ቡኪደ፤ ድኡ ድኤዳ፤ ጫርኩካ ጫርኪደ፤ ሄ ጎልያ ሱግና፤ ጎሊ ኤለካ ኩንዴዳ። ሄ ጎሊ ዋልቃማ ኩንደላ ኩንዴዳ።”

28 የሱስ ባረ ሃሳይያዋ ወርሴዳ ዋደ፤ አሳይ እ ታማርሰያዋን ማላለቲድና።

29 እያወ ጎጥ፤ እ ኤንቱንታ ታማርሲደ፤ ሙሴ ሀግያ ታማርሰያዋንቱዳን ግደናን፤ ማታይ ደእያ አሳዳን ታማርሶ ድራሳ።

**8**

የሱስ ኦሎ ኦይቄዳ ብታንያ ፓሌዳ  
(ማር. 1:40-45፤ ሉቃስ 5:12-16)

1 የሱስ ደርያፕ ዋዴዳ ዋደ፤ ጮራ አሳይ አ ካሊዳ።

2 ሄ ዋደ ኦሎ \* ኦይቄዳ እት ብታኒ የሱሳኮይ አ ስንሳን ጉልባቲደ፤ “ጎዳው፤ ነ ሽን ግደፕ፤ ታና ፓላደ ጌሻናወ ዳንዳያ” ያጌዳ።

3 የሱስ ባረ ኩሽያ የድ አ ቦቹደ፤ “ታን ኮያይ፤ ፓጾደ ጌያ!” ያጌዳ። ኤለካ ኦሎ ብታንያ የድ አጌዳ።

4 የሱስ እ፤ “ሰም ሀዋ እስን ኦደፓ፤ ሽን ቄሳኮ ባረ ነ ፓጾደ ጌዴዋዋ አ በሳ፤ ነ ፓጾደ ጌዴዋዋ አሳ ኤርሳናወ ሙሴ አዛዜዳ ያርሹዋ ጸሳወ ያርሻ” ያጌዳ።

የሱስ ጾቱዋ ካፑዋ ቆማ ፓሌዳ  
(ሉቃስ 7:1-10)

5-6 የሱስ ቅፍርናሆማ ካታማ ገሌዳ ዋደ፤ እት ሮማ ጋደ ጾቱዋ ካፑ እኮ ዪደ፤ “ታ ጎዳው፤ ታ ቆማ ቦላይ ጉንድና፤ ዳር ሳከቲደ፤ ሰይን ግሴዳ፤ ሀያ ጎደ ታወ ፓሳርኪ” ያግ ዋሴዳ።

7 የሱስ፤ “ታን ባደ አ ፓላና” ያጌዳ።

8 ሽን ጾቱዋ ካፑ ዛርደ፤ “ታ ጎዳው፤ ኔና ታ ሰይ ገልሳናወ ታወ በሰና፤ ሽን ኔን ቃላ ጸላላ ሃሳያ፤ ታ ቆማይ ፓጾናዋ።

9 እያወ ጎጥ፤ ታን ታፕ ቦላና ደእያዋንቶ ኤኖ ግያ አሳ፤ ቃይ ታፕ ጋርሳና ዋታዳራቱ ደእና። ታን እቱዋ፤ “ባ!” ጎጥ ቤ፤ ቃይ የኩዋ፤ “ሃያ!” ጎጥ ዪ፤ ታ ቆማ፤ “ሀዋ ኦላ!” ጎጥ ኦሌ” ያጌዳ።

10 የሱስ ሕዋ ስሴዳ ዋደ ማላለቲደ፤ ባረና ካልያ አሳ፤ “ታን ሀንተወ ቱሙዋ ኦዳይ፤ ታን ሀዋ ማላ አማኑዋ ሀራይ አቶ፤ እስራኤልያ ጋድያንካ በአቢይከ።

11 ጮራ አሳይ አዋይፊ ዶልያ ባጋፕን ወልያ ባጋፕ ዪደ፤ አብራሃሞና፤ ይሳቃናን ያቆባና ሳሉዋ ካወተላ ጋይታን እትፕ ኡታናዋንታ ያጋይ።

12 ሽን ካወተላን ደእናወ በሰያ አሳይ ዋልቃማ ቆማ ጋርሳ ካረ ኦላታና፤ ሕዋን ኤንቱንቱ ዪካናን ባረንቱ አቻ ቆቃናዋንታ” ያጌዳ።

13 ሕዋፕ ካላ የሱስ ጾቱዋ ካፑዋ፤ “ነ ሰይ ባ፤ ኔን አማኔዳዋዳን ነወ ሀኖ” ያጌዳ፤ ጾቱዋ ካፑዋ ቆማይ ሄ ሳትያንካ ፓጾ አጌዳ።

የሱስ ጮራ አሳቱዋ ኤንቱንቱ ሀርግያፕ ፓሌዳ

(ማር. 1:29-34፤ ሉቃስ 4:38-41)

14 የሱስ ጸጽሮሳ ሰይ ቢደ፤ አ ቦሎታታ ቆጶዋ ሀርጋደ ግሴዳወኖ በኤዳ።

15 እዝ ኩሽያ የሱስ ቦቶና፤ ቆጶ እዝ ባሽ አጌዳ፤ እዛካ ደንዳደ አወ ሞያባ ጊግሳዳ።

16-17 ሳኦይ ኦማርሴዳ ዋደ፤ አሳይ ኢታ አያናቱ ኦይቄዳ ጮራ አሳ የሱሳኮ ኦሄዳ፤ ናብያ ኢሰያሰ፤ “እ ኦ ዳቡራ ባረወ እኬዳ፤ ቃይ ኦ ሀርግያካ ቶኬዳ” ያጌዳዋ ፖለታና ማላ፤ የሱስ ኢታ አያናቱዋ ባረ ቃላን ከሲደ፤ ሀርጌዳ አሳ ኡባካ ፓሌዳ።

የሱሳ ካልያዋንታ ጋክያ ሙቱዋ  
(ሉቃስ 9:57-62)

18 የሱስ ጮራ አሳይ ባረ ዩቹዋን ደእያዋንታ በኢደ፤ አባፕ ሄፍጎላ ፕናና ማላ፤ ባረና ካልያዋንታ አዛዜዳ።

19 ሕዋፕ ጉይያን ሙሴ ሀግያ ታማርሰያ እቱ እኮ ዪደ፤ “ታማርሰያዋ፤ ኔን ብያሳ ኡባ ታን ኔና ካላና” ያጌዳ።

20 የሱስ እ፤ “ዋራካናቶ ኦላይ ደኤ፤ ካፋቱዋሰካ ኬላይ ደኤ፤ ሽን ታወ፤ አሳ ናአወ፤ ሸዋፕ አክያሳይካ የሰማ” ያጌዳ።

21 ቃይ ካልያዋንቱ እቱ የሱስ፤ “ጎዳው፤ ታን ስንሳታ ባደ ታ አባ ሞጋናወ ባ ያጋርኪ” ያጌዳ።

22 ሽን የሱስ እ፤ “ኔን ታና ካላ፤ ሀይቄዳዋንቱ ባረንቱ እሃ ሞግና” ያጌዳ።

የሱስ ጎቱዋን ቤታ ጮኤ ኦሌዳ  
(ማር. 4:35-41፤ ሉቃስ 8:22-25)

23 የሱስ ሞንግርያን ገሎደ፤ አ ካልያዋንቱ አናና ቤድኖ።

24 ቤታይ ዋንግርያ ሞታና ጋካናወ፤ አባን ዋልቃማ ሆቢ ደንዴዳ፤ ሽን የሱስ ገሞእሼዳ።

25 አ ካልያዋንቱ እኮ ቢደ፤ ገሞእሹዋፕ ደንሌድኖ፤ ሕዋፕ ሰሚደ እ፤ “ጎዳው፤ ኦን ቆዬቶ፤ ኦና አሻርኪ” ያጌድኖ።

26 የሱስ ኤንቱንታ፤ “ሀ አማኔ ፓጮድዋንቶ፤ እያወ ያዩቱ?” ያጌዳ። ሕዋፕ ጉይያን ደንዴደ፤ ጎቱዋን ቤታ አግተ ገና፤ ጎቱን ቤታይ ጮኤ ጌዳ።

\* 8:2 ኦሎ ኦይቄዳ አሳ ቦላይ ቦጼ። ሀዋ ሳክያ አሳይ ሄ ዋደ ደኤዋን አሳና ደእያ ዋጋ ኡባፕ ሻከቲደ ደኤ። ቃይካ ጌሻ ግደና ጌተቲደ ሀራ አሳን ጸሱቱ። 8:4 ዋጋ 14:1-32 8:16-17 አሳ. 53:4

27 አሳይ ማላለቲድ፡ “ሀዋ ላ ሀራይ እቶ፣ ጎቱን ቤታይ አዛዘትያዌ አይባ አሴ?” ያጌድኖ።

የሱስ ኢታ አያናይ እይቄዳ ላኡ አሳቱዋ ፓሌዳ (ማር. 5:1-20፤ ሉቃስ 8:26-39)

28 የሱስ ጋሊላ አባጥ ሄፍንጎን ደእያ ገርገሰኖና ጌተትያ ጋድያ ፕኔዳ፤ ኢታ አያናቱ እይቄዳ ላኡ አሳቱ ሄ ጋድያን ደእያዋንቱ ዲፋዋጥ ከሲድ፡ አናና ጋከቱድኖ። ኢንቱንቱ ዳር ኢታ ግድያ ድራሬ፡ ኦንነ ሄ ኦግያና አፋናዉ ዳንዳይቤና።

29 ኢንቱንቱ ባረንቱ ቃላ ቶቁ አላደ፡ “ጸሳ ናአው፡ ኮናና ነዉ እይ አላላ ደኢ? ዋዲ ጋከናን ኮና ሙራራዉ ያዲ?” ያጌድኖ።

30 ኢንቱንቱ ላፋ ሃክያሳን ጉዲንጎ ዉዲ ሃሙቲ።

31 ኢታ አያናቱ የሱሳ፡ “ኔን ኮና ከሰያዋ ግደጥ፡ ህን ጉዲንጎ ዉድያ ግደ ያደርኪ” ያጌደ ዋሴድኖ።

32 የሱስ ኢንቱንታ፡ “ቢተ!” ገና ኢንቱንቱ ብታናቱዋጥ ከሰ ቢደ፡ ጉዲንጎቱዋን ገሌድኖ። ጉዲንጎ ዉዲ ኡባይ ካካ ላንቄያና ካጀቲድ፡ አባን ገሊደ፡ ሞተት አጌድኖ።

33 ጉዲንጎ ዉድያ ሃምያዋንቱ ባቃቲደ ካታማ ብ አጌድኖ፤ ቤዳሳን ኢታ አያናቱ እይቄዳ አሳቱ ሀኔዳባ ኡባ እዳድኖ።

34 ሃዋ ሰሴዳ ካታማን ደእያ አሳይ ኡባይ የሱሳና ጋከታናዉ ከሴድኖ፤ አ በኤዳ ዋደ፡ ባረንቱ ጋድያጥ ባና ማላ ዋሴድኖ።

### 9

የሱስ ቦላይ ጉንዴዳ ብታንያ ፓሌዳ (ማር. 2:1-12፤ ሉቃስ 5:17-26)

1 ሀዋጥ ካላ የሱስ ምንግርያን ገሊደ፡ አባ ፕጊደ፡ ባረ ካታማ ዬዳ።

2 አማራዳ አሳይ ቦላይ ጉንዴዳ እት ብታንያ ሻንቻማን ቶኪደ፡ የሱሳኮ አሄድኖ፤ የሱስ ኢንቱንቱ አማኑዋ በኢደ፡ ቦላይ ጉንዴዳ ብታንያ፡ “ታ ናአው፡ ያዮፓ፤ ነ ስጋራይ እቶ ጌተቱዳ” ያጌዳ።

3 ህግያ ታማርሰያዋንቱጥ እቱ እቱ ባረንቱ ዋዛናን፡ “ላ ሀ ብታንጊ ጸሳ ቦላ ኢታባ ሃሳይቲ!” ያግ ቆፕድኖ።

4 የሱስ ኢንቱንቱ ቆፋ ኤሪደ፡ ኢንቱንታ ሀዋዳን ያጌዳ፤ “ህንተንቱ ህንተ ዋዛናን ሀዋ ማላ ኢታባ አያዉ ቆፕቲ?”

5 ና ስጋራይ እቶ ጌተቱዳ፡ ያግያዋ ማቲዬ? ዋደ፡ “ደንዳ ኤቃደ ሀመታ” ያግያዋ ማቲ?

6 ሸን ሳኦ ቦላን ስጋራ እቶ ጋናዉ ታዉ፡ አሳ ናአው፡ ማታይ ደእያዋ ታን ህንተና ኤርሳና” ያጌደ፡ ሃዋጥ ጉዮ አ ሄ ቦላይ ጉንዴዳ ብታንያ፡ “ደንዳ ኤቃ፤ ያታደ ነ ሻንቻማ ቶካደ፡ ነ ጎላ ባ” ያጌዳ።

7 ጉንዴዳ ብታንካ ደንድ ኤቁደ፡ ባረ ጎላ ቤዳ።

8 ሸን ዳር አሳይ ሃዋ በኢደ ያዬድኖ፤ አሳዉ ሀዋ ማላ ማታ አሜዳ ጸሳ ጋላቲድኖ።

የሱስ ሊዊያ ማቶሳ ጴሴዳ (ማር. 2:13-17፤ ሉቃስ 5:27-32)

9 የሱስ ሄዋና አጂደ፡ ማቶሳ ያግያዋ ቃራጸ ቃንጽያ ሳን ኡቲዳዋ ደሚደ እ፡ “ታና ካላ” ያጌዳ።

ማቶሳካ ደንድ ኤቁደ፡ አ ካሌዳ።

10 የሱስ ማቶሳ ጎሊን ቁማ ማናዉ ኡት ደእሸን፡ ቃራጸ አክያ ጮራ አሳይነ ናጋራንቻቱ ዪደ፡ አናና አ ካልያዋንቱና እትጥ ጋይታን ኡቲድኖ።

11 እት እት ፓርሳዋቱ ሃዋ በኢደ፡ የሱሳ ካልያዋንታ፡ “ህንተና ታማርሰያዋ ቃራጸ ቃንጽያዋንቱና ናጋራንቻቱዋና ቁማ አያዉ እትጥ ማ?” ያጌድኖ።

12 ሸን የሱስ ኢንቱንቱ ያግያዋ ሰሲደ፡ “ሀርጋንቻቱዋጥ እትን፡ ፓጸቶ አክሚ ከሸና።

13 ሸን ህንተንቱ ቢደ፡ ጸሳ ማጸፋይ፡ ታን ማርተላ ኮያይጥ እትን፡ ያርሹዋ ኮይከን ያግያዋ ዋግያዌንቶ ኤርተ፤ አያዉ ጎጥ፡ ታን ናጋራንቻቱዋ ጸሳናዉ ዬዳዋጥ እትን፡ ጽላቱዋ ጸሳናዉ ያበይከ” ያጌዳ።

ጸማባ ኦቼዳ አሻ

(ማር. 2:18-22፤ ሉቃስ 5:33-39)

14 ሄ ዋደ ዮሃንሳ ካልያዋንቱ የሱሳኮ ዪደ፡ “ኦንነ ፓርሳዋቱ ኡባ ዋደ ጸሜቶ፤ ሸን ኔና ካልያዋንቱ አያዉ ጸምክኖ?” ያጌደ አ ኦቼድኖ።

15 የሱስ ኢንቱንታ፡ “ቡላቻ ዬዳ አሳይ ማቻቶ አክያዋ ባረንቱና ደእሸን፡ ካዮታናዉ ዳንዳይኖ? ዳንዳይክኖ፤ ሸን ማቻቶ አክያዋ ኢንቱንቱ ማታጥ አፋና ዋዲ ያና፤ ኢንቱንቱ ሄ ዋደ ጸማናዋንታ” ያጌዳ።

16 “ኤጫ ማዩዋ ቦላ ኦራላ ፩ፍያ ዋሊደ ሰክያ አሳይ ባዋ፤ አያዉ ጎጥ፡ ኦራላ ፩ፊ ኤጫ ማዩዋ ፔ፩ፊናና፤ ፔ፩ፊካ ካሰዋጥ ዳራናዋ።

17 ሆኦ ዋይንያ ኤሳ ኤጫ ኦጎሩዋን ናእያ አሳይ ባዋ። ሸን ናአጥ፡ ሄ ዋይንያ ኤሳይ ኦጎሩዋ ዳካና፤ ባረዉካ ዋፈታና፤ ኦጎሩካ ባያናዋ። ሸን፡ ሆኦ ዋይንያ ኤሳ ኦራላ ኦጎሩዋን ናአናዉ በሴ፤ ላኡካ ባይክኖ” ያጌዳ።

ያእርሳ ናትባነ የሱሳ ማዩዋ ቦቼዳ ሞሽራትባ

(ማር. 5:21-43፤ ሉቃስ 8:40-56)

18 የሱስ ኢንቱንቶ ሃዋ ኦድሸን፡ አይሁደ ዋሳ ጎላ ካፓቱዋጥ እቱ እኮ ይ አ ሰንጎን ጉልባቲደ፡ “ታ ናታ ሀኢ ሀይቃዲ፤ ሸን ኔን ያደ ነ ኩሽያ እዝ ቦላ ዋላርኪ፤ እዛ ደኡዋን ደአናዉኡ” ያጌዳ።

19 የሱስ ደንዲደ፡ ባረና ካልያዋንቱና እትጥ ብታንያ ካሊደ ቤዳ።

20 ሄ ዋደ ታማን ላኡ ላይላ ኩመንጎ፡ እዝ ቦላጥ ሱላይ ጎግያ እት ሞሽራታ ጉዮና ሸቃደ፡ የሱሳ ማዩዋ ማጫራ ቦቻዲ።

21 ሀዋ እዛ ኦላዌ፡ እዛ ባረ ዋዛናን፡ “ታን አ ማዩዋ ጸላላ ቦቻንቶ ፓጸና፡ ያጋደ ቆፓዳ።

22 ሽን የሱስ ዩይ እዞ ጸሊድ፣ “ታ ናቴ፣ ያዮ፣ ኔና ነ አማኑ ፓሴዳ” ያጌዳ። ሄ ማንእያን ሞሽራታ ፓጸ አጋዴ።

23 የሱስ አይሁዳ ዋሳ ጎሊ ካፈዋ ሶይ ጋኬዳ ዋድ፣ ዩኩዋን ድንካ ፑንያ አሳነ ዩክያ አሳ በኢድ።

24 “ካረ ከሰተ፤ ጉላ ናታ ገሞአሻዲ፣ ለትን፣ ሀይቃበይኩ” ያጌዳ። ሄዋ፣ ጉይያን አሳይ አ ሶላ ዳሪ ሚጠፎዳ።

25 ሽን ጮራ አሳ ካረ እ ከሴዳዋ፣ ጉይያን፣ ጎሊ ገሊድ፣ ናት ኩሽያ ኦይቄዳ፤ ናታካ ደንዳ አጋዴ።

26 ሄ ዋሪ፣ ሄ ማንእያን ሄ ጋድያን ኡባን ሰሰቴዳ።

የሱስ ላኦ ቆቃቱዎ ፓሴዳ

27 የሱስ ሄዋና አዲድ ብያ ዋድ፣ ላኦ ቆቃቱ ባረንቴ ቃላ ቆቃ ኦሲድ፣ “ዳዋተ ናእወ፣ ኑና ማራርኪ” ያጌድ እ ካሊድና።

28 የሱስ ጎሊ ገሊዳ ዋድ፣ ቆቃቱ እኩ ዩድና፤ የሱስ ኡንቴንታ፣ “ታን ሀዋ ኦላናወ ዳንዳይያዎ አማኒቱ?” ያጌዳ።

ኡንቴንታ፣ “ኤ ጎዳወ” ያግ ዛሬድና።

29 ሄዋ፣ ጉይያን፣ የሱስ ኡንቴንታ አይፍያ ባረ ኩሽያን ቦቹድ ኡንቴንታ፣ “ሀንተወ ሀንተንቴ አማኑዋዳን ሀኖ” ያጌዳ።

30 ኡንቴንታ አይፊ ደየት አኔዳ፤ የሱስ ኡንቴንታ፣ “ሀዋ ኦስነ ኦድፕተ” ያጌድ ሞንሲድ አዳዳ።

31 ሽን ኡንቴንታ ቢድ፣ ሄ ጋድያ ኡባን የሱሳባ አዳድና።

የሱስ እት ዲድያ ፓሴዳ

32 ኡንቴንታ ከሲድ ብያ ዋድ፣ አማራዳ አሳይ ኢታ አያናይ ኦይቄና ዲዳዳ ብታንያ የሱሳኩ አሄድና።

33 የሱስ ኢታ አያና ከሴዳዋ፣ ጉይያን፣ ዲድ ብታ ሃሳዬዳ። አሳይ፣ “ሀዋ ኦራሳባ፤ ሀዋ ማላባይ እስራኤልያ ጋድያን ኡባካ ሀንቢና” ያግ ማላላቴድና።

34 ሽን ፓርሳዋቴ፣ “እ ኢታ አያናቱዎ ካፈዋ ዋልቃን ጸላሀቱዎ ከሴ” ያጌድና።

የሱስ አሳወ ቃረቴዳ

35 የሱስ ኡንቴንታ አይሁዳ ዋሳ ጎሊቱዋን ታማርሲድነ ካወተላ ዋንጋላ ሞሽራቹዎ ኦዲድ፣ ቃይ ሀርግያ ኡባፕነ ሳኩዋ ኡባፕ አሳ ፓሴድ፣ ዋጋ ካታማቱዋን ቄር ካታማቱዎ ኡባን ዩዬዳ።

36 ጮራ አሳ በኢድ፣ ሄምያ አሳይ ባይና ድርሳዳን አሳይ ሀርገትያ ድራወነ አሳ ማድያባይ ባይና ድራወ፣ አሳወ ቃረቴዳ።

37 ያቲደ ባረና ካልያዋንታ፣ “ቆይቻወ ጋካ ካላይ ዳራ፤ ሽን ጫክያ አሳይ ጉላ።

38 ሰሞ ካላ ጎዳይ ካላ ጫካናወ ኦሳንቻቱዎ የዳና ማላ፣ አ ዋስተ” ያጌዳ።

10

የሱስ ኪቴዳ ታማነ ላኦ አሳቱዋባ

(ማር. 3:13-19፤ ሉቃሳ 6:12-16)

1 የሱስ ባረ ታማነ ላኦ ካልያዋንታ ጸሲድ፣ ኡንቴንታ ኢታ አያና ከሳና ማላ፣ ቃይ ሀርግያ ኡባነ ሳኩዋ ኡባ ፓላና ማላ፣ ኡንቴንታ ማታ አሚዳ።

2 የሱስ ኪቴዳ ታማነ ላኦቱዎ ሱንላይ፣ ኮይሮዌ ጸጽሮሳ ጌትቻ ሰሞናነ እ እሻ እንድራሳ፣ ዛብድዮሳ ናና፣ ያቆባነ ዮሃንሳ፣

3 ፕልጸሳ፣ ባርታላሞሳ፣ ቶማሳ፣ ቃራጸ አክያ ማቶሳ፣ እልፕዮሳ ናኦ ያቆባነ ታደሳ፤

4 ባረ ጋደወ ቃረቴያ ሰሞናነ የሱሳ አላ አሚዳ እስቆርቴ ይሁዳ።

የሱስ ኪቴዳ ታማነ ላኦቱ ታማርሳናወ ኪትቴድና

(ማር. 6:7-13፤ ሉቃሳ 9:1-6)

5 የሱስ ሀ ታማነ ላኦቱዎ ሀዋዳን ያጌድ ኪቴዳ፤ “አይሁዳ ግድና አሳ ጋድያ ቦፕተ፤ ቃይ ሳማረቴዎ ካታማካ ገሎፕተ፤

6 ሄዋ ድራ ባዬዳ ድርሳኩ፣ እስራኤልያ አሳኩ

7 ቢድ፣ ሳሉዋ ካወተላይ ማቴዳ፣ ያጌድ ኦድተ።

8 ሀርጋንቻቱዎ ፓሳተ፤ አሃ ሀይቁዋ፣ ደንሳተ፤ ኦሉ ኦይቄዳዋንታ ፓሳተ፤ ኢታ አያናቱዋካ ከሰተ። ሀንተንታ ጮ አኬድታ፤ ጮ እምተ።

9 ዋርቃ ዋይ ብራ ዋይ ሳንትምያ ሀንተንታ ኪሲያን አይቆፕተ፤

10 ዋይ አገወ ቃርጨትያ፣ ዋይ ላኤንላያ ማዩዋ፣ ዋይ ጫማ ዋይ ጸምኦ አይቆፕተ። አያወ ጎፕ፣ ኦሳንቻወ ኮሽያባይ ቁማ።

11 “ሀንተንታ ገልያ ካታማን ዋይ ቄር ካታማ ኡባን ሀንተና ሞካናወ ናሽትያዌ ኦንጎቶ እኬካን ጸሞሰተ፤ ሀንተንታ ሄዋ፣ ከሳና ጋካናወ፣ ሄዋን ኡትተ።

12 ቃይ ጎሊ ገሊድ ሳርትተ።

13 ሄ ጎሊን ደኢያ አሳይ ሀንተና ሞኮፕ፣ ሀንተንታ ሳርቴዳ ሳርታይ ኡንቴንታ ጋኩ። ሽን ኡንቴንታ ሀንተና ሞከናን እጸፕ፣ ሀንተንታ ሳርቴዳ ሳርታይ ሀንተወ ጉየ ሰሞ።

14 ቃይ እት እት ጎሊ ዋይ ካታማይ ሀንተና ሞከናን ዋይ ሀንተንታ ኦድያዎ ሰሰናን እጸፕ፣ ሄ ጎሊ፣ ዋይ ሄ ካታማ፣ ከሲድ፣ ሀንተንታ ገድያ፣ ባና ሾጮተ።

15 ታን ሀንተወ ቱሙዋ አዳይ፤ ጸሳይ ፕርድያ ጋላሰ ሄ ካታማ አሳ፣ ሶደማ ካታማ አሳወነ ጋሞራ ካታማ አሳወ ፕርዳ ካወሸሳ።

ጎዳይ ያና፣ ካሰቲድ፣ የደርሱነ ሙቱ ሀናና (ማር. 13:9-13፤ ሉቃሳ 21:12-17)

16 “በእተ! ታን ሀንተና ድርሳ ዋላቱዎ ግድ የድያዋዳን የዳይ። ሄዋ ድራወ፣ ሾሻዳን

ጭንጫ ግድተ፤ ቃይ ሀራጽዎዳን፤ አሸከ ግድተ።

17 ሽን አሳጥ ናገትተ። አያው ሳጥ፤ አሳይ ህንተና ፕርዳ ጎለው አሏደ እማና፤ ቃይ ባረ አይሁዳ ዋሳ ጎለቱዋንካ ህንተና ልሱዋን ፔዳና።

18 ጋድያ አይሰያዋንቱ ሰንፋንካ ካታቱዋ ሰንፋን ታ ድራው ህንተንቱ ኤቁደ፤ ኤንቱንቶን አይሁዳ ግድና አሳ ሰንፋን ታው ማርካ ግዳንታ።

19 ሽን ኤንቱንቱ ህንተና ፕርዳው አላያ ዋደ፤ ህንተንቱ ሃሳያናባ ሄ ሳትያን ጸሳይ ህንተው አምያ ድራው፤ ህንተንቱ ጋናባውን ዋይ ዋጊደ ሃሳያንቶን ሀርጎጥተ።

20 አያው ሳጥ፤ ህንተንቱን አቁደ ሃሳይያዋ ህንተንቱ አውዋ ጌሻ አያናጥ አትን፤ ሃሳይያዋንቱ ህንተንታ ግድክታ።

21 “አሻይ ባረ አሻ፤ አው ባረ ናኣ ቦላ ደንዳና፤ ናናይ ባረንቱ አትን አውዋ ቦላ ደንዳደ፤ ኤንቱንታ ዋድሳና።

22 ቃይ አሳይ ኡባይ ህንተንታ ታ ሱጎፋ ድራው እጻና፤ ሽን ዉርሰላይ ጋካናው ገንጭያዋ አታናዋ።

23 ኤንቱንቱ ህንተና እት ካታማጥ የደርሰጥ፤ ሀራ ካታማ ቢተ። አያው ሳጥ፤ ታን ህንተው ቱሙዋ ጋይ፤ ታን፤ አሳ ናአይ፤ ያና ጋካናው፤ ህንተንቱ ህንተ ኡሱዋ አሰራኤልያ ካታማ ኡባን ኡሊደ ዉርሰክታ።

24 “ታማርያዋ ባረና ታማርሰያዋጥ ዳረና፤ ቆማይካ ባረ ጎዳጥ ዳረና።

25 ታማርያዋ ባረና ታማርሰያዋ ከና ግድያዎ፤ ቆማይካ ባረ ጎዳ ከና ግድያዎ አው ግዳና፤ ኤንቱንቱ ጎለ ጎዳ ብኤል-ዘሱላ ጊደ ጸሱጥ፤ አ ጎለ አሳ ዋግ ጸሳይሻ።

እሰ ያናናው በሰንቶ (ሉቃሳ 12:2-7)

26 “ሰም አሳው ያዮጥተ፤ አያው ሳጥ፤ ገንሳ ዋሌዳባይ ቆንጭያ ከሰናን አተና፤ ቆሴዳባይካ ኤረተናን አተና።

27 ታን ህንተንቶ ጳማን ኦድያባ ፖኤዋን ሃሳይተ፤ ህንተው ሀይሳን ሳሱኪደ ኦዴዳዋ፤ ጳቃሳን አዋይተ።

28 አሹዋ ዋድያዋንቶ ያዮጥተ፤ ኤንቱንቱ፤ ሸምጥዋ ዋዳናው ዳንዳይክና፤ ሽን ሸምጥዋን አሹዋ ጋናምያን ጳይሳናው ዳንዳይያ ጸሳው ያይተ።

29 ላኡ ሱንያ ካፋቱ ሳንትምያን ዘልኤትክና? ህንተንቱ አውዋ ሽንያ ግዳና ጳዮጥ፤ ሄ ሱንያ ካፋቱዋጥ አትናካ ሳኦን ዋዳደ ባዩከ።

30 ሽን ሀራይ አቶ፤ ህንተንቱ ሀጺያን ደአያ ብናናይ ኡባይካ ፓይዳዋን ደኤ።

31 ሰም ያዮጥተ፤ ዳር ሱንያ ካፋቱዋጥ ህንተንቱ እዲታ።

ክርስቶሳባ ማርካታናው በሴ (ሉቃሳ 12:8-9)

32 “ሄዋ ድራው፤ አሳ ሰንፋን ታባ ማርካትያ እሰ ግደጥ፤ ታንካ ሳሉዋን ደአያ ታ እቡ ሰንፋን ማርካታና፤

33 ሽን አሳ ሰንፋን ታና ካድያ ኦናን ታንካ ቃይ ሳሉዋን ደአያ ታ እቡ ሰንፋን አ ካዳና።

34 “ታን ሳአው ሳርተላ አህናው ዬዳዋ ህንተው ማላቶ፤ ታን ቶራ አህናው ዬዳዋጥ አትን፤ ሳርተላ አህናው ያበይከ።

35 አያው ሳጥ፤ ታን ናኣ አ እቡጥ፤ ናቶ እዘ ዳይጥ፤ ናኣ ማቻቶካ እዘ ቦሎታትጥ ሻካናው ያድ፤

36 አሳው ሞርከቱ አ ጎለ አሳቱዋ ግዳናዋንታ።

37 “ባረ አባ ዋይ ባረ ዳዮ ታጥ አሊደ ሰቅያዋ ታዋ ግዳናው በሰና፤ ባረ አቱማ ናኣ ዋይ ባረ ማጫ ናቶ ታጥ አሊደ ሰቅያዋ ታዋ ግዳናው በሰና።

38 ባረ ማሰቃልያ ቶክደ፤ ታ ጌዴዋ ካለናዋ ታዋ ግዳናው በሰና።

39 ባረ ሸምጥዋ አሸያዋ ባይዛናዋ፤ ሽን ታ ድራው ባረ ሸምጥዋ ባይዘያዋ አሻናዋ።

40 “ህንተንታ ሞክያዋ ታና ሞኬ፤ ቃይ ታና ሞክያዋ ታና ከቲዳዋ ሞኬ።

41 ናብያ፤ ናብያ ሱንፋን ሞክያዋ፤ ናብያ ጋትያ አናና ግሸታናዋ፤ ቃይ ጽሉዋ፤ ጽሉዋ ሱንፋን ሞክያዋ፤ ጽሉዋ ጋትያ አናና ግሸታናዋ።

42 ኦንከ ሀ ታና ካልያዋንቱጥ ጉጽያ አቶ፤ ሀራይ አቶ ቡልያ ሃሳ ጸላላ ኡሻናው አሞጥካ፤ ታን ህንተንቶ ቱሙዋ ጋይ፤ አ ባረ ጋትያ አካና” ያጌዳ።

### 11

ጸማቅያ ዮሃንሳጥ የሱሳኮ ኪተቲዳ አሳቱዋ

(ሉቃሳ 7:18-35)

1 የሱሰ ባረ ታማን ሳኡ ካልያዋንታ አዛዝያዋ ፖሊዳ ዋደ፤ ሄዋጥ ደንዲደ፤ ካታማቱዋን ታማርሳናውን ኦዳናው ቤዳ።

2 ጸማቅያ ዮሃንሰ ቃሾ ጎለን ደኤደ፤ የሱሰ ኦሌዳዋ ሰሰደ፤ ባረና ካልያዋንታ እኮ ኪተደ፤

3 “ያናዋ ኔኔየ? ዋይ ሀራ ናጌኔ?” ያግ ኦቻናደን ኦሌዳ።

4 የሱሰ ዛሪደ፤ ኤንቱንቶ ሀዋዳን ያጌዳ፤ “ቢደ ህንተንቱ በአያዋን ሰሰያዋ ዮሃንሳው ኦድተ፤

5 ቆቃቱ ጸሊና፤ ዋባቱ ሀመቲና፤ ኦሌ ኦይቄዳዋንቱ ፓዲደ ጌዪና፤ \* ቱላቲ ሰሰና፤ ሀይቄዳዋንቱ ደንዲና፤ ሀይሳቱ ዋንጋላ ሞሽራቹዋ ሰሰና።

6 ታባ ሰፍ ኡራይ ኦንጀቲዳዋ” ያጌዳ።

7 ዮሃንሳ ካልያዋንቱ ሰም ቤዳ ዋደ፤ የሱሰ ዮሃንሳባ ሸቄዳ አሳው ሀዋዳን ያግ ሃሳዬዳ፤ “አያ በአናው አሳይ ደኤና ሙላ

10:17 ማር. 13:9-11፤ ሉቃሳ 12:11-12፤ 21:12-15 10:33 2 ጸዋ. 2:12 10:35 ሚክ. 7:6 \* 11:5 ፓዲደ ጌዪና ግያዋ ሎይሳ አከካናው 8:2 ጸደና ደአያ ብለላን ጸፈቲዳዋ በአና ዳንዳየቱ። 11:5 አሳ. 35:5-6፤ 61:1

ቢታ ከሴድቴ? ጫርኩ ቃልያ ማቃ በእናው ከሴድቴ?

8 ያትና፡ እያ በእናው ከሴድቴ? ሎእያ ማዩዋ ማዬዳ ብታንያ በእናው ከሴድቴ? ሎእያ ማዩዋ ማዬዳዋንቱ ካታቱዋ ጎለን ደእኖ።

9 ያትና፡ እያ በእናው ከሴድቴ? ናብያ በእናው ከሴድቴ? ኤ፡ ታን ህንተው ኦዳይ፤ ናብያፕካ እጅያዋ በኤድታ።

10 እያው ጎፕ፡ ጸሳ ማጻፋን፡ “ ጸሳይ፡ “በእ፡ ታን ከትያዋ ኔፕ ሰንጻው የዳና።”

እ ነው ኦግያ ገግሳናዋ ያጌዳ ጌተቲደ ዮሃንሳባይ ጸፈቴዳ።”

11 ታን ህንተንቶ ቱሙዋ ኦዳይ፤ አት ኡሉዋፕ የለቴዳ አሳ ኡባን ጸማቅያ ዮሃንሳፕ እጅያዋ ኦንነ ደንድቤና፤ ሽን ሳሉዋ ካውተላን ኡባፕ ላፍያዋ አፕ አፋና።

12 ጸማቅያ ዮሃንሳ ዋድያፕ ደሚደ፡ ሀቼ ጋካናው፡ ሳሉዋ ካውተላን ዳር ናቃታው፤ ሞን ባጸትያዋንቱ እዞ ደሚደ።

13 እያው ጎፕ፡ ናባቱ ኡባቱ፤ ሙሴ ህጊ ዮሃንሳ ዋዳ ጋካናው፡ ትምቢትያ ሃሳዬና፤

14 ሰም ህንተንቱ ኡንቱንቱ ሃሳዮዋ አማናናዋ ግደፕ፡ ያናዋ ጌተቴዳ ኤላሰ ሀ ዮሃንሳ።

15 ሰሰያ ሀይላይ ደእያዋ ሰሰ!

16 “ሸን ታን ሀ ዋድያ አሳ እያና ለምሶ? ኡንቱንቱ ቆጫን ኡትያ ናና ማላቲና፤ ኡንቱንቱ ባረንቱ ላገላቱዋ ጸሲደ።

17 ሓን ህንተንቶ ህጽጽያ ፑኔደ፤ ሸን ዲርብይክታ፤ ዬኩዋ የላካ ከሴደ፤ ሸን ዬክብይክታ፤ ያጊኖ።

18 እያው ጎፕ፡ ዮሃንሰ ጸሚደን ዋይንያ ኤሳ ኡሸናን ዪና ኡንቱንቱ፡ ሓ ቦላ ኢታ አያናይ ደኤ ያጌድኖ።

19 ታን፡ አሳ ናአይ፡ ማደን ኡሻደ ዪና፡ ኡንቱንቱ ታና፡ ህ ፍፍሳማን ዋይንያ ኤሳ ኡሸያዋ በአተ፤ ቃራጸ ቃንጽያዋንቱናን ናጋራንቻቱዋና ሲቀቱ፤ ያጊኖ፤ ሸን ጸሳ እጅዳ ኤራተላይ ባረ ኡሱዋን ቱማ ግዲደ ቤቴ” ያጌዳ።

አማናናን እጹዳ ድራው ቶሽቴዳ ካታማቱዋ (ሉቃሳ 10:13-15)

20 ሄዋፕ ጉይያን፡ የሱሰ ባረ ማላታፕ ዳርያ ባጋ ኦሌዳ ካታማቱዋን ደእያ አሳይ ባረንቱ ናጋራፕ ሰምቤና ድራው፡ ኡንቱንታ ሀዋዳን ያጊደ፡ ቶሽያ ደሚደ፤

21 “ኮራዚን ካታማው፡ ነው እየሮ፤ ቤተሳይዳ ካታማው፡ ነው እየሮ፤ እያው ጎፕ፡ ህንተንቱ ቦላ ጸሳይ ኦሌዳ ማላታይ ጸርሳ ካታማን ሲደና ካታማን ኦሰቶዋ ግድንቶ፡ ኡንቱንቱ ማቅያ ማዬዳ፡ ብድንሳ ኦከቲደ፡ በን ባረንቱ ናጋራፕ ሰማናዋንታሸን።

22 ታን ህንተው ኦዳይ፤ ፕርዳ ጋላሰ ጸሳይ ህንተፕ ጸርሳ ካታማው ሲደና ካታማው ፕርዳ ካውሸሳና።

23 ቃይ ቅፍርናሆማ ካታማው፡ ኔን ሳሉዋ ፑደ ጶቆ ጋናው ኮያድ? ኔን ሰኦልያ ዲን የገታና፤ እያው ጎፕ፡ ና ቦላ ጸሳይ ኦሌዳ ማላታይ ሰደማ ካታማን ኦሰቶዋ ግድንቶ፡ ሰደማ ካታማይ ሀቼ ጋካናሰካ ደእናዋሸን።

24 ታን ህንተው ኦዳይ፤ ፕርዳ ጋላሰ ጸሳይ ኔፕ ሰደማው ፕርዳ ካውሸሳና” ያጌዳ።

የሱሳን ሸምፑዋ ደምያዋ (ሉቃሳ 10:21-22)

25 የሱሰ ሄ ዋደ ዛሪደ፡ ሀዋዳን ያጌዳ፤ “ታ አቦ፡ ሳሉዋ ሳእ ጎዳው፡ ኔን ሀዋ እጅዳ ኤራንቻቱዋፕ እከካንቻቱዋፕ ገንሳይ፡ ኤረና ናናቶ ቆንጭሴዳ ድራው፡ ኔና ጋላታይ፤

26 ኤ ታ አቦ፡ እያው ጎፕ፡ ሀዋ ና ሸንያዳን ኦሰቴዳ።

27 “ታ አቦ ታው ኡባባ አሚዳ፤ አወዋፕ ሀራይ ናኦ ኤረና፤ ናኦፕ ናኦፕ ናኦፕ ቆንጭሳናው ኮይያ አሳፕ አትን፡ ሀራይ አወዋ ኤረና።

28 “ዳቡራንቻቶ፡ ዳዶዋ ቶኮዋንቶ ኡባቶ፡ ታኮ ሃ ዪተ፤ ታን ህንተንታ ሸምፕሳና።

29 ታን ጋራን ታ ዋዛናን እሸከ ግደ ድራው፡ ታ ሞርገ ሞላን ዋጸትተ፤ ታፕ ታማርተ፤ ህንተንቱ ሺምፕካ ህንተ ሸምፑዋ ደምና።

30 እያው ጎፕ፡ ታ ሞርገ ሞላይ ጊጋ፤ ቃይ ታን ህንተንታ ቶሴዳዌካ ካውሻ” ያጌዳ።

### 12

ሳምባታባው ሸቆዳ አሻ (ማር. 2:23-28፤ ሉቃሳ 6:1-5)

1 የሱሰ ሄ ዋደ ሳምባታ ጋላሰ፡ ትሻ ባንጋ ግደና አጅሸን እ ካልያዋንቱ ኮሻቲደ፡ ትሻ ባንጋ ዲሊደ፡ ሙሳ ደሚድኖ።

2 ሸን ፓርሳዋቱ ሄዋ በኢደ የሱሳ፡ “በእ፡ ኔና ካልያዋንቱ ሳምባታ ጋላሰ ኦላናው ዋጋ ግደናባ ኦሊኖ” ያጌድኖ።

3 ሸን የሱሰ ኡንቱንቶ ሀዋዳን ያጌዳ፤ “ዳዋተን እናና ደእያዋንቱ ኮሻቲደ ዋደ፡ ዳዋተ ኦሌዳዋ ናባብ በይክቱ?

4 ዳዋተ ጸሳ ጎላ ገሊደ፡ ቁሳቱዋ ጸላላይ ማናፕ አትን፡ እነ አናና ደእያዋንቱ ማናው ዋጋ ግደና ጸሳው ያርሼዳ ቁማ ማደ።

5 ዋይ ሳምባታ ኡባን ጌሻ ጎልያን ደእያ ቁሳቱ ሳምባታ ዋጋ ሙንሉዋ፡ ቃይ ኡንቱንቶ ሄዋ ባይዞ ግደናዋ ሙሴ ህግያን ናባብ በይክቱ?

6 ሸን ታን ህንተው ኦዳይ፤ ጌሻ ጎልያፕ እጅያዋ ሀዋን ደኤ።

11:10 ሚልክ. 3:1 11:14 ሚልክ. 4:5፤ ማቶ 17:10-13፤ ማር. 9:11-13 11:21 አሳ. 23:1-18፤ ህዘ. 26:1—28:26፤ እዪ. 3:4-8፤ አሞጾ 1:9-10፤ ዛካ. 9:2-4 11:23 አሳ. 14:13-15፤ ደሙላ 19:24-28 11:29 ኤር. 6:16 12:1 ዛር. 23:25 12:3 1 ሳሜላ 21:1-6 12:4 ዋጋ 24:9 12:5 ፓይ. 28:9-10

7 ጸሓፊ ማጻፋይ፡ ታን ማርተላ ኮያይፕ እትን፡ ያርሹዋ ኮይከ፡ ያግያዌ ዋግያዌንቶ ህንተንቱ ኤሪተንቶ፡ ባይዙ ባይና አሳ ቦላ ፕርድክታ።

8 እያወ ጎፕ፡ ታን፡ አሳ ናእይ፡ ሳምባታ ጎዳ” ያጌድ።

የሱስ ኩሺ ጉንዴዳ ብታንያ ፓሌዳ (ማር. 3:1-6፤ ሉቃስ 6:6-11)

9 የሱስ ሄዋፕ ደንዲድ፡ አይሁዳ ዋሳ ጎላ ቤዳ።

10 ሄዋን ኩሺ ጉንዴዳ እት ብታኒ ደኤ፤ የሱሳ ሞታናዉ ጋሱዋ ኮይያ አሳቱ፡ “ሳምባታን፡ ሀርጋንቻ ፓሌያዌ ዋጌ?” ያጌደ አ ኦቼድና።

11 የሱስ ኤንቱንታ፡ “ህንተንቱ ግደን እት ደርሳይ ደእያ ኡራይ፡ ሄ ደርሳይ ሳምባታ ጋላስ ኦላን ኩንደፕ፡ ኦይቂደ ከሰናዌ ኦኔ?

12 ያትና፡ አሳይ ደርሳፕ ዋት ሎይሳይ ዳረኔ! ሄዋ ድራዉ፡ ሳምባታ ጋላስ ሎኦባ አልያዌ ዋጋ” ያጌዳ።

13 ሄዋፕ ጉይያን ብታንያ፡ “ነ ኩሺያ ፕድ ኦላ” ያግና ብታኒ ፕድ ኦላዋፕ ጉይያን፡ አ ኩሺ የኮ ኩሽያዋዳንካ ፓጽ ኤይ።

14 ሽን ፓርሳዋቱ ካረ ከሲድ፡ የሱሳ ዋት ዋቋንቶ ማቀቴድና።

ጸሓፊ ደራዳ አይልያ

15 ሽን የሱስ ኤንቱንቱ ዘረታ ኤሪድ፡ ሄዋፕ አጌደ ብያ ዋይ፡ ዳር አሳይ አ ካሌዳ፤ ሀርጌዳ ኡባ ፓሌዳ።

16-17 ጸሓፊ ናብያ ኢሲያሳ ባጋና ኦዳዳዌ ፖሊታና ማላ፡ የሱስ አሳቶ፡ “ታባ ሀራ አሳዉ ኦድፕተ” ያጌዳ።

18 ጸሓፊ ኢሲያሳ ባጋና ሀዋዳን ያጌዳ፤ “ታን ደራዳ ታ አይሊ፡

ታን ሲቅያ፡ ታና ናሽቶያዌ ሀዌኩ።

ታን ታ አያና አ ቦላ ዋላና። አ ሱራ ፕርዳ አሳዉ ኡባዉ ኦዳናዋ።

19 አ ፓሉሙተና፤ ዋይ ዋሰና። ባረ ቃላካ ኦግያን ሰሰና።

20 ሱራ ፕርዳይ ጸን ከሳና ጋካናዉ፡ ትንጨቴዳ ማቃ ሙን፣ና።\*

ቃይ ጨዋትያ ሙቃዳ ቁንጨቴያካ አ ቶይሰና።

21 አይሁዳ ግደና አሳይ ኡባይ፡ አ ቦላ ባረንቱ ህድታ ዋላና” ያጌዳ።

የሱሳባን ብኤል-ዘቡላባ (ማር. 3:20-30፤ ሉቃስ 11:14-23)

22 ሄዋፕ ጉይያን፡ አማራዳ አሳቱ ኢታ አያናይ ኦይቂና ዲዳዳ እት ቆቃ ብታንያ የሱሳኮ እሄድና፤ የሱስ ሄ ዲደ ብታንያ ፓሌዳ፤ ብታኒካ ሃሳያን ጸላ ደሜዳ።

23 አሳይ ኡባይ ማላለቲድ፡ “ላ ሀዌ ዳዊተ ናኣ ግዳንዴሻ?” ያጌድና።

24 ሽን ፓርሳዋቱ ሄዋ ሰሲድ፡ “ሀ ብታኒ ኢታ አያናቱዋ ካፑ ‘ብኤል-ዘቡል’ ባረዉ ዋልቃ እምና፡ ጸላሁቱዋ ከሴ” ያጌድና።

25 ሽን የሱስ ኤንቱንቱ ቆፋ ኤሪድ፡ ኤንቱንታ ሀዋዳን ያጌዳ፤ “ባረ ግደን ሻከትያ ካዉተሳይ ኡባይ ቋያና፤ ቃይ ባረ ግደን ሻከትያ ካታማይ ዋይ ጎላን ደእያ አሳይካ ምንና።

26 ቃይ ሴጻናይ ሴጻና ከሰያዋ ግደፕ፡ ባረ ግደን ሻከቴ፤ ያትና፡ አ ካዉተሳይ ዋኒደ ምን ኤቃናዌ?

27 ታዉ ብኤል-ዘቡል ዋልቃ እምና፡ ታን ጸላሁቱዋ ከሰያዋ ግደፕ፡ ህንተንቱ አሳዉ ዋልቃ ኦን እምና ጸላሁቱዋ ከሳኔ? ሄዋ ድራዉ፡ ኤንቱንቱ ህንተ ቦላ ፕርዳና።

28 ሽን ጸሓፊ ኤንቱንቱ ዋልቃ እምና፡ ታን ጸላሁቱዋ ከሰያዋ ግደፕ፡ ሰም ጸሓ ካዉተሳይ ህንተ ቦላ ይ ድጌዳ።

29 “ዋይ አሳይ ካሰቲድ፡ ዋልቃማ አሳ ቃቼናን ደኤድ፡ አ ጎላ ገሊድ፡ አ ሚሻ ቦንቃናዉ ዋኒደ ዳንዳዴ። ቃቼዳዋፕ ጉይያን፡ አ ሚሻ ቦንቃናዉ ዳንዳዴ።

30 “ታ ባጋ ግደና ኡራይ ታዋ እጾ፤ ቃይ ታናና እትፕ ሺሽናዌ ላሊ።

31 ሄዋ ድራዉ፡ ታን ህንተዉ ኦዳይ፤ ጸሓፊ አሳዉ አይ ናጋራ ግደናካ፡ ቃይ አይ ቦረ ግደናካ አቶ ጋና፤ ሽን ኤሻ አያና ቦርያዋ አቶ ጌና።

32 ታ ቦላ፡ አሳ ናኣ ቦላ፡ ኢታባ ሃሳይያ ኦ ናጋራን ጸሓፊ አቶ ጋና፤ ሽን ኤሻ አያና ቦላ ኢታባ ሃሳይያ ኦ ናጋራን ሳኣን ግደና፡ ሳሉዋንካ ጸሓፊ አቶ ጌና።

ሎኦ ሞላይ ባረ አይፍያን ኤሪቴ (ሉቃስ 6:43-45)

33 “ሎኦ አይፍያ ደማናዉ ሎኦ ሞላ ድቻናዉ በሴ፤ ኢታ ሞላ ህንተንቱ ድቻፕ፡ ኢታ አይፍያ ደማንታ፤ እያወ ጎፕ፡ ሞላይ ኤሪትያዌ ባረ አይፍያ አይፍያዋና።

34 ሽሻቶ፡ ህንተንቱ ኢታ ግዲድ፡ ዋት ሎኦካ ሃሳያናዉ ዳንዳዴ፡ እያወ ጎፕ፡ ደናይ ዋዛና ግደን ኩሜዳዋ ሃሳይ።

35 ሎኦ አሳይ ባረ ሎኦ ምንጂዋፕ ሎኦካ ከሴ፤ ቃይ ኢታ አሳይ ባረ ኢታ ምንጂዋፕ ኢታባ ከሴ።

36 ታን ህንተንቶ ኦዳይ፤ አሳይ ባረ ሃሳይዳ ማደና ሃሳያ ኡባዉ ፕርዳ ጋላስ ዛሩዋ እማናዋ።

37 እያወ ጎፕ፡ ነ ሃሳያይ ኔና ጽልሳና፤ ዋይ ነ ሃሳያይ ነ ቦላ ፕርድሳና” ያጌዳ።

ማላታ በአናዉ ሸቄዳ ኦሻ (ማር. 8:11-12፤ ሉቃስ 11:29-32)

38 ሄዋፕ ጉይያን፡ ህግያ ታማርሲያ እት እት አሳይን ፓርሳዋቱ ዛሪደ የሱሳ፡ “ታማርሲያዋ፡

12:7 ማፋሳ 9:13፤ ሆስ 6:6 12:18 ኢሳ. 42:1-4 \* 12:20 እ፡ ትንጨቴዳ ማቃ ሙን፣ና፤ ሀዋ ጉሳይ፡ ማዳ ባይናዋንቶን ዳቡራንቻቶ የሱስ ከካን ጋራ ጉሳ፡ ብ፡ ጨዋትያ ሙቃዳ ቁንጨቴያካ አ ቶይሰና ጉሳይ፡ የሱስ ዳቡራንቻቶ ጉዙማ ግደናዳን ከካን ጉሳ።



ኔን ማላታ አላሸን። ኑን በአናው ኮዬቶ” ያጌድኖ።

39 ሽን እ ዛሪደ፡ አንቱንቶ ሀዋዳን ያጌዳ፤ “ሀ ዋድያ አሳይ ኢታን ጸሳ አማነና ድራው፡ ማላታ ኮዬ፤ ናብያ ዮናሳ ማላታታ አትን፡ ሀራ ማላታይ እመተና።

40 ዮናሳ ዋጋ ሞልያ ኡሉዋን ሄዙ ጋላሳን ሄዙ ቃማ ደኤዳዋዳን፡ አሳ ናእይካ፡ ቢታ ግደን ሄዙ ጋላሳን ሄዙ ቃማ ደእናዋ።

41 ነዋይ አሳይ ዮናሳ ኦዴዳዋን ባረንቱ ናጋራጥ ሰሜዳ ድራው፡ ፕርዳ ጋላሳ ደንዲደ፡ ህንተንታ ሞታናዋንታ፤ በይተ፡ ዮናሳጥ አድያዋ ሀዋን ደኤ።

42 ዲገ ባጋ ጋድያ ካታታ ሶሎሞንዉ ደእያ እጅ ኤራተላ ሰሳናው ሳእ ጋጸጥ ዌዳ ድራው፡ ፕርዳ ጋላሳ ደንዲደ፡ ህንተንታ ሞታናውኑ፤ በይተ፡ ሶሎሞንጥካ አድያዋ ሀዋን ደኤ።

ኢታ አያናይ አሳ ጋርሳ ሰሚደ ገልጻዋ (ሉቃሳ 11:24-26)

43 “ኢታ አያናይ አሳጥ ከሴዳ ዋደ፡ ባረዉ ሸሞጥያ ሳ ኮዬደ፡ ሃላይ ባይና መላሳና ዩዬ፤ ሽን ደመና።

44 ሄ ዋደ፡ ታን አገደ ዬዳ ታ ጎሊ ሰማና፣ ያጌ፤ ሰሚደ ይያ ዋደ፡ ጎሊ መላ ደእያዋን ጥተት ገዬደ፡ ገግ ኡቲዳዋ ደሜ።

45 ሃዋጥ ጉይያን፡ ቢደ ባረጥ አትያ ላፑ ሀራ አያናቱዋ አኪደ ዩ፤ ሄ አያናቱ ገሊደ፡ ሃዋን ደእኖ፡ ሄ ብታንያ ደኤ ካሰዋጥ ዳሪ አቲ። ሀ ዋድያ ኢታ አሳውካ ቃይ ሃዋዳን ሀናና” ያጌዳ።

የሱሳ ዳዮን አ እሻቱዋ (ማር. 3:31-35፤ ሉቃሳ 8:19-21)

46 የሱሳ ዳር አሳው ሃሳይሸን፡ አ ዳያን አ እሻቱ አናና ሃሳናው ኮዬደ፡ ካረን ኤቁድኖ።

47 ሃዋን ደእያ አሳጥ አቲ አ፡ “ሳ ዳያን ነ እሻቱ ኔናና ሃሳናው ኮዬደ፡ ካረን ኤቁድኖ” ያጌዳ። †

48 ሽን የሱሳ ዛሪደ፡ “ታ ዳያ ኦኔ? ታ እሻቱ ኦኔ?” ያጌዳ።

49 ባረ ኩሽያን ባረና ካልያዋንቱኮ ጸርሲደ፡ “በይተ፡ ታ ዳያን ታ እሻቱ ሀዋንቱሽ።

50 እያው ጎጥ፡ ሳሉዋን ደእያ ታ አቡ ሸንያ ኦልያ ኡባይ፡ ታ እሻ፡ ታ ሞቻቶን ታ ዳዮ” ያጌዳ።

### 13

ዘርያዋ ሌምሱዋ (ማር. 4:1-9፤ ሉቃሳ 8:4-8)

1 የሱሳ ሄ ጋላሳ ሶይጥ ከሲደ፡ አባ ጋጸን ኡቲዳ።

2 ዳር ጮራ አሳይ ባረ የሹዋን ዩይ አዲደ ሸቅና፡ ዋንግርያ ግደ ገሊደ ኡቲዳ፤ አሳይ ኡባይ አባ ጋጸን ኤቁድ።

3 አሳው ሌምሱዋን ዳርባ ሀዋዳን ያጌደ ኦዴዳ፤ “እት ብታኒ ዘረሳ ዘራናው ከሴዳ።

4 እ ዘርሸን፡ እት እት ዘረሳይ ኦግያ ዶናን ዋዴዳ፤ ያትና ካፋ ዩደ ሜዳ።

5 ቃይ እት እት ዘረሳይ አንጮ ግዴዳ ቢታ ቦላ ዋዴዳ፤ ዳር ቢታይ ባይና ድራው፡ ሄ ዘረሳይ ኤላካ ደሌዳ።

6 ሽን አዋይ ከሴዳ ዋደ ጫርሻይ ሹሌዳ፤ አዲሳ ጸጸዋ የድቤና ድራው መል አጌዳ።

7 እት እት ዘረሳይ አጉንላ ግደን ዋዴዳ፤ ሃዋን ደሌዳዋ አጉንላይ ድጩደ ጩሌዳ።

8 እት እት ዘረሳይ ቱኤ ቢታን ዋዴደ ደሌዳ፤ እቱ ጸቱ እይፍያ፡ እቱ ኡሱፑን ታሙዋ፡ እቱ ሀታሙዋ እይፊዳ።

9 ሰሰያ ሀይላይ ደእያ ኡራይ ሰሶ!” ያጌዳ።

የሱሳ ሌምሱዋን ኦደ ጋሱዋ (ማር. 4:10-12፤ ሉቃሳ 8:9-10)

10 የሱሳ ካልያዋንቱ እኮ ሸቁደ፡ “ኔን አያው አሳው ሌምሱዋን ኦዴይ?” ያጌድኖ።

11 የሱሳ ዛሪደ፡ አንቱንቶ ሀዋዳን ያጌዳ፤ “ህንተንቶ ሳሉዋ ካወተላ ጸራ ኤሩሳይ እመቱዳ፤ ሽን ኤንቱንቶ እመትቤና።

12 እያው ጎጥ፡ ደእያዋ ጉጀታና፤ አዉ ዳራናዋ፤ ሽን ባይናዋጥ ሀራይ አቶ፡ ሄ ደእያዋካ እከታናዋ።

13 ታን ኤንቱንቱ ጸሊደ ጸላናዋዳን፡ ሰሲደ ሰሰናዋዳን ሀንያ ድራው፡ ዋይ ቃይ እኬከና ድራው ኤንቱንቶ ሌምሱዋን ኦዴይ።

14 “እሰያሰ ኤንቱንቱባ ሀዋዳን ኦደዋ ፖለታናዋ፤

“ ህንተንቱ ሰሳ ሰሳና፤ ሽን ህንተንቶ ገለና፤ ህንተንቱ ጸላ ጸላና፤

ሽን በእክታ።

15 እያው ጎጥ፡ ሀ አሳ ዋዛናይ ጉዙሜዳ፤ ባረንቱ ሀይላ ቱልሴድኖ፤

ባረንቱ እይፍያካ ጩሌሜድኖ።

ሀዋ ባዌንቶ፡ ኤንቱንቱ ባረንቱ እይፍያን በእና፤

ባረንቱ ሀይላን ሰሳና፤

ባረንቱ ዋዛናካን እኬካና፤

ኤንቱንቱ ታኮ፡ ጸሳኮ ሰማና፤

ታንካ ኤንቱንታ ፓላና” ያጌ።

16 “ሽን ህንተንቱ እይፊ ጸልያ ድራውን ህንተንቱ ሀይላይካ ሰሰያ ድራው፡ ህንተንቱ እንጀቱዳዋንታ።

17 ታን ህንተንቶ ቱሙዋ ኦዴይ፤ ዳር ናባቱን ጽላቱ ህንተንቱ በእያዋ በአናው አሞቱድኖ፤ ሽን በእባይክና። ህንተንቱ ሰሰያዋ ሰሳናው አሞቱድኖ፤ ሽን ሰሰባይክና።

የሱሳ ዘርያዋ ሌምሱዋ ብለላ ኦዴዳ (ማር. 4:13-20፤ ሉቃሳ 8:11-15)

18 “ሰሞ ካላ ዘርያዋ ሌምሱዋ ብለላይ ግያዋ ሰሰተ።

19 ካውተላ ቃላ ሰሲደ፣ እኩከና ኦንነ ኦግያ ደናን ዋጮዳ ዘረፋ ማላ፤ ጸላህያ ካፑ ዪደ፣ ኦንቲንቲ ዋዛናን ዘረቲዳዋ ማጽ ድጌ።

20 እንጮ ቢታን ዋጮዳ ዘረፋይ ቃላ ሰሲደ፣ ኤለካ ናሸቻን አክያዋንታ ማላቲ።

21 ሸን ሃ አሳቲ ሀእሳፕ አትን፣ ኦንቲንቲን ጸጺ ባዋ፤ ቃላ ጋሱዋን ሙቱ ዋይ የደሳይ ይያ ዋይ፣ ኤለካ ጹቡት አገኛ።

22 ቃይ እጉንፋ ግደን ዋጮዳዊ ቃላ ሰሰያዋ በሴ፤ ሸን ሀ ሳኦ ደ፤ ሀ ሀርጉሳይን ዱረተላ ሲቁሳይ ቃላ ጩሌ፤ ሀ ጋሱዋን ሄ ዘረፋይካ አይፈናን አት አጌ።

23 ቲኤ ቢታን ዘረቲዳዊ፣ ቃላ ሰሲደ፣ እኩከያ አሳ በሴ፤ እካ አይፊ፤ እቲ ጸቲዋ፣ እቲ ኡሱፑን ታሙዋ፣ እቲ ሀታሙዋ አይፊ” ያጌዳ።

ዘርንግያ ለምሱዋ

24 የሱሰ ኦንቲንቲ ሀራ ለምሱዋ ሀዋዳን ያገደ ኦዳዳ፤ “ሳሉዋ ካውተላይ ባረ ጎሻን ሎኦ ዘረፋ ዘራዳ ብታንያ ማላቲ።

25 ሸን ቃማ አሳይ ገምእሸድግና፣ አ ሞርኪ ዪደ፣ ዛርጋ ዘራዳዋ ቦላ ዘርንግያ ዘሪደ ቤዳ።

26 ሸን ዛርጋይ ዶል አይፊዳ ዋይ፣ ዛርንገ ሄ ዋይ ቤቲዳ።

27 “አ ቆማቲ እኮ ዪደ፣ ጎዳዉ፣ ኔን ነ ጎሻን ሎኦ ዘረፋ ዘራብይኪ? ያትና፣ ዛርንገ ሀቃፕ ዬዳ?” ያጌድና።

28 “ሄዋፕ ጉይያን ጎዳይ፣ ሄዋ ሞርኪ አሌዳ” ያጌዳ።

ቆማቲ፣ ሉን ቢደ ሸዳናዳን ደሳይ?” ያጌድና።

29 “ሸን እ፣ ሉግተ፣ ዛርንግያ ሀንተንቲ ሸዲደ፣ ዛርጋና ሸዳንታ።

30 ቦቾፕተ፤ ቆይጭያ ዋዲ ጋካናዉ፣ እትፕ ድጭና። ቆይጭያ ዋዲ ጋኮደ፣ ታን ቆይጭያዋንታ፣ ካሰቲደ ዘርንግያ ማጽተ፤ ታማን ጉዳናዉ ፖቾያን ፖቾያን ቃቾተ፤ ሸን ዛርጋ ሸሺደ ድይያን ቆልተ” ጋና” ያጌዳ።

ሳናፍጭያ ጌተትያ ምላት ዘረፋ ለምሱዋ (ማር. 4:30-32፤ ሉቃሳ 13:18-19)

31 የሱሰ ኦንቲንቲ ሀራ ለምሱዋ ያገደ ኦዳዳ፤ “ሳሉዋ ካውተላይ ሳናፍጭያ ጌተትያ ጉላ ምላት አይፍያ ማላቲ፤ ሄ ምላት አይፍያ አሳይ እኪደ፣ ባረ ጎሻን ዘራዳ።

32 ሄ ዘረፋታ ሀራ ዘረፋ ኡባፕ ጉጸዉ፤ ሸን ድጩዳ ዋይ፣ ሀራ አታክልትያ ኡባፕ ዳራዉ፤ ካፋ ዪደ፣ እዝ ቃንካን ኬጸያዋ ኬና ዋጋ ምላ ግደዱ” ያጌዳ።

እርሹዋ ለምሱዋ (ሉቃሳ 13:20-21)

33 ቃይ የሱሰ ሀራ ለምሱዋ ኦንቲንቲ ያገደ ኦዳዳ፤ “ሳሉዋ ካውተላይ እት ምሽራታ ሄዙ ከርያ ጲልያ እካደ፣ ሙናቁዳ ሙናቃይ ኡባይ ደንዳና ጋካናዉ፣ እን ትጌዳ እርሹዋ ማላቲ” ያጌዳ።

የሱሰ ለምሱዋን ታማርሴዳ ጋሱዋ (ማር. 4:33-34)

34-35 የሱሰ አሳዉ ሄ ኡባ ለምሱዋን ኦዳዳ፤ ለምሱ ባይናን እ እትባካ ኦደና፤ ናቢ፣ “ታን ኦንቲንቲ ሃሳይያ ዋይ፣ ለምሱዋን ሃሳይያ።

አላሚ ሙፕቶደፕ ደሚደ ጌሜዳ የዋቲዋ ኦዳይ”

ያጌዳዊ ፖለታና ማላ፣ ሄዋ እ ኦዳዳ።

የሱሰ ዘርንግያ ለምሱዋ ብለላ ኦዳዳ

36 ሄዋፕ ጉይያን፣ የሱሰ አሳ አገደ፣ ሰይ ገሌዳ፤ አ ካልያዋንቲ እኮ ቢደ፣ “ጎሻን ደእያ ዘርንግያ ለምሱዋ ብለላ ኦዳ ኦዳ” ያጌድና።

37 የሱሰ ዘሪደ፣ ሀዋዳን ያጌዳ፤ “ሎኦ ዘረፋ ዘርያዊ አሳ ናኣ፤

38 ጎሻይ ሀ አላምያ፤ ሎኦ ዘረፋይ ጸሳ ካውተላ አሳ፤ ዘርንገ ጸላህያ ካፑዋ ናና።

39 ዘርንግያ ዘራዳዊ ሞርክያ ጸላህያ፤ ቆይቻ ዋዲ፣ ዋድያ ዉርሰላ፤ ቃይ ቆይጭያዋንቲ ከታንቻቲዋ።

40 “ሄዋ ድራዉ፣ ዘርንግያ ማጸደ፣ ታማን ጉድያዋዳን፣ ዋድያ ዉርሰላን ሄዋ ማላ ግደናዋ።

41 አሳ ናኣይ፣ ከታንቻቲዋ ከታናዋ፤ ኦንቲንቲ እ ካውተላ ግደን ናጋራዉ ጋሶ ግድያ ኡባቲዋን ኢታባ ኦልዋንታ ማጸደ ከሳናዋንታ።

42 ያቲደ ቶኤና ታማን ኦላናዋንታ፤ ሄዋን ኦንቲንቲ ዬካናዋንታን አቻ ቆቃናዋንታ።

43 ሄ ዋይ ጽላቲ ባረንቲ እኮ ካውተላን አዋዳን ፖኣና። ሰሰያ ሀይላይ ደእያ ኡራይ ሰሶ!

ሞገቲዳ ሚሻ ለምሱዋ

44 “ሳሉዋ ካውተላይ ጎሻን ሞገቲዳ ሚሻ በሴ፤ እት ብታኒ ሄ ሚሻ ደሚደ፣ ዛሪደ ሞግ እጌዳ፤ ዳር ናሸቲደ ቢደ፣ ባረዉ ደእያዋ ኡባ ዘልኢደ፣ ሄ ጎሻ ሻሚዳ።

እንቁዋ ጌተትያ ዳር አልኦ ሹቻ ለምሱዋ 45 “ቃይ ሳሉዋ ካውተላይ እንቁዋ ጌተትያ ዳር አልኦ ሹቻ ሻማናዉ ኮይያ ዘልእንቻ ማላቲ።

46 ሄ ዘልእንቻይ ዳር አልኦ እንቁዋ ደሚደ፣ ቢደ ባረዉ ደእያዋ ኡባ ዘልኢደ፣ አ ሻሚዳ።

ዳባ ለምሱዋ

47 “ቃይ ሳሉዋ ካውተላይ ኡባ ቆዋ ሞልያ ኦይቁያ፣ አባን የገቲዳ ዳባ ማላቲ።

48 ሞሊ ዳባ ኩሜዳ ዋይ፣ ሞልያ ኦይቁያ አሳቲ አባፕ ጋጸ ከሲደ ኡቲድና፤ ያቲደ ሎኦ ሞልያ ቆሪደ፣ የግያ ሚሻን የጌድና፤ ሸን ኢታ ሞልያ ዋራ ኦሌድና።

49 ዋድያ ዉርሰላን ሄዋዳን ሀናና፤ ከታንቻቲ ዪደ፣ ናጋራንቻቲዋ ጽላቲዋ ግደፕ ቆሪደ።

50 ቶኤና ታማን ኦላናዋንታ፤ ሄዋን ኦንቲንቲ ዬካናዋንታን አቻ ቆቃናዋንታ።

51 “ሀዌ ኡባይ ህንተንቶ ገሌዳ?” ያጊደ ኡንቱንታ ኡቹዳ።

ኡንቱንቱ፣ “ኤ” ያጊድኖ።

52 እ፣ “ሄዋ ድራው፣ ሳሉዋ ካወተፋ ጸራ ሎይላ ኤርያ፣ ሀግያ ታማርሰያ ኡባይ፣ ባር ሚሻ ሺሽ ዋሌዳ ጎልያ፣ ራራ ሚሻ ኤጫ ሚሻ ሻክ ከሰያ አዛዋ ማላቱ” ያግ ዛሬዳ።

ናዘራተን የሱሳ ጋኬዳ አጸዋ (ማር. 6:1-6፤ ሉቃስ 4:16-30)

53 የሱስ ሀ ለምሳቱዋ ኦድ ወርሶዋ፣ ጉይያን፣ ሄዋ፣ ደንዲዳ።

54 ባር ካታማ ናዘራተ ቤዳ። እይሁዳ ዋሳ ጎሊን ታማርሰያዋ ሰሴዳ አሳይ ማላላቲዳ፣ ሀዋዳን ያጊዳ፤ “ሀዌ ሀ አጼ ኤራተሳን ጸሳይ ኦልያ ማላታ ኦላናወ ዋልቃ ሀቃ፣ አኬዳ?”

55 ሀዌ አናጽያ ናኦ ግደኔ? አ ዳያ ማይራዋ ግደኔ? አ አሻቱ ያቆባ፣ የሴፎ፣ ሰዋናን ይሁዳ ግድክኖ።

56 አ ምቻቱ ኡባይ ኑና ደእክኖ? ያትና፣ አ ሀ ኤራ ኡባ ሀቃ፣ ደሚዳ?” ያጊድኖ።

57 ኡንቱንቱ አ ግያባ አከናን አጸድኖ።

ሽን የሱስ ሄ አሳው፣ “ናቢ ባር ጋድያንን ባር ሶይ አሳን ቦንቹተና፤ ሽን ሀራሳ ኡባን ቦንቹቱ” ያጊዳ።

58 ኡንቱንቱ አማንቤና ድራው፣ የሱስ ዳር ማላታ ሄ ሳን አላቤና።

### 14

ጸማቅያ የሃንሳ ሀይቁዋ

(ማር. 6:14-29፤ ሉቃስ 9:7-9)

1 ሄ ዋደ ጋሊላ ጋድያ አይሰያ ሄርድስ የሱሳባ ሰሴዳ፤

2 ያቲደ ባር ቆማቶ፣ “ሀዌ ሀይቁዋ፣ ደንዲዳ ጸማቅያ የሃንሳ፤ ጸሳይ ኦልያ ዋልቃ ማላታ አ ኦልያዋ ሄዋሳ” ያጊዳ።

3 አያው ጎፕ፣ ሄርድስ ባር አሻ ፕልጸሳ ማቻቻ ሄርድያድ ጋሶታን የሃንሳ ኦይላ ቃሽሲዳ፣ ቃሽ ጎሊን የግ ዋሌዳ።

4 አያው ጎፕ፣ የሃንሳ ሄርድሳ፣ “ኔን ሄርድያድ፣ ነ አሻ ማቻቻ አካናወ ህጊ ድጌ” ያጊዳ።

5 ሄርድስ የሃንሳ ዋጻናወ ኮዬዳ፤ ሽን ይሁዳ አሳይ ናብያዳን የሃንሳ ጸሌዳ ድራው፣ አሳው ያዬዳ።

6 ሽን ሄርድስ የላቲዳ ጋላሳ ባላይ ጋክና፣ ሄርድያድ ናታ አሳ ሰንሳን ዱራደ ሄርድሳ ናሽቻው።

7 ሄርድስ ናቶ፣ “ኔና ሎኤዳዋ አያን ግደፕ፣ ታና ኦቻ፤ ታን ነወ አማና” ያጊደ አዝወ ጫቁዳ።

8 ናታ ባር ዳይ ዘርያ አካደ ሄርድሳ፣ “ጸማቅያ የሃንሳ ሀጺያ ሀ ዋጪትያን ዋላደ ታወ አማ” ያጋዳ።

9 ካቲ አወ ቃሪቱዳ፤ ሽን ባር ጫቁዋ ድራውን ባርናና ማዳን ኡቲዳ አማላ ድራው፣ አዝወ የሃንሳ ሀጺ አመታና ማላ አዛዬዳ።

10 ካቲ ከቲደ፣ የሃንሳ ቆድያ ቃሽ ጎሊን ሙጭሴዳ።

11 ሀጺያ ዋጪትያን ዋላ አሂደ፣ ናትወ አማድኖ፤ ናታ ሄ ሀጺያ ባር አትኮ አፋዳ።

12 የሃንሳ ካልያዋንቱ ዪደ፣ አ አሃ አፊደ ሞጌድኖ፤ ሄዋ፣ ሰሚደ ሀ የወዋ የሱሳወ ቢደ ኦዳድኖ።

የሱስ እቼሹ ሻኦ አሳ ሞዜዳ (ማር. 6:30-44፤ ሉቃስ 9:10-17፤ የሃ. 6:1-14)

13 የሱስ ሄዋ ሰሲደ፣ ዋንግርያን ገሊደ፣ ሄዋ፣ ባርካ አሳይ ባይናሳ ቤዳ፤ አሳይ ሄዋ ሰሲደ፣ ካታማ፣ ደንዲዳ፣ ገድያን አ ካሊድኖ።

14 የሱስ ዋንግርያ፣ ከሴዳ ዋደ፣ ዳር አሳ ቦኢደ፣ ሄ አሳወ ቃሪቱዳ፤ ያቲደ ኡንቱንቱና ደአያ ሀርጋንቻቱዋ ፓሌዳ።

15 ሳኦይ አማርሰያ ዋደ፣ የሱሳ ካልያዋንቱ አኮ ዪደ፣ “ሀዌ ሳኦይ አሳይ ባይናሳ፤ ሀኦ ሳኦይ ቃም ድጌዳ፤ አሳይ ኡባይ ቁር ካታማቱዋ ቢደ፣ ባርንቶ ቁማ ሻማና ማላ፣ አሳ ሞይዛ” ያጊድኖ።

16 ሽን የሱስ ኡንቱንታ፣ “አሳይ ባናወ ኮሸና፤ አሳወ ሜተትያባ ህንተንቱ አምተ” ያጊዳ።

17 ኡንቱንቱ ዛሬደ እ፣ “ኔወ ሀዋን እቼሹ ኡክላፕን ላኡ ሞልያ፣ አትን፣ ሀራይ ባዋ” ያጊድኖ።

18 የሱስ ኡንቱንታ፣ “ሄዋንታ፣ ሃ ታኮ አሀተ” ያጊዳ።

19 አሳይ ማታን ኡታና ማላ፣ የሱስ አዛዜዳ፤ እቼሹ ኡክላን ላኡ ሞልያ እይቂደ፣ ሳሉዋ ፑደ ጸሌዳ፣ ጸሳ ጋላቲዳ፤ ሄ ኡክላ ሙንሊደ፣ ባርና ካልያዋንቶ አምና፣ ኡንቱንቱ ጮራ አሳወ ግሼድኖ።

20 አሳይ ኡባይ ሚደ ካሌዳ፤ አቲዳ ሱፓ ደካ ታማን ላኡ ዛምቤልያ ኩሜዳዋ ደንሴድኖ።

21 ሚዳ አሳይ ማጫ አሳና ናና ፓይደናን፣ እቼሹ ሻኦ ግድያዋ ከና።

የሱስ አባ ቦላና ሀመቲደ ቤዳ (ማር. 6:45-52፤ የሃ. 6:15-21)

22 የሱስ ጮራ አሳ ሞይዚደ፣ ባርና ካልያዋንታ ዋንግርያን ገሊደ፣ ባር፣ ሰንሳቲደ፣ አባ፣ ሄጻንሳ ፕናና ማላ አዛዜዳ።

23 አሳ ሞይዚደ፣ ጸሳ ዋሳናወ ደርያ ሀጺያ ባርካ ከሴዳ፤ ሳኦይ ቃም ድግናካ ሄዋን ባርካ ደኤ።

24 ሽን ዋንግር ሄ ዋደ፣ አባ ቦላን ደእሽን፣ ሰንሳ ባርና ጫርኩ ጫርክያ ድራው፣ ቤታይ ዋንግርያ ያን ሃን ሱጌ።

25 ባይራ ኩቱ ዋሰ ሰምና፣ የሱስ አባ ቦላ ሀመቲደ፣ ኡንቱንቱኮ ዪዳ።

26 አ ካልያዋንቱ አባ ቦላ አ ሀመትሽን ቦኦ ዳጋሚደ፣ “ሀዌ ሞይትልያ ግደኔ!” ግ ያዪደ ዋሴድኖ።

27 ሽን የሱስ ኤላካ ኡንቱንታ፣ “አይነ ባዋ፤ ታናተ፤ ያዮ፣ተተ!” ያጊዳ።

28 ጳጳሮስ ዛሬደ እ፥ “ታ ጎዳው፥ ሀዌ ኔና ግደ፥ ታን ሃላ ቦላና ኔኮ ባና ማላ፥ ታና ከዛዘርኪ” ያጌዳ።

29 የሱስ ጳጳሮሳ፥ “ሃያ!” ያጌዳ። ጳጳሮስ ዋንግርያ፥ ዋጂደ፥ ሃላ ቦላና ሀመቲደ፥ የሱሳኮ ቡሳ ደሚዳ።

30 ሽን ጫርኩዋ ዋልቃ በኢደ፥ ያዬዳ፥ ሃላይ ባረና ሞቱዋ ደሚዳ ዋደ፥ ባረ ኮሻ ቆቁ ኦሲደ፥ “ታ ጎዳው ታና ከሻርኪ!” ያግ ዋሴዳ።

31 ሃ ማንእያን የሱስ ባረ ኩሽያ የድ ጳጳሮሳ ኦይቁደ፥ “ላ ሀ ከማኑ ላፌዳዋ! እያው ስጃዲ?” ያጌዳ።

32 ኡንቱንቱ ላኡ ዋንግርያን ገሌዳ ዋደ፥ ጫርኩ ዋፍ ጌዳ።

33 ዋንግርያ ግደን ደእያ እ ካልያዋንቱ የሱሳ፥ “ኔን ጸሳ ናኦ ግዴዳዌ ቱማ” ያጌደ እው ጎይኔድና።

የሱስ ገንሳሬጸን ሀርጋንቻ ፓሌዳ (ማር. 6:53-56)

34 ኡንቱንቱ እባ ፕኒደ፥ ገንሳሬጸ ጌተትያ ጋደያ ገኬድና።

35 ሄ ጋደያ አሳይ የሱሳ ግድያዋ ኤሬድና፥ ሄዋ ሄራ ጋደያ ኡባ ከቲደ፥ ሀርግያ አሳ ኡባ እኮ እሄድና።

36 ሀርግያ አሳይ እ ማዩዋ ማጫራ ጸላላ ቦቻና ማላ፥ እ ዋሴድና፥ እ ማዩዋ ማጫራ ቦቹዳ ኡባይካ ፓጾዳ።

### 15

አዎቱዋ ዋጋባ (ማር. 7:1-13)

1 ሄዋ፥ ጉይያን፥ ሀግያ ታማርሰያ እት እት አሳይነ ፓርሳዋቱ የራሳላመፕ የሱሳኮ ዪደ።

2 “ኔና ካልያዋንቱ እያው ኑ አዎቱዋ ዋጋ ባይዚና? እያው ጎፕ፥ ኡንቱንቱ ቁማ ማናፕ ካሰቲደ፥ ባረጎቱ ኩሽያ ሜጨትክና” ያጌድና።

3 የሱስ ዛሬደ፥ ኡንቱንታ ሀዋዳን ያጌዳ፥ “ሀንተንቱ ሀንተ ዋጋ ድራው፥ ጸሳ እዛዘዋ ፖልያዋ እያው እጸቲ?”

4 እያው ጎፕ ጸሳይ፥ ና ከባነ ነ ዳዮ ቦንቻ፥ ቃይ፥ ባረ እባ ዋይ ባረ ዳዮ ቦርያዌ ሀይቆ ያጌዳ።

5-6 ሽን ሀንተንቱ፥ ላት አሳይ ባረ እባ ዋይ ባረ ዳዮ ማድያባይ ባረው ደኢና፥ ሄዋ ጸሳዋ ጎፕ፥ ባረ እባ ዋይ ባረ ዳዮ ቦንቻናው በሰና ያጌታ፥ ያቲደ ሀንተንቱ ሀንተንቱ ዋጋ ፖላናው ጸሳ ቃላው እዛዘትክ።

7 ሀ ሎኦ ማላትያ ኢታ አሳቶ፥ እሰያስ ባለናን ሀንተንቱባው ትምቢትያ ኦዲደ።

8 “ጸሳይ ሀዋዳን ያጌዳ፥ “ሀዌ አሳይ ታና፥

ባረ ቦላ ደናን ቦንቻ፥ ሽን ኡንቱንቱ ዋዛናይ፥ ታፕ ሃኩዋን ደኤ።

9 አሳይ ታው መላ ጎይኔ፤

እያው ጎፕ፥ አሳይ ኦሌዳ እዛዘዋ፥

ጸሳ ሀግያ ማላትሲደ፥ ታማርሴድና” ጌዳ ” ያጌዳ።

አሳ ቱንሰያዋንታ (ማር. 7:14-23)

10 የሱስ ዳር አሳ ባረኮ ጴሲደ፥ “ሰሰተነ እከክተ፤

11 አሳ ቱንሰያዌ ደና ግደ ገልያዋ ግደና፥ ሽን አሳ ቱንሰያዌ ደናፕ ከሰያዋ” ያጌዳ።

12 ሄዋ፥ ጉይያን፥ እ ካልያዋንቱ እኮ ዪደ፥ “ፓርሳዋቱ ኔን ሃሳዬዳዋ ሰሲደ፥ ሀንቀቲዳዋ እከካይ?” ያጌድና።

13 ሽን የሱስ ዛሬደ፥ “ሳሉዋን ደእያ ታ እኩ ቶክቤና ሞላ ኡባይ ሸደታናዋ።

14 ኡንቱንቱ ሀርጎፕ፥ ኡንቱንቱ ቆቃ ካለሰያ ቆቃቱዋ፥ ቆቃይ ቆቃ ካለሰ፥ ላኡካ ኦላን ኩንዳ” ያጌዳ።

15 ጳጳሮስ ዛሬደ፥ “ሀ ለምሱዋ ብለላ ኑው ኡዳርኪ” ያጌዳ።

16 የሱስ ኡንቱንታ ሀዋዳን ያጌዳ፥ “ሀንተንቱ ቃይ ሀኦ ጋካናውካ ገልቤኔ?”

17 ደናና ገልያ ኡባይ ኡሉዋ ግደ ቢደ፥ ቃይ ኡሉዋ፥ ካረ ከሰያዋ ኤርክቲ?”

18 ሽን ደናፕ ከሰያዌ ዋዛናፕ ከሲ፤ አሳ ቱንሰያዌ ሄዋ ማላ።

19 እያው ጎፕ፥ ዋዛና ግደ፥ ኢታ ቆፋይ፥ ዋጅያዌ፥ ዋሹምያዌ፥ ቃይ ዋሹማናው ካጄልያዌ ኡባይ፥ ወእያዌ፥ ዋርዱዋን ማርካትያዌ፥ ቦሪ ከሲ።

20 ሄዋ ማላትያዌ አሳ ቱንሰያዋ፥ እትን፥ ሚጭቤና ኩሽያን ምያዌ አሳ ቱንሰና” ያጌዳ።

ካናን አሳ ግዴዳ እት ማጫውን አማኑዋ (ማር. 7:24-30)

21 ሄዋ፥ ጉይያን፥ የሱስ ሄዋ፥ ከጊደ፥ ጲሮሳን ሲደና ጌተትያ ካታማቲ ደእያ ጋደያ ቤዳ።

22 ካናን ጌተትያ ጋደያ ማጫውና እትና ሄዋ፥ የሱሳኮ ያደ፥ ባረ ኮሻ ቆቁ ኦላደ፥ “ታ ጎዳው፥ ዳዌታ ናኦ፥ ታው ቃረታርኪ፤ ታ ናቶ ኢታ እያናይ ሎኤና ኦይላ ኦይቁዳ” ያጋዳ።

23 ሽን የሱስ እዘው እይ ቃላነ ቃትቤና፤ እ ካልያዋንቱ እኮ ዪደ፥ “ሀ ሞሽራታ ኑ ጌዱዋ ካላ ካላደ፥ ባረ ኮሻ ቆቁ ኦላደ ኦዳው፤ ሄዋ ድራው፥ ኔን እዘ የዳርኪ” ያጌደ ዋሴድና።

24 የሱስ ዛሬደ፥ “ታን ባዬዳ ድርሳው፥ እሰራኤልያ አሳ ጸላላው ከተታድ” ያጌዳ።

25 ሽን እዘ ያደ፥ “ታ ጎዳው፥ ታና ማዳርኪ!” ያጋደ እው ጎይናዳ።

26 ቃይ እ ዛሬደ፥ “ናና ቁማ እከደ፥ ካና ማራው ኦልያዌ ሎኦ ግደና” ያጌዳ።

27 ሞሽራታ፥ “ኤ ታ ጎዳው፥ ሄዌ ቱማ፤ ሽን ሀራይ እቶ ካና ማራቲ ባረጎቱ ጎዳቱ ማረ፥ ሳምፓፕ ላለቲዳ ሱፓ ሚኖተኔ” ያጋዳ።

28 የሱስ ዛሬደ እዘ፡ “ሀ ሞሽራቱ፤ ነ አማኑ ዋልቃማ፤ ኔን ኮዬዳዋዳን ነዉ ሀሮ” ያጌዳ። እዝ ናታ ኤላካ ፓጻ አጋዳ።

የሱስ ጮራ ሀርጋንቻቱዋ ፓሌዳ

29 የሱስ ሄዋፕ ደንዲደ፡ ጋሊላ አባ ማታ ቤዳ፤ ቃይ እት ደርያ ቦላ ከሲደ፡ ሄዋን ኡቲዳ።

30 ዳር አሳይ ዋባቱዋ፡ ቆቃቱዋ፡ ቁናቱዋን ዲደቱዋ፡ ቃይ ሀራ ጮራቱዋ እኮ እሂደ፡ አ ማታን ዋሌዳ። የሱስ ኤንቲንታ ፓሌዳ።

31 ሄዋ ድራዉ፡ አሳይ ዱዳቱ ሃሳይሸን፡ ቁናቱ ሱርሸን ዋባቱ ሀመትሸን፡ ቆቃቱ ጸልሸን በእ ማላላቲደ፡ እሰራኤልያ ጸሳ ጋላቲድና።

የሱስ አይዱ ሻእ አሳ ሞዜዳ (ማር. 8:1-10)

32 የሱስ ባረና ካልያዋንታ ባረኮ ጸሲደ፡ “ሀ ጮራ አሳይ ታናና ሄዙ ጋላሳይ ጋካናዉ ጋምኤዳ ድራዉ፡ ታን ሀ አሳዉ ቃረታይ፤ ኤንቲንቶ ሀእ ሞያዌ ባዋ፡ ቃይ ኤንቲንቱ ኦግያን ዳቡሪደ ኩንደና ማላ፡ ቁማ ሞዘናን ኤንቲንታ መላ የዳናዉካ ኮይከ” ያጌዳ።

33 እ ካልያዋንቱ ዛሬደ የሱሳ፡ “ኔን ሀ ባዘዋን ሀዋ ኬና አሳ ካልሲያ ቁማ ሀቃፕ ደማኔን?” ያጌድና።

34 ቃይ የሱስ ኤንቲንታ፡ “ሀንተንቶ አፑን ኡክሳይ ደእ?” ያጌደ ኦቹዳ። ኤንቲንቱ፡ “ላፑ ኡክሳይን ሞለቱዋፕ አማራዳዋንቱ ደእና” ያጌድና።

35 የሱስ አሳ፡ “ሳእን ኡትተ” ያጌዳ።

36 ሄ ላፑ ኡክሳን ሞልያ ኦይቂደ፡ ጸሳ ጋላቲዳ፤ መንጋራዲደ ባረና ካልያዋንቶ አሜዳ፤ ቃይ ኤንቲንቱ ጮራ አሳዉ አሜድና።

37 አሳይ ኡባይ ሚደ ካሌዳ፤ ሚና ኦቲዳ ላፑ ዛምቤልያ ኩሜዳ ሱፓ አ ካልያዋንቱ ደንሌድና።

38 ሚዳ አሳይ ማጫ አሳን ናና ፓይደናን፡ ኦይዱ ሻእ አቱማ አሳ።

39 የሱስ አሳ የደዋፕ ጉይያን፡ ዋንግርያን ገሊደ፡ መገደን ጌትታያ ጋድያ ቤዳ።

### 16

ማላታ በአናዉ ኦቹዳ ኦሻ (ማር. 8:11-13፤ ሉቃሳ 12:54-56)

1 እት እት ፓርሳዋቱን ሳዱቃዋናቱ የሱሳኮ ዪደ፡ አ ፓጫናዉ ኮዬድና፤ ያቲደ ባረንታ ሳሉዋፕ ማላታ በሳና ማላ ዋሌድና።

2 ሸን የሱስ ዛሬደ፡ ኤንቲንታ ሀዋዳን ያጌዳ፤ “ሳእይ ቃምያ ዋደ ሀንተንቱ፡ ‘ሳሉ ዘኤዳ ድራዉ፡ ሳእይ ሻማናዋ’ ያጌታ፤

3 ዋንቲማላን ቃይ፡ ‘ሳሉ ዘኢደ ጉባኔዳ ድራዉ፡ ሀቹ እራይ ቡካናዋ’ ያጌታ፤ ሳሉዋ ጸሊደ፡ ሳእይ ሀናናዋ ኤራናዉ ዳንዳዪታ፤ ሸን ታ ዩሳ ዋድያ ማላታ ሻክ ኤራናዉ ዳንዳይክቲ?\*

4 ሀ ዋድያ አሳይ ኢታይን ዋሹምያዋ፡ ጸሳዉ አማነተናዋ፡ ማላታ ኮዬ፤ ናብያ ዮናሳ ማላታፕ አትን፡ ሀራ ማላታይ አዉ እመተና” ያጌዳ። ሄዋፕ ሰሚደ፡ ኤንቲንታ አጌደ ቤዳ።

ፓርሳዋቱዋን ሳዱቃዋናቱዋ እርሹዋ (ማር. 8:14-21)

5 እ ካልያዋንቱ አባ ፕኔዳ ዋደ፡ ቁማ አፋናዋ ደጌድና።

6 የሱስ ኤንቲንታ፡ “ፓርሳዋቱዋ እርሹዋፕን ሳዱቃዋናቱዋ እርሹዋፕ ሀንተንታ ኤሪደ ናገትተ” ያጌዳ።

7 ኤንቲንቱ ባረንቱ ግድን፡ “እ ሀዋ ያግያዌ ኔን ቁማ አሀቤና ድራሳ” ያጌደ ሃሳያ ደሜድና።

8 ሸን ኤንቲንቱ ግያዋ የሱስ ኤሪደ፡ “ሀ አማኑ ፓጩዳዋንቶ፡ ቁማይ ባይና ድራዉ፡ እያዉ ሀንተንቱ ግደን ሃሳዪቲ?”

9 ሀእካ ሀንተንቶ ገልቤኔ? ታን እቼሹ ኡክሳ እቼሹ ሻእ አሳ ሞዛደ ካልሴዳዋ፡ ቃይ ሀንተንቱ አፑን ዛምቤልያ ኩንሊደ አቲዳ ሱፓ ደንሌድተንቶ ዋዛና አልክቲ?”

10 ዋይ ታን ላፑ ኡክሳ ኦይዱ ሻእ አሳ ሞዛ ካልሴዳዋ፡ ቃይ ሀንተንቱ አፑን ዛምቤልያ ኩንሊደ አቲዳ ሱፓ ደንሌድተንቶ ዋዛና አልክቲ?”

11 ታን ሀንተንታ ፓርሳዋቱዋ እርሹዋፕን ሳዱቃዋናቱዋ እርሹዋፕ ናገትተ ግያዋፕ አትን፡ ኡክሳባ ሀንተንቶ ሃሳያቤናዋ ሀንተንቱ ዋኒደ እኬክክቲ?” ያጌዳ።

12 እ ካልያዋንቱ የሱስ ባረንቶ ኦይዳዋ፡ ፓርሳዋቱዋ ትምርትያፕን ሳዱቃዋናቱዋ ትምርትያፕ ኤንቲንቱ ናገታና ማላ ኦይቶዋፕ አትን፡ ሙናቃን ትግያ እርሹዋፕ ናገታና ማላ ግደናዋ ሄ ዋደ እኬኬድና።

ጳጵሮሳ አማኑዋን ማርካተላ (ማር. 8:27-30፤ ሉቃሳ 9:18-21)

13 የሱስ ቁሳርያ ፕሊጸሳ ጌትታያ ጋድያ ገኬዳ ዋደ፡ ባረና ካልያዋንታ፡ “አሳይ ታና፡ አሳ ናኦ ኦና ጌ?” ያጌደ ኦቹዳ።

14 እ ካልያዋንቱ ዛሬደ፡ “ኔና እት እት አሳይ፡ ጸማቆያ ዮሃንሳ ያጌ፤ ሀራንቱ ቃይ ኤላሳ ያጌና፤ ቃይ ሀራንቱ ኤርማሳ ዋይ ናባቱዋፕ አቱዋ ያጌና” ያጌድና።

15 የሱስ ኤንቲንታ፡ “ያትና ሀንተንቱ ታና ኦና ጌቲ?” ያጌዳ።

16 ሰዋን ጳጵሮስ ዛሬደ፡ “ኔን ደኡዋ ጸሳ ናኦ ክርስቶሳ” ያጌዳ።

17 የሱስ ዛሬደ፡ ሀዋዳን ያጌዳ፤ “ዮና ናኦ ሰዋና፡ ሀዋ ነዉ ሳሉዋን ደእኦ ታ እቡ ኤርሴዳዋፕ አትን፡ አሳይ ኦን ኔና ኤርሴቤና ድራዉ፡ ኔን እንጀቲዳዋ።

18 ጳጵሮሳ፡ ታን ነዉ ኦዳይ፤ ኔን ሹቻ፤ ታን ሀ ዛላ ቦላ ታ ዋሳ ጎልያ ኬጻና፤ ታ ዋሳ ጎልያ ሀራይ አቶ፡ ሰኡልያ ዋልቃይካ ጻናናዉ ዳንዳዪና።

19 ታን ነዉ ሳሉዋ ካዉተላ ቁልፕያ አማና፤ ኔን ሳኦን ሀሮ ጎዌ ኡባይ ሳሉዋን ጸሳ ሰንላን

\* 16:3 እት እት ጌሻ ማጻፋ በን ብለላቱዋን የሱሳ ቃላቱ ሀ ፓይዳቱዋን ባዋ።

ሀናና፤ ሽን ኔን ሳኣን ሀኖፖ ጌዳዌ ሳሉዋንካ ሀነና” ያጌዳ።

20 ሄዋፕ ጉይያን፣ እ ክርስቶሳ ግዴዳዋ እ ካልያዋንቱ ኦስነ ኦደና ማላ፣ ኡንቱንታ ኣዛዜዳ።

የሱሰ ባረና ጋካና መቱዋባነ ሀይቁዋባ ኮይር ኡዱዋ ኦዳዳ (ማር. 8:31-33፤ ሉቃሳ 9:22-27)

21 ሄ ዋድያፕ ደሚደ የሱሰ፣ “ታን የሩሳላመ ቢና፣ ታና ጭማቱ፣ ቁሳቱዋ ካፓቱን ሀግያ ታማርሰያዋንቱ ዳሪ ዋይሳናዉ በሴ፤ ኡንቱንቱ ታና ዋጳናዉን ታን ሄዘንሉ ጋላሰ ሀይቁዋፕ ደንዳናዉ በሴ” ያጌደ፣ ባረና ካልያዋንቶ ጌሺደ ኦዳዋ ደሚዳ።

22 ጳጳርሰ እ እት ባጋ ዛሪደ፣ “ታ ጎዳዉ፣ ጳሳይ ኔና ሄዋፕ እሸ፤ ሀዌ ነ ቦላ ኡባካ ዬና” ያጌደ እ ዛሪናዉ ደሚዳ።

23 ሽን የሱሰ ጉየ ሰሚደ ጳጳርሳ፣ “ሀ ሴዳናዉ፣ ኔን ታ ማፓፕ ክቻ፤ ኔን ኣሳይ ደሰያዋ ቆፕያዋፕ ኦትን፣ ጳሳይ ደሰያዋ ቆፕና ድራዉ፣ ታዉ ጱቦ ግዳዳ” ያጌዳ።

የሱሳ ካላናዉ ኮሽያ ኦግያ (ማር. 8:34—9:1፤ ሉቃሳ 9:23-27)

24 ሄዋፕ ጉይያን፣ የሱሰ ባረና ካልያዋንታ ሀዋዳን ያጌዳ፤ “ታና ካላናዉ ኮይያ ኡራይ ደኣ፣ ባረና ሳይ፤ ያቲደ ባረ ማሰቃልያ ቶሺደ፣ ታና ካሉ።

25 እያዉ ጎፕ፣ ባረ ሸምፑዋ ኣሻናዉ ኮይያ ኡራይ ባይዛናዋ፤ ሽን ባረ ሸምፑዋ ታ ድራዉ ባይዘያ ኡራይ ኣሻናዋ።

26 እት ኡራይ ሳኣን ደእያ ኡባባ ባረዉ ሺሺደ፣ ባረ ሸምፑዋ ባይዘፕ፣ እ እያ ማዳኔ? ዋይ እት ኡራይ ባረ ሸምፑዋ ዋዛናዉ እያ ኣማና ዳንዳዪ?

27 እያዉ ጎፕ፣ ታን፣ ኣሳ ናኣይ፣ ታ ኣቡ ቦንቹዋን ታ ኪታንቻቱዋና ያና ሀናይ፤ ኣሳ ኡባዉ ሄ ዋደ እ ኡሱዋ ጋትያ እማና።

28 ታን ሀንተንቶ ቱሙዋ ጋይ፤ እማራዳ ኣሳቱ፣ ታን፣ ኣሳ ናኣይ፣ ካትያ ግዳደ ይያዋ በኣና ጋካናዉ፣ ሀይቆናዋንቱ ሀዋን ደኣኖ” ያጌዳ።

### 17

የሱሳ ማላይ ላመቲዳ (ማር. 9:2-13፤ ሉቃሳ 9:28-36)

1 የሱሰ ኡሱቱን ጋላሳፕ ጉይያን፣ ባረናና ጳጳርሳ፣ ያቆባነ፣ ያቆ እሻ ዮሃንሳ ኣኪደ፣ ኡንቱንቱ ጸላላ ዋጋ ደርያ ሁጲያ ከሴዳ።

2 ቃይ ኡንቱንቱ ጳልሸን፣ ኡንቱንቱ ሰንላን ላመቲዳ፤ እ ዳሙ ኣዋይፍያዳን ፖኤዳ፤ እ ማዩካ ፖኡዋዳን ጸሌዳ።

3 ሙሴነ ኤላሰ የሱሳና ሃሳይሸን፣ ሀ ሄዘ ኣ ካልያዋንቱ በኤድና።

4 ጳጳርሰ የሱሳ፣ “ታ ጎዳዉ፣ ኑን ሀዋን ደእያዎ ኑዉ ሎኣ፤ ኔን ደሰፕ፣ ኑን ሀዋን ሄዘ ደሰያ እቱዋ ነዉ፣ እቱዋ ሙሴዉ፣ እቱዋ ኤላሳዉ ኬጸና” ያጌዳ።

5 እ ሃሳይሸን፣ ፖእያ ሻሪ ዪነ ኡንቱንታ ካም እጌዳ፤ ሻርያ ግደፕ፣ “ሀዌ ታን ሲቅያ ታና ናሽቻያ ታ ናኣ፤ እ ግያዋ ሰሰተ” ግያ ቃላይ ዬዳ።

6 እ ካልያዋንቱ ሄ ቃላ ሰሴዳ ዋደ፣ ዳር ያዪደ፣ ጉፋን ኣጌድና።

7 የሱሰ ኡንቱንቱኮ ዪደ፣ ኡንቱንታ ቦቹደ፣ “ደንድተ፤ ያዮፕተ” ያጌዳ።

8 ኡንቱንቱ ጴቁ ጊደ ጳልያ ዋደ፣ የሱሳ ጸላላፕ ኦትን፣ ሀሪ ኣሳ ኦናነ በኣቢይክና።

9 ኡንቱንቱ ደርያፕ ዋድሸን፣ የሱሰ ኡንቱንታ፣ “ታን ኣሳ ናኣይ፣ ሀይቁዋፕ ደንዳና ጋካናዉ፣ ሀ ሀንተንቱ በኤዳዋ ኦስነ ኦድፕተ” ያጌደ ኣዛዜዳ።

10 እ ካልያዋንቱ የሱሳ፣ “ያትና፣ ሀግያ ታማርሰያዋንቱ እያዉ፣ ኡላሰ ካሰቲደ ያናዉ በሴ፣ ጊና?” ያጌደ ኣቹድና።

11 እ ዛሪደ ያጌዳ፤ “ኤላሰ ካሰት ዪደ፣ ኡባባ ጊግሳናዋ።

12 ሽን ታን ሀንተንቶ ኦዳይ፤ ኤላሰ ሀዋፕ ካሰ ይ ድጌዳ። ሄ ዋደ ኣሳይ ኣ፣ ባረንቶ ኮዬዳዋን ኡባ ኦዲዳዋፕ ኦትን ኣ ኤርበይክና፤ ሄዋዳንካ፣ ቃይ ታና፣ ኣሳ ናኣ፣ ኣሳይ ዋይሳናዋ” ያጌዳ።

13 እ ካልያዋንቱ ሄ ዋደ ባረንቶ የሱሰ ጸማቅያ ዮሃንሳባ ኦድያዋ ኣኬኬድና።

የሱሰ ኢታ ኣያናይ ኦይቄዳ ናኣ ፓሌዳ (ማር. 9:14-29፤ ሉቃሳ 9:37-43)

14 ኡንቱንቱ ዳር ኣሳኮ ዬዳ ዋደ፣ እት ብታነ የሱሳኮ ዪደ፣ እ ሰንላን ጉልባቲደ፣

15 “ታ ጎዳዉ፣ ታ ናኣ ዋዛና ባይዘያ ሀርጊ ኦይቆና፣ እ ዳር ዋደ ታማን፣ ቃይ ዳር ዋደ ሃላን ኩንድያ ድራዉ፣ እ ዳሪ ሳከቲ፤ እ ፓላርከ።

16 ኔና ካልያዋንቱኮካ እ ኣሃድ፤ ሽን ፓላናዉ ደንዳይበይክና” ያጌዳ።

17 የሱሰ ዛሪደ ኡንቱንታ፣ “ኣማንና ሀ ዋድያ ጌላ ኣሳዉ! ታን ሀንተናና ኣዉደ ጋካናዉ ደኣኔ? ቃይ ሀንተንቱባ ኣዉደ ጋካናዉ ዳንዳይኔ? ናኣ ታኮ ሃ ኣኪደ ዪተ” ያጌዳ።

18 የሱሰ ኢታ ኣያና፣ “ኣፕ ከሳ” ጊደ ኣዛዝና፣ ኢታ ኣያናይ ናኣፕ ከሰ ኣጌዳ፤ ኤላካ ናኣይ ፓጽ ኣጌዳ።

19 ሄዋፕ ጉይያን፣ እ ካልያዋንቱ ባረንቱ ጸላላ የሱሳኮ ዪደ፣ “ኑን ኢታ ኣያና ከሳናዉ እያዉ ዳንዳይበይኮ?” ያጌድና።

20 የሱሰ ኡንቱንታ ያጌዳ፤ “ሄዌ ሀንተንቱ ኣማኑ ጉዱዳ ድራራ፤ ታን ሀንተንቶ ቱሙዋ ኦዳይ፤ ሀንተንቶ ሳናፍጭያ ጌተታያ ጉላ ሞላት ኣይፍያ ኬና ኣማኑ ደኣንቶ፣ ሀንተንቱ

16:27 25:31፤ ማዘ. 62:12፤ ሮመ 2:6 17:1 2 ጳጳ. 1:17-18 17:5 ደመላ 22:2፤ ዛረ. 18:15፤ ማዘ. 2:7፤ ኢሳ. 42:1፤ ማቶሳ 3:17፤ 12:18፤ ማር. 1:11፤ ሉቃሳ 3:22 17:10 ሚልክ. 4:5

ሀ ደርያ፡ ሳህፈት ያ ሺቃ ያማንቶ እ ሺቃና፤ ህንተንቱ አያነ አላናወካ ዳንዳያንታ።

21 ሸን ሀዋ ማላ ዋሳፕነ ጸማፕ ሀራባይ ከሳናዉ ዳንዳየና” ያጌዳ።

የሱስ ባረ ሀይቁዋባ ላኢንሱዋ ኦዴዳ (ማር. 9:30-32፤ ሉቃስ 9:43-45)

22 እ ካልያዋንቱ ጋሊላነ፡ እትፕ ሺቃ ኡት ደእሸን፡ የሱስ ኡንቱንታ፡ “ታና፡ አሳ ናአ፡ አሳይ አሳዉ አሌደ እማና።

23 አሳይ ታና ዋቆናዋ፤ ሄዋፕ ጉይያን ታን ሄዘንሉያ ጋላሰ ሀይቁዋፕ ደንዳና” ያጌዳ። እ ካልያዋንቱ ዳር ቃረቴድና።

ጌሻ ጎልያ ገራ ገርያዋ

24 የሱስን እ ካልያዋንቱ ቅፍርናሆማ ካታማ ዬዳ ዋደ፡ ጌሻ ጎልያሰ ቃራጸ አክያዋንቱ ጳጵርሳኮ ዪደ፡ “ህንተንታ ታማርሰያዋ ጌሻ ጎልያ ገራ ገርኔን?” ያጌድና።

25 እ ዛሪደ፡ “ገራ” ያጌዳ።

ጳጵርሰ ሶይ ገሌዳ ዋደ፡ የሱስ ካስቲደ አ፡ “ሰዋና፡ ነ ቆፋይ እዬ? ሀ ሳእ ካታቱ ቃራጸ ዋይ ገራ እፕ አኪኖ? ባርነቱ ጋድያ አሳፕ አኪኖ ዋይ ሀራ ጋድያ አሳፕ አኪኖ?” ያጌዳ።

26 ጳጵርሰ፡ “ሀራ ጋድያ አሳፕ አኪኖ” ያጌዳ።

የሱስ ጳጵርሳ፡ “ያቶ፡ ጋድያ አሳይ ገራናዉ በሰና።

27 ሸን ኦን ሀ አሳቱዋ ህንቀላናዉ ኮዮኮ፤ ኔን አባ ባደ አን ዳባ የጋ፤ ያታደ ኮይር ከሰያ ሞልያ ኦይቃደ፡ አ ደና ፖቅያ ዋደ፡ ገራዉ ገድያ ማሻ ኔን ደማና። ሄዋ አካደ፡ ታ ገራሳ ነ ገራ ኡንቱንቶ አማ” ያጌዳ።

# 18

ኡባፕ አድያዌ ኦኔ?

(ማር. 9:33-37፤ ሉቃስ 9:46-48)

1 እ ካልያዋንቱ የሱሳኮ ሄ ዋደ ዪደ፡ “ሳሉዋ ካዉተላን ኡባፕ አድያዌ ኦኔ?” ያጌድና።

2 የሱስ እት ጉላ ናአ ጼሰ ኡንቱንቱ ግደን ኡሲደ፡ ሀዋዳን ያጌዳ፤

3 “ታን ህንተንቶ ቱሙዋ አዳይ፤ ጸሳኮ ህንተንቱ ሰማደ፡ ጉላ ናናዳን ሀናና ቆዮፕ፡ ሳሉዋ ካዉተላ ኡባካ ገላናዉ ዳንዳይክታ።

4 ሰሞ ሀ ጉላ ናናዳን፡ ባርና ካዉሸያ ኦንነ ሳሉዋ ካዉተላን ኡባፕ አድያዋ።

5 ቃይ ሀዋ ማላ ናአ ታ ሱንላን ሞክያ ኦንነ ታና ሞኬ።

6 ሸን ታና አማንያ ሀ ጉላ ናናፕ እቱዋ ባለሉያ ኦንነ፡ ጋጭያ ዋጋ ዋጸ ባረ ቆድያን ቃቺደ፡ አባ ጨሙዋን ሞተትያዌ አዉ ሎአ።

ዱቦ ጋሶ ግድያዋ (ማር. 9:42-48፤ ሉቃስ 17:1-2)

7 “አላሚ አሳ ቆቢያ ድራዉ፡ ሳአዉ አየር፤ እያዉ ጎፕ፡ ቆቢያባይ ዩሳ አገና፤ ሸን ቆቡ እ ጋሶታን ይያ ኡራዉ አየር።

8 “ኔና ኩሺ ዋይ ነ ገዲ ኔና ባለሉፕ፡ ኔፕ ቃንጸ አላ፤ ኔን ላኡ ኩሸያናን ላኡ ገድያና ሙድና ታማን ኡለትያዋፕ ዋባ ዋይ ዱጸ ኩሸያና ሙድና ደኡዋ ገልያዌ ነዉ ሎአ።

9 ቃይ ነ አይሬ ኔና ባለሉፕ፡ ኔፕ ዋጫ ከሳ ኦላ፤ ኔን ላኡ አይፍያና ጋናሞያ ታማን ኡለትያዋፕ እት አይፍያና ሙድና ደኡዋ ገልያዌ ነዉ ሎአ።

10 “ህንተንቱ ሀ ጉላቱዋፕ እቱዋን ካፍ ማላ፡ ህንተንታ ናግተ፤ እያዉ ጎፕ፡ ታን ህንተንቶ ኦዳይ፤ ሳሉዋን ኡንቱንቱ ኪታንቻቱ ኡባ ዋደ፡ ሳሉዋን ደእያ ታ አቡ ሰንላን ደእኖ።

11 እያዉ ጎፕ፡ ታን፡ አሳ ናአይ፡ ባዬዳዋ አሻናዉ ያድ።

ባዬዳ ደርሳ ለምሱዋ (ሉቃስ 15:3-7)

12 “እት አሳዉ ጾቱ ደርሳቱ ደእያዋንቱፕ እቱ ባዮፕ፡ ኡዲፕ ታማን ኡዲፕ ደርያን አገደ፡ ሄ ባዬዳዋ ኮያናዉ ቤኔ? ህንተንቱ ዋግጌቱ?

13 ታን ህንተንቶ ቱሙዋ ጋይ፤ እ ደሞፕ፡ ባይቤና ኡዲፕ ታማን ኡዲፕ ደርሳቱዋፕ አሌደ፡ ሄ እት ደርሳን ናሸቴ።

14 ሄዋዳንካ፡ ሳሉዋን ደእያ ህንተንቱ አቡ ሀ ጉላቱዋፕ እቱ ባያናዋካ ኮየና።

ባይዜዳ አሳዉ ኦላናዉ በሰያባ

15 “ካ አሻይ ኔና ናቆፕ፡ ኔርካ እኮ ባደ፡ አ ናቁዋ አዉ ኦዳ፤ እ ነዋ ሰሶፕ፡ ነ አሻ ባላፕ ዛራዳ።

16 ሸን እ ነዋ ሰሰናን እጸፕ፡ ላኡ ዋይ ሄዙ ማርካይ ማርካቶዋን የዉ ኡባይ ቱማትያ ድራዉ፡ ሀራ እት ዋይ ላኡ አሳ ኔናና እትፕ ገፋ።

17 እ ኡንቱንቱባ ሰሰናን እጸፕ፡ ኡባባ አማንያ አሳዉ ኦዳ፤ ቃይ አማንያ አሳይ ግያዋካ እ ሰሰናን እጸፕ፡ አማንና አሳዳንነ ቃራጸ ሺሸያ አሳዳን አ ፓይዳ።

18 “ታን ህንተንቶ ቱሙዋ ጋይ፤ ኔን ሳእን ሀና ጎዌ ኡባይ ሳሉዋን ጸሳ ሰንላን ሀናና፤ ሸን ኔን ሳእን ሀናፕ ጉይዌ ሳሉዋንካ ሀና።

19 “ቃይካ ታን ህንተንቶ ኦዳይ፤ ህንተፕ ላኡ ኡራይ ሳእን ጸሳ ዋሰያዋን አይ የዉዋንነ እት ዋዛና ግድፕ፡ ሳሉዋን ደእያ ታ አቡ ሄዋ ህንተንቶ አማና።

20 እያዉ ጎፕ፡ ላኡ ኡራይ ዋይ ሄዙ ኡራይ ታ ሱንላን ሺቅያሳን፡ ታን ሄዋን ኡንቱንቱ ግዲዋን ደእይ” ያጌዳ።

አቶ ግያዋ

21 ጳጵርሰ፤ ሄ ዋደ የሱሳኮ ዪደ፡ “ካዳዉ፡ ታ እሻይ ታና አፕ ካላ ናቆፕ ታን አዉ አቶ ጋናዉ በሲ፡ ላፕኩዋ ጋካናዉ ናቂኔዬ?” ያገደ እ ኦቼዳ።

22 የሱስ ዛሬደ እ፥ “ግድና፥ ታን ኔና ላፑን ታሙ ካላ ላፑኑዋ ጋይፕ አትን፥ ላፑኑዋ ጸላላ ገከ።

23 “አያው ጎፕ፥ ሳሉዋ ካወተላይ ባረ ቆማቱዋና ሚሻ ሄተታናው ቆፔዳ ካትያ በሴ።

24 ሄ ካቲ ሚሻ ሄተታናው ደሜዳ ዋደ፥ ዳሮ ሚሎን ብራ አጩ ደእያ አት ብታንያ አኮ አሄድና።

25 ሽን ሄ ቆማው አጩዋ ጭግዋ ላይና፥ አ ጎዳይ ሄ አጩዋ ጭጋናው፥ አ ማቻታን እነ አ ናናይ፥ ቃይ አው ደእያ ኡባባይ ዛልኤታና ማላ፥ አ አዛዜዳ።

26 ሄዋ ድራው፥ ቆማይ ባረ ጎዳ ሰንላን ጉልባቲደ፥ ታ ጎዳው፥ ሀያ ጎዳ ጉላ ዋድያ ናጋርኪ፤ ታን ነው ኡባባካ ጭጋና ያገደ አ ዋሴዳ።

27 አ ጎዳይ አው ቃረቲደ፥ አ የድ አኤዳ፤ አ አጩዋካ አው ማር አኤዳ።

28 “ሸን ሄ ቆማይ ከሲደ፥ ባረ ላገላ ቆማቱዋ፥ እቱ ባረፕ ጾቱ ብራ ሳንትምያ ታልኤዳዋና ጋከቲደ፥ ኅ ቦላ ደእያ ታ ሚሻ ጭጋ” ያግ አይቂደ፥ አ ጩሌዳ።

29 “ያትና ሄ አ ላገላ ቆማይ አ ሰንላን ጉልባቲደ፥ ሀእ ታይሻይ ጉላ ዋድያ ናጋርኪ፤ ታን ነው ኡባባካ ጭጋና” ያገደ አ ዋሴዳ።

30 “ሸን እጽ አክ ቢደ፥ አ ላገላይ ሄ አጩዋ ቃንጸና ጋካናው፥ ቃሾ ጎላ ገልሴዳ።

31 ሄዋ ድራው፥ አ ላገላ ቆማቱ ሄዋ በኢደ፥ ዳሮ ይሎቱድና፤ ባረንቱ ጎዳኮ ቢደ፥ አ አሌዳ ኡባባ አው አዳድና።

32 “ሄዋ፥ ጉይያን፥ ጎዳይ ሄ ቆማ ጸሲደ፥ ሀ ኢታ ቆማው፥ ኔን ታና ዋሴዳ ድራው፥ ታን ሄ አጩዋ ኡባ ነው ማራ አጋድ።

33 ታን ነው ሄ አጩዋ ማራዳዋዳን፥ ኔንካ ነ ላገላ ቆማው ማራናው በሰነ፥” ያገደ።

34 ሄዋ፥ ሰሚደ አው ዳሮ ሀንቀቲደ፥ ባረ አጩዋ ኡባ እ ጭግ ወርሳና ጋካናው፥ ፓጸ ካኤታና ማላ፥ ቃሾ ጎላ ገልሴዳ።

35 “ሀንተንቱ ሁጲያን ሁጲያን ሀንተንቱ እሻው ዋዛና፥ እቶ ጋና ላፑ፥ ሄ ጎዳይ ባረ ቆማ ኡሌዳዋዳን፥ ሳሉዋን ደእያ ታ እቡካ ሀንተንታ ሄዋዳን አላና” ያገደ።

### 19

የሱስ ገሉዋባን አካባ ታማርሴዳ (ማር. 10:1-12)

1 የሱስ ሄ ሃሳና ወርሶዋ፥ ጉይያን፥ ጋሊላ፥ ደንዲደ፥ የርዳና ሳ ሻፋ፥ ሄናንላን ደእያ ይሁዳ ጋድያ ቡዳ።

2 ዳሮ አሳይ አ ካሊደ ቤዳዋ ሄዋን ፓሌዳ።

3 እት እት ፓርሳዋቱ ፓጫናው የሱሳኮ ዪደ፥ “እት አሳይ አይ ጋሱዋን፥ ባረ ማቻቶ የዳናው ኑ ሀጊ አዛዚ?” ያገደ አ ኦቹድና።

4 የሱስ ዛሬደ፥ ሀዋዳን ያገደ፤ “ጸሳይ ኮይር ኡንቱንታ ሙዲደ፥ እቱማዋን ማጫውኖ አሌዳ።

5 ሄዋ ድራው፥ ላት አሳይ ባረ አባነ ባረ ዳዮ አገደ፥ ባረ ማቻትና እት፥ ደኤ፤ ኡንቱንቱ ላኡ እት አሳ ግዲኖ” ያገደ ቃላ ናባብበይከት?

6 ሄዋ ድራው፥ ኡንቱንቱ እት አሳ ግድያዋ፥ እትን፥ ላኡ አሳ ግድክና፤ ሄዋ ድራው፥ ጸሳይ እት፥ ደኤናዳን ጋላዋ አሳይ ሻኮ።” ያገደ።

7 ፓርሳዋቱ የሱሳ፥ “ያትና፥ ሙሴ አያው እት ኡራይ ባረ ማቻቶ ፕርማ ፔዲደ የዳና ማላ አዛዜዳ?” ያገደና።

8 የሱስ ዛሬደ፥ “ሀንተንቱ ሀንተንቱ ማቻቱዋ የዳና ማላ፥ ሙሴ ሀንተንታ አዛዜዳዋ፥ ሀንተንቱ እድና ሰሰና ጉዙማ ግደ ድራፕ አትን፥ ኮይር ሄዋ ማላ ግደና።

9 ታን ሀንተንቶ ኦዳይ፤ ባረ ማቻቶ ዋሹመናን ደእሸን የዲደ፥ ሀራር አክያ ኦንጎ ዋሹማ፤ ሀራይ የዳዳውኖ አክያዌካ ዋሹማ” ያገደ።

10 የሱሳ ካልያዋንቱ እ፥ “አሰና ግዲዋንጎ ማቻት ግዲዋን ደእያ ዋጋይ ሄዋ ማላ ግደ፥ አከናንጎ ገለናን ደእያዌ ሎአ” ያገደና።

11 ሸን የሱስ ኡንቱንታ ያገደ፤ “ሄዋ ማላ ትምርቲ ጸሳይ እምዋንቱሳ፥ እትን፥ አሳ ኡባሳ ግደና፤

12 አያው ጎፕ፥ ባረንቱ ዳይ ኡሉዋ፥ የለትያ ዋደካ፥ ሹፋ ግዳዳዋንቱ ደኤና፤ ቃይ አሳይ ቃራትና ሙራሳ ግዳዳዋንቱ ደኤና፤ ቃይ ሳሉዋ ካወተላ ድራው፥ ባረንታ ሹፋ ኡሌዳዋንቱ ደኤና፤ ሀ ትምርቲያ አካናው ዳንዲይያዌ ኦንጎ አኮ” ያገደ።

የሱስ ቁር ናና ቦላ ባረ ኩሽያ ዋሌዳ (ማር. 10:13-16፤ ሉቃስ 18:15-17)

13 የሱስ ሄ ዋደ ባረ ኩሽያ ጉላ ናና ቦላ ዋሌዳ፥ ጸሳ ዋሳና ማላ፥ እት እት አሳይ ናና አኮ አሄዳ፤ ሸን የሱሳ ካልያዋንቱ ሄ አሳ አሄና ማላ ሀንቀቱድና።

14 ሸን የሱስ፥ “ቁር ናናይ ታኮ ይያዋ ድጎፕቲ፤ አያው ጎፕ፥ ሳሉዋ ካወተላይ ሄዋንቱ ማላሳ” ያገደ።

15 ሄዋ፥ ሰሚደ ባረ ኩሽያ ኡንቱንቱ ቦላ ዋሌዳዋ፥ ሄዋ፥ ባሽ ቤዳ።

ያላጋ፥ ዱረ ብታንያ ኦሻ (ማር. 10:17-31፤ ሉቃስ 18:18-30)

16 እት ብታን የሱሳኮ ዪደ፥ “ታማርሶያዎ፥ ታን ሙዲና ደኤዋ ደማናው ሎካ አያ አሉ?” ያገደ።

17 የሱስ እ፥ “ሎካይ አየንቶ ታና አያው ኦቻይ? እቱዋ ጸላላይ ሎእ፤ ሸን ኔን ሙዲናው ደኤናው ኮዮ፥ አዛዛቱዋ ናጋ” ያገደ።

18 ብታን፥ “ሀቃዋንታ?” ያገደ ኦቹዳ።



የሱስ ዛሪድ፤ “ዋጾ፣ ዋሹዋ፣ ወእ፣ ዋርዲዋ ማርካቶ፣

19 ነ እባነ ነ ዳዮ ቦንቻ፣ ነ ሾሩዋካ ነ ሁጲያዳን ሲቃ” ያጌዳ።

20 ሄ ያላጋ ብታኒ የሱሳ፤ “ታን ሄዋ ኡባካ ጉጥጥጥ ደማደ ናጋድ፤ ያትና፤ ታዉ ገጭያዌ አዬ?” ያጌዳ።

21 የሱስ ብታንያ፤ “ኔን ፖሎ አሳ ግዳናዉ ኮዮ፣ ባደ ነዉ ደእያዋ ዛልእደ፤ ሄ ሚሻ ህዬሳዉ እማ፤ ኔን ሳሉዋን ዴረታና፤ ያታደ ያደ ታና ካላ” ያጌዳ።

22 ሽን ሄ ያላጋ ብታኒ ሄዋ ሰሴዳ ዋደ፤ እ ዳሮ ዴረ ግድያ ድራዉ፤ ቃረቲደ ባሽ ቤዳ።

23 የሱስ ባረና ካልያዋንቶ፤ “ታን ህንተንቶ ቱሙዋ ጋይ፤ ዴረ አሳይ ሳሉዋ ካወተላ ገላናዌ ዳሮ ሙቶ ግዳናዋ።

24 ታን ጉጃደካ ህንተንቶ ኦዳይ፤ ዴረ አሳይ ጸሳ ካወተላ ገላና፣ ጋሉ ማርፕያ ሉኩዋና አቆናዌ ማታቱ” ያጌዳ።

25 እ ካልያዋንቱ ሄዋ ሰሰ ማላለቲድ፤ “ያትና፤ ኦን አታናዉ ዳንዳዩ?” ያጌድኖ።

26 የሱስ ኡንቱንታ ጫድ ጸሊደ፤ “ሀዌ አሳዉ ዳንዳየተና፤ ሽን ጸሳዉ ኡባባይ ዳንዳየቱ” ያጌዳ።

27 ጸጽሮስ ሄ ዋደ ዛሪደ የሱሳ፤ “በእ፤ ኔን ኑዉ ደእያ ኡባባ ባሽደ፤ ኔና ካሌደ፤ ያቲደ ኔን እያ ደማኔሻ?” ያጌዳ።

28 የሱስ ኡንቱንታ ሀዋዳን ያጌዳ፤ “ታን ህንተንቶ ቱሙዋ ጋይ፤ ታን፤ አሳ ናአይ፤ ኦራላ ጋድዳን ታ ካወተላ ኦይድያን ኡትያ ዋደ፤ ታና ካሌዳ ህንተንቱካ ታማነ ላኡ እስራኤልያ ዛራቱዋ ቦላ ፕርዳናዉ፤ ታማነ ላኡ ካወተላ ኦይድያን ኡታንታ።

29 ታ ሱንላ ድራዉ፤ ጎልያ ዋይ አሻቱዋ ዋይ ሞቻቱዋ፤ ዋይ አዉዋ ዋይ እቶ ዋይ ማቻቶ፤ ዋይ ናና ዋይ ጋድያ አጌዳ ኦን፤ ጾቱ ዳኩዋ፣ ዳራዋ አካና፤ ቃይ ሙጵና ደኡዋካ ላታና።

30 ሽን ጮራቱ ሀእ ሰንሳቲዳዋንቱ ጉየታናዋንታ፤ ቃይ ጮራቱ ሀእ ጉየን ደእያዋንቱ ሰንሳታናዋንታ።

## 20

ዋይንያ ቱራ ግደን ኦልያ አሳንቻቱዋ ለምሱዋ

1 “ሳሉዋ ካወተላይ ዋይንያ ገተትያ ቱራ ግዲዋ ኦልያዋንታ ኡንያ ኦሰሳናዉ፤ ዋንታ ጉራን ከሴዳ ዋይንያ ቱራ ጎዳ በሴ።

2 እ ሄ አሳንቻቶ ሀቼ ሀቼ ኡልዳዋ ዋልቃ ጋትያ ጭጋናዉ አንቱንቱና ጊጊደ፤ ባረ ዋይንያ ቱራ ግዲዋ ኦሰሳናዉ አንቱንታ የዴዳ።

3 “ቃይ ሄዙ ሳትያ ግደደ ከሴደ፤ ኦሱ ባይናን ቆጫን ኤቄዳ ሀራ አሳቱዋ በኢደ፤

4 ኡንቱንታ፤ “ህንተንቱካ ቃይ ታ ዋይንያ ቱራ ግዲዋ ኦልናዉ ቢቲ፤ ታን ህንተንቶ በሰያ ጋትያ ጭጋና ያጌዳ፤ ሄዋ፣ ጉይያን ኡንቱንቱ ቢድኖ።

5 ላእንሱዋካ ኡሱቱን ሳትያንነ ኡዲቱ ሳትያን ከሴደ፤ ሄዋዳን ኡልዳ።

6 ታማነ እት ሳትያ ሄራን እ ከሰያ ዋደ፤ ሀራንቱ ሄዋን ኤቄዳዋንታ ደማደ፤ ‘ኡሱዋ ኦርናን ኩሙንላ ጋላሳ ሀዋን እያዉ ኤቄ ፔሼድቱ?’ ያጌዳ።

7 “ኡንቱንቱ፤ ‘ኑና ኦሰሰያ አሳይ ቆዬዳ ድራዉ ኤቄ ፔሼድ’ ያጌድኖ።

“እ፤ ‘ኡንቱንታካ ቃይ ታ ዋይንያ ቱራ ግዲዋ ኦልናዉ ቢቲ’ ያጌዳ።

8 “ሳእይ ኦማርሰያ ዋደ፤ ዋይንያ ቱራ ጎዳይ ኦልያዋንቱ ካቸዋ፤ ‘ኑሳንቻቱዋ ጸሳደ፤ ዉርሰላን ኡሱዋን ገሌዳዋንቱ፣ ደማደ ኮይሮ ገሌዳዋንታ ጋካናዉ፤ አንቱንቱ ኡሱዋ ድርጉዋ ጭጋ’ ያጌዳ።

9 “ታማነ እት ሳትያ ሄራን ኡሱዋ ደማዳዋንቱ ዩደ፤ ሁጲያን ሁጲያን ኡልደ ፔሼዳ ዋልቃ ጋትያ አኪድኖ።

10 ኮይሮ ኡሱዋ ደማዳ አሳይ ዬዳ ዋደ፤ ዳራዋ አካናዉ ቆፔድኖ፤ ሽን ኡንቱንቱካ ሁጲያን ሁጲያን ባረንቱ ኡሱዋ ዋልቃ ጋትያ አኪድኖ።

11-12 ሄዋ፣ ጉይያን፤ ‘ሀ ጉየ፣ ዬዳዋንቱ እት ሳትያ ጸላላ ኡልድኖ፤ ኩሙንላ ጋላሳ ዳቡራደ ጫዋቲዳ ኑዋና ኡንቱንቱ ኡሱዋ ድርጉዋ ቃራ ኦልዳ፤ ያጊደ ባረንታ ኡሱዋን ገልሴዳዋ ቦላ ዙዙሜድኖ።

13 “ሽን እ ኡንቱንቱ፣ እቱዋ ሀዋዳን ያጌዳ፤ ‘ታ ላገዉ፤ ታን ኔና ናቃበይከ፤ ኦልደ ፔሼዳ ዋልቃ ጋትያ ታናና ገጋበይክዬ?

14 ነዋ እካደ ባ፤ ታን ሀእ ዉርሰላን ኡሱዋን ገሌዳዋካ ነዋ ከና እማናዉ ከሶደ።

15 ታን ታ ሚሻን ታ ኮይዳዋዳን ኦልናዉ ታዉ ማታይ ባዌ? ዋይ ታን ሎእ ግዴዳ ድራዉ፤ ኔን ቃናታይ?’ ያጌዳ።

16 “ሄዋዳን፤ ቃይ ጉየቲዳዋንቱ ሰንሳታናዋንታ፤ ሰንሳቲዳዋንቱ ቃይ ጉየታናዋንታ፤ እያዉ ጎ፣ ጾሰቲዳዋንቱ ጮራ፤ ሽን ደረቲዳዋንቱ ጉላ” ያጌዳ።

የሱስ ባረ ሀይቁዋ ሄዘንሱዋ ኦዳዳ (ማር. 10:32-34፤ ሉቃሳ 18:31-34)

17 የሱስ የሩሳላሙ ቢደ፤ ኦግያን ባረናና ብያ ታማነ ላኡ ባረና ካልያዋንታ ጋጾ ከሴደ፤ ዴማ ኡንቱንቶ ያጌዳ።

18 “በእቲ፤ ኔን የሩሳላሙ ሀእ ከሴቶ። ያን ታና፤ አሳ ናእ ቁሳቱዋ ካፓቶን ሀግያ ታማርሰያዋንቶ ኡልደ እማናዋንታ፤ ኡንቱንቱ ታ ቦላ ሀይቁዋ ፕርዳ ፕርዳናዋንታ።

19 ቃይ አይሁዳ ግደና አሳዉካ ታና ኡልደ እማናዋንታ፤ ሄ አይሁዳ ግደና አሳይ ታ ቦላ ቅሊጫናዋንታን ታና ልሱዋን ሾጫናዋንታ፤ ያቲደ ማስቃልያ ቦላ ሞስማርያን ድሼደ፤ ታና ካቃናዋንታ፤ ታን ሄዘንሱዋ ጋላሰ ሀይቁዋ፣ ደንዳና” ያጌዳ።

ዛብድኖሳ ናና ዳይ ዋይ (ማር. 10:35-45)

20 ሄ ወደ ዛብድዮሳ ናና ዳያ ባረ ናናና የሱሳኮ ያዲ፤ እ ሰንላን ጉልባታደ እትባ አ ዋሳዲ።

21 የሱሰ እዞ፡ “እያ ኮያይ?” ያጊደ ኦቼዳ።

እዛ ዛራደ፡ “ሀ ታ ላኦ ናናይ ነ ካውተላን እቱ ኔፐ ኡሸቻ ባጋና፡ ቃይ እቱ ኔፐ ሀድርሳ ባጋና ኡትኖ ያጋርኪ” ያጊደ ዋሳዲ።

22 ሸን የሱሰ ዛሪደ ናና፡ “ሀንተንቱ እያ ዋሳናው በሰንቶ ኤርክታ። ታና ጋክያ ዋልቃማ መቱዋ መቶታንቱ? ታን ጸማቀታና ጽንቃታ ጸማቀታናዉ ዳንዳዪቱ?” ያጊደ።

ኡንቱንቱ፡ “ኤ ዳንዳያና” ያጊደና።

23 የሱሰ፡ “ታና ጋክያ ዋልቃማ መቱዋ ቱማካ ሀንተንቱ መቶታንታ፤ ሸን ታፐ ኡሸቻ ባጋናን ሀድርሳ ባጋና ኡታናዋንታ ደራናዉ ታዉ ማታይ ባዋ፤ ሸን ሄ ሳእይ ታ አቡ እማናዉ ጊግሰ ዋሴዳዋንቱሳ” ያጊደ።

24 የኮ ታሙ የሱሳ ካልያዋንቱ ሄዋ ሰሴዳ ዋደ፡ ሄ ላኦ እሻቶ ሀንቀቱድና።

25 ሸን የሱሰ ኡንቱንቱ ኡባቱዋካ ባረኮ ጸሲደ፡ ሀዋዳን ያጊደ፤ “እሀዛባ አሳቱዋ ካፓቱን ሀዋንታ ካለልያ አሳቱ ባረንቱ አሳ አይሰያዋ ኤሪታ።

26 ሀንተንቱ ግዲዋን ሄዋ ማላ ግደና፤ ሸን ሀንተንቱ ግዲዋን ጴቃተላ ኮይያ ኦንነ ሀንተንቶ ቆማ ግዳናዉ በሴ።

27 ቃይ ሀንተንቱ ግዲዋን ኡባፐ ቦላ ግዳናዉ ኮይያዌ ኦንነ ሀንተንቶ አይለ ግዳናዉ በሴ።

28 ሄዋዳን ታን፡ አሳ ናአይ፡ አሳዉ አላናዉን ዳር አሳ ዋዛናዉ ታ ሸምቱዋ እማናዉ ዬዳዋፐ አትን፡ አሳይ ታዉ አላና ማላ ያበይከ” ያጊደ።

የሱሰ ላኦ ቆቃቱዋ ፓሴዳ (ማር. 10:46-52፤ ሉቃሳ 18:35-43)

29 የሱሰን አ ካልያዋንቱ እያርኮፐ ከሰሸን፡ ዳር አሳይ ኡንቱንታ ካሌዳ።

30 ላኦ ቆቃ አሳቱ ኦግያ ደናን ኡቱዳዋንቱ የሱሰ ሄዋና እጵያዋ ሰሴደ፡ ባረንቱ ኮሻ ቆቁ ኦሲደ፡ “ጎዳዉ፡ ዳዊታ ናአዉ፡ ኑዉ ቃረታርኪ” ያጊደና።

31 ዳር አሳይ ኡንቱንታ፡ “ሀይዘተ” ጊደ ሀንቀቱዳ፤ ሸን ኡንቱንቱ ባረንቱ ኮሻ ዳር ቆቁ ኦሲደ፡ “ጎዳዉ፡ ዳዊታ ናአዉ፡ ኑና ማራርኪ!” ያጊደና።

32 የሱሰ ኦግያን ኡቁደ፡ ኡንቱንታ ጸሲደ፡ “ታን ሀንተንቶ አያ ኦላና ማላ ኮዪቱ?” ያጊደ።

33 ቆቃቱ፡ “ጎዳዉ፡ ኑ እይፍያ ፓላርኪ” ያጊደና።

34 የሱሰ ኡንቱንቶ ቃረቲደ፡ ኡንቱንቱ አይፍያ ቦቹዳ፤ ኡላካ ኡንቱንቱ አይፊ ጸል አገና፡ አ ካል አይድና።

# 21

የሱሰ ዋልቃማ ቦንቹዋን የረሳላመ ገሌዳ (ማር. 11:1-11፤ ሉቃሳ 19:28-40፤ ዮሃ. 12:12-19)

1 ኡንቱንቱ የረሳላመ ማቲደ፡ ደብረ ዛይተ ጌተትያ ደርያ ላንቁያን ደእያ ቤተፋገ ጌተትያ ቁር ካታማ ጋከድኖ፤ የሱሰ ባረና ካልያዋንቱ፤ ላኦ ሰንላዉ ኪቲደ።

2 ኡንቱንታ ሀዋዳን ያጊደ፤ “ሀንተንቱፐ ሰንላን ደእያ ቁር ካታማ ቤተ፤ ሄዋን እት ሀራታ ቃሹዋን ደኤዉኖ እዝ ማራና ሀንተንቱ ብ ሰሞ ሳንካ ደማንታ፤ ኡንቱንታ ብሊደ፡ ታዉ አክ ዪተ።

3 ኦንነ ሀንተንታ ኦቾፐ፡ “ጎዳይ ሀዋንታ ኮዬ” ያግተ፤ ኤላካ አ ኡንቱንታ የድ አጋናዋ።”\*

45 ትምቢትያ ኦድያ ናቤ፡

“ጽዮን ካታማ አሳዉ፡

“በአ፡ ነ ካቲ አሸከ ግዲደ፡

ሀርያ ቦላ፡ ሀረ ማራ ቦላ ኡቲደ፡

ኔኮ ዬ” ያግተ።

ያጊደ ሃሳዬዳዌ ፖሊታና ማላ፡ ሀዌ ሃኔዳ።

6 አ ካልያዋንቱ ቤደ፡ የሱሰ ባረንታ አዛዛዋዳን ኦሴድና።

7 ሀራቶን ሀረ ማራ አሂደ፡ ባረንቱ ማዩዋ ኡንቱንቱ ዘክያን ዋሴድኖ፤ ሄዋፐ ሰምና የሱሰ ቶጊዳ።

8 ሄ ጮራ አሳፐ ዳርያ ባጋይ ባረ ማዩዋ ኦግያን ሄዬዳ፤ ቃይ ሀራንቱ ሞላ ሀይላ ካር ካሪደ፡ ኦግያን የጊድና።

9 የሱሳፐ ሰንላና ሀመትያ ጮራ አሳይን ቃይ አ ጌዲዋ ካልያ ጮራ አሳይ፡ ባረንቱ ኮሻ ቆቁ ኦሴደ፡

“ዳዊታ ናአይ ጋላተቶ!

ጎዳ ሰንላን ይያዌ እንጀቱዳዋ!

ጸሳይ ጋላተቶ!”

ያጊደ።

10 የሱሰ የረሳላመ ካታማ ገሌዳ ዋደ፡ ካታማን ደእያ አሳይ ኡባይ፡ “ሀዌ ኦኔ?” ያጊደ ሻቢረቱድና።

11 አሳይ፡ “ሀዌ ጋሊላን ደእያ ናዘሬተ ጌተትያ ካታማፐ ዬዳ ናብያ የሱሳ” ያጊደ።

የሱሰ ጌሻ ጎልያ ገሊዳ

(ማር. 11:15-19፤ ሉቃሳ 19:45-48፤ ዮሃ. 2:13-22)

12 የሱሰ ጌሻ ጎልያ ገሊደ፡ ሄዋን ዛልእያዋንታን ሻምያዋንታ ኡባ ካረ የደርሴዳ፤ ቃይ ሚሻ ላምያዋንቱ ጸራጸዛን ደጎሙዋ ዛልእያዋንቱ ኦይድያ ጉጵ የጊደ፡

13 ኡንቱንታ፡ “ጸሳ ማጸፋን፡ ታ ጎሊ ጸሳ ዋሰያ ጎልያ ጌተታና ያገቲደ ጸፈት ኡቲዳ፤ ሸን ሀንተንቱ አ ቦንቁያዋንቱ ቆሰትያ ጎንጎሎዋ ከሴድታ” ያጊደ።

14 ቆቃቱን ገዲ ሰሊዳዋንቱ የሱሳኮ ጌሻ ጎልያ ዪና፡ አ ኡንቱንታ ፓሴዳ።

\* 21:3 ገዳይ- ሀራቱዋ ጎዳ ጉሳ። 21:4-5 ዛካ. 9:9 21:9 ማዝ. 118:25፤ 26 21:13 ኦሳ. 56:7፤ ኤር. 7:11

15 ሽን ቁሳቸው ካገቱት ህግያ ታማርሰያዎንቱ የሱስ አልያ ኦራሳባ በኤዳ ዎደነ፣ ጉላ ናናይ ገሻ ጎልያን ባረንቱ ኮሻ ቆቆ አላይ፣ “ዳዋታ ናከይ ጋላተቶ” ያግያዎ በኤዳ ዎይ ሀንቀቴድኖ።

16 ያተይ የሱሳ፣ “ሀዋንቱ ግያዎ ሰሳይ?” ያገድኖ።

የሱሳ፣ “ኤ ሰሳይ፤ ጸሳ ማጻፋይ፣ ጉላ ናናይን ጸምያ ናናይ ኔና ጋላታና ማላ፣ ኡንቱንታ ኤርሳዳ፣ ያግያዎ ኡባካ ናባብ በይክቱ?” ያገድኖ።

17 የሱስ ኡንቱንታ አገደ፣ ሄ ካታማፕ ቢታንያ ጌተትያ ካታማ ቢደ፣ ያን አቄዳ።

አይፊ ጳዬዳ ባላሰያ ምላቶ (ማር. 11:12-14፣ 20-24)

18 የሱስ ምንታ ጉራና ካታማ ቤዳ ድራው ኮሻቲዳ።

19 ኦግያ ደናን እት ባላሰያ ጌተትያ ምላቶ በኢደ፣ ኢኮ ቤዳ፤ ብ ጋክያ ዎደ ሄ ምላቶን ሀይላ ጸላላፕ እትን፣ አይፍያ አይነ ደምቤና፤ እዞ፣ “ላኡንሎቶ መድናወካ አይፎፓ” ያግና፣ ሄ ባላሳታ ኤለካ መላ አገዳ።

20 እ ካልያዎንቱ ሄዋ በኢደ ማላለቲደ፣ “ሀ ባላሳታ ዋናደ እት ኩላን መላ አገዳ?” ያገድኖ።

21 የሱስ ዛሪደ፣ “ታን ህንተንቶ ቱሙዋ ጋይ፤ ህንተንቱ አማኑ ደእያዎንታን ሰናዋንታ ግደ፣ ሀ ባላሳቶ ታን አሌዳዋ ማላ ጸላላ አላክታ፤ ሽን ሀራይ አቶ ህንተንቱ ሀ ደርያ፣ ደንዳደ አባን ከንዳ፣ ግንቶካ ሀናና፤

22 ህንተንቱ አማኒደ ጸሳ ዋሰያዎ አያ ግድንቶካ እካና” ያገድኖ።

የሱሳ ማታይ ዬዳሳ (ማር. 11:27-33፣ ሉቃሳ 20:1-8)

23 የሱስ ገሻ ጎልያ ዪደ ታማርሰሽን፣ ቁሳቸው ካገቱት አይሁዳ ጭማቱ እኮ ዪደ፣ “ኔን ሀዋ አላናው ነው አይ ማታይ ደኢ? ነው ሀ ማታ ኦኔ አሜዳዋ?” ያገድኖ።

24 የሱስ ዛሪደ ኡንቱንታ፣ “ታንካ ህንተንታ እትባ አቻና፤ ህንተንቱ ታው ሄዋ አደ፣ ታን ሀዋ አይ ማታን አላይታንቶ፣ ህንተንቶ አዳና፤

25 የሃንሰ ጸማቅያ ማታይ ሀቃፕ ዬዳ? ጸሳፕ ዬደየ አሳፕ ዬዳ?” ያገድኖ።

ኡንቱንቱ ባረንቱ ግዲዋን ፓሎማ ደሚደ፣ “ኦን፣ ጸሳፕ ዬዳ፣ ያገፕ እ ኦና፣ ያቶ፣ የሃንሰ ኦዲዳዋ አያው አማንበይክቱ?” ያገናዋ።

26 ሽን ኦን፣ ላሳፕ ዬዳ፣ ያገ፣ አሳይ ኡባይ የሃንሰ ናብያ ግዲዳዋ ኤርያ ድራው፣ አሳው ያዬቶ” ያገድኖ።

27 ኡንቱንቱ የሱሳው፣ “ኦን ኤርኮ” ያገደ ዛሬድኖ።

የሱሳ፣ “ታንካ ሀዋ አይ ማታን አላይታንቶ፣ ህንተንቶ አድኮ” ያገድኖ።

ላኤ ናና ሊምሱዋ

28 “ሽን ህንተንቱ አያ ቆፕቱ? ላኤ ናናይ ደእያ እት ብታኒ ደኢ፤ ሄ ብታኒ ባይራ ናኣኮ ቢደ፣ ታ ናኣው፣ ሀቼ ባደ ታ ዎይንያ ቱራ አላ” ያገድኖ።

29 ናኣይ ዛሪደ፣ ‘ቢኮ’ ጌዳ፤ ሽን ጉየፕ ባረ ዋዛናን ቆፕ አኪደ፣ ዎይንያ ቱራ አላናው ቤዳ።

30 አው የኮ ናኣኮ ቢደ፣ ባይራው ጌዳዳዳንካ አው ጌዳ፤ ቱፋ ናኣይ ዛሪደ፣ ‘ሎእ ታ ጎዳው’ ያገዳ፤ ሽን ብቢና።

31 ሀ ላኤ ናናፕ ባረ አው ኮዬዳዋ አሌዳዋ ሀቃዋ?” ያገድኖ።

ኡንቱንቱ፣ “ባይራ” ያገድኖ።

የሱስ ኡንቱንታ ሀዋዳን ያገዳ፤ “ታን ህንተንቶ ቱሙዋ ጋይ፤ ቃራጸ አክያዎንቱን ዋሹምያዎንቱ ህንተፕ ሰንላቲደ፣ ጸሳ ካውተሳ ገላና።

32 አያው ጎፕ፣ ጸማቅያ የሃንሰ ጽሎተላ ኦግያ ታማርሲደ፣ ህንተኮ ዪና፣ እ ግያዎ አማንበይክታ። ሽን ቃራጸ አክያዎንቱን ዋሹምያዎንቱ እ ግያዎ አማኔድና፤ ህንተንቱ ሀራይ አቶ ሄዋ በኢደካ፣ ህንተንቱ ናጋራፕ ሰሚደ፣ እ ግይያዎ አማንበይክታ” ያገዳ።

ዎይንያ ቱራ ግድን አልያ ጎሻንቻቱዋ ሊምሱዋ

(ማር. 12:1-12፤ ሉቃሳ 20:9-19)

33 ቃይካ የሱስ ሀዋዳን ያገዳ፤ “ሀራ ሊምሱዋካ ሰሰተ፤ ዎይንያ ጌተትያ ቱራ ቶኬዳ እት ብታኒ ደኢ፤ ዎይንያ ቱራ የሽ አሌደ ድራዳ፤ ቃይ ሄ ዎይንያ ጉምእያ አላካ ቦኬዳ፤ ሄዋ ናግያ አሳው አዲሳ ሹቻ ግምቤዳ። ሄዋፕ ጉይያን፣ ኮላ አልያ አሳው አሚደ፣ ሀራ ገደ ቤዳ።

34 ዎይንያ አይፍያ ማጽያ ዎደ ጋክና፣ ባረና ጋክያዎ አኪደ ያና ማላ፣ ባረ ቆማቱዋ ባረ ኮላዋቱዋኮ ኪቲዳ።

35 ኮላዋቱ እ ቆማቱዋ አይቂደ፣ እቱዋ ዎዲድኖ፤ ቃይ የኩዋ ሹቻን ጸልቂድኖ።

36 ቃይካ ሄ ብታኒ ካሰዋንቱፕ ዳርያ ሀራ ቆማቱዋ ኪቲዳ፤ ኮላዋቱ ሄ ቆማቱዋካ ካሰዋንቱዋዳን አሌድኖ።

37 “ሽን ወርሰላን እ፣ ታ ናኣ ኡንቱንቱ ቦንቻናዋንታ” ያገደ ባረ ናኣ ኡንቱንቱኮ ኪቲዳ።

38 “ሽን ኮላዋቱ ናኣ በኢደ፣ ባረንቱ ግዲዋን፣ ናጋድያ ላታናዋ ሀዋ፤ ቢደ እ ዎዲደ፣ ጋድያ ኦን ላታና” ያገድኖ።

39 ናኣ አይቂደ፣ ዎይንያ ቱራ ግደፕ ጋጸ ከሲደ ዎዲድኖ።

40 “ሰም ዎይንያ ቱራ ጎዳይ ይያ ዎደ፣ ሄ ኮላዋቱዋ ዎታኔ?” ያገደ አቼዳ።

41 ኡንቱንቱ፣ “እ ሄ ኢታ አሳቱዋ ዎድ ወርሲደ፣ ዎይንያ ቱራይ አይፍያ ዎደ ባረና ጋክያዎ ዎድያን ሹድያ ሀራ ኮላዋቶ አማና” ያገድኖ።

42 የሱስ ኡንቱንታ ሀዋዳን ያገዳ፤ “ ግምቤያዎንቱ ካዲደ እጾዳ ሹቻይ፣

ጎዳ ጸጸዋ ምንሰያ፥ ኡባጥ እድያ ሹቻ ግዴዳ።

ሀዌ ጎዳይ አሌዳዋ፤

ቃይ ኑ ጸላውካ ማላልሰያዋ፤ ያግያዋ ጸሳ ማጸፋጥ ኡባካ ናባብ በይክቴ?

43 “ሄዋ ድራው፥ ታን ህንተንቶ ኦዳይ፤ ጸሳ ካውተላይ ህንተጥ አከቲይ፥ ሎኦ አይፍያ እምያ አሳው እመታናዋ።

44 ሄ ሹቻ ቦላ ኩንድያ ኡባይ መኤረታና፤ ቃይ ሄ ሹቻይ አሳ ቦላ ኩንድ፤ ሄ ኩንዳዳ ኡራ ሊቅሳና” ያጌዳ።

45 ቁሳቱዋ ካፓቱከ ፓርሳዋቱ የሱሰ ኦዳይ ሊምሱዋ ሰሴዳ ዋደ፥ ባረንቱዋ ሃሳይያዋ ኤራድኖ።

46 ኡንቱንቱ የሱሳ አይቃናው ኮዬድኖ፤ ሽን የሱሳ ዳሮ አሳይ ናብያ ገደ ቆጥ ኡቴዳ ድራው፥ ሄ አሳው ያዬድኖ።

### 22

እካነ ገሉዋ ኦዳዋ ሊምሱዋ (ሉቃስ 14:15-24)

1 የሱሰ አሳው ላኤንሉዋ ሊምሱዋን ሀዋዳን ያገደ ሃሳይዳ፤

2 “ሳሉዋ ካውተላይ ባረ ናአው ማኙያ እማናው ኡባባ ማኬዳ ካትያ ማላ።

3 ሄ ካቲ ቡላቻው ኦድ ዋዴዳ አሳቱዋ ጸሳው ባረ ቆማቱዋ ከቴዳ፤ ሽን አሳቱ ያናው ኮይበይክኖ።

4 “ቃይ ሀራ ቆማቱዋ፥ ‘ጸሰቴዳዋንታ፥ ‘ታን ቆማ ገግሳድ፤ ታ ሳንጋቱከ ታ ሞጶ ምያቱ ሹከቴድኖ፤ ኡባባይካ ማከቴዳ። ቡላቻ ሃ ዱተ” ያግተን ያገደ ከቴዳ።

5 ሽን ጸሰቴዳዋንቱ ኮየናን እጸደ፥ ባረንቱ አሶ ቤድኖ፤ እቱ ባረ ጎሻው ቢና፥ የኩ ባረ ዛልኤው ቤዳ።

6 አቴዳዋንቱ ቃይ ካትያ ቆማቱዋ አይቁ ዋዴደ ዋዴድኖ።

7 “ካቲ ዳሮ ሀንቀቴዳ፤ ቃይ ባረ ዋታዳራቱዋ የዳደ፥ ሄ ሸምጥዋ ዋዴዳዋንታ ዋድሲደ፥ ኡንቱንቱ ካታማ ጉድሴዳ።

8 ሄዋጥ ጉይያን፥ ባረ ቆማቱዋ፥ ‘ቡላቻይ ማከቴዳ፤ ሽን ጸሰቴዳዋንቱ ቡላቻው በሰያ አሳ ግድክኖ።

9 ሄዋ ድራው፥ ዋጋ ቃዳ ቢደ፥ ህንተንቱ ደሜዳ አሳ ኡባ ቡላቻው ጸሰት” ያጌዳ።

10 ሄ ቆማቱ ቃዳ ቢደ፥ ባረንቱ ደሜዳ አሳ ኡባ ሎኡዋ ኢታ ሺሺደ፥ ቡላቻ ዳሰያ ኩንሌድኖ።

11 “ሸን ካቲ ቆማ ማናው ኡቴዳ አሳ በአናው ገሌዳ ዋደ፥ ቡላቻ ማየዋ ማይቤና እት ብታንያ ሄዋን በኢደ።

12 ‘ታ ላገው፥ ቡላቻ ማየዋ ማየናን ዋናይ ሀዋ ገላዲ? ያግና ብታኒ ጮኡ ጌዳ።

13 “ሄዋጥ ጉይያን፥ ካቲ ባረ ቆማቱዋ፥ ‘ሀ ብታንያ ኩሽያን ገድያ ቃቸደ፥ ካረ ቆማ ከሰ አልተ፤ እ ሄዋን ዬካናን እቻ ጳቃናን ያጌዳ።

14 “እያው ጎጥ፥ ጸሰቴዳዋንቱ ዳራ፤ ሽን ደረቴዳዋንቱ ጉላ” ያጌዳ።

ገራ ዋት ገራንንቶ ኦቼዳ አሻ (ማር. 12:13-17፤ ሉቃስ 20:20-26)

15 ሄዋጥ ጉይያን፥ ፓርሳዋቱ ቢደ፥ አ ሃሳያጥ ባላ ደሚደ፥ እ ኦይቃና ማላ ማቀቴድኖ።

16 ቃይ ባረንታ ካልያዋንቱን ሄሮድሳ ባጋቱዋጥ እማራዳዋንታ እኮ ከቴድኖ። ኡንቱንቱ፥ “ታማርሰያዎ፥ ኔን ቱመዋ ሃሳይያዋን ጸሳ ኦግያ ቱማተሳን ታማርሰያዋ ኔን ኤራቶ፤ እያው ጎጥ፥ ኔን አሳጥ አሳ ሻካካነ ዲማያካ።

17 ነ ቆፋይ እየንቶ ኦው ኦዳ፤ ኔን ሮመ ጋድያ ካትያ ቁሳረው ገራ ገርያዌ ዋጌየ ዋጋ ግደኔ?” ያጌድኖ።

18 ሽን የሱሰ ኡንቱንቱ ኢታ ቆፋ ኤሪደ፥ “ሀ ሎእ ማላትያ ኢታ አሳቶ፥ እያው ታና ፓጫቴ?”

19 ገራ ገርያ ሚሻ ታና በሰተ” ያጌዳ። ሄዋጥ ጉየ ኡንቱንቱ ብራ ሳንትምያ እው እሄድኖ።

20 እ፥ “ሀ ማላይነ ሱንሳይ ኦዌ?” ያጌዳ።

21 ሄዋጥ ሰሚደ ኡንቱንታ ኦቼና፥ ኡንቱንቱ፥ “ሮመ ጋድያ ካትያ ቁሳረዋ” ያጌድኖ።

ሄዋጥ ጉይያን፥ የሱሰ ኡንቱንታ፥ “ያቶጥ፥ ቁሳረዋ ቁሳረው፥ ጸሳዋ ጸሳው እምተ” ያጌዳ።

22 ኡንቱንቱ ሄዋ ሰሴዳ ዋደ፥ ማላለቲደ እ እገደ ቤድኖ።

ሀይቁዳዋንቱ ደንዳዋባ (ማር. 12:18-27፤ ሉቃስ 20:27-40)

23 ሀይቁዳ አሳይ ደንደና ግያ ሳዱቃናቱዋጥ እት እት አሳቱ ሄ ጋላሰ የሱሳኮ ዪደ፥ ሀዋዳን ያገደ፥ እ ኦቼድኖ፤

24 “ታማርሰያዎ፥ ሙሴ፥ ‘እት አሳይ ናአ የለናን ሀይቆጥ፥ ሄ ሀይቁዳዋ እሻይ እ ማቻቶ ላቲደ፥ ባረ እሻው ናአ የላናው በሴ” ያጌዳ።

25 ኑናና ላፑ እሻቱ ደኢኖ፤ ባይራይ ማቻቶ አከደ፥ ናአ የለናን ሀይቁዳ፤ ሄዋጥ ጉይያን አ ማቻቶ እ እሻይ እኬዳ።

26 ቃይ ላኤንሰያዋን ሀይቁዳ፤ ሄዘልያዌካ፥ ላፑንሳ ጋካናውካ ሄዋዳን ሀይድኖ።

27 ኡባጥ ጉይያን፥ ሄ ምሽራታ ሀይቃዳ።

28 ያትና፥ ሀይቁዳ አሳይ ሀይቁዋጥ ደንድያ ጋላሰ ሄ ምሽራታ ላፑናቱዋጥ ሀቃዋ ማቼ ግደኔ? እያው ጎጥ፥ ላፑናቱ ኡባይካ እዘ እኬድኖ። ያጌድኖ።

29 የሱሰ ዛሪደ፥ ሀዋዳን ያጌዳ፤ “ጸሳ ማጸፋቱዋ ዋይ እ ዋልቃ ህንተንቱ ኤረና ድራው ባሊታ።

30 እያው ጎጥ፥ ሀይቁዳ አሳይ ሀይቁዋጥ ደንድያ ጋላሰ፥ ሳሉዋን ደኢያ ኪታንቻቱዋ

ማላ ግዳናጥ አትን፤ አቱማ አሳይነ አከና፤ ማጫ አሳይነ ገለና።

31-32 ሽን ሀይቄዳዋንቱ ደንዲዋባ ግደጥ፤ ጸሳይ፤ ጥጉ ኡብራሃመ ጸሳ፤ ይሳቃ ጸሳ፤ ያቆሳ ጸሳ፤ ያጊደ ህንተው ኦጪዳዋ ኡባካ ናባብ በይክቱ? ጸሳይ ፓጾ ደእያዋንቱ ጸሳ ግደና” ያጌዳ።

33 ዳር አሳይ ሄዋ ሰሲደ፤ እ ትምርትያን ማለላቲድና።

ኡባጥ አጅያ አዛዙዋ (ማር. 12:28-34፤ ሉቃሳ 10:25-28)

34 ሽን የሱስ ሳዲቃዋናቱዋ ጮኤ ኦጪዳዋ ፓርሳዋቱ ሰሴዳ ዋደ፤ እትሳ ሸቄድና።

35 ኡንቱንቱ ግደጥ ህግያ ታማርሰያ እቱ፤ የሱሳ ፓጫናው እትባ አቼዳ።

36 “ታማርሰያዎ፤ ህግያ ግዲዋን ኡባጥ አጅያ አዛዙ ሀቃዋ?” ያጊደ እ አቼዳ።

37 የሱስ ዛሪድ፤ ሀዋዳን ያጌዳ፤ “ ኄን ጎዳ ነ ጸሳ ነ ኩመንሳ ዋዛናጥ፤ ነ ኩመንሳ ሸምጥጥ፤ ነ ኩመንሳ ቆፋጥ ሲቃ” ያጌዳ።

38 ሄዋ ኡባጥ ዳርያ አዛዙዋን ቃይ ኡባጥ አጅያ አዛዙዋ።

39 ቃይ ላኤንላያ አዛዙካ እ ማላ፤ ሄዋ፤ ኄን ነ ሸሩዋ ነ ሁጲያዳን ሲቃ” ግያዋ።

40 ሙሴ ህግያ ኡባይነ ናባቱዋ ትምርቲ ሀ ላኤ አዛዙዋን ቃሽቲ” ያጌዳ።

ክርስቶሳባ አቼዳ አሻ (ማር. 12:35-37፤ ሉቃሳ 20:41-44)

41-42 ፓርሳዋቱ እትሳ ሸቄዳሳን የሱስ ኡንቱንታ፤ “ክርስቶሳባ ዋጊደ ቆጥቲ? እ ኦ ናኤ?” ያጊደ አቼዳ።

ኡንቱንቱ፤ “ክርስቶሰ ዳዊታ ናኣ” ያጌድና።

43 የሱስ ኡንቱንታ፤ “ያትና፤ ዳዊተ ባረና ጌሻ አያናይ ሃሳይሰና ክርስቶሳባ ዋጊደ፤ ጎዳ? ጊደ ጴሲ?”

44 ቃይካ ዳዊተ፤ “ጎዳይ ታ ጎዳ፤ ታን፤ ና ሞርከቱዋ፤ ንን የፋ ኤቂያዋ ኦሳና ጋካናው፤ ሀዋን ታጥ ኡሸቻ ባገና ኡታደ ታናና እትጥ ዳናታ ጌዳ” ያጌዳ።

45 ዳዊተ ክርስቶሳ፤ “ጎዳ፤ ጊደ ጴሲጥ፤ ያትና፤ ክርስቶሰ ዋጊደ ዳዊታ ናኣ ግዲ?” ያጌዳ።

46 የሱሳው እት ቃላ ዛራናው ዳንዳዬዳ እት አሳይነ ባዋ፤ ቃይ ሄ ጋላሳጥ ደምና፤ ሀራ ኦሻ እ አቻናው ጸሌዳዊ ኦንነ ባዋ።

### 23

ሙሴ ህግያ ታማርሰያዋንቱን ፓርሳዋቱዋ ኢታተላ

(ማር. 12:38-39፤ ሉቃሳ 11:43-46፤ 20:45-46)

1 ሄዋጥ ጉይያን፤ የሱስ ሸቄዳ አሳውነ ባረና ካልያዋንቶ ሀዋዳን ያጊደ ሃሳዬዳ፤

2 “ህግያ ታማርሰያዋንቱን ፓርሳዋቱ ሙሴ ህግያ ታማርሰያ ማታና ደእና።

3 ሄዋ ድራው፤ ህንተንቱ ኦሳና ማላ፤ ኡንቱንቱ ህንተንታ አዛዘያ ኡባባ ኦሳተን ቃይ ናግተ፤ ሽን ኡንቱንቱ ኦሳዎዳን ኦሳተተ፤ እያው ጎጥ፤ ኡንቱንቱ ባረንቱ ኦሳዎዳ ኦሳክና።

4 ቶካናው ዳጾያ ቶኩዋ ኡንቱንቱ ቃቼደ፤ አሳ ቶሲና፤ ሽን ባረንቱ ሁጲያን ሀራይ አቶ፤ ሄ ቶኩዋ ብራጅያን ቦቻናዛካ ኮይክና።

5 “ሽን ኡንቱንቱ ባረንቱ ኦሳዎ ኡባ አሳይ በአናዳን ኦሳና፤ እያው ጎጥ፤ ባረንቱ ሰምእያንነ ባረንቱ ኩሽያ ቀሰያን ቃቻያ ጽቅሰያና ደእያ ክታፋ አሲናን ባረንቱ ማዌዋ ማጫራካ አዲሲና።

6 አሳይ ባረንታ ሸቢደ አፎሳን ቦንቻ ኡቱዋ ደሲና፤ ቃይ እይሁዳ ዋሳ ጎለቱዋንካ ዳር ሎእያ ኦይድያ ደሲና።

7 አሳይ ገዋን ባረንታ ቦንቹደ ሳርታና ማላን ጥማርሰያዋ ጊደ ባረንታ ጴሳናዳን ኮዬና።

8 “ሽን ህንተንታ ታማርሰያዋ እቱዋ ጸላላ ግዴዳ ድራውነ ህንተንቱ ኡባይ እሻቱዋ ግዴዳ ድራው፤ እቱ እቱዋ፤ ጥማርሰያዋ ጊደ ጴሶጥተ።

9 ሀ ሳኣን አናን ኣውዋ ጊደ ጴሶጥተ፤ እያው ጎጥ፤ ህንተንቶ ሳሉዋን ደእያ እት አው ደኤ።

10 እቱ እቱዋ፤ ጥማርሰያዋ ጊደካ ጴሶጥተ፤ እያው ጎጥ፤ ህንተንቶ እት ጎዳይ፤ ክርስቶሳ ጸላላይ ደኤ።

11 ህንተንቱ ግደን ኡባጥ ዳርያዋ ህንተንቶ ቆማ ግዳናው በሴ።

12 ባረና ዳርሰያዋ ኦንነ ቶሽታና፤ ቃይ ባረና ቶቻያዊ ኦንነ ጶቁ ጋና።

ህግያ ታማርሰያዋንቱን ፓርሳዋቱ ቦረቲድና

(ማር. 12:40፤ ሉቃሳ 11:39-42፤ 44፤ 52፤ 20:47)

13 “ሎኦ ማላትያ ኢታቶ፤ ህግያ ታማርሰያዋንቱን ፓርሳዋቶ፤ አሳው ሳሉዋ ካውተላ ህንተንቱ ጎርድያ ድራው፤ ህንተንቶ አየር፤ እያው ጎጥ፤ ህንተንቱ ሁጲውነ ገልክታ፤ ቃይ ገላናው ኮይያዋንታካ ገልሰክታ።

14 “ሎኦ ማላትያ ኢታቶ፤ ህግያ ታማርሰያዋንቱን ፓርሳዋቶ አምኤቱዋ ገልያ ህንተንቱ ቦንቄደ፤ ህንተንቶ ሎኦ ማላታናው ጸሳ ዋሳ አዲሲታ፤ ሄዋ ድራው፤ ህንተንቶ አየር፤ ኡባጥ አጅያ ፕርዳ ህንተንቱ አካና።

15 “ሎኦ ማላትያ ኢታቶ፤ ህግያ ታማርሰያዋንቱን ፓርሳዋቶ ህንተንቱ እት ኡራ አማንሳናው አባንነ ሳኣን ዩይያ ድራውነ ቃይ ህንተንቱ አ አማንላያ ዋደ፤ ሄ ኡራ ህንተንቱዋጥ ላኤ ኩሽያ እቲዳ ጋናመው ናኣ ኦሳያ ድራው፤ ህንተንቶ አየር።

16 “ ሉዓላን ገሻ ጎልያን ጫቆፕ፣ እይነ ባዋ፤ ሸን ገሻ ጎልያን ደእያ ዋርቃን ጫቆፕ፣ ሄ ጫቁ እ ጋኬ” ግያ ህንተንቶ ቆቅ ኡቲደ አሳ ካለልያዋንቶ፣ ህንተንቶ እየር።

17 ሀ ኤያቱ፣ ሀ ቆቃቱ፣ ዋርቃይ አዲዬ? ዋርቃ ገሻ ኦልያ ገሻ ጎሊ አዲ?

18 ቃይ ህንተንቱ፣ ሉዓላን ያርሹዋ ያርሸያባን ጫቆፕ፣ እይነካ ባዋ፤ ሸን ኦንነ እ ቦላ ደእያ ያርሹዋን ጫቆፕ፣ ሄ ጫቁ እ ጋኬ” ያጊደ ታማርሲታ።

19 ሀ ኤያቱ፣ ሀ ቆቃቱ፣ ያርሹ አዲዬ? ዋይ ያርሹዋ ገሻ ኦልያ እ ያርሸያባይ አዲ?

20 ሄዋ ድራው፣ ያርሹዋ ያርሸያባን ጫቁያ ኡራይ ሄ ያርሸያዋንካ ጫቁ፤ ቃይ እ ቦላ ደእያ ኡባባንካ ጫቁ።

21 ገሻ ጎልያን ጫቁያ ኡራይ፣ ሄ ገሻ ጎልያን እ ግደን ደእያ ጸሳን ጫቁ።

22 ሳሉዋን ጫቁያ ኡራይ፣ ጸሳ ካወተላ ኦይድያንነ ሄ ኦይድያን ኡትያዋን ጫቁ።

23 “ሎእ ማላትያ ኢታቶ፣ ህግያ ታማርሰያዋንቶን ፓርሳዋቶ፣ ህንተንቶ እየር። እያወ ጎፕ፣ ካረላ እኑጋፕ፣ ሸላርያፕነ ኦካሸያፕ አሰራታ ህንተንቱ እሚታ፤ ሸን ህግያን ደእያ ዳሪ ኮሸያዋንታ እገታ፤ ሄዋንቱ ፕርዳ፣ ማርተላ፤ ጽሎተላ። ሀራንታካ አገናን፣ ህንተንቱ አላናወ በሰያ የዋቱ ሀዋንታ።

24 ህንተንቶ ቆቅ ኡቲደ፣ አሳ ካለልያዋንቶ፣ ህንተንቱ ኡሻፕ ኡድንጽያ ጋጪደ፣ ጋሉዋ ሞቲታ።

25 “ሎእ ማላትያ ኢታቶ፣ ህግያ ታማርሰያዋንቶን ፓርሳዋቶ፣ ህንተንቶ እየር። እያወ ጎፕ፣ ህንተንቱ ሻታን ከርያ ቦላ ባጋ ገሸታ፤ ሸን እ ግዲዋን ቦንቂያንነ ኡዘተላን ኮንሌድታ።

26 ሀ ቆቃ ፓርሳዌው፣ ሻታን ከርያ ጋርሳ ካሰታደ ገሻ ድጋ፤ ሄዋፕ ጉይያን፣ ቦላ ባጋይካ ገሻ ግዳናዋ።

27 “ሎእ ማላትያ ኢታቶ፣ ህግያ ታማርሰያዋንቶን ፓርሳዋቶ፣ ህንተንቶ እየር። እያወ ጎፕ፣ ካረ ባጋና ቦሸንቻን ኦክቲደ፣ ሎእ ኡቲደ፣ ቃይ ጋርሳ ባጋና ሀይቁዳ አሳ ሙቀላይነ ዋቁዳባይ ኡባባይ ኩሜዳ ዱፎቱዋ ማላቲታ።

28 ሄዋዳንካ፣ ቃይ ቦላ ባጋና አሳ ኡባወ ጽሎዋ ማላቲታ፤ ሸን ህንተንቶ ጋርሳ ባጋና ሎእ ማላትያ ኢታተላይነ ማካላይ ኩሞ ኡቲዳ።

29 “ሎእ ማላትያ ኢታቶ፣ ህግያ ታማርሰያዋንቶን ፓርሳዋቶ፣ ህንተንቶ እየር። እያወ ጎፕ፣ ናባቱዋ ዱፋዋ ቦላ ጎልያ ኬጺታ፤ ቃይ ጽላቱዋ ዱፋዋካ ሎይሊታ።

30 ቃይ ህንተንቱ፣ ሉዓላን በን ኑ አዋቱዋ ዋደ ደኤዳዋንታ ግድንቶ፣ ኡንቱንቱና እትፕ ናባቱዋ ዋዶኩ ሸን” ያጊታ።

31 ሄዋ ግደፕ፣ ናባቱዋ ዋዶዳዋንቱ ናና ህንተንቱ ግዴዳዋ ህንተንቱ ሀዲያን ማርካቲታ።

32 ሰሞ ህንተንቱ አዋቱ ደሜዳዋ ፖልክቲ፤

33 “ሀ ሸሻቶ፣ ሸሻ ናናው፣ ጋናዋያ ፕርዳፕ ዋኒደ አታንቱ?

34 ሄዋ ድራው፣ በይተ፣ ታን ናባቱዋ አዶ ኡራንቻቱዋን ህግያ ታማርሰያዋንታ ህንተኮ ኪታና። ኡንቱንቱፕ አቱዋ አቱዋ ህንተንቱ ዋዳን ማሰቃልያ ቦላ ሞሰማርያን ድሸደ ካቃንታ፤ ቃይ አቱዋ አቱዋ ህንተንቱ ዋሳ ጎለቱን ለሱዋን ሸጫንታን ካታማፕ ካታማ የደርሳንታ።

35 ሄዋ ድራው፣ ጽሎዋ አቤላ ዋዶደፕ ደሚደ፣ ገሻ ጎልያፕነ ያርሸያ ሳፕ ግዲዋን ህንተንቱ ዋዶዳ ባራክያ ናኦ ዛካራሳ ዋድያ ጋካናው፣ ሀይቁዳ ጽላቱዋ ኡባቱዋ ሱላ ድራው፣ ህንተንቱ ሙራጋንታ።

36 ታን ህንተንቶ ቱሙዋ አዳይ፤ ሀ ኡባባይ ሀ ዋድያ አሳ ቦላ ጋካናዋ።

የሩሳላሙወ አደቲዳ ሞሮ ኦዲዋ (ሉቃሳ 13:34-35)

37 “የሩሳላሙ ካታማ አሳው፣ የሩሳላሙ ካታማ አሳው፣ ናባቱዋ ህንተንቱ ዋዶታ፤ ጸሳይ ህንተንቱኮ ኪቲዳዋንታካ ሹቻን ጫዲታ፤ ኩታታ ባረ ማራቱዋ ባረ ቀፍያን ሀጽያዋዳን፣ ታን ህንተንቱ አሳ እትሳ ሸሻናወ አፑ ካላ ኮያድታ! ሸን ታና ድጌድታ።

38 በእተ፣ ህንተንቱ ጎሊ ኡባካ ኦና ግዳናዋ።

39 እያወ ጎፕ፣ ታን ህንተንቶ ኦዳይ፤ ህንተንቱ፣ ሳዳ ሱንላን ይያዌ እንጀቲዳዋ ጋና ጋካናው፣ ላኤንሉዋ ታና በእክታ” ጋይ” ያጊዳ።

## 24

የሱሰ ገሻ ጎሊ ኮላታናዋ ካሰቲደ ኦዴዳ (ማር. 13:1-2፤ ሉቃሳ 21:5-6)

1 የሱሰ ገሻ ጎልያፕ ከሲደ ብያ ዋደ፣ ገሻ ጎልያ ድርሳ ግደን ደእያ ጎልያ በሳናወ እ ካልያዋንቱ እኮ ዬድና።

2 የሱሰ ዛሪደ ኡንቱንታ፣ “ሄዋ ኡባ በእቲታ፣ ታን ህንተንቶ ቱሙዋ ኦዳይ፤ ሀ ጎለቱዋን ደእያ እት ሹቻይነ አተናን ኡባይ ኮላታና” ያጊዳ።

ዋድያ ወርሰላባ (ማር. 13:3-13፤ ሉቃሳ 21:7-19)

3 የሱሰ ደብረ ዛይተ ጌተትያ ደርያ ቦላን ኡት ደእሸን፣ እ ካልያዋንቱ ባረንቱ ጸላላ እኮ ዪደ እ፣ “ሄዋ እወደ ሀናንቶ፣ ኑወ አዳርኪ፤ ቃይ ነ ዩሳወነ ዋድያ ወርሰላወ ማላይ እያ ግዳኔ?” ያጊዳና።

4 የሱሰ ዛሪደ፣ ኡንቱንታ ሀዋዳን ያጌዳ፤ “ህንተንታ ኡንነ ባለ□ና ማላ ናገትተ።

5 እያወ ጎፕ፣ ዳር አሳይ ታ ሱንላን፣ ሉን ክርሰቶሳን ያጊደ ያና፤ ያቲደ ዳር አሳ ባለላና።

6 ማታን ደእያ ኦላ ሞሱዋን ሃኩዋን ደእያ ኦላ ኦዲዋ ሰሳናዉ ህንተንቲ ደኢታ፤ ሄዋ ማላባይ ሀናናዉ በሰያ ድራዉ፡ ናገትተ፤ ሀርጎፕተ፤ ሽን ወርሰላይ ብራ።

7 እያዉ ጎፕ፡ እት ጋድያ አሳይ ሀራ ጋድያ አሳና ኦላታና፤ ቃይ እት ካወተላይ ሀራ ካወተላና ኦላታና፤ ኮሻይን ቢታ ቃላይ ኡባ ሳን ደእናዋ።

8 ሄዋ ኡባይካ ኮይር ኦይላ ማላ።

9 “አሳይ ሄ ዋደ ህንተንታ ዋይሳናን ምጻናዋ፤ ታ ሱንላ ድራዉ፡ ጋደ ኡባይ ህንተንታ እጸናዋ።

10 ሄ ዋደ ጮራ አሳይ አማኑዋ አገናዋንታ፤ ባረንቲ ግደን እቲ እቲዋ አሊደ አማናን እቲ እቲዋ እጸናዋ።

11 ቃይ ምርዶ ናባቲ ጮራቲ ደንዲደ፡ ዳር አሳ ጭማናዋንታ።

12 ማካላይ ዳርያ ድራዉ፡ ጮራ አሳ ሲቁ አርጸናዋ።

13 ሽን ወርሰላይ ጋካናዉ ገንጭያ ኡራይ አታናዋ።

14 አሳዉ ኡባዉ ማርካ ግዳና ማላ፡ ካወተላ ምንጋላ ሞሽራቹ ሳእ ኡባን ኦደታናዋ፤ ሄዋፕ ጉይያን፡ ወርሰላይ ጋካናዋ።”

ባሻ ቱናተላ

(ማር. 13:14-23፤ ሉቃሳ 21:20-24)

15 “ሄዋ ድራዉ፡ ናብያ ዳኔል ኦዳዳ ባሻ ቱናተላይ ጌሻ ሳን ኤቄዳዋ ህንተንቲ በእና፤ ሄዋ ምግያዋንቶ፡ ናባብያዌ አኬኮ።

16 “ይሁዳ ጋድያን ሄ ዋደ ደእያዋንቲ ደርያኮ ከሰና።

17 ጎልያ ሁጲያን ደእያ ኡራይካ ባረ ሶይን ደእያዋ አካናዉ ምጻፖ።

18 ጋድን ደእያዌ ባረ ማዩዋ አካናዉ ጉዩ ሰሞፖ።

19 ሄ ዋደ ሻሃራ ማጫዋንቶን ጻንላያ ማጫዋንቶ አዩር።

20 ባልጉዋን ዋይ ሳምባታን ህንተንቲ በተና ማላ፡ ጸሳ ምሰተ፤

21 እያዉ ጎፕ፡ አሳሚ ሙቶደፕ ሀቼ ጋካናዉ ደእቤናባይን ቃይ ሀዋፕ ሰንላዉካ ኡባ ደኡና ኢታ ሞዪ ሄ ዋደ ደእናዋ።

22 ጸሳይ ሄ ጋላሳቲዋ ፓይዲዋ ጉላያዌ ባዌንቶ፡ አሳ ግዳዳ ኦንነ አተና፤ ሽን እ ባረ ደራዳ አሳቲዋ ድራዉ፡ ሄ ጋላሳቲዋ ፓይዲዋ ጉላናዋ።

23 “ሄ ዋደ ኦንነ ህንተንታ፡ ‘በእተ፡ ክርሰቶሰ ሀዋን ደኤ’ ዋይ፡ ‘ሄዋን ደኤ’ ያጎፕ እዋ አማናፕተ።

24 እያዉ ጎፕ፡ ምርዶ ክርሰቶሳቲነ ምርዶ ናባቲ ደንዳና፤ ያፕቲ ባረንቶ ደንዳዩቶ፤ ሀራይ እቶ ጸሳይ ደራዳዋንታካ ባለላናዉ ምልቃማ ማላታን ማላልሰያባ በሳናዋ።

25 በእተ፡ ታን ህንተዉ ሄዋ ካሰታደ ኦዳድ።

26 “ሄዋ ድራዉ፡ አሳይ ህንተንታ፡ ‘በእተ፡ ክርሰቶሰ ባዙዋን ደኤ’ ጎፕ፡ ያ ሰፕተ፤ ዋይ ህንተንታ፡ ‘በእተ፡ ቆልኦን ደኤ’ ግንቶካ፡ ኡንቲንቲባ አማናፕተ።

27 እያዉ ጎፕ፡ ምልቃንላይ አዋይፊ ደልያ ባጋፕ ምልቃሚደ፡ አዋይፊ ወልያ ባጋ ጋካናዉ ጸልቁ ግያዋዳን፡ ታ ዩሳይ፡ አሳ ናእ ዩሳይ፡ ሄዋዳን ሀናናዋ።

28 “ባኩታይ ደኢያሳ ሾርቲ ሺቃና።”

አሳ ናእይ፡ ክርሰቶሰ ላኤንሱዋ ያና (ማር. 13:24-27፤ ሉቃሳ 21:25-28)

29 “ሄ ዋደ ዋይያፕ ጉይያን፡ ኢለካ አዋይ ጳማና፤ አገናይ ፖእያዋ አገናዋ፤ ጸልንታቲ ሳሉዋፕ ኩንዳናዋንታ፤ ቃይ ሳሉዋን ደእያ ምልቃቲካ ቃጸታናዋንታ።

30 ሄ ዋደ ታ ማላይ፡ አሳ ናእ ማላይ፡ ሳሉዋን ቤታናዋ፤ ሳኣን ሄ ዋደ ደእያ አሳ ዛሪ ኡባይ ዩካናዋንታ። ቃይ ታን፡ አሳ ናእይ፡ ምልቃናን ምልቃማ ቦንቹዋና ሳሉዋፕ ሻርያ ግደና ዪሽን፡ ኡንቲንቲ በእና።

31 እ ባረ ከታንቻቲዋ ምልቃማ ማላካታና ኪታና፤ ኪታንቻቲ አላመዉ ሀ ጋጸፕ ያ ጋጸ ጋካናዉ፡ ቃይ ሳኣን ኦይዲ ባጋፕ እዉ ደረቲዳ አሳ ሺሻናዋ።

ጎዳይ ያና ጋላሳ ማላታ (ማር. 13:28-31፤ ሉቃሳ 21:29-33)

32 “ሌምሱዋ ባላሳቶ ጌተትያ ምላትፕ አኬክተ፤ ባላሳታ ኤጭዎ ምደን እዝ ሀይላይ ቆለትያ ምደ፡ ቦኒ ማቴዳዋ ህንተንቲ ኤራንታ።

33 ሄዋዳንካ፡ ህንተንቲ ሄ ኡባባ በእያ ምደ፡ እ ማቴደ ፕንግያ ሺቁዳዋ ኤርተ።

34 ታን ህንተንቶ ቱሙዋ ኦዳይ፤ ሀ ኡባባይ ሀናና ጋካናዉ፡ ሀ ምድያ አሳይ ሀይቂድገና።

35 ሳሉነ ሳእይ እጻና፤ ሽን ታ ቃላይ ኡባካ አፍና።

ጎዳይ ያና ጋላሳ ኦንነ ኤሪና (ማር. 13:32-37፤ ሉቃሳ 17:26-30፤ 34-36)

36 “ሽን ሄ ጋላሳን ሄ ሳትያ አዉዋ ጸላላፕ እትን፡ ሀራይ እቶ ሳሉዋን ደእያ ኪታንቻቲዋ ግድና፡ ዋይ ታና ናእ ግድናካ ኦንነ ኤርያዌ ባዋ።

37 ታ ዩሳይ፡ አሳ ናእ ዩሳይ፡ ኖሄ ዋደ ሀናዋ ማላ ግዳናዋ።

38 እያዉ ጎፕ፡ ባሻ ሃላ ዩሳፕ ካሰ ምደ፡ ኖሄ ማርካብያን ገሌዳ ጋላሳይ ጋካናዉ፡ አሳይ ሚን ኡሺን፤ ቃይ እቲማ አሳይ እኬን ማጫ አሳይ አሰና ገሌ።

24:9 ማቶሳ 10:22 24:15 ዳኔል 9:27፤ 11:31፤ 12:11 24:21 ዳኔል 12:11፤ ሳፃ 7:14 24:29 ኢሳ. 13:10፤ 34:4፤ ህዝ. 32:7፤ እዪ. 2:10፤ 31፤ 3:15፤ ሳፃ 6:12-13 24:30 ዳኔል 7:13፤ ዛካ. 12:10-14፤ ሳፃ 1:7 24:37 ደመላ 6:5-8 24:39 ደመላ 7:6-24

39 ባሻ ሃላይ ዪደ፣ ኡንቱንታ ኡባ አፋና ጋካናዉ፣ ኡንቱንቱ እኬክበይክኖ፤ ታን፣ አሳ ናአይ፣ ይያ ዎዲ፣ ሃዎ ማላ ግዳናዎ።

40 “ሄ ዎደ ላኡ አሳቱ ጋይን አልያዎንቱፕ አቱዋ አፋና፤ እቱ አታናዎ።

41 ላኡ ማጫዋንቱ ዎጸን ጋጫያዎንቱፕ አትኖ አፋና፤ እትና አታና።

42 “ሰም ህንተ ጎዳይ አይ ጋላሰ ያናዌንቶ ህንተንቱ ኤረና ድራዉ፣ ናግ አትተ።

43 ሸን ካይሱ ቃማፕ ዎይሳ ዎድያን ያንንቶ ጎልያ ጎዳይ ኤሬደንቶ፣ ባረ ጎሊ ቦከተና ማላ፣ ቤጎቲደ ናግ ኡታናዎ ኤርተ።

44 ሃዎ ድራዉ፣ ህንተንቱካ ገግ ኡትተ፤ አያዉ ጎፕ፣ ታን፣ አሳ ናአይ፣ ህንተንቱ ቆፕና ሳትያን ያና።

ኢታን ሎኦ ቆማ ሊምሱዋ (ሉቃሳ 12:41-48)

45 “ያትና፣ ባረ ሰይ አሳዉ ቁማ ኮሸያ ዎድያን እማና ማላ፣ አ ጎዳይ ሱንጤዳ እማንቱዳ ዎዛናማ ቆማይ ኦኔ?

46 አ ሃዎዳን ኦሸሸን፣ አ ጎዳይ ዪደ ደምያ ቆማይ እንጅቱዳዎ።

47 ታን ህንተንቶ ቱሙዋ ኦዳይ፤ ጎዳይ ሄ ቆማ ባረዋ ኡባ ቦላ ሱንጥና።

48 ሸን ቆማይ ኢታ ግይፕ፣ ታ ጎዳይ ጋምኢደ ያናዎን ያጊደ ባረ ዎዛናን ቆፒደ፣

49 ባረ ላገላ ቆማቱዋ ዋቆ ደሞፕ፣ ማላትያዎንቱና ሞፕን ኡሸፕ።

50 ሄ ቆማ ጎዳይ እ ቆፕቤና ጋላሳንን እ ኤርቤና ሳትያን ያና።

51 ሃዎፕ ጉይያን አ ቃንጸሬሊደ፡\* ሎኦ ማላትያ ኢታ አሳቱ ደእያ ሳን ዎላና፤ ሃዎን እ ዬካናን አቻ ቆቃና።

25

ታሙ ዎድራቱዋ ሊምሱዋ

1 “ሄ ዎደ ሳሉዋ ካዉተላይ ባረንቱ ኩራዝያ ኦይቂደ፣ ማቻቶ አክያዋ ሞካናዉ ካረ ከኤዳ ታሙ ዎድራቱዋ ማላታና።

2 ኡንቱንቱፕ እቼሻቱ ቦዛቱዋ፤ ቃይ እቼሻቱ ጭንጫ።

3 ቦዛቱ ባረንቱ ኩራዝያ ኦይቂድና፤ ሸን ለምባ እይቁበይክኖ።

4 ሸን ጭንጫቱ ባረንቱ ኩራዝያን ጸራሙሰያን ለምባ እይቂድና።

5 ማቻቶ አክያዌ ዬናን ጋምእና፣ ሄ ዎድራቱ ባረንታ ገምእሸሰና ግሰ አኔድና።

6 “ብላሄ ግዴዳ ዎደ፣ ብእተ፣ ማቻቶ አክያዌ ጋኬዳ፤ አ ሞካናዉ ካረ ከሰተን ያግያ ዎልቃማ ጫቡ ደጎዴዳ።

7 “ሄ ዎደ ሄ ዎድራቱ ኡባቱ ቤጎቲደ፣ ባረንቱ ኩራዝያ ገግቤድና።

8 ቦዛቱ ጭንጫቱዋ፣ ኑ ኩራዝ ቶእና ህንያ ድራዉ፣ ህንተንቱ ለምባፕ ኑዉ እማርክቱን ያጌድና።

9 “ሸን ጭንጫቱ ዛሪደ ኡንቱንታ፣ ናግተ፣ ኑዉን ህንተንቶ ግደና፤ ሃዎ ድራ ህንተዉ ዛልእያዎንቱቡ ቢደ ሻዎ አክተን ያጌድና።

10 ሃዎፕ ጉያ ቦዛ ዎድራቱ ለምባ ሻማናዉ ብድግና፣ ማቻቶ አክያዌ ፑቱ ገና፣ ገግ አድና እቼሹ ዎድራቱ አና እትፕ ቡላቻ ጎልያ ገሊድና፤ እፍላይካ ጎርደት አኔዳ።

11 “ጉየፕ ቃይ የኮ ዎድራቱ ዪደ፣ ናጎዉ፣ ጎዳዉ፣ ኑዉ ደያርኪን ያጌድና።

12 “ሸን ማቻቶ አክያዌ ዛሪደ፣ ታን ህንተንቶ ቱሙዋ ኦዳይ፤ ታን ህንተንታ ኤርኪን ያጌዳ።

13 “ሰም ታን፣ አሳ ናአይ፣ ያና ጋላሳ ዎይ ሳትያ ህንተንቱ ኤረና ድራዉ፣ ናግ አትተ።

ሄዙ ቆማቱዋ ሊምሱዋ (ሉቃሳ 19:11-27)

14 “አያዉ ጎፕ፣ ሳሉዋ ካዉተላይ ባረ ቆማቱዋ ጼሲደ፣ ባረዉ ደእያዎ ኡንቱንቶ ሼዲደ፣ ኦግያ ባና ህንያ ብታንያ ቦሴ።

15 ኡንቱንቱ ሁጲያን ሁጲያን ኡንቱንቱ ዎልቃ ከና እቶ እቼሹ ሻእ ብራ፣ እቶ ላኡ ሻእ ብራ፣ ቃይ እቶ እት ሻእ ብራ እሚደ፣ ባረ ናግያ ቤዳ።

16 እቼሹ ሻእ ብራ አኬዳ ቆማይ ኤለካ ቢደ ዛልኢደ፣ ሀራ እቼሹ ሻእ ብራ ዎድሴዳ።

17 ሃዎዳንካ፣ ቃይ ላኡ ሻእ ብራ አኬዳ ቆማይ ሀራ ላኡ ሻእ ብራ ዎድሴዳ።

18 ሸን እት ሻእ ብራ አኬዳዌ ቢደ፣ ኦላ ቦኪደ፣ ባረ ጎዳ ሚሻ ሞግ አኔዳ።

19 “ዳር ዎድያፕ ጉይያን፣ ሄ ቆማቱዋ ጎዳይ ዪደ፣ ባረ ሚሻ ኡንቱንቱና ሄተቱዳ።

20 እቼሹ ሻእ ብራ አኬዳ ቆማይ ዪደ፣ ሀራ እቼሹ ሻእ ብራ ሼዲደ፣ ታ ጎዳዉ፣ ኔን ታዉ እቼሹ ሻእ ብራ እማዳ፤ በእ፣ ሀራ እቼሹ ሻእ ብራ ዎድሳድን ያጌዳ።

21 አ ጎዳይ አ፣ ‘ሀያናሾ! ኔን ሎኦን እማንትያ ቆማ፤ ኔን ጉላባን እማንታዳ። ታን ኔና ዳርባዉ ካፕ ኦላና፤ ሃ ገላደ ነ ጎዳና ናሽታን ያጌዳ።

22 “ቃይ ላኡ ሻእ ብራ አኬዳዌካ ዪደ፣ ታ ጎዳዉ፣ ኔን ታዉ ላኡ ሻእ ብራ እማዳ፤ በእ፣ ታን ሀራ ላኡ ሻእ ብራ ዎድሳድን ያጌዳ።

23 አ ጎዳይ አ፣ ‘ሀያናሾ! ኔን ሎኦን እማንትያ ቆማ፤ ኔን ጉላባን እማንታዳ። ታን ኔና ዳርባዉ ካፕ ኦላና፤ ሃ ገላደ ነ ጎዳና ናሽታን ያጌዳ።

24 “እት ሻእ ብራ አኬዳዌ ቃይ ዪደ፣ ታ ጎዳዉ፣ ኔን ዘራቤናሳፕ ቆይጭያ አሳ ግድያዋን ካላ ላላቤናሳፕ ማጸያ ሙቀሰ ባይና አሳ ግድያዋ ታን ኤራይ።

25 ታን ያያድ፤ ያታደ ባደ ነ ብራ ቢታን ሞጋድ፤ በእ፣ ነ ብራይ ሀዌኩን ያጌዳ።

26 “አ ጎዳይ ዛሪደ፣ አ ሀዎዳን ያጌዳ፤ ‘ሀ ኢታ አዛላ ቆማዉ፣ ታን ዘራቤናሳፕ ቆይጭያ አሳ ግድያዋን ካላ ላላቤናሳፕ ማጸያ አሳ ግድያዋ ኤራዲ?

\* 24:51 አ ቃንጸሬሊደ- ጉሳይ ከሰ ካረ ኦላናዋ ግያዎ።



27 ያትና፡ ነን ታ ሚሻ ሞድሰያዋንቱ ማታን ሞጶዳዋ ግድንቶ፡ ታን ሰምያ ዋደ ታ ሚሻ ሞድያና አካናዋሽን አቱዳ።

28 ሄዋ ድራው፡ ሄ ሚሻ አፕ ዋላ አኪደ፡ ታሙ ሻአ ብራይ ደእያዎ አምተ።

29 እያዉ ሳፕ፡ ደእያ ኡባዉ ሀራይ ጉጅታና፤ እ ባረዉ ግድያዋፕ ዳርሲደ አካና፤ ሽን ባይናዋ ሀራይ እቶ፡ ሄ አዉ ደእያ ጉላይካ አፕ አከታናዋ።

30 ጎሌና ቆማ ካረ ጳማ ከሰ ኦልተ፤ ሄዋን እ ዬካናን ባረ አቻ ጳቃናን ያጌዳ።

ዎድያ ዉርሰላን ሀናና ፕርዳ  
31 “ታን፡ አሳ ናአይ፡ ኪታንቻቱዋ ኡባቱዋና ቦንቹዋን ይያ ዎደ፡ ታ ቦንቹ ካዉተላ ኦይድያን ኡታና።

32 ሳኣን ደእያ አሳይ ኡባይ ታ ሰንላ ሸቃናዋንታ፤ ሄምያዌ ደርሳቱዋ ዳሻቱዋፕ ሻክያዋዳን፡ ታን ሄ አሳ ላኡ ከሳደ ሻካና።

33 ቃይ ደርሳቱዋ ታፕ ኡሸቻ ባጋና ኡሳደ፡ ዳሻቱዋ ታፕ ሀድርሳ ባጋና ኡሳና።

34 “ሄዋፕ ጉይያን፡ ታን ካቲ ታፕ ኡሸቻ ባጋና ደእያዋንታ ሀዋዳን ያጋና፤ ‘ታ እሱ አንጃዳዋንቶ፡ ሃ ዪደ ሳአይ መፍታደፕ ሀቼ ጋካናዉ፡ ህንተንቶ ጊጌዳ ካዉተላ ላትተ።

35 እያዉ ሳፕ፡ ታን ኮሻትና ሞዜድታ፤ ሳመትና ኡሼድታ፤ እማላ ግዳደ ቢናካ ሞኬድታ።

36 ታን ካሎትና ማይዜድታ፤ ሀርግና በኤድታ፤ ቃሸትና ታኮ ጋኪደ ኡቼድታን ያጋና።

37 “ሄዋፕ ጉይያን፡ ጽላቱ ዛሪደ፡ አ ሀዋዳን ያጋና፤ ‘ሳዳዉ፡ ነን ኮሻትና፡ አዉደ በኢደ ሞዜደ? ዎይ ነን ሳመትና፡ አዉደ በኢደ ኡሼድ?

38 ነን እማላ ግዳደ ዪና አዉደ በኢደ ሞኬድ? ዎይ ነን ካሎትና አዉደ ማይዜደ?

39 ቃይ ነን ሀርግና፡ ዎይ ቃሸትና ነኮ ቢደ አዉደ ነና በኤድ? ያጋናዋንታ።

40 ታን ካቲ ዛራደ፡ ‘ታን ህንተንቶ ቱሙዋ ኦዳይ፤ ህንተንቱ ሀ ታ አሻቱዋ ኡባፕ ሀራይ እቶ፡ ላፍያ እቶ ኡጱዳዋ ግድንቶካ፡ ሄዋ ታዉ ኡጱድታን ያጋና።

41 “ሄ ዎደ፡ ታፕ ሀድርሳ ባጋና ደእያዋንታ ታን ያጋና፤ ‘ሀ ሸቀቱዳዋንቶ፡ ታ ማታፕ ክቶቱ፤ ቢደ ጸላህያ ካፖን እ ኪታንቻቶ ጊጌዳ መድፍ ታማን ገልተ።

42 እያዉ ሳፕ፡ ታን ኮሻትና፡ ታና ሞዝበይክታ፤ ሳመትና ኡሸበይክታ።

43 ታን እማላ ግዳደ ቢና፡ ታና ሞክበይክታ፤ ካሎትና ማይዝበይክታ፤ ቃይ ሀርግና፡ ቃሸትናካ ታና በእበይክታን ያጋና።

44 “ሄ ዎይ ኡንቱንቱ ቃይ ሀዋዳን ያጌደ ዛራናዋንታ፤ ‘ሳዳዉ፡ ነን ኮሻትና ዎይ ሳመትና፡ ዎይ እማላ ግዳደ ቢና ዎይ ካሎትና፡ ዎይ ሀርግና ዎይ ቃሸትና፡ አዉደ በኢደ፡ ነና ማደናን እጶደ? ያጋናዋንታ።

45 “ሄ ዎደ ታን ካቲ ዛራደ ኡንቱንታ፡ ‘ታን ህንተንቶ ቱሙዋ ኦዳይ፤ ህንተንቱ ሀ ኡባፕ ላፍያ እቱዋ ማደናን እጶዳዌ፡ ታና ማደናን እጶዳዋን ያጋና።

46 ሄዋንቱ መድፍ ሙራዉ ባና፤ ሽን ጽላቱ መድፍ ደኦ ባና” ያጌዳ።

## 26

የሱሳ ቦላ ማቀቱድና  
(ማር. 14:1-2፤ ሉቃሳ 22:1-2፤ ዮሃ. 11:45-53)

1 የሱሳ ሀ ትምርትያ ኡባ ዉርሴዳ ዎደ፡ ባረና ካልያዋንታ።

2 “ላኡ ጋላሳፕ ጉይያን፡ ፓሰጋ ባላ ቦንቹያ ጋላሳ ግድያዋ ኡሪታ። ሄ ጋላሰ ታና፡ አሳ ናእ፡ አሳይ ማሰቃልያ ቦላ ምሰማርያን ድሺደ ካቃናዉ አሲደ እማና” ያጌዳ።

3 ሄ ዎይ ቁሳቱዋ ካፓቱን ጋድያ ጭማቱ ቃያፋ ጌተትያ ቁሳቱዋ ኡባቱዋ ካፑዋ ዎጋ ጎልያን ሸቂደ።

4 አሳይ ኡሪናን የሱሳ ኦይቂደ፡ ዎጳናዉ ማቀቱድና።

5 ሽን ኡንቱንቱ፡ “አሳይ ዋላሳ ከሰና ማላ፡ ፓሰጋ ቦንቹያ ጋላሰ ሄዋ ኦሎኮ” ያጌድና።

እት ማጫ ሞሽራታ የሱሳ ሸቱዋ ጫጫፋድ  
(ማር. 14:3-9፤ ዮሃ. 12:1-8)

6 የሱሰ ቢታንያ ካታማን ኦሎዋ ሀርግና ሰሞና ሶይን ደእሸን።

7 እት ሞሽራታ አልባሰጽርሳ ጌተትያ ሹቻፕ ኦሰቱዳ አልባሰጽርሳ ባሪታ ኩሜዳ ዳሪ አልኦ ሸቱዋ እካደ ዬዳዉና ቁማ እ ሚና፡ ሄ ሸቱዋ የሱሳ ሁጲያን ጫጫፋድ።

8 ሽን የሱሳ ካልያዋንቱ ሄዋ በኢደ፡ “ሀ ሸቱዋ ጮ ባይተሳይ እያሴ?

9 እያዉ ሳፕ፡ ሀ ሸቱዋ አልኦ ጋትያን ዛልኢደ፡ ሚሻ ህይሳዉ እማናዉ ዳንዳየቱ” ያጌድና።

10 የሱሰ ኡንቱንቱ ግያዋ ኡሪደ፡ ኡንቱንታ ሀዋዳን ያጌዳ፤ “ሀ ሞሽራቶ እያዉ ዋይሴቱ? እዛ ታዉ ሎኦባ ኦላዳ።

11 ህይሳቱ ኡባ ዎይ ህንተናና ደኢዳ፤ ሽን ታን ህንተናና ኡባ ዎይ ደእከ፤

12 እዛ ሀ ሸቱዋ ታ ቦላ ትግያዌ ታና ዋጋናዉ ገግሳናሳ።

13 ታን ህንተንቶ ቱሙዋ ኦዳይ፤ ሳአ ኡባን ሀ ዎንጋላ ሞሽራቹዋ ኦድያሳን ሀቃን፤ አሳይ እዞ ዋዛና አላና ማላ፡ እዛ ኡጱዳዌ ኦደታናዋ” ያጌዳ።

ይሁዳይ የሱሳ አሲደ እማናዉ የዉዋን ጊጌዳ  
(ማር. 14:10-11፤ ሉቃሳ 22:3-6)

14 ሄ ዋደ ታማነ ላኡ የሱሳ ካልያዋንቱፕ እቱ ይሁዳ አስቆሮቱ ያገትያዌ ቁሳቱዋ ካፓቱዋኮ

15 ቢደ፡ “ታን ህንተንቶ የሱሳ እይሳፕ፡ ታዉ እያ እማንቱ?” ያግና ኡንቱንቱ አዉ ሀታሙ ብራ ቆፕደ እሜድና፡፡

16 ሄዋፕ ጉይያን፡ ይሁዳይ የሱሳ እሳ እማናዉ እንጀትያ ዋድያ ዋቹ፡፡

የሱሳ እይሁዳቱ ፓሰጋ ካዉዋ ባረና ካልያዋንቱና ሜዳ

(ማር. 14:12-21፤ ሉቃሳ 22:7-14፤ 21-23፤ ዮሃ. 13:21-30)

17 ባላ ዳቡዋ ምያ ጋላሳ ቦንቾያ ኮይሮ ጋላሰ፡ የሱሳ ካልያዋንቱ እኮ ዪደ፡ “ፓሰጋ ቦንቾያ ጋላሰ ኔን ማና ቁማ ሀቃን ገግሳኔ?” ያጌድና፡፡

18 ሄዋፕ ጉየ የሱሳ ኡንቱንታ፡ “ካታማ ቢደ፡ እት ብታንያ፡ ታማርሰያዌ ኔና፡ “ታዉ ዋዲ ጋኬዳ፤ ታን ታና ካልያዋንቱና ፓሰጋ ቦንቾያ ጋላሳ ነ ሶይን አላና” ጌዳ ገተ” ያጌድና፡፡

19 አ ካልያዋንቱ የሱሳ ባረንታ አዘዘዋዳን አሊደ፡ ፓሰጋ ቦንቾያ ጋላሰ ማና ቁማ ገግሴድና፡፡

20 ሳኢይ እማርሴዳ ዋደ፡ የሱሳ ታማነ ላኡ አ ካልያዋንቱና ቁማ ማናዉ ኡቱዳ፡፡

21 ኡንቱንቱ ሚሸን፡ የሱሳ ኡንቱንታ፡ “ታን ህንተንቶ ቱሙዋ ኦዳይ፤ ህንተፕ እት ኡራይ ታና አሊደ እማናዋ” ያጌድና፡፡

22 ኡንቱንቱ ዳሪ ዳጋሚደ፡ ሀጺያን ሀጺያን፡ “ሳዳዉ፡ ቱሙ ታኔሻ?” ጉሳ ደሜድና፡፡

23 የሱሳ ዛሪደ፡ “ባረ ኩሽያ ታናና እትፕ ዋጪትያፕ የዲደ ቱሽያዌ ታና አሳ እማና፡፡

24 ታን፡ አሳ ናኢይ፡ ጸሳ ማጻፋይ ሀይቃና ጌዳዋዳን ሀይቃና፤ ሸን ታና፡ አሳ ናኢ፡ አሳ እምያ ኡራዉ እየሮ፤ ሄ ኡራይ የለተናን አቱደንቶ አዉ ሎኦ ሸን” ያጌድና፡፡

25 አ አሳ እምያ ይሁዳይ ዛሪደ፡ “ታማርሰያዋ፡ ኔን ግያዌ ታኔ?” ያጌድና፡፡

የሱሳ ዛሪደ አ፡ “ኔን ነ ሀጺያን ጋዳ” ያጌድና፡፡

ጎዳ ካዉዋ አክያ ዋጋ (ማር. 14:22-26፤ ሉቃሳ 22:15-20፤ 1 ቆር. 11:23-25)

26 ኡንቱንቱ ሚሸን፡ የሱሳ ዳቡዋ አኪደ፡ ጸሳ ጋላቲዳ፤ ሄ ዳቡዋ ሙንፀሊደ፡ ባረና ካልያዋንቶ እሚደ፡ “ሄይተ፤ ሚተ፤ ሀዌ ታ አሸዋ” ያጌድና፡፡

27 ጸኣ አኪደ፡ ጸሳ ጋላቲዳ፡ ኡንቱንቶ እሚደ፡ “ኡባይ ሀዋፕ ኡሸተ፤

28 አያዉ ሳፕ፡ ሀዌ ዳር አሳ ናጋራይ አቶ ጌተታና ድራዉ ጉክያ ታ ሱላ፤ ታ ሱላይ ኡራሳ ጫቁዋ፡፡

29 ሸን ታን ህንተንቶ ኦዳይ፤ ታን ታ አቡ ካዉተላን ኡራሳ ዋይንያ ኤሳ ህንተንቱና ኡሻና

ጋላሳይ ጋካናዉ፡ ላኡንሉዋ ሀ ዋይንያ ኤሳ ኡባካ ኡሸከ” ያጌድና፡፡

30 ማዝሙርያ የጸዋፕ ጉይያን፡ ደብረ ዛይተ ጌተትያ ደርያ ቤድና፡፡

የሱሳ ጸጽሮሰ ካዳናዋ ካሰቲደ ኦዳዳ

(ማር. 14:27-31፤ ሉቃሳ 22:31-34፤ ዮሃ. 13:36-38)

31 የሱሳ ሄ ዋደ ኡንቱንታ፡ “ሀቹ ቃማ ህንተንቱ ኡባይ ታና አጊደ ክቻና፤ አያዉ ሳፕ፡ ጸሳ ማጻፋይ፡፡

“ ጸሳይ ደርሳ ሄምያዋ ዋቆናዋ፤ ሄዋፕ ጉይያን ደርሳ ዉዲ ላለታናዋ” ያጌ፡፡

32 ሸን ታን ሀይቁዋፕ ደንደዋፕ ጉይያን፡ ህንተፕ ካሰታደ ጋሊላ ባና” ያጌድና፡፡

33 ጸጽሮሰ ዛሪደ፡ “ኡንቱንቱ ኡባቱ ኔና አጊደ ክቻናዋንታ፤ ታን ኔና ኡባካ የጋደ ክቻከ” ያጌድና፡፡

34 የሱሳ ጸጽሮሳ፡ “ታን ነዉ ቱሙዋ ኦዳይ፤ ሀቹ ቃማ ኩቱ ዋሳናፕ ካሰ፡ ኔን ታና ሄዙ ካላ ካዳናሳ” ያጌድና፡፡

35 ጸጽሮሰ ዛሪደ፡ “ታን ሀራይ አቶ፡ ኔናና እትፕ ሀይቁንቶካ፡ ኔና ኡባካ ካድከ” ያጌድና፡፡ ቃይ የሱሳ ካልያዋንቱ ኡባቱካ ሄዋዳን ጌድና፡፡

የሱሳ ጌተሰማንያን ዋሴዳ

(ማር. 14:32-42፤ ሉቃሳ 22:39-46)

36 የሱሳ ሄ ዋደ ባረና ካልያዋንቱና ጌተሰማንያ ጌተትያሳ ቢደ ኡንቱንታ፡ “ታን ህን ባደ ጸሳ ዋሰሸን፡ ህንተንቱ ሀዋን ኡትሸተ” ያጌድና፡፡

37 ሄዋፕ ጉየ ጸጽሮሳካ ዛብድዮሳ ናና ላኡዋ ባረናና አፊደ፡ ዳር ካዩዋን ኡጋ ደሜድና፡፡

38 ቃይ ኡንቱንታ፡ “ታን ሀይቃና ጋካናዉካ ካዮታይ፤ ሀዋን ቤሳቲደ፡ ታናና ናግተ” ያጌድና፡፡

39 ላፋ ሰንላኮ ሸቆደ፡ ሳኣን ጉፋኒደ፡ “ታ አቦ፡ ዳንዳየትያዋ ግደፕ፡ ሀ ጸኣ ታፕ ድጋ፤ ሸን ኔን ኮይያዋዳን ሀሮፕ እትን፡ ታን ኮይያዋዳን ሀሮፕ” ያጊደ ጸሳ ዋሴዳ፡፡

40 የሱሳ ባረና ካልያዋንቱኮ ሰሚደ ዬዳ፤ ገምእሾዋንታ ደሚደ ጸጽሮሳ፡ “ህንተንቱ እት ሳተንቶካ ገምእሾናን ታናና ናጋናዉ ዳንዳይቢይክቱ?”

41 ፓጭያን ህንተንቱ ገለና ማላ፡ ምንተነ ጸሳ ዋሰተ፤ አያናይ ገግ ኡቱዳ፤ ሸን አሳተላ ኡሻይ ዳቡራንቻ” ያጌድና፡፡

42 የሱሳ ቃይ ላኡንሉዋ ቢደ፡ “ታ አቦ፡ ታን ሀ ዋልቃማ ሙቱዋ አክናን ደእሸን ጸኣ ደንላናዉ ዳንዳየተናዋ ግደፕ፡ ኔን ግያዌ ሀሮፕ” ያጊደ ጸሳ ዋሴዳ፡፡

43 ቃይካ ሰም ዪደ፡ አ ካልያዋንቱ አይፍያ ገምእሾ ጎዝ ዋሌዳ ድራዉ፡ ገምእሾዋንታ ደሜዳ፡፡

44 ቃይካ ኢንቲንታ የግ ቢደ፡ ሄዘንሉዋ ካሰ ቃላ ዛሬደ፡ ጸሳ ዎሴደ።

45 ሄዋጥ ጉይያን፡ ባረና ካልያዋንቶ ዪደ፡ “ሀእ ጋካናወካ ገምእሺቲነ ሸምፕፕ፡ በእተ፡ ታና፡ እሳ ናኣ፡ ናጋራንቻ እሳቶ አሌደ እምያ ዎዲ ጋኪዳ።

46 ደንድና ቦይተ፤ በእተ፡ ታና አሉ እምያዊ ሀዌኩ ጋኪዳ” ያጌዳ።

የሱሰ ባረ ሞርከቱዋን ኦይቀቲዳ (ማር. 14:43-50፤ ሉቃሳ 22:47-53፤ ዮሃ. 18:3-12)

47 የሱሰ ሄዋ ብር ሃሳይሸን፡ ታማነ ላኡ አ ካልያዋንቲ እቲ፡ ይሁዳይ፡ ጋክ ዎዴዳ፤ ቃይ ቄሳቱዋ ካፓቲነ ጋድያ ጭማቱ ከትና፡ ማሻን ጸምእ ኦይቄዳ ጮራ አሳይ እናና እትፕ ዬደ።

48 የሱሳ አሉ እምያዊ ሄ ጮራ አሳ፡ “ታን የርያዌ አ፤ አ ኦይቀተ” ያጌደ ማላ ኦድ ዎሴዳ።

49 ኤላካ የሱሳኮ ሸቂደ፡ “ታማርሰያዎ፡ ሳር ደአይ” ያጌደ አ የር እኬዳ።

50 የሱሰ ይሁዳ፡ “ታ ላገወ፡ ኔን ኦላናባ ኦላ አጋ” ያጌዳ።

ሄዋጥ ጉይያን፡ ሄ ጮራ አሳይ ሸቂደ፡ የሱሳ ሎይሳ ኦይቄዳ።

51 የሱሳና ደእያዋንቲ እቲ ባረ ማሻ ከሲደ ቄሳቱዋ ኡባቱዋ ካፕዋ ቆማ ሀይላ ቃንጽ ኦሊዳ።

52 የሱሰ ሄ ዎደ አ ሀዋዳን ያጌዳ፤ “ኅ ማሻ እኬዳሳን ዛሬደ ዎላ፤ እያወ ጎፕ፡ ማሻ ደንሉያ ኡባይ ማሻን ሀይቃና።

53 ታ አቡ ዳር ሻአ ኪታንቻቱዋ እት ኩላን የዲደ፡ ታና ማዳና ማሳ፡ ታን አ ዎሳናወ ደንዳይያዎ ኤርኪ?

54 ያትና፡ ጸሳ ቃላይ ሀዋዳን ሀናናወ በሴ ያጌዳዌ ዋኒደ ፖለታናወ ደንዳይ?” ያጌዳ።

55 ሄዋጥ ጉይያን፡ የሱሰ ሄዋን ሸቂዳ ጮራ አሳ ሀዋዳን ያጌዳ፤ “ታና ካይሶ ከሲደ፡ ካይሱዋ ኦይቄያዎዳን ኦይቃናወ ማሻን ጸምእ ኦይቄደ ዬድቲ? ታን ጌሻ ጎልያን ታማርሳደ፡ ጋላሳን ጋላሳን ሀንተንቲና ኦልያ ዎደ ታና ኦይቄበይክታ፤

56 ሸን ሀዌ ኡባይ ሀይዳዌ ናባቲ ጸሳ ቃላን ጸፊዳዌ ፖለታናወ” ያጌዳ።

የሱሳ ካልያዋንቲ ሄ ዎደ ኡባቲ አ የግ ቤድኖ።

የሱሰ ፕርዳ ሻንጎ አይዳ (ማር. 14:53-65፤ ሉቃሳ 22:54-55፤ 63-71፤ ዮሃ. 18:13-14፤ 19-24)

57 የሱሳ ኦይቄዳዋንቲ ቄሳቱዋ ኡባቱዋ ካፕዋ ቃያፋኮ፡ ህግያ ታማርሰያዋንቲነ ጭማቱ ሸቂዳሳ እኪደ ቤድኖ።

58 ሸን ጳጵሮስ ቄሳቱዋ ኡባቱዋ ካፕዋ ድርሳ ግር ጋካናወ፡ ሃኩዋን አ ካሌዳ፤ የወዋ ወርሰሳ በእናወ ድርሳ ግደ ገሊደ፡ ናግያዋንቲና ኡት አጌዳ።

59 ቄሳቱዋ ካፓቲነ ሸቂዳ አሳይ ኡባይ የሱሳ ዎዳናወ አ ቦላ ዎርዲዎ ማርካ ደማናወ ኮዬድኖ።

60 ሸን ሀራይ እቶ ጮራ አሳይ ዪደ፡ አ ቦላ ዎርዲዎን ማርካትናካ እፕ አይነ ደምበይክኖ። ጉየፕ ላአቲ ዪደ፡

61 “ሀ ብታኒ፡ ታን ጸሳ ጌሻ ጎልያ ኮላደ፡ ሄዙ ጋላሳን ዛሬደ ኬጻናወ ደንዳይያ” ጌዳ” ያጌድኖ።

62 ቄሳቱዋ ኡባቱዋ ካፕ ደንድ ኦቂደ የሱሳ፡ “ሀዋንቲ ኔና ሞትያ ሞቶ ነወ ዛርያባይ ባዌ?” ያጌዳ።

63 ሸን የሱሰ ጮኡ ጌዳ፤ ቃይካ ቄሳቱዋ ኡባቱዋ ካፕ አ፡ “ታን ኔና ደአዎ ጸሳ ሱንላን ጫላይ፤ ኔን ጸሳ ናኣ ክርሰቶሳ ግደፕ ኦወ ኦዳ” ያጌዳ።

64 የሱሰ ዛሬደ፡ “ኔን ነ ሀ-ጸወካ ጋዳ፤ ሸን ታን ሀንተንቲ ኦዳይ፤ ሀዋፕ ሰንላን፡ ሀንተንቲ ታና፡ አሳ ናኣ፡ ዎልቃማ ጸሳፕ ኡሸቻ ባጋና ኡቲዳዋነ ሳሉዋ ሻርያና ዪሸን በእና” ያጌዳ።

65 ሄዋጥ ጉይያን፡ ቄሳቱዋ ኡባቱዋ ካፕ ባረ ማዩዋ ፔፎ ኦሊደ፡ “ሀዌ ቦሬዳ፤ ኦና ሀዋፕ ሰንላን እያወ ሀራ ማርካ ኮሺ? አ ሀእ ቦርያዋ ሀንተንቲ ሰሴድታ።

66 ሀንተንቲ ቆፋይ እዬ?” ያጌዳ። ኡንቲንቲ፡ “አወ ሀይቁ በሴ” ያጌደ ዛሬድኖ።

67 ሄዋጥ ጉይያን፡ ኡንቲንቲ አ ዴሙዋን ጩቲደ፡ አ ደቲድኖ፤ ሀራንቲ ቃይ አ ባቂደ፡

68 “ክርሰቶሳ! ኔን ኔና ናበ ጋላሸን፡ ኔና ሸጩዳዌ ኦንንቶ አነ ኦወ ኦዳ!” ያጌድኖ።

ጳጵሮስ የሱሳ ካዳዳ (ማር. 14:66-72፤ ሉቃሳ 22:56-62፤ ዮሃ. 18:15-18፤ 25-27)

69 ጳጵሮስ ጎልያፕ ካረና ድርሳ ግደን ኡት ደእሸን፡ እት ቆማታ እኮ ያደ፡ “ኔንካ ጋሊላ የሱሳና እትፕ ደእ” ያጋዳ።

70 ሸን አ ኡንቲንቲ ኡባ ሰንላን ሄ ቆማቶ፡ “ኔን ግያዌ እየንቶ ታን ኤርኪ” ያጌደ ካዳዳ።

71 ቃይ ቢደ ድርሳ ፕንግያኮ ከሰሸን፡ ሀራ ቆማታ አ በእደ፡ ሄዋን ደእያ አሳቶ፡ “ሀ ብታኒ ናዝሬትያ የሱሳና ደኤ” ያጋዳ።

72 ጳጵሮስ ላኡንሉዋ ጫቂደ፡ “ታን ሄዋ ብታንያ ኤርኪ” ያጌዳ።

73 ላፋ ጋምእሸን፡ ሄዋን ኤቄዳ አሳይ ጳጵሮስ ዪደ፡ “ኔንካ ቱማ ኡንቲንቲና እትፕ ደእ፤ እያወ ጎፕ፡ ኔን ሃሳይያ ሃሳይያካ ኔና ኤርሴ” ያጌድኖ።

74 ሄዋጥ ጉይያን ጳጵሮስ፡ “ታን ሄዋ ብታንያ ኤርኪ!” ያጌደ፡ ባረና ሸቃነ ጫቁዋ ደማዳ።

ሄ ዎደ ኤላካ ኩቲ ዋሰ አጌዳ።

75 ጸጽሮስ ባረና የሱስ፡ “ኔን ኩቱ ዋሳናፕ ካስ ሄዙ ካላ ታና ካዳና” ጌዳዋ ሀሳዪድ፡ ካረ ከሲድ፡ ሴለት ዩኬዳ፡፡

### 27

የሱስ ጽላጸሳ ሰንላ ፕርዳወ ሸቄዳ (ማር. 15:1፤ ሉቃሳ 23:1-3፤ ዮሃ. 18:28-32)

1 ዋንታ ጉራን ቄሳቱዋ ካፓቱ ኡባቱን ጋድያ ጭማቱ የሱሳ ዋቆናወ ማቀቱድና፤

2 ኡንቱንቱ የሱሳ ቃቻ ኦፊድ፡ ጋድያ ኦፊሲያ ጽላጸሳወ አሰ እሜድና፡፡

3 የሱሳ ሄ ዋደ ኦይሌዳ ይሁዳይ ጽላጸሰ የሱሳ ባላ ፕርዳዳዋ በኢድ፡ “አዬር! ኦይሌናን አጋርክታ!” ያጊድ፡ ሄ ማንእያን ሀታሙ ብራ ቄሳቱዋ ካፓቶን ጋድያ ጭማቶ ገዮ ዛሪድ፡

4 “ታን ጌሻ አሳ ኦይላደ ናጋራ ኦላድ” ያጊድ፡፡

ሸን ኡንቱንቱ እ፡ “ሄዌ ኑወ አያ ሙቱ? ሄዌ ነ ሸን” ያጊድና፡፡

5 ይሁዳይ ብራ ጌሻ ጎልያን ኦል አጌዳ፤ ኡንቱንቱ ማታፕ ቢድ፡ ሱለት ሀይቄዳ፡፡

6 ቄሳቱዋ ካፓቱ ብራ አኪድ፡ “ሀ ብራይ ሱላ ሚሻ ግድሸን፡ ኦን ጌሻ ጎልያ ሚሻና ጋልያዌ ዋጋ ግደና” ያጊድና፡፡

7 ሄዋፕ ገዮ እትፕ ዘረቲድ፡ እማላ አሳወ ዋሳ ጋድያ ኦላናወ ኡርቃፕ ሚሻ ሙድያዋንቱ ጋድያ ሻሚድና፡፡

8 ሄዋ ድራወ፡ ሄ ጋዲ ሀቼ ጋካናወካ፡ ሱላ ጋድያ ጌተቲደ ጸሰቱ፡፡

9 ናብያ ኤርማስ፡ “ኡንቱንቱ አወ እማናወ ቆፔዳ ሀታሙ ሹቻ ብራ አኪድ፡

10 ጎዳይ ታና እዛዘዋዳን፡ ኡርቃፕ ሚሻ ሙድያዋንቱ ጋድያ ሻሚናወ እሜድና” ጌተቶዌ ሄ ዋደ ፖለቲዳ ጌዳ፡፡

ጽላጸሰ የሱሳ ኡባባ ኦቼዳ (ማር. 15:2-5፤ ሉቃሳ 23:3-5፤ ዮሃ. 18:33-38)

11 የሱስ ጋድያ አይሲያዋ ሰንላ ሸቅና፡ ጋድያ አይሲያዌ እ፡ “ኔን አይሁዳቱዋ ካቱ?” ያጊደ ኦቼዳ፡፡

የሱስ እ፡ “ኔንካ ጋደእ” ያጊድ፡፡

12 ቄሳቱዋ ካፓቱን ጋድያ ጭማቱ አ ዋትና፡ ኡንቱንቶ እይን ዛሩዋ እምቤና፡፡

13 ሄ ዋደ፡ ጽላጸሰ የሱሳ፡ “ሀዋንቱ ኔና ዋትያባ ኡባ ሰሰኪ?” ያጊድ፡፡

14 የሱስ ሀራይ አቶ፡ እት ቃላካ ዛረናን እጽና፡ ጋድያ አይሲያዋንቱ ዳሪ ማላለቲዳ፡፡

የሱስ ሀይቆ ፕርደቲዳ (ማር. 15:6-15፤ ሉቃሳ 23:13-25፤ ዮሃ. 18:39-40፤ 19:1-16)

15 ጋድያ አይሲያዌ ፓሰጋ ቦንቶያ ጋላሳን፡ አሳይ ኮይያ እት ኡራ ቃሹዋፕ ብልያ ዋጋይ ደኤ፡፡

16 ሄ ዋደ እት ባርባና ጌተትያ የሱስ ዳር ኤረቲዳ ኢታ ብታኒ ቃሹ ጎለን ደኤ፡፡

17 ሄዋ ድራወ፡ ጮራ አሳይ እትሳ ሸቄዳሳን ጽላጸሰ፡ “ታን ሀንተንቶ ባርባና ግያ የሱሳ ብሎ፡ ዋይ ክርሰቶሳ ጌተትያ የሱሳ ብሎ?” ያጊደ አሳ ኦቼዳ፡፡

18 አያወ ጎፕ፡ ኡንቱንቱ ቃናቲደ የሱሳ ኦሌዳዋ እ ኤሬ፡፡

19 ጽላጸሰ ፕርዳ ጎለን ኡት ደእሸን፡ አ ማቻታ አወ፡ “ሄ ጽሎ ብታንያ እይን አላፓ፤ አያወ ጎፕ፡ ታን ሀቼ ቃማ እኩሙዋን አባን ዳር ሙቶታድ” ያጋደ ኪታዳ፡፡

20 ሸን ቄሳቱዋ ካፓቱን ጋድያ ጭማቱ ጽላጸሰ ባርባና ብሊድ፡ የሱሳ ዋቆናዳን፡ ሸቄዳ አሳይ አ ዋሳና ማላ፡ አሳ ጭሚድና፡፡

21 ጽላጸሰ ዛሪደ ኡንቱንታ፡ “ታን ኡንቱንቱ ላአቱዋፕ ሀንተወ ኦና ብላናዳን ኮዬቱ?” ያጊደ ኡንቱንቱ፡ “ባርባና ብላናዳን ኮዬቶ” ያጊድና፡፡

22 ጽላጸሰ፡ “ያትና፡ ክርሰቶሳ ጌተትያ የሱሳ ዋቆ?” ያጊደ ኡንቱንታ ኦቻና ኡባይ፡ “ማስቃልያ ቦላ ሞስማርያን ድሸቲደ ካቀቶ” ያጊድና፡፡

23 ጽላጸሰ አሳ፡ “አያወ? እይ ኢታባ ኦሌዳ?” ያጊድ፡፡

ሸን አሳይ ካሰዋፕካ ባረንቱ ኮሻ ቆቄ ኦሊድ፡ “ማስቃልያ ቦላ ሞስማርያን ድሸቲደ አ ካቀቶ” ያጊድና፡፡

24 ዋላሳይ ደንዳናዋፕ እትን፡ እይን ሀንናዋ ጽላጸሰ በኢድ፡ ሃላ አኪድ፡ “ሀ ብታኒ ሀይቄያዋን ታን ገልከ፤ ሄዋ ሀንተንቱ ኤርተ” ያጊደ ሸቄዳ አሳ ሰንላን ባረ ኩሽያ ሚጨቲዳ፡፡

25 ሸቄዳ አሳይ ኡባይ ዛሪደ፡ “አ ሱላ ጎሚ ኦናን ኦ ናና ጋኮ” ያጊድ፡፡

26 ሄዋፕ ጉይያን፡ ጽላጸሰ ባርባና ኡንቱንቶ ብሌዳ፤ ልሱዋን የሱሳ ሾጪድ፡ ማስቃልያ ቦላ ሞስማርያን ድሸደ ካቃናወ ኡንቱንቶ አሊደ እሚዳ፡፡

ዋታዳራቱ የሱሳ ቦላ ቅሊጩድና (ማር. 15:16-20፤ ዮሃ. 19:2-3)

27 ሄዋፕ ጉይያን፡ ጽላጸሰ ዋታዳራቱ የሱሳ ጋድያ አይሲያዋ ቤሩዋ አፍና፡ ዋታዳራቱ ኡባይ አ ሞይያን ዩይ አዲደ ኤቄድና፡፡

28 አ ማዩዋ ቃር አኪድ፡ ዞኦ ማዩዋ አ ማይዜድና፡፡

29 ቃይ አጉንላ ካላቻ ገግሲድ፡ አ ሀጲያን ዋሌድና፤ አ ኡሸቻ ኩሽያን ማቃ ጸምኦ ኦይሌድ፡ አ ሰንላን ጉልባቲድ፡ “አይሁዳቱዋ ካተወ፡ ሳር ደኤይ!” ያጊድ፡ አ ቦላ ቅሊጩድና፡፡

30 አ ቦላ ጨቲድና፤ ሄ ማቃ ጸምኦ አኪድ፡ አ ሀጲያ ሾጩድና፡፡

31 ኡንቱንቱ አ ቦላ ቅሊጩዳዋፕ ጉይያን፡ ዞኦ ማዩዋ አፕ ቃር አኪድ፡ አ ማዩዋ አ

ማይዜድና፤ ቃይ ማስቃልያ ቦላ ሞስማርያን  
ፎሺደ እ ካቃናዉ አፌድና።

የሱስ ካቀቴዳ  
(ማር. 15:21-32፤ ሉቃሳ 23:25-43፤  
ዮሃ. 19:17-27)

32 ኢንቴንቲ ካረ ከሲደ፣ እት ሰሞና  
ጌተትያ ቀሬና ጋይ አሳ ደሚደ፣ የሱሳ  
ማስቃልያ ዋልቃን ቶሴድና።

33 ጎልጎታ ጌተትያሳ ጋኬድና። “ጎልጎታ”  
ያገትያዌ “ሁጲያሳ” ግያዋ።

34 ሃዋን ኢንቴንቲ ጫሜዳ ወይንያ ኤሳ  
የሱሳዉ ኡሻናዉ እሜድና፤ እ ሃዋ ጋንጽ  
ጴሊደ፣ ኡሽናን እጴዳ።

35 ኢንቴንቲ ማስቃልያ ቦላ ሞስማርያን  
ፎሺደ እ ካቆዋጥ ጉይያን፣ እ ማዩዋ ሻኪደ፣  
ሳማ የጊደ እኬድና።

36 ሃዋጥ ጉይያን፣ እ ናጋናዉ ሃዋን ኡት  
ክጌድና።

37 ቃይ፣ “ሀዌ አይሁዳቲ ካትያ የሱሳ”  
ያጊደ ሞቱ ጸፈትዋ እ ሁጲ ባጋና ዋሌድና።

38 የሱሳና ሃ ወደ ላኡ ካይሳቲዋ እቲዋ አጥ  
ኡሽቻ ባጋና፣ ቃይ እቲዋ አጥ ሀድርሳ ባጋና፣  
ማስቃልያ ቦላ ሞስማርያን ፎሺደ ካቁድና።

39 ኦግያና አፎያ አሳይ የሱሳ ካፊደ፣  
ባረንቲ ሁጲያ ቃሊደ ቦሬድና።

40 “ጌሻ ጎልያ ኮላደ ሄዙ ጋላሳ ግድን  
ኪጽያዎ፣ ነ ሁጲያ አሻ፤ ኔን ጸሳ ናኣ ግደጥ፣  
እነ ማስቃልያ ቦላጥ ዋቆ” ያጌድና።

41 ሃዋዳንካ፣ ቁሳቲዋ ካገቱ ሀግያ  
ታማርሲያዋንቲና፤ ጭማቱዋና እትጥ የሱሳ  
ቦላ ቅሊጩደ፣ ሀዋዳን ያጌድና።

42 “ሀራንታ አሼዳ፤ ሽን ባረና አሻናዉ  
ዳንዳየና። እ እስራኤልያ ካትያ፤ እነ ማስቃልያ  
ቦላጥ ሀእ ዋቆ፤ ኦንካ ቃይ እነ አማናና።

43 ጸሳን እ አማነቲ፤ ጸሳይ እ አሻናዉ ኮዮጥ  
እነ አሻ፤ አያዉ ጎጥ፣ እ ባረና፣ ታን ጸሳ ናኣ  
ጌ” ያጌድና።

44 ቃይ ሀራይ አቶ፣ አናና ማስቃልያ  
ቦላ ሞስማርያን ፎሽቲደ ካቀቴዳ ካይሳቲካ  
ሃዋዳን ጊደ፣ እ ቦላ ቅሊጩድና።

የሱስ ሀይቁዳ  
(ማር. 15:33-41፤ ሉቃሳ 23:44-49፤  
ዮሃ. 19:28-30)

45 ኡሎፑን ሳትያጥ ደሚደ፣ ኡዱፑ ሳትያ  
ጋካናዉ፣ ቢታይ ኡባይ ጲሜዳ።

46 ኡዱፑ ሳት ግድያ ሄራን የሱስ ባረ  
ቃላ ቶቁ ኦሊደ፣ “ኤሎሄ፣ ኤሎሄ፣ ሳማ  
ሳባቅታኒ?” ያጌደ። ሃዋ ጉሳይ፣ “ታ ጸሳዉ፣  
ታ ጸሳዉ፣ ታና አያዉ ጮኡ ጋድ?” ጉሳ።

47 ሃዋን ኤቁዳ አሳጥ እቲ ሃዋ ሰሲደ፣ “ሀ  
ብታኒ ኤሳ ጴሴ” ያጌዳ።

48 ሃ ማንእያን ኢንቴንቲጥ እቲ ዋጲደ፣  
እስፖንጅያ እኪደ፣ ጫላ ዋይንያ ኤሳ ግደ

የጊደ፣ ሃዋ ማቃ ጸዎኣ ጴራን ዋሊደ፣  
ኡሻናዉ አ ደናኮ ሺሺዳ።

49 ሽን የኮንቲ፣ “እነ ደእሻ፣ ኤላስ አ  
አሻናዉ ያናዌንቶ በእና” ያጌድና።

50 የሱስ ላኤንሉዋ ባረ ቃላ ቶቁ ኦሊ  
ዋሲደ፣ ሀይቁ አጌዳ።

51 እኬክተ፤ ጌሻ ጎልያን ካቀቴዳ ጋርዱ  
ቆዋጥ ዱገ ጋካናዉ፣ ላኡ ከሲደ፣ ፖሽት  
ዋቆዳ፤ ሳአይ ቃጴዳ። ቃይ ዛላይካ  
ጸልቀቴዳ፤

52 ጮራ ዱፋ ደየቲዳ። ጸሳ አሳጥ ጮራቲ  
ሀይቁዳዋንቲ፣ ሀይቁዋጥ ደንዴድና።

53 ኢንቴንቲ ዱፋዋጥ ከሲደ፣ የሱስ  
ሀይቁዋጥ ደንደዋጥ ጉይያን፣ ጌሻ ካታማ  
ቤድና፤ ሃዋን ኢንቴንታ ጮራ አሳይ በኤዳ።

54 ጴቲዋ ካፑነ አናና የሱሳ ናግያ ዎታዳራቲ  
ሳአይ ቃጽያዋን ሃዋን ሀይዳዋ ኡባ በኤዳ ዋደ  
ዳር ያዬድና፤ ያሻ ጋሱዋን፣ “ቱሙ ሀዌ ጸሳ  
ናኣ” ያጌድና።

55 ሃዋን ጮራ ማጫዋንቲ፣ ጋሊላጥ  
ደሚደ፣ የሱሳ ማዲደ ካልያዋንቲ፣ ሃኩዋን  
ኤቁደ ጴሊና።

56 ኢንቴንቲ ግደን ማግዳላ ጌተትያ  
ካታማጥ ዬዳ ማይራማ፣ ያቆባነ ዮሴፎ ዳያ  
ማይራማን ዛብድዮሳ ናና ዳያ ደሊና።

የሱስ ሞገቲዳ  
(ማር. 15:42-47፤ ሉቃሳ 23:50-56፤  
ዮሃ. 19:38-42)

57 ሳአይ ኦማርስያ ዋደ፣ ዮሴፎ ጌተትያ  
እት ዱረ ብታኒ፣ አርማትያሳ ካታማ ብታኒ  
ዬዳ፤ እ ባረ ሁጲዉካ የሱሳ ካልያዋ።

58 ዮሴፎ ጽላጸሳኮ ቢደ፣ የሱሳ አሃ  
አካናዉ ዋሴዳ፤ ጽላጸሰ ዮሴፎ እመታና ማላ  
እዛዜዳ።

59 የሱሳ አሃ እኪደ፣ ጌሻ ሞጌዋ ማዩዋን

60 ጸጸደ ባረዉ ሞገታናዉ ሹቻ ዋጩዳ  
ኦራሳ ጎንጎሉዋ ግደን አ አሃ ዋሊደ፤ ቃይ ሄ  
ጎንጎሉዋ ደናን ዋጋ ሹቻ ጎንደርስ ዋሊደ፣  
ባሽ ቤዳ።

61 ማግዳላ ካታማጥ ዬዳ ማይራማን የኮ  
ማይራማ ሃዋን ጎንጎሉዋኮ ሰሚደ ኡቲድና።

62 ሳሞባታዉ ጊገትያ ጋላሳጥ ዋንተሳ  
ጋላስ፣ ቁሳቲዋ ካገቱ፤ ፓርሳዋቲ ጽላጸሳና  
ጋክቲደ፣ ሀዋዳን ያጌድና።

63 “ሳዳዉ፣ ሄ ዋርዱ ፓጸ ደእያ ዋደ፣  
ታን ሄዙ ጋላሳጥ ጉይያን፣ ሀይቁዋጥ ደንዳና፣  
ያሳዋ ኦን ሀሳዬደ።

64 ሃዋ ድራዉ፣ እ ሞጌዳ ጎንጎሉዋ  
ሄዙ ጋላሳ ጋካናዉ፣ ሎይስ ናጋና ማላ  
እዛዛርኪ፤ ሃዌ ቆየጥ አ ካልያዋንቲ ቢደ፣  
እ አሃ ዉኢደ አሳዉ፣ ሀይቁዋጥ ደንዴዳ፣  
ያጋናዋንታ፤ ላኤንሉዋ ባላይ ካስ ባሳጥ ኡባ  
ያ ኢታና” ያጌድና።

65 ጵላጸሰ ኡንቱንታ፡ “ህንተንቶ ናግያዋንቱ ደኢኖ፤ ቢደ ህንተንቶ ዳንዳየትያ ኪና ናግሸተ” ያጌዳ።

66 ሄዋጥ ጉየ ኡንቱንቱ ቢደ፡ ሹቻ ቦላ ማታፋ አታሚደ፡ ቃይ ናግያዋ ያን ዋሊደ፡ የሱሳ ሞጌዳ ጎንጎሉዋ ናግሴድኖ።

### 28

የሱሰ ሀይቁዋጥ ደንዴዳ (ማር. 16:1-10፤ ሉቃሳ 24:1-12፤ ዮሃ. 20:1-10)

1 ሳምባታይ አፎና ዋጋ ጋላስ ዋንታ ባካልያን፡ ማግዳላ ጌተትያ ካታማጥ ዬዳ ማይራማነ የኮ ማይራማ የሱሰ ሞገቱዳ ጎንጎሉዋ በአናዉ ቤድኖ።

2 ጎዳ ኪታንቻይ ሳሉዋጥ ዋዴዳ ድራዉ፡ ሳእይ ዳር ቃጼዳ፤ ሄ ኪታንቻይ ዪደ፡ ሹቻ ጎንደርስ ኦሊደ፡ አ ቦላ ከሰ ኡቱዳ።

3 አ ማላይ ዋልቃንሳ ማላቲ፤ አ ማዩካ ሻቻዳን ቦላ።

4 ናግያዋንቱ ኪታንቻዉ ያሻ ኮኮሪደ፡ ሀይቁዳ አሳዳን ሀይድኖ።

5 ኪታንቻይ ማጫዋንታ ሀዋዳን ያጌዳ፤ “ያዮፕተ፤ አያዉ ጎጥ፡ ማሰቃልያ ቦላ ሞሰማርያን ፎሺደ ካቁዳ የሱሳ ህንተንቱ ኮይያዋ ታን ኡራይ።

6 አ ሀዋን ሳዋ፤ አያዉ ጎጥ፡ አ ባረ ጌዳዋዳንካ ሀይቁዋጥ ደንድ ድጌዳ፤ ሃ ዪደ፡ አ ሞገት ግሊሳ በአተ።

7 ህንተንቱ ሀእ ኤለካ ቢደ፡ የሱሳ ካልያዋንቶ፡ “የሱሰ ሀይቁዋጥ ደንድ ድጌዳ። ቃይ አ ህንተጥ ካሰቲደ፡ ጋሊላ ቤ፤ ህንተንቱ አ ያን በአናን ያጌደ ኦድተ። በአተ፡ ታን ህንተንቶ ኡዳድ” ያጌዳ።

8 ኡንቱንቱ ያዪድን ቃይ ዳር ናሸቲደ፡ የሱሰ ሞገቱዳ ጎንጎሉዋ ማታጥ ኤለካ ክቺደ፡ የሱሳ ካልያዋንቶ ኡዳናዉ ዋጼድኖ።

9 ሄ ማንእያን የሱሰ ኡንቱንቱና ጋከቲደ ኡንቱንታ፡ “ሳር ደኢቲ” ያግ አጌዳ፤ ኡንቱንቱ አኮ ሸቅ አ ገድያ ኦይቁደ፡ አዉ ጎይኔድኖ።

10 የሱሰ ሄ ዋደ ኡንቱንታ፡ “ያዮፕተ፤ ታ አሻቱ ጋሊላ ባና ማላ፡ ቢደ ኡንቱንቶ ኦድተ፤ ኡንቱንቱ ታና ያን በአናዋንታ” ያጌዳ።

11 ሄ ማጫዋንቱ ብያ ዋደ፡ ጎንጎሉዋ ናግያ ዋታዳራቱዋጥ አማራዳዋንቱ ካታማ ቢደ፡ ሀይዳዋ ኡባ ቁሳቱዋ ካፓቶ ኦዴድኖ።

12 ቁሳቱዋ ካፓቱ ጭማቱዋና እትጥ ሸቅ ዘረቲደ፡ ዋታዳራቶ ዳር ሚሻ አሚደ፡

13 “ ጻን ገምእሹዋን ደአሸን አ ካልያዋንቱ ቃማ ዪደ፡ አ አሃ ዉኤድኖ ያግተ።

14 ሀ የወዋ ጋድያ አይሰያዌ ሰሶጥ፡ ኑን አዉ ኦድ አማንሳና፤ ቃይ ህንተንታ አይነ ሀርግሰናዳን ኦሳና” ያጌድኖ።

15 ዋታዳራቱ ሚሻ አኪደ፡ ባረንቶ ኡዳዋዳን ኦሌድኖ። ሀ የዉ አይሁዳቱዋ ማታን ሀቺ ጋካናዉ፡ ኦደቲደ ደኤ።

የሱሰ ባረና ካልያዋንቶ ቤቲዳ (ማር. 16:14-18፤ ሉቃሳ 24:36-49፤ ዮሃ. 20:19-23፤ ኪታ 1:6-8፤ 1 ቆር. 15:3-8)

16-17 ሸን ታማነ እት አ ካልያዋንቱ የሱሰ ባረንታ ቤተ ጌዳ ጋሊላ ጋድያ ቢደ አ በኤዳ ዋደ፡ አዉ ጎይኔድኖ፤ ሸን ኡንቱንቱጥ እቲ እቲ ሰዴድኖ።

18 የሱሰ ኡንቱንቱኮ ሸቁደ፡ ኡንቱንታ ሀዋዳን ያጌዳ፤ “ማታይ ኡባይ ሳሉዋንነ ሳኢን ታዉ አመቲዳ።

19 ሄዋ ድራዉ፡ ህንተንቱ ቢደ፡ አሳ ኡባ ታና ካልያዋንታ ኦሳተ፤ አዉዋ ሱንሳን፡ ናአ ሱንሳንነ ጌሻ አያና ሱንሳን ኡንቱንታ ጸማቅተ።

20 ታን ህንተንታ አዛዜዳባ ኡባ ኡንቱንቱ ናጋና ማላ፡ ኡንቱንታ ታማርሰተ፤ ታን ዋድያ ዉርሰሳይ ጋካናዉካ ኡባ ዋደ ህንተንቱና ደእያዋ አኬክተ” ያጌዳ።

# ግርጃሰ ጸፌዳ ምሽራቹዋ ቃላ ገሉዋ

ግርጃሰ ጸፌዳ ምሽራቹ ከይሮ ደሚድካ፡ “ሀዌ ጸሳ ናኣ የሱስ ክርስቶሳ ምሽራቹዋ ቃላዉ ደመሓ” ያኼ። ሀ ምሽራቹዋ ቃላ ግደን የሱስ ኦሱዋ አሳነ ማታይ ደእያ አሳ ግደደ ሸቁዳ። የሱሳ ማታይ እ ትምርትያን፡ ጸላህያ ጭታ ቦላ አዉ ደእያ ዋልቃንነ አሳ ናጋራ አቶ ግያዋን በኤቴዳ። የሱስ፡ “ታን አሳ ናኣይ ዬዳዌ፡ አሳ፡ ናጋራ አይለተሳጥ ላኣ ከሳናዉ ታ ደኡዋ አሳደ እማናሳ” ያጊደ እ ባረ ሁጸዉ ሃሳዬዳ።

ግርጃሰ የሱሳ ታርክያ ሱረነ ዋልቃ ኩሜዳ ኦግያን ኦዴዳ። እ ጋናዉ ኮዮ ቆፋይካ የሱሳ ቃላነ ትምርትያ ግደናን እ ኦሴዳ ማላልስያ ኦሳቱዋ ቦላና። ጸማቅያ ዮሃንሳ ታርክያ፡ የሱሳ ጽንቃታን ገጭያ ቃንላን ኤርሰ ሰሚደ። የሱሳ ትምርትያን ገሉዋባ አሲደ ኦዴዳ። ዋድያጥ ጉይያን የሱሳ ካልያዋንቱ እ ሎይላ ኤር ቤዳዋ ኬና እናና ኤቀትያዋንቱ እ ሎይላ እጹድና። ወርሰሳ ሸምገቱ የሱሳ ደኡዋን ወርሰሳ ሳምንታ ግደን ፖለቲዳ ኦሳቱዋ፤ ሄዋንቱካ እ ካቀላባነ እ ደንዲዋባ ኦድያዋንታ።

ግርጃሳ ምሽራቹዋ ወርሰሳን ቅንፍያ ግደን ደእያ 16:9-20 ገይዳቱ ጌሻ ቃላ አት አት ብለሳ ጸላላን ደእያዋንታ።

## ሸምገቱዋ ኡባቶ አመቴዳ ቃንላ ቆፋቱዋ ምሽራቹዋ ደመሓ 1:1-13

የሱስ ኦሱዋ ጋለላን ደሚደዋ 1:14—9:50

የሱስ የሩሳላመን ኦሳዋ 10:1-52

የሩሳላመን እዝ ዩቩዋን የሱሳ ወርሰሳ ሳምንታ 11:1—15:47

ጎዳ የሱሳ ደንዲዋ 16:1-8

ሀይቁዋጥ ደንዲዳ ጎዳ ቆንጨላነ ሳሉዋ ቡሳ 16:9-20

ጸማቅያ ዮሃንሳ አዋዩዋ (ማቶሳ 3:1-12፤ ሉቃሳ 3:1-18፤ ዮሃ. 1:19-28)

1 ጸሳ ናኣ \* የሱስ ክርስቶሳ ዋንጋላ ምሽራቹዋ ደመሓ።

2 ናብያ እስያስ ጸፌዳ ማጻፋን ጸሳይ፡ “በእ፤ ታ ከትያዋ ታን ኔጥ ሰንላዉ የዳና። እ ነዉ ኦግያ ከሳናዋ።

3 እት ብታኒ ቢታ ባዙዋን ባረ ኮሻ ቶቁ ኦሴደ።

“ጎዳ ኦግያ ገግሰተ። እ ሀመታና ሎሱዋካ፤ እዉ ሱርሰተ” ጌዳዋዳን” ሀኔዳ።

4 ጸማቅያ ዮሃንሰ እሳ ጸማቁድ፡ “ጸሳይ ሀንተ ናጋራ አቶ ጋና ማላ፡ ሀንተንቱ ናጋራጥ ሰሚደ ጸማቅትተ” ያግ ቃላ ኦዲደ ቢታ ባዙዋን ከሰ ዋዴዳ።

5 ይሁዳ ጋድያን ደእያ አሳይ ኡባይነ የሩሳላመ ካታማ አሳይ ኡባይ ዮሃንሳኩ ዬድና። ባረንቱ ናጋራካ ገጽና፡ ዮሃንሰ ሄ እሳ ዮርዳኖሳ ሻፋን ጸማቁዳ።

6 ዮሃንሰ ጋሉዋ አሰክያጥ ዲድቲዳ ማዩዋ ማዪደ፡ ባረ ጸሳን ዳፋዋ ዳንጨዳ፤ ቃይ ቦልያነ ዋራ ኤሳ ሜዳ።

7 ዮሃንሰ ቃላ ኦዲደ፡ “ታጥ ጉየና ዳር ምንያዋ ዬ፤ ሀራይ አቶ፡ እ ጫማካ ገድያጥ ከሳ ቶካናዉ ታን በሰከ።

8 ታን ሀንተንታ ሃሳን ጸማቃይ፤ ሸን እ ሀንተንታ ጌሻ እያናን ጸማቃናዋ” ያኼዳ።

የሱስ ጸማቁቲዳዋን ገጠቴዳዋ (ማቶሳ 3:13-17፤ 4:1-11፤ ሉቃሳ 3:21-22፤ 4:1-13)

9 የሱስ ሄ ዋደ ጋለላ ጋድያን ደእያ ናዝሬተ ካታማጥ ዪና፡ ዮሃንሰ ዮርዳኖሳ ሻፋን እ ጸማቁዳ።

10 የሱስ ሃላጥ ከሶሳና ሳሉ ደየትሸናን ጌሻ እያናይ ባረ ቦላ ሀራጵያዳን ዋድሸን በኤዳ።

11 ቃይ ሳሉዋጥ፡ “ታን ሲቅያ ታ ናኣይ ኔና፤ ታና ነባይ ናሸቹ” ያግያ ቃላይ ሰሰቴዳ።

12 ኤለካ ጌሻ እያናይ አሳይ ባይና መላ ሳ እ ዩዬዳ።

13 የሱስ አሳይ ባይና ሳን ባረና ሴጻናይ ገጭሸን፡ ኦይታሙ ጋላሳ ጋሴዳ፤ ዲኣናካ ደኤዳ፤ ከታንቻቱካ ዪደ፡ እዉ ኦሴድና።

የሱስ ሞልያ ኦይቁያ ኦይዱ አሳቱዋ ጴሴዳ

(ማቶሳ 4:12-22፤ ሉቃሳ 4:14-15፤ 5:1-11)

14 ዮሃንሰ ቃሸቶዋጥ ጉይያን፡ የሱስ ጸሳ ካዉተሳ ዋንጋላ ምሽራቹዋ ኦዲደ፡ ጋለላ ጋድያ ቢደ።

15 “ዋዲ ጋኬዳ፤ ጸሳ ካዉተሳይካ ማታቲዳ። ሀንተንቱ ናጋራጥ ሰሚደ፡ ዋንጋላ ምሽራቹዋ አማንተ” ያኼዳ።

16 የሱስ ጋለላ አባ ላንቁያና አዲደ፡ ሞልያ ኦይቁያዋንታ፡ ሰሞናን እ እሻ እንድራሳ፡ ባረንቱ ዳባ አባን የግያዋንታ በኤዳ።

17 ያቲደ ኤንቱንታ፡ “ታና ካልተ፤ ታን ሀንተንታ ሞልያ ኦይቁያዋን አሳ ታኮ አህያ ኦግያ ታማርሳና” ያኼዳ።

18 ሄዋጥ ጉይያን ኤንቱንቱ ኤለካ ባረንቱ ዳባ አጊደ፡ የሱሳ ካሉድና።

19 የሱስ ቡሳ ሰንላዉኩ ቢደ፡ ዛብድዮሳ ናና ላኤ እሻቱዋ፡ ያቆባን ዮሃንሳ ዋንግርያ ግደን ባረንቱ ዳባ ግሰስዋንታ በኤዳ።

20 እ በኦሳንካ ኤንቱንታ ጴሰና፡ ባረንቱ እዉዋ፡ ዛብድዮሳ፡ እ ኦሳንቻቱዋና ዋንግርያ ግደን አጊደ፡ የሱሳ ካሊደ ቤድና።

\* 1:1 ጸሳ ናኣ- በን ጸፊቲዳ እት እት ብለላን ሀዌ ባዋ። 1:2 ሚልክ. 3:1 1:6 2 ካታ. 1:8 1:11 ደመሓ 22:2፤ ማዚ. 2:7፤ ኢሳ. 42:1፤ ማቶሳ 3:17፤ 12:18፤ ማር. 9:7፤ ሉቃሳ 3:22

ኢታ አያናይ ኦይቄዳ ብታኒ ፓጆዳ (ሉቃስ 4:31-37)

21 ኡንቲንቲ ቅፍርናሆማ ጌተትያ ካታማ ዪደ ገሌድና፤ የሱስ ሳምባታ ጋላሳይ ጋኮ ዋይ፤ አይሁዳ ዋሳ ጎላ ገሊደ፤ ታማርሱዋ ደም አጌዳ።

22 ባረው ማታይ ደእያ አሳዳን፤ አሳ እ ታማርሱያዋ፤ አትን፤ ሀግያ ታማርሱያዋንቲዳን ታማርሱና ድራው፤ አሳይ እ ትምርትያን ማላለቲዳ።

23 ሄ ዋይ ኢታ አያናይ ደእያ እት ብታኒ አይሁዳ ዋሳ ጎላ ገሌሳናካ ባረ ኮሻ ጾቄ ኦሊደ።

24 “ናዝራትያ የሱሳ፤ ኔን ኑፕ አያ ኮያይ? ኑና ጳይሳናው ያድ? ኔን ኦንቶ ኤራይ፤ ኔን ጸሳፕ ከተቲዳ ጌሻ ግድከ!” ያጌዳ።

25 የሱስ ሄ ኢታ አያና፤ “ሀይዛ፤ ብታንያፕ ከሳ” ያጌደ አዛዜዳ።

26 ኢታ አያናይ ብታንያ ቡጨሬል፤ ዳሪ ዋሰሲደ፤ አፕ ከስ አጌዳ።

27 አሳይ ኡባይ ማላለቲደ፤ “ሀዌ አይ? ሀ ብታኒ ባረ ማታን ሀራይ አቶ፤ ኢታ አያናቱዋካ አዛዜዳ፤ ኡንቲንቲካ ቃይ እው አዛዘተና፤ ሀዌ አይቦ ኦራሳ ትምርቲ?” ያጌደ፤ ባረ ግደን እቲ አቱዋ ኦቹዳ።

28 ጋሊላ ጋድያን ደእያ ሄራይ ኡባይ ኤላካ የሱሳ ዋርያ ሲሴድና።

የሱስ ዳር ሀርጋንቻቱዋ ፓሌዳ (ማቶሳ 8:14-17፤ ሉቃስ 4:38-41)

29 የሱስ አይሁዳ ዋሳ ጎልያፕ ከሰሳን፤ ያቆባናን የሃንሳና አትፕ ሰሞናን እንድራሳ ሶይ ብ አጌዳ።

30 ሰሞና ቦሎታታ ቆጶዋ ሀርጋይ ግሴዳውንባ እ ያ ጋኮሳናካ እው ኦድ አጌድና።

31 እ አዘኮ ሸቄይ፤ እዘ ኩሽያ ኦይቄደ፤ እዘ ደንሐ ኤሴዳ፤ ቆጶ እዘ አግና፤ እዘ ኡንቲንቲ ኦላዳ።

32 ሀርጌዳ አሳ ኡባን ኢታ አያናቲ ኦይቄዳ አሳ ኡባ አማርስ አዋይ ወሌዳዋፕ ጉይያን፤ አሳይ አኮ አሄድና።

33 ካታማን ደእያ አሳይ ኡባይ ሄ ካርያ ሸቄዳ።

34 የሱስ ዲማ ዲማ ሀርግያን ኦይቀቲዳ ጮራ አሳ ፓሊደ፤ ጮራ ጸላሀቲዋካ ከሴዳ። እ ክርስቶሳ ግድያዋ ኢታ አያናቲ ኤራዳ ድራው፤ ኡንቲንቲ ሃሳይሲን ድጌዳ።

የሱስ ጋሊላን ታማርሴዳ (ሉቃስ 4:42-44)

35 የሱስ ጉራ ዋንቲማላን ደንዲደ፤ ሶይፕ ከሲደ፤ አሳይ ባይናሳ ቢደ ያን ጸሳ ዋሴዳ።

36 ሰሞንን አናና ደእያዋንቲ አ ኮዪደ ቤድና።

37 ኡንቲንቲ አ ደሚደ፤ “አሳይ ኡባይ ኔና ኮዪ” ያጌድና።

38 ሄዋፕ ጉየ የሱስ ቃይ ኡንቲንቲ፤ “ሄዋ ሄራን ደእያ ሀራ ካታማቲዋ ቦይተ፤ ታን ሄዋን

ቃላ አዳናው በሴ፤ አያው ጎፕ፤ ታን ዬዳዌ ሄዋሳ” ያጌዳ።

39 አይሁዳ ዋሳ ጎላቱዋን ቃላ ኦዲድን ኢታ አያናቱዋ ከሲደ፤ ጋሊላ ጋድያ ኡባ ዩዬዳ።

የሱስ ኦሎ ኦይቄዳ ብታንያ ፓሌዳ (ማቶሳ 8:1-4፤ ሉቃስ 5:12-17)

40 ኦሎ ኦይቄዳ እት ብታኒ የሱሳኮ ዪደ፤ እ ሰንላን ጉልባቲደ፤ “ኔን ኮየፕ፤ ታና ጌሻ ፓላናው፤ ዳንዳያ” ያጌደ ዋሴዳ።

41 የሱስ እው ቃረቲዳ፤ ባረ ኩሽያ የድ፤ አ ቦቹይ፤ “ታን ኮያይ፤ ጌያ፤ ፓጸ!” ያጌዳ።

42 ኤላካ ኦሎ ብታንያ የድ አግና፤ ብታኒ ጌይ ፓጸ አጌዳ።

43 የሱስ ዳሪ ሀንቀቲደ፤ ኤላካ እ ከስ የዳዳ።

44 እ ብታንያ፤ “ኔና ኤራ! ሀዋ ኦሲን ኦድፓ፤ ሽን ባደ ነ ቦላ ቄሳ በሳ፤ ቃይ ኔን ሀእ ጌሻ ግዳዋ አሳ ኤርሳናው፤ ሙሴ አዛዜዳ ያርሹዋ ያርሻ” ያጌዳ።

45 ሽን ብታኒ ቢደ፤ የወዋ ኡባ ሳን አሳ ኡባው ኦዲዋን ላላሳ ዶሚዳ፤ ሄዋ ድራው፤ የሱስ ቆንጭያ ከሲደ፤ ካታማ ገላናው ዳንዳይቤና፤ ሽን አሳይ ባይናሳ ጋጸን ደኤዳ፤ ቃይ አሳይ ኡባ ሳፕ አኮ ዬድና።

## 2

የሱስ ቦላይ ሰሌዳ ብታንያ ፓሌዳ (ማቶሳ 9:1-8፤ ሉቃስ 5:17-26)

1 አማራዳ ጋላሳፕ ጉይያን፤ “የሱስ ቅፍርናሆማ ጉየ ሰሚደ፤ ሶይን ደኤ” ግያ ሃሳያይ ሰሰቲዳ።

2 ጎሊ አከናን እጽና፤ ሀራይ አቶ፤ ካሪካ ኡንላና ጋካናው ጮራ አሳይ ሸቄዳ፤ ሄዋንቶ የሱስ ቃላ ኦዳ።

3 ኦይዳ አሳቲ ቦላይ ሰሌዳ እት ብታንያ ቶኪደ፤ አኮ አሄድና።

4 አሳይ ጮራዳ ድራው፤ ብታንያ የሱሳኮ አፋናው ኡንቲንቲ ዳንዳየተናን እጽና፤ የሱስ ደእያ ባጋና ጎልያ ቃሪደ፤ ካራ ሉኬድና፤ ሄ ሉኬዳሳና ብታንያ እ ግሴዳ ሻንቻማና ዱን ዋሊድና።

5 የሱስ ኡንቲንቲ አማኑዋ በኢደ፤ ሄ ቦላይ ሰሌዳ ብታንያ፤ “ታ ናአው፤ ነ ናጋሪይ አቶ ጌተቲዳ” ያጌዳ።

6 ሀግያ ታማርሱያዋንቲ ሄዋን ኡቲዳ እቲ እቲ ባረንቲ ዋዛናን፤

7 “ላ ሀ ብታኒ ሀዋ ማላ ኢታባ ጸሳ ቦላ አያው ሃሳዪ? ጸሳ ጸላላፕ አትን፤ ሀራይ ኦኔ ናጋሪ አቶ ጋናው ዳንዳይያዋ?” ያጌደ ቆፕድና።

8 ኡንቲንቲ ባረንቲ ዋዛናን ሄዋዳን ቆፖዋ የሱስ ኤላካ ባረ አያናን ኤሪደ፤ ኡንቲንቲ “ሀንተንቲ ሀንተ ዋዛናን አያው ሄዋዳን ቆፕቲ?”

† 1:40 ታና ጌሻ ፓላ- ሀዋ ጉሳይ፤ ሀ ሀርጌ ቆፈቲዳዊ ላመታናው ዳንዳየና ኤሪቲዳ ጋደ ዋጋን ማራን፤ ሀራ አሳ ቆፋን እት አሳይ ጌሻ ግደና ጋና ማላ ኦድያዋ።



9 ቦላይ ስሌዳ ብታንያ፡ ሳ ናጋሪይ አቶ ጌተቲዳ፣ ግያዌ ማቴዎ? ወይ፡ ፊንዳ ኤቃደ ነ ሻንቻማ ቶካደ ሀመታ፣ ግያዌ ማቴ?

10 ሸን ታን፡ አሳ ናአወ፡ ሳአ ቦላን ናጋሪ አቶ ጋናወ ማታይ ደእያዎ ታን ህንተንታ ኤርሳና። ያጊደ ሄ ቦላይ ስሌዳ ብታንያ፡

11 “ሳና ጋይ፤ ደንዳ ኤቃ፤ ያታደ ነ ሻንቻማ ቶካደ ነ ሶይ ባ” ያጊደ።

12 ብታኒ ኤለካ ደንድ ኤቂደ፡ ባረ ሻንቻማ ቶኪደ፡ አሳይ ኡባይ ዴላሽን ቢና አሳይ ኡባይ ማላላቲደ፡ “ኑን ሀዎ ማሳባ ኡባካ በእ ኤርኮ” ያጊደ ጸሳ ጋላቴድና።

የሱስ ሌዊያ ጸሴዳ (ማቶሳ 9:9-13፤ ሉቃሳ 5:27-32)

13 የሱስ ጉጅካ ጋላላ አባ ዶና ቤዳ፤ አሳይ ኡባይ አኮ ዬዳዎንታ ታማርሴዳ።

14 ሄዋና አጂደ፡ አልፕሶሳ ናአ ሌዊያ፡ ግያዌ ቃራጸ ቃንጽያ ሳን ኡቲዳዎ ደሚደ፡ “ታና ካላ” ያጊደ። ሄዋ፣ ጉዩ ሌዊ ደንድ ኤቂደ፡ አ ካሌዳ።

15 የሱስ ቁማ ማናወ ሌዊያ ሶይን ኡቲዳ ወደ፡ ቃራጸ አክያ ጮራ አሳይን ናጋሪንቻቱ አናና አ ካልያዎንቲና እትፕ ኡቲድና። አ ካልያዎንቲ ግደን ሄዋንቲ ማላ አሳቲ ዳራድና።

16 ሀገያ ታማርሶያ እት እት ፓርሳዎቱ የሱስ ናጋሪንቻቱዋናን ቃራጸ አክያዎንቲና ቁማ ሚሸን በእደ፡ “አ እያወ ናጋሪንቻቱዋናን ቃራጸ አክያዎንቲና ቁማ ሚ?” ያጊደ፡ አ ካልያዎንታ ኦቼድና።

17 የሱስ ኡንቲንቲ ግያዎ ሰሲደ፡ “ሀርጋንቻቱዋ፣ እትን፡ ፓጸ አሳወ አክሚ ኮሸና፤ ታን ናጋሪንቻቱዋ ጸሳናወ ዬዳዎ፣ እትን፡ ጽላቲዎ ጸሳናወ ያበይከ” ያጊደ ኡንቲንቲ ዛራዳ።

ጸማባ ኤራናወ ሸቄዳ አሻ (ማቶሳ 9:14-17፤ ሉቃሳ 5:33-39)

18 ጸማቂያ ዮሃንሳ ካልያዎንቲን ፓርሳዎቱ ጸሚና፤ አማራዳ አሳቲ የሱሳኮ ዪደ፡ “ዮሃንሳ ካልያዎንቲን ፓርሳዎቱዋ ካልያዎንቲ ጸሚና፤ ሸን ሄና ካልያዎንቲ እያወ ጸምክና?” ያጊደና።

19 የሱስ ኡንቲንታ “ቡላቻ ዬዳ አሳቲ ማቻቶ አክያዌ ባረንቲና ደእሸን፡ ጸማናወ ዳንዳዪና? ማቻቶ አክያዌ ኡንቲንቲና ደእሸን፡ ጸማናወ ዳንዳይክና።

20 ሸን ማቻቶ አክያዎ ኡንቲንቲ ማታፕ አፋና ዋዲ ያናዎ፤ ኡንቲንቲ ሄ ወደ ጸማናዎንታ።

21 “ኤጫ ማዩዎ ቦላ ኦራላ ስፍያ ዋሐ ሰክያ አሳይ ባዎ፤ ኤጫ ዋሐ ሰኮ፣ ኦራላ ስፊ ኤጫ ማዩዎ ፔጋሬሐ፤ ፔጋላይካ ኮይሮዋ፣ ዳራና።

22 ቃይ ሆኦ ወይንያ ኤሳ ኤጫ ኦጎሩዋን ናእያ አሳይ ባዎ፤ ሸን ናኦ፣ ሄ ወይንያ ኤሳይ

ኦጎሩዋ ዳኬ፤ ባረወካ ወፈቲ፤ ኦጎሩካ ባዬ፤ ሸን ሆኦ ወይንያ ኤሳ ኦራላ ኦጎሩዋን ናኤቲ” ያጊደ።

ሳምባታባ ኤራናወ ሸቄዳ አሻ (ማቶሳ 12:1-8፤ ሉቃሳ 6:1-5)

23 የሱስ እት ሳምባታ ጋላሰ ትሻ ባንጋ ግደና አጅሸን፡ አ ካልያዎንቲና አናና ቢደ፡ ባንጋ ትሻፕ ዱሳ ደሚድና።

24 ፓርሳዎቱ የሱሳ፡ “በእ፤ ሄና ካልያዎንቲ ሳምባታ ጋላሰ ህገ ግደናባ እያወ ኦላና?” ያጊደና።

25 የሱስ ኡንቲንታ፡ “ዳዊተ ኮሻቲደ፡ ምያባ ኮዬዳ ወደ፡ ባረናና ደእያዎንቲና ኦሌዳዎ ኡባካ ናባብ በይክቲ?

26 አብያታር ቄሳቶ ኡባቶ ካፕ ግዴዳ ወደ፡ ዳዊተ ጸሳ ጎልያ ገሊደ፡ ቄሳቲዎ ጸሳላይ ማናፕ አትን፡ ኦንን ማናወ ህገ ግደናዎ ጎዳ ስንሳን ዋሌዳ ቁማ ሚደ፡ ባረናና ደእያዎንቶካ እሚዳ” ያጊደ።

27 ቃይካ የሱስ ኡንቲንታ፡ “ሳምባታይ አሳወ መፍቲዳዎ፣ እትን፡ አሳይ ሳምባታወ መፍቲቤና።

28 ሄዎ ድራወ፡ ታን፡ አሳ ናአይ፡ ሀራይ አቶ፡ ሳምባታወካ ጎዳ” ያጊደ።

### 3

ኩሺ ስሌዳ ብታንያ (ማቶሳ 12:9-14፤ ሉቃሳ 6:6-11)

1 የሱስ አይሁዳ ዋሳ ጎልያ ሸረትካ ገሌዳ፤ ሄዋን ኩሺ ስሌዳ እት ብታኒ ደኤ።

2 እት እት አሳይ የሱሳ ሞታናወ ኮዪደ፡ ኩሺ ስሌዳ ብታንያ ሳምባታን እ ፓሶፕ በአናወ ና።

3 የሱስ ሄ ኩሺ ስሌዳ ብታንያ፡ “ደንዳ ኤቃይ ስንሳወ ሃያ” ያጊደ።

4 ሄዋ፣ ጉይያን አሳ፡ “ሳምባታን ሎኦባ ኦላያዌ ዋጌየ ኢታባ ኦላያዌ ዋጌ? አሳ ሸምቶዎ አሸያዌ ዋጌየ ወጵያዌ ዋጌ?” ያጊደ ኦቼዳ።

ሸን አሳይ ጮኤ ጌዳ።

5 የሱስ ሀንቀቲደ፡ ኡንቲንታ ዩሽ አሐ ጸሊደ፡ ኡንቲንቲ ኦድና ሰሰናዎንታ ግድያ ድራወ፡ ኡንቲንቶ ዳሪ ካዮቲዳ፤ ሄ ብታንያ፡ “ሳ ኩሺያ ፕድ ኦላ” ያጊደ፤ ብታኒ ፕድ አሐና፡ አ ኩሺ ፓጽ አጌዳ።

6 ፓርሳዎቱ አይሁዳ ዋሳ ጎልያ፣ ካረ ከሲደ፡ የሱሳ ዋት ዋዳንቶ ሄርድሳና ደእያዎንቲና ማቀቲድና።

አሳይ አባ ላንቂያን የሱሳኮ ሸቄድና

7 የሱስ ባረና ካልያዎንቲና ጋላላ አባ ቤዳ፤ ጋላላ፣ ጮራ አሳይ አ ካሌዳ።

8 ቃይካ ጮራ አሳይ ይሁዳ፣ የድሳላመ፣ ኤደምያሳ፣ ዮርዳኖስ ሻፋ፣ ሄናካላ ባጋ፣ ጸርሳ ካታማ፣ ቢደና ካታማ፣ የሱስ ኦሌዳዎ ሰሲደ፡ አኮ ዬዳ።

9 የሱስ ጮራ አሳይ ባረና ሱግ ኦንኤ□ና ማላ፣ ባረና ካልያዋንታ ዋንግርያ ባረጢ ጋምኤላና ማላ አዛዜዳ።

10 ዳር አሳ እገጩዳ ድራጤ፣ ሀርግያ አሳይ ኡባይ አ ቦቻና ሰገረቱ።

11 ኢታ አያናይ ደእያ አሳቱካ አ በኤዳ ዋደ ኡባን አ ሰንላን ጉፋኒደ፣ ባረንቱ ቃላ ዶቄ አሊደ፣ “ኔን ጸሳ ናኦ ግድኪ!” ያጌድና።

12 የሱስ ሄ ኢታ አያናቱ ባረባ አሳዉ ኦዲደ፣ ባረና ቆንጭያ ከሰና ማላ፣ ኡንቱንታ ሞንሲደ አዛዜዳ።

የሱስ ባረ ኪትያዋንታ ዶሬዳ (ማቶሳ 10:1-4፤ ሉቃሳ 6:12-16)

13 የሱስ ደርያ ቦላ ከሲደ፣ ባረ ኮዬዳ አሳቱዋ ባረኮ ጸሴዳ፤ ሄዋጥ ገዮ አኮ ቤድና።

14-15 ኡንቱንቱ ባረናና ደእና ማላን ቃላ ኦዲናዉ ኡንቱንታ ኪታና ማላ፣ ኢታ አያናቱዋ አሳጥ ከሳናዉ ኡንቱንቱ ማታይ ደእና ማላ፣ ታማነ ላኡ አሳቱዋ ዶሬዳ።

16 እ ዶሬዳ ታማነ ላእቱ ሀዋንታ፡ ጳጳርሳ ያጊደ ሱንጩዳ ሰሞና።

17 ቦኣነርጌሳ ያጊደ ሱንጩዳ ዛብድዮሳ ናና ያቆባን ያቆባ እሻ ዮሃንሳ። “ቦኣነርጌሳ” ግያዌ “ዋልቃማ አሳቱዋ” ግያዋ።

18 እንድራሳን ፕልጸሳ፣ ባርታላሞሳን ማቶሳ፣ ቶማሳን እልጥዮሳ ናኦ ያቆባ፣ ታዶሳን ባረ ቢታዉ ሴለትያ ሰሞና።

19 የሱሳ እል እማዳ ይሁዳ አሰቆርታ።

የሱሳን ብኤል-ዘቡላ (ማቶሳ 12:22-32፤ ሉቃሳ 11:14-23፤ 12:10)

20 የሱስ ሶይ ቤዳ፤ ላኤንሉዋካ ቃይ ጮራ አሳይ ሸቅና፣ እነ አ ካልያዋንቱና ሀራይ አቶ፣ ቁማ ማናዉካ ዳንዳይበይክና፤

21 አሳይ አ፣ “ገዬ” ግያ ድራጤ፣ አ ዳባቱ ሄዋ ሰሲደ፣ አ አካናዉ ቤድና።

22 ሀግያ ታማርሲያ ስት እት አሳቱ የሩሳላመጥ ዪደ፣ “የሱሳ ሰላ ብኤል-ዘቡል ደኤ” ያጌድና፤ ቃይ፣ “ጸላሀቱዋ ካፑ ባረጢ ዋልቃ እምና፣ ኢታ አያናቱዋ ከሴ” ያጊደ ሃሳዬድና።

23 የሱስ አሳ ባረኮ ጸሴደ፣ ሌምሱዋ ኦዲደ፣ “ሴጻናይ ሴጻና ዋት ከሳናዉ ዳንዳይ?”

24 እት ካዉተላይ ባረ ግድን ሻከቶ፣ ሄ ካዉተላይ ኤቃናዉ ዳንዳየና፤

25 ቃይ እት ጎላ አሳይካ ባረ ግድን ሻከቶ፣ ሄ ጎላ አሳይካ ኤቃናዉ ዳንዳየና።

26 ሴጻናይ ባረናና ዋላቀቲደ ሻከቶ፣ ባያናጥ አትን፣ ደእና ዳንዳየና።

27 “ሸን ዋልቃማ አሳ ጎላ ገሊደ ካሰቲደ አ ቃቼናን ደእደ፣ አ ሚሻ ቦንቃናዉ ዳንዳይያ አሳይ ባዋ፤ ቃቼዳዋጥ ጉይያን፣ አ ጎልያ ቦንቃናዉ ዳንዳይ።

28 “ታን ሀንተንቶ ቱሙዋ ጋይ፤ ጸሳይ አሳ ናናዉ ናጋራ ኡባን ኡንቱንቱ ቦርያ ቦርያ \* ኡባ አቶ ጋና፤

29 ሸን ጌሻ አያና ቦላ ኢታ ቦርያ ሃሳይያ ኦስነ መጽናዉ ናጋራ ግዳናጥ አትን፣ ጸሳይ ኡባካ አቶ ጌና” ያጌዳ።

30 የሱስ ሄዋ ጌዳዎ፣ እት እት አሳቱ፣ “የሱሳ ቦላ ኢታ አያናይ ደኤ” ያጌዳ ድራሳ።

የሱሳ ዳየን እሻቱዋ (ማቶሳ 12:46-50፤ ሉቃሳ 8:19-21)

31 የሱሳ ዳየን አ እሻቱ ዪደ፣ ካረን ኤቄ አኮ አሳ ኪቲደ፣ አ ጸሰሴድና።

32 ጮራ አሳይ አ ማታን ኡቲድና፤ ሄ ኪተቲዳዌ አ፣ “በእ፤ ነ ዳየን ነ እሻቱ ካረን ኤቄደ፣ ነናና ጋከታናዉ ኮዪና” ያጌዳ።

33 የሱስ ዛሬደ፣ “ታ ዳያ ኦኔ? ቃይ ታ እሻቱ ኦኔ?” ያጌዳ።

34 ባረ ማታን ኡቲዳ አሳ የሸ እል ጸሊደ፣ “በእተ፤ ታ ዳየን ታ እሻቱ ሀዋንቱሸ።

35 ጸሳይ ኮይያዋ ኦልያ ኡባይ ታ እሻ፣ ታ ሞቻቶን ታ ዳየ” ያጌዳ።

### 4

ዘረሳ ዘርያዋ ሌምሱዋ (ማቶሳ 13:1-9፤ ሉቃሳ 8:4-8)

1 የሱስ ሸረትካ ጋለላ አባ ማታን ታማርሱዋ ደሜዳ፤ ጮራ አሳይ ባረ ሞይያን ዩይ አጁደ ሸቅ ኡትና፣ አባን ደእያ ዋንግርያ ግደ ገሊደ፣ እን ኡቲድና፤ ቃይ ሄ አሳይ ኡባይ አባ ሞይያን ደኤ።

2 አ ኡንቱንታ ዳርባ ሌምሱዋን ታማርሲደ፣

3 “ሰሰተ፤ እት ብታኒ ዘረሳ ዘራናዉ ከሴዳ።

4 አ ዘርሸን፣ እት እት ዘረሳይ ኦግያ ዶናን ዋዪዳ፤ ሄዋ ካፉ ዪደ ሜዳ።

5 እት እት ዘረሳይ እንጮ ቢታ ቦላ ዋዪዳ፤ ዳር ቢታይ ባይና ድራጤ፣ ሄ ዘረሳይ ኤለካ ሞኬዳ።

6 አዋይ ከሴዳ ዋደ ሹሊዳ፤ አዲሳ ጸጸዋ የድቡና ድራጤ፣ መል አጌዳ።

7 እት እት ዘረሳይ እንገሳ ግደን ዋዪዳ፤ ሄዋን ሞኬዳዋ እንገሳይ ድጩደ ጨልና፣ አይፈናን አቲዳ።

8 እት እት ዘረሳይ ቱኤ ቢታን ዘረቲደ ሞኬዳ፤ ድጩደ እቱ ሀታሙዋ፣ እቱ ኡሱፑን ታሙዋ አይፍና፣ እቱ ጴቱዋ አይፊዳ።”

9 ቃይካ የሱስ፣ “ሰሳናዉ ሀይሳይ ደእያ ኡራይ ሰሶ” ያጌዳ።

የሱስ ሌምሱዋን ኦዲዳ ጋሱዋ (ማቶሳ 13:10-17፤ ሉቃሳ 8:9-10)

10 ታማነ ላኡ የሱሳ ካልያዋንቱን አ ኦዲዳዋ ሰሴዳ ሀራ አሳቱ አ ባረካ ደእሸን አኮ ሸቄደ፣ ሄ ሌምሱዋ ብለላ አ ኦቼድና።

3:19 14:10 3:22 ማቶሳ 9:34፤ 10:25 \* 3:28 ቦርያ ቦርያ- ጉሳይ ጸሳ ቦላን አሳይ ሃሳይያ ኢታ፣ ባላነ ገላ ሃሳይ። 3:29 ሉቃሳ 12:10 4:1 ሉቃሳ 5:1-3

11-12 የሱስ ኢንቲንቶ፣ “ህንተንቶ ጸሳ ካወተሳ ጸራ የወዋ ኤራይ እመቲዳ፤ ሽን ሀራቲ ካወተሳጥ ካረና ደእያዋንቲ፣ ጸላ ጸሊደ በኤና ማላ፣ ቃይ ሰሳ ሰሲድካ እኬከና ማላ፣ ኡንቲንቲ ሽረቲደ ጸሳኮ ሰምና፣ እ ኡንቲንቲ ናጋራ ኦቶ ጌና ማላ፣ ኡንቲንቶ ኡባባይ ሌምሱዋን ኦደቲ።”

ዘርያዋ ሌምሱዋ ብለላ (ማቶሳ 13:18-23፤ ሉቃሳ 8:11-15)

13 የሱስ ኡንቲንቲ፣ “ሀ ሌምሱዋ ኤርክቲ? ያትና፣ ሌምሱዋ ኡባ ዋት ኤራንቲ?”

14 ዘርያዋ ጸሳ ቃላ ዘራ።

15 ቃላይ ዘረትያ ኦግያ ዶናን ደእያዋንቲ ሀዋንታ፤ ኡንቲንቲ ቃላ ሰሰያ ዋይ፣ ሴጸናይ ኤለካ ዪደ፣ ኡንቲንቲ ዋዛናን ዘረቲዳ ቃላ እፍ ድጌዳ።

16 ሀዋዳንካ ቃይ እንጮትያ ቢታን ዘረቲዳዋንቲ ሀዋንታ፤ ኡንቲንቲ ቃላ ሰሲደ፣ ኤለካ ናሽቻን እኪኖ።

17 ኡንቲንቲ ሀእወ ደእኖጥ እትን፣ ኡንቲንቶ ምና ጸጹ ባዋ፤ ጉየጥ ቃላ ጋሱዋን ዋዪ ዋይ የደርሱ ይያ ዋይ፣ ኡንቲንቲ ኤለካ ጹቡት ኢኒኖ።

18 ቃይ እጉንላ ግደን ዘረቲዳዋንቲ ሀዋንታ፤ ኡንቲንቲ ቃላ ሰሰያዋንታ።

19 ሽን ሀ ሳእ ደኦ ሀርግያዋ ዱረተላ ደሰያዋን ሀራባ አሞትያዋ ኡንቲንቲ ዋዛናን ገሊደ፣ ቃላ ጩልና ነይፈናን ኦት እጌዳ።

20 ሽን ቱኤ ቢታን ዘረቲዳዋንቲ ቃላ ሰሲደ እክያዋንታ፤ እቲ ሀታሙዋ፣ እቲ ኡሱቲን ታሙዋ እይፍና፣ እቲ ጸቱዋ ኦይፊዳ” ያጌዳ።

ጸምጥያ ሌምሱዋ (ሉቃሳ 8:16-18)

21 የሱስ ጉጂደ፣ “ጸምጥያ አሂደ፣ ግላጥ ዋይ እርሳጥ ጋርሳና ዋልያ አሳይ ደእ? ጹቃሳን ዋኪኔ?”

22 እያወ ጎጥ፣ ቆሴዳባይ ኡባይ ቆንጮያ ከሳናዋ፤ ቃይ ጌማን ዋጮዳባይ ኡባይ ቤተናን እተና።

23 ሰሳናወ ሀይላይ ደእያ ኡራይ ደእጥ ሰሶ” ያጌዳ።

24 ቃይካ ኡንቲንቲ፣ “ህንተንቲ ሰሰያዋ እኬኪደ ሰሰተ፤ ጸሳይ ህንተ ማኬዳ ቁንኣን ህንተንቶ ማካናዋ። እ ህንተንቶ ዳርሲደ እማና፤

25 ደእያ ኡራወ ጉጅ እማና፤ ባይናዋጥ ሀራይ እቶ፣ አወ ደእያ ሂ ጉላቶካ እክ ድጋና” ያጌዳ።

ድጮያ ዘረላ ሌምሱዋ

26 የሱስ ቃይካ፣ “ጸሳ ካወተላይ ጋይን ካላ ዘርያ አሳ ማላ።

27 ሂ ብታኒ ቃማ ገሞእኹ፤ ጉራ ደንዳ፤ እ ባረ ሁጳወ ዋንንቶ ኤረናን፣ ሄ ዘረላይ ሞኬን ድጩ።

28 ቢታይ ካላ ባረካ ሞኬን አይፊ፤ ኮይር ጫርሻይ ጫሬ፤ ጉየጥ አይፋናወ ኩኩማ፤ ቃይ ወርሰላን ኩሙንላ አይፍያ አይፊ።

29 ሽን ካላይ ጋክያ ዋይ፣ ካላ ሸሽያ ዋዲ ጋኬዳ ድራወ፣ ብታኒ ኤለካ ባጫን ጫኩዋ ገል ኦይዳ” ያጌዳ።

ሳናፍጮያ ዘረላ ሌምሱዋ (ማቶሳ 13:31-34፤ ሉቃሳ 13:18-19)

30 የሱስ፣ “ኡን ጸሳ ካወተላ እያ ማላቲ ጋኔ? ዋይ እያና ሌምሳኔ?”

31 ጸሳ ካወተላይ ሳናፍጮያ አይፋቶ ማላቲ። ሄ አይፋታ ዘርያ ዋይ፣ ሳኣን ደእያ ሞላ አይፊያ ኡባጥካ ጉጃወ፤

32 ሄኖ ዘርና ሞካደ ሀራ ኦታክልትያ ኡባጥ ዳራወ፤ ዳር ዳሻ ዳሻወ። ካፋ እዝ ቃንካ ኩዋን ገልያ ኪጸና ዳንዳዬ” ያጌዳ።

33 የሱስ ሀዋ ማላ ዳር ሌምሱዋን አሳይ ሰሳናወ ዳንዳይያዋ ከና፣ ባረ ቃላ ኦዳዳ።

34 አሳወ ሌምሱ ባይናን ኦደና፤ ሽን የሱስ ባረና ካልያዋንቲ ጸላላና ደእያ ዋይ፣ ኡንቲንቶ ኡባባ ብለሊደ ኦዳ።

የሱስ ቤታ ጮኤ ኦጼዳ (ማቶሳ 8:23-27፤ ሉቃሳ 8:22-25)

35 ሄ ጋላሰ ሳእይ ኦማርሰና፣ የሱስ ባረና ካልያዋንቲ “አባጥ ሄፍንላ ጥፍይተ” ያጌዳ።

36 እ ካልያዋንቲ አሳ አጊደ፣ የሱስ ካሰ ገል ኡቲዳ ዋንግርያን ገሊደ፣ የሱሳ ባረንቲና አፊድኖ፤ ሀራ ዋንግርቲካ ሄዋን ደእኖ።

37 ዋልቃማ ጎቲ ደንድና፣ ቤታይ ዋንግርያ ሾጮና፣ ሃላይ ኩማና ጋካናወ ዋንግርያ ግደ ገሌዳ።

38 ሄ ዋይ የሱስ ዋንግርያን ጉየ ባጋና ቦርኩላ ቦርኩቲደ ገሞእኹዳ። የሱሳ ካልያዋንቲ እ ደንጸደ፣ “ታማርሰያዎ፣ ኦን ጳይያ ዋይ ጮኤ ጋደ ጸላይ?” ያጌድኖ።

39 እ ቤጎቲደ ጎቲዋ፣ “ጮኤ ጋ” ጊደ፣ አባካ፣ “ሞፑ ጋ” ጌዳ፤ ጎቲካ ጮኤ ጊና፣ ኡባባይካ ዋፑ ጌዳ።

40 የሱስ ባረና ካልያዋንቲ “እያወ ሀዋዳን ያዪቲ? ህንተንቲ ዋን አማንክቲ?” ያጌዳ።

41 ኡንቲንቲ ዳር ያዪደ ባረንቲ ግደን፣ “ሀዋ ላ ሀራይ እቶ፣ ጎቲካ አባይ እዛዘትያዋ ኦኔ?” ያጌድኖ።

5

የሱስ ኢታ አያናይ ኦይቄዳ ብታንያ ፓጼዳ (ማቶሳ 8:28-34፤ ሉቃሳ 8:26-39)

1 የሱስን እ ካልያዋንቲ አባጥ ሄፍንላወ ጥጊደ፣ ገርገሰናና ጌተትያ ጋደያ ጋኬድኖ።

2 አሳ ሞግያ ዱፋ ደእያሳጥ ኢታ አያናይ ደእያ እት ብታኒ ከሲደ፣ የሱስ ዋንግርያጥ ከሴዳ ዋይ፣ የሱሳና ጋክቲዳ።

3 ብታኒ ሄ ዱፋ ደእያ ሳን እቅ ፔሺደ፣ ያን ደኤ፤ እ ኦን ሀራይ እቶ፣ ሳንላላታን ቃቻናወካ ዳንዳይቤና።

4 እያወ ጎጥ፣ እ ዳር ዋይ ኡቁናንን ሳንላላታን ቃሽቲደ ደኤ፤ ሽን ሳንላላታ

ዲብረሱዳ፤ ኡቁናካ መንፍቅሱዳ፤ እ ጸናናዉ ዲንዲዳዳዳዳ ኡንነ ባዋ።

5 እ ኡባ ዋደ ጋለስነ ቃማ፡ ሄ ዲፋ ደኢያሳንነ ደርያ ቦላ ዋሴ፤ ባረ ቦላካ ሹቻን ገራ።

6 የሱሳ ሃኩዋን በኤዳ ዋደ፡ እኩ ዋጽ ዪደ እዉ ጎይኔዳ።

7 ሄ ብታኒ ባረ ኮሻ ጹቁ ኡሌዳ፡ “ኡባጥ ቦላ ጸሳ ናእዉ፡ የሱሳ፡ ኔናነ ታና እዬ ጋሊ? ታና ሙረር ማላ፡ ታን ኔና ጸሳ ሱንሳን ዋሳይ” ያጌዳ።

8 እ ሄዋ እያዉ ጌዳ ጎጥ፡ የሱሰ እ፡ “ላ ሀ ኢታ እያናዉ፡ ሀ ብታንያጥ ከሳ” ያጌዳዋሳ።

9 የሱሰ እ፡ “ነ ሱንሳይ ኦኔ?” ያጌደ ኦቹዳ።

እ፡ “ኡን ጮራ ግድያ ድራዉ፡ ታ ሱንሳይ ሌግኖና” ያጌዳ።

10 ኢታ እያናቱዋ ሄ ጋድያጥ ከሰ የደና ማላ፡ የሱሳ ምንሲደ ዋሴዳ።

11 ሄ ደርያ ቦላን ጮራ ጉዲንሳ ዉዲ ሄሙቲ፤

12 ኢታ እያናቱ የሱሳ፡ “ኡና ህን ጉዲንሳ ዉድያኩ የዳርኪ፤ ኡንቲንቲን ቢደ ገላና” ያጌደ ዋሴና።

13 የሱሰ፡ “ቢተ” ያጌዳ። ኢታ እያናቱ ብታንያጥ ከሲደ፡ ጉዲንሳቱዋን ገሌድኖ፤ ላኡ ሻእ ግድያ ጉዲንሳ ዉዲ ካካ ሁጲያና ካዳቲደ፡ እባን ገሊደ፡ ምተት እጌዳ።

14 ጉዲንሳ ዉድያ ሄምዎንቲ ባቃቲደ፡ ህኔዳዋ ካታማንነ ካታማጥ ጋጸ ጋድያን ኦዲድኖ፤ ሄዋ በእናዉ አሳይ ዬዳ።

15 አሳይ የሱሳኩ ዪደ፡ ጮራ ኢታ እያናቱ በን ኦይቁዳ ብታኒ ባረ ዋዛናይ ሰምና፡ ማየዋ ማዪደ፡ ሄዋን ኡቲዳዋ በኢደ፡ ኡባይ ያዬዳ።

16 ሄዋ በኤዳ አሳቱ ኢታ እያናቱ ኦይቁዳ ብታኒ ህኔዳዋን ቃይ ጉዲንሳ ዉድያባ ሄ አሳይ ኦዲድኖ።

17 ሄዋ ድራዉ፡ አሳይ ባረንቱ ጋድያጥ የሱሰ ባና ማላ፡ ዋሳ ዶሚዳ።

18 የሱሰ ምንግርያን ገልሽን፡ ኢታ እያናቱ ኦይቁዳ ብታኒ የሱሳና ደኡና ማላ፡ የሱሳ ዋሴዳ።

19 ሽን የሱሰ እጸደ እ፡ “ነ ሶይ ሰሚደ፡ ጎዳይ ነዉ እይ ማላ ዋልቃማባ ኡሌደንቶን ቃይ እ ነዉ እይ ማላ ኪከንቶ ነ ሶይ አሳዉ ኦዳ” ያጌዳ።

20 ብታኒ ቢደ፡ ታሙ ካታማ \* ግያ ሳን የዪደ፡ የሱሰ ባረዉ እይ ማላ ዋልቃማባ ኡሌደንቶ፡ ኦዲዋ ዶሚዳ፤ እ ኦዲዳዋ ሰሴዳ አሳይ ኡባይ ማላለቲዳ።

ያእርሳ ናቶን የሱሳ ማየዋ ቦቹዳ ምሽራቶ (ማቶሳ 9:18-26፤ ሉቃሳ 8:40-56)

21 የሱሰ ሰሚደ፡ ምንግርያን ገሊደ፡ አባ ፕኔዳዋጥ ጉይያን፡ ጮራ አሳይ አባ ማታን አኩ ዩይ ኡዲደ ሺቁድኖ።

22 ያእርሳ ግያዋ፡ አይሁዳ ዋሳ ጎልያ ካገቱዋጥ እቲ፡ የሱሳ በኤዳ ዋደ እኩ ይ ኦ ገድያን ኩንዲደ።

23 “ታ ናታ ሀርጋደ ሀይቃናዉ፤ እካ ገጸደ ሎኦ ደኡና ማላ፡ የሱደ ነ ኩሽያ እዝ ቦላ ዋላርኪ” ያጌደ የሱሳ ምንሲደ ዋሴዳ።

24 የሱሰ ያእርሳና ቤዳ፤ እ ቢሸን ጮራ አሳይ ኦ ካሊደ መቶሌድኖ።

25 ታማን ላኡ ላይሳ ኡባ እዝ ቦላጥ ሱላይ ጎግያ እት ምሽራታ ደኡዉ።

26 ጮራ እከማቱ እዝ እከምሸንካ፡ እዝ ገጸ ካኔታዳ፤ ባረ ሚሻ ኡባ ዉርሰናካ እዝዉ ሃ ኡቲዳዋጥ አትን፡ አይነ እዝ ማድቤና።

27 ሄ ምሽራታ የሱሳ ሰሳደ፡ አሳ ግድና የሱሳጥ ጉየና ያደ፡ እ ማየዋ ቦቹዳ።

28 እያዉ ጎጥ እዛ፡ “ታን ሀራይ አቶ፡ እ ማየዋ ቦቹጥካ ገጸና” ያጋደ ቆገዳ።

29 ኢጥ ጎግያ ሱላይ ኤለካ ኤቁ እጌዳ፤ እዝ ባረ ዋይያጥ ገጸዳዋ ባረ ቦላን ኤራ አገዳ።

30 የሱሰ ባረጥ ዋልቃይ ከሴዳዋ ባረ ሁጸዉ ኤሪደ፡ ኤለካ ጮራ አሳ ግደን ጉየ ሰሚደ፡ “ታ ማየዋ ቦቹዳዋ ኦኔ?” ያጌዳ።

31 የሱሳ ካልያዋንቲ እ፡ “አሳይ ኔና ሱግያ ዋደ በኢደ፡ ናታና ኦኔ ቦቹዳዋ?” ያጋይ? ” ጌድኖ።

32 የሱሰ ሄዋ ኦኔ ኡሌደንቶን በእናዉ የሽ አሊደ ጼሌዳ፤

33 ሽን ምሽራታ ባረዉ ህኔዳዋ ኤራደ፡ ያሻ ኮኮራደ ያደ የሱሳ ሰንሳን ጉፋናዳ፤ ቃይ ቲማተሳን ህኔዳዋ ኡባ እዉ ኦዳዳ።

34 የሱሰ እዝ፡ “ታ ናቲ፡ ኔና ነ እማኑ ገሌዳ፤ ጎሩዋን ባ፤ ነ ዋይያጥነ ገጸ” ያጌዳ።

35 የሱሰ ብር ሄዋ ገሸን፡ አይሁዳ ዋሳ ጎልያ ካጥደ ሶይጥ ከተቲዳ አሳቱ ዪደ፡ “ነ ናታ ሀይቃድጋዳ፤ ሰም ታማርሰያዋ እያዉ ዳቡርሳይ?” ያጌድኖ።

36 ሽን የሱሰ ኡንቲንቲ ግያዋ ሰሲደ፡ አይሁዳ ዋሳ ጎልያ ካጥደ፡ “አማና ጸላላ አማናጥ አትን፡ ያዮገ” ያጌዳ።

37 የሱሰ ጸጽርሳጥ፡ ያቆባጥነ ያቆባ እሻ ዮሃንሳጥ ሀራይ ኡንነ ባረና ካለና ማላ ድጌዳ።

38 ኡንቲንቲ አይሁዳ ዋሳ ጎልያ ካጥደ ሶይ ጋኬዳ ዋደ፡ የሱሰ አሳይ ሎይላ ዬክያዋን ዘላልያዋ በኤዳ።

39 ገሊደ አሳ፡ “አያዉ ሎይላ ዬክቲ? ናታ ገምእሻዲጥ አትን፡ ሀይቃባይኩ” ያጌዳ።

40 ሄዋጥ ጉየ አሳይ ኦ ቦላ ሚጩዳ፤ ሽን አሳ ኡባ ካረ ከሲደ፡ ናት አዉዋን አቶ ሄዋን ባረናና ደኢያ ኦ ካልያዋንታን አኪደ፡ ናታ ደኢያሳ ገሊዳ።

41 የሱሰ ናት ኩሽያ ኦይቁደ፡ “ጸልታ፡ ቁሚ” ተጌዳ፤ ሄዋ ብለሳላ፡ “ጉላ ናቲ፡ ታን ኔና ደንዳ ጋይ” ግያዋ።

\* 5:20 ታሙ ካታማ- ሀዋንቲ እት ጭታ ግዴዳ ካታማቲ ሳማርያጥነ ጋለላ ጋድያ እዋይ ዶልያ ባጋና ደኢያዋንታ ግዲደ፡ ሄዋንቲን ደኢያ አሳቱዋ ኤሻይካ ግሪክ አሳቱዋ ደኡዋ ኦግያ ካልያዋ በሴ። † 5:41 ጸልታ፡ ቁሚ- ሀ ቃላቲ አራማይክ ጌተትያ ቃላን የሱሳ ዋድያን ጋለሰቲን ጋደን ሃሳየትያዋ። ጸልታ ግያዋን ቁም ግያዋ እማራሉዋ ቃላ ግድና። ሽን ግሪክያ ቃላ።

42 ናጉ ኤለካ ደንዳ ኤቃደ ሀመታዲ፤ እዛ ታማነ ላኡ ላይሳ ናቶ፤ ሄዌ ሀንያዋን አሳይ ደሮ ማለላቲዳ።

43 የሱሰ ሄዋ ኡንቱንቱ ኦስነ ኦደና ማለ፤ ኡንቱንታ ሞንስ አዛዚደ፤ “እዘዉ ሞያባ እምተ” ያጌዳ።

**6**

የሱሳ ናዘሬተን እከናን እጹድና (ማቶሳ 13:53-58፤ ሉቃሳ 4:16-30)

1 የሱሰ ሄዋጥ ከሲደ፤ ባረ ጋድያ ናዘሬተ ካታማ ቤዳ፤ አ ካልያዋንቱካ አ ካሊደ ቤድኖ።

2 ሳሞባታ ጋላስ አይሁዳ ዋሳ ጎልያን ታማርሱዋ ደሜዳ፤ እ ታማርሲያዋ ሰሴዳ ጮራ አሳይ ማለላቲዳ፤ “ሀዌ ሀ ኡባባ ሀቃጥ ደሜዳ? ሀ እዉ እመቲዳ አጵ ኤራተሳይ አዬ? ጳሳይ ኦልያ ማለታ አ ዋት ኦሊ?” 3 ሀዌ አናጽያ \* ግደኔ? ማይራሞ ናኣ፤ ያቆባ እሻ፤ ዮሳ እሻ፤ ይሁዳ እሻ፤ ሰሞና እሻ ግደኔ? አ ሞቻቱ ኑናና ሀዋን ደእያዋንታ ግድክና?” ያጌደ፤ አ ግያዋ አከናን እጹድኖ።

4 የሱሰ ሄ አሳዉ፤ “ናብ ባረ ጋድያን፤ ባረ ዳባቱዋን ባረንቱ ሶይ አሳን ቦንቼተናዋጥ አትን፤ ኡባ ሳን ቦንቼቲ” ያጌዳ።

5 እ ሄዋን ባረ ኩሽያ እማራዳ አሳቱዋ ቦላ ዋሊደ፤ ኡንቱንታ ፓሌዳዋጥ አትን፤ ጮራ ማለታ አሳናዉ አይነ ዳንዳይቤና።

6 አሳይ አማንቤና ድራዉ ማለላቲዳ።

የሱሰ ታማነ ላኡ ባረና ካልያዋንቱ ታማርሳናዳን ከቲዳ

(ማቶሳ 10:5-15፤ ሉቃሳ 9:1-6)

ሄዋጥ ጉይያን፤ የሱሰ ሄዋ ሄራን ደእያ ቄር ካታማቲዋን ዩይ ዩዪደ፤ አሳ ታማርሴዳ።

7 የሱሰ ታማነ ላኡ ባረና ካልያዋንታ ባረኩ ጹሲደ፤ ላኡዋ ላኡዋ ከቲዳ፤ ቃይ ኡንቱንቶ ኢታ እያናቱዋ ከሲያ ማታ አሜዳ።

8 ኡንቱንታ፤ “ኡግያ ጸሞኣጥ አትን፤ ቁማ፤ ቃርጨትያ፤ ህንተዉ ሚሻ እያኔካ ኦይቆጥተ።

9 ህንተንቱ ገድያን ጫማካ ዋሐተ፤ ሸን ላኡ ማዩዋ ማዮጥተ” ያጌዳ።

10 ቃይካ ኡንቱንታ፤ “ህንተንታ አሳይ ሀቃን ሞኮጥ፤ ሄዋጥ ከሳና ጋካናዉ፤ ሄ ጎልያን ኡት እግተ።

11 ህንተንታ አሳይ ሞከናሳ ዋይ ህንተ ኦድያባ ሰሰናሳ ሀቃ ግደጥካ፤ ሄ ጋድያን ደእያ አሳዉ ሄዌ ማርካ ግዳና ማለ፤ ሄዋጥ ከሲደ፤ ህንተ ገድያጥ ባና ሾጭተ” ያጌዳ።

12 ታማነ ላኡ አ ካልያዋንቱ ቤደ፤ አሳይ ባረንቱ ናጋራጥ ሰማናዳን፤ ቃላ ኦዴድኖ።

13 ኡንቱንቱ አሳጥ ዳሮ ኢታ እያናቱዋ ከሲደ፤ ሀርግያ አሳ ጮራ ዛይትያ ኦኪደ ፓሌድኖ።

ጸማቅያ ዮሃንሳ ሀይቁዋ (ማቶሳ 14:1-12፤ ሉቃሳ 9:7-9)

14 አሳይ የሱሳ ሱንሳ ደንልያ ድራዉ፤ ካትያ ሄርድስ ሄዋ ኡባ ሰሴዳ፤ እት እት አሳይ፤ “ጸማቅያ ዮሃንስ ሀይቁዋጥ ደንዳዳ፤ ሄዋ እዉ ዋልቃማ ማለታ ኦልያ ዋልቃይ ደኤ” ያጌዳ።

15 ሸን ሀራንቱ አ፤ “ሀዌ ኤላሳ” ያጌድኖ። ሀራንቱ ቃይ፤ “ሀዌ ቦን ዋይ ናባቱዋ ማለትያ ናብያ” ያጌድኖ።

16 ሸን ሄርድስ ሄዋ ሰሴዳ ዋይ፤ “ሄዌ ታን ቆድያ ሙጭሴዳ ጸማቅያ ዮሃንሳ። አ ሀይቁዋጥ ፓዴዳ” ያጌዳ።

17 እያዉ ጎጥ፤ ሄርድስ ባረ እሻ ፕልጶሳ ማቻቶ ሄርድያደ አክ ዋሌዳ፤ ሄርድስ እዝ ድራዉ፤ ባረ ሀ-ጸዉ አሳ ከቲደ፤ ዮሃንሳ ኦይሊደ፤ ቃሸሰ ዋሌዳ።

18 እያዉ ጎጥ፤ ዮሃንሳ ሄርድሳ፤ “ኔን ነ እሻ ማቻቶ አካናዉ በሰና” ያግ ዋሌዳ።

19 ሄርድያዳ ዮሃንሳዉ ኡሉዋን ሞርክያ ኦይቃደ አ ዋድሳናዉ ኮያዳ፤ ሸን ዳንዳያበይኩ።

20 ዮሃንስ ጽሎ አሳነ ጌሻ አሳ ግዴዳዋ ሄርድስ ኤራዳ ድራዉ፤ እዉ ያዪደ፤ ሎይሳ ናግ ዋሌዳ፤ ዮሃንስ ግያዋ ሰሴዳ፤ ባረ ዋዛናን ዳርሰ ሙቶቲደካ አባ ናሸቻን ሰሴዳ።

21 ሄርድስ ባረ የለቲዳ ጋላስ፤ ጋድያ አይሰያዋንቶ፤ ሻላቃቶን ጋለላን ደእያ ዋልቃማ አሳዉ ሾብያ ግብራዳ ዋይ፤ ዉርሰላን ሄርድያዳ እንጅ ጋላሳ ደማዳ።

22 ሄርድያድ ናጉ አማሳ ሞክያሳ ገላ ድራደ፤ ሄርድሳነ አ እማላቱዋ ናሸቻዳ፤ ሄዋጥ ጉየ ካቲ ናትዉ፤ “ኔና ሎኤዳዋ እያ ግደጥነ ታና ኦቻ፤ ታን ነዉ እማና” ያጌዳ።

23 ቃይ እዘዉ ዳሪ ጫቂደ፤ “ኔን ኦቼዳዋ እያ ግደጥካ፤ ታን ነዉ እማና፤ ሀራይ አቶ፤ ታ ካዉተሳጥ ባጋ ግደጥካ፤ ታን ነዉ እማና” ያጌዳ።

24 ናጉ ካረ ከሳይ ባረ ዳዮ፤ “እያ እማ ጎ?” ያጋደ ኦቻዳ።

እ ዳዮ፤ “ጸማቅያ ዮሃንሳ ሀ-ጸያ እማ ጋ” ያጋዳ።

25 ናጉ ኤለካ ካትያኩ ባደ አ፤ “ጸማቅያ ዮሃንሳ ሀ-ጸያ ዋጨትያን ዋላደ፤ ኔን ሀእ ታዉ እማናዳን ኮያይ” ያጋዳ።

26 ሄዋጥ ጉየ ካቲ ዳሪ ቃሪቲዳ፤ ሸን ባረ ጫቁዋ ድራዉን ባረ እማላቱዋ ድራዉ እዘዉ ጫቁዳ ጫቁዋ ኮሳናዉ ኮይቤና።

27 ሄዋ ድራዉ፤ ኤለካ ናግያዋ ከቲደ፤ ዮሃንሳ ሀ-ጸያ እሀና ማላ እዛዜዳ፤ ናግያዌ ቃሸ ጎለ ቤደ፤ ዮሃንሳ ቆድያ ሙጭዳ።

28 ሄ ሙጭዳዋ ዋጨትያን ዋላ አሂደ፤ ናትዉ እሜዳ፤ ናጉ ቃይ ባረ እትዉ እማዳ።

29 ዮሃንሳ ካልያዋንቱ ሄዋ ሰሴዳ ዋይ ዩደ፤ አ አሃ አፊደ ሞጌድኖ።

\* 6:3 አናጽያ- ግሪክ ብለላን ሹቻ ዋይ ኡርቃ መልሲደ መድያ አሳ ገደ ጎኤቲ። † 6:11 ህንተ ገድያጥ ባና ሾጭተ- ሀዌ አሳይ እጹዳዋ በሰያዋ። 6:13 ያቆባ 5:14

የሱስ እቺሹ ሻእ አሳ ሞዚደ ካልሴዳ ታርክያ (ማቶሳ 14:13-21፤ ሉቃሳ 9:10-17፤ ዮሃ. 6:1-14)

30 የሱስ ከቲዳዋንቱ ሰሚደ፣ የሱሳና ጋክቲደ፣ ባረንቱ ኦሌዳባን ባረንቱ ታማርሴዳባ ኡባ የሱሳው ኦሌድኖ።

31 ብያ አሳይነ ይያ አሳይ ዳርና፣ ሀራይ አቶ ቁማ ማናውካ ኡንቱንታ ጋርግን እጹዳ ድራው፣ የሱስ ኡንቱንታ፣ “ኑረካ ጉፋ ሸምፕ እካናው አሳይ ባይናሳ ባይተ”። ያጌዳ።

32 የሱስን ኡንቱንቱ ባረንቱ ጸላላ ዋንግርያን ኡተደ፣ አሳይ ባይናሳ ቤድኖ።

33 ኡንቱንቱ ቢሸን፣ ጮራ አሳይ ኡንቱንታ በእደ ኤራዳ፤ ካታማ ኡገጥ ገድያን ዋጺደ፣ ኡንቱንቱ ብያሳ ኡንቱንቱ ካሰቲደ ጋኬድኖ።

34 የሱስ ዋንግርያፕ ከሲደ፣ ጮራ አሳ በኤዳ፤ አሳይ ሄምያ አሳይ ባይና ዳርሳ ማላ ግዴዳ ድራው፣ ቃረቲደ አሳ ዳርባ ታማርሴዋ ደሜዳ።

35 ሳእይ እማርሰያ ዋደ፣ የሱሳ ካልያዋንቱ አኮ ዪደ፣ “ሀዌ ሳእይ አሳይ ባይና ሳእ፤ ሀእ ሳእይካ ቃም ድጌዳ።

36 አሳይ ሄራነ ቁር ካታማቱዋ ግደ ቢደ፣ ባረንቶ ምያባ ሻማና ማላ፣ አሳ ሞይዛ” ያጌድኖ።

37 ሸን የሱስ ዛሪደ ኡንቱንታ፣ “አሳው ምያባ ሀንተ እምተ” ያጌዳ።

ሄዋፕ ጉየ ኡንቱንቱ፣ “ኑን ቢደ፣ ላኡ ጹቱ ብራ ሳንትምያ ስ ቁማ ሻሚደ፣ አሳይ ማናው እማኔ?” ያጌደ እ ኦቺድኖ።

38 የሱስ ኡንቱንታ፣ “ሀንተንቶ አፑን ዳቡ ደኢ፣ ቢደ በእተ” ያጌዳ።

ኡንቱንቱ በእደ፣ “እቺሹ ዳቡዋን ላኡ ሞልያ” ያጌድኖ።

39 የሱስ ባረና ካልያዋንታ አሳ ኡባ ጭታን ጭታን ሻክ ሻኪደ፣ ማታን ኡትሳና ማላ አዛዜዳ።

40 አሳይ ጹቱ ጹቱን እሻታሙ እሻታሙ ጭታን ጭታን ኡቲድኖ።

41 የሱስ እቺሹ ዳቡዋን ላኡ ሞልያ ኦይቁደ፣ ፑደ ሳሉዋ ጸሊደ፣ ጸሳ ጋላቴዳ፤ ዳቦቱዋ ሙንሊደ አሳው ግሻና ማላ፣ ባረና ካልያዋንቶ እሜዳ፤ ቃይ ላኡ ሞልያካ ኡንቱንቱ ኡባው ሻኬዳ።

42 አሳይ ኡባይ ሚደ ካሌድኖ።

43 ሄዋፕ ጉየ አቲዳ ዳቦቱዋ ደካይነ ሞልያ ደካይ ታማን ላኡ ዛምቤልያ ኩሜዳዋ የሱሳ ካልያዋንቱ ደንሌድኖ።

44 ዳቡዋ ሜዳ አቲማ አሳይ እቺሹ ሻእ።

የሱስ አሳ ቦላን ሀመቲደ ቤዳ (ማቶሳ 14:22-33፤ ዮሃ. 6:15-21)

45 ኤሊካ የሱስ ሃ ጮራ አሳ ሞይዚደ፣ ባረና ካልያዋንቱ ዋንግርያን ገሊደ፣ አሳፕ

ሄናንጎን ደእያ ቤተሳይዳ ግያ ካታማ ባረፕ ሰንጎቲደ ባናዳን አዛዜዳ።

46 ኡንቱንታ ሞይዜዳዋፕ ጉይያን፣ ጸሳ ዋሳናው ዞዝያ ከሴዳ።

47 ሳእይ ቃምያ ዋደ ዋንግሪ ዋምባ ግዴዋን ደእሸን፣ የሱስ ዋምባፕ ጋጸን ባረካ ደኤ።

48 ጫርኩ እ ካልያዋንቱን ጫርክያ ድራው፣ ባረና ካልያዋንታ ዋምባ ቤታይ ሙቶሰያዋ የሱስ በእደ፣ ኩቱ ዋሳና ሀንያ ዋደ ዋምባ ቦላን ሀመቲደ፣ ኡንቱንቱን ዬዳ፤ ኡንቱንታ የግ እቋናው ኮዬዳ።

49 ሸን ዋምባ ቦላን እ ሀመቲሸን፣ ኡንቱንቱ አ በእደ፣ ባረንቶ ሞይትልያ ማላትና ዋሴድኖ።

50 እያው ጎፕ፣ ኡንቱንቱ ኡባይ አ በእደ፣ ያሻ ኮኮሬድኖ፤ ሸን ኤሊካ የሱስ ኡንቱንታ፣ “አይነ ባዋ፤ ታናተኔ ያዮፕተ” ያጌዳ።

51 የሱስ ኡንቱንቱና እትፕ ዋንግርያን ገልና፣ ጫርኩ ዋፑ ጌዳ፤ ኡንቱንቱ ዳር ማላላቴድኖ።

52 እያው ጎፕ፣ ኡንቱንቱ ዋዛናይ ጆሌዳ ድራው፣ ኡንቱንቱ ኡክሳባ አኬክበይክኖ።

የሱስ ገንሳሬጸን ሀርጋንቻቱዋ ፓጹዳ (ማቶሳ 14:34-36)

53 ኡንቱንቱ አባ ፕኒደ፣ ገንሳሬጸ ግያ ቢታ ጋኬድኖ፤ ያን ዋንግርያ ጋጸ ሸሸ ቃቺድኖ።

54 ኡንቱንቱ ዋንግርያፕ ዋጵያዋን፣ አሳይ ኤሊካ የሱሳ ኤርን

55 ሄዋ ሄራን ደእያ ጋድያ ኡባን ዋጸረቲደ፣ ሀርጋንቻቱዋ ሻንቻማን ቶኪደ፣ “የሱስ ደኤ” ገና ሰሴዳሳ አሁዋ ደሜዳ።

56 የሱስ ቤዳ ሳ ኡባን ቁር ካታማን ግድና፣ ዋልቃማ ካታማን ግድና፣ ሄራ ግድን ግድናካ፣ ገያ ደንባን አሳይ ሀርጋንቻቱዋ አኮ አፌ። የሱስ ባረ ማዩዋ ማጫራ ግድፕን ሀርጋንቻቱዋ ቦሸሳና ማላ፣ አሳይ አ ዋሴዳ፤ ቦቺዳ ኡባይ ፓጹዳ።

### 7

የሱስ አሳ ዋጋፕ ኮሸናዋ ጳልቄዳ (ማቶሳ 15:1-9)

1 ፓርሳዋቱን የሩሳላመፕ ዪደ፣ ሙሴ ህግያ ታማርሰያ እማራዳ አሳቱ የሱሳኮ ሸቁድኖ።

2 የሱሳ ካልያዋንቱፕ እቲ እቲ ቱና ኮሸያን፣ ሄዋ ግያዌ ሜጨተናን ቁማ ምያዋንታ \* በኤድኖ።

3 እያው ጎፕ፣ ፓርሳዋቱን አይሁዳ አሳይ ኡባይ ባረንቱ እዋቱዋ ዋጋ ናጌደ፣ ባረንቱ ኮሸያ ሎይሳ ሜጨተናን ሚክና።

4 ቃይ ገያፕ ዪደካ ሜጨተናን ደኢደ ሚክና። ቃይ ኡንቱንቱ ባረንቱ እዋቱዋፕ

‡ 6:31 አሳይ ባይናሳ- ሀዌ ጋላላ ጉተትያ ዋምባፕ ፑደሃ ደላ ባጋና ደኤ። 6:45 ጸልተ። 6:34 ፓይ. 27:17፤ 1 ካታ. 22:17፤ 2 ኦዲዋ 18:16፤ ህዘ. 34:5፤ ማቶሳ 9:36 § 6:37 ብራ ሳንትምያ- በን ዋድያን አሳ ጋድያን እት ጋላሳ ኡንያ እስ ፔሼዳ አሳው እት ብራ ሳንትሚ እመቲ። ማት። 20:2 ጸልተ። \* 7:2 ሜጨተናን ቁማ ምያዋንታ- አይሁዳ አሳቱዋ ዋጋን ሜጨተና ኮሸያን ቁማ ሙሳይ ቱናዳን ፓይደቲ። ሄዋ ቁማ ማናፕ ካሰና ኮሸያ ሜቻ ሎይሳ ምስላኖ።

አኩዳ ሀራ ጮራ ዋጋይ ደኤ፤ ሄዌካ ዋንጫ፤ ከርያ፤ ብራታፕ መጴዳ ሚሻን አርሳ ማጭያ ዋጋ።

5 ፓርሳዋቱን ሙሴ ህግያ ታማርሰያዋንቱ የሱሳ፤ “ኔና ካልያዋንቱ እያው ኑ አዎቱዋ ዋጋ ካለናን እጸድ፤ ባረንቱ ኩሽያ ሜጨተናን ቁማ ሚና?” ያጊደ ኦቼድኖ።

6-7 የሱሰ እንቱንታ ሀዋዳን ያጌዳ፤ “እስያሰ ትምቢትያ ኦዴዳ ዋደ፤ ህንተንቱባ፤ ሎእ ማላትያ ኢታቱባ ጸፌዳዋዳንካ፤

“ ጻሳይ፤ “ሀዌ አሳይ ታና፤ ባረ ቦላ ዶናን ቦንቼ።

ሸን እንቱንቱ ዋዛናይ ታፕ ሃኩዋን ደኤ፤ አሳይ ታዉ መላ ጎይኔ።

አያው ጎፕ፤ አሳይ ኦሌዳ እዛዙዋ፤ ጻሳ ህግያ ማላትሲደ ታማርሴ” ጌዳ፤

8 “ጻሳ እዛዙዋ ህንተ አጊደ፤ አሳ ዋጋ ምንሲደ ናጊታ” ያጌዳ።

9 ቃይካ የሱሰ፤ “ህንተንቱ ህንተ ዋጋ ናጋናው ጻሳ እዛዙዋ አጊታ።

10 አያው ጎፕ ሙሴ፤ ሳ አባነ ነ ዳዮ ቦንቻ፤ ቃይ፤ ሳረ አባነ ባረ አቶ ቦርያዌ ሀይቁዋን ሙረቶ” ያጌዳ።

11 ሸን እት ኡራው ባረ አዉዋ ዋይ ባረ አቶ ማድያባይ ደእሸን እ፤ ሳዌ ቁርባንያ፤ ሀዋ ጉሳይ ጸሳባ ግያዋ፤ ጎፕ።

12 እ ባረ አዉዋ ዋይ ባረ አቶ ዋደፕ ማዳናዋ እይነ ኮይክታ።

13 ሀ ሀሮታን ህንተ ህንተንቱ ዋጋ ናጋናው፤ ጻሳ ቃላ ኮሊደ፤ ሄዋ ማላ ዳሮባ ኦሊታ” ያጌዳ።

አሳ ቱንሰያዋንታ (ማቶሳ 15:10-20)

14 የሱሰ ጮራ አሳ ቃይካ ባረኮ ጸሲደ፤ “ኡባይ ታን ግያዋ ሰሰተነ እኩክተ።

15 አሳፕ ከሰያዌ አሳ ቱንሰያዋፕ አትን፤ ካረፕ አሳ ግደ ገሊደ፤ አሳ ቱንሰያባይ እይነ ባዋ፤

16 ሰሳናው ሀይላይ ደእያ ኡራይ ኦንነ ሰሶ” ያጌዳ።

17 የሱሰ ጮራ አሳ አጊደ ሶይ ገሌዳ ዋደ፤ አ ካልያዋንቱ ሄ ለምሱዋባ አ ኦቼድኖ።

18 አ ኡንቱንታ፤ “ህንተንቱካ ቃይ ገልቤኔ? ካረፕ አሳ ዋዛናን ገልያባይ እይነ አሳ ቱንሰያናው ዳንዳየናዋ እኩኩቱ?

19 አያው ጎፕ፤ ቁማይ አሳ ኡሎዋ ግደ ገሊደ፤ ካረው ከሰያዋፕ አትን፤ አሳ ዋዛና ግደ ገሊና” ያጌዳ። ሀዋዳንካ የሱሰ ቁማ ኡባይ ቱና ግደናዋ ኤርሴዳ።

20 ቃይካ የሱሰ ሀዋዳን ያጌዳ፤ “አሳ ቱንሰያባይ አሳ ዋዛና ግደፕ ከሰያባ።

21 አያው ጎፕ፤ አሳ ዋዛና ግደፕ ከሰያዌ ኢታ ቆፋ፤ ዋሹምያዋ፤ ዉእያዋ፤ ዋድያዋ፤ ጫራተላ፤

22 ዮራተላ፤ ኡዝያ ዋይ ባረና ደሰያዋ፤ ኢታተላ ዋይ ጭምያዋ፤ ገንያ፤ ማጫዋ አዋትያዋ፤ ቃናትያዋ፤ ቦርያዋ ዋይ ዝግርያዋ፤ እየዋ፤ ኤያተላ።

23 ሀ ኢታባይ ኡባይ አሳ ዋዛና ግደፕ ከሲደ፤ አሳ ቱንሴ” ያጌዳ።

እት ግሪከ ምሽራት አማኑዋ (ማቶሳ 15:21-28)

24 የሱሰ ሄዋፕ አጊደ፤ ጸርሳነ ሲደና ግያ ካታማቱዋ ማታን ደእያ ጋድያ ቢደ፤ እት ጎልያ ገሌዳ፤ ቃይ እ ያን ደእያዋ ኦንነ ኡራናዋ ኮይቤና፤ ሸን ቆሰቲደ ጋምአናው ዳንዳይቤና።

25 ሸን ባረ ጉላ ናት ቦላ ኢታ አያናይ ደእያ እት ምሽራታ የሱሳባ ሰሳደ፤ ኡላካ እኮ ያነ አ ገድያን ጉፋና አጋዳ።

26 ሄ ምሽራታ አይሁዳ አሳ ግዳኩ፤ አ የለቱዳዌካ ሶርያ ግያ ጋድያና፤ አ ባረ ናትፕ ጸላህያ ከሳና ማላ፤ የሱሳ ዋሳዳ።

27 ሸን የሱሰ ዛሪደ፤ “ናናይ ካሰቲደ ቁማ ካልና፤ አያው ጎፕ፤ ናና ቁማ አኪደ፤ ካናቶ ተ ኦልያዌ ሎእ ግደና” ያጌዳ።

28 ምሽራታ ዛሪደ፤ “ቱማካ ታ ጎዳው፤ ሀራይ አቶ ሳምፓ ሚያን ደእያ ካናቱካ ናናቱዋፕ አቱዳ ሱፓ ሚና” ያጌዳ።

29 የሱሰ ቃይ እዙ፤ “ሀ ኔን ሃሳዬዳ ቃላ ድራው፤ ጸላሂ ነ ናትፕ ከሴዳ፤ ሰም ነ ሶይ ባ” ያጌዳ።

30 ምሽራታ ባረ ሶይ ብያ ዋደ፤ እዝ ናትፕ ጸላሂ ከሰና፤ ሂጸን ግሴዳዋና ደማዳ።

የሱሰ ቱለነ ዱደ ግዴዳ እት ብታንያ ፓሌዳ

31 የሱሰ ጸርሳ ጋድያፕ ከሲደ፤ ሲደናናን ታሙ ካታማ ግያ ጋድያና ካንሏደ፤ ጋለላ አባኮ ቤዳ።

32 አሳይ ቱለነ ዱደ ግዴዳ ብታንያ የሱሳኮ አሂደ፤ ባረ ኩሽያ አ ቦላን ዋላና ማላ፤ የሱሳ ዋሴድኖ።

33 የሱሰ ባረካ ሄ ብታንያ ጮራ አሳፕ ጋጸ ከሲደ፤ ባረ ብራድያ አ ሀይላን የዴዳ፤ ቃይ ጨቻ ጨቹደ፤ አ እንጸርሳ ቦቹዳ።

34 ሳሉዋ ፑደ ጸሊደ፤ ቶክ ሸምፒደ፤ “ኡፍታህ” ያጌዳ፤ ሄዋ ግያዌ ደየታ ግያዋ።

35 ብታንያ ሀይላይ ኤላካ ደየተ አጌዳ፤ ቃይ አ ሃሳየና እንጸርሳይካ ብለተ አጌዳ፤ ብታኒ እይነ ዋየተናን ሃሳዬ አጌዳ።

36 የሱሰ አሳው፤ “ሀዋ ኦስነ ኦደፕተ” ያጊደ ኦዴዳ፤ ሸን አ ዳርሰ ምንሰ ኦድና፤ አሳይ ቃይ ኦዴዋ ያ ዳርሴዳ።

37 ሄዋ ሰሴዳ አሳይ ኡባይ ዳር ማላለቲደ፤ “ኡባባካ እ ሎይላ ኦሏ። ሀራይ አቶ ቱልያካ ሰሴ፤ ቃይ ዱድያካ ሃሳይሴ” ያጌድኖ።

7:6-7 አሳ. 29:13 7:10 ከሳ 20:12፤ 21:17፤ ዋጋ 20:9፤ ዛረ. 5:16 † 7:27 ካናቶ- ሀ ቃላ እት እት እይሁደ አሳይ፤ አይሁደ ግደና አሳቶ ጎሌትያዋ። ‡ 7:34 ኤፍታህ- ሀ ቃላይ የሱሰ ሀ አላምያን ደእደ ታማርሰያ ዋደ፤ ጎሌትያ አራማይክ ያገትያ ቃላን ሃሳዬዳዋ።

**8**

የሱስ ኦይዲ ሻኦ አሳ ሞዜዳ  
(ማቶሳ 15:32-39)

1 ሄ ወደ፡ ጮራ አሳይ ቃይ የሱሳኮ ሸቄዳ፤ አሳው ምያባይ ቆይና፡ የሱስ ባረና ካልያዋንታ ባረኮ ጸሲይ፡

2 “ሀ ጮራ አሳይ ታናና ሄዙ ጋላሳይ ጋካናው ጋምኢይ፡ ምያባ እይነ ደምቤና ድራው፡ ታን ኢንቱንቶ ቃረታይ።

3 ታን ኢንቱንታ ኮሻና ሰይ የደፐ፡ ቢደ ኦግያን ዳቡሪደ ኩንዳና፤ እያው ጎፐ፡ እቱ እቱ ሃኮ ሳፐ ዬዳ” ያጌዳ።

4 አ ካልያዋንቱ ዛሪደ፡ “ሀ አሳይ ባይና ሳን ሀ አሳ ኡባ ምዛናው ግድያ ቁማ ደማናው ዳንዳይያዌ እኔ?” ያጌድና።

5 የሱስ ኢንቱንታ፡ “ሀንተንቶ አፑን ዳቡ ደኢ?” ያጌደ ኦቹዳ።

ኢንቱንቱ፡ “ሳፑ ዳቡ ደኢ” ያጌድና።

6 የሱስ አሳ፡ “ሳኦን ኡትተ” ያጌደ አዛዜዳ፤ ቃይ ላፑ ዳቡዋ አኪደ፡ ጸሳ ጋላቲዳ፤ ሄ ዳቡዋ መንሐደ፡ አሳው ግሻና ማላ፡ ባረና ካልያዋንቶ እሜዳ። የሱሳ ካልያዋንቱ ሄ ጮራ አሳው ግሼድና።

7 ኢንቱንቶ ቃይካ አማራዳ ሱፓ ሞላቱ ደኢና፤ የሱስ ሄዋንቶካ ጸሳ ጋላቲደ፡ አሳው ግሻና ማላ፡ ባረና ካልያዋንታ አዛዜዳ።

8 አሳይ ኡባይ ማደ ካልና አቱዳ ደካይ ላፑ ዛምቤልያ ኩሜዳዋ አ ካልያዋንቱ ደንሐድና።

9 ቁማ ሜዳ አሳይ ኦይዲ ሻኦ ግዳና፤ ሄዋፐ ጉይያን፡ የሱስ አሳ የዬዳ።

10 አ ቃይ ባረና ካልያዋንቱና ኤለካ ዋንግርያን ገሊደ፡ ዳልማኑታ \* ግያ ጋድያ ቤዳ።

ፓርሳዋቱ ባረንቶ ማላታይ ኦስታና ማላ ኦቹድና

(ማቶሳ 16:1-4)

11 ፓርሳዋቱ ዪደ፡ የሱሳና ፓሉማ ደሜድና።

የሱሳ ፓጫናው ኮዪደ፡ ሳሉዋፐ ማላታ ባረንታ በሳና ማላ ኦቹድና።

12 የሱስ ዳርስ ቶክ ሸምፐደ፡ “ሀ ወድያ አሳይ እያው ማላታ ኮዪ? ታን ሀንተንቶ ቱሙዋ እዳይ፤ ሀ ዋድያ አሳው ማላታይ ኡባካ እመተና” ያጌዳ።

13 ቃይ ኢንቱንታ ሄዋን አገደ፡ ዛር ዋንግርያን ገሊደ፡ አባፐ ሄፍንላ ፕኔዳ።

ፓርሳዋቱዋ እርሹዋን ሄረድሳ እርሹዋ  
(ማቶሳ 16:5-12)

14 የሱሳ ካልያዋንቱ ቁማ አፋናዋ ደጌድና፤ ኢንቱንቶ ዋንግርያ ግድን እት ኡክሳፐ ሀራይ ባዋ።

15 የሱስ ኢንቱንታ፡ “ሀንተንታ ኤርተ፤ ፓርሳዋቱዋ እርሹዋፐን ሄረድሳ † እርሹዋፐ ስገትተ” ያጌደ አዛዜዳ።

16 ኢንቱንቱ ባረንቱ ግድን፡ “አ ሀዋ ግያዌ ኑው ቁማይ ባይና ድራሳ” ያጌደ ሃሳያ ደሜድና።

17 የሱስ ኢንቱንቱ ግያዋ ኤሪደ፡ “ሀንተንቶ ዳቡ ባይናዋ እያው ሃሳዪቱ? ሀኦ ጋካናው ሀንተው ገለኔ? ዋይ እኩክክቱ? ሀንተ ዋዛናይ ጀሌዳ?

18 ሀንተንቶ አይፊ ደኢ፤ በእክቱ? ቃይ ሀይሳይ ደኢ፤ ሰስክቱ? ሀንተንቶ ሀሳየተኔ?

19 ታን አቼሹ ዳቡዋ አቼሹ ሻኦ አሳው መንሐ እሜዳ ዋደ፡ አፑን ዛምቤልያ ኩሜዳ ደካ ደንሐድና?” ያጌዳ።

ኢንቱንቱ፡ “ታማን ላኦ ዛምቤልያ ኩሜዳ ደካ ደንሐድ” ያጌድና።

20 “ታን ቃይካ ላፑ ዳቡዋ ኦይዲ ሻኦ አሳው መንሐደ እሜዳ ዋደ፡ አፑን ዛምቤልያ ኩሜዳ ደካ ደንሐድና?” ያጌዳ።

ኢንቱንቱ፡ “ላፑ ዛምቤልያ ኩሜዳ ደካ ደንሐድ” ያጌድና።

21 አ ቃይ፡ “ሀኦካ እኩክበይክቱ?” ያጌዳ።

የሱስ ቤተሳይዳን እት ቆቃ ፓሌዳ

22 የሱስ እ ካልያዋንቱ ቤተሳይዳ ግያ ካታማ ቤድና፤ አሳቲ ቆቃ ብታንያ የሱሳኮ አሂደ፡ ሄ ብታንያ ቦቻና ማላ፡ አ ዋሲድና።

23 የሱስ ቆቃ ብታንያ ኩሽያ ኦይቂደ፡ ሄራፐ ጋጾ ከሴዳ፤ አ አይፍያን ጨቺደ፡ ባረ ኩሽያ አ ቦላ ዋሐደ፡ “ካው እየንቶ ቤቱ?” ያጌደ ኦቹዳ።

24 ብታን ዶቂደ፡ “ታን አሳ በአይ፤ ሸን አሳይ ሀመቲደ፡ ሞላ ማላቱ” ያጌዳ።

25 ሄዋፐ ጉይያን፡ የሱስ ሸረቲደ ብታንያ አይፍያን ባረ ኩሽያ ዋሐዳ። አ አይፊ ፓጾዳ፤ ብታንካ ሎይላ ጾሌዳ፤ ቃይ ኡባባካ ጌሺደ በኤዳ።

26 የሱስ ብታንያ፡ “ሄራ ገሎፓ” ያግ አ ሰይ የዱዳ።

ጳጵሮሳ እማኑዋን እ ማርካተላ  
(ማቶሳ 16:13-20፤ ሉቃሳ 9:18-21)

27 የሱስ ባረና ካልያዋንቱና ቁሳርያ ፕሊጸሳ ደኢያ ቁር ሄራቱዋ ቤዳ፤ አ ቢሸን ኦግያን የሱስ፡ “ታና አሳይ ኦና ጌ?” ያጌደ ባረና ካልያዋንታ ኦቹዳ።

28 አ ካልያዋንቱ፡ “እት እት አሳይ ኔና፡ ዳማቅያ ዮሃንሳ” ጌ፤ ሀራንቱ፡ “ኤሳሳ ጌና፤ ቃይ ሀራንቱ፡ “ናባቱዋፐ እቱዋ” ጌና” ያጌድና።

29 የሱስ ኢንቱንታ፡ “ሀንተሽ ታና ኦና ጌቱ?” ያጌደ ኦቹዳ።

ጳጵሮስ፡ “ኔን ደረቲዳ ክርስቶሳ” ያጌደ ዛሬዳ።

30 የሱስ፡ “ታባ ኦስነ ኦድፐተ” ያጌደ ኢንቱንታ አዛዜዳ።

\* 8:10 ዳልማኑታ፡ ሀዌ ኤርተና ሳኦ፡ † 8:15 ሄረድሳ፡ ሀዌ ሄረድስ እንትጸሳ ጌትትያ ዋጋ ሄረድሳ ጌትትያዋ ናኦ።  
8:18 ኤር. 5:21፤ ሀዘ. 12:2፤ ማር. 4:12



የሱስ ባረና ጋካና መቱዋባነ ዋይያባ ኮይሩዋ ሃሳዬ

(ማቶሳ 16:21-28፤ ሉቃሳ 9:22-27)

31 የሱስ ባረና ካልያዋንታ፡ “ታን፡ አሳ ናአይ፡ ዳሪ ዋየታናወ በሴ፤ ጭማቱ፡ ቁሳቱዋ ካፓቱ፤ ህግያ ታማርሰያዋንቱ ታና እጻናወ በሴ፤ ኢንቱንቱ ታና ዋቆናወን ታን ሄዘንልያ ጋላሳ፤ ጉይያን፡ ሀይቁዋ፤ ደንዳናወ በሴ” ያጊደ ታማርሱዋ ደሜዳ።

32 ሃዋ እ ኢንቱንቶ ጌሺደ ኦዴዳ፤ ጳጵሮስ እ እት ባጋ ዛሪድ፡ ዘረታ ደሜዳ።

33 ሽን የሱስ ጉዮ ሰሚድ፡ ባረና ካልያዋንታ ጸሊደ ጳጵሮሳ፡ “ሀ ሴጻናወ፡ ክቻ ታ ማታ፤ ነን አሳይ ቆጥያዋ ቆጥሳ፤ እትን፡ ጸሳይ ቆጥያዋ ግደና” ያጊደ።

የሱሳ ካሉሳይ ኦቻያ ጋትያ

(ማቶሳ 10:38-39፤ 16:24-28፤ ሉቃሳ 9:23-27፤ 14:26-27)

34 የሱስ ጮራ አሳነ ባረና ካልያዋንታ ባረኮ ጸሴደ፡ “ታና ካላና ኮይያ ኡራይ ደአ፤ ባረና ካዶ፤ ያቲደ ባረ ማሰቃልያ ቶኪደ፡ ታና ካሎ።

35 እያወ ጎ፡ ባረ ሸምፑዋ ፤ አሻና ኮይያ ኡራይ ባይዘዋ፤ ሽን ታ ደራወን ዋንጋላ ምሽራቹዋ ድራወ ባረ ሸምፑዋ ባይዘያ ኡራይ አሻናዋ።

36 እት ኡራይ ሳኣን ደእያ ኡባባ ባረወ ሸሺደ፡ ባረ ሸምፑዋ ባይዘ፤ እ እያ ማዳኔ?

37 እት ኡራይ ባረ ሸምፑዋ ዋዛናወ እያ እማና ዳንዳይ?

38 ጸሳ እማና ሀ ናጋራንቻ የለታ ዋድያን፡ እት ኡራይ ታናንነ ታ ቃላን ዬላቶ፤ ታንካ፡ አሳ ናአይ፡ ቃይ ታ አወዋ ቦንቹዋን ጌሻ ከታንቻቱዋና ይያ ዋደካ፡ እን ዬላታና” ያጊደ።

### 9

የሱሳ ማላይ ላመቲዳዋ ኦድያ ታርክያ (ማቶሳ 17:1-13፤ ሉቃሳ 9:28-36)

1 የሱስ ኢንቱንታ፡ “ታን ህንተንቶ ቱሙዋ ጋይ፤ እማራዳ አሳቱ ጸሳ ካወተላይ ዋልቃና ይያዋ በኤናን ሀይቀናዋንቱ ሀዋን ደኢኖ” ያጊደ።

2 የሱስ ኡሱፑን ጋላሳ፤ ጉይያን፡ ባረናና ጳጵሮሳ፡ ያቆባነ ዮሃንሳ አኪደ፡ ኢንቱንቱ ጸላላ ዋልቃማ ደርያ ቦላ ከሴዳ፤ ኢንቱንቱ ስንሳን ላመቲዳ።

3 እ ማዩካ ጸሊደ፤ ሳኣን ማዩዋ ማጭያ ኦንነ ጌሻናወ ዳንዳየናዋ ከና ዳሪ ቦጹዳ።

4 ሄ ሄዘ የሱሳ ካልያዋንቱ፡ ኤላስ ሙሴ የሱሳና ሃሳይያዋንታ በኤድኖ።

5 ጳጵሮስ የሱሳ፡ “ታማርሰያዎ፡ ነን ሀዋን ደእያዎ ኑወ ሎእ፤ ነን ሄዘ ዳሳቱዋ እቱዋ ጎወ፡ እቱዋ ሙሴወ፡ ቃይ እቱዋ ኤላሳወ ከዳና” ያጊደ።

6 እ ዋጋንነቶን ኤርቤና፤ እያወ ጎ፡ እካ የኮንቱካ ዳሪ ያዬድኖ።

7 ሃዋ፤ ጉይያን፡ ሻሪ ዪደ ኢንቱንታ ካምና ሻርያ፤ “ሀወ ታን ሲቅያ ታ ናኣ፤ እ ግያዋ ስሰተ” ግያ ቃላይ ዬዳ።

8 ኤላካ ኢንቱንቱ የሽ አላ ጸልያ ዋደ፡ የሱሳ፤ እትን፡ ሀራ ኦናን ባረንቱ ማታን በእበይክኖ።

9 ኢንቱንቱ ደርያ፤ ዋድሽን፡ የሱስ ኢንቱንታ፡ “ታን፡ አሳ ናአይ፡ ሀይቁዋ፤ ደንዳና ጋካናወ፡ ህንተ በኤዳባ ኦስነ ኦድፕተ” ያጊደ አዛዜዳ።

10 እ አዛዜዳዋ ኢንቱንቱ፡ “ ኤኖ ጊደ፡ ሀ ሀይቁዋ፤ ደንዳናዋ ግያዌ ዋግያዌ” ያጊደ፡ ባረንቱ ግድን ሃሳየቲድኖ።

11 ኢንቱንቱ የሱሳ፡ “ሀግያ ታማርሰያዋንቱ እያወ፡ ኤላስ ካሰቲደ ያናወ በሴ ጊኖ?” ያጊደ ኦቻድኖ።

12 እ ዛሪደ ያጊደ፤ “ቱማካ፡ ኤላስ ካሰት ዪደ፡ ኡባባ ገግሴ፤ ያትና፡ እያወ ጸሳ ማጻፋይ፡ ኤሳ ናአይ ዳሪ ዋየታናን እጸታና” ያጊደ።

13 ሽን ታን ህንተንቶ ኦዳይ፤ ኤላስ ዬዳ፤ ቃይ አባይ ጸሳ ማጻፋን ጸፈቲዳዋዳንካ፡ አሳይ እ ባረ ኮዬዳካ ኦሎዳ” ያጊደ።

የሱስ ኢታ እያናይ ኦይቄዳ ናኣ ፓሌዳ (ማቶሳ 17:14-21፤ ሉቃሳ 9:37-43)

14 የሱስ፡ ጳጵሮስ፡ ያቆብነ ዮሃንሳ የኮ የሱሳ ካልያዋንቱኮ ሰሚደ ይያ ዋደ፡ ጮራ አሳይ ሄ ካልያዋንቱ የሹዋን ኤቄዳዋን ህግያ ታማርሰያ እማራዳ አሳቱ ኢንቱንቱና ፓሌሙትያዋንታ በኤድኖ።

15 ሄ ጮራ አሳይ የሱሳ በኤዳ ዋደ ማላለት ዳጋሚደ፡ ኤላካ እኮ ዋጽ ዪደ፡ እ ሳሮቲዳ።

16 የሱስ ባረና ካልያዋንታ “ኢንቱንቱና እያ ፓሌሙቲቱ?” ያጊደ ኦቻድኖ።

17 ሄ ጮራ አሳ ግደ፤ እት ብታኒ ዛሪደ፡ “ታማርሰያዎ፡ ታ ናኣ ቦላን ሃሳያ ድግያ ኢታ እያናይ ደእያ ድራወ፡ እ ነኮ አካደ ያድ።

18 ሀ ኢታ እያናይ አ ኦይቄያ ዋደ ኡባን፡ እ ኦሌ፤ እ ደናናካ ሆሙ ፓሮቲ፤ ቃይ እቻ ጋርጭሴ፤ ቦላካ ዘላሴ። እፕ ሀ ኢታ እያና ከሳና ማላ፡ ኔና ካልያዋንቶ ኦድድ፡ ሽን ከሳናወ ዳንዳይበይክኖ።” ያጊደ።

19 የሱስ ዛሪደ ኢንቱንታ፡ “ኣማና ሀ ዋድያ አሳወ! ታን ህንተንቱና አወደ ጋካናወ ደእኔ? ቃይ ህንተንቱባ አወደ ጋካናወ ዳንዳይኔ? ናኣ ታኮ ሃ አክ ዩተ” ያጊደ።

20 ኢንቱንቱ ናኣ እኮ እሄድኖ፤ ሄ ኢታ እያናይ የሱሳ በኤዳ ኤላካ ናኣ ኮኮርሲ እኔዳ፤ ናአይ ሳኣን ኩንዲደ፡ ደናና ሆሙ ጎፑ ጌሽን ጎንደሮቲዳ።

21 የሱስ ሄ ናኣ አወዋ፡ “ሀወ ነ ናኣ ኦይቆደ፤ ፕ ዋሳካ ዋደ ግዳኔ?” ያጊደ ኦቻድኖ። ናኣ እኮ፡ “እ ናአተላን ደእያ ዋድያ፤ ደሜዳ።

22 እ ዋጃናዉ ደር ዋደ ታማንነ ሃላን ኦሊዳ፤ ሸን ኔን ዳንዳየ፡፡ ኑዉ ቃረታደ ኑና ማዳርኪ” ያጌዳ።

23 የሱሰ እ፡ “ኔን ዳንዳየ፡፡ ጋይ? እማንያ አሳዉ ኡባባይ ዳንዳየ፡፡” ያጌዳ።

24 ኤላካ ናኣ አቡ ባረ ኮሻ ቶቁ ኦሊዳ፡ “ታን እማናይ፤ ሸን ጉጃ እማናዳን፡ ታና ማዳርኪ” ያጌዳ።

25 የሱሰ አሳይ ዳር ዳር ብያዋ በኢዳ፡ ኢታ እያና፡ “ናኣ ቱሊን ዱደ ኦሊዳ እያናዉ፡ ሀ ናኣ፡ ስሳ ጋይ ኔና ታ አዛዛይ፤ ቃይ ዛረላደ እን ገሎ፡፡” ያጌዳ።

26 ሄ ኢታ እያናይ ዋሲዳ፡ ናኣ ዳርሰ ኮርሰደ፡ አፕ ከሴዳ፡ ናኣይ ሀይቁዳ ማላትና፡ ዳር አሳይ፡ “ናኣይ ሀይቁዳ” ያጌዳ።

27 ሸን የሱሰ ናኣ ኩሸያ ኦይቁደ ደንሰና፡ ናኣይ ደንድ ኤቁዳ።

28 የሱሰ ሰይ ገሌዳዋ፡ ጉይያን፡ እ ካልያዋንቱ የሱሰ ዱማ፡ “ኔን ሄ ኢታ እያና ከሳናዉ እያዉ ዳንዳይበይኮ?” ያጌደ ኦቹድና።

29 የሱሰ ዛሪዳ፡ “ሄዋ ማላይ ዋሳ፡ ገማ፡ እትን፡ ሀራባን ከሳናዉ ዳንዳየና” ያጌዳ።

የሱሰ ባረና ጋካና መቱዋባነ ሀይቁዋባ ላኤገሎቱ ኦይዳ

(ማቶሳ 17:22-23፤ ሉቃሳ 9:43-45)

30 ኤንቱንቱ ሄዋ፡ ደንዳይ፡ ጋሊላና አጂደ ቤድና፤ የሱሰ ባረ ደኢያሳ ኦንነ ኤራና ማላ ኮይቤና።

31 እያዉ ሳ፡ እ ባረና ካልያዋንታ “ታና፡ አሳ ናኣ፡ አሳይ አሳዉ አሊደ እማናን ዋጃና፡ ታን ቃይ ሄዙ ጋሳሳ፡ ጉይያን፡ ሀይቁዋ፡ ደንዳየና” ያጌደ ታማርሴ።

32 ሸን ኤንቱንቱ እ ግያዌ ገልቤና፤ ቃይ እ አቻናዉካ ያይድና።

ኡባ፡ እድያዌ ኦይ?

(ማቶሳ 18:1-5፤ ሉቃሳ 9:46-48)

33 ኤንቱንቱ ቅርናሆማ ግያ ካታማ ቤድና፤ ሰይ ገሌዳዋ፡ ጉይያን፡ የሱሰ ኤንቱንታ፡ “ኡግያን እያ ፓሎመቲቱ?” ያጌደ ኦቹዳ።

34 ሸን ኤንቱንቱ ቤደ ኦግያን፡ “ኑ ግደን ኑ ኡባ፡ እድያዌ ኦይ?” ያጌደ ፓሎመቲዳ ድራዉ፡ ጮኤ ጌድና።

35 የሱሰ ኡቲደ፡ ታማነ ላኤ ባረና ካልያዋንታ ዴሲደ ኤንቱንታ፡ “ኦንነ ሰንሳዉ አጃና ኮዮ፡ ኡባ፡ ጉዮ ኦይዳ፡ ሄ ኡባዉ ቆማ ግደናዉ በሴ” ያጌዳ።

36 እት ጉላ ናኣ ኦይቁዳ፡ ኤንቱንቱ ግደን ኤሴዳ፤ ሄ ጉላ ናኣ እድሚደ ኤንቱንታ፡

37 “ሀዋንቱ ማላ ጉላ ናና፡ እቱዋ ታ ሰንሳን ሞክያ ኦንነ ታና ሞኬ፤ ቃይ ታና ሞክያ

ኦንነ ታና ከቲዳዋ ሞክያዋ፡ እትን፡ ታ ጸላላ ሞክና” ያጌዳ።

የሱሰ፡ “ኑባ ኤቀተና ኡራይ ኑ ባ፡” ያጌዳ

(ሉቃሳ 9:49-50)

38 ዮሃንስ እ፡ “ታማርሴያዎ፡ እት አሳይ ነ ሰንሳን ኢታ እያናቱዋ ከሰያዋ ኦን በኢዳ፡ ኑ ባ፡ ግደና ድራዉ፡ እ ድጌደ” ያጌዳ።

39 ሸን የሱሰ ያጌዳ፤ “ኦንነ ታ ሰንሳን ማላታ ኦሊዳ፡ ኤላካ ታ ቦላ ኢታባ ሃሳናዉ ዳንዳይያዌ ባይና ድራዉ ድገ፡፡”

40 እያዉ ሳ፡ ኑባ ኤቀተና ኡራይ ኑ ባ፡፡

41 ታን ሀንተንቶ ቱመዋ ኦይይ፤ ሀንተ ታዋንታ ክርሰቶሳዋንታ ግድያ ድራዉ፡ ኦንነ ሀንተንቶ ታ ሰንሳን ቡልያ ሃላ ኡሻናዉ እሞ፡ ባረ ጋትያ አካናዎ።

ናጋሪ ጋሱዋ

(ማቶሳ 18:6-9፤ ሉቃሳ 17:1-2)

42 “ታና እማንያ ሀ ጉላቱዋ፡ እቱዋ ባለሰያ ኦናን፡ ጋጭያ ዋጋ ዋጃ እ ቆድያን ቃቹደ፡ አባን እ አልያዌ አዉ ሎኦ።

43-44 ነ ኩሺ ኔና ባለሰ፡ ቃንጸ ኦላ፤

ኔን ላኤ ኩሸያ \* ቃይ ኡባካ ቶኤና ጋናምያ ታማን ገልያዋ፡ ዱዳ ኩሸያና ደኡዋ ገልያዌ ነዉ ሎኦ።

45-46 ነ ገዲ ኔና ባለሰ፡ ቃንጸ ኦላ፤

ኔን ላኤ ገድያና ኡባካ ቶኤና ጋናምያ ታማን የገትያዋ፡ ዶማ ግዳደ ደኡዋ ገልያዌ ነዉ ሎኦ።

47-48 ነ አይፊ ኔና ባለሰ፡ ዋጫ ኦላ፤

ኔን ላኤ አይፍናና ኡባካ ቶኤና ጋናምያ ታማን የገትያዋ፡ እት አይፍናና ጸሳ ካዉተላ ገልያዌ ነዉ ሎኦ።

49 “ቆማን ማጽንያ የግያዋዳን፡ ታማይ

አሳ ኡባ ቦላ የገታና፡ 50 ማጽኒ ሎኦ፤ ሸን እ ማልኣና ጳዮ፡ ዛሪደ እ ዋት ማልኤላንቱ? ሀንተንቱን ማጽኒ ደኦ፤ ፡ ያቲደ እቱ እቱዋና ሳርተላን ደእት” ያጌዳ።

10

ማቻቶ የዳናዉ በሰና

(ማቶሳ 19:1-2፤ ሉቃሳ 16:18)

1 የሱሰ ሄዋ፡ ደንዳይ፡ ዮርዳኖሳ ሻፋ፡ ሄናንሳ ባጋና ይሁዳ ጋድያ ቤዳ። ጮራ አሳይ ሸረቲደ እኮ ሸቅና፡ ካሰ እ አልያዋዳንካ ሄ አሳ ታማርሴዋ ዶሜዳ።

2 እት እት ፓርሳዋቱ ፓጫናዉ የሱሳኮ ዪደ፡ “እት አሳይ ባረ ማቻቶ የዳናዉ ኑዉ ሀጊ አዛዚ?” ያጌደ እ ኦቹድና።

3 እ ዛሪዳ፡ “ሙሴ ሀንተንታ ዋግ አዛዜዳ?” ያጌዳ።

\* 9:43-44 ሀራ ገሻ ማጸፋ ብለላቱ፡ ጉጹላ ሀይቀናሳነ ቃይ ሙላካ ቶኤና ጋናምያ ታማን፡ ያጌ። 9:45፡ 47 ጴጥ። ፡ 9:50 ሀንተንቱን ማጽኒ ደኦ፡ ሀዋ ጉሳይ የሱሳን እማንያዋንቱ ባረንቱ እማኣዋ፡ ደንደ ጋሱዋን ኤንቱንቱ ቦላ መቱ ገንቶካ እቱ እቱዋና ሳርተላን ደእናዉ በሴ። 10:4 ዛሪ. 24:1-4፤ ማቶሳ 5:13

4 ኢንቲንጥ፣ “ሙሴ፣ ላኦን አሳይ ባረ ማቻቶ ፓራማ እሚደ የደ፣ ጌዳ” ያጌድኖ።

5 የሱስ ዛሬደ ኢንቲንጥ፣ “ህንተንጥ ጸድና ሰሰናዋንጥ ግድያ ድራሬ፣ ሙሴ ሀ አዛዙዋ ህንተንጥ ጸፊዳ።

6 ሽን ጸሳይ ኮይሮ መድያ ዋደ፣ አቱማ አሳነ ማጫ አሳ ኦሊደ፣ ኢንቲንጥ መፌዳ።

7 ሄዋ ድራሬ፣ እት አሳይ ባረ አባነ ባረ ዳዮ አጊደ፣ ባረ ማቻትና አቱዋ ግዳ፤

8 ኢንቲንጥ ላአቱ እት አሻ ግዲኖ፤ ሄዋ ድራሬ፣ ኢንቲንጥ እት አሻ ግድያዋ ስትን፣ ላኦ አሻ ግድክኖ።

9 ሄዋ ድራሬ፣ ጸሳይ እት ጋዱዳዋ አሳይ ቫኮፖ” ያጌዳ።

10 ኢንቲንጥ ሶይ ሰሚዳ ዋደ፣ የሱሳ ካልያዋንጥ ሀ የወዋባ የሱሳ ዛር ኦቼድኖ።

11 የሱስ ኢንቲንጥ፣ “ባረ ማቻቶ የዲደ፣ ሀራሮ አክያ ኡራይ ኦንነ አዝና ዋሹሜ።

12 ቃይ ማጫጫናባ ባረ አሰናፕ ከሳደ ሀራ አሰና ገሎፕ ዋሹማዉ” ያጌዳ።

የሱስ ጉሳ ናና አንጃዳ  
(ማቶሳ 19:13-15፤ ሉቃሳ 18:15-17)

13 የሱስ ጉሳ ናና ቦቻና ማላ፣ እት እት አሳይ ናና እኮ እሄዳ፤ ሽን የሱሳ ካልያዋንጥ ሄ አሻ ሴራድኖ።

14 የሱስ ሄዋ በኢደ፣ ባረና ካልያዋንጥ ህንቀቱዳ፤ ኢንቲንጥ፣ “ጉሳ ናናይ ታኮ ይያዋንጥ ድሳፕ፣ እያዉ ጎፕ፣ ጸሳ ካወተላይ ሀዋንጥ ማላሳ።

15 ታን ህንተንጥ ቱሙዋ ጋይ፤ ጸሳ ካወተላ ጉሳ ናኣዳን አከና ኡራይ ኦንነ ሄ ካወተላ ኡባካ ገለና” ያጌዳ።

16 ጉሳ ናና አድሚደ፣ ባረ ኩሽያ ኢንቲንጥ ቦላ ሁጲያን ሁጲያን ዋሊደ፣ ኢንቲንጥ አንጃዳ።

ሚሻ ሲቁሳይ አህያ መቱዋ  
(ማቶሳ 19:16-30፤ ሉቃሳ 18:18-30)

17 የሱስ ባናዉ ከሴዳ ዋደ፣ እት ብታኒ ዋዲደ ይ እ ስንላን ጉልባቲደ፣ “ሎኦ ታማርሰያዎ፣ መድና ደኡዋ ላታናዉ ታን እያ ኦሎ?” ያጊደ እ ኦቼዳ።

18 የሱስ፣ “አያዉ ታና ሎኦ ጋይ? ጸሳ ጸላላፕ አትን፣ ሀራ ሎኦ ኦንነ ባዋ።

19 ጸሳ አዛዙዋ፣ ‘ዋዶፓ፤ ዋሹዋፓ፤ ዉኡፓ፤ ዋርዲዋ ማርካቶፓ፤ ጭዋፓ፤ ነ አባነ ነ ዳዮ ቦንቻ’ ያጊያዋ ኤራሳ” ያጌዳ።

20 ብታኒ የሱሳ፣ “ታማርሰያዎ፣ ታን ሄዋ ኡባ ናኦተላፕ ደማደ ሀእ ጋካናዉካ ናጋይ” ያጌዳ።

21 የሱስ ብታንያ ደሴዳ፤ እ ጫድ ጸሊደ፣ “ኅዉ አትባይ ፓጩዳ፤ ባደ ነዉ ደእያባ ኡባ ዛልኣደ፣ ሄ ሚሻ ሀይባዉ እማ፤ ኔን ሳሎዋን ዲራታና። ያቶዋፕ ጉይያን ያደ ታና ካላ” ያጌዳ።

22 ሽን ብታኒ ሄዋ ሰሲደ፣ እ ዳሮ ዲረ ግድያ ድራሬ፣ ባረ ሶምእያ ጭምሲደ፣ ናሽተናን አጊደ ቤዳ።

23 የሱስ ባረና ካልያዋንጥ የሽ እሳ ጸሊደ፣ “ዳሮ ዲረ አሳይ ጸሳ ካወተላ ገላናዉ ዋን መታንዳሻ!” ያጌዳ።

24 እ ካልያዋንጥ እ ሃሳያ ሰሲደ ማላለቲድኖ፤ ሽን የሱስ ቃይካ ኢንቲንጥ፣ “ናቶ፣ ጸሳ ካወተላ ገላናዉ ዋት መታንዳሻ! \*

25 ዲረ አሳይ ጸሳ ካወተላ ገላናዋፕ፣ ጋሎ ማርፕያ ጸእያና አፋናዋ ማታቱ” ያጌዳ።

26 የሱሳ ካልያዋንጥ ማላለቲደ፣ “ያትና፣ ኦኔ አታናዉ ዳንዳይያዋ?” ያጊደ እቱ እቱዋ ኦቼድኖ።

27 የሱስ ኢንቲንጥ ጫድ ጸሊደ፣ “ሀይ ጸሳዉ ዳንዳየትያዋፕ አትን፣ አሳዉ ዳንዳየተና፤ አያዉ ጎፕ፣ ጸሳዉ ኡባባይካ ዳንዳየቱ” ያጌዳ።

28 ጸጵሮስ የሱሳ፣ “በኢ፤ ኦን ኦባ ኡባ አጊደ፣ ኔና ካሊደ” ያጌዳ።

29 የሱስ፣ “ታን ህንተንጥ ቱሙዋ ጋይ፤ ታ ድራሬኒ ዋንጋላ ምሽራቹዋ ድራሬ፣ ጎልያ ዋይ እሻቱዋ ዋይ ምቻቱዋ፣ ዋይ አዉዋ ዋይ አቶ ዋይ ማቻቶ፣ ዋይ ናና ዋይ ጋድያ አኔዳ አሳይ ኦንነ።

30 ሀእ ሀ ዋድያን ጴቱ ዳኩዋፕ ዳርያ ጎለቱዋ፣ እሻቱዋ፣ ምቻቱዋ፣ አቶ፣ ናና፣ ጋድያ፣ ቃይ መቱዋካ እካናዋ፣ ሰንላፕ ያና ዋድያንካ መድና ደኡዋ እካናዋ።

31 ሽን ጮራቱ ሀእ ሰንላን ደእያዋንጥ ጉዮ አፋና፤ ቃይ ጮራቱ ሀእ ጉዮን ደእያዋንጥ ሰንላዉ አፋና” ያጌዳ።

የሱስ ባረና ጋካና መቱዋባነ ሀይቁዋባ ሄዘንሱዋ ኦይዳ

(ማቶሳ 20:17-19፤ ሉቃሳ 18:31-34)

32 ኢንቲንጥ የሩሳላመ ቢደ፣ ኦግያን ደኢኖ፤ የሱስ ባረና ካልያዋንጥ ሰንላና ሀመቱ። ኢንቲንጥ ማላለቲድኖ፤ እ ካልያዋንጥ ያዬድኖ። ዛሬደ ታማን ላኡ ባረና ካልያዋንጥ ጋጾ ከሲደ፣ ባረና ጋካናባ ዲማዬደ ኢንቲንጥ ሀዋዳን ያጊደ ኦይዳ።

33 “በእተ፤ ኦን የሩሳላመ ሀእ ከሶይተ፤ ያን ታና፣ አሳ ናኦ፣ ቁሳቱዋ ካፓቶን ሙሴ ህግያ ታማርሰያዋንጥ አሊደ እማና። ኢንቲንጥ ታ ቦላን ሀይቁዋ ፕርዳ ፕርዳና፤ ቃይ አይሁዳ ግድና አሳዉካ ታና አሊደ እማና።

34 ሄ አይሁዳ ግድና አሳይ ታ ቦላ ቅለጫና ጩቻና፤ ታና ልሱዋን ሾጫናን ዋቆና፤ ታን ቃይ ሄዙ ጋላሳፕ ጉይያን፣ ሀይቁዋፕ ደንዳና።”

ያቆብነ ዮሃንስ ዋሴዳ ዋሳ  
(ማቶሳ 20:20-28)

35 ዛብድዮሳ ናናይ ያቆብነ ዮሃንስ የሱሳኮ ዪደ፣ “ታማርሰያዎ፣ ኦን ኔና ዋሰያባ ኡባባ ኡዉ ኦላርኪ” ያጌድኖ።

36 የሱስ አንቱንታ፡ “ታን ህንተንቶ እያ አሉ?” ያጌዳ።

37 አንቱንቱ እ፡ “ሳ ስንሻ ካውተላን ኔን ኡትያ ዎደ፡ ኑፕ እቱዋ ኔፕ ኡሸቻ ባጋና ቃይ እቱዋ ሀድርሳ ባጋና ኡትሳርኪ” ያጌድኖ።

38 ሸን የሱስ አንቱንታ፡ “ህንተንቱ እያ ዎሳናዊ በሰንቶካ ኤርክታ፤ ታን ኡሻናዊ በሰያ ሙቱዋ ጸኢ ኡሻናዊ ዳንዳዪቲ? ቃይ ታን ጸማቀታናዊ በሰያ ጽንቃታ † ጸማቀታናዊ ዳንዳዪቲ?” ያጌዳ።

39 ሄዋፕ ገዮ አንቱንቱ ዛሪደ፡ “ኤ ዳንዳዪቲ” ያጌድኖ።

የሱስ ቃይ፡ “ታን ኡሻናዊ በሰያ ሙቱዋ ጸኢ ህንተ ኡሻና፤ ታን ጸማቀታናዊ በሰያ ጽንቃታካ ህንተ ጸማቀታና።

40 ሸን ታፕ ኡሸቻ ባጋና ሀድርሳ ባጋና ኡታናዋንታ ድርያዊ ታና ግድከ፤ ሸን ሄ ሳአይ ጸሳይ እማናዊ ገግሰ ዎሌዳዋንቱ” ያጌዳ።

41 የኮ ታሙ የሱሳ ካልያዋንቱ ሄዋ ሰሴዳ ዎደ፡ ያቆሳነ የሃንሳ ህንቀቴድኖ።

42 የሱስ አንቱንታ ኡባ ባርኮ ጸሴደ፡ ሀዋዳን ያጌዳ፤ “ ኣይሁዳ ግድናዋንታ ዋድያዋንታ ገደ ቆኘያዋንቱን ሄዋንታ ካለልያ አሳቱ ባርንቱ አሳ ዋድያዋ ኤሪታ።

43 ሸን ህንተ ግደን ሄዋ ማላ ግደና፤ ህንተ ግደን ዎጋታና ኮይያ ኦን ህንተንቶ ቆማ ግዳናዊ በሴ።

44 ቃይ ህንተ ግደን ኡባፕ ቦላ ግዳና ኮይያ ኦን ህንተ ኡባዊ አይለ ግዳናዊ በሴ።

45 አያወ ሳፕ፡ ሀራይ አቶ ታን፡ አሳ ናአይካ፡ አሳወ አላናወን ጮራቱዋ ዎዛናዊ ዬዳዋፕ አትን፡ አሳይ ታወ አላና ማላ ያበይከ” ያጌዳ።

የሱስ ቆቃ ባርጸሞሳ አይፍያ ፓሌዳ (ማቶሳ 20:29-34፤ ሉቃሳ 18:35-43)

46 አንቱንቱ እያርኮ ግያ ካታማ ቤድኖ፤ የሱስ ባርና ካልያዋንቱናን ጮራ አሳና እያርኮፕ ከሰሸን፡ ጽሞሳ ናአይ ቆቃይ፡ ባርጸሞሳ ግያዌ፡ ኡግያ ዳናን ዎሲደ ኡቴዳ።

47 ባርጸሞሳ ናዝራትያ የሱሳ ግዳዳዋ ሰሲደ፡ ባር ኮሻ ቆቁ አላደ፡ “ዳዊተ ናአ † የሱሳ፡ ታና ማራርኪ!” ያጉሳ ደሜዳ።

48 ጮራ አሳይ እ፡ “ሀይዛ!” ገደ ህንቀቴዳ።

ሸን፡ እ ባር ኮሻ ካሰዋፕካ ዳርሰ ቆቁ አላደ፡ “ዳዊተ ናአወ፡ ታና ማራርኪ!” ያጌዳ።

49 የሱስ ኡግያን ኤቂደ፡ “አ ሃ ጸሰተ” ያጌዳ።

አንቱንቱ ቆቃ፡ “አይነ ባዋ፤ ደንዳ ኤቃ፤ ኔና ጸሴ” ያጌደ ጸሴድኖ።

50 ቆቃይ ባር ማዩዋ አል አጌደ፡ ጉፕ ደንድ ኤቂደ፡ የሱሳኮ ቤዳ።

51 የሱስ እ፡ “ታን ነወ እያ ኡላናወ ኮያይ?” ያጌዳ።

ቆቃይ፡ “ታማርሰያዎ፡ ታን ጸላናዋ ኮያይ” ያጌዳ።

52 የሱስ እ፡ “ባ፤ ነ አማኑ ኔና ፓሌዳ” ያጌዳ። ኤለካ እ አይፊ ጸል አግና፡ ኡግያን የሱሳ ካል አጌዳ።

# 11

የሱስ ዎልቃማ ቦንቸዋን የሩሳላሙ ገሌዳ (ማቶሳ 21:1-11፤ ሉቃሳ 19:28-40፤ ዮሃ. 12:12-19)

1 አንቱንቱ የሩሳላሙ ማቲደ፡ ደብረ ዛይተ ደርያ ማታን ደእያ ቤተፋንቲ ቢታንያ ኃኬድኖ፤ የሱስ ባርና ካልያዋንቱፕ ላኡዋ ሰንፋወ ከቲደ።

2 “ህንተንቱፕ ሰንፋን ደእያ ሄራ ቤተ፤ ያ ገሎሳና ኦን ኡባ ቶግቤና ቃሹዋን ደእያ ሀረ ማራ ህንተ ደማና፤ እ ብል ሃ አከደ ዪተ።

3 ኦን ህንተንታ፡ “ሄዋ አያወ አላተ?” ያጌደ አቸፕ፡ “ሳዳወ\* ሀዌ ኮሼ፤ ኤለካ ዛር ሃ የዳናዋ” ያግተ” ያጌዳ።

4 አንቱንቱ ቢደ፡ ሀረ ማራ ፕንግያ ማታን ኡግያን ቃቾ ዎሌዳዋ ደሚደ ብሌድኖ።

5 ሄዋን ኤቁዳ እት እት አሳቱ አንቱንታ፡ “ሀረ ማራ ዎታናወ ብለቲ?” ያጌድኖ።

6 የሱሳ ካልያዋንቱ የሱስ ባርንታ አዛዘዳዋ ኦድና፡ አሳቱ የድ አጌድኖ።

7 አንቱንቱ ሀረ ማራ የሱሳኮ አሂደ፡ ባርንቱ ማዩዋ እ ዞክያን ዎሌድኖ፤ የሱስ ሄ ሀረ ማራ ቶጌዳ።

8 ጮራ አሳይ ባርንቱ ማዩዋ ኡግያን ሄጸዳ፤ ቃይ ሀራንቱ ሞሳ ሀይላ ካር ካሪደ፡ ኡግያን ሄጸድኖ።

9 የሱሳፕ ሰንፋና ሀመትያ አሳይነ እ ጌዱዋ ካልያ አሳይ ባርንቱ ኮሻ ቆቁ አላደ፡ “ጸሳይ ጋላተቶ!

ጎዳ ሰንፋን ይያዌ አንጀቴዳዋ።

10 ጎዳ ሰንፋን ይያ ኑ አወዋ ዳዊተ ካውተላይ አንጀቴዳዋ።

ሳሉዋ ኡባፕ ቦላ ሳሉዋን ደእያ ጸሳይ ጋላተቶ” ያጌድኖ።

11 የሱስ የሩሳላሙ ቢደ፡ ጌሻ ጎልያ ገሌዳ፤ ቃይ ኡባፕ ዩይ ዩይ ጸሌዳዋፕ ጉይያን፤ ሳአይ ቃዎያ ድራወ፡ ታማነ ላኡ የሱሳ ካልያዋንቱና ቢታንያ ቤዳ።

የሱስ ሸቆዳ ባለሰያ ሞላቶ (ማቶሳ 21:18-19)

12 ዎንተላ ጋላሰ አንቱንቱ ቢታንያፕ ከሲደ ቢሸን፡ የሱስ ኮሻቴዳ።

13 ሃኩዋን እት ባለሰያ ግያ ሞላቶ ሀይላ ማያ ኡቴዳወኖ በኢደ፡ ኦን ኤር እ ቦላ አይፊ ቤቶፕን ገደ፡ በአናወ እዘኮ ቤዳ፤ ሸን እዘኮ እ ብያ ዎደ፡ ሀይላ ጸላላፕ አትን፡ አይነ አይፍያ ደሞቤና፤ አያወ ሳፕ፡ ባለሲ አይፍያ ዎዲ ኃኬቤና።

† 10:38 ጽንቃታ- ሀዋ ጉሳይ የሱሳ ኃኬዳ ሙቱዋ ጸኢ ጉሳ። ‡ 10:47 ዳዊተ ናአ- አይሁደ አሳቱ ጸሳን አከቶዌ ዳዊተ ዘርላፕ የላታናዋ ያጌደ ቆኘያ ድራወ፡ ጸሳን አከቶዌ “ዳዊተ ናአ” ያገት ጸሴቲ። \* 11:3 ጎዳ- ሀዋ ጉሳይ ሀርያ ጎዳ። 11:9 ማዚ. 118:25-26

14 የሱስ ሄ ባላሳቶ፡ “ኔፕ ሸረቲድ መድናው ኦንን አይፍያ ሞፖ” ያጌዳ። የሱሳ ካልያዋንቱ እ ግያዋ ሰሴድና።

የሱስ ጌሻ ጎልያን ዛልእያዋንታ ከሴዳ (ማቶሳ 21:12-17፤ ሉቃሳ 19:45-48፤ ዮሀ. 2:13-22)

15 ኢንቱንቱ የሩሳላም ቤድና፤ የሱስ ጌሻ ጎልያ ገሊድ፡ ሄዋን ዛልእያዋንታን ሻምያዋንታ ካረ የደርሱዋ ደሜዳ፤ ቃይ ሚሻ ለምያዋንቱ ጸራጴዛን ደሳሙዋ ዛልእያዋንቱ ኦይድያ አል የገደ።

16 ኦንን አየንቶ ቶኪድ፡ ጌሻ ጎልያ ግቢያ ግደና አጻናዋ ድጌዳ።

17 የሱስ አሳ ሀዋዳን ያገደ ታማርሴዳ፡ “ጸሳ ማጻፋን፡ ታ ጎሊ አይሁዳ ግደና አሳይ ኡባይ ጸሳ ዋሰያ ጎሊ ጌተታና ያገቲደ ጸፊት ኡቲዳ፤ ሽን ህንተ አ ቦንቃንቻቱ ቆሰትያ ጎንጎሉዋ ከሴድታ።”

18 ቁሳቱዋ ካፓቱን ሙሴ ህግያ ታማርሴያዋንቱ ሄዋ ሰሴዳ፡ አ ዋጻና ኦግያ ኮሻ ደሜድና፤ ሽን ጮራ አሳይ እ ታማርሴያዋን ማላለትያ ድራው፡ አው ያዬድና።

19 ሳአይ አማርሴዳ ዋደ፡ የሱስን አ ካልያዋንቱ ካታማፕ ጋጸ ከሴድና።

ባለሰያ ግያ ሞሳታ መላዳ (ማቶሳ 21:20-22)

20 ኢንቱንቱ ዋንተላ ጋላሰ ጉራ ኦግያና አዲድ፡ ሄ ባላሳታ ጸጸዋና መላ ድጌዳወና ቦኤድና።

21 ጸጸርሰ ሀሳዩድ፡ “ታማርሴያዎ፡ ቦእ፤ ኔን ሸቄዳ ባላሳታ መላ ድጋዳ” ያጌዳ።

22 የሱስ ዛሪድ፡ ኢንቱንታ ሀዋዳን ያጌዳ፤ “ጸሳ አማንተ።

23 ታን ህንተንቶ ቱሙዋ ጋይ፤ ኦንን ባረ ዋዛናን ሰርን ባረ ጌዳባይ ሀናናዋ አማኒድ፡ ሀ ደርያ፡ ‘ደንዳደ አባን ኩንዳ’ ጎፕ ሀናና።

24 ሄዋ ድራው፡ ጸሳ ህንተ ዋሰያባን ኦቻያባ ኡባ አክ ድጎዋዳን አማንተ፤ ህንተ አካና።

25 ጸሳ ዋሳናው ህንተ ኡቄያ ዋደ፡ ሳሉዋን ደእያ ህንተ አው ህንተ ናጋራ አቶ ጋና ማላ፡ ኦንን ህንተንታ ናቄዳባይ ደአፕ፡ አው አቶ ገተ።

26 ሸን አሳ ናጋራ ህንተ አቶ ጋና ጻዮፕ፡ ሳሉዋን ደእያ ህንተ አውካ ህንተ ናጋራ ህንተንቶ አቶ ጌና።”

የሱስ አያ ማታን ኦሌ ግያ ኦሻ (ማቶሳ 21:23-27፤ ሉቃሳ 20:1-8)

27 ኢንቱንቱ ቃይካ የሩሳላም ቤድና፤ የሱስ ጌሻ ጎልያን ሀመትሸን፡ ቁሳቱዋ ካፓቱ፡ ሙሴ ህግያ ታማርሴያዋንቱን ጭማቱ የሱሳኩ ዬድና።

28 አ፡ “ኔን ሀዋ ኦላናው ነው አይ ማታይ ደኢ? ዋይ ነው ሀ ማታ አሜዳቄ ኦኔ?” ያጌድና።

29 የሱስ ዛሪድ ኢንቱንታ፡ “ታንካ ህንተንታ እትባ አቻና፤ ታው ኦድቱ፤ ታን ቃይ ሀዋ አይ ማታን ኦላይታንቶ፡ ህንተንቶ ኦዳና።

30 ዮሃንስ ጸማቅያ ማታ ኢኬዳዌ ጸሳፔየ ዋይ አሳፔ? ታው ኦድቱ” ያጌዳ።

31 ኢንቱንቱ ባረንቱ ግደን ፓሉማ ደሚድ፡ “ኔን፡ ‘ጸሳፕ ዬዳ’ ያገፕ፡ እ ኦና፡ ‘የትና፡ ዮሃንስ ኦዳዳዋ አያው አማንቦይክቲ?’ ያጋና።

32 ሸን፡ ‘ኣሳፕ ዬዳ ጋኔ?’ ” ያጌድና፤ ቃይ አሳይ ኡባይ ዮሃንስ ናብያ ግዳዳዋ ኤርያ ድራው፡ አሳው ያዬድና።

33 ሄዋ ድራው፡ ኢንቱንቱ የሱሳው፡ “ኔን ኤርኩ” ያገደ ዛሪድና።

የሱስ፡ “ታንካ ሀዋ አይ ማታን ኦላይታንቶ፡ ህንተንቶ ኦድከ” ያጌዳ።

## 12

ዋይንያ ቱራ ቶክያ ኦሳንቻቱዋ ለምሱዋ (ማቶሳ 21:33-46፤ ሉቃሳ 20:9-19)

1 የሱስ ኢንቱንቶ ኦዲዋ ለምሱዋን ያገደ ደሜዳ፤ “አት ብታኒ ዋይንያ ግያ ቱራ ቶኪድ፡ ድርሳ የሽ አሊደ ድራዳ፤ ቃይ ሄ ዋይንያ ጉምእያ ኦላካ ቦኬዳ፤ ሄዋ ናግያ አሳው ናግያሳ ኪጼዳ፤ ሄዋፕ ጉይያን፡ ኮላ ኦሳያ አሳው አሚድ፡ ሀራ ጋይ ቤዳ።

2 ዋይንያ አይፍያ ማጽያ ዋዲ ጋክና፡ ባረና ጋክያዋ አኪደ ያና ማላ፡ እት ቆማ ባረ ኮላዋቱዋኮ ኪቲዳ።

3 ኮላ ኦሳያዋንቱ አ ቆማ ኦይቄ ዋዲድ፡ ኩሽ መላ የዴድና።

4 ላኢንሉዋ ሀራ ቆማ ኢንቱንቱኮ ኪቲዳ፤ ኢንቱንቱ ሄ ቆማ ሁኢያ ጸልቂደ ፖክሰ የዴድና።

5 ዋይንያ ቱራ ጎዳይ ቃይካ ሀራ ቆማ ኪቲዳ፤ ሄ ቆማ ዋዲድና፤ ቃይ ሀራ ጮራቱዋካ ሄዋዳን ኦሌድና፤ እቲዋ እቲዋ ዋዲድ፡ ሀራቱዋ ዋዲድና።

6 “ዋይንያ ቱራ ጎዳው ኪታናው ኡባፕ ወርሰላን አ ዳሪ ሰቅያ አ ናኣ ጸላላይ አቲዳ፤ እ፡ ‘ኢንቱንቱ ታ ናኣ ቦንቹናን አግክና’ ገደ፡ ባረ ናኣ ኢንቱንቱኮ ኪቲዳ።

7 “ሸን ኮላ ኦሳያዋንቱ ባረንቱ ግደን፡ ‘ኣታናዌ ሀዋ፤ ቦደ አ ዋዲድተ፤ አው ደእያዌ ኦዋ ግዳና!’ ያጌድና።

8 ናኣ ኦይቄ ዋዲድ፡ አ አሃ ዋይንያ ቱራ ግደፕ ጋጸ ከሰ ኦሌድና።

9 “ሰም ዋይንያ ቱራ ጎዳይ ዋታኔ? ዩደ ሄ ኮላዋቱዋ ዋዲ ወርሰድ፡ ዋይንያ ቱራ ኮላ ኦሳያ ሀራ አሳው አማርና።

10-11 “ግምቢያዋንቱ ካቲ እጼዳ ሹቻይ

ጎዳ ጸጸዋ ምንሰያ፡ ኡባፕ አድያ ሹቻ ግዳዳ።

ሀዋ ጎዳይ ኦሌዳዋ፤ ቃይ ኦናካ ማላልሰያዋ

ያግያዋ ጸሳ ማጻፋፕ ናባብ ቦይክቲ?” ያጌዳ።

12 ቄሳቸዋ ካፓቱ፣ ህግያ ታማርሰያዋንቱን ጭማቱ የሱስ ሄ ሊሞሱዋ ባረንቱን ሊሞሴዳዋ ኤራዳ ድራወ፣ አ ኦይቃናወ ኮዬድና፤ ሽን አሳወ ያዪደ፣ ባሽ ቤድና።

ገራ ገራኔ አጋኔ ግያ ኦሻ (ማቶሳ 22:15-22፤ ሉቃሳ 20:20-26)

13 ቃይ አ ሃሳያፕ ባላ ደማና ማላ፣ ፓርሳዋቸዋፕን ሄሮድሳ ባጋቸዋፕ \* አማራዳዋንቱ አኮ ከትና ዪደ።

14 “ታማርሰያዎ፣ ኔን ቱሙዋ ሃሳይያዋን አሳፕ አሳ ሻከናዋ ኦን ኤራቶ፤ አያወ ጎፕ፣ ኔን አሳ ዲማያካ፤ ቃይ ጸሳ ኦግያ ቱማተሳን ታማርሳ። ኦን ሮማ ካትያ ቄሳረዉ ገራ ገርያዌ ዋንዩ ዋጋ ግደኔ? ገራ ገራኔዬ ድጋኔ?” ያጌድና።

15 ሽን ኡንቱንቱ ሎአ ማላትያ አታ አሳ ግዴዳዋ የሱስ ኤሪደ፣ “ታና አያዉ ፓጪቲ? እት ሳንትምያ ሃ ታኮ አሀተ፤ ታን አነ ባአና” ያጌድና።

16 ኡንቱንቱ አዉ አሄድና፤ “ሀ ማላይነ ሱንሳይ ኦዌ?” ያጌደ ኡንቱንታ ኦቼዳ። ኡንቱንቱ፣ “ቄሳረዋ” ያጌድና።

17 የሱስ ዛሪደ ኡንቱንታ፣ “ያቶ፣ ቄሳረዋ ቄሳረዉ፣ ጸሳዋ ጸሳዉ አምተ” ያግና ኡንቱንቱ አባ ማላላቲድና።

ሀይቁዋፕ ደንዲዋ ኦሻ (ማቶሳ 22:23-33፤ ሉቃሳ 20:27-40)

18 ሀይቁዳ አሳይ ደንደና ግያ ሳዲቃዋናቸዋፕ እት እት አሳቱ የሱሳኮ ዪደ፣ ሀዋዳን ያጌደ፣ አ ኦቼድና፤

19 “ታማርሰያዎ፣ ሙሴ ኦዉ ህግያ ጸፊደ፣ ማቻቶ አኬዳ አሳይ ናአ የለናን ሀይቆፕ፣ ሄ ሀይቁዳዋ እሻይ አ ማቻቶ ላቲደ፣ ባረ እሻዉ ናአ የሳናዉ ባሴ” ያግያዋ ጸፊዳ።

20 እት ዋደ ላፑ እሻቱ ደአያዋንቱፕ ባይራይ ማቻቶ አኪደ፣ ናአ የለናን ሀይቁዳ።

21 ላኢንሳያ እሻይ አዘ አኬዳ፤ አካ ናአ የለናን ሀይቁዳ፤ ሄንሳያዌካ ሄዋዳን ሀይዳ።

22 ላፑናቱካ አዘ አኪደ፣ ናአ የለናን ሀይቁድና፤ ኡባፕ ጉይያን፣ ቃይ ሄ ሞሽራታ ሀይቃዲ።

23 ያትና፣ ሀይቁዳ አሳይ ሀይቁዋፕ ደንድያ ዋደ፣ አዘ ኡንቱንቱፕ ሀቃዋ ማቼ ግዳኔ? አያዉ ጎፕ፣ ላፑናቱካ አዘ አኪድና።

24 የሱስ ዛሪደ ኡንቱንታ፣ “ህንተንቱ ባለትያዌ፣ ጸሳ ማጻፋቱዋን አ ዋልቃ ኤረና ድራሳ!

25 አያዉ ጎፕ፣ ሀይቁዳ አሳይ ሀይቁዋፕ ደንድያ ዋደ፣ ሳሉዋን ደአያ ከታንቻቱዋ ማላ ግዳናፕ እትን፣ አቱማ አሳይነ አከና፤ ማጫ አሳይነ ገለና።

26 ሽን ሀይቁዳዋንቱ ደንዲዋባ ግደፕ፣ ሙሴ ማጻፋን ጸፈቱዳ ጻራጋይ ሞያ ቡራባ

አድያ ሳአን፣ ጸሳይ ሙሳ፣ ‘ታን አብራሃሙ ጸሳ፣ ይሳቃ ጸሳ፣ ያቆባ ጸሳ’ ግድያዋ ኡባካ ናባብ ባይክቲ?

27 አ ፓጸ ደአያዋንቱ ጸሳ ግድያዋፕ እትን፣ ሀይቁዳዋንቱ ጸሳ ግደና፤ ህንተ ዳርሰ ባሌድታ” ያጌድና።

ኡባፕ አድያ አዛዙዋ (ማቶሳ 22:34-40፤ ሉቃሳ 10:25-28)

28 ህግያ ታማርሰያዋንቱፕ እቲ ኡንቱንቱ ፓሉሙትያዋ ሸቂደ ሰሴዳ፤ ቃይ የሱስ ኡንቱንቶ ሎአ ዛሪዳዋ ሰሲደ፣ “አዛዙዋ ኡባፕ አድያ አዛዙ ሀቃዌ?” ያጌደ የሱሳ ኦቼዳ።

29 የሱስ ዛሪደ፣ አ “አዛዙዋ ኡባፕ አድያ አዛዙዋ፣ ‘አስራኤልያ አሳይ ሰሰተ፣ ጎዳይ ኦ ጸሳይ እት ጎዳ።

30 ህንተንቱ ጎዳ ህንተ ጸሳ ህንተ ኩሙንላ ዋዛናፕ ህንተ ኩሙንላ ሸምቸዋፕ፣ ህንተ ኩሙንላ ቆፋፕ፣ ህንተ ኩሙንላ ዋልቃፕ ሲቅተ” ያጌ።

31 ቃይ አዛዙዋ ኡባፕ አድያ ላኢንላ አዛዙ ሀዋ፤ ‘ኔን ነ ሾሩዋ ነ ሀጺያዳን ሲቃ’ ግያዋ፤ ሀዋንቱፕ አድያ ሀራ አዛዙ ባዋ” ያጌድና።

32 ህግያ ታማርሰያዌ የሱሳ ያጌዳ፤ “ታማርሰያዎ፣ ቱሙዋ ጋዳ፤ ኔን ‘ጸሳይ እት ጸሳ ጸላላ። አፕ እትን፣ ሀራይ ባዋ’ ጌዳዌ ቱማ።

33 ጸሳ ኩሙንላ ዋዛናፕ፣ ኩሙንላ ቆፋፕን ኩሙንላ ዋልቃፕ ደሰያዌነ ቃይ ባረ ሾሩዋካ ባረ ሀጺያዳን ሲቃያዌ፣ ጉድያ ያርሹዋፕን ሀራ ያርሹዋ ኡባፕ አዴ” ያጌድና።

34 የሱስ ህግያ ታማርሰያዋ ዛሩ አጼ ኤራንቻ አካ ዛሩዋ ግዴዳዋ ባሊደ፣ “ኔን ጸሳ ካዉተሳፕ ሃካባይካ” ያጌዳ፤ ሄዋፕ ጉይያን፣ የሱሳ ሀራባ ኦቻናዉ ኡን ጸልቤና።

“የሱስ ኦ ናኢ” ያግያ ኦሻ (ማቶሳ 22:41-46፤ ሉቃሳ 20:41-46)

35 የሱስ ጌሻ ጎልያን ታማርሲደ፣ “ህግያ ታማርሰያዋንቱ ክርሰቶሳ ዋት ዳዊተ ናአ ጌና?

36 ዳዊተ ባረና ጌሻ አያናይ ሃሳይሰና፣ “ጎዳይ ታ ጎዳ፣ ‘ታን ነ ሞርከቱዋ፣ ኔን የቆ ኤቁያባ ኦሳና ጋካናዉ፣ ሀዋን ታፕ ኡሸቻ ባጋና፣ ቦንቼታደ ኡታ” ጌዳ።

ያጌዳ። 37 ዳዊተ ባረ ሀጺዉ ክርሰቶሳ፣ ‘ጎዳ’ ጌደ ጸሰፕ፣ ያትና፣ ክርሰቶሰ ዋኒደ፣ ዳዊተ ናአ ግዲ?” ያጌድና።

ጮራ አሳይ የሱስ ግያዋ ናሸቻን ሰሴዳ።

የሱስ፣ “ሙሴ ህግያ ታማርሰያዋንቱፕ ናገትተ” ያጌዳ

(ማቶሳ 23:1-36፤ ሉቃሳ 20:45-47)

\* 12:13 ሄሮድሳ ባጋቸዋ፦ ሀዋንታ ጉሳይ ሄ ዋደ ደአያ ካዉተላ ፖሎትካ ባጋና ካሰ ዋጋ ሄሮድሳን አ ናአ ሄሮድ ኢንትጸሳ ባጋቸዋን ኡንቱንታ ካልያ አሳቱዋ። 12:19 ዛረ. 25:5 12:26 ከሳ 3:6 12:29 ዛረ. 6:4-5 12:31 ዋጋ 19:18 12:32 ዛረ. 4:35 12:33 ሆስ 6:6 12:36 ማዘ. 110:1

38 የሱስ ታማርሲድ፡ “ህግያ ታማርሲያዋንቱ ረገት፤ ኢንቱንቱ አዲስ ማዩዋ ማዩደ ዩይያዋን ገያ ሄራንካ አሳይ ኢንቱንታ ቦንቹደ ሳርትያዋ ደሲና።

39 ኢንቱንቱ አይሁዳዎ ዋሳ ጎላቱዋን ዳሪ ሎእያ ኦይድያ ደሲና፤ ቃይ አሳይ ባረንታ አማላተላን ሞክያሳንካ ቦንቹ ሳኣ ደሲና።

40 ኢንቱንቱ አምኤቱ ጎልያ ቦንቹደ፡ ባረንቶ ሎእ ማላታናዉ ጸሳ ዋሳ አዲሲና፤ ኢንቱንቱ ኡባጥ አድያ ሙራ አካናዋንታ” ያጌዳ።

አምእት ምጹዋታ (ሉቃስ 21:1-4)

41 የሱስ ጌሻ ጎልያን አዋታ የግያ ሳጽንያ ማታን ኡቲድ፡ አሳይ ባረ ሚሻ ሄ ሳጽንያን የግያዋ ቦኤዳ፤ ጮራ ዱረ አሳይ ዳር ሚሻ ሄ ሳጽንያን የጌድና።

42 እት ሀይሳ አምእታ ያደ፡ እት ሳንትምያን ላሙትያ ላኡ ሰምበራቱዋ ሄ ሳጽንያን የገዱ።

43 የሱስ ባረና ካልያዋንታ ጼሲድ፡ “ታን ህንተንቶ ቱሙዋ ጋይ፤ አዋታ ሳጽንያን የጌዳ አሳ ኡባጥ ሀ ሀይሳ አምእታ ዳርሳይ የገዱ።

44 አያዉ ጎጥ፡ ሀራቱ ኡባይ ባረንቶ ፓላሄዳ ሚሻጥ የጌድና፤ ሽን እዛ ባረ ፓጫጥ፡ ባረዉ ደእያ ደኡዋ ሙለካ አማ አጋዱ” ያጌዳ።

### 13

የሱስ ጌሻ ጎላ ኮለታናዋ ካስቲደ ኦዴዳ (ማቶሳ 24:1-2፤ ሉቃስ 21:5-6)

1 የሱስ ጌሻ ጎልያጥ ከሰሸን፡ አ ካልያዋንቱጥ እቱ እ፡ “ታማርሲያዎ፡ ሀዌ አይቤ ሎኦ ሹቻተንቶን ቃይ አይቤ ሎኦ ሹቻ ጎላቱዋ ቦኤይ!” ያጌዳ።

2 የሱስ ዛሪድ፡ “ሀ ምልቃማ ሹቻ ጎላቱዋ ቦኤይ? ሀ ጎላቱዋን ደእያ እት ሹቻይን አተናን ኡባይ ኮለታና” ያጌዳ።

ጎዳይ ያናጥ ካስቲደ ጋካና የደርሱዋን ዋይያ

(ማቶሳ 24:3-14፤ ሉቃስ 21:7-19)

3 የሱስ ጌሻ ጎልያጥ ህን ባጋና ደብረ ዛይተ ደርያ ቦላን ኡቲዳ ዋደ፡ ጳጳርሰ፡ ያቆብ፡ ዮሃንስ፤ እንድራሰ ባረንቱ ጳላላ እኮ ዩደ እ፡

4 “ሄዌ አዉደ ሀናንንቶ፡ ኑዉ ኦዳርኪ፤ ቃይ ሄዌ ኡባይ ፖለታና ዋድያ ኤርሲያ ማላቱ እያ ግዳኔ?” ያጌደ ኦቹድና።

5 የሱስ ቃይ ኢንቱንቶ ሀዋዳን ያጌደ፡ ኦዳዋ ደሚዳ፤ ህንተንታ ኦንነ ባለፍ ማላ ናገትተ።

6 ጮራ አሳቱ ታ ሱንላን፡ “ታን ክርስቶስ” ያጌደ ያናዋ፤ ጮራ አሳ ባለላና።

7 ማታን ደእያ ኦላ ኮሻን ሃኩዋን ደእያ ኦላ ኦዳዋ ህንተ ሰሰያ ዋደ፡ ሀርጎጥተ፤ ሄዋ ማላባይ ሀናናዉ ቦሴ፤ ሽን ዉርሰላይ ብራ።

8 አያዉ ጎጥ፡ እት ጋደ አሳይ ሀራ ጋደ አሳና ኦለታና፤ ቃይ እት ካዉተላይ ሀራ ካዉተላና ኦለታና፤ ቢታ ቃላይ ኡባ ሳን ደኦና፤ ኮሻይካ ደኦና፤ ሽን ሄዌ ኮይር የሉዋ ኦይላ ማላ።

9 ሽን ህንተ ህንተንቱ ሁጸዉ ናገትተ፤ አያዉ ጎጥ፡ አሳይ ህንተንታ ኦይቁደ፡ ፕርዳ ጎለዉ አሊደ አማና፤ ቃይ ባረ አይሁዳዎ ዋሳ ጎላቱዋንካ ህንተንታ ልሱዋን ሹጫና፤ ጋድያ ሞድያዋንቱ ሰንላን ካታቱዋ ሰንላን ታ ድራዉ ህንተ ማርካታናዉ ኤቃና።

10 ምሽራቹዋ ቃላይ ኮይርና አሳዉ ኡባዉ ኦደት ድጋናዉ ቦሴ።

11 ኢንቱንቱ ህንተንታ ፕርዳ ጎለ አህያ ዋደን አሊደ አምያ ዋደ፡ ዋት ሃሳያንተንቶ ኮይርና ሀርጎጥተ፤ ሄ ሳትያን ጸሳይ ህንተንቶ አምያባ ሃሳይተ። አያዉ ጎጥ፡ ጌሻ አያናይ ሃሳያናጥ አትን፡ ሃሳይያዋንቱ ህንተንታ ግድክታ።

12 እሻይ ባረ እሻ፡ አዉ ባረ ናኣ ዋድሳና፤ ቃይ ናናይ ባረንቱ አዋቱዋ ቦላን ባረንቱ አየቱዋ ቦላ ደንዲድ፡ ኢንቱንታ ዋድሳና።

13 አሳይ ኡባይ ህንተንታ ታ ሱንላ ድራዉ አጻና፤ ሽን ዉርሰላይ ጋካናዉ ገንጭያዌ አታና።

የሩሳላሙ ጋካና ዋልቃማ አታ ሙቱዋ (ማቶሳ 24:15-28፤ ሉቃስ 21:20-24)

14 ሽን ናብያ ዳኔል ኦዴዳ ባሻ ቱናተላይ ኤቃናዉ ቦሰናሳን ኤቁሽን ህንተ ቦኤያ ዋደ፡ ሄዌ ዋግያዌንቶ፡ ናባብያዌ አኪኮ፤ ይሁዳ ጋድያን ሄ ዋደ ደእያዋንቱ ደርያኮ ቦትና።

15 ጎልያ ሁጸያን ደእያ ኡራይካ እትባ አካናዉ ዱገ ዋዲድ፡ ባረ ሶይ ገሎግ።

16 ጋደን ደእያዌካ ባረ ማዩዋ አካናዉ ጉየ ሰሞግ።

17 ሄ ዋደ ሻሃራ ማጫዋንቶን ቋንሳያ ማጫዋንቶ አይር።

18 ሽን ሀዌ ኡባይ ሀንያ ዋዲ ባልጉዋ ግደና ማላ፡ ጸሳ ዋሰተ፤

19 አያዉ ጎጥ፡ ጸሳይ ሳኣ ኮይር ሙዴዳዋጥ ደሚድ፡ ሀእ ጋካናዉ፡ ኡባካ ደእቤና ሙቱ፡ ቃይ ሀዋጥ ሰንላዉካ ኡባ ደኤና ሙቱ አሳ ቦላ ሄ ዋደ ደኦና።

20 ጎዳይ ሄ ጋላሳቱዋ ፓይዲዋ ጉሳያዌ ባዌንቶ፡ አሳ ግዴዳ ኦንነ አተና፤ ሽን እ ባረ ደራዳ አሳቱዋ ድራዉ፡ ሄ ጋላሳቱዋ ፓይዲዋ ጉሳዳ።

21 ሄ ዋደ ኦንነ ህንተንታ፡ “ቦእተ፤ ክርስቶስ ሀዋን ደኤ” ዋይ፡ “ቦእተ፤ ክርስቶስ፡ ሄዋን ደኤ” ያጎጥ፡ ሄዋ አማኖጥተ።

22 አያዉ ጎጥ፡ ዋርዳንቻ ክርስቶሳቱን ዋርዶ ናባቱ ደንዲደ ባረንቶ ዳንዳየቶጥ፡ ሀራይ አቶ ጸሳይ ደራዳዋንታካ ባለላናዉ ማላታን ማላልሰግ ቦሳና።

23 ሽን ህንተ ናገትተ፤ ታን ህንተንቶ ኡባካ ካስታደ ኦዳድ።

# 14

ክርስቶስ ላኢንሶ ዩሳ  
(ማቶሳ 24:29-31፤ ሉቃሳ 21:25-28)

- 24 ሽን ሄ ዋደ ሄ ዋይያፕ ጉይያን፤  
አዋይ ጳ.ማና፤  
አገናይ ፖእያዋ አጋና፤
- 25 ጸልጎታቱ ሳሉዋፕ ኩንዳና።  
ቃይ ሳሉዋን ደእያ ዋልቃቱካ ቃጸታና።  
26 ሄ ዋደ ታን፤ አሳ ናአይ፤ ዋልቃማ ዋልቃናን ሰንቹዋና ሻርያ ግዶና ዪሸን፤ አንቱንቱ በአና።  
27 ሄ ዋደ ታን ኪታንቻቱዋ ሳኣ ኦይዲ ባጋ ኪታና፤ ሳኣ ጋጸፕ ሳሉዋ ጋጸ ጋካናዉ፤ ጸሳይ ደሬዳ አሳ ሺሻና።

ዋድያ ዉርሰሳይ ጋኬዳዋ ማላታ በሰያ ባላሰያ ምላቶ  
(ማቶሳ 24:32-35፤ ሉቃሳ 21:29-33)

- 28 ለምሱዋ ባላሳቶ ግያ ምላቶፕ ታማርተ፤ ባላሳታ ኦጭያ ዋደን እዝ ሀይሳይ ሀይትያ ዋደ፤ በኒ ማቲዳዋ ሀንተ ኤሪታ።
- 29 ሀዋዳንካ ሀንተ ሄ ኡባባይ ሀንያዋ በእያ ዋደ፤ እ \* ማታቲደ ፐንግያ ሺቁዳዋ ተ ኤርተ።
- 30 ታን ሀንተንቶ ቱሙዋ ኦዳይ፤ ሀ ኡባባይ ሀናና ጋካናዉ፤ ሀ ዋድያ የለታይ ሀይቁድገና።
- 31 ሳሉን ሳኣይ አጻና፤ ሽን ታ ቃላይ ኡባካ አፍና።

ዉርሰሳ ጋላሳን ሳትያ ኦንነ ኤሪና  
(ማቶሳ 24:36-44)

- 32 ሽን ሄ ጋላሳን ሄ ሳትያ አዉዋ ጸላላፕ አትን፤ ሀሪይ አቶ ሳሉዋን ደእያ ኪታንቻቱዋ ግድና፤ ዋይ ታና ናኣ ግድናካ ኦንነ ኤርናባይ ባዋ።
- 33 ሄ ዋደ አዉደ ግዳነንቶ፤ ሀንተ ኤሪና ድራዉ፤ ናገትተ፤ ምንተ፤ ጸሳ ዋሰተ።
- 34 ታ ዩሳይ ባረ ጎልያ አገደ፤ ኦግያ ብያ ብታንያ ማላ፤ ብታኒ ባረ ቆማቶ ሁጲያን ሁጲያን ኦሱዋ እማደ፤ አንቱንታ ባረ አሶ ካፖ ኦፊዳ፤ ቃይ ካርያ ናግያዌካ ምንሲደ ናጋና ማላ አዛዘዳ።
- 35 ሄዋ ድራዉ፤ ምንተ፤ አያዉ ጎፕ፤ ጎልያዉ አማርሳ ግድና፤ ዋይ ቃማ ብላሄ ግድና፤ ዋይ ኩቱ ዋሰያ ዋይ ግድና፤ ዋይ ጉራ ምንቱማላን ግድና አዉደ ያነንቶ፤ ሀንተ ኤርከታ።
- 36 ሀንተንቱ አኪከናን እ ዮፕ፤ ሀንተንታ ገምእሺዳዋንታ ደመና ማላ ምንተ።
- 37 ታን ሀንተንቶ ኦድያዋ አሳ ኡባዉ ኦዳይ፤ ምንተ።

ክርስቶስ ባላ ማቀቲድና  
(ማቶሳ 26:1-5፤ ሉቃሳ 22:1-2፤ ዮሃ. 11:45-53)

- 1 ፓሰጋ ባላ ግያዋ ቦንቻያ ጋላሳይ ጫልቤና ኡክሳ ሙሳ ቦንቻያ ባላ ጋላሳይ ጋካናዉ ላኡ ጋላሳይ አቲዳ፤ ቁሳቲዋ ካፓቱን ሀግያ ታማርሰያዋንቱ አሳይ ኤሪናን የሱሳ ኦይቁደ ዋጻና ኦግያ ኮዩና።
- 2 “አሳይ ዋላሳ ከሰና ማላ፤ ፓሰጋ ቦንቻያ ጋላሰ ሄዋ ኦሎፕ” ያጌድና።

የሱሳ ሸቱዋ ኦኬዳ ምሽራቶ  
(ማቶሳ 26:6-13፤ ዮሃ. 12:1-8)

- 3 የሱሰ ቢታንያ ጋድያን ኦሉዋ ሀርግያ ሰሞና ሶይን ቁማ ማናዉ ኡቲዳ ዋደ፤ እት ምሽራታ አልባሰጽርሳ ባሪታ ኩሜዳ ናርዶሳ ግያ ዳሪ አልኦ ሸቱዋ \* አካደ ያዱ፤ ሄ አልባሰጽርሳ ባሪታ ሙንላደ ሸቱዋ የሱሳ ሁጲያን ትጋዱ።
- 45 ሄዋን ደእያ አሳፕ አቲ አቲ ሀንቀቲደ፤ “ሀ ሸቱዋ ጮ አያዉ ባይዛይ? ሀ ሸቱዋ ሄዙ ጾቱ ብራ ሳንትሞያን ተ ዛልኢደ፤ ሚሻ ሀዩሳዉ አማናዉ ዳንዳየቱ” ያጌደ ባረንቱ ግደን ሃሳዩና፤ ያቲደ ሄ ምሽራቶ ዳርሰ ሀንቀቲድና።

6 ሽን የሱሰ ሀዋዳን ያጌዳ፤ “ሀ ምሽራቶ አይነ ጎፕተ፤ እዘ አያዉ መቶሊቲ? እዘ ታዉ ሎኦባ ኦላዳ።

7 ሀዩሳቱ ኡባ ዋደ ሀንተንቱና ደእና፤ ሀንተ ኮዩዳ ዋደ አዉደን አንቱንታ ማዳናዉ ዳንዳዪታ፤ ሽን ታን ኡባ ዋደ ሀንተንቱና ደእከ።

8 እዘ ባረዉ ዳንዳየቲዳዋ ኦላዳ፤ ቃይ ታ አሳተሳይ ሞገታናፕ ካሰታደ ሞሳ ጊግሳናዉ ሸቱዋ ኦካዳ።

9 ታን ሀንተንቶ ቱሙዋ ኦዳይ፤ ሳኣ ኡባን ዋንጋላ ምሽራቹዋ ኦድያሳን ሀቃንኔካ፤ አሳይ እዘ ቆፓና ማላ፤ ሀ እዘ ኦፊዳዌ ኦደታና” ያጌዳ።

ይሁዳ አሰቆርቱ የሱሳ አሊደ አማናዉ ዘረታ ኤኖ ጌዳ  
(ማቶሳ 26:14-16፤ ሉቃሳ 22:3-6)

- 10 ታማን ላኡ የሱሳ ካልያዋንቱፕ አቲ ይሁዳ አሰቆርቱ † ግያዌ፤ የሱሳ ቁሳቲዋ ካፓቶ አሊደ አማናዉ አንቱንቱኮ ቤዳ።
- 11 አንቱንቱ ሄዋ ሰሴዳ ዋደ ናሽቲደ፤ “ኡን ነዉ ሚሻ እማና” ያጌድና፤ ይሁዳ አሰቆርቱ የሱሳ አሊደ አማናዉ እንጀትያ ዋድያ ዋቹ።

13:24 እሳ. 13:10፤ ሀዘ. 32:7፤ እዪ. 2:10፤ 31፤ 3:15፤ ሳዓ 6:12    13:25 እሳ. 34:4፤ እዪ. 2:10፤ ሳዓ 6:13  
 13:26 ዳኔላ 7:13፤ ሳዓ 1:7    \* 13:29 እ- የሱሳ ጉሳ።    † 13:29 ማታቲደ ፐንግያ ሺቁዳዋ- ጉሳይ፤ የሱሳ ዩሳይ ማቲዳ ጉሳ።    14:1 ከሳ 12:1-27    \* 14:3 ዳሪ አልኦ ሸቱዋ- ጉሳይ ሎልሳ ሳዊያዋ ጉሳ።    † 14:4-5 ብራ ሳንትሞያ- 6:37 ጸልተ።    14:7 ዛረ. 15:11    ‡ 14:10 ይሁዳ አሰቆርቱ- 3:19 ጸልተ።



የሱስ ባረና ካልያዋንቱና ፓሰጋ ቁማ ሜዳ (ማቶሳ 26:17-25፤ ሉቃሳ 22:7-14፤ 21-23፤ ዮሃ. 13:21-30)

12 ጫልቤና ኡክፋ ምያ ባላ ጋላሳ ቦንቶያ ኮይሮ ጋላሰ፣ ፓሰጋ ቁማ ማናወ ደርሳ ሹክያ ዋደ፣ የሱሳ ካልያዋንቱ እ፣ “ፓሰጋ ቦንቶያ ጋላሰ ነን ማና ቁማ ነን ሀቃ ቢደ ገግሳኔ?” ያገደ ኦቹድኖ።

13 የሱስ ባረና ካልያዋንቱ ላእቱዋ ሀዋዳን ያገደ ከቲዳ፤ “ካታማ ቢተ፤ ህንተ ቢሸን፣ ኦቹዋን ሃላ ቶኬዳ እት ብታኒ ህንተንቱና ጋከታናዋ፤ እ ካልተ።

14 እ ቢደ ገልያ ጎልያወዋ፣ ታማርሰያዌ ኔና፣ “ታን ታና ካልያዋንቱና ፓሰጋ ቁማ ማናወ ታ እማላ ክፍለ ሀቃኔ?” ያገ፣ ያግተ።

15 ጎልያወ ህንተንታ ፖቅያ ቦላን ደእያ ገግ ኡቲዳ እኮ ክፍልያ በሳና፤ ሄዋን ኑወ ገግሰተ” ያገደ።

16 ሃ ላኡ የሱሳ ካልያዋንቱ ከሲደ፣ ካታማ ቤድኖ፣ የሱስ ባረንቶ ኦዲዳዋዳንካ ኡባባ ደሚደ፣ ፓሰጋ ቁማ ገግሰድኖ።

17 ሳእይ ኦማርሰያ ዋደ የሱስ ታማን ላኡ ባረና ካልያዋንቱና ያ ቤድ።

18 ኡንቱንቱ ኡቲደ ሳምፓፕ ቁማ ሚሸን፣ የሱስ ኡንቱንታ፣ “ታን ህንተንቶ ቱሙዋ ኦዳይ፤ ህንተንቱፕ እቱ ታናና ምያዌ፣ ታና አሉደ እማናዋ” ያገደ።

19 እ ካልያዋንቱ ሎይል ሰሰትና፣ ሀ-ጲያን ሀ-ጲያን እ፣ “ቱሙ ታኔሻ?” ግያዋ ደሚድኖ።

20 የሱስ ዛሪደ፣ “እ ሀ ህንተንቱ ታማን ላእቱዋፕ እቱዋ፤ እ ታናና እትፕ ቱሻናወ ባረ ዳቡዋ ሻታን የድያዋ።

21 ታን፣ አሳ ናእይ፣ ጳሳ ማጻፋይ ሀይቃና ጌዳዋዳን ሀይቃና፤ ሸን ታና፣ አሳ ናእ፣ አሉደ እምያ ኡራወ እዬሮ፤ ሄ ኡራይ የለተናን አቲደንቶ፣ እወ ሎእ ሸን” ያገደ።

ጎዳ ካወዋ እክያ ጋጋ

(ማቶሳ 26:26-30፤ ሉቃሳ 22:14-20፤ 1 ቆሮ. 11:23-25)

22 ኡንቱንቱ ሚሸን፣ የሱስ ዳቡዋ እኪደ፣ ጳሳ ጋላቲዳ፤ ሄ ዳቡዋ ሙንሉደ፣ ባረና ካልያዋንቶ እሚደ፣ “ሄይተ፤ ሀዌ ታ አሹዋ” ያገደ።

23 ጸኢ እኪደ፣ ጳሳ ጋላቲደ፣ ኡንቱንቶ እሚዳ፤ ኡባይ ሄ ጸኢፕ ኡሹድኖ።

24 የሱስ፣ “ሀዌ ኦራላ ጫቁዋን ስ ጮራ አሳ ድራወ ጉክያ ታ ሱሳ።

25 ታን ህንተንቶ ቱሙዋ ኦዳይ፤ ታን ጳሳ ካወተሳን ኦራላ ዋይንያ ኤሳ ኡሻና ጋላሳይ ጋካናወ፣ ላኤንሉዋ ሀ ዋይንያ ኤሳ ኡባካ ኡሸከ” ያገደ።

26 ማዝሙርያ የጸዳዋፕ ጉይያን፣ ደብረ ዛይተ ደርያ ቤድኖ።

ጳጵሮስ ካዳናዋ የሱስ ካሰቲደ ኦዳዳ (ማቶሳ 26:31-35፤ ሉቃሳ 22:31-34፤ ዮሃ. 13:36-38)

27 የሱስ ባረና ካልያዋንቶ፣ “ህንተንቱ ኡባይ ታና የገደ ዋጸንታ፤ እያወ ጎፕ፣

ጳሳ ማጻፋይ፣ ጳሳይ ደርሳ ሄምያዋ ዋሳና፤ ሄዋፕ ጉይያን ደርሳይ ኡባይ ላለታና ጌ”

ያገደ። 28 ሸን ታን ሀይቁዋፕ ደንዴዳዋፕ ጉይያን፣ ህንተንቱፕ ካሰታደ ጋለላ ባና” ያገደ።

29 ጳጵሮስ ዛሪደ፣ “ኡንቱንቱ ኡባቲ ኔና የገደ ቦፕካ፣ ታን ኔና ሙለካ የግከ” ያገደ።

30 የሱስ ጳጵሮሳ፣ “ታን ነወ ቱሙዋ ኡዳይ፤ ሀቼ ቃማ ኩቱ ላኤንሉዋ ዋሳናፕ ካሰ፣ ኔን ታና ሄኩ ገደ ካዳናሳ” ያገደ።

31 ሸን ጳጵሮስ ካሰዋፕካ ምንሲደ፣ “ታን ሀራይ እቶ፣ ኔናና እትፕ ሀይቁንቶካ፣ ኔና ሙለካ ካድከ” ያገደ። ቃይ ሀራቲ ኡባቲካ ሄዋዳን ጌድኖ።

የሱስ ጌተሰማንያን ዋሴዳ (ማቶሳ 26:36-46፤ ሉቃሳ 22:39-46)

32 ጌተሰማን ግያ ሳእ ቤድኖ፤ የሱስ ባረና ካልያዋንታ “ታን ጳሳ ዋሳናወ፣ ህንተንቱ ሀዋን ኡትሸተ” ያገደ።

33 የሱስ ጳጵሮሳ፣ ያቆባን ዮሃንሳ ባረናና አፌዳ፤ ዳሪ ካዮቲዳን ሙቶቲዳ።

34 ቃይ ኡንቱንታ፣ “ታን ሀይቃና ጋካናወካ ካዮታይ፤ ሀዋን ታክሸተ፤ ገምእሾተተ” ያገደ።

35 ጉላ ሰንሳኮ ሸቂደ፣ ሳእን ጉፋኒደ፣ ዳንዳየትያዋ ግደፕ፣ ሄ ዋዲ ባረፕ አቆና ማላ፣ ጳሳ ዋሴዳ።

36 ቃይካ፣ “አባቦ፣\* ታ አቦ፣ ኡባባይ ነወ ዳንዳየቲ፤ ሀ ጸኢ ታፕ ድጋ፤ ሸን ነ ሸንያዳን ሀኖፕ እትን፣ ታ ሸንያዳን ሀኖፕ” ያገደ።

37 የሱስ ባረና ካልያዋንቱሮ ሰሞ ዪደ፣ ገምእሹዳዋንታ ደሚደ ጳጵሮሳ፣ “ሰሞና፣ ገምእሻዲ? ኔን እት ሳተንቶን ናጋናወ ዳንዳያበይኪ?”

38 ፓጭያን ህንተ ገለና ማላ፣ ናገትተን ጳሳ ዋሰተ፤ እያናይ ገግ ኡቲዳ፤ ሸን እሹ ዳቡራንቻ” ያገደ።

39 ቃይካ ቢደ ካሰዋዳንካ ጳሳ ዋሴዳ።

40 እ ካልያዋንቱሮ ጉየ ሰሚደ እ ይያ ዋደ፣ ገምእሹዳዋንታ ደሚዳ፤ ኡንቱንቱ እይፍያ ገምእሹ ጎዝ ዋሴዳ ድራወ፣ እወ እያ ሃሳዪኖንቶካ ኤርበይክኖ።

14:18 ማዝ. 41:9 § 14:24 ኦራላ ጫቁዋ- ጳሳይ ባረ አሳወ የሱሳ ሀይቁዋ ባጋና ቃላ ገሌዳ ኦራላ ቃላ ጫቁዋ። ሄዌኔካ እ ጋክያ ጸኢ፣ እ ባረ ሱሳ ጉሲደ አል እሚዳ እ ደኡዋ። ሄዌኔካ፣ ኑ ኤጫ እሳተላይ ኡባይ ላሙትና፣ ኦራጸዳ ጳሳ ህገ ኑ ዋዛናን ጻፈቲዳዋ ኦዳ። 14:24 ከሳ 24:8፤ ኤር. 31:31-34 14:27 ዛካ. 13:7 \* 14:36 አባ- ጉሳይ ግሪክ ቃላንካ “አባ” ግድያ ዋደ፣ አራማይክ ቃላን “አባ” ግያዋ።

41 ሄዘንሉዋ ኢንቲንቲኮ ዩደ፡ “ሀእ ጋካናወካ ገምእሺቲኒ ሸምፒቴ? ግዳና፤ ዋዲ ጋኬዳ፤ በአተ፡ ታና፡ አሳ ናኣ፡ ናጋራንቻ አሳቱዋ ኩሽያን አሊደ እምያ ዋዲ ጋኬዳ።

42 ደንድና ቦይተ፤ በአተ፡ ታና አሊደ እምያዋ ሀዌኩ ጋኬዳ” ያጌዳ።

የሱሰ ባረ ሞርከቱዋ ኩሽያን ኦይቀቲዳ (ማቶሳ 26:47-56፤ ሉቃሳ 22:47-53፤ ዮሃ. 18:3-12)

43 የሱሰ ሄዋ ብር ሃሳይሸን፡ ታማነ ላኡ አ ካልያዋንቲፒ እቱ፡ ይሁዳ አስቆርቲ፡ ኤለካ ጋክ ዋዲዳ፤ ቃይ ቁሳቱዋ ካፓቲ ሀግያ ታማርሰያዋንቲ፤ ጭማቲ ኪትና፡ ማሻነ ጸምኣ ኦይቁዳ ጮራ አሳይ አናና እትፒ ዬዳ።

44 የሱሳ አላ እምያዋ ሄ ጮራ አሳወ፡ “ታን የርያዋ እ፤ አ ኦይቁደ ሎይላ ናጊደ፡ አፍተ” ያጊደ ማላ ኦድ ዋዲዳ።

45 ይሁዳ አስቆርቲ ጋኩሳናካ የሱሳኩ ሸቂደ፡ “ታማርሰያዋ” ያጊደ የሱሳ የር አኬዳ።

46 ሄ ጮራ አሳይ የሱሳ ምንሰ ኦይቁዳ።

47 ሸን ማጋን ኤቁዳዋንቲፒ እቱ ባረ ጨብያ ሾድነ ቁሳቱዋ ኡባቲዋ ካፑዋ ቆማ ሾጨደ፡ አ ሀይላ ቃንጽ ኦሌዳ።

48 የሱሰ ዛሪደ፡ ሄ ሸቂዳ ጮራ አሳ፡ “ታና ቦንቃንቻ ከሲደ፡ ቦንቃንቻ ኦይቁያዋደን ኦይቃናወ ጨብያን ጸምኣ ኦይቁደ ዬድቴ?”

49 ታን ጌሻ ጎልያን ታማርሳደ፡ ጋላሳን ጋላሳን ሀንተንቲና ደእያ ዋደ ታና ኦይቁበይክታ፤ ሸን ጸሳ ማጸፋቲ ጌዳዌ ፖለታናወ በሴ” ያጌዳ።

50 የሱሳ ካልያዋንቲ ኡባቲ አ የጊደ ብ አጌድና።

51 ናጸላ ጸላላ ማዬዳ እት ያለጋ ብታኒ የሱሳ ካልያዋ አሳይ ኦይቁዳ።

52 ሸን ሄ ብታኒ ናጸላ ኦሊደ፡ ካሎ ጸራ ዋዲዳ።

የሱሳ ፕርድያ ሻንጋቱዋኮ አፊድና (ማቶሳ 26:57-68፤ ሉቃሳ 22:54-55፤ 63-71፤ ዮሃ. 18:13-14፤ 19-24)

53 አሳይ የሱሳ ቁሳቱዋ ኡባቲዋ ካፑዋ ሶይ፡ ቁሳቱዋ ካፓቲዋ ኡባቲ፡ ጭማቲነ ሀግያ ታማርሰያዋንቲ ሸቂዳሳ አፊድና።

54 ጸጽርሰ ቁሳቱዋ ኡባቲዋ ካፑዋ ድርሳ ግደዋ ጋካናወ ሃኩዋን አ ካሌዳ፤ ያን ናግያዋና ታማ ካሺደ፡ ኡት አጌዳ።

55 ቁሳቱዋ ካፓቲነ ሄዋን ሸቂዳ አሳይ ኡባይ የሱሳ ዋቆናወ አ ቦላ ማርካ ኮዬድኖ፤ ሸን አይነ ደምበይክና።

56 አያወ ጎፒ፡ ጮራ አሳቲ አ ቦላን ሞርዱዋ ማርካቲድና፤ ሸን ኢንቲንቲኮ ማርካተላይ እት ማላ ግደና።

57-58 እት እት አሳቲ ደንድ ኤቁደ የሱሳ ቦላ፡ “አ፡ ታን አሳይ ኬጼዳ ሀ ጌሻ ጎልያ ኮላደ፡ አሳይ ኬጽቤና ሀራ ጌሻ ጎልያ ሄዙ

ጋላሳ ግደን ኬጸና ጊሸን፡ ኑን ሰሴደ” ያጊደ ሞርዱዋ ማርካቲድና።

59 ሸን ሀራይ አቶ ኢንቲንቲኮ ማርካተላይ ሄዋን እት ማላ ግድቤና።

60 ቁሳቱዋ ኡባቲዋ ካፑ አሳ ኡባ ሰንላን ደንድ ኤቁደ የሱሳ፡ “ሀዋንቲ ኔና ሞትያ ሞቶ ነወ ዛርያባይ ባዌ?” ያጊደ ኦቼዳ።

61 ሸን የሱሰ ጮኡ ጊደ፡ አይነ ዛርቤና፤ ቁሳቱዋ ኡባቲዋ ካፑ አ፡ “ኢንጀቲዳ ጸሳ ናአይ ክርሰቶሰ ኔኔ?” ያጊደ ላኤንሉዋ ኦቼዳ።

62 የሱሰ ዛሪደ፡ “ኤ፡ ታና፤ ሀንተ ታና፡ አሳ ናኣ፡ ዋልቃማ ጸሳፒ ኡሸቻ ባጋና ኡትደእሸናን ሳሉዋ ሻርያና ዪሸን በአና” ያጌዳ።

63 ቁሳቱዋ ኡባቲዋ ካፑ ባረ ማዩዋ ፔፍ ኦሊደ፡ “ኡና ሀዋፒ ሰንላን እያወ ሀራ ማርካ ኮሺ?”

64 ሀንተንቲኮ አ ቦርያ ሰሴድታ፤ ሀንተ ቆፋይ አይ።” ያጌዳ፤ ኢንቲንቲኮ ኡባይ፡ “አ ሀይቃና በሴ” ያጊደ አ ቦላ ፕርዳድና።

65 ኢንቲንቲኮ ፒ እቲ አ ቦላ ጨሽላ ደሜድና፤ አ አይፍያ ካም ደቺደ፡ “ኔና ደቺዳዌ ኦኔ? እነ ትምበትያ ኦዳ!” ያጌድኖ፤ ቃይ ናግያዋንቲካ አ ቅንጻልያ ባቂደ አፊድና።

ጸጽርሰ የሱሳ ካዴዳ (ማቶሳ 26:69-75፤ ሉቃሳ 22:56-62፤ ዮሃ. 18:15-18፤ 25-27)

66 ጸጽርሰ ድርሳ ግደን ሀርክና ደእሸን፡ ቁሳቱዋ ኡባቲዋ ካፑዋ ማጫ ቆማቲዋፒ እትና ያደ።

67 ጸጽርሰ ታማ ካሽያዋ በአደ፡ ጫዳ ጼላደ፡ “ኔንካ ናዝሬትያ የሱሳና እትፒ ደኣ” ያጋዳ።

68 ሸን ጸጽርሰ፡ “ኔን ግያዌ እየንቶ ታን ኤርከ፤ ታወ እኬከተና” ያጊደ ካዴዳ፤ ያቲደ ድርሳ ፕንግያኮ ከሴዳ፤ ኩቲካ ዋሴዳ። †

69 ሄ ቆማታ ጸጽርሳ በአደ፡ አ ማታን ኤቁዳ አሳቲዋ፡ “ሀ ብታኒካ ኢንቲንቲኮና ደኤ” ጋደ ጉጅደ ኦደዋ ደማዳ።

70 ሸን ጸጽርሰ ቃይካ ካዴዳ።

ጉላ ጋምእሸን፡ ማታን ኤቁዳ አሳቲ ላኤንሉዋ ጸጽርሳ፡ “ኔን ቲማ ኢንቲንቲኮና እትፒ ደኣ፤ እያወ ጎፒ፡ ኔን ጋለላ ጋድያ አሳ” ያጌድኖ።

71 ሸን ጸጽርሰ፡ “ታን ሄዋ ሀንተ ግያ ብታንያ ኤርከ!” ያጊደ ባረና ሸቃነ ጫቁዋ ደሜዳ።

72 ኤለካ ኩቲ ላኤንሉዋ ዋሰ አጌዳ፤ ጸጽርሰ ባረና የሱሰ፡ “ኔን ኩቲ ላኤንሉዋ ዋሳናፒ ካሰ ሄዙ ገደ ታና ካዳናሳ” ጌዳዋ ሀሳዪደ፡ ዳሪ ዬኬዳ።

# 15

የሱሳ ጽላጸሳኮ አፊድኖ

(ማቶሳ 27:1-2፤ 11-14፤ ሉቃሳ 23:1-5፤ ዮሃ. 18:28-38)

1 ምንታ ጉራን ኤለካ ቄሳቱዋ ካፓቱ ጭማቱዋና ሙሴ ህግያ ታማርሰያዋንቱና ሄዋን ሸቄዳ እይሁዳ ሻንጋቱዋ ኡባና ማቀቲደ፣ የሱሳ ቃች አፊደ፣ ጽላጸሳዉ አሊደ እሜድኖ።

2 ጽላጸሰ አ፣ “ኔን እይሁዳቱዋ ካቱ?” ምንታ ኦቼዳ።

የሱሰ ዛሬደ አ፣ “ነ ግያዋዳና” ያጌዳ።

3 ቄሳቱዋ ካፓቱ የሱሳ ዳርባን ሞቱድኖ።

4 ጽላጸሰ ሸረቲደ የሱሳ፣ “ነዉ ዛርያባይ ባዌ? ኡንቱንቱ ነ ቦላ ዋይሳ ሞቱዋ እህንቶ በአኪ?” ምንታ ኦቼዳ።

5 ሸን የሱሰ ሀራባ ዛርናን እጽና፣ ጽላጸሰ ማለለቲዳ።

የሱሳ ቦላ ሀይቁዋ ፕርዴድኖ

(ማቶሳ 27:15-26፤ ሉቃሳ 23:13-25፤ ዮሃ. 18:39-40፤ 19:1-16)

6 ጽላጸሳዉ ፓሰጋ ባላ ቦንቻያ ጋላሳን አሳይ ኮይያ እት ኡራ ቃሹዋፕ ብልያ ዋጋይ ደኤ።

7 ሄ ዋደ እት ባርባና ግያ ብታኒ ዋላሳ ከሲደ ሸሞቹዋ ዋዴዳ አሳቱዋና እትፕ ቃሹ ጎልያን ደኤ።

8 ሸቄዳ ጮራ አሳይ ጽላጸሰ ካሰ ኡረቶዋዳንካ ባረንቶ ማርታ ኦላና ማላ፣ አ ኦቼድኖ።

9 ጽላጸሰ አሳ ዛሬደ፣ “ታን ህንተንቶ እይሁዳቱዋ ካትያ ብልያዋ ኮዩቲ?” ምንታ ኦቼዳ።

10 እያዉ ጎፕ፣ ቄሳቱዋ ካፓቱ የሱሳ ቃናቲደ አሐ እሜዳዋ ጽላጸሰ ኤሬዳ።

11 ሸን ቄሳቱዋ ካፓቱ የሱሳ ኮታ ባርባና ብላናዳን፣ ሄ ሸቄዳ አሳይ ጽላጸሳ ዋሳና ማላ፣ አሳ ማቄድኖ።

12 ጽላጸሰ ላኤንሱዋ ዛሬደ፣ “ያትና፣ ሀ እይሁዳ ካትያ ህንተንቱ ግያዋ ዋቶ?” ምንታ ኦቼዳ።

13 አሳይ ጽላጸሳዉ ዛር ዛር ባረንቱ ኮሻ ቋቁ አሊደ፣ “አ ካቃ” ያጌድኖ።

14 ጽላጸሰ አሳ፣ “እያዉ? እ አይ ኢታባ ኦሌዳ?” ምንታ ኦቼዳ።

ሸን አሳይ ካሰዋፕካ ባረ ኮሻ ቋቁ አሊደ፣ “አ ካቃ” ያጌድኖ።

15 ጽላጸሰ አሳ ናሸቻናዉ ኮዩደ፣ ባርባና አሳዉ ብሌዳ፤ ያቲደ ልሱዋን የሱሳ ዋታዳራቱዋን ሸጭሲደ፣ ካቃና ማላ ኡንቱንቶ አሐ እሜዳ።

ዋታዳራቱ የሱሳ ቅሊጩድኖ

(ማቶሳ 27:27-31፤ ዮሃ. 19:2-3)

16 ሄዋፕ ጉይያን፣ ዋታዳራቱ የሱሳ ጋድያ ሞድያዋ ግቢያ አፊደ፣ ሀራ ዋታዳራቱዋ ኡባ እትፕ ጴሴድኖ።

17 ቃይ ዘኦ ማዩዋ አ ማይዜድኖ፤ አንጎላ ካላቻ ገግሲደ፣ አ ሁጲያን ዋሌድኖ።

18 ሄዋፕ ጉይያን አ፣ “እይሁዳቱዋ ካተዉ፣ ሳርታይ ነዉ ግደ” ያግ ሳርቲደ፣ አ ቅሊጩዋ ደሜድኖ።

19 የሱሳ ሁጲያ ማቃ ጸሞኢን ሸጩድኖ፤ ቃይ አ ቦላን ጩቼድኖ፤ ጉልባቲደ አዉ ጎይኔድኖ።

20 አ ቦላ ቅሊጩዳዋፕ ጉይያን፣ ዘኦ ማዩዋ አፕ ቃር አኪደ፣ አ ማዩዋ አ ማይዜድኖ፤ ያቲደ ማሰቃልያ ቦላን ሞሰማርያን ቋሺደ፣ አ ካቃናዉ አፊድኖ።

የሱሳ ካቄድኖ

(ማቶሳ 27:32-44፤ ሉቃሳ 23:26-43፤ ዮሃ. 19:17-27)

21 ኡንቱንቱ ቢደ፣ እስክንድራን ሩሮሳ የሌዳ አዉዋ፣ እት ሰሞና ግያ ቀሬና ጋድያ አሳይ፣ ጋጸፕ ካታማ ይያዋና ጋከቲደ፣ የሱሳ ማሰቃልያ ዋልቃን ቶሴድኖ።

22 ያቲደ ጎልጎታ ጌተትያሳ የሱሳ አፊድኖ። “ጎልጎታ” ግያዋ “ሁጲያ ጎሰያሳ” \* ግያዋ።

23 ካዋራ ግያ ቆሊ ዋላከቲዳ ዋይንያ ኡሳ የሱሳዉ ኡሻናዉ እሜድኖ፤ ሸን አ ኡሸናን እጴዳ።

24 ኡንቱንቱ አ ካቄድኖ፤ ቃይ ኦና ኦና ጋካንቶ ኤራናዉ አ ማዩዋ ሻኪደ፣ ሳማ የጌድኖ።

25 ኡንቱንቱ አ ካቄያ ዋደ፣ ዋንታፕ ሄዙ ሳተ።

26 “እይሁዳቱዋ ካትያ” ያግ አ ሞትያ ጻፋ ጸፊት ኡቲዳ።

27 የሱሳና ላኡ ካይሳቱዋ እቱዋ አፕ ኡሸቻ ባጋና፣ ቃይ እቱዋ አፕ ሀድርሳ ባጋና ማሰቃልያ ቦላ ሞሰማርያን ቋሺደ ካቄድኖ።

28 ጸሳ ማጻፋይ፣ “ኢታባ ኦሌዳ አሳቱዋና አ ፓይደቲዳ” ያግያዌ ፖለቲዳ።

29 ኦግያና ኦድያ አሳይ የሱሳ ካፋደ፣ ባረንቱ ሁጲያ ቃሊደ ቦሬድኖ፤ “ሰሞ፣ ጌሻ ጎልያ ኮላደ ሄዙ ጎልጎ ግደን ኬጾያዋ።

30 እነ ማሰቃልያ ቦላፕ ዋፋደ፣ ነ ሁጲያ አሻ” ያጌድኖ።

31 ሀዋዳንካ ቄሳቱዋ ካፓቱ ሙሴ ህግያ ታማርሰያዋንቱና እትፕ የሱሳ ቦላ፣ “ሀራ አሳቱዋ አሺዳ፤ ሸን ባረና አሻናዉ ዳንዳየና፤

32 ኡን በኢደ አማና ማላ፣ ክርሰቶሰ እሰራኤልያ ካቲ፣ እነ ማሰቃልያ ቦላፕ ሀኦ ዋጵ” ጊደ ቅሊጩድኖ። ቃይ ሀራይ አቶ፣ አናና ማሰቃልያ ቦላ ሞሰማርያን ቋሸቲደ ካቀቲዳዋንቱካ አ ቦላ ቅሊጩድኖ።

15:21 ሮሙ 16:13 \* 15:22 “ሁጲያ ጎሰያሳ” ጌተትያዋ፣ አሳ ሁጲያ ማላትያ ሸቻይ ሄዋን ደላያ ድራዉ፣ ሁጲያ ጎሰያሳ ጌተቲዳ። 15:24 ማዘ. 22:18 15:28 አሊ. 53:12 15:29 ማዘ. 22:7፤ 109:25፤ ማር. 14:58፤ ዮሃ. 2:19

# 16

የሱሳ ሀይቁዋባ  
(ማቶሳ 27:45-56፤ ሉቃሳ 23:44-49፤ ዮሃ. 19:28-30)

33 ኡሱፑን ሳትያፕ ደሚደ፣ ኡዲፑ ሳትያ ገካናው፣ ጋድያ ኡባይ ጁሚደ።

34 ኡዲፑ ሳትያን የሱሳ ባረ ቃላ ቶቄ አሲደ፣ “ኡሎሃ፣ ኡሎሃ፣ ላማ ሳባቅታኒ?”፣ ያጌዳ። ሄዋ ግያዋ፣ “ታ ጸሳው፣ ታ ጸሳው፣ ታና አያው አጋዲ?” ግያዋ።

35 ሄዋን ኤቁዳ አሳፕ አቱ አቱ ሄዋ ሰሲደ፣ “በእተ፤ ኤላሳ ዳሴ።” ያጌዳ።

36 ሄ አሳፕ አቱ ዋጽ ዪደ፣ ዛንዛ ማላትያዋን ጫላ ዋይንያ ኤሳ ኩንጮዳ፤ ሄዋ ማቃ ጋትማ ጸራን ዋሊደ፣ “ደአሽተ አነ፤ ኤላሰ ማሰቃልያፕ አ ዋላናው ያንንቶን አነ በአይተ” ያጌደ የሱሳ ደናኮ ኡሻናው ሺሼዳ።

37 የሱሰ ቃላ ቶቄ ኦል ዋሲደ፣ ሀይቁ አጌዳ።

38 ጌሻ ጎልያን ቃሽቲዳ ጋርዱ ቆሞፕ ዲገ ገካናው፣ ላኡ ከሲደ ፖሽት ዋጴዳ።

39 ማሰቃልያፕ ሰንሳ ባገር ሄዋን ኤቁዳ እት ጸቱዋ ካቱ፣ ሄዋ ኬና የሱሰ ዋሲደ ሀይቁዳዋ በኤዳ ዋደ፣ “ሀ ብታኒ ቱሙ ጸሳ ናኣ” ያጌዳ።

40 ሄዋን ሃኩዋን ኤቁደ ጸልያ አማራዳ ማጫዋንቱ ደኢኖ፤ ኡንቱንቱ ግደን ማግዳላ ግያ ካታማፕ ዬዳ ማይራማ፣ ቱፋ ያቆባን ዮሳ ዳያ ማይራማን ሳሎማ ደኢኖ።

41 ሄ ማጫ አሳቱ የሱሰ ጋሊላን ደኢያ ዋደ፣ አ ካሌዳዋንታን አ ማዳዳዋንታ፤ ቃይ የሱሳና እትፕ የሩሳላሙ ቤዳ ሀራ ጮራ ማጫ አሳቱ ሄዋን ደኢኖ።

የሱሳ ሞጉዋባ  
(ማቶሳ 27:57-61፤ ሉቃሳ 23:50-56፤ ዮሃ. 19:38-42)

42-43 ሳኦይ ኦማርሴዳ ዋደ፣ ሄዋን ሸቄዳ አሳን ቦንቹቲዳ እት ዮሴፎ ግያ ብታኒ፣ ጸሳ ካውተላይ ያናዋ ናግ ኡቲዳዌ፣ አርማትያሳ ግያ ካታማ አሳይ ዬዳ፤ ሄ ጋላሳይ ዋንተላ ሳሞባታው ገገትያ ጋላሳ ግዴዳ ድራው፣ ዮሴፎ ጸሊደ ጽላጸሳኮ ቢደ፣ የሱሳ አሃ አካናው ዋሲደ።

44 ጽላጸሰ፣ የሱሰ ኤላካ ሀይቁ ድጌዳዋ ሰሲደ ዋደ ማላለቲዳ፤ ጸቱዋ ካቱዋ ጸሲደ፣ “አ ሀይቆደፕ ጋምኤደፕ” ያጌደ ኦቹዳ።

45 ጽላጸሰ የሱሰ ሀይቁዳዋ ጸቱዋ ካቱዋፕ ሰሲደ፣ አ አሃ ዮሴፎ አካናዳን ኦሌዳ።

46 ዮሴፎ ሞጉዋ ማደዋ ሻሚዳ፤ የሱሳ አሃ ማሰቃልያፕ ዋላ ማደዋን ጸጺደ፣ ሹቻ ዋጮዳ አሳ ሞግያ ጎንጎሎዋ ግደን አ አሃ ዋሊደ፤ ቃይ ሄ ጎንጎሎዋ ደናን ዋልቃማ ሹቻ ጎንደርሲደ ዋሊደ።

47 ማግዳላ ካታማፕ ዬዳ ማይራማን ዮሳ ዳያ ማይራማ የሱሳ አሃ ኡንቱንቱ ሀቃን ዋላንቶ በኢኖ።

የሱሳ ሀይቁዋፕ ደንዴዳ  
(ማቶሳ 28:1-8፤ ሉቃሳ 24:1-12፤ ዮሃ. 20:1-10)

1 ሳሞባታይ አዴዳዋፕ ጉይያን፣ ማግዳላ ካታማፕ ዬዳ ማይራማ፣ ያቆባ ዳያ ማይራማን ሳሎማ ቢደ፣ የሱሳ አሃ ኦካናው ሸቱዋ ሻሚዳኖ።

2 ዋጋ ጋላሰ ዋንቱማላ ዳር ጉራን ጸልቄ ከሰሸን፣ ሄ ጎንጎሎዋ ቤድኖ።

3 ኡንቱንቱ ባረንቱ ግደን አቱ አቱዋና፣ “ጎንጎሎዋ ደናፕ ኑው ሹቻ ኦኔ ጎንደርሲደ ድጋናዌሻ?” ያጌደ ሃሳዪኖ።

4 ኡንቱንቱ ጸልያ ዋደ፣ ሄ ዳር ዋልቃማ ሹቻ ጎንደርሲደጌዳዋ በኤድኖ።

5 የሱሰ ሞገቲዳ ጎንጎሎዋ ግደ ገልያ ዋደ፣ እት ዋዳላ ብታኒ ቦላ ማደዋ ማዪደ፣ ኡሽቻ ባገር ኡቲዳዋ በኢደ ዲጋሜድኖ።

6 ሸን አ ኡንቱንታ፣ “ዳጋሞፕተ። ማሰቃልያ ቦላ ካቀቲዳ ናዘራትያ የሱሳ ህንተንቱ ኮይያዋ ኤራይ። አ ሀዋን ባዋ፤ ደንድ ድጌዳ። ኡንቱንቱ አ ዋሊዳሳ ሀዋ በእተ።

7 ሸን ቢደ የሱሰ ባረና ካልያዋንቶን ጸጽርሳው፣ የሱሰ ህንተንቱፕ ካሰቲደ ጋሊላ ቤ፤ አ ህንተንቶ ኦዴዳዋንካ ህንተንቱ አ ያን በእኖ፣ ያጌደ ሀዋ ኦድተ” ያጌዳ።

8 ማጫ አሳቱ ያሻን ኮኮሪደ፣ የሱሰ ሞገቲዳ ጎንጎሎዋፕ ከሲደ ባቃት አጌድኖ፤ ቃይ ኡንቱንቱ ያዬዳ ድራው፣ አሳው ሄዋ ኦሰን አይነ ኦድባይክኖ።

ማጫ አሳቱ ቢደ፣ ባረንቶ ኦድቲዳባ ኡባ ጸጽርሳውን አናና ደኢያዋንቶ ቃንሳን ኦዴድኖ፤ ሄዋፕ ጉይያን፣ የሱሰ ባረ ሁጸው ባረና ካልያዋንቱ ቦላ፣ ሙድናው አሸያ ላሙተና ጌሻ ምሽራቹዋ ቃላ፣ አዋይ ሞክሳፕ ሙልያሳ ገካናው ከቲዳ።

የሱሰ ማግዳላ ማይራሞው ቤቲዳ  
(ማቶሳ 28:9-10፤ ዮሃ. 20:11-18)

9 የሱሰ ሀይቁዋፕ ደንዴዳዋፕ ጉይያን፣ ዋጋ ጋላሰ ጉራ፣ ላቱ ኢታ አያናቱዋ ከሴዳ ማግዳላ ካታማፕ ዬዳ ማይራሞው ካሰቲደ ቤቲዳ።

10 አዛ ባደ ካሰ አናና ደኢያዋንቶ፣ ቃረቲድን ዬኪደ ኡቲዳዋንቶ ኦዳዳ፤

11 ሸን የሱሰ ፓጸ ደኢያዋን አዘው ቤቲዳዋ ኡንቱንቱ ሰሴዳ ዋደ፣ አዘ ኦዲዋ ቱማ ግባይክኖ።

የሱሰ ላኡ ባረና ካልያዋንቶ ቤቲዳ  
(ሉቃሳ 24:13-35)

12 ሄዋፕ ጉይያን፣ ኡንቱንቱፕ ላኦቱ ካታማፕ ከሲደ ቢሸን፣ ኦግያን የሱሰ ኮይርሞፕ ዱማቲደ፣ ኡንቱንቶ ቤቲዳ።

13 ኡንቱንቱ ጉዮ ሰሚደ፣ ሀራቶ ኦዴድኖ፤ ሸን ሄዋንቱ ኡንቱንቱ ኦዲዋ ቱማ ግባይክኖ።

† 15:34 ኡሎሃ፣ ኡሎሃ፣ ላማ ሳባቅታኒ- ሀ ቃላቱ የሱሰ ሀ አላሞያን አሹዋ ማዪደ ሰሙረትያ ዋደ ሃሳየትያ አራማይክ ጌተትያ ቃላን ሃሳየቶዋ። 15:34 ማዘ. 22:1 15:36 ማዘ. 69:21 15:38 ከሳ 26:31-36

የሱስ ታማነ እት ባረና ካልያዋንቶ ቤቴዳ  
(ማቶሳ 28:16-20፤ ሉቃሳ 24:36-49፤  
ዮሃ. 20:19-23፤ ኪታ 1:6-8)

14 ገዮፕ ታማነ እት የሱሳ ካልያዋንቱ ቁማ  
ሚሸን፣ የሱስ ኡንቱንቶ ቤቴዳ። ኡንቱንቶ  
አማኑ ባይና ድራው፣ እ ኡንቱንታ ሴሬዳ፤ ቃይ  
ሀይቁዋፕ እ ደንዴዳዋ በኤዳዋንቱ ኡንቱንቶ  
ኦድና፣ ኡንቱንቱ አማነናን እጼዳ ድራውን  
ኦድና ሰሰናዋንታ ግድያ ድራው፣ እ ኡንቱንታ  
ሴሬዳ።

15 እ ኡንቱንታ ሀዋዳን ያጌዳ፤ “አላምያ  
ኡባ ቢደ፣ አሳ ኡባው ዋንጋላ ምሽራቹዋ ቃላ  
ኦድተ።

16 አማኖዌን ጸማቀቶዌ አታና፤ ሸን  
አማነናዋ ቦላ ጸሳይ ፕርደና።

17 ታናን አማንያዋንቱ ሀ ማላታቱዋ  
ኦላናዋንታ። ኡንቱንቱ ታ ሱንላን ኢታ  
አያናቱዋ ከሳናዋንታ፤ ቃይ ኡንቱንቱ ዲማ  
ዲማ ኦራላ ቃላን ሃሳያናዋንታ።

18 ኡንቱንቱ ሸሻ ኦይቆፕካ፣ ዋይ አያነ  
ዋድያ ማርዝያ ኡሸንቶካ ኡንቱንታ ቆሄና።  
ቃይ ኡንቱንቱ ባረንቱ ኩሸያ ሀርጋንቻቱዋ ቦላ  
ዋላና፤ ሄ ሀርጋንቻቱ ፓጻና” ያጌዳ።

የሱስ ሳሉዋ ፑደ ከሴዳ  
(ሉቃሳ 24:50-53፤ ኪታ 1:9-11)

19 ጎዳ የሱስ ባረና ካልያዋንቱና  
ሃሳዬዳዋፕ ጉይያን፣ ጸሳይ እ ፑደ ሳሉዋ  
አፍና፣ ጸሳፕ ኡሸቻ ባጋና ኡቴዳ።

20 እ ካልያዋንቱ ቢደ፣ ኡባ ሳን ዋንጋላ  
ምሽራቹዋ ኦዴድና። ጎዳይካ ኡንቱንቱና  
አትፕ ኦሴ፤ ኡንቱንቱ ኦድያ ቃላይካ  
ቱማ ግዴዳዋ ኡንቱንቱ ኦሳያ ማላታቱዋን  
ኤርሴዳ። \*

\* 16:20 እት እት በን ጌሻ ማጻፋቱዋን ሀ ፓይዳቱ ባዋ።

# ሉቃስ ጻፊዳ ምሽራቹዋ ቃላ ገሉዋ

ሉቃስ ጻፊዳ ምሽራቹ፡ የሱሳ ኮይሮ ያናዋ ያገት ናባቱዋን አባይ አደቲዳዋ፡ ዳሮ ዋድያ፡ ናገቲዳ ህደታው ሁጸ ግዴዳዋ፡ እስራኤልያ አሳይ ናገደ ደእያ ጸሳን ኦኮቲዳዋ፡ አሳ ዘረሳ ኡባ አሸያዋ ግድያዋ ቆንጭሴ። የሱስ ጸሳ አወዋ፡ ህይዳቶ ምሽራቹዋ ቃላ አዳናው ከተቲዳዋ ግድያዋ ህ ምሽራቹዋ ቃላይ አሳው ደእያ ዲማ ዲማ መቱዋ ቃርያ ምልቃ ኦይቄዳዋ ግድያዋ ሉቃስ አዳ። ሉቃስ ምሽራቹዋ ቃላ ግድን፡ የሱሳ የሳባ ኦድያ ኮይሮ ሸምፓቱዋንን ቃይካ የሱስ ሳሉዋ ፑደ ከሴዳዋ ኦድያ ወርሰሳ ሸምፓቱዋን ሎይሊደ፡ አደቲዳዋ ናሸቻባ። የሱስ ሳሉዋ ከሴዳዋ፡ ጉይያን አማኑዋባይ ዋን ድጩደንቶን ዋን አኬደንቶ ኦድያ ታርክያ ህ ማጻፋ ጻፊዳ ብታ። የሱስ ከቲዳዋንቲ ኦሱዋ ማጻፋን አዳዳ።

ከታንቻቱዋ የሳባይ፡ የሱስ የለቲዳ ዋደ ወድያ ህምያዋንቲ ቢደ በኤዳዋ ኦድያ ታርክ፡ የሱስ ናከተላን ደእደ ጌሻ ጎልያ ቤዳባይ፡ ቃረታንቻ ሳምራውያን ባዪደ ቤቲዳ ናኦ ታርክ ሉቃስ ምሽራቹዋ ጸላላን ቤትያዋንታ። ህ ምሽራቹዋ ቃላ ግድን ህ ጋጸ፡ ህን ጋጸ ጋካናው ሁጸ ግዲደ ጸለቲዳባይ ዋሳባ፡ ጌሻ አያናባ፡ የሱሳ ኦሱዋ ግድን ማጫ አሳው ደእያ ሳባን ጸሳይ ናገራ አቶ ያገያባ።

## ሸምፓቱዋ ኡባቶ አመቲዳ ቃንሳ ቆፋቱዋ ገሉዋ 1:1-4

ጸማቅያ ዮሃንሳን የሱሳ የለታ 1:5—2:52  
 ጸማቅያ ዮሃንሳን ኦሱዋ 3:1-20  
 የሱሳ ጽንቃታን ፓጭያ 3:21—4:13  
 የሱስ ኦሱዋ ጋለላን ደሞዋ 4:14—9:50  
 የሱስ ጋለላ፡ የሩሳላመ ሶዋ 9:51—19:27  
 የሩሳላመንን እዝ የሹዋን የሱሳ ወርሰሳ ሳምንታ 19:28—23:56  
 ጎዳ የሱሳ ደንዲዋ፡ ቆንጩሳን ሳሉዋ ቡሳ 24:1-53

1-4 ቦንቹቲዳ ቶፍሎሳ፡ ኮይሮ ባረንቲ አይፍያን በኤዳዋንቲን ባረንቲ ቃላን ማርካቲዳዋንቲ ኦው አዳድና። ጸፊቲዳ የወዋ ታ ባገን ኡባ ጸጹዋ፡ ስዳ ጸሎዋ፡ ጉዮ፡ ታርክያ ማራ ናገዳ ኦገያን ነው ጸፋናው ሎኦ ግዴዳዋ ታው ቤቲዳ።

ጸማቅያ ዮሃንሳን የለታይ ኮይሮ ኦደቲዳ

5 ይሁዳ ጋድያ ካትያ ሄሮድሳ ዋድያን፡ \* እብያ ቄሳተላ ኦሱዋ ባገ፡ ግዴዳ ዛካራሳ ጌተትያ እት ቄሳይ ደኤ። ማቻታካ ኤልሳቤጾ ጌተትያ አርን ያራ፡ የለቲዳወ።

6 ለእቲካ ጎዳ አዛዙዋን ሴራ ዳርሲደ ናግያዋንታን ካዴ ባንታን ጸሳ ሰንሳን ደእያ ጽላቲዋ።

7 ግድ፡ እትን ኤልሳቤጾ ማንላ ግድ ድራው፡ የሉ ኡንቲንቶ ባዋ። ለእቲካ ላይሳ ሱጌዳዋንታ።

8 እት ጋለሳ ዛካራሳ ባረ ባገ ካላን ጸሳ ሰንሳን ቄሳተላን አልያ ዋደ።

9 ባረ ቄሳተላ ዋጋ ደያዳን ጌሻ ጎልያ ገሊደ እጻና ጩውሱዋ ፣ ሳማይ አ ጋኬዳ።

10 አጻና ጩውያ ዋደ አሳይ ኡባይ ካረን ኤቄደ ዋሰ ደኤ።

11 ጎዳ ከታንቻይ እጻና ያርሹዋ ሳ፡ ጉሸቻና ኤቄደ አው ቤቲዳ።

12 ዛካራሳካ በኤዳ ዋደ ዳጋሚደ ያሻን ምተቲዳ።

13 ከታንቻይካ ቃይ ያጌዳ፡ “ዛካራሳ፡ ያዮ፡ ስላሳይ ሰሰቲዳ፡ ነ ማቻታ ኤልሳቤጾ አቲማ ናኦ የሳናው።”

14 አ የለታን ናሸታይን አሻሉ ነው ሀናናዋ፤ ጩራቲካ አ የለቶ ድራው ሀሹ ጋናዋንታ፤

15 እካ ጎዳ ሰንሳን ዳራ ግዳናዋ። ማላይያ ዋይን ኡሻ ግድ ሀራ ማላይያ ኡሻ አይነ ኡሸና፤ ባረ ዳይ ኡሉዋን ደእሸን አያና ጌሻይ እን ኩማናዋ።

16 “እስራኤልያ አሳቲዋ፡ ጩራቲዋ አንቲንቲ ጎዳ ጸሳኩ፡ አ ዛራናዋ።”

17 እካ ገገና አሳ ጎዳው ገግሳናው፡ አዋቲዋ ዋዛና ናናቲዋ፡ አዛዘተናዋንታካ ጽሎተሳ ኤራሶ ዛራናው፡ ኤላሳ ፣ አያናን ምልቃን ጎዳ፡ ሰንሳና ቤ።”

18 ዛካራሳካ ከታንቻ፡ “ታን ጭማድ፡ ታማቻታካ ባረ ላይሳን ሱጌዳወ፡ ሀዋ ታን አያን ኤራንታ?” ጌዳ።

19 ከታንቻይካ ዛራደ፡ “ታን ጸሳ ሰንሳን ኤቄያ ጋብራላ፤ ሀዋ ምሽራቹዋ ነው ኦዳናው ኔኮ ከተታደ፤

20 ሄኮ ሄ ዋድያን ሀናና ታ ቃላ ነ አማናቤና ድራው፡ ሀ የው ሀናና ጋላሳይ ጋካናው ኔን ዲደ ግዳናሳ፤ ሃሳያናውካ ዳንዲያካ” ጌዳ።

21 ሄ ዋደ አሳይ፡ ዛካራሳ ጌሻ ጎልያ፡ ከሰናን አያው ጋምኤደንቶ ማላላቲደ ናገ።

22 ከሴዳ ዋድያንካ ሃሳያናው ዳንዲይቤና፤ ጌሻ ጎልያን ሳያ አ በኤዳዋ አኬኬድና፤ እካ ሃሳያናው ዳንዲይቤናዋ ጸርሰ በሲደ፡ ዲደ ግዲደ ደኤዳ።

23 ዛካራሳካ ባረ ኦሱዋ ዋድያ ወርሶ ዋደ፡ ባረ ጎላ ስሜዳ።

24 ሄዋ፡ ጉይያን አ ማቻታ ኤልሳቤጾ ሻሃራደ እቸሹ አገና ባረና ገንላዳ።

\* 1:5 ይሁዳ፡ ሀዋን ይሁዳ ጋድያ ጌተቲዳዋ ፍልስጶም ጋድያ ኡባ በሰያዋ። 1:5 1 ኦዳዋ 24:10 † 1:9 አጻና ጩውሱዋ፡ ሀዋ ጉሳይ ጩዋይ ዋሳ ኮታ ጸሳኮ ጋኬ ገደ ዋንታን አማርሰ ዋደ ጩውሰያ ዋጋ። 1:15 ጋይ. 6:3 ‡ 1:17 ኤላሳ፡ ሀዋ ጌተቲዳዋ፡ ካሰ ኤጫ ጫቁዋ ማጻፋን ናብያ ኤላሰ ኦራሳባ ኦልያ ምልቃን ኤራቲዳዋ ድራሳ። 1:17 ሚልክ. 4:5፣ 6 1:19 ዳላ 8:16፤ 9:21

25 ኤልሳቤዳካ፡ “ታ ቶሽያ አሳ ግደፕ ድጋናው ስ ጎዳይ ባረ ማርተላን ታና ጸሎ ዋይ፡ ሀዋዳን ታው ኤሌዳ” ገደ።

የሱሳ የለታይ ካስቲደ ኦድቲዳ

26 ኡሱፑንላ አገናን ጸሳ ኪታንቻ ጋብሬል ጋለላ ጋድያን ናዝሬት ካታማ

27 ዳዊታ ያራፕ ግዴዳ የሴፎ ጌተትያ ብታነው አሸታ ቃሸቲዳ ዋደራትኮ ጸሳ ማታፕ ኪተቲዳ፤ ዋደራት ሱንላይካ ማይራዋ ጌተቲ።

28 ኪታንቻይካ ማይራዋኮ ዪደ፡ “ዳርሳደ ደስታውኔ፡ ሳርተላይ ነው ግደ፤ ጎዳይካ ኔናና ጋላ ደኤ፤ ኔንካ ማጫዋንቱ ግደን አንጀቲዳውዋ”\* ያጌዳ።

29 ማይራማካ አ ሃሳያፕ ደንደዋን ዳርሳ ዳጋማደ፡ “ሀዌ አያ ማላ ሳርታ ግዳኔ” ገደ የወዋ ቆፓደ።

30 ኪታንቻይ እዘ፡ “ሀነ ማይራማ፡ ጸሳ ማታን ሳሳ ደማዳ ያዮፕ።

31 ኔን ሻሃራደ፡ አቲማ ናአ የላናሳ፤ አ ሱንላካ የሱሳ ጋናሳ።

32 እካ ዳራ ግዳናዋ፤ ኡባፕ ቆቃ ጸሳ ናአ ጌተታና፤ ጎዳ ጸሳይ አ አቡ ዳዊታ ካውተላ ኦይድያ አው አማናዋ።

33 እካ ያቆባ ጎለን ሙድናው ካውታናዋ፤ አ ካውተላውካ ወርሰሳይ ባዋ” ያጌዳ።

34 ማይራማካ ኪታንቻ፡ “ታን ዋደራቶ ግደ ድራው፡ ሀዌ ዋት ሀናናዋ?” ያጋደ።

35 ኪታንቻይካ ዛሪደ እዘው፡ “አያና ጌሻይ ነ ቦላ ያናዋ፤ ቆቃ ጸሳ ዋልቃይ ኔናን ሸዋፕናዋ፡ ሄዋ ድራው፡ ኔፕ የለትያዌ ጌሻ ጸሳ ናአ ጌተታና።

36 ነ ዳባታ ኤልሳቤዳ ባረ ጭማተላ ዋድያን አቲማ ናአ ሻሃራደ። ማንላ ጌተቲዳውና ኤልሳቤዳ ሻሃራደፕ ኡሱፑንላ አገና ኦይቃደ።

37 ጸሳ ጸንያ የው ባዋ” ያጌዳ።

38 ማይራማካ፡ “ታን ጎዳ አይላቶ፤ ኔን ጎዋዳን ሀና” ገደ። ሄዋፕ ጉይያን ኪታንቻይ እዘ ማታፕ ቤዳ።

ማይራማካ ኤልሳቤዳ አቻናው ባደ

39 ማይራማካ ሄ አገና ግደን ደንዳደ ክል ዘዘትያ ይሁዳ ጋደን ደእያ እት ካታማ ኤሌላ ከሳደ።

40 ዛካራሳ ጎለ ገለደ ኤልሳቤዳ ሳርታደ።

41 ኤልሳቤዳካ ማይራዋ ሳርታ ሰሴዳ ዋደ፡ እዘ ኡሉዋን ደእያ ሻሃራይ ጉፔዳ፤ ኤልሳቤዳካ አያና ጌሻን ኩማደ።

42 ባረ ባረ ኮሻካ ቆቁ ኦሳደ፡ “ኔን ማጫዋንቱ ግደፕ አንጀቲዳውዋ። ኔፕ የለትያዌካ አንጀቶዋ።

43 ኔን ታ ጎዳ ዳያ ታኮ ያናው ታን ኦኔ?

44 ሄኮ ነ ሳርታ ኮሻይ ታ ሀይላን ሰስቲዳ ዋደ፡ ታ ኡሉዋን ደእያ ሻሃራይ ናሸቻን ጉፔዳ።

45 ጎዳይ ፖለቲ ገደ እዘው ኦይዳዋ አማኔዳውና እዘ አንጀቲዳውዋ” ያጋደ።

ማይራዋ ጋላታ የላ

(1:46-53)

46 ማይራማካ፡

“ታ ሸዋፕታ ታ ጎዳ ቦንቻው፡

47 ታ አያናይካ ታ ጸሳ፡ ታ ጳልያን፡

ሎይላ ናሸታው።

48 እካ ባረ አይላት ቶሽያ ጸሎዳ።

ሀፔፕ ደማደ የለታይ ኡባይ

አንጀቲዳውኔ ገና።

49 ዋልቃማ ግዴዳ እ፡

ዳር የወዋ ታው ኤሌዳ፤

አ ሱንላይካ ጌሻ።

50 አ ማርታይ ያይያዋንቶ፡

የለታፕ የለታይ ጋካናው ደኤ።

51 ባረ ዋልቃን ምኖ ኪታ ከተቲዳ፤

ባረንቱ ዋዛና ቆፋን ኦቶረትያዋንታ፡

ላሌዳ።

52 ዋድያዋንታ ካውተላ ማታ ኦይድያፕ

ዋሌዳ፤

አሸካቱዋካ ቃይ ቆቁ ቆቁ ኤሌዳ።

53 ኮሻቲዳዋንታ ሎኦ የወዋን ካልሴዳ፤

ዱራቱዋ ቃይ ሙላ የደርሴዳ።

54 ባረ ማርተላ ቆፕደ፡

ባረ አይልያ አሰራኤልያ ማዴዳ።

55 ኦ አዋቶ አ ኦይዳዋዳን፡

አብራሃሙውን አ ያራው ጌዳዋ፡

ሙድናው ናጋና ድራሳ”

ያጋደ።

56 ማይራማካ ሄዙ አገና ኬና ኤልሳቤዳ

ማታን ጋምኦዋፕ ጉይያን ባረ ጎለ ሰማደ።

ጸማቅያ የሃንሳ የለታ

57 ኤልሳቤዳውካ የልያ ዋደ ጋክና፡ አቲማ

ናአ የላደ።

58 እዘ ሾራቱ፤ እዘ ዳቦ ግዴዳዋንቱ፡

ጎዳይ ማርተላ እዘው ኤሌዳዋ ሰሴደ እዘና

አትፕ ናሸቲድና።

59 ሆሰፑንላ ጋላሳን ናአ ቃጸራናው ዬድና፤

እ፡ አውዋ ሱንላን ዛካራሳ ገደ ሱንላናው

ኮዬድና።

60 አ ዳያ ቃይ፡ “ሀነና፡ የሃንሳ ጌተታናው

ኮሼ” ያጋደ።

61 ኤንቱንቱካ እዘ፡ “ነ ዳባቱዋፕ ሀፔ

ጋካናው አቱካ ሀ ሱንላን ጸሰትቤና”

ያጌድና።

62 አ አባ፡ ኦና ግያ ሱንላን ጸገታናው

ኮይንቶ ጸርሰ አፔድና።

§ 1:25 ታ ቶሽያ አሳ ግደፕ ድጋናው፡- እስና ገሌዳ ሞሽራታ ናአ የለናን አቶፕ፡ እሰራኤልያ አሳ ቆፋን፡ “ጸሳይ እዘ ሙር ደኤ” ያገታው። 1:27 ማቶሳ 1:18 \* 1:28 ኔንካ ማጫዋንቱ ግደን አንጀቲዳውና- ሀ ቆፋይ ቦን ጭሜዳ ግሪክያ ማጸፋን ባይናዋ ግድያ ድራው፡ እት እት እንግልዙሉዋን አማራቱዋ ማጸፋንካ ባዋ። 1:31 ማቶሳ 1:21 1:33 2 ሳሜላ 7:12፣ 13፣ 16፣ አሳ. 9:7 1:37 ደሙላ 18:14 1:59 ዋጋ 12:3

63 እ እቡካ ጻፍያባ እኛ እኪደ፡ “ናእ ሱንሳይ ዮሃንስ” ጊደ ጻፍና፡ ኡባቱካ የወዋን ማለላቲድና፡፡

64 ሄዋንካ ዛካራሳ ድይይ ደየቲዳ፡ እ እንጻርሳይካ ብለትና ሃሳያ ደሜዳ፡ ጻሳካ ጋላቲዳ፡፡

65 እ ሸራቱካ ደእያሳ ኡባን ያሻን ኩሚድና፡፡ ሀ የወካ ዘዘትያ ይሁዳ ጋድያ ኡባን ዳሪ ሃሳየቲዳ፡፡

66 ሀዋካ ሰሴዳዋንቱ ኡባቱ፡ “ሀ ናአይ እያ ግዳኒሻን” ያገደ የወዋ ባረንቱ ዋዛናን ኦይቄድና፤ ጻሳይካ እናና ደእያዋ ኤራድና፡፡

ዛካራሳ ጋላታን ትምቢትያ ኦዲዋ

67 ዮሃንስ እቡ ዛካራሰ እያና ጌሻን ኩሚደ ትምቢትያ ያግ ኦዲዳ፡፡

68 “እሰራኤልያ ጎዳይ ጻሳይ እንጆቶ፤ ዪደ ባረ እሳ ጸሞሴዳን ዋዜዳ፡፡

69 ባረ እይልያ ዳዊተ ጎልያን፤ ዋልቃማ አሸያዋ ኑወ ገገሴዳ፡፡

70 ሀዋካ በን ጎዳ ጌሻ ናባቱዋ ደናን ኦዲቶዋዳን፡፡

71 እ ኑና፡ ኑ ሞርከቱዋጥን፤ ኑናና ኤቀትያዋንቱ ኩሸያጥ አሻናሳ፡፡

72 ሀዋካ እ ኦሌዳዊ፡ ኑ አዋቶ፤ ማርተሳ በሳናሳ፡፡ ባረ ጌሻ ጫቁዋ ዋዛና አላናሳ፡፡

73 ኑ አወዋ አብራሃሞ፤ ጫቁዳ ጫቁዋ ቆጥናወ፡፡

74 ኑ ሞርከቱዋ ኩሸያጥ ከሲደ፤ ያሻይ ባንታን እወ አላናዳን፤ ማታ ኑወ እሚዳ፡፡

75 ሀዋኒካ፡ ኑና ኑ ዋድያ ኡባን፤ ጌሻተላን፤ ጽሎተላን፤ ባረ ሰንላን ኤሳና ድራሳ፡፡

76 ዛሪደካ፡ ኑና፡ ታ ናአወ፤ ጾቃ ጻሳ ናብያ ጌተታሳ፤ ኡግያ ገገሳናወ ጎዳጥ ሰንላና፤ ባናሳ፡፡

77 አሳ ናጋራ ማርያ አቶተላ ኤራ፤ ኡንቱንቶ እማናሳ፡፡

78 ሄዋካ ክልጥ ዬዳ ፖኡ፤ ኑና ጸሞሴዳዊ፤ ኑ ጻሳ ማርተላን ቃሪታ ጋሱዋና፡፡

79 እ ፖኡካ ጲማን፤ ሀይቁዋ ኩዋን፤ ኡቲዳዋንቶ ፖእሴ፡፡ ኑ ገድያካ ሳርተላ ኦግያን ሱርሴ፡፡”

80 ናአይካ ድጩደ፡ እያናን ምኒዳ፤ እሰራኤልያ አሳወ ቤቲዳ ጋሳሳይ ጋካናወ ማለ ቢታን ደኤዳ፡፡

## 2

የሱሳ የለታባ (ማቶሳ 1:18-25)

1 ሄ ዋደ \* ሮማ ካወተላ ጋርሳን ደእያ አሳይ ኡባይ ሱንሳ ጻፈታናዳን፤ ፓይይታናዳን እወግሰጸሰ ቁሳረጥ ፣ እዛዙ ከሴዳ፡፡

2 ሄዋኒካ፡ ቀሪንዮሰ ፤ ሶርያ ጋድያ ሞድያ ዋደ ሀኔዳ ኮይሮ አሳ ፓይዲዋ፡፡

3 ሀዋ ድራወ እት እት አሳይ ጻፈታናወ ባረ ካታማ ባረ ካታማ ቤዳ፡፡

4 ዮሴፎካ ዳዊታ ጎልያጥን ያራጥ ግድያ ድራወ ጋለላ እወራጃን ደእያ ናዝሬት ካታማጥ ደንዲደ ዳዊታ ካታማ ግዳዳወንኮ ይሁዳን ደእያ ቤተሌመ ጌተትያ ካታማ ከሴዳ፡፡

5 ሄ ዋደ የልያ ዋዲ ማቲዳ እወ አሸታ ኡቲዳ ማይራማካ እናና እትጥ ባዳ፡፡

6 ኡንቱንቱ ሄዋን ደእሸን እዛወ የልያ ዋዲ ጋኪ አኔዳ፡፡

7 እዛካ ባይራ ናአ § ግዴዳ እቲማ ናአ የላዲ፤ እማላይ ሸምጥያ ሳ ደማቤና ድራወ፡ ናአ ማዩዋን ጸጸደ ጋጸትያን \* ቀራዲ፡፡

ወድያ ሄምያዋንታን ኪታንቻቱዋ

8 ሄ ጋድያን ቃማ ባረንቱ ወድያ ሄሚደ ደምባን እቅያዋንቱ ደእያ፡፡

9 ጻሳ ኪታንቻይ ቆጥናን ዪደ ኡንቱንቱ ምይያን ኤቄዳ፤ ጎዳ ቦንቹ ኡንቱንቱ ዩሹዋን ፖኡዳ ዋደ፡ ዋልቃማ ያሻይ ኡንቱንታ ኦይቄዳ፡፡

10 ኪታንቻይ ኡንቱንታ፡ “ያዮጥተ፡ አሳወ ኡባወ ሀንያ ዳሮ ናሸቶያ ምሽራቹዋ ታን ሀንተንቶ አሃድ፡፡

11 ሀቹ ዳዊታ ካታማን አሸያዌ የለቲዳ፡፡ እካ ጎዳ ክርሰቶሳ፡፡

12 ሀዋ ሀንተንቶ ማለ ግዳ፡ ጋጭና ናአይ ማዩዋን ጸጸቲደ ጋጸትያ ግድን ግሴዳዋ ደማንታ” ያኔዳ፡፡

13 ቆጥናን ሙራ ጻሳ ኪታንቻቱ ኮይሮ ኪታንቻና እትጥ ቆንጩድና፡፡

14 ጻሳካ ጋላቲደ፡ ሀዋዳን ጌድና፡ “ቦንቹ ጻሳወ

ቦላ ሳሉዋን ግደ፡፡ ሳኒን እ ደሳያ አሳወ

ሳርተላይ ግደ” ያኔድና፡፡

15 ኪታንቻቱ ኡንቱንቱጥ ሻከቲደ ሳሉዋ ከሰጥጥ ጉዮ፡ ወድያ ሄምያዋንቱ፡ “ጎዳይ ኑወ ቆንጭሴዳዎ፡ ሀዋ ሀኔዳ የወዋ በእናወ ቤተሌመ ቦይተ” ጌተቲድና፡፡

16 ኡንቱንቱካ ኤለሊደ ቤድና፡፡ ማይራዋን የሴፎ ደሚደ፡ ጋጭና ናአይካ ጋጸትያን ግሴዳዋ በኤድና፡፡

17 ሄዋጥ ጉይያን ጉላ ናአ ድራወ ኦዲቲዳዋ ቆንጭሲደ ኦዲድና፡፡

18 ሀዋ ሰሴዳ ኡባይ ኡንቱንቱ ኦዲዳ የወዋን ማለላቲድና፡፡

\* 2:1 ሄ ዋደ፡ ጌተቶዌ ጸማቅያ ዮሃንስ የለት ሰሚደ ብሮ ጉተተላን ደእሸን የሱሰ የለቶ ዋድያና፡፡ † 2:1 ቁሳራ- ግያ ሱንሳይ ካትያ ጉሳ፡፡ ሄዋኒካ ሙራ ጋድያ ሞድያ ዋልቃይ ደእያ ሙራ ካታቱዋ ካትያ ጉሳ፡፡ ‡ 2:2 ቀሪንዮሳ- ጌተትያዌ ሮማ ካቲ እወግሰጸሰ፡ ሶርያ ጌተትያ ይሁዳን ጋለላ እወራጃቱዋ ኦይቄዳ ጋድያን ሰንሳዬዳዎ፡፡ § 2:7 ባይራ ናአ- እሰራኤልያ አሳይ የለቲዳ ናአ ኡባ ጎልያንካ ጻሳወ በሰያዋ ጊና፡፡ \* 2:7 ጳጳትያ- ሀ ሚሻይ ምያይ ምያባይ ሳኒን ላለተናን ማና ማለ የጊደ እምያባ፡፡



19 ማይራማ ቃይ ሀዋ ኡባ ባረ ዋዛናን ኢይቃይ ቆገደ ጋምእዳ።

20 ውድያ ሄምያዋንቱካ ኡባ የወ ኡንቱንቶ ኦድቲዳዋዳን ሀንና ደሞ ድራው፣ ሰቤዳዎን በኤዳዎ ኡባወ ጸሳ ቦንቹድን ጋላቲደ ሰሜድኖ።

21 ናአው ሆሰፑን ጋላሳ ግድና ቃጸረትያ ዋዲ ጋኮ ዋደ፣ እ እት ኡሉዋን እታናፕ ካሰ፣ ኪታንቻይ ከሶ ሱንሳን፣ የሱሳ ጌተቲዳ።

የሱሰ ጌሻ ጎልያን ጸሳው ሹፍቲዳ  
22 ሙሴ ዋጋ ማራዳን ጌይያ ዋዲ ተ ፖለቲዳ ዋደ የሱፎን ማይራማ ጋጭኖ ናአ ጸሳው ሹቆናው የሩሳላሙ እክ ቤድኖ።

23 ሄዋኔካ ጎዳ ዋጋን፣ “አትማ ናአ ግዴዳ ባይራ ናአይ ቶ ኡባይ ጸሳው ዲማቲዳዎ ግዳናዎ” ጌተት ጸፈቲዳዋዳን፤

24 ቃይካ ጎዳ ዋጋን፣ “ላኡ ደጎማቱዎ ዋይ ላኡ ሀራጸ ማራቱዎ” ጌተቶዋዳን፣ ጎዳው ያርሹዎ ያርሻናው አፊድኖ።

25 ሄ ዋደ ጽሎን ገንጫ ግዴዳ ሰሞና ጌተትያ እት ብታኒ የሩሳላሙን ደኤ። እካ፣ እሰራኤልያ አሳው አቶተሳ ሀይታ ናግያዋን አያና ጌሻይ አ ቦላን ሸምፔዳ አሳ።

26 ጎዳን ኦካቲዳ ክርሰቶሳ በኤናን ሀይቀናዎ አያና ጌሻን እው ቆንጭሴዳ።

27 እካ ሄ ዋደ አያና ጌሻይ ካለልና፣ ጌሻ ጎልያ ገሌዳ። ናአ የላዋንቱ ኤርያ ዋጋ ማራዳን፣ ኮሽያዎ እው ፖላናው ጉላ ናአ የሱሳ ኦይቁይ ገሎ ዋደ።

28 ሰሞን ሞክ አክ ናአ እድሚደ ጸሳ ጋላቲደ ሀዋ ያጌዳ።

29 “ጎዳው፣ ኔን ቃላ ገሎ ማራዳን፣ ሀአ ታና ነ አይልያ ሳሩዋን ኔኮ አፋ።

30-31 ጋሱካ፣ ታ አይፋቱ፣ አሳ ኡባ ሰንሳን ኔን ገባሴዳ፣ አሽያ ሀይታ በኤድኖ።

32 ሄዋካ እሰራኤልያ ግደና አሳው፣ ቆንጩሳ አምያ ፖኡዎ።

ቃይ ነ አሳው እሰራኤላው ቦንቹዎ።”

33 የሱፎን አ ዳያ አ ድራው ሃሳየቲዳ የዎ ማላለቲድኖ።

34 ሰሞንካ እንጂደ ማይራሞ፣ “ሀዋ ናአይ እሰራኤልያን ጮራቶ ደንዲዋሰን ኩንደላው ጋሶ ግዳናው፣ ቃይካ ኢታ ሃሳይያዋንቶ ማላ ግዳናው ደረቲዳ።

35 ጮራቶካ ዋዛና ቆፋይ ቆንጮዎ ግዳናው፣ ነ ሸምፑካ ማሻን ቃንጸዋዳን ሴሊታናዎ” ያጌዳ።

36 ቃይካ እሴራ ያራፕ ግዴዳ ፓኑኤላ ናታ ሃኖ ጌተትያ ናባታ ደአው፤ እዛካ ሎይላ ጭማዳ። ባረ ዋድሮተሳን ገሌዳ አሰናና ላፑ ላይሳ ደኤዳውኖ።

37 እዝ ላይላይካ ሆሰፑን ታማን ኦይዲዎ ግዳና ጋካናው ጋላሳን ቃማ ጌሻ ጎልያፕ ሻክተናን ጸማንን ዋሳን ከተታደ አምኤ § ግዳደ ጋምእዳ።

38 ሄ ዋደካ ሺቃይ ጸሳ ጋላታዲ፤ ቃይካ የሩሳላሙ አሳይ ዋዘታናው ናግያዋንቶ ኡባቶ ጋጭኖ ናአ የሱሳ ጌዳዲ።

የሱፎን ማይራማ ናዝሬተ ሰሜድኖ

39 የሱፎን ማይራማ ጎዳ ሀግያን አዛዘቲዳዎ ኡባ ፖሎዋፕ ጉየ ጋሊላ አውራጃን ደአያ ባረንቱ ካታማ ናዝሬተ ሰሜድኖ።

40 ጉላ ናአይካ ድጩደን ሞኒደ ቤዳ፤ እቶ ኤራንካ ኩሜዳ፤ ጸሳ እቶ ኬካተሳይ አ ቦላን ሸምፔዳ።

ጉላ ናአ የሱሰ ጌሻ ጎልያን

41 የሱፎን ማይራማ ላይላን ላይላን ፓሰጋ ባላ ቦንቻናው የሩሳላሙ ካታማ ቢኖ።

42 ናአውካ ታማን ላኡ ላይላ ግደ ዋደ ደያዳን ባላው ህን የሩሳላሙ ከሴድኖ።

43 ባላ ፖሎዋፕ ካላ ባረንቱ ጎላ ኡንቱንቱ ሰሞደ ጉላ ናአ የሱሰ የሱፎን ማይራማ ኤረናን የሩሳላሙን እት አኤዳ።

44 ኡንቱንቱና እትፕ ደአያዎ ማላትና እት ጋላሳ አግያ ሀሙቲድኖ። ጉየፕ ቃይካ ባረንቱ ዳባቲዋናን ባረንቱ ሲቀትያዋንቱ ማታን ኮሻ ደሜድኖ።

45 ቆዮ ዋደ ኮዪደ ህን የሩሳላሙ ሰሜድኖ።

46 ሄዘ ጋላሳፕ ጉየ፣ ታማርሰያዋንቱ ግደን የሱሰ ኡቲደ ኡንቱንቱ ግያዎ ሰሴደን ኡንቱንታ ኦቹደ ጌሻ ጎልያ ጋርሳን ደአያዎ በኤድኖ።

47 ሰሰያዋንቱ ኡባቲካ፣ አ እኬካንን አ ዛሩዋን ማላለቲድኖ።

48 የሱፎን አ ዳያ አ በኦ ዋደ ማላለቲድኖ። አ ዳያካ፣ “ታ ናአው፣ አያው ኑና ሀዋዳን አላይ? ነ አቡኑ ታን ኔና ኮዪደ፣ ዳር ሙቶቲድ” ያጋዲ።

49 የሱሰካ ኡንቱንቶ፣ “አያው ታና ኮዪቲ? ታ አቡ ጎላን \* ደአናው ታው ኮሽያዎ ኤርበይክቲ?” ያግ ዛሬዳ።

50 ሄዎ ያግ ኦደፕ እትን፣ ኡንቱንቶ አ ኦዳዳ የወ አያ ግንቶ ገልቤና።

51 ሄዋፕ ሰሚደ፣ ኡንቱንቱና እትፕ ህን ናዝሬተ ቤዳ፤ ሄዋንካ ኡንቱንቶ አዛዘቲ። አ ዳያካ ሄዎ ኡባ ባረ ዋዛናን ዋሳዲ።

52 የሱሰካ ኤራንካ ጌራን፣ ሳባንካ ጸሳን አሳ ሰንሳን ድጩዳዳ።

2:21 ዋጋ 12:3፤ ለቃሳ 1:31 † 2:22 ጌይያ ዋዲ፦ አይሀዳቲዎ ማጫ አሳይ አቲማ ናአ የሎዋፕ ጉይያን፣ “ጌሻ ግዲኩ” ያግ ቆገኖ። ቃይካ ሄ ናአይ ቃጸረታና ጋካናው እዛ ሳይፕ ከሰናዳን ኦሰታው። ሀ ዋዲ፣ ጌይያ ዋድያ ጌተቲ።  
‡ 2:23 ባይራ ናአይ፦ 2:7 ጸፈተ። 2:23 ከሳ 13:2፣ 12 § 2:37 አምኤ፦ አምኤ ጉሳይ አሰናይ ሀይቁና ገላናን ጋምእዳ ማጫወኖ። ሀ ፓይዲዋን ጸፈቲዳ ሞሽራታ ላፑ ላይላ ጸላላ አሰናና ጋምኦዋፕ ጉየ 84 ላይላ ኡባ አምኤ ግዳደ ጋምእዳ። 2:39 ማቶሳ 2:23 2:41 ከሳ 12:1-27፤ ዛረ. 16:1-8 \* 2:49 ታ አቡ ጎላን፦ ጉሳይ፣ ታ አቡ ከቲዳ ኦሎዋ ፖላናው በሴ ጉሳ። 2:52 1 ሳሜላ 2:26፤ ሊም. 3:4

### 3

ጸማቅያ የሃንሰ የሱሳው ኦግያ ገግሴ  
(ማቶሳ 3:1-12፤ ማር. 1:1-8)

1 ጽባርዮሳ ጌተትያ ካቲ ካወቅዳ ታማነ እቼሽልያ ላይላን ጸንጸናውያ ጽላጸሰ ይሁዳ ሞድያ ዎይ፣ ሄርድስ ጋሊላን ኦይደንልያ ሻኩዋ ሞድያ ዎይ፣ እ እሻይ ፕልጸሰካ እጸርያንን ጸርኮንደሳን ኦይደንልያ ሻኩዋ ሞድያ ዎይ፣ ልሳንዮሰካ ኦብሊንን ኦይደንልያ ሻኩዋ ሞድያዎ ግዲደ ሞድ ደእሸን፤

2 ሃንነ ቀያፋይ ቁሳቱዋ ካጋቱዋ \* ግዲደ ደእሸን፤ ጸሳ ቃላይ ዛካራሳ ናኦ የሃንሳኮ ሙላ ቢታን ዬዳ።

3 የሃንሰ የርዳኖሳ ሻፋ ሄራ ኡባ ቢደ፣ “ህንተ ናጋራይ እቶ ጌተታና ማላ ናጋራ ፓጺደ ጸማቅትተ” ያግ ታማርሴዳ።

4 ናብያ ኢሰያሳ ማጸላን ጸፈቲዳ ቃላዳን፣ “ሙላ ቢታን ዋሰያ ብታንያ ኮሻይ፣

ኅጎዳወ ኦግያ ገግሰተ፤ እ ኦግያካ ሱርሰተ።

5 ኦላይ ኡባይ ኩሞ፤ ደሪን ዞዚ ደንባ ግደ፣ ገገና ኦጊ ኡባይ ገን፣ ሀንቶር ኦጊ ኡባይ ሊቆ።

6 ሄዋ ግደ፣ እሳይ ኡባይ ጸሳይ እሸያዎ በእና”

ያጌዳ።

7 ሀዋ ድራወ የሃንሰ እ ኩሽያን ጸማቅታናወ ከሴዳ አሳወ ሀዋዳን ኦዲዋ ደማዳ፣ “ሄንተና፣ ሸሻ ናቶ፤ ይያ ሀንቁዋ፣ እታና ማላ ህንተንታ እን ማቁዳ፣

8 ሰም ህንተንቱ ናጋራ፣ ሰማዲዋንቶ በሰያ አይፍያ አይፍተ። ህንተንቱ ዋዛናን ኦብራሃሞ ኑ እኮ ደኤ ጎፕተ። ጸሳይ ኦብራሃሞ ተ ናና ሀ ሹቶቱዋ፣ ፒጎላናወ ዳንዳዬ ያጋደ ታን ህንተንቶ ኦዳይ።

9 ሀእ ኡባ ቤጽ ሞሳ ጸጸዋን ቃንጸናወ ገግ ኡቲዳ፤ ሰም ሎኑ አይፍያ አይፈና ሞሳይ ኡባይ ቃንጸቲደ ታማን ኦለታናዎ።”

10 “ያትና ሀእ ኑ እያ ኡዳይ?” ያጊደ እ ጮራ አሳይ ኦቹዳ።

11 የሃንሰካ፣ “ላኡ ማዩ ደእያዎ ባይናዎ እሞ፤ ቁማይ ደእያዌካ ባይናዎ ግሾ” ያግ ዛራዳ።

12 ቃራጸ ሸሽያዋንቱካ ጸማቅታናወ ዬዳ፣ “ታማርሴያዎ፣ ኑ እያ ኡዳይ?” ያግ ኦቹድና።

13 እ ኡንቱንቶ፣ “ጌተቶዋ፣ እዲ ቃራጸ እል ሸሽፕተ” ያግ ኦዳዳ።

14 ሄዋ፣ ካላ ዎታዳራቱ፣ “ኩንሽ፣ እያ ኡዳይ?” ያግ እ ኦቹድና።

የሃንሰካ፣ “እሳ ሻሉዋ ናቁዋን ቦንቁ እኩፕተ፣ ኦናን ዎርዲዋን ሞቶፕተ፣ ህንተንቱ ድርጉ ህንተንቶ ግዳና” ያግ ዛራዳ።

15 ሄዋ ደ እሳይ ኡባይ ክርሰቶሳ የሳ ናጊደ ደእያ ድራወ የሃንሳ፣ “ሀዌካ ክርሰቶሳ ግደናን አተና” ያጊደ ባርንቱ ዎዛናን ማሊድና።

16 የሃንሰ ኡባቱዋካ፣ “ታን ሃላን ጸማቃይ፤ ግደ፣ አትን ታ፣ ዎልቃማይን ታንካ እ ጫማ ቃሹዋ ብላና ዳንዳየናዎ ቶ ብር ያናዋ፤ እካ እያና ጌሻንን ታማን ጸማቃናዋ፤

17 እ ኩሽያን ካሳ ዳላ፣ ሻክ ጌሽያ ላይዳይ ደኤ። ካሳ ኡዲማን ቡኮዋ ጌሽ ፑጊደ አይፍያ ድይያን ቆሌ፤ ሸን ዳላ ቶኤና ታማን ጉዳ።”

18 የሃንሰካ ሀራ ጮራ ቃላን ጮራ አሳ ማቁደ ሞሽራቹዎ ቃላ ኦዳዳ።

ሄርድስ ጸማቅያ የሃንሳ ቃቹዳ

19 ጋሊላ ሞድያ ሄርድሳ ቃይ ባረ እሻ ፕልጸሳ ማቶቶ ሄርድያደ እ አኬዳ ድራወን ሀራካ ጮራ ኢታ ከታ ከተቶ ድራወ፣ የሃንሰ ሴራዳ።

20 ሀዋ ድራወ ሀ ኡባ ጉጂደ ሄርድስ የሃንሳ ቃሹ ጎል ገልሴዳ።

የሃንሰ የሱሳ ጸማቁዳ  
(ማቶሳ 3:13-17፤ ማር. 1:9-11)

21 እሳይ ኡባይ ጸማቅት ሰሞዋ፣ ጉይያን የሱሳ ጸማቅቲዳ። እ ዎስ ደእሸንካ ሳላ ደየት እኔዳ።

22 ጌሻ እያናይካ ሀራጵያ ማላቲደ እ ቦላን ዎዴዳ። ሳላዋ፣ “ታ ደሰያ ናእይ ኔና፤ ኔናን ታን ናሽታይ” ያግያ ቃላይ ዬዳ።

የሱሳ የለታይ ካሰ ጉየ ማይዛ፣ ደእያ ፓይዲዋ

(ማቶሳ 1:1-17)

23 የሱሳ ታማርሱዋ ደሞደ እወ ሀታሙ ላይላ ግዲዳ፤ ጮራ እሳይካ ባርንቶ ማላቶዋዳን እ የሴፎ ናኦ ያጊና፤ የሴፎ ኤላ ናኦ፤

24 ኤላ ማተ ናኦ፤ ማተ ሌዊያ ናኦ፤ ሌዊ ሞልከ ናኦ፤ ሞልከ ዮና ናኦ፤ ዮን የሴፎ ናኦ፤

25 የሴፎ ማታትያ ናኦ፤ ማታት አሞጸ ናኦ፤ አሞጸ ናሆሙ ናኦ፤ ናሆሙ ኤሰሊሙ ናኦ፤

26 ናግ ማኦተ ናኦ፤ ማኦተ ማታትዩ ናኦ፤ ማታትዩ ሴሙዮ ናኦ፤ ሴሙዩ የሴፎ ናኦ፤

27 ዮድ ዮናና ናኦ፤ ዮናን ሬሰ ናኦ፤ ሬሰ ዘሩባቤላ ናኦ፤ ዘሩባቤላ ሳላትያላ ናኦ፤ ሳላትያላ ኤላ ናኦ፤

\* 3:2 ቁሳቱዋ ካጋቱ ሃንነ ቀያፋይ- ሃና ካፖተላ ዎዲ የሱሳ የለታና፣ ካሰ 6-15 ላይላ ጋካና። ቀያፋ ጌተትያ ሃና ቦሌ 18-37 ላይላ ካፖ ግዲደ የሱሳ የለታ፣ ካሰ ጋምኤዳ። 3:4 እሳ. 40:3-5 3:7 ማቶሳ 12:34፤ 23:33 † 3:8 ኦብራሃሞ ናና- እይሁዳ አሳቲ ባርንታ ጸሳይ ደሬዳ እሳ ያግ ቆፒና። ጋሱካ፣ በን ሀድታ ቃላይ ጸሳ፣ ኑ እኮ ኦብራሃሞ እሙቲዳ ያጊደ ቆፒያ ድራሳ። 3:9 ማቶሳ 7:19 3:12 ሉቃስ 7:29 † 3:16 እ ጫማ ቃሹዋ ብላና ዳንዳየናዎ- ሀዋ ቆማ ዎይ ዳንጋጸራት ኦሱዋ። 3:20 ማቶሳ 14:3-4፤ ማር. 6:17-18 3:22 ደሙላ 22:2፤ ማካ. 2:7፤ እሳ. 42:1፤ ማቶሳ 1:17፤ ማር. 1:11፤ ሉቃስ 9:35

28 ኔል ሞልከ ናኣ፤ ሞልከ ሃደ ናኣ፤ ሃደ ዮሳሰ ናኣ፤ ዮሳሰ ቆሳማ ናኣ፤ ቆሳማ ኤልማደመ ናኣ፤ ኤልማደመ ኤረ ናኣ፤

29 ኤረ ዮሴኤ ናኣ፤ ዮሴኤ፥ ኤልኤዘራ ናኣ፤ ኤልኤዘራ፥ ዮራመ ናኣ፤ ዮራሞ ማጸተ ናኣ፤ ማጸተ ሊዋያ ናኣ፤

30 ሊዋ ሰሞና ናኣ፤ ሰሞን ይሁዳ ናኣ፤ ይሁዳይ ዮሴፎ ናኣ፤ ዮሴፎ ዮናና ናኣ፤ ዮናን ኤልያቄማ ናኣ፤

31 ኤልያቄማ ሜልያ ናኣ፤ ሜልያ ማይናና ናኣ፤ ማይናን ማጸተ ናኣ፤ ማጸተ ናታን ናኣ፤ ናታን ዳዊተ ናኣ፤

32 ዳዊተ እስይ ናኣ፤ እስይ እዮቤዳ ናኣ፤ እዮቤዳ ቦኤዛ ናኣ፤ ቦኤዛ ሳልሞና ናኣ፤ ሳልሞን ናህሾና ናኣ፤

33 ናህሾን አምናዳባ ናኣ፤ አምናዳብ ራማ ናኣ፤ ራም አሪና ናኣ፤ አሪናይ ሄዘርና ናኣ፤ ሄዘርን ፐሬዛ ናኣ፤ ፐሬዛ ይሁዳ ናኣ፤

34 ይሁዳይ ያቆባ ናኣ፤ ያቆብ ይሳቃ ናኣ፤ ይሳቃ አብራሃም ናኣ፤ አብራሃም ታራ ናኣ፤ ታራ ናቦራ ናኣ፤

35 ናቦራ ሴሮሄ ናኣ፤ ሴሮህ ራጋዋ ናኣ፤ ራጋው ፐለጋ ናኣ፤ ፐለግ አቤራ ናኣ፤ አቤር ሳላ ናኣ፤

36 ሳላ ቃይናና ናኣ፤ ቃይናን አርፋክሲደ ናኣ፤ አርፋክሲደ ሴመ ናኣ፤ ሴም ሮሄ ናኣ፤ ሮሄ ላሜሄ ናኣ፤

37 ላሜህ ማቲሳላ ናኣ፤ ማቲሳል ሄናክ ናኣ፤ ሄናክ ያሬዳ ናኣ፤ ያሬድ ማላልኤላ ናኣ፤ ማላልኤላ ቃይናና ናኣ፤

38 ቃይናን ሄናሳ ናኣ፤ ሄናሰ ሴተ ናኣ፤ ሴት አዳማ ናኣ፤ አዳም ጸሳ ናኣ።

### 4

የሱሳዉ ሸቄዳ ጸላህያ ፓጭያ (4:1-13፤ ማቶሳ 4:1-11፤ ማር. 1:12፤ 13)

1 የሱሰ ጌሻ አያናን ኩሚደ ዮርዳናሳ ሻፋፕ ሰሜዳ፤ አያናን መላ ሳኣ ካለሰቲደ ቤዳ።

2 ሄዋን ኦይታሙ፤ ጋላሳ ዳብሎሳን ፓጨቲዳ። ሄ ጋላሳቱዋን አያን ምቤና ድራዉ ወርሰላ ፖሉዋ ሄራን እ ኮሻቲዳ።

3 ዳብሎሰካ፡ “ኔን ጸሳ ናኣ ግደፕ ሀ ሹቻ፡ ኦክላ ግዳ” ጋይ አዛዛ” ያጌዳ።

4 የሱሰካ፡ “ኣሳሳ ጸሳ ቃላ ኡባፕ አትን ኡክላ ጸላላን ደኤና” ጌተት ጸሳ ቃላን ጸፈቲዳ” ያግ ዛሬዳ።

5 ዳብሎሰካ ቆቃ ግዴዳ ደርያ የሱሳ ከሲደ አላምያ ካዉተላ ኡባ ልጸ አይፊ ሰማርዉ በሴዳ።

6 ዳብሎሰካ፡ “ሀ ካዉተላ ማታይን ቦንቹ ኡባይ ታዉ አመቲዳ። ታን ታ ደሰያ ኦሰን አማና፤ ነዉካ አማና።

7 ሄዋ ግድያ ድራዉ፡ ነ ታ ሰንሳን ታዉ ጎይናፕ ሀ ኡባይ ኔሳ ግዳናዋ” ያጌዳ።

8 የሱሰካ ዛሬዳ፡ “ ኣሳ ጸሳ ጎይና፡ አ ጸላላ ጎዳያ” ጌተት ጸሳ ቃላን ጸፈቲዳ” ያጌዳ።

9-11 ዳብሎሰካ የሱሳ የሩሳላመ አፊደ ጌሻ ጎልያ ሁጺያ ከሲደ፡

“ ጸሳይ ኔና ናጋና ማላ፡ ከታንቻቱዋ ከታናዋ፡ አንቲንቲካ ነ ገዲ ሹቻን ቆብተና ማላ፡ ባረንቲ ኩሽያን ኔና ደንሳናዋንታ” ያገቲደ።

ጌሻ ማጸፋን ጸፈቲዳ፤ አን ኔን ጸሳ ናኣ ግደፕ፡ ሀዋፕ ዱባ ኔና ኦላ” ያጌዳ።

12 የሱሰካ ዛሬዳ፡ “ ኣ ጎዳ ጸሳ ፓጭፓ” ጌተቲዳ” ያጌዳ።

13 ዳብሎሰካ ፓጭያ ኡባ ዉርሶዋፕ ጉዮ ጉላ ዋደዉ የሱሳፕ ሻከቲዳ።

የሱሰ ጋለላን ኡሱዋ ደሜዳ (ማቶሳ 4:12-17፤ ማር. 1:14፤ 15)

14 የሱሰካ አያና ዋልቃን ጋለላ ጋድያ ሰሜዳ። አ ዋሪካ የሹዋን ደአያ ኡባ ጋኬዳ።

15 የሱሰካ አይሁዳቱዋ ዋሳ ጎልያን ታማርሲደ አሳን ኡባን ጋላተቲዳ።

ናዘሬተን የሱሳ አጼድና (ማቶሳ 13:53-58፤ ማር. 6:1-6)

16 እ ባረ ድጮ ካታማ ናዘሬተ ዬዳ፤ ካሰ ኦልያዋዳንካ ሳሞባታ ጋለሰ አይሁዳቱዋ ዋሳ ጎለ ገሊደ ናባናዉ ደንዲደ ኤቄዳ።

17-19 ናብያ ኢሰያሳ ን ጸፈቲደ ጸጸቲዳ ማጸፋ አዉ አሚድና። ሄ ማጸፋ ብሊደ፡ “ታን ሀየሳቶ ሞሽራቹዋ ኦዳናዉ አከቲዳ ድራዉ ጎዳ አያናይ ታ ቦላን ደኤ።

ቃሽቲዳዋንቶ ብለላ፡ ቆቃቶ ጼላና ማላ ኦዳናዉ፡ ቃይካ ናቀቲዳዋንታ ናቀዋፕ ከሳና ማላ ደሰቲዳ ጎዳ ላይላ ኦዳና ማላ፡ ታና ከቲዳ”

ጌተት ጸፈቲዳሳ ደሜዳ። 20 ማጸፋካ ጸጸደ አይሁዳቱዋ ዋሳ ጎልያን ኦልያዋ አሚደ ኡቲዳ። አይሁዳቱዋ ዋሳ ጎልያን ደአያ አሳይ ኡባይ አ ጫድ ጼሌዳ።

21 የሱሰካ፡ “ሀቹ ህንተዉ ናባበትና ህንተንቲ ሰሴዳ ቃላይ ፖለቲዳ” ያጌዳ።

22 ኡባይ አዉ ማርካቲድና። አ ደናፕ ከሰያ አቶ ከካተላ ቃላፕ ደንዲዳዋን ማላለቲደ፡ “ሀዌ ዮሴፎ ናኣ ግደኔ?” ጌድና።

23 የሱሰካ ሰ□ ባንታን ሀ ሊምሱዋን፡ “ህንተንቲ ታዉ ጳልያ ጎዳዉ፡ ነ ሁጺያ ፓላ፡ ኔን ቅፍርናሆማን አልና ኑ ሰሶዋ ኡባ ሀ ነ ካታማንካ ቃይ ኦላ” ያጌደ ኡዲታ” ያጌዳ።

24 ቃይካ፡ “ቱሙዋ ያጋይ፡ ናቢ ባረ የለቶ ጋድያን ጋማካ ቦንቹተና።

25 “የዉዋን ቃይ ቱሙዋ ኦዳይ፡ ኤላሳ ዋድያን ሄዙ ላይላን ኡሱፑን አገና አራይ ቡከናን አጸና ሳኣ ኡባን ዋልቃማ ኮሻይ

ገሌዳ ዎደ፣ እስራኤሊን ጮራ አምአቱ ደእኖ።

እ ክርስቶስ ግድዋ ኤንቱንቱ ኤራዳ ድራው ሃሳየና ማላ ድጌዳ።

26 ኤላሰካ ሲዶና ጋድያን ደእያ ሰራፍታ ሄራ እት አምአትኮ ከተቲዳፕ እትን እኮነ ከተትቤና።

የሱስ ጋሌላን ታማርሴዳ (ማቶጎ 4:23-25፤ ማር. 1:35-39)

27 ናቦያ ኤልሳካ ዎድያንካ እስራኤልያን ጮራ ኦሎዋ ሀርግያን \* ኦይቀቲዳዋንቱ ደእኖ፤ ሶርያ ቢታን ደእያ ንእማነፕ እትን ኤንቱንቱፕ እንነ ፓጽ ቤና” ያጌዳ።

42 ሳኦይ ዎንቶ ዎደ አሳይ ባይናሳ ቤዳ፤ አሳይ ኡባይ እ ኮዩደ እ ደእያሳ ዬድኖ። ባርንቱፕ ሻከት ቤናዳን ድጋናው ኮዬድኖ።

28 አይሁዳቱዋ ዎሳ ጎልያን ደእያዋንቱ ኡባቱ ሀዋ ሰሲደ ዳርሲደ ሀንቀቲድኖ።

43 እ ቃይ፣ “ሀን ሀራ ካታማቶ ባይ ጸሳ ካውተሳ ሞሽራቹዋ ቃላ ኦዳናው ኮሺ፤ ታን ከተቲዳዌ ሀዋ ድራሳ” ያጌዳ።

29 ኤንቱንቱ ደንዳደ የሱሳ ካታማፕ ጋጸ ከሲደ ዲገ ኦላናው ካታማይ ከጸቲዳ ደርያ ሁጲያ አፌድኖ።

44 ጋሌላን ደእያ አይሁዳቱዋ ዎሳ ጎሊን ቃላ ታማርሴደ ጋምኤዳ።

5

የሱስ ኮይር ባርና ካልያዋንታ ደራዳ (ማቶጎ 4:18-22፤ ማር. 1:16-20)

30 ሸን የሱሰ ኤንቱንቱ ግዳዋና አጲደ ቤዳ።

ኢታ አያናይ ኦይቄዳ ብታንያ (4:31-37፤ ማር. 1:21-28)

31 ሄዋፕ ጉይያን የሱስ ጋሌላ ጋድያን ደእያ ቅፍርናሆማ ካታማ ቤዳ። ሳምባታ ጋላሳንካ አሳ ታማርሴዳ።

1 እት ጋላሰ የሱስ ገንሳሬጸ አባ \* ጋጸን ኤቄደ ደእሸን ጮራ አሳይ እኮ ሸቄደ ጸሳ ቃላ ሰሳናው ሱገት ደእኖ።

32 እ ታማርሴያ ትምርቲ ማታን ግድያ ድራው ሰሲዳ አሳይ ኡባይ ማላለቲድኖ።

2 ሄ ዎደ ላኦ ዎንግራቱ ተ አባ ጋጸን ኤቆዋ እ በኤዳ፤ ሞልያ ጲርያዋንቱ ቃይ ዎንግራቱዋፕ ዎጲደ ባርንቱ ዳባ ሜጭ ደእኖ።

33 አይሁዳቱዋ ዎሳ ጎልያን ኢታ አያናይ ኦይቄዳ ብታን ደእኖ፤ ባር ኮሻ ቶቆ አሳ ዋሲደ።

3 የሱስ ዎንግራቱዋ ግድፕ ሰሞናው ግዴዳውን ገሊደ ሳኦፕ ያ አባኮ ጉሳ ሸሻናዳን ኦቹዳ። ሄዋፕ ጉየ ዎንግርያ ቦላን ኡቲደ አሳ ታማርሴዋ ደሜዳ።

34 “ሀያ ጎደ አጋርኪ ናዝራትያ የሱሳ፤ ኑው ኔናና አይ እትተተሳይ ደእኖ? ኑና ባይዛናው ያድ? ኔን እንቶ ኤራድ፤ ኔን ጸሳ አው ከቲዳ ጌሻ ግድኪ!” ያጌዳ።

4 ታማርሴዋ በላዋፕ ጉይያን ሰሞና፣ “ዎንግርያ ያ አባ ጨሙዋኮ ሸሸተ፤ ሀንታንቱ ዳባካ ሞልያ ጲራናው ኦልተ” ያጌዳ።

35 የሱሰካ፣ “ጮኤ ጋ፣ አፕካ ከሳ” ያግ ሴራዳ። ኢታ አያናይ ብታንያ ኤንቱንቱ ግድዋን ከጉድሲደ አይነ ቆሄናን አፕ ከሴዳ።

5 ሰሞንካ፣ “ጎዳው፣ ቃማ ኩሙንላ ዳቡር አቄደ አይነካ ኦይቄበይኮ፤ ሸን ሀእ ኔን ጎዋደን ዳባ ኦሎቶ” ያግ ዛራዳ።

36 አሳይ ኡባይ ማላለቲደ እቱ እቶ፣ “ሀዌ አያ ቃሊ? ባርሬ ደእያ ማታን ሞልቃን ኢታ አያናቱዋ ሴራ፤ ቃይ ኢታ አያናይካ ከሴ” ያጌደ ሃሳዬድኖ።

6 ሄዋደካን ኦሌዳ ሞደ፣ ዳር ጮራ ሞልያ ኦይቄድኖ። ኤንቱንቱ ዳባቱካ ዲጸረታናው ሀኔድኖ።

37 አ ዋርካ ሄ የቾዋን ደእያ ጋድያ ኡባ ጋኬዳ።

7 ሀራ ዎንግርያን ደእያ ላገላቱ ዪደ ማዳናዳን ወቲድኖ፤ ኤንቱንቱ ላኦ ዎንግራቱዋንካ ሞልያ ኩንሳና ዎንግራቱ ሞተቱሳ ደሜድኖ።

የሱስ ጮራ ሀርጋንቻ አሳ ፓሌዳ (ማቶጎ 8:14-17፤ ማር. 1:29-34)

38 የሱስ አይሁዳቱዋ ዎሳ ጎልያፕ ደንዳደ ሰሞና ጎልያ ገሊዳ፣ ሰሞና ቦሎታታ ዎልቃማ ቆጶዋ ሀርግያን ሀርገታደ ግሴዳውንወ የሱስ እዞ ፓላናዳን አሳይ አ ዋሴዳ።

8 ሰሞን ጸጽርሰካ ሀዋ በኤዳ ዎደ የሱሳ ጉልባታን ኩንዳደ፣ “ጎዳው፣ ታን ናጋራንቻ አሳ ግደ ድራው ታፕ ሻከታ” ያጌዳ።

39 አ ማታን ኤቄደ ቆጶዋ ሀርግያ ሴርና፣ ሀርገ የዲሹዳ፤ ሄ ዎድያንካ ደንዳደ ኤንቱንቱ ከተታዳ።

9 ሀዋ ጌዳዌ እነ አናና እትፕ ደእያዋንቱ ኡባይ ባርንቱ ኦይቄዳ ሞልያ ጮራተላን ማላለቲድኖ።

40 አዎይ ወሎ ዎድያን ዲማ ዲማ ሀርግያን ኦይቀቲዳ ሀርጋንቻቱዋ ኡባ እኮ አሄድኖ፤ እካ እቱዋ እቱዋ ቦላ ባር ኩሸያ ዎሊደ ፓሌዳ።

10 ሄዋዳንካ ቃይ ሰሞና ላገላ ግዴዳዋንቱ ዛብድኖሳ ናናቲ ያቆብነ ዮሃንስ ማላለቲድኖ። የሱሰካ ሰሞና፣ “ያዮፕ ሀዋፕ ጉይያን አሳ ጲርያዋ ግዳናሳ” ጌዳ።

41 ኢታ አያናቱካ፣ “ኔን ክርስቶስ ጸሳ ናኣ” ያግ ዋሲደ ጮራ አሳፕ ከሴድኖ።

11 ኤንቱንቱካ ዎንግራቱዋ ሃላፕ ጋጸ ከሲደ፣ ኡባባ አገደ የሱሳ ካሊድኖ።

4:26 1 ካታ. 17:8-16 \* 4:27 ኦሎዋ ሀርግያ- ጸሳ ቃላይ ታማርሴትያ ዎድያ ኡባን፣ “ኦሎዋ” ግያ ቃላይ ጋልባ ቦላን ሳከያ ሳከ-ዋ ኡባው አከትያዋ። 4:27 2 ካታ. 5:1-14 4:32 ማቶጎ 7:28፣ 29 \* 5:1 ገንሳሬጸ አባ- ጋሌላ አባው አሙቲዳ ዳ.ማ ሱንላ። 5:1 ማቶጎ 13:1፣ 2፤ ማር. 3:9፣ 10፤ 4:1 † 5:2 ዎንግርያ- ዎንግርያ ጌተቶዌ፣ ዎጋ ሃላ ዎይ አባ ቦላን አሳይ ሄናንላ ባጋ ፕናናው ጎኤትያ ሚሻ። ሀይቆ አሳይ ሞገትያዋ ግድናዋ ኤራናው ኮሺ። 5:5 ዮሃ. 21:3 5:6 ዮሃ. 21:6

የሱስ ኦሎ ኦይቄዳ ብታንያ ፓሌዳ  
(ማቶሳ 8:1-4፤ ማር. 1:40-45)

12 የሱስ ካታማቱዋጥ እቱዋን ደእሽን ኦሎ  
፤ ቦላ ኡባ ማዳ ብታኒ ደእያዌ የሱሳ በኢደ  
እ ሰንገሳካ ኩንዲደ፡ “ግዳወ፡ ኔን ኮዮፕ  
ታና ፓላናዉ ዳንዳያ” ያጊደ ዋሴዳ።

13 የሱሱካ ባረ ኩሽያ የድ ቦቹደ፡ “ዳሳይ  
ጌያ!” ጌዳ፡ ሄማንእያንካ ኦሎ ኦ የዳዳ።

14 የሱስ እ፡ “ሀዋ ኦሰን ኦዳፓ፡ ሽን  
ቁሳኮ ባደ ኔና በሳ፡ ሄዋፕ ጉየ ኦሉዋ  
ሀርግያፕ ፓዱዳዋ ማርካ ግዳዳን ሙሴ  
ሀርግያን አዛዘቱዳ ያርሹዋ ሸኻ” ጌዳ።

15 ግደ ሽን ኦ ዋሪ ሎይስ እኪደ ቤዳ፤  
ዳር ጮራ እሳይካ የሱስ ኦድያዋ ሰሳናዉን  
ባረንቱ ሀርግያፕ ፓዳናዉ ሸቆድና።

16 የሱስ ጮራ ዋደ ጌማሳ ቢደ ዋሴ።

የሱስ ቦላይ ሰሌዳ ብታንያ ፓሌዳ  
(5:18-26፤ ማቶሳ 9:2-8፤ ማር. 2:3-  
12)

17 እት ጋላሰ የሱስ ታማርሲደ ደእሽን  
ጋላላፕን ይሁዳ ሄሪ ኡባፕ፡ የሩሳላመ ዬዳ  
ፓርሳዋቱን ሀርግያ ታማርሲያዋንቱ ኡት ደእሽን  
ሀርጋንቻቱዋ ፓላና ማላ ጸሳ አዉዋ ዋልቃይ  
አዉ እመቱዳ።

18 ሄ ዋደ ቦላይ ሰሌዳ ስ እት ብታንያ  
አማራዳ እሳይ ሻንቻማን ቶክ እሀ ጎላ  
ገላሲደ የሱሳ ሰንገሳን ዋላናዉ ኮዬድና።

19 አሳ ጮራተላፕ ደንዳዳዋን የሱሳኮ  
ሸቃናዉ ዳንዳይበይክና፡ ሄዋ ድራዉ ቦላዉ  
ግእ ጎልያ ካራ \* ቃሪደ እ፡ ሻንቻማና አሳ  
ግደን የሱሳ ሰንገሳን ዋልድና።

20 የሱሱካ ኡንቱንቱ አማኑዋ በኢደ፡ “ሀ  
ብታንዉ፡ ነ ሩጋራይ እቶ ጌተቱዳ” ያጌዳ።

21 ሙሴ ሀርግያ ታማርሲያዋንቱን  
ፓርሳዋቱ፡ “ሀዌ ጸሳ ቦርያዌ ኦኔ? እት  
ጸሳፕ እትን ሩጋራ እቶ ጋናዉ ኦን ዳንዳዪ?”  
ያግ ቆፋ ደሜድና።

22 የሱሱካ ኡንቱንቱ ቆፋ ኤር ድራዉ  
ሀዋደን ጌዳ፡ “አያዉ ሀንተንቱ ዋዛናን  
ሀዋዳን ቆፕቱ?

23 ሳ ሩጋራይ እቶ ጌተቱዳ፡ ጋናዋፕን  
“ዳንዳይ ባ፡ ጋናዋፕ ሀቃዌ ማቲ?

24 የዉዋን ቃይ ሀዋ ታን ጌዳዌ፡ አሳ ሩእይ  
ቢታ ቦላን ሩጋራ ማራናዉ ማታይ ደእያዋ  
ሀንተንቱ ኤራናዳና።” ሄዋፕካ ጉንዳዳ  
ብታንያ፡ “ደንዳ ነ ሻንቻማ ቶካደ ነ ጎላ  
ባ ጋይ” ያጌዳ።

25 ጉንዳይካ አሳ ሰንገሳን ደንዳዋሽን ባረ  
ሻንቻማ ቶኪደ ጸሳ ጋላቲደ ባረ ሰይ ቤዳ።

26 ሀ ዋደ ኡባቱካ ዳሪ ማላለቱድና፤ ጸሳካ  
ጋላቲደ፡ “ሀቹ ማላባ በኤደ” ያጊደ ያሻን  
ኩሜድና።

የሱስ ሌዊያ ደራዳ  
(5:27-32፤ ማቶሳ 9:9-13፤ ማር.  
2:13-17)

27 ሄዋፕ ጉይያን የሱስ ከሲደ ቤዳ፤  
ሌዊያ ጌተትያ ቃራጸ ሺሽያዌ፡ ቃራጸ ሺሽያሳን  
ኡቶዋ በኢደ፡ “ታና ካላ” ጌዳ።

28 እካ ደንዳይ ኡባባ እጊደ ኦ ካሌዳ።

29 ሄዋፕ ሰሚደ ሌዌ ባረ ጎላን ዳር ሹብያ  
ገግሴዳ፤ ጮራ ቃራጸ ሺሽያዋንቱን ሀራ ጮራ  
አሳይካ ኡንቱንቱና ኡቲደ ም ደእኖ።

30 ፓርሳዋቱን ሀርግያ ታማርሲያ፡ ኡንቱንቱና  
አልያዋንቱ፡ የሱሳ ካልያዋንቱ ቦላን፡ “አያዉ  
ቃራጸ ቃንጽያዋንቱናን ሩጋራንቻቱዋና ማቲኔ  
ኡሸቱ?” ያጊደ ዙዙሜድና።

31 የሱሱካ፡ “ሀርጋንቻ አሳፕ እትን ፓዳ  
አሳዉ አክምያ ኮሸና።

32 ታን ዬዳዌ፡ ሩጋራንቻቱ ባረንቱ ሩጋራ  
ፓዱደ ሰማናዳናፕ እትን፡ ጽላቱዋ ጸሳናዉ  
ያበይከ” ያግ ዛሬዳ።

የሱስ ጸማባ ኦሽቲዳ  
(5:33-39፤ ማቶሳ 9:14-17፤ ማር.  
2:18-22)

33 ሀዋፕ ጉይያን የሱሳ፡ “ዮሃንሳ  
ካልያዋንቱን ፓርሳዋቱዋ ካልያዋንቱ ኡባ  
ዋደ ጸሚናን ዋሲና፤ ሽን ኔና ካልያዋንቱ ቃይ  
ኡባ ጋላሰ ማኔን ኡሸና” ያጊደ ኦቹድና።

34 የሱሱካ፡ “ሞሽራይ ኡንቱንቱና ደእሽን  
ምያታቱ ጸማናዉ ዳንዳዪና?

35 የዉዋን ቃይ ሞሽራይ ኡንቱንቱፕ  
ሻከቲደ ባና ዋዲ ያናዋ፤ ሄ ዋደ ጸማናዋንታ”  
ያግ ዛሬዳ።

36 የሱሱካ ካልያ ሌምሱዋ ኦዳዳ፡ “ኦራሳ  
ማዩዋፕ ፔጅ እኪደ ኤጫ ማዩዋ ቦላን  
□ፕያዌ ባዋ፤ ጋሱካ ሀዋዳ ኦሶፕ ኦራሳ ማዩዋ  
ፔጅ፤ ኦራሳ □ፊካ ኤጫ ማዩዋን ገና።

37 ሀዋዳንካ ኤጬዳ ጭልግያን † ኦራሳ  
ዋይንያ ኡሳ ዋልያዌ ባዋ፤ ዋላፕ ኦራሳ  
ዋይንያ ኡሳይ ጭልግያ ጱሴ፤ ኡሳይካ ጉኬ፤  
ጭልጋይካ ባዬ።

38 ኦራሳ ዋይንያ ኡሳ፡ ኦራሳ ጭልግያን  
ዋላናዉ በሴ።

39 ኤጫ ዋይንያ ኡሳ ኡሺደ ኦራሳ  
ኮይያዌ ኦን ባዋ፤ ጋሱካ ኤጫይ ማልኤ ግያ  
ድራዉ።”

### 6

የሱሳ ካልያዋንቱ ሳምባታን ትሻ ዱሌድና  
(ማቶሳ 12:1-8፤ ማር. 2:23-28)

1 ሳምባታ ጋላሰ የሱስ ባረና ካልያዋንቱና  
እትፕ እት ጎሻ ግዳዋና አድያ ዋደ አ

‡ 5:12 ኦሉዋ፡ 4:27 ጸልተ። § 5:18 ቦላይ ሰሌዳ፡ ሀዋ ጉሳይ ግሪክ ቃላን “ፓራሉሞእይ” ጌተትያዋ፡ ሀ ቃላ  
ብለላይ እግገልዘሉዋን “ፓራላይዘድ” ጉሳ፡ ሀ ለእቱዋካ ዳዉርሉዋን ብለላ አዋድ፡ ከቹዳዋ ዋይ ቃጸና ማላ ዳቡራዳዋ  
ጉሳ፡ \* 5:19 ካራ፡ ሀ ፓዱዳዋን ጌተቱዳ ጎልያ ካራይ ዳዉርዋ ማላ ግደናዳን፡ ፓላሰክን ጋደን ጎልያ ቦላን ደእያ  
ካራይ ገደ ቀረቲደ ከጸቲ፡ ሄዋ ያቲደ ቃይ ዱፈቲደ ጋዳን ጋዳን ሀራ ሞላይ ተጨትና ሎይስ ከጸቲ፡ ሄዋ ማላ ከጸይ  
ኦራሳ ቃላ ጫቁዋ ዋድያን ኤራቲዳዋ። 5:30 ለቃሳ 15:1፤ 2 † 5:37 ጭልግያ፡ ሀዋ ዳዉርሉዋን እመትያ ጉጃ  
ብለላይ ኡሳ ሩእያ ኦንሩዋ።

ካልያዋንቱ ዛርጋጥ ትሻ ዲሊደ ባረንቱ ኩሽያን ሸገቹደ ሙሳ ደሜድኖ።

2 ፓርሳዋቱዋ ግደፕ፡ “ሳምባጋ ጋላሳን አላናወ ዋጋ ግደናዋ አያወ አሏቱ?” ያጌድኖ።

3 የሱስ፡ “ካትያ ዳዊትን እትጥ ደአያዋንቱ ኩሻቱዳ ዋደ ኦሌዳዋ ናባብ በይክቱ?”

4 ዳዊት ጸሳ ጎልያ ገሊደ ቁሳቱዋጥ እትን ሀራ አሳይ ሜናዳን ድገቱዳ፡ ጸሳዉ ያርሸቱዳ ቁማ ሜዳ። እትጥ ደአያዋንቱካ እ አምናደ ሜድኖ” ያግ ዛሬዳ።

5 ሀዋጥ ካሊደ የሱስ፡ “አሳ ናኦይ ሳምባጋዉ ጎዳ!” ጌዳ።

የሱስ ኩሽ ጉንዴዳ ብታንያ ፓሌዳ (ማቶሳ 12:9-14፤ ማር. 3:1-6)

6 ሀራ ሳምባጋ ጋላሳን የሱስ እይሁዳቱዋ ዋሰያ ጎልያ ገሊደ ታማርስ ደኤ። ሄዋንካ ኡሽቻ ኩሽ ሰሌዳ ብታኒ ደኤ።

7 ሀግያ ታማርስያዋንቱን ፓርሳዋቱ የሱሳ ሞትያ ጋሱዋ ደማናዉ እ ሳምባጋን አሳ ፓላፕ በአና ገደ ናግ ደአኖ።

8 እካ ኡንቱንቱ ቆፋ ኤሪደ ኩሽ ሰሌዳ ብታንያ፡ “ደንዳ አሳ ግዴዋን ኤቃ” ያጌዳ። ብታኒካ ደንድ ኤቆዳ።

9 ሄዋጥ ሰሚደ የሱስ፡ “ሀንንቶን ሳምባጋ ጋላሳን ሎኦባ አላናዉ በሲዬ ኢታባ አላናዉ በሲ? ሸምጥዋ አሻናዉ በሲዬ ዋጻናዉ በሲ?” ያጌዳ።

10 የሱስ ባረ ዩሹዋን ደአያ አሳ ኡባ ጸሎዋጥ ጉይያን ብታንያ፡ “ኅ ኩሽያ ሞጫ!” ያጌዳ። እካ ሞጫደ ፓጆዳ።

11 ኡንቱንቱ ሎይሶ ሀንቁቲደ የሱሳ ቦላ አላናዋ ባረንቱ ግድን ማቀቱድኖ።

የሱስ ታማን ላኤ ከተቲዳዋንታ ዶሬዳ (ማቶሳ 10:1-4፤ ማር. 3:13-19)

12 ሄ ዋድያን የሱስ ደርያ ቦላ ዋሳናዉ ከሲዳ፤ ሄዋንካ ቃማ ኩሙንጎ ጸሳኮ ዋሲደ አቁዳ።

13 ሳእይ ዋንቶዋን ባረና ካልያዋንታ ጸሌዳ። ሄዋንቱፕካ ታማን ላኤቱዋ ዶሪደ፡ “ከተቲዳዋንታ” \* ያጌደ ሱንሌዳ።

14 ኡንቱንቱ ሱንጎላይካ፡ ጸጽሮሳ ገደ እ ሱንሌዳ ሰሞና፡ እ እሻ አንድራሳ፡ ያቆባ፡ ዮሃንሳ፡ ፕልጸሳን ባርታላሞሳ።

15 ማቶሳ፡ ቶማሳ፡ አልፕዮሳ ናኦ ያቆባ፡ ባረ ጋደዉ ሴለትያ ሰሞና።

16 ያቆባ ናኦ ይሁዳን የሱሳ አሳ አሜዳ አስቆሮቱ ይሁዳ። †

የሱስ ጮራ አሳ ታማርሴዳን ፓሌዳ (ማቶሳ 4:23-25)

17 የሱስካ ኡንቱንቱና እትጥ ደርያፕ ዋጲደ ደምባሳን ኤቆዳ። እ ካልያዋንቱፕካ ጮራ አሳይ ሄዋን ደኤ። ቃይካ አፕ ሰሳናዉን ባረንቱ ሀርግያፕ ፓጻናዉ ይሁዳ ጋድያፕ፡ የሩሳላሙ

ካታማፕ፡ አባ ማታን ደአያ ጸርሳፕን ሲደናፕ ዬዳ ጮራ አሳይ ሄዋን ደአኖ።

18 ሀ አሳይካ እ ሰሳናዉን ባረንቱ ሀርግያፕ ፓጻናዉ ዬድኖ። ቱና አያናን ኦይቀቲደ ሙቶትያዋንቱካ ፓጆድኖ።

19 ዋልቃይ አፕ ከሲደ ኡባ ፓሌያ ድራዉ አሳይ ኡባይ እ ቦቻናዉ ኮዬ።

አንጂዋባን ሙቱዋባ (ማቶሳ 5:1-12)

20 ባረና ካልያዋንታ ጸሌደ ያጌዳ፡ “ሀንተንቱ ማንቃቱ አንጀቱዳዋንታ፤ አያዉ ጎፕ፡ ጸሳ ካዉተላይ ሀንተንቱዋ።

21 ሀንተንቱ ሀእ ኮሻትያዋንቱ አንጀቱዳዋንታ፤ ግድን ካላንታ፤ ሀንተንቱ ሀእ ዬክያዋንቱ አንጀቱዳዋንታ፤ ግድን ማጫንታ።

22 “አሳ ናኦ ድራዉ ሀንተንታ አሳይ እጽያ ዋደን ቶኙያ ዋደ፡ ሀንተንቱ ሱንጎካ ኢታን ደንሌያ ዋደ፡ አንጀቱድታ።

23 ሳሉዋን ሀንተንቱ አካና ዋይታይ ዳራ ግድያ ድራዉ ሄ ጋላሰ ናሸቻን ጉፕተ፤ ጋሱካ ካሰ ሀንተንቱ አዋቱ ናባቱዋ ቦላን ሀዋዳን ኦሌደ ደኤድኖ።

24 “የወዋን ቃይ፡ ዱረ አሳቶ ሀንተንቶ አየ፤ ሀንተንቱ እሻሎ ደኡዋን ደኤድታ።

25 ሀንተንቶ ሀእ ካሌዳዋንቶ አየ፤ ግድን ኮሻታንታ፤ ሀንተንቶ ሀእ ሚጫዎዋንቶ አየ፤ ግድን ካዮታንታን ዬካንታ።

26 አሳይ ኡባይ ሀንተንቱ ሎኦተላባ ሃሳይያ ዋደ፡ ሀንተንቶ አየ፤ ካሰ ሀንተንቱ አዋቱ ዋርደ ናባቶ፡ ሀዋዳን ኦሌድኖ።

ሞርክያ ሲቃናዉ በሲ (ማቶሳ 5:38-48፤ 7:12)

27 “ሸን ታን ኦድያዋ ሰሰያዋንቶ ያጋይ፡ ሀንተንቱ ሞርከቱዋ ደሰተ፤ ሀንተና እጽያዋንቶ፡ ሎኤዋ ኦሳተ፤

28 ሀንተና ሸቂያዋንታ አንጅተ፡ ሀንተና ናቂያዋንቶ፡ ዋሰተ።

29 እት ባጋ ሻይያ ባቂያዋ፡ ላኤንሉዋካ በሳ፤ ኦንነ ነ ኮትያ አክያዋ፡ ነ ሻምጫያካ ድጎፕ።

30 “ኅዉ ደአያዋ ኔና ዋሰያዋ፡ እማ፤ ነዋ አኬዳዋ፡ ዛራ ጋደ ኦኛፕ።

31 አሳይ ሀንተንቶ አላና ማላ ሀንተንቱ ደሰያዋዳን፡ ሀንተንቱካ ሀራዉ ሀዋዳን ኦሳተ።

32 “ሀንተንታ ደሰያዋንታ ጸላላ ደሶፕ አይ ጋላታይ ደኤ? ሀዋ ግደፕ ናጋራንቻቱካ ባረና ደሰያዋንታ ደሲኖ።

6:4 ዋጋ 24:9 \* 6:13 ከተቲዳዋንታ- ሀዋ ጉሳይ ታማን ላኤ የሱስ ከቲዳ ዋራቱዋ ጉሳ። † 6:16 አስቆሮቱ- ሀዋ ጉሳይ እይሁዳ ጋድያን ደአያ አስቆሮቱ ጌተትያ ጋድያፕ ዬናን አተና ጉሳ። ሀ ሱንጎ ብላላይ፡ “ሞርክያ”። ቃይካ፡ “ሀይቆ አሳ አምያዋ” ጉሳ።

33 ህንተንቶ ሎኦባ ኦልያዋንቱ ጸላላዉ ህንተንቱ ሎኦባ ኦልፕ ሄዎ ኦይ ጋላታይ ደኢ? ናጋራንቻቱካ ሀዋዳን ኦሊና።

34 ታልኢይ ህንተዉ ዛራናዉ ዳንዳይያዋንቱ ጸላላዉ ታልኦፕ ኦይ ጋላታይ ደኢ? ባረ ታልኤዳዋ ዛራይ ኦካናዉ ናጋራንቻቱካ ባረንቱ ጋርሳን ታልኤቲና።

35 ሸን ህንተንቱ፣ ህንተንቱ ሞርክያ ደሰተ፤ ኦንቱንቶካ ሎኦባ ኦልፕ፤ ህንተንቱፕ ታልኦዋ ዛራድ ኦካናዉ ቆፖፕተ። ሀዋ ህንተንቱ ፖሎፕ ህንተንቶ ጋቲ ዳራናዋ። ቃይ ህንተንቱ ኡባፕ ቦላ ጸሳ ናና ግዳንታ። ኦ ኢታቶን ጋላተናዋንቶካ ከካ።

36 ህንተንቱ ኦቡ ማርያዋ ግደዋዳን ህንተንቱካ ማርያዋንታ ግድተ።

ሀራ ኦሳ ፕርዳናዉ በሰና (ማቶሳ 7:1-5)

37 “ኦ ቦላንካ ፕርደፕተ፣ ህንተንቱ ቦላንካ ፕርደተና፤ ሀራ ቦላ ኩናንያ ኦልፕተ፤ ህንተንቱ ቦላንካ ኩናን ኦሰተና። ኦቶ ጊተ፤ ጸሳይ ህንተንቶ ኦቶ ጋና።

38 ኦሞተ፤ ህንተንቶ ኦመታና። ህንተንቱ ማኬዳ ማካን ህንተንቶ ማከታና። ባቂ ናቂና ሲል ኩሞ ፓላህ ላላትያ ማካ ህንተንቱ ክወዋን ኦድንላና” ጌዳ።

39 ቃይካ የሱስ ሀዋፕ ካልያ ሌሞሱዋ ኦዳዳ፤ “ቆቃይ ቆቃ ካለላናዉ ዳንዳዪ? ቆቃይ ቆቃ ካለላፕ ላኦቱካ ኦይቀቲደ ኦላን ኩንድክና?

40 ታማርያዋ ሞን ታማርፕ ባረና ታማርሰዋፕ ኦፍ፤ ታማርያዋ ሞን ታማርፕ ባረና ታማርሰዋ ማላ ግዳናዉ ዳንዳዪ።

41 “ኣ ኦይፍያ ግደን ደኢያ ቱሳ ከሰናን ደኢይ ሀራ ኣ ላግያ ኦይፍያ ግደን ደኢያ ሱላ ኦያዉ ጸላይ?

42 ኣ ኦይፍያ ጋርሳን ደኢያ ቱሳ በኤናን ሀራ ኦሳኩ ሸቃይ፣ ‘ታ ኦሻዉ፣ ኣ ኦይፍያ ጋርሳፕ ሱላ ታ ከሰ?’ ያጋናዉ ዋታ ዳንዳያይ? ሀ ሎኦዋ ማላትያ ኢታዉ፣ ኩይርታይ ኣ ኦይፍያ ግደን ደኢያ ቱሳ ከሰ። ሄዋፕ ጉይያን ኣ ኦሻ ኦይፍያ ግደን ደኢያ ሱላ ከሰናዉ ጌሻደ ጸላላዉ ዳንዳያ።

ሞላቶን ኦዛ ኦይፊዳ ኦይፍያ (ማቶሳ 7:16-20፤ 12:33-35)

43 “ሎኦ ሞላይ ኢታ ኦይፍያ ኦይፊና፤ ሄዋዳንካ ኢታ ሞላይ ሎኦ ኦይፍያ ኦይፋናዉ ዳንዳያና።

44 ሞላይ ኡባይ ባረ ኦይፍያ ኦይፍያዋን ኡረቱ። ኦኩንላፕ ዋይንላ ኦይፊ ማጸተና፤ ሀዋዳንካ፣ ጸንዲቂያፕ ፥ ላድያ ኦይፍያ ማጸናዉ ዳንዳያተና።

45 ሎኦ ኦሳይ ባረ ሎኦ ዋዛናፕ ሎኦ የወዋ ሃሳይ። ቃይ ኢታ ኦሳይ ባረ ኢታ ዋዛናፕ ኢታ የወዋ ሃሳይ። ኦያዉ ጎፕ፣ ኦሳይ ባረ ደናን ሃሳይያዋ ባረ ዋዛናን ኩሚዳዋ ዶናይ ሃሳይያ ድራሳ።

ላኡ ቆዋ ጎልያ ኩጽያ ኦሳ (ማቶሳ 7:24-27)

46 “ታን ኦደዋ ኦልክታ፣ ሸን ኦያዉ ጎዳዉ፣ ጎዳዉ፣ ያጊይ ታና ጸጊቲ?

47 ታኮ ይያ ኡባይ ታ ቃላካ ሰሲይ ኦሱዋን ፔሸያዋ ኦና ማላትንቶ ታ ህንተንታ በሰና፤

48 ኦካ ጎልያ ኩጸይ ዳር ኦላ ቦኪይ ዛላ ቦላ ግንቢይ ኬጾዳ ኦሳ ማላቲ፤ ድኡ ድኢይ ሄ ጎልያ ሱግናካ፣ ሞኖ ዛላ ቦላ ኬጸቶ ድራዉ ቃላናዉ ዳንዳይቤና።

49 ቃይ ታ ቃላ ሰሲይ ኦሱዋን ፔሸና ኡራይ ባሱ ባንታሳ ሻፍያ ቦላን ጎልያ ኬጾዳዋ ማላቲ። ድኡ ድኢይ ሄ ጎልያ ሱጎ ዋይ ኤላካ ኩንዳዳ፤ ሄ ጎሊካ ኢታ ዋዳ ዋዲይ ባይዳ” ያጌዳ።

7

የሱስ ጾቱዋ ካፕዋ ቆማ ፓሌዳ (ማቶሳ 8:5-13፤ የሃ. 4:43-54)

1 የሱስካ ሀዋ ኡባ ኦሳ ሰንላን ሃሳይ ወርሶዋፕ ጉይያን ህን ቅፍርናሆማ ቤዳ።

2 ሄዋንካ ኦት ጾቱዋ ካፕ ደኢ። ኦ ዳርፕ ደሰያ ኦ ቆማይ ሀርጊይ ሀያናዉ ማቲዳ።

3 ኦካ የሱሳባ ሰሲይ ዋይ፣ ባረ ቆማ ዋሲይ ፓላና ማላ ይሁዳ ጭማቱዋ ህን ኦኩ ኩቲዳ።

4 ኦንቱንቱካ የሱሳኮ ዪደ፣ “ሀ ብታኒ፣ ኔን ኦ ማዳናዳን ዳርፕ ኩዬዳ፤

5 ጋሱካ ኦ ኦሳ ኦ ዳርፕ ደሲይ ኦይሁዳቱዋ ዋሲያ ጎልያ ኬጽሶዌካ ኦ” ያጊይ ዳርፕ ዋሲድና።

6 የሱስካ ኦንቱንቱና ኦትፕ ቤዳ። ኦካ ህን ጎልያ ሄራ ጋኬዳ ዋይ ጾቱዋ ካፕ ባረ ላገላቱዋ ባረኮ ጸሲደ፣ “ታ ጎዳዉ፣ ዳቡርፓ፤ ኦያዉ ጎፕ፣ ኔና ታ ጎልያ ካራፕ ጋርሳ ባጋና ገልሳናዉ ታዉ በሰና።

7 ሀዋ ድራዉ ኣ ሰንላን ኤቃናዉካ ሀራይ ኦቶ በሰያዋ ግድከ። ሸን ኔን ቃላ ጸላላ ኦዳ፤ ታ ቆማይካ ፓጻናዋ።

8 ታን ታፕ ቦላና ማታይ ደኢያዋንቶ ኤኖ ጋይ ደኢያ ኦሳ። ታፕ ጋርሳናካ ታን ከትሰያ ዋታዳራቱ ደኢና። ኦቱዋ፣ ‘ባ’ ያግያ ዋይ፣ ቤ፤ ሀራካ ቃይ፣ ‘ሃ’ ጎፕ ዬ። ታ ቆማይካ፣ ሀዋ ‘ኦላ’ ግያ ዋይ ኦዛክቲ፤ ኦሌ” ያጌዳ።

9 የሱስካ ሀዋ ሰሲይ ኦ የወዋን ማላላቲዳ፤ ጉየ ሰሚይ ኦ ካልያ ዳር ኦሳ፣ “ታን ህንተንቶ ቱሙዋ ጋይ፤ ታን ሀዋ ማላ ኦማኑዋ ሀራይ ኦቶ፣ ኦሰራኤልያ ጋርሳንካ በኦበይከ” ያጌዳ።

10 ካሰ ከተቲዳ ኦትካ ጾቱዋ ካፕዋ ጎላ ጉየ ሰምያ ዋይ፣ ኦ ቆማይ ፓጻዋ በኤድና።

የሱስ ኦሞኦት ናኦ ሀይቁዋፕ ደንሌዳ

11 ዋንትሳ ጋላሰ የሱስ ባረና ካልያዋንቱናን ጭራ ኦሳና ኦትፕ ናይኖ ጌተትያ ካታማቶ ቤድና።

12 የሱስ ካታማ ጋካና ጾቱዋ ዋይ፣ ኦሳይ ሀይቁዳ ኦሃ ቶኪይ ከሴድና። ሀይቆዌካ ባረ

ዳይወ መጽ እት ናኣ፤ አታካ አሰናይ ባይና አምእቶ። ዳር ካታማ አሳይካ እዘ ካሌድኖ።

13 የሱሰካ እዘ በኤዳ ዋደ ቃረተደ፤ “ዬኮፓ!” ያጌዳ።

14 ሸቂደ ሻንቻማ ቦቹዳ፤ ቶኮዋንቱካ አቋድኖ። የሱሰ፡ “ኔኖ ያላጋወ፡ ደንዳ ጋይ!” ያግና።

15 ብታኒ ሱር ኡቴዳ። ሃሳያካ ደሜዳ። የሱሰካ አ፡ አ ዳይወ አሜዳ።

16 ኡባይካ ያሻን ኩሚደ፡ “ሞልቃማ ናቢ ኑ ጋርሳን ደንዳዳ፤ ጸሳይካ ባረ አሳ አሻናወ ዬዳ!” ያጌደ ጸሳ ጋላቴድኖ።

17 ሄዌኔካ የሱሳ ዋሪ ይሁዳ የሹዋን ደእያ ጋድያ ኡባን ሰሰቴዳ።

ጸማቅያ የሃንሳ (ማቶሳ 11:1-19)

18 የሃንሳ ካልያዋንቱ ሀኖዋ ኡባ አወ አደድኖ። የሃንሰካ ባረና ካልያዋንቱ፣ ላእቱዋ ጸሲደ።

19 “ያናዌ ኔኔየ? ዋይ ኑን ሀራ ናጋኔ?” ያግ፤ ኡንቱንቱ አቻና ማላ ሀን የሱሳኮ ኪቴዳ።

20 አሳቱካ የሱሳኮ ዪደ፡ “ጸማቅያ የሃንሰ፡ ያና ጌተቴዳዌ ኔኔየ? ዋይ ሀራ ናጋኔ? ያጌደ አቻና ማላ ኔኮ ኪቴዳ” ያጌድኖ።

21 ሄ ዋድያን የሱሰ ጮራ አሳ ዲማ ዲማ ሀርግያ፣ ፓሌዳ፤ ቱና አያናቱዋካ አሳ፣ ከሴዳ፤ ጮራ ቆቃቱዋ አይፍያ ደዬዳ።

22 የሱሰካ የሃንሰ ኪቶዋንቶ፡ “ቢደ ሀንተንቱ በኤዳዋን ሰሴዳዋ የሃንሳወ አድተ፤ ቆቃቱ ጸላናዋንታ፤ ጉንዳቱ ሀመታናዋንታ፤ ኦሉ ኦይቆዋንቱ ጌያናዋንታ፤ ቱሌዳዋንቱ ሰሳናዋንታ፤ ሀይቁዳዋንቱ ደንዳናዋንታ፤ ሀዬሳቶካ ሞሽራቸዋ ቃላይ አደታናዋ።

23 ታናን ጱበተና አሳይ ኡባይ አንጀቴዳዋንታ” ያጌዳ።

24 የሃንሰ ኪቴዳዋንቱ ብድሳዋ፣ ጉይያን የሱሰ አሳወ የሃንሳባ ኦዲዋ ደሚዳ፡ “አያ በአናወ ቢታ ባዙዋ ከሴድቴ? ጫርኩ ቃልያ ኡሱንሳ?

25 ዋይ አያ በአናወ ከሴድቴ? ሎኦ ማዌዋ ማዌዳ አሳ ደኡዋ? ሎኦ ማዌዋ ማዌዳዋንቱን ባረና ገግሰያዋንቱ ካትያ ጎለን ደኢና።

26 ዋይ አያ በአናወ ከሴድቴ? ናብያ በአናወ ከሴድቴ? ኤ፤ ታን ሀንተንቶ ያጋይ፤ ሀንተንቱ በአናወ ከሶዌ ናብያ፣ አቋዋ።

27 ጸሳ ማጸፋን፡ ና ኦግያ ኔ፣ ሰንሳና ገግሰያ ከታንቻ ኔ፣ ሰንሳያደ ከታና ጌተት የሃንሳባይ ጸፈቴዳዋ ሀዋ።

28 ማጫዋንቱ፣ የለቴዳዋንቱ ጋርሳን ጸማቅያ የሃንሳ፣ አድያ ኡን ባዋ። ጸሳ ካወተሳን ቃይ ኡባ፣ ላፋ ጌተትያዌካ አ፣ አቋዋ” ያጌዳ።

29 ሀራይ አቶ ሸን ቃራጸ ከሰያዋንቱ አተናን ሀዋ የሱሰ ሃሳዮዋ ሰሴዳ ኡባይ

የሃንሳ ኩሸያን ጸማቆዋንቱ ጸሳወ በሰያ ቦንቸዋ አሜድኖ።

30 ሸን ሀግያ ታማርሰያዋንቱን ፓርሳዋቱ የሃንሳን ጸማቆችቤና ድራወ፡ ጸሳይ ኡንቱንቶ ቆጌዳዋ አጸድኖ።

31 የሱሰ፡ “ሰሞ ታን ሀ ዋድያ አሳ አያና ለምሶ? ኡንቱንቱ አያ ማላቴና?

32 ኡንቱንቱ ገያሳን ኡቲደ አቱ አቱዋ ጸሲደ፡ ‘ሱሰልያ ሀንተንቶ ፑንናካ

ካእበይክታ፤ ዬኩዋ የሳ ከሴደሸንካ ዬክበይክታ

ያገትያ ናና ማላቴኖ ጌዳ።

33 ጸማቅያ የሃንሰ ቁማ ሜናን ዋይንያ ኤሳካ ኡሸናን ዪና፡ ‘አ ቦላን ጋሌናይ ደኤ’ ያጌድታ።

34 ታን አሳ ናእይ ማደን ኡሻደ ዪና፡ ‘ሀዌ ናፍሳማ፤ ዋይንያ ኤሳካ ኡሸያዋ፤ ቃራጸያዋንቶን ናጋራንቻቶ ዳቡዋ’ ያጌታ።

35 ግደ፣ አትን ጸሳ አቋ ኤራተሳይ ባረ ኡሱዋን ቱማ ግዲደ ቤቴዳ” ያጌዳ።

ፓርሳዊያ ሰሞና

36 ፓርሳዊያዋ፣ አቱ ባረናና ቁማ ማና ማላ ሸቢና፡ የሱሰ አ ሶይ ቢደ ማናወ ኡቴዳ።

37 ሄ ካታማን ናጋራንቻ ጌተቴዳ እት ሞሽራታ ደኤወና፡ የሱሰ አ ሶይን ኡቴዳዋ ሰሳደ፡ አልባሰጸርሳ ጌተትያ ሹቻ፣ ኡሰቴዳ አልባሰጸርሳ ባሪታ ኩሚዳ ሸቱዋ አካ ያዲ።

38 ጉየና አ ገድያ ማታን ኤቃደ፡ ዬካደ አ ገድያካ ባረ አፎላን አካ ደሚዳ፤ እዘ አፎላይ ባይዚዳ አ ገድያካ ባረ ሁጲያ ብናን ቁጫደን አ ገድያ የራደ ገድያን ሸቱዋካ ጫጫፋዳ።

39 የሱሳ ባረ ሶይ ጸሴዳ ፓርሳዊያ ሀዋ በኢደ፡ “ሀዌ ናብያ ግዴደንቶ፡ ሀና አ ቦቻያ ሞሽራታ ኡንቶን ቃይካ አካ ናጋራንቻ ግድያዋ አ ኤራና ሸን” ያጌዳ።

40 የሱሰካ ዛሪደ፡ “ሰሞና፡ ታን ነወ አድያ የወ ደኤ” ያግና።

ሰሞንካ፡ “ታማርሰያዎ፡ ኦደ” ያጌዳ።

41 የሱሰ፡ “ኣት ብታንያ፣ ሚሻ ታልኤዳ ላኡ አሳቱ ደኢና። አቱዋ ማታን አቼሹ ጾቱ ዲናር፡ ቃይ የኩዋ ማታን አሻታሙ ደኤ።

42 ላእቶካ ጭግያዌ ቋይና፡ ላእቱዋ አጩዋካ ማር አጌዳ። ሀዋንቱ፣ ሀቃዌ ሎይላ ደሰያዋ ማላቴ?” ያጌዳ።

43 ሰሞንካ ዛሪደ፡ “ዳሩዋ አገዋ ማላቴ” ያጌዳ። የሱሰካ፡ “ቱሙዋ ዛራዳ” ያጌዳ።

44 የሱሰ ሞሽራትኮ ጸሊደ፡ ሰሞና ሀዋዳን ያጌዳ፤ “ሀኖ ሞሽራት በኣዲ? ታን ነ ጎላ ዪና ሀራይ አቶ ሸን ሃሳካ ታ ገድያወ እማ ባይካ፤ ሸን እዛ ባረ አፎላን ታ ገድያ አርጵሳዲ፤ ባረ ሁጲያ ብናንካ ቁጫዳ።

45 ኔን ታና የራ ባይካ፤ ሸን እዛ ታን ገሎደ፣ ደማደ ታ ገድያ የርያዋ አጋ ባይኩ።



46 ኔን ታ ሁጲያን ዛይትያ ኦካ በይካ፤ ሽን እዛ ታ ገድያን ሸቱዎ ጫጫፋዲ።

47 ሆዎ ድራው ታ ህንተንቶ ኦዳይ፡ ዳርፕ እዛ ደሴዳዎ ድራው፡ ዳር ናጋራይ እዛው ደእያዌ ማረቴዳ፤ ጉላይ ማረትያዌ ጉላ ደሴ” ያጌዳ።

48 የሱስ ሞሽራቶ፡ “ሳ ናጋራይ ቁጨቱዳ” ያጌዳ።

49 የሱሳና እትፕ ቁማ ማናው ኡቴዳዎንቱ ባረንቱ ዋዛናን፡ “ናጋራ ማራናው ዳንዳይያዌ ሆዌ ኦኔ?” ያጌድና።

50 የሱስ ሞሽራቶ፡ “ሳ አማኑ ኔና አሼዳ፡ ሳርተላን ነ ጎለ ባ” ያጌዳ።

### 8

የሱሳ ካሌዳ ማጫዎንታ

1 የሱስ ሆዎ ሰሚድ፡ ሳባኪድን ጸሳ ካውተላ ሞሽራቹዎ ቃላ ካታማንነ ሄራን ኦዲድ አዴዳ። ታማነ ላኡ የሱሳ ካልያዎንቱካ እናና እትፕ ደእና።

2 ኢታ እያናፕነ ሞልቃማ ሀርግያፕ ፓዶዳዎንቱ እት እት ማጫዎንቱካ ደእና። ሄዋንቱካ፡ ላቸ ጸላሂ ከሴዳ ማግዳላ ጌተትያ ካታማፕ ዬዳ ማይራዎን።

3 ሄርድሳ ጎልያን ሱንሳ ግዴዳ ኩዛ ማቻት ዮሃና፡ ሰሰና ጌተተውናን ሀራ ጮራቱዋና እትፕ ግዲድ፡ የሱሳን ኦ ካልያዎንታ ሚሻን ማዴድና።

ዘረሳ ለምሱዎ

(ማቶሳ 13:1-9፤ ማር. 4:1-9)

4 ጮራ አሳይ ዳር ካታማቱዋፕ ሸቁደ፡ የሱሳኩ ዬዳ ዎድያን ለምሱዎን።

5 “ዘርያዌ ዘረሳ ዘራናው ከሴዳ። ዘርያ ዎደ እት እት ዘረሳይ፡ ኦግያ ደናን ዎዲደ የቫቱዳ። ያትና ሳሉዋ ካፋ ሄዎ ሜዳ።

6 ሀራይ ቃይ ዛላ ቦላ ዎዲደ ደሌዳ ዎደ ኮሽያ ሃላ ደመና ድራው መሌዳ።

7 ሀራ ዘረሳይ አጉንሳ ጋርሳን ዎዴዳ። አጉንሳይ እትፕ ድጩደ ሞቴዳ።

8 ሀራይ ሎእያ ቱኤ ቢታን ዎዴዳ። ደሎዋፕ ጉይያን፡ ዘረቶዋፕ ጾቱ ኮሽያ ዳኩዋ ሞኬዳ” ያጌዳ።

የሱስ ለምሱዎን ሃሳዬዳ ጋሱዋ

(ማቶሳ 13:10-17፤ ማር. 4:10-12)

የሱስ ሆዎ ሃሳዬዳ፡ “ሀይሳይ ደእያ ኡባይ ሰሰ” ያግ ቃላ ዶቁ ኦሳደ ዋሴዳ።

9 ኦ ካልያዎንቱ፡ “ሀ ለምሱ እያ ጉሴ?” ያግ ኦ ኦቹድና።

10 እካ ዛራይ፡

“ህንተንቶ ጸሳ ካውተላ ጸራ ኤራይ እመቱዳ፤ ሽን ሀራቶ፡ ጸሊድካ ኤረና ማላ፡ ሰሰድካ አኬከና ማላ ለምሱዎን ኦዳይ” ያጌዳ።

የሱስ ዘረሳ ለምሱዎ ብሊደ ኦዴዳ

(ማቶሳ 13:18-23፤ ማር. 4:13-20)

11 የሱስ፡ “ዘረሳ ለምሱ ሆዎ፡ ዘረሳይ ጸሳ ቃላ።

12 ኦግያ ጋጸን ዎዴዳ ዘረሳይ፡ ጉላ ዎደው ቃላ ሰሰያ አሳ፤ ኤላካ ጸላሂ ዪን፡ ኡንቱንቱ ሰሰዋን አማን አተና ማላን ቃላይ ዎዛናፕ ደገታና ማላ ኦላ።

13 ዛላ ቦላን ዎዴዳ ዘረሳይ፡ ኮይር ቃላ ናሽቻን ሰሰዎንታ። ሄዋንቱካ ጉላ ዎድያ አማንኤ ፓጨ ጋክያ ዎድያን ጸጹ ባንታ ድራው ኤላካ አማኑዎ ካዲና።

14 አጉንሳ ጋርሳን ዎዴዳ ዘረሳይ፡ ቃላ ሰሰዎንታ፤ ሽን ደኡዎ ሀርጋይን ዳረተላ እሻሉ ጨሌዳዎንታ። ሄዋንቱ ሎኦ አይፍያ አማናው ዳንዳይክና።

15 ሎኦ ቱኤ ቢታን ዎዴዳ ዘረሳይ በሰያዌ፡ ሎእነ ጽሎ ዎዛናን ቃላ ሰሰደ ናግያ አሳን ሄ ቃላን ሞን ኤቁደ ሎኦ አይፍያ አይፍያዎንታ።

ጸምፕያ

(ማር. 4:21-25)

16 “ጸምፕያ ሳሊድ አትባን ቁዎእ ኦግያዌ ዎይ እርሳፕ ጋርሳና ዎልያዌ ኦንነ ባዎ።

17 ቆንጨናን ቆሱዋን እትያባይ እት የውነ ባዎ። ኤረተናንነ ቤትያሳ ከሰናን አታናባይ አይነ ባዎ።

18 ሄዎ ግድያ ድራው ሎይሳ አኬካን ሰሰተ። ዎዛናፕ ሰሰዎ ኡባው ጉጅ አኬካይ እመታና፤ አኬከናዋፕ ሄ አው ደእያዎ ማላትያ አኬካይካ አከታናዎ” ያጌዳ።

የሱሳ ዳየን ኦ እሻቱዎ

(ማቶሳ 12:46-50፤ ማር. 3:31-35)

19 ሄ ዎድያን አታን እሻቱ የሱሳና ጋከታናው እኩ ዬድና፤ ሽን አሳ ጮራተላፕ ደንዶ ጋሱዎን ኦ ደማናው ዳንዳይበይክና።

20 እት ብታኒ፡ “ሳ ዳየን ነ እሻቱ ኔናና ጋከታናው ኮዮ ድራው ካረን ዪደ ኤቁድና” ያግ ኦዴዳ።

21 እካ፡ “ታ ዳየን ታ እሻቱ፡ ጸሳ ቃላ ሰሰደ ኦሱዎ ቦላን ፔሽያዎንታ” ያግ ዛራዳ።

የሱስ ቤታ ጮኤ ኦላዳ

(ማቶሳ 8:23-27፤ ማር. 4:35-41)

22 እት ጋላስ የሱስ ባረና ካልያዎንቱና እትፕ ዎንግርያ ገሊድ፡ “አባፕ ሄፍንሳ ቦይተ” ጌዳ። ኡንቱንቱካ ደንዲደ ሀመታ ደሚድና።

23 ፕን ደእያ ዎደ፡ የሱስ ገምእሼዳ። አባን ጎቱዎ ጫርኩ ደንዶ ድራው፡ ዎንግርያ ጋርሳን ሃላይ ኩምና ዳር መተቱድና።

24 ኡንቱንቱ የሱሳኩ ሸቁደ፡ “ሳዳው፡ ጎዳው! ኡን ባዮይተቱ!” ያጌደ ኦ ቤንሴድና።

እካ ቤንቲደ ጎቱዋን ሃላ ቤታ ሴርና፡ ጎቱን ሃላ ቤታይ ኤቁዳ፤ ኡባባይካ ጮኤ ጌዳ።

25 እካ፡ “ህንተንቶ አማኑ ሆቃን ደኢ?” ያጌዳ።

ኢንቱንቱካ ያይ ማላላቲደ እቱ እቱዎ፡ “ሀዋዳን ጫርቡነ ሃላይ ጮኤ ጌተ ገና አዛዘትያዌ ሀዌ ኦኔ?” ያገቱድኖ።

የሱስ ጸላሂ ኦይቄዳ ብታንያ ፓሴዳ (ማቶሳ 8:28-34፤ ማር. 5:1-20)

26 ጋሊላ አባጥ ሄጻናገላና ደእያ ገርገሰኖና ጌተትያ ጋድያ፡ የሱስነ አ ካልያዋንቱ፡ ዋንግርያን ፕኒደ ጋኬድኖ።

27 ሄ ሃላጥ ፕን ሳኦ ዋዶ ዋዶ፡ ኢታ አያናን ኦይቄዳ እት ብታኒ፡ ካታማጥ ከሲደ እናና ጋከቲድ። ዳር ዋድያጥ ደሚደ ማዩዋ ማየናን ካሎ ጎልያ አጊደ ዲፋዋን ደኤ።

28 የሱሳ ደሞዋጥ ጉይያን፡ ዋስ አ ሰንላን ጉፋኒደ ዋልቃማ ኮሻን። “ዋልቃማ ጸሳ ናኦ የሱሳ፡ ታውነ ነው አይበ እትጥላይ ደኤ? ታና ዋይሰፓርከ፤ ታ ኔና ዋሳይ” ያጌዳ።

29 እ ሄዋ አያወ ጌዳ ጎፕ፡ ብታንያ የግ ከሳና ማላ የሱስ አ አዛዘ ድራሳ።

ኢታ አያናይ ብታንያ ኦይቆደፕ ዳር ዋደ ግደ ድራው፡ ብራታ ሳንላላታን ገድያን ኩሽያ ቃሽቲደ ናገቱ። ሳንላላታ ዱላ አኪደ ኢታ አያናይ ካለለና ባዙዋ ቤ።

30 የሱሰካ፡ “ነ ሰንላይ ኦኔ?” ያግ ኦቼዳ። እካ ጮራ ኢታ አያናይ ገል ኡቶ ድራው፡ “ሉግዮና”\* ያጌዳ።

31 ባረንታ የሱሰ፡ “ህን ጨዋ ኦላ ቢተ” ያገና ማላ ዋሴድኖ።

32 ሄዋን ደእያ ዘዘያ ጋጸን ሄመትያ ጮራ ጉዲንላቱ ደእኖ። ጮራ ቱና አያናቱ፡ ሄ ጉዲንላቱዋ ጋርሳ፡ “ገልተ” ጋና ማላ የሱሳ ዋሴድኖ። እካ፡ “ቢደ ገልተ” ጌዳ።

33 ኢታ አያናቱካ ብታንያጥ ከሲደ ጉዲንላቱዋ ጋርሳ ገሌድኖ። ጉዲንላ ወዲካ ላንቄያጥ ካቺቲደ ኤለካ አባን ሞተቲድኖ።

34 ጉዲንላ ሄምያዋንቱ ሀኖዋ ኡባ በአ ዋደ ሀራሳ ቢደ፡ ሄ ካታማን የሹዋን ሀኖዋ ኦይድኖ።

35 አይ ሀይደንቶ በእናው ከሲደ፡ አሳይ የሱሳኮ ዬድኖ። ኢታ አያናይ ከሴዳ ብታኒ፡ አ ዋዛናይ ሰምና ማዩዋ ማዬደ የሱሳ ገድያ ማታን ኡቶዋ በኢደ ያዬድኖ።

36 ኢታ አያናን ኦይቄዳ ብታኒ ዋት ፓዶደንቶ በኤዳ አሳይ፡ ሀራ አሳው ኦይድኖ።

37 ገርገሰኖና ጋድያንነ ሄ ሄራን ደእያ አሳይ ኡባይ ሳራ ያዬዳ ድራው፡ የሱስ ባረንቱ ማታጥ ባና ማላ ዋሴድኖ። እካ ዋንግርያን ገሊደ ቤዳ።

38 ኢታ አያናይ ከሴዳ ብታኒካ የሱሳና ባና ገደ፡ አ ዋሴዳ፤ ሽን የሱሰ፡

39 “ነ ጎሊ ሰማደ ጸሳይ ነው ኦሶ ዋልቃማባይ እየንቶ ማርካታ” ያግ የዴዳ።

ሀይቄዳ ናቶን ሳከትያ ምሽራቶ (ማቶሳ 9:18-26፤ ማር. 5:21-43)

40 የሱሰ ሰሜዳ ዋደ አሳይ ኡባይ ናግ ደእያ ድራው፡ አ ዋክ እኬድኖ።

41 ሄ ዋደ፡ አይሁደ አሳ ዋሳ ጎሊው ሱንላ ግዴዳ ያእርሳ ያገትያ ብታኒ አኮ ዬዳ። እካ የሱሳ ገድያ ሰንላን ኩንዲደ፡ ባረ ጎሊ ገላና ማላ ዋሴዳ።

42 ጋሱተሳይካ ታማነ ላኤ ላይላይ ኩሜዳ አው ደእያ እት ናታ ሀይቃናው ማታ ኡቶ ድራሳ።

የሱሰ ብያ ዋደ ጮራ አሳይ አ የሹዋን ሱገቲደ መቶሴድኖ።

43 ሄ አሳ ግደን ሄ ዋድያን ታማነ ላኤ ላይላ ኡባ ሱላይ ጎግያ ምሽራታ ደእው። ባረ ደእያ ሻሉዋ ኡባ ጳልያ ኤርያዋንቶ ወርሰናካ ፓላናው ደንዳዮዌ ኦንነ ባዋ።

44 ጉዮና ያደ አ ማዩዋ ማጫራ ቦቻዲ፤ ሄ ማንእያን ኢፕ ጎግያ ሱላይ ኤቄ አጌዳ።

45 የሱሰ፡ “ኦኔ ታና ቦቻዎ?” ያጌዳ። ኡባይ ካድና ጸጸርሰ፡ “ጎዳው፡ አሳይ ሱገቲደ መቶትያ ዋደ፡ ኦኔ ታና ቦቻዎ ያጋይ?” ጌዳ።

46 ሽን የሱሰ፡ “እት አሳይ ታና ቦቻዳ፤ ዋልቃይካ ታፕ ከሰዋ ታን ኤራይ” ያጌዳ።

47 ምሽራታካ፡ የሱሳ አዛ ቦቻዌ ኤረተናን እትቤናዋ ኤራደ፡ ኮኮራደ ዮና የሱሳ ሰንላን ኩንዳ አጋዲ። እያ ጋሱዋን የሱሳ ቦቻደንቶ አዛ ፓጾዋ ኡባ አሳ ሰንላን ኦዳዲ።

48 እካ እዘው፡ “ሀ ምሽራቲ! ነ አማኑ ኔና ፓሴዳ፤ ሳር ባ” ያጌዳ።

49 የሱሰ ሃሳይ ደእሸን፡ አይሁዳ አሳ አማንያዋንቱ ሱንላ ሶይፕ እት ብታኒ ዬዳዌ፡ “ነ ናታ ሀያዲ፤ ሰም ታማርሰያዋ መቶሳፕ” ያጌዳ።

50 የሱሰ ሀዋ ሰሲደ፡ “ያእርሳ፡ አማናፕ አትን፡ ያዮፕ! አዛ ፓጻናውኦ” ያግ ዛሬዳ።

51 ሶይ ገሊደ፡ ጸጸርሳፕ፡ ያቆባፕ፡ ዮሃንጎፕ፡ ናት አቡፕነ ናት ዳይፕ አትን፡ ኦንነ ገላናዳን ኤኖ ግቤና።

52 ኡባይ ሄ ናትው ዬኪደነ ካዮቲድ ደእኖ፡ ሽን የሱሰ፡ “ዬኮፕተ፡ ግሳዲፕ አትን ሀያቦይኩ” ያጌዳ።

53 አዛ ሀይቄዳዋ ኤሪደ አ ቦላ ሚጩድኖ።

54 ግደፕ አትን የሱሰ አዘ ኩሽያ ኦይቄደ፡ “ሀ ናቱ፡ ቤጎፕ!” ያጌዳ።

55 እዘ ሸምፑካ ሰምና ኤለካ ደንዳ ኤቄና ማናባ ሰማና ማላ፡ የሱሰ አዛዜዳ።

56 እዘ አቡነ እዘ ዳያ ማላላቲድኖ፤ ሽን የሱሰ ኢንቱንታ፡ ሀኖ የወዋ ኦስነ ኦድና ማላ አዛዜዳ።

9

የሱሰ ባረና ካልያ ታማነ ላኦቲዋ ከቲዳ (ማቶሳ 10:5-15፤ ማር. 6:7-13)

1 የሱሰ ታማነ ላኤ አ ካልያዋንታ እትፕ ባረኮ ዴሲደ፡ ጸላህያ ኡባ አሳፕ ከሳናውነ ሀርግያዋንታ ፓላና ማላ ዋልቃነ ማታ እሜዳ።

\* 8:30 ሉግዮና- ሀ ሰንላይ ግሪክ ጌተትያ ቃላፕ እከቲዳ። ሰንላ ብላላይ “ጮራ” ጉሳ።

2 ጸሓፊው ካወተላባ እዳናውን ሀርጋንቻቱዋ ፓላና ማላ ኢንቱንታ ከቱዳ።

3 እ ኢንቱንታ ከቱዳ፡ “ኦግያ ቢዳ፡ ጸዎአ ግድናካ፡ ወይ ቃርጨትያ፡ ወይ ቁማ፡ ወይ ሚሻ ግድናካ እያን እይቆጥተ፤ ለእነሌያ ማደቀካ እይቆጥተ።

4 ሀንተና አሳይ ሀቃን ሞኮጥነ፡ ሄዋጥ ከሳና ጋካናው፡ ሀንተንቱ ገሌዳ ጎልያን ጋሞአተ።

5 ሄ ካታማ አሳይ ሀንተና ሞከናን እጸጥ፡ ሄዋጥ ከሲዳ፡ ኢንቱንቱ ሀንተና ሞከናን እጸዎ ማርካ ግዳና ማላ፡ ሀንተንቱ ገድያጥ ሳና ሾጭ ድጊደ ቢተ” ያጌዳ።

6 እ ካልያዋንቱ ቢዳ፡ ቄር ካታማ ኡባን ሞሽራቸዋ ቃላ ኡዲደን ሀርጋንቻ ፓሊደ ዩዬድና።

ሄርድስ ኦሌዳባ (ማቶሳ 14:1-12፤ ማር. 6:14-29)

7 ሀእ ጋሊላ ቢታ ካትያ ሄርድስካ ሀኔዳ የወዋ ሰሲደ ያት ጌዳ። ጋሶተላይነካ እት እት አሳይ፡ “ዮሃንስ ሀይቁዋጥ ደንዴዳ” ያጌ።

8 ሀር አሳይ፡ “ኤላስ ከሲደ ቤቱዳ” ያግያ ወደ፡ ሀራንቱ ቃይ፡ “በን ናባቱዋጥ እቱ ሀይቁዋጥ ደንዴዳ” ያጌና።

9 ሄርድስካ፡ “ታን ዮሃንሳ ቆጵያ ቃንጽሳ ድጋድሽን፡ ሀዋዳን አሳይ ሃሳይያ ብታኒ ኤኔ?” ያጌዳ። የሱሳ በእናው ኮጫ።

የሱሳ እቺሹ ሻእ እሳ ሞዚደ ካልሴዳ (ማቶሳ 14:13-21፤ ማር. 6:30-44፤ ዮሃ. 6:1-14)

10 የሱሳ ከቶዋንቱ ሰሚደ፡ ኢንቱንቱ ኦሌዳዋ ኡባባ የሱሳው ኦዴድና። እካ ኢንቱንታ እኪደ፡ ቤተሳይዳ ያገትያ ካታማ ማታን ደእያ ታካሳ ቤዳ።

11 አሳይ እ ደእያሳ ኤሪደ ካልና፡ ኢንቱንታ ጥቁ ከሲደ ጸሓፊ ካወተላባ እዳዳ፤ ሀርጋያጥ ፓላና በሰያዋንታካ ፓሊደ።

12 ሳይሌ ኦማርስያ ወደ፡ የሱሳ ካልያ ታማነ ላእቱ እኮ ዩደ፡ “ሀ አሳይ ኡባይ ኑ የሹዋን ደእያ ሄራ ግደነ ቄር ካታማቱዋ ግደ ቢዳ፡ አቅያሳነ ቁማ ደማና ማላ ሞይዛ፤ እያው ጎጥ ኑን ሀዋን አሳይ ባይናሳን ደእቶ” ያጌድና።

13 ሽን የሱሳ ኢንቱንታ፡ “አሳው ማተትያባ ሀንተንቱ እምተ” ያጌዳ።

ኢንቱንቱ ዛሪደ፡ “እነ ቢዳ፡ ሀ ኡባ አሳው ቁማ ሻማናን ቆዮጥ ኑው እቺሹ ሰላጭጥነ ሳኡ ሞልያጥ ሀራይ ባዋ፤ ሄዋ ኑን ሀ ጮራ አሳው ቁማ ሻማና ማላ ኮያይ?” ያጌድና።

14 (ጋሱካ፡ ሄዋን ደእያ አሳይ እቺሹ ሻእ ከና።)\*

የሱሳ ባረና ካልያዋንታ፡ “እሻታሙ እሻታሙ እሳ ጭታን ጭታን ሻክ ሻክ ኡትሰተ” ያጌዳ።

15 ኢንቱንቱካ እ ጎዋዳን ኡባ አሳካ ኡትሴድና።

16 የሱሳካ እቺሹ ሰላጭን ላኡ ሞልያ አይቁደ፡ ፑደ ሳላጭ በንጎት ጸሊደ ጸሓ ጋላቲዳ፤ ዲሊደ፡ አሳው ግሻና ማላ እ ካልያዋንቶ እሚዳ።

17 አሳይ ኡባይካ ሚደ ካሌድና። ኢንቱንቱጥ እቱዳ ደካ፡ ታማነ ላኡ ሳምፓ ኩሚዳዋ ደንዴድና።

ጸጽርስ የሱሳባ አዋዬዳ (ማቶሳ 16:13-19፤ ማር. 8:27-29)

18 እት ጋላስ የሱሳ ባረካ ዋሰያ ወደ፡ እ ካልያዋንቱካ እናና እትጥ ደእሸን፡ “አሳይ ታና ኦና ገና?” ጊደ ኢንቱንታ ኦቼዳ።

19 ኢንቱንቱ ዛሪደ፡ “አሳይ ኔና ጸማቅያ ዮሃንሳ ያጌ፤ ሀራ አሳይ ቃይ ኤላሳ ተ ያጌ፤ ሀራይ ቃይ በን ናባቱዋጥ እቱ ደንዴዳ ያጌ” ያጌድና።

20 የሱሳ ኢንቱንታ፡ “ሀንተሽ፡ ታና ኦና ጌቱ?” ያጌዳ።

ጸጽርስካ ዛሪደ፡ “ኔን ጸሳይ እኩዳ ክርስቶሳ” ያጌዳ።

የሱሳ ካልያዋንቱ ሀናናው በሰያባ (ማቶሳ 10:38-39፤ 16:24-26፤ ማር. 8:34-38፤ ሉቃስ 14:26-27)

21 የሱሳካ ኢንቱንታ፡ “ሀዋ ኦሰነ ኦድጥተ” ያግ ሞንስ አዛዚደ።

22 “ታን፡ እሳ ናእይ፡ ዳር መቱዋ እካናው በሴ፤ ጭማቱዋን፡ ቄሳቱዋ ካፓቱዋንገ መሴ ሀግያ ታማርስያዋንቱን እጸታናው ኮሼ፤ ኢንቱንቱ ታና ዋቆናዋንታ፤ ታንካ ሄዘንሉ ጋላስ ሀይቁዋጥ ደንዳናው በሴ” ያጌዳ።

23 የሱሳካ አሳ ኡባ፡ “ታና ካልናው ደሰያዌ ደኦጥ፡ ባረ ሁጲያ ካይ፤ ባረ ማሰቃልያ ቶጋሳን ጋላሳን ቶኪደ ታና ካሎ።

24 ባረ ሽምቱዋ እሻናው ደሰያዌ ኡባይ ባይዜ፤ ሽን ታ ድራው ባረ ሽምቱዋ ባይዘያዌ ኡባይ እሹ።

25 እት ኡራይ ሀ አላምያባ ኡባ እሹደ ባረ ሽምቱዋ ባይዘጥ ወይ ባረው ፓጭሶጥ፡ እያ ማዲ?

26 አሳይ ታናንገ ታ ቃላን ዩላቶጥ፡ ታን አሳ ናእይ፡ ታ ቦንቼዋናን ገሻ ኪታንቻቱዋ ቦንቼዋና ይያ ወደ እን ዩላታናዋ።

27 ታን ሀንተንቶ ቱሙዋ ያጋይ፤ ሀዋን ደእያ አሳጥ፡ ጸሓ ካወተላ በእና ጋካናው ሀይቁዋ ሀይቁናዋንቱ እቱ እቱ ደእኖ” ያጌዳ።

9:3 ሉቃስ 10:4-11 \* 9:14 እቺሹ ሻእ፡ እሰራኤልያ ዋጋን ማጫዋነ ቄር ናናይ ፓይደተና ድራው፡ እቺሹ ሻእ ጉሳይ ማጫዋነ ቄር ናና ፓይደናን ኩሚዳዋ። ሀ ፓይዳ ደእያ ኮይር ማራይ በን ማጻጻ አቱዋ እቱዋን ባዋ። † 9:19 ኤላሳ፡ ሀ ናባ እ ሀይቆደጥ ዳር ዋደጥ ጉዮ፡ የሱሳ ክርስቶስ ቢታ ቦላን ታማርሲደ ደርያ ቦላ ዋሳው ከሲደ ላሙት ቦጼዳዋጥ ጉዮ ባጋን እናናን ሙሴና ሃሳዬዳ። ሄዋ ጉሳይ ሀይቁ ሰሚደ ዳር ጮራ ዋድያጥ ጉዮ ፓጻ ቆንጮዳ ጉሳ። 9:19 ማቶሳ 14:1፤ 2፤ ማር. 6:14፤ 15፤ ሉቃስ 9:7፤ 8 9:20 ዮሃ. 6:68፤ 69 9:23 ማቶሳ 10:38፤ ሉቃስ 14:27 ‡ 9:23 ማሰቃልያ፡ ሀዋ ጉሳይ፡ እት አሳይ ባረ ላይላ ኡባን ጸሓ ካሊደ ሻከተናን ቶካናው በሰያ መቱዋነ ዋይያ።

የሱሳ ማላይ ላመቲዳ (ማቶሳ 17:1-8፤ ማር. 9:2-8)

28 የሱስ ሀዋ ጎጥ ጉይያን፣ እት ሳምንታ ከና ጋምኢድ፣ ጳጳርሳነ ዮሃንሳ፣ ያቆባካ አኪድ፣ ዋሳናው ደርያ ሁጺያ ከሴዳ።

29 አ ሞሰሽን፣ እ ደሙዋ ማላይ ላመቲዳ፤ አ ማዩካ ቦጺደ ጳልቁዳ።

30 ቆጥናን ላኡ አሳቱ፣ ሙሴን ኤላሰ ከሰ ቤቲደ፣ የሱሳና ሃሳይ ደኢኖ።

31 ኢንቲንቱ ቦንቹዋን ቆንጭ ቤቲደ፣ የሱስ ጸሳ ቆፋ ፖላናው የሩሳላመን ሀይቃናዋ ስ አናና ሃሳዬድኖ።

32 ጳጳርሳነ አናና እትጥ ደእያዋንታ ገምእሹ ነርዬዳሽን፣ ኤላካ ቤጎቲደ አ ቦንቹዋን አናና ጋሉ ኤቁዳ ላኡ አሳቱዋ በኢድኖ።

33 ሄ ላኡ አሳቱ፣ የሱሳ ምይያጥ ሻከትያ ዋደ፣ ጳጳርሰ የሱሳ፣ “ጎዳው፣ ሀዋን ደእያዋ ኑው ሎኦ ግድያ ድራው፣ ሄዙ ዳሰያ እቱዋ ነው፣ እቱዋ ሙሴው፣ እቱዋ ኤላሳው ኬጻና” ያጌዳ።

34 ጳጳርሰ ሄዋ ሃሳይ ደእሸን፣ ሻሪ ዪደ ኢንቲንታ ካም አግና የሱሳ ካልያዋንቱ ያዬድኖ።

35 ሻርያጥካ፣ “ታን ደሬዳ ታ ናኦይ ሀዋ፤ አ ግያዋ ሰሰተ” ያግያ ቃላይ ዬዳ።

36 ቃላይ ሰሰቶጥ ጉይያን፣ የሱስ ባረ ጸላላ ግዲደ ቤቱዳ፤ ኢንቲንቲካ የወዋ ባረንቱ ዋዛናን ኦይቁደ ሄ ዋድያን ኦንነካ ኢያን ኦድቤና።

የሱስ ኢታ እያናን ኦይቀቲዳ ላኡ አሳቱዋ ፓሌዳ

(ማቶሳ 17:14-18፤ ማር. 9:14-27)

37 ዋንተፋ ጋላሰ፣ የሱስነ ሄዙ አ ካልያዋንቱ ደርያጥ ዲገ ዋድያ ዋደ፣ ጮራ አሳይ የሱሳና ገከቲዳ።

38 ሄ ዋደ አሳጥ እት ብታኒ ባረ ኮሻ ጶቁ ኦሌዳ፣ “ታማርሰያዎ፣ ታወ ደእያዋ እት ናኦ ግደ ድራው፣ ኔን አ በእና ማላ ኔና ዋሳይ፤

39 ቃይ ኢታ እያናይ ዋዛና አ□ናን ደንዲደ አ ዋሰሴ፤ ደናና ፓርያና ጋካናው አ ኮርሲደ፣ ኡባ ጋላሰ ሙቶሰያዋጥ አትን፣ አ ኤላ የደና።

40 ኔና ካልያዋንቱ ሄ ኢታ እያና ከሳና ማላ፣ ታን ኢንቲንታ ዋሳድ፤ ሸን ደንዳይበይክኖ” ያጌዳ።

41 የሱስ ዛሪደ ኢንቲንታ፣ “አማና ሀ ዋድያ ደሻ አሳው፣ ታን ሀንተናና አወደ ጋካናው ደእኔ? ቃይ ሀንተንቲባ አወደ ጋካናው ዳንዳያኔ? ነ ናኦ ሃ አካያ” ያጌዳ።

42 ናኦይ ዪደ ደእሸን፣ ኢታ እያናይ አ ሳኦን ኦሊደ ኮርሲዳ፤ የሱስ ኢታ እያና አጋ ግ ናኦ ፓሌደ አ አሶ ዛሪደ እሜዳ።

43 አሳይ ኡባይካ ጸሳ ዋልቃማ ዋልቃጥ ደንደዋን ማላለቲድኖ።

የሱስ ባረ ሀይቁዋባ ላኢንሱዋ ኦዴዳ (ማቶሳ 17:22-23፤ ማር. 9:30-32)

44 “ታና አሳ ናኦ፣ አሳይ አሳ ኩሽያን አሌደ እማናዋ፤ ሀንተንቱ ሀ የወዋ ደጎጥተ” ያጌዳ።

45 ሸን እ ግያዋ ኢንቲንቱ እኩክበይክኖ። ኢንቲንቶ ገላና ማላ ኢንቲንቱጥ ጌሜዳ ድራው፣ ሀ የወዋ የሱሳ አቻናው ያዬድኖ።

ኡባጥ አድያዎ ኦኔሻ? ያግያ ኦሻ (ማቶሳ 18:1-5፤ ማር. 9:33-37)

46 አ ካልያዋንቱ፣ “ኑ ግደጥ ደርያዎ ኦኔ?” ያጌደ ፓሌመቲድኖ።

47 የሱስ ኢንቲንቱ ዋዛና ቆፋ ኤሪደ፣ ጉላ ናኦ አሂደ፣ ባረ ማታን ኤሲደ፤

48 “ሀ ጉላ ናኦ ታ ሱንሳን ሞክያዎ ኦንነ ታና ሞኬዳ፤ ቃይ ታና ሞክያ ኡባይ፣ ታና ከቲዳ ታ አባ ሞኬ። ሀንተንቱ ኡባጥ ጉጽያዎ ኡባጥ ዳራ” ያጌዳ።

ሀንተንቱ ግያዋ ጳልቀና ኡራይ ሀንተንቱ ባጋ (ማር. 9:38-40)

49 ዮሃንሰካ ዛሪደ፣ “ጎዳው፣ እት አሳይ ነ ሱንሳን ኢታ እያናቱዋ ከሰያዋ ኦን በኢደ፣ ኑ ባጋ ግደና ድራው፣ አ ድጌደ” ያጌዳ።

50 ሸን የሱስ አ፣ “ሀንተንቱ ግያዋ ጳልቀናዎ ሀንተንቱ ባጋ ግድያ ድራው፣ አ ድጎጥተ” ያጌዳ።

ሳማርያ ካታማ አሳቱ የሱሳ ሞካናው ኮይበይክኖ

51 የሱስ ሳሉዋ ብያ ዋዲ ማትና፣ ባረ ዋዛና ቆፋ የሩሳላመኮ ዛሪዳ።

52 ባረጥ ሰንሳው ኡባ የወዋ ገግሳና ማላ፣ ከተትያ አሳ ሳማርያ ካታማ ከቲዳ።

53 ሸን እ የሩሳላመ ባናው ደንደዳ ድራው፣ አሳይ አ ሞክበይክኖ።

54 አ ካልያዋንቱ ያቆብነ ዮሃንሰ ሄዋ በኢደ፣ “ጎዳው፣ ኦን ኤላሰ አላዋዳን፣\* ታማይ ሳሉዋጥ ዪደ ኢንቲንታ ማናዳን ጸሳና ማላ ኮያይ?” ያጌድኖ።

55 ሸን የሱስ ጉዮ ሰሚደ፣ ኢንቲንታ ሴራዳ፣ †

56 “ታን፣ አሳ ናኦይ፣ አሳ ሸምጥዋ አሻናው ዮጥጥ አትን፣ ባይዛናው ያበይከ” ያጌዳ። ኢንቲንቱ ሀራሳን ደእያ ቄር ካታማ ቤድኖ።

የሱሳ ካልያዋንታ ጋክያ ፓጭያ (ማቶሳ 8:19-22)

57 ኢንቲንቱ ኦግያና ቢሸን፣ እት ብታኒ የሱሳ፣ “ጎዳው፣ ኔን ብያሳ ኡባ ታን ኔና ካላና” ያጌዳ።

9:28 2 ጸጽ. 1:17፣ 18 ስ 9:31 ሀይቃናዎ- ግሪክ ማጻፋ ቆፋን ሀዋ ጉሳይ፣ “የሱስ ሳሉዋ ብያዎ”፤ ሀዋ ቃይ አ ሀይቁዋጥ ደንደያዋን ያቲደ ሳሉዋ ብያዋ ኡባ ሸሽ እይቁዳ ቆፋ። 9:46 ሉቃስ 22:24 \* 9:54 ኤላሰ አላዋዳን፣ እት እት ገሻ ማጻፋ ብላላን፣ “ሀ አሳ ወርሳናው” ያጌ። † 9:55 ኢንቲንታ ሴራዳ- እት እት ገሻ ማጻፋን ደእያ ብላላይ፣ “ኔን እይ ማላ እያንቶ፣ ኔና ኤርከ? አሳ ናኦይ አሳ ሸምጥዋ አሻናው ዬዳጥ አትን፣ ባይዛናው ይሴና” ያጌ።

58 የሱስ አ፡ “ዋራካናቶ ኦላይ፡ ሳሉዋ ካፋቶካ ጎሊ ደኤ፤ ሽን ታጎ፡ አሳ ናአይ፡ ገላ ሸምፓ እክያ ሳአይ ታዉ ባዋ” ያጌዳ።

59 የሱስ ሀራ ኡራ፡ “ታና ካላ” ያጌዳ። ሸን፡ ብታኒ፡ “ጎዳዉ፡ ታን ካሰያን ባደ ታ አባ ሞጋና” ያጌዳ።

60 የሱስ፡ “ሀይቆዋንታ ባረንቱ ሀይቆዋንቱ ሞግና፤ ኔን ባደ፡ ጸሳ ካዉተላባ ኦዳ” ያጌዳ።

61 ቃይ ሀራ ብታኒ፡ “ጎዳዉ፡ ታን ኔና ካላና፤ ሸን ኮይሩዋን ታ ሶይ አሳ ባደ ሳርታና” ያጌዳ።

62 ሸን የሱስ አ፡ “ቦራ ጎሻናዉ ደሞዌ ኦን ጉዮ ጴሎፕ ጸሳ ካዉተላዉ በሰና” ያጌዳ።

### 10

ሞሽራቹዋ ቃላዉ ከተቴዳ አሳቱዋ

1 ሀዋጥ ካላ ጎዳይ ሀራ ላፑን ታው \* አሳ ሱንሊደ ላእዋ ሳእዋ ኦሊደ እ ባናዉ ደእያ ካታማ ኡባ ከቴዳ።

2 የሱስ ኡንቱንታ፡

“ቆይቻዉ ጋኬዳ ካላይ ዳራ፤ ከተትያ አሳይ ጉላ፡ ሰም ቆይጨትያ ካላ ጎዳይ፡ ቆይቻዉ ከተትያዋንታ የዳና ማላ ሞሰተ።

3 ታን ደርሳቱዋዳን ዋላቱዋ ግደ ህንተና ከታይ፡ ቢተ።

4 ህንተንቱ ኦገዉ እያን እይቆፕተ፡ ቦርሳ፡ ቃርጨትያ፡ ጫማ፡ ግድናካ እይቆፕተ፤ አሳና ሳርተቲደ ኦግያን ዋድያ ወርሶፕተ። †

5 “ህንተንቱ ገልያ ጎሊ ኡባ ካሰያን፡ ሳርተላይ ሀ ጎሊዉ ግደ” ያግተ።

6 ሄ ጎልያን ሳርተላ ደሰያ አሳይ ደአፕ፡ ህንተንቱ ሳርታይ ሄ ጎልያን አቃናዋ፤ ኮየናዋ ግደፕ፡ ህንተንቱ ሳርታይ ህንተንቶ ሰማናዋ።

7 ሄ ጎልያን ኡንቱንቶ ደእያዋፕ ሚድነ ኡሺደ ደእሸተ፤ ኦሳንቻዉ አ ድርጉዋ ጫጋይ ኮሽ፤ እት ጎልያፕ ሀራ ጎልያ ዮዮፕተ።

8 “አይ ካታማን ህንተንቱ ገልያ ዋድ፡ አሳይ ህንተና ሞክ አኪደ ሞዛናዉ ሺሾዋ እያን ሚተ።

9 ሄ ካታማትን ደእያ ሀርጋንቻቱዋ ፓሊደ አሳዉ፡ ጳሳ ካዉተላይ ህንተኮ ማቴዳ። ያጌደ ኦድተ።

10 የዉዋን ቃይ እይ ካታማን ገሎይ፡ አሳይ ህንተንታ ሞክ እከናዋንታ ግደፕ ሄ ካታማ ቃቋክኮ ከሰኔ፡

11 ፉን ህንተና ዬላያናዉ፡ ሀራይ አቶ ኑ ገድያ ቦላን ደእያ ህንተንቱ ካታማ

ባናካ ህንተንቶ ቆቆፊቶ ስ፤ የዉዋን ቃይ፡ ጳሳ ካዉተላይ ህንተንቱኮ ማቴዳዋ ኤርተን ያግተ።

12 ፕርዳ ጋላሰ ሀ ካታማትፕ ሶደማ ካታማ ጋኬዳ ሙራይ ካዉሻናዋ ያጋደ ታን ህንተዉ ኦዳይ።

አማናን እጹዳ ካታማቱዋ (ማቶሳ 11:20-24)

13 “አየ ነዉ ኮራዚነ፤ አየ ነዉ ቤተሳይደ፤ ህንተንቱን ሀኔዳ ማላታቱ ጸርሳ ካታማንን ሲደና ካታማን ሀኔደንቶ፡ ሄዋን ደእያ አሳቱ ካዩዋ ማዩዋ ማዩደ፡ ብድንሳ ቦላን ኡቴደ፡ በንፕ ባረንቱ ናጋራ ሰማናዋንታሸን።

14 ሀዋ ድራዉ፡ ሙራይ፡ ሙራይ፡ ጋላሰ ህንተንቱፕ እሊደ ጸርሳ ካታማዉን ሲደና ካታማዉ ሙራይ ካዉሻናዋ።

15 ሀን ቅፍርናሆመ፡ ኔን ሳሉዋ ፑደ ቶቁ ጋናዉ ኮያድ? ዲገ ሰኦልያ ዋቆናሳ።

16 “ህንተንቱ ግያዋ ሰሰያ አሳይ፡ ታን ግያዋ ሰሰ፤ ህንተንታ እጽያ ኡራይ ታና እጹ፤ ታና እጽያ ኡራይ ታና ከቴዳዋካ እጹ” ያጌዳ።

እ ካልያዋንቱ ከተቴዳሳፕ ሰማድና 17 ላፑን ታው አሳቱካ፡ “ጎዳዉ፡ ኢታ እያናቱካ ነ ሱንላን ኑዉ አዛዘቴድና” ያጌደ ናሸቻን ሰማድና።

18 የሱስካ ኡንቱንቶ፡ “ሴጻናይ ዋልቃንላዳን ሳሉዋፕ ዋድሸን በእድ።

19 ሰም ሸሻን ሶጉዋ የቆናዳን ህንተንቱ ሞርክያ ጸላህያ ዋልቃ ጻናና ማላ ማታ እማድ። ህንተንታ ቆሀናዌ አይኔካ ደኤና።

20 ግደፕ አትን ህንተንቱ ሱንላይ ሳሉዋ ማዘገብያን ጸፊቶ ድራዉ፡ ናሸትተፕ አትን ኢታ እያናቱ አዛዘቶ ድራዉ ናሸቶፕተ” ያጌዳ።

የሱስ ባረ ናሸቻ ቆንጭሴዳ (ማቶሳ 11:25-27፤ 16:13-17)

21 ሄ ዋድያን የሱስ እያና ጌሻን ዳር ናሸቲደ፡ “ሳሉዋን ሳአ ጎዳዉ፡ ኔን ሀ የዉዋ ታማርዋንቱፕ እጹ ኤራንቻቱዋፕ ገንላደ፡ ቁር ናናዉ ቆንጭሶ ድራዉ፡ ኔና ጋላታይ፤ ኤ፡ ታ አቦ፡ እያዉ ጎፕ፡ ሀዋ ኦላናዉ ነ ሎኦ ሸን ግዴዳ።

22 “ኡባ የዉ ታዉ ታ አቡፕ እመቴዳ። ናአይ ኦንቶ አዉዋፕ አትሸን ኦን ኤርያዌ ባዋ፤ ሄዋዳንካ እዉ ኦንቶ ናአፕን እ ቆንጭሳናዉ ኮዮ ኡራፕ አትን፡ ሀራይ ኦን ኤርያዌ ባዋ” ያጌዳ።

9:61 1 ካታ. 19:20 \* 10:1 ላፑን ታው- እት እት ጌሻ ማጻፋ ብላላን፡ “ላፑን ታማን ላእ”። አይሁዳ ዋጋን ቢታ ቦላን ደእያ አሳ ዘርላይ ላፑን ታው። ሸን ካሰ ኤጫ ግሪክ ማጻፋ ብላላን ደእያዋ፡ “ላፑን ታማን ላእ”። ኦን ኤር የሱስ ባረ ቃላ አላምያ የሸዋን ጋላናዉ ሀ ፓይዳዋና ቃራ አሳ ሱንሊደ ከተናን እገና ያግያ ቆላይ ደኤ። 10:2 ማቶሳ 9:37፤ 38 10:3 ማቶሳ 10:16 † 10:4 አሳና ሳርተቲደ ኦግያን ዋድያ ወርሶፕተ- ሄ ጋላሳን ጋራተላን ክልያ ሳርታይ ዋድያ ሎይላ ምያ ድራዉ፡ ሀዋ ሃሳየቲዳ። 10:4 ማቶሳ 10:7-14፤ ማር. 6:8-11፤ ሉቃስ 9:3-5 10:7 1 ቆር. 9:14፤ 1 ጳዎ. 5:18 ‡ 10:9 ጸሳ ካዉተላይ ህንተኮ ማቴዳ- ሀዋ ጉሳይ፡ “ጳሳ ካዉተላይ ሀዋን ዋይ ህንተንቱ ግደን ደኤ” ጉሳ። § 10:11 ባናካ ህንተንቶ ቆቆፊቶ- ሀዋ ጉሳይ፡ እጸዋ በሰያዋ። 10:11 ከታ 13:51 10:12 ደመላ 19:24-28፤ ማቶሳ 10:15፤ 11:24 10:15 አሳ. 14:13-15 10:16 ማቶሳ 10:40፤ ማር. 9:37፤ ሉቃስ 9:48፤ ዮሃ. 13:20

23 ካሊደካ የሱስ ባረና ካልያዋንቱኮ ሰም ዋዲድ፡ እንቱንቱ ጸላላ፡ “ሀንተንቱ በእያዋ ጸልያ አይፋቱ እንጀቱዳዋንታ።

24 ታ ሀንተው ኦድያዌ አይ ጎጥ፡ ጮራ ናባቱክ ካታቱ ሀንተንቱ በእያዋ በእናወ አሞቱድኖሽን በእባይክኖ፤ ሀንተንቱ ሰሰያዋካ ሰሰናወ አሞቱድኖ፤ ሽን ሰሰባይክኖ” ያጌዳ።

አሳወ ቃረትያ ሳማርያ ብታንያ

25 እት ጋላስ ሀግያ ኤርያዌ እቱ የሱሳ ፓጫናወ እኮ ዪደ፡ “ታማርሰያዎ፡ መድኛ ደኢዋ ላታናወ፡ ታን እያ አሉ?” ያግ ኦቼዳ።

26 የሱስ ዛሪደ፡ “ሙሴ ሀግያ ማጻፋን ጻፈቶዌ አይ? ኔን እያ ጋደ ብላይ?” ያጌዳ።

27 ብታኒካ፡ “ሙሴ ሀግያ ማጻፋይ፡ ጸሳ ነ ጎዳ ፖሎ ነ ዋዛና፡ ፖሎ ነ ሽሞጥ፡ ፖሎ ነ ዋልቃ፡ ፖሎ ነ ቆፋፕ ሲቃ፤ ሄዋዳንካ ነ ላገላካ ነ ሁጲያዳን ደሳ ጌ” ያጌዳ።

28 የሱስ አ፡ “ልክ፡ ቱሙዋ ጋዳ፤ ሰም ኔንካ ሀዋ ኦሳ፤ ደኢዋን ደአናሳ” ያጌዳ።

29 ሙሴ ሀግያ ታማርሰያ ብታኒ ቃይ ባረና ጸሎ ኦሳናወ ኮዪዳ የሱሳ፡ “ሀኖሽን፡ ታ ላገላይ ኦኔ?” ያጌደ ኦቼዳ።

30 የሱስ ዛሪደ፡ “እት ብታኒ የሩሳላመፕ እያርኮ ቢደ ደአሽን፡ ኦግያ ቦላን ፓናቱ አ ደሚደ፡ አ ማዩዋ ቃርዋፕ ጉየ ሾጪደ፡ ሀይቃናወ ፖሎ ጎደ ኦሊደ ቤድኖ።

31 ቆፕናን እት ቁሳይ ሄ ኦግያና ብደእያዌ፡ ሾጪቲደ ኩንዴዳ ብታንያ በኤዳ ዋደ፡ እያነ ኦፍን ምይያና አዲደ ቤዳ።

32 ሄዋዳንካ እት ሊዌ ሄ ኦግያና ብደኤ። እካ ብታንያ በኢደ፡ ምየት አዲዳ።

33 ሽን ሳማርያ አሳ ግዴዳ እት ብታኒ፡ ሄ ባገና አዲደ፡ ሀ ብታንያኮ ዬዳ። አ በኤዳ ዋደ አወ ቃረቱዳ።

34 አኮካ ሸቀደ፡ ዛይትያን ዋይንያ ኤሳ \* አ ማይላን ትጊደ፡ ቃቼዳ። ሄዋፕ ጉየ ባረ ሀርያ ቶግሲደ፡ እማላይ አቅያ ጎልያ እክ ቤዳ፤ ሄዋን ብሳዪደ ናጌዳ።

35 ዋንተላ ጋላስ ጉላ ብራ ባረ ኪሰያፕ ከሲደ፡ እማላይ አቅያ ጎልያ ጎዳወ እማደ፡ ሀ ብታንያ ታወ ሎይላ ብሳዳ፤ ሀዋፕ ዳሩዋ ኔን ከሰፕካ፡ ታን ሰምያ ዋደ ነወ ጭጋና ያጌዳ።

36 “ሰም ሀ ሄዙ አሳቱዋ፡ ፓናቱዋ ኩሽያን ሾጪቲደ ኩንዴዳ ብታንወ፡ ላገ ግዴዳዌ ሀቃዋ ማላቲ?” ያጌዳ።

37 ሀግያ ታማርሰያዌካ፡ “ሄ አወ ቃረቶዎ” ያጌዳ።

የሱስካ አ፡ “ሰም ባደ ኔንካ ሄዋዳን ኦላ” ያጌዳ።

የሱስ ማርትን ማይራም ሶይ ቤዳ

38 የሱስ ባረና ካልያዋንቱና ኦግያ ቢደ፡ እት ሄራ ጋርሳ ጋኬዳ። ሄዋን ማርቶ ጌትትያ እት ሞሽሬታ ባረ ጎሊን ዋካዲ።

39 እዝወካ ማይራም ጌትትያ ሞቻታ ደአወ፤ ሄናካ የሱሳ ገድያ ማታን ኤታደ፡ አ ኦድያዋ ሀይዛደ ደአወ።

40 ማርታ ቃይ ሶይባ ገግሳደ ዳቡራ ደአወ፤ ሄዋ ድራወ የሱሳኮ ሸቃደ፡ “ሀር ታ ሞቻታ፡ ኪታ ኤባ ታ ቦላ ኦልና፡ ታን ታረካ ላባኖደ ጸላደ ጮኦ ጋይ? ሀያና ታና ማዳናዳን እዝወ ኦዳ” ያጌዳ።

41 የሱስካ ዛሪደ እዙ፡ “ማርቲ፡ ማርቲ፡ ኔን ጮራ የወዋ ቆፓደ ሀርጋ፤ ቃይካ መቶታ።

42 ሽን ኮሽያዌ እትባ፤ ማይራማ ባረፕ ኦንክ አከና ሎኦባ ደራዲ” ያጌዳ።

# 11

የሱስ ዋሳባ ታማርሲዳ (ማቶሳ 6:9-13፤ 7:7-11)

1 እት ጋላስ የሱስ እትሳን ዋሳ ዋስ ደኤ። ዋሳ ወርሶዋፕ ጉየ አ ካልያዋንቱፕ እቱ፡ “ሳዳወ፤ የሃንሰ ባረና ካልያዋንታ ዋሳ ታማርሶዋዳን፡ ኦናካ ኔን ዋግ ዋሳንንቶ ታማርሳ” ያጌዳ።

2 እካ እንቱንታ፡ “ጸሳ ዋሲደ ያግ ዋስተ፡ “ሳሉዋን ደእያ ኑ አቦ፡

ነ ሱንላይ እንጀቶ፤ ነ ካወተላይ ዮ፤ ነ ሽኒ ሳሉዋን ሀኖዋዳን ሳንካ ሀኖ፤

3 ጋላሳን ጋላሳን ኮሽያ ቁማ፡

ነወ ሀቼ እማ፤

4 ኑን ኦና ናቁዳዋንቱዋ፡

አባ አቶ ጎዋዳን፡

ኔንካ ኑ ናቁዋ አቶ ያጋ፤

ኦና ኢታፕ ናጋፕ እትን፡

ፓጭያን ገልሶፕ

ያግተ” ያጌዳ።

5 ቃይካ የሱስ ባረና ካልያዋንታ፡ “ሀንተንቱፕ እቶ ሲቆ ላጊ ደእንቶ ግደ ብላህያን እኮ ዪደ፡ ታ ሲቆ ላገወ፡ ታወ ሄዙ ሶሉዋ ታልእ፤

6 እያወ ጎፕ፡ እት ታ ላገላይ ዪና አ ሞዝያዋ ጳያድ፡ ያግ ዋሲደ ጎይተ።

7 ባረ ጎሊን ደእያ አ ሲቆ ላጊ ሶይፕ ሃሳዪደ፡ ታና መቶሳፕ፤ ፕንጊ ቃሸቲዳ፤ ታናይካ ታና ግሴድኖ፤ ሄዋ ድራወ ታን ደንዳደ ነወ እይን እማናወ ዳንዳይከ፡ ጋናዌ?

8 ታን ሀንተንቶ ኦድያዌ አይ ጎፕ፡ አ አወ ሲቆ ላገፕ ግደ ድራወ፡ እመንንቶኔካ ኦንኤሶ ድራወ አ ኮይያዋ ኤባ እማ።

9 ሀዋ ድራወ፡ ዋስተ፡ ሀንተንቶካ እመታናዎ፤ ኮይተ፡ ደማንታ፤ ካርያ ዪደ ዴሰተ፡ ሀንተንቶ ደየታናዋ ያጋይ።

10 ጋሱካ፡ ዋሰያ ኡባይ እካናዎ፤ ኮይያ ኡራይካ ደማናዎ፤ ካርያ ዪደ ዴሰያ ኡራወ፡ ፕንጊ ደየታናዎ።

10:27 ዋጋ 19:18፤ ዛረ. 6:5 10:33 2 ኦዳዋ 28:15 \* 10:34 ዛይትያን ዋይንያ ኤሳ- ኦራላ ጫቁዋ ዋድያን ሀዋንቱ ጳልያዋንታ ጌተቲደ አከቲኖ። ኤባ ሀዋን ጸፈቲዳ ዛይቲ፡ ኦራላ ጳልያ ማላታ ጌተቲ። ያይ። 5:14 ጸልተ። 10:38 የሃ. 11:1

11 “ህንተንቱ ግደጥ ባረ ናለው፤ ሞልያ ዋሰና ሾሻ፤ ቁማ እማ ገና ሹቻ እምያ አው ደኢ?

12 ወይ ቁቁልያ ዋሰና ሱጉዋ እምዬ?

13 ህንተንቱ ኢታ ግድ ደኢደ ህንተንቱ ናናው ሎኦባ እምያ ኤርፕ፤ ያትና ሳሉዋን ደኢያ ህንተንቱ አው ባረና ዋሰናዋንቱ እያና ገሻ ዋት ዳርሲደ እማንዳሻ?” ያጌዳ።

የሱሳን ብኤል-ዘቡላ (ማቶሳ 12:22-30፤ ማር. 3:20-27)

14 እት ጋላስ የሱስ እት ብታንያጥ ዲድሰያ እያና ከሶዋጥ ጉዩ ዲደ ብታኒ ሃሳያ ደምና፤ አሳይ ማለላቲዳ።

15 ሽን ኡንቱንቱጥ እቱ እቱ፤ “ጋሌናቱዋ ካፑዋ ብኤል-ዘቡላ አው ዋልቃ እምና ጋሌናቱዋ ከሴ” ያጌድና።

16 እቱ እቱ ቃይ የሱሳ ፓጫናው ሳሉዋጥ ማለታ በሳናዳን አፕ ኮዬድና።

17 ሽን የሱሳካ ኡንቱንቱ ቆፋ ኤሪደ ኡንቱንታ ሀዋ ያጌዳ። “ባረ ግደን ሻከትያ ካወተሳይ ኡባይ ቆያናዋ፤ ሻከትያ ጎሊካ ከንደ።

18 ያትና ሴጻና ካወተሳይ ባረ ግደን ሻከቶጥ እ ካወተሳይ ዋት ኤቃናዋ? ህንተንቱ ታና፤ ጻላህያ ካፑዋ ብኤል-ዘቡላ ነው ዋልቃ እምና ከሳን ያግ ሃሳዪታ።

19 ሰም ታን ብኤል-ዘቡላ ዋልቃን ጋሌናቱዋ ከሰያዋ ግደጥ ህንተንቱ ናናይ ኦ ዋልቃን ከሳናዋንቱ? ሀዋ ግድያ ድራው፤ ኡንቱንቱ ህንተንቱ ቦላን ፕርድያዋንታ ግዳናዋንታ።

20 ሽን ታን ጋሌናቱዋ ከሰያዋ ግደጥ ሰም ጸሳ ካወተሳይ ህንተንቱኮ ዬዳዋ ኤርተ።

21 “ዋልቃማ አሳይ በሰያዋዳን ምኒደ ባረ ጎልያ ናሳ፤ እ ሻሎ ሎይል ናገታናዋ።

22 የወዋን ቃይ አፕ ምኑዋ ዳርያዋ ዪደ እ ቆሆፕን ጸናፕ እ እማንቲዳ ቶራኒ ጎንዳልያ አፕ ዋል እኪደ፤ አው ደኢያ ሚሻ ግሸት እኬ።

23 “ታ ባጋ ግደናዋ ታናና ኤቀቴ፤ ታናና ሺሽ በናዌካ ላሌ።

ቱና እያናይ ካሰ የግ ቤዳ አሳኮ ሰሚደ ይያ ጋሱዋ

(ማቶሳ 12:43-45)

24 “ቱና እያናይ አሳፕ ከሴዳ ዋደ፤ ባረው ሸምፕያ ሳ ኮዪደ፤ ሃሳይ ባንታሳና እቱ ቤ። ሸምፕያ ሳ ደመናን አቶፕ፤ ታን ካሰ የጋ ከሴዳ ታ ጎልያ ሰማና ያጌ፤

25 ሰምያ ዋደካ ጎሊ ፕተቲደ ገሳዋ ደሚ።

26 ሄዋፕ ካላ፤ ቢደ ሀራ አፕ ኢታ ላፑ ቱና እያናቱዋ አክ ያ ገሊደ፤ ሄዋን ደኢና፤ ሄ ብታንያ ደኤ ኮይርዋፕ ካላዌ ኢቶዋ ግዴ” ያጌዳ።

27 የሱስ ሀዋ ሃሳይ ደኢሽን፤ እት ምሽራታ ጮራ አሳ ግደጥ ባረ ኮሻ ቁቁ ኤሳደ፤ “ነና የሌዳውናን ቆንጮዳ ነ ዳያ እንጀቴዳውና” ያጋዲ።

28 የሱስ ቃይ፤ “እንጀቴዳዋንቱ ጸሳ ቃላ ስሲደ አዛዘትያዋንታ” ያግ ዛራዳ።

ጸሳጥ ኦሰቶ ማላታ (ማቶሳ 12:38-42፤ ማር. 8:12)

29 ጮራ አሳይ ሺቆ ዋደ የሱስ፤ “ሀ የለታይ ኢታ፤ ኦራላ ማላታ ኮዬ፤ ሽን ናብያ ዮናሳ ማላታፕ ሀራይ እመተና።

30 ጋሱካ ዮናሰ ነንዌ ካታማ አሳው ማላታ ግደዋዳን፤ ታን፤ አሳ ናኤይካ፤ ሀ የለታው ማላታ ግዳና።

31 አዋይ ሞክያሳ ጸልያ ዋደ፤ ኡሸቻ ዲገ ባጋና ደኢያ ጋድያ ካታታ ሶሎሞንው ደኢያ እቶ ኤራተሳ ሰሳናው ቢታ ጋጸፕ ዬዳ ድራው፤ ፕርዳ ዋደ ሀ የለታን ደንዳደ ፕርዳናውኤ፤ በእት፤ ሶሎሞንፕካ አቶያዌ ሀዋን ደኤ።

32 ነንዌ አሳይ ፕርዳ ዋደ ህንተንቱ ቦላ ደንዳደ ፕርዳናዋንታ፤ እያው ጎፕ፤ ኡንቱንቱ ዮናሰ ኦደዋ ስሲደ ባረንቱ ናጋራ ፓጽ ሰሚዳ ድራሳ፤ በእት፤ ዮናሳፕ አቶያዌ ሀዋን ደኤ።

ቦላ ፖአስያ ጸምፕያ (ማቶሳ 5:15፤ 6:22-23)

33 “ሶይ ገልያ አሳው ፖአናዳን፤ ጸምፕያ ጸምፕደ ቆቃሳን ዋላናፕ አትን፤ ገሚሳን ዋይ ፖኡዋ ካምያ የወዋፕ ጋርሳና ዋልያዌ ኦንነ ባዋ።

34 ነ አሳተላው ነ አይፊ ጸምፕያ ማላ፤ ነ አይፊ ፓጽ ግደጥ ነ ኩመንሳ አሳተላይካ ፖኡዋ ደሜ፤ ሽን ነ አይፊ ሀርሳፕ ነ ኩመንሳ አሳተላይካ ቆማ።

35 እኬካ፤ ሄዋ ግድያ ድራው፤ ነ ጋርሳን ደኢያ ፖኡ ቆመናዳን ናገታ።

36 ሰም ነ አሳተላው ኡባይ ፖኡዋን ኩሚዳዋ ግደፕ፤ ቆሚዳ አሳተላይ ኔናን ባይናዋ ግደፕ፤ ነ አሳተላይ ኡባይ፤ ጸምፕ ባረ ፖኡዋ ነ ቦላን ፖአስያዋዳን፤ ነ ቦላን ዋጋጋ ፖኡዋ ግዳናዋ” ያጌዳ።

የሱስ ፓርሳዋቱዋን ሙሴ ህግያ ታማርሰያዋንታ ኩናኔዳ

(ማቶሳ 23:1-36፤ ማር. 12:38-40፤ ሉቃስ 20:45-47)

37 የሱስ ሃሳያ ወርሶዋፕ ካላ፤ እት ፓርሳዌ ብታኒ ባረ ጎሊን ቁማ ማናዳን አታሌዳ፤ የሱሰካ አትፕ ገሊደ ጋይታን ኡቴና። \*

38 ፓርሳዌካ የሱሰ ቁማ ማናፕ ካሰያን ኩሸያ ሜጨት ቤናዋ በኪደ ማለላትና፤

39 ጎዳይካ፤ “ህንተንቶ ፓርሳዋቶ፤ ጸኢነ ሻታ ቦላ ባጋ ጌሺታ፤ ሽን ህንተንቱ ጋርሳይ ኡዘያንካ ኢታተላን ኩሚዳ።

40 ህንተንቶ ኤያቶ! ቦላ ባጋ መጴዳዌ ጋርሳ መጴቤኔ?

11:15 ማቶሳ 9:34፤ 10:25 11:16 ማቶሳ 12:38፤ 16:1፤ ማር. 8:11 11:23 ማር. 9:40 11:29 ማቶሳ 16:4፤ ማር. 8:12 11:30 ዮናሳ 3:4 11:31 1 ካታ. 10:1-10፤ 2 ኡዳዋ 9:1-12 11:32 ዮናሳ 3:5

11:33 ማቶሳ 5:15፤ ማር. 4:21፤ ሉቃስ 8:16 \* 11:37 ጋይታን ኡቴና- ቁማ ማናው ኡቴዳ ጉሳ።

# 12

41 ሸን ህንተንቱ ጹኢን ሻታ ጋርሳን ደእያዋ ህዬሳቶ እምተ፤ ሄ ዋደ ኡባባይካ ህንተዉ ጌሻ ግዳናዎ።

42 “ሸን ህንተንቶ ፓርሳዋቶ፣ ህንተዉ አየ! አያዉ ጎፕ፣ እኑጋፕነ ጸሎትያፕ፣ አፕፕያ ደኡዋፕ፣ ታሙ ኩሸያፕ እት ኩሸያ ጸሳዉ እሚታ፤ ሸን ቱሙ ፕርዳነ ጸሳ ሰቅያዋ ህንተንቱ አጌታ። የወዋን ቃይ ሄዋ አገናን ሀዋ ኦፋናዉ በሴ።

43 “ህንተንቶ ፓርሳዋቶ፣ ህንተዉ አየ! አያዉ ጎፕ፣ አይሁዳ አሳ ዋሳ ጎለን ቦንቾ ኡቱዋ፣ ገያ ግደንካ ቦንቾ ሳርታ ኮዪታ።

44 “አሳይ ኤረናን ቦላና ሀመትያ ቤተና ዲፋዋ ማላትያ ድራዉ ህንተዉ አየ!” ያጌዳ።

45 ሙሴ ህግያ ታማርሰያዋንቱፕ እቱ፣ “ታማርሰያዎ፣ ኔን ሀዋ ያጋ ሃሳዮ ድራዉ ኑና ቦራዳ” ያግ ዛሬዳ።

46 የሱስ፣ “ህንተኖ ህግያ ኤርያዋንቶ፣ ሄንተዉ አየ! አያዉ ጎፕ፣ አሳይ ቶኪደ ዲንዳየና ዴጸ ቶኩዋ ሀራ ቶሲታ፤ ሸን ህንተንቱ ህንተ ሁጸዉ ብራድያንካ ቦቶክታ።

47 “ህንተንቱ እዋቱ ዋዴዳ ናባቱዋ ዲፋዋ ሎይልያ ድራዉ ህንተዉ አየ!

48 ሰም ህንተንቱ እዋቱ ናባቱዋ ዋድና፣ ህንተንቱ ኢንቱንቱ ዲፋዋ ቦላን ጎልያ ኬጾያ ድራዉ፣ ናባቱዋ ኦሱ ሎአ ያጌደ፣ ኢንቱንቱዋ ማርካቲታ።

49 ሀዋ ድራዉ፣ ጸሳ አቶ ኤራተላይ፣ ታን ናባቱዋነ የሱስ ከቶዋንታ ኢንቱንቱኮ ኪታና፤ ኢንቱንቱካ ሄዋንቱፕ እቱዋ እቱዋ ዋዳናዋንታ፤ እቱዋ እቱዋ መቶፋናዋንታ ያጌዳ።

50 ሀዋ ግድያ ድራዉ፣ ሀ አላሚ መጠቀደፕ ደሚደ ጉኬዳ ናባቱዋ ሱላዉ ሀ የለታይ አሸቱ።

51 አቤላፕ ደሚደ ያርሹዋሳፕነ ጌሻ ጎልያፕ ግዲዋን ጉኬዳ ዛካራሳ ሱላ ጋካናዉ ኮየቱ። † ኤ! ታን ጋይ፤ ሀ የለታይ ሀዋ አሸትያዎ።

52 “ህንተንቶ ሙሴ ህግያ ኤርያዋንቶ፣ ህንተዉ አየ! አያዉ ጎፕ ኤራ ፕንግያ ደይያ ቁልፕያ እኬድታ። ህንተንቱ ህንተ ሁጸዉካ ገልበይክታ፤ ቃይ ገላናዉ ኮይያዋንታካ ድጌድታ” ያጌዳ።

53 የሱስ ሄዋፕ ከሰዋፕ ጉይያን፣ ህግያ ታማርሰያዋንቱን ፓርሳዋቱ አ አሻን ኤርፕንሱሳን ኤቅቱሳ ደሚድኖ።

54 አ ደናፕ ሎኤናባይ ከሰፕ ኦይቃናዉ ጌዲኖ፤ ሸን ደምበይክኖ።

ሎአ ማላትያ ኢታተላፕ ናገታና ማላ ሴራ (ማቶሳ 10:26፣ 27)

1 ሄ ዋድያን ጮራ ሻኢን ፓይደትያ አሳይ እቱ እቱዋ የዳና ጋካናዉ ሸቅ ደእሸን፣ የሱስ ባረና ካልያዋንቶ ኮይሮ ኦዳናዉ ደሚደ፣ “ፓርሳዋቱዋ እርሹዋፕ ናገተተ፤ ሀዋካ ሎአ ማላትያ ኢንቱንቱ እምያ ኢታ ትምርትያ።

2 ሸን እያንካ ካመቱዳ የዉ ቆንጭያ ከሰናን አተና፤ ቃይካ ጌሚዳ የዉ ኤረተናን አተና።

3 ሄዋ ድራዉ ህንተ ጴማን ሃሳዮዋ ኡባይ፣ ጋለስ ፖኡዋን ሰሰታናዋ፤ ህንተንቱ አሳይ ባይናሳን ህን ግሶ ጎልያን ሀይላን ሳሱኩዋ ኡባይ ቶቁ ጌዳ ሰሰትያ ቆንጨሳን አዋንታናዎ።

እት ጸሳ ጸላላዉ ያያና በሴ (ማቶሳ 10:28-31)

4 “ታናዳን አማንያዋንቶ፣ ታን ህንተዉ ያጋይ፤ ሀአ እሹዋ ዋድያዋንታ፣ ሄዋፕ ካላ ቃይ እያን ኦፋናዉ ዳንዳየናዋንታ ያዮፕተ።

5 የወዋን ቃይ ህንተንቱ ኦስ ያያናዉ በሰንቶ ታን ህንተንታ ኤርሳና፤ ሄዋካ ዋድዋፕ ጉይያን ጋናምያን ኦላናዉ ማታይ ደእያ ጸሳ ጸላላዉ ያይተ፤ ኤ፣ አዉ ያይተ ያጋይ።

6 “አቼሹ ሱንያ ካፋቱ ሳንትምያን ሻመትክናየ? ሄዋንቱፕ እትናን ኡሳ ጸሳይ ደገና።

7 ሸን ሀራይ አቶ ህንተንቱ ሁጸያን ደእያ ብናናይ ኡባይካ ፓይደቱዳዋ፤ ሀዋ ድራዉ ያዮፕተ፤ ህንተንቱ ጮራ ሱንያ ካፋቱዋፕ ዳሪታ።

የሱሳን አማንያዋንታን አ እጽያዋንታ (ማቶሳ 10:32፣ 33፤ 12:32፤ 10:19፣ 20)

8 “ታን ህንተዉ ኦዳይ፤ ታባ አሳ ሰንላን ማርካትያዋ ኦስነ ታንካ አሳ ናአይ፣ ቃይ ጸሳ ኪታንቻቱዋ ሰንላን ማርካታና፤

9 ሸን አሳ ሰንላን ታና ካድያዋንታ ታንካ አሳ ናአይ፣ ቃይ ጸሳ ኪታንቻቱዋ ሰንላን ካዳና።

10 “ታ ቦላ፣ አሳ ናአ ቦላ፣ ቦርያ ቃላ ሃሳይያዉ ደኡፕ አ ናቁ አቶ ጌተታና፤ ሸን ጌሻ እያና ቦላ ቦርያ ቃላ ሃሳይያዉ ደኡፕ ቃይ አ ናቁ አቶ ጌተተና።

11 “አሳይ ህንተንታ አይሁደ ዋሰያ ጎልያኮ፣ ጋድያ አይሰያዋንቱኮን ማታይ ደእያዋንቱ ሰንላ ፕርዳዉ ሸሽያ ዋደ፣ ‘ዋግ ዛራኔሻ? ዋይ እያ ጌደ ሃሳያኔሻ?’ ያጌደ ሀርጎፕተ፤

12 አያዉ ጎፕ፣ ህንተና እያና ጌሻይ ህንተንቱ ሄ ሳትያን ሃሳያናዉ በሰያባ ታማርሳናዎ” ያጌዳ።

11:42 ዋጋ 27:30 † 11:51 አይሁዳቱዋ ማጻፋቱዋ ጋርሳን ደመላ ማጻፋይ ኮይሮ ማጻፋ። እካ፣ አቤል አሳ ኡባፕ ኮይራዋን አሻይ አ ዋዴዳዋ ኦዳ። አይሁዳቱዋ ጌሻ ማጻፋቱዋን ወርሰላ ማጻፋይ ላኢንልያ ኡዳዋ ማጻፋ። ሄ ማጻፋን ዛካራስ ወርሰላን ሀይቁዳዋ ኦድያ ድራሳ ሉቃስ አቤላፕ ዛካራሳ ጋካናዉ ጌዳዋ። 12:1 ማቶሳ 16:6፤ ማር. 8:15 12:10 ማቶሳ 12:32፤ ማር. 3:29 12:12 ማቶሳ 10:19-20፤ ማር. 13:11፤ ሉቃስ 21:14-15



ዱረ ብታንያ ቦዛተላ ኦድያ ለምሱዋ

13 እሳ ጋርሳጥ እት ብታኒ የሱሳ፡ “ታማርሰያዎ፡ ኑ እቡ ሀይቁና ኑን ሳታና ማላ አቴዳባ፡ ታወ ግሻና ማላ ሀያ ጎዶ ታ አሻወ ኦድ” ያጌዳ።

14 የሱሰ ቃይ፡ “ሀ ብታነወ፡ ህንተንቱ ቦላን ፕርድያዋ ግዳናዳን ሄዋ ህንተወ ግሻናዳን ታና ኦኔ ሱንሌዳዋ?” ያጌዳ።

15 ጉጂደካ ኡባቱዋ፡ “እሳ ሸምፖ ሻሉዋ ዱረተላይ ደኡዋ እመና ድራወ፡ ያረትያዋጥን የራትያዋጥ ናገትተ፤ ዱረተላ እመዋ ኡባጥካ ህንተና ናግተ” ያጌዳ።

16 ካሊደካ ሀዋዳን ያግ ለምሱዋ ኡንቱንቱ ኦድዳ፡ “እወ ደእያ ቢታይ ዳርሲደ ካላ ሞኬዳ እት ዱረ ብታኒ ደኤ።

17 ሀ ብታኒ፡ ታወ ታ ካላ ዋላናወ ግድያ ሳእይ ባንታዋ ድራወ እያ ኦላሻ?” ያጌደ፡ ባረ ዋዛናን ቆፕዳ፤

18 ሀዋዳን ያግ ማሌዳ፤ ታን ዋታን ጎጥ፡ ታወ ደእያ ዬሰያ ኮላደ፡ ሀራ አክያ ዬሰያ መቆና ያጌደ ማሌዳ፤ ሄዋን ታ ካላን ታወ ደእያ ሚሻ ኡባ ዋላና።

19 ያታደ ታና፡ “ኅ ካጫይ ዳር ሎእ፤ ነወ ዳር ዋድያወ ግድያ ማጸዋ ሺሻዳ፤ ሰም ሸምፓደ ማ፡ ኡሻ፡ ናሸታ” ጋና ያጌዳ።

20 “ሸን ጸሳይ እ፡ ህ ቦዛወ፡ ሀቼ ቃማ ኔን ሀይቃ፡ ያትና ሀ ኔን ሺሼዳ ማጸ ኡባይ ኦሰ ግዳናዋ?” ያጌዳ።

21 “ባረወ ቢታ ቦላን ሻሉዋ ሺሸያዋ፡ ጸሳ ሰንላን ቃይ ማንቆ ግዳዳ እሳይ ሀ ብታንያ ማላ” ያጌዳ።

ኡባ ዋደ ጸሳን አማነቱሳ ኮሺ (ማቶሳ 6:25-34)

22 ሀዋጥ ካላ የሱሰ ባረና ካልያዋንታ፡ “ሀዋ ድራወ፡ ታ ህንተወ ኦዳይ፡ ህንተንቱ ፓጸ ደአናወ እያ ማኔ? ህንተንቱ ቦላወ እያ ማኔ?” ያጌደ ሀርጎጥተ።

23 “ጋሱካ፡ ሸምፑ ቁማጥ፡ ቃይ አሳተላይ ማየዋጥ አፍኔ?”

24 እነ ቁራቱዋ ጸልተ፤ ኡንቱንቱ ዘርክና፤ ጫክክና፤ ኡንቱንቱ ካላ ሺሸያ ሳእይ ዋይ ዬሰ ባዋ፤ ሀናጥ አትን፡ ኡንቱንታ ጸሳይ ምዜ፤ ህንተንቱ ካፋቱዋጥ ዳርጥ ዳርክቱ?

25 ህንተንቱጥ ዳሪ ቆፕደ ዳር ዋድያ ደአናወ ዳንደይያዋ ኦኔ?

26 “ሰም ህንተንቱ ሀ ላፋባ ኦላናወ ዳንደየናዋንታ ግደጥ እያወ ሀራባወ ሀርጎጥቱ?”

27 ጨሻቱ ዋት ድጨኖንቶ እነ ጸልተ፤ ኡንቱንቱ ኪታን ዳቡርክና፤ ፑቱዋ ሱቁክና፤ ግደ ሸን ታን ህንተወ ኦድያዋ፡ ሶሎሞን ሄዋ ከና ቦንቼቱዳዋ \* ግዲደ፡ ሄ ጨሻቱዋጥ አቱዋ ማላን ማይቤና።

28 ህንተንቶ ላፋ አማኑ ደእያዋንቶ፡ ያቶጥ ጸሳይ ሀቼ ቤቲደ፡ ዋንት ታማን

ኤጸናወ ኦለትያ፡ ደንባን ደልያ ማታ ሀዋዳን ማይዝያዋ ግደጥ፡ ህንተንታ ዋቲደ ኡንቱንቱጥ አሊደ ማይዘኔ?

29 “ሀዋ ድራወ፡ ላያ ማኔ? እያ ኡሻኔ?” ያጌደ ኡባ ዋደ ኮዮጥተን ሀርጎጥተ።

30 እያወ ጎጥ፡ ሀዋ ደማናወ ሀ አላምያን ደእያ ጸሳን አማነቱና አሳይ ሀርጎጥቱ። ህንተንቶ ሀዋ ኡባይ ኮሺያዋ ሳሉዋን ደእያ ህንተንቱ እወ ኤራ።

31 ሄዋ ህንያዋ አገደ፡ ጸሳ ካወተላ ኮይተ፤ እ ህንተንታ ኮሺያዋ ኡባ አማናዋ።

ሳእን ባረ ዱረተላን አማነቶዋ ሳሉዋን ዋኒ?

(ማቶሳ 6:19-21)

32 “ህንተንቱ ጉላ ግድንቶን፡ ሳሉዋ ህንተንቱ እወ ባረ ካወተላ ህንተንቶ አማናወ ናሸቲዳ ድራወ ያዮጥተ።

33 “ህንተወ ደእያዋ ዛልኢደ ማንቆ እምተ፤ ካይሱ ሺቀናሳን፡ ብልአይካ ማናሳን፡ ሳሉዋን ሠረና ሚሻ ዳጋዬደ፡ ኤጨና ቃርጭታቱዋ ህንተንቱ ሀጸወ ዋሳተ።

34 እያወ ጎጥ፡ ህንተንቱ ዋዛናይ ህንተ ሚሻይ ደእያ ሳን ደአናዋ።

ምና ኦሳንቻ

35 “ህንተ ጸሳይ ዳንጨቶዋ፡ ህንተ ጸምፒካ ፖኤዳዋ ግደ።

36 ህንተንቱካ፡ ባረንቱ ጎዳይ ዬደ ፐንግያ ቆጵያ ዋደ፡ ኤላካ ደያናወ ቡላቻጥ ሰማና ጋክናወ ናግያ ኡሳንቻቱዋ ማላትተ።

37 ባረንቱ ጎዳይ ሶይ ዬዳ ዋደ ቤጎት ደእሸን ደምያ ሄ ኦሳንቻቱ እንጀቲዳዋንታ። ታን ቱሙዋ ጋይ፤ እ ኡንቱንታ፡ ሄትተን ገደ፡ ባረ ዳንጨቱዋ ምንሲደ ኡንቱንቶ ቁማ አሊደ ሸባናዋ።

38 ጎዳይ ሄካ ብላህያን ዋይ ሄካ ብላህያጥ ካላ ዬዳ ዋደ፡ ቤጎቲደ ገንጭ ናገደ ቤትያ ቆማቱ እንጀቲዳዋንታ።

39 ሀዋ ቃይ ኤርተ፤ ካይሱ እይ ሳትያን ደንቶ ጎልያወ ኤርንቶ፡ ጎሊ ቦከትያ ዋደ ጮኤ ገደ ጸላናሸን።

40 እሳ ናእይ ቆፕና ሳትያን ያናዋ፤ ህንተንቱ ገገት ናግተ” ያጌዳ።

41 ጸጽርሰካ “ሳዳወ፡ ሀ ለምሱዋ ኔን ኦድያዋ ኑ ጸላላሴ ሀራ ኡባወካ አትጥ ኦዳይ?” ያጌዳ።

42 ጎዳይካ፡ “ሰም ኡንቱንቱ ባረ ሶይ አሳወ ቁማ አማናወ በሰያ ሳትያን አማና ማላ፡ እ ጎዳይ ሱንሌያ አማነቱዳን ኤራንቻ ምዝያ ቆማይ ኦኔ?” ያጌዳ።

43 ጎዳይ ሰምያ ዋደ ሀዋዳን ኪተቲና ደምያ ቆማይ እ እንጀቲዳዋ።

44 ታን ህንተወ ቱሙዋ ኦዳይ፤ ደእያ ማጸዋ ኡባ ቦላን እ ሱንላናዋ።

\* 12:27 ሶሎሞን ሄዋ ከና ቦንቼቱዳዋ- እይሁዳ እሳይ ቆፕና። 12:27 1 ካታ. 10:4-7፤ 2 ኦዲዋ 9:3-6 12:39 ማቶሳ 24:43፤ 44

ሶሎሞን ባረ ደኤዳ ላይላ ኡባን ዳር ዱረተላን ደኤዳ ገደ 12:35 ማቶሳ 25:1-13 12:36 ማር. 13:34-36

45 የወዋን ቃይ ሄ ቆማይ፡ “ታ ጎዳይ ኤሊ ዬና፤ ጋምእናዎ” ያግ ባረ ዋዛናን ቆፖፕን አቱማን ማጫ ቆማቱዋ ሸቻ ደዋፕ፡ ቃይካ ኮዮዋዳን ሙሳን ኡሻ፡ ማሶቱሳካ ደዋፕ፡

46 ሄ ቆማ ጎዳይ፡ እ ቆፕና ጋላሰን ሰድቤና ሳትያን ያናዋ፤ ሄ ዋድያን እ ቃንጸሬሊደ፡ እ ግሹዋ ካጫካ እማንናዋንቱና እትሳ ኡዳናዋ፡።

47 ባረ ጎዳ ሸንያ ኤሪደ ገገናዊን እ ሸንያዳን ኪተተና ቆማይ፡ እ ኢታ ቆኦባ ቆኦባታናዋ፡።

48 ኤርቤናዊ ቃይ ቆኦባታናዊ በሰያዎ ኦሌዳዊ፡ ጉላ ቆኦባቱ፡ ዳርባይ እመቲዳ እሳ ኡባፕ፡ እፕ ዳርባይ ኮዮቲ፤ ዋልቃማ ሀዳራይ እመቶዋፕ፡ እፕ ዳርሲደ ኮዮቲ፡።

49 የሱስ፡ “ታን ዬዳዊ፡ ሀ ሳኣ ቦላ ታማ ሳላናሳ፤ ሀኣካ ኤጼደንቶ፡ ታና አይ ከና ናሸቻናዊሻ፡።

50 ታን ጸማቃታና መቱዋ ጽንቃታይ ፖሊታና ጋካናወ ዋናደ ኡንኤታይታ!

51 ሀ ሳኣ ታን ዬዳዊ፡ ሳርተላ አሀናሳ ማላቲዬ? ህንተዉ ማላቶ፡። ታን ዮዊ፡ ሳርታዉ ግደናን ሻካናሳፕ እትን፡።

52 አያወ ጎፕ፡ ሀእፕ ደምና እት ጎልያን ደእያ እቺቹ እሳቱ ሻከታናዋንታ፤ ሄዛቱ ላእቱዋ ቦላ፡ ላእቱካ ሄዛቱዋ ቦላ ደንዲደ ዋላቃታናዋንታ፡።

53 አዉ ናኣ ቦላ፡ ናአይካ አዉዋ ቦላ፡ አታ ናት ቦላ፡ ናታካ አት ቦላ፡ ቦሎታታ ናኣ ማኝ ቦላ፡ ናኣ ማቻካ ቦሎታት ቦላ፡ ዋላሳን ደንዲደ ሻከታናዋንታ” ያጌዳ፡።

ዋድያ ሀናታ ኤሩዋ (ማቶሳ 16:2-3)

54 ቃይካ የሱስ አሳዉ፡ “አዋይ ዉልያ ባጋና ህንተ ሻርያ በእፕ፡ ሀኣ ሀ ሳትያን ሄኮ ዋልቃማ አራይ ቡካና ሀኔ” ያጌታ፤ ቱሙካ ቃይ ቡኩ፡።

55 ዲጎ ባጋና ጫርኩ ጫርኩደ፡ ሀፔ ሻማናዋ” ያጌታ፤ ጌተቶዋዳንካ ቃይ ሀኔ፡።

56 ህንተኖ ሎእ ማላትያ ኢታቶ፡ ሳኣን ሳሎዋ ጼሊደ፡ ሀናናዋ ኤሪታ፤ ሸን ሀ ዋድያባ ዋት ኤራናዉ ዳንዳይክቴ?

ስጋተላባን ሞቱዋባ (ማቶሳ 5:25-26)

57 “ዋደ ህንተንቱ ጽሎ ግዴዳ የወዋ ህንተንቶ እያወ ፕርድክቴ?

58 ነ ሞርክያና እትፕ ፕርድያ ዳና ሰንላን ሺቃናዉ ቦደ፡ ብር ኦግያ ቦላ ደእሸን ሰገታ ድጋ፡። ሄዌ ቆዮፕ ነና ጎቺደ ፕርድያ ዳናኮ አፋና፤ ዳናይካ ፖልሰዉ አል እማናዋ፤ ፖልሲ ቃሽ ጎሊን የጋናዋ፡።

59 ታን ነዉ ኦድያዊ፡ ዉርሰላ አጩዋ ጫጋና ጋካናወ ሄዋፕ ከሳካ” ያጌዳ፡።

### 13

ናጋራፕ ሰመና ኡባይ ቆያና

1 ሄ ዋድያን እት እት አሳቱ የሱሳኮ ዪደ ጽላጸሰ ጋሊላ አሳ ዋዲደ ኡንቱንቱ ሱላ ያርሹዋና እትፕ ዋላኬዳዋ አዉ ኦዴድና፡።

2 የሱሰካ ዛሪደ፡ “ሀዋንቱ ጋሊላ አሳቱ ሀይቄዳ ድራዉ፡ ያትና ኡንቱንት ሀራ ጋሊላ አሳ ኡባፕካ አዲደ ናጋራንቻቱዋ ግደዋንታ ማላቲኖ?

3 ታን ያጋይ፡ ሀዋዳን ግደና፤ የወዋን ቃይ ህንተ ናጋራ ፓጺደ ናጋራፕ ሰመናን እጸፕ፡ ህንተንቱ ኡባቲካ ሄዋዳን ሀይቂታ፡።

4 ዋይ ሳልሆማ ግምቢ ኡንቱንቱ ቦላ ኩንዲደ፡ ዋዲደ ታማን ሆሰፕን አሳቱዋ የሩሳሰመን ደእያዋንቱ ኡባፕ አዲደ ናቆዋንታ ማላቲኖ?

5 ሀዋዳን ግደና ያጋይ፤ የወዋን ቃይ ናጋራ ፓጸና ቆዮፕ ኡባቲካ ሀዋዳን ባያንታ” ያጌዳ፡።

6 የሱሰካ ሀዋዳን ያግ ሊምሱዋ ኦዴዳ፡ “እት ብታነዉ ዋይንያ ቱራ ጎሻ ጋደን ቶከቲዳ ባላሰያ ጌተትያ አይሪ ማተትያ ሞላታ ደእዉ፤ ሄ ብታነካ ሞላታ አይፋደንቶን ገደ ዬዳዊ፡ አይኔካ አይፍያ ደምቤና፡።

7 ዋይንያ ቱራ ናግያዋ እ፡ “ታን ሀ ባላሰያ ጌተትያ ሞላትፕ አይፍያ ደማናዉ ሄኮ ላይላ ሰመረታደ እያን ደማበይኩ፡። ሄዋ ድራዉ ደካ ደንላ ድጋ፤ እያዉ ቢታ ጮ መልሳይ?” ያጌዳ፡።

8 ናግያዊካ ዛሪደ፡ ሳዳዉ፡ ታን እ የሹዋ ሀሩማናዉን ፕቱዋ ኦላናዉ፡ ሀ ላይላ ጸላላዉ ባሻ፡።

9 ሰንላዉ አይፎፕ ሎእ፤ ሸን አይፈናን እጸፕ ደከቱ ጌዳ” ያጌዳ፡።

የሱስ ቁና ሞሽሬቶ ሳምባታ ጋላሳ ፓሌዳ

10 የሱሰካ እት ሳምባታ ጋላሰ አይሁዳ ዋሳ ጎላቱዋፕ እቱዋን ታማርሰ ደኤ፡።

11 ሄዋንካ ታማን ሆሰፕን ላይላ ኩመንላ ቱና እያናይ ቁንሴዳ ሞሽሬታ ደእዉ፡ እዛካ ሱራደ ኤቃናዉ እይን ዳንዳያበይኩ፡።

12 የሱሰካ አዙ በኤዳ ዋደ ጼሲደ፡ “ሀ ሞሽሬቲ፡ ነ ሀርግፕ ፓጸዳ” ያጌዳ፡።

13 የሱስ ባረ ኩሽያ አዙ ቦላ ዋልና፡ ሄ ዋደ ሱራ ሰት ጋ ኤቃይ ባረ ጸሳ ጋላታዳ፡።

14 ሸን አይሁዳ ዋሳ ጎላ ካፑ ቃይ የሱስ ሳምባታን ፓሌዳዋ ድራዉ ሀንቀት ዛርዋሸን አሳቱዋ፡ “ከተታናዉ በሰያ ኡሱፑን ጋላሳቱ ደእኖ፤ ሄ ጋላሳቱን ዪደ ፓጽተፕ እትን ሳምባታን ግደና” ያጌዳ፡።

15 ጎዳይካ ዛሪደ፡ “ሀ ሎእ ማላትያ ኢታ አሳቶ፡ ህንተንቱፕ እቱካ ሳምባታ ጋላሰ ቦራ ማጋደዋፕ ዋይ ሀርያ ጋጸታፕ ብሊደ ሃላ አሻናዉ አፈኔ?

16 ሀና አብራሃሞ ያራ ግዴዳዉና፡ ታማን ሆሰፕን ላይላ ኩመንላ ጸላሂ ቃቺዳዉና ሳምባታ ጋላሰ ሄ ቃሹዋፕ ብሊታናዉ በሰከ?” ያጌዳ፡።

17 ሀዋ ኦዴዳ ዋደ ኤቃትያዋንቱ ኡባይ ዬላቲድና፤ አሳይ ኡባይ ቃይ እ ኦሌዳ ማላልሰያ ኦሱዋን ኡባን ናሸቲድና፡።

ሳናፍጭያ አይፍያ ዘረፋ ለምሱዋ

18 የሱሰካ፣ “ጸሳ ካወተላይ እያ ማላቲ? እ እያ ማላትንቶ፣ ታን ህንተንታ ዋታ በሰ?

19 ጸሳ ካወተላይ ሳናፍጭያ ጌተትያ ቁር ምላት አይፍያ ማላቲ። ሄ ምላት አይፍያ አሳይ አኪደ ጎሻ ጋርሳን ዘራዳ፤ ዘረቶና ድጫደ ዋጋ ምላ ግዳዲ፤ ያትና ሳሉዋ ካፋቲካ እዝ አጫ ቦላ ባረንቶ ጎልያ ኬጾድኖ” ያጌዳ።

እርሹዋ ለምሱዋ

(ማቶሳ 13:33)

20 የሱሰካ ዛሪደ፣ “ጸሳ ካወተላይ እያ ማላትንቶ፣ ታን ህንተንታ ዋታ በሰ?

21 እት ሞሽራታ ሄዙ ከርያ ጳልያ አካደ፣ ሙናቁዳ ሙናቃይ አባይ ደንዳና ጋካናወ። እን ትጌዳ እርሹዋ ማላቲ” ያጌዳ።

እንእ ገንግያባ

(ማቶሳ 7:13፣ 14፣ 21፣ 22)

22 ሄዋጥ ካላ የሱሰ የሩሳላመ ቢደ፣ ዋጋ ካታማንካ ቁር ካታማን ደእያ አሳ ታማርሲደ አዲዳ።

23 ሄ ዋደ እት ብታኒ ሸቁደ እ፣ “ጎዳወ፣ ጸሳ ጥርዳጥ እትያዋንቲ ጉላ አሳ ጸላሌ?” ያጌዳ።

ሄዋጥ ጉየ የሱሰ እንቲንታ፣

24 “ታን ህንተንቶ ኦዳይ፤ ኤንእ ገንግያና ገላናወ ባጸትተ። ጮራ አሳይ ገላናወ ኮዪኖ፤ ሸን ዳንዳይበይክኖ።

25 ጎልያወ ደንዳደ፣ እፍላ ቃቸዋጥ ጉየ ህንተንቲ ካረን ኤቁደ፣ ጎዳወ፣ ጎዳወ፣ ኑወ ደያርኪ፣ ያጌደ ጾሳ ደምያ ዋደ፣ እካ ዛሪደ፣ ህቃጥ ዬድተንቶ፣ ታን ህንተንታ ኤርኪ፣ ያጋናዋ።

26 “ሄ ዋደ ህንተንቲ፣ ጉን ኔናና እትጥ ሜዳ፤ ኡሼዳ፤ ኔን ኑ ሄራንካ ታማርሳዳ፣ ያጋናዋንታ።

27 “የሱሰ ቃይ፣ ታን ህንተንቶ ኦዳይ፤ ህንተንቲ ሀቃጥ ዬድተንቶ፣ ታን ህንተንታ ኤርኪ፤ ኡባቲካ ማካላንቻቲ ታ ማታጥ ሃክተ፣ ያጋናዋ።

28 “አብራሃዋ፣ ይሳቅ፣ ያቆበን ናባቲ ኡባይ ህንተንቲ ካረን ኤቁሸን፣ ጸሳ ካወተላን ደእያዋንታ ህንተንቲ በእያ ዋደ፣ ህንተንቶ ዬኮን አቻ ጳቁዋ ግዳናዋ።

29 “አሳይ አዋይ ደልያሳጥን ወልያሳጥ፣ ቃይ ክልባጋጋጥ ሀርክባጋጥ ዪደ፣ ጸሳ ካወተላ ጋይታን ኡቲኖ።

30 በእተ፤ ጉየቲዳዋንቲ፣ ሰንላታናዋንታ፤ ሰንላቲዳዋንቲ ቃይ ጉየታናዋንታ” ያጌዳ።

የሱሰ የሩሳላመን ኦሌዳባ

(ማቶሳ 23:37-39)

31 ሄ ዋደ ጋርሳዋቸዋጥ እቲ እቲ የሱሳኮ ዪደ፣ “ሄርድሰ ኔና ምጳናወ ኮይያ ድራወ፣ ሀዋጥ ባ ድጋ” ያጌድኖ።

32 የሱሰ ዛሪደ፣ “ቢደ ሄ ዋራካናወ፣ ህቼን ዋንት እታ እያናቲዋ ከሳና፤ ሀርጋንቻቲዋካ ፓላና፤ ሄዝላ ጋላሰ ታ ኦሱዋ ወርሳና፣ ያግተ።

33 ሀናጥ እትን ናቢ የሩሳላመጥ ሀራሳን ሀይቃናወ በሰና ድራወ፣ ታን ሀቼ፣ ዋንትን ዋንት፣ፕሽ ኦግያ ቦላ ደእናወ በሴ።

34 “የሩሳላመ ካታማ አሳወ፣ የሩሳላመ ካታማ አሳወ፣ ናባቲዋ ዋድያዋንቶ፣ ህንተንቲኮ ከተቶዋንታ ሹቻን ጫድያዋንቶ፣ ኩታታ ባረ ማራቲዋ ባረ ቀፍያጥ ጋርሳና ሸሻ ሀጵያዋዳን፣ ታን ህንተንቲ ናና እት ጋድያ ሸሻናወ አፑ ገደ ኮያድታ! ሸን ታና ድጌድታ።

35 በእተ፤ ጸሳይ ህንተንቲ ጎልያ አይነ አልቤና፤ ታን ህንተንቶ ያጋይ፤ ህንተንቲ፣ ጎዳ ሱንላን ይያዌ እንጀቲዳዋ፣ ጋና ጋካናወ፣ ታና በእክታ” ያጌዳ።

### 14

የሱሰ ሀርጋንቻ ሳምባታን ፓሌዳ

1 ሳምባታ ጋላሰ ጋርሳዋቲዋ ሱንላቲዋጥ እቲዋ ጎላ የሱሰ ቁማ ማናወ ገሌዳ ዋደ፣ እያ ኪተትንቶ በእናወ አሳቲ ናግ ደእኖ።

2 ቦላይ ጋፍና ሙቶትያ እት ብታኒ የሱሳጥ ሰንላና ደኤ።

3 የሱሰ ህግያ ታማርሰያዋንታን ጋርሳዋቲዋ፣ “ሳምባታን ፓላናወ ዳንዳየት ዳንዳየተኔ?” ጌደ ኦቼዳ።

4 እንቲንቲካ ጮኡ ጌድኖ። እ ሄ ብታንያ ቦላ ቦቻ ፓሊደ አ ሞይዜዳ።

5 የሱሰ እንቲንታ፣ “ህንተንቲጥ ሀሪ ዋይ ቦራይ ኦላን ከጎድንቶ፣ ሳምባታ ጌደ ኤሌል ከሰናዌ ኦኔ?” ጌዳ።

6 እንቲንቲካ ሀ የዋ እት ዛሩዋን እማናወ ዳንዳይበይክኖ።

እሸከተላባ

7 የሱሰ ሸቦቶዋንቲ ቦንቸሳ ዶርያ ዋደ ጾሊደ፣

8 “ኦንኒ ቡላቻ ጾሶጥ፣ ቦንቸቲዳሳን ኡቶጋ፤ ኦን ኤር ኔጥ አሊደ ቦንቸቶዌ ጾሰቲዳዋ ግዳናዋ።

9 ኔናን እን ጾሳዌ ዪደ፣ ህዋ፣ ኡቲዋ አወ ዬዳ፣ ያግና፤ ሄ ዋድያን ዬላታደ ጻደና ደእያ ሳን ኡቲዋ ደማሳ፤

10 የወዋን ቃይ ኔን ጾሴቶ ዋደ ኔና ጾሶዌ ዪደ፣ ታ ላገወ፣ ክል ዶቃሳን ኡታ፣ ጋና ማላ፣ ባደ ኡባጥ ሆካሳን ኡታ፤ ሄ ዋደ ኔና እትጥ ኡቲዳዋንቲ ኡባቲዋ ሰንላን ነወ ቦንቸ እመታናዋ፤

11 ባረ ሁጲያ ዶቁ ኦልያ ኡባይ ቶሸታናዋ፤ ባረ ሁጲያ ቶቻያዋንቲ ዶቁ ጊኖ” ያግ ለምሱዋ እንቲንቶ ኦዳዳ።

12 የሱሰ ባረና ጾሴዳዋ ዛሪደ፣ “ኔን ላጻ ዋይ ካወዋ ጊግሴዳ ዋደ፣ ነ ላገላቲዋ ዋይ

ነ እሻቱዋ ወይ ዱረ ነ ሾራቱዋ ጸሐጊ፤ እያወ ጎጥ፣ እንቱንቱ ኔና ባረንቱ ታራን ጸሐጊ ኩሽያ ጭጋና ዳንዳዪኖ።

13 ሽን አታልያባ ገግሴዳ ዋደ፣ ህይዳቱዋ፣ ጉንዳቱዋ፣ ደማቱዋን ቆቃቱዋ ጸሐ።

14 አንቱንቱ ነዉ ኩሽያ ዛራናዉ ዳንዳየናዋንታ ግድያ ድራዉ፣ ኔን እንጀታናሳ። ጽላቱ ሀይቁዋጥ ደንድያ ዋደ ጸሐጊ ነዉ ኩሽያ ዛራናዋ” ያጌዳ።

ዋልቃማ ባላ ሊምሱዋ (ማቶሳ 22:1-10)

15 የሱስ ሃሳያ ወርሰያ ዋደ፣ ቁማ ማናዉ ኡቶ አሳጥ እቱ ሀዋ ሰሲደ፣ “ጸሐ ካወተላ ገይታን ኡትያዌ እንጀቱዳዋ” ጌዳ።

16 የሱሰካ ሀዋዳን ጌዳ፤ “እት ብታኒ ዳሮ ሎእ ካወዋ ገግሴዳ፣ ጮራ አሳቱዋ ጸሐዳ።

17 ካወዋ ዋዲ ጋክና፣ ካሰ ጸሐቶዋንታ፣ ሀእ ካወ ገጌዳ፣ ሃይታን ገደ ጸሐና ማላ ባረ ጎለን ከተትያ ቆማ አንቱንቱ ከቲዳ።

18 ሽን ኡባቱካ እትጥ፣ ቤናዳን አጋና ማላ ዋሴድኖ፤ ኮይሮ ብታኒ ቆማዉ ኦዲደ፣ ታን ቢታ ሻሚዳ ድራዉ ባደ በእናዉ ኮሼ፤ ሄዋ ድራዉ ሀያ ጎደ ታዉ ሀንቀቶጋርክ” ጌዳ።

19 “ላኤንሰያዌ ቃይ፣ ታን እቼሹ ዋላ ቦራቱዋ ሻሚዳዋንታ ዋጸ በእናዉ ብያ ድራዉ፣ ሀያ ጎደ ታዉ ሀንቀቶጋርክ” ጌዳ።

20 “ሀራይ ቃይ፣ ታን ማቻቶ አኬዳ ድራዉ፣ ያናዉ ዳንዳያበይክ” ጌዳ።

21 “ቆማይካ ዋደ ባረ ጎዳዉ፣ ሀኖዋ ኡባ ኦዲዳ። ሄ ዋደ ጎዳይ ዳሮ ሀንቀቲደ፣ ባረ ጎልያን ከተትያ ቆማ፣ ህን ካታማ ኡግያን ሎሶ ኡግያ ኤሌላደ ከሳ፤ ማንቃቱዋን ጉንዳቱዋ፣ ደማቱዋን ቆቃቱዋ ሃ አካደ ያ” ጌዳ።

22 “አ ቆማይካ፣ ጎዳዉ፣ ኔን ታና አዛዘዋዳን ኦሳድ፤ ሽን ሀእካ ሀራ አሳ አክያ ሳእይ ደኤ” ጌዳ።

23 ጎዳይካ ባረ ቆማ፣ ታ ጎሊ ኩማናዳን ሀን ኡግያጥ ካረ ባጋን ድርሳ ጋጸ ኡባ ከሳደ፣ አሳ ታ ጎሊ አካደ ያ።

24 እያዉ ጎጥ፣ ኮይሮ ታ ጎሊ ሾቡቲዳዋንቱጥ እት አሳይነ ታ ቁማ ሜና” ጌዳ። ያጌዳ።

የሱሳ ካላናዉ ባረና ያርሹሳ ኮሼ (ማቶሳ 10:37-38)

25 ጮራ አሳይ የሱሳና እትጥ ብደእያ ዋደ፣ እካ አሳኩ ኩየ ስሚደ፣

26 “ኡንነ ታኮ ይያዌ ደኡጥ ባረ አባነ አቶ፣ ባረ ማቻቶን ባረ ናና፣ ባረ እሻቱዋን ምቻቱዋ፣ ባረ ደኡዋ እሽናን ታጥ አላ ደሶጥ፣ ታና ካልያዋ ጌተታናዉ ዳንዳየና።

27 ኡንነ ባረ ማሰቃልያ ቶኪደ፣ ታ ጌዲዋ ካለናን ጳዮጥ፣ ታና ካልያዋ ግዳናዉ ዳንዳየና።

28 “ህንተንቱጥ እቱ ሹቻ ጎልያ ኬጸናዉ ኮዮጥ፣ ከታ ወርሳናዉ ግድያ ሻሉዋ ካሰቲደ ኡት ሄተናዌ ኦኔ?

29 ሄዌ ጳዮጥ፣ ጎልያ ደሚደ፣ ከታ ወርሳናዉ ዋልቃይ አጸጥ፣

30 በኤዳዋንቱ ኡባይ፣ ህ ብታኒ ኬጸናዉ ደሚዳ፤ ሽን ከታ ወርሳናዉ ዳንዳይቤና” ገደ ቅሊጪኖ።

31 “ዋይ ታው” ሻእ ኡላንቻቱዋ ኦይቄዳ እት ካቲ፣ ሀራ ላታው” ሻእ ኡላንቻቱዋ ኦይቄዳዋንቱና ኡላታናዉ ዳንዳየጥነ ኮይርና፣ ታን ጸኔኔ ጸንክታሻ ገደ ኡት ቆጥኔ?

32 ባረዉ ዳንዳየተናን ጳዮጥ፣ ኦላዉ ይያ የኮ ካቲ ሃኩዋን ደእሽን ከቲደ ሰገታናዉ ዋሴ።

33 ሰም ሀዋዳንካ ህንተንቱጥ ኡንነ ባረዉ ደእያዋ ኡባ አገናዌ፣ ታና ካልያዋ ግዳናዉ ዳንዳየና።

ጎኤና ማጽንያባ (ማቶሳ 5:13፤ ማር. 9:50)

34 “ማጽኒ ሎእ፤ ሽን ሎቅሎቅናን ጳዮጥ፣ ላኤንሳ እ ዋት ሎቅሎቅሳናዉ ዳንዳየተ?

35 ቢታዉካ ሎኤና፤ ቱኤያናዉካ ማደናዋ ግደ ድራዉ፣ አሳይ እ ኦል አኔ። ሰሰባ ሀይላይ ደእያዌ ሀዋ ሰሶ” ያጌዳ።

### 15

ባዬዳ ደርሳ (ማቶሳ 18:12-14)

1 እት ጋላሰ፣ ቃራጸ ሺሽያዋንቱነ ናጋራንቻቱ ኡባይ የሱሳ ሰሳናዉ አኮ ሺቄድኖ።

2 ጋርቃዋ፤ ሙሴ ህግያ ታማርሰያዋንቱ፣ “ሀ ብታኒ፣ ናጋራንቻቱዋ ሺሽያዋን ኡንቱንቱና ቁማ ምያዋ” ያገደ ዙዙሚድኖ።

3 የሱሰካ ሊምሱዋን ዛራዋ ሀዋዳን ያግ ኦዲዳ።

4 “ጴቴ ደርሳይ ደእያ ኡራይ ህንተንቱ ግደጥ ደእንቶ ሄዋጥ እቱ ባይንቶ ኡዲፍ ታማን ኡዲፍቱዋ ደንባን አገደ ባዬዳዋ ቤታና ጋካናዉ ኮየናዌ ኦኔ?

5 ደሚዳ ዋደ ናሽቻን ባረ ሀሽያ ቦላን ደርሳ ቶክ።

6 ባረ ጎሊ ስሚደ፣ ባረ ደሰያዋንታን ሾራቱዋ እትጥ ጸሐጊደ፣ “ባዬዳ ታ ደርሳ ደዋ ድራዉ፣ ታናና እትጥ ናሽተተ” ያገደ ኦዲ።

7 ሄዋዳንካ ናጋራ ገጸላ ኮሽና ኡዲፍ ታማን ኡዲፍ ጽላቱዋጥ አላደ ናጋራ ገጸያ እት ናጋራንቻን ሳሉዋን ዳሮ ናሽቻይ ግዳናዋ።

ባዬደ ቤቴዳ ሳንትምያ

8 “ቃይካ ታው” ናሃሰያ ሳንትሚ \* ደእያ ሞሽራታ ታውዋጥ እቱ ባይንቶ ደማና ጋካናዉ ጸምጥያ ጸምጥደ፣ ጎልያ ፕታደ ሎይላ ኮየናዉና እዛ ኦኔ?

\* 15:8 ናሃሰያ ሳንትሚ- ግሪክ ቃላ ብሉላን እትና፣ እት ጋላሳ ሙዋያ ኦል ፔሺዳ ዋልቃ ኡላንቻዉ ጭንቅና ሚሻ ከና ግድያዋ ኦዲ።

9 እዛካ ደሜዳ ዋድያን ባረ ደሰያዋንታን ባረ ሾራቱዋ እትጥ ደዳዳ፡ ሓጥ ባዬዳ ሳንትሞያ ደሜዳ ድራው፡ ታናና እትጥ ናሽትተ፡ ያጋደ ኦዳው።

10 ሄዋዳንካ ናጋራ ፓጽያ እት ናጋራንቻ ጋሶተላን ጸሳ ኪታንቻቱዋ ሰንላን ናሽቻይ ሀናናዋ” ያጌዳ።

ባያ ናኣ

11 ጉጂደ የሱሰ፡ “ላኦ ናናይ ደእያ እት ብታኒ ደኤ፤

12 ኤንቱንቱጥካ ቴፋ ናኦይ፡ ሳ ማጸዋጥ ታና ጋክያዋ እማ፡ ጌዳ። እውካ ባረ ማጸዋጥ ናናቶ ግሼዳ።

13 ጉላ ዋድያጥ ጉይያን ቴፋ ናኦይ ባረና ጋከዳዋ ኡባ ሸሽ እኪደ ህን ሃኮ ጋደ ቤዳ፤ ሄዋን ባረ እኬዳ ሚሻ ኡባ ላል ወርሰ እጌዳ።

14 እካ ደእያዋ ኡባ ወርሴዳዋጥ ጉይያን ሄ ጋደን ዋልቃማ ኮሻይ ገሌዳ፤ እካ ሙቱዋን ኤንኤቱሳ ደሜዳ።

15 ሀዋ ድራው ሄ ጋደን ደእያዋንቱጥ እቱዋኮ ሸቂድ፡ ሓና ነው ቆማ ኦላርኪን? ያግና፡ ብታኒካ ባረ ጉዳንላ ዉድያ ሄማና ማላ ኦ ደምባ የዱዳ።

16 ጉዳንላ ዉዳ ሞያ ሀልኡዋ ማናው እሞቱዳ፤ ሸን ሄዌንቱካ እው እምያዌ ቤትቤና።

17 “ባረ ባይዙዋ ኤር ዋደ፡ ሩቅማይ ጸኒደ ሳኣን እትያ ታ አቦ ኦልያዋንቱ አፑኔ፤ ሸን ታን ሀዋን ኮሻን ሀይቃና ማታይታ?

18 ደንዳደ ታ አቡኮ ባኔ፡ ሀዋዳን ያጋና፤ ሓ አቦ፡ ጸሳካ ኔናካ ናቃድ፤

19 ህንጥ ጉየ ነ ናኣ ያገታደ ጸሰታናው በሰከ፤ ነው ኪተትያዋንቱጥ እቱዋዳን ታና ዋላርኪ ጋና፡ ጌዳ።

20 ሄ ማንእያን ደንዳደ ባረ አቡኮ ዬዳ። “እ ብር ሃኩዋን ደእሸን፡ እው በኢደ፡ እው ቃረቴዳ፤ እኮ ዋጽ ቢደ፡ እ እድዋ የራዳ።

21 “ናኦይካ፡ ሓ አቦ፡ ታን ጸሳካ ኔናካ ናቃድ፤ ህንጥ ጉየ ነ ናኣ ጌተታደ ጸሰታናው በሰከ፡ ያጌዳ።

22 “ሸን እው ባረ ኦሳንቻቱዋ፡ ኤሌል ቢደ፡ ኡባጥ ደረቴዳ ሎኦ ማዩዋ እሂደ፡ እ ማይዘተ፤ እ ብራድያን ሞግዴዋ፡ እ ገድያንካ ጫማ ተ ዋላተ።

23 ዋዴዳ ኮራማ እሂደ ሹክተ፤ ሞይተ፡ ናሽቶይተ።

24 እያው ጎጥ፡ ሀዌ ታ ናኦይ ሀይቁዳ፤ ሸን ሀኦ ፓዴዳ፤ ባዬዳ፤ ሸን ሀኦ ቤቱዳ፡ ያግና፡ ናሽቶ ደሜድና።

25 “ሄ ዋድያን፡ ባይራ ናኦይ ጋደን ደእያዋ ዪደ ጎለኮ ማትያ ዋደ፡ የላን ዱራዋ ኮሹንቻ ሰሴዳ።

26 እካ የው እየንቶ ኤራናው ኮዪደ፡ ቆማቱዋጥ እቱዋ ዴሲደ፡ ሀዌ እዬ?፡ ጊደ ኦቼዳ።

27 ቆማቱካ፡ ሳ እሻይ ሳር ዬዳ ድራው፡ ነ እቡ ሞጶ ኮራማ እው ሹኬዳ፡ ያግ ኦዴድና።

28 “ባይራ ናኦይ ሀንቀቲደ ጎለ ገልከ ያግ እጽና፡ እው ካረው ከሲደ፡ ገላናዳ ዋሴዳ።

29 ሸን እ ዛሪይ ባረ እባ፡ ሄኮ ሀዋ ከና ዋድያ ቆማዳን ነው ከተታድ፤ ነ እዛዘዋጥ እቱዋንካ ፓጭሳ በይከ፤ ታ ላገላቱዋና እትጥ ናሽታና ማላ ሀራይ እቶ እት ዴሻ ቡልኡዋን ታው እማ በይካ፤

30 ሸን ሀዌ ነ ናኦይ ነ ሚሻ ጫራቱዋና እትጥ ዲፍሲደ ዪና፡ ጂኮ ቦራ ሹካዳ፡ ያጌዳ።

31 “እውካ እ፡ ሓ ናኦው፡ ኔን ኡባ ጋላሳ ታናና እትጥ ደኣ፤ ታሳ ግዴዳባይ ኡባይካ ነዋ።

32 ሸን ሀዌ ነ እሻይ፡ ሀይቁዳዌ ፓጽ ድራውን ባዬዳዌ ቤቶ ድራው፡ ኔን ሚድን ኡሺደ ናሽታናው በሴ፡ ያጌዳ። ጊደ ኦዴዳ።

### 16

ጋርሳና ሱንላተላ እኬዳ ጭንጫ ብታንያ

1 የሱሰ ባረና ካልያዋንቶ ኦዲደ፡ “እት ዱሪ ብታኒ፡ ባረ ጎልያ ኡባ ቦላ ሱንላዳ እት ብታኒ ደኤ፤ ሸን ሀ ብታኒ ኦ ሚሻ ባይዜ ያግያ ዝግርሳይ ኦ ጋከዳ፤

2 ሄዋ ድራው ባረ ሱንላዳ ብታንያ ዴሲደ፡ ሀዌ ታን ሰሰያ የው እዬ? ህንጥ ጉየ ኔን ታ ጎልያንካ ታ ሚሻ ቦላ ታጥ ጋርሳና ሱንጋደ ከተታናው ዳንዳያቤና ድራው፡ ሀቼ ጋክናው ከተቱዳዋ ሄታደ ሹዳ፡ ያጌዳ።

3 “ሱንጋቱዳዌ ባረ ዋዛናን፡ ሓ ጎዳይ ታና ሱንላተላጥ ኮላና ሀኔ፤ ሸን ታ ዋሮሻ? ጎሻናው ዋልቃይ ታው ባዋ፤ ዋሳናው ቃይ ታው ፖኬ።

4 ታ ኦላናባ ታ ኤራይ፤ እ ታና ሱንላተላጥ ከሶጥ፡ ባረንቱ ጎለ ቢና፡ ታና ሞክያ ላገላቱዋ ታን ደማና፡ ያጌዳ።

5 “ባረ ጎዳጥ ሻሉዋ ታልኤዳ ኦሳቱዋ ሁጲያን ሁጲያን ዴሲደ፡ ኮይር ብታንያ፡ ሄን ታ ጎዳጥ ዋይሳ ከና ሻሉዋ ታልኤዳ?፡ ያጌዳ።

6 “እካ፡ ሓን ዴቱ ባራታ ኩሜዳ ዛይትያ ታልኤዳ፡ ያጌዳ።

7 “ሱንጋቱዳ ብታኒካ፡ ኔን ፓራማና ዋራቃታ ሄይ፤ ኡታደ ኡለካ ሄሻታማ፡ ጋደ ጸፋ ያጌዳ።

8 “ሄዋጥ ሀራ ብታንያ፡ ሄን አፑኩዋ ታልኤዳ?፡ ያጌዳ።

9 “ጴቱ ቁንኦ ዛርጋ፡ ያጌዳ።

10 “ሱንላይካ፡ ሞራቃታ ሄይ፤ ሆሰፑን ታማ ጋደ ጸፋ፡ ያጌዳ።

11 “ሄ ሱንላይ ጭንጫተላን ኦሌዳ ድራው፡ እ ጎዳይ ኦ ጋላቲዳ፤ እያው ጎጥ፡ ሀ እላምያ ኦሳይ ባረንቱዋ ፖኡዋ ኦሳጥ ኦሌዳ ጭንጫቱዋ።

12 “ሓን ህንተንቶ ያጋይ፡ ሀ እላምያ ሻሉ ወርያ ዋደ፡ ሙድናው ወርና ጎልያን

† 15-22 ሞግዴዋ፡ ጫማ፡ ሀ ቃላቱ ናኣ እቡ፡ እ ፖሎ ዋዛናጥ እኮዋ በሰያዋንታ፡ ሞግዴ፡ ሄ ናኦይ ጎለን ደእያ ኦሳቱዋ ኡባጥ ሎኦ ጸላቲዳዋ በሴ። ጫማይ ቃይ፡ እ ባረ አቦ እይለ ግደናዳን ናኣ ግድያዋ በሴ። አይላቱ ሄ ዋደ ጫማ ዋክና።

ህንተንታ ሞካና ማላ፣ ሀ ሚሻን ህንተንቶ ላግያ ደምተ።

10 ላፋ የወዋን አማነቴዳዌ፣ ዋጋባንካ አማነቴ። ሽን ላፋ የወዋን አማነትቤናዌ፣ ዋጋባንካ አማነተና።

11 ሰሞ ህንተንቱ ሀ አላምያ ሻሉዋን አማነተናዋ ግደጥ፣ ቱማተላ ሻሉዋ ህንተንቶ ኦኔ ሀዳራ ጊደ አማናዋ?

12 ህንተንቱ ሀራ እሳ ሻሉዋን አማነተናዋ ግደጥ፣ ህንተንቱ ሚሻ ኦኔ ህንተንቶ አማናዋ?፣ ጌዳ።

13 “ኣት ካላ ላኤ ጎዳቶ ቆማታናዉ ዳንዳይያዌ እይ ቆማይካ ባዋ፤ አያዉ ጎጥ፣ እቱዋ እጹደ፣ ሀራ ደሴ፤ ዋይ እቱዋ ቦንቹደ፣ ሀራ ካዶ፤ ጸሳዉን ሻሎ ሞደታናዉ ዳንዳይክታ” ያጌዳ።

14 ሻሉዋ ደሴያ ፓርሳዋቱ ሀዋ ኡባ ሰሲደ፣ የሱሳ ቦላ ቅሊጩድና።

15 ሽን የሱስ ኡንቱንታ፣ “ህንተንቱ አሳ ሰንላን ህንተንታ ጽሎ አሳ ኦልያዋንታ፤ ሽን ጸሳይ ህንተንቱ ሞካና ኤሬ፤ አያዉ ጎጥ፣ አሳ ሰንላን ቦንቹቴዳዌ ጸሳ ሰንላን ቱና ግዴ።

ሙሴ ህግያባን ገሉዋ አካባ (ማቶሳ 5:31-32፤ 11:12-13፤ ማር. 10:11-12)

16 “ሙሴ ህግያን ናባቱ ጸፊዳ ማጻፋ \* የሃንሳ ዋድያ ጋካናዉ አሳይ አዛዘቲደ ደኤድና፤ ሄዋጥ ካላ ቃይ ጸሳ ካዉተላይ ኦደቴዳ፤ አሳይ ኡባይ ያ ገላናዉ ኬሰቴ።

17 ሽን ህግያጥ እትባይ እትያዋጥ ሳሉነ ሳእይ አድያዌ ማታቴ።

18 “ባረ ማቻቶ ብሊደ ሀራሮ አክያዌ ኡባይ ዋሹሜ፤ ቃይ አስናጥ ብለቴዳ ማጫወኖ አክያዌ ኦንካ ዋሹሜ።

ዱረ ብታንያባን ማንቆ ግዴዳ አልአዛራባ

19 “ጋቲ ሎይሊደ አልኦ ግዴዳ ማዩዋ ማዩድነ ጋላሳን ጋላሳን ኦቶሩዋን ናሽቲደ ደእያ እት ዱረ ብታኒ ደኤ።

20 ቃይካ ኩሙንሳ አሳተላን ማይላይ ደእያ እት አልአዛራ ጌተትያ ሀይሳይ፣ ሀ ዱረ ብታንያ ካርያን ግሴዳ።

21 ሀ ዱረ ብታንያ ሳምፓጥ ላለቴዳ ሱፓ ማናዉ አዋቱ፤ ሀራይ አቶ ካናቱካ ዪደ አ ማይላ ላጩኖ።

22 “ሀ ሀይሳ ብታኒ ሀይቂና፣ ከታንቻቱ አ አብራሃሞ ባጋ ቦንቻሳ አፊድና፤ ዱረ ብታኒካ ቃይ ሀይቂደ ሞገቱዳ።

23 ሰኦልያን ዳሮ ሴለቲደ ደእሸን፣ ቆቁ ጊደ ሃኩዋን አልአዛራ፣ አብራሃሞ ባጋን ደእያዋ በኤዳ።

24 “አካ ባረ ከሻ ቆቁ ኦሊደ፣ ኣብራሃሞ፣ ታ አቦ፣ ታዉ ቃረታ። ሀ ታማ ሴላን ሙቶታ ደእያ ድራዌ፣ አልአዛር ባረ ብራድያ ጴራ ሃላን ቦቹደ፣ ታ እንጾርሳ እርጽሳናዳን ሀያና ታኮ ከታርኪ” ያጌዳ።

25 “አብራሃሞ ቃይ፣ ታ ናአዉ፣ ኔን ፓጾ ደኣደ፣ ሎኦ ደኡዋ ደእና፣ አልአዛር ሎኤና ሙቶ ደኡዋ ደኤዳዋ ቆፓ። ሀእ ቃይ እ ሀዋን ናሽትያ ዋደ፣ ኔን ሙቱዋ ቦላ ደኣ።

26 “ ሳዋጥ ሀራይ ቃይ፣ ሀዋጥ ያ ህንተንቱኮ አቆናዉ ኮይያዋንቱ አፍናን፣ ያን ደእያዋንቱካ ቃይ ሃ ኮኮ ጥናዳን፣ ኦ ግደንከ ህንተንቱ ግደን ዋጋ አፋ ሙፍቱዳ” ያጌዳ።

27 “ዱረ ብታኒካ፣ ኣብራሃሞ፣ ሰም ሄዋ ግደጥ፣ ኔን አልአዛራ ታ እኩ ጎላ የዳና ማላ፣ ኔና ዋሳይ።

28 አያዉ ጎጥ፣ ታዉ እቼሹ እሻቱ ደእያ ድራዉ፣ ኡንቱንቱ ቃይ ሀ ሙቱዋሳ ድና ማላ፣ ኡንቱንቶ አልአዛር ቢደ ማርካቶ” ያጌዳ።

29 “አብራሃሞ ቃይ፣ ሙሴን ናባቱ ጸፊዳ ማጻፋይ ኡንቱንቶ ደኤ፤ ሄ ማጻፋይ ግያዋ ኡንቱንቱ ሰሲኖ” ያጌዳ።

30 “ዱረ ብታኒ፣ ሳሊ፤ አብራሃሞ፣ ታ አቦ፣ ሄዋ ግደና፤ ሽን እት ብታኒ ሀይቁዋጥ ደንዱደ፣ ኡንቱንቱኮ ብንቶ፣ ኡንቱንቱ ባረንቱ ናጋራ ፓጹደ፣ ሰማርዋንታ” ያጌዳ።

31 “አብራሃሞካ፣ ኣኡንቱንቱ ሙሴን ናባቱ ጸፊዳ ማጻፋ ሰሰናዋ ግደጥ፣ ሀራይ አቶ እት ኡራይ ሀይቁዋጥ ደንድ ይንቶካ አማንክና” ያጌዳ።

### 17

ናጋራባ የሱስ ኦዴዳ (ማቶሳ 18:6፣ 7፣ 21፣ 22፤ ማር. 9:42)

1 የሱስ ባረና ካልያዋንታ፣ “አሳ ባለሰያዌ ዬናን አተና፤ ሽን ባለሰያዋ አህያ ኡራዉ አዉ አየ፤

2 ሄ ብታኒ ሀ ጉላቱዋጥ እቱዋ ባለሰያዋጥ፣ ጋጭያ ዋጾ ባረ ቆድያን ቃሽቲደ አባን ሞተትያዌ አዉ ሎኣ።

3 ህንተ ሁጸዉ ናገትተ። “ነ እሻይ ኔና ናቆጥ፣ አ ዘራ። ቃይ ናጋራጥ እ ሰሞጥ፣ አዉ አቶ ያጋ።

4 እት ጋላሰ እ ኔና ላፑ ገይ ናቂደ፣ ላፑ ገደካ፣ ኔና ታ ናቃድ፣ ታና ማራ፣ ጊደ ኔኮ የጥ፣ አዉ አቶ ጋ” ያጌዳ።

5 ከተቱዳዋንቱካ ጎዳ፣ “ኡዉ አማኑዋ ጉጃ” ያጌደ ኦቹድና።

6 ጎደይካ፣ “ህንተዉ ሳናፍጭያ እይፍያ ከና አማኑ ደእንቶ፣ ህንተንቱ ሀ ቦእያ፣ ሳዋጥ ሽደታደ፣ አባን ቶከታ” ግንቶ ህንተዉ ኤና ጋና” ያጌዳ።

ቆማይ ኦላናዉ በሰያ ኦሱዋ

7 ቃይካ የሱስ፣ “ህንተጥ ጎሽያዌ ዋይ ሞያ ሄምያ ቆማይ ደእያ አሳይ ሀቀት ደኣጥ፣ ጎሻ ጋደጥ ዋይ ሞያ ጋደጥ ሰሞ ዋይ ኤለካ፣ ሃያ ሽምፓ አካ፣ ቁማ ማናዉ ኡታ” ያግያዌ ኦኔ?

\* 16:16 ሙሴ ህግያን ናባቱ ማጻፋ፡- አይሁዳቱዋ ገሻ ማጻፋቱዋ፣ ሄዋንታ ጉሳይ ኤጫ ጫቁዋ ማጻፋ። 16:16 ማቶሳ 11:12፣ 13 16:17 ማቶሳ 5:18 16:18 ማቶሳ 5:32፤ 1 ቆሮ. 7:10፣ 11

8 የወዋን ቃይ፡ ታ ማና ካወዋ ገግሳ፤ ታ ማናን ኡሻና ጋካናወ ሞናደ ታና ኤቃደ ሞዛ። ሄዋጥ ጉየ ነዉ ማ፡ ኡሻ፣ ያግያዋ ግደኔ?

9 ሄ ቆማይ ከተቲዳባ እሌዳ ድራዉ፡ ሄ ብታኒ ጋላታናዉ በሰኔ?

10 ሄዋዳንካ ሀንተ ቃይ አሳይ ሀንተና ከቶ ኦሱዋ እሌዳ ዋደ፡ ሓን ማደና ቆማቱዋ፤ ኦ ኦሶ ጸላላ እሌዳ፣ ያግተ” ያጌዳ።

የሱሰ ኦሉ ኦይቄዳ ታሙ አሳቱዋ ፓሌዳ

11 የሱሰ የሩሳሳሙ ቢደ፡ ጋላላጥን ሳማርያ ግያ ጋዳቱዋጥ ግዳዋና እዲዳ።

12 እ እት ጉላ ካታማቶ ገልያ ዋድያን፡ ሃኩዋን ኤቄዳ ታሙ ኦሉዋን ኦይቄቲዳዋንቱ እ በኤድና። ኡንቱንቱካ ሃኩዋን ኤቄደ፡

13 ባረንቱ ኮሻ ቆቁ ኦሊደ፡ “የሱሳ፡ ጎዳዉ፡ ሀያ ጎዳ ኦና ፓላርከ!” ያጌድና።

14 የሱሰ ኡንቱንታ በኢደ፡ “ቢደ፡ ሀንተንቱ ቦላ ቄሳቱዋ በሰተ” ያጌዳ።

ኡንቱንቱካ ቄሳቱዋኮ ብደኢደ ኦሉዋጥ ፓዴድና።

15 ኡንቱንቱጥ እቱ ባረ ሀርግያጥ ፓዴዳዋ በኢደ፡ ባረ ኮሻ ቆቁ ኦሊደ፡ ጸሳ ቦንቺደ ሰሜዳ።

16 ጋላቲደካ የሱሳ ገድያ ማታን ጉልባቲዳ። ሄ ብታኒ ሳማርያ አሳ።

17 የሱሰ ዛሪደ፡ “ታሙ ፓጽበይክና? ያትና ኡዳፕናቱ ሀቃን ደኢና?”

18 እይሁዳ አሳ ግደና ሳማርያ ብታንያጥ አትን፡ ጸሳ ቦንቻናዉ ሰሜዳዋንቱ ባዋ ጉሴን? ያጌዳ።

19 የሱሰ እ፡ “ደንዳ ባ፤ ነ አማኑ ኔና ፓሌዳ” ያጌዳ።

ጸሳ ካወተላ የሳባ (ማቶሳ 24:23-28፣ 37-41)

20 ፓርሳዋቱ እት ጋላሰ፡ “ጸሳ ካወተላይ አዉደ ያኔ?” ገደ ኦቶና የሱሰ፡ “ጸሳ ካወተላይ ሀንተንቱ ናግያ ኦግያን ዬና” ያግ ዛሬዳ።

21 ቃይካ፡ “እን፡ ጸሳ ካወተላይ ሀዋን ደኤ፡ ዋይ ሓዋን ደኤ፣ ጋናዉ ደንዳየና፤ ጸሳ ካወተላይ ሀንተንቱ ዋዛና ግደን ደኤ” ያጌዳ።

22 የሱሰ ባረና ካልያዋንቶ ኦዳደ፡ “አሳ ናአይ ቆንጭያ ጋላሳቱዋጥ እቱዋ በእናዉ ሀንተንቱ አዋትያ ዋዲ ያና፤ ሽን በእክታ።

23 ቃይ ኡንቱንቱ ሀንተና፡ ሓዋኩ ሀዋና ዋይ ሓዋና ያጋናዋንታ። ሽን ኡንቱንታ ካሊደ፡ ኡንቱንቱና ቦጥተ።

24 ዋልቃንላይ ሳሉዋን ዋልቃምያ ዋደ፡ ሀ ጋጸጥ ሀን ጋጸ ፖኤ ፖኤ ፖኤ ያግዳን፡ አሳ ናአ የሳይካ ሄዋዳን ሀናናዋ።

25 ሽን ኮይርቲደ አሳ ናአይ ዳር ሙቱዋ ሙቶታናዉን ሄ ዋድያን ደኤያ የለታን እጸታናዉ በሰ።

26 “ሓ ሃድያን ሀናዋዳንካ፤ አሳ ናአይ ቆንጭያ ጋላሳንካ ሄዋዳን ሀናናዋ።

27 ሓ ሃ ማርካብያ ገሎ ጋላሳይ ጋካናዉ ኡንቱንቱ፡ ሚድን ኡሺደ፡ እኪድን አከቲደ ደእሽን፡ ባሻ ሃላይ ዩደ ኡባ አሳካ ባይዜዳ።

28 “ሄዋዳንካ፡ ሎጸ \* ዋድያን፡ አሳይ ሚድን ኡሺደ፡ ዛልኢደ፡ ቶኪድን ጎልያ ኬዲደ ደኤድና።

29 ሽን ሎጸ፡ ሶደማጥ ከሶ ጋላሳን ቃይ ሳሉዋጥ ታማይን ኤጽያ ቦንቆ ሹቻይ ቡኬዳ፤ ኡባባካ ሚደ ዉርሴዳ።

30 “አሳ ናአይ ቆንጭያ ጋላሳንካ ሀዋዳን ሀናናዋ።

31 ሄ ጋላሳን፡ ጎልያ ሁጲያን ደኤያዎ፡ ጎላ ጋርሳን ደኤያ ሚሻ አካናዉ ዋቆ፣ ሀዋዳንካ ጎሻ ጋደን ደኤያዎ፡ ጉየ ሰዋ፣።

32 እነ ሎጸ ማቻትባ ቆጥተ!

33 ባረ ሽሞጥቱ አሻናዉ ኮይያ ኡባይ፡ ባይዜ፤ ባረ ሽሞጥቱ ባይዜያ ኡባይ፡ ደኡዋን ናጌ።

34 ታ ሀንተዉ ኦድያዎ እዬ ጎጥ፡ ሄ ቃማን ላኤ አሳቱ እት ግሱዋን ግሳናዋንታ፤ ኡንቱንቱጥ እቱ አከትና ላኤንሰያዎ አታናዋ።

35 ላኤ ማጫ አሳቱ እት ዋጸን ጋጫናዋንታ፤ እትና አከትና፡ እትና አታናዉኑ።

36 ላኤ አሳቱ ጎሻ ጋርሳን ደኤያ፤ እቱ አከታናዋ፡ ላኤንሰያዎ አታናዋ” ያጌዳ።

37 እ ካልያዋንቱ የሱሳ፡ “ጎዳዉ፡ ሄዋ ሀቃን ሀናናዋ?” ያጌድና።

እካ ዛሪደ፡ “ባኩታይ ደኤያሳ ሾርቲ ሺቃናዋ” ያጌዳ።

### 18

ማንቆ ግዴዳ አምእትባን ማካላንቻ ዳናባ 1 የሱሰ ባረና ካልያወንቶ፡ ሳለተናን ኡባ ጋላሰ ዋሳናዳን ለምሱዋን ኦዴዳ።

2 እካ፡ “እት ካታማን ጸሳዉ ያየናዎ፡ አሳካ ቦንቹና እት ዳናይ ደኤ።

3 ሄ ካታማን አምኤ ሞሽራታ ደኤዉ። እዛካ ሄ ዳናኮ ያደ፡ ታ ሞርከዉን ታዉ ደኤያ የወዋ ፕርዳ፣ ያግደ።

4 “ዳር ዋድያን እዘዉ ፕርደናን እጾዳ። ሽን ባረ ዋዛናን ቆጥደ፡ ታን፡ ኡባ ጸሳዉ ያየና ቆጥጥካ፡ አሳካ ቃይ ቦንቻና ቆጥጥ፡።

5 ሀ አምኤ ሞሽራታ ታና ላባንሰያ ድራዉን ኡባ ዋደ ታኮ ያደ ታና ዳቡርሰና ማላ፡ ታን እዘዉ ፕርዳና፣ ጌዳ።

6 “ሄ ማካላንቻ ዳናይ ጎዋ እኬክተ።

17:14 ዋጋ 14:1-32 17:26 ደመላ 6:5-8 17:27 ደመላ 7:6-24 \* 17:28 ሓ፡ ሎጸ፡ ጸሳይ ቢታ ባሻ ሃላን ባይዜዳ ዋደ፡ እ ኖሀ ነ ጎላ አሳ አሺዳ። ጸሳይ ሶደማን ጋሞራ ካታማቱዋ፡ እዛን ደኤያ ኢታ አሳቱዋ ኡባ ታማን ባይዜዳ ዋደ፡ ሎጸን ነ ጎላ አሳ አሺዳ (ደመላ 19:1-29 ጸልተ)። 17:29 ደመላ 18:20—19:25 17:31 ማቶሳ 24:17፣ 18፣ ማር. 13:15፣ 16 17:32 ደመላ 19:26 17:33 ማቶሳ 10:39፤ 16:25፤ ማር. 8:35፤ ሉቃስ 9:24፤ የሃ. 12:25 17:36 ማቶሳ 24:40

7 ጸሐይ ጋላስነ ቃማ ባረንታ ማደና ማላ፣ ዲንዲያን ኦኮ ዋሰያ ደረታዋንቶ ፕርደኔየ? እ ኦንቱንቶ ኤለካ ዛሪኔ?

8 ታን ህንተንቶ ያጋይ፤ ኦንቱንቶ ኤሌል ፕርዳና፤ ሽን ኦሳ ናኦይ ይያ ዋደ ሀ ቢታን ኦማኑዋ ደማኔሻ?” ያጌዳ።

ኦቶሪትያ ፓርሳዊያን ባረና ካወሽሴዳ ቃራጸ ቃንጸያ ብታንያ

9 ባረንታ ጌሻ ጊደ ኦማንትያዋንቶን ሀራ ኦባ ዳሪ ካፎያዋንቶ፣ የሱስ ሀ ለምሱዋ ኦዴዳ።

10 “ላኦ ኦሳቱ ዋሳናዉ ጌሻ ጎልያ \* ገሌድና። ሄዋንቱፕ እቱ ፓርሳዊያ፤ እቱ ቃይ ቃራጸ ቃንጸያዋ።

11 ፓርሳዊ ደንድ ኤቂደ ባረ ዋዛናን ዋሲደ፣ ‘ጸሳዉ፣ ታን ሀራ ኦሳደን፡ ቦንቂያዋንቱደን፣ ማካልያዋንቱደን፣ ዋሹዋያዋንቱደን፣ ዋይ ሀዋደን ቃራጸ ሺሸና ድራዉ ኔና ጋላታይ።

12 ሳምንታን ላኦ ካላ ጸማይ፤ ታን ደምያ ኡባፕ ታሙ ኩሽያፕ እቱዋ እማይ” ያጌዳ።

13 “ሸን ቃራጸያ ብታኒ ሃኩዋን ኤቂደ፣ ባረ ኦይፍያን ፑደ ሳሉዋ ቆቁ ጊደ ጸሳናዉካ ኮይቤና። ሸን ባረ ትራ ባቂደ፣ ‘ጸሳዉ፣ ታን ናጋሪታቻ፤ ታና ማራ” ያጌዳ።

14 ታን ህንተንቶ ኦድያዊ ኦይ ጎፕ፣ ካስ ብታንያፕ ኦዲደ ሀ ብታኒ ጽሎ ግዲደ ባረ ጎለ ስሜዳ፤ ባረና ቆቁ ኦሳያ ኡባይ ካወሻና፤ ባረና ቃይ ካወሽሰያ ኡራይ ቆቁ ጋና” ያጌዳ።

የሱስ ጉላ ናና ኦንጃዳ (ማቶሳ 19:13-15፤ ማር. 10:13-16)

15 የሱስ ባረ ኩሽያ ዋሊደ ኦንጃና ማላ ኦሳይ ጉላ ናና ኦንደ ኦኮ ዬድና። ኦ ካልያዋንቱካ ቦኤደ፣ ኦሳ ኦሃና ማላ ጌድና።

16 የሱስ ቃይ ጉላ ናና ባረኮ ጸሲደ፣ “ጉላ ናናይ ታኮ ያና ማላ ኦግተ፣ ድጎፕተ፤ ጸሳ ካወተሳይ ሀዋንቱ ማሳሳ።

17 ታን ህንተንቶ ቱሙዋ ኦዴይ፤ ጸሳ ካወተሳ ጉላ ናኦደን ኦከናዋንቱ ኡባይ ሄ ካወተሳ ሙለካ ገለና” ያጌዳ።

18 ይሁዳ ቢታ ሞድያዋንቱፕ እቱ፣ “ሎኦ ታማርሰያዋ፣ ታን ሙፎና ደኡዋ ላታናዉ ኦያ ኦላናዉ ቦሲ?” ያጌደ የሱሳ ኦቼዳ።

19 የሱሰካ ኦዉ፣ “ኦያዉ ታና ሎኦ፣ ያጋይ? እት ጸሳፕ እትን፣ ሎኦ ኦንነ ባዋ፤

20 ጸሳ ኦከዛቱዋ፣ ዋሹዋፕ፣ ዋዲፕ፣ ዉኦፕ፣ ዋርዱዋ ማርካቶፕ፣ ነ ኦባነ ነ ዳዮ ቦንቻ ያግያዋ ኤራ” ያጌደ ዛሬዳ።

21 ብታኒ ዛሪደ፣ “ሀዋ ኡባ፣ ናኦተሳፕ ደማይ ናጋድ” ያጌዳ።

22 የሱሰካ ሀዋ ሰሲደ፣ “ኦትባይ ኔን ብርን ኦኩናን ኦቶዋ ደኤ፤ ሄዋኔካ፣ ነዉ ደኤያዋ ኡባ ዛልኦደ ማንቃቶ ኦማ፤ ሀዋ ኦሳፕ ሳሉዋንካ ኔን ድረታና፤ ሄዋፕ ጉዮ ታ ጌዱዋ ካላ” ያጌዳ።

23 ሄ ብታኒ ቃይ ሄዋ ሰሲደ ዳር ዱረ ግደ ድራዉ ዳር ካዮቱዳ።

24 የሱሰካ ሀ ብታኒ ዳር ካዮቶዋ ቦኤደ፣ “ዱረ ኦሳይ ጸሳ ካወተሳ ገላናዉ ዋት ሙታንዳሻ፤

25 ዱረ ኦሳይ ጸሳ ካወተሳ ገላናዋፕ ጋሉ ማርፕያ ጸኦያና ኦላናዊ ማታቱ” ያጌዳ።

26 ሄዋ ሰሴዳ ኦሳይ፣ “ሰም ኦን ኦታናዉ ዳንዳዴ?” ያጌድና።

27 እካ ቃይ ዛሪደ፣ “ኦሳዉ ዳንዳየተናዊ ጸሳዉ ዳንዳየቱ” ያጌዳ።

28 ጸጽሮስ ዛሪደ፣ “ሰም ኦን ኦዉ ደኤደ ኡባ ኦኒደ ኔና ካሊደ” ያጌዳ።

29 እካ፣ “ቱሙዋ ጋይ፣ ጸሳ ካወተሳ ድራዉ ባረ ጎልያ፣ ዋይ ባረና የላዋንታ፣ ዋይ ባረ ማቻያ፣ ዋይ ባረ ናና፣ ዋይ ኦሻቱዋ ኦኔዳዊ።

30 ሀ ዋድያን ዳር ዳኩዋ፣ ሰንላ ይያ ካወተሳንካ ሙፎና ደኡዋ ኦከናዊ ኦንነ ባዋ” ያጌዳ።

የሱስ ባረ ሀይቁዋባ ሄዘንሎዋ ኦዴዳ (ማቶሳ 20:17-19፤ ማር. 10:32-34)

31 የሱሰካ ታማን ላኦ ባረና ካልያዋንታ ባረኮ ጸሲደ፣ “ሰም የሩሳሎም ባና፤ ኦሳ ናኦባይካ ናባቱ ማጸፋን ጸፈቱዳባይ ኡባይ ያን ፖለታና።

32 ኦይሁደ ግደናዋንቶ ኦ ኦላ ኦማና፣ ቅሊጫና፣ ዳር ሙቶላና፣ ኦ ቦላን ጩቻና፤

33 ሽጮዋፕ ጉይያን ዋላና፣ ሄዘንሎዋ ጋላስ ኦ ደንዳና” ያጌዳ።

34 ኦንቱንቱካ ሀ የወዋፕ ኦያን ኦኬክቦይክና፤ ሀይቁካ ኦንቱንቶ ኦኬክቶቤና ድራዉ ኦ ሃሳዮባካ ኦርቦይክና።

35 የሱስ ኦያርኮኮ ማቱዳ ዋድያን፣ እት ቆቃ ብታኒ ዋሲደ ኦግያ ጋጸን ኡቱዳ።

36 ጮራ ኦሳይ ኦድያዋ ሰሲደ፣ “ሀዊ ኦይሻ?” ያግ ኦቼዳ።

37 ኦሳይካ ኦዉ፣ “ናዛሪትያ የሱስ ሀዋና ኦድ ደኤ” ያግ ዛሬድና።

38 እካ፣ “ዳዊተ ናኦ የሱሳ፣ ታና ማራርኪ” ጊደ ዋሲደ።

39 ኦፕ ሰንላና ቢደ ደኤያዋንቱካ፣ ጮኦ ጋናደን ሀንቀቱድና። እ ቃይ፣ “ዳዊተ ናኦዉ፣ ታና ማራርኪ” ጊደ ዳሪ ዋሲደ።

40 የሱሰካ ኦቂደ፣ ባረኮ ኦሀናደን ኦሳዉ ኦዴዳ።

41 የሱሰካ ኦ ጸቱዋ ዋድያን፣ የሱሰ፣ “ታን ነዉ ኦያ ኦላናደን ኮያይ?” ያጌደ ኦ ኦቼዳ። እካ ዛሪደ፣ “ጎዳዉ፣ ጸሳናዉ ኮያይ” ጌዳ።

42 የሱሰካ፣ “ጸላ፣ ነ ኦማኑ ኔና ፓሌዳ” ያጌዳ።

43 ሄ ዋድያንካ ጸል ኦኔዳ፤ ጸሳካ ቦንቹደ ኦ ጌዱዋ ካሊደ። ኦሳይ ኡባይ ብታንያ ጸሊደ፣ ጸሳ ጋላቱድና።

\* 18:10 ዋሳናዉ ጌሻ ጎልያ- ኦይሁዳ ኦሳይ ኡባ ዋደ ጌሻ ጎልያን ዋንታ ጉራንነ ጋላሳ ዋሰና።



# 19

የሱሳን ዘክሮሳ

1 የሱሳን ሆነ እያርኮ ካታማ ገሊደ፣ ሄዋና አፎ ደኢ።

2 ሱንሳይ ዘክሮሳ ጌተትያ እት ዱረ ብታኒ ሄዋን ደኢ። እካ ቃራጽያዋንቶ ካፑዋ።

3 ዘክሮሳ የሱሳን ጌተትያዋ ሀቃዌንቶ በአናወ ኮይሽን ቃንሳ ግዴዳዋ ድራው፣ አሳ ጮራተላፕ ደንደዋን በአናወ ዳንደይቤና።

4 የሱሳን ሄ ኦግያና አፎያ ድራው፣ ሰንሳወ አፎደ እት ቦእያ ቦላ ከሴዳ።

5 የሱሳን ሄ ሳኦ ጋኪደ፣ ጶቁ ግ ፑደ ጸሊደ፣ “ዘክሮሳ፣ ሀቼ ነ ጎሊን ፔሻናወ በሰያ ድራው ኤላ ዋቆ” ያጌዳ።

6 እካ ኤሌል ቦእያፕ ዋፎደ፣ ናሽቻን የሱሳን ሞኬዳ።

7 ሄዋን ደእያ አሳ ኡባይ ሀዋ በኢደ፣ “ሀዋ ናጋራንቻ ጎሊን ገሊደ እማላ ግዴደ ሾበታና ሆኔ” ገደ ኡባቱካ ዙዙንሳ ደሚድኖ።

8 ዘክሮሳካ ቃይ ኤቁደ ጎዳ፣ “ጎዳው፣ ሰም ታወ ደእያዋ ኡባፕ ባጋ ህየሳቶ እማና፤ ኦፐንካ ዋርዲዋን አኬዳዋ ግደፕ፣ ኦይዱ ዳኩዋ ኡዳደ ዛራኖ” ያጌዳ።

9 የሱሳካ ዘክሮሳወ ኦዲደ፣ “ኔንካ አብራሃም ሼሻ ግድያ ድራው፣ ሀቼ አቶተሳይ ሀ ጎላ አሳወ ዬዳ።

10 እያወ ጎፕ፣ አሳ ናኦይ ባዬዳዋ ኮያናወን አሻናወ ዬዳ” ያጌዳ።

ታሙ ቆማቱዋ ለምሱዋ (ማቶሳ 25:14-30)

11 አሳይ ሀዋ ሰሲደ ደእሽን የሱሳ፣ ህን የሩሳላሙ ጸቱዋ ድራውን ኤንቱንቶ ጸሳ ካወተሳይ ሀእካ ቆንጮያዋ ማላቶ ድራው ለምሱዋ ኦዳዳ።

12 ሀዋዳን ያግ ደሚዳ፣ “እት ዋልቃማ ብታኒ ባረወ ካወተሳ ቦንቹዋ እኪደ ሰማናው፣ ህን ሃኮ ጋድያ ቤዳ።

13 ባረ ቆማቱዋ ግደፕ ታሙዋ ጸሲደ፣ ኤንቱንቶ ታሙ ማጽ \* ጌተትያ ሚሻ እዋዋሽን፣ ታን ሰማደ ያና ጋካናው፣ ሀ ሚሻን ዘልእሸት” ያጌዳ።

14 “ሸን አ ጋድያ አሳይ አ እጾ ድራው፣ ሀ ብታኒ ኑ ቦላ ካተታናዳን ኔን ኮዮኮ” ያጌደ፣ ጌዮና እ ደኢያሳ አሳ ከቴቲና።

15 ግደፕ አትን፣ ሀ ብታኒ ካተ ግዴደ ህን ባረ ጋደ ሰሚዳ፣ ሄ ቆማቱ ሁጲያን ሁጲያን አ እዋ ሚሻን ዘልኢደ አይ ኬና ዋፎሴድኖንቶ ኤራናወ ጸሰሴዳ።

16 “ኮይሮ ቆማይ ሸቁደ፣ ጎዳው፣ ኔን ታወ እሚዳ ታሙ ሚና ዋፎያ ታሙዋ ደማድ” ያጌዳ።

17 አ ጎዳይ አ፣ ሀያናሽ! ኔን ሎኦ ቆማ፤ ኔን ጉላ የወዋን አማንቲዳዋ ግደደ ቤቶ

ድራው፣ ታሙ ካታማቱዋ ቦላን ማታይ ነወ እመቲዳ” ያጌዳ።

18 “ላኤንሳያዌካ ሸቁደ፣ ጎዳው፣ ኔን ታወ እሚዳ እቼሹ ሚና ጌተትያ ሚሻይ እቼሹዋ ዋፎዳ” ያጌዳ።

19 አ ጎዳይካ አ፣ ጎዳው እቼሹ ካታማቱዋ ቦላን ማታይ እመቲዳ” ያጌዳ።

20 ሀራ ሄዘንሳያ ቆማይ ሸቁደ፣ ጎዳው፣ ጨርቃን ጸጸ ዋፎዳ ነ ሚሻ ሀዋ በኢ።

21 እያወ ጎፕ፣ ኔን ዋሳቤናሳፕ አክያዋ፤ ዘራቤናዋ ቆይጮያ መቀሰ ባይና አሳ ግድያ ድራው፣ ነወ ያያድ” ያጌዳ።

22 “ጎዳይካ፣ ሀ ኢታ ቆማይ፤ ኔን ሃሳዮ ቃላን ነ ቦላ ታን ፕርዳና፣ ዋሳቤናዋ አክያዋ፣ ዘራቤናዋ ቆይጮያ መቀሰ ባይና አሳ ግድያዋ ኤሮፕ።

23 ታን ያደ ታ ሚሻ ዋፎያና አካና ማላ፣ አያወ ዋፎሰያዋንቶ እማበይኪን” ያጌዳ።

24 “ጎዳይካ፣ ሄዋን ኤቆዋንታ፣ ሀ ሚሻ አፕ ዋሳ አኪደ ታሙ ሚናይ ደእያዋ አምተ” ያጌዳ።

25 ኤንቱንቱካ፣ ጎዳው፣ አወ ታሙ ሚናይ ደኤ” ያጌድኖ።

26 “አካ፣ ታን ህንተንቶ ኦድያዎ፣ ደእያዋ ኡባወ ጌጀታናዋ፤ ባይናዋፕ ቃይ ሄ ደእያዌካ አከታናዋ።

27 የወዋን ቃይ ታን ኤንቱንቱ ቦላን ካወተናዳን ኮዬዳ ታ ሞርካቱዋ ታኮ አሂደ ታ ሰንሳን ሹክተ” ጌዳ” ያጌዳ።

የሱሳን ዳር ቦንቹዋን የሩሳላሙ ገሊዳ (ማቶሳ 21:1-11፤ ማር. 11:1-11፤ ዮሃ. 12:12-15)

28 የሱሳን ሀዋ ጎዋፕ ካላ ህን የሩሳላሙ ከሳናወ ባረና ካልያዋንቱ ሰንሳቲደ ቤዳ።

29 ደብረ ዛይተ ጌተትያ ደርያ ማታን ደእያ ህን ቤተፋገን ቤታንያ ጌተትያ ሄራ ካታማቱዋኮ ሸቁዳ ዋደ ባረና ካልያዋንቱ ላኦቱዋ።

30 “ህንተንቱፕ ሰንሳን ደእያ ቄር ካታማቱዋ ቤተ፤ ያ ህንተንቱ ገልያ ዋደ፣ ኦንነ ብር ኡቲቤና ሀረ ማራይ ቃሸት ኡቴዳዋ ደማንታ፤ አ ብሊደ ሃ አክ ዪተ።

31 ኦንነ ህንተንታ፣ ሀዋ አያወ ብሊቲ?” ገደ አቸፕ፣ ጸላ ባረ ጎዳወ ተ ኮሽያ ድራሳ ያግተ” ያጌዳ።

32 ኪተቲዳዋንቱካ ቢደ፣ የሱሳን ኤንቱንቶ ኦድዋዳን ሀንና ደሚድኖ።

33 ኤንቱንቱ ሀረ ማራ ብልያ ዋደ በኢደ ሀርያ ጎዳይ፣ “ሀረ ማራ አያወ ብሊቲ?” ያጌዳ።

34 ኤንቱንቱካ፣ “ጎዳወ ሀዋ ኮሼ” ያጌደ፣

35 ሀረ ማራ የሱሳን አሂድኖ፤ ባረንቱ ማዮዋ አ ቦላን ዋሊደ የሱሳን ሀርያ ቶግሴድኖ።

19:10 ማቶሳ 18:11 19:11 ማቶሳ 25:14-30 \* 19:13 ሚና- ሚና ጌተትያዎ፣ ግሪክ ቃላን ሞሰሰ ግያዋ። ሀዋ ብሊላይ፣ ሄ ዋደ ደእያ ኦሳንቻ አሳወ እመትያ ሄዙ አገና ድርጉዋ። 19:26 ማቶሳ 13:12፤ ማር. 4:25፤ ለቃሳ 8:18 † 19:31 ጎዳው- ሀዋን ጎዳወ ጌተቶዎ፣ ሀረ ማራ ጎዳፕሽን፣ ጸሳ ግድና። ‡ 19:36 ማደዋ ሂጶድኖ- ሀዋ ጉሳይ፣ እይሁዳ አሳ ዋጋ፣ ኤሪቴዳን ቦንቹትያ አሳወ ኦሰትያ እማላ ሞካ ዋጋ።

36 አሳይካ የሱስ ብያ ኦግያ ቦላ ባረንቱ ማዩዋ ሂጾድኖ። †

37 እ ደብረ ዛይተ ጌተትያ ደርያ ዲገላ አፍያ ኦግያ ማቲዳ ዎደ፣ ዳር ጮራ ግዴዳ እ ካልያዋንቱ በኤዳ ጸሳይ ኦሌዳ ማላታዉ ኡባዉ ናሽቲደ፣ ባረንቱ ኮሻ ቋቁ ኦሊደ።

38 “ጎዳ ሱንላን ይያ ካቲ፣ አንጀቲዳዋ፤ ሳሉዋን ሳርታይ ግደ። ቃይ ክል ቋቃ ሳሉዋን ደእያ።

ጸሳይ ቦንቹቶ” ያጌድኖ።

39 አሳ ጋርሳን ደእያ እት እት ጋርሳዋቱ የሱሳ፣ “ታማርሰያዎ፣ ኔና ካልያዋንታ ጮኡ አላርኪ” ያጌድኖ።

40 አካ ዛሬደ፣ “ታን ህንተንቶ ኦዳይ፣ ኡንቱንቱ ጮኡ ጎጥ፣ ሹቻይካ ዋሳናዋ” ያጌዳ።

41 የሱስ የሩሳላመ ማቲዳ ዎደ፣ ካታማቶ በኢደ፣ ዬኪደ።

42 “ሳ ሳርታዉ ግድያዋ ኔን ሀቼ ኤራድንቶ ሎክ፤ ሸን ሀእ ሃዋ ነ አይፍያጥ ጌሚዳ።

43 አያዉ ጎጥ፣ ነ ቦላ ያና ዎዲ ደኤ፤ ሄ ዎደ ኔና እጽያዋንቱ ነ የሹዋን ድርሳ ድሪደ፣ ያጥነ ሃጥነ ደዲደ፣ ኔና ኡንኤልያ ዎዲ ያናዋ።

44 ኔና ነ ድርሳ ጋርሳን ደእያ ነ አሳ መንግራላና። ጸሳይ ኔና በአናዉ ዬዳ ዎድያ ኔን ኤራቤና ድራዉ፣ ኔና እጽያዋንቱ ሹቻ ኡባ እቲዋ እቲዋ ቦላጥ ደንሲደ ላላናዋ” ያጌዳ።

የሱስ ጌሻ ጎልያን ዛልእያዋንታ የደርሴዳ (ማቶሳ 21:12-17፤ ማር. 11:15-19፤ ዮሃ. 2:13-22)

45 ሀዋጥ ካላ የሱስ ጌሻ ጎልያ ገሊደ፣ ዛልእያዋንታ ሃዋጥ ከሴዳ።

46 የሱስ ዛሬደ፣ “ ናታ ጎሊ ጸሳ ዎሰያ ጎልያ ግዳናዋን ጌተቲደ ጸሳ ቃላን ጸፈቲዳ። ሸን ህንተንቱ አ ፓኑዋ ጎንጎሉዋ ኦሌድታ” ያጌዳ።

47 የሱስ ኡባ ዎደ ጌሻ ጎልያን ታማርሰ ደእሸን፣ ቁሳቲዋ ካፓቲ፣ ሙሴ ሀግያ ታማርሰያዋንቱን አሳ አይሰያዋንቱ አ ዎሳናዉ ኮጻኖ።

48 ሸን አሳይ ኡባይ አ ሃሳያጥ እቲነ አተናን ሰስ ኡቶ ድራዉ፣ አ ዎዲያ ኦግያ ኡንቱንቱ ጳዬድኖ።

### 20

የሱሳ ማታ ቦላ ደንዴዳ ኦሻ (ማቶሳ 21:23-27፤ ማር. 11:27-33)

1 እት ጋላሰ የሱስ አሳ ጌሻ ጎልያን ታማርሴደን ሞሽራቸዋ ቃላ ኦዲደ ደእያ ዎደ፣ ቁሳቲዋ ካፓቲነ ሙሴ ሀግያ ታማርሰያዋንቱ ጋድያ ጭማቱዋና እትጥ የሱሳኮ ዬድኖ።

2 ኡንቱንቱካ፣ “ሀ የዉዋ ኔን ኦልያዎ አይ ማታንንቶ ኦዳ፤ ሀ ማታካ ነዉ እሜዳዎ እ ኦኔ?” ያጌደ ኦቼድኖ።

3 እካ፣ “ና ህንተና እት ኦሻ ኦቶያዎ ደእያዎ እነ ዛርተ።

4 ዮሃንሳ ጽንቃታይ ጸሳፔ ዎይ አሳፔ?” ያግ ኦቼዳ።

5 ኡንቱንቱ ባረ ግድን ማቀቲደ፣ “ጸሳጥ ጎጥ፣ ሄዋ ግደጥ ኡያዉ አማንበይክቲ፣ ኑና ያጋናዋ፤

6 ኡሳጥ፣ ጎጥ፣ አሳይ ኡባይ ዮሃንስ ናብያ ግድያዎ አማንያ ድራዉ ሹቻን ኑና ደቻናዋንታ” ያጌድኖ።

7 ሀዋሰ፣ “ሀቃጥ ዬደንቶ ኤርኮ” ገደ አዉ ዛሬድኖ።

8 የሱስካ፣ “ሀዋ ግደጥ ታንካ፣ ታን ኦ ማታን ሀ የዉዋ ኦላይታንቶ ህንተንቶ ኦድከ” ያጌዳ።

9 ሀዋጥ ሰሚደ የሱስ አሳዉ ሀ ሊምሱዋ ያግ ኦዲዋ ደሚዳ፣ “እት ብታኒ ዳር ዎይንያ ቲራቲዋ ቶኪዳ። ጎሻንቻቶ ኮላዉ እሚደ፣ እ ህን ሀራ ጋድያ ቢደ ጮራ ዎድያ ጋምኤዳ።

10 ዎይኒ አይፍያ አይፎ ዎደ፣ ዎይንያ ጎሻ ጎዳይ ባረና ገዘያዎ አሀናዳን እት ቆማ ኮላዋቲዋኮ ከቲዳ። ከተት ቤዳዋካ ቋኑቢደ፣ መላ ኩሸያ የዴድኖ።

11 ሃዋጥ ሀራ ቆማ ከቲዳ። ኡንቱንቱ ሄዋካ ቃይ ቋኑቢደ፣ ቶቹደ፣ መላ ኩሸያ የዴድኖ።

12 ሀእካ ሀራ ሄዘንልያ ቆማ ከቲዳ። ኡንቱንቱካ ቃይ አ ማሱንላደ፣ ህን ካረ ኦሊድኖ።

13 “ሄ ዎይንያ ቲራ ጎዳይካ፣ ሰም አያ ኦሶ? እነ ሀእ ታ ደሰያ ናአ ኪታና፤ እን ኤር አ ቦንቻጥን ጌዳ።

14 ጎሻንቻቲ ቃይ ናአ በኤዳ ዎደ፣ ሀዋ አ ላትያዎ ግደ ድራዉ፣ ሀይተ ዎዳይተ፤ ሃዋጥ ጉየ፣ ቢታይ ኦሳ ግዳናዋን ገደ ዛርቲድኖ።

15 ዎይንያ ቲራ ሳአጥ፣ ህን ካረዉ ከሲደ አ ዎዲድኖ።

“ዎይንያ ቲራ ጎዳይካ ኡንቱንታ አያ ኡላንዴሻ?”

16 ዮጥ ሄ ጎሻንቻቲዋ፣ ዎሳናዋ፤ ዎይንያ ቲራ ሳአካ ሀራንቶ እማናዋ” ያጌድኖ።

አሳቲካ ሀዋ ሰሶ ዎደ፣ “ሀዋ ማላባ አሀፖ” ያጌድኖ።

17 የሱስካ ህን ኡንቱንቱኮ ጸሊደ፣ “ ሰም ሹቻ ጎልያ ኬጽያዋንቱ ካዴዳ ሹቻይ፣

እ ዋና ጎልያ ሞንሰያ ሀጸ ሹቻ ግዴዳ፣ ጌተቲደ ጸፈቲዳዋ ብለላይ አዬ?

18 ሀ ሹቻ ቦላን ኩንድያ ኡባይ መኤረቲ፤ ሹቻይካ አ ቦላን ኩንድያ ኡባይ ቦንቹታናዋ” ያጌዳ።

ገራ፣ ገራኔ አጋኔ ግያ ኦሻ (ማቶሳ 22:15-22፤ ማር. 12:13-17)

19 ሙሴ ህግያ ጸፍያዎንቱን ቄሳቱዋ ካገቱ የሱስ ሃሳቤዳ ለምሱ፣ ኢንቱንቱ ቦላን ጌተቶዋ ኤሮ ድራው፣ ሄ ሳትያንካ አ ኦይቃናው ኮይድኖ። ሽን እሳው ያይድኖ።

20 የሱሳ፣ ሄ ጋድያ ሞድያዎን አ ማታው አሊደ እማናው አ ደናገጥ ከሰያ ቃላን ኦይቃናው እንጀትያ ዋድያ ልግኖ። ሄዋ ድራው ጌሻ ማላቲደ ኦይሳናው ዋቕያዎንታ ከቲድኖ።

21 ሄ ከተቶዎንቱካ የሱሳ፣ “ታማርሰያዎ፣ ኔን ቱማ የወዋ ሃሳይያዎን ታማርሰያዎ፣ ሄዋዶንካ ቃይ ጸሳ ኦግያ ቱማተላን ታማርሰያዎን አሰነ ዲማየናዎ ኔን ኤሬቶ።

22 ቃይካ ኢንቱንቱ፣ ሮማ ካትያ ቄሳረው ገራ ጭጋናው ኮሺ ዋይ ኮሽኔ?” ያግ ኦቼድኖ።

23 እ ቃይ ኢንቱንቱ ደሻተላ ኤሪደ፣

24 “እነ ታና እት ዲናርያ \* በሰተ፤ ሄዋ ቦላን ደእያ ምሰሊነ ጸፈቶዌ እና በሰ?” ጌዳ።

25 ኢንቱንቱካ፣ “ቄሳረዋ” ጊደ ዛሬድኖ። እኔካ፣ “ሄዋ ግደገ፣ ቄሳረዋ፣ ቄሳረው እምተ፤ ጸሳዋ፣ ጸሳው እምተ” ያጌዳ።

26 ኢንቱንቱካ፣ እ ሃሳቤዳ ቃላን አሳ ሰንላን ኦይቃናው ዳንዳይበይክኖ። አ ዛሩዋን ማላለቲደ ጮኦ ጌድኖ።

ሀይቁዋጥ ደንዲዋባ እሻ (ማቶሳ 22:23-33፤ ማር. 12:18-27)

27 ሳዲቃዋናቱጥ እቱ እቱ የሱሳኮ ዪደ፣ ኦሻ እው ሺሺድኖ።

28 ኢንቱንቱካ የሱሳ፣ “ታማርሰያዎ፣ እት ብታኒ ማቻቶ እኪደ ናኣ የለናን ሀይያዋ ግደገ፣ ምሽራቶ ሄዋ እሻይ ላታ እክ ናኣ የሊደ ባረ እሻው ዘረላ ዋላና ማላ ሙሴ ኑው ጸፊዳ።

29 እት ዋድያን ላፑ እሻቱ ደእያዎንቱጥ፣ ባይራይ ማቻቶ እኪደ የለናን ሀይቁ እጌዳ።

30 ላኤንሰያዎካ እዞ ላቲዳ።

31 ሄዘንሰያዎካ ቃይ እዞ እኬዳ፤ ላፑናቱካ እዞ እኪደ ናኣ የለናን ሀይቁድኖ።

32 ወርሰላን ምሽራታካ ሀይቃ አጋዳ።

33 ሰም ላፑናቱካ ሄ ምሽራቶ እኬዳ ድራው፣ ሀይቁዋጥ ደንዲዳ ዋደ፣ እዞ ኦሰ ማቼ ግዳኔ?” ያግ ኦቼድኖ።

34 የሱሰካ፣ “ሀ አላምያ ናናይ እኪናን አከቲኖ።

35 ሽን ሀይቁዋጥ ደንዲደ፣ ሰንላጥ ይያ ዋድያን ደእናው በሰያዎንቱ እክክናን አከትክኖ።

36 ኢንቱንቱ ጸሳ ከታንቻ ማላቲደ ደእያ ድራው፣ ሄዋጥ ሰሚደ ሀይቁክኖ። ሀይቁዋጥ ደንድያዎንታ ግድያ ድራው ኢንቱንቱ ጸሳ ናና።

37 ሙሴ፣ ጸሳይ እው ቆንጩዳ ዋራባ ጸፊዳ ታርክያ ጋርሳን፣ ጎዳ ጸሳ፣ ‘አብራሃዎ ጸሳ፣ ይሳቃ ጸሳ፣ ያቆባ ጸሳ’ ያጌደ ጸሱሳይ፣ ሀይቃዎንቱ ደንድያዎ በሴ።

\* 20:24 ድናርያ- ሄ ዋደ ሮማ ቢታ አሳይ ጎኤትያ ሚሻ። ከሳ 3:6

38 ኡባይካ እው ሀይቁ ቤናዎንታ ግድያ ድራው፣ እ ሀይቁቤናዎንቱ ጸሳጥ እትን፣ ሀይቆዎንቱዋ ግደኖ” ያጌዳ።

39 እት እት ሙሴ ህግያ ጸፊዳዎንቱካ፣ “ታማርሰያዎ፣ ሎኡዋ ሃሳዳዳ” ያጌድኖ።

40 ሀዋጥ ሰሚደ፣ እቱካ አ ኦቻናው ጸሎዌ ባዎ።

የሱስ እኔ ግያ እሻ (ማቶሳ 22:41-46፤ ማር. 12:35-37)

41 ሀዋጥ ካላ የሱስ ኢንቱንታ፣ “አሳይ ክርሰቶሳ ዎት ዳዊተ ናኣ” ያጌኖ?

42-43 ጋሶተላይኔካ፣ ዳዊተ ባረ ሁጸው ማዘሙረ ማጻፋ ጋርሳን፣

“ ሳዳይ ታ ጎዳ፣ “ታን ነ ሞርከቱዎ፣ ነ ገድያጥ ጋርሳና ደእናዳን ኦላና ጋካናው፣

ታ ኤሽቻን ኤታ” ጌዳ፣

ያጌዳ።

44 “ሰም ዳዊተ ክርሰቶሳ፣ ሳዳ፣ ጊደ ጴሰያዋ ግደገ፣ ዎት እው ናኣ ግዳና ዳንዳይ?” ያጌዳ።

ሙሴ ህግያ ታማርሰያዎንቱጥ ናገታና ማላ፣ የሱስ ሴሬዳ ሴራ

(ማቶሳ 23:1-36፤ ማር. 12:38-40)

45 አሳይ ኡባይ ሰሰሽን ባረና ካልያዎንቶ፣ 46 “ሙሴ ህግያ ታማርሰያዎንቱጥ ናገትተ፤ ኢንቱንቱካ፣ አዲሳ ቃምሽያ ማዪደ ዩያናው፣ ገያይ ደእያ ሳን ቦንቾ ሳሮታ አካናው፣ ዋሰያ ጎላን ቦንቾ ኦይድያን ኤታናው፣ ሾበቲዳሳን ቦንቾሳ ኮይያዎንታ።

47 ሄዋንቱካ እምአቱዋ ጎልያ ካሎይያዎንታ፤ ባረንታ በሳናው ዋሳ አዲሰያዎንታ፤ ኢንቱንታ ኢታ ፕርዳይ ናገ” ያጌዳ።

## 21

እምአትባነ እዘ እምታ (ማር. 12:41-44)

1 የሱስ ቆቁ ጊደ ጴልያ ዋደ፣ ዱረ አሳይ ጌሻ ጎልያን እምታ ሺሽያ ሚሻ ግደን ባረንቶ ደእያዋጥ ኢንቱንቱ የግያ ዋደ በኤዳ።

2 ቃይካ እት ሀይሳ እምኤ ምሽራታ ላኡ ሰምሰርያ ሄዋን የግያ ዋደ በኤዳ፣

3 “ታ ህንተው ቱሙዋ ጋይ፣ ሀ ሀይሳ እምኤ ምሽራታ፣ ኦጥን ዳሩዋ እማዳ።

4 ሀ እሳይ ኡባይ ባረንቶ ፓላሆዋጥ እሚድኖ፣ ሽን እዛ ባረ ሀይሳተትሃ ዋልቃን ባረው ደእያዋ ኡባ እማዳ” ያጌዳ።

ጌሻ ጎላ ኮላታናዋ የሱስ ካስቲደ ኦይዳ (ማቶሳ 24:1-2፤ ማር. 13:1-2)

5 እ ካልያዎንቱጥ እቱ እቱ፣ “ጌሻ ጎላ ሎኡ ሹቻንን ባላ ሸቁዋ እምታን ሎኤዳዎ” ያግ ሃሳይያ ዋደ የሱስ።

6 “ሀዌ ህንተንቱ በእያዌ ኡባይ ኮለተናን፣ ሹቻይ ሹቻ ቦላን ኬለቲደ አተና ዎዲ ያናዎ” ያጌዳ።

7 ኡንቱንቱክ፣ “ታማርሲያዎ፣ ስም ሀዌ ሀናናዌ አዉዴ? ቃይካ ሀዌ ሀናናዉ ማላይ አይ?” ያጌድ ኦቹድና።

የሱሰ መቱዋ ዎዲን ሸቻ ዎዲ ያናዎ ኦዴዳ

(ማቶሳ 24:3-13፤ ማር. 13:3-13)

8 እካ፣ “እንነ ባለፍዳን ናገትተ፤ ጮራ አሳይ፣ ታን ክርስቶስን ያጌደ ቃይካ፣ ‘ዎዲ ማቲዳ’ ያጌደ ታ ሱንላን ያናዎንታ፤ ህንተንቱ ቃይ አንቱንታ ካሎፕተ።

9 አላ የዉዋን አሳ ማካላባ ሰስያ ዎደ ዲጋሞፕተ፤ ሀዌ ኮይር ሀናናዉ በስያዎ ግደ ድራገ አትን ዉርሰላይ ብራ” ያጌድ።

10 ሄዋፕ ካለደ አሳዉ፣ “አሳይ አሳ ቦላ፣ ካዉተላይካ ካዉተላ ቦላ፣ ደንደናዎ፤

11 ዎልቃማ ቢታ ቃላይ ሀናናዎ፣ ኮሻይነ ሀርጊ፣ ዲማ ዲማሳን ሙታናዎ፤ ያሸያ የዉነ ኡባካ ዎልቃማ ማላታይ ሳሉዋፕ ሀናናዎ።

12 “ሀዌ ኡባይ ሀናናፕ ካሰያን ቃይ አሳይ ህንተንታ ኡይቃናዎንታ፣ ሙቶላናዎንታ፤ ህን አይሁዳቱዋ ዋሳ ጎለ አሳዉ አላ እማናዎንታ፤ ቃሽ ጎላካ ገልሳናዎንታ፤ ካታቱዋ ሰንሳንነ ዋድያዎንቱ ሰንሳን ሸሻናዎንታ፤ ሀዌ ኡባይ ታ ሱንላ ጋሱዋን ህንተንታ ጋካናዎ።

13 ሀዌካ ማርካታናዉ ህንተዉ ሎኦ ካጫ ግዳናዎ።

14 ሀዋ ግድያ ድራዉ፣ እይ ዛሩዋ እማኔ ጊደ ኮይርቲደ ህንተንቱ ኡንኤተና ማላ ሀዋ ዋዛና አላተ።

15 ኤቃትያዎንቱ ኡባይ፣ ኤቃታናዉነ ላካናዉ ዳንዳየና ቃላነ አጼ ጭንጫተላ ታን ህንተንቶ እማና።

16 ህንተንታ የሌዳዎንቱነ ህንተንቱ እሻቱ፣ ህንተንቱ ዳባቱነ ህንተንቱ ላገላቱካ አተናን ህንተንታ አላ እማናዎንታ፤ ህንተንቱፕካ እቱዋ እቱዋ ዎቆናዎንታ።

17 ታ ሱንላ ድራዉ አሳ ኡባ ማታን እጸቴዳዎንታ ግዳንታ።

18 የዉዋን ቃይ ህንተንቱ ሁጲያ ብናናፕካ አትናን ባዩኩ።

19 ምን ኤቂደ ህንተንቱ ሸምፑዋ አሺታ።

የሱሰ የሩሳላሙ ባየላባ ኦዴዳ (ማቶሳ 24:15-21፤ ማር. 13:14-19)

20 “የሩሳላሙ ኦላ አሳን ደደቴዳ ዎደ፣ እዝ ባየላይ ማቴዳዋ ኤርተ።

21 ሄ ዎደ ይሁዳን ደእያዎንቱ ደርያኮ ባቃትና፤ ካታማን ደእያዎንቱ ቃይ ሄዋፕ ከሰና፤ ባላጋርያን ደእያዎንቱካ ያ ካታማኮ ገሎፕና፤

22 ጸሳ ቃላን ጸፈቴዳዌ ኡባይ ፖለታናዳን ሀዌ ሀሉዋ ከሰያ ዎድያ።

23 ቢታ ቦላን ዎልቃማ ሙቱ ሀናናዎ፤ ሀእ ደእያ አሳ ቦላን ህንቁ ያናዎ፤ ሄዋ ድራዉ ሄ ዎድያን ሻሃርዋንቶን ቆንሳዎንቶ አየ!

24 አሳይ ኡባይ ማሻን ሀይቃናዎንታ፤ ጸሳ ኤረና ጋድያ ኡባቱካ ኦሞዳዎን ባናዎንታ፤ የሩሳላሙካ አይሁዳ ግደናዎንቱ ዎዲ ፖለታና ጋካናዉ፣ ኡንቱንቱን የፍቲዳዉና ግዳናዉኡ።

ክርስቶሳ ላኤንሳ ዩሳ (ማቶሳ 24:29-31፤ ማር. 13:24-27)

25 “አዎ፣ አገናንነ ጸልንትያ ቦላ ማላታይ ሀናናዎ፤ አባፕነ ቤታ ኮሻፕ ደንደ ጋሱዋን ቢታ ቦላን ደእያ አሳይ ኡባይ ኡንኤታናዎንታ፤ ሀርጋናዎንታ።

26 ሳሉዋ ዎልቃይ ኡባይ ቃጽያ \* ድራዉ አሳይ ያሻንነ አላምያ ቦላ አይ ያናዌሻ ያጌደ ናጌዋን ዲቡራናዎንታ።

27 ሄ ዎደ አሳ ናአይ ዎልቃንነ ዎልቃማ ቦንቹዋን ሻርያን ይያ ዎደ በአናዎንታ።

28 ህንተንቱክ፣ ሀ የዉ ፖለቱሳ ደምያ ዎደ፣ ዎዙ ጴቱዋ ድራዉ ስት ጊደ ኤቁተ፤ ፑደ ጴቁ ጊደ ጸልተ” ጌዳ።

ባላሰያ ጌተትያ ሞላ ሌምሱዋ (ማቶሳ 24:32-35፤ ማር. 13:28-31)

29 ካለደካ፣ ሀዋ ያግ ሌምሱዋ ኦዴዳ፣ “ዎደንላፕነ ሀራ ሞላ አባፕ ጸልተ፤

30 ህንተንቱክ፣ አጭና በእያ ዎደ፣ ሄ ዎደ ቦኒ ማቴዳዋ ህንተንቱ ኤሪታ።

31 ሄዋዳንካ ቃይ የዋቱ ፖለትያዎ በእያ ዎደ፣ ጸሳ ካዉተላታ ማቴዳዉና ኤርተ።

32 “ታን ህንተዉ ቱሙዋ ጋይ፤ ሀዌ ኡባይ ፖለታና ጋካናዉ ሀ የለታይ አፍ።

33 ሳሉነ ሳአይ አቆና፤ ሸን ታ ቃላይ አፍ።

34 ስም ዛዋይ ባይና ደኡዋን፣ ኡሻ ዳሩዋን ደኡዋባን ኡንኤትሸን ህንተንቱ ዋዛናይ ለፕናዳንነ ሄ ጋላሳይ ጸርያዳን ቆፕናን ህንተና ጋክናዎን ናገትተ፤

35 ሀዌ ቢታ ኡባን ደእያዎንቱ ኡባቱዋ ቦላን ጋካናዎ።

36 ስም ይያ ኢታባ ኡባፕ ህንተንቱ አታናዳንነ አሳ ናኦ ሰንሳንካ ኤቃናዉ ዳንዳያና ማላ፣ ኡባ ዎደ ምን ዎሰተ” ያጌዳ።

37 የሱሰ ጋላሰ ጋላሰ ጌሻ ጎልያን ታማርሲደ፣ ቃማ ቃማ ደብረ ዛይተ ያገትያ ደርያኮ ከሲደ አቁ።

38 አሳይ ኡባይ አ ሰሳናዉ ጉራን ያ ጌሻ ጎልያ እኮ ዩና።

## 22

ክርስቶሳ ዎቆናዉ ማቀቴድና (ማቶሳ 26:1-5፤ ማር. 14:1-2፤ ዮሃ. 11:45-53)

1 ፓሰጋ ጌተትያ ማጋገ ኡክላ ምያ ባላይ ማቴዳ።

21:15 ሉቃሳ 12:11-12    21:22 ሆስ 9:7    21:25 አሳ. 13:10፤ ህዘ. 32:7፤ እዪ. 2:31፤ ሳፃ 6:12፤ 13 \* 21:26 ሳሉዋ ዎልቃይ ኡባይ ቃጽያ፡ ሀዋ ጉሳይ፣ በን ዎደ አሳይ፣ ሳሉዋን ደእያ ጸልንቲ ኡባይ እያና ዎልቃና ደኤ ጊደ ቆቴ።    21:27 ዳኤላ 7:13፤ ሳፃ 1:7    22:1 ከሳ 12:1-27

2 ቁሳቸዋ ካፓቱን ሙሴ ህግን ጸፍደዋንቱ የሱሳ ዋት ዋቆነንቶ፣ ዋድያ ኦግያ ጌማን ኮዬና፤ ሽን አሳው ያዩዮ።

3 ጸላሂካ ታማነ ላኡ ካልያዋንቱ፣ እቱዋ ግዴዳ እስቆሮቱ ይሁዳን ገሌዳ።

4 እካ ቢደ፣ የሱሳ ዋት አለ እማንንቶ ቁሳቸዋ ካፓቱዋናን ጌሻ ጎልያ ናግያዋንቱ ካፓቱዋና እትፕ ሃሳዬዳ።

5 እንቱንቱካ ናሽቲደ፣ ሚሻካ ይሁዳው እማናው ወለቲድኖ።

6 እካ ኤኖ ጌዳ፤ አሳይ ባይና ሳን የሱሳ አለ እማናው እንጀትያ ዋድያ ኮዬ።

የሱስ እይሁዳቱዋ ፓሰጋ ማናው ገገቲዳ (ማቶሳ 26:17-25፤ ማር. 14:12-21፤ ዮሃ. 13:21-30)

7 ማጋገ ኡክላ ምያ ባለ ቦንኾያ ዋዲ ጋኬዳ፤ ሄ ዋዲካ ፓሰጋው ደርሳ ሹካናው በሰያ ዋድያ።

8 የሱስ ጸጽሮሳን ዮሃንሳ፣ “ፓሰጋ ቁማ ኑን ማናዳን ቢደ ገግሰተ” ጊደ ከቲዳ።

9 እንቱንቱካ ዛሪደ፣ “ሀቃን ገግሳናዳን ኮያይ?” ያግ ኦቸድኖ።

10 እካ፣ “ሀንተንቱ፣ ካታማ ገልያ ዋደ እቱዋና ሃላ ቶኪዳ ብታኒ \* ሀንተንቱና ጋከታናዋ፤ እ ገልያ ጎልያ እ ካሊደ ገልተ፤

11 ሄ ጎልያዋካ፣ ታማርሰያዌ ኔና፣ “ታን፣ ታና ካልያዋንቱና እትፕ ፓሰጋ ቁማ ምያ እማላ ክፍሊ ሀቃ ባጋና ደኢ?” ያጌ ገተ።

12 ሄ ብታኒካ ፖቅያ ቦላን ደእያ ሂጸት ኡቲዳ እኮ ክፍልያ ሀንተንታ በሳናዋ፤ ሄዋንካ ሳኦ ገግሰተ” ያጌዳ።

13 እንቱንቱ ቢደ፣ የሱስ ጎዋዳንካ ብታንያ ደሚደ ፓሰጋ ቁማ ገግሰድኖ።

14 ፓሰጋ ቁማይ ሜተትያ ሳቲ ጋኮ ዋደ፣ ታማነ ላኡ ከተቶዋንቱና እትፕ ቁማ ማናው ኡቲዳ።

15 እካ፣ “ታና ሙቱ ጋካናፕ ካሰያን ሀንተንቱና ሀ ፓሰጋ ቁማ ማናው ዳር አሞታደ ደእይ።

16 እያው ጎፕ፣ ታ ሀንተው ኦድያዌ፣ ሀዌ ጸሳ ካውተላን ፖለታና ጋካናው፣ ታን ላኤንሱዋ ሀዋፕ ሚከ” ያጌዳ።

17 ጸኦ እኪደ፣ ጸሳ ጋላቲደ፣ “ሀዋ ሄይተ፣ ሀንተንቱ ግዴዋን ግሸት ኡሸተ።

18 እያው ጎፕ፣ ታ ሀንተንቶ ያጋይ፣ ጸሳ ካውተላይ ያና ጋካናው፣ ሀቸፕ ደማደ ዋይንያ ኤሳ ኡሸከ” ያጌዳ።

19 ቃይ ማጋገ ኡክላ እኪደ፣ ጸሳ ጋላቲዳ፤ ሄ ኡክላ ሙንሳ እንቱንቶ እሚደ፣ “ሀዋ ሀንተንቶ እሙትያዌ ታ እሹዋ፤ ሀዋን ታና ቆፓና ማላ ሀዋ ሚተ” ያጌዳ።

20 ካወዋ ሞዋፕ ጉይያን፣ ካሰዋዳን ጸኦ ደንሳ እንቱንቶ እሚደ፣ ሀዋዳን ያጌዳ። “ሀ ጸኦይ፣ ታ ሀንተንቱ ድራው ጉሰያ ታ ሱሳ ቆፊልያ ኡራላ ጫቁዋ።

21 ሽን በእተ፣ ታና አለ እማናው ደእያ ብታኒ ጋይታን ታናና እትፕ ሜ።

22 እያው ጎፕ፣ ታን አሳ ናኦይ ጸሳይ ጎዋዳን ባይ፤ ሽን ታና አሊደ እምያ ኡራው አው አየ” ያጌዳ።

23 እንቱንቱ ግደፕ ሄዋ ኦሳናው ደእያዌ ኦና ግዳንንቶ፣ ባረንቱ ግደን ኦሻ ደሚድኖ።

ኡባፕ እድያዌ ኦኔ? ያግያ ኦሻ  
24 ቃይ ባረንቱ ግደፕ እን ኦድንቶ ያገትያ ፓሉማይ እንቱንቱ ግደን ከሴዳ።

25 የሱስ እንቱንታ ያጌዳ፣ “ሀ አላምያ ሞድያዋንቱ ባረንቱ አሳ ቦላ ጎዳቲኖ፤ እንቱንታ ሞድያዋንቱ ከካቱዋ ጌተቲኖ።

26 ሽን ሀንተንቱ ሀዋዳን ሀናፕተ፤ የወዋን ቃይ ሀንተንቱፕ ጶቃ ግዴዳዌ ሀንተ ኡባፕ ጉጽያዋ፤ ሀንተንታ ሞድያዌካ፣ ሀንተንቶ ቆማዳን ሀና።

27 “ቁማ ማናው ኡቲዳዋፕን ቁማ አሳው አልያዋፕን እን ቦንቸተ? ቁማ ማናው ኡቲዳዋ ግደኔ? ታን ቃይ ሀንተንቱ ግደን ቁማ አልያ ቆማ ማላ።

28 ቃይ ታን ፓጩትያ ዋድያን ሀንተንቱ ታናና እትፕ ሞን ኡቁዳዋንታ።

29-30 እ ካውተላ ኦይድያን ኡታና ማላ ታ እቡ ታና ሱንላዋዳን፣ ታን ቃይ ታ ካውተላን ታ ጋይታፕ ማናዳንን ኡሻናዳን፣ ታማነ ላኡ እሰራኤልያ ያራቱዋ ቦላ ፕርዲደ፣ ካውተላ ኦይድያን ኡታና ማላ ሀንተንታ ሱንላድ” ያጌዳ።

ጸጽሮሰ ካዳናዋ የሱስ ካሰቲደ ኦይዳ (ማቶሳ 26:31-35፤ ማር. 14:27-31፤ ዮሃ. 13:36-38)

31 ጎዳይ፣ “ሰሞና፣ ሰሞና፣ ታን ኦድያዋ ሰሳ፤ ጸላሂ ሀንተንታ አሳይ ዛርጋ ሀልእያዋዳን፣ ሀልእናው ጸሳ ዋሴዳ።

32 ሽን ታን ነ እማኑ ባየናዳን ነ ድራው ጋናታድ። ኔን ታኮ ሰምያ ዋደ ነ እሻቱዋ ሞንሳ” ያጌዳ።

33 ሰሞን ዛሪደ፣ “ጎዳው፣ ታን ኔናና ቃሽታናውን ኔናና እትፕ ሀይቃናው ገጋ ኡታድ” ያጌዳ።

34 የሱስ ቃይ፣ “ጸጽሮሳ፣ ታን ነወ ያጋይ፤ ሀቸ ብላህያን፣ ኩቱ ዋሳናው ሄከ ገደ ታና ኔን፣ ኦኦ ታን ኡርከን ጋደ ካዳናሳ” ያጌዳ።

35 የሱስ ባረና ካልያዋንቶ፣ “ኮርጂ፣ ቃርጨቲን ጫማይ ባንታን ታን ሀንተንታ ከቶ ዋደ፣ ሀንተንቶ እትባይ ፓጮዌ ደኢ?” ያጌዳ።

እንቱንቱካ፣ “እትባይን ኑወ ፓጮቤና” ያጌድኖ።

36 እካ ዛሪደ፣ “ሀኦ ቃይ ኮርጂኡ ደእያዌ እክ ቤ፤ ቃርጨት ደእያዌካ ሄዋዳን ኦላ፤ ባይናዌ ቃይ ባረ ማዬዋ ዛልኢደ ማሻ ሻዋ።

37 እያው ጎፕ ታ ሀንተው ያጋይ፣ ሀዋዌ ማካላንቻቱና እትፕ ፓይደቲዳ፣ ያገት ጸሳ

\* 22:10 ሃላ ቶኪዳ ብታኒ- ሄ ዋደ ሄ ጋደን አሳ ጎላን ከተትያ እቱማ ቆማይ ሃላ ቶከፕ፣ ሄ ጎሊ ዱረ ግድያዋ በሴ።  
22:20 ማቶሳ 26:26-28፤ ማር. 14:22-24፤ 1 ቆር. 11:23-25 22:26 ማቶሳ 23:11፤ ማር. 9:35 22:35 ማቶሳ 10:9፣ 10፤ ማር. 6:8፣ 9፤ ሉቃስ 9:3፣ 10:4 22:37 ኢሳ. 53:12

ማጻፋን ጻፈቲዳዊ፣ ታናን ፖለቲናን አተና። ኤ፣ ታወ ጌተቲዳዊ ሀኦ ፖለታናዋ” ያጌዳ።

38 ኦ ካልያዋንቱ፣ “ሳዳወ፣ ሀዋን ላኡ ማሻይ ደኤ” ያግና እካ፣ “ሄዌ ግዳናዋ” ያጌዳ።

የሱሰ ደብረ ዛይተ ደርያን ዎሴዳ (ማቶሳ 26:36-40፤ ማር. 14:32-42)

39 የሱሰ ካታማጥ ከሲደ፣ ሀራ ጋላሰ ብያዋዳንካ ደብረ ዛይተ ቤዳ። ቃይ ኦ ካልያዋንቱካ ኦ ጌዲዋ ቤድና።

40 ሄ ሳኦ ጋኪደ፣ “ፓጭያን ህንተንቱ ገለናን አታና ማላ፣ ዋሰተ” ያጌዳ።

41 ሹቻ ኦልና ጋክያሳ ከና ኤንቱንቱጥ ሃክ ቤዳ። ጉልባቲደ፣

42 “ታ አቦ፣ ኔን ኮይያዋ ግደጥ፣ ሀ ሙቱዋ ጸኦ ታጥ ድጋ፤ ሸን ታ ሸን ግደግ፤ ነ ሸን ግደጥ አትን” ያጌደ ዎሴዳ።

43 ሳሉዋጥ ደደ ምንሰያ ኪታንቻይ አዉ ቤቲዳ።

44 ባረ ዎዛና ግደን ሲለቲደ፣ ዳሪ ዎሴዳ። ኦ ጫዎትያ ጫዉካ ሳኦ ቦላን ጸክያ ሱሳ ማላቲዳ።

45 ዎሳጥ ደንዲደ፣ ባረና ካልያዋንቱኮ ጉየ ቤደ፣ ኤንቱንቱ ዳርጥ ቃሪቲዳ ድራዉ፣ ዳቡሪይ ገምእሸዋንታ ጸሌደ፣

46 “አያዉ ገምእሸቲ? ፓጭያን ገለናዳን ደንድ ዎሰተ” ያጌዳ።

የሱሰ ባረ ዋርከቱዋ ኩሽያን ኦይቀቲዳ (ማቶሳ 26:47-56፤ ማር. 14:43-50፤ ዮሃ. 18:3-11)

47 የሱሰ ሄዋ ሃሳይ ደእሸን፣ ጮራ አሳይ ዬድና። ታማን ላኡ ኦ ካልያዋንቱጥ አቲዋ ግደዳ ይሁዳ ጌተትያዌ ሄ አሳ ካለሌደ የራናዉ የሱሳኮ ሸቂዳ።

48 የሱሰ ቃይ፣ “ይሁዳዉ፣ ኔን ታና አሳ ናኦ የራደ አሳ አማይ?” ያጌዳ።

49 ኦ የሹዋን ደእያ ኦ ካልያዋንቱ ህንትያ የዉዋ በኦ ዎደ አ፣ “ሳዳወ፣ ሀ አሳ ኔን ማሻን ቃንጸኔ?” ያጌድና።

50 ኤንቱንቱጥ አቲ፣ ቁሳቲዋ ኡባቲዋ ካቸዋ ቆማ ሸጪደ፣ ኦ ኡሸቻ ሀይሳ ቃንጸ ኦሌዳ።

51 የሱሰ ቃይ ዛሪደ፣ “አግተ፣ ባሸተ” ያጌዳ። ብታንያ ሀይሳካ ቦቺደ ፓሌዳ።

52 የሱሰካ ባረኮ ዬዳ ቁሳቲዋ ካፓቶ፣ ጌሻ ጎልያ ናግያዋንቶ፣ ሰንሳቶን ጋድያ ጭማቶ፣ “ፓኑዋ ኦይቁያዋዳን ማሻን ጸምኦ ኦይቁደ ዪቲ?”

53 ጌሻ ጎልያን ታን ጋላሳን፣ ጋላሳን ህንተንቱና ደእያ ዎደ፣ ታና ኦይቁበይክታ፤ ሸን ሀኦ ሀዌ ህንተንቱ ዎደን ፋማ ዎልቃ ዎደ” ያጌዳ።

ጳጵሮስ የሱሳ ካዳዳ (ማቶሳ 26:57-58፣ 69-72፤ ማር. 14:53-54፣ 66-72፤ ዮሃ. 18:12-18፣ 25-27)

54 የሱሳ ኦይቁ ቃቺደ፣ ቁሳቲዋ ኡባ ካቸዋ ጎለ አፊይ ገልሲድና። ጳጵሮስካ ኤንቱንቱጥ ጉየ ሃኩዋን ኤንቱንቱ ጌዲዋ ካሌ።

55 ድርሳ ግደን ታማ ኤሊደ፣ አትጥ ኡት ደእሸን፣ ጳጵሮስ ኤንቱንቱ ግደን ዪደ ኡት ኤጌዳ።

56 ታማይ ፖእያ ባጋና ጳጵሮስ ኡቲደ ደእሸን፣ አት ቆማታ ሎይሳ ጸላደ፣ “ሀዌካ አናና አትጥ ደኤ” ያጋዳ።

57 ጳጵሮስ ቃይ፣ “ሀን ሞሽራቲ፣ ታን ኦ ኤርከ” ያግ ካይዳ።

58 ጉሳ ዎድያጥ ጉይያን፣ ሀራ ብታኒ ጳጵሮስ በኢደ፣ “ኔን ኤንቱንቱና ጋላ ደኦ” ያግና።

ጳጵሮስ ቃይ፣ “ሀዋ ብታንዉ፣ ታን አናና ጋላ ደእከ” ያጌዳ።

59 አት ሳተ ግድያዋ ጋምኢደ ሀራ ብታኒ ቆንጭሲደ፣ “ኦ ጋለላ ጋደ አሳ ግድያ ድራዉ፣ ሀ ብታኒ አናና አትጥ ደእያዌ ቱማ” ያጌዳ።

60 ጳጵሮስ ቃይ፣ “ሀ ብታንዉ፣ ኔን ግያዌ አየንቶ ታን ኤርከ” ያጌዳ። ሄ ዎድያን ኦ ብርካ ሃሳይ ደእሸን፣ ኡለካ ኩቲ ዎሰ አኤዳ።

61 ጎዳይ ጉየ ሰሚደ፣ ጳጵሮሳ ጸሌዳ። ጳጵሮስ ጎዳይ ባረና፣ “ሀቺ ኩቲ ዎሳና ጋካናዉ፣ ሄዙ ገደ ታና ካዳናሳ” ጌዳ ጎዳ ቃላይ አዉ ቆፈት አኤዳ።

62 ጳጵሮስ ድርሳጥ ካረ ከሲደ፣ ሴለቲደ ዬኬዳ።

63 የሱሳ ኦይቁዳ አሳይ ቅሊጪናን ሸጪና።

64 ኦ አይፍያ ጎዝ ባቂደ፣ “ኔና ባቂዳዌ ኦኔ? ናብያ ግደጥ ኔና ደቻዋ አነ ኦዳ” ያጌደ ኦ ኦቺድና።

65 ቃይ ኦ ሀራ ጮራ ቦርያ ቦሬድና።

የሱሳ ፕርዳዉ አፊድና (ማቶሳ 26:59-66፤ ማር. 14:55-64፤ ዮሃ. 18:19-24)

66 ሳኦይ ዎንትና ጋድያ ጭማ አሳቲ፣ ቁሳቲዋ ካፓቲ፣ ሙሴ ህግያ ታማርሰያዋንቱ፣ የሱሳ ባረንቱ ሸቂዳሳ አፊደ፣

67 “ክርሰቶስ ኔኔ? አነ ኦ ኦዳ” ያጌድና። ሸን አ፣ “ታን ህንተንቶ ኦደጥ ታና አማንክታ፤

68 ቃይ ህንተንታ ታን ኦቸጥ ኦድክታ፤ ዎይ ቃሹዋጥ ታና ብልክታ።

69 ሸን ሀ ሳትያጥ ደምና ታን አሳ ናኦይ፣ ሀኦጥ ደማደ፣ ዎልቃማ ጸሳ ኡሸቻ ባጋና ኡታና” ያጌዳ።

70 ኤንቱንቱ ኡባይ የሱሳ፣ “ያትና ኔን ጸሳ ናኤ?” ያጌድና።

አካ ዛሪደ፣ “ታን ጸሳ ናኦ ግደዋ ህንተንቱ ሃሳዬድታ” ያጌዳ።

71 ኤንቱንቱካ፣ “ኦን ኦ ሀጻዉ ኦ ደናጥ ሰሴደ፤ ሀዋጥ ሰንሳዉ አይ ማርካ ኮሺ?” ያጌድና።

### 23

ጵላጸስ የሱሳ ኦቼዳ  
(ማቶሳ 27:1፣ 2፣ 11-14፤ ማር. 15:1-5፤ ዮሃ. 18:28-38)

1 ሄዋን ሸቄዳ ኡባቱካ እትጥ ደንዲዳ፣ የሱሳ ጵላጸሳኮ አፊድድ።

2 ኡንቱንቱካ፣ “ሀ ብታኒ ኑ አሳ ባለሊዳ፣ አሳይ ሮመ ቢታ ካትያ ቄሳራው ጊራ እመና ማላ ድጊድ፣ ቀይ፣ ታን ካትያ፣ ያገሸን ደሜዳ” ያጊደ ሞቱዋ ደሜድድ።

3 ጵላጸሰካ የሱሳ፣ “ሀዋ፣ አይሁዳቱዋ ካቲ ኔነ?” ያጊደ ኦቼዳ።

የሱሰ ዛሬደ እ፣ “ኔን ጋ ደአሳ” ያጊዳ።

4 ጵላጸስ ቄሳቱዋ ካፓቶን አሳው ኦዲደ፣ “ታን ሀ ብታንያ ቦላን አይነ ኢታ ኦሱዋ ደማበይከ” ያጊዳ።

5 ግደጥ እትን ኡንቱንቱ፣ “ሀ ብታኒ ጋለላጥ ደሚደ፣ ሀሪይ አቶ ሀዋ ጋካናወካ፣ ይሁ፣ ጋድያ ኡባ ባረ ትምርትያን ቃሊደ ደኤ” ያጊደ ሞንስ ኦዴድድ።

የሱሰ ሄርድሳ ሰንሳ ሸቄዳ

6 ጵላጸሰካ ሀዋ ሰሲደ፣ “አ ጋለላ አሲ?” ያጊደ ኤራናወ ኦቼዳ።

7 ጵላጸሰ ሄርድሰ ሞድያ ጋድያጥ የሱሰ ዬዳዋ ኤራዳ ዋደ፣ ሄርድሰካ ቃይ ሄ ዋድያን የሩሳላመን ደአያ ድራወ፣ አኮ የሱሳ የዴዳ።

8 ሄርድሰ ዳሮ ዋድያጥ ደሚደ የሱሳ በአናወ አሞት ደአያ ድራወ፣ አ በኤዳ ዋደ ዳርጥ ሸቱዳ። የሱሳ ዋርያ ሰሲዳዋ ድራወ፣ አ ኦራላባ አላሸን በአናወ ህደታን ጋምኤዳ።

9 ሄርድሰ የሱሳ ዳሮባ ኦቼዳ፣ ሽን የሱሰ አወ አያነ ዛርቤና።

10 ቄሳቱዋ ካፓቱን ሙሴ ህግያ ታማርሰያዋንቱ ሄዋን ኤቄደ፣ የሱሳ ሎይሳ ሞቲደ ደአና።

11 ሄርድሰነ አ ዋታዳራቱ የሱሳ ካዲደ፣ አ ቦላ ቅሊጩድድ። ቦንቸቱዳ ማዩዋ አ ማይዚደ፣ ጵላጸሳኮ ዛሬደ የዴድድ።

12 ሄርድሰነ ጵላጸሰ ሀዋጥ ካሰና ሞርክያን ደአና፣ ሽን ሄ ጋለሰ ሰገቲድድ።

የሱሳ ሀይቃና ማላ ሞቲድድ  
(ማቶሳ 27:15-26፤ ማር. 15:6-15፤ ዮሃ. 18:39—19:16)

13 ጵላጸሰ ቄሳቱዋ ካፓቱዋ፣ አይሰያዋንታን ሀሪ ጮራ አሳ እትጥ ጸሲደ፣

14 ሀዋዳን ያጊዳ፣ “ ሀ ብታኒ አሳ ማካላተላወ ደንጃ” ያጊደ ታኮ አሄድታ፤ ታንካ ህንተንቱ ሰንሳን ብዳ ጸላደ፣ ህንተንቱ ሸሺዳ ሞቱዋን እት ባላነ አ ቦላን ደማበይከ።

15 ቃይ ሄርድሰካ አ ቦላን አይነ ደምቤና ድራወ፣ ሃ ኾኮ ዛር የዴዳ፣ ህንተንቱ በአያዋዳንካ፣ ሀ ብታኒ አ ሀይቆ ጋለያባ አይነ ኦሳቤና።

16 ሀዋ ድራወ ታን አ ሙራደ ብላና” ያጊዳ።

17 \*

18 አሳይ ኡባይ እትጥ ግዲደ፣ “ሀ ብታንያ ያ ድጋ! ባርባና ግያ የሱሳ ኑወ ብላ!” ያጊደ ጫቦቲድድ።

19 ባርባን ካታማን ዋላሳ ደንሊደ፣ አሳ ዋዴዳ ድራወ፣ ቃሸቲዳዋ።

20 ጵላጸሰ የሱሳ ብላናወ ኮዪደ፣ አሳወ ላኤንሉዋ ጉጂደ ሃሳዬዳ።

21 ሽን ኡንቱንቱ፣ “ማሰቃልያ ቦላ ሞሰማርያን ድሻደ ካቃ! ካቃ!” ያግ ዋሴድድ።

22 ጵላጸሰካ ሄንከሉዋ ኡንቱንታ፣ “አያወ? ሀ ብታኒ ኦሌዳ ኢታ ኦሱ አይ? ታን አ ሀይቆ ጋለያ ናቁዋ አይነ አጥ ደማበይከ፤ ሀዋ ድራወ፣ አ ሙራደ ብላ የዳና” ያጊዳ።

23 ሽን ኡንቱንቱ ባረንቱ ኮሻ ቆቁ አሊደ፣ ካቃታናዳን ዳሪ ዋሴድድ። ኡንቱንቱ ዋሱካ ጵላጸሳ ቆፋ ላሜዳ።

24 ሀዋ ድራወ፣ ጵላጸሰካ ኡንቱንቱ ኦሻይ ሰማናዳን የሱሳ ቦላን ፕርዴዳ።

25 አሳ ማካላወ ደንጃደነ ሸምጥዋ ዋዴደ፣ ቃሸቲዳ ብታንያ ብለታናዳን ኡንቱንቱ ዋሶ ድራወ፣ ሄ ብታንያ ብሊዳ። ሽን የሱሳ ባረንቱ ሽንያዳን ኮዮዋ ኦላና ማላ፣ አላ አሜዳ።

የሱሰ ማሰቃልያን ካቀቲዳ  
(ማቶሳ 27:31-44፤ ማር. 15:21-32፤ ዮሃ. 19:17-27)

26 የሱሳ ኦይቄ አፊደ ደአሸን፣ ሰሞና ጌተትያ ቀሪና ብታኒ ሄራጥ ዪደ ደአሸን ደሚደ፣ ማሰቃልያ ቶሲደ የሱሳና ባና ማላ ኦሌድድ።

27 ዳሮ ጮራ አሳይነ ዬክያ ማጫዋንቱ ጉየና ካሊና።

28 የሱሰ ጉየ ሰሚደ ኡንቱንቶ፣ “ህንተና፣ የሩሳላመ ማጫዋንቶ፣ ህንተንቱ ሁጳወነ ህንተንቱ ናናወ ዬክተጥ እትን፣ ታወ ዬኮፕተ፤

29 ማንላ ግዴዳዋንቱነ የሊቤና ኡሉ፣ ቆንሰቤና ቆንሳይ፣ አንጀቲዳዋንታ ጌተትያ ዋዲ ያናዋ።

30 ሄ ዋድያን፣ ሐዛቶ፣ ኑ ቦላ ዋድተ፤ ዙኩላቲዋካ፣ ኑና ቆሰተ” ያጋንታ።

31 ሰም ቃየ ሞላን ሀዋዳን ሀናጥ፣ ሙላ ሞላን ዋናናዌ?” ያጊዳ።

32 የሱሳና እትጥ ካቃታና ማላ፣ ኢታ ኦሱዋ ኦሌዳ ሀሪ ላኤ አሳቱዋካ አፊድድ።

33 ቄራንወ ጌተትያሳ ጋኬዳ ዋድያን፣ የሱሳ ካቄድድ። ኢታ ኦሞንታካ፣ እቲዋ ኡሸቻና፣ የኩዋ ሀድርሳና ካቄድድ።

34 የሱሰ፣ “ታ አቦ፣ ኡንቱንቱ ባረንቱ አለያዋ ኤረና ድራወ፣ ኡንቱንቱ ናጋራ አቶ ጋ” ያጊዳ።

\* 23:17 ሀ ገይዳ፡- “ጵላጸሳወ ፓሰን ባላ ቦንቸዋ ጋላሳን እት ኤራ ቃሸዋጥ ብልያ ደያይ ደኤ” ያጊ። ሽን፣ ዳወርሉዋ ጌሻ ማጻፋ ኦራላ ጫቁዋ ግዳዋን ሀ ገይዳ ጸፈትቤና ጋሱ፣ ሀራ ጌሻ ማጻፋቱዋ ብላላቱዋን ኡባቱዋን ጸፈትቤና ድራሳ።  
23:30 ሆሰ 10:8፤ ሳን 6:16

ኢንቲንቲካ ከ ማዩዋ ሳማ የገቲደ ግሸት ከኬድኖ።

35 አሳይ ኤቂ ጸልሸን፣ ጋድያ ሞድያዎንቱ፣ “ሀራንታ አሸ፤ ጸሳን ድረቲዳ ክርስቶስ አ ግደገ፣ እነ ሳረ ሁጲያ አሸኔ?” ያጊደ ቅለጩድኖ።

36 ቃይ ዎታዳራቱካ ሸቂደ ቅለጩድኖ፣ ጫሚዳ ዎይንያ ኤሳ አው እህ እሚደ።

37 “ሀዎ፣ ኔን አይሁዳ ካትያ ግደገ፣ ነ ሁጲያ አሻ!” ያጊድኖ።

38 ሁጲሳናካ፣ “ሀዌ አይሁዳ ካትያ” ያግያ ጸፋዎ ጸፊድኖ።

39 ኢታ ኦሲደ ካቀቴዳዎንቱጥ እቱ፣ ሶሪድነ ቶቹደ፣ “ሀዎ ኔን ክርስቶስ ግድከ? እነ አ ግደገ፣ ነ ሁጲያን ኦና አሻ” ያጊድኖ።

40 የኩ ቃይ እ፣ “ኔን ሀዎ ማላትያ ፕርዳ ሶላ ደኣደካ ጸሳው ያይከ?”

41 ኔን ከተቲዳ ሳላን ሙራ አከደ ደኤቶ፣ ኑወ በሰያ ሙራ ሶላን ደኤቶ፣ ሸን ሀ ብታኒ እት ኢታባነ አሰቤና። ያግ ዛሬዳ።

42 አ የሱሳ፣ “ኔን ነ ካወተላ ዎልቃን ይያ ዎደ፣ ታና ቆፓ” ያጊድኖ።

43 የሱሳካ፣ “ታን ነወ ቱመዎ አይይ፣ ሀቹ ታናና እትገ ጋናትያን ደአናሳ” ያጊድኖ።

የሱሳ ሀይቁዎ (ማቶሳ 27:45-56፤ ማር. 15:33-41፤ የዮ. 19:28-30)

44 ሄ ዎደ ኡሱቸን ሳተ ግድያ ከና፤ ሄዎጥ ኡዲጥ ሳትያ ጋካናው፣ ቢታ ኡባ ሶላን ጴማ ግዴዳ።

45 አዎይካ ባረ ፖኡዎ ድጌዳ፤ ጌሻ ጎልያ ጋርዳካ ፒቲደ ላኡዎ ከሴዳ።

46 የሱሳካ ዳሮ ቶቁ ጌዳ ቃላን ዎሲደ፣ “ታ አቦ፣ ታን ታ ሸሞጥ ነ ኩሸያን አሳ አማይ” ያግ ሰሞዎጥ ጉይያን አ ሀይቁዳ።

47 ጴቱዎ ካቹ ሀኔዳ የወዎ በኤዳ ዎደ፣ “ሀ ብታኒ ቱማካ ጽሎ አሳ” ያጊደ ጸሳ ጋላቲዳ።

48 ሀዎ በአናው እትሳ ሸቂዳ አሳይ ኡባይ ሀኔዳ የወዎ በኤደ፣ ባረንቱ ትራ ባቂደ ሰሚድኖ።

49 የሱሳ ኤርያ አሳይ ኡባይን ጋለላጥ ደሚደ አ ካሌዳ ማጫዎንቱ ሀዎ ጸሊደ፣ ሃኩዎን ኤቁድኖ።

የሱሳ ሞገቲዳ (ማቶሳ 27:57-61፤ ማር. 15:42-47፤ የዮ. 19:38-42)

50 አይሁዳ ሻንጋቱዎ ግዴዳዎንቱጥ እቱ፣ የሱፎ ጌተትያ ሎእነ ጽሎ ብታኒ ደኤ።

51 ሀ ብታኒ ሻንጋቱዎ ማቁዎን ኢንቲንቲ ኦሱዎን እትገተላ አሰቤና። ጸሳ ካወተላ የሳ ሀደታን ናጊደ ደኤ።

52 የሱፎካ ጽላጸሳባ ቢደ፣ የሱሳ አሃ አካናው ዎሴዳ።

53 አካናደን ጌተቶዎጥ ጉየ፣ አሃ ሶላጥ ዎሊደ፣ ሎኦ ሞጉዎ ማዩዎን ጸደደ፣ ሹቻጥ ዎጩቲደ ሙቲዳ፣ ኦንነ ካሰ ሞገትቤና ኦላ ግደን ዎሌዳ።

54 ጋላሳይካ ሳምባታ ሞካናው ጊግያ ጋላሳ፤ ሳምባታይካ ገላና ሀኔ።

55 ጋለላጥ ደሚደ የሱሳና እትጥ ዬዳ ማጫዎንቱ ካሊደ፣ ዲፋዎን አ አሃ ዎቲደ ዎሌድኖንቶ በኤድኖ።

56 ኢንቲንቲ ሀዎጥ ሶይ ሰሚደ፣ ሸቱዎን ኦክያዎ አንሀወ ጊገሴድኖ።

ሀግያ ማራዳን ሳምባታ ጋላሰ ሸሞጤድኖ።

## 24

የሱሳ ሀይቁዎጥ ደንዴዳ (ማቶሳ 28:1-10፤ ማር. 16:1-8፤ የዮ. 20:1-10)

1 ሳምንታጥ ኮይር ጋላሳ፣ ማጫዎንቱ ጊገሴዳ ሸቱዎ ኦይቁደ ዳሪ ጉሪደ ዲፋዎኮ ቤድኖ።

2 ሹቻይካ ዲፋዎ ደናጥ ጎንደረትና በኤድኖ።

3 ኢንቲንቲ ዲፋዎ ጋርሳ ኦላ ገሎ ዎደ፣ ጎዳ የሱሳ አሃ ደሞበይክኖ።

4 ማጫዎንቱ ሰጲደ ደአሸን፣ ዎጭዎጭያ ማዩዎ ማይዳ ላኡ አሳቱ፣ ቆጥናን ኢንቲንቲ ሞይያን ኤቁድኖ።

5 ማጫዎንቲካ ያሻጥ ደንደዎን ሳኔ ጸሊደ ደአሸን፣ ላኡ አሳቱ፣ “ደኡዎን ደአያዎ፣ አ እያወ ሀይቆዎንቱ ግደገ ኮዩቲ?”

6-7 አ ደንዴዳ፤ ሀዎን ባዎ። ቃይካ ጋለላን ደአያ ዎድያን፣ ኣሳ ናኤይ ናጋራንቻቱዎ ኩሸያን እጅ አመታናዎ፤ ማሰቃልያ ሶላን ካቀታናዎ፣ ሄከንሳ ጋላሰ ሀይቁዎጥ ደንዳናዎ ያገቶዎ ቆጥተ” ያጊድኖ።

8 ማጫዎንቲካ ሄ ዎደ ቃላ ከኬኬድኖ።

9 ኢንቲንቲካ ዲፋዎጥ ሰሚደ ሀ ኡባ የወዎ ታማነ እት ከተቶዎንቲካ ኢንቲንቲ ካልያዎንቶ ኡባቶ ኦይድኖ።

10 ሀዎ የሱሳ ከቶዎንቶ ኦይዳዎንቱ፣ ማግዳላጥ ዬዳ ማይራዎ፣ የሃኖ፣ ያቆባ ዳዮ ማይራዎን ኢንቲንቲና እትጥ ደአያ ሀራ ማጫዎንታ።

11 ኢንቲንቶ ማጫዎንቱ ኦድያ ቃላይ ቃጅያዎ ማላትና አማንበይክኖ።

12 ሸን ሄ ዎደ ጳጵርሰ ደንዴደ ዲፋዎኮ ዎጶዳ። ያ ጋከደ ሆክ ጸልያ ዎደ፣ ጋርሳን ሞጉዎ ማዮ ጸላላይ ደአያዎ በኤዳ። ሀዮ የወዎንካ ማላላቲደ፣ ጎላ ሰሚዳ።

ኤማሁሳ ኦግያን የሱሰ ላኡ አሳቶ ቆንጩዳ (ማር. 16:12፣ 13)

13 ሄ ጋላሰ የሱሳ ካልያዎንቱጥ ላኡ አሳቱ የሩሳላመጥ ላኡ ሳትያ ሃክያ ኤማሁሳ ጌተትያ ሄራ ቢደ፤

14 እቱ እቱዎና ሀኔዳ የወዎ ኡባ ሃሳይ ደአኖ።

15 ኢንቲንቲ ሃሳይደን ዞረቲደ ደአሸን፣ የሱሰ ባረ ሁጲወ ዩደ ኢንቲንቲ ሞይያ ሸቂደ ኢንቲንቲና ቢደ ደኤ።

16 ሸን ኢንቲንቲ ባረ አይፍያን ጸሊደ አ ግድያዎ ሻክ ኤራናው ዳንዳይበይክኖ።



17 የሱስ፡ “ህንተንቱ ኦግያ ቦላን እቱ እቱዋና ሃሳይያዌ አዬ?” ያግ ኦቼዳ። ኢንቱንቱካ ዳጋማን ለቼሚደ ኤቋድኖ።

18 ኢንቱንቱፕ እቱ ቀልዮጳ ጌተትያዌ፡ “ሀ ግዲዋን የሩሳላመን ሆኖ የወዋ ኤረናዌ ነ ጸላላይ ሀ ጋደወ እማሌ?” ያግ ዛሬድ።

19 የሱስ፡ “እ አይ? ” ያግና፡ ኢንቱንቱካ፡ “ጸሳ ስንላንን አሳ ኡባ ስንላንን ቃላንን ኪታን ምኖ ናብያ ግዴዳ ናዘሬትያ የሱሳባ ሃሳዬቶ።

20 እካ ቁሳቱዋ ካፓቱን ኑና ሞድያዋንቱ ሀይቁዋ ፕርዳወ አሌ እሜድኖ፤ ማስቃልያ ቦላን ዎዲድኖ።

21 ኑን ካሰና፡ ‘አስራኤልያ አሳ ዋዛናዋ’ ያግ ሀይቶዌ እ፤ ሽን ሀ የወ ሀነቲደ እጾደፕ ሄዙ ቃማ ግዴዳ።

22 ኑ ግደፕ እት እት ማጫዋንቱ ኑና ማላልሴድኖ። ኢንቱንቱ ጉራን ሀን ዲፋዋ ቤድኖ።

23 ሽን የሱሳ አሃ ኢንቱንቱ ቆዮ ዎደ ሽረት ሰሚደ፡ እ ደንዴዳ፤ ያግያዋ ኪታንቻቱ ኦድሽን በኤደ ያግ ኦዴድኖ።

24 ኑ ግደፕካ እት እት አሳይ ዲፋዋ ቢደ ኢንቱንቱ ጎዋዳን ሀንና በኤድኖ፤ ሽን የሱሳ አሃ ደምበይክኖ” ያጌድኖ።

25 የሱስ ኢንቱንቶ፡ “ህንተኖ፡ እኬከና አሳቶ፡ ህንተንቱ ዋዛናን ናባቱ ኦደዋ ኡባ ኤሌ እማንናዋንቶ፤

26 ክርስቶስ ሀ መቱዋ እካናወነ ባረ ቦንቹዋኮ ገላናወ በሰኔ?” ያጌድኖ።

27 ሄዋፕ ሰሚደ የሱስ ሙሴ ማጻፋቱዋፕን ናባቱ ጸፊዳ ማጻፋቱዋፕ ደሚደ፡ ጸሳ ማጻፋቱዋ ኡባን ጸፊቱዳ ባረባ ኢንቱንቶ ብሊደ ኦዴዳ።

28 ኢንቱንቱ ብደእያ ሄራ ማቴዳ ዎደ፡ የሱስ ሀራሳ ብያዋ ማላቲዳ።

29 ሄ ዎደ ኢንቱንቱ እ፡ “ጋላሳይ ቃሚደ ደእያ ድራወ፡ ኦማርሳይ ማቴዳ፤ ኑናና እትፕ አቃ!” ያግ ምንስ ዋሴድኖ። ሀዋ ድራወ፡ እካ ኢንቱንቱና እትፕ አቃናወ ገሌዳ።

30 ኢንቱንቱ እትፕ ጋይታን ኡቴዳ ዎደ፡ ዳቡዋ ደንሏደ አንጃዳ፤ መንሏደ ኢንቱንቶ እሚዳ።

31 ኢንቱንቱ አይፊካ እ አኬካና ማላ ደየትና፡ የሱሳ ግድያዋ ኤሬድኖ። እካ ኢንቱንቱ ስንላፕ ጌሚዳ።

32 ኢንቱንቱካ እቱ እቱዋ፡ “ቃቆእን እትፕ ኑ ደእሽን፡ ኑና ኑ ሃሳይሰያ ዎድያንን ጸሳ ማጻፋቱዋካ ኑወ ቆንጭሲደ እ ኦድያ ዎድያን፡ ኑ ዋዛና ግድን ታማዳን ሴሌ ግደኔ?” ጌተቲድኖ።

33-34 ሄ ዎድያንካ ደንዲደ የሩሳላመ ሰሚድኖ። የሱስ ኪቶ ታማን እታቶን ኢንቱንቱና እትፕ ደእያዋንቶ፡ “ጎዳይ ቱሙዋካ ደንዴዳ፡ ሰሞናወካ ቤቲዳ” ያጌደ ሄዋን እትፕ ሸቅ ኡቴዳዋንታ ደሚድኖ።

35 ሄ ላአቱ፡ ቃቆእን ሀኔዳዋን የሱስ ዳቡዋ መንሏያ ዎደ ዎት አ ኤሬድኖንቶ ኢንቱንቶ ኦዴድኖ።

የሱስ ባረና ካልያዋንቶ ቤቲዳ (ማቶሳ 28:16-20፤ ማር. 16:14-18፤ ዮሃ. 20:19-23፤ ኪታ 1:6-8)

36 ሀዋ ኢንቱንቱ ሃሳይ ደእሽን፡ የሱስ ኢንቱንቱ ግድን ኤቋደ፡ “ሳርተላይ ሀንተወ ግደ” ያጌድኖ።

37 ኢንቱንቶ ሞይትልያ በኦዋ ማላትና ዳጋሚደ፡ ያሻን ኩሜድኖ።

38 እካ ኢንቱንታ፡ “እያወ ዳጋሚቱ? እያ ድራወ ሀንተንቱ ዋዛናይ ሰጂ?”

39 ታን የሱሳ ግድያዋ ኤራናወ፡ እነ ታ ኩሽያን ታ ገድያ በእተ፤ ታናን ሀንተንቱ በእያዋዳን፡ ሞይትለወ እሹን መቀላይ ባዋ። እነ ታና ሀንተንቱ ኩሽያን ኦይቁ በእተ” ያጌድኖ።

40 ሀዋ ያግ ሰሚደ፡ ባረ ኩሽያን ባረ ገድያ በሴዳ።

41 ኢንቱንቱካ ናሽቻፕ ደንደዋን፡ እማንናን ማላለት ደእሽን እ፡ “ሀዋን ሚተትያዌ ሀንተንቶ ደኢ?” ያግ ኢንቱንታ ኦቼዳ።

42 ኢንቱንቱካ፡ ደጸቲዳ ሞልያፕ ላፋ ፑሩዋ አወ እሜድኖ።

43 እካ እኪደ ኢንቱንቱ ስንላን ሜዳ።

44 እካ፡ “ታን ሀንተንቱና እትፕ ደእደ፡ ‘ሙሴ ማጻፋን፡ ናባቱዋ ማጻፋንን ቃላን ጸፊቶ ማዘሙረቱዋን ታ ድራወ ጸፊቲዳ ኡባይ ፖለታናወ በሴ” ያጋደ ሀንተንቶ ኦዴዳ የወ ሀዋ” ያጌድኖ።

45 ሄ ዎድያንካ ጸሳ ማጻፋቱዋን ጌተቶዋ እኬካና ማላ፡ ኢንቱንቱ ዋዛና ደዬዳ።

46 ኢንቱንቶ፡ “ ክርስቶሳ መቱ ጋካናዋ፤ ሄዘንሏያ ጋላስ ሀይቁዋፕ ደንዳናዋ።

47 እ አ ሱንላን ናጋራ ፓጸላይን ማርታ ደሙሳይ የሩሳላመፕ ደሚደ አሳወ ኡባወ ኦደታናዋ” ያግቲደ ጸፊቲዳ።

48 “ህንተንቱካ ሀዋ ማርካቱዋ።

49 ታ ሀንተንቶ፡ ታ ኡኩ ቃላ ገሌዳ ሀደታ የዳና፤ ሄዌ ጋካናወን ሀንተንቶ ዋልቃይ ሳሉዋፕ እመታና ጋካናወ፡ የሩሳላመ ካታማን ናግሽተ” ያጌድኖ።

የሱስ ሳሉዋ ሰሚደ ቤዳ (ማር. 16:19፤ 20፤ ኪታ 1:9-11)

50 ሀዋፕ ጉይያን፡ ቢታንያ ጌተትያ ካታማ ጋካናወ፡ ኢንቱንታ ኡሬዳ፤ ባረ ኩሽያ ሞጨደ ኢንቱንታ አንጃዳ።

51 ኢንቱንቱፕ ሻከቲደ፡ ሳሉዋ ቤዳ።  
52 ኢንቱንቱ አወ ጎይኒደ፡ ዳር ናሽቻን የሩሳላመ ሰሚድኖ።  
53 ቃይ ፓጨናን ጸሳ ጋላቲደ፡ ጌሻ ጎልያን ደኤድኖ።

# ዮሃንሳ ጻፊዳ ምሽራቹዋ ቃላ ገሉዋ

ዮሃንሳ ጻፊዳ ምሽራቹ፡ የሱስ እሹዋ ማዬደ አሳ ግዲዋን ቤቴዳ ደኡዋ ጸሳ ቃላ ግድያዋ ቆንጭሴ። ሀ ማጻፋይ ባረ ሀ-ጸዉ ቆንጭሴያዋደን ሀ ምሽራቹዋ ቃላይ ጸፈቲዳዊ፡ አ ናባብያ አሳይ የሱስ አሳ እሹያ ጳጳያ ግዲደ ያናዋ ጌተቲዳ ጸሳ ናኣ ግድያዋ አማናና ማላን እን አማኖ ጋሱዋን ሙድና ደኡ አንቲንቶ ደአናዋ አንቲንቲ ኤራና ማላ ጸፈቲዳ (20:31)።

ምሽራቹዋ ቃላዉ ኮይሮ ሻኩ ሙድና ጸሳ ቃላይን የሱስን እቲዋ ግድያዋ ኦድ ሰሚደ፡ የሱስ እሹያዋ ግዲደ ያና ጌተቲዳ ጸሳ ናኣ ግድያዋ በሰያ ዲማ ዲማ ማላታቲዋ ሸሼ። ሄዋጥ ካሊደ ቃይ ሀ ማላታቲዋጥ ቤቴዳ አይፍያ ኦድያ ታርካቲ ካሊኖ። ሀ ክፍሊ እት እት አሳይ የሱሳን አማኒደ፡ አ ካልያዋንታ ግዲዳዋ ኦደ፤ ሀራቲ ቃይ አ አያዋ እጹደንቶን እን አያዋ አማኖኮ ጌደንቶ ኦዲኖ። (ሸምቹዋ 13-17) የሱስ ኦይቀቲዳ ኦማርሰ አዉ አ ካልያዋንቲና አይ ከና ምኖ እትተገላይ ደአንቶን፡ ቃይ አ ካታታናዉ ሙቲዳ ዋንተላ ጋላሰ አንቲንቶ ገገታና ማላን ምናና ማላ አ ሃሳዬዳ ቃላ ኦዲኖ። ዉርሰላ ሸምጋቲ የሱስ ኦይቀቲዳዋን ፕርዳዉ ሸቋዳዋ፡ አ ካቁዋን አ ደንዲዋ፡ ቃይካ ደንዲዋጥ ጉይያን ባረና ካልያዋንቶ አ ቆንጭዳ ሀናታ ኦዲኖ።

ዮሃንሳ ጎዳ የሱስ ክርሰቶሳ ባገና ቤትያ ሙድና ደኡዋ ቆንጭያን በሰያ ሀ እጹ ከካተላይ ሀአጥ ደሚደ የሱስ አገ፡ ቲማን ደኡ ግድያዋ አማኒያዋንቲ። ዮሃንሳ ጻፊዳ ምሽራቹዋ ቃላ ሀራቲዋጥ ዲማይያዋ፡ አያና ቲማተላቲዋ ታማርሳናዉ ደኡዋ ኡባን አሳይ ሜዘቴዳ ቃላቲዋ ጎኢትያ ድራሳ። ሄዋንቲካ፡ ሃላ፡ ሶሉዋ፡ ፖኡዋ፡ ሄንላንቻ፡ ደርሳ፡ ዋይንያ ምላ፡ ዋይንያ አይፍያን ሄዋንታ ማላትያዋንታ።

ዋሹማደ ኦይቀቲዳ ምሽራት ታርክያ 7:53—8:11 ጮራ ብለላቲን በን ማጻፋቲ ባረንቲን ጉጅክኖ፤ ሀራቲ ዮሃንሳ ምሽራቹዋን 21:24ጥ ጉይያን ገልሲኖ፤ ሀራንቲ ቃይ ሉቃሳ ምሽራቹዋ ሉቃሳ 21:38ጥ ጉይያን ገልሲኖ፤ እት በን ጸፈቲዳ ብለላይ ዮሃንሳ ምሽራቹዋ 7:36ጥ ጉይያን ገልሲኖ።

**ሸምጋቲዋ ኡባቶ አመቲዳ ቃንሳ ቆፋቲዋ**  
ሀ ማጻፋ ጻፊዳዋ ቆፋ 1:1-18  
ጸማቅያ ዮሃንሳን የሱሳ ኮይሮ ካሊደዋንታ 1:19-51  
የሱሳ ኦሱዋ ደመላ 2:1—12:50  
የሩሳላመንን እዝ የሹዋን ዉርሰላ ጋላሳቲዋን ሀኔሳ የሱሳ ኦሱዋ 13:1—19:42

ጎዳ የሱሳ ደንዲዋን ቆንጭላ 20:1-31  
ዉርሰላ ቆትያ፡ ጋሊላን ዛሪደ ባረና ካልያዋንቶ የሱስ ቆንጭዳዋ 21:1-25

ደኡዋ ቃላ  
1 ቃላይ ኮይሮ ደኤ፤ ቃላይካ ጸሳና እትጥ ደኤ፤ ቃላይካ ጸሳ።  
2 እ ኮይሮጥካ ጸሳና ደኤ።  
3 ኡባባይ ቃላ ባገና ሙፍቲዳ።  
ሙፍቲዳባን ኡባባን እ ባይናን እትባይን ሙፍቲዳ።  
4 እን ደኡ ደኤ፤ ደኡ አሳዉ ፖኡዋ።  
5 ፖኡ ጳማን ፖኡ፤ ጳማይ ፖኡዋ ጸንቤና።  
6 ጸሳጥ ኪተት ዬዳ አ ሱንላይ ዮሃንሳ ጌተትያ እት ብታኒ ደኤ።  
7 አሳይ ኡባይ አ ባገና አማናና ማላ፡ ፖኡዋባ ማርካታናዉ ዬዳ።  
8 ፖኡዋባ ማርካታናዉ ዬዳጥ እትን፡ እ ባረ ሀ-ጸዉ ፖኡዋ ግድና።  
9 እካ ቲሙ ፖኡዋ ግዲዳዌ አሳዉ ፖኡሳናዉ ሀ ሳኣ ይያዋ።  
10 ቃላይ አላምያን ደኤ፤ ጸሳይ ቃላን አላምያ ሙዲዳ፤ ሸን አላሚ አ ኤርቤና።  
11 እ ባረ ባገቲዋኮ ዬዳ፤ ሸን አንቲንቲ አ ሸሽ አክበይክኖ።  
12 ግደጥ እትን እ ባረና ሸሽ አኬዳ ኡባቶ፡ ባረ ሱንላን አማኔዳዋንቶ፡ ጸሳ ናና ግዳና ማላ፡ ማታ አሚዳ።  
13 አንቲንቲ ጸሳጥ የለቴድናጥ እትን፡ አሳይ የልያ ማራን ዋይ አሹዋ ሸንያን ዋይ አቲማ አሳ ሸንያ ጸላላን የለትበይክኖ።  
14 ቃላይ አሳ ግዲደ፡ አጹ ከካተላንን ቲማተላን ኩሚደ ኑ ግዲዋን ደኤዳ። ኑን፡ እ ባረ አሶ እት ናኣ ግዲደ አኬዳ አዉ ደአያ ባረ አዉዋ ቦንቹዋ በኤደ።  
15 ዮሃንሳ አባ ባረ ከሻ ጶቁ አሊደ፡ “ታን፡ ታጥ ካላ ይያዌ ታጥ ሶላ፤ አያዉ ጎጥ፡ ታ የለታናጥ ካሰና አ ደአያዋ” ጋደ ሀንተንቶ ኦደዌ ሀዋ” ያግ ማርካቲዳ።  
16 ኑን ኡባይ አ ኩሙንላ አጹ ከካተላን ፓላሄዳ አንጂዋ አኬደ።  
17 ጸሳይ ሀግያ ሙሴ ባገና አሚዳ፤ ሸን አጹ ከካተላይን ቲማተላይ የሱስ ክርሰቶሳ ባገና ዬዳ።  
18 ጸሳ በኤዳ አሳይ ኦንን ባዋ፤ ባረ አዉዋ ማታን ደአያ ባረ ሀ-ጸዉ ጸሳ ግዲዳዌ እት ናኣ ጸላላይ አባ ማርካቲዳ።

ጸማቅያ ዮሃንሳ ማርካተላ (ማቶሳ 3:1-12፤ ማር. 1:1-8፤ ሉቃሳ 3:1-18)  
19 የሩሳላመን ደአያ አይሁዳቲዋ አይሰያዋንቲ ቁሳቲዋን ሊዋቲዋ ዮሃንሳን፡ “ኔን ኦኔ?” ገደ አ ኦቻና ማላ ከትና፡ ዮሃንሳ አንቲንቶ ማርካቲዳ ማርካተላይ ሀዋ።

1:6 ማቶሳ 3:1፤ ማር. 1:4፤ ሉቃሳ 3:1-2

20 የሃንሳ፡ “ታን ክርስቶስ ግድክ” ያገደ ገሽ ማርካቴዳዋጥ አትን፣ ማርካቴሳ አጵቤና።

21 ኢንቱንቱ፡ “ያትና፣ ኔን ኦኔ? ኔን ኤላሴ?” ያገደ ኦቼድና።

የሃንሳ፡ “አ ግድክ” ያገደ። ቃይካ ኢንቱንቱ፡ “ኔን ናቤ?” ያገደ ኦቼድና።

የሃንሳ፡ “ግድክ” ያግ ዛሬዳ።

22 ኢንቱንቱ፡ “ያትና ኔን ኦኔ? ኔን ኑና ከቲዳዋንቶ ኦዳና ማላ፣ ኔን ኔና ኦና ጋይ?” ያገደና።

23 የሃንሳ ዛሬዳ፡ “ናብያ እሳያሰ ጌዳዋዳን፣ ዋራን ባረ ቃላ ዶቁ ኦሴዳ፡ “ኅዳ ኦግያ ስት አለተ!” ግያ ኮሻይ ታዎ”

ያገደ።

24 ቃይ ፓርሳዋቱ ከቲዳ አሳቱ

25 የሃንሳ፡ “ኔን ክርስቶስ ዋይ፣ ኤላሳ ዋይ ናብያ ግዳና ቆዮ፡ ያትና አያው ጸማቃይ?” ያገደ ኦቼድና።

26 የሃንሳ፡ “ታን ሃላን ጸማቃይ፤ ሽን ህንተንቱ ኤረናዌ አቱ ሀዋን ህንተንቱ ግዳዋን ደኤ።

27 እ ታፕ ካላ ዬ። ታን አ ጫማ ቃሹዋ ብላናውካ በሰከ” ያግ ዛሬዳ።

28 ሀዌ ኡባይ ቢርዳና ሻፋፕ ሄናጎላ ባጋ የሃንሳ ጸማቅያሳ የታንያን ሀኔዳ።

ጳሳ ኦርገ ደርሳ

29 የሃንሳ ዋንተሳ ጋላስ የሱስ ባረኮ ይያዋ በኢደ፡ “ጳሳ ኦርገ ደርሳ፡ \* አለምያ አሳ ናጋራ ቆይሰያዌ፡ ሀዌሽ!

30 ታን፣ ሓፕ ካላ አቱ ያናዋ፤ እ ታፕ ቦላ፤ አያው ጎፕ፣ ታ የለታናፕ ካሰና እ ደአያዋ” ጋይ ኦዴዳዌ ሀዋ።

31 እ አነንቶ ታን ኤርከ፤ ሽን እሰራኤልያ አሳው እ ቆንጭሳናው ሃላን ጸማቃይ ያድ” ያገደ።

32 የሃንሳ ማርካቴዳ፡ “ጌሻ አያናይ ሳሉዋፕ ሀራጽያዳን ዋድሺናን እ ቦላን ኤትሽን፣ ታን በኢድ።

33 ታን አ ኤርከ፤ ሽን ሃላን ጸማቃና ማላ ታና ከቲዳ ጳሳይ፡ “ጌሻ አያናይ ዋዲደ፡ እት አሳ ቦላ ሽምፕሽን፣ ኔን በአና፤ አካ ጌሻ አያናን ጸማቅ” ያገደ ታው ኦዴዳ።

34 ታን ሄዋ በአድ፤ እ ጳሳ ናኦ ግድያዋካ ማርካታይ” ያገደ።

የሱስ ኮይር ባረና ካልያዋንታ ዶሬዳ

35 ዋንተሳ ጋላስ የሃንሳ ሽረቲደካ ባረና ካልያዋንቱ ላኦቱዋና እትፕ ኤቆዳ፤

36 እ የሱስ ኦቼሽን በኢደ፡ “ጳሳ ደርሳይ ሀዌሽ!” ያገደ።

37 የሃንሳ ካልያ ላኦቱ የሃንሳ ግያዋ ሰሲደ፡ የሱሳ ካሌድና።

38 የሱስ ባረና ካልያዋንታ ጉዮ ሰም በኢደ፡ “አያ ኮዪቱ?” ያግ ኦቼዳ።

ኢንቱንቱ ዛሬዳ፡ “ረቢ፣ ኔን ሀቃን ደአይ?” ያገደና። “ረቢ” ጉሳይ “ታማርሰያዎ” ግያዋ።

39 የሱስ ኢንቱንታ፡ “ሃ ዪደ በአተ” ያገደ። ኢንቱንቱ ቢደ፡ እ ደኢያሳ በኤድና፤ ሄ ጋላስ ሳአይ ታው ሳተ ሄራ ግድያ ድራው፡ ኢንቱንቱ አናና ፔሼድና።

40 የሃንሳ ጌዳዋ ሰሲደ፡ የሱሳ ካሌዳ ላኦ አሳቱዋፕ አቱ፡ ሰሞና ጳጵርሳ እሻ እንድራሳ።

41 እንድራሰ ኮይር ባረ እሻ ሰሞና ደሚደ፡ “ኔን ጳሳይ ከቲዳዋና ጋከቲደ” ያገደ። ሄዋ ጉሳይ “ክርስቶስ” ግያዋ።

42 እንድራሰ ሰሞና የሱሳኩ አሄዳ። የሱስ ሰሞና በኢደ፡ “ኔን የሃንሳ ናኦ ሰሞና፤ ነ ሱንሳይ ኬፋ ጌተታናዎ” ያገደ።

“ኬፋ” ግያዋ ብላላይ “ጳጵርሳ” ዋይ “ዛላ” ግያዋ።

የሱስ ፕልጶሳን ናትናኤላ ጴጌዳ

43 ዋንተሳ ጋላስ የሱስ ጋሊላ ባናው ቆፋ ቃቼዳ፤ እ ፕልጶሳን ጋከቲደ፡ “ታና ካላ!” ያገደ።

44 ፕልጶሳ፡ እንድራሰን ጳጵርሰ ደኤዳ ቤተሳይዳ ጌተታያ ካታማፕ ዬዳ አሳ።

45 ፕልጶሳ ናትናኤላን ጋከቲደ፡ “ሙሴ ማጻፋቱዋንን ናባቱዋ ማጻፋቱዋን ተ አባይ ጸፈቲዳዋዳን፣ የሴር ናኦ የሱስ ናዝሬተ ካታማን ደአያዋና ኔን ጋከቲደ” ያግ ኦዴዳ።

46 ናትናኤላ ዛሬዳ፡ “ናዝሬተ ካታማፕ ሎካባይ ከሳናው ዳንዳዪ?” ያገደ።

ፕልጶሳ፡ “ያደ በእ” ያገደ።

47 ናትናኤላ ባረኮ ይያዋ የሱስ በኢደ፡ “ማካላይ ባይና ቱሙ እሰራኤልያ አሳይ ሀዋ!” ያገደ።

48 ናትናኤላ የሱሳ፡ “ኔን ታና ሀቃን ኤራይ?” ያግ ኦቼዳ።

የሱስ ዛሬዳ፡ “ፕልጶሳ ኔና ጴሳናፕ ካሰ፡ ኔን ባላሰያ ጌተታያ ሞላፕ ሀርክና ደአሽን፣ ታን ኔና በኢድ” ያገደ።

49 ናትናኤላ ዛሬዳ፡ “ታማርሰያዎ፣ ኔን ጳሳ ናኦ! ኔን እሰራኤልያ ካትያ!” ያገደ።

50 የሱስ፡ “ታን ኔና ባላሰያ ጌተታያ ሞላፕ ሀርክና በአድ ጌዳ ድራው አማናይ? ኔን ሀዋፕ አድያዋ በአና!” ያገደ።

51 ቃይካ የሱስ፡ “ታን ህንተንቶ ቱሙዋ ኦዳይ፤ ሳሉ ደየትና፡ ጳሳ ኪታንቻቱ ታ ቦላ፡

1:21 ዛረ. 18:15፣ 18፤ ሚልክ. 4:5 1:23 አሳ. 40:3 \* 1:29 ጳሳ ኦርገ ደርሳ፡ ፓሰጋ (ከሱዋ)፡ አይሁድ አሳቱዋ ፓይዳዋን ኒሳን ጌተታያ እገና ግዲደ ቶጽያ አሳ ፓይዳዋን ላፕንያን ሆሰፕንያ እገናቱዋ። አይሁድ አሳን ፓሰጋ ጌተታዊ፡ ጳሳይ እሰራኤልያ አሳቱዋ ግብጻፕ ዋልቃማ ማላታን ከሴዳ ዋድያ ግድያ ድራሳ፡ ዋጋ 23:5-8 ጴልተ። ጳሳ ኦርገ ደርሳ፡ ኦራላ ጫቁዋን ክርስቶሳን ጴሴቶ ጋሱ፡ እ ሀ አለምያ አሳ ሀይቆ ባረና አላ አሚደ መድና ሙራፕ ከሰ እኮ ድራሳ፡ 1 ቆር. 5:7፤ 1 ጳጵ. 1:18-19 ጴልተ። † 1:45 ሙሴ ማጻፋቱዋንን ናባቱዋ ማጻፋቱዋን፡ አይሁዳቱዋ ማጻፋ፡ ኤጫ ጫቁዋ። 1:51 ደመሳ 28:12

አሳ ናኣ ቦላ፡ ቸደ ከሰሸናና ዲገ ዎድሺን፡ ህንተንቱ በአና” ያጌድ።

### 2

የሱሰ ቃና ካታማ ቡላቻሳ ቤዳ

1 ሄዘንሎ ጋለሳ ጋለላ ጋድያን ቃና ጌተትያ ካታማን ቡላቻይ ቡላቸቴዳ፤ የሱሳ ዳያ ሄ ቡላቻን ደእው።

2 የሱሰካ ባረና ካልያዋንቱና እትጥ ሄ ቡላቻ ጸሰቴዳ።

3 ዎይንያ ኡሻይ ወር ድግና፡ የሱሳ ዳያ እ፡ “ኡንቱንቶ ዎይንያ ኡሻይ ወር ድጌዳ” ያጋ ኦቻዳ።

4 የሱሰ ዛሪደ፡ “ታ ዳይ፡ ሀዌ ታ ኦሱዋ ግድያ ድራው፡ ነ ያያና ኮሸና። ታ ዎዲ \* ብር ጋክቤና” ያጌድ።

5 የሱሳ ዳያ ከተትያዋንቶ፡ “እ ህንተንቶ ኦድያዋ እያ ግደጥነ ኦሐተ” ያጋ ኦዳድ።

6 አይሁዳቱ ካሰ አልያ ደያዳን፡ ሜቻ ዎጋወ እቱ እቱ ጸቱ ጸራሙሰያ ኦይቄያ ኡሱፑን ሹቻ ባላቱ ሄዋን ደእኖ።

7 የሱሰ ከተትያዋንታ፡ “ባላቱዋን ሃላ ኩንሐተ” ያጌድ፤ ጌተቶዋዳንካ ኡንቱንቱ ባላቱዋን ደና ጋካናወ ሃላ ኩንሐድና።

8 የሱሰ ኡንቱንታ፡ “ሀእ ዱቁደ፡ ቡላቻ ካፖ እምተ” ያጌድ፤ ኡንቱንቱ አወ አወደ እሜድና።

9 ቡላቻ ካፑ ዎይንያ ኡሻ ግዴዳ ሃላ ጋንጽ ጸሊደ፡ ሀቃጥ ዬደንቶ ኤርቤና፤ ሸን ሃላ ኩንሐዳ ኦሳንቻቱ ኤሪና። ቡላቻ ካፑ ማቻቶ አክያዋ ጸሲደ።

10 “አንነ አይፈ ግዴዳ ዎይንያ ኡሻ እማላ አሳ ካሰቲደ ኡሼ፤ ያቲደ አሳይ ዳርሰ ኡሼዳዋጥ ጉይያን፡ ቅራርያ ኡሼ። ሸን ኔን አይፈ ግዴዳ ዎይንያ ኡሻ ሀና ጋካናወ ናገዳ!” ያጌድ።

11 የሱሰ ባረ ኡሌዳ ዎልቃማ ማላታቱዋጥ ሀዋ ኮይሩዋ ጋለላ ጋድያን ቃና ጌተትያ ሄራን ኡሌዳ፤ ሄዋን ባረ ቦንቸዋ እ ቆንጭሰና፡ አ ካልያዋንቱ እን እማኔድና።

12 ሄዋጥ ጉይያን፡ የሱሰ ባረ ዳይና፡ ባረ እሻቱዋናን ባረና ካልያዋንቱና እትጥ ቅፍርናሆማ ጌተትያ ካታማ ቢደ እማሬዳ ጋላሳ ታኬድና።

የሱሰ ጌሻ ጎልያ ግቢያጥ ዛልእያዋንታ ከሴዳ (ማቶሳ 21:12-13፤ ማር. 11:15-17፤ ሉቃሳ 19:45-46)

13 አይሁዳቱ ቦንቸያ ጋሰጋ ባላ ጋላሳይ ማታትና፡ የሱሰ የሩሳላሙ ቤዳ።

14 ጌሻ ጎልያ ግቢያን ሚዛ፡ ደርሳን ደጎማቱዋ ዛልእያ አሳ ደሜዳ፤ ቃይ ሀራቱ ባረንቱ ኦይድያን ኡቲደ፡ ሚሻ ላምያዋንታ ደሜዳ።

15 እ ጎላ ጅራፍያ ደቂደ፡ አሳ ኡባ ደርሳናን ምያና ጌሻ ጎልያ ግቢያጥ ካረወ ከሴደ የደርሴዳ። ሚሻ ላምያዋንቱ ኦይድያካ አሐ የጊደ፡ ኡንቱንቱ ሚሻ ላሌዳ።

16 ደጎሙጥ ዛልእያዋንታ እ፡ “ሀ ደጎማቱዋ ሀዋጥ ከሰተ፤ ታ አቡ ጎልያ ገያ ኦሐፕተ!” ያጌድ።

17 የሱሳ ካልያዋንቱ ጸሳ ማጻፋን፡ “ታን ነ ጎላወ ሴለትያ ሴላይ ታና ታማዳን ጉዴ” ጌተቲደ ጸፈቴዳዋ ሀሳዬድና።

18 ሄዋጥ ጉየ፡ አይሁደ አሳ አይሰያዋንቱ ዛሪደ፡ “ኅወ ሀዋ ኦላናወ ደንዳይያ ማታይ ደእያዋ ኦና እያ ማላታ በሳነ?” ያጌድና።

19 የሱሰ፡ “ሀ ጌሻ ጎልያ ኮሐተ፤ ታን ሄዙ ጋላሳን ዛሪደ ኬጻና” ያጌድ።

20 ቃይካ አይሁደ አሳ አይሰያዋንቱ፡ “ሀ ጌሻ ጎልያ ኬጻናወ ኦይታማን ኡሱፑን ላይላ አኬዳ፤ ሸን ኔን ሄዙ ጋላሳን ኬጻነ?” ያጌድና።

21 ሸን እ ሃሳዬዳ ጌሻ ጎሊ ባረ አሳተላባ።

22 ሄዋ ድራው፡ የሱሰ ሀይቁዋጥ ደንዴዳዋጥ ጉይያን፡ የሱሳ ካልያዋንቱ እ ሄዋ ጌዳዋ ሀሳዬድና። ቃይ ኡንቱንቱ ጸሳ ማጻፋይ ጌዳዋን የሱሰ ሃሳዬዳዋ እማኔድና።

23 ጋሰጋ ባላ ቦንቸያ ዎደ፡ የሱሰ የሩሳላሙን ደእሸን፡ እ ኡሌዳ ማላታ በኢደ፡ ጮራ አሳይ እ እማኔድና።

24 ሸን የሱሰ አሳ ኡባ ኤርያ ድራው፡ ሄዋንታ እማንቤና።

25 አሳባ ኦንነ እወ ማርካታና ማላ ኮይቤና፤ እያወ ጎጥ፡ አሳ ዎዛናን እዬ ደእንቶ፡ እ ባረ ሁጻወ ኤርያ ድራሳ።

### 3

የሱሰን ንቆድዋሳ

1 ጋርሳዋቱዋጥ ግዴዳ ካፑዋ ንቆድዋሳ ጌተትያ እት ብታኒ ደኤ።

2 ንቆድዋሰ ቃማ የሱሳከ ዪደ፡ “ታማርሰያዎ፡ ኔን ኦና ታማርሰና ማላ ጸሳይ ከቲዳ ግድያዋ ኦን ኤራቶ፤ እያወ ጎጥ፡ ጸሳይ አናና ደእያ አሳጥ አትን፡ ሀ ኔን ኦልያ ዎልቃማ ማላታቱዋ ኦላናወ ደንዳይያ አሳይ ባዋ” ያጌድ።

3 የሱሰ ዛሪደ፡ “ታን ነወ ቱሙዋ ኦዳይ፤ አሳይ ላኢንሐዋ የለታና ጸዮጥ፡ ጸሳ ካወተላ በአናወ ደንዳየና” ያጌድ።

4 ንቆድዋሰ፡ “ጭማ አሳይ ዋኒደ ላኢንሐዋ የለታናወ ደንዳይ? ባረ ዳይ ኡሉዋ ስም ገሊደ፡ ላኢንሐዋ የለታናወ አሳይ ደንዳይ?” ያጌድ።

5 የሱሰ ዛሪደ፡ “ታን ነወ ቱሙዋ ኦዳይ፤ አሳይ ሃላጥን ጌሻ እያናጥ የለታና ጸዮጥ፡ ጸሳ ካወተላ ገላናወ ደንዳየና።

6 አሳይ አሹዋን አሳጥ የለቲ፤ ሸን አሳይ እያናን ጌሻ እያናጥ የለቲ፤

7 ሳንተንቱ ላኢንሐዋ የለታናወ በሴ፣ ጋደ ታን ኦዴዳ ድራው፡ ማላላቶጋ።

\* 2:4 ታ ዎዲ፡- ሀዋ ጉሳይ የሱሳ ቱሙ ቦንቸ በኡታናወ በሴን እ ጸሳ ናኣ ግዴዳ ኤሪታናወ በሴ ግያዋ። 2:17 ማዘ. 69:9

8 ጫርኩ ባረ ኮዬዳሳ ጫርኩ። ኔን አ ከሹንቻ ሰሳሳ፤ ሽን እ ሀቃፕ ይንቶ ዎይ ሀቃ ብንቶ ኤራካ። ገሻ እያናፕ የለቴዳ ኡባይ ሄዎ ማለ” ያጌዳ።

9 ንቆድሞሰ። “ሀዋ ዋረደ ሀናናዉ ዳንዳዪ?” ያጌደ ኦቹዳ።

10 የሱሰ ዛሪደ። “ኔን እሰራኤላቱዋ ታማርሰያዋ ግዳደ ሀዋ ኤርከ?”

11 ታን ነዉ ቱሙዋ ኦዳይ፤ ኑን ኤርያዋ ሃሳዬቶን በኤዳዋ ማርካቴቶ፤ ሽን ኑን ማርካቴያዋ ሀንተንቱ አክክታ።

12 ታን ሀንተንቶ ሳኣባ ኦድና። አማንናዋንታ ግደፕ። ሳሉዋባ ኦድና ዋን አማናንቱ?

13 ሳሉዋፕ ዎዴዳ ታፕ አትን። ሳሉዋ ከሴዳዌ ኦንን ባዋ፤ ሳሉዋን ደእያ አሳ ናኦይ ታና።

14-15 “ሙሴ ዎራን ዳንቁማሉዋ ሾሻ ሱሉዳዋዳን። ታና አማኔዳ ኡባይ መቋና ደኡዋ አካና ማለ። ታን አሳ ናኦይ ማሰቃልያ ቦላ ፑደ ደንዳና ቦሴ።

16 “ጳሳ ናኦ አማንያ ኡባይ መቋና ደኡዋ አካናፕ አትን። ቆየና ማለ። ጳሳይ ሀ አላምያ አሳ ሎይሰ ሲቄዳ ድራዉ። ባረ መጽ እት ናኦ አሜዳ።

17 እያዉ ጎፕ። ጳሳይ ባረ ናኦ ሀ አላምያ አሳ ፕርዳናዉ ከትቤና፤ ሽን ኡንቱንታ አ ባገና አሻናዉ ከቴዳ።

18 “እ ናኦ አማንያ ኡንን ፕርደተና፤ ሽን ናኦን አማንና ኡንን። ጳሳ ናኦ አትዋ አማንቤና ድራዉ። ሀእካ ፕርደት ኡቴዳ።

19 አሳ ቦላ ይያ ፕርዳይ ሀዋ። ፖኡ ሀ አላምያ ዬዳ፤ ሽን ኣሳ ከታይ ኢታ ግድያ ድራዉ። ፖኡዋፕ አላደ። ጳማ ሰቄዳ።

20 ኢታባ ኦልያ ኡንን ፖኡዋ እዬ፤ እያዉ ጎፕ። ባረ ከታይ ቆንጨና ማለ። ፖኡዋኮ ሸቀና።

21 ሽን ቱሙዋ ኦልያ ኡንን ጳሳይ አዛዜዳዋዳን። እ ኡላዳዋ ፖኡ ቆንጭሳና ማለ። ፖኡዋኮ ሸቄ” ያጌዳ።

የሱሳን ጳማቅያ የሃንሳ

22 ሄዋፕ ጉይያን። የሱሰን እ ካልያዋንቱ ይሁዳ ገድያ ቤድና፤ የሱሰ ሄ ገድያን ኡንቱንቱና አማራዳ ዎድያ ኡቴደ። አሳ ጳማቄደ ደኤ።

23 ቃይ የሃንሰ ሳሌመ ማታን ደእያ ሄናና ግያ ሳን ዎጋ ሃሳይ ደእያ ድራዉ። አሳይ እኮ ዪና ጳማቄ።

24 ሄዋ ሀኔዳዌ የሃንሰ ቃሽታናፕ ካሰና።

25 ሄዋፕ ጉይያን። የሃንሳ ካልያዋንቱና አማራዳ አይሁዳቱዋ ሜቻ ዎጋባ \* ፓሌሙቴድና።

26 አንቱንቱ የሃንሳኮ ቢደ። “ታማርሰያዎ። የርዳዳሳ ሻፋፕ ሄፍንላን ኔናና ደእያዌ። ኔን አባ ማርካቶዌ። በእ ሀእ ጳማቄ፤ አሳይ ኡባይካ እኮ ቤ” ያጌድና።

27 የሃንሰ ዛሪደ። “ጳሳይ እማና ቆየፕ። አሳይ እይን አካናዉ ዳንዳየና።

28 “ታን ክርሰቶሳ ግድክ፤ ሽን ታን አፕ ሰንሳዉ ከተታድ” ጌዳዋ ሀንተ ሀንተንቱ ሁጳዉ ማርካ።

29 ሞሽራ ማጫዉና ደእያ ኡራይ እካ ሞሽራ፤ ሄ ሞሽራ ሞያታይ ኤቄደ። እ ግያዋ ሰሰያዌ እ ሃሳያን ዳር ናሽቴ። ሄዋ ድራዉ። ሀዌ ታ ናሽቻይ ፖላቴዳ።

30 እ ዳርና ታ ጉጻና ቦሴ” ያጌዳ።

31 ቦላፕ ይያዌ ኡባፕ ቦላ። ሳኣፕ ቤቴዳዌ ሳኣሳ። እካ ሳኣባ ሃሳዬ። ሳሉዋፕ ይያዌ ኡባፕ ቦላ።

32 እ ባረ በኤዳባን ሰሴዳባ ማርካቴ፤ ሽን እ ማርካተላ አክያዌ ባዋ።

33 እ ማርካተላ አክያ ኡንን ጳሳይ ቱማንቻ ግድያዋ ሄዋን ማርካቴ።

34 ጳሳይ ከቴዳዌ ጳሳ ቃላ ኦይ፤ እያዉ ጎፕ። ጳሳይ ባረ ገሻ እያና ፓላህሲደ አሜ።

35 ጳሳይ ባረ ናኦ ሲቄደ ኡባባ እ ኡሽያን ዋሴዳ።

36 ናኦ አማንያ ኡራዉ መቋና ደኡ ደኤ፤ ሽን ናኦ አማንናዋ ቦላ ጳሳ ሀንቁ ደእናዋፕ አትን። እ ደኡዋ በኤና።

### 4

የሱሳን ሳማርያ ሞሽራቶ

1-3 የሱሰ የሃንሳዋፕ ዳርያ ባረና ካልያዋንታ ባረኮ ሸሼን ጳማቄ ግያዋ ፓርሳዋቱ ሰሴዳዋ የሱሰ ኤራዳ ዎደ። ይሁዳ አገደ። ገላላ ቤዳ፤ ግደፕ። የሱሳ ካልያዋንቱ ጳማቄዳዋፕ አትን። የሱሰ ባረ ሁጳዉ ኦናን ጳማቅቤና።

4 ገላላ ቢደ። ሳማርያና አቆናዌ አ አሽናባ ግዴዳ።

5 ሄዋ ድራዉ። ያቆብ ባረ ናኦ የሱፎ አሜዳ ገድያ ማታን ደእያ ሰካሮ ጌተትያ ሳማርያ ካታማ ቤዳ።

6 ሄ ሳኦን ያቆባ ሃሳ ኦላይ ደኤ፤ የሱሰ ሀመታን ዳቡሪደ። ሄ ሃሳ ኦላ ማታን ኡቴዳ። ሄ ዎደ ሳኦይ ኡሱፑን ሳትያ ሄራ።

7 ሳማርያ ሞሽራታ ሃሳ ዲቃናዉ ዬዳዉና የሱሰ። “ታና ሃሳ ኡሻርከ!” ያጌዳ።

8 የሱሳ ካልያዋንቱ ቁማ ሻማናዉ ካታማ ቤድና።

9 ሄ ሞሽራታ ዛሪደ እ። “ኔን አይሁዳ አሳ ግዳደ። ሳማርያ ማጫ አሳ ግዴዳ ታና። ዎታ ደኡዋ እምያ ሃሳ ኡሻ ገይ?” ያጌዳ፤ እያዉ ጎፕ። አይሁዳቶን ሳማርያ አሳዉ እትፕተላይ ባይና ድራሳ።

10 የሱሰ ዛሪደ እዘ። “ኔን ጳሳ እሞታን ቃይ ኔና ‘ታና ሃሳ ኡሻ’ ግያዌ ኡንንቶ ኤርያዋ ግድንቶ። እ ዋሳናሳ፤ እካ ነዉ ደኡዋ እምያ ሃሳ እማና” ያጌዳ።

3:14-15 ገይ. 21:9 \* 3:25 አይሁዳቱዋ ሜቻ ዎጋባ- ሀዋ ጉሳይ አይሁዳቱ ባረንቱ ጎይና ጋላናዉ ኦልያ ዳሚ ዳሚ ባረንታ ሜቻባይን ባረንቱ ሳንያ ሜጭያ ዎጋቱ ደእያዋ ቦሴ። 4:5 ደመላ 33:19፤ ኢያሳ 24:32 4:9 እዘራ 4:1-5፤ ናህ. 4:1-2

11 ሞሽራታ ዛራደ፡ “ጎዳው፡ ነው ዲቁያባይ ባዋ፤ ኦላይካ ጨሙዋ። ያትና፡ ደኡዋ እምያ ሃላ ሀቃ፣ አካሊ?”

12 ኑው ሀ ሃላ ኦላ እሜዳ ኑ አውዋ ያቆባ፣ ኔን ዳራይ? እ፡ እ ናናይን እ መሂ ሀዋ፣ ኡሼድኖ” ያጋድ።

13 የሱሰ ዛራደ፡ “ሀ ሃላ፣ ኡሽያ ኦንነ ላኤንሱዋ ሳመታናዋ።

14 ሸን ታን እምያ ሃላ ኡሽያ ኦንነ ላኤንሱዋ ሳመተና። ታን እምያ ሃላይ ሄ እ ግደን መድና ደኡዋሰ ፑልትያ ፑልቱዋ ግዳናዋ” ያጌዳ።

15 ሞሽራታ፡ “ጎዳው፡ ታን ሳመተና ማላነ ሃላ ትካናውካ ሃ ዬና ማላ፡ ታው ሄ ሃላ አማ!” ያጋድ።

16 የሱሰ እዘ፡ “ባደ ነ አሰና ጸሳደ ሃ ሰማ” ያጌዳ።

17 ሞሽራታ ዛራደ፡ “ታው አሰናይ ባዋ” ያጋድ።

የሱሰ፡ “ታው አሰናይ ባዋ ግያዋን ቱሙዋ ጋዳ።

18 ኔን እቼሹ አሰና ገላዳ፤ ሀእ ኔናና ደእያ ብታኒ ነ አሰና ግደና። ኔን ሀእ ታው ኦዳዳዊ ቱማ” ያጌዳ።

19 ሞሽራታ ቃይ፡ “ጎዳው፡ ኔን ናብያ ግድያዋ ታ ሀእ ኡራድ፤

20 ኑ ሳማርያ አሳ አዋቱ ሀ ደርያን \* ጎይኔድኖ፤ ሸን እይሁዳቱ ሀንተንቱ አሳይ ጸሳው ጎይናናው በሰያ ሳክይ የሩሳላመና ያገታ” ያጋድ።

21 የሱሰ፡ “ሀ ሞሽራቱ፡ ታና አማና፤ ሀ ደርያን ዋይ የሩሳላመን አውዋ ጸሳው ሀንተንቱ ጎይነና ዋዲ ያናዋ።

22 ሀንተንቱ ሳማርያ አሳይ ሀንተ ኤርናባው ጎይነታ፤ ጸሳይ ኑና እይሁዳቱዋ ጎይኔድ አቶተሳ እሀያ ድራው፡ ኑን ኑ ኤርያዋ ጎይኔቶ።

23 ሸን አውዋ ጸሳው ቱሙዋ፣ ጎይንያዋንቱ እ፡ ጌሻ አያና ዋልቃን ጸሳ ጸሳተላዳን ጎይንያ ዋዲ ማታቱዳ፤ ኡባ ሀእካ ጋኬዳ። አያው ጎ፣ አሳ ባርው ጎይናና ማላ፡ አው ጸሳይካ ሀ ኦግያን ጎይንያዋንታ ኮዬ።

24 ጸሳይ አያና፤ አው ጎይንያዋንቱካ ጌሻ አያና ዋልቃን ጸሳ ጸሳተላዳን ጎይናናው በሴ” ያጌዳ።

25 ሞሽራታ፡ “መሰሀያ ጌተትያ ኦከቶዌ ያናዋ ታን ኤራይ። እ ይያ ዋደ ኑው ኡባባ አዳናዋ” ያጋድ።

26 የሱሰ፡ “ሀ ኔናና ሃሳይያዊ ታን እ” ያጌዳ።

27 ሀዋ ኡንቱንቱ ሃሳይሸን፡ የሱሳ ካልያዋንቱ ቤዳሳ፣ ሰሜድኖ። የሱሰ ሞሽራትና ሃሳይሸን ኡንቱንቱ በኢደ ዳርሰ ማላላቱድኖ፤ ሸን ሞሽራቶ፡ “ኣያ ኮያይ?” ዋይ የሱሳ፡ “ኣናና አያው ሃሳይያ?” ጌደ ኦቾዌ ኦንነ ባዋ።

28 ሄዋ፣ ጌይያን፡ ሞሽራታ ባር ሃላ ኦቱዋ አጋ ባሻ ጉየ ካታማ ባደ አሳው፡

29 “ታን ኦሌዳዋ ኡባ ታው ኦዳደ ብታንያ በአናው ደንድተ፤ ሄዌ ክርሰቶሳ ግዳንዳሻ?” ያጋድ።

30 አሳይ ካታማ፣ ከሲደ፡ የሱሳቡ ቤዳ።

31 ሄዌ ሀንሸን፡ እ ካልያዋንቱ የሱሳ፡ “ጉላባ ማርኪ!” ያጌደ ዋሴድኖ።

32 ሸን እ፡ “ታው ሀንተንቱ ኤርና ቁማይ ታን ምያዌ ደኤ” ያጌዳ።

33 ሄዋ ድራው፡ እ ካልያዋንቱ ባርንቱ ግደን፡ “አው ምያባ አሄዳ አሳይ ደኤንዳሻ?” ያጌድኖ።

34 የሱሰ ኡንቱንቶ፡ “ታ ቁማይ ታና ከቲዳዋ ሸንያ ኦሱሳን እ ኦሱዋ ፖሎሳ።

35 ሀንተንቱ፡ “ኦይዲ አገና፣ ጌይያን፡ ካሳይ ጫከታናዋ ጊክቱዬ? ታን ሀንተንቶ ኦዳይ፤ ጎሻ ሎይል ጸልተ፤ ካሳይ ጫካ በሴዳ።

36 ዘርያዌን ጫክያዌ እት፣ ናሽታና ማላ፡ ጫክያዌ ድርጉዋ እኬን ካላ መድና ደኤ ሸሴ።

37 ሀ ጋሱዋን፡ “ኦቱ ዘራ፤ ቃይ እቱ ጫኬ” ግያ ሃሳይ ቱማ።

38 ሀንተንቱ ዳቡርቤናዋ ጫካና ማላ፡ ታን ሀንተንታ ኪታድ፤ ሀራቱ እል ዳቡራድኖ፤ ሀንተንቱ ሀራቱዋ ዳቡራን ገሌድታ” ያጌዳ።

39 ሞሽራታ፡ “ኣ ታን ኦሌዳ ኡባባ ኦዳዳ” ጋይ ማርካቱዳ ድራው፡ ሄ ካታማን ደእያ ሳማርያ አሳ፣ ጌራይ የሱሳ አማኔዳ።

40 ሳማርያ አሳይ የሱሳኮ ዬዳ ዋደ፡ ባርንቱ ማታን ጋምኦና ማላ፡ የሱሳ ዋሰና እ ያን ላኤ ጋላሳ ኡቱዳ።

41 እ ኦድያ ቃላ ድራው፡ ካሰዋ፣ ጌራ አሳይ አማኔዳ፤

42 ቃይ ኡንቱንቱ ሞሽራቶ፡ “ኡን ኑ ሀጸው እ ሞኬዳ፤ ሸን ሰሲደ አማኔዳዋ፣ እትን፡ ኔን ማርካቱዳ ድራሳ ግደና፤ እ ቱሙ አላምያ አሳ አሸያዋ ግድያዋካ ኑን ኤራደ” ያጌድኖ።

የሱሰ እት ካፑዋ ናኣ ፓሌዳ

43 ላኤ ጋላሳ፣ ጌይያን፡ የሱሰ ሳማርያ፣ ከሲደ፡ ጋላላ ጋድያ ቤዳ።

44 አያው ጎ፣ እ ባር ሀጸው፡ “ናቢ ባር ጋድያን ቦንቱተና” ያግ ኦዳዳ።

45 የሱሰ ጋላላ ጋኬዳ ዋደ፡ ጋላላ አሳይ እ ሞኬዳ፤ ሸን ሰንቻያ ጋላሰ ኡንቱንቱ የሩሳላመን ደእያ ድራው፡ እ ኦሌዳ ኡባባ በኤድኖ።

46 የሱሰ ሃላ ዋይንያ ኡሻ ከሴዳ፡ ጋላላን ደእያ ቃና ካታማ ቤዳ። ቅፍርናሆማን እ ናኤይ ሳከትያ፡ ካትያ ጎላን ኦልያ እት ካፑ ደኤ።

47 የሱሰ ይሁዳ፣ ጋላላ ዬዳዋ ሄ ካፑ ሰሲደ፡ እኮ ዪደ ሀይቃናው ማቱዳ ባር ናኣ ቢደ ፓላና ማላ፡ የሱሳ ዋሴዳ።

48 የሱሰ ሃ ካፑዋ፡ “ጸሳይ ኦልያ ማላታን ሄቾ ጊሰያባ በኤናን ደኤደ፡ ሀንተንቱ እይነ አማንክታ” ያጌዳ።

\* 4:20 ሀ ደርያን፡ ግያዌ ደርያ ጌዘና ግዲደ ሴኬማ ጌተትያ ካታማ ማታን ደእያዋ።

49 ሄ ካፑ ዛሪድ፡ “ጎዳው፡ ታ ናአይ ሀይቀናን ደአሸን፡ ታናና ባርኪ” ያጌዳ።

50 የሱሰ፡ “ባ፤ ነ ናአይ ፓጾ ደአናዋ!” ያጌዳ።

ሄ ካፑ የሱሰ ጌዳዋ አማኒደ ቤዳ።

51 አ ባረ ጎለ ቢሸን፡ አ ቆማቱ አናና ኦግያን ጋከቲደ እ፡ “ኅ ናአይ ፓጾ ደአ” ጌድኖ።

52 አ ባረ ቆማቱዋ ባረ ናአው አይ ሳትያን ኬኬደንቶ ኦችና ኦንቱንቱ፡ “ዘኖ ላፑ ሳትያን ቆጶ አ አጌዳ” ያጌድኖ።

53 ናአ አው የሱሰ ባረው፡ “ኅ ናአይ ፓጾ ደአናዋ” ጌዳዋ ሄ ሳትያና ግዴዳዋ ሀሳዬዳ። ሄዋ ድራው፡ እነ አ ስይ አሳይ ኡባይ አማኒድኖ።

54 ሀዋ የሱሰ ይሁዳፕ ጋለላ ዪደ ኦሌዳ ላኤንሎ ማላታ።

5

የሱሰ ጉንዳ ብታንያ ዳጋት ኡቴዳ ሃላ ማታን ፓሌዳ

1 ሄዋፕ ጉይያን፡ የሱሰ አይሁዳቱ ቦንችያ ባላው የሩሳላሙ ቤዳ።

2 የሩሳላሙን ድርሳ ፐንግያ ማታን አብራይስጢ ቃላን ቤተሳባይዳ ጌተትያ ዳጋት ኡቴዳ ሃላይ ደአ፤ ሄ ዳጋት ኡቴዳ ሃላ ዩይ አዲዳ እቴሹ ካሻይ ደአ።

3 ሄዋን ጮራ ሀርጋንቻቱ፡ ቆቃቱ፡ ዋባቱን ስሌዳዋንቱ ግሴድኖ። [ሃላይ ቃጽያዋ ናጊኖ።

4 አያው ጎፕ፡ እት እት ገደ ገደ ኪታንቻይ ሄ ዳጋቱዳ ሃላኮ ገሊደ፡ ሃላ ቃሌ፤ ሃላይ ቃጽዳዋፕ ጉይያን፡ ኮይሮ ገሌዳ ኡራይ ባረና ኦይቄዳ አይ ሀርግያፕካ ፓጾ።]\*

5 ሄዋን ሀታማን ሆሰፑን ሳይላ ሳከቴዳ እት ብታኒ ደአ።

6 ሄ ብታኒ ሄዋን ግሴዳዋ የሱሰ በአደ፡ ዳሮ ዋድያ ሳከቴዳዋካ ኤሪደ ብታንያ፡ “ፓጻናው ኮያይ?” ያጌዳ።

7 ሳከቴያ ብታኒ ዛሪድ፡ “ጎዳው፡ ሃላይ ቃጽያ ዋድ፡ ታና ሃላን የግያ አሳይ ጳዬዳ፤ ታን ገላና ሀንያ ዋድ፡ ሀራ ኡራይ ታፕ ካሰቲደ ገል አጌ” ያጌዳ።

8 የሱሰ አ፡ “ደንዳ ኤቃ፤ ነን ግሶዋ ቶካደ ባ” ያጌዳ።

9 ብታኒ ኤለካ ፓጾ አጌዳ፤ ባረ ግሱዋ ቶኪደ ቤዳ።

ሄዋ ሀኔዳዋ ሳምባታ ጋላሳና።

10 ሄዋ ድራው፡ አይሁዳቱ ፓጾዳ ብታንያ፡ “ሀቼ ሳአይ ሳምባታ፤ ነን ነ ግሱዋ ቶካ ብያዌ ዋጋ ግደና” ያጌድኖ።

11 ሸን ብታኒ፡ “ታና ፓሌዳዋ፡ ኅ ግሱዋ ቶካደ ባ” ያጌዳ። ጌደ ኦንቱንቱ ዛሪዳ።

12 ኦንቱንቱ እ፡ “ኔና፡ ኅ ግሱዋ ቶካደ ባ” ጌዳዋ አ ኦኔ?” ጌደ ኦቼድኖ።

13 ሸን ሄዋን ጮራ አሳይ ደአያ ድራው፡ የሱሰካ ጌሙቴዳ ድራው፡ ብታኒ ባረና ፓሌዳዋ ኦንቶ ኤሪና።

14 የሱሰ ጉየፕ ሄ ብታንያ ጌሻ ጎልያን ደሚደ፡ “በእ፡ ነን ሀእ ፓጻዳ፤ ሀዋፕካ ኢታባይ ኔና ጋከና ማላ፡ ላኤንሎ ናጋራ ኦላፓ” ያጌዳ።

15 ሄዋፕ ጉይያን፡ ብታኒ ቢደ፡ ባረና ፓሌዳዋ የሱሰ ግድያዋ አይሁዳ አሳ ካፓቶ ኦዴዳ።

16 የሱሰ ሀዋ ሳምባታን ኦሌዳ ድራው፡ ኦንቱንቱ የሱሰ የደሳን ዋይሱዋ ደሚድኖ።

17 የሱሰ ዛሪደ ኦንቱንቶ፡ “ታ አቡ ኡባ ዋደ ኦሌ፤ ታንካ ኦላናው ቦሴ” ያጌዳ።

18 ሄዋ ድራው፡ የሱሰ ሳምባታ ጋላሳ ቦንቼና ድራ ጸላላሳ ግደናን፡ ባረና ጸሳና ቃራዪደ፡ “ጸሳይ ታ አባ” ጌዳ ድራው፡ አይሁዳ አሳ ካፓቱ አ ዋጻናው ካሰዋፕ ምንሲደ ኮዪኖ።

ጸሳ ናአ ማታ

19 የሱሰ ዛሪደ ኦንቱንቶ፡ “ታን ሀንተንቶ ቱሙዋ ኦዳይ፤ ናአይ ባረካ አይነ አ።ና። አ ባረ አቡ ኦላሸን በአያዋ ጸላላ ኦሌ፤ አው ኦላያዋ ናአይካ ኦሌ።

20 አያው ጎፕ፡ አው ባረ ናአ ሲቄ፤ ቃይ አ ኦላያ ኦሱዋ ኡባባ ባረ ናአ ቦሴ። ኡባ ሀንተንቱ ማላላታና ጋካናው፡ አ ሀዋፕ ኦድያ ኦሱዋካ ባረ ናአ ቦሳናዋ።

21 ጋሱኔ፡ አው ሀይቄዳዋንታ ሀይቄዋፕ ደንሌደ ሸምፑዋና ዋሳያዋዳን፡ ናአይካ ቃይ ባረ ኮዮዋንታ ሸምፑዋና ዋሳ።

22-23 አሳይ ኡባይ አውዋ ቦንችያዋዳን፡ ናአካ ቦንቻና ማላ፡ አው ፕርዳ ኡባ ናአው አሜዳዋፕ አትን፡ አ ኦና ፕርደና፤ ናአ ቦንቼና ኡራይ፡ አ ኪቴዳ አውዋካ ቦንቼና።

24 “ታን ሀንተንቶ ቱሙዋ ኦዳይ፤ ታ ቃላ ሰሰዋዎን ታና ከቴዳዋን አማንያዎ ሙድና ደኡ ደኤ። ሀይቄዋፕ ደኡ አ ፕኔዳዋፕ አትን፡ ፕርደተና።

25 ታን ሀንተንቶ ቱሙዋ ኦዳይ፤ ሀይቄዳ አሳይ ጸሳ ናአ ኮሻ ሰሰዋ ዋዲ ያናዋ፤ ሄዋይካ ሀእ። ሄ ኮሻ ሰሰዋዎንቱ ሸምፑዋና ደአና።

26 አያው ጎፕ፡ አዎ ደኡዋ አምያ ዋልቃይ ደአያዋዳን፡ ደኡዋ አምያ ሄ ዋልቃ ባረ ናአውካ አሜዳ።

27 ጸሳ አው ባረ ናአው ፕርድያ ማታ አሜዳ፤ አያው ጎፕ፡ ናአይ አሳ ናአ።

28 “ሀዋን ማላላቶፕተ፤ አያው ጎፕ፡ ዱፋዋን ደአያዋንቱ አ ኮሻ ሰሰዋ ዋዲ ዩ።

29 ሰሲደ ኦንቱንቱ ዱፋዋፕ ጋጾ ከሳና፤ ሎኦባ ኦሌዳዋንቱ ደኡዋን ደአናው ደንዳና፤ ቃይ ኢታባ ኦሌዳዋንቱ ፕርደታናው ደንዳናዋንታ።

የሱሰው ማርካቴዳ አሳቱዋ

30 “ታን ታፕ አይነ ኦላናው ዳንዳይከ፤ ጸሳይ ታው ኦዴዳዋዳን ፕርዳይ። ታ ፕርዳይ ቱማ፤ አያው ጎፕ፡ ታን ታና ኪቴዳዋ ሸንያ ፖልያዋፕ አትን፡ ታን ደሰያዋ ኦላከ።

\* 5:4 ሀ ፓይዳ እት በን ኮይርቲደ ጸፈቲዳ ጌሻ ማጻፋቱዋን ባዋ። 5:10 ናሀ. 13:19፤ ኤር. 17:21 5:29 ዳኔላ 12:2

31 “ታን ታ ሁጸው ታባ ማርካቶ፣ ታ ማርካተላይ ቱማ ግደና።

32 ታባ ማርካትያዌ ሀራይ ደኤ፤ እ ታባ ማርካትያዌ ቱማ ግድያዎ ታን ኤራይ።

33 “ሀንተንቱ የሃንሳኮ እሳ ከትና፣ እ ኢንቱንቶ ቱሙዋ ማርካቲዳ።

34 ታን ሄዋ ሀንተንታ አትና ጋይ ግያዋ፣ አትን፣ እሳ ማርካተላይ ታው ኮሽና ግደና።

35 የሃንሰ ሙቃዳዳን፣ ኤዴዳን ፖእሴዳ፤ ሀንተንቱካ እማራዳ ዎድያ እ ፖኤዋን ናሽታናው ኮዬድታ።

36 “ሽን ታው የሃንሳዋ፣ አድያ ማርካተላይ ደኤ፤ እያው ጎ፣ ታን ወርሳናው ታ አቡ ታው እሜዳ ከታይ፣ ሀ ታን ኦልያዌ፣ እ ታና ከቲዳዋ ግድያዋ ማርካቲ።

37 “ቃይ ታና ከቲዳ ታ አቡ ባረ ሁጸው ታባ ማርካቲ። ሀንተንቱ እ ኮሻ እይነ ሰሰበይክታ፤ እ ማላካ በእበይክታ።

38 እ ከቲዳዋ እማና ድራው፣ እ ቃላይ ሀንተንቱ ዋዛናን ባዋ።

39 “ጸሳ ማጸፋቱዋ፣ ሙድና ደኤዋ ደምያዋ ሀንተው ማላትና፣ ኡንቱንታ ብዲታ፤ ኡንቱንቱካ ታባ ማርካትያዋንታ።

40 ሽን ደኤዋ ደማናው ታኮ ይያዋ ሀንተንቱ ኮይክታ።

41 “ታን አሳ፣ ሀንቱዋ ኮይከ።

42 ሽን ታን ሀንተንቱ ዋዛናን ጸሳ ሲቁ ባይናዋ ኤራይ።

43 ታን ታ አቡ ሱንፋን ያድ፤ ሽን ታና አክበይክታ። ሽን ሀራ እሳይ ባረ ሱንፋን ይያ ዎድ፣ እ አኪታ።

44 ሀንተንቱ እቱ እቱዋ ሀንቱታ፤ ሽን እት ጸሳ፣ ይያ ሀንቱዋ ኮይክታ። ያትና፣ ዋኒደ እማናው ዳንዳዩተ?

45 “ታን ታ አቡ ሱንፋን ሀንተንታ ሞትያዋ ሀንተው ማላቶ፣ ሀንተንታ ሞትያዋ፣ ሀንተ ሀይታ ዋልያ ሙሳ።

46 ሀንተንቱ ሙሳ እማኔዳባ ግድንቶ፣ ታናካ እማናንታ፤ እያው ጎ፣ ታባ ጸፊዳዌ እ።

47 ሽን ሀንተንቱ እ ጸፊዳዋ እማናን እጸ፣ ታን ግያዋ ዎት እማናንቱ?” ያጌዳ።

6

የሱስ 5,000 አሳ ሞዜዳ (ማቶሳ 14:13-21፤ ማር. 6:30-44፤ ሉቃስ 9:10-17)

1 ሄዋ፣ ጉይያን፣ የሱስ ጋሊላ አባ፣ ዎይ ጸብርያደሳ አሳ፣ ሄፍንግ ፕኤዳ።

2 እ ሀርጋንቱዋ ሶላ ጉፊዳ ዋልቃማ ማላታ በኤዳ ድራው፣ ጮራ እሳይ እ ካሌዳ።

3 የሱስ ደርያ ከሲደ፣ ያን ባረና ካልያዋንቱና እት፣ ኡቲዳ።

4 አይሁዳቱ ሀንቶያ ፓሰጋ ጋላሳይ ጋኬዳ።

5 የሱስ ሰንፋኮ ጸሊዳ፣ ጮራ እሳይ ባረኮ ይያዋ በኢደ ፕልጸሳ፣ “ሀ አሳ ኡባ ሞዛናው ግድያ ቁማ ህቃ፣ ሽማ?” ያጌዳ።

6 እ ሄዋ ፕልጸሳ ፓጫናው ጌዳ፤ እያው ጎ፣ እ ባረ ሁጸው እያ ኦላና በሰንቶ ኦላናባ ኤራ።

7 ፕልጸሰ ዛሪይ የሱሳ፣ “ሁጸያን ሁጸያን፣ ሀራይ እቶ እት እት ባርሱዋ ጋሳናው፣ ላኡ ጸቱ ድናርያን ሻሜዳ ኡክላይካ ግደና” ያጌዳ።

8 ቃይ የሱሳ ካልያዋንቱ፣ እቱ፣ ሰሞን ጸጽሮሳ እሻይ እንድራሰ።

9 “ባንጋ ኡክላ እቼሹነ ላኡ ሞሊ ደእያ እት ናእይ ሀዋን ደኤ፤ ሽን ሀ አሳ ኡባው ሄዋ ዎት ግዳኔ?” ያጌዳ።

10 የሱስ ባረና ካልያዋንታ፣ “እሳይ ኡታናዳን ኦልተ” ያጌዳ። ሄ ሳእነ ዳር ማታይ ደኤ። እሳይ ኡባይ ኡቲዳ፤ እቱማ አሳይ እቼሹ ሻእ ግድያዋ።

11 የሱስ ኡክላ እኬዳ፤ ጸሳ ጋላቲደ፣ ሄዋን ኡቲዳ አሳው ግሼዳ። ሞልያካ ሄዋዳን ኦልና አሳይ ባረ ኮዬዳዋ ከና ሜዳ።

12 ኡንቱንቱ ኡባይ ካሊዳዋ፣ ጉይያን፣ የሱስ ባረና ካልያዋንታ “አትባይካ ጮ ባየና ማላ፣ እቲዳ ደካ ሸሽተ” ያጌዳ።

13 ሄዋ ድራው፣ ኡንቱንቱ ኡባካ ሸሼድና፣ አሳይ ካልና እቲዳ ባንጋ ኡክላ ደካ ሸሼደ፣ ታማን ላኡ ዛምቤልያ ኮንፊድና።

14 አሳይ የሱስ ጉፊዳ ዋልቃማ ማላታ በኤዳ ዎድ፣ “ሀዋ ቱሙዋ፣ ሀ ሳእ ያና ጌዳ ናብያ” ያጌድና።

15 ኡንቱንቱ ዪደ ባረና ዋልቃን ኦይቁ ካትያ ኦላናው ሀንታዋ የሱስ ኤራደ፣ ባረካ ደርያ ሶላ ሽረቲደ ከሴዳ።

የሱስ አባ ሶላን ሀሙቲደ ቤዳ (ማቶሳ 14:22-33፤ ማር. 6:45-52)

16 ሳእይ እማርሴዳ ዎድ፣ የሱሳ ካልያዋንቱ አባኮ ቤድና፤

17 ሳእይ ቃሜዳ፤ ሽን የሱስ ኡንቱንቱኮ ሄ ሳቲ ጋካናው ይቤና፤ ሄዋ ኡንቱንቱ ዎንግርያን ገሊደ፣ አባ ፕን ሄፍንግ ቅፍርናሆማ ቤድና።

18 ዋልቃማ ጫርኩ ጫርኬዳ ድራው፣ አባይ ቃጼዳ፤

19 እት ሳትያ ከና ኡንቱንቱ አባ ሻሻዋ፣ ጉይያን፣ የሱስ አባ ሶላን ሀሙቲደ ይያዋ በኢደ ያዬድና።

20 ሽን እ፣ “ያዮ፣ፕተ፤ ታናቲ!” ያጌዳ።

21 ኡንቱንቱ ዎንግርያን እ ገልሳናው ኮዬድና፤ ዎንግሪ ኡንቱንቱ ብያሳ አባ ጋጸ ኤላካ ጋክ አጌዳ።

የሱስ ደኡዋ ኡክላ 22 ዎንተላ ጋሊሰ፣ አባ፣ ሄፍንግና እቲዳ ጮራ አሳይ አባ ሶላ እት ዎንግርያ ጸላላይ ደእያዋ በኤድና፤ የሱስ ባረና ካልያዋንቱና ዎንግርያን ገሊደ፣ ኡንቱንቱና ቤናን፣ ኡንቱንቱ ባረካ ቤዳዋ እኬኬድና።

23 ሽን ጸብርያደሳ ሀራ ዎንግራቱ የሱስ ጸሳ ጋላትና፣ አሳይ ኡክላ ሜዳሳ ማታ ዬድና።

24 አሳይ የሱስ ዎይ እ ካልያዋንቱ ሄዋን ባይናዋ በኢደ፣ የሱሳ ኮያናው ዎንግርያን ገሊደ፣ ቅፍርናሆማ ቤድና።



25 አሳይ የሱሳ አባጥ ሄፍንገን ደሜዳ ዎይ። “ታማርሲያዎ። ሀዋ አዉደ ያዲ?” ያጌድኖ።

26 የሱሳ ዛሪይ። “ታን ሀንተንቶ ቱሙዋ ኦዲይ፤ ሀንተንቱ ታና ኮይያዌ ኡክላ ሜዳ ድራሳን ካሌዳ ድራሳ ግድያዋጥ አትን። ዎልቃማ ማላታ በኤዳ ድራሳ ግድና።

27 መፅና ደኡዋ ቁማዉ። ታን አሳ ናአይ ሀንተንቶ እማናዎ። አላተጥ አትን። ሳምያ ቁማዉ አላተጥ፤ እያዉ ጎጥ። አዉ ጸሳይ ሄዋ ጴሽሳናዉ ማታፋ አታም ዎሴዳ” ያጌዳ።

28 ሄዋጥ ጉይያን ኡንቱንቱ። “ኑን ጸሳ ኦሱዋ አሳናዉ እያ አሳናዉ በሲ?” ያጌደ የሱሳ ኦቼድኖ።

29 የሱሳ ዛሪይ። “ሀንተንቱ አሳና ማላ። ጸሳይ ኮይያ ኪታይ ሀዋ፤ እ ኪቱዳዋን እማንተ” ያጌዳ።

30 ኡንቱንቱ ዛሪይ። “ኑን በኢደ። ኔናን እማናና ማላ። አይ ዎልቃማ ማላታ አላኒ? አያ ኪተታኒ?”

31 ጸሳ ማጸፋን። ሩኡንቱንቱ ማና \* ማላ ሳሉዋጥ ኡክላ እሜዳ። ያገት ጸፈቶዋዳን። ኑ አዎቱ መላ ቢታን ማና ሜድኖ። ያጌድኖ።

32 የሱሳ። “ታን ሀንተንቶ ቱሙዋ ኦዲይ፤ ሀንተንቶ ሳሉዋጥ ቱሙ ኡክላ እምያዌ ታ አባጥ አትን። ሀንተንቶ ሳሉዋጥ ኡክላ እሜዳዌ ሙሳ ግድና።

33 እያዉ ጎጥ። ቱማ ግዳዳ ጸሳ ኡክላይ። ሳሉዋጥ ዎፅያዌ ሀ አላምያ አሳዉ ደኡዋ እሜ” ያጌዳ።

34 ኡንቱንቱ ዛሪይ። “ሳዳዉ። ኑካ ሄ ኡክላ ኡባ ዎይ እማ” ያጌድኖ።

35 የሱሳ። “ታን ደኡዋ ኡክላ፤ ታኮ ይያ ኡራይ ኡባካ ኮሻተና። ቃይ ታና እማንያ ኡራይ እይነ ሳመተና።

36 ሽን ታን ሀንተንቶ ኦዲዳዎዳን። ሀንተንቱ ታና በኤድታ፤ ሽን እማንክታ።

37 ታ አቡ ታዉ እምያ ኡባይ ታኮ ያናዎ፤ ቃይ ታኮ ይያ ኦናን ኡባካ ታን ካረ የድከ።

38 እያዉ ጎጥ። ታን ታና ኪቱዳዎ ሽንያ ፖላናዉ ሳሉዋጥ ያድጥ አትን። ታ ሽንያ ፖላናዉ ያበይከ።

39 ታና ኪቱዳዌ ኮይያዌ ሀዋ፤ ታን እ ታዉ እሜዳ ኡባቱዋካ ወርሰላ ጋላሰ ደንላናጥ አትን። እቱዋካ ባይዛና ማላ ኮየ።

40 እያዉ ጎጥ። ታ አቡ ኮይያዌ ሀዋ፤ ታና ናአ በኢደ። እማንያ ኡባቱ መፅና ደኡዋ አካናዋንታ፤ ታንካ ሄ ኡባቱዋ ወርሰላ ጋላሰ ደንላና። ያጌዳ።

41 የሱሳ። “ታን ሳሉዋጥ ዎፅዳ ኡክላ” ጌዳ ድራዉ። እይሁዳቱ እ ቦላ ዙዙሜድኖ።

42 ኡንቱንቱ። “ሀዌ ኑን እ አዉዋን አ አቶ ኤርያ ዮሴፎ ናአ የሱሳ ግድኔ? ያትና። እ ዋጊደ። ታን ሳሉዋጥ ዎፅድ” ጋናዉ ዳንዳዳ?” ያጌድኖ።

43 የሱሳ ዛሪይ። “አቱ እቱዋና ዙዙምያዎ አግተ።

44 ታና ኪቱዳ ታ አቡ ታኮ አሄዳ አሳጥ አትን። ታኮ ያናዉ ዳንዳይያ አሳይ ባዋ፤ ታንካ ወርሰላ ጋላሰ እ ደንላና።

45 ናባቱ ሩጳይ አሳ ኡባ ታማርሳና። ያጊደ ጸፈድኖ፤ አዉ ግያዎ ሰሰዋይነ አዉዋጥ ታማርያዌ ኦንነ ታኮ ዬ።

46 ጸሳ ማታጥ ዬዳዋጥ አትን። ጸሳ በኤዳ አሳይ ባዋ፤ እ ጸላላይ ጸሳ በኤዳ።

47 “ታን ሀንተንቶ ቱሙዋ ኦዲይ፤ ታና እማንያ ኡራዉ መፅና ደኡ ደኤ።

48 ታን ደኡዋ ኡክላ።

49 ሀንተንቱ አዎቱ መላ ቢታን ማና ሜድኖ፤ ሽን ሀይቄድኖ።

50 አሳይ አጥ ሚደ ሀይቀና ኡክላይ ሳሉዋጥ ይያዌ ሀዋ።

51 ሳሉዋጥ ዎፅዳ ደኡዋ ኡክላይ ታና፤ ኦንነ ሀ ኡክላጥ ሞጥ። መፅናዉ ደኢናዎ፤ ቃይ ሀ አላምያ አሳዉ ደኡ ግድና ማላ። ታን እማና ኡክላይ ታ አሹዋ” ያጌዳ።

52 እይሁዳቱ። “ሀ ብታኒ ባረ አሹዋ ኑን ማና ማላ። ኡዉ ዎቲደ እማናዉ ዳንዳይ?” ያጊደ ባረንቱ ግዲዋን ፓሉመቱድኖ።

53 ሄዋ ድራዉ። የሱሳ ኡንቱንታ። “ታን ሀንተንቶ ቱሙዋ ኦዲይ፤ ታ አሹዋ። አሳ ናአ አሹዋ። ሀንተንቱ ማና ጳዮጥ። ቃይ ታ ሱላካ ኡሻና ጳዮጥ። ሀንተዉ ደኡ ባዎ።

54 ታ አሹዋ ምያ ኡራዉነ። ታ ሱላ ኡሽያ ኡራዉ መፅና ደኡ ደኤ። ታን ወርሰላ ጋላሰ ኡንቱንታ ደንላና።

55 እያዉ ጎጥ። ታ አሹ ቱሙ ቁማ፤ ታ ሱላይካ ቱሙ ኡሻ።

56 ታ አሹዋ ምያ ኡራይነ ታ ሱላ ኡሽያ ኡራይ ታናን ደኤ፤ ታንካ እናን ደኤይ።

57 ደኡዋ አዉ ታና ኪትና። ታን እ ጋሱዋን ደእያዎዳን። ታና ምያ ኡራይካ ታ ጋሱዋን ደኢና።

58 ሳሉዋጥ ዎፅዳ ኡክላይ ሀዋ፤ ሀንተንቱ አዎቱ ሚደ ሀይቄዳ ማና ማላ ግድና፤ ሀ ኡክላ ምያ ኡራይ መፅናዉ ደኢና” ያጌዳ።

59 የሱሳ ቅፍርናሆማ ካታማን እይሁዳ ዎሳ ጎላን ታማርሲደ። ሀዋ ኦዳዳ።

መፅና ደኡዋ ቃላ

60 የሱሳ ካልያዋንቱጥ ዳርያ ባጋይ ሄዋ ሰሴዳ ዎይ። “ሀዌ ገለና ትምርትያ፤ ሀዋ ኦን አካናዌ?” ያጌድኖ።

61 ሽን የሱሳ ባረና ካልያዋንቱ ሄዋ ዙዙሜዳዎ ኤሪደ። “ሀዌ ሀንተንታ ጴቢ?”

62 ሰም ታን። አሳ ናአይ። ካሰ ደኢያሳ ጉደ ከሰሽን በአንቶ እያ ጋንቱ?

63 ጌሻ እያናይ ደኡዋ እሜ፤ አሳ ምናታይ እይነ ጎኤና። ታን ሀንተንቶ ኦዳዳ ቃላይ እያናነ ደኡዋ።

64 ሽን ሀንተንቱ ግዲዋን እማናዋንቱ ደኢኖ” ያጌዳ፤ እያዉ ጎጥ። እማናዋንቱ

\* 6:31 ማና- እስራኤልያ አሳይ ግብጹ ጋድያጥ ከሰ ካናን ቢደ መላ ቢታን ሀመቲደ ብያ ዎይ። ኡንቱንቱ ማናዳን ጸሳይ እሜዳ ማልእያ ቁማ። ማና ጉሳይ እብራይስጽያ ቃላን “ሀዌ እዬ?” ግያዎ። 6:31 ከሳ 16:4፤ 15፤ ማክ. 78:24 6:45 አሳ. 54:13

ሀቃዋንተንቶን ባረና አል እማናዌ እንገቶ የሱሰ ኮይሮፕ ደሚደ ኤሬዳ።

65 ቃይካ የሱሰ፡ “ታ እቡፕ ግዳና ቆዮፕ እንነ ታኮ ያናዉ ዳንዳየና ያጋደ ታ ኦይዳዌ ሄዋ ድራሳ” ያጌዳ።

66 ሄዋ ጋሱዋን፡ የሱሳ ካልያዋንቱፕ ጮራቱ እ አጊደ፡ ጉየ ሰሜድኖ፤ ላኤንሶ እ ካልበይክኖ።

67 የሱሰ ቃይ ታማነ ላኤ ባረና ካልያዋንታ “ሀንተካ አጊደ ባናዉ ኮዩቱ።” ያጌዳ።

68 ሰዋን ጳጵሮስ ዛሪደ፡ “ጎዳዉ፡ ኑን ኦኮ ባኔ? ነዉ መድና ደኡዋ ቃላይ ደኤ።

69 ኔን ጳሳ ጌሻ ግድያዋ ኑን አማኔቶን ኤሬቶ” ያጌዳ።

70 የሱሰ ኡንቱንታ፡ “ታን ሀንተንታ ታማነ ላአቱዋ ድራበይክታ? ቃይ ሀንተፕ እቱ ጳላሀያ” ያጌዳ።

71 የሱሰ ሄዋ ሰዋና ናእ ይሁዳ አስቆርታ ተ ጌ፤ አያዉ ጎፕ፡ ይሁዳይ የሱሳ ካልያ ታማነ ላአቱዋፕ እቱዋ፤ እ የሱሳ አል እማናዋ።

### 7

የሱሰ ዳሰያ ባላዉ የራሳላመ ቤዳ

1 ሄዋፕ ጉየ፡ የሱሰ ገላላን ያ ሃ ዩዬዳ፤ አይሁዳቱ እ ዋቆናዉ ኮይያ ድራዉ፡ ይሁዳን ዩያና ኮይቤና።

2 አይሁዳቱ ቦንቆያ ዳሰያ ባላይ ጋክ ኡቲዳ።

3 ሄዋ ድራዉ፡ የሱሳ እሻቱ እ፡ “ኔና ካልያዋንቱ ኔን ኦልያዋ በእና ማላ፡ ሀዋፕ ደንዳይ ይሁዳ ጋድያ ባ።

4 አያዉ ጎፕ፡ ባረዉ ኤሪታናዉ ኮይያ አሳይ እንነ ባረ እሱዋ ገንፍ። ኔን ሀዋንታ ኦልና፡ ነሳ አላምያ ኡባይ ኤር!” ያጌዳ።

5 አያዉ ጎፕ፡ ሀራይ እቶ እ እሻቱካ እ አማንበይክኖ።

6 የሱሰ ኡንቱንታ፡ “ታዉ እንጀትያ ዋዲ ጋክቤና፤ ሽን ሀንተንቶ አይ ዋደካ እንጀቱ።

7 አላሚ ሀንተንታ እጻናዉ ዳንዳየና፤ ሽን ታን ሳኣ ከታይ ኢታ ግድያዋ ማርካትያ ድራዉ፡ ታና እጼዳ።

8 ባላ ቦንቆያሳ ሀንተንቱ ቢቲ፤ ታዉ እንጀትያ ዋዲ ጋክቤና ድራዉ፡ ታን ባላ ቦንቆያሳ ባናዌ ብራ” ያጌዳ።

9 እ ሀዋ ጊደ፡ ጋላላን አቲዳ።

የሱሰ ዳሰያ ባላሳን ቤቴዳ

10 ሽን እ እሻቱ ባላ ጋላሳ ቦንቆያሳ ቤዳዋፕ ጉይያን፡ እካ አሳይ በኤናን ጌማን ያ ቤዳ።

11 አይሁዳቱ ባላ ጋላሳ ቦንቆያሳን እ ኮዩኖን፡ “እ ሀቃን ደኢ?” ያጊደ፡ እ ላቢና።

12 አሳ ግዲዋን ዳር ዙዙንሳይ ደንዳዳ። አማራዳ አሳይ፡ “እ ሎኦ አሳ” ያጌ፤ ሀራቱ ቃይ፡ “እ፡ እ አሳ ባለሌ” ያጊና።

13 ሽን አይሁዳቱ ያዬዳ ድራዉ፡ ኦንነ አባ ቆንጭያን ሃሳየና።

14 ባላ ቦንቆያ ጋላሳ ባጋን፡ የሱሰ ጌሻ ጎልያ ቢደ፡ ታማርሱዋ ደሚዳ።

15 አይሁዳቱ ማላለቲደ፡ “ሀ ብታኒ አይነ ታማረናን ሀዋ ከና ዋን ኤሬዳ።” ያጌድኖ።

16 ሄዋ ድራዉ፡ የሱሰ ዛሪደ፡ “ታና ታማርሰያዌ ታና ከቲዳ ጳሳ ማታፕ ይያዋፕ አትን፡ ታዋ ግደና።

17 ጳሳ ሽንያ ኦላናዉ ደሰያ ኦንነ ሀ ታን ታማርሰያዌ ጳሳ ማታፕ ይንቶ ዋይ ቃይ ታን ታፕ ሃሳይያታንቶ ኤራና።

18 ባረዋ ሃሳይ ኡራይ ባረ ሁጺያዉ ቦንቆዋ ኮዬ፤ ሽን ባረና ከቲዳዌ ቦንቆታና ማላ ኮይያ ኡራይ ቱማንቻ፤ እን ዋርደባይ ባዋ።

19 ሙሴ ሀንተንቶ ሀግያ እምቤኔ? ሽን ሀንተፕ እቲን ሀግያ ናገና። ታና አያዉ ዋቆናዉ ኮዩቲ።” ያጌዳ።

20 አሳይ ዛሪደ፡ “ኔናን ጳላሂ ደኤ፤ ኔና ዋቆናዉ ኦኔ ኮዬዳዌ?” ያጌዳ።

21 የሱሰ፡ “ታን እት ዋልቃማባ ኦልና፡ ሀንተንቱ ኡባይ ማላለቲድታ።

22 ሀንተንቱ ናና ሀንተንቱ ደካላና ማላ፡ ሙሴ ሀንተንታ አዛዜዳ። ሽን ደካሉሳይ ሀንተንቱ አዋቱዋና ዬዳዋፕ አትን፡ ሙሴና ይቤና፤ ሄዋ ሀንተንቱ ሳምባታን አቱማ ናና ደካሊታ።

23 ሙሴ ሀገ አዛዜዳ ድራዉ፡ ሀንተንቱ ሳምባታን ደካልያዋ ግደፕ፡ ያትና ታን እት አሳዉ ኩሙንላ ቦላ ፓልዳ ድራዉ፡ ታና አያዉ ሀንቀቲቲ።

24 ቱሙ ፕርዳ ፕርድተፕ አትን፡ አሳ ዳሙዋ ጸሊደ ፕርድተፕ” ያጌዳ።

ሀዌ ክርሰቶቤ?

25 ሄዋ ድራዉ፡ የራሳላመ አሳፕ እቲ እቲ፡ “ኡንቱንቱ ዋቆናዉ ኮይያ ብታኒ ሀዋ ግደኔ?”

26 በአቲ፡ ቆንጭያን እ ሃሳይ፤ ኡንቱንቱ እ አይነ ጊክኖ። ሀዌ ክርሰቶሳ ግድያዋ ኑ ካፓቱ ቱሙ ኤሪናሻ?

27 ሽን ኑን እ ሀቃፕ ዬደንቶ ኤርይቲ፤ ክርሰቶስ ይያ ዋደ፡ እ ሀቃፕ ይንቶን ኦንነ ኤሪና” ያጌድኖ።

28 ሄዋፕ ጉይያን፡ የሱሰ ጌሻ ጎልያን ታማርሰደ፡ ባረ ቃላ ቆቁ አልደ፡ “ሀንተንቱ ታና ኤሪታ፤ ቃይ ታን ሀቃፕ ዬደንቶካ ኤሪታ። ታን ታ ሽንያን ያበይከ፤ ሽን ታና ከቲዳዌ ቱማንቻ፤ ሀንተንቱ እ ኤርክታ።

29 ሽን ታን እ ኤራይ፤ አያዉ ጎፕ፡ እ ታና ከትና፡ ታን እ ማታፕ ያድ” ያጌዳ።

30 ሄዋ ድራዉ፡ ኡንቱንቱ እ ኦይቃናዉ ኮዬድኖ፤ ሽን እ ዋዲ ብር ጋክቤና ድራዉ፡ ኦንነ እ ቦላ ኩሽያ ዋልቤና።

31 ሽን ደር አሳይ የሱሳ አማኒደ፡ “ክርሰቶስ ይያ ዋደ፡ ሀ ብታኒ ኦልዳ ማላታፕ ዳርያዋ ኦላኔዬ?” ያጌድኖ።

የሱሳ ኦይቃናዉ ዋታዳራቱ ከተቲድኖ

† 6:71 እስቆርታ፡ ሀ ቃላ ብለላይ፡ “ዋርትያ ብታንያ” ዋይ “ሀይቆ አል እምያ ብታንያ” ግያዋ። 7:2 ዋጋ 23:34፤ ዛረ. 16:13 7:22 ደሙሳ 17:10፤ ዋጋ 12:3

32 ፓርሳዋቱ ዳር አሳይ የሱሳባ ዙዙምያዋ ሰሴድኖ፤ ቄሳቱዋ ካፓቱን ፓርሳዋቱ እ ኦይቄ ቃሽሳናው አማራዳ ዎታዳራቱዋ ኪቲድኖ።

33 የሱሰ፡ “ታን ህንተናና ላፋ ጋምኦና፤ ሄዋፕ ጉይያን፤ ታና ኪቲዳዋኮ ባና።

34 ህንተንቱ ታና ኮያና፤ ሽን ደምክታ፤ አያው ጎፕ፡ ታን ደአያ ሳአ ህንተንቱ ባናው ዳንዳይክታ” ያጌዳ።

35 አይሁዳቱ እቱ እቱዋና፡ “ሀዌ ኑን አ ደመናሳ ሀቃ ባና ሀኒ? አይሁዳቱ ደአያ ግሪክ ካታማ ቢደ፡ ግሪክ አሳቱዋ ታማርሳና ሀኒ?

36 እ፡ ላህንተ ታና ኮያና፤ ሽን ደምክታ ቃይ፡ ‘ታን ደአያሳ ህንተንቱ ባናው ዳንዳይክታ’ ያጌ፤ ሄዋ ግያዌ ዋግያዌ?” ያጌድኖ።

ደኡዋ አምያ ሃላ

37 ሄ ባላ ጋላሳ ቦንቾያ ጋላሳፕ ዋናትያ ወርሰላ ጋላሳን የሱሰ ደንድ ኤቄደ፡ ባረ ቃላ ቶቄ አሊደ፡ “ሳመቴዳ ኡራይ ኦንነ ታኮ ዪደ ኡሾ።

38 ታናን አማንያዎ፡ ጸሳ ማጻፋይ ግያዋዳን፤ እ ኡላዋፕ ደኡዋ አምያ ሃላ ፑልቱ ጎጋናዎ” ያጌዳ።

39 እ ሄዋ እ አማኔዳዋንቱ አካና ጌሻ አያናባ ሃሳዬዳ። የሱሰ ብር ባረ ቦንቾዋኮ ከሰቤና \* ድራው፡ ሄ ዋይ ጌሻ አያናይ ኡንቱንቶ አመትቤና።

አሳ ግደን መጠቅሜ ጳልቀላ

40 ሄ አሳፕ ዳርያ ባጋይ እ ግያዋ ሰሴደ፡ “ቱሙ ሀዌ ናገትያ ናብያ” ያጌድኖ።

41 ሀራንቱ፡ “ሀዌ ክርሰቶሳ” ያጌድኖ።

ሽን ሀራንቱ ቃይ፡ “ክርሰቶሳ ጋሊላፕ ዬና።

42 ጸሳ ማጻፋይ፡ ‘ክርሰቶሳ ዳዋፕ ዘርያፕ፡ ዳዋፕ ደኤዳ ቤተሌመ ካታማፕ ያና’ ጌዬዎ” ያጌድኖ።

43 የሱሳ ጋሱዋን አሳይ ባረ ግዳዋን ሻከቱዳ።

44 ሄ አሳፕ እቱ እቱ እ ኦይቃናው ኮዬድኖ፤ ሽን ኩሽያንነ አ ቦቾቤይክኖ።

45 ጌሻ ጎልያ ናግያዋንቱ ቄሳቱዋ ካፓቱዋኮን ፓርሳዋቱዋኮ ስም ዬዳ ዋይ ኡንቱንቱ ናግያዋንታ፡ “አያው አ አሀቤይክቱ?” ያጌደ ኡቾድኖ።

46 ጌሻ ጎልያ ናግያዋንቱ ኡንቱንቶ፡ “ሀ ብታኒ ሃሳዬዳዋዳን፤ ኡባካ ኦንነ ሃሳይቤና!” ያጌደ ዛሬድኖ።

47 ፓርሳዋቱ ዛሪደ፡ “እ ህንተናካ ባሊሱዋ።

48 ካፓቱዋፕ ዋይ ፓርሳዋቱዋፕ አ አማኔዳ አሳይ ደአ?

49 ሽን ሀግያ ኤረና ሀ አሳይ ሸቀቴዳዎ” ያጌድኖ።

50 ኡንቱንቱፕ እቱ ካሰና የሱሳኮ ቤዳ ጎቆድሞሰ ኡንቱንታ።

51 “እት ኡራይ ግያባ ስሰናን ዋይ እ አያ አሊደንቶ ኡረናን ደአደ፡ ካሰቲደ እ ቦላ ፕርድያዌ ኑ ሀግያን ደአ?” ያጌዳ።

52 ኡንቱንቱ ዛሪደ እ፡ “ኡንካ ቃይ ጋሊላ ጋድያ አሴ? ጋሊላ ጋድያፕ ናቤ ቤተናዋ ጸሳ ማጻፋቱዋ ብዳደ ኤራ” ያጌድኖ።

ዎሹማይ አይቀቴዳ ሞሽራቶ

53 አሳይ ኡባይ አጌደ፡ ባረ ሶይ ባረ ሶይ ቤዳ።

8

1 ሽን የሱሰ ዋጋራ ሞላን ኤረቲዳ ደርያኮ ቤዳ።

2 ዋንተላ ጋላሰ ጉራን ጌሻ ጎልያ ሰሜዳ፤ ኡባ አሳይ እኮ ዪና፡ ኡቲደ ኡንቱንታ ታማርሱዋ ደሜዳ።

3 ሙሴ ሀግያ ታማርሰያዋንቱን ፓርሳዋቱ ዎሹሞሽን አይቀቴዳ እት ሞሽራቶ እኮ አሄድኖ። ኡንቱንቱ አሳ ኡባ ሰንሳን እዘ ኤሴደ የሱሳ።

4 “ታማርሰያዎ፡ ሀ ሞሽራታ ዎሹማይ አይቀጋዳ።

5 ሀግያ ቦላን ሙሴ ሀን ማላ ማጫ አሳ ሹቻን ጫዳና ማላ፡ ኑና አዛዜዳ። ያትና ኔን ዋጋይ?” ያጌድኖ።

6 ኡንቱንቱ ሄዋ ጌዳዌ የሱሳ ሞትያዋ ደሚደ እ ፓጫናሳ፤ ሽን የሱሰ ሆኪደ፡ ባረ ብራድያን ቢታ ቦላ ጻፊዳ።

7 ኡንቱንቱ እ ኦቾይ አገናን እጽና፡ ፑደ ቶቄ ጌደ፡ “ህንተንቱ ግዳዋን ናጋራ አሰቤና አሳይ ካሰቲደ፡ እዘ ሹቻን ጫደ” ያጌዳ።

8 ቃይካ ሆኪደ፡ ቢታ ቦላ ጻፊዳ።

9 ኡንቱንቱ ሄዋ ሰሴዳ ዋይ፡ ካሰቲደ ጭማቱ ከሰና፡ እቱ እቱ ከሴደ ወራድኖ፤ እ ሰንሳን ሞሽራታ ኤቃ ደአሽን፡ የሱሰ ባረ ጸላላ አቲዳ።

10 እ ፑደ ቶቄ ጌደ ሞሽራቶ፡ “ሞሽራቱ፡ አሳቱ ሀቃን ደአና? ኦንነ ነ ቦላ ፕርድቤኔን?” ያጌዳ።

11 ሞሽራታ፡ “ሳዳው፡ ኦንነ ታ ቦላ ፕርድቤና” ያጋዳ።

የሱሰ እዘ፡ “ታንካ ነ ቦላ ፕርድክ፤ ባ፤ ላኤንላደ ናጋራ አላፓ” ያጌዳ። \*

12 ቃይካ የሱሰ አሳው፡ “ታን አላመወ ፖኡዋ፤ ታና ካልያ ኦንነ ደኡዋ አምያ ፖኡዋ ደማናፕ አትን፡ ቋማን ኡባካ ሀመተና” ያጌደ ሃሳዬዳ።

13 ሄዋፕ ጉየ ፓርሳዋቱ፡ “ኡን ነባ ማርካታሳ፤ ነ ማርካተላይ ቱማ ግደና” ያጌድኖ።

14 የሱሰ ዛሪደ፡ “ታን ታባ ማርካቶፕካ፡ ታ ማርካተላይ ቱማ፤ አያው ጎፕ፡ ታን ሀቃፕ

7:37 ዋጋ 23:36 7:38 ሀዘ. 47:1፤ ዛካ. 14:8 \* 7:39 የሱሰ ብር ባረ ቦንቾዋኮ ከሰቤና፡ የሃንሳ ሞሽራቆዋ ቃላ፤ የሱሳው ኩመንላ ቦንቾ አመቲዳዌ፡ እ ማስቃልያ ቦላን ካቀቴዳ ዋይን ባረ እኮ ኡሽቾ ባጋን ኡታናወ ሀይቁዋ ጸኒደ ደንዴዳ ዋድያና ግድያዋ ቆንጭሴ። 7:42 2 ሳሜላ 7:12፤ ሚክ. 5:2 8:5 ዋጋ 20:10፤ ዛረ. 22:22-24

\* 8:11 7:53—8:11 እት እት በን ጻፈቲዳ ጌሻ ማጻፋቱዋን ሀ ፓይዳ. ባዋ።

ያድጋቸውን ቃይ ሀቃ ባይገኙ ሌራይ፤ ሽን ሀንተንቱ ኤርክታ።

15 አሳይ ፕርድያ ኦግያን ሀንተንቱ ፕርዲታ፤ ታን እት ሌራ ቦላካ ፕርድከ።

16 ሽን ታን ፕርድያዋ ግደገ። ታ ፕርዲይ ቱማ፤ እያው ጎጥ። ታና ከቲዳ ታ አቡ ታናና ደኢጥ አትን። ታን ታሪካ ደእከ።

17 ላኡ አሳ ማርካተላይ ቱማ ግድያዋ ሀንተንቱ ሀግያን ጸፈት ኡቲዳ።

18 ታን ታባ ታ ሁጸው ማርካተላይ፤ ቃይ ታና ከቲዳ ታ አቡካ ታባ ማርካቲ” ያጌዳ።

19 ኡንቱንቱ። “ሃ አቡ ሀቃን ደኢ?” ያጌደ የሱሳ ኦቹድና።

የሱሰ ዛሪደ። “ሀንተንቱ ታናካ ዋይ ታ አባካ ኤርክታ፤ ታና ኤራዳዋ ግድንቶ። ታ አባካ ኤራንታ” ያጌዳ።

20 የሱሰ ጌሻ ጎልያ ታማርሲደ። እሞታ ሚሻይ ኡትያ ሳጽገያ ማታን ሄዋ ሃሳዬዳ። አ ኡን ኦይቁቤና፤ እያው ጎጥ። አ ዋዲ ብር ገክበና።

አማናን እጹዳዋንቶ እመቲዳ ሞና አኬክሱዋ

21 ቃይካ የሱሰ ኡንቱንታ። “ታን ባና ሀንተንቱ ታና ኮያና፤ ሽን ሀንተንቱ። ሀንተንቱ ናጋራን ሀይቃንታ። ታን ብያሳካ ባናው ሀንተንቱ ዳንዳይክታ” ያጌዳ።

22 አይሁዳቱ። “አ። ታን ብያሳ ሀንተንቱ ባናው ዳንዳይክታ ያጌ፤ አ ባርና ባርካ ዋቆኔየን” ያጌድና።

23 የሱሰ ዛሪደ። “ሀንተንቱ ጋርሳ አሳ፤ ታን ቦላ አሳ። ሀንተንቱ ሀ አላሞያ አሳ፤ ታን ሀ አላሞያ አሳ ግድከ።

24 ሀንተንቱ። ሀንተንቱ ናጋራን ሀይቃናዋ ታን ሀንተንቶ ኦዳዳዋ ሀዋሳ፤ ታን ታና ተ ግድያዋ ሀንተንቱ አማናና ቆጥ። ሀንተንቱ። ሀንተንቱ ናጋራን ሀያንታ” ያጌዳ።

25 ኡንቱንቱ። “ኔን ኦኔ?” ያጌደ ኦቹድና። የሱሰ ዛሪደ። “ታን ታና።

26 ታን ሀንተን ሃሳይያባይን ፕርድያባይ ደርባይ ደኤ። ሽን ታና ከቲዳዋ ቱማንቻ፤ ቃይ ታን አጥ ሰሴዳዋ አላሞያ አሳው ኦዳይ” ያጌዳ።

27 አ ባረ እውዋባ ሃሳይያዋ ኡንቱንቱ አኬክበይክና።

28 ሄዋ ድራው። የሱሰ ኡንቱንታ። “ታና አሳ ናአ ሀንተንቱ ማስቃልያ ቦላ ፑደ ደንላያ ዋይ። ታን ታና ግድያዋን ቃይ ታን ታ አቡ ታና ታማርሴዳዋዳን ሃሳይያዋጥ አትን። ታ ሸንያን አይን ኦርዋ ሀንተንቱ ኤራንታ።

29 ቃይ ታና ከቲዳዋ ታናና ደኤ፤ ታን ኡባ ዋይ አ ናሸኝያዋ ኦልያ ድራው። አ ታ ጸላላ አግቤና” ያጌዳ።

30 የሱሰ ሄዋ ሃሳይሽን ሰሴዳ ዳር አሳይ አ አማኔድና።

31 የሱሰ ባርና አማኔዳ አይሁዳቱዋ። “ሀንተንቱ ታን ታማርሲያዋ አዛዘቶጥ። ቱሙ ታና ካልያዋንታ።

32 ሀንተንቱ ቱማተላካ ኤራንታ፤ ቃይ ቱማተላይ ሀንተንታ አይለተላጥ ከሳናዋ” ያጌዳ።

33 ኡንቱንቱ ዛሪደ። “ኑን አብራሃሞ ዛረ፤ ኑን አሰነካ አይለትባይከ። ያትና ኔን ዋጋይ። ኣይለተላጥ ሀንተንቱ ከሳንታ ጋይ?” ያጌድና።

34 የሱሰ። “ታን ሀንተንቶ ቱሙዋ ኦዳይ፤ ናጋራ ኦልያ ኡን ናጋራ አይልያ።

35 አይሊ ኡባ ዋይ ሶይን ደኤና፤ ሽን ናአይ ሙጵናው ጎለን ደኤ።

36 ናአይ ሀንተንታ አይለተላጥ ከሶጥ። ሀንተንቱ አይለተላጥ ቱሙ ከሳንታ።

37 ሀንተንቱ አብራሃሞ ዛረ ግድያዋ ታን ኤራይ፤ ሽን ታ ታማርሲያዋ ሀንተንቱ አከና ድራው። ታና ዋቆኔው ኮዪታ።

38 ታን ታ አቡ ታና በሴዳዋ ሃሳይይ፤ ቃይ ሀንተንቱካ ሀንተንቱ እውዋጥ ሰሴዳዋ ኦልታ” ያጌዳ።

39 ኡንቱንቱ ዛሪደ። “ኑ አቡ አብራሃማ” ያጌድና።

የሱሰ ኡንቱንታ። “ሀንተንቱ አብራሃሞ ናና ግድደንቶ። አ ኦልዳ ኦሱዋ ማላ ኦሳንታ።

40 ሽን ጸሳጥ ሰሴዳ ቱሙዋ ኦዳዳ ታና ሀንተንቱ ዋቆኔው ኮዪታ፤ አብራሃሙ ሄዋዳን ኦልቤና።

41 ሀንተንቱ። ሀንተንቱ እው ኦልዳዋ ኦልታ” ያጌዳ።

ኡንቱንቱ ዛሪደ። “ኑን ዋሹማን ድቃላተላ የለትባይከ፤ ኑው እት እው። ጸሳ ጸላላይ ደኤ” ያጌድና።

42 የሱሰ ኡንቱንታ። “ሀንተንቱ ጸሳ ናና ቱሙ ግድደንቶ። ታና ሲቃና፤ እያው ጎጥ። ታን ጸሳ ማታጥ ያደ ሀዋን ደአይ። ታና አ ከቲዳዋጥ አትን። ታን ታ ሸንያን ያበይከ።

43 ታን ታማርሲያዋ ሀንተንቱ አኬክናዋ አያሴ? ታን ታማርሲያዋ ሀንተንቱ አከና ድራሳ።

44 ሀንተንቱ። ሀንተንቱ እውዋ ኡታ አያና ናና፤ ቃይ ሀንተንቱ። ሀንተንቱ እው አሞትያዋ ኦላናው ኮዪታ። አ ካሰጥ ደሚይ። ሸሞጥዋ ዋዲዳዋ፤ ቱማተላይ ኡን ባርና ድራው። ቱማተላኩ ሺቅ ኦሪና። አ ዋርዲዋ ሃሳይያ ዋይ። ባረጥ ሃሳይ፤ እያው ጎጥ። አ ዋርዲንቻን ቃይ ዋርዲካ እውዋ።

45 ሽን ታን ቱሙዋ ሃሳይያ ድራው። ሀንተንቱ ታና አማንክታ።

46 ሀንተጥ ታና ናጋራ ኦልሽን በአድ ጋናው ዳንዳይያዋ ኦኔ? ታን ቱሙዋ ሃሳይያዋ ግደጥ። ታና እያው አማንክቱ?

47 ጸሳ አሳ ግድዳ ኡራይ ጸሳይ ግያዋ ሰሴ፤ ሀንተንቱ ጸሳ አሳ ግደና ድራው። ጸሳይ ግያዋ ሰሰክታ” ያጌዳ።

ናጋራ አይለተላጥ ላእ ከሳ

የሱሰ አብራሃሞጥ ካሰናካ ደኤ

8:17 ዛረ. 19:15 † 8:24 ታን ታና- አይሁደ አሳው ዋልቃማን ጌሻ ግዳዳ ጸሳ ሱሳይ “ያሀዌህ” ግዲደ። ሀዋ ብላላይካ ታን ታና ግያዋ።

48 አይሁዳቱ ዛሬደ፤ “ኑን ኔና፤ ሳን ሳማርያ እሳ፤ ኔናን ኢታ አያናይ ደኤ፣ ጊደ ባይዘደ?” ያጌድና።

49 የሱሰ አንቱንታ፤ “ታ ቦላ ኢታ አያናይ ባዋ። ታን ታ አባ ቦንቻይ፤ ሽን ህንተንቱ ታና ካወሽታ።

50 ታን ታ ሁጺያወ ቦንቸዋ ኮይከ፤ ሄዋ ታወ ኮይያዋን ፕርድያዋ ደኤ።

51 ታን ህንተንቶ ቱሙዋ ኦዳይ፤ ታን ታማርሰያዋ ናግያ ኦንነ ኡባካ ሀይቀና” ያጌድና።

52 አይሁዳቱ ዛሬደ፤ “ነ ቦላ ኢታ አያናይ ደእያዋ ኑን ሀእ ኤራድ። አብራሃመ ሀይቄዳ፤ ናባቱ ሀይቄድና፤ ሽን ኔን፤ ታ ቃላ ናግያ ኦንነ ኡባካ ሀይቀና” ያጋ።

53 ኔን ሀይቄዳ ኑ አወዋ አብራሃሞፕ ዳራይ? ናባቱ ቃይ ሀይቄድና። ኔን ኔና ኦና ጋደ ቆጋይ?” ያጌድና።

54 የሱሰ፤ “ታን ታና ቦንቸ፣ ታ ቦንቸ መላ፤ ህንተንቱ ኑ ጸሳ ግያ ታ አቡ ታና ቦንቸ።

55 ህንተንቱ አ ኤራና ጳዮፕካ፤ ታን አ ኤራይ። ታን አ ኤርከ ጎፕ፤ ህንተንቱዋዳን ዋርዶ ግዳይ፤ ሽን ታን አ ኤራይ፤ ቃይ አ ቃላካ ናጋይ።

56 ህንተንቱ አወ አብራሃሞ፤ ታ የሳ ዋድያ በአናወ ላሞቲዳ፤ በኢደካ ናሽቲዳ” ያጌድና።

57 አይሁዳቱ ዛሬደ አ፤ “ነወ ሀራይ አቶ እሻታሙ ላይሳ ኩሞቤናዌ አብራሃማ በአዲ?” ያጌድና።

58 የሱሰ አንቱንታ፤ “ታን ህንተንቶ ቱሙዋ ኦዳይ፤ አብራሃሞ የለታናፕካ ካሰ ታን ታና” ያጌድና።

59 ሄዋ ድራወ፤ ኡንቱንቱ የሱሳ ጫዳናወ ሹቻ እኤድና፤ ሽን የሱሰ ኡንቱንቱፕ ጌመቲድ፤ ጌሻ ጎልያፕ ቤዳ።

### 9

የሱሰ ቆቃ ግዲደ የለቲዳ ብታንያ ፓሌዳ  
1 የሱሰ ቢደ፤ የለቶደፕ ቆቃ ግዲደ ደእያ እት ብታንያ በኤዳ።

2 የሱሳ ካልያዋንቱ የሱሳ፤ “ታማርሰያዋ፤ ሀ ብታኒ ቆቃ ግዲደ የለታናዳን፤ ናጋራ ኦሌዳዌ ኦን? አ ኦሌዳዌ? ዋይ አ የሌዳዋንቱ ኦሌድና?” ያጌደ ኦቹድና።

3 የሱሰ፤ “ጸሳ ኪታይ አ ቦላን ቆንጫና ማላ ቆቄዳፕ አትን፤ አ ዋይ አ ዳያን አ እቡ ናጋራ ኦላበይክና።

4 ኑን ሳእይ ቃመናን ደእሸን፤ ታና ከቲዳዋ ኦሱዋ ኦላናወ በሴ። ኦንነ ኦላናወ ዳንዳየና ቃማይ ዬ።

5 ታን አላሞያን ደአደ አላመወ ፖኦ” ያጌድና።

6 የሱሰ ሄዋ ጊድ፤ ሳእን ጨቹዳ፤ ባረ ጨቻን ጉላ ኡርቃ ሹግሲደ፤ ሄ ኡርቃን ቆቃ ብታንያ አይፍያ ኦኪደ።

7 “ሳደ ሳልሆማ ግያ ዳጋቲዳ ሃላን ነ አይፍያ ማጫ” ያጌድና። “ሳልሆማ” ግያዌ

“ከተቲዳዋ” ጉሳ። ሄዋ ድራወ፤ ብታኒ ቢደ፤ ባረ አይፍያ ማጨቲደ፤ ጸሊደ ሰሜዳ።

8 ብታንያ ሹራቲ ብታኒ ካሰ ዋሰሽን በኤዳ አሳይ፤ “ሀዌ ኡቲደ ዋሰያ ብታንያ ግድኔዬ?” ያጌድና።

9 ቃይ አማራዳዋንቱ፤ “ሀዌ አተኔ” ያጌድና።

ሀራንቱ ቃይ፤ “ቲይት፤ ሀዌ አ ማላትያዋፕ አትን፤ አ ግደና” ያጌድና።

ሽን ብታኒ፤ “ታን አቲ” ያጌድና።

10 አንቱንቱ ብታንያ፤ “ያትና፤ ነ አይፊ ዋን ጸሌዳ?” ያጌደ ኦቹድና።

11 አ ዛሬደ፤ “የሱሳ ጌተትያ ብታኒ ጉላ ኡርቃ ሹግሲደ፤ ታ አይፍያ ኦኪደ፤ ሳልሆማ ጌተትያ ዳጋቲዳ ሃላን ባይ ነ አይፍያ ማጨታ” ያጌድና። ታን ባይ ማጨታደ ጸላድ” ያጌድና።

12 አንቱንቱ አ፤ “አ ሀቃን ደአ?” ያጌደ ኦቹድና።

ብታኒ፤ “ታን ኤርከ” ያጌድና።

13 አንቱንቱ ካሰ ቆቄደ ጸሌዳ ብታንያ ፓርሳዋቱዋን አፊድና።

14 የሱሰ ኡርቃ ሹግሲደ፤ ብታንያ አይፍያ ፓሌዳ ጋላሳይ ሳሞባታ ጋላሳ።

15 ሄዋ ድራወ፤ ብታኒ ዋን ጸሌደንቶን ፓርሳዋቱ አ ጉጂደ ኦቹድና። ብታኒ ኡንቱንቶ፤ “አ ታ አይፍያን ጉላ ኡርቃ ዋሌዳ። ታ አይፍያ ማጨታደ ሀእ ጸላድ” ያጌድና።

16 ፓርሳዋቱዋፕ አቲ አቲ፤ “ሀዋ ኦሌዳ ብታኒ ሳሞባታ ሀግያ ናገና ድራወ፤ ጸሳ ማታፕ ይቤና” ያጌድና።

ሽን ሀራንቱ፤ “ናጋራንቻ አሳይ ሀዋ ማላ ዋልቃማ ማላታ ዋን ኦላናወ ዳንዳዪ?” ያጌደ ኡንቱንቱ ባረንቱ ግዳዋን ሻከቲድና።

17 ሄዋ ድራወ፤ ፓርሳዋቱ ብታንያ እት ካላ ጉጂደ፤ “አ ነ አይፍያ ዶዬዳ ድራወ፤ አባ ዋጋይ?” ያጌድና።

ብታኒ፤ “አ ናብያ” ያጌድና።

18 አይሁዳቱ ሄ ጸሌዳ ብታንያ አቶን አወዋ ጸሲደ ኦቻና ጋካናወ፤ ብታኒ ቆቃ ግዳዳዋን ሀእ አ ጸልያዋ አማንበይክና።

19 አይሁዳቱ አ አቶን አወዋ፤ “ህንተንቱ፤ ቆቃ ግዲደ የለቲዳ? ግያ ህንተንቱ ናአይ ሀዋ? ያትና፤ ሀእ ዋኒደ ጸሌዳ?” ያጌደ ኦቹድና።

20 ብታንያ ዳያን አወ፤ “ሀዌ ኑ ናአ ግዳዳዋን ቆቃ ግዲደ የለቲዳዋ ኑን ኤራቶ።

21 ሽን ሀእ አ ዋን ጸሌደንቶ፤ ኑን ኤርኩ፤ ዋይ አ አይፍያ ኦን ፓሌደንቶ፤ ኑን ኤርኩ። አ ኦቻተ፤ አ ደንዛ አሳ፤ ባረባ ሃሳያናወ ዳንዳይ!” ያጌድና።

22 ብታንያ ዳያን አወ አይሁዳቶ ያዬዳ ድራወ፤ ሄዋ ጌድና፤ አያወ ጎፕ፤ አይሁዳቱ የሱሰ ክርሰቶሳ ያጌደ ማርካትያ ኡራይ ደአፕ፤ ሄ ኡራ አይሁዳ ዋሳ ጎልያፕ ከሳናወ ካሰት ቆፋ ቃቻ ዋሌድና።

23 አ ዳያን አወ፤ “አ ደንዛ አሳ፤ አ ኦቻተ!” ጌዳዌ ሀዋሳ።

24 ሄዋ ድራው፣ ቆቃ ግዲደ የለቲዳ ብታንያ ኢንቲንቲ ላኢንሎዋ ዴሲደ፣ “ጸሳ ጋላታ፤ ሀ ብታኒ ናጋራንቻ ግድያዋ ኮን ኤራቶ” ያጌድና።

25 ብታኒ፣ “እ ናጋራንቻ ግድያዋ፣ ግድናዋ ኤርሳ፤ ታን ቆቃ ግድያዋ ሀእ ዴልያዋ ሄ እትባ ኤራይ” ያጌድ።

26 ኢንቲንቲ ዛሪደ ብታንያ፣ “እ ነዉ እያ ኦሌዴ? እ ነ አይፍያ ዋት ፓሌዴ?” ያጌድና።

27 እ ኢንቲንታ፣ “ታን ሀንተንቶ ኦዳድ፤ ሰሰበይክታ። እያዉ ላኢንሎዋ ሰሳናዉ ኮዩቲ? ሀንተካ የሱሳ ካልያዋንታ ግዳናዉ ኮዩቲ?” ያጌድ።

28 ኢንቲንቲ እ ቦሪደ፣ “ኔን ሄ ብታንያ ካልያዋ፤ ኮን ሙሳ ካልያዋንታ።

29 ጸሳይ ሙሴዉ ሃሳዬዳዋ ኮን ኤራቶ፤ ሽን ሀ ብታንያ ግደ፣ እ ሀቃ፣ ዩደንቶን ኮን ኤርኮ” ያጌድና።

30 ብታኒ፣ “እ ሀቃ፣ ዩደንቶን ሀንተንቲ ኤሪናዊ ማላልሰያዋ፤ ሽን እ ታ አይፍያ ፓሌዳ!

31 ጸሳዉ ያይያ ኡራይን ጸሳይ ኮይያዋ ኦላያ ኡራይ ደአ፣ ሄ ኡራሳ ጸሳይ ሰሰያዋ፣ አትን፣ ናጋራንቻቱዋ ሰሰና።

32 ቆቃ ግዲደ የለቲዳ አሳ አይፍያ ኦንን ፓላና፣ ሳአይ መፍታ፣ ደምና፣ ሰሰት ኤሪና።

33 ሀ ብታኒ ጸሳ፣ ይቤናዋ ግድንቶ፣ አትባን አላናዉካ ዳንዳየና” ያጌድ።

34 ኢንቲንቲ ዛሪደ አዉ፣ “ኔን ናጋራን የለታደ ድጩዳዌ ኮና ታማርሳናዉ ኮያይ?” ያጌድና፤ አይሁዳ ዋሳ ገልያ፣ ካሪ እ ከሴድና።

**ዋዛና ቆቃተላ**

35 ኢንቲንቲ ብታንያ ካሪ ከሴዳዋ የሱሰ ሰሴዳ፤ የሱሰ ብታንያ ደሚደ፣ “አሳ ናእ አማናይ?” ያጌድ።

36 ብታኒ የሱሳ፣ “ሳዳዉ፣ ታን እ አማናዳን እ ኦኔ? ታዉ ኦዳርኪ!” ያጌድ።

37 የሱሰ ብታንያ፣ “ኔን እ በአዳ፤ ሀ ኔና ሃሳይያዌካ እ” ያጌድ።

38 ብታኒ ዛሪደ፣ “ሳዳዉ፣ አማናይ” ያጌደ የሱሳዉ ጎይኔዳ።

39 የሱሰ፣ “ቆቃቲ ዴላና ማላን ዴልያዋንቲ ቆቃና ማላ፣ ታን ፕርዳናዉ ሀ ሳእ ያድ” ያጌድ።

40 አናና ደእያ አማራዳ ፓርሳዋቲ ሄዋ ሰሲደ፣ “ኮንካ ቆቆዬ?” ያጌደ ኦቼድና።

41 የሱሰ፣ “ሀንተንቲ ቆቃ ግዲደንቶ፣ ሀንተንቶ ናጋራ ግደና፤ ሽን ሀእ ሀንተንቲ፣ ኅን ዴሌቶ” ያጌታ፤ ሀንተንቲ ናጋራና ደአታ” ያጌድ።

**10**

**የሱሰ ሎኦ ሄንሳንቻ**

1 የሱሰ፣ “ታን ሀንተንቶ ቱሙዋ ኦዳይ፤ ደርሳ ስኩዋ ፕንግያና ገለናን ሀራሳና ገልያ ኦንን ካይሱዋን ፓኦዋ።

2 ሽን ፕንግያና ገልያዌ ደርሳ ሄምያ አሳ።

3 ፕንግያ ናግያዌ አዉ ፕንግያ ደይ፤ ደርሳቲካ እ ኮሻ ሰሳና፤ እ ባሪ ደርሳቲዋ ኢንቲንቲ ሱንላን ሱንላን ዴሲደ፣ ካሪ ካለላና።

4 እ ባሪዋንታ ካሪ ከሴዳዋ፣ ጉይያን፣ ኢንቲንቲ ሰንላና ሀመቲ፤ ኢንቲንቲካ እ ኮሻ ኤርያ ድራዉ፣ እ ካለላና።

5 ሀራ ኡራ ኮሻ ኢንቲንቲ ኤሪና ድራዉ፣ አፕ ባቃታና፣ አትን፣ እ ጌዳዋ ካልክና” ያጌድ።

6 የሱሰ ኢንቲንቶ ሀ ሌምሱዋ ኦዳዳ፤ ሽን እ ኢንቲንቶ አይ ኦድንቶካ ኢንቲንቲ አከክበይክና።

7 የሱሰ ቃይካ ኢንቲንቶ፣ “ታን ሀንተንቶ ቱሙዋ ኦዳይ፤ ታን ደርሳቶ ገልያ ፕንግያ።

8 ታፕ ካሰ ዩዳ ኡባይ ካይሱዋን ፓኦዋ፤ ሽን ደርሳቲ ኢንቲንቲ ግያዋ ሰሰበይክና።

9 ፕንገ ታና፤ ታናን ገልያ ኦንን አታናዋ። እ ገልና፣ ከሳና፤ ቃይ ሎኦ ማታይ ደእያ ሳካ ደማናዋ።

10 ካይሱ ዉእናዉ፣ ዋቆናዉን ቆይሳናዉ ይያዋ፣ አትን፣ ሀራባዉ ዩና፤ ታን ኢንቲንቶ ደኡ ደኡና ማላን ኩሚደ ፓላሀና ማላ ያድ።

11 “ታን ደርሳ ሎይላ ሄምያዋ፤ ደርሳ ሎይላ ሄምያዌ ሄ ደርሳቲዋ ድራዉ ሀይቁ።

12 ሚሻ አኪደ ሄምያ ኡራይ ዋልያ ይያ ዋይ በኢደ፣ ደርሳቲዋ የግ ባሺደ ባቃቲ። እያዉ ጎፕ፣ ደርሳቲ አዋንታ ግድክና፤ ቃይ እካ ደርሳቲዋ ሄምያዋ ግድና። ሄዋ ድራዉ፣ ደርሳቲዋ አይቁን ላሌ።

13 ሻሎዋ አኪደ ሄምያዌ ባሪ ሻሎ ሄምያ ድራዉን ደርሳባይ እ ቆፈና ድራዉ፣ ደርሳቲዋ አገደ ባቃቲ።

14-15 “ታን ደርሳ ሎይላ ሄምያዋ፤ ታ እቡ ታና ኤርያዋዳን፣ ታንካ ቃይ ታ እባ ኤራይ። ሄምያንካ፣ ታን ታ ደርሳቲዋ ኤራይ፤ ታ ደርሳቲካ ታና ኤራና። ቃይ ታን ታ ደርሳቲዋ ድራዉ፣ ሀይቃናዉ ኮያድ።

16 ሀ ሰኩዋን ባይና ሀራ ደርሳቲካ ታዉ ደአና። ታን ኢንቲንታካ አሀናዉ በሴ። ቃይ ኢንቲንቲ ታ ኮሻ ሰሳና፤ አት ዉዲ ደአና፤ ሄምያዌካ አቲዋ ግዳናዋ።

17 “ታን ታ ሸምፑዋ ዛራደ እካና ማላ፣ አላደ አማናዉ ኮይያ ድራዉ፣ ታ እቡ ታና ሲቁ።

18 ታን ደሳደ ታ ሸምፑዋ አላ እምያዋ፣ አትን፣ ታፕ ኦንን አከና። ታዉ ታ ሸምፑዋ አላ እምያ ማታይ ደኤ፤ ቃይ ዛራደ እካናዉካ ማታይ ደኤ። ታን ሀ አዛዙዋ ታ አዉዋ፣ አካድ” ያጌድ።

19 ሄ ሃሳያ ድራዉ፣ አይሁዳቲዋ ግዳዋን ቃይካ ሻኩ መፍታዳ።

20 ኢንቲንቲ፣ ዳርያ ባጋይ፣ “አን ጸላሂ ደኤ! እ ጎዬ! እ ሃሳያ እያዉ ሰሲቲ?” ያጌድና።

21 ሀራቲ ቃይ “ጸላሂ አይቁዳ አሳይ ሀዋዳን ሃሳየና፤ ጸላሂ ቆቃ አሳ አይፍያ ዴልሳናዉ ዳንዳዩዬ?” ያጌድና።

የሱሰ እጸቲዳ

# 11

22 የሩሳላመን ጌሻ ጎልያን አንጅሴዳ ጋላሳ ሀሳይሲያ ባላይ ጋኬዳ፤ ሳለይ ሄ ዎደ ባልጉዋ።

23 የሱሰ ጌሻ ጎልያን ሶሎሞና ባራንዳን፤ ያነ ሃነ ሀመቱ።

24 አይሁዳቱ የሱሳ ማታን ዩይ አዲድ፤ “ኔን ኑና አወደ ጋካናወ ሰፎሳደ ዋላን? ኔን ክርስቶሳ ግደጉ፤ ኦወ ጌሻደ ኦዳ” ያጌድኖ።

25 የሱሰ አንቱንቶ ዛሪድ፤ “ታን ህንተንቶ አዳድ፤ ሽን ታና አማንክታ፤ ታን ታ አቡ ሱንላን ኦልያ ኪታይ ታሳ ማርካቱ።

26 ሽን ህንተንቱ ታ ደርሳ ግደና ድራወ አማንክታ።

27 ታ ደርሳቱ ታ ኮሻ ሰሲኖ፤ ታን አንቱንታ ኤራይ፤ አንቱንቱካ ታና ካሊኖ።

28 ታን አንቱንቶ መፎና ደኤዋ አማይ፤ ቃይ አንቱንቱ ኡባካ ሀይቁክኖ። እንነ ታ ኩሽያጥ አንቱንታ ዋል አካናወ ዳንዳየና።

29 አንቱንታ ታወ አማዳ ታ አቡ ኦጥነ \* አዲ፤ እንነ ታ አቡ ኩሽያጥ አንቱንታ ዋል አካናወ ዳንዳየና።

30 ታን ታ አቡ እቱዋ” ያጌድኖ።

31 አይሁዳቱ የሱሳ ጫዳናወ ቃይካ ሹቻ ደንጩድኖ።

32 የሱሰ አንቱንታ፤ “ታን አላናወ ታ አቡ ታወ አማዳ ዳሮ ሎኦ ኦሱዋ ህንተንታ በሳድ፤ ሄዋንቱጥ ሀቃዋንቱ ድራወ፤ ታና ሹቻን ጫዳናወ ኮዬቱ?” ያጌድኖ።

33 አይሁዳቱ ዛሪድ፤ “ኅን ኔና ሎኦ ኦሱዋ ድራወ፤ ሹቻን ጫዳናወ ኮዮኮ፤ ሽን ኔን ጸሳ ቦላ ቦርያ ቃላ ሃሳይያ ድራወን ቃይ አሳ ግዳደ ነ ሁጲያ ጸሳ ኦሌዳ ድራወ፤ ጫዳናወ ኮዬቶ!” ያጌድኖ።

34 የሱሰ ዛሪድ፤ “ህንተንቱ ሀግያን ጸሳይ፤ ህንተ ጸሳቱዋ ጌዳዌ ጸፈትቤኔ?”

35 ጸሳ ማጻፋቱዋ ላማናወ ዳንዳየተና፤ ጸሳይ ባረ ቃላይ ዬዳ አሳቱ፤ ጸሳቱዋ ጊደ ጸሴዳዋ ግደጉ።

36 ታን፤ “ታን ጸሳ ናኦ ጌዳ ድራወ፤ ታ አቡ አንጂደ፤ ሳኦ ኪቱዳ ታና፤ ጸሳ ቦላ ቦርያ ቃላ ሃሳያ” ያጌቱ?

37 ታን ታ አቡ ኦልያዋ ኦላና ቆዮጥ፤ ታና አማኖጥተ።

38 ሽን ታን ኦልያዋ ግደጉ፤ ሀራይ አቶ ህንተንቱ ታና አማናና ቆዮጥካ፤ ታ አቡ ታናን ደኤያዋን ታንካ ታ አቡን ደኤያዋ ኤራናዳን ከኪካናዳን፤ ታ ኦሱዋ አማንተ” ያጌድኖ።

39 ቃይካ አንቱንቱ አ ኦይቃናወ ኮዬድኖ፤ ሽን አ አንቱንቱጥ ከሰ አኪደ ቤዳ።

40 ዮሃንሳ ካሰ ጸማቅያሳ ዮርዳኖሳ ሻፋጥ ሄፍንላ የሱሰ ጥጊደ፤ ያን ደኤዳ።

41 ዳሮ አሳይ የሱሳኮ ዩደ፤ “ዮሃንሰ ዋልቃማ ማላታ ኦልቤና፤ ሽን አ ሀ ብታንያባ ሃሳዬዳባይ ኡባይ ቱማ” ያጌድኖ።

42 ያን ዳሮ አሳይ የሱሳ አማኔዳ።

አልአዛራ ሀይቁዋ  
1 ቢታንያ ግያ ቁር ካታማን አልአዛራ ግያ እት ብታኒ ሀርጌዳ፤ ሄ ካታማይ ማይራማን እዝ ሞቻታ ማርታ ደኤዳ ካታማ።

2 ጎዳ ገድያ ሽቱዋ አካደ፤ ባረ ብናናን አ ገድያ ቁጩዳወና ሄ ማይራሞ፤ ሀርጌዳዌ ቃይ እዝ እሻ አልአዛራ።

3 ሄዋ ድራወ፤ ሞቻቱ፤ “ጎዳወ፤ ኔን ሲቅያዌ ሀርጌዳ” ጊደ የሱሳወ ኪቱድኖ።

4 የሱሰ ሄዋ ሰሴዋ ዎደ፤ “ታን ጸሳ ናኦይ ሀርግያ ጋሱዋን ቦንቱታና ማላ፤ ጸሳ ቦንቾ ሀ ሀርጌ አልአዛራ ኦይቁዳጥ እትን፤ ዎፎያ ሀርግያ ግደና” ያጌዳ።

5 የሱሰ ማርቶ፤ እዝ ሞቻቶን አልአዛራ ሲቁ፤

6 አልአዛር ሀርጌዳዋ የሱሰ ሰሴዳ ዎደ፤ ባረ ደኤያ ሳኦን ላኡ ጋላሳ ፔሼዳ።

7 ሄዋጥ ጉይያን፤ የሱሰ ባረና ካልያዋንታ “ላኡንሱዋ ይሁዳ ጋድያ ቦይተ” ያጌዳ።

8 የሱሳ ካልያዋንቱ ዛሪድ፤ “ታማርሲያዎ፤ ጉላ ዎድያጥ ካሰ አይሁዳቱ ኔና ሹቻን ጫዳናወ ኮዬድኖ፤ ቃይካ ያ ባኒ?” ያጌድኖ።

9 የሱሰ፤ “እት ጋላሳን ታማን ላኡ ሳቱ ደኤኔየ? ጋላሰ ሀመትያ አሳይ ቆብተና፤ አያወ ሳጥ፤ አ ሀ ሳኦ ፖኡዋ ቦኤ።

10 ሽን ቃማ ሀመትያ ኡራይ ደኤጥ፤ ፖኡ እን ባይና ድራወ፤ ቆብቱ” ያጌዳ።

11 የሱሰ ሄዋ ጌዳዋጥ ጉይያን፤ ቃይካ አንቱንታ፤ “ኑ ዳቡ አልአዛር ገሞአሼዳ፤ ሽን ገሞአሹዋጥ አ ደንሳናወ ታን ባይ” ያጌዳ።

12 የሱሳ ካልያዋንቱ ዛሪድ፤ “ጎዳወ፤ አ ገሞአሼዳዋ ግደጉ፤ አወ ሎኦናዋ” ያጌድኖ።

13 አልአዛር ሀይቁዳዋ የሱሰ ኦዳዳ፤ ሽን አልአዛር ገሞአሼደ ግሴዳዋ ኦዳዳ ጊደ፤ አንቱንቱ ቆጥድኖ።

14 ሄዋ ድራወ፤ የሱሰ ጌሼደ አንቱንታ፤ “አልአዛር ሀይቁዳ።

15 ህንተንቱ አማናና ማላ፤ ታን ሄ ሳኦን ደኤናዎ፤ ህንተንቱ ድራወ ናሽታይ። ሽን ደንድተ፤ እኮ ቦይተ” ያጌዳ።

16 ሄዋጥ ጉይያን፤ ማንትያ ጌተትያ ቶማሰ ባረ ላገላቱዋ የሱሳ ካልያዋንታ፤ “የሱሳና ሀይቃናወ ኮንካ ቃይ ቦይተ!” ያጌዳ።

የሱሰ፤ ደንዳዋን ደኤዋ  
17 የሱሰ ጋክያ ዎደ፤ አልአዛራወ ዋገቶደጥ ኦይዱ ጋላሳ ግይዳዋ ደሚዳ።

18 ቢታንያ ካታማይ የሩሳላመጥ ሄኮ ኪሎ ሚትርያ ከና ሃኪ።

19 ዳሮ አይሁዳቱ ማርቶን ማይራሞ አንቱንቱ እሻይ ሀይቁዳዋ መንግሳናወ ዬድኖ።

20 ማርታ የሱሰ ዬዳዋ ሰሳደ፤ አ ሞካናወ ከሳዳ፤ ሽን ማይራማ ጎላን አታዱ።

\* 10:29 ኦጥነ፡- ኡባጥ ጉሳ፡፡ 10:33 ዎጋ 24:16 10:34 ማዘ. 82:6

21 ማርታ የሱሳ፡ “ጎዳው፡ ኔን ሀዋን ደኤዳዋ ግድንቶ፡ ታ እሻይ ሀይቀና።

22 ሸን ኔን ዋሰያዋ አይ ግደግ፡ ጸሳይ ነው ሀራይ እቶ ሀእካ እማናዋ ታን ኤራይ” ያገዱ።

23 የሱሳ፡ “ነ እሻይ ሀይቁዋጥ ደንዳና” ያገዱ።

24 ማርታ፡ “ዋድያ ወርሰላን\* ደንዳዋ ገላሰ፡ እ ሀይቁዋጥ ደንዳናዋ ታን ኤራይ” ያገዱ።

25 የሱሳ እዘው፡ “ታን ደንዳዋን ደኤዋ፤ ታና እማንያ ኡራይ ሀራይ እቶ፡ ሀይቆጥካ ደኤዋን ደኤናዋ።

26 ቃይ ደኤዋን ደኤያ ኡራይን ታና እማንያ ኡራይ ኡባይ ኡባካ ሀይቀና፤ ሄዋ ኔን እማናይ?” ያገዱ።

27 ማርታ ዛራደ፡ “ጎዳው፡ ኤ ታን እማናይ፤ ኔን ጸሳ ናኣ፡ ሳኣ ያናዉ ደኤያ ክርሰቶሳ ግድያዋ ታን እማናይ” ያገዱ።

28 ማርታ ሄዋ ጌዳዋጥ ጉይያን፡ ባደ ባረ ሞቻትው ገማን ጸሳደ፡ “ታማርሰያዌ ዪደ፡ ኔና ኮዌ” ያገዱ።

29 ማይራማ ሄዋ ሰሌዳ ዋደ፡ ኤሌላ ደንዳ ኤቃይ የሱሳኮ ባዱ።

30 የሱሳ ማርታ እ ሞኬዳ ሳኣን ደኤጥ አትን፡ ብር ቁር ካታማ ጋክቤና።

31 ማይራማ መንፃሊደ፡ ጎለን እዝና ደኤያ አይሁዳቱ፡ እዛ ኤለካ ደንዳ ኤቃይ ካረ ከሰያዋ በኢደ፡ አልእዛር ሞገቱዳ ዱፋዋ ባደ ያን ዩካናዉ ሀናዉ ያገደ፡ እዘ ካሊደ ከሴድና።

32 ማይራማ የሱሳ ደኤያሳ ባደ የሱሳ በኤዳ ዋደ፡ እ ገድያ ቦላን ኩንዳዳ፤ “ጎዳው፡ ኔን ሀዋን ደኤዳዋ ግድንቶ፡ ታ እሻይ ሀይቀና ሸን!” ያገዱ።

33 የሱሳ እዛ ዩክያዋን ቃይ እዝና ዩዳ አይሁዳቱካ ዩክያዋ በኢደ፡ ባረ ዋዛናን ዳር ሴላቱዳ፤ ቃይ ቶክ ሸሞጥደ።

34 ኡንቱንቱ፡ “ሀቃን ሞጌድቱ?” ያገደ እኙና፡ “ጎዳው፡ ያደ በእ” ያገደ ዛሬድና።

35 የሱሳ እርጾዳ።

36 ሄዋ ድራው፡ አይሁዳቱ፡ “አልእዛራ እ አይ ከና ሲቅንቶ በእት!” ያገደና።

37 ሸን ኡንቱንቱጥ እቱ እቱ፡ “ሀዌ ቆቃ ብታንያ ጸልሴዳዌ ሀ ብታኒ ሀይቀናዳን ኡዳናዉ ዳንዳየኔ?” ያገደና።

የሱሳ አልእዛራ ሀይቁዋጥ ደንጌዳ

38 የሱሳ ቃይካ ዋዛናጥ ቃረቲደ፡ አልእዛር ሞገቱዳ ዱፋዋኮ ቤዳ፤ ሄ ዱፋ ጎንጎሉዋ ግደደ ሹቻን ቁምኤት ኡቲዳ።

39 የሱሳ፡ “ሹቻ ድግተ!” ያገደ አዛዜዳ።

ሀይቁዳ ብታንያ ሞቻታ ማርታ፡ “ጎዳው፡ እ ሀይቆደጥ ኦይዳ ገላሳ ግዳዳ ድራው፡ ሀእ ጸንቃናዋ!” ያገዱ።

40 የሱሳ ማርታ፡ “እማንያዋ ግድጥ፡ ኔን ጸሳ ቦንቸዋ በእናዋ ታን ነው ኡዳበይክታ?” ያገደ።

41 ኡንቱንቱ ሹቻ ደንጌድና፤ የሱሳ ሳሉዋ ጉደ ጸሊደ፡ “እዎ፡ ታን ግያዋ ኔን ሰሴዳ ድራው፡ ኔና ገላታይ።

42 ኔን ኡባ ዋደ ሰሰያዋ ታን ኤራይ፤ ሸን ሀዋን ዩይ እጂደ ኤቁዳ አሳይ ኔን ታና ኪቲዳዋ እማና ማላ፡ ሀዋ ታን ኡንቱንቱ ድራው ገይ” ያገደ።

43 የሱሳ ሄዋ ጌዳዋጥ ጉይያን፡ ባረ ቃላ ቆቁ ኦሊደ፡ “አልእዛራ፡ ሃ ከሳ!” ያገደ።

44 ሀይቁዳ አልእዛራ ኩሺን ገዳ ሻሉዋን ቃሸት ኡቲደ እ ዳሙካ እፍላን ካመት ኡቲዳዋ ክሳና የሱሳ ኡንቱንታ፡ “ብል አግተ! ቦ!” ያገደ።

ክርሰቶሳ ቦላ ማቀቲድና

(ማቶሳ 26:1-5፤ ማር. 14:1-2፤ ሉቃሳ 22:1-2)

45 ሄዋ ድራው፡ ማይራማኮ ዩዳ አይሁዳቱዋጥ ጮራቱ የሱሳ ኤዳዋ በኢደ፡ እ እማኔድና።

46 ሸን ኡንቱንቱጥ እቱ እቱ ፓርሳዋቱዋኮ ቢደ፡ የሱሳ ኤዳዋ ኡንቱንቶ ኦዳድና።

47 ሄዋጥ ጉይያን፡ ቁሳቱዋ ካገታቱ ፓርሳዋቱ ሸቀዋ ሺሺደ፡ “ሀ ብታኒ ዳር ዋልቃማ ማላታ ኦሳያ ድራው፡ አያ ኦሳይ?”

48 ኡን እ ጮኡ ገደ፡ አጎጥ፡ አሳይ ኡባይ እ እማናዋ፤ ቃይ ርመ ጋድያ አሳቱ ዪደ፡ ኑ ጌሻ ጎልያን ኑ አሳ ጳይሳና” ያገደና።

49 ኡንቱንቱጥ እቱ ቃያፋ ግያ፡ ሄ ላይሳ ቁሳቱዋ ኡባቱዋ ካገጥ ግዳዳዋ፡ “ሀንተንቱ አይን ኤርባጥ።

50 አሳይ ኡባይ ጳይያዋጥ አሳ ኡባ ድራው፡ እት አሳይ ሀይቂያዌ ሎአ ግድያዋ ሀንተንቱ አኪክተ?” ያገደ።

51 እ ሄዋ ባረጥ ግቤና፤ ሸን ሄ ላይሳ ቁሳቱዋ ኡባቱዋ ካገጥ ግድያ ድራው፡ የሱሳ አይሁዳ አሳ ድራው ሀይቃናዉ በሰያዋ ናቢ ኦዳዳ።

52 ቃይ የሱሳ አይሁዳ አሳ ጸላላዉ ሀይቀና፤ ሸን ላለት ደኤያ ጸሳ ናና እቱዋ ኦሳ ሸሻናዉ ሀይቃናዋ።

53 ሄ ገላሳጥ ደሚደ፡ ኡንቱንቱ እ ዋቆናዉ ማቀቲድና።

54 ሄዋ ድራው፡ የሱሳ አይሁዳቱ ግዳዋን ቆንጭያን ያ ሃ ሀመትቤና፤ ሸን መላ ቢታ ገጸን ደኤያ ጋድያ፡ ኤፍራማ ጌተትያ ካታማ ቤዳ። ባረና ካልያዋንቱና ሄዋን ታኬዳ።

55 አይሁዳቱ ፓሰጋ ቦንቻያ ገላሳይ ማቲዳ፤ ቃይ ዳር አሳይ ባረና ገሻናዉ፡ ፓሰጋ ቦንቻያ ገላሳይ ጋካናጥ ካሰ ዱማ ዱማ ሳጥ የሩሳሳመ ቤዳ።

56 ኡንቱንቱ የሱሳ ኮዩና፤ ጌሻ ጎልያን ኤቁደ፡ “አያ ቆጥቱ? ፓሰጋ ቦንቻያሳ የሱሳ ዩኔ?” ያገደ እቱ እቱዋ ኡቼድና።

\* 11:24 ዋድያ ወርሰላን፡ ጸሳይ አሳ ዘረላ ኡባ ፕርዳዉ ሺሸያ ዋደ ጉሳ።



57 ቃይ ቄሳቱዎ ካፓቱን ፓርሳዎቹ የሱሳ ቃቻናው፣ እ ደኢያሳ ኤርያዌ ኦንን ባርንቶ ኦዳና ማላ አዛዜድና።

### 12

የሱሳ ሸቱዎ እኬዳ ሞሽራቆ (ማቶሳ 26:6-13፤ ማር. 14:3-9)

1 ፓሰጋ ቦንቶያ ጋላሳ፣ ኡሱቱን ጋላሳ ካሰቱደ፣ የሱሳ እ ሀይቁፕ ደንጌዳ አልእዛር ደኢያ ቢታንያ ግያ ካታማ ቤዳ።

2 ሄ ሳኦን ኡንቱንቱ እዉ ካዉዎ ካጤድና፤ አልእዛር አናና ኡቲደ እትፕ ምያዎንቱ ግድን ኦት ደእሸን፣ ማርታ ካዉዎ ግሻ ምዛዳ።

3 ማይራማ ዳር ሸሉዎን ዛልኤትያ እት ጸራሙሰያ ግድያ ናርዳሳ ጌትትያ ጌሻ ሸቱዎ አሃድ፣ የሱሳ ገድያ ኦካደ ባረ ብናናን አ ገድያ ቁጫዳ፤ ጎልያ ኡባይ ሸቱዎ ሳዉዎን ቶሽኩ ጌ።

4 ሸን የሱሳ ካልያዎንቱ፣ እቱ፣ የሱሳ አላ አማናዌ፣ ይሁዳ አሰቆርቱ።

5 “ሀ ሸቱ ሄዙ ጾቱ ዳናርያን ዛልኤትና፣ አያዉ ሄዌ ሀይሳዉ እመተኔ?” ያጌዳ።

6 እ ካይሱዎ ግዳዳ ድራዉ፣ ሄዎ ጌዳፕ አትን፣ ሀይሳዉ ቃረቲደ ግቤና፤ አ ሚሻ ቃርጨትያ ኦይቁያዎ ግድያ ድራዉ፣ ኡባ ዎደ አፕ ባረዉ እኬዳ።

7 የሱሳ፣ “ሀ ሸቱዎ ታን ሞገትያ ጋላሳይ ጋካናዉ እዛ አያዉ ምንጃኔ? አዘ አግተ።

8 ሀይሳቱ ኡባ ዎደ ህንተናና ደአና፤ ሸን ታን ኡባ ዎደ ህንተናና ደአከ” ያጌዳ።

9 አይሁዳቱዎ፣ ዳር አሳይ የሱሳ ቢታንያን ደኢያዎ ሰሲደ፣ ያ ቤዳ፤ ኡንቱንቱ የሱሳ በአና ግሻ ጸላላዉ ግድናን፣ እ ሀይቁፕ ደንጌዳ አልእዛርካ በአናዉ ቤድና።

10 ሄዎ ድራዉ፣ ቄሳቱዎ ካፓቱ አልእዛርካ ቃይ ምጳናዉ ማቀቱድና።

11 አያዉ ጎፕ፣ አልእዛር ጋሱዎን ዳር አይሁዳቱ ባርና ካለልያዎንታ አጌደ፣ የሱሳ አማኒና።

የሱሳ ቦንቱዎን የሩሳላሙ ገሌዳ (ማቶሳ 21:1-11፤ ማር. 11:1-11፤ ሉቃሳ 19:28-40)

12 ምንተላ ጋላሰ ፓሰጋ ቦንቶያሳ ዬዳ ዳር አሳይ የሱሳ የሩሳላሙ ብያዎ ሰሲድ።

13 ያቲደ ዛምባ ሀይሳ ኦይቁደ፣ \* አ ሞካናዉ ከሴድና። ባርንቱ ኮሻ ቋቁ ኦሊደ፣ “ጸሳይ ጋላተቶ!

ጸሳ ሱንሳን ይያ አሰራኤልያ ካቲ አንጀቱዳዎ!”

ያጌድና። 14-15 ጸሳ ማጸፋይ።

“ጽዮን ካታማዉ፣ ያዮፓ! በአ፣ ነ ካቲ ሀረ ማራ ቦላ ኡቲደ ዬ” ግያዎዳን፣ የሱሳ ሀረ ማራ ደሚደ፣ አ ቶጌዳ።

16 የሱሳ ካልያዎንቱ ሄዎ ካሰ እኬክበይክና፤ ሸን የሱሳ ቦንቱቲዳዎ፣ ጉይያን፣ ጸሳ ማጸፋይ ሄዎ ኡባ ጌዳዎን ቃይ ኡንቱንቱካ ሄዎ ኡባ የሱሳዉ ኦጤዳዎ ሀሳዬድና።

17 አልእዛር ሞገቱዳ ጎንጎሉዎ፣ የሱሳ እ ጾሲደ፣ ሀይቁፕ ደንጌዳ ዎደ፣ የሱሳና ደኢያ ዳር አሳይ የሱሳዉ ማርካቲዳ።

18 ዳር አሳይ አ ሞካናዉ ከሴዳዌ፣ እ ሄ ዎልቃማ ማላልያዎ አጤዳ ድራሳ።

19 ሄዎ ድራዉ፣ ፓርሳዎቹ እቱ እቱዎ፣ “ህንተንቱ አይነ ኦላናዉ ዳንዳየናዎ በእቲ! በአተ፣ ጋደ ኡባይ እ ጌዴዎ ካሌዳ” ያጌድና።

20 ፓሰጋ ቦንቶያ ጋላሰ ጎይናዉ የሩሳላሙ ቤዳዎንቱ ግድን እት እት ግሪክ አሳቱ ደኢና።

21 ኡንቱንቱ ጋሊላ ጋድያን ቤተሳይዳ ጌትትያ ካታማ፣ ዬዳ ፕልጸሳኩ ቢደ፣ “ጎዳዉ፣ ኑን የሱሳ በአናዉ ኮዬቶ” ያጌደ ዎሴድና።

22 ፕልጸሰ ቢደ፣ አንድራሳዉ ኦድና ላእቱካ ቢደ፣ የሱሳዉ ኦዴድና።

23 የሱሳ ኡንቱንቶ ሀዎዳን ያጌዳ፤ “ታን፣ አሳ ናአይ፣ ቦንቱትያ ሳቲ ጋኬዳ።

24 ታን ህንተንቶ ቱሙዎ ኦዴይ፤ እት ዛርጋ አይፋታ ቢታን ምጳአደ ዎቃና ጳዮ፣ ባርካ አታዉ። ሸን ሄ ዛርጋ አይፋታ ዎቆ፣ ዳር አይፍያ አይፋዉ።

25 ባረ ሸምፑዎ ሲቅያ ኦንን ባይዜ፤ ቃይ ባረ ሸምፑዎ ሀ ሳኦን አጽያ ኦንን ሙድና ደኦ አሸ።

26 ኦንን ታዉ ኦላ፣ ታና ካላናዉ በሴ፤ ቃይ ታን ደኢያ ሳኦን ታዉ ኦላያዌካ ደአናዎ። ታዉ ኦላያ ኦናን፣ ታ አሱካ አ ቦንቻናዎ።

27 “ሀአ ታ ሸምፑ ዳር ኡንኤቲዳ፤ ያትና ዎን? ታን፣ ታ አሱ፣ ታና ሀ ሳታት፣ አሻርክን ያን? ቲይት፣ ታን ሀ ሳትያን ዬዳዌ ሀዎ ድራሳ።

28 ታ አሱ፣ ነ ሱንሳ ቦንቻ” ያጌዳ።

ሄ ዎደ ሳሉዎ፣ “ታን ታ ሱንሳ ቦንቻድ፤

ቃይካ ጉጃደ ቦንቻና” ያግያ ቃላይ ዬዳ።

29 ሄ ሳኦን ኡቁዳ ጮራ አሳይ ሄ ቃላ ሰሲደ፣ “ሄዌ ጉጉንሳ” ያጌዳ።

ሀረንቱ ቃይ፣ “ኪታንቻይ አዉ ሃሳዬዳ” ያጌድና።

30 የሱሳ ዛሪደ ኡንቱንታ፣ “ሀ ቃላይ ህንተንቱ ድራዉ ዬዳዎ፣ አትን፣ ታ ድራሳ ግድና።

31 ሀ ሳኦን ፕርደትያ ዎዲ ሀአ፤ ሀ ሳኦ ተ ሞድያዌ ሀአ ካረ ኦለታናዎ።

32 ቃይ ታን ማሰቃልያ ቦላ ካቀትያ ዎደ፣ አሳ ኡባ ታኩ ሳቻና” ያጌዳ።

33 እ ሄዎ ጌዳዌ አይ ማላ ሀይቁዎ እ ሀይቃንቶን ኡንቱንታ ኤርሳናሳ።

12:8 ዛረ. 15:11 \* 12:13 ዛምባ ሀይሳ ኦይቁደ፦ ሀዌ አይሁዳ አሳይ ኤሪቲዳ አሳ ሞክያ ዎጋ። 12:13 ማዘ. 118:25 † 12:31 ሀ ሳኦ፦ ጉሳይ ሀ አላምያ ግዲደ ሀ ጥሃጎሳ ሞሽራቆዎን ደኢያ ሀ ሳኦ ግያዌ ሀ ሳኦ ቦላ ደኢያ አሳን ኡንቱንቱ ከሃ ባርሳ ኡሊደ ሞድያ ኢታ አና ዎልቃ በሴ።

# 13

34 ዳር አሳይ ዛሪደ የሱሳ፣ “ኑ ህጊ ክርሰቶሰ መጅናዉ ደእያዋ ኦዴ። ያትና፣ ኔን ዋጋይ፣ ‘አሳ ናአይ ማስቃልያ ቦላ ካቀታና’ ጋይ? ሄ አሳ ናአይ ኦኔ?” ያጌድና።

35 የሱሳ፣ “ፖኡ ህንተናና ጉላ ዋድያ ጋምአናዋ። ህንተንቶ ጁመና ማላ፣ ፖኡ ደእሸን፣ ፖኡዋን ሀመትተ። ጁማን ሀመትያ ኡራይ ሀቃ ብንቶን ኤረና።

36 ፖኡዋ አሳ ግዳና ማላ፣ ህንተንቶ ፖኡ ደእሸን፣ ፖኡዋ አማንተ” ያጌዳ። የሱሳ ሄዋ ሃሳዬዳዋ፣ ጉይያን፣ ቢደ ኤንቱንቱ፣ ጌመቱዳ።

አይሁዳቱ አማናን እጹዳ ሀናታ

37-38 እ ሄዋ ከና ዋልቃማ ማላታ ኤንቱንቱ ሰንፋን ኦላፕካ፣ ናብያ አሳያሰ።

“ጎዳዉ፣ ኑ ማርካተላ ኦን አማኔዳ?

ጎዳይ ባረ ዋልቃ ኦና በሴዳ?”

ጌዳዌ ቱማ ግዳና ማላ፣ ኤንቱንቱ አ አማንበይክና።

39-40 አሳያሰ ቃይካ፣

“ኤንቱንቱ አይፊ ጸለና ማላ፣

ኤንቱንቱ ዋዛናይካ እኩከና ማላ፣

ኤንቱንቱ ጸሳኩ ሰምና፣ እ ኤንቱንታ

ፓ□ና ማላ፣

ጸሳይ ኤንቱንቱ አይፍያ ቆቅሴዳ።

ኤንቱንቱ ዋዛና ዳምሴዳ”

ጌዳ ድራዉ፣ ኤንቱንቱ አማናናዉ ዳንዳይበይክና።

41 አሳያሰ የሱሳ ቦንቹዋ በኤዳ ድራዉን ቃይ አባ ሃሳዬዳ ድራዉ፣ ፤ ሄዋ ጌዳ።

42 ሄዋ ግድናካ፣ ሀራይ አቶ አይሁዳቱ ካፓቱዋፕካ ጮራቱ የሱሳ አማኔድና። ሸን ፓርሳዋቱ ባረና አይሁዳቱ ዋሳ ጎልያ፣ ስሴና ጌደ ያዬዳ ድራዉ፣ አማኔዳ ጌደ ማርካትበይክና።

43 እያዉ ጎፕ፣ ኤንቱንቱ ጸሳ ሳባ፣ አላደ፣ አሳ ሳባ ሲቆድና።

44 የሱሳ ባረ ቃላ ጶቁ ኦላደ ያጌዳ፤ “ታና አማንያ ኦንጎ ታና ከቱዳዋካ አማንያዋ፣ አትን፣ ታ ጸላላ አማና።

45 ታና በእያ ኦንጎ ታና ከቱዳዋካ በኤ።

46 ታና አማንያ ኡባይ ጁማን ደኤና ማላ፣ ታን ፖኡዋ ግዳደ ሳአ ያደ።

47 ታ ቃላ ሰሲደ አዛዘተና ኡራ ኦናን ታን ፕርድክ፤ እያዉ ጎፕ፣ ታን አላምያ አሻናዉ ዬዳዋ፣ አትን፣ ፕርዳናዉ ያበይክ።

48 ታና እጸያ ኦናን ቃይ ታ ቃላ አከና ኦናን ፕርድያዌ ደኤ። ታን ኦዴዳ ቃላይ ዉርሰላ ጋላሰ ሄ ኡራ ፕርዳና።

49 እያዉ ጎፕ፣ ታን ሀዋ ታፕ ሃሳያበይክ፤ ሸን ታና ከቱዳ ታ አቡ ታን ጋናዋን ሃሳያናዋ ታና አዛዘዳ።

50 ቃይ አ አዛዘ መጅና ደኡዋ አህያዋ ታን ኡራይ፤ ሄዋ ድራዉ፣ ታን ኦድያዌ ታ አቡ ታና ኦዳ ጌደ ኦዳዳዋ” ያጌዳ።

የሱሳ ባረ ካልያዋንቱ ጌድያ ሜጩዳ

1 ፓሰጋ ቦንቹያ ጋላሳይ ጋካና፣ ካሰቲደ፣ ሀ ሳአፕ ሸከቲደ፣ አዉዋኮ ብያ ዋዴ ጋኬዳዋ የሱሳ ኤሬዳ፤ ሀ ሳአን ደእያ ባረዋንታ ኡባ ዋይ ሲቆዳ፤ ዉርሰላይ ጋካናዉ ኤንቱንታ ሲቆዳ።

2 የሱሳን ካልያዋንቱ ካዉዋ ሚሸን፣ ሰምና ናአ ይሁዳ አሰቆርቱ የሱሳ አላ አማናዳን፣ ጸላሂ አ ቆናሰ ዋላዳ።

3 የሱሳ ባረ አዉ ኡባባ አ ኩሸያን ዋላዳዋ፣ ቃይ ጸሳ ማታ፣ አ ዬዳዋ፣ ሰሚደ አኩ ባናዋ ኤሬዳ።

4 የሱሳ ምንሳፕ ደንድ ኤቁደ፣ ቦላ ባጋ ማዌ ቃር ዋላደ፣ ፖጸ ባረ ጸሳን ዳንጩዳ።

5 ሄዋ፣ ጌይያን፣ ሃሳ ሚቻ ሚሻን ትጌደ፣ ባረና ካልያዋንቱ ጌድያ ሚቻን ባረ ጸሳን ዳንጩዳ ፖጸን ቁጩሳ ደሚዳ።

6 የሱሳ ሰምን ጸጽርሳኩ ዪና ጸጽርሰ፣ “ጎዳዉ፣ ኔን ታ ጌድያ ሜጩናዉ ሀናይዬ?” ያጌዳ።

7 የሱሳ ዛሪደ አ፣ “ታን ኦላያዋ ኔን ሀአ ኤራካ፤ ሸን ጉየፕ ኤራናሳ” ያጌዳ።

8 ጸጽርሰ፣ “ኔን ታ ጌድያ ኡባካ ሚጫካ!” ያጌዳ።

የሱሳ አ፣ “ታን ነ ጌድያ ሚጫና ጳየ፣ ነዉን ታዉን እትፕተላይ ባዋ” ያጌደ ዛሪዳ።

9 ሰምና ጸጽርሰ የሱሳ፣ “ጎዳዉ፣ ያቶ፣ ታ ጌድያ ጸላላ ሚጩ፣ ታ ኩሸያካ ታ ሁጲያካ ሚጫ!” ያጌዳ።

10 የሱሳ ዛሪደ፣ “ቦላ ሚጩት ድጌዳ ኡራይ ሳኒን ጌድያ፣ ሀራባ ሚጩታናዉ ኩሸና፤ አዉ ኡባባካ ጌሻ። ቃይ ህንተንቱካ ጌሻ፤ ሸን ኡባይ ጌሻ ግድክታ” ያጌዳ።

11 እያዉ ጎፕ፣ የሱሳ ባረና አላ አማና ኡራይ ኦንጎን ኤሬዳ፤ አ፣ “ህንተንቱ ኡባይ ጌሻ ግድክታ” ጌዳዌ ሀዋሳ።

12 ኤንቱንቱ ጌድያ ሜጩዳዋ፣ ጌይያን፣ የሱሳ ባረ ማዌዋ ማዬደ፣ ባረሳ ጉየ ሰም ብ ኡቲደ ኤንቱንታ ያጌዳ፤ “ታን ህንተንቶ ኦላዳዋ እኩከቲ?”

13 ህንተንቱ ታና፣ ታማርሰያዋን ጎዳዉ ጌታ፤ ታን ሄ ህንተንቱ ግያዋ ጌድያ ድራዉ፣ ሎይጬድታ።

14 ታን ህንተንቶ ጎዳን ህንተንታ ታማርሰያዋ ግዳደ፣ ህንተንቱ ጌድያ ሚጫያዋ ግደ፣ ህንተንቱካ አቱ አቱዋ ጌድያ ሚጫናዉ በሴ።

15 እያዉ ጎፕ፣ ታን ህንተንቶ ኦላዳዋዳን፣ ህንተንቱካ ኦላና ማላ፣ ህንተንቶ ሎምሱዋ ግዳደ።

16 ታን ህንተንቶ ቱሙዋ ኦዳይ፤ ቆማይ ባረ ጎዳ፣ አ□ና። ቃይ ከቲቱዳ ኡራይካ ባረና ከቲዳዋ፣ አ□ና።

12:34 ማዘ. 110:4፤ አሳ. 9:7፤ ሀዘ. 37:25፤ ዳኔላ 7:14 12:37-38 አሳ. 53:1 12:39-40 አሳ. 6:10 ፤ 12:41 አሳያሰ የሱሳ ቦንቹዋ በኤዳ ድራዉን ቃይ አባ ሃሳዬዳ ድራዉ፣ ዋይ አሳያሰ ጸሳ ቦንቹዋ በኤዳ ድራዉን ቃይ የሱሳ ሃሳዬዳ ድራዉ።

17 ህንተንቱ ሄዋ ኤሪደ አልያዎ ግደጥ እንጀቱዳዋንታ።

18 “ታን ህንተንቶ ኡባባ ሃሳይከ። ታን ደራዳዋንታ ኤሪይ፤ ሽን ጸሳ ማጻፋይ፤ ታን ባርሲዳዌ ታ ኩሽያ ሳኡዳ፣ ጌዳዌ ቱማ ግዳናወ በሴ።

19 ሄዌ ሀንያ ዎደ ታን ታና \* ግድያዎ ህንተንቱ አማናና ማላ፤ ሄዌ ሀናናጥ ካሰታደ ህንተንቶ ሀናናዎ አዳይ።

20 ታን ህንተንቶ ቱሙዎ አዳይ፤ ታን ከትያ ኦናን ሞክያ ኡራይ ታናካ ሞኬ፤ ቃይ ታና ሞክያ ኦንን ታና ከቲዳዎ ሞኬ” ያጌዳ።

የሱሰ ባረና አል አማናዌ ኦንንቶ ካሰቲደ ኦዴዳ

(ማቶሳ 26:20-25፤ ማር. 14:17-21፤ ሉቃሳ 22:21-23)

21 የሱሰ ሄዎ ሃሳዬዳዎጥ ጉይያን፣ ባረ ዎዳናን ዳር ሙቶቲደ፤ “ታን ህንተንቶ ቱሙዎ አዳይ፤ ታና ህንተንቶ አቱ አል አማናዎ” ጌደ ቆንጭያን ኦዴዳ።

22 እ ኦና ሃሳይንቶ፤ ካልያዎንቶ ኡባካ ኤሪተናን እጽና፤ እቱ እቱዎ ጸሌድና።

23 የሱሳ ካልያዎንቱጥ አቱ፤ የሱሰ ሲቆያዌ፤ የሱሳ ማታን ኡቲዳ።

24 ሄዎ ድራወ፤ ሰሞና ጳጳርሰ ሄ ካልያዎ ሰሞኢደ፤ “እ ኦና ግንቶ፤ እን እ ኦቻ” ያጌዳ።

25 ሄዎ ድራወ፤ ሄ ካልያዌ የሱሳ ሀይላኮ ሸቂደ፤ “ጎዳወ፤ እ ኦኔ?” ያጌዳ።

26 የሱሰ ዛሪደ፤ “ታን ኡክላን ጫባ ቱሻደ እምያዌ እ” ያጌዳ። ቃይ ኡክላ መንሐ እኪደ፤ ጫባ ቱሺደ፤ ሰሞና ናኣ፤ ይሁዳ አሰቆርታዉ እሚዳ።

27 ይሁዳይ ኡክላ መንሐዎ እኮዎጥ ጉይያን፤ ሴጻናይ ኤለካ ይሁዳን ገሌዳ። የሱሰ እ፤ “ኔን ኦላናዎ ኤሌላ ኦላ!” ያጌዳ።

28 ሸን ሄ ሳኣን ኡቲዳዎንቱጥ ኦንን የሱሰ ሄዎ እ አያዉ ጌደንቶን ኤርቤና።

29 ይሁዳይ ሚሻ ቃርጨትያ አይቀያ ድራወ፤ ካልያዎንቱጥ አቱ እቱ የሱሰ ይሁዳ፤ “ፓሰጋ ቦንቶያ ጋላሳዉ ባረና ኮሽያዎ ባደ ሻማ ዎይ ሀይሳዉ ሞጶዎታ እማ ጌዳ” ያጌደ ቆፔድና።

30 ይሁዳይ ኡክላ መንሐዎ እኪደ፤ ኤለካ ካረ ከሴዳ፤ ሄ ዎደ ሳኣይ ቃማ።

ኦራላ አዛዙዎ

31 ይሁዳይ ካረ ከሴዳዎጥ ጉይያን፤ የሱሰ ያጌዳ፤ “ሀእ ታን አሳ ናኣይ ቦንቱታድ፤ ጸሳይካ ታ ባጋና ቦንቱቱዳ።

32 ጸሳይ ታ ባጋና፤ አሳ ናኣ ባጋና ቦንቱቶ፤ እ ባረ ሁጳዉ ታና አሳ ናኣ ቦንቻናዎ፤ ቃይ እ ታና ኤለካ ቦንቻናዎ።

33 ታ ናቶ፤ ታን ህንተናና ዳር ዎድያ ጋሞእከ። ህንተንቱ ታና ኮያና፤ ሸን ታን አይሁዳቱዎ፤ ታን ብያሳ ህንተንቱ ባናዉ

ዳንዳይክታ፣ ጌዳዎዳን፤ ህንተዉካ ሀእ አዳይ።

34 ታን ህንተንታ ኦራላ አዛዙዎ አዛዛይ፤ እቱ እቱዎ ሲቅተ። ታን ህንተንታ ሲቆዳዎዳንካ፤ ህንተንቱ እቱ እቱዎ ሲቃና በሴ።

35 ህንተንቱ እቱ እቱዎና ሲቆቶጥ፤ ታና ካልያዎንታ ግድያዎ አሳይ ኡባይ ኤራና” ያጌዳ።

ጳጳርሰ ካዳናዎ የሱሰ ካሰቲደ ኦዴዳ (ማቶሳ 26:31-35፤ ማር. 14:27-31፤ ሉቃሳ 22:31-34)

36 ሰሞን ጳጳርሰ የሱሳ፤ “ጎዳወ፤ ኔን ሀቃ ባይ?” ያጌዳ።

የሱሰ ዛሪደ፤ “ታን ብያሳ ኔን ሀእ ታና ካላናዉ ዳንዳያካ፤ ሸን ጉየጥ ካላና” ያጌዳ።

37 ጳጳርሰ፤ “ጎዳወ፤ ታን ኔና ሀእ ካላናዉ አያዉ ዳንዳይክታ? ታን ነ ድራወ፤ ሀይቃናዉካ ጊጋ ኡታድ!” ያጌዳ።

38 የሱሰ ዛሪደ፤ “ታ ድራወ ሀይቃናዉ ሀእ ቱሙ ጊጋ ኡታዲ? ታን ነዉ ቱሙዎ አዳይ፤ ኩቱ ዎሳናጥ ካሰ፤ ኔን ታና ሄዙ ገደ ካዳናሳ” ያጌዳ።

14

የሱሰ አዉዋኮ አፍያ ኦግያ

1 የሱሰ ካልያዎንታ “ህንተንቱ ዎዛናይ ሀርጎፖ፤ ጸሳን አማንተ፤ ታናንካ አማንተ። \*

2 ታ አቡ ጎለን ዳር ሳኣይ ደኤ። ሄዎ ግደነንቶ፤ ታን ህንተንቶ ሄዎ ኦድከ፤ ታን ህንተንቶ ሳኣ ጊግሳናዉ ባይ።

3 ታን ባደ ሳኣ ጊግሴዳዎጥ ጉይያን፤ ታን ደእያ ሳኣን ህንተንቱካ ደእና ማላ፤ ሰማ ያደ ህንተንታ ታኮ አፋና።

4 ቃይ ህንተንቱ ታን ብያ ኦግያ ኤሪታ” ያጌዳ።

5 ቶማሰ፤ “ጎዳወ፤ ኔን ብያሳ ኦን ኤርኮ፤ ኦግያ ዋጌ ኤራናዉ ዳንዳይቶ?” ያጌዳ።

6 የሱሰ ዛሪደ፤ “ኦጌ፤ ቱሙን ደኡ ታና፤ ታ ባጋናጥ አትን፤ ኦንን ታ አቡኮ ባናዉ ዳንዳየና።

7 ህንተንቱ ታና ኤርያዎ ግድንቶ፤ ታ አባካ ኤራና፤ ሀእጥ ደሚደ፤ ህንተንቱ እ ኤሪታን ቃይ እ በኤድታ” ያጌዳ።

8 ፕልጶስ የሱሳ፤ “ጎዳወ፤ አዉዎ ኦና በሳ፤ ሄዌ ኦዉ ግዳናዎ” ያጌዳ።

9 የሱሰ ዛሪደ ያጌዳ፤ “ፕልጶሳ፤ ታን ሀዎ ከና ዎድያ ህንተናና ደእናካ ታና ኤርከ? ታና በኤዳ ኡራይ አዉዋካ በኤዳ፤ ያቶና፤ ኔን ዎጋደ፤ ኣአዉዎ ኦና በሳ፣ ጋይ?”

10 ታን አዉዎ ግደን ደእያዎ ቃይ አዉካ ታ ግደን ደእያዎ ኔን አማንከ? ታን ህንተንቶ አድያ ቃላ ታን ታጥ ኦድከ፤ ሸን ታ ግደን ደእያ አዉ ባረ ኦሱዎ ኦሌ።

11 ታን አዉዎ ግደን ደእያዎን ቃይ አዉካ ታ ግደን ደእያዎ ታና አማንተ፤ ሄዌ ጳዮጥ፤ ታ ኦሱዎባዉ ታና አማንተ።

13:18 ማዘ. 41:9 \* 13:19 ታን ታና- የህ። 8:24 ጸልተ። \* 14:1 ጸሳን አማንተ፤ ታናንካ አማንተ- ጸሳን አማኑ ህንተዉ ደኤ ጉሳይ፤ ታናንካ አማኑ ደኤ ጉሳ።

12 “ታን ህንተንቶ ቱሙዋ ኦዲይ፤ ታና አማንያ ኡራይ ታን ኦላያ ኦሎዋ ኦላ። ታን አወዋጥ ብያ ድራወ። ሄ ኡራይ ሀዋጥ ኦላያ ኦሎዋ ኦላ።

13 አወ ናኣ ጋሱዋን፣ ታ ባጋና ቦንቼታና ማላ፣ ታ ሱንላን ህንተንቱ ዋሰያ ኡባባ ታን ህንተንቶ ፖላና።

14 ህንተንቱ ታ ሱንላን ታና ኦያን ኦቾጥካ፣ ታን ፖላና።

የሱሰ ኦያና ጌሻ ኪታናዉ አሜዳ ህይታ

15 “ህንተንቱ ታና ሲቅያዋ ግደጥ፣ ታ አዛዙዋ ናጋና።

16-17 ታን አወዋ ዋሳና፤ ህንተናና ሙጵናዉ ደአና ማላ፣ ቱማተላ ኦያና፣ ሀራ ሙን። ስያዋ ህንተንቶ እ አማና። ሀ ሳአይ ሄ ቱማተላ ኦያና በኤናዋን ኡረናዋ ግድያ ድራወ። አ አካናዉ ዳንዳየና፤ ሽን እ ህንተናና ደአያ ድራወን ህንተንቱ ግደን ደአና ድራወ። ህንተንቱ አ ኤሪታ።

18 “ታን ህንተንታ አወን አታ ባይና ዪኦ ናናዳን ህንተረካ አጋባሽከ፤ ታን ሰማደ ህንተንቱኮ ያና።

19 ጉላ ዋድያጥ ጉይያን፣ አላሚ ታና ላኦንጉላዋ በኤና፤ ሽን ህንተንቱ ታና በአና፤ ታን ደኡዋን ደአያ ድራወ። ህንተንቱካ ቃይ ደኡዋን ደአና።

20 ታን ታ አወዋ ግደን ደአያዋን ህንተንቱ ታ ግደን ደአያዋ፣ ቃይ ታን ህንተንቱ ግደን ደአያዋን ህንተንቱ ሄ ጋላሰ ኡራና።

21 “ታ አዛዙ አ ማተን ደአያ አሳይ፣ ቃይ ሄ አዛዙዋካ ናግያዋ፣ እ ታና ሲቅያ አሳ። ታና ሲቅያ አሳ ታ አቡካ ሲቅ፤ ታንካ አ ሲቃይ። ታን አዉ ቆንጫና” ያጌዳ።

22 ይሁዳ አሰቆርታ ግደና ይሁዳይ የሱሳ፣ “ጎዳዉ፣ ኔን ነ ሁዳን አላምያ በሰናን፣ ኑና በሳና ግያዋ ዋጋደ ጋይ” ያጌዳ።

23 የሱሰ፣ “ታና ሲቅያ ኦንነ ታ ቃላ ናጌ፤ ታ አቡ አ ሲቃናዋ፤ ቃይ ታ አቡነ ታንነ አኮ ዪደ፣ አናና ደአና።

24 ታና ሲቃና ኡራይ ኦንነ ታ ቃላዉ አዛዙተና፤ ህንተንቱ ሰሰያ ቃላይ ታና ኪቱዳ አወዋጥ አትን፣ ታዋ ግደና።

25 “ታን ህንተናና አትጥ ደአደ ሀዋ ህንተንቶ ኦዲድ፤

26 ሽን ጌሻ አያናይ፣ ሙን። ስያዋ፣ አዉ ታ ሱንላን ኪታናዌ፣ ህንተንታ ኡባባ ታማርሳናዋ። ታን ህንተንቶ ኦዲዳ ኡባባካ ህንተንታ ሀሳይሳናዋ።

27 “ታን ሳርተላ ህንተናና ዋላይ፤ ታ ሳርተላ ህንተንቶ አማይ። ታን አላሚ አምያ ሳርተላ ማላ አምከ። ህንተንቱ ሀርሳጥተነ ያዮጥተ።

28 ታን ህንተንቶ፣ ታን ባይ፤ ሽን ሰማደ ህንተንቱኮ ያና፣ ጌዳዋ ሰሴድታ፤ ህንተንቱ ታና ሲቅዳዋ ግድንቶ፣ ታጥ አዉ ዳርያ ድራወ። ታን አወዋጥ ብያዋን ህንተንቱ ናሽታንታ።

29 ሄዋ ሀንያ ዋደ ህንተንቱ አማናና ማላ፣ ሄዋ ሀንና ደአሽን፣ ሃናና ካሰታደ ታን ህንተንቶ ኦዲድ።

30 “ሀ አላምያ ሞድያዋ ይያ ድራወ። ታን ሀዋጥ ሰንላን ህንተናና ሎይላ ሃሳይከ። ታና እ አይነ ኦላናዉ ዳንዳየና።

31 ሽን ታን አወዋ ሲቅያዋ አላሚ ኤራናዉ በሲ፤ ቃይ ታንካ አዉ ታና አዛዙዳዋዳን ኦላይ። ደንድ ኤቂተ፤ ሀዋጥ ቦይተ።

# 15

ዋይንያ ግያ ቱራዉ ቱሙ አኑ የሱሳ

1 “ታን ዋይንያ ጌተትያ ቱራዉ ቱሙ አና፤ ጎሻንቻይ ታ አባ።

2 ታ ግደን ደአያ አይፍያ አይፈና ቱራ ማራ ኡባ አ ካራ፤ አይፍያ ቱራ ማራ ኡባይ ካሰዋጥ ሎይላ አይፋናዳን፣ ሄ ማራ ጸራ እ ጭጊደ ጌሻና።

3 ታን ህንተንቶ ሀእ ኦዲዳ ቃላ ጋሱዋን፣ ህንተንቱ ጌሻ።

4 ታ ግደን ደአተ፤ ታንካ ህንተንቱ ግደን ደአና። ዋይንያ ቱራ ማራይ አኑዋና አትጥ ደኡናን ቆዮጥ፣ ሄ ማራይ ባረካ አይፍያ አይፋናዉ ዳንዳየናዋዳን፣ ህንተንቱካ ታ ግደን ደኡናን ቆዮጥ፣ አይፍያ አይፋናዉ ዳንዳይክታ።

5 “ታን ዋይንያ ቱራዉ አና፤ ህንተንቱ ሄ ቱራ ማራቱዋ። ታ ግደን ደአያ ኡራይ፣ ታንካ አ ግደን ደአያ ኡራይ፣ ዳር አይፍያ አይፋና፤ አያዉ ጎጥ፣ ታን ባይናን ህንተረካ አይነ ኦላናዉ ዳንዳይክታ።

6 ታ ግደን ደኡና ኡራይ ቱራ ማራዳን፣ ካረን የግና ሙሉዳዋ ሸሺደ ታማን ዋላና፣ እ ኤጻናዋ።

7 ህንተንቱ ታ ግደን ደአጥ፣ ቃይ ታ ቃላይካ ህንተንቱ ግደን ደአጥ፣ ህንተንቱ ከዬዳዋ አያ ግድናካ ዋሰተ፤ ህንተንቱ አካንታ።

8 ህንተንቱ ዳር አይፍያ አይፎጥነ ቃይ ታና ካልያዋንታ ግደጥ፣ ሄዋን ታ አቡ ቦንቼታናዋ።

9 አዉ ታና ሲቅዳዋዳን፣ ታንካ ህንተንታ ሲቃድ፤ ታ ሲቅዋን ደአተ።

10 ታን ታ አቡ አዛዙዋ ናጋደ እ ሲቅዋን ደኡዳዋዳን፣ ህንተንቱካ ታ አዛዙዋ ናጎጥ፣ ታ ሲቅዋን ደአንታ።

11 “ታ ናሽቻይ ህንተናና ደአና ማላ፤ ህንተንቱ ናሽቻይ ኩሙንላ ግዳና ማላ፣ ታን ሀዋ ህንተንቶ ኦዲድ።

12 ታ አዛዙ ሀዋ፤ ታን ህንተንታ ሲቅያዋዳን፣ ህንተንቱካ እቱ እቱዋና ሲቅተ።

13 ባረ ሸምጥዋ ባረ ላገዉ አሊደ አምያዋጥ አዲያ ሲቅ ኦሰካን ባዋ።

14 ታን ህንተንታ አዛዙዳዋ ኡባ አላጥ፣ ህንተንቱ ታ ላጎቱዋ።

15 “አይሊ ባረ ጎዳይ ኦላያዋ ኤረና ድራወ። ታን ህንተንታ ሀዋጥ ሰንላዉ አይላቱዋ ገከ፤ ሽን ታን ህንተንታ ታ ላጎቱዋ ጋድ። አያዉ ጎጥ፣ ታ አወዋጥ ሰሴዳ ኡባባ ታን ህንተንቶ ኦዲድ።

16 ታን ህንተንታ ደሬዳዋጥ አትን፤ ህንተንቱ ታና ደርበይክታ። ህንተንቱ ቢደ አይፍያ አይፋና ማላን ደአና ማላ፡ ታን ህንተንታ ሰንሳድ። ቃይ አዉካ ህንተንቱ ታ ሰንሳን\* ዋሴዳዋ ኡባ አማና።

17 ታን ህንተንታ አዛዝያዌ ሀዋ፤ እቱ አቱዋና ሲቀትተ።

የሱሰ ሀ አላሚ እጽያዋ ኦዴዳ

18 “አላሚ ህንተንታ እጸጥ፡ ካሰቲደ ታና አጼዳዋ አኪክተ።

19 ህንተንቱ አላምያሳ ግዴደንቶ፡ አላሚ ባረዋደን ህንተንታ ሲቃና፤ ሽን ታን ህንተንታ አላምያሳ ደሬዳዋጥ አትን፤ ህንተንቱ አላምያሳ ግድክታ፤ አላሚ ህንተንታ እጽያዌ ሀዋሳ።

20 ናይሊ ባረ ጎዳጥ ዳረና፣ ጋደ ታን ህንተንቶ ኦዴዳዋ ሀሳይተ። አንቱንቱ ታና የደርሴዳዋ ግደጥ፡ ህንተናካ የደርሳና። አንቱንቱ ታ ቃላ ናጌዳዋ ግደጥ፡ ህንተንቱ ቃላካ ናጋናዋንታ።

21 ሽን አንቱንቱ ታና ከቱዳዋ ኤረና ድራዉ፡ ሀ ኡባ ታ ጋሱዋን አንቱንቱ ህንተንቱ ቦላ አላናዋንታ።

22 ታን ያደ አንቱንቶ ኦደናዋ ግድንቶ፡ አንቱንቶ ናጋራ ግደና፤ ሽን ሀእ አንቱንቱ አልያ ናጋራ ጋሶይያዌ ባዋ።

23-24 ታና እጽያዌ ታ አዉዋካ እጼዳ። ኦንን አላቤና ኦሱዋ አንቱንቱ ግደን ታን አላቤናባ ግድንቶ፡ አንቱንቶ ናጋራ ግደናን አታናዋ፤ ሽን ሀእ አንቱንቱ ታን አላዳዳ ኦሱዋ በኪደ፡ ታናካ ታ አዉዋካ እጼድና።

25 ሽን አንቱንቱ ሀግያን፡ ናታና ጮ እጼድና፣ ጌተቲደ ጸፈቲዳዌ ፖለታና ማላ፡ ሀዌ ሀኒዴ።

26 “ሽን አዉዋጥ ይያ ቱማተላ አያናይ መንጃዳዋ ያናዋ። ታን አዉዋጥ ህንተንቶ አ የዳና፤ ቃይ አ ታባ ማርካታናዋ።

27 ህንተካ ቃይ ካሰጥ ደሚደ፡ ታናና ደእያ ድራዉ፡ ታባ ማርካታና።

### 16

1 “ታን ሀዋ ህንተንቱ ጹበተና ማላ፡ ህንተንቶ ኦዳድ።

2 አንቱንቱ ህንተንታ ባረንቱ አይሁዳ ዋሳ ጎልያጥ ከሰ የዳናዋንታ። ሄዋ ቦላ ቃይ ህንተንታ ዋድያ ኡራይ ጸሳዉ አልያዋ አዉ ማላትያ ዋዲ ያናዋ።

3 አንቱንቱ ሄዋ ህንተንቱ ቦላ አልያዋ ታናን አዉዋ ኤረና ድራሳ።

4 ሽን አንቱንቱ ሄዋ ህንተንቱ ቦላ አልያ ዋዲ ጋዝያ ዋደ፡ ታን ህንተንቶ ኦዴዳዋ ህንተንቱ ሀሳናና ማላ፡ ታን ህንተንቶ ሀዋ ኦዳድ።

ጌሻ አያና ኦሱዋ

“ታን ህንተናና ደእያ ድራዉ፡ ኮይር ሄዋ ህንተንቶ ኦዳበይከ።

5 ሽን ሀእ ታን ታና ከቱዳዋኮ ባይ፤ ሽን ህንተጥ ኦን፤ ‘ሀቃ ባይ?’ ጊደ ታና ኦቶያዌ ባዋ።

6 ሽን ታን ሀዋ ኦዴዳ ድራዉ፡ ህንተንቱ ዋዛናን ዳር ካዩ ደኤ።

7 ሽን ታን ህንተንቶ ቱሙዋ ኦዳይ፤ ታን ብያዌ ህንተንቶ ሎአ። አያዉ ጎጥ፡ ታን ባና ጳዮጥ፡ መንጃዳዋ ህንተንቱኮ ዬና፤ ሽን ታን ቦጥ፡ አ ህንተንቱኮ የዳና።

8 ቃይ መንጃዳዋ ዬደ፡ አንቱንቱ ናጋራባ፡ ጸሳ ጽሎተላባን ፕርዳባ ሀ ሳአ አሳይ ባይዜዳዋ በሳናዋ።

9 ናጋራባይ አሳይ ታና አማናና ድራሳ።

10 ጽሎተላባይ ቃይ ታን አዉዋኮ ብያ ድራዉ፡ ህንተንቱ ታና ላኤንሉዋ በእክታ።

11 ጸሳ ፕርዳባይ ቃይ አላምያ ሞድያዌ ፕርደቲዳ ድራሳ።

12 “ታን ህንተንቶ ኦድያባይ ዳርባይ ደኤ፤ ሽን ሀእ ህንተንቶ ገለና።

13 ቱማተላ አያናይ ይያ ዋደ፡ ህንተንታ ቱማተላ ኡባኮ ካላሳናዋ። አያዉ ጎጥ፡ አ ባረ ሰሴዳዋ ኦዳናጥ አትን፤ ባረጥ አይን ኦደና። ቃይ ሰንሳጥ ያናባ ህንተንቶ አ ኦዳናዋ።

14 አ ታን ሰንቻናዋ፤ አያዉ ጎጥ፡ አ ታዉ ደእያዋጥ አኪደ፡ ህንተንቶ ኦዳናዋ።

15 አዋ ደእያባይ ኡባይ ታዋ፤ መንጃዳዋ ታዉ ደእያባጥ አኪደ፡ ህንተንቶ ኦዳናዋ ታን ጌዳዌ ሀዋሳ።

የሱሳ ካልያዋንቱ ካዩ ናሽቻዉ ላመታና

16 “ጉላ ዋድያጥ ጉይያን፡ ህንተንቱ ታና በእክታ፤ ቃይ ጉላ ዋድያጥ ጉይያን፡ ህንተንቱ ታና በአና” ያጌዳ።

17 የሱሳ ካልያዋንቱ አቱ አቱ ባረንቱ ግደን፡ “ ጉላ ዋድያጥ ጉይያን፡ ህንተንቱ ታና በእክታ፤ ቃይ ጉላ ዋድያጥ ጉይያን፡ ህንተንቱ ታና በእክታ፤ አያዉ ጎጥ፡ ታን አዉዋኮ ባይ፣ ግያዌ ሄዌ ዋግያዌ?” ያጌድና።

18 “ ጉላ ዋድያጥ ጉይያን፣ ግያዌ ዋግያዌ? አ አያዉ ሃሳይንቶን ኦዉ ኤረተና” ያጌድና።

19 አንቱንቱ ባረና ኦቻናዉ ኮይያዋ የሱሰ ኤሪደ፡ አንቱንታ ያጌዳ፤ “ታን፡ ጉላ ዋድያጥ ጉይያን፡ ህንተንቱ ታና በእክታ፤ ቃይ ጉላ ዋድያጥ ጉይያን፡ ህንተንቱ ታና በአና፣ ጌዳዋ ህንተንቱ አቱ አቱዋ ኦቹቱ?

20 ታን ህንተንቶ ቱሙዋ ኦዳይ። ህንተንቱ ዬካናን ካዮታና፤ ሽን ሀ አላሚ ናሽታና። ቃይ ህንተንቱ ካዮታና፤ ሽን ህንተንቱ ካዮቶዌ ናሽቻ ግዳናዋ።

21 እት ሞሽራታ ናእ የላና ሀንያ ዋደ፡ ባረ የልያ ዋዲ ጋዜዳ ድራዉ፡ አይቀታዉ፤ ሽን ናአይ የለቲዳዋጥ ጉይያን፡ ናአይ ሀ ሳአን የለቲዳ ናሽቻ ድራዉ፡ ባረ ኦይሳ ሀሳዩከ።

22 ሄዋ ድራዉ፡ ህንተንቱካ ህንተንቱ ዋዛናን ካዮቲታ፤ ሽን ታን ላኤንሉዋ ህንተንታ

\* 15:16 ታ ሰንሳን- ዋይ “ታና ካልያዋንታ ግድያ ድራዉ” 15:25 ማዘ. 35:19፤ 69:4

በእና፤ ቃይ ህንተንቱ ዋዛናይ ሎይል ናሽታና፤ ህንተንቱ ናሽቻ ኦነነ ህንተጥ አከና።

23 “ሄ ጋላሰ ህንተንቱ ታና እይነ ዋሰክታ። ታን ህንተንቶ ቱሙዋ ኦዳይ፤ ህንተንቱ ታ ሱንላን ዋሰያዋ ኡባ አዉ ህንተንቶ አማናዋ።

24 ሀእ ጋካናዉ ታ ሱንላን እይነ ዋሰበይክታ፤ ህንተንቱ ናሽቻይ ፖለታና ማላ። ጸሳ ዋሰተ፤ ህንተንቱ አካና።

25 “ሀዋ ታን ህንተንቶ ለምሱዋን ኦዳይ፤ ሽን ለምሱዋን ኦዳይ ዋዲ ያናዋ፤ ሽን አዉዋባ ታን ህንተንቶ ቆንጭንታ ኦዳና።

26 ታን ሄ ጋላሰ፤ ህንተንቱ ታ ሱንላን አዉዋ ዋሳና፤ ቃይ ህንተንቱ ድራዉ። ታን አዉዋ ዋሳና ጊከ።

27 አያዉ ጎጥ። አዉ ባረ ሁጸዉ ህንተንታ ሲቄ፤ ህንተንቱ ታና ሲቄያ ድራዉነ ታን አዉዋ ማታጥ ዬዳዋ አማኖ ድራዉ። እ ህንተንታ ሲቄ።

28 ታን አዉዋ ማታጥ ሀ አላምያ ያድ፤ ቃይ ሀ አላምያ አገይ አዉዋኮ ባና” ያጌዳ።

29 የሱሳ ካልያዋንቱ ዛሪይ የሱሳ፤ “በእ። ሀእ ኔን ቆንጭያን ሃሳያሳ፤ ለምሱዋን እይነ ሃሳያካ።

30 ኔን ኡባባ ኤርያዋ ኩነ ሀእ ኤራቶ፤ ቃይ ኔና ኡነ አቻና ማላ። ኔን ኮየናዋ ኤራቶ። ሄዌ ኩና ኔን ጸሳጥ ዬዳዋ አማንሌ” ያጌዳና።

31 የሱሰ ዛሪይ ኡንቱንታ። “ሀእ አማኒቱ?

32 በእተ። ህንተንቱ ህንተንቱ ጎለ ጎለ ላለትያ ዋዲነ ታ ጸላላ የግ ባሽያ ዋዲ ያናዋ፤ ሀእካ ይ ድጌዳ። ሽን አዉ ታናና ደእያ ድራዉ። ታ ጸላላ ግድከ።

33 ህንተንቱ ታ ግድን ደእይ። ሳሮ ደእና ማላ። ታን ሀዋ ህንተንቶ ኦዳይ። አላምያን ህንተንቱ ዋየታና። ሽን ሞንተ፤ ታን አላምያ ጸናድ” ያጌዳ።

# 17

## የሱሳ ዋሳ

1 የሱሰ ሄዋ ሃሳዬዳዋጥ ጉይያን። ፑይ ሳሉዋ ጸሌደ። ሀዋዳን ያጌዳ፤ “ታ አሰ። ዋዲ ጋከዳ፤ ነ ናአይ ኔና ቦንቻና ማላ። ኔንካ ነ ናአ ቦንቻ።

2 አያዉ ጎጥ። ኔን አዉ አሜዳ ኡባዉ መድና ደእዋ እ አማና ማላ። አሳ ኡባ ቦላን አዉ ማታ አማዳ።

3 አሳይ ኔና እት ቱሙ ጸሳ ግዴዳዋ ኤራና ማላ። ቃይ ኔን ከቱዳ የሱሰ ክርሰቶሳ ኤራና ማላ። ሀዌ መድና ደእዋ።

4 ኔን ታዉ ኦሳናዉ አሜዳ ኦሱዋ ፖላይ። ኔና ሳአን ቦንቻድ።

5 ሀእካ ቃይ አዋ። አላሚ መጠታናጥ ካሰ ነ ማታን ታዉ ደእያ ቦንቹዋን ነ ሰንላን ታና ቦንቻ።

6 “አላምያ አሳጥ ኔን ታዉ አሜዳዋንቶ ነ ሰንላ ኤርሳድ፤ ኡንቱንቱ ነዋንታ፤ ቃይ ኔን ኡንቱንታ ታዉ አማዳ። ኡንቱንቱ ነ ቃላዉካ አዛከቱድና።

7 ሀእ ኔን ታዉ አሜዳ ኡባባይ ኔጥ ዬዳዋ ኡንቱንቱ ኤራና።

8 አያዉ ጎጥ። ኔን ታዉ አሜዳ ቃላ ታን ኡንቱንቶ አማድ፤ ኡንቱንቱካ ሄ ቃላ አኬድና። ታን ነ ማታጥ ዬዳዌ ቱማ ግድያዋ ኤራይ ኔን ታና ከቱዳዋካ አማኔድና።

9 “ታን ኡንቱንቶ ዋሳይ፤ አላመዉ ኔና ዋሰከ። ሽን ኔን ታዉ አሜዳ አሳዉ ዋሳይ፤ አያዉ ጎጥ። ኡንቱንቱ ነዋንታ።

10 ታዉ ደእያ ኡባባይ ነባ፤ ቃይ ነዉ ደእያ ኡባባይካ ታዋ። ታን ኡንቱንቱ ባጋና ቦንቹታድ።

11 ታን ሀዋጥ ጉይያን። አላምያን ደእከ፤ ኡንቱንቱ አላምያን ደእኖ፤ ታን ሀእ ኔኮ ባይ። ጌሻ አዋ። ሀ ኔን ታዉ አሜዳዋንቱ ኔንካ ታን አቱዋ ግድያዋዳን። ኡንቱንቱ አቱዋ ግድና ማላ። ኡንቱንታ ነ ሰንላን ናጋ።

12 ታን ኡንቱንቱና አላምያን ደእይ። ኔን ታዉ አሜዳ ነ ሰንላ ዋልቃን ኡንቱንታ ናጋድ። ታን ኡንቱንታ ናጋድ፤ ጸሳ ማጻጻይ ጌዳዌ ፖለታና ማላ። ባሻይ በሰያ ኡራጥ አትን። ኡንቱንቱጥ ሀራይ ኡነን ባይቤና።

13 “ሀእ ታን ኔኮ ባይ፤ ኡንቱንቱ ዋዛናን ታ ናሽቻይ ፖለታና ማላ። ሀዋ ታን አላምያን ሃሳያይ።

14 ታን ኡንቱንቶ ነ ቃላ አማድ፤ ታን አላምያሳ ግድናዋዳን። ኡንቱንቱካ አላምያሳ ግድና ድራዉ። አላሚ ኡንቱንታ አጼዳ።

15 ኔን ጸላህያጥ ኡንቱንታ ናጋና ማላ ዋሰያዋጥ አትን። አላምያጥ ከሳና ማላ ዋሰከ።

16 ታን አላምያሳ ግድናዋዳን። ኡንቱንቱካ አላምያሳ ግድክና።

17 ኔን ቱማተላን ኡንቱንታ ነዋንታ ኦላ፤ ነ ቃላይካ ቱማተላ።

18 ኔን ታና አላምያ ከቱዳዋዳን። ታንካ ኡንቱንታ አላምያ ከታድ፤

19 ቃይ ኡንቱንቱ ቱማተላን ነዉ ዳማታና ማላ። ኡንቱንቱ ድራዉ። ታን ታ ሁጲያ ነዉ ዳማድና።

20 “ታን ኡንቱንቱ ጸላላዉ ዋሰከ፤ ሽን ኡንቱንቱ ቃላ ኦድና። ታና አማኔዳዋንቶካ ዋሳይ።

21 ኡንቱንቱ ኡባይ አቱዋ ግድና ማላ። ታን ዋሳይ። አዋ። ኔን ታ ግድን ደእያዋዳን። ቃይ ታንካ ነ ግድን ደእያዋዳን። ኡንቱንቱ ኑ ግድን ደእኖ። ቃይ ኔን ታና ከቱዳዋ አላሚ አማናና ማላ። ኡንቱንቱ አቱዋ ግድና።

22 ኔን ታን አቱዋ ግድናዋዳን። ኡንቱንቱ አቱዋ ግድና ማላ። ኔን ታና ቦንቹዳዋዳን። ታንካ ኡንቱንታ ቦንቻድ።

23 ታን ኡንቱንቱ ግድን ደእና። ኔን ታ ግድን ደእና። ቃይ ኔን ታና ሲሰያዋዳን። ኡንቱንታካ ሲቆዋን ኔን ታና ሀ አላምያ ከቱዳዋ አላሚ ኤራናዳን። ኡንቱንቱ ኡባ አቱዋ ግድና።

24 “አዋ። ሳአይ መጠታናጥ ካሰ ኔን ታና ሲቄዳ ድራዉ። ታዉ አሜዳ ታ ቦንቹዋ ኡንቱንቱ በእና ማላ። ኔን ታዉ አሜዳዋንቱ ታን ደእያ ሳአን ታናና ደእና ማላ ኮያድ።

25 “ጽሎ አዎ፣ አላዎም አሳይ ኔና ኤረና፤ ሸን ታን ኔና ኤራይ። ቃይ ኔን ታና ኪቲዳዎ ሀዋንቱ ኤረና።

26 ኔን ታና ሰቂዳ ሰቂቁ ኡንቱንቱ ግደን ደአና ማላ፣ ቃይ ታንካ ኡንቱንቱ ግደን ደአና ማላ፣ ታን ነ ሰንላ ኡንቱንታ ኤርሳድ፤ ሰንላዉካ ኤርሳና።” ያጌዳ።

### 18

የሱሰ ባረ ሞርከቱዋ ኩሸያን ኦይቀቲዳ (ማቶሳ 26:47-56፤ ማር. 14:43-50፤ ሉቃሳ 22:47-53)

1 የሱሰ ሄዋ ጊደ፣ ጸሳ ዎሴዳዋፕ ጉይያን፣ ባረና ካልያዋንቱና ቀድሮና ግያ ዛንጋራ ፕኔዳ። ሄ ሳኣን አትክልትያ ሳኣይ ደኤ፤ የሱሰን የሱሳ ካልያዋንቱ ገሌድና።

2 የሱሳ አላ እሜዳ ይሁዳይ ሄ ሳኣ ኤሬዳ፤ አያዉ ጎፕ፣ የሱሰ ኡባ ዎደ ባረና ካልያዋንቱና ሄዋን ሸቆ።

3 ሄዋ ድራዉ፣ ካለለያ ቁሳቱዋ ካፓቱን ፓርሳዋቱ ይሁዳና ባናዳን እሜዳ ሮማ ዎታዳራቱን ጌሻ ጎልያ ናግያዋንቱ ኩራዝያ፣ ያሲያን ቶራ ኦይቂዳ ሄ ሳኣ ቤድና።

4 የሱሰ ባረና ጋካዳዉ ሀንያ ኡባባ ኤሪደ፣ ጋዳ ከሲደ፣ “ኦና ኮዪቱ?” ያጌዳ።

5 ኡንቱንቱ ዛሪደ፣ “ናዘራትያ የሱሳ ኮዪቶ” ያጌድና።

የሱሰ ዛሪደ፣ “ታን አ” ያጌዳ።

የሱሳ አላ እሜዳ ይሁዳይካ ሄዋን ኡንቱንቱና ኤቁዳ፤

6 የሱሰ፣ “ታን አ” ጌዳ ዎደ፣ ኡንቱንቱ ጉየኮ ሸቂደ፣ ሳኣን ኩንዴድና።

7 የሱሰ ቃይካ፣ “ኦና ኮዪቱ?”

ያግ ኦቶና ኡንቱንቱ፣ “ናዘራትያ የሱሳ” ያጌድና።

8 የሱሰ ዛሪደ፣ “ታን አ ግድያዎ ህንተንቶ ኦዳድ፤ ሰሞ ህንተንቱ ታና ኮይያዎ ግደፕ፣ ሀዋንታ የድተ” ያጌዳ።

9 አ፣ “ታ አቦ፣ ኔን ታዉ እሜዳዋንቱፕ ሀራይ አቶ፣ አቱዋካ ባይዛበይከ” ጌዳዌ ፖለታና ማላ፣ ሄዋ ጌዳ።

10 ሰሞን ጸጽርሳዉ ማሻይ ደኤ፤ አ ሄ ማሻ ሸድን ቁሳቱዋ ኡባቱዋ ካፕዋ ቆማ ኡሸቻ ሀይሳ ሸጨደ፣ ቃንጽ የጌዳ። ሄ ቆማ ሱንሳይ ማልኮሳ።

11 የሱሰ ጸጽርሳ፣ “ና ማሻ ሸኩዋን ዛሪደ ዎላ! ታ አቦ ታዉ እሜዳ መቱዋ ጸ-አ ታን ኡሸክታ?” ያጌዳ።

የሱሰ ቁሳቱዋ ካፕዋ ሃና ሰንላ ሸቂዳ

12 ሻላቃይ፣ ዳሮ ዎታዳራቱን ቃይ ጌሻ ጎልያ ናግያዋንቱ የሱሳ ኦይቂደ ቃቼድና።

13 ኮይሮ የሱሳ ሃናኮ አፌድና፤ ሃን ሄ ላይላ ቁሳቱዋ ካፓቱዋ ግዳዳ ቃያፋ ቦሉዋ።

14 “ኦሳ ሉባ ድራዉ፣ እት አሳይ ሀይቂንቶ ሎአ” ጊደ አይሁዳቱዋ ዘራዳዌ ቃያፋ።

ጸጽርሰ የሱሳ ካዳዳ (ማቶሳ 26:69-70፤ ማር. 14:66-68፤ ሉቃሳ 22:55-57)

15 ሰሞን ጸጽርሰን ሀራ እት ካልያዌ የሱሳ ካሊደ ቤድና። ሄ ሀራ ካልያዎ ቁሳቱዋ ካፕ ኤራዳ፤ ሄዌ የሱሳና ቁሳቱዋ ካፕዋ ድርሳ ጋርሳ ገሌዳ።

16 ሸን ጸጽርሰ ካረና ድርሳ ፕንግያን ኤቁዳ። ቁሳቱዋ ኡባቱዋ ካፕ ኤርያ ሀራ ካልያዌ ካረ ከሲደ፣ ፕንግያ ናግያ ናትዉ አዲደ፣ ጸጽርሳ ድርሳ ጋርሳ ገሌሴዳ።

17 ፕንግያ ናግያ ናታ ጸጽርሳ፣ “ኔን ሀ ብታንያ ካልያዋንቱፕ አቱዋ ግድኪዬ?” ያጋዳ።

አ፣ “ቱይት፣ ታን ግድከ” ያጌዳ።

18 ሳኣይ ሜግያ ድራዉ፣ አይላቱን ጌሻ ጎልያ ናግያዋንቱ ታማ ኤጲደ፣ ቦንቁዳዎ ዩይ አድ ኤቁደ ካሸና፤ ጸጽርሰካ ኡንቱንቱና ኤቁደ፣ ሄ ታማ ካሼ።

ቁሳቱዋ ካፕ የሱሳ አቶ አሻ (ማቶሳ 26:59-66፤ ማር. 14:55-64፤ ሉቃሳ 22:66-71)

19 ቁሳቱዋ ኡባቱዋ ካፕ፣ የሱሳ ካልያዋንቱባን አ ትምርትያባ አቼዳ።

20 የሱሰ አዉ ዛሪደ፣ “ታን አሳ ኡባዉ ቆንጭያን ኦዳድ። ታን አይሁዳ ኡባይ ሸቆያ አይሁዳ ዎሳ ጎላንን ጌሻ ጎልያን ኡባ ዎደ ታማርሳድ፤ ጌማን አይነ ሃሳያበይከ።

21 ያትና፣ ኔን ታና አያዉ አቻይ? ታን ኦዳዳዎ ሰሴዳ አሳ አቻ፤ ሄ አሳይ ታን ኦዳዳዎ ኤራዳ” ያጌዳ።

22 የሱሰ ሄዋ ጌዳ ዎደ፣ ሄዋን ኤቁዳ ዎታዳራቱዋፕ አቱ የሱሳ ባቂደ፣ “ቁሳቱዋ ኡባቱዋ ካፕዋ ቦላ ሀዋዳን ዛራይ?” ያጌዳ።

23 የሱሰ ዛሪደ፣ “ታን ባላባ ሃሳዬዳዎ ግደፕ፣ ሀዋን ደአያ አሳ ኡባዉ ኦዳ፤ ሸን ታን ቱሙዋ ሃሳዬዳዎ ግደፕ፣ ታና አያዉ ባቃይ?” ያጌዳ።

24 ሄዋ ድራዉ፣ ሃን፣ ቃሸት ኡቲዳ የሱሳ፣ ቁሳቱዋ ኡባቱዋ ካፕዋ፣ ቃያፋኮ የዳዳ።

ጸጽርሰ የሱሳ ላኢንሉዋ ካዳዳ (ማቶሳ 26:71-75፤ ማር. 14:69-72፤ ሉቃሳ 22:58-62)

25 ጸጽርሰ ሄዋን ኤቁደ፣ ታማ ካሼ፤ ሀራንቱ አ፣ “ኔን ሀ ብታንያ ካልያዋንቱፕ አቱዋ ግድኪዬ?” ያጌዳ።

ጸጽርሰ፣ “ቱይት፤ ታን ግድከ” ያጌደ ካዳዳ።

26 ቁሳቱዋ ኡባቱዋ ካፕዋ ቆማቱዋፕ አቱዋ፣ ጸጽርሰ ሀይላ ቃንጾዳ ብታንያ ዳቡ ጸጽርሳ፣ “ታን ኔና አናና ዳሮ አትክልትያ ግደን በአበይክታዬ?” ያጌደ አቼዳ።

27 ጸጽርሰ ቃይካ ካዳዳ፤ ኤላካ ኩቱ ዋሰ አጌዳ።

የሱሰ ጽላጸሳ ሰንላ ሸቂዳ (ማቶሳ 27:1-2፤ 11-14፤ ማር. 15:1-5፤ ሉቃሳ 23:1-5)

28 ኡንቱንቱ የሱሳ ቃያፋ ጎለፕ ሮመ አሳ አይሰያዎ ኦሶ ጎልያ አፌድና። ሳኣይ ዎንታ

ጉራ፤ አይሁዳቱ ፓሰጋ ቦንቶያ ጋላሳ ቁማ ማናው፡ ባረንቱ ሁጺያው ቱነና ማላ፡ ሮመ አሳ አይሰያዋ ኦሶ ገልያ ገልበይክኖ።

29 ሄዋ ድራው፡ ጽላጸሰ ኡንቱንቱኮ ካረ ከሲደ፡ “ሀ ብታንያ ህንተንቱ እያን ሞቲቱ?” ያጌዳ።

30 ኡንቱንቱ፡ “አ ኢታባ አለቤናዋ ግድንቶ፡ ኮን አ ኔኮ አሆኮ” ያጌድኖ።

31 ጽላጸሰ ዛሪደ ኡንቱንቶ፡ “ህንተንቱ አ አፊደ፡ ህንተንቱ ህጊ ግያዋዳን፡ አ ቦላ ፕሮድተ” ያጌዳ።

አይሁዳቱ፡ “ኡናን ዋድያ ማታይ ኑዉ ባዋ” ያጌድኖ።

32 ሀዋ ህዳዊ የሱሰ አይ ማላ ሀይቁዋ ሀይቃንቶ ኤርሳናዉ ሃሳዬዳዊ ፖለታናሳ።

33 ጽላጸሰ ባረ ኦሱዋ ጎላ ላኤንሉዋ ገሊደ፡ የሱሳ ጼሲደ፡ “ኔን አይሁዳ ካቱ?” ያጌደ አ ኦቼዳ።

34 የሱሰ ጽላጸሳ፡ “ሀ ኦቫ ኔን ኔፕ ኦቻይዬ ዋይ ሀሪ አሳይ ነዉ ታባ አዴዳ?” ያጌዳ።

35 ጽላጸሰ ዛሪደ፡ “ታና አይሁዳ አሳ ጋይ? ነ ዛራቱን ቁሳቱዋ ካፓቱ ኔና ታዉ አላ እሜድኖ፤ ኔን አያ ኦሳዲ?” ያጌዳ።

36 የሱሰ፡ “ታ ካወተሳይ ሀ አላምያና ግድና፡ ታ ካወተሳይ ሀ አላምያና ግዴደንቶ፡ ታና አይሁዳቶ አላ እመናዳን፡ ታዉ አላምያንቱ ታዉ አላታና፤ ሽን ታ ካወተሳይ ሀ አላምያና ግድና” ያጌዳ።

37 ሄዋ ድራው፡ ጽላጸሰ የሱሳ፡ “ያትና፡ ኔን ካቱየ?” ያጌደ ኦቼዳ።

የሱሰ ዛሪደ፡ “ኔን ታና ካትያ ጋዴ፡ ታን ቱሙዋ ማርካታና ድራው የለታድ፤ ቃይ ሄዋ ድራው፡ ሀ አላምያ ያድ። ቱሙዋ ባጋ ግዴዳ እንነ ታን ግያዋ ሰሴዳ” ያጌዳ።

38 ጽላጸሰ፡ “ቱሙ እዬ?” ያጌዳ።

ጽላጸሰ ሄዋ ጌዳዋፕ ጉይያን፡ አይሁዳቱዋኮ ካረ ከሲደ፡ “ታን አን አይ ባላን ደማበይከ።

39 ሽን ፓሰጋ ቦንቶያ ጋላሳ፡ እት አሳ ታን ህንተንቶ ቃሹዋፕ ብልያ ደያይ ደኤ፤ ታን ህንተንቶ አይሁዳቱ ካትያ ብልያዋ ኮዩቱ?” ያጌዳ።

40 ኡንቱንቱ ዛሪደ፡ ባረንቱ ኮቫ ቶቁ ኦሊደ፡ “ባርባና ብላፕ አትን፡ አ ግድና!” ያጌድኖ። ሽን ባርባን ፓቱዋ።

### 19

ዋታዳራቱ የሱሳ ቦላ ቅሊጩድኖ (ማቶሳ 27:27-32፤ ማር. 15:15-21)

1 ሄዋፕ ጉይያን፡ ጽላጸሰ የሱሳ ኦይቂደ፡ ልሱዋን ሸጩዳ።

2 ዋታዳራቱ አጉንሳፕ ካላቻ ገገሲደ፡ አ ሁጺያን ዋሌድኖ፤ ቃይ ዞኦ ማዩዋካ አ ማይዜድኖ።

3 አኮ ሸቂደ፡ “አይሁዳ ካተዉ፡ ሸምፑዋ ጋምአ!” ያጌደ አ ቫይያ ባቂድኖ።

4 ጽላጸሰ ቃይካ ካረ ከሲደ አይሁዳቱዋ፡ “በእተ፡ ታን አን አይ ባላን ደማበይናዋ

ህንተንቱ ኤራና ማላ፡ አ ህንተንቱኮ ካረ ከሳና” ያጌዳ።

5 ሄዋፕ ጉይያን፡ የሱሰ አጉንሳ ካላቻ ባረ ሁጺያን ዋሊደ፡ ዞኦ ማዩዋ ማዩደ፡ ካረ ከሴዳ፤ ጽላጸሰ አይሁዳቱዋ፡ “ብታንያ ሀዋ በእተ” ያጌዳ።

6 ቁሳቱዋ ካፓቱን ዋታዳራቱ አ በኤዳ ዋይ፡ ባረንቱ ኮቫ ቶቁ ኦሊደ፡ “ማሰቃልያ ቦላ ሞሰማርያን ድቫደ አ ሱላ! ሱላ!” ያጌድኖ።

ጽላጸሰ ኡንቱንታ፡ “ህንተንቱ አ አፊደ፡ ማሰቃልያ ቦላ ሞሰማርያን ድቫደ ሱልተ፤ አያዉ ጎፕ፡ ታን አይ ባላን ደማበይከ” ያጌዳ።

7 አይሁዳቱ ዛሪደ፡ “ኑዉ ህጊ ደኤ፤ ኑ ህጊ ግያዋዳን፡ አ ሀይቃናዉ በሴ፤ አያዉ ጎፕ፡ አ ባረና ጸሳ ናኦ ኦሌዳ” ያጌድኖ።

8 ጽላጸሰ ሄዋ ሰሴዳ ዋይ፡ ካሰዋፕ ሎይላ ያዬዳ።

9 ቃይካ ጽላጸሰ ባረ ኦሱዋ ጎላ ሰም ገሊደ የሱሳ፡ “ኔን ሀቃፕ ያዲ?” ያጌደ ኦቼዳ፤ ሽን የሱሰ አዉ አይነ ዛርቤና።

10 ሄዋ ድራው፡ ጽላጸሰ አ፡ “ታዉ አድኪ?” ኔና ብላናዉ ዋይ ማሰቃልያ ቦላ ሞሰማርያን ድቫደ ካቃናዉ ታዉ ማታይ ደእያዋ ኤርኪየ?” ያጌዳ።

11 የሱሰ፡ “ጸሳይ ነዉ ቦላፕ ማታ እምቤናባ ግድንቶ፡ ነዉ ታ ቦላ ማታይ ደኤና ሽን። ሄዋ ድራው፡ ታና ነዉ አላ እሜዳዊ አድያ ናጋራ ኦሌዳ” ያጌዳ።

የሱሳ ሀይቆ ፕሮድድኖ (ማቶሳ 27:15-31፤ ማር. 15:6-20፤ ሉቃሳ 23:13-25)

12 ጽላጸሰ ሄዋ ሰሴዳ ዋይ፡ የሱሳ ብላናዉ ኦግያ ኮዬዳ፤ ሽን አይሁዳቱ ባረንቱ ኮቫ ቶቁ ኦሊደ፡ “ኔን አ ብልያዋ ግደፕ፡ ካትያ ቁሳረ ዳቦ ግዳካ! ባረና ካትያ ግያ ኦንነ ቁሳረ ሞርከ!” ያጌድኖ።

13 ጽላጸሰ ሄዋ ሰሴደ፡ የሱሳ ካረ ከሴዳ፡ ያተደ ሹቻ ባሱዋ ግያ ሳኦን ፕሮዳ ኦይድያን ኡቲዳ፤ አብራይሰጸ ቃላን ሄ ሳኦይ ጋይታ ግያዋ።

14 ሄ ጋላሳይ ፓሰጋ ቦንቶያ ጋላሳዉ ገገሰያ ጋላሳ፤ ሳኦይ ኡሱቱን ሳትያ ሄራ ግዳናዋ። ጽላጸሰ አይሁዳቱዋ፡ “ህንተንቱ ካትያ ሀዋ በእተ!” ያጌዳ።

15 አይሁዳቱ ባረንቱ ኮቫ ቶቁ ኦሊደ፡ “ድጋ! ድጋ! ማሰቃልያ ቦላ ሞሰማርያን ድቫደ ሱላ፤” ያጌድኖ።

ጽላጸሰ ዛሪደ፡ “ህንተንቱ ካትያ ታን ማሰቃልያ ቦላ ሞሰማርያን ድቫደ ሱልያዋ ኮዩቱ?” ያጌደ ኦቼዳ።

ቁሳቱዋ ካፓቱ፡ “ቁሳረፕ ሀራ ካቲ ኑዉ ባዋ!” ያጌድኖ።

16 ሄዋፕ ጉይያን፡ ኡንቱንቱ ማሰቃልያ ቦላ ሞሰማርያን ድቫደ፡ የሱሳ ካቃና ማላ፡ ጽላጸሰ ኡንቱንቶ አላ እሜዳ።



የሱሳ ሱሌድኖ  
(ማቶሳ 27:32-44፤ ማር. 15:21-32፤  
ሉቃስ 23:26-43)

ኢንቴንቴ የሱሳ ኦይቂድ፣ አፌድኖ።  
17 የሱሳ ባረ ማስቃልያ ቶኪድ፣  
ጉግያሳ ጌተትያሳ ቤዳ። “ጉግያሳ” \* ግያዌ  
አብራይስጥ ቃላን “ጎልጎጎ” ግያዌ።

18 ኢንቴንቴ ሄ ሳኢን ማስቃልያ ቦላ  
ምስማርያን ድሺድ፣ የሱሳ ካቂድኖ፤ ቃይ  
አናና ሀራ ላኦ አሳቱ፣ እቱዋ ያ ባጋና  
ቃይ እቱዋ ሀ ባጋና የሱሳ ግዲዋን ዋሊድ፣  
ማስቃልያ ቦላ ምስማርያን ድሺድ ካቂድኖ።

19 ጽላጸስ ጽፋትያ ጸፊድ፣ ማስቃልያ ቦላ  
ዋሊድ። እ ጸፊዳዌ፣ “አይሁዳቱ ካትያ፣  
ናዘራትያ የሱሳ” ያጌ።

20 የሱሳ ማስቃልያ ቦላ ምስማርያን  
ድሸቲድ ሱለቲዳ ሳኢይ ካታማ ማታን ደኢያ  
ድራው፣ ዳሮ አይሁዳቱ ሄ ጽፋትያ ናባቤድኖ።  
ጽፋቱ አብራይስጥ ቃላን፣ ሮማይስጥ ቃላን  
ግሪክ ቃላን ጻፈቲዳ።

21 ሄዋ ድራው፣ አይሁዳ ቄሳቱዋ ካፓቱ  
ጽላጸሳ፣ “ ሀ ብታኒ ባረና አይሁዳ ካትያ  
ያጌዳ፣ ጋደ ጻፋፕ እትን፣ ኦአይሁዳ ካትያ  
ጋደ ጻፎፕ” ያጌድኖ።

22 ጽላጸስ፣ “ታን ጸፊዳዋ ጻፋ ድጋድ”  
ያጌድ ዛሬዳ።

23 ዋታዳራቱ ማስቃልያ ቦላ ምስማርያን  
ድሸድ፣ የሱሳ ካቂዳዋፕ ጉይያን፣ እ ማዩዋ  
አኪድ፣ እይዳ ከሰ ሻኬድኖ፤ እት እት  
ዋታዳራ እት ሻኩ ጋኬዳ። እ አዲሳ ማዩዋካ  
አኬድኖ፤ አዲሳ ማዩ ሀሸያፕ ደሚድ፣ ዱገ  
ጋካናዉ የድ ማየትያዋፕ እትን፣ ቃንጸቲደ  
ስከትቤና።

24 ዋታዳራቱ እቱ እቱዋ፣ “አና ጋካንንቶ፣  
ሳማ ዋይ ኤጸ የጋናፕ እትን፣ ማዩዋ ፔቶኮ”  
ያጌድኖ። ሄዌ ሀይዳዌ ጸሳ ማጻፋይ፣ “ታ  
ማዩዋ ሻክ አኬድኖ፤ ታ አዲሳ ማዩዋን  
ሳማ የጌድኖ” ግያዌ ፖለታናሳ። ሄዋ ድራው፣  
ዋታዳራቱ ሄዋ ኦሌድኖ።

25 ሸን የሱሳ ማስቃልያ ማታን እ ዳያ፣  
አ እት ምቻታ፣ ቃልዮጸ ማቻታ ማይራማ  
ማግዳላ ጌተትያ ካታማፕ ዬዳ ማይራማ  
ኤቂድኖ።

26 የሱሳ ባረ ዳያን እ ሲቅያ ካልያዌ ሄዋን  
ኤቂዳዋንታ በኢድ፣ ባረ ዳዮ፣ “ሀ ሞሽራቱ፣  
ነ ናአ ሀዋ በአ!” ያጌድ።

27 ሄዋፕ ጉይያን፣ ሄ ካልያዋ “ነ ዳዮ ሀኖ  
በአ!” ያጌድ። ሄ ካልያዌ አዙ ሄ ሳትያፕ  
ደሚድ፣ ባረ ሲይ አፊድኖ።

የሱሳ ሀይቁዋ  
(ማቶሳ 27:45-56፤ ማር. 15:33-41፤  
ሉቃስ 23:44-49)

28 ሄዋፕ ጉይያን፣ የሱሳ ኡባባይ ሀቅ  
ፖለቲዳዋ ኤሪድ፣ ጸሳ ማጻፋይ ጌዳዌ ፖለታና  
ማላ፣ “ታና ሳማ” ያጌድ።

29 ሄ ሳኢን እት ጸጋ ኩሜዳ ጫላ ዋይንያ  
ኤሳይ ደኤ። ኢንቴንቴ እስፖንጅያ ሄ ዋይንያ  
ኤሳን የጊድ፣ ሀሰጽያ ጌተትያ ምሳ ጸራን  
ዋሊድ፣ የሱሳ ዳናኮ ሸሺድኖ።

30 የሱሳ ዋይንያ ኤሳ ጋንጽ በኤዳዋፕ  
ጉይያን፣ “ፖለቲዳ” ያጌድ።

የሱሳ ምይያ ቶራን ጫዳድኖ  
ቃይ ሄዋፕ ጉይያን፣ ባረ ሁጺያ ቶቺድ፣  
ባረ ሸምፑዋ እሚዳ።

31 ሄ ጋላሳይ አይሁዳቶ ገቢትያ ጋላሳ  
† ግድያ ድራውን ቃይ ሄ ሳምባታይ ዳሮ  
ቦንቾ ግድያ ድራው፣ ሳምባታን አሳቱዋ አሃይ  
ማስቃልያ ቦላ ፔሽና ማላ፣ ሱለቲዳ አሳቱዋ  
ሱይልያ ማንሊድ፣፣ ማስቃልያፕ ዋላና ማላ፣  
አይሁዳቱ ጽላጸሳ ዋሲድኖ።

32 ሄዋ ድራው፣ ዋታዳራቱ ዪድ፣ የሱሳና  
ሱለቲዳ ኮይሮ ብታንያ ሱይልያ ማንሊድኖ፤  
ቃይ አናና ሱለቲዳ ላኤኮ ብታንያ ሱይልያካ  
ማንሊድኖ።

33 ሸን የሱሳኩ ዬዳ ዋደ እ ሀይቂ ድጌዳዋ  
በኢድ፣ እ ሱይልያ ማንሊድክኖ።

34 ግድፕ፣ ዋታዳራቱዋፕ እቱ እ ምይያ  
ቶራን ጫዳድ። ኤለካ ሱሳይን ሃሳይ ጎግ  
እኤዳ።

35 ሀንተንቴ እማናና ማላ፣ ሀዋ በኤዳዌ  
ማርካቲዳ፤ እ ማርካትያዊካ ቱሙዋ፤ ቃይ  
ባረ ሃሳያይ ቱማ ግድያዋ እ ኤራዳ።

36 ሄዌ ሀይዳዌ ጸሳ ማጻፋይ፣ “አ  
ሙቀሳቱዋፕ እቱን ሙኤና” ጌዳዌ ፖለታናሳ።

37 ቃይካ ጸሳ ማጻፋይ ሀራይ፣ “አሳይ ባረ  
ጫዳዳዋ በአና” ያጌ።

የሱሳ ሞገቲዳ  
(ማቶሳ 27:57-61፤ ማር. 15:42-47፤  
ሉቃስ 23:50-56)

38 ሄዋፕ ጉይያን፣ አርማትያሳ ጌተትያ  
ካታማፕ ዬዳ ዮሴፎ የሱሳ አሃ አኪድ አፋናዉ  
ጽላጸሳ ዋሲድ፤ ዮሴፎ አይሁዳቶ ያዬዳ  
ድራው፣ አሳይ ኤሪናን የሱሳ ካልያዋ።

ዮሴፎ ዋሰና ጽላጸሳ፣ “አፋ” ያጌድ። ሄዋ  
ድራው፣ ዮሴፎ ቢድ፣ የሱሳ አሃ አፊድ።

39 ቃይ ጎቆድሞስ ሄዋፕ ካስ የሱሳኩ  
ቃማ ዬዳዌ፣ ካዋራናን ጎዳረ ኡላና ዋሳከቲዳ  
ኤይታማን እቺሹ ኪሎ ግራሙ ግድያዋ ከና  
ሸቱዋ ኦይቂ አኪድ፣ ዮሴፎና ዬዳ።

\* 19:17 “ጉግያሳ” ሄዋን አሳ ጉግያ ማላት መ□ቲዳ ዋጋ ሹቻይ ደኢያ ድራው፣ “ጉግያሳ ጌተቲዳ”። 19:24 ማዙ.  
22:18 19:28 ማዙ. 69:21፤ 22:15 † 19:31 አይሁዳቶ ገቢትያ ጋላሳ- ፓሰጋይ ሳምንታፕ እት ጋላሳ አዉደነ  
ግዳና ዳንዳዬ፤ ሸን የሃንሳ ሞሽራቆ ታማርሲያዋዳን፣ ፓሰጋ ዋዳ ሀናናዉ በሰያዌ፣ ላይላ ላይላን የሱሳ ማስቃልያን ካቅት  
ሀይቂዳ ሳምባታና ግዳና ኮሸ። ‡ 19:31 ሱለቲዳ አሳቱዋ ሱይልያ ማንሊድ- ሀ ዋጋይ ሮሙ ካወተላ ዋጋዳን፣  
ማስቃልያን ሱለቲዳ አሳቱ ኤለካ ሀይቃና ማላ ኦላያ ኦግያ ጉሳ። 19:36 ከሳ 12:46፤ ፓይ. 9:12፤ ማዙ. 34:20  
19:37 ዛካ. 12:10፤ ሳፃ 1:7

40 ህ ላኡ አሳቱ የሱሳ አሃ አኪደ፡ አይሁዳቱ አሃ ጸጽያ ዋጋዳን፡ ሸቱዋና ጋሊደ፡ ሞጉዋ አፍላን ጸጸድኖ።

41 የሱሱ ማሰቃልያ ቦላ ሞሰማርያን ድሸተደ ሱለቲዳ ሳኣን ዳር አትክልትያ ሳኣይ ደኤ፤ ህ አትክልትያ ሳኣ ግደን ሹቻ ዋጭ ከሴዳ ብር ኦንገ ሞገትቤና ኦራላ ዲፋ ደኤ።

42 ህ ዲፋ ማጋን ደኤያ ድራውነ ቃይ አይሁዳቱ ሳሞባታው ገገትያ ጋላሳ ግድያ ድራው፡ የሱሳ ያን ዋጭድኖ።

### 20

የሱሱ ሀይቁዋጥ ደንዴዳ

(ማቶሳ 28:1-8፤ ማር. 16:1-8፤ ሉቃሳ 24:1-12)

1 ዋጋ ጋላሰ ጉራን፡ ብር ዳብዳብያዋን፡ ማግዳላ ጌተትያ ካታማጥ ዬዳ ማይራማ የሱሱ ሞገቱዳ ዲፋዋኮ ባደ ሹቻይ ህ ጎንጎሎዋ ደናጥ ደንድክቼዳዋ በኣዲ።

2 ሰሞን ጸጽርሳኮን የሱሱ ሲቆያ የኮ ካልያዋኮ፡ እዛ ዋጸደ ባደ፡ “ዲፋዋጥ ጎዳ አፍ ድጌድኖ፤ ሀቃን አ ዋጭድኖንቶኮ ኦን ኤርኮ” ያጋዲ።

3 ሄዋ ድራው፡ ጸጽርሳኮን የኮ ካልያዋ አገደ፡ ዲፋዋኮ ቤድኖ።

4 ላኤካ እትጥ ዋጭድኖ፤ ሸን የኮ ካልያዋ ጸጽርሳጥ አድ ካሰቲደ፡ ህ ዲፋዋኮ ጋኬዳ።

5 ህ ካልያዋ ሆኪደ፡ ሞጉዋ አፍላ በኤዳ፤ ሸን ግደ ገልቤና።

6 ሰሞን ጸጽርሳኮን አ ካል ዪደ፡ ዲፋዋ ግደ ገሌዳ። ያቲደ ሞጉዋ አፍላይ ሄዋን ደኤያዋ በኤዳ፤

7 ቃይ የሱሳ ሀጺያን ጸጸት ኡቲዳ አፍላይ ህ ጸጸቲዳዋዳንካ ዲማ እት ሳኣን ደኤያዋ በኤዳ፤ ህ አፍላይ ዲማ ደኤጐ አትን፡ ሞጉዋ አፍላና እትጥ ደኤና።

8 ህ ዋደ፡ ካሰቲደ ጎንጎሎዋኮ ጋኬዳ የኮ ካልያዋ ገል በኢደ አማኤዳ።

9 የሱሱ ሀይቁዋጥ ደንዳናው በሰያዋ ኦድያ ጸሳ ማጸፋ ኤንቱንቱ ብር እኬክበይክኖ።

10 ሄዋጥ ጉይያን፡ ካልያዋንቱ ባረንቱ ጎለ ሰማደ ቤድኖ።

የሱሱ ማግዳላ ማይራምዉ ቤቲዳ

(ማቶሳ 28:9-10፤ ማር. 16:9-11)

11 ሸን ማይራማ ህ ዲፋዋ ደናን ኤቃደ ዬካደ ሆካደ ዲፋዋ ግደ ጸላዲ።

12 ቦላ ማዳዋ ማዬዳ ላኡ ከታንቻቱ የሱሳ አሃይ ግሴዳ ሳኣን እቱ ሀጺሳና እቱ ገድሳና ኡቲዳዋንታ በኣዲ።

13 ኤንቱንቱ እዘ፡ “ሞሸራቲ፡ አያዉ ዬካይ?” ያገደ ኦቼድኖ።

እዘ፡ “አሳቱ ታ ጎዳ አፍ ድጌድኖ፤ ኤንቱንቱ ሀቃን ዋጭድኖንቶኮ ታን ኤርኮ” ያጋዲ።

14 ሄዋ ጌዳዋጥ ጉይያን፡ ጉዩ ሰማ ጸላደ፡ የሱሱ ኤቁዳዋ በኣዲ። ሸን እ የሱሳ ግዳዳዋ እኬካበይኮ።

15 የሱሱ እዘ፡ “ሞሸራቲ፡ አያዉ ዬካይ? ኦና ኮያይ?” ያገደ ኦቼድኖ።

ማይራማ አትክልትያ ናግያዋ ጋደ፡ “ጎዳው፡ ኔን እኬዳዋ ግደጥ፡ አ ሀቃን ዋጭዳንቶ፡ ታዉ ኦደርኪ፤ ታን አ አካና” ያጋዲ።

16 የሱሱ እዘ፡ “ማይራማ” ያገደ። እ እኮ ሰማደ፡ እብራይስጢ ቃላን “ራቡኒ” ያጋዲ፤ ሄዋ ብለላይ “ታማርሰያዎ” ግያዋ።

17 የሱሱ እዘ፡ “ታን ብር ታ አዉዋኮ ባቤና ድራው፡ ታና ቦቾጥ፤ ሸን ታ አሻቱዋኮ ባደ፡ ታን ታ አዉዋኮን ሀንተንቱ አዉዋኮ፡ ታ ጸሳኮን ሀንተንቱ ጸሳኮ፡ ጥደ ባይ ጌዳ፤ ጋደ ኤንቱንቶ ኦዳ” ያገደ።

18 ማግዳላ ጌተትያ ካታማጥ ዬዳ ማይራማ ጎዳ በኤዳዋን እዘዉ እ ሄዋ ኦዳዳዋ ባደ ካልያዋንቶ ኦዳዲ።

የሱሱ ባረ ካልያዋንቶ ቤቲዳ (ማቶሳ 28:16-20፤ ማር. 16:14-18፤ ሉቃሳ 24:36-49)

19 ህ ዋጋ ጋላሰ ኦማርሰ፡ ካልያዋንቱ አይሁዳቶ ያዬዳ ድራው፡ ጥንግያ ጎርዲደ፡ ሸቆ ኡት ደኤሸን፡ የሱሱ ዪደ፡ ኤንቱንቱ ግዲዋን ኤቁደ፡ “ሳርተላይ ሀንተንቶ ግደ” ያጌዳ።

20 ሄዋ ጌዳዋጥ ጉይያን፡ ባረ ኩሽያን ባረ ሞይያ ኤንቱንታ በሴዳ፤ ካልያዋንቱ ጎዳ በኤዳ ዋደ ሎይሳ ናሽቲድኖ።

21 የሱሱ ላኤንሱዋ ኤንቱንቶ፡ “ሳርተላይ ሀንተንቶ ግደ፤ ታ አኮ ታና ኪቲዳዋዳን፡ ታንካ ሀንተንታ ከታይ” ያጌዳ።

22 ሄዋ ጌዳዋጥ ጉይያን፡ ኤንቱንቱ ቦላ ኡፋ ገደ ሸምፔዳ፤ ቃይ፡ “ጌሻ እያና አክተ።

23 ሀንተንቱ አቶ ጌዳ እሳ ናጋራይ አቶ ጌተታናዋ፤ ሀንተንቱ አቶ ጌናዋንቱ ናጋራይ አቶ ጌተተና” ያጌዳ።

የሱሳን ቶማሳ

24 ሸን ታማን ላኡ ካልያዋንቱጥ እቲ፡ ማንትያ ግያ ቶማሰ፡ የሱሱ ዬዳ ዋደ ኤንቱንቱና ባዋ።

25 ሄዋ ድራው፡ የኮ ካልያዋንቱ ቶማሳው፡ “ኦን ጎዳ በኤደ!” ያጌድኖ።

ሸን ቶማሰ ኤንቱንቶ፡ “ሞሰማርያን አ ጫደቲዳ አ ኩሽያን ደኤያ ማላ በኤናን ህ ማላ ታ ብራድያን ቦቼናን፡ ቃይ ታ ኩሽያ አ ሞይያን ዬዳ በኤናን ታን አማንከ” ያጌዳ።

26 ሳሞንታጥ ጉይያን፡ የሱሳ ካልያዋንቱ ቃይካ ጎለን ሸቆ ኡቲድኖ፤ ቶማሰካ ኤንቱንቱና ደኤ። ጥንገ ቃሽት ኡት ደኤሸን፡ የሱሱ ዪደ፡ ኤንቱንቱ ግዲዋን ኤቁደ፡ “ሳርተላይ ሀንተንቶ ግደ” ያጌዳ።

27 ሄዋጥ ጉይያን፡ የሱሱ ቶማሳ፡ “ኦ ኩሽያ ህ አሃደ፡ ታ ኩሽያ በኣ፡ ቃይ ኦ ኩሽያ ህ አሃደ፡ ታ ሞይያን ዬዳ በኣ፡ ኔን አማንያዋ ግደጥ አትን፡ አማንናዋ ግደጥ!” ያጌዳ።

28 ቶማሰ ዛሪደ፡ “ታ ጎዳው፡ ታ ጸሳዉ!” ያጌዳ።

29 የሱስ፡ “ኔን ታና በኤዳ ድራሬ አማናዳ፤ በኤናን አማኔዳዋንቱ አንጀቲዳዋንታ” ያጌዳ።

U ማጻፋ ቆፋ

30 የሱስ U ማጻፋን ጻፈትቤና ሀራ ዳር ማላታቱዋ ባረና ካልያዋንቱ ሰንሳን ኦሌዳ።

31 ሽን የሱስ፡ እ ክርሰቶሳ፡ ጸሳ ናኣ ገድያዋ ሀንተንቱ አማናና ማላን፡ ቃይ እ አማኒደ እ ሱንሳን ደኡዋ ሀንተንቱ ደማና ማላ፡ ሀዌ ጻፈቲዳ።

## 21

የሱስ ላፑ ካልያዋንቶ ቤቲዳ

1 ሄዋፕ ጉይያን፡ የሱስ ጽብርያደሳ ጌተትያ አባ ጋጸን ባረ ካልያዋንቶ ላኤንሱዋ ቤቲዳ። እ ኡንቲንቶ ሀዋደን ቤቲዳ።

2 ሰሞን ጸጽሮሰን ማንትያ ጌተትያ ቶማስ፡ ቃና ጋለላፕ ዬዳ ናትናኤል፡ ዛብድኖሳ ናናይን

\* የሱሳ ካልያዋንቱፕ ሀራ ላኦቲ እትፕ ደኢኖ።

3 ሰሞን ጸጽሮሰ ኡንቲንቶ፡ “ታን ሞልያ ኦይቃናዉ ባይ” ያጌዳ።

ኡንቲንቱ፡ “ኑንካ ኔናና ባና” ያጌደ፡ ከሲደ ዋንግርያ ግደ ገሌድኖ፤ ሽን ኡንቲንቱ ሄ ጋላሰ ቃማ ሞልያ አይነ ኦይቁበይክና።

4 ዋንትያ ዋደ አዋይ ከሳናፕ ካሰ፡ የሱስ አባ ጋጸን ኤቄዳ፤ ሽን እ ካልያዋንቱ የሱሳ ግዴዳዋ ኤርበይክና።

5 የሱስ ኡንቲንታ፡ “ናቶ፡ ሞልያ ኦይቁበይክና?” ያጌዳ።

ኡንቲንቱ ዛሪደ፡ “እይነ ኦይቁበይኮ” ያጌድኖ።

6 እ ዛሪደ፡ “ሀንተንቱ ዳባ ዋንግርያፕ ኡሸቻ ባጋኮ የግተ፤ አማሬዳዋ ሀንተንቱ ኦይቃና” ያጌዳ። ሄዋ ድራሬ፡ ዳባ ኡሸቻ ባጋኮ የግና፡ ሞሊ ዳራዳ ድራሬ፡ ጎቶ ከሳናዌ ኡንቲንታ ጸኔዳ።

7 የሱስ ሲቅያ እ ካልያዌ ጸጽሮሳ፡ “ሀዌ ጎዳተኔ!” ያጌዳ። ሰሞን ጸጽሮሰ ጎዳ እ ግዴዳዋ ሰሴዳ ዋደ፡ ካሎ ደኢያ ድራሬ፡ ባረ ማዋዋ ማዌደ፡ አባ ግደ ጉፕ ገሌዳ።

8 ሽን የኮ ካልያዋንቱ ሞሊ ኩሞ ኡቲዳ ዳባ ጎቹደ፡ ዋንግርያን አባፕ ጋጸ ከሴድኖ፤ ኡንቲንቱ አባፕ ላኦ ጾቱ ዋቆ ኬና ሃኪደ ደኢኖፕ አትን፡ ሎይሰ ሃኪደ ደኢክኖ።

9 ኡንቲንቱ አባፕ ጋጸ ከሴዳ ዋደ፡ ጸጸጸንላ ቦንቁዋን ሞሊ ደኢያዋን ኡክሳ በኤድኖ።

10 የሱስ ኡንቲንታ፡ “ሀእ ሀንተንቱ ኦይቄዳ ሞልያፕ አማሬዳዋ ሃሞተ” ያጌዳ።

11 ሰሞን ጸጽሮሰ ዋንግርያን ገሊደ፡ ጾታን አሻታማን ሄዙ ዋጋ ሞላቲ ኩሞ ኡቲዳ ዳባ ጎቹደ፡ አባፕ ጋጸ ከሴዳ፤ ሞሊ ሄዋ ኬና ዳር ግድናካ ዳባይ ዳከትቤና።

12 የሱስ ኡንቲንታ፡ “ሀ ዪደ፡ ቃንኢያ ቃንኢተ” ያጌዳ። የሱሳ ካልያዋንቱፕ አቲነ።

“ኔን ኦኔ?” ገደ እ ኡቻናዉ ጸልቤና፤ አያዉ ጎፕ፡ ጎዳ እ ግዴዳዋ ኡንቲንቱ ኤሬድኖ።

13 የሱስ ዪደ፡ ኡክሳ እኪደ፡ ኡንቲንቶ አማዳ፤ ሞልያካ ሄዋዳን አማዳ።

14 የሱስ ሀይቁዋፕ ደንዴዳዋፕ ጉይያን፡ ባረ ካልያዋንቶ ቤትሽን ሀዌ ሄዘንሱዋ።

የሱሳን ጸጽሮሳ

15 ኡንቲንቱ ቁማ ማዳዋፕ ጉይያን፡ የሱስ ሰሞን ጸጽሮሳ፡ “የሃንሳ ናኣ ሰሞና፡ ታና ሀዋንቱፕ አላደ ሲቃይ?”† ያጌዳ።

ሰሞን ጸጽሮሰ፡ “ኤ ጎዳሬ፡ ታን ኔና ደሰያዋ ኔን ኤራሳ” ያጌዳ።

የሱስ አ፡ “ታ ደርሳ ማራቱዋ ሄማ” ያጌዳ።

16 የሱስ ቃይካ፡ “የሃንሳ ናኣ ሰሞና፡ ታና ሲቃይ?” ያጌዳ።

ሰሞን ጸጽሮሰ፡ “ኤ ጎዳሬ፡ ታን ኔና ደሰያዋ ኔን ኤራሳ” ያጌዳ።

የሱስ፡ “ታ ደርሳቱዋ ሄማ” ያጌዳ።

17 የሱስ ሄዘንሱዋ፡ “የሃንሳ ናኣ ሰሞና፡ ታና ደሳይ?” ያጌዳ።

የሱስ ሄዘንሱዋ ሰሞን ጸጽሮሳ፡ “ታና ደሳይ?” ያጌደ ኦቹዳ ድራሬ፡ ጸጽሮሰ ከዮቲደ፡ “ጎዳሬ፡ ኔን ኡባባ ኤራሳ፤ ታን ኔና ደሰያዋ ኔን ኤራሳ” ያጌዳ።

የሱስ፡ “ታ ደርሳቱዋ ሄማ።”

18 ታን ነዉ ቱሙዋ ኦዳይ፤ ኔን ዋዳላተላን ደኢያ ዋደ፡ ነ ጾሳን ሳቄያ ኔረካ ደንጫደ፡ ኔን ኮዬዳሳ ባሳ፡ ሽን ጭማዳዋፕ ጉይያን፡ ነ ኩሽያ ሞጫ በሳሳ፡ ኔና ሀራ ኡራይ ዳንጭሳናዋ፤ ኔን ደሰናሳካ አፊ” ያጌዳ።

19 የሱስ ሄዋ ጸጽሮሰ አይ ማላ ሀይቁዋ ሀይቁደ፡ ጸሳ ቦንቶሳንንቶን ኤርሳናዉ ጌዳ፤ ቃይ ሄዋ ጌዳዋፕ ጉይያን፡ የሱስ ጸጽሮሳ፡ “ታና ካላ” ያጌዳ።

የሱሳን የኮ ካልያዋ

20 ጸጽሮሰ ጉዮ ሰሚደ፡ የሱስ ሲቅያ ካልያዌ ባረፕ ጉዮና ይያዋ በኤዳ፤ ሄ ካልያዌ ካዉዋ ምያ ሳኣን የሱሳኮ ሸቄደ እ፡ “ጎዳሬ፡ ኔና አሐ አማናዌ ኦኔ?” ያጌዳዋ።

21 ጸጽሮሰ ሄ ካልያዋ በኢደ የሱሳ፡ “ጎዳሬ፡ ሀ ብታኒ ቃይ ዋናኔ?” ያጌዳ።

22 የሱስ አ፡ “ታን ያና ጋካናዉ እ ደኢና ማላ ታን ኮዮፕ፡ ሄዋ ኔና አያ ሙቲ? ኔን ታና ካላ” ያጌዳ።

23 ሄዋ ድራሬ፡ ሄ ካልያዌ ሀይቀና ግያ ሃሳያይ እሻቱዋ ኡባኮ ጋኬዳ፤ ሽን የሱስ፡ “ታን ያና ጋካናዉ፡ እ ደኢና ማላ፡ ታን ኮዮፕ፡ ኔና አያ ሙቲ?” ጌዳዋፕ አትን፡ “ሀይቀና” ግቢና።

24 ሄ የዉዋባ ማርካቲዳዌን ቃይ ሄዋ ጸፊዳዌ ሄ ካልያዋ እ ማርካተሳይ ቱማ ግድያዋ ኑን ኤሬቶ።

25 የሱስ ኦሌዳ ሀራ ዳርባይካ ደኤ፤ ኡባባይ ሀ-ጲያን ሀ-ጲያን ጸፈትንቶ፡ ጸፈትያ

\* 21:2 ዛብድኖሳ ናና- እሻቱዋ ግዴዳ ያቆሳን የሃንሳ። “ታና ሀ የዋቱዋ ሲቅያዋፕ አላደ ሲቃይ?” ጉሳ።

† 21:15 “ታና ሀዋንቱፕ አላደ ሲቃይ?” ሀዋ ጉሳይ።

ማጻፋቶ ሀ ሙሉ ከላሚ ግዳናዋ ታዉ  
ማላተና።

ጳውሎስ ኪተቲዳ ኦሎ ሄዘንሎ ሀመታ  
18:23—21:16  
የሩሳላሙን፣ ቄሳርያንን ርመን ሁኔዳ  
ጳውሎስ ቃሹቀ 21:17—28:31

### የሱስ ኪቴዳዋንቱ ኦሎቀ ገሎቀ

የሱስ ኪቴዳዋንቱ ኦሎቀ ጌተትያ ማጻፋይ፡ ሉቃስ ምሽራቹዋ ካለደ ጸፈቲዳ ማጻፋ፡፡ እው ደእያ ሁጳ ቆፋይ ኮይሮ የሱሳ ካሌዳ አሳቱ ጌሻ እያናን ካለሰቲይ፡ አባ ኦድያ ምሽራቹዋ ቃላ “የሩሳላሙን፣ ይሁዳ ጋድያ ኡባን፣ ሳማርያን፣ ሳኦ ጋጾ ጋካናው” ምሽራቹዋ ቃላ ዋት ጋድያ ኡባ ጋጼደንቶ ኦዳናሳ (ኪታ 1:8)፡፡ ማጻፋይ ክርስትና እማኑ እይሁዳ አሳቱዋ ግደን ደመቲይ፡ ኩመንላ አላምያን ደእያ አሳ ኡባ እማኑዋ ግዳና ጋካናው ዋን እኩደንቶ ኦድያ ታርክያ፡፡ ጸፊ፡ አማንያ አሳቱ ሮማ ካውተላ ኦዳናው ጋርሳና ማቅትያ አሳ ግደናዋን ክርስትና እማኑ እይሁዳቱዋ እማኑዋ ኩመንላ ኦልያዋ ግድያዋ ኤርሳናው ዳርሰ ዳቡሪይ ኦልዳ፡፡

የሱስ ኪቴዳዋንቱ ኦሎ የሱሳባ ኦድያ ምሽራቹዋ ቃላይ ጋክያ ሳእይ ዋድያን ዋድያን እክ እክ ብያዋን ዋሳ ገሊ ኤቁዳዋ ቆንጭሰያዋ ሄዙ ሁጳ ሳን ሻካናው ዳንዳየቲ፡

1. ክርስትና እማኑ የሱስ ሳሉዋ ፑደ ብ ሰምና ደመቲዳባ፤
2. እስራኤልያ ጋድያ ኡባ ጋኩዳባ፤
3. ሮመ ጉጂደ ሜድትራንያ አባ የሹዋን ደእያ ጋድያን እኩዳዋ ኦዳ፡፡

የሱስ ኪቴዳዋንቱ ኦሎቀ ማጻፋን ዳርፕ ኤሪቶዋ ጌሻ እያና ኦሎቀ ግድሽን፡ ጳንጸቆስተ ጋላሰ የሩሳላሙን ደእያ አማንያዋንቱ ቦላ ዋልቃፕ አ ዋዴዳዋ፡ ሀዋዳንካ ማጻፋ ግደን ኦድቲዳ አሳቱዋ ኡባን ቤቲዳዋድን፡ ጌሻ እያናይ ዋሳ ጎልያን ዋሳ ጎልያ ካለላያዋንታ ካለሌዳዋን ምንሴዳዋ ጉጂደ ኦዳ፡፡ በን ዋደ ኦስትያ ክርስትና ከታይ ዳማ ዳማ ኦዳዳ ቃላ ግደፕ ማጽ ከሰና፡ ቃንሳን ሸቄዳ፡፡ የሱስ ኪቴዳዋንቱ ኦሎቀ ግደን ፖሊቲዳ ከታቲካ ሄ ኦሎ አማንያ አሳ ደኡዋን እማንያዋንቱ እትፕተላን ደእያ ዋልቃይ እይ ኬና ዳረንቶ ኦዳ፡፡

**ሸምጋቲዋ ኡባቶ እመቲዳ ቃንሳ ቆፋቲዋ**  
ማርካተላው ጊፕዋ 1:1-26  
ወርሰላን የሱስ እሜዳ አዛዙዋን ሀደታ 1:1-14

ይሁዳ ኮታ ገሌዳዋ 1:15-26  
የሩሳላሙን ኦስቲዳ ማርካተላ 2:1—8:3  
ይሁዳንን ሳማርያን ኦስቲዳ ማርካተላ 8:4—12:25

ጳውሎስ ኪተቲዳ ኦሎቀ 13:1—28:31  
ጳውሎስ ኪተቲዳ ኦሎ ኮይሮ ሀመታ 13:1—14:28

የሩሳላሙ ሸቆዋ 15:1-35  
ጳውሎስ ኪተቲዳ ኦሎ ላኤንሎ ሀመታ 15:36—18:22

1-2 ቶፍሎሳ፡ የሱስ ሳሉዋ ቤዳ ጋላሳይ ጋካናው፡ አላናውን ታማርሳናው ደሚዳዋ ኡባባ ታን ታ ኮይሮ ማጻፋን \* ጸፋድ፡፡ ሳሉዋ ባናፕ ካስ እ ባረ ዶሪደ ኪቴዳዋንታ ጌሻ እያናን አዛዜዳ፡፡

3 እ ባረ ኪቴዳዋንቶ ኦይታው ጋላሳ ቤቲድን ቃይ ጸሳ ካውተላባ ኡንቲንቶ ኦዳይ፡ ባረ ዋይያፕ ጉይያን፡ ሀይቁዋፕ ደንዴዳዋ ሰ ሳይናን ሎይላ አማንላይ፡ ባረና ኡንቲንታ በሴዳ፡፡

4 ኡንቲንቲና እትፕ ደኢይ፡ ኡንቲንታ ሀዋዳን ያጊደ አዛዜዳ፤ “የሩሳላሙፕ ከሶፕተ፤ ሸን ህንተንቲ ታፕ ሰሴዳ ታ ኦሎ ህንተንቶ አማና ጊደ ሀይቲዳዋ ናግተ፡፡

5 አያው ሳፕ፡ ዮሃንስ ሃላን ጸማቄዳ፤ ሸን ጉላ ዋድያፕ ጉይያን፡ ጌሻ እያናን ህንተንቲ ጸማቀታንታ” ያጊደ፡፡

የሱስ ሳሉዋ ቤዳ  
(ማር. 16:19-20፤ ሉቃስ 24:50-53)

6 የሱስ ኪቴዳዋንቱ የሱሳና ጋከቲዳ ዋደ አ፡ “ጎዳው፡ ሀ ዋድያን እስራኤላቶ ካውተላ ዛራኒ?” ያጊደ ኦቹድና፡፡

7 የሱስ ኡንቲንታ፡ “ታ ኦሎ ባረ ጎዳተላን ኬራዳ እገናን ዋድያ ህንተንቲ ኤራናሳ ግደና፡፡

8 ሸን ጌሻ እያናይ ህንተንቲ ቦላ ዋድያ ዋደ፡ ዋልቃ ህንተንቲ አካንታ፤ ያቲደ የሩሳላሙንን ይሁዳ ጋድያ ኡባን፡ ሳማርያንን ጋድያ ጋጾ ኡባ ጋካናው ታው ማርካትያዋንታ ግደንታ” ያጊደ፡፡

9 ሃዋ ጌዳዋፕ ጉይያን፡ ኡንቲንቲ ዴልሸን፡ ቶቁ ቶቁ ጊደ፡ ሳሉዋ ቤና፡ ኡንቲንቲ እይፍያፕ ሻሪ አ ገላዳዳ፡፡

10 የሱስ ቦላው ደንድያ ዋደ፡ ኡንቲንቲ ሳሉዋ ጫድ ዴልሸን፡ ቦላ ማዩዋ ማዩዳ ላኤ አሳቱ ኤላካ ኡንቲንቲ ማጋን ኤቁደ፡፡

11 “ጋሊላ አሳቶ፡ ሳሉዋ ዴሊደ፡ ህንተንቲ እያው ኤቁድቲ? ሀ ህንተንቲፕ ሳሉዋ ቤዳ የሱስ ሳሉዋ ብያዋ ህንተንቲ በኤዳዋዳንካ፡ ሰሚደ ያናዋ” ያጊደና፡፡

ይሁዳ ኮታ ማትያስ ደረቲዳ  
(ማቶሳ 27:3-10)

12 ሃዋፕ ጉይያን፡ የሱስ ኪቴዳዋንቲ ደብረ ዛይተ ጌተትያ ዋጋራ ሞላ ደርያፕ የሩሳላሙ ሰሚድና፡፡ ዋጋራ ሞላ ደሪ የሩሳላሙፕ እት ከሎ ሞትርያ ከና፡፡

13 የሱስ ኪቴዳዋንቲ የሩሳላሙ ገሊደ፡ ባረንቲ ደእያ ሳኦ ቶቁ ፑደ ከሴድና፤ ያ ከሴዳዋንቲ ሱንሳይ ጳጵርሳ፡ ዮሃንሳ፡ ያቆባ፡ እንድራሳ፡ ፕልጶሳ፡ ቶማሳ፡ ባርታላሞሳ፡፡

1:1-2 ሉቃስ 1:1-4 \* 1:1-2 ታ ኮይሮ ማጻፋን- ሉቃስ ምሽራቹዋ ማጻፋ፡፡ 1:4 ሉቃስ 24:49 † 1:13 ባረ ጋድያው ሴላትያ- ሀ ሱንሳይ ካላፕ ሮመ አሳና ኤቀቲደ ኦሎቲዳ እይሁደ አሳው እመቲዳዋ፡፡

ማቶሳ፣ እልጥሶ ሩኣ ያቆባ፣ ባረ ጋድያወ ሴለትያ ተ ሰሞናን ያቆባ ሩኣ ይሁዳ።

14 ሀዋንቴ ኡባቴ ማጫዋንቴና፣ የሱሳ ዳይ ማይራምናን የሱሳ እሻቱዋን ኡባይ እት ዋዛና ግዲደ፣ ኡባ ዋይ እትጥተላን ዋሳወ ሸቋና።

15 ሄ ዋይ፣ ጸጽሮስ ጴጥን ላታማ ግድያ እማንያ እሳ ሸቁዋን እትጥ ደእያ ባረ እሻቱዋ ግዲን ደንድ ኤቁደ፣ ሀዋዳን ያጌዳ፤

16 “ታናዳን እማንያዋንቶ፣ የሱሳ ኦይቁዳዋንታ ካለጴዳ ይሁዳባ ጌሻ እያናይ ካሰ ዳቀተ ድናን ኦዴዳ ጸሳ ማጻፋ ቃላይ ፖለታናወ በሴ።

17 እያወ ጎጥ፣ ይሁዳ አሰቆሮቱ ኑናና ደኤ፤ ቃይ ኑናና እቱዋ ግድ ፓይደቲደ ኦሎቀ ባገይ ደእና ማላ ደረቲዳ” ያጌዳ።

18 ይሁዳ አሰቆሮቱ ባረ ኢታ ኦሎቀን ደሜዳ ሚሻን ጋድያ ሻሜዳ፤ ሰንሳወ ጉፋኒደ ከንድና፣ እ ኡሎ ግዲዋጥ ዳከቲዳ፤ እ ማራጫ ኡባይካ ካረወ ጸ-ልጸት ከሰ አጌዳ።

19 ይሁዳ ቦላ ሀይዳዋ የሩሳልሙን ደእያ አሳይ ኡባይ ሰሴዳ፤ ሄዋ ድራወ፣ ሄ ጋድያ ባረንቴ ቃላን እከልዳማ ገደ ሰንሳድና፤ ሄዋ ብለሳይ ሱሳ ጋድያ ግያዋ።

20 ጸጽሮስ ኦዲደ፣ እያወ ጎጥ፣ ማዝሙርያ ማጻፋን፣ አ ጎሊ ሙላ አቶ፤ አንነ ሄዋን ደኦፕ

ቃይ

እ ሱንሳተላካ ሀራይ አኮ

ጌተቲደ ጸፈቲዳ።

21-22 ሄዋ ድራወ፣ እት አሳይ ጎዳ የሱሳ ደንዲዋ ማርካታናወ፣ ኑናና ጋከታናወ በሴ፤ የሃንሰ ጸማቁዳ ዋድያጥ ደሚደ፣ የሱሰ ኑጥ ሳሉዋ ቤዳ ዋዲ ጋካናወ፣ ጎዳ የሱሰ ኑናና ሀሙቴዳ ዋድያ ኡባን እ ኑናና ደእያዋንቴጥ አቱዋ ግድ ሱንጋታናወ በሴ።

23 ሄዋጥ ጉየ እማንያ አሳይ ዶሮ የሰጸሳ ግያ ባርሳባ ጌተትያ የሴፎን ማትያሳ ላኡዋ ኤሴድና።

24-25 ሄዋጥ ጉይያን፣ ጸሳ ዋሲደ፣ “ኡባ ዋዛና ኤርያ ጎዳወ፣ ይሁዳ አሰቆሮቱ ባረሳ ባናወ የጌይ ቤዳ ኦሎቀን የሱሰ ኪቴዳ ኦሎቀ ሀዳራ እካናዳን፣ ሀ ላኡ አሳቱዋጥ አቱዋ ኔን ደራዳዋ ኑና በሳ” ያጌድና።

26 ኡንቴንቴን ሳማ የጌድና፤ ሳማይ ማትያሳ ቦላን ዋድና፣ ማትያሳ የሱሰ ኪቴዳ ታማን እት ከተታዋንቴና ፓይደቲዳ።

## 2

የሱሳ ካልያዋንቴ ቦላ ጌሻ እያና ዋሳ

1 ጸንጸቆስተ\* ግያ ጋላሳይ ጋኬዳ ዋይ፣ እማንያዋንቴ ኡባቴ እትጥ ግዲደ፣ እትሳ ሸቅ ደእሸን።

2 ዋልቃማ ጎቱዋዳን ጉምያ ጉንሳይ ዋዛና አሰናን ሳሉዋጥ ዪደ፣ ኡንቴንቴ ኡቴዳ ጎልያ ኡባ ኩሜዳ።

3 ቃይ ታማ ላጩዋዳን ፖዲግያዋ ኡንቴንቶ በቲይ፣ ሻከት ሻከት፣ ኡንቴንቴ ኡባ ቦላ ዋዲዳ።

4 ኡንቴንቴ ኡባን ጌሻ እያናይ ኩሚደ፣ ዲማ ዲማ ቃላን ሃሳያና ማላ፣ ኡንቴንታ ዳንደይሰና፣ ሃሳያ ደሚድና።

5 ሳኣን ደእያ እሳ ዘረላ ኡባጥ ዪደ፣ ጸሳወ ያይያ እትጥ ደእያ እይሁዳቴ የሩሳልሙን ደእኖ።

6 ሀ ጉንሳ ሰሴዳ ዋይ፣ አሳይ ኡባይ ሸቁዳ፤ ኡንቴንቴ ባረንቴ ቃላን ቃላን ሃሳይሸን ሰሴዳ ድራወ፣ ግያዋ ጸዬድና።

7 አሳይ ኡባይ ማለላቲደን ሀዋ ኦራላባ ጌደ፣ “በእት፣ ሀ ሃሳይያዋንቴ ኡባቴ ጋለላ አሳቱዋ ግድክና?”

8 ያትና፣ ኑን ኑ የለቲዳ ጋይ ቃላን ኡንቴንቴ ሃሳይሸን ዋኒደ ሰሴቶ?

9 ኑን ጸርተ አሳቱ፣ ሚደን አሳቱ፣ ኤላሜጸ አሳቱ፣ ላኡ ሻፋቱዋጥ ግዲዋን ደእያዋንቴ፣ ይሁዳን፣ ቃጸደቅያን፣ ጸንጸሳን፣ ኤሴያን።

10-11 ፕርግያን፣ ጵንፍልያን፣ ግብጽን፣ ቀሪና ባገን ደእያ ሊብያ ዋራዳቱዋን ደእያዋንቴ፣ ሮሙጥ ዬዳ እማሳቱ፣ እይሁዳቴ፣ እይሁዳተላወ ላሙቴዳ ኑጥ እማራዳዋንቴ፣ ቃርጾስ አሳቱ፣ አራብያ አሳቱ፣ ጸሳይ ኦጴዳ ዋልቃማ ኦሎቀ ኑ ቃላን ኡንቴንቴ ሃሳይሸን ሰሴዳ” ያጌድና።

12 ኡባይካ ማለላቲደ፣ የወ ባረንቶ ገለናን እጽና ባረንቴ ግዲን፣ “ላ ሀዋ ዋግያዋ?” ያጌድና።

13 ሸን ሀራ አሳቱ እማንያዋንቴ ቦላን ቅሊጫደ፣ “ሀዋንቴ ኡሺደ ማላቲድና” ያጌድና።

ጸጽሮሳ ሃሳያ

14 ሸን ጸጽሮስ፣ የሱሰ ኪቴዳ ሀራ ታማን እት ከተቶዋንቴና ደንድ ኤቁደ፣ ባረ ኮሻ ቶቁ ኦሊደ፣ ኡንቴንቶ ሀዋዳን ያግ ኦዴዳ፤ “እይሁዳቶ፣ ቃይ የሩሳልሙን ደእያ ኡባቶ፣ ታን ኦድያዋ ሰስተ። ሀዋ ሀንተንቶ ኤረቶ፤ ሀንተንቴ ቆጥያዋዳን፣ ሀዋንቴ ማላቲይክና።

15 እያወ ጎጥ፣ ዋንታ ሰር ሄዙ ሳተ ግዴ።

16 ሸን ሀዋ ናብያ ኢየኤል ሃሳይዳዋ።

17 “እ ሃሳይደ፣ ጸሳይ ሀዋዳን ያጌደ፤ ዋድያ ዉርሰላን ሀዋዳን ሀሩናዋ።

ታን እሳ ኡባ ቦላን ታ እያና ጉሳና። ሀንተንቴ አቱማ ናናይን ሀንተንቴ ማጫ ናናይ

ትምቢትያ ኦዳናዋንታ። ሀንተንቴ ዋዳላ ናናይካ ሳፃ በእናዋንታ፤ ሀንተንቴ ጭማቱካ አኩሙዋ አኩሙታናዋንታ።

18 ሄ ጋላሳቱን ታ አቱማ ቆማቱዋ ቦላንን ታ ማጫ ቆማቱዋ ቦላን

ታን ታ እያና ጉሳና። ሄዋጥ ጉየ ኡንቴንቴ ትምቢትያ ኦዳናዋንታ።

1:20 ማዝ. 69:25፤ 109:8 \* 2:1 ጸንጸቆስተ- እይሁዳያ አሳይ ፓሰጋ ባላ ቦንቾደጥ እሻታሙ ጋላሳይ እድ ሰሞና ቦንቾትያ ዘርጋ ቆይቻ ባላ ጌተትያዋ። 2:1 ዋጋ 23:15-21፤ ዛረ. 16:9-11 2:17 እደ. 2:28-32

19 ቃይ ታን ቦላ ሳሉዋን ኦራላባ፡፡  
 ጋርሳ ሳንካ ማላታ በሳና፡፡  
 ሱላይ፡ ታማይነ ሻርያዳን፡፡  
 ካሜዳ ጩዋይ ደክና፡፡

20 ዋልቃማነ ቦንቾ ግዴዳ ጎዳ ጋላሳይ፡፡  
 ጋካናፕ ካሰ አዋይ ጁማና፤  
 አገናይካ ሱላ ማላታና፡፡

21 ሄ ዋይ ሀዋዳን ሀናናዋ፤  
 ጎዳ ሱንሳ ጸሰያ ኦንነ አታና፡፡  
 ያጌዳ፡፡

22 “አሰራኤልያ አሳቶ፡ ሀ ቃላ ሰሰተ፤  
 ናዘራትያ የሱሰ ህንተንቱ ግድን ጸሳይ ባረናን  
 ኦሌዳ ዋልቃማ ኦሱዋን፡ ኦራላባንነ ማላታን  
 ህንተንቶ ጁሽሴዳ አሳ፤ ሄዋ ህንተንቱካ  
 ኤሪታ፡፡

23 የሱሰ ህንተንቶ አመታና ማላ፡ ጸሳይ  
 ካሰ ባረ ሸንያንነ ባረ ኤራን ባረ ቆፋ ቃቾ  
 ዋሌዳ፤ ያትና፡ አ ህንተንቱ ናጋራንቻቱዋ  
 ኩሽያን ማሰቃልያ ቦላ ሞሰማርያን ጅሽሴዳ፡፡  
 ካቅሰ ዋጅሴድታ፡፡

24 ሸን ሀይቁ የሱሳ ኦይቃናው ዳንዳይቤና  
 ድራው፡ ጸሳይ ሀይቁዋ ሱላ አፕ ጳይሲደ፡ አ  
 ደንሌዳ፡፡

25 አያው ጎፕ፡ ዳዊተ የሱሳባ ሀዋዳን  
 ያጌዳ፤  
 “ ታን መቶተናዳን፡  
 ጎዳይ ታ ኡሽቻን ደእያ ድራው፡  
 ታን ኡባ ዋይ ጎዳ ታ ማታን በአይ፡፡

26 ሄዋ ድራው፡ ታ ዋዛናይ ናሽቲዳ፤  
 ታ እንጸርሳንካ ናሽቻይ ኩሜዳ፡፡  
 ቃይ ታ ቦላይካ ሎኦ ደክና ጌደ፡፡  
 ናሽቻን ናጌ፡፡

27 አያው ጎፕ፡ ታ ሸምቸዋ፡፡  
 ሰኦልያን አጋካ፡፡  
 ቃይ ነ ጌሻ ናኦ አሃካ ዋቀላካ፡፡

28 ኔን ታና ደኡዋ አግያ ኤርሳዳ፡፡  
 ኔን ታናና ደእያዋን፡፡  
 ታን ዳሪ ናሽታይ፡፡  
 ያጌዳ፡፡

29 “አሻቶ፡ ኑ አዎቱዋ ካቸዋ ዳዊተባ ታን  
 ህንተንቶ ጌሻደ ኦዳናው በሴ፤ ዳዊተ ሀይቁደ  
 ሞገቲዳ፤ አ ዱፋ ሆቼ ጋካናውካ ኑ ማታን  
 ደኤ፡፡

30 ዳዊተ ናብያ ግዴዳ ድራውነ ጸሳይ አ ናና  
 ዘረሳፕ አቱዋ አ ካውተላ ኦይድያን ኡትሳናው  
 አው ጫቁዳዋ ኤራዳ ድራው፡፡

31 ክርሰቶሳ ደንዲዋ ሰንጻው ጸሊደ፡ ኦኦ  
 ሸምቸ ሰኦልያን አትቤና፤ አ ቦላይካ ዋቂቤና፡፡  
 ጌደ ኦዴዳ፡፡

32 “ጸሳይ የሱሳ ሀይቁዋፕ ደንሌዳዋ ኑን  
 ኡባይ ማርካ፡፡

33 ሄዋ ድራው፡ ጸሳይ ባረፕ ኡሽቻ ባጋን  
 † አ ጶቁ ጶቁ ኦሌደ፡ አው ጌሻ አያና አማና  
 ጌዳዋዳን፡ ጌሻ አያና አኪደ፡ ሀዋ ህንተንቱ  
 ሀኢ በእያዋነ ሰሰያዋ ኑ ቦላ ጉሴዳ፡፡

34-35 “አያው ጎፕ፡ ዳዊተ ባረ ሀጸው  
 ሳሉዋ ከሰቤና፤ ሸን ያጌዳ፤  
 “ ጎዳይ ታ ጎዳ፤ “ታን ነ ሞርከቱዋ፡፡  
 ኔን ገድያን የቆ ኤቂያዋ ኦላና ጋካናው  
 ሀዋን ታፕ ኡሽቻ ባጋና ኡታ” ጌዳ፡፡  
 ያጌዳ፡፡

36 “ሄዋ ድራው፡ ጸሳይ ማሰቃልያ ቦላ  
 ሞሰማርያን ሀ ህንተንቱ ጅሽደ ካቁዳ የሱሳ  
 ጎዳነ ክርሰቶሳ ኦሌዳዋ አሰራኤልያ አሳ  
 ዘረሳይ ኡባይ ቱሙፕ ኤር” ያጌዳ፡፡

37 አሳይ ጸጽሮሰ ጌዳዋ ሰሴዳ ዋይ፡፡  
 አሳው ዋዛናይ ዳርፕ ቦሽትና፡ ጸጽሮሳነ የሱሰ  
 ኪቴዳ ሀራቱዋ፡ “ኑ አሻቶ፡ ያትና ኑን አያ  
 ኡዳዲን?” ያጌድና፡፡

38 ጸጽሮሰ ኡንቱንታ፡ “ህንተንቱ ናጋራይ  
 አቶ ጌትታና ማላ፡ ናጋራፕ ሰሚደ፡ ህንተንቱ  
 ሁጲያን ሁጲያን የሱሰ ክርሰቶሳ ሱንጻን  
 ጸማቀትተ፡፡ ጸሳይ አምያ ጌሻ አያና ህንተንቱ  
 አካና፡፡

39 አያው ጎፕ፡ ጸሳይ አማና ጌዳ ቃላይ  
 ህንተንቱሳ፡ ህንተንቱ ናናቱዋሳነ ጎዳይ ኑ  
 ጸሳይ ባረኮ ጸሰያ ሃኩዋን ደእያዋንቱ  
 ኡባሳ” ያጌዳ፡፡

40 ጸጽሮሰ ኡንቱንቶ ቃላ ሀራካ ጉጅ  
 ማርካቲደ፡ “ሀ ዋድያ ጌላ አሳፕ ህንተንቱ  
 ሁጲያ አሸተ” ያጌደ ዘራዳ፡፡

41 ጸጽሮሰ ኡዴዳዋ አኪዳዋንቱ  
 ጸማቀቲድና፤ ሄ ጋላሰ ሄዙ ሻኦ ግድያ አሳይ  
 አማኔድና፡፡

42 ኡንቱንቱ የሱሰ ኪቴዳዋንቱ  
 ትምርትያን፡ አትፕተሳን ኡክላ መንላ  
 ምያዋንነ ጸሳ ዋሳን ገንጨና፡፡

አማንያ አሳይ አሻተላንነ አትፕተላን ደእያ  
 ደኡዋ

43 የሱሰ ኪቴዳዋንቱ ኩሽያን ዳር  
 ኦራላባይነ ማላታቱ ኦሰትና፡ አሳ ኡባ ያሻይ  
 ኦይቁዳ፡፡

44 አማኔዳ ኡባቱ አትፕ ደከና፤ ቃይ ባረንቶ  
 ደእያባ ኡባካ አትፕ ሻክ አኪድና፡፡

45 ኡንቱንቱ ባረንቱ ጋድያን ባረንቶ ደእያባ  
 ዛልእ ዛልኢደ፡ ኦናነ ኮሼዳ ከና ሚሻ ኡባው  
 ሻኪድና፡፡

46 ቃይ ኡባ ጋላሰ፡ አት ዋዛና ግዲደ፡፡  
 ጌሻ ጎልያን ፓጨናን ጋከቲደ፡ ባረንቱ ጎላ  
 ጎላ ጸሰቲደ ናሽቻንነ ፓሽካ ዋዛናን ቁማ  
 ሚና፡፡

47 ጸሳ ጋላቲደ፡ አሳ ኡባን ሳበቲድና፡፡  
 ቃይ ጎዳይ አማን አትያዋንታ ጋላሰ ጋላሰካ  
 ኡንቱንቱ ቦላ ጉጅ፡፡

3

አት ዋባ ብታኒ ፓጼዳ  
 1 አት ጋላሰ፡ ጸጽሮሰነ የሃንሰ ጸሳ ዋሳናው  
 ኡዴቸ ሳትያን ጌሻ ጎልያ ቤድና፡፡  
 2 የለቶደፕ ደሚደ፡ ጉንዳ ግዲደ ደእያ አት  
 ብታኒ ጌሻ ጎልያ ጎልያ አሳፕ ሚሻ ዋሳናው፡፡

2:25 ማዘ. 16:8-11    2:30 ማዘ. 132:11፤ 2 ሳሜላ 7:12-13    † 2:33 ኡሽቻ ባጋ- ጉሳይ ቦንቾዋን ዋልቃ  
 በሰያ ሳኦ፡፡    2:34-35 ማዘ. 110:1

ኡባ ጋላሰ ዳሪ ሎኦ ግያ ጌሻ ጎልያ ጥንግያን አሳይ አፊደ ዋልያዎ ደኤ።

3 ሄ ዋባ ብታኒ፣ ጳጳርሰነ የሃንሰ ጌሻ ጎልያ ገላና ሀንሽን በኢደ፣ ሚሻ ኡንቱንታ ዋሴዳ።

4 ጳጳርሰ የሃንሳና አ ጫድ ይሊደ፣ “ኑኮ ሃ ያሌ” ያጌዳ።

5 ዋባ ብታኒ ኡንቱንቱጥ እትባ አካናዉ ኮዪደ፣ ኡንቱንቱኮ ያሌዳ።

6 ሽን ጳጳርሰ አ፣ “ታወ ሚሻይ ባዋ፣ ሽን ታወ ደአባባ ታን ገዉ እማና፣ ናዘራትያ የሱሰ ክርሰቶሳ ሱንላን ደንዳደ ሀመታ” ያጌዳ።

7 ያቲደ፣ ዋባ ብታንያ ባረ ኡቸቻ ኩሽያን ኦይቂደ፣ ጉደ ደንጤዳ፣ ኤለካ አ ገዲነ ሜሽ ሙቀላይ ምን አጌዳ።

8 ብታኒ ጉደ ጉጉደ፣ ደንድ ኤቁዳ፣ ያነ ሃነ ሀመታ ደሜዳ። ሄዋጥ ጉይያን ሀመቲደ፣ ጉጉደን ጳሳ ጋላቲደ፣ ኡንቱንቱና እትጥ ጌሻ ጎልያ ገሊዳ።

9 አ ሀመትሺናን ጳሳ ጋላትሽን፣ አሳይ ኡባይ አ በኤዳ።

10 ያቲደ፣ ሚሻ ዋሳናዉ ዳሪ ሎኦ ግያ ጌሻ ጎልያ ጥንግያን ኡቴዳዌ አ ግዴዳዋ አከኬድኖ፣ አ ሀኔዳዋ በኢደ ማላላቴድኖ።

ጳጳርሰ ጌሻ ጎልያን ሃሳዬዳ ሃሳያ

11 ብታኒ ጳጳርሰነ የሃንሳ ኦይቂ ኡቴዳ ዋደ፣ አሳይ ኡባይ ማላላቲደ፣ ሶሎሞን ባራንዳ \* ግያ ሳን እትጥ ኡንቱንቱኮ ዋዪድኖ።

12 ጳጳርሰ አሳ በኤዳ ዋደ ኡንቱንቶ ያጌዳ፣ “እሰራኤልያ አሳቶ፣ አያዉ ሀዋ ማላላቲቱ? ዋይ አያዉ ኑና ጫድ ያሌቴ? ኑን ኑ ዋልቃን ዋይ ጳሳ ማላትያዋን ሀ ብታንያ ሀመሌዳዋ ሀንተንቶ ማላቲ?”

13 አብራሃም ጳሳይ፣ ይሳቃ ጳሳይ፣ ያቆባ ጳሳይ፣ ኑ አዎቱዋ ጳሳይ፣ ሀንተንቱ እሳ አሜዳዋ ጳሳይ ሰላናዉ ቆጥ ኡቴዳ ዋደ፣ ሀንተንቱ አ ሰንላን፣ ኑን አ ኤርኮ” ጌዳ ባረ ናኦ የሱሳ ቦንቼዳ።

14 ሽን ሀንተንቱ ጌሻን ጽሑዋ፣ ኑን አ ኤርኮ” ጌደ፣ ሽምጥዋ ዋዪድዋ አ ድራ ሀንተንቶ ብላናዉ ጳሳይ ዋሴድታ።

15 ደኡዋ አምያዋ ሀንተንቱ ዋዪድታ፣ ሽን ጳሳይ ሀይቁዋጥ አ ደንጤዳዋ ኑን ማርካ።

16 ሀ ዋባ ብታንያ የሱሳ ሱንላ ዋልቃይ ምንሴዳ፣ ሀንተንቱ በአያዌን ኤርያዌካ እ አ ሱንላን አማንያዋን ኡሰቲዳ፣ ሀ ሀንተንቱ ኡባ ሰንላን አ ሀዋዳን ሎይጫዳዌ፣ የሱሳ አ አማንያዋ።

17 “ሀኦካ ታናዳን አማንያዋንቶ፣ ሀንተንቱካ ሀንተንታ ካልያዋንቱዳን፣ ኤረናን ኡጫዳዋ ታን ኤራይ።

18 ሽን ጳሳይ በን፣ ናባቱዋ ኡባቱዋ ደናን፣ ክርሰቶሳ ዋየታና በሴ” ያጌደ ኡዴዳ፣ ባረ ኡዴዳዋካ ሄዋዳን ገሊዳ።

19-20 ሰም ጳሳይ ሀንተንቱ ናጋራ ማራናዳን፣ ጎዳ ማታጥ አያና ምናታላ ዋዪ ሀንተንቶ ያናዳን፣ ጳሳይ የሱሰ ክርሰቶሳ ካሰ ሀንተንቶ ኡዴቶዋዳን የዳናዳን፣ ሀንተንቱ ናጋራ ገጸደ ጳሳይ ሰምተ።

21 ጳሳይ ጌሻ ግዴዳ ባረ ናባቱዋ ደናን በንጥ ደሚደ ሃሳዬዳዋዳን፣ ኡባባይ ኡራጽያ ዋዪ ጋካናዉ፣ የሱሰ ሳሊዋን ጋምአናዉ በሴ።

22 ሙሴ፣ ሳሳይ ጳሳይ፣ ሀንተንቱ ዛርያ ግደጥ ሀንተንቶ ታናዳን ናብያ ደንሳና፣ ሀንተንቱ አ ግያዋ ኡባ ሰሰተ።

23 ሄ ናቢ ኡድያዋ ሰሰና አሳይ ኡንነ አሳ ግደጥ ሻከት ቆዩ” ያጌዳ።

24 “ቃይ ሳሜላጥ ደሚደ፣ አጥ ካላ ደንዳዳ ናባቱ ኡባቱ፣ ሀ ዋድያባ ኡዴድኖ።

25 ሀንተንቱ ናባቱዋ ናና፣ ቃይ ጳሳይ አብራሃም፣ ሳኦን ደአያ አሳ ኡባ ታን ነ ዘረላ ባጋና አንጅና፣ ያጌደ ኑ አዎቱዋና ጫቁዳ ጫቁዋ ላትያ ናና።

26 ጳሳይ ሀንተንታ ኡባቱዋ ሀንተንቱ ኢታ ኡሱዋጥ ዛሪደ አንጅና ማላ፣ ባረ ቆማ ተ ደንጤደ፣ ሀንተንቶ ኮይር የዴዳ” ያጌዳ።

### 4

ጳጳርሰነ የሃንሰ አይሁዳቱዋ ሻንጋቱዋ ሰንላ ሺቁድኖ

1 ጳጳርሰነ የሃንሰ አሳዉ ኡድሽን፣ ቄሳቱዋ ካጋቱ፣ ጌሻ ጎልያ ዎታዳራቱዋ አዛዘያዌነ ሳዲቃዎታቱ።

2 ኡንቱንቱ አሳ ታማርሰያ ድራዉን ሀራ አሳቱ ሀይቁዋጥ ደንዳናዋ ማርካ ግዳና ማላ፣ የሱሰ ሀይቁዋጥ ደንዳዳዋ ኡዴዳ ድራዉ፣ ዳሪ ይሎቲደ፣ ኡንቱንቱኮ ይድኖ።

3 ኡንቱንታ ኡይቂደ፣ ሳኦይ ኡማርሰድን ድራዉ ዎንታናዉ ቃሾ ጎላ ገልሴድኖ።

4 ሽን ቃላ ሰሴዳዋንቱጥ ጮራቱ አማኔድኖ፣ አቱማ አሳ ገይዲ አቼሹ ሻኦ ኪና ግዴዳ።

5-6 ዎንታላ ጋላሰ፣ ኡንቱንታ ሞድያዋንቱ፣ አይሁዳ አሳ ጭማቱ፣ ሙሴ ሀግያ ታማርሰያዋንቱ፣ ቄሳቱዋ ኡባቱዋ ካጋቱ ሃን፣ ቃያ፣ የሃንሰ እሰክንድርን ቄሳቱዋ ኡባቱዋ ካጋቱዋ ዳባቱ ኡባይ የሩሳላሙን ሺቁድኖ።

7 የሱሰ ኪቴዳዋንታ ባረንቱ ግዴዋን ኤሲደ፣ “ኡያ ዋልቃን ዋይ ኑ ሱንላን ሀዋ ሀንተንቱ ኡጫድቱ?” ያጌደ ኡቼድኖ።

8 ሄ ዋደ ጳጳርሰ ባረናን ጌሻ አያናይ ኩምና፣ ኡንቱንታ ሀዋዳን ያጌዳ፣ “አሳ ካለሌያዋንቶ፣ አይሁዳ አሳ ጭማቶ፣

9 ሀቼ ሀ ሀርጋንቻ ብታንያዉ ኡሰቲዳ ሎኦ ኡሱዋባን አ ዋን ገጸደንቶ፣ ሀንተንቱ ኑና ኡቸጥ።

10 ሰሙስቃልያ ቦላ ምሰማርያን ሀንተንቱ ድሺደ ካቁና፣ ጳሳይ ሀይቁዋጥ ደንጤዳ ናዘራትያ የሱሰ ክርሰቶሳ ሱንላን ሀ ብታኒ

\* 3:11 ሶሎሞን ባራንዳ- ጌሻ ጎልያ አዋይ ደልያ ሰንላ ባጋና ጮራ አሳይ ሺቅያ አዳሳነ አኮ ሳኦ። 3:22 ዛረ. 18:15፣ 18 3:23 ዛረ. 18:19 3:25 ደሙላ 22:18 † 3:26 ቆማ- ጳሳ አወዋን ደረቲዳ ናኦ።



ፓጺደ፣ ህንተንቱ ሰንጻን ኤቄዳዌ ህንተንቱ ኡባወን እስራኤልያ አሳ ኡባወ ኤረቶ።

11 ጎልያ ኪጽያዋንቱ ህንተንቱ ካጂደ እጼዳ ቱሳይ ጎልያ ኡባ ቶክያ ኮሽያ ቱሳ ግዴዳ።

12 አሳይ አቶተላ የሱሳ ባጋና ደማና፣ ለትን፣ ሀራ ኦ ባጋናን ደመና፤ ኑን እ ሱንጻን ኦፋናወ በሴ፤ እያወ ጎፕ፣ ጸሳይ ሳሉዋ፣ ፓጋሳን አሳወ እሜዳ ሀራ ሱንጻይ ባዋ” ያጌዳ።

13 ሺቁዋ አሳይ ጸጽርሰን የሃንሰ ጸሌዳ ጸላ በኤዳ ዋደ፣ ኢንቱንቱ ታማርቤና ጮ አሳ ግዴዳዋ እኪኪደ ማለቲድድና፤ ኢንቱንቱ የሱሳና ደእያዋካ ኤራድና።

14 ቃይ ፓጺዳ ብታኒ ጸጽርሳናን የሃንሳና ኤቄዳዋ አሳይ በኢደ፣ ግያዋ ጳይድና።

15 ሽን ጸጽርሰን የሃንሰ ሺቁዋ፣ ካረ ከሳና ማላ አሳይ አዛዚደ፣ ባረ ግድን ዘረቲደ።

16 “ሀ አሳቱዋ አያ ኡዳኔ? አያወ ጎፕ፣ ኢንቱንቱ ኩሽያን ኦሰቲዳ ዋልቃማ ማለታቱ የሩሳላጋማ ደእያ ኡባወ ቤቲዳ። ኑን ሄዋ ኤርኮ ጋናወ ዳንዳዮኮ።

17 ሽን የወ አሳወ ላለተና ማላ፣ ሀዋ፣ ሰንጻወ ሀ አሳቱ የሱሳ ሱንጻ ኦሰን ኦደናዳን፣ ምንሲደ ኢንቱንታ፣ ‘ህንተና ኤርኮ’ ጎይተ” ያጌድና።

18 ኢንቱንቱ ጸሴደ፣ የሱሳ ሱንጻ ሙላካ ደንጋናዳንን አባ ታማርሰናዳን አዛዜድና።

19 ሽን ጸጽርሰን የሃንሰ ዛሪደ፣ “ጸሳወ ኤኖ ግያዋ አጊደ፣ ህንተንቶ ኤኖ ግያዌ ጸሳ ሰንጻን ሎኤንቶን እነ ህንተ ፕርድተ።

20 አያወ ጎፕ፣ ኑን በኤዳባን ሰሴዳባ ኦደናን አጋናወ ዳንዳዮኮ” ያጊደ ሺቁዳ አሳወ አዳድና።

21 ሺቁዳ አሳይ ኢንቱንታ ሙራናወ ጋሶትያባይ ጳይና፣ ላኤንሉዋ ዳርሰ ፓሉሙቲደ፣ ሀኔዳባወ አሳይ ኡባይ ጸሳ ጋላትያ ድራወ፣ ኢንቱንታ ብሊደ የዳድና።

22 ሄ ሀርግያ፣ ፓላያ ማለታቱ አወ ኦሰቲዳ ብታኒ የለቶደ፣ ሳይላይ አወ ኦይታሙዋ፣ አጂዳ።

የሱሰ ኪትዳዋንቱን ሀራ አማንያ አሳቱ ጳማ ዋደ ዋሴዳ ዋሳ

23 ጸጽርሰን የሃንሰ ብሊቲደ፣ ባረንቱ ዳባቱዋኮ ቢደ፣ ቄሳቱዋ ካፓቱን እይሁዳ ጭማቱ ባረንታ ጌዳባ ኡባ ኢንቱንቶ አዳድና።

24 ኢንቱንቱ ሄዋ ሰሴዳ ዋደ፣ እት ዋዛና ግዲደ፣ ጸሳ ሀዋዳን ያጊደ ዋሴድና፤ “ኡባ ሞድያ ጎዳወ፣ ሳሉዋ፣ ሳኦ፣ አባን ኢንቱንቱ ግደን ደእያ ኡባባ ሙዴዳዋ።

25 ኑን ነወ ኦልያ ኦ አወዋ ዳዊተ ደናን ጌሻ አያናን ሃሳያደ፣

“ ኣይሁዳ ግደና አሳይ አያወ ይሎቲዳ? ቃይ አሳይ አያወ ዳንበናባወ ማቀቲዳ?

26 ሳኦ ካታቱ ገገቲድና፤ ጋድያ ሞድያዋንቱ ጎዳ ቦላንን

እ ኦኪዳ ክርሰቶሳ ቦላ እት፣ ደንዴድኖ ያጋደ ሃሳያዳ።

27 “አያወ ጎፕ፣ ሄርድሰን ጸንጸናውያ ጽላጸሰ እይሁዳ ግደና አሳናን እስራኤልያ አሳና፣ ኑን ኦኪዳ ክርሰቶሳ ነ ጌሻ ናኦ የሱሳ ቦላ ደንዳናወ፣ ሀ ካታማን ሺቁዳዌ ቱማ።

28 ቃይ ኑን ነ ዋልቃን ነ ሽንያን ሀናና ጋደ ቆፓ ኡቲዳባ ኡባ ኦፋናወ ሺቁድና።

29 ሀእካ ጎዳወ፣ ኢንቱንቱ ናሰያ ጸላ፤ ኑን ኑና ካልያዋንቱ፣ ነ ቃላ ኩሙንጻ ቆንጨተላን ኡዳናዳን፣ ኑና ዳንዳይሳ።

30 ፓላናወ ነ ዋልቃ በሳ፤ ቃይ ነ ጌሻ ናኦ የሱሳ ሱንጻን ኦራላባን ማለታ ኦሰሳ” ጊደ ዋሴድና።

31 ኢንቱንቱ ጸሳ ዋሴዳዋ፣ ጉይያን፣ ሄ ኢንቱንቱ ሺቁዳሳይ ቃጼዳ። ኢንቱንቱ ኡባን ጌሻ አያናይ ኩሞና፣ ጸሳ ቃላ ቆንጨተላን አዳድና።

ኮይር አማኔዳ አሳቱዋ እትተላ ደኡዋ

32 አማንያዋንቱ ኡባቱ ቆፋንን ዋዛናን እቱዋ ግዴድና። ኢንቱንቱ ሙሄ ኡባይ እት፣ ደእያዋ፣ ለትን፣ ባረወ ደኤዳባ ኦንን ባረንቱባ ግቢና።

33 የሱሰ ኪትዳዋንቱ ጎዳ የሱሰ ሀይቁዋ፣ ደንዴዳዋ ዋልቃማ ዋልቃን ማርካቲና፤ ቃይ ጸሳይ ኢንቱንቶ ኡባወ አጽ ኪካተላ ዳርሲደ አሚዳ።

34 አማንያዋንቱ ግደን ሙቶታንቻይ እቱን ባዋ፤ አያወ ጎፕ፣ ቢታይ ዋይ ጎሊ ደእያዋንቱ ኡባቱ ዛልኢደ፣ አኪዳ ሚሻ አሂደ።

35 የሱሰ ኪትዳዋንቶ አሚና፤ ሄ ሚሻይ አሳወ ኩሽያዋዳን ሻኩት፣ ሀ-ጲያን ሀ-ጲያን አመቲ።

36 ቆጶሮሳ ጌተትያ ሳን የለቲዳ የሴፎ ግያ ሌዊያ ዛሪ እቱ ደኤ፤ አ ሱንጻ የሱሰ ኪትዳዋንቱ ባርናባሳ ጌድና። ሄዋ ብላሳይ “ሙንጋላያ ናኦ” ግያዋ።

37 ባርናባሳ ባረወ ደእያ ጋድያ ዛልኤዳ ሚሻ አሂደ፣ የሱሰ ኪትዳዋንቶ አሚዳ።

### 5

ሀናንያን አ ማቻት ሳጲር

1 እት ሀናንያ ጌተትያ ብታኒ ባረ ማቻት ሳጲርና ጋድያ ዛልኤዳ።

2 ሄ ዛልኤዳ ሚሻ፣ ባረ ማቻታ ኤርሽን አሸደ፣ አቶዋ የሱሰ ኪትዳዋንቶ አሚዳ።

3 ሽን ጸጽርሰን ሀናንያ፣ “ኑን ጌሻ አያና ጭማደ ነ ጋድያ ዛልኤዳ ሚሻ፣ ሻካ አሻና ማላ፣ ጸላሂ ነ ዋዛናን እያወ ገሌዳ?

4 ኑን ዛልኦና፣ ካሰ ጋዲ ነዋ ግደኔ? ቃይ ኑን ዛልኦ ሰሞናካ ሚሻይ ኑሳ ግደኔ? ያትና፣ ሀዋ ማላባ ኦፋናወ አያወ ነ ዋዛናን ቆፓዲ? ኑን ጸሳወ ዋርድቶዋ፣ ለትን፣ አሳወ ዋርድታባይካ” ያጌዳ።

5 ሀናኒ ሄ ቃላ ሰሴዳ ኤላካ ኩንዲደ ሀይቁ እኤዳ፤ ሄዋ ሰሴዳ ኡባይ ዳር ያዬዳ።

6 ዎዳላ አሳቱ ሰይ ገሊደ፡ እ እሃ ጸጸደ፡ ካረው ከሰ እ ሞጌድኖ።

7 ሄዙ ሳተ ግደዋፕ ጉይያን፡ ሀናንያ ማቻታ ሄዎ ኤረናን ደአደ ገላዳ።

8 ጸጸርሰ አዘ፡ “ሀንተንቱ ጋድያ ሀን ኬና ሚሻን ዛልኤድቱ? እነ ታው ኦዳ” ያጌዳ።

አዘ፡ “ኤ ሀን ኬና ሚሻን ዛልኤደ” ያጋዳ።

9 ጸጸርሰ ሞሽራቶ፡ “ኔንነ ነ አሰናይ ጎዳ እና ፓጫናው እያው ዘረቴድቱ? በእኔ ነ አሰና ሞጌዳ አሳቱ ካረን ደአድ፤ ነ እሃካ እንቱንቱ ካረ ከሳና” ያጌዳ።

10 ሞሽራታ ሄ ማንእያን ጸጸርሳ ገድያ ማታን ኩንዳደ ሀይቃ አጋዳ፤ ዎዳላ አሳቱ ገልያ ዎደ ሀይቁዳውኖ ደሚደ፡ ካረ ከሴዳዋፕ ጉዮ፡ እዝ አሰና ዲፋዋ ማታን ሞጌድኖ።

11 አማንያ አሳ ኡባይነ ሄዎ ሰሴዳ ሀራ አሳይ ኡባይ ዳሪ ያዬዳ።

የሱሰ ኪቴዳዋንቱ ኩሽያን ኦሰቴዳ ኦራሳባቲዋን ማላልሰያዋንታ

12 የሱሰ ኪቴዳዋንቱ ዳሮ ማላታነ ኦራሳባ አሳ ግድን ኦላኖ፤ አማንያ ኡባቱ ሶሎሞነ ባራንዳን እትፕ ሸቂኖ።

13 ሀራ አሳፕ እንቱንቱና ጋከታናው ሀራይ አቶ እቱነ ጸልቤና፤ ሽን አሳይ እንቱንታ ቦንቼ።

14 አማንያ አቱማ አሳይነ ማጫ አሳይ ካሰዋፕ ጮራይ ጎዳው ጉጆቱ።

15 ሄዎ ድራው፡ አሳይ ሀርጋንቻቱዋ ሻንቻማንነ ሳለናን ቀር ቶኪደ፡ ጸጸርሰ ሄዋና አድያ ዎደ ሀራይ አቶ፡ እው ኩሞንቶነ እንቱንቱፕ እቱዋ እቱዋ ቦላና አቆና ማላ፡ ካታማ አግያ ደና ከሲደ ዋሌ።

16 ቃይ ጮራ አሳይ የራሳላመ ማታን ደእያ ካታማቱዋፕ ሀርጋንቻቱዋን ኤታ እያናን ኦይቀቱዳ አሳቱዋ አክ ዬድኖ፤ ኡባቱካ ፓጋድኖ።

የሱሰ ኪቴዳዋንቱ ቦላ የደሳይ ደንዴዳ

17 ሄዋፕ ሰምና ቄሳቱዋ ካፑነ እናና ደእያ ሳዲቃዋናቱ ኡባቱ የሱሰ ኪቴዳዋንታ ዳሮ ቃናቲደ፡ እንቱንቱ ቦላ ደንዴድኖ።

18 ቃይ የሱሰ ኪቴዳዋንታ ኦይቂደ፡ ኡባ አሳ ቃቻያ ጎልያን የጌድኖ።

19 ሽን ጎዳ ከታንቻይ ቃማ ቃሾ ጎለ ፕንግያ ደዪደ፡ የሱሰ ኪቴዳዋንታ ካረ ከሲደ።

20 “ሀንተንቱ ቢደ፡ ጌሻ ጎልያን ኤቂደ፡ ሀ ኦራሳ ደኡዋ ቃላ ኡባ አሳው ኦድተ” ያጌዳ።

21 የሱሰ ኪቴዳዋንቱ ሄዎ ሰሴዳ ዎደ፡ ዎንጭማሳን ጌሻ ጎልያ ገሊደ፡ ታማርሳናው ደሚድኖ።

ቃይ ቄሳቱዋ ካፑነ እናና ደእያዋንቱ ዪደ፡ ሸቂዳ አሳና እሰራኤልያ ጭማቱዋ ኡባቱዋ እትፕ ዪሲደ፡ የሱሰ ኪቴዳዋንታ ባረንቱ ሰንሳ አሀና ማላ፡ ዎታዳራቱዋ ቃሾ ጎለ ኪቴድኖ።

22-23 ሽን ዎታዳራቱ ቃሾ ጎለ ቢደ፡ የሱሰ ኪቴዳዋንታ ደምበይክና፤ ጉዮ ሰሚደ ሸቂዳ

አሳው፡ “ኑን ብያ ዎደ ቃሾ ጎለ ካርያ ዳሮ ሞንሰ ቃቻና፡ ናግያዋንቱካ ፕንግያን ኤቁዳዋንታ ደሚደ፤ ሽን ኑን ቃሾ ጎልያ ዳይያ ዎደ፡ ጎለ ጋርሳን ሀራይ አቶ እት አሳይነ ባዎ” ያጌድኖ።

24 ጌሻ ጎልያ ዎታዳራቱዋ ኪትያዌነ ቄሳቱዋ ካፓቱ ሄዎ ሰሴዳ ዎደ፡ “ሀዌ ዋኑዋሻ? ቃይ ግድን እዬ ሀናንዴሻ?” ያጌደ ሀርጌድኖ።

25 ሄዋፕ ጉይያን፡ እት ብታኒ እንቱንቱኮ ዪደ፡ “በእቱ፤ ቃሾ ጎልያን ሀንተ ቃቻዳ አሳቱ ጌሻ ጎልያን ኤቂደ፡ አሳ ታማርሲኖ” ያጌደ እንቱንቶ ኦዴዳ።

26 ጌሻ ጎልያ ዎታዳራቱዋ አዛዘያዌ ዎታዳራቱዋና ቢደ፡ የሱሰ ኪቴዳዋንታ እሄዳ፤ ሽን እንቱንቱ ባረንታ አሳይ ሹቻን ጫዳናዋንታ ገደ ያዬዳ ድራው፡ እንቱንታ ሎዳን እሄድኖ።

27 እንቱንቱ የሱሰ ኪቴዳዋንታ እሄደ፡ ሄዎ ሸቂዳ ሻንጉዋ ሰንሳን ኤሰና፡ ቄሳቱዋ ካፑ እንቱንታ።

28 “ሀንተንታ ኑን ሄ ብታንያ ሱንሳን ታማርሰና ማላ ሞንሲደ አዛዘበይኮ? በእቱ፤ ሀንተ ትምርትያ የራሳላመ ካታማ ኡባ ጋሌድታ፤ ቃይ ሄ ብታንያ ሸምቱዋን ኑና ኦይላናው ቆፕታ!” ያጌደ ኦቼዳ።

29 ጸጸርሰነ የሱሰ ኪቴዳ ሀራንቱ ዛሪደ ያጌድኖ፤ “ኑን አሳው አዛዘታናፕ ጸሳው አዛዘታናው በሴ።

30 ማሰቃልያ ቦላ ሞሰማርያን ድሽ ካቂደ፡ ሀንተ ዎዲዳ የሱሳ ኑ አዎቱዋ ጸሳይ ሀይቁዋፕ ደንሴዳ፤

31 እሰራኤላቶ ናጋራፕ ሰማነ ናጋራ አቶ ጉሳ የሱሰ አማና ማላ፡ ጸሳይ ሞድያዋነ አሽያዎ አ ኦሊደ፡ ባረፕ ኡሽቻ ባጋን ቶቁ ቶቁ ኦሊደ።

32 ሄዎ ኑን ማርካ፤ ቃይ ጸሳይ ባረው አዛዘትያዋንቶ እሜዳ ጌሻ እናናይካ ማርካ” ያጌድኖ።

33 ሸቂዳ አሳይ ሄዎ ሰሴዳ ዎደ፡ ዳሮ ይሎቲደ፡ የሱሰ ኪቴዳዋንታ ዎቆናው ቆፕድኖ።

34 ሽን አሳ ኡባን ዳሮ ቦንቼቲዳ ጋማልያላ ጌትቶያ፡ ሀግያ ታማርሰያ እት ጋርሳዋ፡ ሸቂዋን ደንድ ኤቂደ፡ የሱሰ ኪቴዳዋንቱ ጉላ ዎድያ ካረ ከሳና ማላ

35 አዛዘደ ሄዋን ሸቂዳ አሳ ሀዋዳን ያጌደ፡ “እሰራኤልያ አሳቶ፡ ሀንተ ሀ አሳቱዋ ኦላና ቆፕያዋን ሀንተንታ ናግተ።

36 እያው ጎፕ፡ ሀዋፕ ካሰ ዎድያን ተዎዳሳ ጌትቶያዌ ባረና ዎልቃማ ገደ ደንዴዳ፤ ደንድና ኦይዲ ያራቱ ግድያ አሳቱ እናና ጋከቲድኖ፤ ሽን አ ዎድኖ፡ አ ካሌዳ ኡባቱካ ላለቲደ፡ ማደና አሳ ግዲደ እቲድኖ።

37 ሄዋፕ ጉይያን፡ አሳይ ፓይይትያ ዎደ፡ ጋለላ ይሁዳይ ደንዲደ፡ ዳሮ አሳ ፓኑዋ ኦሊደ ካለዳዳ፤ ሽን እካ ዎድኖ፡ አ ካሌዳ አሳይ ኡባይ ላለቲዳ።

38 “ሀእካ ታን ህንተንቶ ኦዳይ፤ ሀ አሳቱዋፕ ሻከትተ፤ ኤንቱንታ ሰቸፕተ። አያው ጎፕ፣ ሀ ቆፋይነ ሀ ኦሱ አሳይ ኦሌዳዋ ግደፕ ዳያና።

39 ሽን ሀ ቆፋይነ ሀ ኦሱ ጸሳፕ ዬዳዋ ካደፕ፣ ህንተ ኤንቱንታ ዳይሳናው ዳንዳይክታ፤ ኦን ኤር ሀዋ ሀኒደ ጸሳና ህንተ አተተናዳን” ያጌዳ።

40 ሄዋፕ ጉየ ሸቄዳ አሳይ ጋማልያ ሀርያ አኪደ፣ የሱሰ ኪቴዳዋንታ ጸሲደ፣ ልሱዋን ሸጭሴድ፤ ሄዋፕ ጉይያን ኤንቱንታ፣ “የሱሳ ሱንሳ ላኤኩላዋ ኡሳካ ደንሳፕተ” ግ ብሊደ የዴድና።

41 የሱሳ ሱንሳ ድራው፣ ኤንቱንቱ ኡጋቲደ ዬላታናው በሰያባ ቆፔዳ ድራው፣ ሻንጉዋ ሰንሳፕ ሻሽቲደ ከሴድና።

42 ኤንቱንቱ ኡሳ ጋላሰ ጌሻ ጎልያንነ አሳ ሶይን የሱሰ፣ ክርሰቶሳ ግዴዳዋ ታማርሰያዋን ኦድያዋ ያ ጉጂድና።

6

ዋሳ ጎልያ ማድያ ላፑ አሳቱ ዶረቲድና

1 ሄ ዋደ፣ ካልያዋንቱ ፓይዱ ዳር ዳር በሸን፣ ግሪክ ቃላ ሃሳይያ አይሁዳቲነ ይሁዳን ደእያ አይሁዳቱ ዋሳቀቲድና፤ አያው ጎፕ፣ ግሪክ ቃላ ሃሳይያ አይሁዳቲ፣ “ኡሳ ጋላሰ ግሸትያ ቁማን ኑ አሰናይ ሀይቆ ማጫዋንቱ ናቀቲና” ያጌድና።

2 የሱሰ ኪቴዳ ታማነ ላእቱ ዋሳ ጎላ አሳ ኡሳ ዴሲደ፣ ሀዋዳን ያጌድና፤ “ኡን ጸሳ ቃላ ኦድያዋ አጌደ፣ ቁማ ግሻናው ኑው በሰና።

3 አሻቶ፣ ሎአ ኒተትያዋንታ ጌሻ አያናይነ አዶ ኤራተሳይ ኩሜዳ ላፑ አሳቱዋ ህንተ ግደፕ ደርተ፤ ኡን ቃይ ኤንቱንታ ሀ ኦሱ ሱንሳና።

4 ሸን ኡን ጸሳ ዋሳንነ ቃላ ኦድዋን ሞናና” ያጌድና።

5 የሱሰ ኪቴዳዋንቱ ሃሳዬዳ ሃሳይያ አሳ ኡሳ ሻሸቲደ፣ ሄዋፕ ጉየ፣ አማካነ ጌሻ አያናይ ኩሜዳ አሰጽፋና፣ ፕልጸሳ፣ ጽርኮርሳ፣ ንቃሮና፣ ጽዋና፣ ጸርሜናን አይሁዳቲዋ አማኑዋን ገሌዳ እንጾክያ ኒቆላዋሳ ደራድና።

6 ያቲደ የሱሰ ኪቴዳዋንቱ ሰንሳን ኤንቱንታ ኤሰና፣ የሱሰ ኪቴዳዋንቱ ጸሳ ዋሱዳዋፕ ጉይያን፣ ባርንቱ ኩሸያ ኤንቱንቱ ቦላ ዋሊድና።

7 ጸሳ ቃላይ አክ አክ ቤዳ፤ ካልያዋንቱ ፓይዱዋን የደሳላሙን ዳርሰ ዳር ዳር ቤዳ፤ ቃይ ጮራ ቁሳቲካ አማኔድና።

ዋሳ ጎልያ ካለልያ አሰጽፋናሰ ኦይቀቲዳ  
8 አዶ ኪካተሳይነ ዋልቃይ ኩሜዳ አሰጽፋናሰ፣ አሳ ግዶን ኦራሳሳነ ዋልቃማ ማላታ ኦሌ።

9 አይለተላፕ ከሴዳ አሳ ግያ አይሁዳ አማንያዋንቱ፣ ቀሪና፣ አሰክንድርያ

አሳቱዋፕ፣ ክልቂያፕነ ኢሰያፕ ዬዳ እት እት አሳቱ ደንዳደ፣ አሰጽፋናሳ ፓሉሙቲድና።

10 ሸን አሰጽፋናሰ አዶ ኤራተሳንነ አያናን ሃሳይያዋ ድጋናው ዳንዳይበይክና።

11 ሄ ዋደ ኤንቱንቱ፣ “ሙሴ ቦሳነ ጸሳ ቦሳ አ ቦርያ ቃላ ሃሳይሸን ሰሴደ” ግያ ዋርደ አሳቱዋ ሻሚድና።

12 አሳ ኡሳ፣ ጭማቱዋን ሙሴ ህግያ ታማርሰያዋንታ ሀንቀሌድና፤ አሰጽፋናሳኮ ዪደ አ ኦይቁደ፣ ሸቄዳ አሳኮ አህና።

13 አ ቦላ ዴሴዳ ዋርደ ማርካቱ፣ “ሀ ብታኒ ሀ ጌሻ ጎልያነ ሙሴ ህግያ ቦርያዋ አውደነ አገና።

14 አያው ጎፕ አ፣ “ሀዋ ናዘራትያ የሱሰ ሀ ጌሻ ጎልያ ኮላና፤ ሙሴ ኑው አሜዳ ሀግያካ ላማና፣ ያግሸን፣ ኡን ሰሴደ” ያጌድና።

15 ሸቄዋን ኡቲዳ አሳይ ኡባይ አሰጽፋናሳ አኬኪደ ዴልያ ዋደ፣ አ ሶምአ ኪታንቻ ሶምአያ ማላቲ።

7

አሰጽፋናሳ ሃሳይ

1 ቁሳቲዋ ኡሳቲዋ ካፑ አሰጽፋናሳ፣ “ሀዋ ቱሜን” ያጌደ ኦቼዳ።

2 አሰጽፋናሰ፣ “ታናዳን አማንያዋንቶ፣ ታ አዋቶ፣ ሰሰተ! ኑ አውዋ አብራሃሞ ብር ካራነ ባናፕ ካሰ ማሰጸጸምያን ደእሸን፣ ቦንቾ ጸሳይ አው ቤቲደ።

3 ና በታፕነ ነ ዳባቲዋፕ ሻከታደ፣ ታን ኔና በሰያ ጋድያ ባ” ያጌዳ።

4 ሄ ዋደ አብራሃሞ ካላዳዋቱ ጋድያፕ ከሲደ፣ ካራንነ ደእናው ቤዳ። አ አቡ ሀይቆዳዋፕ ጉይያን፣ ጸሳይ አ ሀ ጋደ ህንተ ሀአ ደኢያሳ አሻዳ።

5 አ ሀ ጋድያፕ ሀራይ አቶ፣ ገድያን የድያ ሳአካ አብራሃሞ አምቤና፤ ሸን አው ናአይ ዳዮፕካ፣ ጸሳይ አ፣ ታን ነውነ ኔፕ ጉይያን፣ ነ ዘርሳው ሀ ጋድያ ላታ ኦሳደ አማና፣ ያጌዳ።

6 ጸሳይ አብራሃሞ፣ ና ዛራቱ ሀራ ጋድያን ደእና፤ ያን ኦይዱ ጾቱ ላይሳው ኤንቱንቱ አይለታናነ ናቀታና።

7 ሸን ታን ነ ዘርሳ ሞድያ አሳ ቦላ ፕርዳና፤ ሄዋፕ ጉይያን፣ ኤንቱንቱ ሄ ጋድያፕ ከሲደ፣ ሀዋን ታው ጎይናና፣ ያጌዳ።

8 ጸሳይ አብራሃሞ ዘርሳይ ቃጸረታና ማላ አናና ጫቁና፣ ይሳቃ አ የሊደ፣ ሆሰፑንሳ ጋላሰ ቃጸራዳ፤ ይሳቅ ያቆባ ቃጸርና፣ ቃይ ያቆብ ታማነ ላኡ አዋቱዋ ካፓቱዋ ቃጸራዳ።

9 “አዋቱዋ ካፓቱ የሱፎ ቃናቲደ፣ ግብጾ ጋድያው አይለታናዳን፣ አ ዛልኤድና፤ ሸን ጸሳይ አናና እትፕ ደኤ።

10 ጸሳይ ዋይያ ኡባፕካ አ ከሴዳ፤ ቃይ ግብጾ ካትያ ሰንሳንካ ናሹዋን አዶ ኤራተሳ አው አሜዳ፤ ግብጾ ካቲ የሱፎው ግብጾ

ጋድያን ባረ ጎልያ ኡባ ሞዳናዳን፣ ሱንሳተላ እሜዳ።

11 “ግብጹ ጋድያንን ካናን ጋድያን ኡባን ከሻይ ገለደ፣ ጮራ አሳ መቶሴዳ፤ ሄ ጋሱዋን ኑ አዎቱ ቆማ ደምበይክኖ።

12 ያቆብ ግብጹ ጋድያን ካላይ ደእያዋ ሰሲደ፣ ኑ አዎቱዋ ኮሮር ያ የዴዳ።

13 ላኒንሎቱ ቡሳን ዮሴፎ ባረ እሻቶ ኤረቱዳ፤ ቃይ ግብጹ ካቲካ ዮሴፎ ዛርያ ኤራዳ።

14 ዮሴፎ ባረ አወዋ ያቆብን ባረ ዳቡ ኡባይ ሙላካ ላቸን ታማነ እኹሹ አሳይ ባረኮ ያና ማላ፣ ከቲደ ዴግሴዳ።

15 ያቆብ ግብጹ ጋድያ ዎጲደ ሀይቁዳ፤ ኑ አዎቱካ ያን ሀይቁድኖ።

16 አንቱንቱ አሃይ ሄዋጥ ሰኩማ ጌተቶያ ጋድያ ቶከቲደ፣ ያን አብራሃም ሀሞራ ናናፕ ዳር ብራን ሻሜዳ ዱፋዋን ሞገቱዳ።

17-18 “ሸን ጸሳይ አብራሃም አማና ጌዳዌ ፖለቶያ ዎዲ ጋካና ማትና፣ ዮሴፎ ኤረና ሀራ ካቲ ግብጹ ጋድያን ደንዳና ጋካናዉ፣ አሳይ ዳር ዳር ቤዳ።

19 ሄ ካቲ ኑ ዛርያ ጭሚደ፣ ጉሳ ናናይ ሀይቃና ማላ፣ ካረ አንቱንታ ከሰ ኦላናዳን፣ ኑ አዎቱዋ ኡንኤሴዳ።

20 “ሙሴ የለቲዳዌ ሄ ዎደ፤ ጸሳ ሰንሳን እ ዳር ሎኦ ናኦ ግዴዳ፤ ባረ አወዋ ጎልያን ሄዙ እገና ጋካናዉ ድጩዳ።

21 ሙሴ ዎራ ኦለቲዳ ዎደ፣ ግብጹ ካትያ ናታ ደማደ ባረ ናዳን እ ድቻዳ።

22 ሙሴ ግብጻቱዋ እጾ ኤራተላ ኡባ ታማሪደ፣ ቃላንን ኦሎዋን ዎልቃማ አሳ ግዴዳ።

23 “ሸን ሙሴዉ የለቶደፕ ላይሳይ ኦይታሙዋ ኩሚዳ ዎደ፣ ባረ እሻቱዋ፣ እሰራኤልያ አሳቱዋ በአናዉ ባረ ዎዛናን ቆፔዳ።

24 እሰራኤላቱዋፕ እቱዋ ግብጻፕ እቱ ናቂሽን በእደ፣ ሄ እሰራኤልያ ማዴዳ፤ ሄ ናቂዳ ግብጹ ብታንያ ዎጲደ፣ አ ሀሉዋ ከሴዳ።

25 ሙሴ ባረ እሻቱዋ ባረ ባጋና ጸሳይ አሻና ሀንያዎ አንቱንቱ እኩክበይክኖ ጊደ ቆፔዳ፤ ሸን አንቱንቱ እኩክበይክኖ።

26 “ዎንተላ ጋላሰ ላኦ እሰራኤልያ አሳቱ እቱ እቱዋና ዋቅትያዎንታ ደሚደ፣ አንቱንታ ሰገላናዉ ኮዪደ፣ ኦሳቶ፣ እሻቱ ሀንተንቱ አያዉ እቱ እቱዋ ናቂቱ?” ያጌዳ።

27 “ሸን ሄ ባረ ሾሩዋ ናቂያዌ ሙሳ፣ ኦኔ ኑ ቦላ ሞድያዋን ዳና ኦሴደ፣ ሱንኤዳዌ ኦኔ?

28 ኔን ዝኖ ግብጹ ብታንያ ዎጲደዎዳን፣ ታናካ ዎጲናዉ ኮያይ?” ያጌደ፣ ሙሳ ካረዉ ሱግ የጌዳ።

29 ሙሴ ሄዋ ሰሴዳ ዎደ ግብጻፕ ከሲደ፣ ሞድያማ ጋድያን በተ ግድ ደኢደ፣ ላኦ አቱማ ናና ያን የሌዳ።

30 “ጎዳ ከታንቻይ ኦይታሙ ላይላፕ ጉይያን፣ ሲና ደርያ ማታን ደእያ ባዙዋ ቡራን ኤጽያ ታማ ላጩዋ ግደን ሙሴዉ ቤቱዳ።

31-32 ሙሴ ባረ በኤዳዎ ማላላቲደ፣ እኩክ ጸላናዉ ቡራ ማታን እ ሸቆ ደእሸን፣ ጎዳ ቃላይ፣ ኦታን ነ አዎቱዋ ጸሳ፣ አብራሃም ጸሳ፣ ይሳቃ ጸሳ፣ ያቆባ ጸሳ፣ ያጊደ ሙሴኮ ዬዳ። ሙሴ ያሻ ኮኮሪደ፣ ጸላናዉ ጸልቤና።

33 “ጎዳይ ሙሳ፣ ኦኔን ኤቆዳ ቢታይ ጌሻ ግድያ ድራዉ፣ ነ ጋድያን ደእያ ጫማካ ከሳ።

34 ታን ግብጻን ደእያ ታ አሳ ዋይያ ጌሻ በኦደ፣ ቃይ አንቱንቱ ኦልያካ ሰሳደ፣ አንቱንታ አሻናዉ ዎጲደዳ። ሀእ ሃያ። ታን ኔና ግብጹ ከታና ያጌዳ።

35 “ሄ ሙሳ እሰራኤላቱ፤ ኦኔ ኑና ሞድያዋን ዳና ኦሴደ ሱንኤዳዌ ኦኔ?” ያጊደ እጾድኖ፤ ቡራ ግደን አዉ ቤቱዳ ከታንቻን ሞድያዋን አሸያዎ ግዳና ማላ፣ ጸሳይ አ ከቲዳ።

36 ሄ ሙሴ እሰራኤላቱዋ ግብጹ ጋድያን ዘኦ አባንን ሙላ ቢታን፣ ኦይታሙ ላይላዉ ኦራላባን ማላታ ኦሴደ፣ ግብጻፕ ካለሴዳ።

37 “እሰራኤልያ አሳዉ፣ ጸሳይ ታና ደንኤዳዋዳን፣ ሀንተ ዛርያ ግደፕ ታ ማላ ናብያ ሀንተንቶ ደንሳናዎ” ያጌዳዌ ሄ ሙሳ።

38 እ እሰራኤልያ አሳ ማባራና እትፕ ሙላ ቢታን ደኤዳዋ፤ እ ኑ አዎቱዋናን ሲና ደርያ ቦላን ባረዉ ሃሳዬዳ ከታንቻና እትፕ ደኤዳ። ያቲደ ጸሳፕ ደኤዋ ቃላ ኑዉ እማናዉ እኩዳ።

39 “ሙሴዉ ኑ አዎቱ አዛዘታናዉ ደሰበይክኖ፤ ሸን ገደ እ ሱግ ኦሊደ፣ ጉየ ግብጹ ሰማናዉ አዎቱድኖ።

40 ቃይ እርና፣ ኦኔ ካለሳያ ጸሳቱዋ ኑዉ ሙጻ፤ አያዉ ጎፕ፣ ሀ ኑና ግብጻፕ አሄዳ ሙሴ ዋኔይንቶ ኑን ኤርኮ፣ ያጊድኖ።

41 ሚዛ ማራ ማላትሲደ፣ ሄ ዎደ ኤቃ ኦሴድኖ፤ ሄ ኤቃዉ ያርሹዋ ያርሺደ፣ ባረንቱ ኩሺ ኦሴዳ ኦሎዋን ናሸቱድኖ።

42 ሸን ጸሳይ አንቱንቶ ዘክያ ዛሪዳ፤ አንቱንቱ ሳሉዋ ጸልንቱያዉ ጎይናዳን፣ አንቱንታ እኩዳ፤ ናቂቱዋ ማጻፋን፣

“ ኦሰራኤልያ አሳቶ፣ ኦይታሙ ላይላ፣ አሳይ ባይና ሳን ሹኬዳ ሙሀያን ያርሹዋ፣

ታዉ ያርሺድቱ?

43 ሀንተንቶ ሀንተንቶ ጎይናዉ ኦሴዳ ኤቃቱዋ፣ ሞሎካ ዲንካንያን ረፋና ግያ ሀንተ ጸሳ ጸልንቶያ ቶኩድታ። ታን ሀንተንታ ባብሎንፕ

7:11 ደመላ 42:1-2 7:13 ደመላ 45:1፣ 16 7:14 ደመላ 45:9-10፣ 17-18፤ 46:27 7:15 ደመላ 46:1-7፤ 49:33 7:16 ደመላ 23:3-16፤ 33:19፤ 50:7-13፤ ኢያሳ 24:32 7:17-18 ከሳ 1:7-8 7:19 ከሳ 1:10-11፤ 22 7:20 ከሳ 2:2 7:21 ከሳ 2:3-10 7:23 ከሳ 2:11-15 7:29 ከሳ 18:3-4 7:30 ከሳ 3:1-10 7:35 ከሳ 2:14 7:36 ከሳ 7:5፤ 14:21፤ ፓይ. 14:33 7:37 ዛረ. 18:15፣ 18 7:38 ከሳ 19:1—20:17፤ ዛረ. 5:1-33 7:40 ከሳ 32:1 7:41 ከሳ 32:2-6 7:43 አዋጽ 5:25-27

ህን ባጋ የዳና

ጌተተደ ጸፈቴዳ።

44 “መሴ ባረ በኤዳዎ ማላትሲደ፣ ጎዳይ አዉ ኦዳዳዎዳን መጴዳ ማርካ ዲንካኒ ኑ አዎቶ መላ ቢታጎ ደኤ።

45 ቃይ ኑ አዎቱ ዲንካንያ ባረንቱ አዎቱዋጥ ካላን አከደ፣ ጸሳይ ካሰ የደርሴዳ አይሁዳ ግደና አሳ ቢታ ኦይቄዳ ዋደ፣ ኢያሱና ገልሴድኖ፤ ሄ ዲንካኒ ዳዊተ ደኢያ ዋዲ ገካናወካ ሄዋን ደኤዳ።

46 ዳዊተ ጸሳን ሳበቴዳ፤ ቃይ ያቆባ፣ ጎዳይ ደኢና ጎልያ ከጸናዉ ጸሳ ዋሴዳ።

47 ሽን አዉ ጎልያ ከጸዳዌ ሰሎሞና።

48-50 “ሽን ናቢ፡

“ ጎዳይ፣ “ሳሉ ታ ካዉተላ ኦይድያ፤ ሳአይካ ታ ገዲ የድያ ሳ።

ያትና፣ ታዉ እያ ማላ ጎልያ ከጸንቱ?

ዋይ ታን ሽሞፓናሳይ ሀቃ፤?

ሀ ኡባባ ታ ኩሽያን መቆበይክታ?” ያጌ ጌዳዎዳን፣ ኡባጥ ቦላ ጸሳይ አሳይ ከጸዳ ጎልያን ደኤና።

51 “ህንተንቱ አይበ ሞርጊ ሞኖ አሴ? ህንተንቱ ዋዛናይ ጸሳ ቃላ አካናዉ አይበ ዳሚዳዊ? ህንተንቱ ሀይላይካ ዋን ቱሌዳ? ኡባ ዋይ ጌሻ እያናዉ አዛዘተናን አጸታ።

52-53 ናባቱዋን ህንተንቱ አዎቱ የደርሰቤናዌ ኦኔ? ጸሳ ናአይ ጽሉ ያናዋ ካሰቲደ ኦዳዳዎንታካ ዋጴድኖ። ሀእ ህንተንቱካ ከታንቻቱዋ ኩሽያጥ ጸሳ ሀግያ አከደ አዛዘትቤናዎንቱ፣ ጽሉዋ አላ እሚደ ዋጴድታ” ያጌዳ።

እስጵፋናሳ ሹቻን ደቺደ ዋጴድኖ

54 ኡንቱንቱ ሄዋ ሰሴዳ ዋደ፣ ባረንቱ ዋዛናን እስጵፋናሳዉ ዳር ይሎቲደ፣ ባረንቱ መተርሻ ሳኢደ ናሴድኖ።

55 ሽን እስጵፋናሰ ባረናን ጌሻ እያናይ ኩሞና፣ ሳሉዋ ፑደ ጫዳ ዴሊደ፣ ጸሳ ቦንቹዋን የሱሰ ጸሳጥ ኡሽቻ ባጋን ኤቄዳዋ በኤዳ።

56 ያቲደ፣ “ጸልተ፣ ታን ሳሉ ደየትና፣ አሳ ናአይ ጸሳጥ ኡሽቻ ባጋን ኤቄዳዋ በአይ” ያጌዳ።

57 ኩሻ ቆቁ ኦላ ዋሲደ፣ ባረንቱ ሀይላ ቱጨደ፣ አትጥ ግድ አኮ ዋጴድኖ።

58 ካታማጥ ጋጸ አ ከሲደ፣ ሹቻን ጫዳድኖ፣ ማርካቱካ ባረንቱ ማዩዋ ከሲደ፣ አት ሳኢላ ጌተትያ ዋዳላ ማጋን ዋጴድኖ።

59 እስጵፋናሰ፣ “ታ ጎዳ የሱሳ፣ ታ ሽሞፓዋ አካ” ያጌደ ጸግሽን፣ ኡንቱንቱ ሹቻን አ ደቺኖ።

60 ሄ ዋደ እ ጉልባቲደ፣ ባረ ኩሻ ቆቁ ኦሊደ፣ “ታ ጎዳዉ፣ ሀ ናጋራ ኡንቱንቶ አቶ ጋ” ያጌዳ። ሄዋ ጊን ሀይቄ አጌዳ።

8

ሳኦል አማንያ አሳ የደርሴዳ

1 ሳኦል እስጵፋናሰ ሀይቁ ሎኦ ግ አከደ። ሄ ጋላሰ የሩሳላመን ደኢያ አማንያዎንቱ ቦላ ዋልቃማ የደርሱ ደንዴዳ፤ የሱሰ ከቴዎድሮስ አትን፣ አማንያዎንቱ ኡባቱ ይሁዳ ጋድያንን ሳማርያ ጋድያን ላለቱድኖ።

2 ጸሳ አሳቱ እስጵፋናሰ ሞጌድኖ፤ ቃይ አዉ ዳር ዩኬድኖ።

3 ሽን ሳኦል አማንያ አሳ ቆይሳናዉ ባጸቲ፤ ኡባ ጎልያ ገል ገሊደ፣ አቲማ አሳን ማጫ አሳ ጎቶ ጎቺደ፣ ቃሾ ጎላ የዳ።

ዋንጋላ ሞሽራቹ ሳማርያን አይቲዳ

4 ላለቲዳ አማንያዎንቱ ቃላ ኦዲደ፣ ኡባሳ ቤድኖ።

5 ፕልጸሰ ሳማርያ ካታማ ዋጴደ፣ ክርሰቶሳባ አሳዉ አዳዳ።

6 ጮራ አሳይ ፕልጸሰ ጌዳዋ ዳርሰ እኬኪደ ሰሴዳ፤ እ አላያ ማላታካ በኤዳ።

7 እያዉ ጎጥ፣ ኢታ እያናቱ ኮሻ ቆቁ ኦላ ሃሳዪደ፣ ጮራ አሳጥ ከሲድኖ፤ ቃይ ጮራ ሰሌዳዎንቱን ዋባቱ ፓጴድኖ።

8 ሄ ካታማን አሳይ ዳር ናሽቲዳ።

9 ሽን ሰሞና ጌተትያ አት ብታኒ ካሰ፣ ባረና ዋልቃማ ግ ካዪድ፣ ሳማርያ አሳ፣ “ላ ሀዌ አይበ ኦራላቤ” ጌሲደ ሄ ካታማን ደኤዳ።

10 ጉላተላጥ ደሚደ፣ ዋጋተላ ገካናዉ፣ አሳይ ኡባይ፣ “ጸሳ ዋልቃይ ዳር ዋልቃማይ ሀዋ” ጌደ አባ ሰሴ።

11 ዳር ዋድያጥ ደሚደ፣ ካዩዋን ሳማርያ አሳ “ላ ሀዌ አይበ ኦራላቤ” ጌሲደ ድራዉ፣ አሳይ አባ ሰሴ።

12 ሽን ፕልጸሰ ጸሳ ካዉተላባን የሱሰ ክርሰቶሳ ሱንሳባ አቲማዎንቶን ማጫዎንቶ ሞሽራቹዋ ኦዲደ፣ ኡንቱንቱ አባ አማኒደ ጸማቅቲድኖ።

13 ቃይ ሰሞንካ ባረ ሀ-ጳዉ አማኒደ ጸማቅቲዳዋጥ ጉይያን፣ ፕልጸሳና አትጥ ደኢደ፣ ኦሰትያ ማላታን ጸሳይ ኦሌዳ ዋልቃማ ማላታ በኢደ ማላለቲዳ።

14 የሱሰ ከቴዳ የሩሳላመን ደኢያዎንቱ፣ ሳማርያ አሳይ ጸሳ ቃላ እኬዳዎ ሰሴዳ ዋደ፣ ጸጵሮሳን ዮሃንሳ ኡንቱንቱን የዴድኖ።

15 ጸጵሮሰን ዮሃንሰ ዋጴደ፣ አማንያዎንቱ ጌሻ እያና አካና ማላ፣ ኡንቱንቶ ጸሳ ዋሴድኖ፤

16 እያዉ ጎጥ፣ ሳማርያ አሳቱ ጎዳ የሱሳ ሱንሳን ጽንቃታ ጸሳላ ጸማቅቲዳዋጥ አትን፣ ኡንቱንቱጥ አቲዋ ቦላን ጌሻ እያናይ ዋጴቤና።

17 ሄ ዋደ ጸጵሮሰን ዮሃንሰ ባረንቱ ኩሽያ ኡንቱንቱ ቦላ ዋልቃጥ ጉይያን ኡንቱንቱ ጌሻ እያና እኬድኖ።

18 የሱሰ ከቴዎድሮስ ባረንቱ ኩሽያ ኡንቱንቱ ቦላ ዋልቃ፣ ኡንቱንቶ ጌሻ እያናይ እመቲዳዎ ሰሞን በኤዳ ዋደ፣ ጸጵሮሳን ዮሃንሳዉ ሚሻ አሂደ።

7:44 ከሳ 25:9፣ 40 7:45 ኢያሳ 3:14-17 7:46 2 ሳሜላ 7:1-16፤ 1 ኦዲዋ 17:1-14 7:47 1 ካታ. 6:1-38፤ 2 ኦዲዋ 3:1-17 7:48-50 አሊ. 66:1-2 7:51 አሊ. 63:10

19 “ታንካ ታ ኩሽያ ዋልያ ኡባይ ጌሻ ኢያና እካና ማላ፤ ሀ ማታ ታውካ እሜርክቱ” ያጌዳ።

20 ሽን ጸጽርሰ እዉ ሀዋዳን ያጌዳ፤ “ኔን ጸላ እዋታ ሚሻን ሻማናዉ ቆጉዳ ድራዉ፤ ነ ሚሻይ ኔናና ጮ ጳዮ።

21 ነ ዋዛናይ ጸላ ሰንላን ሱረ ግደና ድራዉ፤ ነዉ ሀዋን ግሹባ ሳዋ።

22 ያዋጥ ጉይያን ሀ ነ ዋዛና ኢታ ቆፋ ድራዉ፤ ናጋራጥ ሰማ፤ እን ኤር ነ ዋዛናን ደእያ ኢታ ቆፋ ጸላይ እቶ ጋንጎቶን ጸላ ባላ።

23 እያዉ ጎጥ፤ ኔን ዳር ቃናትያ ኦይቃደ ናጋራ ቃሹዋን ደእያዋ ታን በእይ” ያጌዳ።

24 ሄዋጥ ጉዮ ሰዋን ጸጽርሳሲን ዮሃንሳዉ ዛሪደ፤ “ሀንተንቱ ጌዳዋጥ እትባይን ታና ጋከና ማላ፤ ሀንተ ታዉ ጸላ ዋሰተ” ያጌዳ።

25 ጸጽርሳሲን ዮሃንሰ ማርካቲዳዋጥን ጎዳ ቃላ ኦይዳዋጥ ጉይያን፤ ጉዮ የሩሳላሙ ሰሚድና፤ ያተደ ሳማርያን ደእያ ዳር ቄር ካታማቱዋን ምሽራቹዋ ቃላ ኦይድና።

36 ኡንቱንቱ ኦግያ ኦይቄ ቢደ፤ ሃላይ ደኢያሳ ጋከድና፤ ሹፋይ፤ “ሃላ ሀዋ በእ፤ ጸማቀትያዋ ታና ድግያዌ እይ?” ያጌዳ።

37 ፕልጸሰ እ፤ “ኔን ነ ኩሙንላ ዋዛናጥ እማናጥ፤ ዳንዳያ” ያጌዳ።

እ ዛሪደ፤ “የሱሰ ክርስቶስ ጸላ ናእ ግድያዋ ታን እማናዉ” ያጌዳ።

38 ጋር ኤቃና ማላ ሹፋይ እዛዛና፤ እነ ፕልጸሰ ላእቱ ዱገ ዋዲደ፤ ሃላን ገልና ፕልጸሰ ኦ ጸማቁዳ።

39 ኡንቱንቱ ሃላጥ ጋጾ ከሴዳ ዋደ፤ ጎዳ ኢያናይ ፕልጸሳ ልጽ ኦሊደ፤ እፍ ኡይዳ፤ ላኡንቱዋ ሹፋይ ፕልጸሳ በእቤና፤ ሽን ባረ ኦግያ ናሽተደ ቤዳ።

40 ፕልጸሰ ባረ ሀጸዉ እዘጸሳን ደእያዋ ኤራዳ፤ ቃይ ቁሳርያ ያና ጋካናዉካ፤ ካታማ ኡባን የዪደ ምሽራቹዋ ቃላ ኦይ።

### 9

ሳኦል ክርስቶስን እማኔዳ (22:6-16፤ 26:12-18)

1 ሽን ሳኦል ጎዳ ካልያዋንታ ዋጳናዉ ማንዲደ፤ ቁሳቱዋ ኡባቱዋ ካቸዋኩ ቤዳ።

2 ያተደ ጎዳ ኦግያ ካልያ ኦሳቱዋ ማጫዋንታን እቱማዋንታ ደዋጥ፤ ቃቸደ የሩሳላሙ እሀናዉ፤ ዳማሰቆን ደእያ እይሁዳ ዋሳ ጎላቶ ዳብዳቤያ ጸፋናዉ ኦ ዋሴዳ።

3 እ ቢደ፤ ዳማሰቆ ካታማ ጋካና ማቶደ፤ ቆጥናን ሳሉዋጥ ዋልቃማ ፖኡ እ የሹዋ ኡባን ፖኤዳ።

4 ሳኦል ሳኦን ኩንድ ኡትና፤ “ሳኦል ሳኦል፤ እያዉ ታና ዋይሳይ?” ግያ ቃላ ሰሴዳ።

5 ሳኦል፤ “ታ ጎዳዉ፤ ኔን ኦኔ?” ያጌደ ኦቹዳ።

የሱሰካ፤ “ታን ኔን የደርሳደ ደእያ የሱሳ” ያጌዳ።

6 ሽን ሳኦል ኮኮሪድን ማላለቲደ፤ “ታ ጎዳዉ፤ ታን እያ ኦላናዳን ኮያይ?” ያጌዳ።

ጎዳይ እ፤ “ደንዳደ ካታማ ገላ፤ ኔን ኦላናዉ በሰያባይ ነዉ ያን ኦይታናዋ” ያጌዳ።

7 ሳኦልና ኦግያን ብያ ኦሳቱ እይን ሃሳየናን ኤቄ ኡደ፤ ኮሻ ሰሲና፤ ሽን ኦናን በእብይክና።

8 ሳኦል ሳኦጥ ደንድና፤ እ እይፊ ደየቲዳ ዋደ፤ እይን ዪላናዉ ዳንዳይቤና፤ ሄዋ ድራዉ፤ ኡንቱንቱ ኦ ኩሽያ ኦይቄ ጎቸደ፤ ዳማሰቆ ገልሴድና።

9 ሄዙ ጋላሳ ጋካናዉካ እ ዪልቤና፤ እይን ምቤና፤ እያኔካ ኡሽቤና።

10 ዳማሰቆን እት ሀናንያ ግያ ካልያዋ ደኤ፤ ጎዳይ ሳጸን እ፤ “ሀናንዉ” ያጌዳ።

ሀናን፤ “ታ ጎዳዉ፤ ሀዋን ደእይ” ያጌዳ።

11 ጎዳይ እ፤ “ደንዳደ ሱረ ጌተትያ ኦግያ ባደ፤ ይሁዳ ሰይን እት ሳኦል ግያ ጸርሴሰጥ ዬዳ ብታንያ ኮያ፤ እያዉ ጎጥ፤ እ ዋሴ።

ፕልጸሰ ቶጽያ ኦሳ ግዳዳ ሹፋ ጸማቁዳ

26 ጎዳ ኪታንቻይ ፕልጸሳ፤ “ደንዳደ የሩሳላሙጥ ጋዛ እፍያ ኦሰ ባይና ሙላ ሳኦ ኦግያኮ ባ፤ ሄ ኦጊ እዋይ ከሰያሳ ዪልያ ዋደ ኡሽቻ ዱገሃ ባጋና ደኤ” ያጌዳ።

27 ፕልጸሰ ደንዲደ ቤዳ። ሀንደኮ ጌተትያ ቶጽያ ካታትዉ ቢታ ሞድያ እ ሚሻ ኡባካ ናግያ ቶጽያ ኦሳ ግዳዳ እት ሹፋይ ደእያዌ ጎይናናዉ የሩሳላሙ ቤዳ።

28 ጋራይ ጎቻያ ጋርያን ኡቲደ፤ የሩሳላሙጥ ጉዮ ሰሚደ፤ ናብያ ኢሰያሳ ማጻፋ ናባቤ።

29 ጌሻ ኢያናይ ፕልጸሳ፤ “ሄ ጋርያኮ ሹቃደ እትጥ ግዳ” ያጌዳ።

30 ፕልጸሰ ዋጽ ዪደ፤ ናብያ ኢሰያሳ ማጻፋ ሹፋይ ናባብሽን ሰሴደ እ፤ “ኔን ናባብያዋ እኬካይ?” ያጌዳ።

31 ሹፋይ፤ “ታዉ ኦዲደ እኬክሰያ ኦሳይ ባይናን ዋኒደ እኬከቲ?” ያጌዳ፤ ቃይ ባረናና ጋርያን ከሲደ ኡታና ማላ፤ ፕልጸሳ ዋሴዳ።

32 ሹፋይ ናባብያ ማጻፋይ፤ “ደርሳዳን እ ሹከታናዉ ላገቱ።

ደርሳ ማራይ ባረ እሰክያ ቃንጽያዋ ሰንላን ጮኤ ግያዋዳን፤ እካ ባረ ደና ፖክቤና።

33 እ ካዉሹዳዋዳን እዉ ጽሎ ፕርዳይ ጳዬዳ።

የሱሳ ደኡ ሀ ሳኦጥ ፑደ እከት ድጌዳ ድራዉ።

እ ዛርያባ ኦኔ ኦዳናዌ?” ያጌዳ።

34 ሹፋይ ዛሪደ ፕልጸሳዉ፤ “ናቢ ሀዋ ኦዋ ኡዲ? ባረባ ኦድዌ ዋይ ሀራ ኦሳባ ኡዲ? ታዉ ኦዳርኪ” ያጌዳ።

35 ፕልጸሰ ዛሪደ፤ ጸሳ ማጻፋ እ ናባብያሳጥ ደሚደ፤ የሱሳባ ምሽራቹዋ ቃላ እዉ ኦይዳ።

12 ቃይ ሀርናገ ግያ ብታኒ ገሊደ፣ ሳኦል ለኢንሱፍ ይላናዳን፣ ባረ ኩሽያ እ ቦላ ዋልያ ሳዳን በኤዳ” ያጌዳ።

13 ሀርኒ ዛሪደ፣ “ታ ጎዳው፣ የሩሳላመን ነ ጌሻ አሳ ቦላ ሩ ብታኒ እይ ከና ኢታባ ኦሌደንቶ፣ ታን ሄሮ አሳፕ ሰሳድ።

14 ቃይ ዳማሰቆን ነ ሱንሳ ዴሰያዋንታ ኡባ ቃቻናው፣ ቁሳቱዋ ካፓቱ አው ማታ አሜድኖ” ያጌዳ።

15 ሸን ጎዳይ እ፣ “ሳኦል አይሁዳ ግደና አሳ ሰንሳን፣ ካታቱዋ ሰንሳንን እሰራኤልያ አሳ ሰንሳን፣ ታ ሱንሳ ኤርሳናውን ታው ኦሳናዳን ደረቱዳ ሚሻ ግድያ ድራው፣ ኔን ባ።

16 እያው ጎፕ፣ ታ ሱንሳ ድራው፣ እ አይ ከና ዋየታናው በሰንቶ፣ ታን አ በሳና” ያጌዳ።

17 ሀርኒ ቢደ፣ ሶይ ገሊደ፣ ባረ ኩሽያ ሳኦል ቦላ ዋልደ፣ “ታ እሻው ሳኦል፣ ኔን ይያ ኦግያን ነው ቤቴዳ የሱሰ፣ ኔን ዴላና ማላን ጌሻ አያናይ ኔናን ኩማና ማላ፣ ታና ኪቴዳ” ያጌዳ።

18 ኤለካ፣ አየንቶ ፖቁዋ ማላይ ሳኦል አይፍያፕ ዋድና፣ ሳኦል ላኢንሱፍ ዴሌዳ፤ ቃይ ደንዲደ ጸማቀቴዳ።

19 ቁማ ሚደ ምነት፣ ዳማሰቆን ደእያ ካልያዋንቱና አማራዳ ጋላሳ ጋምኤዳ።

ሳኦል ዳማሰቆን ታማርሴዳ

20 ኤለካ፣ “የሱሰ ክርስቶስ ጸሳ ናኣ” ያጌደ፣ አይሁዳ ዋሳ ጎለቱዋን ቃላ ኦዴዳ።

21 ሄዋ ሰሴዳ ኡባይ ማላለቲደ፣ “ሀዋ የሩሳላመን የሱሳ ሱንሳ ዴሰያዋንታ ቆይሰያዋ ግደኔ? ቃይ ኢንቱንታ ቃቸደ፣ ቁሳቱዋ ካፓቱዋ ሰንሳ አፋናው ይቤኔየ?” ያጌድኖ።

22 ሸን ሳኦል ቃላ ኦድያ ኦድ ምን ምን ቤዳ፤ የሱሰ ቃይ ክርስቶሳ ግድያዋካ እ እኩክሲደ ኦዴዳ ድራው፣ ዳማሰቆን ደእያ አይሁዳቱ አው ዛርያዋ ቆይድኖ።

23 ጮራ ጋላሳፕ ጉይያን፣ አይሁዳቱ ሸቁደ፣ ሳኦል ዋዳናው ዘረቱድኖ።

24 ሸን አይሁዳቱ ባረና ዋዳናው ቆፖዋ ሳኦል ሰሴዳ፤ ኢንቱንቱ አ ዋዳናው ቃማን ጋላሰ ካታማ ፕንግያ ናጊኖ።

25 ሸን ካልያዋንታ አ ቃማ አፊደ፣ ድርሳ ሁጲያና ቁንኣን ዲገ ዋዴድኖ።

ሳኦል የሩሳላመን ታማርሴዳ

26 ሳኦል የሩሳላመን ጋኬዳ ዋደ፣ ካልያዋንቱና እትፕ ጋከታናው ሸቅ በኤዳ፤ ሸን ካልያዋ እ ግዴዳዋ ኡባይ አማናን እጲደ፣ አው ያዬድኖ።

27 ሸን ባርናባሰ ሳኦል የሱሰ ከቴዎድሮስ ቱኩ አፊዳ፤ ኦግያን ጎዳ እ ዋኒደ በኤደንቶ፣ አው ጎዳይ ዋት ሃሳዬደንቶን ቃይ ሳኦል ዳማሰቆን የሱሳ ሱንሳን ያየናን ዋት ቃላ ኦዴደንቶ፣ ኢንቱንቶ ጌሺደ ኦዴዳ።

28 ሳኦል የሩሳላመን ዩዩደን ጎዳ የሱሳ ሱንሳን ያየናን ቃላ ኦዴደ፣ የሱሰ ከቴዎድሮስ እትፕ ደኤዳ።

29 ቃይ ሳኦል ግሪክ ቃላ ሃሳይያ አይሁዳቱዋና ሃሳዬን ፓሎመቱ፤ ሸን ኢንቱንቱ አ ዋዳናው ኮዬድኖ።

30 እሻቱ ሄዋ ሰሴዳ፣ ሳኦል ዲገ ቁሳርያ አፊደ፣ ጸርሴሰ የዴድኖ።

31 ይሁዳን፣ ጋሊላን ሳማርያን ኡባን ደእያ አማንያ አሳቱ ሳርተላን ደኤድኖ፤ ቃይ ምኤድኖ፤ ጎዳው ያይያዋንን ጌሻ አያና ማዲዋን ጌመቲደ፣ ፓይዲዋንካ ዳር ዳር ቤድኖ።

ጸጽርሰ ሊድያንን የጸን ታማርሴዳ

32 ጸጽርሰ ኡባ ሳን ዩዩደ፣ ሊዳን ደእያ ጌሻ አሳቱዋኮ ቃይ ዋዴዳ።

33 ያተደ ሄዋን ሆሰቸን ላይላ ሰሊደ፣ አርሳን ግሲደ ደእያ እት ኤንያ ግያ ብታንያ ደሚዳ።

34 ጸጽርሰ ኤንያ፣ “ኤናው፣ የሱሰ ክርስቶስ ኔና ፓሌ፤ ደንዳደ ነ ሂጻ የጋ”\* ያጌዳ። ሄዋፕ ጉየ ኤለካ ደንድ ኤቁዳ።

35 ሊዳንን ሳርናን ደእያ አሳይ ኡባይ ኤንያ በኤደ፣ ጎዳኮ ሰሚድኖ።

36 ዮጳ ካታማን እት ጸቢቶ ጌተትያ አማንዉና ደእው፤ ጸቢቶ ጉሳይ ግሪክ ቃላን ድርቆ ግያዋ። እዛ ባረ ደኤዳ ዋድያ ኡባን ሎኦባ ኦሳደን ሀዬሳ ማዲደ ደእው።

37 ሄ ዋደ አዛ ሀርጋደ ሀይቁና፣ አሳይ እዛ አሃ ማጨደ፣ ፖእያ ፑደ ከሲደ ግሰሴዳ።

38 ሊዳይ ዮጳው ማታ፤ ካልያዋንቱ ጸጽርሰ ሊድያን ደእያዋ ዮጳን ሰሴዳ፣ “ሀያና ኑኮ ኤለካ ያርኪ” ያግያ ከታ ላኤ አሳቱዋ ቦላ እኮ ከቴድኖ።

39 ሄዋፕ ጉየ ጸጽርሰ ደንዲደ፣ ኢንቱንቱና ብ ጋክና፣ ፖቆያ ፑደ እ ከሲደ፣ ክፍልያ ገልሴድኖ። እሰን ባይና አምኤ ማጫዋንቱ ኡባይ ዬኪደን ድርቃ ኢንቱንቱና ደእያ ዋደ ኦሌዳ ቃምሻቱዋን ማያቱዋ ኡባ ጸጽርሳ በሲደ፣ እ የሹዋን ዩይ አጂደ ኤቁድኖ።

40 ጸጽርሰ ኢንቱንታ ኡባ ካረ ከሲደ፣ ጉልባት ጸሳ ዋሴዳ፤ ቃይ አሃኮ ሰሚደ፣ “ጸቢቱ፣ ደንዳ” ያጌዳ፤ ጸቢታካ ባረ አይፍያ ደያ ጸጽርሳ በኣደ፣ ዶቃ ኡታዳ።

41 ጸጽርሰ እዛ ባረ ኩሽያን ማዲደ፣ ደንሐ ኤሴዳ፤ ሄዋፕ ጉይያን፣ አማንያዋንታን እሰን ባይና አምኤ ማጫዋንታ ዴሲደ፣ ፓዴዳውኖ ኢንቱንቶ አሚዳ።

42 ሀ የው ዮጳ ካታማ ኡባን ላለትና ጮራ አሳይ ጎዳ አማኤድኖ።

43 ጸጽርሰ ዮጳን እት ሰሞና ግያ ጋልባ ቃጮያዋና ዳር ዋድያ ጋምኤዳ።

### 10

ጸጽርሳን ቆርገልዮሳ

1 ቆሳርያን “ጸላቱዋ ኦላ አሳቱዋ” ጌተትያ ኦላንቻቶ እት ጴታቱዋ ካቸ ቆርገልዮሳ ግያዌ ደኤ።

2 ቆርገልዮሰ ጸሳ ሎሌዲደ አማንያ አሳን፣ ባረ ሶይ አሳ ኡባና እትፕ ጸሳው ጎይንያ አሳ፤

\* 9:34 ሂጻ የጋ፡ ሀዋ ጉሳይ ሜተትያባ ጊግሳ ጉሳ።

አይሁዳ ህዩሳካ እ ዳር ማዴ፤ ቃይ ጸሳ ኡባ ዋደ ዋሴ።

3 እት ጋላስ ኡዲፑ ሳትያ ሄራን፤ “ቆርገልዮሳ” ጊደ ጸሰያ ጸሳ ኪታንቻይ ባረኮ ገልሸን፤ ቆርገልዮሰ ሳጸን ጌሺደ በኤዳ።

4 ቆርገልዮሰ ያዪደ፤ ኪታንቻ ጫድ ጸሊደ፤ “ታ ጎዳው፤ እ ኦዩ?” ያጌዳ።

ኪታንቻይ ዛሪደ፤ ሀዋዳን ያጌዳ፤ “ነ ዋሳይን ኔን ህዬሳ ማድያዌ ጸሳ ሰንላን ሀሳየታናው ሳሉዋ ቤዳ።

5 ሀእ ዮጳ አሳ ኪታይ፤ ጸጽሮሳ ጌተትያ ሰሞና አህሳ።

6 ጸጽሮሰ አባ ድናን ደእያ ጋልባ ቃጭያ ሰሞና ጎለን እማላተሳን ኡቴዳ፤ ኔን ኦላናው በሰያዋ እ ነው ኡዳናዋ” ያጌዳ።

7 ቆርገልዮሰ ባረው ኦዴዳ ኪታንቻይ ቢና፤ ባረ ቆማቱዋ ላእቱዋን ጸሳው ጎይንያ ባረፕ ሻከተና ዋታዳራቱዋ ለቱዋ ጸሰደ፤

8 ኡንቱንቶ ኡባባ ኡዲደ፤ ኡንቱንታ ዮጳ ኪቴዳ።

9 ዋንተላ ጋላስ ኡንቱንቱ ቢደ፤ ዮጳ ካታማኮ ማትሸን፤ ጸጽሮሰ ኡሱፑን ሳትያ ሄራን ጎልያ ቦላን ደሞባዪደ ኡጮዳሳ ጸሳ ዋሳናው ከሴዳ።

10 ቃይ ኮሻቲደ፤ ቁማ ማናው ኮዬዳ፤ ሸን ቁማይ ካእሸን፤ ሳዓ በኤዳ።

11 ሳሉ ደየትና፤ ዋልቃማ ማዩዋ ማላትያባይ ኦይዱ ባጋና ኦይቀቲደ፤ ሳእን ዋድሸን፤ ጸጽሮሰ በኤዳ።

12 ሄዋን ኦይዱ ገድያና ደእያ መሄ፤ ደእይ፤ ሸሻይ፤ ዛሪነ ካፉ ኡባይ ደኤ።

13 “ጸጽሮሳ፤ ደንዳ ኤቃደ ሹካ ማ” ግያ ቃላይ እኮ ዬዳ።

14 ሸን ጸጽሮሰ፤ “ታ ጎዳው፤ ሀነና! ታን ቱናባን ሸንይያባ ኡባካ ማ ኤርከ” ያጌዳ።

15 ቃይ ላእኡዋ፤ “ጸሳይ ጌሹዳዋ ኔን ቱንሶፓ” ግያ ቃላይ እኮ ዬዳ።

16 ሄዙ ገደ ሄዋዳን ጌዳ፤ ሄዋፕ ጉይያን፤ ኤለካ ሄ ዋልቃማ ማዩዋ ማላትያዌ ፑደ ሳሉዋ አከት አጌዳ።

17 ጸጽሮሰ ባረ በኤዳ ሳዓ ብለላይ እያ ግዳንዳሻ? ያጌደ፤ ባረ ዋዛና ግደን፤ “ላ ሀዌ አዩ?” ጌሸን፤ ቆርገልዮሰ ኪቴዳ አሳቱ ሰሞና ጎሊ ደኢያሳ ኮዪደ፤ እ ፐንግያን ኤቁድኖ።

18 ባረንቱ ኮሻ ቶቁ ኦሊደ፤ “ጸጽሮሳ ጌተትያ ሰሞና ግያ እማላይ ሄዋን ደኤ?” ያጌደ ኦቹድኖ።

19 ጸጽሮሰ ሳጸን በኤዳባ አኬካናው ቆፋን ሸክደእሸን፤ ጌሻ አያናይ እ፤ “በእ፤ ሄዙ \* አሳቱ ኔና ኮዪኖ፤

20 ደንዳደ ዋቋ፤ ታን ኡንቱንታ ኪቴዳ ድራው፤ ሰፍን ኡንቱንቱና ባ” ያጌዳ።

21 ጸጽሮሰ አሳቱዋኮ ዋቋደ፤ “ሀንተንቱ ኮይያዌ ታና፤ እያ አካና ዬድቱ?” ያጌዳ።

22 ኡንቱንቱ፤ “ጸሳው ያይያ ጽሉ አይሁዳ አሳ ኡባን ዳር ቦንቹቱዳ ጸታቱዋ ካፑዋ ቆርገልዮሰ፤ ኔና ባረ ሶይ አፍሲደ፤ ቃላ ኔፕ ሰሳና ማላ፤ ጸሳ ጌሻ ኪታንቻይ አው ኦዴዳ” ያጌድኖ።

23 ጸጽሮሰ አሳቱዋ እማላ ኦል ሸባናው ሶይ ሞኮዳ።

ዋንተላ ጋላስ፤ ደንዳደ ኡንቱንቱና ቤዳ፤ ዮጳ ካታማን ደእያ እሻቱዋፕ ለቱ እቱ አናና እትፕ ቤድኖ።

24 ዋንተላ ጋላስ፤ ቁሳርያ ጋኬድኖ፤ ቆርገልዮሰ ባረ ዳባቱዋን ባረ ላገላቱዋ እትፕ ጸሰ ሸሺደ፤ ጸጽሮሳ ናጌ።

25 ጸጽሮሰ ገላና ሀንሸን፤ ቆርገልዮሰ አናና ጋከቲደ፤ እ ሰንላን ከንዲደ፤ አው ጎይኔዳ።

26 ሸን ጸጽሮሰ፤ “ደንዳ! ታንካ ታ ሀጸው አሳ” ያጌደ እ ደንጮዳ።

27 ጸጽሮሰ ቆርገልዮሳና ሃሳዪደ፤ ሶይ ገሌዳ፤ እ ገልያ ዋደ ጮራ አሳይ ሸቁዳዋ ደሚደ፤

28 አሳ፤ “አይሁዳ አሳይ ሀራ ዛርያና እትፕተላን ደእናው፤ ዋይ ጋከታናው ዋጋ ግደናዋ ሀንተ ሀጸው ኤሪታ፤ ሸን ታን አናን ቱና ዋይ ሸንይያባ ጌና ማላ፤ ጸሳይ ታና በሴዳ።

29 ሄዋ ድራው፤ ሀንተ ታው ኪትና፤ ፓሉማይ ባይናን ያድ። ሀእ፤ ታና አያው አህሴድቱ?፤ ያጋደ ሀንተንታ ኦቻይ” ያጌዳ።

30 ቆርገልዮሰ ሀዋዳን ያጌዳ፤ “ታን ሀቼ ኦይዱ ጋሳሳፕ ካሰ ሀ ሳትያን ኡዲፑ ሳትያ ዋሳ ታ ሶይን ጸሳ ዋሰሸን፤ ጸልቂያ ማዩዋ ማዬዳ አሳይ ታ ሰንላን ኡቁደ፤

31 ታና፤ “ቆርገልዮሳ፤ ጸሳይ ነ ዋሳ ሰሴዳ፤ ኔን ህዬሳ ማድያዋካ ሀሳዬዳ።

32 ሰሞ አሳ ዮጳ ኪታይ፤ ሰሞን ጸጽሮሳ ግያዋ ጸሰሳ፤ ሰሞን ጸጽሮሰ ሰሞና ግያ ጋልባ ቃጭያዋ ጎለን አባ ድናን እማላተላ ኡቴዳ ያጌደ።

33 ሄዋ ድራው፤ ታን ኔኮ ኤለካ ኪታድ፤ ኔን ያደ ሎይላዳ፤ ሰሞ ኔን ኑው ኡዳናው ጸሳይ ኔና አዛዜዳዋ ኡባ ሰሳናው ሀእ ኑን ኡባይ ሀዋን ጸሳ ሰንላን ደኤቶ” ያጌዳ።

ጸጽሮሳ ሃሳያ

34-35 ጸጽሮሰ ሃሳያ ሀዋዳን ያግ ደሜዳ፤ “ጸሳይ አሳ ሶሞእያ ጸላና፤ ሸን ጋደ ኡባን ባረው ያይያዋን ጽሎ ኡሱዋ ኦልያዋ ጋላትያዋ ታን ቱሙ፤ አከካድ።

36 ጸሳይ አሳ ኡባ ጎዳ፤ የሱሰ ክርሰቶሳ ባጋና፤ ሳርተላ ኦዲደ፤ ሀ ዋንጋላ ሞሽራቹዋ እሰራኤልያ አሳው ኪቴዳዋ ሀንተንቱ ኤሪታ።

37 ዮሃንስ ቃላ ኦዴዳ ጽንቃፕፕ ጉይያን፤ ጋሊላፕ ደሚደ፤ ይሁዳ ጋድያ ኡባን ሀኔዳዋ ሀንተ ኤሪታ።

38 ጸሳይ ናዘራትያ የሱሳ ጌሻ አያናንገ ዋልቃን ከንጮዳ፤ ጸሳይ አናና ደእያ ድራው፤

\* 10:19 ሄዙ፡- እት እት ማጻፋቱ ጮራ ጊኖ፤ እት ማጻፋይ ላኤ ያጌ። 10:34-35 ዛረ. 10:17



ሎኦባ እ ኦሊድን ጸላሁያ ካፕ ሞደቱዳ ኡባ ፓሊደ ዩዩዳ።

39 “እይሁዳ ጋድያንን የሩሳላሙን እ ኦሊዳ ኡባባወ ኾን ማርካ። ኡንቱንቱ ማሰቃልያ ቦላ ምስማርያን ድሽ ካቀደ፣ እ ዋዴድኖ።

40 ሽን ጸሳይ ሄዘንሉያ ጋሳሳን ሀይቁዋፕ እ ደንሱደ በሴዳ።

41 ጸሳይ ኮይሮ ደሬዳ ማርካቱዋ ኑና፣ እ በሴዳፕ እትን፣ እሳ ኡባ ግደና፤ ሀይቁዋፕ እ ደንዴዳዋፕ ጉይያን፣ ኑን እናና ሜዳን ኡሼድ።

42 ጸሳይ ምንጋላ ምሽራቹዋ እሳዉ ኑን ኡዳናዉን፣ ፓጾ ደእያዋንቱ ቦላንን ሀይቁዳዋንቱ ቦላን ፕርዳናዉ እ ሱንሱዳዋ የሱሳ ግዴዳዋ ኑን ማርካታናዉ ኑና እዛዜዳ።

43 ጸሳይ እን እማንያ ኡባ ናጋራ እ ሱንሳን አቶ ጋናዋ ናባቱ ኡባቱ ማርካቲኖ” ያጌዳ።

እይሁዳ ግደና አሳቱ እማኒደ ጌሻ እያና አኬድኖ

44 ጸጽሮስ ብሮ ሄ የወዋ ኦድሸን፣ ቃላ ሰሰያ ኡባ ቦላ ጌሻ እያናይ ዋድ አኬዳ።

45 ጸጽሮሳና የጸፕ ዬዳ፣ እማንያ ቃጸረቲዳ እይሁዳ ኡባቱ እይሁዳ ግደናዋንቱ ቦላንካ ጌሻ እያና እሞታይ ጉኩዳ ድራዉ ማለላቲድኖ።

46 እያዉ ጎፕ፣ ኡንቱንቱ ዲማ ዲማ ቃላን ሃሳይሸንን ጸሳ ዳርተሳ ሳቢሸን ሰሴድኖ።

ሄ ዋደ ጸጽሮስ ዛሬደ፣

47 “ሀዋንቱ ቃይ ኑናዳን ጌሻ እያና አኬዳዋንቱ ጸማቀተናዳን፣ ሃሳ ኡንቱንታ ድጋናዉ ዳንዳይያዋ ኦኔ?” ያጌዳ።

48 ኡንቱንቱ የሱሰ ክርስቶሳ ሱንሳን ጸማቀታና ማላ፣ ኡንቱንታ እዛዜዳ፤ ሄዋፕ ጉይያን፣ ኡንቱንቱ ባረንቱና እማሬዳ ጋሳሳ ኡታና ማላ፣ እ ዋሴድኖ።

# 11

ጸጽሮስ እይሁዳ ግደና አሳፕ እማኔዳዋንቱ ሰይ እያዉ ገሌደንቶ ኦዴዳ

1 የሱሰ ኪቴዳዋንቱን ይሁዳ ኡባን ደእያ እሻቱ፣ እይሁዳ ግደናዋንቱካ ጸሳ ቃላ አኬዳዋ ሰሴድኖ።

2 ጸጽሮስ የሩሳላሙ ቤዳ ዋደ፣ ቃጸረቲዳ አሳቱ እናና ፓሉመቲደ።

3 አ፣ “ኔን ቃጸረትቤናዋንቱን ገላደ፣ ኡንቱንቱና ቁማ ማዳ” ያጌድኖ።

4 ሽን ጸጽሮስ ሀኔዳዋ ኮይሩዋፕ ደሚደ፣ ማራን ማራን ሀዋዳን ያጌደ ኦዴዳ።

5 “ታን የጸ ካታማን ጸሳ ምስሸን፣ ታን እያናን ግደደ ሳፃ በእድ፤ ዋልቃማ ማዩዋ ማላትያዋ ኦይዴ ባጋና ኦይቀቲደ፣ ሳሉዋፕ ዋዲደ፣ ታኮ ዬዳ።

6 ሄዋ ግዳዋ ታን ጫዳ ጸልያ ዋደ፣ ኦይዴ ገዲ ደእያ መሀያ፣ ዱኡ፣ ሾሻ፣ ዛርያን ካፋዋ በእድ።

7 ቃይ፣ ጸጽሮሳ፣ ደንዳ፤ ሹካ ማ፣ ግያ ቃላ ታን ሰሳድ።

8 “ሸን ታን፣ ታ ጎዳዉ፣ ሀንና! ቱናባይ ዋይ ሸንይያባይ ኡባካ ታ ደናኮ ሸቅ ኡረና፣ ጋድ።

9 “ቃላይ ሳሉዋፕ ላኤንሉዋካ፣ ጸሳይ ጌሼዳዋ ኔን ቱና ጎፓ” ያጌደ ታዉ ዛሬዳ።

10 “ሄዋ ሄዙ ገደ ሀንና፣ ዉርሰሳን ኡባባይ ሳሉዋ ፑደ ጎሽቲዳ።

11 ሄ ማንእያን ሄዙ እሳቱ ቀሳርያፕ ታኮ ኪተቲደ፣ ታን ደእያ ጎልያ ጋክ አኬድኖ።

12 ታንካ ሰፍን ኡንቱንቱና ባና ማላ፣ ጌሻ እያናይ ታዉ ኦዴዳ። ቃይ ሀ ኡሱፑን እሻቱ የጸፕ ታናና ቀሳርያ ቢና፣ ኑን ቆርነልዮሳ ሰይ ገሌዳ።

13-14 ኪታንቻይ ባረ ሰይን ኤቀደ ባረና፣ ጸጽሮሳ ጌተትያ ሰሞና ጴሳናዉ እሳ የጸ ኪታ፤ ኔን ነ ጎላ አሳይ ኡባይ አትያ ቃላ እ ነዉ ኦዳናዋ ጌዳዋ ቆርነልዮሰ ዋት ሰሴደንቶ፣ ኑዉ ኦዴዳ።

15 “ታን ሃሳናናዉ ደምያዋን ጌሻ እያናይ ኮይሮ ኑ ቦላ ዋዴዳዋዳን፣ ኡንቱንቱ ቦላካ ዋድ አኬዳ።

16 ጎዳይ፣ የሃንሰ ሃሳን ጸማቁዳ፤ ሽን ሀንተንቱ ጌሻ እያናን ጸማቀታንታ” ያጌዳ ቃላ ታን ሀሳያድ።

17 ጸሳይ ኑዉ ጎዳ የሱሰ ክርስቶሳ እማኔዳዋንቶ እሜዳ እሞታ ማላ እይሁዳ ግደናዋንቶካ ቃይ እሞፕ፣ ሰሞ ጸሳ ድጋናዉ ታን ኦኔ?” ያጌዳ።

እማንያዋንቱ ክርስታን ጌተቲድኖ

18 ኡንቱንቱ ሀዋ ሰሴዳ ዋደ ባረንቱ ፓሉማ እገደ፣ “ያትና፣ ጸሳይ እይሁዳ ግደናዋንቱካ ቃይ ናጋራፕ ሰሚደ ደእናዳን፣ ኡንቱንታ ካጩድዳ” ያጌደ ጸሳ ጋላቲድኖ።

19 እስጽፋፍሳ ቦላ ጋኬዳ ዋይያ ጌዳዋን ላላቲዳ እማንያዋንቱ ቃላ እይሁዳቱዋ ጸላላፕ አትን፣ ሀራዉ እቶን ኦድናን፣ ፕንቀ፣ ቆጶሮሳን እንጾክያ ጋካዉ ዩዩድኖ።

20 ሽን ቆጶሮሳፕን ቀሬናፕ ዬዳ እት እት እማንያ አሳቱ እንጾክያ ቢደ፣ ጎዳ የሱሳ ዋንጋላ ምሽራቹዋ ኦዲደ፣ ግሪክ አሳዉካ

\* ኦዴድኖ።

21 ጎዳ ዋልቃይ ኡንቱንቱና ደኤ፤ ቃይ ጮራ አሳይ እማኒደ፣ ጎዳኮ ሰሚድኖ።

22 ሀ የዉ የሩሳላሙን ደእያ እማንያ አሳዉ ሰሰትና፣ እማንያ አሳይ ባርናባሳ እንጾክያ ኪቲዳ።

23 ባርናባሳ እንጾክያ ቤዳ ዋደ፣ ጸሳ እጾ ኬካተሳ ኦሱዋ በእደ ናሽቲዳ፤ ኡንቱንቱ ኡባይ ጎዳን ባረንቱ ኩመንሳ ዋዛናፕ ምን ደእናዳን፣ ኡንቱንታ ዛሬዳ።

24 እያዉ ጎፕ፣ ባርናባሳ ጌሻ እያናይን እማኑ ኩሜዳ ሎኮ እሳ፤ ሄ ጋሱዋን ጮራ አሳይ ጎዳኮ ዬድኖ።

25 ሄዋፕ ጉይያን፣ ባርናባሳ ጎኦላ ኮያናዉ ጸርሴስ ቤዳ።

26 ያተደ ሳኦላ ደሚዳ ዋደ፣ እንጾክያ እሄዳ። ባርናባሳን ጎኦል እማንያ አሳና

\* 11:20 ግሪክ አሳ- ሀዋ ጉሳይ ግሪክ ቃላ ሃሳይያ እይሁዳ ዋይ ሀራ አሳ።

እት ላይሳ ኩመንሳ ኡቲደ፡ ጮራ እሳ ታማርሴድኖ፤ ካልያዎንቴ እንጾክያን አማንያ አሳ ጌተቲደ፡ ኮይሮ ጸሰቲድኖ።

27 ናባቱ የሩሳላመፕ እንጾክያ ሄ ዎደ ዎጂድኖ።

28 ኡንቱንቴ ግደፕ አጋቦሳ ግያዌ ደንዲደ፡ ሳእ ኡባን ዎልቃማ ኮሻይ ደንዳናዎ እያና ዎልቃን ትዎቢትያ ኦዴዳ፤ ሄዌ ሀኔዳዌ ቃላዉደዮሳ ካዉተሳ ዎድያና።

29 ካልያዎንቴ ሁጲያን ሁጲያን ባረንቴ ዎልቃ ከና ሚሻ ከሲደ፡ ይሁዳን ደእያ ባረንቴ እሻቶ ማዳዎ የዳናዉ ቆፋ ቃቹድኖ።

30 ኡንቱንቴ ሄዎዳን ኦሊደ፡ ሚሻ ባርናባሳ ቦላን ሳኦላ ቦላ ዎሳ ጎላ ጭማቶ የዴድኖ።

### 12

ዎሳ ጎላን ዎልቃማ ኢታ የደሳይ ዶሜዳ

1 ካትያ ሄርድሰ \* ሄ ዎደ ዎሳ ጎላ አሳፕ አማራዳዎንታ ዎይሱዎ ዶሜዳ።

2 ዮሃንሳ እሻ ያቆሳ ማሻን ዎድሴዳ።

3 ሄዌ እይሁዳቱዎ ናሽቹዳዎ በኢደ፡ ጉጅ ጸጽሮሳካ ኦይቄዳ፤ ሄዌ ማጋገ ኡክሳ ባላ ቦንቶያ ጋላሳቱዋና።

4 ጸጽሮሳ ኦይቄደ ቃቹዳ። ፓሰጋ ባላ ቦንቶያ ጋላሳቱዋፕ ጉይያን፡ ጋደ አሳ ሰንሳ አሳናዉ ቆፕደ፡ ኦይዱ ኦይዱ ዎታዳራቱ እ ናጋናዳን፡ ታማን ኡሱፑን ዎታዳራቶ አሊደ እሜዳ።

5 ሄዎ ድራዉ፡ ጸጽሮሰ ቃሾ ጎልያን ናገቱ፤ ሽን ዎሳ ጎላ አሳይ አዉ ሞንሲደ ጸሳ ዎሴ።

ኪታንቻይ ጸጽሮሳ ቃሾ ጎላፕ ከሴዳ

6 ሄርድሰ ጸጽሮሳ አሳ ሰንሳ አሳናዉ ቆፓናፕ ካሰ ቃማ፡ ጸጽሮሰ ላኡ ሳንሳላታን ቃሽቲደ፡ ላኡ ዎታዳራቱዋፕ ግዲዋን ገሞእሼዳ፤ ናግያዎንቴካ ቃሾ ጎላ ፕንግያን አቂደ ናገኖ።

7 አከከናን ደእሸን፡ ጎዳ ኪታንቻይ ሄዎን ኤቄ አጌዳ፤ ቃሾ ጎላንካ ፖኡ ፖኢ አጌዳ። ኪታንቻይ ጸጽሮሳ ሞይያ ደቕ ቤጎሊደ እ፡ “ኤላ ደንዳ” ያጌዳ፤ ሄ ማንእያን ሳንሳላታይ እ ኩሽያፕ ዎድ አጌዳ።

8 ኪታንቻይ እ፡ “ሳ ሱርያ ዳንጫ፤ ነ ጫማካ ዎላ” ያገና፡ ጸጽሮሰ ሄዎዳን ኦሊደ፤ ኪታንቻይ፡ “ሳ ማደዎ ማያደ ታና ካላ” ያጌዳ።

9 ጸጽሮሰ ቃሾ ጎልያፕ ከሲደ፡ ኪታንቻ ካሊዳ፤ አዉ ሳዎ በእያዎ ማላቴዳፕ እትን፡ ኪታንቻይ ኦልያባይ ቱማ ግዴዳዎ ኤርቤና።

10 ኪታንቻይን ጸጽሮሰ ኮይሮ ዎታዳራፕን ላኤንሳ ዎታዳራፕ አዲደ፡ ካታማ አፍያ ብራታ ፕንግያኮ ጋኬድኖ፤ ፕንጊካ ኡንቱንቶ ባረካ ደየት አጌዳ፤ ኡንቱንቴ ከሲደ እት ኦግያና

ቢሸን፡ ኪታንቻይ ኤላካ ጸጽሮሳፕ ሻከት አጌዳ።

11 ጸጽሮሰ ባረና ጋኬዳባ እከከደ፡ “ታና ጎዳይ ባረ ኪታንቻ ከቲደ፡ ሄርድሳ ኩሽያፕን እይሁዳ አሳይ ናግ ኡቲዳ ኡባባፕ እሹዳዎ ሀእ ቱሙ ኡራድ” ያጌዳ።

12 እ ሄዎ እከከዳ ዎደ፡ ጮራ አሳይ እትፕ ሸቄደ ጸሳ ዎሰያሳ፡ ማርቆሳ ግያ ዮሃንሳ ዳይ ማይራሞ ሶይ

13 ቢደ ፕንግያን ጸሰና፡ እት ሮዶ ግያ ቆማታ ደያናዉ ያዴ።

14 ሮዶ ጸጽሮሳ ቃላ ግዴዳዎ ኤራዳ ዎደ፡ ባረና ናሽቶና፡ ፕንግያ ደየናን ጉዮ ዎጾደ፡ ጸጽሮሰ ካረን ኤቄዳዎ አሳዉ ኦዳዴ።

15 አሳይ አዘ፡ “ሀን፡ ኔን ጎያ” ያጌዳ። ሮዶ ጸጽሮሳ ግዴዳዎ ገሻደ ኦዳዴ። ኡንቱንቴ፡ “ሄዌ እ ኪታንቻ” ያጌድኖ።

16 ሽን ጸጽሮሰ ካረን ጸሲደ አገናን እጽና፡ አሳይ ካርያ ዶይ፡ እ በኢደ ማላለቲድኖ።

17 ሽን ኡንቱንቴ ጮኡ ጋና ማላ፡ ጸጽሮሰ ባረ ኩሽያን ጸርሲደ፡ ጎዳይ ቃሾ ጎልያፕ አ ዎት ከሴደንቶ፡ ኡንቱንቶ ቆንጭሰ ኦዲደ፡ “ሀዎ ያቆዉካ ፤ እሻቶ ስ እድተ” ጊደ፡ ከሰ ሀራሳ ቤዳ።

ሄርድሳ ሀይቁዎ

18 ሳእይ ዎንቴዳ ዎደ፡ ጸጽሮሰ ሀቃ ብድጌደንቶ ገና ዎታዳራቱዎ ግደን ዳር ዋላሳይ ከሴዳ።

19 ሄርድሰ ጸጽሮሳ ኮይሸን፡ እ ጳዬዳ ዎደ፡ ናግያዎንታ ቆሪደ፡ ኡንቱንታ ዎቆና ማላ አዛዘዳ፤ ሄዎፕ ጉይያን፡ ይሁዳፕ ቁሳርያ ዎጂድ፡ ሄዎን አማራዳ ዎድያ ኡቲዳ።

20 ሄርድሰ ዲርሳ አሳዉን ሲደና አሳዉ ሎይሳ ሀንቁቲዳ፤ ኡንቱንቴ ጋደ አሳይ ካሳ ሄርድሳ ጋደ አሳፕ ደሞያ ድራዉ፡ ኡንቱንቴ እትፕ ግዲደ፡ እ ጎልያ ካፑዎ ብላሰጸሳ ባረንቴ ባጋ ኦሊደ፡ ሰጎታና ማላ ዎሳናዉ ሄርድሳኮ ቤድኖ።

21 ሄርድሰ ሱንፍጥጥጥ ያላሰ፡ ባረ ካዉተሳ ማደዎ ማዶደ፡ ካዉተሳ ኦይድያን ኡቲደ፡ አሳዉ ሃሳዬዳ።

22 አሳይ፡ “ሀዌ ጸሳ ቃላ፤ አሳ ቃላ ግደና” ያጌደ ከሻ ቶቁሲደ ሃሳዬዳ።

23 ሄርድሰ ጸሳ ቦንቶቤና ድራዉ፡ ሄ ማንእያን ጎዳ ኪታንቻይ አ ደቶና፡ ጉጾንያን ሚተቲደ፡ ሀይቄ አጌዳ።

24 ሽን ጸሳ ቃላይ ድጩን ዳር ዳር ቤ።

25 ባርናባሰን ሳኦላ ባረንቴ ኦሎቀ ፖሊደ፡ ማርቆሳ ግያ ዮሃንሳ ባረንቴና አኪደ፡ የሩሳላመፕ ሰሜድኖ።

### 13

ባርናባሰን ሳኦላ ጌሻ አያናይ ዶርና፡ ታማርሳናዉ ከተቲድኖ

\* 12:1 ሄርድሰ- ሀዎ ጉሳይ ሄርድሰ አግሪጸ ኮይሩዎ ግዲደ፡ ፓላሰቲን ግያ ጋድያ ኡባ ዎድያዎ፡ ሄዌካካ ዎጋ ሄርድሰ ሄዘላ የላታ። 12:4 ከሳ 12:1-27 † 12:15 እ ኪታንቻ- እ ናግያ ኪታንቻ ግደናን አገና ጉሳ። ‡ 12:17 ያቆባ- ጎዳ እሻ። § 12:17 እሻቶ- አማንያ ሀራቶ።

1 እንጾክያን ደእያ አማንያ አሳ ግድን ናባቱን ታማርሰያዎንቱ ደእኖ፤ እንቱንቱካ ባርናባሳ፣ ካረፋ ግያ ሰሞና፣ ቀሪና፣ ዬዳ ሉቅዮሳ፣ ጋድያ ሞድያ ሄርድሳና \* ድጩዳ ሞናህን ሳኦላ።

2 እንቱንቱ ጎዳው ጎይንሸናን ጸሞሽን፣ ጌሻ አያይይ፣ “ታን ጸሴዳ እሶ ባርናባሳን ሳኦላ ታው ደማይተ” ያጌዳ።

3 እንቱንቱ ጸሜዳዎጥን ሞሴዳዎጥ ጉይያን፣ ባረንቱ ኩሽያ ባርናባሳ ሰላንን ሳኦላ ሰላን ዋሊደ፣ እንቱንታ የዳድና።

ባርናባሳን ሳኦላ ቆጶሮሳ ሴድና

4 ሄዎ ድራው፣ ጌሻ አያይይ እንቱንታ ከትና፣ ሴሌቅያ ዋዴድና፤ ሄዎጥ ዋንግርያን ገሊደ፣ ቆጶሮሳ ሃፋን ደደቱዳሳ ሴድና።

5 እንቱንቱ ሰልማና ጋኪደ፣ እይሁዳ ዋሳ ጎለቱዋን ጸሳ ቃላ ኦዴድና፤ እንቱንታ ማዳናው ዮሃንስ † እንቱንቱና ደኤ።

6 እንቱንቱ ቆጶሮሳ ሃፋን ደደቱዳ ሳኦ ኡባ ጳፋ ጋካናው የዪደ፣ ናብያ እት ዋርዳንቻ፣ እይሁዳ አሳ ባር-የሱሳ ግያ ሻራቹዋ ደማድና።

7 ሄ ሻራቹ ጋድያ ሞድያ ሳርግዮሳ ጳውሎሳ ግያ እኩካንቻ ብታንያና ደኤ። ሳርግዮሳ ጳውሎሳ ባርናባሳን ሳኦላ ባረኮ ጸሴደ፣ ጸሳ ቃላ ሰሳናው ኮዬዳ።

8 ሽን ሻራቹዋ ኤልማስ (ግሪክ ቃላን ሄዌ ኦ ሱንፋ) ጋድያ ሞድያዋ አማኑዋ ድጋናው ኮዪደ፣ እንቱንቱ ሃሳያ ጳልቄዳ።

9 ሽን ጳውሎሳ ግያ ሳኦላ ባረናን ጌሻ አያይይ ኩሞና፣ ሻራቹዋ ጫድ ጸሊደ።

10 ኦ፣ “ላ ሀ ጸላህያ ካቼዋ ናኦው፣ ገነተላይ ኡባይን ኢተተላይ ኡባይ ኩሜዳዎ፣ ጽሎተላ ኡባ ሞርከው፣ ጎዳ ኦግያ ሱርያ ጌላይያዋ አግኪ?”

11 በእ፤ ሀእ ጎዳ ኩሽ ነ ሰላ ደኤ፤ ኔን ቆቃ ግዳና፤ አማራዳ ዋዲ ጋካናው፣ አዎ ፖኡዋ በእካ” ያጌዳ።

ሄ ማንእያን ሻናቻይን ጳማይ ኦ አይፍያ ጎዘና፣ ባረ ኩሽያ ኦይቄደ፣ ካለልያ ኡራ ኮዪደ የዬዳ።

12 ሄ ዋደ ጋድያ ሞድያዋ ሄዎ በኤዳ ዋደ፣ ጎዳይ ታማርሰያዎን ማላለቲደ አማኔዳ።

ባርናባሳን ጳውሎሳ ጸሴድያን ደእያ እንጾክያ ሴድና

13 ጳውሎሳን እናና ደእያዎንቱ ጳፋጥ ደንዲደ፣ ጽንፍልያን ደእያ ጳርገ ዋንግርያን ሴድና፤ ዮሃንስ እንቱንቱጥ ሻከት፣ የሩሳላሙ ሰሜዳ።

14 ሽን እንቱንቱ ጳርገጥ አዲደ፣ ጸሴድያን ደእያ እንጾክያ ጋኪድና፤ ሳሞባታ ጋላሳን እይሁዳ ዋሳ ጎለ ገሊደ ኡቱድና።

15 ሙሴ ሀገን ናባቱዋ ማጻፋይ ናባቡቱዳዎጥ ጉይያን፣ እይሁዳ ዋሳ ጎለ ካፓቱ፣ “ኑ እሻቶ አሳ ሞንሰያ ቃላይ ሀንተንቶ ደኦ፤ አሳው ሃሳዬርክቱ” ያጌደ እንቱንቶ ኪቲድና።

16 ጳውሎሳ ደንድ ኤቄደ፣ ባረ ኩሽያን ጳርሴደ፣ ሀዋዳን ያጌዳ፤ “እሰራኤልያ አሳቶ፣ ጳሳው ያይያዎንቶ ሰሰተ።

17 ሀ እሰራኤልያ አሳ ጳሳይ ኑ አዎቱዋ ደሪደ፣ ግብጾ ጋድያን አማላተላን እንቱንቱ ደእሸን፣ እንቱንታ ጭርሴዳ፤ ባረ ዋልቃማ ዋልቃካ ግብጾ ጋድያጥ እንቱንታ ከሴዳ።

18 ባዙዋን ኦይታሙ ላይላ ከና ኑ አዎቱዋ እ ዳንዳዬዳ።

19 ካና ግያ ጋድያን እይሁዳ ግደና ላፕ ካውተላ ጳይሴደ፣ እንቱንቱ ጋድያ ባረ አሳ ላትሴዳ።

20 ሄዎጥ ጉይያን፣ ናብያ ሳሜላ ዋድያ ጋካናው፣ ኦይዲ ጸታን እሻታሙ ላይላ ከና ዳናቱዋ እንቱንቶ አማዳ።

21 ሄዎጥ ጉይያን፣ እንቱንቱ ባረንቶ ካትያ አማና ማላ ዋሰና፣ ጳሳይ ቢንያማ ዛርያጥ ቁሳ ናኦ ሳኦላ ኦይታሙ ላይላው ካተታና ማላ፣ እንቱንቶ አማዳ።

22 ጳሳይ ሳኦላ ሻራዳዎጥ ጉይያን፣ እንቱንቱ ሰላ ዳዊተ ካተታና ማላ፣ ኦ ደንጹዳ፤ ዳዊተባ ማርካቲደ፣ ታን ኮይያ ኡባባ ታ ዋዛናዳን ኦልያ እሰይ ናኦ ዳዊተ ደማድ” ያጌዳ።

23 “ጳሳይ፣ ታን ዳዊተ ዛርያጥ እሰራኤልያ አሳ እሸያዋ አሁና ቃላ ገሌዳዋዳንካ፣ የሱሳ እሄዳ።

24 የሱሰ ያናጥ ካሰ እሰራኤልያ አሳይ ኡባይ ባረንቱ ናጋራጥ ሰሚደ ጳማቃታና ማላ፣ ዮሃንስ ቃላ ኦዴዳ።

25 ቃይ ዮሃንስ ባረ ኡሱዋ ወርሳና ሀኒደ አሳ፣ ታና ኦና ገደ ቆጥቲ? ታን ሀንተ ናግያዋ ግድከ፤ ሽን በእተ፣ ኦ ገድያ ጫማ ቃሹዋካ ገድያጥ ብላናው ታው በሰናዌ ታጥ ጉየና ዬ” ያጌዳ።

26 “ታናዳን አማንያዎንቶ፣ ኡብራሃሙ ዘረላቶ፣ ቃይ ሀዋን እይሁዳ ግደናዎንቶ ጳሳው ያይያዎንቶ፣ ሀ ኦቶተላ ቃላይ ኑው ኪተቲዳ።

27 እያው ጎጥ፣ የሩሳላሙን ደእያ አሳይን እንቱንቱ ካፓቱ የሱሳን ሳሞባታ ጋላሳ ኡባን ናባቡትያ ናባቱዋ ቃላ እኩክቤና ድራው፣ ኦ ሰላ ፕርዲደ፣ ናባቱዋ ቃላ ፖሊድና።

28 የሱሳ ዋድሳናው እት ጋሱካ እንቱንቶ ቤተናን እጽና፣ ጽላጸሰ ኦ ዋጳና ማላ ዋሴድና።

29 “እንቱንቱ የሱሳባይ ጳሳ ማጻፋን ጳፊቲዳዋ ኡባ ፖሊድ ዋደ፣ ማስቃልያጥ ኦ ዋሊደ ሞጌድና።

30 ሽን ጳሳይ ሀይቁዎጥ የሱሳ ደንጹዳ።

\* 13:1 ሄርድሳ- ሄርድ እንቲሳ ጌተትያ ዋጋ ሄርድሰ ናኦ። ሄዌካ ጋሊላ ግያ ጋድያ ሞድያዎ። ሉቅ። 3:1 ጳልተ። † 13:5 ዮሃንሳ- ሀራ ሱንፋይ ማር. 12:12፣ 25 ጳልተ። 13:17 ከሳ 1:7፤ 12:51 13:18 ፓይ. 14:34፤ ዛረ. 1:31 13:19 ዛረ. 7:1፤ ኢሳያ 14:1 13:20 ዳኤላ 2:16፤ 1 ሳሜላ 3:20 13:21 1 ሳሜላ 8:5፤ 10:21 13:22 1 ሳሜላ 13:14፤ 16:12፤ ማዘ. 89:20 13:24 ማር. 1:4፤ ሉቃሳ 3:3

31 ሄዋጥ ጉይያን እ ባርናና ጋለጠ ዩሩሳሌም ዬዳ እሳቶ ጮራ ጋላሳ ቤቴዳ ኢንቲንቱ ሀእ እባ እሳዉ ማርካቲና።

32 “ጸሳይ ኑ አዋቶ እማና ጌዳ ዋንጋላ ሞሽራቹዋ ኑን ሀንተንቶ ኑዴቶ።

33 ዳዊተ ማዘሙርያ ማጻፋን ላእኔጎሎ ሸሞጥዋን፤

“ ሳን ታ ናእ።

ሀቼ ታን ነ እዉ ግዳድ፣ ጌተቲደ ጸፊቴዳዋዳን፣ ጸሳይ የሱሳ ደንፊደ፣ ኑ አዋቶ እማና ጌዳዋ ኑዉ ኢንቲንቱ ናናዉ ፖሌዳ።

34 ላእኔጎሎቀ እ ሀይቀና ማላ፣ ሀይቁጥጥ እ ደንፊዳዋ ጸሳይ፣ ታን ዳዊተዉ እማና ጌዳ እማንቲዳ ጌሻ እንጂዋ ሀንተንቶ እማና፣ ያጊደ ሃሳዬዳ።

35 ሄዋ ድራዉ፣ ማዘሙርያ ማጻፋን ሀራሳን ቃይ፣ ሳ ጌሻ ናእ አሃካ ሙሰሳካ፣ ያጊደ።

36 እያዉ ጎጥ፣ ዳዊተ ባር ዋድያን ጸሳ ቆፋ ኦሎዳዋጥ ጉይያን ሀይቁደ፣ ባር አዋቱዋና ሀይቁ ሙሴዳ።

37 ሸን ጸሳይ ሀይቁጥጥ ደንፊዳዊ ሙሰቤና።

38-39 “ሄዋ ድራዉ፣ ታናዳን እማንያዋንቶ፣ ናጋራ አቶ ጌተቴዳዊ ሀንተንቶ የሱሳ ባጋና አደቴዳዌነ፣ ሙሴ ህግያን ጽላናዉ ሀንተንቶ ዳንዳዋተና ኡባባጥ እን እማንያ ኡባይ ጽላናዊ ሀንተንቶ ኤራቶ።

40 ሄዋ ድራዉ፣ ናባቱ ጌዳዌ ሀንተ ቦላ ጋከና ማላ ናገትተ፤

41 “ ጸሳይ ጌዳባ ቅለጭያዋንቶ፣

በእተ፤ ሀራይ አቶ አት ኡራይ ሀንተንቶ ኦድንቶካ፣

ሀንተ እማና ኦሎቀ ታን ሀንተንቱ ዋድያን፣

ኦሎያ ድራዉ፣ ፖራ ጌተ፤ ሀይቁተ፣

ጌድና።” ያጊደ።

42 ጳውሎስን ባርናባስ እይሁዳ ዋሳ ጎልያጥ ከሰሸን፣ አሳይ ኢንቲንታ ላእኔጎሎቀ ሳሞባታንካ ሄዋ ጉጂደ ኦዳና ማላ ዋሴድና።

43 ሸቆ ላለቴዳዋጥ ጉይያን፣ ጮራ እይሁዳቲነ እይሁዳቲዋ እማኑዋን ገሊደ ጸሳዉ ያይያ ጮራቱ፣ ጳውሎስን ባርናባሳ ካሌድና፤ የሱሰ ኪቴዳዋንቱ ጸሳ አቶ ኬካተሳን ሞን ደእና ማላ፣ ኢንቲንቶ ኦዲደ ሞንሴድና።

44 ላእኔጎሎቀ ሳሞባታን እማራዳ አሳቱዋጥ አትን፣ ካታማ አሳይ ኡባይ ጸሳ ቃላ ሰሳናዉ ሸቆዳ።

45 ሸን እይሁዳቲ ጮራ አሳ በኤዳ ዋድ፣ ጳውሎስን ቃናቴድና፤ እ ሃሳያ ጸልቁደ፣ እ ቦራድና።

46 ጳውሎስን ባርናባስ ጸሊደ፣ “ጸሳ ቃላይ ካሰቲደ ሀንተንቶ ኦድታናዉ ኮሼ፤ ሸን ቃላ ሀንተ እጼዳ ድራዉን ሙድና ደኡዋ አካናዉ ሀንተንቶ በሰና ጊደ፣ ሀንተ ሀንተንቱ ሀጺያን ፕርዳዳ ድራዉ፣ በእተ፣ ኑን እይሁዳ ግደናዋንቲኮ ሰሚና።

47 እያዉ ጎጥ፣ ጎዳይ ኑና፣

“ ሳሳይ ኡባይ ሀንተ ባጋና አታና ማላ፣

ሀንተንታ ታን፣

እይሁዳ ግደናዋንቶ ፖሎቀ ኦላድ፣ ያግ አዛዜዳ”

ያጊድና።

48 እይሁዳ ግደናዋንቱ ሄዋ ሰሴዳ ዋድ፣ ናሽቲደ ጸሳ ቃላ ቦንቼድና፤ ቃይ ሙድና ደእ ድራቴዳ ኡባይ እማኔድና።

49 ጎዳ ቃላይ ሄ ጋድያ ኡባ ጋኬዳ።

50 ሸን እይሁዳቲ ጸሳዉ ጎይንያ ቦንቼቲዳ ማጫዋንታን ካታማን ደእያ ዋልቃማ አሳቱዋ ጸዉሎሳ ቦላንን ባርናባሳ ቦላ ደን፣ ለፍ፣ አሳቱ ኢንቲንታ የደርሱዋ ደሚደ፣ ባርንቱ ጋድያጥ ከሴድና።

51 ሸን የሱሰ ኪቴዳዋንቱ ኢንቲንታ እጽያዋንቶ ማላታ ግዳና ማላ፣ ባርንቱ ገድያጥ ባና ሾጪደ፣ ፤ አቆንዮን ካታማ ቤድና።

52 ቃይ እንጽክያን ደእያ ካልያዋንቱንካ ጌሻ አያናይን ናሽቻይ ኩሚዳ።

# 14

ጳውሎስን ባርናባስ እቆንዮን ቤድና

1 ካሰዋዳንካ ጳውሎስን ባርናባስ እቆንዮንን እይሁዳቲዋ ዋሳ ጎሊ ገሊደ፣ ቃላ ኦዲድና፤ ሄዋጥ ጉይያን ጮራ እይሁዳቲነ እይሁዳ ግደናዋንቱ እማኔድና።

2 ሸን እማንቤና እይሁዳ ግደናዋንቱ ዋዛና ላሚደ፣ እሻቱዋ ቦላ ሀንቀሌድና።

3 የሱሰ ኪቴዳዋንቱ ሄዋን ዳር ዋድያ ጋሞኤድና፤ ኢንቲንቱ ጎዳባ ያየናን ኦዲድና፤ ጎዳይ ማላታን ኦራሳባ ኢንቲንቱ ኦላና ማላ፣ ኢንቲንቶ ዋልቃ እሚዳዋን ባር አቶ ኬካተሳ ቃላባይ ቱማ ግዳዳዋ ማርካቲዳ።

4 ሸን ካታማ አሳይ ሻከት፣ ባጋይ እይሁዳቲዋኮ፣ ባጋይ የሱሰ ኪቴዳዋንቲኮ ሰሚድና።

5 እይሁዳ ግደናዋንቲነ እይሁዳቲ ባርንቱ ካፓቱዋና እትጥ የሱሰ ኪቴዳዋንታ ቆሀናዉን ሹቻን ጫዳናዉ ቆፕዳ ዋድ።

6 የሱሰ ኪቴዳዋንቱ ሄዋ ኡራደ፣ ልሰጽራን ደርቦ ጌተያ ለቃኦንያ ካታማቲዋን ኢንቲንቱ ሄራን ደእያ ጋድያ ብ አጌድና፤

7 ሄዋን ዋንጋላ ሞሽራቹዋ ኦዲና።

8 ባር ዳይ ኡሉዋጥ የለቶደጥ ደሚደ፣ ላኦ ገዲ ሰልና፣ ኡባካ ሀሙተና እት ብታኒ ልሰጽራን ደኤ።

9 ህ ብታኒ ጳውሎስ ኦድሸን ሰሴ፤ ጳውሎስ እ ጫድ ጸልያ ዋድ፣ ፓጻናዉ እዉ እማኑ ደእያዋ በኢደ።

10 ኮሻ ቶቁሲደ እ፣ “ሰት ጋደ ነ ገድያን ኤቃ” ያጌዳ፤ ጉፕ ደንዲደ፣ ሀሙታ ደሚዳ።

13:33 ማዘ. 2:7 13:35 ማዘ. 16:10 13:41 እምባ. 1:5 13:47 እሳ. 42:6፤ 49:6 ፤ 13:51 ባርንቱ ገድያጥ ባና ሾጪደ- ሀዌ አሳይ አከናን እጸዋ በሰያ ኦግያ።

11 ጳውሎስ ኦሎዳዋ አሳይ በኢደ፣ ባረ ከሻ ለቃኑን ቃላን ቆቁ አሏደ፣ “ጸላቱ አሳ ማላቲደ ኩዎ ዎጄድኛ” ያጌዳ።

12 አሳይ ባርናባሳ፣ “ድያ”\* ጊደ፣ ጳውሎስ ሃሳያው ዋናትያ ድራው፣ አ፣ “ሄርሜሳ” ጊደ ሱንጤዳ።

13 ጌሻ ጎሊ ካታማ ማታን ደእያ ድያ ቁሳይን አሳይ ኮሩማቱዋን ዳሪ ሎእያ ጨሻቱዋ የሱስ ኪቴዳዋንቶ ያርሹዋ ያርሻናው ኮዪደ፣ ጥንግያ አሄድኛ።

14 ሸን የሱስ ኪቴዳ ባርናባሳን ጳውሎስ ሄዋ ሰሴዳ ዋደ ባረንቱ ማዮዋ ፔጲደ፣ አሳ ግደ ዋዪደ።

15 ባረንቱ ከሻ ቆቁ አሏደ፣ ሀዋዳን ያጌድኛ፤ “አሳው፣ ሀዋ እያው አሏቱ? ኮንካ ህንተንቱዋዳን መጠቅዳ አሳ፤ ሀ ፓርና የወዋጥ ሳሉዋን ሳአ፣ አባን ኢንቱንቱ ግደን ደእያ ኡባባ መጴዳ ደኡዋ ጸሳኮ ህንተ ሰማና ማላ፣ ህንተንቶ ኮን ዋንጋላ ምሽራቹዋ ኦዪቶ።

16 እ በን አሳ ዘረሳይ ኡባይ ባረንቱ ኦግያ ባና ማላ የድ አጌዳ።

17 ህንተንቶ እራ ሳሉዋጥ ቡክሴዳ፤ ካላካ እ ዋድያን እሜዳ፤ ቃይ ቆማ እሚደ፣ ህንተንታ ሎይሳ ናሸቱ፤ ያቲደ ህንተንቶ ሎኦባ አሏደ፣ ኡባ ዋዪካ ባረው ማርካ ጳይቤና” ያጌድኛ።

18 የሱስ ኪቴዳዋንቱ ሄዋ ጊደ፣ ባረንቶ አሳይ ያርሸና ማላ፣ መቶቲደ ድጌድኛ።

19 እንጾክያጥን እቆንዮንጥ ዬዳ አይሁዳቱ አሳ ባረንቱ ባጋ ዛሪደ፣ ሹቻን ጳውሎሳ ጫዴድኛ፤ ኡንቱንቶ ሀይቁዳዋ ማላትና፣ ካታማጥ ካረው አ ጎቻ ከሴድኛ።

20 ሸን ካልያዋንቱ አ ማታን ዩይ አጲደ ኤቂሸን፣ እ ደንዲደ፣ ካታማ ገሌዳ። ዋንተላ ጋላሰ ባርናባሳና እትጥ ደርቦ ቤዳ።

ጳውሎስን ባርናባሳ እንጾክያ ሰሜድኛ

21-22 ኡንቱንቱ ደርቦ ካታማን ዋንጋላ ምሽራቹዋ ኦዪደ፣ ጮራ አሳይ የሱሳ አማና ማላ ኦሎዳዋጥ ጉይያን፣ ልሰጽራ፣ እቆንዮን ጲሲድያን ደእያ እንጾክያ ሰሜድኛ፤ ያቲደ ሄዋን ካልያዋንታ ምንሲደን ኡንቱንቱ እማኑዋን ምን ደእና ማላ ዘሪደ፣ “ኮን ጸሳ ካውተላ ገላናው ሎይሳ ዋየታና ቦቤ” ያጌድኛ።

23 ቃይ እማንያዋንቶ ደእያ ሳን ደእያ ሳን ጭማቱዋ ደሪደ፣ ጸሜዳዋጥን ዋሴዳዋጥ ጉይያን፣ ኡንቱንቱ እማኑዳ ገዳው ኡንቱንታ ሀዳራ እሜድኛ።

24 ጲሲድያ ጋድያጥ አጲደ፣ ጵንፍልያ ዬድኛ፤

25 ጸርገን ቃላ ኦዪዳዋጥ ጉይያን፣ አጻልያ ቤድኛ።

26 ሄዋጥ ኡንቱንቱ ባረንቱ ፖሌዳ ኦሱዋ ድራው፣ አሳይ ኡንቱንቱ ሀዳራ ጸሳ እቆ ከካተላው እሜዳ እንጾክያ ማርካብያን ሰሜድኛ።

27 እንጾክያ ጋኬዳ ዋደ እማንያ አሳ ሸሺደ፣ ጸሳይ ባረንቱና እትጥ ኦሎዳ ኡባባን፣ አይሁዳ ግደና አሳይ አማና ማላ፣ ኡንቱንቶ ጥንግያ ደዬዳዋ፣ አሳው አዳድኛ።

28 ያቲደ ሄዋን ካልያዋንቱና ዳር ዋድያ ጋምኤድኛ።

### 15

የሩሳላመ ሸቆዋ

1 እት እት አሳቱ ይሁደጥ እንጾክያ ዋጲደ፣ “ሙሴ ዋጋዳን፣ ህንተ ቃጸረተናዋ ግደጥ፣ አታናው ዳንዳይክታ” ያጊደ እሻቱዋ ታማርሱዋ ደሜድኛ።

2 ጳውሎስን ባርናባሳ ኡንቱንቱና ዳርቦ ዋላቀቲደ ፓሉመትና፣ እንጾክያን ደእያ እት እት ሀራ አሳቱ ሄ ፓሉማ ድራው፣ ጳውሎሳናን ባርናባሳና የሩሳላመ ቢደ፣ የሱስ ኪቴዳዋንቱናን ጭማቱዋና ጋከታናው ቆፋይ ቃሸቱዳ።

3 እማንያ አሳቱ ኡንቱንታ ኪቲደ ኦግያን ማድሸን፣ አይሁዳ ግደናዋንቱ ጸሳኮ ሰሜዳዋ ኦዪደ፣ ጥንቂያናን ሳማርያና አጴድኛ፤ ሄዋ እሻቱዋ ኡባ ሎይሳ ናሸቱዳ።

4 ኡንቱንቱ የሩሳላመ ጋኬዳ ዋደ፣ እማንያዋንቱ፣ የሱስ ኪቴዳዋንቱን ጭማቱ ኡንቱንታ ሞኬድኛ፤ ጸሳይ ባረንቱን ኦሎዳዋ ኡባ አዳድኛ።

5 ሸን ፓርሳዋቱዋ ባጋጥ እማኑዳ እት እት አሳቱ ደንድ ኤቂደ፣ “ህንተንቱ ኡንቱንታ ቃጸራናውን ሙሴ ህግያ ናጋና ማላ አዛዛናው ቦቤ” ያጌድኛ።

6 የሱስ ኪቴዳዋንቱን ጭማቱ ሄዋ ዘረታናው ሸቆድኛ።

7 ሎይሳ ሃሳዬዳዋጥ ጉይያን፣ ጳጽርሰ ደንድ ኤቂደ፣ ኡንቱንታ ሀዋዳን ያጌዳ፤ “ታናዳን እማንያዋንቶ፣ አይሁዳ ግደናዋንቱ ዋንጋላ ምሽራቹዋ ቃላ ታ ዶናጥ ሰሲደ እማና ማላ፣ ታና ጸሳይ ህንተ ግደጥ ቦን ደራዳዋ ህንተንቱ ኤሪታ።

8 አሳ ዋዛና ኤርያ ጸሳይ ጌሻ እያና ኑው እሜዳዋዳን፣ ኡንቱንቶካ እሚደ ቱማዬዳ።

9 ኡንቱንቱ እማኑዳ ድራው፣ አ ኡንቱንቱ ዋዛና ጌሺደ፣ ኑ ግዲዋንን ኡንቱንቱ ግዲዋን ዲማተላ ዋሳቤና።

10 ሄዋ ድራው፣ ኑ እዋቱን ኮን ቶካናው ዳንዳይቤና ዋልቃማ ቶኩዋ ካልያዋንቱ ዋርግያን ዋሏደ፣ ሀእ ህንተ እያው ጸሳ ፓጪቲ?

11 ሸን ጎዳ የሱስ ክርሰቶሳ እቆ ከካተላን ኡንቱንቱ አቴዳዋዳን፣ ኮንካ አቴዳዋ እማኑቶ” ያጌዳ።

12 አሳይ ኡባይ ጮኤ ጊደ፣ ባርናባሳን ጳውሎስ አይሁዳ ግደና አሳ ግደን ባረንቱ ባጋና ጸሳይ ኦሎዳ ማላታን ኦራሳባ ኡባ ኦድሸን ሰሴ።

\* 14:12 ድያ- ጉሳይ ግሪካቱዋ ጸሳቱዋ አባቱዋጥ ቦላ ጌተት ፓይደትያ ኡንቱንቱ ኤቃ። 14:15 ከሳ 20:11፤ ማክ. 146:6 15:1 ዋጋ 12:3

13 ኢንቲንቱ ሃሳያ ወርሴዳዋጥ ጉይያን፣ ያቆብ ሀዋዳን ያጊደ ዛሬዳ፤ “እሻቶ፣ ታን ግያዋ ሰሰተ።

14 ጸሳይ አይሁዳ ግደናዋንቱ ግደጥ ባረወ ሀንያ አሳ አካናወ አይሁዳ ግደናዋንቶ ኮይር ዋት ቆፔደንቶ ሰዋን ኦዳዳ።

15-18 ናብያ ቃላይ ሀዋና ጊጌ፤ ጎዳይ ዳር ዋድያጥ ደሚደ፣ አሳ ሀዋ ኤርሲደ፣ ጸሳ ማጻፋን ሀዋዳን ያጌዳ፤

“ ሀዋጥ ጉይያን፣ ሳኣን ደእያ ሀራ አሳይ ኡባይ፣

ታዋ ግደናወ፣ ታን ጸሴዳ አይሁዳ ግደና አሳይ ኡባይ፣ ጎዳ ኮያና ማላ፣ ታን ሰሚና።

ታን ኮለቲደ ከንጌዳ ጎልያዳን፣ ሀኔዳ ዳዋተ ካወተሳ ደንላና።

ኮለቲዳዋካ ዛሬደ ኪዳና፤ ታን ላኤንሱዋ አ ኤሳና፣

ያጌዳ።

19 “ሃዋ ድራወ፣ ታ ቆፋ ግደጥ፣ አይሁዳ ግደናዋንቱጥ ጸሳኮ ሰምያዋንታ ኑን ሙቶላናወ ኮሸና።

20 ሽን ኢንቲንቱ ኤቃን ቱኔዳዋ ሜና ማላ፣ ዋሹሙና ማላ፣ ባኩቲዳ ሙሀያ አሹዋ ሚና ማላን ቡላ ኡሸና ማላ፣ ኡንቲንቶ ኑን ዳብዳቢያ ጸፋናወ ኮሸ።

21 እያወ ጎጥ፣ ሙሴ ሀግያ ካሰ የለታጥ ደሚደ ሳምባታን ሳምባታን አይሁዳ ዋሳ ጎለቲዋን ናባቢደ፣ አ ቃላ ካታማ ኡባን ኡድያዋንቱ ደእኖ” ያጌዳ።

22 ሃዋጥ ጉይያን፣ የሱሰ ኪቴዳዋንቱ፤ ጭማቱ ዋሳ ጎለ አሳ ኡባና እትጥ ባረንቱ ግደጥ አማራዳ አሳቱዋ ዶሪደ፣ ጳወሎሳናን ባርናባሳና አንጾክያ የዳናወ ቆፋ ቃቼድና፤ ኢንቲንቱ ዳር ቦንቼቲዳ ላኤ አሳቱዋ ባርሳባ ጌተትያ ይሁዳን ሰላሳ ደሬድና።

23 ያቲደ ሀዋዳን ግያ ዳብዳቢያ ጸፊደ፣ ኢንቲንቱ ቦላ ኪቴድና፤ “ኑን የሱሰ ኪቴዳዋንቱ፤ ጭማቱ ህንተ እሻቱ፣ አንጾክያን፣ ሶርያን ክልቂያን ደእያ አይሁዳ ባጋ ግደና እሻቶ ኑ ሳርታ ኪቴቶ።

24 “ኑን አዛዝቤና አሳቱ ኑ ግደጥ ቢደ፣ ህንተንቱ ቃጸረታናወን ሙሴ ሀግያ ናጋናወ ባሴ ጊደ፣ ህንተንታ ሙቶሌዳዋን ይሎዬዳዋ ሰሰደ።

25-26 ኑ ጎዳ የሱሰ ክርስቶሳ ሰንላ ድራወ፣ ባረንቱ ሸምቸዋ ኦሊዳ ኑን ሲቆያ ባርናባሳናን ጳወሎሳና ደረቲዳ አሳቱዋ ህንተንቱኮ ኪታወደ እት ዋዛናን ኑ ቆፋ ቃቼደ።

27 ሃዋ ድራወ፣ ኑን ጳፊዳዋ ኢንቲንቱ ባረንቱ ሀጸወ ባረንቱ ደናን ህንተንቶ ኡዳና ማላ፣ ይሁዳን ሰላሳ ኪቴድ።

28-29 “እያወ ጎጥ፣ ኤቃወ ያርሼዳዋ ሞጥተ፤ ሱላ ኡሸጥተ፤ ባኩቲዳ ሙሀያ አሹዋ ሞጥተ፤ ዋሹሞጥተ፤ ሀ ኮሸያዋንቱጥ እትን፣ ሀራ ዴጾያ የወዋ ህንተንታ ቶሰና ማላ፣ ኑን

ጌሻ እያናይ የወዋ ኤኖ ጊደ እኬደ፤ ሀ ኡባጣጥ ህንተ ሀጸያ ናጎጥ፣ ህንተንቱ ሎኦባ ኦሊታ። ሰም ሳር ደእተ” ያጌድና።

30 ሃዋ ድራወ፣ ኪተቲዳዋንቱ ዋይዘት፣ አንጾክያ ዋቋደ፣ አማንያ አሳ ሺሺደ፣ ዳብዳቢያ አሳወ አሚድና።

31 ኢንቲንቱ ሃ ሞንሰያ ዳብዳቢያ ናባቤዳ ዋይ፣ ናሸቲድና።

32 ቃይ ይሁዳይን ሰላሰ ባረንቱ ሀጸወ ናባቱዋ ግድያ ድራወ፣ እሻቱዋ ሎይሰ ማቂደ ሞንሴድና።

33 ኢንቲንቱ አንጾክያን አማራዳ ጋላሳ ኡቲዳዋጥ ጉይያን፣ እሻቱ ሳርተላን ዋይዘና፣ ባረንታ ኪቴዳዋንቱኮ ሰሚድና።

34 ሽን ሰላሰ ያን አታናወ ባረ ቆፋ ቃቼዳ።

\* 35 ቃይ ጳወሎስን ባርናባሰ ሀራ ጮራ አሳቱዋና እትጥ ጎዳ ቃላ ታማርሲደን ዋንጋላ ሞሽራቸዋ ኦዲደ፣ አንጾክያን ኡቲድና።

ጳወሎስን ባርናባሰ ሻክቲድና

36 አማራዳ ጋላሳጥ ጉይያን፣ ጳወሎስ ባርናባሳ፣ “ኑን ጎዳ ቃላ ኦዲዳ ካታማ ኡባን ኑ እሻቱ ዋት ደእኖንቶ፣ ጉየ ሰሚደ፣ ጸሞሰ በእይተ” ያጌዳ።

37 ሃዋጥ ጉየ ባርናባሰ ማርቆሳ ጌተትያ ዮሃንሳ ባረንቱና አፋናወ ኮዬዳ።

38 ሽን ጳወሎስ ማርቆሳ ባረንቱና አፋናወ ኮይቤና፤ እያወ ጎጥ፣ አ ኢንቲንቱጥ ጳንፍልያን ሻክቲዳ፤ ቃይ ኢንቲንቱና ኦሶ ብቤና።

39 ኢንቲንቱ ግዳዋን ሎኤና ዋላሳይ ከሰና፣ እቲ እቲዋጥ ሻክቲዳ፤ ባርናባሰ ማርቆሳ እኪደ፣ ማርካብያን ቆጶሮሳ ቤዳ።

40 ሽን ጳወሎስ ሰላሳ አክና፣ እሻቱ አ ሀደራ ጸሳ አቆ ኬካተላወ አሚዳዋጥ ጉይያን ቤዳ።

41 ያቲደ አማንያ አሳቱዋ ሞንሴደ፣ ሶርያን ክልቂያና አጼዳ።

### 16

ጽሞቶስ ጳወሎሳናን ሰላሰና ጋክቲዳ

1 ጳወሎስ ቃይ ደርቤን ልሰጸራ ቤዳ፤ ሃዋን ጽሞቶሳ ጌተትያ ካልያዌ፣ እት አማንያ አይሁዳ ሞሽራት ናኦይ ደኤ፤ አ እቡ ግሪክ አሳ።

2 ልሰጸራንን እቆንዮንን ደእያ እሻቱ ጽሞቶሳ ሎይሰ ማርካቲድና።

3 ጳወሎስ አ ጽሞቶሳ ባረናና አፋናወ ኮዬደ፣ አ እቡ ግሪክ \* አሳ ግዴዳዋ ሃዋን ደእያ አይሁዳ ኡባይ ኤርያ ድራወ፣ አ ኦይቂደ ቃጸራደ።

4 ኢንቲንቱ ካታማቱዋና ቢደ፣ የሱሰ ኪቴዳ የሩሳላሙን ደእያዋንቱ፤ ጭማቱ ዋሌዳ ሀግያ

15:15-18 አሞጻ 9:11-12 15:20 ከሳ 34:15-17፤ ዋጋ 17:10-16፤ 18:6-23 \* 15:34 ሰላሰ አንጾክያን አታናወ ባረ ቆፋ ቃቼዳ፣ ግያዌ ጮራ ሀራ ቃላ ብለላን ባሞ። \* 16:3 አ እቡ ግሪክ አ ኦይቂደ ቃጸሬዳ፣ ግሪክ አሳይ ባረንቱ ናና ቃጸርክና። ሽን ጽሞቶስ ቃጸረታና ቆየጥ፣ አይሁደ አሳይ አ እከና ድራወ፣ ጳወሎስ አ ኦይቂደ ቃጸሬዳ።

አማንያዋንቱ ናጋና ማላ፡ ኤንቱንቶ ኦዲደ አዲድ።

5 ሄዋ ድራው፡ አማንያዋንቱ አማኑዋን ምን፡ ፓይዲዋንካ ጋላሳ፣ ጋላሳን ዳር ዳር ቤድኖ።

ጳውሎስ ማቅደንያ ባናዳን ጸገቱዳ

6 ኢሰያን ቃላ ኦዲና ማላ፡ ጌሻ አናናይ ኤንቱንታ ድጌዳ ድራው፡ ፕርግያ ጋድናሳን ጋላትያ ጋድያና አዲድ።

7 ኤንቱንቱ ሚሰያ ዛዋ ጋኬዳ ዋደ፡ ቢታንያ ባናወ ኮዬድኖ፤ ሽን የሱሳ አናናይ ኤንቱንታ ድጌዳ።

8 ሄዋ ድራው፡ ኤንቱንቱ ሚሰያ ማታና አዲድ፡ ጽርኢዳ ዋዲድኖ።

9 ጳውሎስ ቃማ ሳጸን እት ማቅደንያ ብታኒ ባረና፡ “ማቅደንያ ፕናደ ኑና ማዳርኪ” ያጌደ ኤቄ ዋሰሽን በኤዳ።

10 ሳፃ አ በኤዳዋፕ ጉይያን፡ ኑን ኤለካ ማቅደንያ ባናወ ኮዬዳ፤ አያወ ጎፕ፡ ዋንጋላ ምሽራቸዋ ያን ደአያ አሳዉ ኦዳናው፡ ጸሳይ ኑና ጴሴዳዋ ኑወ ማላቲዳ።

ሊዳ ፕልጽሰሶሳን ክርሰቶሳ አማናዲ

11 ሄዋ ድራው፡ ጽርኢዳፕ ደንዲደ፡ ሰት ጊደ ማርካብያን ሳሞትራቀ ቤድ፤ ዋንተሳ ጋላሳ ናጹለ ቤድ።

12 ሄዋፕ ፕልጽሰሶሳ ቤድ፤ ፕልጽሰሶሳ ማቅደንያ ቢታዉ ሁጸ ካታማ፤ ቃይ ሮመ አሳይ ደአያ ካታማ፤ ኑን ሄ ካታማን አማራዳ ጋላሳ ኡቲድ።

13 ሳሞባታ ጋላሰ፡ ካታማፕ ጋጸን ሻፋ ድናን አይሁዳቱ ጸሳ ዋሰያ ሳእይ ደአያዋ አኪኪደ ቤድ፤ ሄዋን ኡቲደ ሺቄዳ ማጫ አሳዉ ቃላ ኦዲድ።

14 እት ሊድያ ጌተተዉና፡ ትያጽርና ካታማፕ ያደ ጸሳ አማንዉና፡ ዞኦ ማዩዋ ዛልአያ ምሽራታ፡ ኑን ኦድያዋ ሰሳዲ፤ ጳውሎስ ኦድያዋካ አዛ ሰሳና ማላ ጸሳይ አ ዋዛና ደዬዳ።

15 ሊድያ ባረ ሶይ አሳና እትፕ ጸማቅቲዳዋፕ ጉይያን ኑና፡ “ህንተንቱ ታና ጎዳ ቱማተሳን አማናዉ ጊደ ቆፖፕ፡ ታ ሶይን ደአሸተ” ጋደ ዋሳዲ፤ ምንሳደ ሸባዲ።

ጳውሎስን ሰላሰ ቃሽቲድኖ

16 ኑን ጸሳ ዋሰያሳ ቢሸን፡ ኢታ አናናይ አዝ ቦላ እቅና ካይያ እት ቆማ ናታ ኑናና ጋከታዲ፤ ሄ ናታ ካያደ ዳር ሚሻ ባረ ጎዳቶ ደማዲ።

17 ጋከታደ ጳውሎስን ኑና ካላደ፡ “ሀዋንቱ ህንተንቶ አታና ኡግያ ኦድያዋንቱ፡ ኡባፕ ቦላ ጸሳ አይለቱዋ” ጋደ ኮሻ ቶቁ አሳደ ሃሳያዉ።

18 ኡባ ጋላሰ ሄዋዳን ጋዉ፤ ሽን ጳውሎስ ይሎቲደ ጉዮ ሰም፡ ሄ ኢታ አያና፡ “ኔን ኢፕ ከሳና ማላ የሱሰ ክርሰቶሳ ሱንሳን ኔና አዛዛይ” ያጌዳ፤ ሄ ማንአያን ኢታ አናናይ ኢፕ ከሰ አጌዳ።

19 ሸን እዝ ጎዳቱ ባረንቱ ሚሻ ደማና ኦጊ ቆይዳዋ በኢደ፡ ጳውሎስን ሰላሳ ኦይቄደ፡ ገያ ሳእን ደአያ ዳናቱዋ ሰንሳ ጎቶ ከሴድኖ።

20 ዳናቱዋ ሰንሳ ኤንቱንታ አፊደ፡ “ሀዋንቱ አይሁዳ አሳ ግዲደ፡ ኑ ካታማ አሳ ሎይሰ ሙቶሲኖ።

21 ኑን ሮመ ጋድያ አሳ ግዲደ፡ አካናዉን ኦላናዉ ዋጋ ግደናባ ታማርሲኖ” ያጌድኖ።

22 አሳይ እት ባጋ ግዲደ፡ ጳውሎስ ቦላንን ሰላሳ ቦላ ደንዴዳ፤ ዳናቱካ ኤንቱንቱ ማዩዋ ቀር አኪደ፡ ጸምኢን ኤንቱንታ ሸጫና ማላ አዛዜድኖ።

23 ኤንቱንቱ ዳርሰ ዋዲዳዋፕ ጉይያን፡ ቃሾ ጎልያን የጌድኖ። ቃሾ ጎልያ ናግያዌካ ኤንቱንታ ምንሰ ናጋናዳን አዛዜድኖ።

24 ቃሾ ጎልያ ናግያዌ ሄ አዛዙዋ አኪደ፡ ጳውሎስን ሰላሳ ቃሾ ጎልያ ቆልኦ ገልሴዳ፤ ኤንቱንቱ ገድያካ ምላና ጋሐ ዳራጸደ ቃቼዳ።

25 ሸን ቃማ ብላሄ ግድያ ሄራን ጳውሎስን ሰላሰ ጸሳ ዋሰደ፡ ማዘሙርያ የጸደ ጸሳ ጋላቲኖ፤ ቃሾቶ አሳይ ኤንቱንቱ ግያዋ ሰሴ።

26 ቃሾ ጎልያ ጸጸ ቃጻና ጋካናዉ ዋዛና አፍን ቢታይ ዳርሰ ቃዬዳ፤ ሄ ማንአያን ፕንጊካ ኡባይ ደየት አግና፡ ቃሽቲዳ አሳ ኡባ ሳንሳላታይ ብለት ዋዲድ።

27 ቃሾ ጎልያ ናግያዌ ገምእሹዋፕ ቤንትያ ዋደ፡ ቃሾ ጎልያ ፕንጊካ ኡባይ ደየቲዳዋ በኢደ፡ ቃሾቶ አሳይ ከሰ አኪደ ብድጌዳዋ አዉ ማላትና፡ ባረና ዋዳናዉ ቆፕደ፡ ጩብያ አኪደ።

28 ሸን ጳውሎስ ኮሻ ቶቁ አላደ፡ “ኔን ኔና አያን አላፓ፤ አያዉ ጎፕ፡ ኑን ኡባይ ሀዋን ደኤቶ” ያጌዳ።

29 ቃሾ ጎልያ ናግያዌ ጸምፕያ ዋሰ አኪደ፡ ኤለካ ቆልኦ ዋዬዳ፤ ኮኮሪደ ጳውሎስ ሰንሳን ሰላሰ ሰንሳን ጉፋኔዳ፤

30 ኤንቱንታ ካረ ከሲደ፡ “ታ ጎዳቶ፡ ታን አታናዉ አያ ኦላና በሲ?” ያጌዳ።

31 ጳውሎስን ሰላሰ አ፡ “ጎዳ የሱሰ ክርሰቶሳ አማና፤ ኔን አታና፤ ነ ሶይ አሳይካ” ያጌድኖ።

32 ኤንቱንቱ አዉን አ ሶይን ደአያ ኡባዉ ጎዳ ቃላ ኦዲድኖ።

33 ቃማ ሄ ሳትያንካ ቃሾ ጎልያ ናግያዌ ኤንቱንታ አፊደ ኤንቱንቱ ማይላ ሜጩዳ፤ ሄ ማንአያን ባረ ሶይ አሳ ኡባና ጸማቀት አጌዳ።

34 ጳውሎስን ሰላሳ ፑደ ባረ ሶይ አፊደ፡ ኤንቱንቶ ቁማ አሌዳ፤ አ ባረ ሶይ አሳ ኡባና ጸሳ አማኔዳ ድራው፡ ናሽቲዳ።

35 ዋንትና ዳናቱ፡ “ሄ አሳቱዋ ብላ” ያጌደ፡ ፖልሰያ ካፓቱዋ አኮ ኪቲድኖ።

36 ሄዋፕ ጉዮ ቃሾ ጎልያ ናግያዌ፡ “ህንተንቱ ብለታና ማላ፡ ዳናቱ ታዉ ኪቲድኖ፤ ሰም ሀእ ከሲደ ሳርተሳን ቢተ” ያጌደ ሄ ኪታ ጳውሎሳዉ ኦዲዳ።

† 16:37 ሮመ ጋደ አሳ፡ ሮመ ካወተሳን ኤረቲደ ደአያ ጉላ አሳይ ሄ ጋደ አሳቱዋ ጌተቲኖ፡ ሄዋንቶካ ቃይ ሀራቱዋፕ ዲማትያ ማታይን ካጫይ ደኤ።

37 ሸን ጳውሎስ ሄ ፖልሰያ ካፓቱዋ፡ “ኑን ሮመ ጋደ አሳ ተ ግድሽን፡ ኤንቱንቱ ኑና ፕርዳይ ባይናን አሳ ስንጎን ዋጂደ፡ ቃሾ ጎልያን የጌድኖ፡ ሀእ ኑና ጌማን ከሰ የዲኖ? ሀንና፤ ኤንቱንቱ ባረንቱ ሁጳዉ ዪደ፡ ኑና ከሰኖ” ያጌዳ።

38 ፖልሰያ ካፓቱ ዳናቶ ሄዋ ኦድና፡ ጳውሎስን ስላሰ ሮመ ጋደ አሳ ግዳዳዋ ስሴዳ ዋደ፡ ያዩድኖ።

39 ሄዋ ድራው፡ ዳናቱ ዪደ ኤንቱንታ፡ “ኑን ሀንተንታ ናቁዶ” ጌድኖ። ቃሾ ጎልያፕ ካረ ኤንቱንታ ከሲደ፡ ካፓማፕ ከሲደ ባና ማላ ዋሴድኖ።

40 ጳውሎስን ስላሰ ቃሾ ጎልያፕ ከሲደ፡ ሊድያ ሶይ ቤድኖ፤ ያን እሻቱዋና ጋከቲደ፡ ኤንቱንታ ምንሲደ ሄዋፕ ቤድኖ።

### 17

ተሰሎንቅን ደንዴዳ ዋላሳ

1 ጳውሎስን ስላሰ፡ አምፕጸሊሳናን አጸሎንያና አጂደ፡ ተሰሎንቅ ዬድኖ፤ ተሰሎንቅን አይሁዳ ዋላ ጎሊ ደኤ።

2 ጳውሎስ ባረ ደያዳንካ ያ ገሌዳ፤ ሄዋን ሄዙ ሳምባታ ጋላሳቱዋን ጸላ ማጻፋቱዋፕ አሳና ሃሳዬዳ፤

3 ክርስቶስ ዋይያ አካናውን ሀይቁዋፕ ደንዳናው በሰያዋ ኤንቱንቶ ብሊደ ኦዲድን ቱማ ግዳዳዋካ ኤንቱንታ ኤርሲደ፡ “የሱስ ሀ ታን ሀንተንቶ ኦድያዌ ክርስቶሳ” ያጌ።

4 ኤንቱንቱፕ እቱ እቱ የዉ ቱማ ግዳዳዋ አከኪደ፡ ጳውሎሳናን ስላሰና ጋከቲድኖ፤ ሀዋዳንካ፡ ጸላው ጎይንያ ጮራ ግሪክ አሳይነ ጮራ ቦንቼቲዳ ማጫዋንቱ፡ ጳውሎሳናን ስላሰና ጋከቲድኖ።

5 ሸን አይሁዳቱ ቃናቲደ፡ እት እት ኦሱ ባይና ኢታ አሳቱዋ ቆጫፕ ሺሺደ ካፓማ አሳ ዋላሴድኖ፤ ጳውሎሳን ስላሳ አሳሶ ከሳና ማላ ኮዪደ፡ ያሶና ጎልያ ዶዴድኖ።

6 ጳውሎስን ስላሰ ኤንቱንቶ ቤተናን እጽና፡ ያሶናን እት እት እሻቱዋ ካፓማ ካፓቱዋኮ አፊደ፡ “ሀዋንቱ ጋድያ ኡባ መቶሌዳዋንቱ፡ ሀዋካ ዬድኖ።

7 ያትና ያሶን ኤንቱንታ ባረ ሶይን ዋሌዳ፤ ሀዋንቱ ኡባይ፡ “የሱሳ ግያ ሀራ ካቲ ደኤ” ገደ ቆሳረ አዛዙዋ ምንሲኖ” ያጌደ፡ ኮሻ ጶቂሲደ ሃሳዬድኖ።

8 ሸቆዳ አሳይነ ካፓማ ካፓቱ ሄዋ ስሲደ መቶቲድኖ።

9 ካፓቱ ያሶናን ሀራቱዋ ዋሰያን ብሊድኖ።

ጳውሎስን ስላሰ ቤርያ ቤድኖ

10 አማንያዋንቱ ጳውሎሳን ስላሳ ሳኦይ ቃምያዋን ኤለካ ቤርያ የዴድኖ። ያ ጋኪደ፡ አይሁዳ ዋላ ጎሊ ገሌድኖ።

11 ቤርያ አሳቱ ተሰሎንቅን ደእያ አሳቱዋፕካ እድ ደየቶ ዋዛናይ ደእያ ድራው፡ “ጳውሎስ ጌዳዌ ቱመንቶን” ያጌደ፡ ኡባ ጋላሰ ጸላ ማጻፋቱዋ ታማሪደ፡ ቃላ ኩመንጎላ ላሞታን አከድኖ።

12 ሄዋ ድራው፡ ኤንቱንቱፕ ጮራቱ፡ ግሪካቱዋፕ ቦንቼቲዳ ጮራ ማጫዋንቱን ጮራ አቱማ አሳቱ አማኔድኖ።

13 ሸን ተሰሎንቅን ደእያ አይሁዳቱ ጳውሎስ ጸላ ቃላ ቤርያንካ ተዳዳዋ ስሴዳ ዋደ፡ ቤርያ ዪደ፡ አሳ አናና ዋላሴድኖ።

14 ሄዋፕ ጉይያን፡ እሻቱ ኤለካ ጳውሎሳ አባ ማፓን የድ አጌድኖ፤ ሸን ስላሰን ጽሞቶስ ቤርያን አቲድኖ።

15 ጳውሎሳ ሞይዜዳ አሳቱ አቲና ጋሌድኖ፤ ሄ አሳቱ ስላሰን ጽሞቶስ ባረንቶ ዳንዳየቲዳዋዳን፡ ኤለካ ባረኮ ያና ማላ፡ ጳውሎስ ኪቲዳ ኪታ አኪደ፡ ቤርያ ሰሜድኖ።

ጳውሎስ አቲና ቤዳ

16 ጳውሎስ አቲናን ስላሳን ጽሞቶሳ ናጌደ፡ ካፓማን ኤቃይ ኩሜዳዋ በኢደ ይሎቲዳ።

17 ሄዋ ድራው፡ አይሁዳ ዋላ ጎልያን አይሁዳቱዋናን ጸላው ጎይንያ አይሁዳ ግደና አሳቱዋና ፓሎመቲ፤ ቃይ ኡባ ጋላሰ ገያን ባረናና ጋከትያ አሳናካ ፓሎመቲ።

18 ቃይ ኤፕቆርሳፕ \* እስጸአክያፕ ተ ዬዳ እት እት ኤራንቻቱ ጳውሎሳና ፓሎመቲድኖ፤ ኤንቱንቱፕ እቱ እቱ፡ “ሀ ቶፊናይ እያ ሃሳያናዉ ኮዪ?” ያጌድኖ።

ሀራቱ ጳውሎሳ የሱሳባን ሀይቁዋፕ እ ደንዳዳዋ ባረንቶ ኦድያ ድራው፡ “ኡራላ ጸላቲባ ኦድያዋ ማላቲ” ያጌድኖ።

19-20 ጳውሎሳ ላይቁደ፡ “ሀ ኔን ታማርሰያ ኦራላ የዉ አየንቶ ኑና ኤርሳርኪ” አያዉ ጎፕ፡ ኔን ኑዉ ኦራላባ ኦዳሳ፤ ሰሞ ሀዌ አየንቶ ኑን ኤራናዉ ኮዪቶ” ያጌደ ጳውሎሳ አርዮስፕሳ ጌተትያሳ አፊድኖ።

21 አቲና አሳይ ኡባይን ሄዋን ደእያ አማላቱ ኦራላባ ሃሳዪድን ስሲደ ፔሽያዋፕ እትን፡ ሀራባን ፔሽክኖ።

22 ጳውሎስ አርዮስፕሳሳን ደእያ ሸቆዋ ሰንገን ኤቁደ፡ ሀዋዳን ያጌዳ፤ “አቲና አሳቶ፡ ጸላቶ ኡባባን ሀንተንቱ ዳሪ ያይያዋ ታን በአይ።

23 አያዉ ጎፕ፡ ታን ሀንተንቱ ጎይንያዋ ጸላደ አድሸን፡ “ኤሪተና ጸላው” ጌተቲደ ጸፈቲዳ ያርሹዋ ሳእ ቃይ ደማድ፤ ሄዋ ድራው፡ ሀ ሀንተ ኤሪናን ጎይንያዋ ታን ሀንተንቶ ኦዲይ።

24 “አላምያን አላምያን ደእያ ኡባባ መጴዳ ጸላይ ሳሉዋን ሳእ ጎዳይ፡ አሳይ ኬዴዳ ጌሻ ጎልያን ደኤና።

\* 17:18 ኤፕቆርሳ፡ ሀዌ ጋድያ ግዳድ፡ ሀ ጋድያን ደእያ አሳቱ ናሽቼያ አሳ ደኦ ኮይር ሳእ ኦይቁዳ ያግ ታማርሰያ ኤፕቆርሳ ግያ ብታንያ ትምርትያ ካልያዋንታ። † 17:18 እስጸአክያ፡ ሀዌካ ጋድያ ግዳድ፡ ሀ ጋደን ደእያ አሳቱ፡ ባረና ሞዲሳን ባረ ቆፋን ካለስትያዋ አሳይ ታማራና በሴ፡ ያግያ ትምርትያ ታማርሰያ ዜኖ ያንትያ ብታንያ ትምርትያ ካልያዋንታ።



25 እየገቡ ገጠዎቹ አሳዳገን፡ አሳ ኩሽያ እ ይሉና፤ እያው ጎጥ፡ እ ባረ ሁጸው ደኡዋ ሸምቸዋን ኡባባ አሳ ኡባው እሜዳ።

26 ጸሳይ አሳ ዛርያ ኡባ እት ኡራገ መዲዳ፡ ጋድያ ኡባን ዋሌዳ፤ እ ባረ ሁጸው ኡንቱንቱ ደኢና ዎድያን ሳእ ካሰ ዛዋዬዳ።

27 “አ ሄዋ ኦሌዳዌ ኡንቱንቱ ኦይቂ ኦይቂ ጸሊዳ፡ ባረና ኮዬዳ፡ ኦን ኤር ደማናዋንቲሻ ግያዋና፤ ግድገና፡ ጸሳይ ኑጥ ኦሰን ሃኮ ግድና።

28 እያው ጎጥ፡ ሀንተንቱጥ እት እት ኡራንታቱ፡ ሓን አ ናና ጌዳዋዳገን፡ ኦን እን ገጸ ደኡቶን ቃጸቱቶ።

29 ስም ኦን ጸሳ ናና ግዳዳ ድራው፡ ጸሳይ አሳ ጭንጨተላንን ቆፋን ዋርቃጥ ዎይ ብራገጥ ዎይ ሹቻጥ ኦሰቱዳዋ ማላቲ ያጊደ፡ ቆገናው በሰና።

30 ሄዋ ድራው፡ ጸሳይ አሳይ ኤርቤና ዎድያ አሌዳ፤ ሸን ሀእ ኡባ ሳን አሳይ ኡባይ ናጋራጥ ስማና ማላ አዛዜዳ።

31 እያው ጎጥ፡ ጸሳይ ዎድያ ከር ዎሌዳ፤ ሄ ዎድያን ባረ ድዳዳ ኡራን ሳእን ደእያ አሳ ኡባ ቦላ ጽሎ ፕርዳ እ ፕርዳና፤ አሳ ኡባው ሀይቁዋጥ የሱሳ ደንሌዳዋን ሄዋ ቱማዬዳ” ያጊደ።

32 ኡንቱንቱጥ እት እት አሳቱ ሀይቁዋጥ ደንዲዋባ ጸዉሎሳጥ ሰሲደ፡ አ ቦላ ቅሊጩድና፤ ሸን ሀራ አሳቱ እ፡ “ኦን ሀዋ ኑጥ ጉጂደ ሰሳና ኮዬቶ” ጌድና።

33 ሄዋ ድራው፡ ጸዉሎሰ ኡንቱንቱ ግድገ ከሴዳ።

34 ሸን እት እት አቱማ አሳቱ ጸዉሎሳና ጋከቲደ አማኔድና፤ ኡንቱንቱ ግዳዋን አርዮሰገሳን ደእያ ፕርዳ ጎላ ዳናይ ድዮናሰዮስ፡ ዳማሪሶ ጌተኮያ እት ምሽራትና ሀራ አሳቱ ደኢና።

### 18

ጸዉሎሰ ቆርንቶሳ ቤዳ

1 ሄዋጥ ጉይያን፡ ጸዉሎሰ አቴናጥ ከሲደ፡ ቆርንቶሳ ቤዳ።

2 ሄዋን አቁላ ግያ እት አይሁዳ ብታንያ ደሜዳ፤ አቁላይ ጸንጸሳን የለቲዳ፤ አይሁዳ አሳይ ኡባይ ሮመጥ ከሳና ማላ፡ ቃላውደዮስ አዛዜዳ ድራው፡ አማራዳ ዎድያጥ ካሰ፡ እ ባረ ማቻት ጽርስቁላና ጸልያጥ ዬዳ፤ ጸዉሎሰ ኡንቱንቱና ጋከታና ቤዳ።

3 እ ኦሰን ኡንቱንቱ ኦሰ እት ማላ ዲንካንያ ሰካ ግድያ ድራው፡ ኡንቱንቱና ኡቲደ፡ እትጥ ኦሌዳ።

4 ጸዉሎሰ ሳምባታ ኡባን አይሁዳቱዋና ግሪካቱዋ አማንሳናው አይሁዳ ዋሳ ጎልያን ገሉመቲ።

5 ሰላሰን ጽሞቶስ ማቅደንያጥ ዬዳ ዎደ፡ ጸዉሎሰ አይሁዳቶ የሱሰ ባረ ሁጸው ክርስቶሳ ግዴዳዋ ቃላ ኦዲዋ ቶሌዳ።

6 ሸን ኡንቱንቱ ጸዉሎሳ ሃሳያ ጸልቁናን አ ቦርና፡ ጸዉሎሰ ባረ ማዌዋጥ ባና ቆቆፊደ፡ \* “ሀንተንቱ ኢታተሳይ ሀንተንታ ኦይቆ፤ ታን ሄዋን ገልከ፤ ሀዋጥ ሀን ባጋን ታን አይሁዳ ግድና አሳኮ ባይ” ያጌዳ።

7 ሄዋጥ ከሲደ፡ ጸሳው ጎይንያ ዮሰጸሳ ግያ ብታንያ ሶይ ቤዳ፤ ዮሰጸሳ ጎላ አይሁዳ ዋሳ ጎልያ ማታን ደኤ።

8 አይሁዳ ዋሳ ጎላ ካቸ ቃርሰጸሰ ባረ ሶይ አሳ ኡባና ጎዳ አማኔዳ፤ ቆርንቶሳ አሳቱዋጥካ ጮራቱ ጸሳ ቃላ ሰሴዳ ዎደ፡ አማኔደ ጸማቱድና።

9-10 ጎዳይ እት ቃማ ሳጸን ጸዉሎሳ፡ “ያዮጋ፤ ኦዳ፤ ጮኤ ጎጋ። ታን ኔናና ደእያ ድራው፡ ኔና ቆሀናው ኢታባን የጋና አሳይ ኦንን ባዋ፤ እያው ጎጥ፡ ታው ሀ ካታማን ጮራ አሳይ ደኤ” ያጌዳ።

11 ጸዉሎሰ ጸሳ ቃላ አሳ ታማርሲደ፡ እት ላይሳን ኡሱቸን አገና ኡንቱንቱና ኡቲዳ።

12 ጋልዮስ አካይያ ጋድያ ሞድያ ዎደ፡ አይሁዳቱ እትጥ ጸዉሎሳ ቦላ ደንዲደ፡ ፕርዳ ጎላ ኦ አፊደ።

13 “ሀ ብታኒ ሙሴ ህግያ እጲደ፡ አሳይ ጸሳው ጎይናና ማላ ጭማ” ያጌድና።

14 ጸዉሎሰ ሃሳያና ሀንሸን፡ ጋልዮስ አይሁዳቱዋ፡ “አይሁዳቶ፡ ሄዌ ባላ ኦሰዋ ዎይ ኢታ ናቆ ግድገ፡ ታን ሀንተንቱባ ዳንዳያደ ሰሳናው በሴ።

15 ሸን ቃላው ሱንሳውን ሀንተ ሁጸ ህግያው ሀንተንቱ ገሉመቶጥ፡ ሀንተ ሁጸው ኤርተ፤ ሀዋ ታን ፕርድከ” ያጌዳ።

16 ፕርዳ ጎልያጥ ካረው ኡንቱንታ ከሴዳ።

17 ሄዋጥ ጉይያን፡ ግሪክ አሳይ ኡባይ አይሁዳ ዋሳ ጎላ ካቸዋ ሶስተኒሳ ኦይቁደ፡ ፕርዳ ጎልያ ሰንሳን ሸጩድና፤ ሸን ጋልዮስ ሄዌ አይነ መትቤና።

ጸዉሎሰ አንጸክያ ቤዳ

18 ጸዉሎሰ ዳር ዎድያ ቆርንቶሳን ኡቲዳዋጥ ጉይያን፡ እሻቱዋ ሳርቲደ፡ ጽርስቁልናን አቁላና ማርካብያን ሶርያ ቤዳ፤ ባረው ሸቁዳ ጋሱ ደእያ ድራው፡ ክንክርያ ካታማን ባረ ሁጸያ ሜደቲዳ። †

19 ኡንቱንቱ ኤፈሶን ጋከዳ ዎደ፡ ጸዉሎሰ ጽርስቁሎን አቁላ ያን የግ ዬዳ፤ ሸን ባረው አይሁዳ ዋሳ ጎላ ገሊደ፡ አይሁዳቱዋና ገሉመቲዳ።

20 ኡንቱንቱ ባረንቱና ዳር ዎድያ ኡታና ማላ ጸዉሎሳ ዋሰና እ እጴዳ።

21 ሸን ኡንቱንቱጥ ሻከቲደ፡ “ጸሳይ ጎጥ፡ ላኤንሳዋ ሀንተንቱኮ ሰማና” ያጊደ ኤፈሶናጥ ማርካብያን ቤዳ።

22 ቁሳርያ ጋከዳ ዎደ የሩሳላመ ቤዳ፡ አማንያ አሳ ሳርቲዳዋጥ ጉይያን፡ አንጸክያ ዎሌዳ።

\* 18:6 ማዌዋጥ ባና ቆቆፊደ- ሀዋ ጉሳይ ገድያጥ ባና ቆቆናዋና እታ። † 18:18 ሁጲያ ሜደቲዳ- ጸዉሎሰ ጉሳ ዎድያው “ዳማታና” ጊደ ጫቁዳ፡ ሀዋ ጉሳይ፡ ባረ ሁጲያካ ሜደተና፤ ዎይንያካ ኤሸና ጉሳ፡ ሸን እ ጫቁዳ ዎዲ ሠርደ፡ ባረ ሁጲያ ሜደቲደ ጸሳው ያርሾዋ ያርሻናው በሴ ጉሳ። 18:18 ገይ. 6:18

23 ያን አማራጭ ዋድያ ጋምኢደ ቤዳ፤ ካልያዋንታ ኡባ ምንሲደ፤ ጋላትያና ፕርግያና አዴዳ።

አጲሎስ ኤፊሶናን ቆሮንቶሳ ቤዳ

24 አስክንድርያን የለቴዳ አይሁዳ አሳ እት አጲሎሳ ግያ ሎኦ ሃሳይያዎ ኤፊሶን ቤዳ፤ ጸሳ ማጻፋቱዋ እ ዳርስ ኤርያ አሳ።

25 ጎዳ ኦግያካ ታማራዳ አሳ፤ ዮሃንሳ ጽንቃታ ጸላላ ኤሪደ፤ እያናን ባረ ጋርሳን ኤጸቲደ፤ የሱሳባ ሱርሲደ ሃሳዬዳን ታማርሴዳ።

26 ያቲደ አይሁዳ ዋሳ ጎልያን ያየናን ሃሳያ ደሜዳ። ጸርስቁላይን አቁላይ እ ኦድያዋ ሰሴዋ ዋደ፤ ባረንቱና ሶይ እ አፊደ፤ ጸሳ ኦግያ ካሰፕ ሱርሲደ፤ አዉ ጌሽ ኦዴድና።

27 አጲሎስ አካይያ ፕናና ኮይና፤ እሻቱ እ ምካና ማላ፤ ኡንቱንቶ ዳብዳቢያ ጸፊድና፤ እ ያ ጋኪደ፤ ጸሳ አጼ ከካተላን አማንያዋንታ ዳሮ ማዴዳ።

28 እያዉ ጎፕ፤ የሱሰ ባረ ሁጻዉ ክርስቶሳ ግዴዳዋ አይሁዳቶ ጸሳ ማጻፋቱዋፕ ቆንጭሲደ፤ አሳ ሰንሳን ምንሲደ ኦዴዳ።

### 19

ጳውሎስ ኤፊሶን ቤዳ

1 አጲሎስ ቆሮንቶሳን ደእሸን፤ ጳውሎስ ቆዋ ባገና አዲደ፤ ኤፊሶን ቤዳ፤ እት እት ካልያዋንታ ደሜዳ።

2 ጳውሎስ ኡንቱንታ፤ “ህንተንቱ አማኔዳ ዋደ ጌሻ እያና አኩድቱ?” ያገደ ኦቼዳ።

ኡንቱንቱ፤ “ቴይት፤ አክበይኮ፤ ሀራይ አቶ፤ ጌሻ እያናይ ደእያዋካ ሰሰበይኮ” ያጌድና።

3 ጳውሎስ ኡንቱንታ፤ “ያትና፤ እያን ጸማቀቲድቱ?”\* ያጌዳ።

ኡንቱንቱ፤ “ኡን ዮሃንሳ ጽንቃታን ጸማቀቲድ” ያገደ ዛራድና።

4 ጳውሎስ፤ “ዮሃንስ ባረፕ ጉይያን ይያ የሱስ ክርስቶሳን አሳይ አማናና ማላ፤ አሳዉ ኦዴደ፤ ናጋራፕ ሰምያ ጽንቃታን ጸማቁዳ” ያጌዳ።

5 ኡንቱንቱ ሄዋ ሰሴዳ ዋደ፤ ጎዳ የሱስ ክርስቶሳዉ ግዳናዉ ጸማቀቲድና።

6 ጳውሎስ ባረ ኩሽያ ኡንቱንቱ ቦላ ዋፌዳ ዋደ ጌሻ እያናይ ኡንቱንቱ ቦላን ዋድና፤ ዳማ ዳማ ቃላን ሃሳዬድና፤ ቃይ ትምቢትያካ ኦዴድና።

7 ሄዋን ታማነ ላኡ አሳቱዋ ግድያዋንቱ ደእና።

8 ጳውሎስ አይሁዳ ዋሳ ጎል ገሊደ፤ ጸሳ ካዉተሳባ ፓሉመቲድን አከክሲደ፤ አሳና ሄዙ አገና ግድያዋ ከና ያየናን ሃሳዬ።

9 ሸን ኡንቱንቱፕ እቱ እቱ ማካሊደ፤ ጮራ አሳ ሰንሳን ጎዳ ኦግያ ቦሪደ አማናን እጽና፤ ጳውሎስ ኡንቱንቱፕ ሻከት፤ ባረና ካልያዋንታ

ባረናና አፊዳ፤ ጽራሮሳ ግያ ትምርተ ጎልያን ኡባ ጋላስ ፓሉመቲ።

10 ጳውሎስ ላኡ ላይላ ጋካናዉ ቃላ ኦዴዳ፤ ሄዋ ድራዉ፤ አሰያን ደእያ አሳይ ኡባይ፤ አይሁዳቱካ አይሁዳ ግደናዋንቱካ ጎዳ ቃላ ሰሴድና።

ጸሳይ ጳውሎሳ ኩሽያን ኦፊዳ ኦራሳባ

11 ጸሳይ ጳውሎሳ ባገና ዳማ ማላታ ኦፊዳ።

12 ሄዋ ድራዉ፤ አሳይ እ ቦላይ ቦቼዳ ማራብያ ዋይ ማዩዋ ሀርጋንቻቶ አፊ፤ ሀርጋንቻቱካ ፓጺና፤ ኢታ እያናቱካ ኡንቱንቱፕ ከሲና።

13 ኢታ እያናቱዋ ከሲደ ዩይያ አይሁዳቱዋፕ እቱ እቱ፤ “ጳውሎስ ቃላ ኦድያ የሱሳ ሱንሳን ኮን ህንተንታ ከሰተ ገደ አዛዜቶ” ያገደ፤ ኢታ እያናቱ ደእያ አሳቱዋ ቦላን ጎዳ የሱሳ ሱንሳ ጼሰ በኤድና።

14 ቁሳቱዋ ካቸዋ አስቁዋ ግያ እት አይሁዳ ብታንያዉ ሄዋ ኦፊዳ ላፕ ናናይ ደእና።

15 ኢታ እያናይ ኡንቱንቶ ዛሪደ፤ “ታን የሱሳ ኡራይ፤ ጳውሎሳካ ኡራይ። ሸን ህንተንቱ ኦኔ?” ያጌዳ።

16 ኢታ እያናይ ደእያ ብታኒ ኡንቱንቱ ቦላ ጉፕ ዋድና፤ ኡንቱንቱ ማሰንጸደ፤ ሄ ጎልያፕ ካሎ ዋጻና ጋካናዉ፤ ዋልቃሚደ ጸኔዳ።

17 ኤፊሶን ደእያ አይሁዳቱን አይሁዳ ግደናዋንቱ ኡባይ ሄዋ ሰሴደ ኡባይ ዳር ያዬድና፤ ጎዳ የሱሳ ሱንሳይካ ዳር ቦንቼቲዳ።

18 አማንያዋንቱፕ ጮራ አሳቱ ባረንቱ ኦፊዳዋ ፓጺድን ቆንጭያን ኦዲደ ዩና።

19 ብትያዋንቱፕ ጮራቱ ባረንቱ ማጻፋቱዋ ሸሺደ፤ አሳ ኡባ ሰንሳን ጉዴድና፤ ሄ ማጻፋቱዋ ጋትያ ሄትያ ዋደ፤ እሻታሙ ሻእ ብራ ሳንትም ግዴዳ።

20 ሄዋ ማላ ዋልቃሚ ኦግያን ጸሳ ቃላይ ድጩን አከ።

ኤፊሶን ካታማን ዋላሳይ ደንዴዳ

21 ሄዋ ፖለቲዳዋፕ ጉይያን ጳውሎስ፤ “ታን የሩሳላመ ባደ ሮመካ ቃይ በአናዉ በሴ” ያገደ፤ ማቅደንያናን አካይያና አዲደ፤ የሩሳላመ ባናዉ ቆፋ ቃቼዳ።

22 ቃይ ባረና ማድያዋንቱፕ ላአቱዋ ጽሞቶሳን ኤራሰጸሳ ማቅደንያ ከቲደ፤ ባረዉ ኢሰያን አማራጭ ዋድያ ጋምኤዳ።

23 ጎዳ ኦግያ ድራዉ፤ ሄ ዋደ ዳር ዋላሳይ ከሴዳ።

24 እያዉ ጎፕ፤ ጸጋራ ብራ ሙሸሲደ ትግ መድያ ድመጽሮሳ ግያ እት ብታኒ አርጸሚስ ጌሻ ጎልያ ምሰልያ ብራፕ ትግ ትገደ፤ ኦሳንቻቶ ዳር ዋድያ ደሜ።

25 ሄዋንታን ኡንቱንቱዋ ማላ ኦሎዋ ኦልያዋንታ እትፕ ሸሺደ፤ ሀዋዳን ያጌዳ፤ “አሳዉ፤ ኑ ዱረተሳይ ሀ ኦሎዋና ግድያዋ ህንተ ኤሪታ።

\* 19:3 እያን ጸማቀቲድቱ? ሀዋ ጉሳይ ኦ ሱንሳን ጸማቀቲድቱ፤ ጉሳ። † 19:21 ጳውሎስ ሀዋ እያና ጌሻን ካለሰቲደ ሃሳዬዳዋ።

# 20

26 ሄዋ ጳውሎስ፡ ሳን ኩሺ መጪዳዎንቱ ጸሓፊዎ ግድክኖ ያገደ፡ ኤፊሶን ጸላላን ግደናን አማራዳ ጋዳቱዋጥ አትን፡ ኢሰያን ኡባን ጮራ አሳዉ ኦድ አማንጫዳዎ ሀንተንቱ በኤድታን ሰሴድታ።

27 ሎኤናባይ፡ ኑ ኦሱ ካጋታናዎ ጸላላ ግደና፤ ሸን ኢሰያን ደእያ ኡባቱን ሳኦ ኡባን ደእያዎንቱ ጎይንያ ዋልቃማ ጸሓፊ ጌተትያ አርጸሚሰ ጌሻ ጎሊ ቦንቼተናን አታናዎ፤ እዝ ዳርተሳይ ኩንዳናዎ” ያገደ።

28 አሳይ ሄዋ ሰሴዳ ዋደ ሎይሐ ሀንቀቲደ “ኤፊሶን አርጸሚሳ ዋልቃማ” ያገደ ጫቦቲድኖ።

29 ካታማ ኡባን ዋላሳይ ደንዴዳ፤ ጳውሎሳና ሀመትያ ማቅዶንያ አሳቱዋ ጋዮሳን አርሰጽሮኮሳ ባረንቱና ኦይቄ እዚደ፡ እትጥ ካሳ ሳኦ ዋዴድኖ።

30 ጳውሎስካ አሳይ ሸቄዳሳ ገላናዉ ኮዬዳ፡ ሸን ካልያዎንቱ አ ድጌድኖ።

31 ኢሰያ ጋድያ ካጋታዋጥ ጳውሎሳ ላገላቱዋጥ እቱ እቱ ጳውሎሳዉ ከቲደ፡ ካሳ ሳኦን ቆንጫያ ከሲደ እ ቤተና ማላ፡ አ ዋሴድኖ።

32 ሸቄዎን ዋላሳይ ደንድና፡ ዳርያ ባጋ አሳይ ሀራይ አቶ እያዉ ሸቄደንቶ ኤረና ድራዉ፡ እቱ እትባዉ ዋላቀትያ ዋደ፡ የኩ ቃይ ሀራባዉ ዋላቀቱ።

33 አይሁዳቱ እስክንድራ አሐ በሰና፡ እት እት አሳይ እ ሃሳና ማላ፡ አሳ ግድጥ ሰንጻዉ አ አሌዳ፤ አሳይ ጮኡ ጋና ማላ፡ አ ባረ ኩሸያን ጸርሰ በሲደ፡ አሳዉ ሞተታናዉ ኮዬዳ።

34 ሸን እስክንድረ አይሁዳ አሳ ግዴዳዎ አሳይ ኤሬዳ ዋደ፡ ላኡ ሳተ ግድያዎ ከና ኡባይ እት ቃላን፡ “ኤፊሶን አርጸሚሳ ዋልቃማ” ያገደ ጫቦቲድኖ።

35 ካታማዉ ጸፈ ግዴዳዎ አሳ ጮኡ ኦሊደ፡ ሀዋዳን ያጌዳ፤ “ኤፊሶን አሳዉ፡ ኤፊሶን ካታማይ ዋልቃማ አርጸሚሰሰን ሳሉዋጥ ዋዴዳ ኤቃ ሹቻዉ ኤቃ ጎልያ ናግያዎ ግዴዳዎ ኤረና አሳይ ኦኔ?”

36 ሀዋ ካድያ አሳይ ባይና ድራዉ፡ ሀንተንቱ ዋዮ ጋናዉን ድርበናን አጋናዉ በሴ።

37 እያዉ ጎጥ፡ ሀዋንቱ ጌሻ ጎልያ ሚሻ ወእቤናዎንታ ኑ ጸሓፊዎካ ቦርቤናዎንታ አሄድታ።

38 ሄዋ ድራዉ፡ ድመጽሮሰን አናና ደእያ ኦሳንቻቱ አሳ ሞታናዉ ኮዮጥ፡ ፕርዳ ጎሊ ደያ ደእኔ ቃይ ጋድያ ሞድያዎንቱካ ደእኖ፤ አንቱንቱ ባረንቱ ግደን ሞተቲኖ።

39 ሸን ሀንተ ሀራ የወዋ ኮዮጥ፡ ሀግያ ሸቄዎን የወዋ ቃቻና።

40 እያዉ ጎጥ፡ ሀቼ ሀኔዳዎ ሻቢረሳ ገደ፡ ሮመ ጋድያ አሳቱ ኑና ሞታና፤ ሀ ሸቄካ ጋሱ ባይና ድራዉ፡ ኑን ጋሱዋ ኦዳናዉ ዳንዳዮኩ”

41 ያገደ ሸቄዎ ላሌዳ።

ጳውሎስ ማቅዶንያን ግሪክ ቤዳ

1 ዋላሳይ አርጸዳዋጥ ጉይያን፡ ጳውሎስ ካልያዎንታ አህሲደ ዞሬዳ፤ አንቱንታ፡ “ሳሩዋን ደአተ” ገደ፡ ማቅዶንያ ባናዉ ከሲደ።

2 ሄ ጋድያና አጂደ፡ ቃላ ኦዲደ፡ አሳ ሎይሐ ሞንሴዳዋጥ ጉይያን፡ ግሪክ ጋደ ዬዳ።

3 አ ሄዋን ሄዙ አገና ኡቲደ፡ ማርካብያን ሶርያ ባናዉ ቆጥሸን፡ አይሁዳቱ ባረና ዋቻናዉ ኮይያዎ በኢደ፡ ማቅዶንያና ጉዮ ሰማናዉ ባረ ቆፋ ቃቼዳ።

4 ጳውሎስ ሞይዜዳዎንቱ፡ ቤርያጥ ጳርሃሳ ናኦ ሶሲጸርሮሳ፡ ተሰሎንቀጥ አርሰጽሮኮሳን ሰኮንድሳ፡ ደርበጥ ጋዮሳን ኢሰያጥ ትክቆሳን ጸርፍሞሳ፡ ቃይ ጽሞቶሳ።

5 ሄዋንቱ ሰንጻዉ ቤደ፡ ኑና ጸርኦዳን ናገኖ።

6 ኑን ኡክላ ባላ ጋላሳ ቦንቸዋጥ ጉይያን፡ ፕልጽሰዮሳ ግያ ጋድያጥ ማርካብያን ደንዴደ፡ እቼሹ ጋላሳን ጸርኦዳን ኡንቱንታ ጋዚደ፡ ያን ላጥ ጋላሳ ኡቲደ።

ጳውሎስ ጸርኦዳ ቤዳ

7 ኑን ዋጋ ጋላሰ \* ኡክላ መንጻናዉ ሸቅ ደአሸን፡ ጳውሎስ ዎንትና ባናዉ ቆጥዳ ድራዉ፡ አንቱንቶ ቃላ ኦዲደ፡ ቃማ ብላሂ ጋካናዉ የወዋ አድሴዳ።

8 ኑን ሸቅ ኡቲዳ ፖቅያን ጮራ ጸሞጥ ደኤ።

9 ኤወጽኮሳ ግያ እት ዋዳላይ ማሰኮትያ ቦላ ኡቲደ፡ ዳርሰ ገሞእሹዳ። ጳውሎስ ሃሳያ አዲሴዳ ዋደ፡ ኤወጽኮሰ ገሞእሹዋን ሀይራዳዎ ሃዘንሰያ ፖቅያጥ ሳኦን ኩንዲደ ሀይቄዳዎ አሳይ ደንሌዳ።

10 ሸን ጳውሎስ ዋጂደ፡ አ ቦላ ጉፋኔዳ፡ አ እድሚደ፡ “አ ሸሞጥ ከሰቤና ድራዉ ሀርጎጥተ” ያገደ።

11 ያቲደ ፑደ ፖቅያ ከሲደ፡ ኡክላ መንጻደ ሜዳ፤ ሳእይ ዎንታና ጋካናዉ፡ ዳሮ ዋድያ ሃሳዬዳዋጥ ጉይያን ቤዳ።

12 ዋዳላይ ፓጽና፡ ሶይ አፊደ፡ ዳርሰ ናሸቲድኖ።

ጳውሎስ ጸርኦዳጥ ሞሊጸ ቤዳ

13 ሸን ጳውሎስ ባረና ያጥ ኑን ሞካና ማላ፡ ኑዉ ኦዴዳ ድራዉ፡ ካስቲደ ማርካብያኮ ቤደ፡ አሶሳ ባናዉ ደንዴደ፤ እያዉ ጎጥ፡ ገድያን ባናዉ አ ቆጥዳ ድራዉ ኑና ሄዋዳን አዛዚዳ።

14 አ ኑና አሶሳን ጋከትና፡ ማርካብያን አ እኪደ ሞጽሊን ዬደ።

15 ዎንተላ ጋላሰ ያጥ ማርካብያን ደንዴደ፡ ክዮሳ ሄራ ጋዚደ፤ ቃይ ዎንተላ ጋላሰ ሳሞሳ ጥኔደ፤ ትሮግልዮመን አቂደ፡ ዎንትና ሞሊጸ ዬደ።

16 እያዉ ጎጥ፡ ጳውሎስ ኢሰያን ዳሪ ጋሞኤናን ኤፊሶን ላንቄያና አቻናዉ ባረ ቆፋ

\* 20:7 ዋጋ ጋላሰ- ግሪክያ ማጻፋን፡ ሳሞባታቱዋጥ እቱዋን ያገ።

ቃቺዳ፤ ባረገው ዳንዳየቶ፣ ጸንጸቆስተ ጌተትያ ጋላሰ የሩሳላመ ጋካናወ ኤሌሌ።

ጳውሎስ ኤፊሶን ጭማቶ ወርሰሳ ሃሳያ ሃሳይዳ

17 ጳውሎስ ምሊጸፕ ኤፊሶን ከቴድ፣ አማንያ አሳ ካለአያዋንታ ጸግሴዳ።

18-19 ዋሳ ጎለ ጭማቱ ጳውሎስ፣ ዩና፣ ኤንቱንታ እ ሀዋዳን ያጌዳ፤ “ታን ኢሰያ ገሌዳ ከይሮ ጋላሳፕ ዶምና፣ ካወሻተላንን ዳሮ ከፎላን ጎዳወ ኦላድ፣ አይሁዳቱዋ ሸቁዋፕ ታና ጋኬዳ ፓጨ ግዴዳ ዋድያ ኡባን ህንተንቱና ዋናደ ደአድታንቶ ህንተንቱ ኤሪታ።

20-21 ናጋራፕ ጸሳኮ ሰምያዋን ኑ ጎዳ የሱሰ ክርስቶሳ አማንያዋ አይሁዳቶን አይሁዳ ግደናዋንቶ ማርካታደ፣ ሸቁዋንካ ህንተንቱ ጎለን ጎለንካ ህንተንቶ ኦዳደ ታማርሴዳዋፕ አትን፣ ህንተንታ ጎእያባፕ አትባን ፓጭሳ በይከ።

22 “በአተ፤ ሀእካ ታን ጌሻ አያናወ አዛዘታደ፣ የሩሳላመባይ፤ ያን ታወ አይ ከሳንቶን ኤርከ።

23 ጌሻ አያናይ ቃሹን ዋዩ ታና ናግያዋ ካታማ ኡባን ታወ ኦዳ።

24 ሸን ታ ዋሳ ፖላናወን ጎዳ የሱሰ ክርስቶሳፕ ታን አኬዳ ኦሎቀ ጸሳ አቶ ኬካተላ ዋንጋላ ምሽራቹዋ ማርካትያዋ ፖላናወ፣ ታ ሸምቹዋ ማደናዋዳን ፓይዳይ።

25 “በአተ፤ ታን ሀእካ ጸሳ ካወተላባ ኦዳደ፣ ህንተንቱ ኡባ ግድን ዩያደ፤ ሰም ሀዋፕ ሰንላወ ህንተንቱፕ ኦን ታና በኤናዋ ኤሪይ።

26 ሄዋ ድራወ፣ ህንተንቱፕ አት ኡራይ ባየፕካ ታን ሄዋን ገለናዋ ሀቼ ህንተንቶ ጌሻደ ኦዳይ።

27 አያወ ጎፕ፣ ጸሳይ አላናወ ቆፔዳዋ ኡባ ህንተንቶ አይነ አሸናን ኦዳድ።

28 “የሱሰ ባረ ሱላን ዋዜዳ ጸሳ አማንያዋንታ ናግተ፤ ቃይ ጌሻ አያናይ ህንተንታ ካፓቱዋ ኦሊደ ሱንሌዳ ወድያ ኡባን ህንተንቱ ሁጲያ ናግተ።

29-30 ታን ቤዳዋፕ ጉይያን፣ ወድያወ ቃረተና ኢታ ዋራካናቱ ህንተንቱ ግደ ገላናዋንታ፣ ካልያዋንታ ባረንቱ ጌዱዋ ካለላናወ ዋርዳዋ ሃሳይያ አሳቱ ህንተንቱ ግደፕ ደንዳናዋ ኤሪይ።

31 ሄዋ ድራወ፣ ታን ሄኮ ላይላ ቃማን ጋላሳ አፎላን ህንተንታ ሁጲያን ሁጲያን ምንሰያዋ አጋቤናዋ ቆፕደ ገንጭተ።

32 “ሀእካ ህንተንታ ምንሳናወን ጌሻ አሳ ኡባ ግድን ላትሳናወ ዳንዳይያ ጸሳወን አ አቶ ኬካተላ ቃላወ ህንተንታ ሀደራ አማይ።

33 “ታን ኦፐን ብራ ዋይ ዋርቃ ዋይ ማዬዋ አዎታበይከ።

34 ታን ሀ ታ ኩሸያን ታናን ታናና አትፕ ደእያዋንታ ኮሺዳዋ ኦሌዳዋ ህንተንቱ ህንተንቱ ሁጲወ ኤሪታ።

35 ህንተንቱ ሀዋዳን ዳቡር አሊደ፣ ዳቡራንቻቱዋ ማዳናወን ጎዳ የሱሰ ባረ ሁጲወ፣ ‘አክያዋፕ አምያዌ አንጆቱዳዋ’ ጌዳዋዳን፣ እ ቃላ ህንተንቱ ዋዛና አላናወ በሰያዋ ታን ጮራ ኦግያን ህንተንታ በሳድ” ያጌዳ።

36 ጳውሎስ ሄዋ ሃሳይ ወርሲደ፣ ኤንቱንቱ ኡባና አትፕ ጉልባቲደ፣ ጸሳ ዋሴዳ።

37 ኤንቱንቱ ኡባይ ጳውሎሳ አድሚደ፣ ዩኪደ የራድና።

38 ኡባፕ እ፣ “ታና ላኤንሱዋ ኡባካ በእክታ” ያጌዳ ቃላይ ኤንቱንታ ዳር ቃረሰና ማርካብያ ጋካናወ አ ሞይዜድና።

# 21

ጳውሎስ የሩሳላመ ቤዳ

1 ኑን ኤፊሶን ጭማቱዋፕ ሻከቲደ፣ ቆሳ ጌተትያ ሃላን ደደቶ ሳአ ዩ አጌደ፤ ዋንትሳ ጋላሰ ሮዳ ጋኬደ፤ ሄዋፕ ጸጸራ ቤድ።

2 ፕንቆ ፕንያ ማርካብያ ደሚደ፣ አን ገሊደ ባናወ ደንዳይ።

3 ኑን ቆጲሮሳፕ በአናወ ዳንዳይያሳ ዩደ፣ አዋይ ከሰያሳ ጸልያ ዋይ ቆጲሮሳ ሀድርሳ ባጋ የገደ፣ ሶርያ ቤደ፤ ሄዋፕ ጉይያን ጲሮሳ ጋኬደ፤ አያወ ጎፕ፣ ማርካቢ ባረ ጫና ጲሮሳን ዋላ።

4 ያን ካልያዋንታ ደሚደ፣ ኤንቱንቱና ላፑ ጋላሳ ኡቲደ፤ ጳውሎስ የሩሳላመ ቤና ማላ፣ ኤንቱንቱ አወ አያናን ኦዳድና።

5 ኑን ኤንቱንቱና ኡቲያ ዋዲ ወርና፣ ከሲደ ቤደ፤ ኤንቱንቱ ኡባቱ ባረንቱ ማጫዋንቱናን ባረንቱ ናና አትፕ ካታማፕ ካረወ ከሳና ጋካናወ፣ ኑና ሞይዜድና፤ ኑን አባ ዶናን ጉልባቲደ፣ ጸሳ ዋሴዳ።

6 ሄዋፕ ጉይያን፣ እቱ እቱዋ ሳርቲደ፣ ማርካብያን ገሌደ፤ ኤንቱንቱ ባረንቱ ሶይ ሰሜድና።

7 ኑን አባ ኦግያ ወርሲደ፣ ጲሮሳፕ ጸጸለማይሰ ጋኬደ፤ እሻቱዋ ሳርቲደ፣ ኤንቱንቱ ማታን እት ጋላሳ ፔሼደ።

8 ዋንትሳ ጋላሰ ከሲደ፣ ቁሳርያ ቤደ፤ ዋንጋላ ምሽራቹዋ ኦድያ ፕልጸሳ ሶይ ጋኬደ፣ አ ማታን ኡቲደ፤ የሩሳላመን ዶረቲዳ ላፑናቱዋፕ አ እቱዋ።

9 ፕልጸሳዋ ናባቱዋ ግዴዳ ኦይዱ ዋዶር ማጫ ናናቱ ደአድና።

10 ኑን አንደኔዳ ጋላሳ ኡቲዳ ዋደ፣ ናብያ አጋቦሳ ግያ ብታኒ ይሁዳፕ ቁሳርያ ዬዳ።

11 ኑኮ ዩደ፣ ጳውሎሳ ሳቁያ አኪደ ባረ ኩሸያን ባረ ገድያ ቃቺደ፣ “ጌሻ አያናይ ግያዌ ሀዋ፤ ሀ ሳቁያ ጎዳ የሩሳላመን አይሁዳቱ ሀዋዳን ቃቺደ፣ አይሁዳ ግድና አሳቶ አሊደ አማና” ያጌዳ።

12 ኑን ሄዋ ሰሴዳ ዋደ፣ ኑን ያን ደእያ አሳቱ ጳውሎስ የሩሳላመ ቤና ማላ ዋሴደ።

13 ሸን ጳውሎስ ዛሪደ፣ “ህንተንቱ ዩኪደን ታ ዋዛና ቃረትሲደ ዋኒቱ፣ ታን ጎዳ የሱሳ ሱንላ ድራወ ቃሸታዋ ጸላላ ግድናን፣ ሀራይ

አቶ የሩሳላሙን ሀይቃናውካ ገጋ ኡታድ” ያጌዳ።

14 ዘርያ እ እከናን እጽና፡ “ሳዳይ ጌዳዌ ሆሜ” ያጌደ ጮኡ ጌዳ።

15 ያን አማራዳዎ ዋድያ ጋምኤዳዋፕ ጉይያን፡ ገገቲደ የሩሳላሙ ባናው ከሴዳ።

16 ቁሳርያን ደእያ ካልያዋንቱፕ አማራዳዋንቱ ቃይ ኑናና ቤድና፤ አንቱንቱ ኑን አቃናሳ ሞናሶና ግያ ቆጶሮሳ ብታንያ ሰይ ኑና አፌድና፤ ሞናሶን ዳር ዋድያፕ ደሚደ ካልያዋ።

ጳውሎስ የሩሳላሙን ያቆባ አቸዳ

17 ኑን የሩሳላሙ ጋኬዳ ዋድ፡ እሻቱ ኑና ናሽቻን ሞኬድና።

18 ዋንትሳ ጋላሰ፡ ጳውሎስን ኑን ያቆባና ጋከታናው ቤድ። ዋሳ ጎላ ጭማቱ ኡባቱካ ደእኖ።

19 ጳውሎስ አንቱንታ ሳርቴዳዋፕ ጉይያን፡ አይሁዳ ግደና አሳ ግደን ባረ ባጋና ጸሳይ ኦሌዳዋ አንቱንቱ ወርሲደ ኦዳዳ።

20 አንቱንቱ ሄዋ ሰሴዳ ዋደ ጸሳ ጋላቲደ፡ ጳውሎሳ ሀዋዳን ያጌድና፤ “ኑ እሻወ፡ አይሁዳቱዋ ግደን ጸሳ አማኔዳዋንቱፕ አፑን ሻእይ ደእኖንቶ በአሳ፤ አንቱንቱ ኡባይ ሀግያ ሞንሰ ሩገና።

21 የሩሳላሙ አይሁዳቱ፡ አይሁዳ ግደናዋንቱ ጋድያን ደእያ አይሁዳ ኡባቱ ባረንቱ ናና ቃጶረና ማላ፡ ዋይ አይሁዳቱ ኦሌዳዋ ካለና ማላ፡ ሙሴ ሀግያካ ባይዛና ማላ ኔን ታማርሰያዋ ሰሴድና።

22 ያትና፡ አይ ሎኡ? ኔን ዬዳዋ ጮራቱ ሰሰያ ድራው፡ ሸቀናን አገክና።

23 “ሄዋ ድራው፡ ሀዋ ኑን ነዉ እድያዋ ኦላ፤ እትፕ ሸቁ ደእያ ኦይዱ አሳቱ ኑ ማታን ደእኖ።

24 አንቱንታ አካደ አንቱንቱና ጌያ፤ ቃይ አንቱንቱ ባረንቱ ሀጶያ ሜደታና ማላ፡ አንቱንቶ ሚሻ አማ፤ አንቱንቱ ኡባይ ነዋ ሰሴዳዋ ቱማ ግደናዋን ኔን ነ ሀጶዳካ ቃይ ሙሴ ሀግያ ናገደ ማራን ደእያዋ ኡራና።

25 “ሸን አማኔዳ አይሁዳ ግደና አሳቱዋ ግደፕ፡ አንቱንቱ ኤቃዉ ያርሼዳዋ ሜና ማላን ሱላ ኡሸና ማላ፡ ባኩቱዳ መሀያ አሹዋ ሜና ማላን ዋሹመና ማላ፡ ኑን የወዋ ቃቸደ፡ አንቱንቶ ዳብዳቤያ ጸፊደ” ያጌድና።

26 ሄዋፕ ጉይያን፡ ጳውሎስ ዋንትሳ ጋላሰ አሳቱዋ አኪደ፡ አንቱንቱና ጌዳዳ፤ እ ባረንታ ጌሹሳ አዉደ ፖልንቶ ኤርሳናውን ቃይ ያርሹዋ ሀጶያን ሀጶያን አዉደ አማንንቶ ኤርሳናው ጌሻ ጎልያ ገሌዳ።

ጳውሎስ ጌሻ ጎልያን ኦይቀቱዳ

27-28 ላፑ ጋላሳይ ዉራና ሆናደ፡ ኢሰያፕ ዬዳ አይሁዳቱ ጌሻ ጎልያን ጳውሎሳ በእደ፡ አሳ ኡባ ሀንቀሏደ፡ “አሰራኤልያ አሳዉ፡ ኑና ማድቱ፤ አሰራኤልያ አሳ፡ ሙሴ ሀግያን ሀ ጌሻ ጎልያ እጸደ፡ ኡባ ሳን አሳ ኡባ ታማርሰያዌ ሀ ብታንያ፤ ጉጂደ ቃይ ግሪክ

አሳካ ጌሻ ጎልያ ገልሲደ፡ ሀ ጌሻ ሳኦ ቱንሴዳ” ያግ ዋሲደ፡ ጳውሎሳ ኦይቁድና።

29 አንቱንቱ ካሰ ኤፈሶንን ደእያ ጽርፍሞሳ ጳውሎሳና ካታማን በኤዳ ድራው፡ ጌሻ ጎልያ ጳውሎስ አ ገልሴዳዋ አንቱንቶ ማላቲዳ።

30 ካታማ ኡባይ ሻቢረቲዳ፤ አሳይ ኡባይ ሸቁደ ጳውሎሳ ኦይቁደ፡ ጌሻ ጎልያፕ ካረው ጎቻ ከሴዳ፤ ሄ ማንእያን ጌሻ ጎልያ ፕንገቱ ቃሸት አጌድና።

31 አሳይ ጳውሎሳ ዋቃና ሀንሸን፡ “የሩሳላሙ ካታማይ ሙለካ ሻቢረት ድጌዳ፡ ግያ ሃሳያይ ሮመ ጋድያ ኦላ ካፖ ጋኬዳ።

32 ሄ ኦላ ካፑ ዋታዳራቱዋን ጴታቱዋ ካፓቱዋ እትፕ አኪደ፡ ዋጶደ አሳ ቦላ ከሰ ዋጶዳ፤ አሳይ ኦላ ካፑዋን ዋታዳራቱዋ በኤዳ ዋደ፡ ጳውሎሳ ሸጭያዋ ባሽ አጌዳ።

33 ሄ ዋደ፡ ሄ ኦላ ካፑ ሸቁ፡ ጳውሎሳ ኦይቁደ፡ ላኡ ሳንሳላታን ቃሸታና ማላ አዛዚደ፡ እ ኦንቶን ቃይ እያ ኦሌደንቶን አሳ ኦቸዳ።

34 አሳፕ ባጋይ እትባዉ ዋሰያ ዋደ፡ ባጋይ ሀራባዉ ዋሴ፤ ዋሱ ጮራዳ ድራው፡ ኦላ ካፖ ቱሙዋ ኤራናው ዳንዳየተናን እጽና፡ ዋታዳራቱ ጳውሎሳ ባረንቱ ደእያሳ አፋና ማላ፡ አንቱንታ አዛዜዳ።

35 የጲደ ከሰያ ደሳ ጳውሎስ ጋኬዳ ዋደ፡ አሳ ሱገሳ ድራው፡ ዋታዳራቱ አ ቶኬድና።

36 እያዉ ጎፕ፡ ጮራ አሳይ፡ “አ ዋቃ!” ያጌድን ዋሲደ ካላ።

ጳውሎስ ሞቶ ዛሩዋ እሜዳ

37 ዋታዳራቱ ጳውሎሳ ባረንቱ ደእያሳ አፋና ሀንሸን ጳውሎስ ኦላ ካፑዋ፡ “ታን ነዉ እትባ ኦዶ?” ያጌዳ።

ሄ ኦላ ካፑ ጳውሎሳ፡ “ኔን ግሪክ ቃላ ኤራይ?”

38 ኔን ሀዋፕ ካሰ ዋደ፡ ዋላሳ ከሳይ ሸዋፑዋ ዋጶዳዋንቱፕ ኦይዱ ሻእ አሳቱዋ አሳይ ባይና መላ ሳኦ ካለሌዳ ግብጹ ብታንያ ግድኪ?” ያጌዳ።

39 ሸን ጳውሎስ፡ “ታን አይሁዳ አሳ፤ ቃይ ክልቁያን ደእያ ጸርሴስን የለቲዳ ሀጶ ካታማን ደእያ አሳ፡ ሀያና ታና አሳዉ ሃሳይሳርከ?” ያጌዳ።

40 ኦላ ካፑ አ፡ “ሃሳያ” ያግና፡ ጳውሎስ የጲደ ከሰያ ደሳን ኤቁደ፡ አሳይ ጮኡ ጋና ማላ፡ ባረ ኩሽያን አሳኩ ጸርሴዳ፡ አሳይ ጮኡ ገና፡ አብራራይስጵ ቃላን ሃሳዪደ፡ ሀዋዳን ያጌዳ።

## 22

1 “ታናዳን አማንያዋንቶ፡ ታ አዋቶ፡ ታን ሀእ ሀንተንቶ ኦድያ የወዋ ሰሰተ!”

2 ጳውሎስ አንቱንቶ አብራራይስጵ ቃላን ሃሳይያዋ ሰሰደ፡ ካሰፕ ሎይሶ ጮኡ ገና አ ሀዋዳን ያጌዳ።

3 “ታን ክልቁያን ደእያ ጸርሴስን የለታደ፡ ሀ ካታማን ጋማልያል ታና ታማርሰና ድጫደ፡

ኑ አዎቱዋ ሀግያካ ምንሳ ታማራደ፡ ሀቼ ህንተ ኡባይ ህንገያዋዳንካ፡ ታን ጸሳ የዎ ሴለትያ አይሁዳ አሳ።

4 ታን ማጫ አሳነ አቱማ አሳ ኦይቃ ኦይቃደ ቃሾ ጎለን የጌዳ መሳሳ፡ ሀ ኦግያ ካልያ አሳ ዎድሳና ገካናዉ መቶሌዳ አሳ።

5 ሀዎዳንካ፡ ቃይ፡ ቁሳቱዋ ኡባቱዋ ካፑነ ጭማ ኡባ ሸቁ ታዋ ማርካታናዉ ዳንዳዬ፤ ታን ዳማሰቆን ደእያ ኡንቱንቱ እሻቱዋ አይሁዳቶ፡ ኡንቱንቱ፣ ዳብዳቢያ አካደ፡ ሄዎን ደእያ አሳቱ ቆሄቲደ ሙረታናዳን፡ የሩሳላመ ኡንቱንታ አህናዉ ያ ባድ።

ጳውሎስ ክርስቶሳኮ ሰማዳ ባረ ሰማባ ኦዴዳ  
(9:1-19፤ 26:12-18)

6 “ታን ባደ ዳማሰቆ ማቱዳ ዎደ፡ ሴታ ጋላሳ ግድሽን፡ ቆፐናን ሳሉዋፐ ዎልቃማ ፖኡ ታ ማታን ዩይ አዲደ ፖኡዳ።

7 ታን ሳኒን ኩንዳ ኡታደ፡ ሳኦላ፡ ሳኦላ፡ ታና አያዉ የደርሳይ?” ግያ ቃላ ሰሳድ።

8 “ታን ዛራደ፡ ታ ጎዳዉ፡ ኔን ኦኔ?” ያገድ።

“ሄዋፐ ጉየ፡ ታን ኔን የደርሰያ ናዝሬትያ የሱሳ” ያጌዳ።

9 ታናና አትፐ ደእያዋንቱ ፖኡዋ በኢደ ያዬድና፤ ሽን ታዉ ሃሳይያዋ ቃላ ሰሰበይክና።

10 “ ታ ጎዳዉ፡ ታን አያ ኦሎ?” ያጋድ።

“ጎዳይ ታና፡ ደንዳደ ዳማሰቆ ባ፡ ኔን ኦላናዉ ጸሳይ ቆፔዳ ኡባባይ ነዉ ያን ኦይታናዎ” ያጌዳ።

11 ሄ ዎልቃማ ፖኡዋ ድራዉ፡ ታ አይፊ ቆቆና፡ ታናና ደእያ አሳቱ ታ ኩሽያ ኦይቂደ፡ ታና ጎኞና፡ ዳማሰቆ ገካድ።

12 “ዳማሰቆን ደእያ አይሁዳ ኡባይ ሎይሰ ቦንኞያ እት ሀናንያ ግያ ብታኒ፡ ኑ ሀግያዉ አዛዘቲደ፡ ጸሳዉ እመቲዳ አሳ።

13 ሀናኒ ታኮ ዩደ፡ ታ ማታን ኤቂደ ታና፡ ታ እሻዉ ሳኦላ፡ ጾላ” ያጌዳ። ታን ሄ ዎደ ሄ ማንእያን አኮ ጾላ አገድ።

14 “እ ታና ሀዎዳን ያጌዳ፤ ኑ አዎቱዋ ጸሳይ ኔን አ ቆፋ ኤራራዉ፡ አ ጽሎ ናኣ በአናዉነ አ ዶናፐካ ሃሳያ ሰሳናዉ ኔና ካሰና ደሬዳ።

15 አያዉ ጎፐ፡ ኔን በኤዳባነ ሰሴዳባ አሳ ኡባ ሰንላን አዉ ማርካታናሳ።

16 ሀእካ አያዉ ጋዎአይ? ደንዳደ ጸማቀታ፤ አ ሱንሳ ጾሳደ፡ ነ ናጋራፐካ ሜጫታ” ያጌዳ።

17 “ታን ጉየ የሩሳላመ ሰማደ ጌሻ ጎልያን ዎሰሽን፡ ታ አያናን ግዳድ።

18 ጎዳይ ታና፡ ኡሌላደ፡ የሩሳላመ ከሳ አያዉ ጎፐ፡ ኔን ታዉ ሀዋን ማርካትያዋ አሳይ አከና ያግሽን ታን አ በኣድ።

19 “ታን፡ ታ ጎዳዉ፡ አይሁዳ ዎሳ ጎልያ ኡባን ኔና አማንያዋንታ ኦይቃደ ዎዴዳዋን ቃሾ ጎልያን የጌዳዋ ኡንቱንቱ ኤሪና።

20 ኡንቱንቱ ነ ማርካ እስጵፋሮሳ ዎድያ ዎደ፡ ታን ሄ የወዋ ኤና ጋድ። ቃይ ኡንቱንቱ ምይያን ኤቃደ፡ አ ዎድያዋንቱ ማዩዋ ናጋይ” ያጌዳ።

21 “ጎዳይ ታና፡ ታን ኔና አይሁዳ ግደና አሳካ ሃኮ ሳ ከትያ ድራዉ ባን ጌዳ” ያጌዳ።

ጳውሎስ ሮመ አሳ ግድያዋ ቆንጭሴዳ  
22 ጳውሎስ ሄ ቃላ ሃሳያና ገካናዉ አሳይ አ ግያዋ ሰሴ፤ ሄዋፐ ጉይያን፡ ባረንቱ ኮሻ ቆቁ አሌደ፡ “ሀዋ ጋድያፐ ቆይሳ፤ አ ደአናዉ በሰና” ያጌድና።

23-24 ኡንቱንቱ ዎሰሽን፡ ባረንቱ ማዩዋ ባላዉ ኦልሽንን ባና ጫርኩዋን ላልሸን፡ ኦላ ካፐ ዎታዳራቲ ጳውሎሳ ባረንቱ ደኢያሳ አፋና ማላ አዛዘዳ። ቃይ አሳይ አያዉ ሄዋዳን አ ባላ ዋሴድኖንቶ ኤራራዉ፡ ጳውሎሳ ልሱዋን ሸጫና ማላ፡ ኡንቱንታ አዛዘዳ።

25 ሽን ዎታዳራቲ ጳውሎሳ ዳፋዋን ምንሰ ቃቼዳ ዎደ፡ ጳውሎስ ባረ ማታን ኤቆዳ ጾታቱዋ ካፐዋ፡ “ሮመ ጋድያ አሳ ፕርዳይ ባይናን ሸጫዎ ህንተንቶ ዎጌ?” ያጌዳ።

26 ሄዋ ጾታቱዋ ካፐ ሰሴዳ ዎደ፡ ኦላ ካፐዋን ቢደ፡ “ሀ ብታኒ ሮመ አሳ። ኔን አያ ኦላና ቆፓይ?” ያገደ ኦቼዳ።

27 ኦላ ካፐ ጳውሎሳኮ ሸቂደ፡ “ኔን ሮመ አሴ? ታዉ ኦዳ” ያጌዳ።

ጳውሎስ፡ “ኤ” ያጌዳ።

28 ኦላ ካፐ ጳውሎሳዉ ዛሪደ፡ “ታን ሀ ዛረተላ ዳሮ ማሻን ሻማድ” ያጌዳ።

ሽን ጳውሎስ፡ “ታን ሄ ዛረላፐ የለታድ” ያጌዳ።

29 ሄዋ ድራዉ፡ ጳውሎሳ ብዳናዉ ቆፔዳዋንቱ ኤለካ አፐ ሻከት ኡጌድና። ኦላ ካፐካ ጳውሎሳ ሮመ አሳ ግዴዳዋ ኤራዳ ዎደ ያዬዳ፤ አያዉ ጎፐ፡ ሳንላላታን አ ቃሽሰ ዎሌዳ።

ጳውሎስ አይሁዳቱዋ ሻንጋቱዎኮ ሸቂዳ

30 ዎንተላ ጋላሰ ኦላ ካፐ፡ አይሁዳቱ ጳውሎሳ አያዉ ሞቲድኖንቶን ጌሽደ ኤራናዉ ኮዩደ፡ ጳውሎሳ ብሌዳ። ያቲደ ቁሳቱዋ ካፐቱን አሳይ ኡባይ ሸቃና ማላ አዛዘዳ፤ ቃይ ጳውሎሳ ዳገ ዎሊደ፡ ኡንቱንቱ ሰንላን ኤሴዳ።

### 23

1 ጳውሎስ ሄዋን ሸቂዳ አሳ ጫድ ጾሊደ፡ “ታናዳን አማንያዋንቶ፡ ታን ሀቼ ገካናዉካ ጸሳ ሰንላን ታ ደኡዋ ኡባን ትላ ዎዛናን ደኣድ” ያጌዳ።

2 ቁሳቱዋ ኡባቱዋ ካፐ ሀናኒ፡ ጳውሎሳ ደና ባቃና ማላ፡ አ ማታን ኤቆዳዋንታ አዛዘዳ።

3 ጳውሎስ ሄ ዎደ አ፡ “ላ ሀ ቦሽንቻን ኦኩዳ \* ጎዳዉ፡ ጸሳይ ኔና ባቃና። ኔን ታ ባላ ሀግያን ፕርዳናዉ ኡታደ፡ ዎጋይ ባይናን ታና ባቃና ማላ አዛዘይ?” ያጌዳ።

\* 23:3 ቦሽንቻን ኦኩዳ፡- እት ኤራይ ሎእ ማላታና ማላ ኦሱሳ፡ ሽን ግደና።

4 ጳውሎስ ማታን ኤቄዳዋንቴ እ፥ “ኔን ጸሳ ቄሳቱዋ ኡባቱዋ ካቸዋ ቦራይ?” ያጌድኖ።

5 ሄዋጥ ጉዮ ጳውሎስ፥ “ታናዳን አማንያዋንቶ፥ እ ቄሳቱዋ ኡባቱዋ ካቸዋ ግዴዳዋ ታን ኤራብይከ፤ አያው ጎጥ፥ ሳ ጋድያ ሞድያዋ ቦላ ኢታ ቃላ ሃሳዮ፣” ጌተቲደ ጸሳ ማጸፋን ጸፈቲዳ” ያጌዳ።

6 ሸን ጳውሎስ ባጋቱ ሳዱቃዋናቱዋ፤ ባጋቱ ፓርሳዋቱዋ ግዴዳዋ በኢደ፥ “ታናዳን አማንያዋንቶ፥ ታን ፓርሳዋይን ፓርሳዋይ ናእ፤ ሳይቄዳዋንቴ ሀይቁጥጥ ደንዳናዋንታ ጋደ ታን ናሸቻን ናግያ ድራው፥ ኢንቲንቲ ታ ቦላ ፕርዲኖ” ያጌደ፥ ጳቁ ኦሌደ ሃሳዬዳ።

7 ጳውሎስ ሄዋ ያግና፥ ፓርሳዋቱዋ ግደንን ሳዱቃዋናቱዋ ግደን ዋላሳይ ከሰና፥ ሸቄዳ አሳይ ላለቲዳ።

8 አያው ጎጥ፥ ሳዱቃዋናቱ፥ “ሳይቄዳ አሳይ ደንደና፤ ኪታንቻይካ አያናይካ ባዋ” ያጌድኖ፤ ፓርሳዋቱ ቃይ ላኡካ ደአያዋ አማኒኖ።

9 ዋልቃማ ዋላሳይ ደንደዳ፤ ፓርሳዋቱዋ ባጋጥ ሙሴ ህግያ ታማርሰያዋንቲ ደንድ ኤቄደ፥ “ሀ ብታንያ ቦላ አይነ ባላ ደምባይኮ፤ አው አያናይ ዋይ ኪታንቻይ ሃሳዮናን አገና” ያጌደ ፓሌመቲድኖ።

10 ዋላሳይ ዳርና፥ ኦላ ካቸ ጳውሎስ ኢንቲንቲ መንፈሳንቶን ግ ያዩደ፥ ባረ ዋታዳራቱ ዋዲደ፥ ኢንቲንቲ ግደጥ እ ኤለካ ከሲደ፥ ባረንቲ ደኢያሳ አፋና ማላ አዛዜዳ።

11 ሄ ቃማ ጎዳይ ጳውሎስ ማታን ኤቄደ፥ “ጳውሎስ፥ ኔን ታው የሩሳላመን ማርካቲዳዋዳን፥ ሮመንካ ማርካታናው በሴ፤ ሞና፤ አይነ ባዋ” ያጌዳ።

ጳውሎስ ዋዳናው ኦስቲዳ ማቁዋ

12 ዋንትሳ ጋላስ፥ አይሁዳቱ ጳውሎስ ዋዳና ጋካናው፥ ማናዳንን ኡሸናዳን፥ ጫቀቲደ ገቢቲድኖ።

13 ጳውሎስ ቦላ ሄዋ ማቀቲዳ አሳቱ ኦይታሙጥጥ ዳሪኖ።

14 ኢንቲንቲ ቄሳቱዋ ካፓቲዋኮን ጭማቱዋኮ ዪደ፥ “ኡን ጳውሎስ ዋዳና ጋካናው፥ አይነ ባረናዳን፥ ገቢት ኡቲድ።

15 ሄዋ ድራው፥ ህንተንቲን ሸቄዳ አሳይ ጳውሎስ ጌሺደ ብድያዋ ማላቲደ፥ ኦላ ካቸ ኦ ህንተንቲኮ ዲገ ዋላና ማላ ኦቶተ፤ ኦን እ ሃ ሸቃናጥ ካሰና እ ዋዳናው ገግ ኡቲድ” ያጌድኖ።

16 ሸን ጳውሎስ ሞቻት ናአይ ሄ ማቁዋ ሰሴዳ ዋደ፥ ቢደ ዋታዳራቱ ደኢያሳ ገሊደ፥ ጳውሎስው ኦዴዳ።

17 ጳውሎስ ጴታቱዋ ካፓቲዋጥ እቲዋ ጴሲደ፥ “ሀ ናአ ኦላ ካቸዋኮ አፋ፤ አያው ጎጥ፥ ኦላ ካፖ እ ኦድያዌ ደኤ” ያጌዳ።

18 ሄዋ ድራው፥ ጴታቱዋ ካቸ ናአ ኦላ ካቸዋኮ አፊደ፥ “ቃሾ ጎለን ደአያ ጳውሎስ፥ ሀ ናአይ ነው አየንቶ ኦድያባይ ደአያ ድራው፥

ታና ባረኮ ጴሲደ፥ እ ኔኮ አሀናዳን፥ ታና ዋሴዳ” ያጌዳ።

19 ኦላ ካቸ ናአ ኩሸያ ኦይቄደ፥ ዲማ ጋጸ ከሲደ፥ “ኔን ታው ኦዳናባይ አይ?” ያጌደ ኦቼዳ።

20 ናአይ ኦላ ካፖ፥ “አይሁዳቱ ጳውሎስ ባ ካሰጥ ሞንሰ ኦቻያዋ ማላቲደ፥ ኔን ሸቁዋ እ ኡትሳናዳን፥ ኔና ዋንት ዋሳናው ዘረታ ቃቼድኖ።

21 ሸን ኔን ኡንቲንቲ ግያዋ ሰሶ፣ አያው ጎጥ፥ ኦይታሙጥጥ ዳርያ አሳቱ ጳውሎስ ዋዳና ጋካናው፥ ቁማ ማናዳንን ሃላ ኡሸናዳን፥ ጫቀቲደ ጌመት ኡቲደ እ ናገሮ፤ ኔን ግያዋ ሰሳናው ሀአካ ገቢት ኡቲደ ናገሮ” ያጌዳ።

22 ሄዋ ድራው፥ ኦላ ካቸ ናአ፥ “ሀ የወዋ ኔን ታና ኤርሴዳዋ ኦስን ኦድ፣” ያጌደ አዛዜዳዋጥ ጉይያን፥ እ የዴዳ።

ጳውሎስ ጋድያ ሞድያ ፍልክሳ ሰንሳ ሸቄዳ

23 ኦላ ካቸ ጴታቱዋ ካፓቲዋጥ ላኡዋ ጴሲደ፥ “ቁሳርያ ባናው፥ ላኡ ጴቲ ዋታዳራቱዋ፥ ላፕን ታሙ ፓራ ኦይቄዳ አሳቱዋን ላኡ ጴቲ ቶራንቻቱዋ ቃማጥ ሄዙ ሳትያን ገግሰተ”

24 ጋድያ ሞድያ ፍልክሳኮ ጳውሎስ ሳርተላን ጋላናው ቶግሰያ መሀያን ገግሰተ” ያጌደ፥ ኡንቲንታ አዛዜዳ።

25 ኦላ ካቸ ሀዋዳን ግያ ዳብዳቤያ ጸፊዳ።

26 “ቃላወደዮሳ ሉሰዮሳ፤ ጋድያ ሞድያ ቦንቼቲዳ ፍልክሳ! ሳርተላይ ነው ግደ።

27 አይሁዳቱ ሀ ብታንያ ኦይቄደ ዋዳና ሀንሸን፥ ሮመ ካታማ አሳ እ ግዴዳዋ ኤራደ፥ ዋታዳራቱዋና ጋካደ እ አሻድ።

28 ኡንቲንቲ እ አያው ሞቲድኖንቶ ኤራናው ኮያደ፥ ዲገ ኡንቲንቲ ሸቆ እ አፋድ።

29 ኡንቲንቲ ባረንቲ ህግያባ እ ኦቼዳዋ እ ሞቲዳዋጥ አትን፥ እ ዋድሰያ ዋይ ቃሽሰያ ሞቶ ግደና።

30 ኡንቲንቲ ሀ ብታንያ ቦላ ማቀት ኡቲዳ ዘግርሳይ ታና ጋክና፥ ታን ሄ ማንአያን እ ኔኮ የዳ አጋድ፤ እ ሞትያዋንቲካ ቢደ፥ ነ ሰንሳን ሞታና ማላ ኦዳድ፤ ሳር ደአ” ያጌዳ።

31 ሄዋ ድራው፥ ዋታዳራቱ አዛዜቲዳዋዳንካ ጳውሎስ አኪደ፥ ቃማ ኢንትጳጽሪሳ ጋፊድኖ።

32 ዋንትሳ ጋላስ እናና ባና ማላ ፓራ ቶጎ አሳቱዋ ዋሲደ፥ ገድያን ብያዋንቲ ጉዮ ዋታዳራቱ ደኢያሳ ሰሚድኖ።

33 ፓራዋንቲ ቄሳርያ ገሊደ፥ ዳብዳቤያ ጋድያ ሞድያዋ አሚደ፥ ጳውሎስ እ ሰንሳ አፊድኖ።

34 ጋድያ ሞድያዌ ዳብዳቤያ ናባቤዳዋጥ ጉይያን፥ ጳውሎስ ሀቃ አውራጃ አሰንቶ እ ኦቼዳ፤ ክልቂያ አሳ እ ግዴዳዋ ኤራዳ ዋደ፥

35 “ታን ነባ ኔና ሞትያዋንቱ ይያ ዎደ ሰሳና” ያገደ። ዎታዳራቱ ሄርድሳ ካወተሳ ጎለን እ ናጋና ማላ አዛዜዳ።

### 24

ጳውሎስ አይሁዳቱ ሞቲድኖ

1 እቼሹ ጋላሳፕ ጉይያን፣ ቄሳቱዋ ኡባቱዋ ካቱ፣ ሀናንያ፣ ጭማቱዋናን ጸርጸሎሳ ግያ እት ጸባቃና ዱገ ቄሳርያ ዎጴዳ፤ እንቱንቱ ጋድያ ሞድያዋ ቦላ ጳውሎስ ሞቲድኖ።

2-3 ጳውሎስ ጴሳቱዳ ዎደ፣ ጸርጸሎስ እ ሀዋዳን ያገደ፣ ሞቲዋ ደሚዳ።

“ቦንቼቲዳ ፍልክሳ፣ ኑን ነ ባጋና ዳር ሳርተሳ ደሚደሸን፣ ነ ቆፋን ሀ ጋድያዉ ኡባባን ኡባሳንካ ሎኦ ላሚ ቤትያዋ ኔና ሎይሳ ጋላቲደ፣ ሀዋ እኩቶ።

4 ሸን ታን ኔና ጋምኤ□ና፣ ደያ ግዴዳ ነ ኬካተሳን ኩባ ኔን ቃንሳን ሰሳና ማላ፣ ኔና ዎሳይ።

5 እያዉ ሳፕ፣ ሀ ብታኒ ጱቦ ግዴዳ፣ ሳእ ኡባን ደእያ አይሁዳቱዋ ግዴን ዋላሳ ደንሴዳ፣ ናዘራዎቱ ባጋ አሳ ካለልያዋ ግዴዳዋ ኤራደ።

6 ሀራይ እቶ ጌሻ ጎልያካ ቱንሳናዉ ኮይሸን እ ኦይቁደ፣ ኑ ሀግያዳን፣ እ ቦላ ፕርዳናዉ ቆፒዳ፤

7 ሸን አላ ካቱዋ ሉሰቦሰ ዪደ፣ ዎልቃን ኑ ኩሸያፕ አ ዎሶ እኩዳ።

8 እ ሞትያዋንቱካ ኔኮ ያና ማላ አዛዜዳ፤ ኔን ነ ሁጸዉ ሀ ብታንያ ብዳደ፣ ኑን እ ሞትያ ዎዋ ኡባ ኤራናዉ ዳንዳያ” ያገደ።

9 አይሁዳቱካ ቃይ፣ “ሀ የዉ ቱማ” ገደ፣ እ ቆፋ እኩድኖ።

ጳውሎስ ፍልክሳ ሰንሳን ሞቶ ዛሩዋ እሜዳ

10 ጋድያ ሞድያዋ ጳውሎሳ ያናዳን ዉትና፣ እ ሀዋዳን ያገደ ዛሬዳ፤ “ኔን ዳር ዎድያፕ ደማደ፣ ሀ አሳዉ ፕርዳደ ደእያዋ ታን ኤራደ፣ ታ የዉዋ ናሽቻን ዛራይ።

11 ታን የሩሳላሙ ጎይናናዉ ከሶደፕ ታማነ ላኡ ጋላሳፕ ዳረናዋ ኔን ነ ሁጸዉ ኤራና ዳንዳያ።

12 አይሁዳቱ ታና ጌሻ ጎልያን ግድና፣ አይሁዳ ዎሳ ጎለን ግድና፣ ካታማን ግድና፣ አናና ፓሉሙትሸን ዎይ አሳ ሺሻደ ማቁሸን፣ እት ኡራናን በእቦይክና።

13 እንቱንቱ ሀእካ ታና ሞትያዋ ሻትማናዉ ዳንዳይክና።

14 “ሸን ታን ሀዋ ነዉ ኦዳይ፤ ታን ሙሴ ሀግያን ደእያዋን ናባቱ ጳፌዳ ኡባባ አማናዳዳን፣ ኑ አዎቱዋ ጳሳዉ እንቱንቱ ዎርዶ ግያ ኦግያን ጎሽታይ።

15 ሀዋንቱ ባረንቱ ሁጸዉ፣ ኡሳይ ኡባይ፣ ዎርዱካ ጽሉካ ሀይቁዋፕ ደንዳናዋንታ ግያዎዳን፣ ታንካ እንቱንቱ ደንዳናዋ ጳሳን ሀይታ ዎሳደ እሙዋን ናገይ።

16 ሄዋ ድራዉ፣ ታን ቃይ፣ ጳሳ ሰንሳንን አሳ ሰንሳን ኡባ ዎደ፣ ፖኩ ባይና ትላ ዎዛናይ ታዉ ደእና ማላ ሞናይ።

17 “ታን የሩሳላሙፕ ከሶደፕ ጮራ ላይላፕ ጉይያን፣ ታ ጋደ ህዴሳዉ ሚሻ አማናዉን ያርሹዋ ያርሻናዉ የሩሳላሙ ባድ።

18 ሄዋ አልሸን፣ አሳይ ሸቀናን፣ ዋላሳይ ደንደናን፣ ታን ጌሻ ጎልያን ጌይሸን፣ እንቱንቱ ታና ደሚድኖ።

19 ሸን ኢሰያፕ ዬዳ እት እት አይሁዳቱ ሄዋን ደእና፤ እንቱንቱ ታ ቦላ የዉዋ ኮኖፕ፣ ዪደ ታና ነ ቦላን ሞታናዉ በሴ።

20-21 ዎይ ታን እንቱንቱ ግድን ኤቃደ፣ ሳይቁዳዋንቱ ደንዳናዋ አማንያ ድራዉ፣ ሀቼ ህንት ሰንሳን ታ ቦላ ፕርዳኖ፣ ጋደ ሃ ጵቁሳደ ሃሳዬዳ እት ቃላፕ እትን፣ ሸቁዋ ሰንሳን ኤቁሸን፣ ታ ቦላ እት ባይዙዋ ደሚዳዋ ግድፕ፣ ሀዋንቱ ባረንቱ ሁጸዉ ሀዋን ኡዳናዋንታ” ያገደ።

22 ሸን ፍልክሰ ጳሳ ኦግያባ ጌሽ ኤራዳ ድራዉ፣ “ታን ህንት የዉዋ አላ ካቱዋ ሉሰቦሰ ይያ ዎደ ኦግያ ኦይላና” ያገደ፣ ፕርድያ ዎድያ ሰንሳዉ ኬራዳ።

23 ፍልክሰ ቃይ ጳውሎሳ ቃቼናን ናጋና ማላን እ ዳባቱዋፕ እንነ እዉ አልሸን፣ ዎይ እኮ ዪሸን ድገና ማላ፣ ጴታቱዋ ካቱዋ አዛዜዳ።

ጳውሎስ ፍልክሳን ድሩሰላ ሰንሳ ሸቁዳ

24 አማራዳ ጋላሳፕ ጉይያን፣ ፍልክሰ አይሁዳ አሳ ዛረ ግዴዳ ባረ ማቻት ድሩሰልና ዪደ፣ ጳውሎሳ ከት አህሲደ፣ የሱሰ ክርሰቶሳን አማንያ ኦግያ እ ሃሳይሸን ሰሴዳ።

25 ጳውሎስ ጽሎተላባ፣ ባረ ሁጲያ ናጉዋባን ያና ፕርዳባ ሃሳይሸን፣ ፍልክሰ ያዪደ፣ “ኔን ሀእዉ ባ፤ ታዉ ሚኬዳ ዎደ፣ ኔና ኪታደ ጴግሳና” ያገደ።

26 ሄ ዎደ ቃይ ጳውሎስ ብለታናዉ፣ ባረዉ ማጋንጸ አማንዳሻ ገደ ቆፒዳ፤ ሄዋ ድራዉ፣ ዳር ዎደ እ አህሰ አህሲደ፣ አናና ሃሳዬ።

27 ላኡ ላይላ ኩሜዳዋፕ ጉይያን፣ ፍልክሳ ኮታ ጸርቁቶሳ ፕሰጸሰ እኩዳ። ፍልክሰ አይሁዳቱዋ ናሽቻናዉ ኮዪደ፣ ቃሾ ጎለን ጳውሎሳ ባሽ አጌዳ።

### 25

ጳውሎስ ሮሙ ካትያኮ ባረ የዉዋ እኪደ ባናዉ ኦቼዳ

1 ፕሰጸሰ እዉራጃ ገሊዳ ሄዘንልያ ጋላሳፕ ጉይያን፣ ቁሳርያፕ የሩሳላሙ ቤዳ።

2 ያን ቁሳቱዋ ካፓቱን አይሁዳቱዋ ካለልያዋንቱ ጳውሎሳ ሞቲድኖ።

3 እንቱንቱ ጳውሎሳ ዎቆናዉ ኦግያን ቆስት ኡታናዉ፣ ባረንቶ ሎኦባ ኦሊደ እ የሩሳላሙ አሀና ማላ፣ ፕሰጸሳ ዎሴድኖ።

4 ፕሰጸሰ እንቱንቶ፣ “ጳውሎስ ቁሳርያን ቃሸት ኡቲዳ፤ ታን ታ ሁጸዉካ ኤላካ ያ ኑየ ሰማናዉ ቆፓ አታድ።



5 ሃዋ ድራው፡ እ እየንቶ ባይዜዳዌ ደአ፡ ህንተንቱ ግድን አዎትያዎንቱ ታናና ቁሳርያ ቢደ፡ እ ሞትኖ” ያጊደ ዛሬዳ።

6 ፕሰጸሰ የሩሳላሙን ሆሰፑን ዋይ ታሙ ጋላሳፕ አግሩን ኡቲደ፡ ቁሳርያ ቤዳ፤ ዎንትሳ ጋላሰ ፕርድያሳን ኡቲደ፡ ጳውሎሳ አሀና ማላ አዛዜዳ።

7 እ ጋኬዳ ዎደ፡ የሩሳላሙፕ ዬዳ አይሁዳቱ እ ማታን ዩይ አድ ኤቂደ፡ ባረንቶ ሻትማናው ዳንዳየተና ዳሮ ዳጾ ሞቱዋ እ ቦላ ዎሌድኖ።

8 ጳውሎሰ ሞተቲደ፡ “ታን አይሁዳቱዋ ህግያካ ገሻ ጎልያካ ርመ ካትያ ቁሳራካ እይነ ናቃቢይከ” ያጊደ።

9 ፕሰጸሰ አይሁዳቱዋ ናሽቻናው ኮዪደ ጳውሎሳ፡ “ፑደ የሩሳላሙ ከሳደ፡ ሀ የወዋባ ያን ታ ሰንላን ከሽታናው ኮያይ?” ያጊደ ኦቹዳ።

10 ሸን ጳውሎሰ፡ “ታን አሸታናው በሰያ ቁሳራ ፕርዳ ጎላን ኤቃድ። ኔንካ ሎይሳ ኤርያዎዳን፡ ታን አይሁዳቱዋ እይነ ናቃቢይከ።

11 ሰዎ ታን ናቁዳዋ ዎይ ሀይቃናው በሰያዋ ኦሌዳዋ ግድ፡ ሀይቁዋፕ አታና ጊከ፤ ሸን ኡንቱንቱ ታና ሞትያ ሞቱ ሙላ ግዴዳዋፕ ህን ባጋን፡ ኡን ታና ኡንቱንቶ አሊደ እማናው ዳንዳየ፤ ቁሳራ ታባ ፕርድ ጋደ ኦቻይ” ያጊደ።

12 ሃዋፕ ጉይያን፡ ፕሰጸሰ ባረናና ዘረትያዎንቱና ዘረት ሰሚደ እ፡ “ኔን ቁሳራ ታባ ፕርድ ጋደ ኦቻዳ፤ ቁሳራኮ ባናሳ” ያጊደ ዛሬዳ።

ፕሰጸሰ ጳውሎሳባ አግሪጳና ማቀቲዳ

13 አማራዳ ጋላሳፕ ጉይያን፡ ካትያ አግሪጳይነ ባርኒቀ ፕሰጸሳ ሳርታናው ቁሳርያ ቤድኖ።

14 ያን ኡንቱንቱ ጮራ ጋላሳ ኡት ደአሸን፡ ፕሰጸሰ ካትያው ጳውሎሳባ ሀዋዳን ያጊደ ኤዴዳ፤ “ሀዋን ፍልክሰ ቃቺደ ባሽ ቤዳ እት ብታኒ ደኤ።

15 ታን የሩሳላሙን ደአሸን፡ ቁሳቱዋ ካፓቱን አይሁዳ ጭማቱ እ ቦላ ፕርዳና ማላ፡ ታና ዎሲደ፡ አባ ታው ኤዴድኖ።

16 ታን፡ ሞተቲዳ ኡራይ ባረና ሞትያዎንቱና እትፕ ኤቀናንነ ባረና ሞቲዳ የዎ ዘሩዋ አሙናን፡ ኦና ግደፕነ አሊደ እምያዎ ርመ አሳው ዎጋ ግድና፡ ያጋደ ኡንቱንቶ ዘራድ።

17 “ሃዋ ድራው፡ ኡንቱንቱ ሀዋን ሸቁዳ ዎደ፡ ታን ጋምኤናን ዎንትሳ ጋላሰ፡ ፕርዳ ጎላ ገላደ ጳውሎሳ አሀና ማላ አዛዜዳ።

18 አ ሞትያዎንቱ ኤቂደ፡ ኢታባን አ ሞተናን አግከኖ ጋደ ታን ቆፔዳዎዳን፡ እይነ አ ሞትቦይክኖ።

19 ሸን ኡንቱንቱ ባረንቱ እማኔዳባንቱባነ ጳውሎሰ፡ ‘ፓጻ ደኤ’ ግያ ሀይቁዳ እት የሱሳ ፕተትያ ብታንያባ አናና ፓሎሙቲድኖ።

20 ታን ሀ የወዋ ዎታደ ብዳ ደማንታንቶ፡ ቆፋ ቃቹናን ደአደ፡ ጳውሎሰ የሩሳላሙ ቢደ፡ ሀ የወዋ ያን ከሽታናው ኮይንቶን ጋደ እ ኦቻድ፤

21 ሸን ጳውሎሰ ባረ የወዋ አወግሰጸሰ ቁሳረ አግያ ኦይሳና ጋካናው ናገታታዳን ኦቻና፡ ታን አ ቁሳራኮ የዳና ጋካናው፡ እ ቃሽታና ማላ አዛዜዳ። ያጊደ።

22 ሃዋፕ ጉየ አግሪጳይ ፕሰጸሳ፡ “ታን ታ ሁጸወካ ቃይ ሄ ብታኒ ግያዋ ሰሳና ኮያይ” ያጊደ።

ፕሰጸሰ እ፡ “ኔን ዎንት እ ግያዋ ሰሳናሳ” ያጊደ።

23 ዎንትሳ ጋላሰ፡ አግሪጳይነ ባርኒቀ ዳሮ ቦንቹዋን ኦላ ካፓቱዋናን ካታማን ደአያ ዎልቃማ አሳና ዬደ፡ ፕርዳ ጎላ ገሌድኖ፤ ፕሰጸሰ ጳውሎሳ አሀና ማላ አዛዜና አሃድኖ።

24 ፕሰጸሰ ሀዋዳን ያጊደ፤ “ካትያ አግሪጳ፡ ሀዋን ኮናና ደአያ አሳ ኡባው፡ አይሁዳ አሳይ ኡባይ የሩሳላሙንካ ሀዋንካ ዋሲደ፡ ኦላ ሀዋፕ ሰንላው ፓጻ ደአናው በሰና’ ያጊደ፡ ታና ዎሲዳ ብታንያ ሀዋ በኢታ።

25 ሸን እ እይነ ሀይቃናው በሰያዋ ኦሌዳዋ ታን ደማቦይከ፤ እ ባረ ሁጸው፡ ኦላወግሰጸሰ ቁሳራ ታባ ፕርድ ያጋደ ኦቻድ” ጌዳ ድራው፡ ቁሳራኮ አ የዳናው ታን ቆፓድ።

26 ታን እ አባ ታ ጎዳ አወግሰጸሰ ቁሳራው ጸፋናው ቱሙ የወ ታው እይነ ባዋ፤ ሃዋ ድራው፡ እ ሎይሳ ኦሽቶዋፕ ጉይያን፡ ታን ጸፍያባ ደማና ማላ፡ ህንተንቱ ሰንላ፡ ካትያ አግሪጳ፡ ኡባ ነ ሰንላ እ አሃድ።

27 አያው ጎፕ፡ ቃሽቲዳ ኡራ ኪትያ ዎደ፡ እ አያው ሞቲደንቶ፡ ኤርሰናን ጮኤ ግ ባሽያዎ ታው ኤያተሳ ማላቱ” ያጊደ።

## 26

ጳውሎሰ አግሪጳ ሰንላን ሃሳዬዳ ሃሳያ

1 አግሪጳይ ጳውሎሳ፡ “ኔን ነባ ሃሳያናው ዳንዳያ” ያጊደ። ሄ ዎደ ጳውሎሰ ባረ ኩሽያ ሞጪደ ሀዋዳን ያግ ዛሬዳ።

2-3 “ካትያ አግሪጳ፡ አይሁዳቱዋ ዎጋነ ፓሎማ ኡባ ኔን ሎይሳደ ኤርያ ድራው፡ ታና አይሁዳቱ ሞትያ የወዋ ኡባ ሀቼ ታን ነ ሰንላን ዛርያዎ ታ ካጫይ ዳርሰ ሎኦ ያጋደ ቆፓይ፤ ሃዋ ድራው፡ ኔን ታ ሃሳያ ሳለተናን ሰሳና ማላ፡ ኔና ዎሳይ።

4 “ታን ናአተላፕ ደማደ ታ አሳ ግድንነ የሩሳላሙን ደኤዳ ታ ደኤዋ አይሁዳ ኡባቱ ካሰፕ ደሚደ ኤሪኖ።

5 ታን ኮይርፕ ደማደ፡ ኑ አማኑዋ ህግያ ኡፕነ ሞንሲደ ናግያ ፓርሳዋቱዋ ባጋ ፓርሳዌ ግዳደ ደአያዋ፡ ኡንቱንቱ ማርካታናው ኮየፕ ኤሪኖ።

6 ታን ሀአካ ጸሳይ ኑ አዎቶ እማና ጌዳዋ ናሽቻን ናግያ ድራው፡ ፕርደታናው ሀዋን ኤቃይ።

7 ቃይ ታማነ ላኤ ኑ አዎቱዋ ዛራቱ ጸሳው ቃማነ ጋሳሰ ኡባደ ሞንሰ ጎይኒደ፡ ጸሳይ

እማና ጌዳዋ አካናወ ናሽቻን ናጊና፤ ካትያ አግሪጶ፤ አይሁዳቱ ታና ሞትያዌ ታን ሄዋ ናሽቻን ናግያ ድራግ።

8 አይሁዳቶ፤ ጸሳይ ሀይቄዳዋንታ ደንሰያዋ አያወ አማንክቱ?

9 “ታን ታ ሁጸወካ ናዝሬትያ የሱሳ ኤቀታናወ በሴ ጋይ ካሰ ቆጋድ።

10 ታን የሩሳሳመን ኦሎዳዊ ሀዋ፤ ቄሳቱዋ ካጋቱዋ ማታ አካደ፤ ጸሳ አሳቱዋ ጮራቱዋ ቃሽሳድ፤ ኢንቱንታ ዎድያ ዎደካ ኢንቱንቱ ሀይቄያዋ ደሳድ።

11 አይሁዳ ዎሳ ጎላ ኡባን ዳር ዎደ ኢንቱንታ ሙራድ፤ ባረንቱ አማኑዋ ኢንቱንቱ አጋና ማላ ጎደታድ፤ ታን ዎጋይ ባይናዋ ኢንቱንቱ ሀንቀታደ፤ ሀራይ አቶ፤ ሀራ ጋድያ ካታማ ጋካናወካ ኢንቱንታ መቶላይ።

ጳውሎስ ባረ ሁጸወ ክርሰቶሳ ዎት አማኔደንቶ ኦዳዳ

(9:1-19፤ 22:6-16)

12 “ታን ሀ የዋ ቄሳቱዋ ካጋቱዋ ማታ ካዘዙዋ እካደ ዳማሰቆ ባድ።

13 ካተወ፤ ታን ሴታ ጋላሰ ኦግያን ደእሸን፤ አዋ ፖኤዋ ሎይሳ አድያ ፖኤ ታናን ታናና ቤዳዋንታ ዩይ አዲድ፤ ሳሉዋ ፖኤሸን በእድ።

14 ኦን ኡባይ ሳኦን ኩንዴዳ ዎደ፤ አብራይስጢ ቃላን፤ ሳኦላ፤ ሳኦላ፤ ታና አያወ የደሳን መቶላይ? ኔን ታና እጹሳን ኔና ቆሃሳ? ያገደ ታወ ኦድሸን ሰሳድ።

15 “ጎይታደ፤ ታን ጎዳወ፤ ኔን ኦን? ያጋድ። “ጎይታደ፤ ታን ኔን የደሳን መቶላይ የሱሳ።

16 ሸን ደንዳ ኤቃ፤ አያወ ጎጥ፤ ሀቼ ኔን ታና ቤኤዳዋን ታን ኔና ሰንሳጥ በሳናዋ ሀራንቶ ማርካታና ማላ፤ ታወ ኦሎዳዋ ኡዳደ ኔና ሱንሳናወ ነወ ቆንጫድ።

17-18 ኢንቱንቱ ታና አማንና፤ ኢንቱንቱ ናጋራይ አቶ ጌተታናዳን፤ ጸሳይ ዶራደ አሳ ግደን ኢንቱንቱ ባረንቱ ደኢያሳ ደማናዳን፤ ቃይ ቋማጥ ፖኤዋ ሰማናዳን፤ ጸላህያ ጎዳተላጥካ ጸሳኮ ሰማናዳን፤ ኢንቱንቱ አይፍያ ኔን ደያና ማላ፤ እሰራኤልያ አሳጥን ታን ኔና ኢንቱንቱኮ ከትያ አይሁዳ ግደናዋንቱ ኔና አሻና ያጌዳ።

19 “ካትያ አግሪጶ፤ ሄዋ ድራወ፤ ታወ ሳሉዋ ለቲዳ ሳጸወ ታን አዘዘታናዋ እጸበይከ።

20 ሸን ታን ካሰታደ፤ ዳማሰቆን የሩሳሳመን ሄዋጥ ጉይያን፤ ይሁዳ ጋድያ ኡባን ደእያዋንቱስን አይሁዳ ግደናዋንቶ ባረንቱ ናጋራጥ ሰማና ማላ፤ ቃይ ናጋራጥ ሰማናወ በሰያዋ ኦሎድ፤ ጸሳኮ ሰማና ማላ ቃላ ኦዳድ።

21 ሄዋ ድራወ፤ አይሁዳቱ ታና ጌሻ ጎልያን ኦይቄደ ዎጳናወ ኮዬድኖ።

22-23 ሄዋ ድራወ፤ ታን ጸሳ ማዳዋ አካደ፤ ዳርነ ጉላወ ሀቼ ጋካናወካ ኤቃይ ማርካታይ፤ ናባቱን ሙሴ፤ ክርሰቶስ መቶናወ በሴ፤ ቃይ ሀይቄዋጥ ኮይሮ ደንዳደ፤ አይሁዳቶን

አይሁዳ ግደናዋንቶ አቶተሳ ፖኤዋ ኦዳናወ በሴ፤ ጌዳዋዳን፤ ታንካ ኢንቱንቱ ሃሳዬዳዋጥ ሀራ እትባከ ሃሳዬዳባይ ባዋ” ያጌዳ።

24 ጳውሎስ ባረንቱባ ሀዋዳን ያጌደ ዛርሸን፤ ጥሰጸሰ ኮሻ ቆቁ ኦሎድ እ ሃሳያ ቋግናወ፤ “ጳውሎሳ፤ ኔን ጎያ፤ ኔን ዳሪ ታማራዳዊ ኔና ጎሻና ሀኔ” ያጌዳ።

25 ሸን ጳውሎስ ሀዋዳን ያጌዳ፤ “ባንቼቲዳ ጥሰጸሳ፤ ታን ቱማተላን ሎኦ የወዋነ ዎዛና ቆፋ ሃሳይያዋጥ እትን ጎይከ።

26 ታን ካትያ አግሪጶወ ሀ የወዋ ቆንጫያን ኦድያዋ እ ኤራ፤ አያወ ጎጥ፤ ሀ የወ ጌማን ኦሰትቤና ድራወ፤ ሀዋጥ አቱነ አጥ ጌመናዋ ታን ጌሻደ ኤራይ።

27 “ካትያ አግሪጶ፤ ኔን ናባቱ ጌዳዋ አማናይ? ኔን ኢንቱንቱ ጌዳዋ አማንያዋ ታን ኤራይ።” ያጌዳ።

28 ካትያ አግሪጶይ ጳውሎሳ፤ “ሀእ ሀ ቃንላ ዎዳትንካ ታና አማንሳናወ ኮያይ?” ያጌዳ።

29 ሄዋጥ ጉየ ጳውሎስ፤ “ዳር ዎደ ግድና፤ ጉላ ዎደ ግድና፤ ነ ጸላላ ግዳካ፤ ሸን ሀቼ ታን ኦድያዋ ሰሰያ ኡባይ ቃይ ታዋዳን ቃሸቶጥና አትን፤ ታ ማላ ግዳናዳን ጸሳ ዎሳይ” ያጌዳ።

30 ሄዋጥ ጉይያን ካቱ፤ ዎድያ ጥሰጸሳ፤ ባርነቀቱ፤ ኢንቱንቱና ደእያ ኡባይ ደንድ።

31 እት ባጋ ሰሚደ፤ እቱ እቱዋና፤ “ሀ ብታኒ ሀይቄሳይ አቶ ሸን፤ ቃሹዋሰካ በሰያባ ኦሎቤና” ያግ ሃሳዬድኖ።

32 አግሪጶይ ጥሰጸሳ፤ “ሀ ብታኒ፤ ‘ቁሳሪ ታባ ጥርዶ’ ግቤነንቶ፤ ብለታናወ ዳንዳዬ ሸን” ያጌዳ።

# 27

ጳውሎስ ሮመ ቤዳ

1 ኦን ማርካብያን ጸልያ ባናወ ቆጥ ኡቲዳ ዎደ፤ ጳውሎስን ሀራ አማራዳ ቃሸቲዳ አሳቱዋ አወግሰጸሳ ዎታዳራቱዋ ግያዋንቱጥ እት ዩልዮሳ ግያ ጴታቱዋ ካፖ ኦሎድ አማድኖ።

2 ኢሰያ ጋጸን ደእያ ጋዳቱዋ ብያ አድራሞጽዮና ማርካብያን ገሊደ ቤዳ፤ ማቅደንያ አሳ ግድያ ተሰሎንቀ አርሰጽሮኮሰ ኑናና ደኤ።

3 ዎንትሳ ጋላሰ ኦን ሲደና ጋክሸን፤ ዩልዮሰ ጳውሎሳወ ዳሮጥ እ፤ “ነ ዳባቱ ኔና ኮሸያባ ማዳና ማላ፤ ኔን ኢንቱንቱኮ ባናወ ዳንዳያ” ያጌዳ።

4 ሄዋጥ ደንዳደ፤ ሰንሳና ኑ ቦላ ጫርክያ ድራወ፤ ቆጸሮሳ ሃላን ደደቲዳ ሳኦን ጫርከና ባጋ ቤዳ።

5 ክልቂያ ማታን፤ ጽንፍልያ ማታን ደእያ አባ ጥጊደ፤ ልቅያን ደእያ ሙራ ጋኬድ።

6 ሄዋን ጴታቱዋ ካፑ ጸልያ ብያ እስክንድርያ ማርካብያ ደሚደ፤ አን ኑና ገልሴዳ።

7 ኦን ጮራ ዎድያ ሎዳን ቢደ፤ ዳር መቱዋን ቀንደሳ ካታማ ጋኬደ፤ ሄዋና ባናወ

ኑና ጫርኩ ድግና ሳልሞናና አዲድ፤ ሃላን ደድቲዳ ቃርጺሳን ጫርኩዋጥ ተኤቲደ ቤድ።

8 ቃይካ ዳሮ መቱዋን ጋጽ ጋጽና አዲድ፤ ላሲያ ካታማ ማታን ደእያ አባ ደናን ማርካቢ ዋፍ ጊደ ሸሞጥያ ሳ ጌተትያሳ ዬድ።

9 ኑን ሄዋን ጮራ ዋድያ ጋምኤዳፍጥ ጉይያን፤ ጸማይ ብለት ድጌዳ ድራሬ፤ ማርካብያን ብያዌካ ሀርግሽን ጳውሎስ ኡንቲንታ ዘሪድ።

10 “አሳወ፡ ኑ ቡሳን ዋልቃማ ቦሻይነ ዳሮ ባሻይ ደአናዌ ታወ ቤቴ፤ ባሻይ ይያዌ ጫና ቦላነ ማርካብያ ቦላ ጸላላን ግድና፤ ኑ ሸሞጥዋ ቦላካ ያናዋ” ያጌድ።

11 ሸን ጴታቱዋ ካፍ ጳውሎስ ጌዳፍጥ አሊድ፤ ማርካብያን ደእያዋንታ አዛዘያዌነ ማርካብያ ጎዳይ ግያዋ አማኔ።

12 ሄ አባ ማታ ካታማይ ባልጉዋ ሻጫናዉ ኡንቲንታ ሚከና ካታማ፤ ሄዋ ድራሬ፤ ጮራ አሳቱ ባረንቶ ዳንዳየቶ፤ ፕንቅ ግያ ካታማ ጋዚድ፤ ባልጉዋ ያን ሻጫና ማላ፤ ያጥ ደንዳናዉ ዘረቲድና፤ ፕንቅን ደእያ ማርካቢ ሸሞጥያ ሚኮ ሳአይ ደየቲዳዌ፤ አዋይ ወልደሳጥነ ኡሸቻ ባጋጥ ግዲዋን፤ ቃይ ወልደሳጥነ ሀድርሳጥ ግዲዋና።

አባ ቦላን ጎቱ ደንዳዳ

13 አዋይ ከሲያሳ ጴልያ ዋይ ኡሸቻ ዲገሃ ባጋ ጫርኩ ሎዳን ጫርኩዳ ዋይ፤ ባረንቱ ቆፕዳዋዳን ሀይዳዋ ኡንቲንታ ማላትና ደንዳድና፤ ማርካቢ ቤና ማላ ኑይቁያ ብራታ ፑይ ዳፊድ፤ ቃርጺሳ ማታቲድ፤ ላንቁያና አዲድና።

14 ሸን ደሪ ጋምኤናን፤ “አወራቁስ” \* ግያ ዳሮ ዋልቃማ ጎቱ ሃላ ግድን ደእያ ሳአጥ ዲገ ኡንቲንቱ ቦላ ደንዳዳ።

15 ሄ ጎቱ ማርካብያ ደቺደ እ□ናን ድግና፤ ባናወ ኑወ ዳንዳየተናን አጼዳ ድራሬ፤ ማርካብያ እ አፍያሳ አጌደ ቤድ።

16 ኑን ቁዳ ግያ ሃላን ደደቲዳ ጫርኩዋጥ ጌሜዳ ሳና አድያ ዋይ፤ ዳርሲ መቶቲደ ማርካብያ ዋንግርያን ናግ አሻናዉ ዳንዳዬድ።

17 ኡንቲንቱ ዋንግርያ ፑይ ከሲዳዋጥ ጉይያን፤ ጋድያን ማርካብያ ጸጸደ፤ ምንሰ ቃቺድና፤ ስርጽሳ ግያ ሻፊ ኩሜዳ ሳን ባረንታ ኩንድሳነንቶን ጊደ ሀርጊድ፤ ማርካብያ አፍያ ሻራ ዋሊድ፤ ጫርኩዋን ማርካብያ ጮ የድ አጌድና።

18 ጎቱ ዋልቃሚደ ኑ ቦላን ዋልቃሚዳ ድራሬ፤ ዋንትሳ ጋላስ ጫናጥ አባን ኡሉዋ ደሚድና።

19 ሄዘገላያ ጋላሰካ ማርካብያን ደእያ ሚሻ ኡንቲንቱ ባረንቱ ኩሸያን ኦሌድና።

20 ኑን ዳሮ ዋድያ አዋን ጸልንትያ በኤናን፤ ዋልቃማ ኡሹ ኑ ቦላ ቡክሸን፤ ሰንሳጥ ቆየናን አቶኮ ጊደ ቆፕድ።

21 ኡንቲንቱ ዳሮ ዋድያ ቁማ ሚናን ጋምኤዳፍጥ ጉይያን፤ ጳውሎስ ሄ ዋደ ኡንቲንቱ ግድን ደንድ ኡቁድ፤ ሀዋዳን ያጌዳ፤

“አሳወ፡ ሀንተንቱ ታ ዘርያ እኪደንቶን ቃርጺሳጥ ደንደናን አቴደንቶ፤ ሀዋ ማላ ባየላይነ ቆሁ ኑና ጋከና።

22 ሸን ሀእካ ታን ሀንተንታ ያዮፕተ ጋደ ዘራይ፤ እያወ ጎጥ፤ ሀ ማርካቢ ባያናጥ አትን፤ ሀንተንቱጥ አት ኡራ ሸሞጥካ ባየና።

23 እያወ ጎጥ፤ ጸሳ ኪታንቻይ፤ ታና ሞዴዳ ታን ጎይንያ ጸሳዌ፤ ዝና ቃማ ታ ማታን ኡቁድ፤

24 “ጳውሎሳ፡ ያዮፓ፤ ኔን ሮመ ጋድያ ካትያ ቁሳራ ሰንሳን ኤቃናዉ በሴ፤ በእ፤ ጸሳይ ባረ ኪካተላን ኔናና ብያ አሳ ኡባ ሸሞጥዋ አሻና” ያጌድ።

25 ሄዋ ድራሬ አሳወ፤ ያዮፕተ። እያወ ጎጥ፤ ሄ ኪታንቻይ ታወ ኡዴዳዋዳን ሀናናዋ ታን ጸሳ አማናይ፤

26 ሸን ጫርኩ ኑና አት ሃላን ደደቲዳ ሳአን አባ ደናን ደሞአሳና” ያጌድ።

27 ታማነ ኑይደንሎ ጋላሰ ሚድትራንያ አባን ኑና ጫርኩ ያነ ሃነ ሱግሸን፤ ማርካብያን አልያዋንቶ ቃማ ብላሂ ቢታኮ ማቴዳዋ ማላቲዳ።

28 ኡንቲንቱ ልክያ ጋድያ ጴራን ዴጽያባ ቃቺድ፤ ሃላን የግና፤ ሃላይ ኑይታሙ ሞትርያ ጨማቴዳዋ ኤሬድና። ጉላ ጋምኤድ፤ ላኤንሉዋ የጊድ፤ ሀታሙ ሞትርያ ጨማቴዳዋ ኤሬድና።

29 ኡንቲንቱ ሹቻትያሳን ኩንደና ማላ ያዬድ፤ ማርካቢ ቤና ማላ ኑይቁያ ኑይዱ ብራታ ማርካብያጥ ጉየና አባን የጊድ፤ ሳአይ ዋንታና ማላ፤ ባረንቱ ጸሳቱዋ ዋሲና።

30 ማርካብያን አልያዋንቱ ማርካብያጥ ክቻናዉ ኩዬድ፤ ማርካቢ ቤና ማላ ኑይቁያ አማራዳ ብራታቱዋ ማርካብያጥ ሰንሳ ባጋና አባን የግያዋ ማላቲድ፤ ዋንግርያ አባን ዋሌዳ ዋይ፤

31 ጳውሎስ ጴታቱዋ ካፍዋን ዋታዳራቱዋ፤ “ሀዋንቱ ማርካብያ ግደን ደእና ቆየጥ፤ ሀንተንቱ አታናዉ ዳንዳይክታ” ያጌድ።

32 ሄዋጥ ጉይያን፤ ዋታዳራቱ ዋንግሪ ቃሸቲዳ ጋድያ ቃንጸደ፤ የድ አጌድና።

33 ሳአይ ዋንታና ሀንሸን፤ ጳውሎስ ኡባይ ቁማ ማና ማላ፤ ሀዋዳን ያጊደ ዋሴዳ፤ “ሀንተንቱ ሀቺና ታማነ ኑይዱ ጋላሳ ናጌድታ፤ ቃይ ሄ ኡባንካ ቁማ ሞበይክታ።

34 ሄዋ ድራሬ፤ ጉላ ቁማ ሀንተንቱ ማና ማላ፤ ታን ሀንተንታ ዋሳይ፤ እያወ ጎጥ፤ ሀንተንቱ ፓጸ ደአናዉ ጉላ ቁማ ማና ኮሼ፤ ሀራይ አቶ ሀንተንቱ ሁጺያ ብናናጥ አቲካ ባየና” ያጌድ።

35 ጳውሎስ ሀዋ ጊድ፤ ኡክሳ እኪድ፤ ኡባ ሰንሳን ጸሳ ጋላቲዳ፤ መንሐ ሙሳ ደሚዳ።

36 ሄዋጥ ጉይያን ኡባይ ሎይሐ፤ ባረንቶ ቃይ ቁማ ሚድና።

37 ኑን ማርካብያን ደእያዋንቱ ላኡ ጴታነ ላፑን ታማነ ኡሱዳና።

38 ኡንቲንቱ ሚደ ካሌዳ ዋይ፤ ጫና ዛርጋ አባን ኡሊደ ማርካብያ ዴጸዋ ካወሸሴድና።

\* 27:14 “አወራቁስ” ጌተትያ ዋልቃማ ጎቱ ክል ዩይሃጥ ወላሃ ባጋ ጫርኩያዋ ግድያዋ በሴ።

ማርካብያ መኡሳ

39 ሳኦይ ዋንቴዳ ዋይ፣ ማርካብያን ኦልያዋንቱ ጋድያ ኤርበይክኖ፤ ሽን ሃላይ ጎሊደ ኦባን ገሌዳሳ ሞይያን ደእያ ሻፍያ ኦኪካን ጸሌድኖ። ባረንቶ ዳንዳየትንቶ፣ ማርካብያ ሄ ሻፍያኮ ላጋናው ባረንቱ ቆፋ ቃቺድኖ።

40 ያተደ ማርካብ ቤና ማላ ኦይቂያ ብራታቱዋ ብሊደ፣ ኦባ ግደ የጌድኖ፤ ሄ ዋይ፣ ማርካብያ ኮይዳሳ ዛሬደ ላግያ ምላ ቃቺዳ ጋድያ ብሊድኖ፤ ሄዋጥ ጉይያን፣ ጫርኩ ማርካብያ ሰንላው ሱጋና ማላ፣ ማርካብያ ኦፍያ ሻራ ሰንላ ባጋና ቆቆ ኦሊደ፣ ቡሳ ደሜድኖ።

41 ሽን ማርካብ ጨሙ ደእያሳጥ ኦኢደ ሃላን ደደቴዳ ሳኦ ማታን ደእያ ደላሳን ደምኤት ኤቁዳ፤ ማርካብያው ጉየ ባጋይ ቤታ ሱገላን መኤረትሽን፣ ሰንላ ባጋይ ዱገ ድሽቲደ፣ ቃጸናን ኦጽ ኦኤዳ።

42 ዋታዳራቱ ቃሸቲዳ ኦሳጥ ኦቲን ሃላ ዋኢደ ከሰ ኦክቤና ማላ፣ ኦንቱንታ ዋኢናው ዘረቲድኖ።

43 ሽን ጸታቱዋ ካቼ ጳውሎሳ ኦሻናው ኮይደ፣ ዋታዳራቱዋ ማቁዋ ኦጸዳ፤ ሃላ ዋቆ ኤርያ ኡባይ ማርካብያጥ ሃላን ጉፕ ጉፒደ ካሰቲደ ጋጸ ከሳና ማላ ኦዛዜዳ።

44 ኦቴዎዋንቱጥ ኦማራዳዋንቱ ሳንቃን፣ ኦማራዳዋንቱ ቃይ ማርካብያ መኡዋን ከሳና ማላ ኦዛዜዳ፤ ሄዋዳን ኡባቲካ ጋጸ ሳርተላን ከሴድኖ።

28

ጳውሎስ ማልታ ግያ ሃላን ደደቴዳ ሳኦ ቤዳ

1 ኦን ጋጸ ሳርተላን ከሴዳ ዋይ፣ ሄ ሃላን ደደቴዳ ሳኦይ ማልታ ጌተትያዋ ኤሬድ።

2 ሃላን ደደቴዳ ሳኦን ደእያ ኦሳቱ ኡው ዳር ከካተላ ከኤድኖ፤ ኦራይ ቡካናው ደሜዳ ድራውን ማጉዋ ድራው፣ ታማ ኤሊደ፣ ኦና ኡባ ሞኪድኖ።

3 ጳውሎስ ዳር ቃይጸርያ ምላ ምጺደ ታማን የግሸን፣ ማርዛማ ሸሻይ ሲላ ድራው ከሲደ፣ ኦ ኩሽያን ጸጸቲደ፣ ኦ ዱኤዳ።

4 ሃላን ደደቴዳ ሳኦን ደእያ ኦሳቱ ቅርጫንትያ ሸሻይ ጳውሎሳ ኩሽያን ጸጸቲዳዋ በኤዳ ዋይ ኦቲ ኦቶ፣ “ቴሙ፣ ሀ ብታኒ ሸምቸዋ ዋድያ ኦሳ፤ ሀራይ ኦቶ ኦባጥ ኦ ኦትናካ ኦ ጸሳ ፕርዳይ ኦ ጋጸ ደኦ ግቤና” ያጌድኖ።

5 ሽን ጳውሎስ ባረ ኩሽያጥ ቅርጫንትያ ሸሻ ወጸኪደ፣ ታማን ኦሌዳ፤ ኦ ኦይን ኦላቤና።

6 ኦንቱንቱ፣ “ኦ ቦላይካ ጋሬ፤ ዋይ ኦኪካናን ኩንዲደ ሀይ” ያጌደ ኦ ናገሮ፤ ሽን ጮራ ዋድያ ናጌደ፣ ኦ ቦላን ኦይን

ዲማቲዳባይ ጳይና፣ “ሀዌ ጸሳ” ያጌደ ባረንቱ ቆፋ ባሽ ኦኤድኖ።

7 ሄዋ ሄራን ሃላን ደደት ኡቴዳ ሳኦ ካቸዋ ፑፕልዮሳ ግያዋ ጋዲ ደኤ፤ ኦ ኦና ኦማሳተላ፣ ሄዙ ጋላሳ ሲቁዋን ሞክ ሞይዜዳ።

8 ፑፕልዮሳ ኦኩ ቆጶዋ፣ ሲላን ኡሉዋ ካቆ ሳከት ግሲደ ደኤ፤ ጳውሎስ ኦ ሶይ ገሊደ፣ ኦው ጸሳ ዋሴዳ፤ ባረ ኩሽያ ኦ ቦላ ዋሊደ፣ ኦ ፓሌዳ።

9 ሄዋጥ ጉይያን፣ ሄ ሃላን ደደቴዳ ሳኦን ሀርግያ ሀራ ኡባ ኦሳይካ ቃይ ዪደ ጋጶዳ።

10 ሄዋጥ ሰምና ኦና ዳር ቦንቸዋ ቦንቸድኖ፤ ኦን ማርካብያን ባናው ደንዴዳ ዋይ፣ ኦገው ኦና ኩሽያባ ኡው ኦሜድኖ።

ጳውሎስ ማልታጥ ሮመ ቤዳ  
11 ሄዙ ኦገናጥ ጉይያን፣ ሃላን ደደቴዳ ሳኦን ባልጉዋ ኦሊደ፣ “ማንተ ጸሳ” \* ግያ ኦስክንጉርያ ማርካብያን ባናው ደንዴዳ።

12 ኦን ሰራኩስ ግያ ካታማ ገሊደ፣ ያን ሄዙ ጋላሳ ኡቴዳ።

13 ሄዋጥ ዪደደ፣ ረገዩመ ግያ ካታማ ጋኬደ። ኦት ጋላሳጥ ጉይያን፣ ኦዋይ ከሰያሳ ጸልያ ዋይ ኡሽቻ ዳገሃ ባጋ ጫርኩ ጫርክና፣ ዋንትሳ ጋላስ ፑትያሉሳ ግያ ካታማ ዪደ።

14 ሄዋን ኦን ኦት ኦት ኦማንያዋንታ ደምና፣ ባረንቱና ላቸ ጋላሳ ኡታና ማላ፣ ኦና ዋሴድኖ፤ ሄዋጥ ቃይ ሮመ ዪደ።

15 ሮመን ደእያ ኦማንያዋንቱ ኡባ ሰሲደ፣ ኦፍያሳ ገያን “ሄዙ ኦቆያሳ ጌተትያሳ” ጋካናው ኦና ሞካናው ዪድኖ፤ ጳውሎስ ኦንቱንታ በኤዳ ዋይ ጸሳ ጋላቲደ፣ ዋካናን ሞንሴዳ።

ጳውሎስ ሮመን ታማርሴዳ

16 ኦን ሮመ ገሌዳ ዋይ፣ ጳውሎስ ባረና ናግያ ዋታዳራና ባረካ ደኦናዳን ኦሰቲዳ።

17 ሄዙ ጋላሳጥ ጉይያን፣ ጳውሎስ ኦይሁዳቱዋ ካፓቱዋ ባረኩ ጸሴዳ፤ ኦንቱንቱ ሸቄዳ ዋይ፣ ኦንቱንታ ሀዋዳን ያጌዳ፤ “ታናዳን ኦማንያዋንቶ፣ ታን ኦ ኦሳ ዋይ ኦ ኦዋቱዋ ዋጋ ኡታባ ኦይን ኦኩናን፣ ታና የሩሳላሙን ቃቺደ፣ ሮመ ኦሳው ኦሊደ ኦሜድኖ።

18 ኦንቱንቱ ታና ብይዳዋጥ ጉየ፣ ሀይቃናው በሰያባይ ጥ ቦላ ኦይን ባይና ድራው፣ ታና ብላናው ኮይድኖ።

19 ሽን ሄዋ ኦይሁዳቱ ኤፍ ጌናን ኦጶዳ ዋይ፣ ታባ ቄሳሪ ፕርዶ፣ ጋናዌ ታና ኩሼዳጥ ኦትን፣ ታን ታ ዛርያ ሞትያባይ ታው ደኦና ግድና።

20 ታን ሀንተንቱና ጋከታናውን ሃሳያናው ሀንተንታ ጸሴዳዌ ሄዋሳ፤ ኦያው ጎፕ፣ ኦሰራኤልያ ኦሳይ ናሽቻን ናግያዋ ድራው ታን ሀ ሳንላላታን ቃሸታድ” ያጌደ።

21 ኦይሁዳ ጭማቱ ጳውሎሳ፣ “ኦን ይሁዳጥ ነባው ዳብዳቤያ ኦክበይኩ። ኦ ኦሻቱዋጥካ ሀራይ ኦቶ፣ ኦቲካ ዪደ፣ ነባ

\* 28:11 ማንተ ጸሳ- ሀዋንቱ ላኡ ኡቴማ ናናቱ፣ ካሰቶርን ጋሉክሳ ጌተትያዋንቱ ዘወሰ ናናቱዋ ግዲደ፣ ማርካብያን ደእያ ኦሳቱዋ ናግያ ጸሳቱዋ ጌተቲደ ጸሰቲድ።

አድቤና፤ ዋይ ነ ሱንላ ባይዚደ፣ ኑዉ አድቤና።

22 ሸን ሄ አሳ ሱንላ ኡባ ሳን አሳይ ባይዚደ ሃሳይያዋ ኑን ኤርያ ድራዉ፣ ነ ቆፋ ሰሳናዉ ኮዬቶ” ያጌድኖ።

23 ኡንቱንቱ ባረንቱ ያና ጋላሳ ጳዉሎሳዉ ኬሪደ፣ ሄ ጋላሰ ጮሪደ እ ደኢያሳ ዬድኖ፤ እካ ኡንቱንቶ ጸሳ ካዉተላባ ማርካቲደ። ቃይ ኡንቱንቱ የሱሳባ አማናና ማላ፣ ሙሴ ህግያፕነ ናባቱ ጸፌዳዋፕ እኪደ ኡንቱንታ ታማርሲደ፣ ዋንታፕ አማርሰ ጋካናዉ ሎይሰ አዳዳ።

24 ባጋቱ ጳዉሎስ ጌዳዋ አማኔድኖ፤ ሸን ባጋቱ አማንበይክኖ።

25 ኡንቱንቱ ባረንቱ ግደን የዉዋ ኤኖ ጌናን እጹዳ ዋደ፣ ጳዉሎስ እትባ ጌዳዋፕ ጉይያን ቤድኖ፤ እ ሀዋዳን ያጌዳ፤ “ጌሻ አያናይ ኑ አዋቶ ናብያ አሰያሳ ማጸፋን፣

26 “ ሩኔን ሄ አሳኮ ባደ ሀዋዳን ጋ፤ “ህንተንቱ ሰሳ ሰሳና፣ ሸን ህንተንቶ ገለና፤ ህንተንቱ ጸላ ጸላና፣ ሸን በእክታ።

27 አያዉ ጎፕ፣ ሀ አሳ ዋዛናይ ጉዙሜዳ፤ ባረንቱ ሀይላ ቱልሴድኖ፤ ባረንቱ አይፍያካ ጨሎሜድኖ። ሄዌ ባዌንቶ፣ ባረንቱ አይፍያን በእና፤ ኡንቱንቱ ሀይላይካ ሰሳና፤ ኡንቱንቱ ዋዛናይካ እኬካና፤ ኡንቱንቱ ታኮ ጸሳኮ ሰማና። ቃይ ታንካ ኡንቱንታ ፓላና”

ያጋ’ ያጌዳ። 28 “ሰሞ ሀዌ ጸሳ አቶተላይ፣ አይሁዳ ግደናዋንቶ ከተቱዳዌ ህንተንቶ ኤረቶ። ቃይ ኡንቱንቱካ ሰሳና” ያጌዳ።

29 [ጳዉሎስ ሄዋ ጌዳዋፕ ጉይያን፣ አይሁዳቱ ባረንቱ ግደን ዳሮ ፓሎመቲደ ቤድኖ።]†

30 ጳዉሎስ ክራ ጎልያን ላኡ ላይላ ኩመንላ ደኢደ፣ ባረኮ ይያ ኡባ ሞኬ።

31 ባረና ኦንነ ድገናን ጸሳ ካዉተላባን ጎዳ የሱስ ክርሰቶሳባ አዲደ፣ ያየናን ዳሪ ቆንጭሲደ ታማርሲደ።

28:27 እሳ. 6:9-10 † 28:29 ዳማ ዳማ ማጸፋቱ ሀዋ ጉጅያዌ፣ ጳዉሎስ ሀዋ ጌዳዋፕ ጉይያን ግያዋና።

እስራኤልያ አሳው ደእያ ጸሳ ቆፋ 9:1—  
11:36  
ክርስትናው በሰያ ኦሱዋ 12:1—15:13  
ዉርሰላ ቆፋነ ሳሮታ 15:14—16:27

### ጳውሎስ ሮመ አሳው ጳፌዳ ኪታ ገሉዋ

የሱስ ኪቲዳ ጳውሎስ ሮመ አሳው ጳፌዳ ኪታይ፡ ጳውሎስ ሮመን ደእያ ዋሳ ጎልያ ጸሞሳናዉ ቆፔዳ ድራዉ፡ አ ባናዉ ኤንቲንቲ ገገይ ናጋናዳን አላናሳ፡፡ ጳውሎሳ ቆፋይ ሮመን ደእያ አማንያዋንቲና ጉላ ዋድያ ኦሌዳዋፕ ጉይያን፡ ኤንቲንቲ ማድና እስፔነ ባናሳ፡፡ ክርስትና አማኑዋባ ባረ ኤራዳዋን ሄዋ ቃይ አማንያ አሳይ ኦሱዋን ፔሻና ሆናታ ቆንጭሲደ ጳፌዳ፡፡ ጳውሎሳ ቆፋይ ኩመንላ ሆናታን ቤትያዌ ሆ ኪታና፡፡

ጳውሎስ ሮመን ደእያ አማንያዋንቲ ሳሮታ አሶዋፕነ ኤንቲንቲ ዋሳናዋካ ሆይታ አሞዋፕ ጉይያን፡ ኪታው ግደ ቆፋይ “ሞሽራቹዋ ቃላይ ጳሳይ አሳ ጽልሰያዌ፡ ኮይሩዋፕ ዉርሰላ ጋካናዉ አማኑዋና ግድያዋ ኦዳ” (1:17)

ሄዋፕ ጉይያን ጳውሎስ ሆ ቆፋ እሲደ ጳፌ፡ አይሁዳቲዋ ግድናካ አይሁዳ ግድና አሳ ግድናካ ኡባይ ናጋራዉ ሞደትያዋንታ ግድያ ድራዉ፡ ኤንቲንቲ ጳሳና ሰገታናዉ ኮሹ፡፡ አሳይ ጳሳና ሰገታናዉ ዳንዳይያዌ የሱስ ክርስቶሳን አማንያዋና፡፡ ጳሳና ሙድያ ኦራላ አትፕተላ አይፊ ኦራላ ደኡዋ ግድያዋ ጳውሎስ እሲደ ኦዳዳ፡፡ አማንያ አሳይ ጳሳና ሳሮ ደኡ፡፡ ቃይ ጳሳ አያና ባጋና ናጋራነ ሀይቁዋ ዋልቃፕ ብለቲ፡፡ ጳውሎስ ጳሳ ቆፋይነ አማንያ አሳ ደኡዋ ግድን ኦሳያ ጳሳ አያና ዋልቃ ቆፋይ እየንቲ ኦዳ (5-8)፡፡ ሄዋፕ ካሊደ ቃይ ጳውሎስ፡ “ጳሳይ አሳ ናናዉ ቆፔዳ ቆፋ ግድን አይሁዳቲነ አይሁዳ ግድና አሳቲ ዋኒደ እትፕ ዋጸታናዉ ዳንዳያናዋንቲሻ?” ያግያ እሻ ዛራናዉ ባጸቲደ ደኡ፡፡

ቃይካ ጳውሎስ፡ አይሁዳቲ የሱሳ እከናን አጌዳዌ ጳሳ ቆፋ ግድያዋ ኦዳ፡፡ አያዉ ሳፕ፡ ሆ ማላ ሆናታን አሳ ዘረሳይ ኡባይ ጳሳይ የሱሳ ባጋና ቆንጭሲዳ አዶ ኬካተላን አትፕተላ አላናሳ፡፡ ግድ ሸን፡ አይሁዳቲ የሱሳ አካናዉ ዋዴ ያናዋ ጳውሎስ አማኑ፡፡ ዉርሰላን ጳውሎስ ክርስትና ደኡዋ ዋኒደ ደአናዉ በሰንቶ ኦዳ፡፡ ጳሳዉ ኦላናሳ፡ አማንያ አሳቲ ባረንቲ ጋድያሰነ ባረንቲ ግድን እቲ እቶ ሰቁዋን ማታን አላናሳን ቆፋ ጋሱዋን ደንድያ ኦሻቲዋባ ቆንጭሲደ ኦዳ፡፡

#### ሸሞፓቲዋ ኡባቶ እመቴዳ ቃንሳ ቆፋቲዋ

ሮመ ኪታ ሁጳ ቆፋ ገሉዋ 1:1-17  
አቶተላይ አሳዉ ኮሽያዋ ግድያዋ 1:18—  
3:20  
ጳሳ አሹዋ ኦግያ 3:21—4:25  
የሱሳን ቤትያ ኦራላ ደኡዋ 5:1—8:39

1 ባረ ሞሽራቹዋ ቃላ ኦዳናዉ ጳሳይ ደራይ ጸሴዳ ክርስቶሳ የሱሳ ቆማይ፡ የሱስ ክርስቶስ ኪቲዳ ጳውሎስ፡ ታን ሆ ዳብዳቢያ ጳሳይ፡፡

2 ጳሳይ ዳሮ ዋደፕ ካስ ባረ ናባቲዋ ባጋና ሞሽራቹዋ ቃላ አማና ያጌዳዌ ጳሳ ጌሻ ማጸፋቲዋን ጳፊቲዳ፤

3 ሄ ሞሽራቹዋ ቃላይ አሳ ግዲደ ዳዋተ ዛርያፕ የለቲዳ ጳሳ ናኦ፡ ኦ ጎዳ የሱስ ክርስቶሳሳ፡፡

4 ቃይ አ ባረ ጌሻ አያናን \* ሀይቁዋፕ ደንዳዳዋን፡ ጳሳ ናኦ ግድያዋ ዋልቃዋ ሞልቃን በሴዳ፡፡

5 አይሁዳ ግድና አሳይ ኡባይ አማናናዳን አዛዘታናዳን፡ ኦን ኤንቲንታ ካለላና ማላ፡ ጳሳይ ክርስቶሳ ሱንላ ድራዉ፡ ክርስቶሳ ባጋና አዶ ኬካተላነ የሱስ ኪቲዳዋንታ ግድያ ማታ ኦዉ አማዳ፡፡

6 የሱስ ክርስቶሳዋ ግዳናዳን፡ ጳሳይ ጸሴዳ ህንተንቲካ ሄዋንቲ ግድን ደኡታ፡፡

7 ጳሳይ ሰቃያዋንቲን ጌሻባ አላናዉ ጸሴዳ ሮመ ጋድያን ደእያ ኡባቶ ጳሳ ኦ አዉዋፕነ ጎዳ የሱስ ክርስቶሳፕ አዶ ኬካተላይነ ሳሮተላይ ህንተንቲ ግድ፡፡

#### ጋላታ ዋሳ

8 ካስታደ ታን ህንተንቲ አማኑ ሳኦ ኡባይ ሰስቲዳ ድራዉ፡ የሱስ ክርስቶሳ ባጋና ህንተንቲ ታን ጳሳ ጋላታይ፡፡

9-10 አያዉ ሳፕ፡ ታን ኡባ ዋደ ታ ዋሳን ህንተንታ ሀሳይሰያዎ፡ ጳሳይ፡ ታን አ ናኦ ሞሽራቹዋ ቃላ ኦድያዋን ታ አያናን አዉ ኦሳያዌ ማርካ፡፡ ጳሳይ፡ ባረ ሸንያን፡ ታን ሀኦ ህንተንቲኮ ባናዉ ታ ኦግያ ሚኮያናዳን፡ ኡባ ዋደ ዋሳይ፡፡

11 አያዉ ሳፕ፡ ታን ህንተንታ ሞንሳናዉ፡ ህንተንቲና እትፕ አያና አሞታ ሻካና ማላ፡ ህንተንታ በአናዉ ላሞታይ፡፡

12 ታን ግያዌ፡ ህንተንቲካ ታካ እት ዋደ ሞንታና፡ ህንተንቲ ታ አማኑዋን፡ ቃይ ታንካ ህንተ አማኑዋን ሞንታና፡፡

13 ታናዳን አማንያዋንቲ፡ ታን ኡባ ዋደ ህንተንቲኮ ባናዉ ቆፓድ፡፡ ሸን ታና ድግያባይ ደእያዋ ህንተ ኤራናዉ በሴ፤ ታን ሀራይ እቶ አይሁዳ ግድና ሀራ አሳፕካ አይፍያ ደሚዳዋዳን፡ ህንተንቲካ አይፍያ ደማናዉ ኮያይ፡፡

14 ታን አሳ ኡባዉ፡ ግሪክ አሳዉን ታማርቤና አሳዉ ቃይ አዶ ኤራንቻቶነ ኤያቶ ቃንጸና አጩ ደኡ፡፡

15 ሄዋ ድራዉ፡ ታዉ ዳንዳየቲዳ ኬናን ሮመን ደእያ ህንተንቲካ ሞሽራቹዋ ቃላ ኦዳናዉ አሞታይ፡፡

\* 1:4 ባረ ጌሻ አያናን- ዋይ “አን ደእያ ጌሻ አያና”

ምሽራቸው ቃላይ ጸሳ ዋልቃ

16 ምሽራቸው ቃላይ ታና ዬላየና፤ እ አማንያ ኡባ፤ ካሰቲደ እይሁዳ አሳ ቃይ እይሁዳ ግደና አሳ አሻናወ ጸሳፕ ይያ ዋልቃ።

17 እያወ ጎፕ፣ ጸሳ ማጻፋይ፣ “ጽሎ ጸሳን አማነቲደ ደአና” ያግያዋዳን፣ ጸሳይ አሳ ኮይሮፕ ወርሰላ ጋካናወ፣ አማኑዋን ጽልሰያዋ ምሽራቸው ቃላይ ቆንጭሴ።

አሳ ኢታ ኦሱዋ

18 ቱማተላይ ኤሪታናዋ ባረንቱ ኢታ ሆኖታን ድግያ ናጋራ ኦሱዋ ኡባ ቦላንን አሳ ኢታ ኦሱዋ ኡባ ቦላን፣ ጸሳ ሀንቁ ሳሉዋፕ ዋጂደ ቆንጭሴ።

19 ኢንቱንቱ ጸሳባ ኤራና ዳንዳይያዋ ኢንቱንቱ ቆንጭሴ፤ እያወ ጎፕ፣ ጸሳይ ኢንቱንቱ ቆንጭሴደ።

20 ቤተና አ ሆኖታይ፣ ሄዌካ አ ሙድና ዋልቃይን አ ጸሳተላይ እትፕ ጸሳይ ሀ አላዋፕ ሙዴዳዋፕ ደሚደ፣ ኢንቱንቱ ቆንጭሴ ቤቲዳ፤ ኢንቱንቱ ሄዋ ጸሳይ ሙዴዳባፕ በአናወ ዳንዳይያ ድራወ፣ ኢንቱንቱ ጋሶይያባይ ባዋ።

21 እያወ ጎፕ፣ ኢንቱንቱ ጸሳ ኤርፕካ፣ እወ በሰያ ቦንቹዋ አምበክና፤ ቃይ አ ጋላትክና። ሽን ኢንቱንቱ አላላ ከሰናባ ቆፒና፤ ቃይ ኢንቱንቱ እኬከና ዋዛናይ ጳሜዳ።

22 ኢንቱንቱ ባረንታ አዴዳ ኤራንቻ ጊና፤ ሽን ኢንቱንቱ ኤያ።

23 ኢንቱንቱ ሀይቀና ጸሳወ ጎይንያዋ እጺደ፣ ሀይቁያ አሳ ሙጋታ፣ ካፋቱዋ ሙጋታ፣ ደአቱዋ ሙጋታን ትራን ጎሽትያዋንቱ ሙጋታ ሙጋቲዳዋንቱ ጎይኔድና።

24 ሄዋ ድራወ፣ ኢንቱንቱ እቱ እቱዋና ፖኮባ ኦላና ማላ፣ ጸሳይ ኢንቱንቱ ዋዛናይ አዋትያ ቱናባ ኦላናዳን ኢንቱንታ ኢኒዳ።

25 እያወ ጎፕ፣ ኢንቱንቱ ጸሳ ቱማተላ ዋርዳዋን ለሚድና፤ ቃይ ሙዴዳ ጸሳ አጊደ፣ አ ሙዴዳባወ ጎይኔድናን ኦሌድና። ጸሳይ ሙድናወ ጋላተቲዳዋ። አመንእ።

26 ሄዋ ድራወ፣ ጸሳይ ኢንቱንቱ ፖኮባ አዋታና ማላ፣ ኢንቱንታ ኢኔዳ፤ ሀራይ እቶ ኢንቱንቱ ማጫዋንቱ ባረንቶ በሰያዋ አጊደ፣ በሰናዋ ሀኔድና።

27 ሀዋዳንካ፣ አቱማ አሳይ ቃይ ባረንቶ በሰያዋዳን ማጫዋንቱና ጋከትያዋ አጊደ፣ እቱ እቱዋና ጋከታናወ ኮዬድና፤ አቱማ አሳይ እቱ እቱዋና ፖኮባ ኦሌድ፣ ባረንቱ ኦሌዳ ባላን ባረንቶ በሰያ ፕርዳ እኬድና።

28 ኢንቱንቱ ጸሳ ኤራናወ ደሰናን እጺዳዋ ከና ጸሳይ ኢንቱንቱ በሰናዋ ኦላና ማላ፣ ኢንቱንቶ ፓርና ቆፋ እሜዳ።

29 ኢንቱንቱን ቱናተላይ፣ ኢታተላይ፣ ዮራተላይን ኢታ ሆኖታይ ኩሜዳ፤ ቃይ ኢንቱንቱን ቃናቲ፣ ሸዋፕዋ ዋድያ ቆፋይ፣ ፓሌማይ፣ ጭሙሳይን ኢታ ቆፋይ ኩሜዳ፤ ቃይ ኢንቱንቱ ሶቅያዋንታ።

30 ዝግርያዋንታ፣ ጸሳ እጽያዋንታ፣ ቦርያዋንታ፣ ኡቶረትያዋንታ፣ ጨቀትያዋንታ፣ ኢታባ ኦላናወ ኮይያዋንታን ባረንቱ አዋን እትወ አዛዘተናዋንታ።

31 ቆፋይ ባይናዋንታ፣ አማኑ ባይናዋንታ፣ ሀራንቶ ቃረተናዋንታን ማረናዋንታ።

32 ኢንቱንቱ ሀዋንቱ ማላ ኦሌያዋንቶ ሀይቁ በሴ ግያ ጸሳ ሀግያ ኤራይ፣ ሀዋንታ ኦሌድ፤ ሄዋ ጸሳላ ግደናን፣ ሀዋንታ ኦሌያዋንታካ ኦላተ ጊደ ምንሲና።

## 2

ጸሳ ፕርዳ

1 ሄዋ ድራወ፣ ኔኖ ሀራንቱ ቦላ ፕርድያዋ፣ ነወ ጋሶይያባይ ባዋ፤ እያወ ጎፕ፣ ኔን ሀራንቱ ቦላ ፕርዳደ፣ ሄ ኔን ኢንቱንቱ ቦላ ፕርድያዋ ማላ ኦላፕ፣ ነ ቦላ ፕርዳሳ።

2 ኔን ሀዋ ማላ ኦሱዋ ኦሌያዋንቱ ቦላ ጸሳይ ጽሎ ፕርዳ ፕርድያዋ ኤራቶ።

3 ኔኖ፣ ሀዋ ማላ ኦሱዋ ኦሌያዋንቱ ቦላ ፕርድያዋ፣ ቃይ ሄ ኔን ፕርድያዋ ማላ ኦሌያዋ፣ ኔን ጸሳ ፕርደፕ እትያዋ ማላቲ?

4 ዋይ ጸሳ ዋልቃማ ከኔተላ፣ ገንጨዋን ዳንዳያ ካቆይሻ? ጸሳይ ኔና ናጋራፕ ጨናወ ኮይያ ድራወ፣ አ ከካ ግድያዋ ኔን ኤራሳ።

5 ሽን ሀንተንቶ ጉዙማ ዋዛናይን ናጋራፕ ሰመና ዋዛናይ ደኤ፤ ሄዋ ድራወ፣ ጸሳ ሀንቁን ጽሎ ፕርዳይ ቆንጭያ ጋላሰ፣ ኔን ነ ቦላ ሀንቁዋ ካሰዋፕ ዳርሳሳ።

6 ጸሳይ አሳ ኡባወ አ ኦሱዋ ማላ እማናዋ።

7 እት እት አሳቱ ሎኦባ ዳንዳያን ኦሌድ፤ ቃይ ጋላታ፣ ቦንቹዋን ባየና ደኡዋ ኮዬድ፤ ኢንቱንቶ ጸሳይ ሙድና ደኡዋ እማና።

8 ሽን ሀራንቱ ኢታባ ኦላናወ ያረቲናን ቱማተላ እጺድ፤ ጸሳይ ኢንቱንቱ ቦላ ባሻን ሀንቁዋ የዳና።

9 ኢታባ ኦሌያ አሳይ ኡባይ ሙቶታናን ዋየታና፤ ሄዋ ካሰቲደ፣ እይሁዳ አሳ ጋካና፤ ሄዋፕ ቃይ እይሁዳ ግደና አሳ ጋካና።

10 ሽን ጸሳይ ሎኦ ኦሱዋ ኦሌያ ኡባቶ ጋላታ፣ ቦንቹዋን ሳርተላ እማና። ካሰቲደ እይሁዳቶ እማና፤ ሄዋፕ ቃይ እይሁዳ ግደናዋንቶ እማና።

11 እያወ ጎፕ፣ ጸሳ አይፍያን አሳይ ኡባይ እት ማላ።

12 ሙሴ ሀጊ ባይናን ናጋራ ኦሌዳ ኡባይ ሀጊ ባይናን ቆያና። ሙሴ ሀጊ ደአሽን፣ ናጋራ ኦሌዳ ኡባይ ሀግያን ፕርደታና።

13 እያወ ጎፕ፣ ጸሳ ሰንላን ሀግያ ናግያዋንቱ ጽላናፕ እትን፣ ሀግያ ሰሰያዋንቱ ጽልክና።

14 እይሁዳ ግደና አሳወ ሀጊ ባዋ፤ ሽን ባረንቱ ትላ ቆፋን ሀጊ አዛዘያዋ ኦሌድ፤ ኢንቱንቶ ሀጊ ቆየፕካ፣ ኢንቱንቱ ባረንቱ ሁጸወ ሀጊ።

15 ሀገረ እዛዝያዎ እንቱንቱ ዋዛና ግደን ጸፈቱዳዎ እንቱንቱ ሀኖታይ በሴ፤ እት እት ካላ እንቱንቱ ትላ ቆፋይ እንቱንቶ ማርካትያ ድራጫን ቃይ እት እት ካላ እንቱንቱ ቆፋይ እንቱንታ ሞትያ ድራጫ፡ ዎይ ቃይ እንቱንቱና ገዳትያ ድራጫ፡ ሄዌ ቱማ ግድያዎ ኤርሴ።

16 ታን ታማርሴዳ ሞሽራቹዎ ቃላዳን፣ አሳ ዋዛናን ገሜዳ ቆፋ ጸሳይ የሱሰ ክርሰቶሳ ሳገና ሀዋዳን ፕርዳና።

እይሁዳቱዎን ሙሴ ሀግያ

17 ሸን ኔን ኔና እይሁዳ ጋሳ፤ ሀግያን ዘምጋይ ጸሳን ጨቀታሳ።

18 ኔን ኦላና ማላ፣ ጸሳይ ኮይያዎ እየንቶ ኤራ፤ ቃይ ቱማ ግድያዎ ድራናዉ ሀግያጥ ታማራዳ።

19-20 ኔን ቆቃቱዎ ካለልያዎ፡ ቃይ ጱማን ደእያዎንቶካ ፖእሰያዎ፡ ኤረናዎንታ ኤርሰያዎን ናናቱዎ ታማርሰያዎ ግድያዎ ኤራድ፤ ሀግያጥ ኔን ኩሙንሳ ኤራተሳን ቱማተሳ ደምያዎ ኤራሳ።

21 ያትና፣ ኔን ሀራቱዎ ታማርሰያዌ ኔና ነ ሁጸዉ እያዉ ታማርሰኪ? ኔን፣ “ዉኦጋ” ያጋደ ቃላ ኦዳሳ። ሸን ኔን ነ ሁጸዉ ዉእይየ?

22 ኔን፣ “ዎሹዎጋ” ያጋ። ሸን ኔን ነ ሁጸዉ ዎሹማይ? ኔን ኤቃ ሸነታ። ሸን ኤቃይ ደእያ ጎልያ ቦንቃይ?

23 ጸሳ ሀገ ነዉ ደእያ ድራጫ፡ ኔን ጨቀታሳ፤ ሸን ሄ ሀግያ ሙንሳይ ጸሳ ዬላያይ?

24 እያዉ ጎጥ፣ ጸሳ ማጸፋይ፣ “እይሁዳ አሳቶ፣ ህንተ ጋሱዎን እይሁዳ ግደና አሳቱዎ ግደን ጸሳ ሱንሳይ ባዬ” ያጌ።

25 ኔን ሀገዉ እዛዘቶጥ፣ ነ ቃጸራይ ማዲዋና ደእ፤ ሸን ኔን ሀግያ ሙንሳጥ፣ ኔን ቃጸረቲዳዌ ቃጸረትቤናዎዳን ገይደቲ።

26 እይሁዳ ግደና አሳይ ቃጸረትናን ሀገ እዛዘያዎ ናጎጥ፣ ጸሳይ አ ቃጸረቲዳዎዳን ገይደኔ?

27 ህንተንቱ፣ እይሁዳ አሳቱ፣ ህንተንቶ ጸፈቱዳ ሀገ ደኦጎካ ቃይ ህንተ ቃጸረቶጥካ፣ ሀግያ ህንተ ሙንሳጥ ድራጫ፣ እይሁዳ ግደና አሳይ ቦላ ቃጸረታና ቆጥጥካ፣ ሀገዉ እዛዘቲደ፣ ህንተ ቦላ ፕርዳና።

28 እያዉ ጎጥ፣ እይሁዳ አሳ ማላትያ ኡባይ ቱሙ እይሁዳ አሳ ግደና፤ ቃይ አሳይ ባረ አሹዎ አሳተሳ ቃጸረቲዳ ድራጫ፡ ቱሙ እይሁዳ አሳ ግደና።

29 ሸን ቱሙ እይሁዳ አሳ ግያ ኡራይ ጋርሳ ሳገና እይሁዳ አሳ \* ግዳዳዎ፤ ቃጸረትያዎ ጸሳ እያናን ኦሰትያ ዋዛና ቃጸራጥ አትን፣ ጸፈቱዳ ሀግያና ግደና፤ ሄ ኡራይ ባረ ጋላታ ጸሳጥ አክያዎጥ አትን፣ አሳጥ አክቤና።

3

እይሁዳቱ አማናን አጉሳን ባይዜድኖ  
1 ያትና፣ እይሁዳ አሳቱ እያን እይሁዳ ግደና አሳጥ አፂኖ? ዎይ ቃጸረትያዎን እይ ማዲ ደእ?

2 ሀዌ እይሁዳቱዎ ኡባባን ሎይላ ማዴ፤ ኡባባጥ ካሰ ጸሳይ ባረ ኪታ ሀዳራ እይሁዳቶ እሜዳ።

3 ያትና እንቱንቱጥ እቱ እቱ አማነተናዎ ግደጥ፣ ዋኒ? ሄዎ ድራጫ፡ ጸሳይ አማነተና ያግያዌ?

4 ሄዎ ግደና፤ አሳይ ኡባይ ዎርዳንቻ ግደጥካ፣ ጸሳይ ግያዌ ቱማ ግደናዉ በሴ። ጸሳ ማጸፋይ፣ “ኔን ሃሳይያ ዎደ፣ ኔን ጽሎ ግድያዎ ኤርሳናዉ ኮሼ፤ ኔን ሞተትያ ዎደ፣ ቫትማናዉ በሴ” ያጌ።

5 ሸን ኦ ባይዙ ጸሳ ጽሎ ኦሱዎ ኤርሰንቶ፣ ኔን ዎጋኔ? ኦ ቦላ ህንቁዎ አህያ ጸሳይ ባይዘንቹ? ታን አሳይ ግያዎዳን ገይ።

6 ሄዌ ዋዪ ሀናና። እያዉ ጎጥ፣ ሄዎዳን ግደጥ፣ ጸሳይ ሀ አሳምያ ቦላ ዎት ፕርዳኔ?

7 ሸን ታ ዎርዲዎን ጸሳ ቱማተሳይ አ ቦንቾ ዳርጥ፣ ያትና፣ ሀዎ ጋካናዉ እያዉ ታ ቦላ ናጋራንቻዳን ፕርዲ?

8 ያትና ኦን፣ “ሎኡ ያናዳን፣ እነ ኢታባ ኦሎቲ” እያዉ ጎኮ? እት እት አሳይ ሀዎ ታና ሞቲደ ቦራድኖ፤ እንቱንቱ ጸሳጥ በሰያ ፕርዳ አካና።

አሳይ ኡባይ ናጋራንቻ  
9 ሄዎ ድራጫ፣ ኔን ዎጋኔ? ኦን እይሁዳቱ፣ እይሁዳ ግደና አሳጥ ዳራቶ? ሄዎ ግደና፤ እያዉ ጎጥ፣ እይሁዳቱካ እይሁዳ ግደና አሳቱካ ኡባይ እትጥ ናጋራጥ ጋርሳን ደእያዎ ታን ካሰ ህንተንቶ ኦዳድ።

10 ጸሳ ማጸፋይ ሀዎዳን ያጌ፤

“ጽሎ አሳይ አቲነ ባዎ።

11 እኩክያ አሳይካ ባዎ፤ ዎይ ጸሳ ኮይያዌካ ባዎ።

12 አሳይ ኡባይ ኦግጥ ካረ ከሴድኖ፤ ኡባይ ሙላካ ማደናዎ ግዳዳ።

ሎኦባ ኦልያ ኦንነ ባዎ፤

ሀራይ አቶ አቲነ ባዎ።

13 እንቱንቱ ድናይ ደያ ደእያ ዲፋዎ ማላ።

ባረንቱ አንጸርሳን ዎርዲቲድኖ።

እንቱንቱ ደናጥ አሳ ዎድያ ሸሻ

ይሻ ማላ ሃሳይያ ከሴ።

14 እንቱንቱ ደናን ሸቃይነ ጫዋባይ ኩሜዳ።

15 እንቱንቱ ሱላ ጉሳናዉ፣ ዳሪ ኤሌሊኖ።

16 ባይዘን ኮላሳይ፣

እንቱንቱ ቤዳሳን ሀቃንነ ቆየና።

17 እንቱንቱ ሳርተሳ ኦግያካ ኤርክና።

18 ቃይ ጸሳዉ ያይያባይ፣ እንቱንቱ ቆፋን ባዎ”

2:24 እሳ. 52:5 \* 2:29 እይሁዳ ጉሳይ ጋላተትያዎ ግዲደ ሱንሳይ ይሁዳጥ ዬዳ። 2:29 ዛረ. 30:6 3:4 ማዘ. 51:4 3:10 ማዘ. 14:1-3 3:13 ማዘ. 5:9 3:14 ማዘ. 10:7 3:15 እሳ. 59:7-8 3:18 ማዘ. 36:1



ያጌ።

19 እሳ ኡባ ሃሳያ ድጋና ማላነ ኩሙንላ ሳኣ ጸሳ ፕርዳፕ ጋርሳው ኣላና ማላ፣ ህግያ ግደን ኦደቲዳ ኡባባይ ህግያፕ ጋርሳን ደኢያ ኣሳው ሃሳይያዎ ኑን ኤራቶ።

20 ጸሳ ሰንላን ኣንነ ህጊ ኣዛዘያዎ ኣላያዎን ጽላና፤ ህጊ ኣት ኣሳይ ናጋራ ኦሌዳዎ ኤራናዳን ኣሌ።

ኣሳይ ጽልያዎ እማኑዎና

21 ሸን ጸሳይ ኣሳ ጽልሰያ ኣጊ ህጊ ባይናን ሀእ ቆንጩዳ፤ ህጊን ናባቱ ሄ ጽሎተላባ ማርካቲድና።

22 ጸሳይ ኣሳ የሱሰ ክርሰቶሳ እማንያዎን ጽልሴ፤ ጸሳይ ሄዎ ኣ እማንያ ኡባው ኣሌ፤ ኣይ ሻኩተሳይነ ባዎ።

23 ኣያው ጎፕ፣ ኣሳይ ኡባይ ናጋራ ኦሌዳ፤ ጸሳ ቦንቹካ ኣንቱንቶ ጉጹዳ።

24 ሸን ኣንቱንቱ ጸሳይ እምያ ኣ ኣቶ ከካተላን፣ ባረንታ ዎዘያ ክርሰቶሰ የሱሳ ባጋና ጮ ጽሊድና።

25 የሱሳ ሱላን ኣሳይ ኣ እማኒደ፣ ባረ ናጋራው ማርተላ ደማና፣ ጸሳይ ኣ እማዳ፤ ጸሳይ ሄዎ ባረ ጽሎተላ ቦሳናው ኣሌዳ፤ ኣ ቦን ዎድያን ኣሳ ናጋራ ዳንዳዪደ፣ ካቶ ባሽ ኣጌዳ፤ ሸን

26 ሀ ዎድያን ባረ ጽሎተላ ቦሳናው ኣሳ ናጋራ ኣገና፤ ጸሳይ ሄዎ ኣላያዎን ኣ ባረ ሁጸው ጽሎ ግድያዎን የሱሳ እማንያ ኡባ ጽልሰያዎ ቦሴ።

27 ያትና፣ ኑን ኣያው ጩቀታኔ? ኣይነ ባዎ። ኣያ ጋሱቀኔ? ኑን ህገው ኤና ግያዎኔ? ግደና፤ እማኑዎ ህግያናፕ ኣትን።

28 ኣያው ጎፕ፣ ኣሳይ እማኑዎን ጽላናፕ ኣትን፣ ህጊ ኣዛዘያዎ ኣላያዎና ግደና ያጊደ ቆፕቶ።

29 ዎይ ጸሳይ ኣይሁዳቱዎ ጸላላው ጸሴ? ኣይሁዳ ግደና ኣሳው ጸሳ ግደኔ? ቱማ፣ ኣይሁዳ ግደናዎንቶካ ኣ ቃይ ጸሳ።

30 ኣት ጸሳ ጸላላይ ደኤ፤ ኣይሁዳቱዎ ኣንቱንቱ እማኑዎን ኣ ጽልሳና፤ ቃይ ኣይሁዳ ግደናዎንታካ ኣንቱንቱ እማኑዎን ጽልሳና።

31 ያትና፣ ኑን ህግያ እማኑዎን ጋጸ ሱጋኔ? ግደና፤ ህግያ ምንሰይተፕ ኣትን።

### 4

ኣብራሃም እማኑዎን ጽሊዳ

1 ያትና፣ ኑን ኑው ኣሹዎን ዛረ ግድያ ኣብራሃም ኣያ ደሜዳ ጋኔ?

2 ኣያው ጎፕ፣ ኣብራሃም ኦሱዎን ጽሊዳዎ ግደፕ፣ ኣው ጩቀትያባይ ደኤ፤ ሸን ጸሳ ሰንላን ጩቀታና ዳንዳየና።

3 ኣያው ጎፕ፣ ጸሳ ማጸፋይ ዋጊ? “ኣብራሃም ጸሳ እማኔዳ፤ ጸሳይ ሄዎ ኣው ጽሎተላን ፓይዴዎ” ያጌ።

4 ኣላያ ኡራይ ኣክያ ሚሻ ባረው በሰና ኣኪፕ ኣትን፣ ኣው ጮ እሙትያዎዳን ፓይደተና።

5 ሸን ኣሱዎ ኣፍና፣ ናጋራንቻ ጽልሰያ ጸሳ እማንያ ኡራ፣ ጸሳይ ኣ እማኑዎን ኣ ጽልሴ።

6 ሀዎዳንካ፣ ኣይ ኣሱነ ባይናን፣ ጸሳይ ጽሊዳዎን ፓይዴዳ ኣሳ ናሽቶያባ ዳዊተ ሃሳይዳ ዎይ ጌዳዎ ሀዎ።

7 “ጸሳይ ኣንቱንቱ ባይዘዎ ኣት ጌዳዎንቱ፤ ኣንቱንቱ ናጋራ ካሜዳዎንቱ ኣንጀቲዳዎንታ።

8 ጎዳይ ኣ ናጋራ ፓይደና ኣሳይ ኣንጀቲዳዎ” ያጌ።

9 ያትና፣ ሀ ዳዊተ ሃሳይዳ ኣንጂ ቃጸረቲዳ ኣሳ ጸላላሴየ? ዎይ ቃይ ቃጸረትቤና ኣሳቱዎሴ? ኣያው ጎፕ ኑን፣ “ጸሳ ማጸፋይ፣ ኣብራሃም ጸሳ እማኔዳ፤ ጸሳይ ሄዎ ኣው ጽሎተላን ፓይዴዳ” ያጌ” ጎይተ።

10 ያትና፣ ሀዎ ኣው ሀኔዳ? ኣብራሃም ቃጸረት ሰምየ? ዎይ ቃጸረታናፕ ካሰኔ? ቃጸረታናፕ ካሰናፕ ኣትን፣ ቃጸረትና ግደና።

11 ጉየፕ ኣ ቃጸረቲዳ፤ ጸሳይ ኣ እማኑዎ ድራው፣ ኣ ቃጸረታናፕ ካሰ ኣ ጽሎ ኣሌዳዎ ኤርሳናው፣ ኣ ቃጸራይ ማላ ግዳዳ። ሄዋካ ቃይ ቃጸረትናን ጸሳ እማንያ ኡባቱዎ ጸሳይ ጽሎ ኣሌደ ፓይዳናዳን፣ ኣንቱንቶ ኣብራሃም ኣውዎ ግደናሳ።

12 ኣ ቃጸረቲዳዎንቶካ ኣውዎ፤ ግደፕካ፣ ኣንቱንቱ ቃጸረቲዳ ድራሳ ግደና፤ ሸን ኑ ኣውዎ ኣብራሃም ቃጸረታናፕ ካሰ እማንያ እማኑዎ ማላ ካልያዎንቶካ ኣውዎ።

ጸሳይ እማና ጌዳባይ እማኑዎን ኣከቲ

13 ኣብራሃምሰነ ኣ ዘረላው ጸሳይ፣ “ሀ ሳኣ ታን ህንተንቶ እማና” ያጌዳዎ፣ ኣብራሃም ጸሳ እማኒደ ጽሊዳ ድራሳፕ ኣትን፣ ህገው ኣ ኣዛዘቲዳ ድራሳ ግደና።

14 ኣያው ጎፕ፣ ህገው ኣዛዘትያዎንቱ ጸሳይ እማና ጌዳዎ ላትያዎንታ ግደፕ፣ ኣሳ እማኑ ማደናባ ግዳዳ፤ ጸሳይ ጌዳዋካ ሙላ ግዳዳ፤

15 ህጊ ጸሳ ቦሻ ኣሄ፤ ሸን ህጊ ባይናሳን ህግያ ሙንሰይተፕ ባዎ።

16-17 ሄዎ ድራው፣ ህግያ ናግያዎንቱ ጸላላው ግደና፣ ቃይ ኣብራሃም እማኔዳዎዳን፣ እማንያ ኣብራሃም ዘረላ ኡባው ጸሳይ እማና ጌዳዎ፣ ዎይታዳን ቱማታናዎ እማኑዎና፣ ኣብራሃም ኑው ኡባው ኣውዎ። ጸሳ ማጸፋይ፣ “ታን ኔና ጮራ ካውተላቶ ኣዎ ኣላድ” ግያዎዳን፣ ሀይቄዳዎንቶ ደኡዎ እምያ፣ ባረ ኣዛዘቱዎን ባይናባ ደኢያባዳን ኣሌደ ጽሰያ፣ ኣ እማኔዳ ጸሳ ሰንላን ኣብራሃም ኑው ኡባው ኣውዎ።

18 ጸሳ ማጸፋይ ኣብራሃም “ኣ ዘረላይ ሀዎ ከና ግደና” ያጌዳዎዳን፣ ሀዎ ከና ግደና ጌደ፣ ናሽቻን ናጋናው ዳንዳየና ዎይ፣

3:20 ማዘ. 143:2፤ ጋላ. 2:16 3:30 ዛረ. 6:4፤ ጋላ. 3:20 4:3 ደሙላ 15:6፤ ጋላ. 3:6 4:7 ማዘ. 32:1-2 4:11 ደሙላ 17:10 4:13 ደሙላ 17:4-6፤ 22:17-18፤ ጋላ. 3:29 4:16-17 ደሙላ 17:5 4:18 ደሙላ 15:5

አብራሃም አማኒደነ ሰንገላጥ ደማና ጊደ፣ ናሽቻን ናጊደ፣ ጮራ ዘረፋዉ አዉዎ ግዴዳ።

19 ሄ ዎደ፣ አብራሃም የለቶደገ ጴቱ ላይላ ኩማና ሀንያ ጭማ፤ ሽን ባረ ዳቡራንቻ አሳተላነ ሳራ ናኣ የሳናዉ ዳንዳየናዎ ቆፔዳ ዎደ፣ እ ባረ አማኑዎን ዳቡርቤና።

20-21 ጸሳ እ ቦንቹደ፣ እዉ አማና ጌዳ ጸሳይ ቃይ ፖላናዉ ዳንዳይያዎ ሎይሳ ኤሬደ ባረ አማኑዎን ምኔዳዎጥ አትን፣ አማነናን እጸደ፣ ጸሳይ አማና ጌዳዎ ሰፎቤና።

22 ሄዎ ድራዉ፣ ጸሳይ ቃይ አ አማኑዎ ጸሎተላን ፓይዴዳ።

23 “እዉ ጸሎተላን ፓይዴዳ” ግያ ቃላይ አ ጸላላዉ ጸፈትቤና።

24 ሄ ቃላይ ኑ ጎዳ የሱሳ ሀይቁዎጥ ደንሌዳ ጸሳ አማንያ ኑዉካ ጸሎተላን ፓይደታና ማላ ጸፈቱዳ።

25 ጸሳይ አ ኑ ናጋራ ድራዉ፣ ሀይቆ አሊደ አምና፣ አ ኑና ጸላላናዉ ሀይቁዎጥ ደንዴዳ።

### 5

አማኑዎን ቤትያ ሳርተላነ ሰጋተላ

1 ሄዎ ድራዉ፣ ኑን አማኑዎን ጸሌዳዎን፣ ኑ ጎዳ የሱሰ ክርስቶሳ ባጋና ኑዉ ጸሳና ሳርተላይ ደኤ፤

2 ቃይ እ ኑና ሀእ ኑን ደእያ ጸሳ እጾ ከካተላ ግድ አማኑዎን አሄዳ፤ ያትና፣ ኑን ጸሳ ቦንቹዎ ሻካናዉ ኑዉ ደእያ ህደታን ጨቀቱቶ።

3-4 ሄዎ ጸላላ ግደና፤ ኑን ኑ ዎይያንካ ናሽቱቶ፤ እያዉ ጎጥ፣ ዋይያጥ ዳንዳይያ፣ ቃይ ዳንዳይያጥ ፓጭያን ምንያዎ፣ ፓጭያን ምናታጥ ሀይታይ ይያዎ ኑን ኤራቶ።

5 ጸሳይ ኑዉ አማዳ ጌሻ አያና ባጋና ባረ ሰቁዎ ኑ ዎዛናን ጉሴዳ ድራዉ፣ ሄ ኑን ደማናዉ ናሽቻን ናግ ኡቱዳዎ ኑና ዬላየና።

6 እያዉ ጎጥ፣ ኑን ብር ዎልቃይ ባይናዎንታ ግዲደ ደእሸን፣ ጸሳይ ዶሬዳ ዎዲ ጋክና፣ ክርስቶስ ናጋራንቻቱዎ ድራዉ ሀይቁዳ።

7 ጸሎ ኡራ ድራዉ፣ እት ኡራይ ሀይቃናዎ ዳር መቶባ፤ ሽን ሎኦ አሳ ድራዉ ሀይቃናዉ፣ “ኤኖ” ግያ ኡራይ ኡን ኤር ቤተናን አገና።

8 ሽን ኑን ብር ናጋራንቻ ግዲደ ደእሸን፣ ክርስቶስ ኑ ድራዉ ሀይቁዳ፤ ሄዎ ጸሳይ ኑና አይ ከና ሲቅንቶን አ ሲቁዎ ኤርሴ።

9 ሰም ኑን ሀእ አ ሱላን ጸሌዳዎ ግደጥ፣ አ ባጋና ጸሳ ሀንቁዎጥ አታና።

10 እያዉ ጎጥ፣ ኑን ጸሳና ካሰ ሞርከ፤ ሽን አ ናኣ ሀይቁዎን አናና ሰገቱደ። ሄዎጥ አሊደ፣ ሀእ ኑን ጸሳና ሰገቱዳዎጥ ጉይያን፣ አ ፓጸ ግድያ ድራዉ ኑና አሻና።

11 ሽን ሄዎ ጸላላ ግደና፤ ሀእ ኑና ጸሳና ሰገሌዳ ኑ ጎዳ የሱሰ ክርስቶሳ ባጋና ኑና ጸሳባይ ናሽቶ።

ሀይቁ አዳማን ዪና፣ ደኡ ክርስቶሳን ዬዳ

12 ሄዎ ድራዉ፣ ናጋራይ ሀ ሳኣ እት አሳ ባጋና ገሌዳ፤ ሄ ናጋራይ ባረናና ሀይቁዎ አሄዳ፤ ሄዎ ጋሱዎን፣ አሳይ ኡባይ አዳማ ባጋና ናጋራ ኡሌዳ ድራዉ፣ ሀይቁ አሳ ዛርያ ኡባ ጋኬዳ።

13 ህጊ አመታናጥ ካሰ፣ ሀ አላምያን ናጋራይ ደኤ፤ ሽን ህጊ ባይና ዎደ ናጋራይ ፓይደተና።

14 ሽን አዳማ ዎድያጥ፣ ሙሴ ዎድያ ጋካናዉ፣ ሀይቁ አሳ ኡባ ሞዴዳ፤ ሀራይ አቶ አዳም ጸሳ ህገዉ አዛዘተናን እጼዳዎዳን፣ ናጋራ ኦሳቤናዎንታካ ሀይቁ ሞዴዳ።

እያዉ ጎጥ፣ አዳም ያናዎ ለምሱዎ።

15 ሽን ጸሳ አሞታይ አዳማ ናጋራ ከና ግደና ድራዉ፣ ኡንቱንቱ እት ማላ ግድክና፤ እት ብታንያ ናጋራ ድራዉ፣ ጮራ አሳይ ሀይቁዳዎ ቱማ፤ ሽን ጸሳ እጾ ከካተላይነ አ አሞታይ እት አሳ እጾ ከካተላ ባጋና፣ የሱሰ ክርስቶሳ እጾ ከካተላ ባጋና ጮራ አሳዉ ዳራደ።

16 ጸሳ አሞታይ ናጋራ ኡሌዳ ብታንያ ባጋና ዬዳዎ ማላ ግደና፤ እያዉ ጎጥ፣ አዳም እት ናጋራ ኡሌዳዎጥ ጉይያን፣ ጸሳይ አ ባይዜዳዎዳን ፕርዴዳ፤ ሽን አሳይ ዳር ናጋራ ኡሌዳዎጥ ጉይያን ጸሳይ፣ “ህንተንቱ ባይዘበይክታ” ጊደ፣ ባረ እጾ ከካተላ ኡንቱንታ በሴ።

17 እያዉ ጎጥ፣ እት ብታንያ ናጋራ ጋሱዎን፣ አ ናጋራ ባጋና፣ ሀይቁ ካዉቲዳዎ ቱማ፤ ሽን እት ኡራይ፣ የሱሰ ክርስቶስ ኡሌዳባይ አይ ከና ዳራ፤ ጸሳ ዳር እጾ ከካተላን ጸሎተላ አሞታ እክያ ኡባይ ክርስቶሳ ባጋና ጸኒደ ደኤና።

18 ሰም እት ኡራይ ናጋራ ኡሌዳ ጋሱዎን አሳ ኡባ ቦላ ባይዜዳዎዳን ፕርዴይ ዬዳ። ሄዎዳንካ እት ኡራይ ጸሎባ ኡሌዳ ጋሱዎን፣ ጸሳይ አሳ ኡባ፣ “ባይዘበይክታ” ጊደ ኡንቱንቶ ደኡዎ አማዳ።

19 እያዉ ጎጥ፣ እት ኡራይ አዛዘተናን እጼዳ ጋሱዎን፣ ዳር አሳይ ናጋራንቻ ግዴዳ፣ ሀዎዳንካ ቃይ እቱ ኤኖ ጌዳዎን ጮራ አሳይ ጸላና።

20 ናጋራ ዳርሳናዉ፣ ህጊ ዬዳ፤ ሽን ናጋራይ ዳርያ ዎደ ጸሳ እጾ ከካተላይ ሎይሳ ዳራዳ።

21 ናጋራይ ሀይቁዎ ዎልቃን ካዉቲዳዎዳን፣ ሀዎዳንካ ቃይ ጸሳ እጾ ከካተላይ ጸሎተላ ዎልቃን ካዉቲዳ፣ ኑ ጎዳ የሱሰ ክርስቶሳ ባጋና፣ ኑና መድና ደኤ ካላሌ።

### 6

ናጋራጥ ሻከቲደ ክርስቶሳን ደኡሳ

1 ያትና፣ ኑን ዎጋኔ? ጸሳ እጾ ከካተላይ ዳራናዳን፣ ናጋራን ምኒደ ደኤኔ?

2 ግደና፤ ኑን ናጋራ ኡ□ና ማላ ሀይቁድጌደ። ያትና፣ ኑን ሀዎጥ ሰንገላዉ ዎት አ ግደን ደኤኔ?

3 ዋይ ኑን ኡባቱ ክርስቶስ የሱሳና እትፕ ግዳናው፡ ጸማቀቲዳ ዋይ፡ እ ሀይቁዋንካ እናና እትፕ ግዳናው ጸማቀቲዳዋ ኤርክቲ?

4 ሄዋ ድራው፡ ክርስቶስ ባረ እወዋ ቦንቾ ዋልቃን ሀይቁዋፕ ደንደዋዳን፡ ኑንካ ኦራሳ ደኡዋ ደእናው፡ እ ሀይቁዋ እናና ቫካናው ጸንቃታን እናና እትፕ ሞገቲድ።

5 እያው ጎፕ፡ ኑን እ ሀይቁዳዋዳን ሀይቁይ፡ እናና እቱዋ ግደፕ፡ ሀዋዳንካ፡ ሀይቁዋፕ እ ደንደዋዳን ኑንካ ደንዲደ፡ እናና እቱዋ ግዳና።

6 ኑን ሀዋፕ ሰንሳው ናጋራው እይለ ግደና ማለ፡ ቃይ ኑ ናጋራንቻ አሳተሳ ዋልቃይ ጳያና ማለ፡ ኑ ኤጫ አሳተሳ ክርስቶስና ማሰቃልያ ቦላ ሞሰማርያን ጅሽት ካቀቲዳዋ ኤሬቶ።

7 እያው ጎፕ፡ እት ኡራይ ሀይቁያ ዋይ ናጋራ ዋልቃይ እ ሞደና፤ ሽን

8 ኑን ክርስቶስና ሀይቁዳዋ ግደፕ፡ እናና ቃይ ደእናዋ አማኔቶ።

9 እያው ጎፕ፡ ክርስቶስ ሀይቁዋፕ ደንደዳዋ፡ ቃይ ላኤንሉዋ እ ሀይቁናዋን ሀይቁ ሰንሳፕ እ ሞደናዋ ኑን ኤሬቶ።

10 እ እት ካላካ ሀይቁዳ፤ ናጋራው እ ቦላ ዋልቃይ ባዋ፤ ሽን እ ሀ ደእያ ደኡዋ ጸሳው ደኤ።

11 ሀዋዳን ቃይ ሀንተ ናጋራ ኦፍዳን፡ ሀንተንታ ሀይቁዳዋዳን ቆፕቲ፤ ሽን ጎዳ ክርስቶስ የሱሳ ባጋና ጸሳው ሀንተ ፓጾ ደእያዋዳን፡ ሀንተንታ ቆፕቲ።

12 ሄዋ ድራው፡ ሀንተ ሀንተንቱ አሳተሳ አዋ አዛዘታና ማለ፡ ናጋራይ ሀይቁያ ሀንተ አሳተሳ ሞደ።

13 ቃይ ሀንተ አሳተሳፕ እት ሳን ኢታ ኦሱዋ ኦላናው ናጋራው እሞፕቲ፤ ሽን ሀይቁዋፕ ደንደዳ አሳዳን ሀንተንታ ጸሳው እሞፕቲ፤ ቃይ ሀንተ ኩመንሳ አሳተሳካ ጽሎ ኦሱዋ ኦላናው ጸሳው እሞፕቲ፤

14 እያው ጎፕ፡ ናጋራይ ሀንተንታ ሞዳናው ዳንዳየና፤ ሀንተ ጸሳ እጅ ከካተሳ ጋርሳና ደኢታፕ እትን፡ ሀግያፕ ጋርሳና ደእክታ።

ጽሎተላው እይለ ግድያዎ

15 ያትና፡ ዋናኔ? ጸሳ እጅ ከካተሳ ጋርሳና ደኢናፕ እትን፡ ሀግያፕ ጋርሳና ደኤና ድራው፡ ናጋራ ኦላኔ? ግደና፤

16 ሀንተ ሀንተንታ እት ኡራው አዛዘታናው፡ እይልያዳን ኦሊደ እሞያ ዋይ፡ ሄ ሀንተንታ አዛዘያዎ እይለቲዋ ግድያዎ ኤሬታ፤ ዋይ ሀንተ ሀንተንቶ ሀይቁዋ አሀያ ናጋራው ኤኖ ጌታ፤ ዋይ ሀንተ ሀንተንታ ጽሎ ኦላያ አዛዘ ኤኖ ጌታ።

17 ሽን ጸሳው ጋላታይ ግደ፤ እያው ጎፕ፡ ናጋራው ካሰ ሀንተ እይለ፤ ሽን ጉየፕ ሀንተ እኪዳ ትምርትያ ግደን ደእያ ቱማተላው ሀንተ ኩመንሳ ዋዛናፕ አዛዘቲድታ።

18 ሀንተንቱ ናጋራ እይለተሳፕ ከሲደ፡ ጽሎተላው እይለ ግድድታ።

19 ሀንተንቱ መጋታን ዳቡራንቻ ግድያ ድራው፡ ታን ኦሰካ ገልያ ሃሳያ ሃሳይይ፤ ሀንተ ካሰ ሀንተ ኩመንሳ አሳተሳ ናቁዋ ኦላናው፡ ቱናተላውን ናቆ እይለ ኦሊደ እሜድታ፤ ሀእ ሄዋዳንካ ሀንተ ኩመንሳ አሳተሳ ጌሻባ ኦላናው፡ ጽሎተላው እይለ ኦሊደ እሞፕቲ።

20 ሀንተንቱ ናጋራው እይለቲደ ደእያ ዋይ፡ ጽሎተላይ ሀንተንቶ ጎዳ ግደና።

21 ሀንተንታ ሀእ ዬላይያ የዋቱዋ ሄ ዋይ ኦሊዳዋፕ እይ ማዲዋ ደሜድቲ? እያው ጎፕ፡ ሄ የዋቱዋ ወርሰላይ ሀይቁዋ።

22 ሽን ናጋራ እይለተሳፕ ሀንተ ከሲደ፡ ጸሳው ኤኖ ጌድታ፤ ቃይ ሀንተ ኦላያ ኡባባን ሀንተንታ ኡባካ እው ኦሊደ እሜድታ። ሄዋ ሀንተንቶ ዋረ፤ ሄዋ ወርሰላይ መጅና ደኡዋ።

23 እያው ጎፕ፡ ናጋራ ጋቲ ሀይቁዋ። ሽን ጸሳይ ኑ ጎዳ ክርስቶስ የሱሳ ባጋና እሞያ አሞታይ መጅና ደኡዋ።

7

ሙሴ ሀግያ ቃሹዋፕ ብለትያዎ

1 ታናዳን አማንያዋንቶ፡ ሀንተንቱ ኡባይ ሀግያ ኤርያ ድራው፡ ታን ግያዎ ሎይሳ ኤሬታ፤ ሀጌ እት አሳይ ፓጾ ደኤዳ ዋይ ጸላላን አ ሞዴ።

2 እያው ጎፕ፡ አሰና ገሌዳ ሞሽራታ እዝ አሰናይ ፓጾ ደኤዳ ከናን፡ ሀግያን እናና ቃሽታ ኡታዳ፤ ሽን እዝ አሰናይ ሀይቆፕ፡ እናና ጫቁዳ ሀጌ እዝ ሞደና።

3 ሄዋ ድራው፡ እዛ ባረ አሰናይ ፓጾ ደእሽን፡ ሀራ አቱማዎ ገሎፕ፡ አሳይ እዘ፡ “ዋሹመወኖ” ጋና። ሽን እዝ አሰናይ ሀይቆፕ፡ ሀጌ እዝ ሞደና፤ እዛ ሀራ አሰና ገሎፕን እዝ ኦን፤ “ዋሹመወኖ” ጌና።

4 ታናዳን አማንያዋንቶ፡ ሄዋዳን ሀንተንቱ ቃይ ክርስቶስ አሳተሳፕ እት ባጋ ግድያ ድራው፡ ሀንተንቱ አ ባጋና ሀይቁድታ። ቃይ ኑን ጸሳ ማድያ ኦሱዋ ኦላና ማለ፡ ሀንተንቱ ጸሳይ ሀይቁዋፕ ደንጌዳ ክርስቶስዋንታ።

5 እያው ጎፕ፡ ኑን ኑ አሳተሳይ ኮዬዳዋዳን ደእያ ዋይ፡ ሀጌ ኑን ናጋራ ኦላናዳን፡ ኑና ደንጌጌ፤ ኑ አሳተሳ ግደን ኢታ ኦሙ፡ ደእያ ድራው፡ ኑን ሀይቆ እይፍያ እይሬድ።

6 ሽን ሀእ ኑን ኑና ቃቹዳዎ ሀይቁዳ ድራው፡ ጸሳይ ኑና ሀግያ ቃሹዋፕ ብሌዳ። ሄዋ ድራው፡ ኑን ጌሻ እያናይ ገግሴዳ ኦራሳ ኦግያን ጸሳው ኤኖ ጋናዋፕ እትን፡ ጸፈቲዳ ሀጌ ኑወ ገግሴዳ ኤጫ ኦግያን ኤኖ ጎኩ።

ሀግያን ናጋራ

7 ያትና፡ ኑን ዋጋኔ? ሀጌ ባረ ሀጸው ናጋራ? ሄዋ ግደና፤ ሽን ሀጌ ናጋራይ እየንቶ ታና ኤርሴዳ። እያው ጎፕ፡ ታን ሀጌ፡ “አሳባ አሞቶፕ” ግቤንቶ፡ አሳባ አሞትያዌ እየንቶ ኤርከ።

8 ሸን ናጋራይ ታን ኡባባ አሞታና ማላ፡ አዛዙባ ባገና ታ ቦላ ኦግያ ደሜዳ፤ እያው ጎጥ፡ ህጊ ባዌንቶ፡ ናጋራው ዎልቃይ ባዎ።

9 ካሰ ህጊ ባይና ዎደ ታን ፓጾ፤ ሸን አዛዙ ዬዳ ዎደ ናጋራይ ደኦ ሰሞና።

10 ታን ቃይ ሀይቃድ፤ ታና ፓጾ ዎላናው ጸሳይ ቆፔዳ አዛዙ፡ ታው ሀይቁዎ አሄዳ።

11 እያው ጎጥ፡ ናጋራይ አዛዙባ ባገና ታና ጭምያ ኦግያ ደሚደ፡ ሄ አዛዙባን ታና ዎዴዳ።

12 ሄዎ ድራው፡ ህጊ ጌሻ፤ አዛዙካ ጌሻ፡ ጽላን ሎኦ።

13 ያትና፡ ሎኦባይ ታው ሀይቁዎ አሄዳ? ሄዎ ግደና፤ ሸን ታው ሄዎ ናጋራይ አሄዳ፤ አሳይ ናጋራይ እግንቶ ሻኪደ ኤራና ማላ፡ ናጋራይ ሎኦባ ባገና፡ ታው ሀይቁዎ አሄዳ። ቃይ አዛዙ፡ “ኦኦን ናጋራ ኦላናው በሰና” ያግያ ድራው፡ ናጋራይ ካሰሞጥ አድ ኤቴዳ።

አሳ ደኡባ ጋርሳን ደእያ ባጽያ

14 ኑን ህጊ ጸሳዎ ግድያዎ ኤራቶ፤ ሸን ታን ታና ናጋራው ዛልኤዳ ሀይቁያ አሳ፤

15 ታን ኦላያዎ ዎዛና አላከ፤ እያው ጎጥ፡ ታን እጽያዎ ኦላይፕ አትን፡ ታን ኦላናው ደሰያዎ አላከ።

16 ታን እጽያዎ ኦላያዎ ግደፕ፡ ህጊ ሎኦ ግድያዎ ማርካታይ።

17 ሄዎ ግደፕ፡ ሄ የወዎ ታ ቦላ ደእያ ናጋራይ ኦላያዎጥ አትን፡ ሀእ ታን ኦላከ።

18 ታናን፡ ሄዌን ታ አሳተላን ሎኦባይ ደኡናዎ ታን ኤራይ፤ እያው ጎጥ፡ ሎኦባ ኦላያ አሙ፡ ታ ቦላ ደኡጥካ፡ ታን ሄ ሎኦባ ኦላናው ደንዳይከ።

19 ታን እጽያ ኢታባ ኦላይፕ አትን፡ ታን ደሰያ ሎኦባ አላከ።

20 ሸን ታን እጽያዎ ኦላያዎ ግደፕ፡ ሄዎ ታ ቦላ ደእያ ናጋራይ ኦላያዎጥ አትን፡ ሀእ ሄዎ ኦላያዎ ታና ግደከ።

21 ሰሞ ታን ሎኦባ ኦላናው ደሰሸን፡ ኢታባ ኦላያዎ ታው ህጊ ግድያዎ ደማድ።

22 እያው ጎጥ፡ ታን ታ ዎዛና ግደን ጸሳ ሀግያን ናሽታይ፤

23 ሸን ታ ቦላ ግደን ደእያ ታ ዎዛና ቆፋ ሀግያና ዎጳቱያ ዴማ ሀግያ በእይ። ሄ ህጊ ታ ቦላ ግደን ደእያ ናጋራ ኦሰሰያ ሀግያን ታና ቃሽሴ።

24 ታን አይባ ናሽቶ ባይና አሴ! ታና ሀይቆ አፍያ ሀ አሳተላጥ አሻናዎ ኦኔ?

25 ኑ ጎዳ የሱሰ ክርሰቶሳ ባገና ጸሳው ጋላታይ ግደ።

ሰሞ ታን ታ ዎዛና ቆፋን ጸሳ ህገው ኤኖ ጋይ። ሸን ታ አሳተላጥ ታና ናጋራ ኦሰሰያ ህገው ኤኖ ጋይ።

**8**

ጌሻ አያናይ ኮይያዎዳን ደኡሳ

1 ሄዎ ድራው፡ ክርሰቶሳ የሱሰና ደእያዎንቱ ቦላን ፕርዳይ ሀእ ባዎ፤

2 እያው ጎጥ፡ ክርሰቶሳ የሱሰ ባገና ኑው ደኡዎ እምያ ጌሻ አያና ህጊ ታና \* ናጋራ ህግያ አይለተላጥ ሀይቁዎ ህግያ አይለተላጥ ከሴዳ።

3 አሳ አሳተላይ ዳቡራንቻ ግድያ ድራው፡ ህጊ ኦላናው ዳንዳይቤናዎ ጸሳይ ኦላዳ፤ ናጋራንቻቱዎ አሳተላ ማላ አሳተላና ደእያ ባረ ናኦ፡ አሳይ ኦላዳ ናጋራው ያርሹዎ ግዳናው ጸሳይ ከቲደ፡ አሳ አሳተላ ግደን ደእያ ናጋራ ፕርዳይ።

4 ጌሻ አያናይ ኮይያዎዳን ደእያዎንቱ፡ አትን፡ ኑ አሳተላይ ኮይያዎዳን ደእያዎንቱ ቦላ፡ ኑ ቦላ፡ ህግያ ጽሎ አዛዙ ፖለታና ማላ፡ ጸሳይ ሀዎ ኦላዳ።

5 ባረንቱ አሳተላይ ኮይያዎዳን ደእያዎንቱ ባረንቱ አሳተላባ ቆፒኖ፤ ሸን ጌሻ አያናይ ኮይያዎዳን ደእያዎንቱ ጌሻ አያናባ ቆፒኖ።

6 አሳተላባ ቆፋሳይ ሀይቁዎ አሄ፤ ሸን ጌሻ አያናባ ቆፋሳይ ደኡዎን ሳርተላ አሄ።

7 አሳተላባ ቆፋሳይ ጸሳይ እጾ፤ እያው ጎጥ፡ አሳተላይ ጸሳ ህገው ኤኖ ጌና፤ ቃይ ኤኖ ጋናውካ አው ዳንዳየተና።

8 ባረንቱ አሳተላው ኤኖ ግያዎንቱ ጸሳ ናሽቻናው ዳንዳይክኖ።

9 ሸን ጸሳ አያናይ ህንተንቱን ደኡ፡ ጌሻ አያናይ ግያዎዳን ደኡታፕ አትን፡ ህንተ አሳተላይ ኮይያዎዳን ደእክታ። ሸን ኦኦን ክርሰቶሳ አያናይ ባይናዎ ግደፕ፡ ሄ ኡራይ ክርሰቶሳዎ ግደና።

10 ሸን ክርሰቶሰ ህንተንቱን ደኡ፡ ህንተ አሳተላይ ናጋራ ጋሱዎን ሀይቁዳዎ፤ ሸን ህንተ አያናይ ጽሎተላ ጋሱዎን ህንተንቱን ፓጾ ደኤ።

11 ሸን የሱሰ ሀይቁዎጥ ደንፍዳ ጸሳ አያናይ ህንተ ግደን ደኡ፡ ሀይቁዎጥ ክርሰቶሳ ደንፍዳ ጸሳይ ቃይ ህንተንቱን ደእያ ባረ ጌሻ አያናን፡ ሀይቁያ ህንተ አሳተላውካ ደኡዎ አማና።

12 ሰሞ ታናዳን አማንያዎንቶ፡ ኑን አጩዎና ደኡቶ፤ ኑ አሳተላይ ኮይያዎዳን ደእናው ኑው በሰና።

13 እያው ጎጥ፡ ህንተ ህንተ አሳተላይ ግያዎዳን ደኡ፡ ህንተ ሀይቃና፤ ሸን ህንተ ህንተ ናጋራ ኦሱዎ ጌሻ አያናን ዎዶፕ፡ ፓጾ ደኤና።

14 ጸሳ አያናይ ካለላያ ኡባቱ ጸሳ ናና።

15 እያው ጎጥ፡ ኑን ኑ ከሻ ቶቁ ኦላይ፡ “አባ! ታ አቦ” ያጊደ ጾሰያ፡ ኑና ጸሳ ናና ከሰያ ጌሻ አያና ጸሳጥ እኬደፕ አትን፡ ላኤንጡዎ ያያናው አይላ ከሰያ አያና አክበይኮ።

16 ጸሳ አያናይ ባረ ሁጸው ኑ አያናና ግዲደ፡ ኑን ጸሳ ናና ግድያዎ ማርካታይ።

17 ኑን አ ናና ግደፕ፡ አ ባረ አሳው ምንጃዳ አንጃዎ ላታና፤ ቃይ ኑን ጸሳይ ክርሰቶሳው

7:11 ደመላ 3:13 7:15 ጋላ. 5:17 \* 8:2 ታና- እት እት ጌሻ ቃላ ብላላይ፡ ኑና ዎይ ህንተንታ ያጌ፤ ሀራይ ቃይ ኑና ያጌ።

ምንጃዳዋካ እናና ላታና፤ ኑን ክርስቶስ ዋይያ እናና ሻኮፕ፡ አ ቦንቹዋካ እናና ሻካና።

8 ጳጳሩ ናናው ቆንጫናው ደጋያ ቦንቹዋ

18 እያው ጎፕ፡ ኑን ሀእ ዋየትያ ዋይያ ኑው ስንጻፕ ቆንጫና ቦንቹዋና ጋላናው፡ ኡባካ ዳንዳየተና ጋደ ታን ቆፓይ።

19 ጳጳሪ መጪዳ መጋታ ኡባይ ጳጳሩ ናናይ ቆንጫናዋ ሎይሳ ላሞት ኡቴዳ።

20 እያው ጎፕ፡ መጋታ ኡባይ ማዲ ባይናባ ግድናዳን፤ ጳጳሪ እ ቦላ ፕርዴዳ፤ ስንጻፕ ደማና ጊደ ናሽቻን ናግ ኡታናዳን ኡሌዳ ጳጳሪ ኮዬዳ ድራው ሀኔዳፕ እትን፡ መጋታ ኡባይ ባረ ሁጳው ኮዬዳዋን ግድና።

21 መጋታ ኡባይ ባረ ሁጳው ባሻ አይለተጻፕ እት ጋላስ ከሳናዋ፤ ቃይ ሄ መጋታቱ ጳጳሩ ናናይ አይለተጻፕ ከሴዳ ቦንቹ ከሳ ሻካና።

22 እያው ጎፕ፡ መጋታ ኡባይ እትፕ ሀዋ ጋካናው፡ ማጫ አሳ የሉ አይቀና ኡልያዋዳን፡ ሳኩዋን ኡልያዋ ኑን ኤራቶ።

23 ቃይ ሄዋ ጳጳላ ግድና፤ ኑን፡ ጌሻ እያና ጳጳሩ ባይራ አሞታዳን ኡሌዳ አኩዳዋንቱ፡ ኑ ሁጳው ጳጳሪ ኑና ባረ ናና ኡሳናዳንን ኑ ኩመንጎ አሳተሳ ዋዛናዳን ናጊደ፡ ኑ ግደን ኡሌቶ።

24 እያው ጎፕ፡ ኑን ጳጳሪ እማና ጌዳዋን አቴዳ። ሽን ኑን ጳጳሪ እማና ጌዳዋ በእፕ፡ ያትና፡ ሄዌ ናሽቻን ናግያዋ ግድና፤ እያው ጎፕ፡ ባረ በእያዋ ደማና ጊደ፡ ናሽቻን ናግያዋ ኡኔ?

25 ሽን ኑን በኤናዋ ደማና ጊደ፡ ናሽቻን ናጎ፡ ሄዋ ዳንዳይደ ናጊቶ።

26 ሀዋዳን ቃይ ጌሻ እያናይ ኑ ዳቡራ ማዳናው ዬ፤ እያው ጎፕ፡ ኑን ጳጳሩ ዋት ዋሳናው በሰንቶ ኡርኮ፤ ሽን ጌሻ እያናይ ባረ ሁጳው ቃላን ቆንጫናው ዳንዳየተና ኡልያን ኑው ጋናቴ።

27 ቃይ አሳ ዋዛና ብድያ ጳጳሪ፡ ጌሻ እያናይ እ ኮይያዋዳን፡ ጳጳሩ ናቶ ጋናትያ ድራው፡ ጌሻ እያና ቆፋይ እየንቶ ኤራ።

28 ጳጳሪ ባረና ሲቆያዋንቶ፡ ባረ ቆፋዳን ጴሴዳዋንቶ፡ ኡባ የወዋ ሎኦተላው ኡልያዋ ኑን ኤራቶ።

29 ጳጳሪ ባረ ናእይ ጮራ እሻቱዋ ግደን ባይራ ግድናዳን፡ እ ካስ ኤራዳዋንታ ቃይ ባረ ናኣ ማላታናዳን፡ ካሰቲደ ቆፋ ቃቹዳ።

30 ጳጳሪ ካሰቲደ ቆፕዳዋንታ፡ ኡንቱንታ ቃይ ጴሴዳ፤ ሄ ጴሴዳዋንታካ ጌሼዳ፤ ሄ ጌሼዳዋንታካ ቃይ ቦንቹዳ።

8 ጳጳሩ ሲቆዋ

31 ያትና፡ ኑን ሀዋ ኡባ ዋጋኔ? ጳጳሪ ኑ ባጋ ግደፕ፡ ኑና ኡን ኤቆታናዊ?

32 እ ሀራይ አቶ ባረ ናኣካ ዋይያፕ ጉየ አሽቢና፤ ሽን እ ኑው ኡባው አሊደ እም አጌዳ። እ ባረ ናኣ እሜዳዌ ቃይ ኑው ኡባባ ጮ አመኔ?

33 ጳጳሪ ደራዳዋንታ ኡኔ ሞታናዊ? ጳጳሪ ባረ ሁጳው ኡንቱንታ ጽልሴዳ።

34 ያትና፡ ኡንቱንቱ ቦላ ፕርዳናው ዳንዳይያዊ ኡኔ? ሄዋ ጎፕ፡ ሀይቁዋፕ ደንዳይ፡ ጳጳፕ ኡሽቻ ባጋና ኡቴዳ፡ ክርስቶስ የሱሳ፤ እ ቃይ ኑው ጋናቴ።

35 ሰም ኑና ክርስቶስ ሲቆዋፕ ሻካናዊ ኡኔ? ዋዬ ዋይ መቱ ዋይ የደርሱ ዋይ ኮሻይ ዋይ ካሉ ዋይ ያሻይ ዋይ ኦላይ ኑና ሻካኔ?

36 ጳጳሩ ማጻፋይ፡ “ኑን ነ ድራው፡ ኡባ ጋላስ ሀይቁቶ፤ ሹካው እፍያ ደርሳዳን ፓይደቴቶ” ያጌ።

37 ሽን ኑን ኑና ሲቆዳ እን ሀ የወዋ ኡባን ኑና ጳጳሪዋንቱፕ እጴቶ።

38-39 እያው ጎፕ፡ ሀይቁዋ ግድና፡ ደኡዋ፡ ኪታንቻቱዋ ግድና፡ ሞድያዋንታ፡ ሀእ ደጋያዋንታ ግድና፡ ስንጻፕ ያናዋ፡ ዋልቃማቱዋ ግድና፡ ቦላ ሳሉዋ ግድና፡ ጋርሳ ሳኣ፡ አይ መጋታ ግድናካ፡ ኑ ጎዳ ክርስቶሳ የሱሳን ደጋያ ጳጳሩ ሲቆዋፕ ኑና ሻካናው ዳንዳየናዋ ታን ኤራድ።

### 9

ጳጳሪ ካስ ደራዳ አሰራኤልያ አሳ

1 ታን ቱሙዋ ሃሳያይ፤ ታን ክርስቶሳሳ፤ ቃይ ዋርድቲከ። ጌሻ እያናይ ሞድያ ታ ትላ ዋዛናይ ታን ዋርድተናዋ ታው ማርካቴ።

2-3 ታው አሹዋን ዛረ ግድያ ታናዳን እማንያዋንቶ፡ ታ ዋዛናን ዳር ቃረታይን እገና ቆፋይ ደኤ። እያው ጎፕ፡ ታን ታ ሁጳው ኡንቱንቱ ድራው፡ ጳጳሩ ሽቃፕ ጋርሳና ደኣርክታሻ! ቃይ ክርስቶሳፕካ ሻክታርክታሻ!

4 ኡንቱንቱ አሰራኤልያ አሳቱዋ፤ ጳጳሪ ኡንቱንታ ባረ ናና ኡሊደ፡ ባረ ቦንቹዋ ኡንቱንቱና ሻኬዳ። ኡንቱንቱና ቃላ ገሊደ፡ ሀግያ ኡንቱንቶ እሜዳ። ኡንቱንቱ ጳሳው በሰያ ኦግያን ጎይኒና፤ ቃይ ጳጳሪ እማና ጌዳዋካ እኬድና።

5 ኡንቱንቱ ዘርሳን ካስ አዋቱዋ ዛረ፤ ቃይ ክርስቶሰካ አሹዋን ኡንቱንቱ ዛረ። እ፡ ኡባፕ ቦላ ግዲደ ሞድያ፡ መድናው ጋላተቴዳዌ ጳጳሩ። አመንእ።

6 ሽን ታን፡ “ጳጳሪ እማና ጌዳዌ አታና” ያግከ። እያው ጎፕ፡ አሰራኤልያ አሳ ኡባቱ ጳጳሪ ደራዳዋንታ ግድክና።

7 ቃይ አብራሃመ ዘርሳቱ ኡባቱ ጳጳሩ ናና ግድክና። ጳጳሪ አብራሃሞ፡ “ነ ዘርሳይ ይሳቃ ባጋና ጴሰታናዋ” ያጌዳ።

8 ሄዋ ጉሳይ ኡንቱንቱ ጳጳሪ እማና ጌዳ ኦግያን የለቴዳ ናናይ ዛርያዳን ፓይደታና፤ ሽን አሳ ቆፋዳን የለቴዳዋንቱ ጳጳሩ ናና ግድክና ጉሳ።

9 እያው ጎፕ፡ ጳጳሪ እማና ጊደ ሃሳዬዳዌ ሀዋ፤ “ታን ሀ ጌተቴዳዋዳን ሄ ዋደ ያና፤ ሳራካ አቴማ ናኣ የላና” ያጌዳ።

10 ሄዋ ጸላላካ ግደና፤ እርቢቃ የሌዳ ማንተ ናና አው እቱዋ፤ እካ ኑ አውዋ ይሳቃ።

11-12 ሽን እት ናኣ ደራዳ ጸሳይ ባረ ሁጸው ቆፒዳዋ ግደናዳን፤ ጸሳይ እርቢቅወ። “ባይራይ ቱፋው አዛዘታና” ያጌዳ፤ እ ሄዋ ኡንቱንቱ የለታና፤ ሊታባ ዋይ ሎኦባ እይነ አላና፤ ፕሳና ጌዳ። ሄዋ ድራው፤ ጸሳ ደሩ እ ጸሴዳዋዳን፤ እትን፤ ኡንቱንቱ ኦሌዳዋና ግደና።

13 ጸሳ ማጻፋይ፤ “ያቆባ ሲቃድ፤ ሽን ኤሳ እጸድ” ያጌ።

14 ያትና፤ ኑን ዋጋኔ? ጸሳይ ደሽሲደ ፕሮዳ? ሄዋ ግደና።

15 እያው ጎፕ፤ ሙሴው እ፤ “ታን ማራናው ኮይያዋንታ ማራና፤ ቃይ ቃሪታናው ኮይያዋንቶካ ቃሪታና” ያጌዳ።

16 ሰም ጸሳይ አሳ ማርያዌ እ ማራናው ኮይያ ድራሳ፤ እትን፤ አሳይ ኮይያ ያይ ኦልያ ድራሳ ግደና።

17 እያው ጎፕ፤ ጸሳ ማጻፋይ ግብጾ ካትያው፤ “ታን ታ ዋልቃ ኔናን በሳናውን ታ ሰንሳይ አላምያ ኡባን ኦደታናው፤ ሄዋ ታን ኔና ካውላድ” ያጌ።

18 ሰም ጸሳይ ማራና ኮይያዋ ማራ፤ ቃይ ዋዛና ጎርዳና ኮይያዋ ዋዛና ጎርዳ።

ጸሳ ሀንቁዋን ማርታ  
19 ሰም ሀንተ ታና፤ “ሄዌ ቱማ ግደፕ፤ ጸሳይ አሳ ባይዘ እያው ቶሽ? ጸሳይ ጌዳዋ እጸድ ጋናዌ ኦኔ?” ያጋናው ዳንዳዪታ።

20 ሽን ታ ላገው፤ ጸሳው ዛራናው ኔን ኦኔ? ኡርቃፕ መፍቱዳ ማሻይ ጉየ ዛሪደ ባረና መጺዳዋ፤ “ታና ሀዋዳን እያው መቆዳ?” ጌደ ኦቻናው ዳንዳዪ?

21 ዋይ ኡርቃ መጽያዌ ባረ መጽያ ኡርቃ ባረ ኮይያዋዳን ኦላናውን እት ማላ ኡርቃፕ እቱዋ ቦንቾ ማሻ ኦሊደ፤ ቃይ እቱዋ ቶሽቱዳ ኦሎዋ ኦልያ ማሻ ኦሊደ መቆዳው እው ማት ባዌ?

22 ጸሳይ ኦሌዳዌ ሀዋና እቱዋ። እ ባረ ሀንቁዋ በሳናውን ባረ ዋልቃ ኡርሳናው ኮይዳ፤ እ ባረ ሀንቁዋን ፕሮዳናዋንታ፤ ባይዛናው ገግ ኡቱዳዋንታ፤ ዳር ገንጨዋን ዳንዳዪዳ።

23 ቃይ እ ማራዳዋንቶ፤ ባረ ቦንቹዋ አካናው ገግሰ ማራዳዋንቶ እ እይ ከና ቦንቹትንቶን በሳናው ኮይዳ።

24 ኑን እ ጸሴዳዋንታ፤ ሽን እይሁዳ አሳ ጸላላፕ ግደናን፤ እይሁዳ ግደና አሳ ግደፕካ ጸሴዳ።

25 ሆሰእ ማጻፋን እ ግያዌ ሀዋ፤ “ታ አሳ ግደናዋንታ፤

ታ አሳ፤ ጋይ ጸሳና። ታን ሲቃቤና ዛርያካ፤

ታ ሲቃቶ፤ ጋይ ጸሳና። 26 ህንተንቱ ታ አሳ ግድክታ፤ ግያዋ፤ ኡንቱንቱ ሰሴዳ ሄ ሳን፤

ኡንቱንቱ፤ ‘ደኡዋ ጸሳ ናና’ ጌተቲደ ጸሴታናዋንታ”

ያጌ። 27 እሰያሰ እሰራኤልያ አሳባ ያጌደ ሃሳዬዳ፤ “እሰራኤልያ አሳይ አባ ማታን

ደእያ ሻፍያ ከና ግደፕካ፤ ኡንቱንቱ፤ አማራዳዋንቱ ጸላላይ እታና።

28 እያው ጎፕ፤ ጎዳይ ሳኦ ቦላን ደእያ አሳ ኡባ ቦላ፤ ኡላካ ፕርዳና”

ያጌዳ። 29 እሰያሰ ካሰቲደ፤

“ኡባፕ ዋልቃማ ጎዳይ፤ ኑው አማራዳ ዘረላ አሽንቶ፤ ኑን፤ ሶዶማ ካታማዳን፤

ጋዋራ ካታማዳን ሀኔዶሽን” ያግ ሃሳዬዳ።

30 ያትና፤ ኑን ዋጋኔ? ጽሎተላ ኮይቤና አይሁዳ ግደና አሳይ አማኑዋን ጽሌዳ፤

31 ሽን እሰራኤልያ አሳይ ባረንታ ጽልሰያ ሀግያ ኮይዳዋንቱ ሄ ሀግያ ደምበይክና።

32-33 እያው ደምበይክና? ኡንቱንቱ ኦሎዋና፤ እትን፤ አማኑዋን ጽሎተላ ኮይቤና ድራሳ፤ ኡንቱንቱ ጸሳ ማጻፋይ፤

“ኡከክተ፤ ታን ጽዮንን አሳ ቆቢያ ሹቻ፤ ኡንቱንቱ ኦግያን ዛላ ዋላና።

ሽን እን አማንያ ኦን፤ ዬላተና” ያጌደ ጸፊቶዋዳን ቆቢያ ሹቻን ቆብቲድና።

### 10

እሰራኤልያ አሳይ ጸሳ ኦግያ ካልቤና

1 ታናዳን አማንያዋንቶ፤ ታን እሰራኤልያ አሳው ታ ኩሙንላ ዋዛፕ አዋትያዌን ጸሳ ዋሰያዌ ኡንቱንቱ ኡታናሳ፤

2 እያው ጎፕ፤ ኡንቱንቱ ጸሳው ኦላናው ሎይሳ ኮይያዋ ታን ማርካታይ፤ ሽን ኡንቱንቱ ጸሳው ኦላናው ሎይሳ ኮይያ ኮሻይ ቱሙ ኡራተሳፕ ግደና።

3 እያው ጎፕ፤ ጸሳይ አሳ ጽልሰያ ኦግያ ኡንቱንቱ ኡሪናን፤ ባረንቱ ሁጸ ጽሎተላ ኡሳናው ኮይድና፤ ቃይ ባረንቱ ሁጸው ጸሳይ አሳ ጽልሰያ ንገው ኡኖ ግብይክና።

4 እያው ጎፕ፤ አማኔዳ ኡባይ ጽላናዳን፤ ክርሰቶሰ ሀግያ ቆፋ ፖሌዳ።

አቶተላይ ኡባሳ

5 አሳይ ሀገው አዛዘቲደ ጽልያባው ሙሴ፤ “ሀጌ አዛዘያዋ ኦልያ ኦን፤ ሄ ሀግያን ፓጸ ደእና” ያግ ጸፊዳ፤

6 ሽን አማኑዋን ጽልያባው ጌተቲዳዌ ሀዋ፤ “ሳ ዋዛናን፤ ኡን ሳሎዋ ዌደ ባኔ?” ጎፕ። ሄዌ ክርሰቶሳ ዳን ዋላናሳ፤

7 ዋይ ‘ዲገ ሳኦ ጋርሳ ዋቆዳዌ ኦኔ?’ ጎፕ። ሄዌ ክርሰቶሳ ሀይቆዋ፤ ደንላናሳ።

8 ሸን እ ግያዌ ሀዋ፤ «ጸሳ ቃላይ ነ ማታና፤ ነ ዶናን ነ ዋዛናን ደኤ» ጌተቱዳ” ያጌ። ሄዌካ ኩን ሀንተንቶ ኦድያ አማኑዋ ቃላ።

9 ኔን፤ “የሱሰ ጎዳ” ገደ ነ ዶናን ማርካቶ፤ ቃይ ጸሳይ ሀይቁጥፕ አ ደንሴዳዋ ነ ዋዛናን አማኑ፤ ኔን አታና።

10 እያወ ጎፕ፤ አሳይ ባረ ዋዛናን አማኒደ ጽሌ፤ ባረ ዶናንካ ማርካቱደ አቴ።

11 ጸሳ ማጻፋይ፤ “እን አማንያ ኦንነ ዬላተና” ያጌ።

12 አይሁዳ አሳነ አይሁዳ ግደና አሳ ግደን ዲማተላይ ባዋ። እት ጸሳይ ኡባ ጎዳ፤ እ ባረና ጸሴያ ኡባቶ ዳር ኬካ።

13 እያወ ጎፕ፤ ጸሳ ማጻፋይ፤ “ጎዳ ሱንሳ ጸሴያ ኦንነ አታና” ያጌ።

14 ያትና፤ ኡንቱንቱ አ አማንቤናዋንታ ግደፕ፤ ዋት አ ጸሳናወ ዳንዳዪና? ቃይ ቃላ ሰሰቤናዋንቱ ዋን አማናናወ ዳንዳዪና? ቃላ ኦድያዌ ቆፕ፤ ኡንቱንቱ ዋን ሰሳናወ ዳንዳዪና?

15 ቃይ ቃላ ኦድያዋንቱ ከተተናን አጎፕ፤ ኦሱ ዋት ኦደታናወ ዳንዳዪና? እያወ ጎፕ፤ ጸሳ ማጻፋይ፤ “ናሽቶያ ምሽራቹዋ ኦድያዋንቱ ዩሳይ ዋት ሎእ።” ያጌ።

16 ሸን ኡንቱንቱ ኡባይ ዋንጋላወ አዛዘትብይክና፤ እያወ ጎፕ አሰያሰ፤ “ታ ጎዳወ፤ ኩን ማርካቱዳዋ ኦን አማኔዳ?” ያጌዳ።

17 ሰዎ አሳይ ቃላ ሰሰደ አማኔ፤ ቃይ እት ኡራይ ክርሰቶሳ ቃላ፤ ኦድና ሰሴ።

18 ሸን ኡንቱንቱ ቃላ ሰሰቤናዌ ቱሜ ገደ ታን ኦቻይ። ቱማ ኡንቱንቱ ሰሴድና፤ ጸሳ ማጻፋይ፤

“ኡንቱንቱ ሃሳያ ኮሻይ ሳእ ኡባን ላለቱዳ፤ ኡንቱንቱ ቃላይካ ሳእ ጋጸ ጋኬዳ” ያጌዳ።

19 ሸን እሰራኤልያ አሳቱ ኤርቤይክናዬ ገደ ታን ኦቻይ። ሙሴ ካሰ፤

“ታን ሀንተንታ አሳ ግደና አሳቱዋን ሴልሳና፤ ቃይ ኤያ አሳቱዋን ታን ሀንተንታ ሀንቀሰሳና” ያጌዳ።

20 ቃይ እሰያሰ ዳር ጸሊደ፤ “ታና ኮይቤናዋንቶ ቤታድ፤

ታና ኦቻቤናዋንቶካ ቆንጫድ” ያጌ።

21 ሸን እሰራኤላቱዋባ እ ሃሳዪደ፤ “ጋላሳ ኡባ አዛዘተናዋንቶን

ታዋ እጽያዋንቶ ታ ኩሽያ ምጫድ” ያጌ።

1 ያትና፤ ጸሳይ ባረ አሳ እጾደ ገደ ኦቻ? ሄዋ ግደና፤ እያወ ጎፕ፤ ታን ታ ሀ-ጸዉ እሰራኤልያ አሳ፤ አብራሃሙዎ ዛረ፤ ቢንያማ ያራ።

2 ጸሳይ ኮይሮ ደሬዳ ባረ አሳቱዋ እጸና፤ ጸሳ ማጻፋይ፤ ኤላሳ ታርክያ ግደን፤ ኤላሰ እሰራኤላቱዋ ጸሳ ሰንሳን ዋት ሞትንቶ፤ ሀንተ ኤሪታ።

3 “ጎዳወ፤ ኡንቱንቱ ሄ ሱንሳን ናባቱዋ ዎጴድና፤ ነ ያርሽያ ሳካ ኮሌድና። ያትና፤ ታን ታ ጸላላይ አታድ። ቃይ ኡንቱንቱ ታናካ ዋቆናወ ኮዪና” ያጌዳ።

4 ጸሳይ አወ ዋግ ዛሬዳ? “ታን ኤቃ ባአላወ ጉልባትቤና ላፑ ሻእ አሳ ታወ አሻድ” ያጌዳ።

5 ሀዋዳንካ ቃይ ሀ ዎድያን፤ ጸሳይ ባረ እጾ ኬካተላን ደሬዳ አማራዳ አሳቱ ደኢና።

6 ሸን እ ባረ እጾ ኬካተላን ደሬዳፕ አትን፤ ኡንቱንቱ ኦሱዋን ኡንቱንታ ደርቤና፤ ሄዋ ቆፕ፤ አ እጾ ኬካተላይ ቱሙ እጾ ኬካተላ ግደና።

7 ያትና፤ እዬ? እሰራኤልያ አሳቱ ባረንቱ ኮይያዋ ደምቦይክና፤ ሸን ጸሳይ ደሬዳ አማራዳዋንቱ ደሜድና። የኮንቱ ዋዛናይ ምኔዳ።

8 ሀዋዳንካ፤ ጸሳ ማጻፋይ፤ “ጸሳይ ኡንቱንቱ ባረንቱ እይፍያን ቤኤናዳን ሰሰናዳን፤ ሀዋ ጋካናወ ኡንቱንቶ፤ አዛላ እያና አሜዳ” ያጌዳ።

9 ቃይ ዳዊተ ያጌዳ፤ “ኡንቱንቱ ምያ ገይታይ ኡንቱንታ ጸርያዳን ኦይቆ፤

ኡንቱንታ ጉፋንላ፤ ኡንቱንቶ ኩሽያ ሸር ጭኅ።”

10 ኡንቱንቱ ጸለናዳን፤ ኡንቱንቱ እይፊ ጎዘቶ፤

ኡባ ዋደ ባረንቱ ሙቱዋን ቁኒደ ደኢና” ያጌዳ።

11 ያትና፤ አይሁዳቱ ቆብቱዳ ዋደ፤ ደንደናዳን ኩንዴድና? ሄዋ ግደና፤ ኡንቱንቱ ናጋራ ኦጼዳ ድራወ፤ አቶተላይ ኡንቱንቱ አይሁዳ ግደና አሳቱዋ ቃናታናዳን፤ አይሁዳ ግደና አሳወ ዬዳ።

12 ሸን አይሁዳቱ ናጋራ ኦጼዳ ድራወ፤ አላመዉ ዳር አንጁ ዬዳ፤ ቃይ ኡንቱንቱ ኩንደላይካ አይሁዳ ግደና አሳወ ዳር አንጁዋ አሄዳ። ያትና፤ አይሁዳቱ ኡባይ ጉጀትያ ዋደ፤ አንጁ ዋይሳ ኬና ዳራንዴሻ!

አይሁዳ ግደና አሳይ አታና አቶተላ

13 ሸን ታን ሀእ ሀንተንቶ፤ አይሁዳ ግደና አሳወ ሃሳያይ፤ ታን አይሁዳ ግደና አሳወ የሱሰ ከቱዳዋ ግድያ ድራወ፤ ታ ኦሱዋ ቦንቻና።

# 11

ጸሳይ እሰራኤልያ አሳ ዉርሰ ኦልቤና

10:11 አላ. 28:16 10:13 እዪ. 2:32 10:15 አላ. 52:7 10:16 አላ. 53:1 10:18 ማዚ. 19:4  
10:19 ዛረ. 32:21 10:20 አላ. 65:1 10:21 አላ. 65:2 11:3 1 ካታ. 19:10፣ 14 11:4 1 ካታ. 19:18 11:8 ዛረ. 29:4፣ እላ. 29:10 11:9 ማዚ. 69:22-23

14 ታን ታ ዛረ ግድያ አሳቱዎ ቃናታንቻቱዎ አሉ። ኦን ኤር ኤንቱንቱ፣ አማራዳዎንታ አሸናግ አግከ።

15 እያወ ጎፕ፣ ጸሳይ ኤንቱንታ እጹዳ ዎደ፣ ሀ አላሚ ጸሳና ሰገቱዳ። ያትና ጸሳይ ኤንቱንታ ሺሽ አክያ ዎደ፣ ሀይቁዳዌ ደኤዎ ደማና፣ ለትን፣ እዬ ሀናኔ?

16 ኮይሮ እይፈ ባጋ ሙናቃይ አንጀቱዳዎ ግደ፣ ሙሙ ሙናቃይካ ቃይ አንጀቱዳዎ ግዳና፣ እት ሞላ ጸጹ አንጀቱዳዎ ግደ፣ ሀይሳይ ኡባይካ ቃይ አንጀቱዳዎ ግዳና።

17 ሽን ዎራን ደሌዳ ዎጋራ ሞላ ቃንካፕ እቱዎ እቱዎ ካራዳሳን፣ ኔና ዎራን ደሌዳ ዎጋራ ሞላ ማላ ሄ ዎጋራና ጋሐ ቃቹደ፣ ኔን ቃይ ዛይቲ ከሰያ ዎጋራ ሞላ ጸጹዎና እት፣ ደኤ።

18 ሰም ኔን ሄ ካረት ዎዴዳ ቃንካቱዎ ቦላን ኦቶረታናዉ በሰና፣ ሽን ኔን ኦቶረትያዎ ግደ፣ ጸጹ ኔና ቶኬፕ እትን፣ ኔን ጸጹዎ ቶከናዎ እኬካ።

19 ሄዎ ድራዉ ኔን፣ “ኤ፣ ሽን ቃንካቱ ታን ኤንቱንቱ ሳኦን ገላናዳን ካረቲድና” ያጋና።

20 ሄዎ ቱማ፣ ኤንቱንቱ አማንቤና ድራዉ፣ ካረቲድና፣ ኔን አማኔዳ ድራዉ፣ ሄ ሳኦን ኤቃዳ። ሽን ያያ፣ እትን፣ ኦቶሮ ቆፋ ቆፖ፣

21 እያወ ጎፕ፣ ጸሳይ መጋታ ቃንካ ማላትያዎንቶ፣ እይሁዳቶ ቃረትቤናዎ ግደ፣ ነዉ ቃረትያዎ ማላቲ?

22 ሰም ጸሳ ኬካተላን ጸላተላ በእ። ኩንዴዳዎንቶ እ ጸላ፣ ሽን ኔን እ ኬካተላን ሞናደ ደኤ፣ እ ነዉ ኬካ፣ ሄዌ ጸፍ፣ ኔንካ ቃይ ቃንጸታና።

23 እይሁዳቱካ ቃይ አማንናን እጸያዎ አጎ፣ ጸሳይ ካሰ ኤንቱንቱ ደእያ ሳን ዛሪደ ዎላና፣ እያወ ጎፕ፣ እ ኤንቱንታ ዛሪደ ዎላናዉ ዳንዳዴ።

24 እያወ ጎፕ፣ ጸሳይ ሀንተንታ ዎራን ደእያ ኮይሮ መጋታ ዎጋራ ሞላ፣ ቃንጸደ፣ ሀንተንቱ መጋታን ዎራን ደሎዎንቱዳን ግደናን ገደን ቶኬዳ ዎጋራ ሞላና ጋሐ ኦይሌዳዎ ግደ፣ ያትና፣ ሄ ካረት ዎዴዳ ኮይሮ መጋታ ቃንካቱዎ ዛረሊደ፣ ኤንቱንታ ኮይሮ መጋታን ደሌዳ ባረንቱ ዎጋራ ሞላና ጋሐ ቃቻናዉ፣ እ እዬ ጸናናዌ?

ጸሳ ማርታይ ኡባሳ

25 ታናዳን አማንያዎንቶ፣ ታን ሀንተ ኡራናዳን ኮይያ ቱሙ ጸራ የዉ ደኤ፣ ሄዌ ሀንተ ሀንተንታ ሀንተረካ፣ ኩን እዴዳ ኤራንቻ ያገደ ቆፕያዎ ድጌ፣ እሰራኤልያ አሳፕ ባጋይ ሰሰናን እጹዳ፣ ሽን ሄ ሰሰናን እጸያዌ እይሁዳ ግደና አሳ ኩሙንላ ፓይዱ ጸሳኮ ጋካናዉ ጋምእና።

26 ሀዎዳንካ፣ እሰራኤልያ አሳይ ኡባይ አታና፣ ጸሳ ማጸፋይ ሀዎዳን ያጌ፣ “አሸያዌ ጸዮን ጌተቻ ካታማፕ ዪደ።

ናጋራ ኡሱዎ ኡባ ያቆባ ዛርያፕ ድጋና።

27 ታን ኤንቱንቱ ናጋራ አቶ ያግያ ዎደ፣ ኤንቱንቱና ገላና ቃላ ጫቁ ሀዎ”

ያጌ።

28 እይሁዳ ግደና አሳቶ፣ እይሁዳቱ ዎንጋላ ሞሽራቹዎ ባጋና ሀንተ ድራዉ፣ ጸሳና ሞርከ፣ ሽን ጸሳ ደራዎ ባጋና አዎቱዎ ድራዉ፣ ኤንቱንቱ እ ሲቆያዎንታ።

29 እያወ ጎፕ፣ ጸሳይ ባረ እሚዳዎ ጉዮ አከና፣ ቃይ ባረ ጸሴዳዎ እጸድ ጌና።

30 እይሁዳ ግደናዎንቶ፣ ጸሳዉ ሀንተ ካሰና አዛዘትቤክታ፣ ሽን እይሁዳቱ አዛዘተናን እጹዳ ድራዉ፣ ጸሳ ማርተላ ሀእ ሀንተ ኤኬድ።

31 ሀዎዳን፣ ሀንተ እኬዳ ማርተላ ድራዉ፣ እይሁዳቱ ቃይ ጸሳ ማርተላ ሀእ አካናዳን፣ ጸሳዉ አዛዘተናን እጹድና።

32 እያወ ጎፕ፣ ጸሳይ አሳ ኡባ ማራና ማላ፣ አሳይ ኡባይ እዉ አዛዘተናን እጸያ ሀናታን ቃቹዳ።

33 ጸሳ ዱረተላይ ዎይሳ ኬና ዳራ? እ እጹ ኤራተላይን እ ኤራተላይ ዎይሳ ኬና ጨማ? እ ፕሮዳ አዳናዌ ኦኔ? እ ባረ ኦልያዎ እያወ ኦልንቶ፣ ኦኔ እኬክያዌ?

34 ሄዎ ጸሳ ማጸፋይ፣ “ጎዳ ዎዛና ኤርያዌ ኦኔ? እ ዞራናዉ ዳንዳይያዌ ኦኔ?

35 ዎይ ባረ ኩሽያ ዞራና ማላ፣ እዉ እትባ እሚዳዌ ደኤ?” ያጌ።

36 እያወ ጎፕ፣ ኡባባ እ መዴዳ፣ ቃይ ኡባባይካ እ ማታን ከዉን ደኤ፣ ጸሳዉ መድናዉ ቦንቹ ግደ። እመንእ።

## 12

ጸሳዉ ኦላናዳን ኩን ዋጊደ ደእናዉ በሲ?

1 ሰም ታናዳን አማንያዎንቶ፣ ሀንተ ሀንተ ኦናተላ ጸሳ ናሽቶያ ደኤን ጌሽ ያርሹዎ አሊደ፣ ጸሳዉ ሽሻናዳን፣ ታን ሀንተንታ ጸሳ ማርተላን ዎሳይ፣ ጸሳዉ ሀንተ ጎይናዉ በሰያ ቱሙ ኦጊ ሄዎ።

2 ጸሳይ ሀንተ ቆፋ ኡባና ዲማዪደ፣ ሀንተንታ ላዎፕ እትን፣ ሀ አላምያ አሳ ማላቶፕተ። ሄ ዎደ ሀንተ፣ ጸሳ ሽኒ፣ ሎኦባይ፣ እ ናሽቶያባይን ቃይ ፖሎ ግዴዳባይ እየንቶ ኤራንታ።

3 ጸሳይ ታዉ እሚዳ እጹ ኬካተላን ታን ሀንተንቶ ኦዳይ። ሀንተንቱ ቆፓናዉ በሰያዎፕ አሊደ፣ ኦቶራዎን ቆፖ፣ ሄዎ አገደ፣ ዎዛናዎ አሳዳን ቆፕተ፣ ጸሳይ ሀንተንቶ ሀጺያን ሀጺያን እሚዳ አማኑዎ ኬናን ሀንተ ቦላ ፕሮድተ።

4 ኑ እት ቦላ ግደና፣ ጮራ ቦላ ቆሞቱ ደኤና፣ ሄ ቆሞቱዎ ኡባዉካ ዲማ ዲማ ኡሱ ደኤ።

5 ሀዎዳን፣ ኩን ጮራ አሳ ግደ፣ ክርሰቶሳ ባጋና እት አሳ። ቃይ ኩን እት አሳተላ ቆሞቱዎዳን፣ እቱ እቱዎና ኦይቀት ኡቱደ።



6 ጸሳይ ኑዉ እማዳ እጅ ኬካተላን ዲማ ዲማ እምታይ ደኤ። ኑ እምታይ ናበተላ ግደ። ኑዉ ደእያ እማኑዋ ኬና ኦዳናዉ በሴ።

7 ሀራቱዋ ማዳሳ ግደ። ሄ ኦሱዋን ምናናዉ በሴ፤ ታማርሱሳ ግደ። ሄ ታማርሱዋን ምናናዉ በሴ።

8 ሀራ አሳቱዋ ምንሱሳ ግደ። ሄ ኦሱዋን ምናናዉ በሴ። ባረ ሁጳዉ ደእያባፕ ሀራቶ እምያ ኦንነ ዋዛናፕ እሞ። ማታይ ደእያ ኡራይ ምንሱ ኦላናዉ በሴ፤ ሀራቶ ኬክያ ኡራይ ናሽቻን ኬካናዉ በሴ።

9 ህንተንቱ ሲቁ አሳ በሳናዉ ሲቀትያዋ ግዳናዉ በሰና። ኢታባ እጽተ፤ ሎኦባ ምንሱ ደ ደይቀተ።

10 እቱ እቱዋና እሻቱዋዳን ሲቀትተ፤ እቱ እቱዋ ቦንቻያዋን ናሽትተ።

11 ምኒደ አሳተ፤ አዛሎፕተ፤ ህንተ ኩሙንላ ዋዛናፕ ጎዳዉ አሳተ።\*

12 ጸሳይ ህንተንቶ እማና ጌዳዋን ናሽትተ፤ ዋይያን ገንጭተ። ኡባ ዋይ ጸሳ ዋሰተ፤

13 ጸሳ አሳቱዋ ኩሽያባን ማድተ፤ እምላ ሞክተ።

14 ህንተንታ የደርሰያዋንታ እንጅተ፤ ኡንቱንታ እንጅተ፤ አትን። ሽቆፕተ።

15 ናሽትያዋንቱና ናሽትተ፤ ዩክያዋንቱናካ ዩክተ።

16 አሳ ኡባዉ እት ማላ ቆፋ ቆፕተ፤ ኦልያባን ኡባን ህንተንታ ቶቺደ ደእተ። ፊ አትን። ኦቶረቶተ፤ ህንተንታ ህንተረካ እጅ ኤራንቻ ጊደ ቆፕተ።

17 ኦንነ ህንተንቶ ኢታባ ኦላ። ሄ ኡራዉ ኢታባ አላ ዛርፕተ፤ አሳ ኡባዉ ሎኦባ ኦላናዉ ቆፕተ።

18 አሳ ኡባና ሳርተላን ደእናዉ። ህንተ ባጋና። ህንተንቶ ዳንዳየቲዳባ ኡባ አሳተ።

19 ታናዳን እማንያዋንቶ። ህንተ ህንተ ሁጳዉ አሳዉ ሁሉዋ ከሱፕተ። ጸሳይ ሁሉዋ ከሳናዳን። አ ቦላ አላተ። እያዉ ጎፕ። ጸሳ ማጻፋይ።

“ጎዳይ። ታን ሁሉዋ ከሳና፤ ታን ኩሽያ ጭጋና ጌ”

ያጌ።  
20 ሸን ጸሳ ማጻፋይ።

“ሳ ሞርኪ ከሻቶ። ምዛ። ሳሙቶ። ኡሻ።

እያዉ ጎፕ። ኔን ሄዋ ኦልያዋን። አ ዳርሳ ዩላያሳ”

ያጌ።  
21 ኢታባ ሎኦባን ጻናፕ አትን። ኢታባይ ኔና ጻና።

ጋድያ አይሰያዋ ደእናዉ ዳንዳየና። ሀእ ደእያ አይሰያዋንቱካ ጸሳይ ዋሌዳዋንታ።

2 ሄዋ ድራዉ። ሀእ ደእያ አይሰያዋንታ እጽያ ኦንነ ጸሳ አዛዙዋ እጹ፤ ባረ ቦላ ፕርዳ እሄ።

3 እያዉ ጎፕ። አይሰያዋንቱ ኢታባ ኦልያዋንታ ያሻናዋፕ አትን። ሎኦባ ኦልያዋንታ ያሽክና። አይሰያዋ ያየናን አጋናዉ ኮያይ? ያቶፕ ሎኦባ ኦላ፤ አ ኔና ጋላታና።

4 እያዉ ጎፕ። አ ኔዉ ሎኦባ ኦላናዉ። ጸሳዉ ቆማ። ሸን ኔን ኢታባ ኦላ። ኢታባ ኦሌዳዋ አ ሴርያ ድራዉ። አዉ ያያ፤ አ ጸሳ ቆማ። ቃይ ኢታባ ኦልያዋንቱ ቦላ ጸሳ ሀንቁዋ አ እሄ።

5 ሄዋ ድራዉ። ጋድያ አይሰያዋንቶ ኤኖ ግያዌ ጸሳ ሙራ ጸላላሳ ግደናን። ህንተንቱ ዋዛና ቆፋ ድራዉካ ኤኖ ጋናዉ በሴ።

6 እያዉ ጎፕ። ጋድያ አይሰያዋንቱ ባረንቱ ኦሱዋ ኦልያ ዋይ። ጸሳዉ ኦልያ ድራዉ። ህንተ ቃራጸ ቃንጽያዌ ሄዋሳ።

7 ኡባ ከሳዉካ በሰያዋ እምተ። ጊራ ጊራናዉ በሰያዋ ጊርተ፤ ቃራጸ ቃንጽናዉ በሰያዋ ቃንጽተ፤ ያያናዉ በሰያዋ ያይተ፤ ቦንቹ በሰያዋ ቦንቹተ።

እቱ እቱዋና ሲቀትተ

8 ህንተንቱ እቱ እቱዋና ሲቀታናፕ አትን። ሀራ አጩ ኦ ቦላንነ ደኦ። እያዉ ጎፕ። ሀራ ሲቅያ ኦንነ ህጊ ግያዋ ፖሌዳ።

9 “ዋሹዋፕ፤ ዋጹ፤ ወእፕ፤ አሳባ እሞቶፕ” ግያ አዛዛቱን ሀራ አዛዛቱ ኡባቱ። “ሳ ሾሩዋ ነ ሁጲያዳን ሲቃ” ግያ አዛዙዋን ኩሚና።

10 ባረ ሾሩዋ ሲቅያ ኦንነ አዉ ኢታባ አፍ፤ ሄዋ ድራዉ። ሾሩዋ ሲቅያዌ ህግያ ኡባዉ ኤኖ ግያዋ።

11 ገምእሹዋፕ ህንተ ቤጎትያ ሳቲ ሀእ ጋኬዳ ድራዉ። ሀ ዋድያ እኬክተ። እያዉ ጎፕ። ኑን ኮይሮ እማኔዳ ዋድያ። ኑን አትያ ዋዲ ሀእ ኑኮ ማታቲዳ።

12 ቃሚዉ አጻናዉ ሀኔ፤ ጋላሳይ ማታቲዳ። ሰም ኑን ጴማ ኦሱዋ አጊደ። ፖኡዋን አለታናዉ። ኦላ ሚሻ ማኖይተ፤

13 ጋላሰ ፖኡዋን ደእያ አሳዳን። አነ ማራ ደኦይተ። የሳንነ ማሉዋን ግደፖ፤ ዋሹሙሳንነ ዋሹማናዉ ካጄሉሳና ግደፖ፤ ፓሉማንነ ቃናትያን ግደፖ።

14 ሸን ጎዳ የሱሰ ክርሰቶሳ። ኦላ ሚሻ አ ማይተ፤ ህንተ ናጋራንቻ አሳተላይ ባረ ዋዛና አሙዋ ፖላናዳን። አዉ ቆፖፕተ።

13

ጋድያ አይሰያዋንቶ ኤኖ ጋናዉ በሴ  
1 አሳይ ኡባይ ጋድያ አይሰያዋንቶ ኤኖ ጋናዉ በሴ፤ እያዉ ጎፕ። ጸሳይ ጌናን ደእሸን።

14

አሳ ቦላ ፕርደናን አጉሳ  
1 እማኑዋን አዛልያ ኡራ ሸሽ አክተ። ሸን አ ባረ ሁጳዉ ቆፕያባን አናና ፓሉሙቶፕተ።

\* 12:11 ኩሙንላ ዋዛናፕ ጎዳዉ አሳተ። ጌሻ እያናን ካለሰቲደ ከተትያዋንታ ግድተ። † 12:16 ህንተንታ ቶቺደ ደኦተ። እሸከ ግድተ ጉሳ። 12:16 ለም. 3:7 12:19 ዛረ. 32:35 12:20 ለም. 25:21-22 13:9 ከሳ 20:13-15፣ 17፣ ዛረ. 5:17-19፣ 21፣ ዋጋ 19:18

2 እት ኡራ አማኑ እ እያ ሚና ና ድገና። ሽን አማኑዋን አዛልያ ኡራይ ጋደን ሞኬዳባ ጸላላ ሜ።

3 ኡባባ ምያ ኡራይ ኡባባ ሜና ኡራ ካጵፖ፤ ኡባባ ሜና ኡራይካ ኡባባ ምያ ኡራ ቦላ ፕርዶፖ። እያው ጎጥ፣ ጸላይ እ ሺሽ እኬዳ።

4 ሀራ አሳ ቆማ ቦላ ፕርዶያዌ ኔን ኦኔ? እ ኩንድና ወይ ደንድና ባረ ጎዳጎ፤ ሽን ጎዳይ እ ደንጎናው ደንዳይያ ድራው፣ እ ኤቃና።

5 እት ኡራይ፣ “ሀቃ ጋላሳይ ሀራ ጋላሳቱዋጥ አዴ” ያጊደ ቆፕያ ወደ፣ ሀራይ፣ “ኡባ ጋላሳቱካ እት ማላ” ጊደ ቆፕ። አሳይ ኡባይ ሁጲያን ሁጲያን ሄዋዳን እያው ቆፕንቶ እኬኮ።

6 እት ጋላሳ ሀራ ጋላሳቱዋጥ አሊደ ቦንቶያ ኡራይ ጎዳ ቦንቶ ቦንቶ፤ ቆማ ምያ ኡራይካ ጎዳ ቦንቶ ሜ። እያው ጎጥ፣ እ ሄ ቆማ ድራው፣ ጸላ ጋላቱ። ቆማ ሜናዌካ ጎዳ ቦንቶ ሜናን እኬዳ፤ ቃይ ጸላ ጋላቱ።

7 እያው ጎጥ፣ ኑጥ ኦን ባረ ሁጲ ጸላላው ደኢና፤ ቃይ ኦን ባረ ሁጲ ጸላላው ሀይቀና።

8 ኑን ፓጾ ደአጥ፣ ጎዳው ደኤቶ፤ ቃይ ሀይቆጥካ፣ ጎዳው ሀይቆቶ። ስም ኑን ፓጾ ደአጥ ወይ ሀይቆጥካ ጎዳሳ።

9 ሄዋ ድራው፣ ክርስቶስ ፓጾ ደእያዋንቶን ሀይቆዳዋንቶ ጎዳ ግዳናው ሀይቆደ፣ ሀይቆዋጥ ደንዴዳ።

10 ያትና፣ ኔን ነ እሻ ቦላ እያው ፕርዳይ? ወይ ኔን ነ እሻ እያው ካጳይ? ኑን ኡባይካ ጸላ ፕርዳ ኦይድያ ስንጎን ኤቃና።

11 እያው ጎጥ፣ ጸላ ማጻፋይ፣

“ ናጎ ጎዳይ ታ ደኡዋን ጫቃይ፤ አሳይ ኡባይ ታ ስንጎን ጉልባታና።

ቃይ ታን ጸላ ግድያዋ፣ አሳይ ኡባይ ማርካታና፣ ያጋይ”

ያጌ።

12 ስም ኑን ሁጲያን ሁጲያን ኑባ ጸላው ኦዳና።

ናጋራ ኦሶ ጋሱዋ ግድፓ

13 ሄዋ ድራው፣ ኑን እቱ እቱዋ ቦላ ፕርዶያዋ ሀዋጥ ስንጎው እነ አሳይተ። ሽን ኡባጥ አሊደ፣ ሀንተ እሻ ጭቢያባ ወይ ናጋራን ኦልያባ ኦጋናዳን ቆፋ ቃቶተ።

14 ታን ጎዳ የሱስ ክርስቶሳና ደእያዋን፣ ባረ ሁጲው ቱና ግድያባይ ባይናዋ ኡራይን እከካይ። ሽን እት ኡራይ እትባ ቱና ጊደ ቆፖጥ፣ ሄዌ አው ቱና ግዴ።

15 ኔን ምያባ ድራው፣ ነ እሻ ቆፕጥ፣ ስም ኔን ሰቁዋን ደአካ። ክርስቶስ አ ድራው ሀይቆዳ አሳ ነ ምያ ቆማን ባይዘፓ።

16 ስም ኔን ሎኦባ ግያዋ አሳይ ካጵፖ።

17 እያው ጎጥ፣ ጸላ ካውተሳይ ጌሻ እያናይ እምያ ጽሎተላ፣ ሳርተላን ናሽቻ ግድያዋጥ አትን፣ ሙሳን ኡሻ ግድና።

18 እያው ጎጥ፣ ክርስቶሳው ሀዋዳን ኦልያ ኡራይ ኦን ጸላ ናሽቹ፤ አሳይካ እ ጋላቱ።

19 ያቶጥ፣ እነ ኑን ሳርተላ እህያባን ኑና እቱዋ እቱዋና ምንሰያባ ኡባ ኮዬቶ።

20 ጸላ ኦሱዋ ቆማ ድራው ባይዘፓ። ቆማይ ኡባይ ጌሻ፤ ሽን ሀራ ኡራ ናጋራን የግያዋ ሙሳይ ኢጎ።

21 ሄዋ እሹዋ ሜናን ወይ ኡሻ ኡሸናን አግያዌ ወይ ነ እሻ ጭቢያባ እያን ኦጋናን አግያዌ ሎአ።

22 ሀ የወዋን ነ አማኑዋ ኔጥን ጸላጥ ግዳዋን ናጋ። እት ኡራይ ሎአ ጊደ እ አማኑቲዳዋ ኦልያ ወደ፣ “ታን ሎኡዋ ኦላድ” ጊደ ባረ ዋዛናን አማኑቶጥ፣ ሄ ኡራይ ቱሙ አንጀቲዳዋ።

23 ሽን እ ሄ ምያባን ስጶአጥ፣ እ ሙሳይ አማኑዋና ግድና ድራው፣ ጸላይ እ ቦላ ፕርዳ፤ ቃይ አማኑ ባይናን ኦልዳዌ እያይኔካ ናጋራ።

### 15

አሳ ናሽቻናው በሰያ ኦግያ

1 ኑን አማኑዋን ምኔዳዋንቱ ዳቡራንቻቱዋ ቶኩዋ ቶካናው በሰይ፤ ኑን ኑ ጸላላ ናሽቻናው በሰና።

2 ኑን ሁጲያን ሁጲያን ኑ እሻ ማዳናው፣ አማኑዋን እ ምንሳናውን ናሽቻናው በሰይ።

3 እያው ጎጥ፣ ሀራይ አቶ ክርስቶሰካ ባረና ናሽቹቤና። ሽን ጸላ ማጻፋይ፣ “ኔና ቦራዳዋንቱ ቦራዳ ቦራ ታ ቦላ ዋጴዳ” ጌዳዋዳን ሀኔዳ።

4 ጸላ ማጻፋይ ኑው እምያ ገንጫን ምናታን ኑን ደማና ጊደ ናሽቻን ናግ ኡቲዳዌ ደአና ማላ፣ ጸላ ማጻፋን ጸፈቲዳ ኡባባይ ኑና ታማርሳናው ጸፈቲዳ።

5-6 ህንተንቱ ኡባይ እት ዋዛና ግዲደ፣ እት ቃላን ጸላ፣ ኑ ጎዳ የሱስ ክርስቶሳ አወዋ፣ ቦንቻና ማላ፣ ገንጨዋን ምናተላ እምያ ጸላይ፣ ህንተንቱ ክርስቶስ የሱስ ኦልዳዋዳን፣ እቱ እቱዋና እትጥ ደእያ እት ቆፋ እሞ።

ጳውሎሳ ኦሱዋን አማኑና አሳው ጋኬዳ ምሽራቹዋ ቃላ

7 ሄዋ ድራው፣ ክርስቶሰ ህንተንታ ሞኬዳዋዳን፣ ጸላ ቦንቻ እቱ እቱዋ ሞክተ።

8-9 እያው ጎጥ፣ ጸላይ አማኑቲዳዋ ግድያዋ ኡርሳናው፣ ጸላይ እሞቶ አማና ጌዳዋ ቱማያናውን አይሁዳ ግድና አሳይ ጸላ አ ማርተላ ድራው ቦንቻናው ክርስቶስ አይሁዳቶ ቆማ ግዴዳዋ ህንተንቶ ኦዳይ። ሄዋ ጸላ ማጻፋይ፣

“ሄዋ ድራው፣ ታን ኔና፣ አይሁዳ ግድና አሳ ግድን ጋላታና፤ ነ ስንጎን ሳባና”

ያጌ።

10 ቃይካ፣

“አይሁዳ ግድና አሳቶ፣ ጸላ አሳቱዋና ናሽቶተ”

ያገጩ።

11 ቃይካ ጉጂደ፡

“ህንተንቶ፡ አይሁዳ ግደና አሳቶ ኡባቶ፡

ጎዳ ጋላትተ፤ አሳው ኡባው፡ አ ጋላትተ”

ያገጩ።

12 ቃይካ እስያስ፡

“አሰይ ዘረሳይ ዪደ፡

አይሁዳ ግደና አሳ ሞዳናው ደንዳና።

ቃይ ኡንቱንቱ አ ባገና ደማና ጊደ፡ ናሽቻን ናገና”

ያገጩ።

13 ህንተንቱ አካና ጊደ ናሽቻን ናገያዋ ጌሻ እያና ዋልቃን ድጫናዳን፡ ህንተንቶ አማና ጌዳ ጸሳይ፡ ህንተ አ አማንያ ድራው፡ ህንተንቶ ናሽቻን ሳርተላ ኩንፊደ አዎ።

ጳውሎስ ጸሊደ ጸፊዳ ጋሱዋ

14 ታናዳን አማንያዎንቶ፡ ህንተንቱን ሎተላይን ኡራተላይ ኡባይ ኩሜዳዋን ቃይ እቱ እቱዋ ዘራናው ዳንዳይያዋ ታን ታ ሁጸው ኡራድ።

15-16 ሸን ታን ህንተንታ እትባ እትባ ጉጃ ቆፍሳናው፡ ሀ ዳብዳቢያ ግደን እይነ ያየናን ህንተንቶ ጸፋድ። ታን ክርስቶሳ የሱሳ ቆማ ግዳደ፡ አይሁዳ ግደና አሳው ኦላናዳን፡ ጸሳይ ታው እጾ ኬክተላ አሜዳ ድራው፡ ታን እይነ ያያበይከ፤ አይሁዳ ግደና አሳይ ጌሻ እያና ባገና ጸሳው ጌሻ ግዳደ፡ አ ናሽቻን ያርሹዋ ግዳናዳን፡ ጸሳ ዎንጋላ ሞሽራቹዋ ኦድያዎን ጌሻተላን ኦላይ።

17 ሄዋ ድራው፡ ታን ክርስቶሳ የሱሳን ግዳደ ጸሳው አልያባን ጨቀታናው ዳንዳይያይ።

18-19 አይሁዳ ግደና አሳይ ጸሳው አዛዘታናዳን፡ ክርስቶስ ታ ባገና ቃላን፡ ኦሱዋን፡ ማላን፡ ማላታ ዋልቃን ጌሻ እያና ዋልቃን ኦሌዳዋ ጸላላ ታን ኦዳናፕ አትን፡ ሀራባ ኦዳናው ጸልክ። ሄዋ ድራው፡ የራሳላመፕ ደማደ፡ አልዋርቆና ጌተትያ ጋድያ ጋካናው ዩያደ፡ ክርስቶሳ ዎንጋላ ሞሽራቹዋ ወርሳ ኦዳድ።

20 ሀዋዳንካ፡ ታን ሀራ አሳይ ደማዳዋ ቦላን ደመናዳን፡ ክርስቶሳ ሱንሳይ ጸሰትቤናሳን ዎንጋላ ሞሽራቹዋ ኦዳናው አዎታድ።

21 ሸን ጸሳ ማጸፋይ፡ “አባይ ሀዋ ጋካናው ኦደትቤናዋንቱ አ በአናዋንታ፤

ቃይ እባ ሰሰቤናዋንቱ አኬካናዋንታ”

ያገጩ።

ጳውሎስ ሮመ ባናው ቆፔዳ

22 ሄዋ ድራው፡ ታን ጮራ ዋደ ህንተንቱኮ ያናው ኮያይ፤ ሸን ያናው ዳንዳይያበይከ።

23 ሸን ታን ሀእ ሀ ሄራን ታ ኦሱዋ ወርሴዳ ድራውን ጮራ ላይላፕ ደማደ ህንተንታ ባደ በአናው ላዋቱዳ ድራው

24 ሀእካ ህንተንቱኮ ባና ጋደ ቆፓይ፤ ታን እሰፔን ጌተትያ ጋድያ ባደ ህንተንታ በአናው ኮያይ፤ ቃይ አማሬዳ ዋድያ ህንተንታ በእደ ናሽቶዋፕ ጉይያን፡ እሰፔን ቢሸን፡ ህንተ ታና ማዳና ማላ ኮያይ።

25 ሸን ሀእ ታን ጸሳ አሳቱዋ ማዳናው፡ የራሳላመባይ።

26 እያው ጎፕ፡ ማቅዶንያን አካይያ ጌተትያ ጋድያን ደእያ ዋሳ ጎላ አሳቱ የራሳላመን ደእያ ሀይሳቶ ማሻ አማናው ኮይድ።

27 ኡንቱንቱ ባረንቱ ሁጸው ሀዋ ኦላናው ቆፋ ቃቼድ። ኡንቱንቱ ሄ ሀይሳቱዋ ማዳናዋ ኡንቱንቶ አጩ ደኤ፤ እያው ጎፕ፡ አይሁዳቱ ባረንቱ እያና እንጂዋ አይሁዳ ግደና አሳቱዋና ሻኪዳዋ ግደፕ፡ አይሁዳ ግደና አሳቱካ ቃይ ባረንቶ ደኤዳባን አይሁዳቱዋ ማዳናው በሴ።

28 ሄዋ ድራው፡ ታን ሀ ኦሱዋ ወርሴዳዋፕ ጉይያንን ኡንቱንቶ ሸቄዳ ማሻ ኡባ አሜዳዋፕ ጉይያን፡ እሰፔን ባደ ህንተ ማታና አፋና።

29 ታን ህንተንቱኮ ብያ ዋደ፡ ክርስቶሳ አንጂ ታናን ኩምና ባናዋ ኡራይ።

30 ታናዳን አማንያዎንቶ፡ ታው ጸሳ ህንተ ዋሲደ፡ ዋሳን ህንተ ታናና ሞናዳን፡ ጎዳ የሱስ ክርስቶሳ ባገናን ጌሻ እያናይ አምያ ሲቆተላን ታን ህንተንታ ዋሳይ።

31 ታን ይሁዳን ደእያ አማናዋንቱፕ አታናዳንን ቃይ ታን የራሳላመን አልያ ኦሱ ያን ደእያ ጸሳ አሳቱዋ ናሽቻያዋ ግዳናዳን፡ ጸሳ ዋሰተ።

32 ቃይ ጸሳይ ጎፕ፡ ታን ህንተንቱኮ ናሽቻን ባደ፡ ህንተ ማታን ሸምፓና።

33 ሳርተላ ጸሳይ ህንተንቱና ኡባና ግደ። አመንእ።

# 16

ሳርታ

1 ክንክርያ ጌተትያ ካታማን ደእያ አማንያ አሳና አልያ ኑ ሞቻታ ፔባ ሎኦ ማጫ አሳ ግድያዋ ታን ህንተንታ ኤርሳይ።

2 ህንተንቱ እዘ ጌሻቱ ጎዳ ሱንሳን ሞክያዋዳን ሞክተ፤ ቃይ እዘ ህንተንቱፕ ኮይያዋ እያ ግደፕካ፡ እዘ አሳ ማዳው፤ ቃይ ታና ታ ሁጸውካ ዳርሳ ማዳው።

3 ክርስቶሳ የሱሳ ኦሱዋ ታናና እትፕ አልያ ጵርስቄልወን እዝ አሰና አቄላሰ ታ ሳርቶዋ ኦድተ።

4 ኡንቱንቱ ታ ሸምፕዋ ድራው፡ ባረንቱ ሸምፕዋ እል አሜድ። ኡንቱንታ ታ ጸላላ ግደናን፡ አይሁዳ ግደና አሳ አማንያ አሳይ ኡባይካ ጋላቱ።

5 ቃይ ኡንቱንቱ ጎልያ አማንያ አሳይ ሸቅያሳ አልደ ጋክትያ አሳ ኡባ ሳር ጌተ። ኢሰያ ጋድያን ክርስቶሳ ኮይሮ አማኔዳ ታ ሲቅያ ኤፓንቶሳው፡ ታ ሳርቶዋ ኦድተ።

6 ህንተንቶ ሎይላ ዳቡሬዳ ማይራዎ ሳርትተ።

7 ታናና ቃሾ ጎለን ደኤዳ ታ ዳቦ ግዴዳ አይሁዳቱዋ፣ እንድርንቆሳን ዩንያሳ ሳርትተ። የሱስ ኪቱዳዋንቱ ግድን ኤንቱንቱ ሎይላ ኤረቱዳዋንታ። ቃይ ኤንቱንቱ ክርስቶሳ ታፕ ካሰና አማኔድኖ።

8 ጎዳና እትፕተላን ደእያ ታ ሲቆ ላገያ አምፕልያቶሳዉ ታ ሳርቶዎ አድተ።

9 ክርስቶሳ ኦሱዋ ኑናና እትፕ ኦሳያ ኡርባናሳን ታን ሲቆያ እስጸኩሳ ሳርትተ።

10 ክርስቶሳና እ ደእያዋ ኤረትና ፓጭያ ጸኔዳ አጸለሳዉ ታ ሳርቶዎ አድተ፤ እርስጸብሎሳ ሰይ እሳዉካ ታ ሳርቶዎ አድተ።

11 ታ ዳቦ ግዴዳ አይሁዳዊያ ሄርድኖናን ክርስቶሳ አማንያ ናርሲሰሳ ሰይ እሳ ሳርትተ።

12 ጎዳ ኦሱዋን ዳቡርያ ትሩፋይናን ትሩፎሶ ጌተትያ ማጫዋንታ ሳርትተ፤ ቃይ ጎዳዉ ዳር ዳቡራደ ኦሳያ ሲቆያ ፐርሲሶ ሳርትተ።

13 ጎዳ ኦሱዋን ሎይላ ኤረቱዳ ሩፎሳየዉን ታና ባረ ናኡዳን ማዴዳ እ ዳይዉ ታ ሳርቶዎ አድተ።

14 ታ ሳርቶዎ አሰንክሪቶሳዉ፣ ፕሌጎናዉ፣ ሄርሜሳዉ፣ ፓትሮባሳዉን ኤንቱንቱና ደእያ አማንያ እሻቱዋ ኡባዉ አድተ።

15 ፕሌጎና፣ ዩሎ፣ ኔርያ፣ አ ሞቻቶ፣ ኦሎምፖሳን ኤንቱንቱና ደእያ ጸሳ አሳቱዋ ኡባ ሳርትተ።

16 ጌሻ አሳዉ በሰያ የረታ የረቲደ፣ እቱ እቱዋ ሳርትተ፤ ክርስቶሳን አማንያዋንቱ ኡባቱ ህንተንታ ሳር ያጌድኖ።

**ወርሰላ ዘርያ**

17 ታናዳን አማንያዋንቶ፣ አሳ ግድን ሻኩተላ መድያዋንታ፣ አሳ አማኖ ጴቦ ግድያዋንታን ህንተ ታማሬዳ ትምርትያና ጋከተናዋ ታማርሲያዋንታ ከከካናዳን፣ ታን ህንተንታ ዋሳይ። ኤንቱንቱኮ ሺቆፕተ።

18 አያዉ ጎፕ፣ ሄዋ ማላባ ኦሳያዋንቱ ባረንቱ ኡሎ ኦሳኖፕ አትን፣ ኑ ጎዳ የሱስ ክርስቶሳዉ ኦሳክኖ፤ ባረንቱ ላብያ ሃሳያንን ቅድያን ኢታባ ቆፕና አሳ ዋዛና ባለሊኖ።

19 ዋንጋላዉ ህንተ አዛዘቱዳዋ አሳይ ኡባይ ሰሴዳ። ሄዋ ድራዉ፣ ታን ህንተባን ናሽታይ፤ ሽን ሎኦተላዉ ህንተ አዴዳ ኤራንቻ ግዳናዳንን ቃይ ኢታባዉ አሽከ ግዳናዳን ኮያይ።

20 ሳርተላ ጸሳይ ሴጻና ህንተ ገድያፕ ጋርሳና ሃከና ማታ ዋደ ጋጫና።

ኑ ጎዳ የሱስ ክርስቶሳ አጼ ኬካተላይ ህንተንቱና ግድ።

21 ታናና ኦሳያ ጽሞቶስ ህንተንታ ሳር ያጌ፤ ቃይ ሀዋዳንካ፣ ታ ዳባቱ ሉቅዮስ፣ ያሶንን ሶሲጸጽርሰ ህንተንታ ሳር ያጌኖ።

22 ታን፣ ጸርጽኖስ፣ ሀ ዳብዳቢያ ጸፌዳዊ፣ ህንተንቶ ጎዳ ሱንላን ሳርታ ኪታይ።

23 አማንያ አሳይ ኡባይ አ ሰይን ሸቅያ ታ ሲራ ጋኖስ ህንተንታ ሳር ያጌ፤ ካታማ

ሚሻ ኦይቂያ ኤራስጸስን ኑ እሻይ ቁዋርጸሰ ህንተንታ ሳር ያጌኖ።

24 ኑ ጎዳ የሱስ ክርስቶሳ አጼ ኬካተላይ ህንተንቱና ኡባና ግድ። አመንእ።

25 ኑን ጸሳ ጋላቱቶ። ታን ዋንጋላ ባጋና የሱስ ክርስቶሳሳ ኦዴዳዋዳንን ዳር ዋድያፕ ጌሚደ፣ ሀእ ቆንጨዳ ቱማተላዳን፣ ህንተ አማኑዋን ህንተንታ ጸሳይ ሞንሳናዉ ዳንዳይ።

26 ሸን ሀእ ናባቱ ጸፌዳዋ ባጋና ቱማተላይ ቆንጭያን ኤረታናዳን ኦሌዳ፤ ቃይ አሳ ኡባይ ጸሳ አማኒደ አዛዘታናዳን፣ መድና ጸሳ አዛዘዋን፣ ሀ አላምያን ደእያ አሳ ዘረላ ኡባዉ ቆንጨዳ።

27 አዴዳ ኤራተላይ አ ጸላላዉ ደእያ እት ጸሳዉ የሱስ ክርስቶሳ ባጋና መድናዉ ቦንቼ ግድ። አመንእ።

# ጳውሎስ ቆሮንቶሳ አሳው ጻፈዱ ኮይሮ ኪታ ገሉዋ

ጳውሎስ ቆሮንቶሳ አሳው ጻፈዱ ኮይሮ ኪታይ፡ ጳውሎስ ቆሮንቶሳ ካታማን ደእያ አማኝያዎንቱ ግደን ክርስትና ደኡዋን አማኝያዎ ይልያባን ደንዴዳ መቱዋ ጳይሳናው ቆፒደ ጻፈደዋ። ሄ ዋይ ቆሮንቶሳ ካታማይ ሄ ጋይን ደእያ አሳይ ጎኔትያ ኤሪቴዳ ግሪክ ካታማ። ሄዋ ቦላካ ቃይ አካይያ ጌተትያ ሮማ ካውተላው ሁጳ ካታማ። ሀ ካታማይ ዋልቃማ ዘልእያን፡ ጋምኢደ ምኔዳ ዋጋን፡ ሎይል አክ አክ ብያ የዳ ደኡዋን ዋይ ገገናባ ሀንያዋን ሀይማኖትያ ጮራተላን ኤሪቴዳዋ።

የሱስ ኪቴዳዊ ምንሲደ ኦይናው ኮዬዳዊ፡ ሄ አማኝያዎንቱ ግደን ደእያ ሻኮተሳባን የዳ ደኡዋባ፡ ዋሹማባን ገሉዋ አካባ፡ ዋሳ ጎለ ዋጋባ፡ ጌሻ እያና እሞታቱዋባ ሀይቁዋ ደንዲዋባ። የሱስ ኪቴዳዊ ሀ ምሽራቹዋ ቃላ ሀ እሻቱዋ ቦላ ምንሲደ ኦይናዋ ናጊደ ሺሹ።

ሲቁ ጳሳይ ባረ አሳው እሜዳ እሞታ ኡባፒ አድያዎ ግድያዎ እድያ ሸምፑዋ ታማን ሄዙ፡ ሀ ማጻፋን ዳሮ ኤሪቴዳዋ ጌተቲደ ቆፈቲ።

## ሸምፓቱዋ ኡባቶ እመቴዳ ቃንሳ ቆፋቱዋ

ገሉዋ 1:1-9

አማኝያዎንቱ ግደን ደንዴዳ ሻኮተላ

1:10—4:21

የዳ ደኡዋባን ሶይ አሳ ደኡዋባ 5:1—

7:40

አማኝያዎንታን ክርስትና አማኝያ

አክቤናዎንታ 8:1—11:1

አማኝያዎንቱ ደኡዋን ጎሽታ ዋጋ 11:2—

14:40

ክርስቶስ ሀይቁዋ ጸን ደንደዋን

አማኝያዎንቱ ደንዲዋባ 15:1-58

ይሁዳን ደእያ መቶታንቻቶ እመቴዳ

ማዲዋባ 16:1-4

ወርሰላ ቁትያ 16:5-24

1 ታን፡ ጳሳ ሸንያን የሱስ ክርስቶስ

ኪቴዳዋ ግዳናው ይስቴዳ ጳውሎስ፡ ኦ እሻ

ሶስተኒስ።

2 ቆሮንቶሳን ደእያ ጳሳ አማኝያ አሳቶ፡

የሱስ ክርስቶሳን ጌዬዳዎንቱስ፡ ኦው ጎዳ

ግድያ ኦ ጎዳ የሱስ ክርስቶሳ ሱንላ ኡባ ሳኒ

ዴሲያ ኡባቱዋና ጌሻ ግዳናው ይስቴዳዎንቶ

ሀ ዳብዳቤያ ጻፈቶ።

3 ጳሳይ፡ ኦ እዉን ኦ ጎዳይ የሱስ ክርስቶስ

ሀንተንቶ አዶ ኬካተላን ሳርተላ እሞ።

ጳሳ ጋላቲሳ

4 ጳሳይ ክርስቶሳ የሱሳ ባጋና ሀንተንቶ እሜዳ አዶ ኬካተላ ድራው፡ ታን ኡባ ዋይ ሀንተንቶ ጳሳ ጋላታይ።

5-6 ታን ክርስቶሳው ማርካትያዊ ሀንተንቱን ምኔዳ ድራው፡ ሀንተ ኡባባን፡ ሃሳያ ኡባን ኤሪተላ ኡባን፡ አን ዱሪቴድታ።

7 ሀዋዳን ሀንተ ኦ ጎዳ የሱስ ክርስቶሳ ዩሳ ናግሸን፡ እያና እሞታፒ ሀራይ አቶ እቱን ሀንተንቶ ፓጩና።

8 ቃይ ኦ ጎዳ የሱስ ክርስቶሳ ጋላሳን ሀንተ ካዴ ባይናዋንታ ግዳናዳን፡ ወርሰላይ ጋካናው እ ሀንተንታ ምንሳናዋ።

9 ባረ ናኢ ኦ ጎዳ የሱስ ክርስቶሳ እትፕተላው ሀንተንታ ዴሴዳ ጳሳይ አማኝቴዳዋ።

አማኝያ አሳ ግደን ሻኮተላይ መ□ቶፖ

10 ሸን ታናዳን አማኝያዎንቶ፡ እት ዋዛናንን እት ቆፋን እትፕ ግዳናፒ አትን፡ ሻኮተላይ ሀንተ ግደን ደኡና ማላ፡ ሀንተ ኡባይ እት ሃሳያ ሃሳያናዳን፡ ኦ ጎዳ የሱስ ክርስቶሳ ሱንላን ታን ሀንተንታ ዋሳይ።

11 አያው ጎፕ፡ ታናዳን አማኝያዎንቶ፡ ቃሎእ ሶይ አሳይ ሀንተንቱባ፡ ሀንተ ግደን ዋላሳይ ደእያዋ፡ ታው አዴድና።

12 ታን ግያዌ ሀዋ፤ ሀንተንቱ ሁጲያን ሁጲያን፡ “ታን ጳውሎሳዋ። ታን አጲሎሳዋ። ታን ኬፋዋ።” \* ታን ክርስቶሳዋ።” ያጊታ።

13 ክርስቶስ ሻኮቴዳ? ሀንተንቱ ድራው፡ ማስቃልያ ቦላ ምስማርያን ድሸቲደ ካቀቴዳዊ ጳውሎስ? ዋይ ሀንተ ጳውሎሳው ግዳናው ጸማቀቴድቴ?

14 ታን ቃርሰጳሳፒን ጋዮሳፒ አትን፡ ሀንተንቱፒ ኦናን ጸማቃቤና ድራው፡ ጳሳ ጋላታይ።

15 ሄዋ ድራው፡ አንን ሀንተንታ ታው ግዳናዳን ጸማቀቴድታ ጋናው ዳንዳየና።

16 ቃይ፡ ኤ፡ እስጾፋኖሳ ሶይ አሳካ ታን ጸማቃድ። ሸን ሀራ ፑጃደ ጸማቃድታንቶን ዋዛና አላከ።

17 አያው ጎፕ፡ ክርስቶስ ታና ምሽራቹዋ ቃላ ኦዳና ማላ ኪቴዳፒ አትን፡ ጸማቃና ማላ ከትቤና፤ ቃይ ክርስቶስ ማስቃልያ ቦላ ሀይቁዳዊ መላ ግድና ማላ፡ ታን አሳ አዴዳ ኤሪተላ ቃላን ታማርሰከ።

ክርስቶስ ጳሳ እዴዳ ኤራን ዋልቃ

18 አያው ጎፕ፡ ክርስቶስ ማስቃልያ ቦላ ሀይቁዳዊ እድያ ቃላይ ቆይያዎንቶ ኤያተላ። ሸን ኦው እትያዎንቶ ጳሳ ዋልቃ።

19 ጳሳ ማጻፋይ፡

“ታን ኤራንቻቱዋ እዴዳ ኤራተላ፡

ባይዛና፤

ቃይ አኬካንቻቱዋ አኬካካ ቆይሳና”

ያጌ።

20 እዴዳ ኤራንቻይ ሀቃን ደኢ? ሀግያ

ታማርሰያዊ ሀቃን ደኢ? ዋይ ሀ አሳዎያ

\* 1:12 ኬፋ፡ ሀዋ ግሪክ ሱንላ ግዳደ፡ ብለላይ ዛላ ግያዋ። ሀራ ጌሻ ማጻፋቱዋን ኬፋ ሱንላይ ጳጳርሳ። 1:19 ኢሳ. 29:14 1:20 እዮባ 12:17፤ ኢሳ. 19:12፤ 33:18፤ 44:25

ደናናው ፓሌመትያዎንቱ ዋናንድናሻ? ጸሳይ ሀ ሳእ እቶ ኤራተላይ ኤያተላ ግድያዎ በሴዳ!

21 እያው ጎጥ፡ አሳይ ባረ ሁጸ እቶ ኤራተላን ባረና ጸሳ ኤረና ማላ፡ ጸሳይ ባረ እቶ ኤራተላን ድጊደ፡ ኑን ኦድያ ኤያ ቃላን እማንያዎንታ አሻናው ቆፔዳ።

22 አይሁዳቱ ማላታ ኦቸና። ቃይ ግሪክ አሳቱ እቶ ኤራተላ ዎልቃማ ኮሻ ኮዪና።

23 ሸን ኑን ማሰቃልያ ቦላ ሞሰማርያን ፎቭቲደ ካቀቱዳ ክርሰቶሳ ባላ ኦዲቶ። ሄዌ አይሁዳቶ ጱቦ፤ ቃይ አይሁዳ ግድናዎንቶ ኤያተላ።

24 ሸን ጸሳይ ጸቤዳዎንቶ አይሁዳቶካ ግሪካቶካ ኑን ኦድያ ጸሳ ዎልቃይን ኦ እቶ ኤራተላይ ክርሰቶሳ።

25 እያው ጎጥ፡ ጸሳ ኤያተላይ አሳ እቶዳ ኤራተላጥ እቶ፤ ቃይ ኦ ላፋተላ ጌተትያዌካ አሳ ምናተላጥ ምኔ።

26 ሰሞ ታናዳን እማንያዎንቶ፡ ጸሳይ ሀንተንታ ጸብያ ዎደ ሀንተ ዎይሳ ማላ አሰንቶ ቆፕተ። አሳ ቆፋን ሀንተ ግደን እቶ ኤራንቻቱ፡ ዎልቃማቱን ቆቃ ሸሻቱ ዳራ ግድክና።

27 ሸን ጸሳይ እቶዳ ኤራንቻቱዎ ዬላያናው፡ አላምያን ደእያ ኤያቱዎ ደራዳ፤ ቃይ ምናቱዎ ዬላያናው፡ አላምያን ደእያ ላፋቱዎ ደራዳ።

28 ጸሳይ ሀ አላምያን ዎልቃማ ቢደ ቆፕያዎ ቆይሳናው፡ ሀ አላምያ ማደናባ ካብቶባን ሀንቤናባ ደራዳ።

29 ሄዎ ድራው፡ ኦንን ጸሳ ሰንላን ጨቀታናው በሰና።

30 ሸን ጸሳይ ሀንተንቶ ክርሰቶሰ የሱሳ ደኡዎ ኦላ እማዳ። ክርሰቶሰ ኑው እቶ ኤራተላ፡ ጽሎተላ፡ ጌሻተላን አቶተላ ግደዳ።

31 ሄዎ ድራው፡ ጸሳ ማጻፋይ፡

“ጨቀትያ ኡራይ ኦንን፡ ጎዳይ ኦሌዳዎን ጨቀቶ” ያጌ።

2

ኑን ክርሰቶሳ ካቃባ ማርካቱቶ

1 ታናዳን እማንያዎንቶ፡ ታን ጸሳ ቱማተላ ጸራ \* ሀንተንቶ ኦዳናው ሀንተንቱኮ ዬዳ ዎደ፡ ቆቃ ቃላንን እቶዳ ኤራተላን ኦዳናው ያበይከ።

2 እያው ጎጥ፡ ታን ሀንተንቱና ደእደ፡ የሱሰ ክርሰቶሳጥን ቃይ ማሰቃልያ ቦላ ሞሰማርያን ፎቭቲደ ኦ ካቀቱዳዎጥ አትን፡ ሀራባ ኤረናዳን፡ ታ ቆፋ ቃቻድ።

3 ታን ዳቡራንን ያሻን ዳሮ ኮኮርሳን ሀንተንቱና ደእድ።

1:31 እር. 9:24 \* 2:1 ጸሳ ቱማተላ ጸራ፡ እት እት 64:4 † 2:13 እያና የወዎ፡ ጌሻ እያና እማዳ ቃላ። ክርሰቶሰ ቆፕያዎን ቆፔቶ ጉሳ። 2:16 እሳ. 40:13

4 ታን ታማርሰያዎን ኦድያዎ ጸሳ እያናን ዎልቃን ቆንጭሳይጥ አትን፡ ጨማ ግዲደ እቶዳ ኤራተላ ቃላና ግደና።

5 ሄዎ ድራው፡ ሀንተ እማኑ ጸሳ ዎልቃናጥ አትን፡ አሳ እቶ ኤራተላን ዘምጥቤና።

ጸሳ እቶዳ ኤራ

6 ኑን እያናን ዎዛናማቱዎ ግደን እቶ ኤራተላ ሃሳዬቶ። ሸን ሄዌካ ሀ አላምያ እቶ ኤራተላ ግደና፤ ዎይ ሀ አላምያ ሞድያ ቆይያዎንቱ እቶ ኤራተላ ግደና።

7 ሸን ኑን ኦድያ እቶ ኤራተላይ፡ ጸሳይ ካሰቲደ፡ ጮራ ዎድያጥ ካሰ ኑ ቦንቾ ደራዳ አሳጥ ጌሜዳ ኦ ጸራ እቶ ኤራተላ።

8 ሀ አላምያ ሞድያዎንቱጥ ኦንን ሀ እቶ ኤራተላ ኤርቤና። ኦንቱንቱ ኤራዳዎ ግድንቶ፡ ቦንቾ ጎዳ ማሰቃልያ ቦላ ሞሰማርያን ፎቭደ ካቁክና።

9 ሸን ጸሳ ማጻፋይ፡ “ኦንን አይፍያን በእቤናዌ፡ ሀይላንካ ሰሰቤናዌ፡ ቃይ ኦንን ባረ ዎዛናን ቆፕቤናዌ

ጸሳይ ባረና ሰቆያዎንቶ ገግሴዳዎ” ግያዎዳን ኑን ሃሳዬቶ።

10 ጸሳይ ባረ ጸራ የወዎ ባረ እያናን ኑና ኤርቤዳ፤ እያው ጎጥ፡ ጌሻ እያናይ ጸሳባ ሀራይ አቶ ጌሜዳ የወዎ ኡባ ብዴ።

11 እያው ጎጥ፡ አሳን ደእያ አሳ እያናጥ አትን፡ አሳባ ኤርያዌ ኦኔ? ሀዎዳንካ፡ ቃይ ጸሳባ ጸሳ እያናጥ አትን፡ ኦንን ኤረና።

12 ኑን ጸሳይ ኑው እማዳባ ኡባ ኤራናው ኦ ኑው የዳዳ እያና ኦኤደጥ አትን፡ አላምያ እያና ኦክበይከ።

13 ኑን እያና የወዎ † እያና የወዎና ጋሊድ፡ ጌሻ እያናይ ኑና ታማርሴዳ ቃላን ሀዎ ሃሳዬቶጥ አትን፡ አሳ እቶ ኤራተላይ ኑና ታማርሴዳ ቃላን ሃሳዮኩ።

14 ሸን ጌሻ እያናይ ባይና አሳይ ጸሳ እያና የወዎ ኦክና፤ እያው ጎጥ፡ ሄዌ ኦው ኤያተላ። የወ ጌሻ እያናን ፓጨትያ ድራው፡ ኦ ኤራናው ዳንዳየና።

15 ሸን ጌሻ እያናይ ደእያ አሳይ ኡባባ ሻኬ፤ ሸን ኦ ባረ ሁጸው ኦናንን ሻከተና።

16 እያው ጎጥ፡ ጸሳ ማጻፋይ፡

“ጎዳ ዎዛና ኤርያዌ ኦኔ? ኦ ዘራናው ዳንዳይያዌ ኦኔ?” ያጌ። ሸን ኑው ክርሰቶሳ ዎዛናይ ደኤ። †

3

ጸሳ ካልያዎንቱ ኦሱዎ

1 ታናዳን እማንያዎንቶ፡ ታን ጌሻ እያናይ ደእያ አሳው ሃሳይያዎዳን፡ ሀንተንቶ ሃሳያናው ዳንዳየበይከ። ሸን ሀ አላምያ አሳው ሃሳይያዎዳንን እማኑዎን ምንቤና ክርሰቶሳን

ጌሻ ማጻፋ ብለላቱ፡ ጸሳባ ማርካተላ፡ ያጊና። 2:9 እሳ. † 2:16 ኑው ክርሰቶሳ ዎዛናይ ደኤ፡ ሀዎ ጉሳይ፡ ኦን

ደእያ ጉላ ናና ማላ አሳወ ሃሳይያዎዳን ሃሳያድ።

2 ህንተንቱ ብር ሞኖ ቁማ ማናወ ዳንዳይቤና ድራወ። ታን ህንተንታ ማላ ፓካድ፤ ሀራይ አቶ። ሀእካ ዳንዳይቤይክታ።

3 እያወ ጎፕ። ህንተ ሀእካ ሀ አላምያ አሳዳን ደእታ። ህንተንቱ ሀ አላምያ አሳ ግድያዎ ህንተ ግድን ደእያ ቃናቲን ፓሌማይ ኤርሰኔ? ቃይ ሀ አላምያ አሳዳን ሰመርቲታ።

4 እያወ ጎፕ። ህንተንቱ፣ አቶ። “ታን ጳውሎሳዎ” ጎፕ። ሀራይ ቃይ። “ታን አጲሎሳዎ” ጎፕ። ሀ አላምያ አሳ ማላ ግድክቱ?

5 ያትና። አጲሎሳ ኦኔ? ጳውሎሳ ኦኔ? ኑን ህንተንታ አማንሌዳ ጳሳ ካልያዎንታ። ጳሳይ ኑወ ሁጲያን ሁጲያን እሜዳ ኦሱዎ ኦሌቶ።

6 ታን ፑትያ ቶካድ፤ አጲሎሳ ሃላ ኡሼዳ፤ ሸን ጳሳይ ፑትያ ድቼዳ።

7 ሄዎ ድራወ። ድቻያ ጳሳ፣ አትን። ቶክያዎካ ሃላ ኡሸያዎካ እያን ግድና።

8 ቶክያዎካ ሃላ ኡሸያዎ ኦት ማላ፤ ሸን ጳሳይ ሁጲያን ሁጲያን አ ዳቡራ ኬና አወ ዎይታና።

9 ኑን ጳሳወ አት፣ አሳያ አ ኦሳንቻቱዎ ግድያ ድራወ። ህንተ አ ኦሱዎ ሳኦ።

ቃይካ ህንተ ጳሳ ጎልያ።

10 ጳሳይ ታወ እሜዳ አቶ ኬካተላን ኤራንቻ አናጽያዳን። ጎልያ ባሱዎ ባሳድ። ሀራ ኡራይ አ ቦላ ኬጾ። ሸን አ ቦላ ኬጾያ ኦንነ ዎት ኬጽንቶ። ባረ ሁጲወ ናገቶ።

11 እያወ ጎፕ። ጳሳይ የሱሰ ክርሰቶሳ ጸላላ ባሶ ኦሌዳ ዎሌዳ። አፕ ሀራ ባሱዎ ባሳናወ ኦንነ ዳንዳየና።

12 ሸን ሀ ባሱዎ ቦላ ኦንነ ዎርቃን ግድና። ብራን ግድና። አልኦ ሹቻን ግድና። ሞላን ግድና። ታን ዎይ ማቃን ኬጾ።

13 አሳ ኡባ ኦሱ ቆንጭያ ከሳናዎ። እያወ ጎፕ። ታማን ቆንጭና ድራወ። ሄ ገላሳይ አሳ ኡባ ኦሱዎ በሳና። አሳይ ኡባይ ባረ ኦሱዎ ዎት አሌደንቶን ታማይ ፓጫና።

14 ኦንነ ባሱዎ ቦላ ኬጾዳ ኦሱ ሞኒደ አቶ። አ ዎይታ አካናዎ።

15 ኦ ኦሱን ጉደቶ። ሄ ኡራይ ቆሄታና። አ ባረ ሁጲወ አታና፤ ሸን ታማ ግድፕ ከሰ አኮዋዳን አታና።

16 ህንተንቱ ጳሳይ አቅያ ጌሻ ጎልያ ግድያዎን ጳሳ እያናይ ህንተንቱን ደእያዎ ኤርክቲ?

17 ኦንነ ጳሳ ጌሻ ጎልያ ኮሎፕ። ጳሳይ አ ኮላና። እያወ ጎፕ። ጳሳይ አቅያ ጌሻ ጎሊ ጌሻ፤ ሄ ጌሻ ጎሊካ ህንተንታ።

18 ኦንነ ባረ ሁጲያ ጭሞ። ህንተንቱ፣ ኦንነ ባረና ሀ አላምያን አቶ ኤራንቻ ያጌደ ቆፖ። አቶ ኤራንቻ ግዳናወ። ኤያ ግድ።

19 እያወ ጎፕ። ሀ አላምያ አቶ ኤራተላይ ጳሳ ሰንላን ኤያተላ። ጳሳ ማጻፋይ። “ጳሳይ አቶ ኤራንቻቱዎ።

ኡንቱንታ ኡንቱንቱ ገንያን ኦይቁ”

ያጌ።  
20 ቃይ።

“አጲዳ ኤራንቻቱዎ ቆፋይካ። ማዲ ባይናዎ ግድያዎ ጎዳይ ኤራ”

ያጌ።  
21 ሄዎ ድራወ። ኦንነ አሳን ጨቀቶ። እያወ ጎፕ። ኡባባይካ ህንተዎ።

22 ጳውሎሳካ። አጲሎሳካ። ኬፋይካ። ሀ አላሚካ። ደኡካ። ሀይቁካ። ሀእ ደእያዎካ። ሰንላፕ ያናዎካ። ኡባይካ ህንተዎ።

23 ህንተንቱ ክርሰቶሳዎንታ፤ ክርሰቶሳካ ጳሳዎ።

### 4

ክርሰቶሳ ካልያዎንታ

1 አሳይ ኑና ክርሰቶሳወ ኦልያዎንቱዳንን ጳሳ ጎሊን ደእያ ጸራ ናገያ አሳዳን ቆፖ።

2 ያቲደ ሄ አሳቱ ባረንቱ ጎዳወ አማንቲዳዎንታ ግዲደ። ቤታናወ ኮሼ።

3 ሸን ህንተ ዎይ ሀራይ ሀራ ፕርደፕ። አይነ ግድና። ሀራይ አቶ። ታንካ ታ ሁጲያን ፕርደክ።

4 እያወ ጎፕ። ታን ታ ሁጲያን አያኔካ ኤርያባይ ባዎ፤ ሸን ታና ሄዎ ጸልሰና። ታና ፕርደያዎ ጎዳ።

5 ሄዎ ድራወ። ጎዳይ ጴማን ጌሜዳባ ፖኤዎ ከሰያዎ። ዎዛና ቆፋ ቆንጭሰያዎ ያና ዎዲ ጋካናወ ኦ ቦላንነ ኦናን ፕርደፕተ። ሄ ዎድ። አሳይ ኡባይ ሁጲያን ሁጲያን ጳሳፕ ሳባ ደማናዎ።

6 ታናዳን አማንያዎንቶ። ህንተንቱ፣ ኦንነ አቱ ታማርሰያዎ ሳቢደ። ሀራይ ታማርሰያዎ ቦረና ማላ። “ጳሳ ማጻፋን ጸፈቲዳዎ ቦንቻ” ያገያዎ ህንተ ኦናና ታማራና ማላ። ህንተ ድራወ። ታባነ አጲሎሳባ ሌምሱዎዳን ኦዳድ።

7 እያወ ጎፕ። ሀራቱዎ፣ ኑና ኦኔ ቶቁሴዳዎ? ኑን ጳሳ፣ አካቤናባይ ነወ አይ ደእያዎ? ያትና። ኑን አኡዳዎ ግድፕ። እያወ አካቤናዎዳን ጨቀታይ?

8 ሀእ ህንተ ካሌድታ። ሀእ ዲረቲድታ። ኑን ባይናን ህንተረካ ካወቲድታ። ኑንካ ህንተንቱና ካተታናዳን። ህንተ ካወቲድተንቶ ሎኦ ሸን።

9 እያወ ጎፕ። ታወ ማላትያዎዳን። ኑን ሀ ሳኦ። ከታንቻቶን አሳወ ካሳ ግዴዳ ድራወ። ጳሳይ ኑና የሱሰ ከቲዳዎንታ ሀይቆ ፕርደቲዳ አሳዳን። ኡባፕ ወርሰላ ኦሌዳ።

10 ኑን ክርሰቶሳ ድራወ ኤያ። ሸን ህንተ ክርሰቶሳን አጲዳ ኤራንቻ። ኑን ዳቡራንቻ። ሸን ህንተ ሞና። ህንተንቱ ቦንቲቲዳዎንታ። ሸን ኑን ቶሽቲዳዎንታ።

11 ሀ ዎዲ ጋካናወ። ኑን ኮሻቶ፤ ሳወቲቶ፤ ካሎቲቶ፤ ደሸቲቶ። ቃይ ደእያ ሳኦ ጳዬደ ዩዬቶ።

12 ኑን ኑ ኩሽያን ኦሊደ ዳቡራቶ። ኑና አሳይ ሸቂያ ዎደ። እንጂቶ። ኑና የደርሰ ዩይያ ዎደካ ዳንዳዬቶ።

13 ኑ ቦላ ኢታባ ሃሳይያ ዎደ። ኑን ሎኦ ቃላ ዛራቶ። ኑን ሀዋ ኃካናሰካ። ሀ ሳኦ ፕቱዋን ኡባባ ቡራ ግዴደ።

14 ታን ታ ሲቆያ ናናዳን። ሀንተንታ ሴራናወ ሀዋ ጻፋድፕ አትን። ዩላያናወ ጻፋቢይከ።

15 እያወ ጎፕ። ክርሰቶሳን ሀንተንታ ድኛያ ታሙ ሻኦ አሳይ ሀንተንቶ ደኦፕካ። ሀንተንቶ እት አወዋፕ ሀራይ ባዋ። እያወ ጎፕ። ታን ሞሽራቹዋ ቃላ ሀንተንቶ እሄዳዋዳን። ክርሰቶሳ የሱሳን ሀንተንቶ አወዋ ግዳድ።

16 ሰሞ ታናዳን ሀንተ ያጋደ ሀንተንታ ዎሳይ።

17 ሄዋ ድራወ። ጎዳን እማነቲዳ ታ ሲቆያ ታ ናኦ ጽሞቶሳ ሀንተንቱቦ ኪታድ። እ ኡባ ሳኦን ደእያ እማንያ አሳ ኡባወ ታን ታማርሲያ ክርሰቶሳ የሱሳን ደእያ ታ ኦግያ ሀንተንታ ሀሳይሳናዋ።

18 ታን ሀንተንታ በአናወ ሀንተንቱቦ ዬናባ ማላትና። ኦቶረትያ እት እት አሳቲ ደእኖ።

19 ሸን ጎዳይ ጎፕ። ታን ሀንተንቱቦ ኤላካ ባደ ሄ ኦቶረትያ አሳቶ ሃሳያ ግደናን። እንቱንቱ ዎልቃ ኤራና።

20 እያወ ጎፕ። ጸሳ ካወተላይ ጸሳ ዎልቃናፕ አትን። ሃሳያና ግደና።

21 ታን ሀንተንቱቦ ሙርያ ጸምኦና ዮዮ ዎይ ሲቁዋናን አሸከ እያናና ዮ? ሀቃዎ ድሪቲ?

5

እማንያ አሳ ግደን አሰቲዳ ፖኮባ

1 ሀንተንቱ ግደን ፖኮ ዎሹማ ኦሱ ደእያዌ ዝግረቲ፤ ሄዋ ማላ ፖኮ ዎሹማ ኦሱ ሀራይ አቶ። ጸሳ እማንና አሳ ግደንን ባዋ። እያወ ጎፕ። ባረ አወዋ ማቻቶ እኩዳ አሳይ ደኤ።

2 ሀንተንቱካ ኦቶረቲድታ። ሄዋፕ ሀንተ ካዮታናወ በሰኔ? ሄዋ ማላ ፖኮ ኦሱዋ ኦሌዳ ብታኒ ሀንተ ግደፕ ክቻናወ በሲ።

3-4 እያ ግደናካ ታን ታ አሳተላን ሀንተንቱና ደኤናን ጸዮፕካ። እያናን ሀንተንቱና ደእይ። ሀኦ ሀንተንቱና ደእያዎዳን ሀናይ። ሄዋ ማላ ኦሱዋ ኦሌዳ ብታንያ ቦላ ኑ ጎዳ የሱሰ ክርሰቶሳ ሱንጎን ፕርዳድጋድ። ሀንተንቱን ታ እያናይ ኑ ጎዳ የሱሰ ክርሰቶሳ ዎልቃና እትፕ ሸቂደ።

5 ሄ ብታንያ እያናይ ጎዳ የሱሰ ፕርዳወ ይያ ጋላሳን አታና ማላ። ናጋራን ኩሜዳ አ ቦላ ኩላናዳን ሴጻናወ ሀንተ እማናዳን። ታን ፕርዳድ።

6 ሀንተንቱ ጩቁ ሎኦ ግደና። ጉላ እርሹ ሙናቃ ኡባ ደንሰያዋ ኤርክቲ?

7 ሀንተንቱ ኦራላ ግዳና ማላ። ናጋራ እርሹ ጫሊዳዋ ከሰተ። ሀንተንቱ እርሹ ባይና ሙናቃ ማላ። እያወ ጎፕ። ኑ ፓሰጋ ደርሳይ። ክርሰቶሳ ያርሸቲዳ።

8 ሄዋ ድራወ። ኑን ኡክላ ባላ ሱረተላንን ቱማተላን ቦንቻናፕ አትን። ጫላ እርሹዋን። ኢታተላ እርሹዋንን ጌላተላ እርሹዋን ቦንቻከ።

9 ዎሹማናወ ቆፕያዎንቱና ሀንተ እትፕ ጋይተና ማላ። ሀንተንቶ ዳብዳቢያ ጸፋድ።

10 ታን ግያዌ ሀ አላምያን ደእያ ዎሹማናወ ቆፕያዎንቱፕ ዎይ ዮራትያዎንቱ። ካይሶትያዎንቱፕ ዎይ ኤቃወ ጎይንያዎንቱፕ ኡባካ ሻከታና ማላ ግደና። ሄዋ ግደፕ። ሀ አላምያፕ ሀንተ ሻከት ባናወ በሴ ጉሳ።

11 ሸን እሻቱዋ ሀኦ ጌተትያዎንቱ አቱን ዎሹማናወ ቆፕያዎንቱ ዎይ ሚሻወ ዮራትያዎንቱ ዎይ ኤቃወ ጎይንያዎንቱ ዎይ አሳ ሱንጎላ ባይከያዎንቱ ዎይ ማላትያዎንቱ ዎይ ወእያዎንቱና ሀንተንቱ እትፕተላ ኦርሳ ማላ። ታን ሀንተንቶ ጸፋድ። ሄዎንቱ ማላና ሀራይ አቶ። ቁማካ እትፕ ሞፕተ።

12 እያወ ጎፕ። ዎሳ ጎለፕ ካረና ደእያዎንቱ ቦላ ፕርዳናወ ታና አይ ጋሊ? ሀንተንቱ ግደን ዎሳ ጎለን ደእያዎንቱ ቦላን ሀንተ ፕርድክቲዮ?

13 ሸን ካረና ደእያዎንቱ ቦላን ጸሳይ ፕርዳና። ሄ ኢታባ ኦሌያ ኡራ ሀንተ ግደፕ ከሰ ድግተ።

6

እማንያ አሳ ግደን ደእያ ዎሳሳ ዎቲደ ጳይሳናወ በሲ?

1 ሀንተንቱፕ እት ኡራወ ባረ እሻና ሞቱ ደእያባ ግደፕ። እማንያዎንቱ ቦላ ፕርደታናዋ ባሸይ። እማንያዎንቱ ቦላ ፕርደታናወ ዋን ጸሊደ ቤዳ?

2 እማንያዎንቱ አላምያ ቦላ ፕርዳናዋ ኤርክቲ? ያትና። አላምያ ቦላ ሀንተ ፕርደናዎንታ ግደፕ። ኡባባፕ ጉጽያዋ ፕርዳናወ ዳንዳይክቲ?

3 ሀ ደኡዋባይ አቶ ሸን። እማንያዎንቱ ኪታንቻቱዋ ቦላ ፕርዳናዋ ኤርክቲ?

4 ያትና። ሀንተንታ ሀ አላምያ ደኡዋባወ ፕርዳ ጎላ ቡሳይ ኮሾፕ። እማንያ አሳይ ካዴዳ አሳን ፕርድሳናወ አፊቲ?

5 ታን ሀንተንታ ዩላያናወ ሀዋ ጋይ፤ ሀዋ ግደናወ በሲ? ሀንተንቱ ግደን እሻቱዋ ሰገላናወ ዳንዳይያ ሎኦ ኤራንቻ አሳይ እቱን ባዌ?

6 ሸን እት እሻይ የኮ እሻ ፕርዳ ጎለን ሞቲደ። ሄ የወዋ እማንና አሳን ፕርድሲ?

7 ሰሞ እቲ እቱዋ ሞትያዌ ሀንተ ግደን ደእፕ። ሄዌ ሀንተ ኩንዳዳዋ በሴ። ሄዋፕ ሀንተ ናቅትያዌን ጭመትያዌ ሎኤኔ?

8 ሸን ሀንተ ሀንተ ሀጸወ እቲ እቱዋ ሀራይ አቶ። ሀንተ እሻቱዋካ ናቂታን ጭሚታ።

5:1 ዛረ. 22:30 5:7 ከሳ 12:5 5:8 ከሳ 13:7፤ ዛረ. 16:3 \* 5:9 ዳብዳቢያ ጸፋድ- ሀዋ ጸፋናፕ ካሰና ጸወሎሰ ቆርንቶሳ አሳወ ጸፊዳ ሀራ ቆንጭያን ኤረትቤና ዳብዳቢ ደኤ ጉሳ። 5:13 ዛረ. 13:5፤ 17:7



9 ዎይ ማካላንቻቱ ጸሳ ካወተላ ላተናዎ ኤርክቲ? ባሎጥተ። ዎሹማናዉ ቆጥያዎንቱ ዎይ ኤቃዉ ጎይንያዎንቱ ዎይ ዎሹምያዎንቱ ዎይ እቱማዎ ግዲደ። እቱማዎና ግሰያዎንቱ።

10 ዎይ ካይሳቱ ዎይ ሚሻዉ ዮራትያዎንቱ ዎይ ማሶትያዎንቱ ዎይ እሳ ሱንላ ባይዘያዎንቱ ዎይ ቦንቂያዎንቱ ጸሳ ካወተላ ላትክፍ።

11 ህንተንቱፕጥካ እት እት አሳይ ሄዎንቱ ማለ። ሽን ጎዳ የሱሰ ክርሰቶሳ ሱንላንነ ኑ ጸሳ አያናን ህንተ ሜጨቲደ ጌዬድታ፤ ቃይ ጸሌድታ።

ህንተንቱ አሳተላ ጸሳ ቦንቾ ፔሽተ

12 እት ኡራይ። “ታን ኮዬዳባ ኡባ ኦላናዉ ዳንዲያይ” ጋና ዳንዲያይ። ሽን ኡባይካ ታና ማደና። ታን ኮዬዳባ ኡባ ኦላናዉ ዳንዲያይ። ሽን አይይካ ታና ሞደና።

13 ቃይ ሀራይካ። “ቁማይ ኡሉዋሳ፤ ኡሉካ ቁማሳ” ጌ። ሽን ጸሳይ ኡሉዋካ ቁማካ ቆይሳና። አሳ አሳተላይ ጎዳ የሱሳሳተ እትን። ዎሹማሳ ግደና። ጎዳ የሱሰካ አሳ አሳተላሳ።

14 ጸሳይ ጎዳ የሱሳ ሀይቁዋፕ ደንፊዳ፤ ቃይ ኑናካ ሀይቁዋፕ ባረ ዎልቃን ደንላና።

15 ህንተንቱ አሳተላይ ክርሰቶሳ አሳተላና እቱዎ ግድያዎ ህንተ ኤርክቲ? ያትና። ታን ክርሰቶሳ አሳተላና እቱዎ ግዴዳዎ አፋደ። ጫራት አሳተላና እቱዎ ኦላናዉ በሰ? በሰና!

16 ዎይ ጫራትና እትተላ መጅያ ኡራይ እዘና እት አሳተላ ግድያዎ ኤርክቲ? አያዉ ጎጥ። ጸሳ ማጸፋይ። “ኡንቱንቱ ላእቱ እት አሾ ግዳና” ያጌ።

17 ሽን ጎዳና እትተላ መጅያ ኡራይ አያናን አናና እቱዎ ግዴ።

18 ዎሹማፕ ሃክተ። እት ኡራይ እልያ ሀራ ናጋራ ኡባይ አ አሳተላፕ ካረና ደኤ፤ ሽን ዎሹምያዎ ባረ ቦላን ናጋራ ኡል።

19 ዎይ ህንተ ቦላይ ጸሳይ ህንተንቶ አሜዳ ህንተንቱን ደእያ ጌሻ አያናይ እቅያ ጌሻ ጎልያ ግድያዎ ኤርክቲ? ቃይ ህንተ ህንተ ሁጺያሳ ግድክታ።

20 አያዉ ጎጥ። ጸሳይ ህንተንታ ጋትያን ሻሚዳ። ሄዎ ድራዉ። ህንተ አሳተላን አ ቦንቶተ።

### 7

ገሉዎ አካባሰ አሽቲዳ አሻነ እመቲዳ ዛሩዎ

1 ህንተንቱ ታዉ ጸፊዳ የዎ እቱማ አሳይ ማጫዉና ቦቼንንቶ ሎእ።

2 ሽን ዎሹማ ጋሱዎ ድራዉ። እቱማ አሳዉ ሁጺያን ሁጺያን ማቻታ ደእ። ቃይ ማጫ አሳዉካ ሁጺያን ሁጺያን አሰናይ ደእ።

3 አሰናይ ባረ ማቻትዉ አሰናተላን በሰያባ ኦሎ፤ ቃይ ሄዎዳን። ማቻታካ ባረ አሰናዉ ማቸተላን በሰያባ ኦሎ።

4 ማቻታ ባረ አሳተላዉ ጎዳ ግዲኩ፤ ሽን እዝ አሰናይ ጎዳ። ሀዎዳንካ። ቃይ አሰናይ ባረ አሳተላዉ ጎዳ ግደና፤ ሽን አ ማቻታ ጎዳ።

5 ህንተንቱ ህንተ ግደን ጸሳ ዎሳን ገንጫናዉ ሄ ዎድያዉ ዘረታን ድገታናፕ አትን። እቱ እቱዎ ድጎጥተ። ህንተንቱ ህንተንታ ናገና ድራዉ። ሴጻናይ ህንተንታ ፓጨናዳን። እትፕ ደእተ።

6 ሽን ታን ህንተንታ ሄዎ ህንተ ደሶዎዳን ህንተ ጋይፕ አትን። አዛዝከ።

7 ታን አሳይ ኡባይ ታናዳን ህንንቶ ዳሳይ። ሽን ጸሳይ አሳዉ ሁጺያን ሁጺያን ዳሚማ አሞታ አሞ ዎሴዳ፤ እት ሀዎዳን። ቃይ የኮ ሄዎዳን አሞ ዎሴዳ።

8 ሄዎ ድራዉ። ታን ማቻቶ አክቤናዎንቱን አሰናይ ሀይቆ ማጫዎንቱ ታናዳን ጮ ደአናንቶ። ኡንቱንቶ ሎእ ጋይ።

9 ሽን አሙዎን ጉደትያዎፕ አክያዌን ገልያዎ ሎእ ግድያ ድራዉ። ኡንቱንቱ ባረንታ ናጋናዉ ዳንዲያና ቆጥ። አክናን ገልና።

10-11 ማቻታ ባረ አሰናፕ ሻክቱቹ። ሽን ሻክቶፕን ገልናን ደኤ፤ ዎይ ባረ አሰናና ሰገቱ። አሰናይካ ባረ ማቻቶ የድፖ ያጋደ። እኬዳዎንታን ገሌዳዎንታ አዛዘይ። ሽን ሀዎ አዛዝያዎ ጎዳፕ አትን። ታና ግድከ።

12 ታን ሀራቱዎ ሀዎዳን ጋይ፤ ጎዳ ግደና። አማንና ማቻታ ደእያ አማንያ አሳይ ኦንነ ደኡ። አ ማቻታ አናና እትፕ ደእያዎ እ ደሶፕ። እዘ የድፖ።

13 ቃይ አማንና አሰናይ ደእያ አማንያ ማቻታ ደኡ። እዝ አሰናይ እዘና እትፕ ደእያዎ እዘ ደሶፕ። እፕ ሻክቱቹ።

14 አያዉ ጎጥ። አማንና አሰናይ ባረ አማንያ ማቻትና ደኤደ ጌዬዳ። ቃይ አማንና ማቻታ ባረ አማንያ አሰናና ደኤደ ጌያዲ። ሄዎ ባዌንቶ። ህንተንቱ ናናይ ቱና፤ ሽን ሀእ ኡንቱንቱ ጌሻ።

15 ሽን አማንናዌ ሻከታና ኮዮፕ ሻክቶ። አማንያ ማቻቶ ግድና። ዎይ አሰና ግድና። ሀዎ ማላ የወዋን ቃሽትክና። አያዉ ጎጥ። ጸሳይ ኑና ሳርተላን ደአናዉ ጴሴዳ።

16 አማንያ ማቻቱ። ኔን ነ አሰና አሻንንቶን ኦ ኤር? ዎይ አማንያ አሰናዉ ኔን ነ ማቻቶ አሻንንቶን ኦ ኤር?

ጸሳይ ህንተንታ ኮይር ጴሴያ ዎደ ህንተንቱ ደእያ ሀዮታን ደእተ

17 ግደፕ። አሳይ ሁጺያን ሁጺያን ጎዳይ እዉ አሜዳዎዳንነ ቃይ ጸሳይ ባረና ጴሴዳዎዳን ደእ። ሄዎ አማንያ አሳ ኡባ ታን ታማርሴዳ ሀግያ።

18 ኦንነ ቃጸረት ኡቲደ። ጸሳ አማኔዳዎ ግደፕ። ባረ ቃጸራ ማላ ድጎፕ። ቃይ ኦንነ ቃጸረተናን ደኤደ። ጸሳ አማኔዳዎ ግደፕ ቃጸረቶፕ።

19 አያዉ ጎጥ። ጸሳ አዛዘዎ ናጋናፕ አትን። ቃጸረትና ቃጸረታና ቆይና አላሊ ባዎ።

20 አሳይ ሁጺያን ሁጺያን ጸሳይ ባረና ጸሴያ ዋደ ደእያዋዳን ደኑ።

21 ጸሳይ ነና ጸሴያ ዋደ ነን አይለ? አይነ ባዋ፤ ሸን ነን አይለተላጥ ከሳናው ዳንዳዮጥ ከሳ።

22 አያው ጎጥ፣ አይለ ግድ ኡቴዳ አሳ ጎዳይ ጸሳጥ፣ እ ጎዳይ አይለተላጥ ከሴዳ አሳ። ሀዋዳንካ፣ አይለ ግደና አሳ ክርስቶስ ጸሳጥ፣ እ ክርስቶሳ አይለ።

23 ጸሳይ ሀንተንታ ጋትያን ሻሜዳ። አሳ አይለ ግደጥተ።

24 ታናዳን አማንያዋንቶ፣ አሳይ ሁጺያን ሁጺያን ጸሳይ እ ጸሴያ ዋደ ደእያ ደኡዋዳን፣ ጸሳና ደኑ።

ገለት አከትቤናዋንቱባነ አምኤቱዋባው አሸቴዳ አሻ

25 ዋደራቶ ጎዳይ ታና አዛዜዳባይ ባዋ። ሸን ታን ጎዳው አማነቱዳዋ ግዴዳ ድራው፣ እጥ ማርተላ አኬዳዋዳን፣ ሀንተንታ ዘራይ።

26 ሰዎ ሀእ መቶ ታው ሀዌ ሎኦ ማሳቴ፤ አሳይ ሀዋዳን ሀኒደ ደእጥ ሎኦ።

27 ነን ማቻቶ አካ ድጌዳዋ ግደጥ፣ እዘ የዳናው ኮዮጋ። ማቻቶ አካቤናዋ ግደጥ፣ አካናው ኮዮጋ።

28 ሸን ነን ማቻቶ አኮጥ፣ ናጋራ ኦላበይካ። ወደራታካ አሰና ገሎጥ፣ ናጋራ ኦላበይኩ። ሸን አከትያዋንቶን ገለትያዋንቶ አንቱንቱ ደኡዋን ዋልቃማ መቱ ደኤ። ታን ሀንተንታ ሄ መቱዋጥ አሻናው ኮያይ።

29 ሸን ታናዳን አማንያዋንቶ፣ ታን ግያዌ ሀዋ፤ ዋዲ ወራዳ። ሀዋጥ ሰንላው አኬዳ አሳቴ፣ አክቤና አሳዳን ሀንና።

30 ዬክያዋንቱ ዬክናዋዳን፣ ናሸትያዋንቱ ናሸተናዋዳን፣ ሻምያዋንቱካ ሻሚደ አይነ ባይናዋዳን።

31 ሀ አላምያ ደኡዋን ማደትያዋንቱ ኡባካ ማደተናዋዳን ሀንና። አያው ጎጥ፣ ሀ አላምያ ደኡ አትያዋ።

32 ሀንተንቱ ሀርገናን ደእናዋ ታን ደሳይ። አክቤናዌ ጎዳ ናሸቻናው ኮይያ ድራው፣ እ ኡሱዋባ ቆጥ።

33 ሸን አኬዳዌ ባረ ማቻቶ ናሸቻናው ኮይያ ድራው፣ ሳኣባ ቆጥ።

34 እ ቆፋይ ሻከቱዳ። አሰና ገላቤና ወደራታ ባረ አሹዋንነ ባረ ሸምጥዋን ጌያናው ኮይያ ድራው፣ ጎዳ ኡሱዋባ ቆጥ። ሸን አሰና ገሌዳውና ባረ አሰና ናሸቻናው ኮይያ ድራው፣ ሳኣባ ቆጥ።

35 ታን ሀዋ ሀንተንታ ማዳና ማላ ጋይጥ አትን፣ ሀንተንታ ጱባናው ጊከ። ሸን ሀንተ ሰሰያዋዳን ደኡደ፣ ጎዳ ኡሱዋ ሀንተና አሚደ ኦላና ማላ ኮያይ።

36 ኦንነ ባረ ገግሴዳ ዋደራቶ አክያ ዋዲ ጋክና፣ ባረና ናጋናው አው ዳንዳዮተናን እጸጥ፣ እዘ አኮ። እ እዘ አኮጥ፣ ሄዋን ናጋራይ ባዋ።

37 ሸን እ ባረ ዋዛናን ምናጥ፣ አከናን ጋምእና ዳንዳዬ። ቃይ ባረና ናጊደ፣ ባረ ገግሴዳ ዋደራቶ አከናን ጋምእና ጎጥ፣ ኦንነ

ዋልቃን፣ናን ባረ ዋዛናን ቆፋ ቃቼዳዋ ግደጥ ሎይሴዳ።

38 ሄዋ ድራው፣ ዋደራቶ አክያ ኡራይ ሎይሴዳ፤ ቃይ አከናዌ ኡባ አላ ሎይሴዳ።

39 አሰና ገሌዳ ምሽራታ ባረ አሰናይ ደኤዳ ኬናን እናና አትጥ ደእናዳን ቃሸታ ኡታዲ። ሸን እ ሀይቆጥ፣ ጎዳ አማንያ አሳ እናን ግደጥ፣ ባረ ደሴዳ አሰና ገላናው ዳንዳዳው።

40 ታ ቆፋ ግደጥ፣ ገላናን ደእንቶ፣ እዛ ናሸቻን ደእና። ቃይ ታናን ጸሳ አያናይ ደእያዋ ታን ኡራይ።

### 8

ኤቃው ያርሸቴዳ ቁማባ

1 ኤቃው ያርሸቴዳ ቁማባ ግደጥ፣ ኑን ኡባይካ ኡራቶ። ኡራይ ኡቶርሴ፤ ሸን ሲቁ አማኑዋን ድቼ።

2 ኦንነ ባረው እትባ ኤርያዋ ማላቶጥ፣ እ ብር ኡራናው በሰያዋ ኤርቤና።

3 ሸን ኦንነ ጸሳ ሲቆጥ፣ ጸሳይ እ ኡራ።

4 ሄዋ ድራው፣ ኤቃው ያርሸቴዳ ቁማ ሙሳባ ግደጥ፣ ኤቃ ኡባይ አላምያን አያን ግደናዋን፣ እት ጸሳጥ አትን፣ ሀራይ ባይናዋ ኑን ኡራቶ።

5 አያው ጎጥ፣ ጮራ ጸሳቴን ጮራ ጎዳቱ ደኡና። ሸን ሀራይ አቶ፣ ሳሉዋን ግድና ሳኣን ግድና፣ ጸሳቴዋ ጌተትያዋንቱ ደእጥካ።

6 ኡባባ ሙዲዳዌ ኑን አው ደእያዌ፣ እት ጸሳይ፣ አው፣ ኑው ደኤ። ቃይ ኡባባይ እን መጠቱዳዌን ኑን እን ደእያዌ እት ጎዳይ፣ የሱሰ ክርስቶስካ ኑው ደኤ።

7 ሸን ሀ ኡራይ አሳ ኡባው ደኤና። እት እት አሳቱ ኤቃ ዶዶዳ ድራው፣ ሀእ ጋካናውካ፣ “ኤቃው ያርሸቴዳ ቁማ” ያጊደ ሚና። ቃይ አንቱንቱ ዋዛናይ ሹጋ ግዴዳዋን፣ አንቱንቶ ሀ ቁማን ቱኔዳዋ ማላቴ።

8 ሸን ቁማይ ኑና ጸሳኩ ሸቃናዳን ማደና። ኑን ማና ጳይንቶካ ኑው አይነ ጋጩና፤ ዋጥነ ኑው አይነ ጉጀተና።

9 ሸን ሀዌ ሀንተ ሀንተ ደሶዋዳን ሀንያዌ ሹጎ አማኑዋና ደእያዋንታ ናጋራን የገና ማላ ናገትተ።

10 አያው ጎጥ፣ ነን ኡራንቻይ ኤቃው ያርሸቴዳ ቁማ ማናው ኤቃ ጎልያን ኡቱዳ ዋደ፣ ሹጎ አማኑዋና ደእያ እት አሳይ ነና በኦጥ፣ ኤቃው ያርሸቴዳ ቁማ እ ማናው እ ዋዛናይ ቆጥኤዬ?

11 ሄዋ ግደጥ ሀ ሹጎ አማኑዋና ደእያ ነ አሻይ፣ ክርስቶስ እ ድራው ሀይቁዳዌ፣ ነ ኡራን ባይ።

12 ሀዋዳንካ፣ ሀንተ ሀንተ አሻቱዋ ናቂያዋንነ አንቱንቱ ሹጎ ዋዛና ማይላያዋን ክርስቶሳ ናቂታ።

13 ሄዋ ድራው፣ ቁማይ አማንያ ታ አሻ ጱቢያዋ ግደጥ፣ እ ጱቢና ማላ፣ ታ ደእያ ላይላን ሙላካ አሹዋ ሚከ።

# 9

የሱስ ኪቴዳዋንቶ ደእያ ማታነ ኡንቱንቱ ኦላናዉ በሰያባ

1 ታን አይለተላይ ባይና አሳ ግድክታ? የሱስ ኪቴዳዋ ግድክታ? ኑ ጎዳ የሱስ ክርስቶሳ በእባይክታ? ህንተንቱ ታን ጎዳዉ ኦላዳ ታ ኦሱዋፕ ሴቴዳዋንታ ግድክቱዬ?

2 ታን ሀራንቶ የሱስ ኪቴዳዋ ግድና ላዮፕካ፣ ህንተንቶ የሱስ ኪቴዳዋ ግድያዎ ኤረቴዳዋ፤ እያዉ ጎፕ፣ ታን ጎዳን የሱስ ኪቴዳዋ ግድያዎ ህንተ ማርካ።

3 ታና ቦርያዋንቶ ታን አዎያ ዛሩ ሀዋ።

4 ማናዉን ኡሻናዉ ኑዉ ማት ባዌ?

5 የሱስ ኪቴዳ ሀራቴዋዳንነ ጎዳ አሻቱዋዳን፣ ጸጽሮሳዋዳን፣ ኤኖ ግያ ማቻቶ እትፕ አኪደ ባናዉ ኑዉ ማታይ ባዌ?

6 ዋይ ኑ ደኦ ኦላዳ ባጸታናዉ በሰያዌ ታና ባርናባሳ ጸላላ?

7 አይ ዋይነ ባረ ሚሻ ሚደ፣ ዋታዳራተላ ኦላያዌ ኦኔ? ዋይ ዋይንያ ቱራ ቶኪደ፣ አ አይፍያ ሚናዌ ኦኔ? ዋይ ማዛ ዉድያ ሄሚደ፣ ሄ ማዛ ዉድያፕ ማላ ኡሻናዌ ኦኔ?

8 ታን ሀዋ አሳ ቆፋ ጸላላን ጋይታ? ዋይ ህገ ቃይ ሀዋ ጌኔ?

9 እያዉ ጎፕ፣ ሙሴ ህግያን፣ “ካላ የድያ ሙህያ ደና ቃቾፕ” ጌተቲደ ጸፈቱዳ። ጸሳይ ሙህያባ ቆፒደ ሀዋ ጊ?

10 ዋይ አ ሄዋ ዋይዌ ሙላካ ኑ ድራሳ ግደኔ? ቱማካ ኑ ድራዉ ጸፈቱዳ፤ ጎሽያ ብታኒካ ካላ ቡክያ ብታኒካ፣ “ታና ጋክያዋ አካና” ያጊደ ኦላናዉ በሴ።

11 ኑን ህንተ ግደን እያና የዉዋ ዘራዳዋንታ ግዲደ፣ ኑ አሽ ማዶ ግድያዋ ህንተንቱፕ ጫኮፕ ዳርቤ?

12 ሀራቴ ሄዋ ህንተንቱፕ አካናዉ ኡንቱንቶ ማታይ ደኡ፣ ኑዉ ኡንቱንቱዋፕ አድያ ማታይ ባዌ?

ሽን ኡን ክርስቶሳ ሞሽራቹዋ ቃላዉ ቆቦ ግደናዳን፣ ኡባባ ገንጫያዋፕ እትን፣ ሄ ማታን ጎኤትባይኮ።

13 ጌሻ ጎልያን ኦላያ አሳቱ ባረንቱ ቁማ ጌሻ ጎልያፕ አክያዋ ኤርክቱ? ቃይ ያርሽያሳን ኦላያዋንቱ ያርሹዋፕ አክያዋ ኤርክቱ?

14 ሀዋዳንካ፣ ቃይ ሞሽራቹዋ ቃላ ኦድያዋንቱ ባረንቱ ደኦ ኮሽያባ አፕ ደማናዳን፣ ጎዳይ አዛዜዳ።

15 ሽን ታን ሀ ማታ ኡባን እይነ ጎኤታባይከ። ታን ሀዋ ጸፊዳዌ ሄዋ ማላ ማታይ ታዉ ደእናዉ በሴ ያግያዋና ግደና። እያዉ ጎፕ፣ ታ ጩቁዋ ኡንነ ሙላ ከሰያዋፕ ሀይቁያዌ ታዉ ሎኦ።

16 ሞሽራቹዋ ቃላ ኦድናዉ ታን እዛዘታ ኡቴዳ ድራዉ፣ አ ኦደፕካ ታዉ ጩቀትያባይ ባዋ። ሞሽራቹዋ ቃላ ኦድናን አጎፕ፣ ታዉ አየር።

17 እያዉ ጎፕ፣ ታን ሀዋ ደሳደ ኦላፕ፣ ታዉ ዋይታይ ደኤ። ሽን ታን ደሰናን እጸፕካ፣ ሞሽራቹዋ ቃላ ድራዉ ሀዳራ ጸሳይ ታዉ እሚዳ።

18 ያትና፣ ታ ዋይታይ አይ? ሞሽራቹዋ ቃላ ኦድደ፣ ታዉ ዋንጋላን ደእያ ኩሙንላ ማታን ጎኤተናን፣ ሞሽራቹዋ ቃላ ጮ ኦድያዋ።

19 ታን ኦሰነ አይላ ግድከ ሽን፣ ጮራቱዋ ዛራናዉ ታና ኡባዉ አይላ ከሳድ።

20 ታን አይሁዳቱዋ ዛራናዉ ኡንቱንቱና ኡንቱንታ ግደደ ደኤድ። ታ ሁጸዉ ህግያፕ ጋርሳና ደእከ። ሽን ህግያፕ ጋርሳና ደእያዋንታ ዛራናዉ ህግያፕ ጋርሳና ደእያ አሳ ማላ ግዳድ።

21 ታን ህጊ ባይና አሳቱዋና ደኤደ፣ ህጊ ባይና አሳዳን ሀናድ። ጸሳ ህጊ ላይና ግደና። ሽን ህጊ ባይናዋንታ ዛራናዉ፣ ክርስቶሳ ህግያፕ ጋርሳና ደኤድ።

22 ታን አማኑዋን ዳቡርያዋንታ ዛራናዉ፣ ኡንቱንቱ ማላ ግዳድ። ታን አይ ኦግያንነ አማራዳ አሳቱዋ አሻናዉ፣ ኡባ አሳቱዋና ኡባባን ኡንቱንቱ ማላ ግዳድ።

23 ታን ሞሽራቹዋ ቃላ እንጂዋ ሻካናዉ፣ ሞሽራቹዋ ቃላ ድራዉ፣ ኡባባ ኦላይ።

24 ዋላን ጸናና ጊደ ዋጽያ ኡባይ እትፕ ዋጼ። ሽን እቱዋ ጸላላይ ዋይታ አክያዋ ኤርክቱ? ሀዋዳን ህንተንቱካ ዋይታ አካናዉ ዋጽተ።

25 ካሳዉ ባረና ገግሰያ ኦንነ ኡባባን ባረና ናጌ። አሳይ ሄዋ ዳቡርያዌ ጸኔዳዋ እሙትያ ባይያ ካላቻ ደማናሳ። ሽን ኡን ዳቡርያዌ ሙድናዉ ደእያዋን ባየና ካላቻ ደማናሳ።

26 ሄዋ ድራዉ፣ ታን ቆፍ ባይናን ዋጽያዋዳን ዋጽከ። ጫርኩዋ ይምፕያ አሳዳንካ ጮ ኦላትከ።

27 ሽን ታን ሀራንቶ ኦድዳዋፕ ጉይያን፣ ታ ሁጸዉ ዋይታፕ አተና ማላ፣ ታ አሳተላ ናገታናዳን ኦላይ።

# 10

ኤቃዉ ጎይናናዉ በሰና

1 ሄዋ ቦላን ታናዳን አማንያዋንቶ፣ ታን ህንተ ሀዋ ኤራና ማላ ኮያይ። ኑ አዎቱ ኡባይ ሻርያፕ ጋርሳና ደኤድና፤ ኡባይካ አባ ግደና ፕኔድና።

2 ኡንቱንቱ ኡባይ ሙሴና እትፕ ግደናዉ፣ ሻርያፕ አባን ጸማቁቱድና።

3 ኡንቱንቱ ኡባይ ሄ እት እያና ቁማ ሜድና።

4 ቃይ ኡባይካ ሄ እት እያና ኡሻ ኡሼድና። እያዉ ጎፕ፣ ኡንቱንቱ ባረንታ ካለላያ እያና ዛላፕ ፑልቶዋ ኡሼድና፤ ሄ ዛላይካ ክርስቶሳ።

5 ሸን ጸሳይ ኤንቲንቲ ዳርያ ባጋቱዋን ርሽትቤና ድራው፡ ኤንቲንቲ እሃይ አሳይ ባይና ሳን ላለቲዳ።

6 ኤንቲንቲ ኢታባ አሞቴዳዋዳን፡ ኑ ዋዛናይ ቃይ ኢታባ አሙዋፕ ርገታናዳን፡ ሄዌ ኡባይ ኑወ ትሞርተ ግዴዳ።

7 ጸሳ ማጻፋይ፡ “አሳይ ማናውን ኡሻናው ኡቲድኖ፤ ቃይ ዱሮ ደንድ ኤቁድኖ” ያግያዋዳን፡ ኤንቲንቲ እቲ እቲ ኤቃወ ገይኔዳዋዳን፡ ህንተ ገይኖፕተ።

8 ኤንቲንቲ እቲ እቲ ሞሹሜዳዋዳን፡ ኑን ሞሹማናው በሰና። ሄዋ ጋሱዋን ኤንቲንቲ እት ጋላሰ ላታማነ ሄዋ ሻእይ ሆይቁዳ።

9 ኤንቲንቲ እቲ እቲ ጎዳ ፓጩደ፡ ሾሻን ዲከት ሀይቁዳዋዳን፡ ኑን ጎዳ ፓጩናው በሰና።

10 ኤንቲንቲ እቲ እቲ ዙዙምና፡ ዋድያ ኪታንቻን ኤንቲንታ ጳይሴዳዋዳን ዙዙምፕተ።

11 ሀዌ ኡባይ ሀራቶ ትሞርተ ግዴናደን ኤንቲንቲ ቦላ ጋኬዳ። ቃይ ኑና ዋድያ ዉርሰሳይ ጋካና ማቴዳዋንታ ሴራናው ጸፈቲዳ።

12 ሄዋ ድራው፡ ሞና ኤቃድ ጊደ ቆፕያ ኡራይ ኡንነ ኩንደናዳን፡ ባረና ናን።

13 ህንተንታ ጋክያ ፓጩ፡ አሳ ኡባ ጋክያ ፓጩያ ማላፕ አትን፡ እይነ ዱማተና። ህንተንቲ ዋልቃይ ዳንዳይያዋፕ አድያ ፓጩያን ህንተ ፓጩታናው ኮየና ጸሳይ አማነቲዳዋ። ሸን ህንተንታ ፓጩ ጋክያ ዋይ፡ ሄ ፓጩያ እ ህንተንታ ዳንዳይሳና። ቃይ ሄ ፓጩያፕ ህንተንቲ ከሰያ ኡግያካ እ አማና።

14 ሄዋ ድራው፡ ታ ደሰያዋንቶ፡ ኤቃወ ገይኖፕተ።

15 ህንተንቲ ዋዛናማ አሳ ግዴዳ ድራው፡ ታን ህንተንቶ ኡዳይ። ታን ግያዋ ህንተ ፕርድተ።

16 ኑን ጸሳ ጋላቲደ ሻክያ እንጂዋ ጸኢይ ክርሰቶሳ ሱላና እትተላይ ደእያዋ ግይኔ? ቃይ ኑን መንሳያ ኡክላይ ክርሰቶሳ አሹዋና እትተላይ ደእያዋ ግይኔ?

17 እት ኡክላይ ደእያ ድራው፡ ኑን ጮራ ግድፕካ፡ እት አሳተላ። እያወ ጎፕ፡ ኑን ኡባይካ ሄ እት ኡክላ ሻከቲቶ።

18 እሰራኤልያ አሳ ጸልተ። ያርሹዋ ሞያዋንቲ ያርሸያሳና እትተላይ ደእያዋንታ ግድክኖ?

19 ሰሞ ታን ዋጋይታ? ኤቃወ ያርሸቲዳ ቁማይ ማዲ ዋይ ኤቃይ ማዲ?

20 ማደና፤ ሸን ታን ግያዌ ጸሳ አማነና አሳቲ ኢታ እያናቶ ያርሸያዋፕ አትን፡ ጸሳዉ ያርሸክኖ። ኢታ እያናቲዋና ህንተ አትፕ ዙፕታና ማላ፡ ታን ኮይከ።

21 ጎዳ ጸኢፕ ኡሺደ ቃይ ኢታ እያናቲዋ ጸኢፕ ኡሻናው ህንተ ዳንዳይክታ። ጎዳ

ጋይታፕ ህንተ ግሸቲደ ቃይ ኢታ እያናቲዋ ጋይታፕ ማናው ዳንዳይክታ።

22 ሄዋ ኡላደ ኑን ጎዳና ዲናታናው ኮሺ? ኑን እፕ ሞኔቶ?

23 ህንተፕ እቲ እቲ፡ “ኡባባ ኦላናው ታና ድግያባይ ባዋ”፤ ሸን ኡባባይ ማደና። “ኡባባ ኦላናው ድግያባይ ባዋ፤ ሸን ኡባባይ ጌሸና” ያገረና።

24 ኡንነ ሀራ አሳ ማድያባ ቆፖፕ አትን፡ ሀራይ አቶ እቲነ ባረና ማድያባ ቆፖፕ።

25 ገያን አጻረ ታራን ዛልኤትያ አሹዋ ህንተ ዋዛና ቆፋን፡ እይነ ሰፍን ማፕ።

26 እያወ ጎፕ፡ አላሚነ እን ደእያባይ ኡባይ ጎዳባ።

27 እት አማነና አሳይ ህንተንታ አማላ ኦላ ሾባናው ጸሰና ባናው ኮዮፕ፡ ህንተ ዋዛና ቆፋን፡ እይነ ሰፍን ህንተ ሰንላ እ አልያባ ኡባ ማፕ።

28 ሸን እት ኡራይ ህንተንቶ፡ “ሀዌ ኤቃወ ያርሹዳዋ” ጎፕ፡ ሄ ህንተንቶ ኦዴዳ ብታንያ ድራውን ቃይ ህንተ ዋዛና ቆፋ ድራው፡ ሄ ቁማ ሞፕተ።

29 ታን ግያዌ ነ ዋዛና ቆፋ ድራሳ ግደና፤ ሸን የኮ ብታንያ ዋዛና ቆፋ ድራሳ።

ታን ታ ሀናናው ዳንዳይያ ታ ሀራታ ሀራ አሳ ዋዛናይ እያወ ፕርዲ?

30 ታን ጸሳ ጋላታይ ቁማ ሞፕ፡ ጸሳ ጋላታይ ሜዳ ቁማወ እያወ ቦረታይታ?

31 ሰሞ ህንተ እያነ ሞፕ፡ ዋይ እያነ ኡሾፕ፡ ዋይ ህንተ እያነ ኡላፕ፡ ኡባባ ጸሳ ቦንሾ ኡላተ።

32 ህንተንቲ እይሁዳ አሳቶ ዋይ ግሪክ አሳቶ ዋይ ጸሳ አማንያዋንቶ ጴቦ ግድፕተ።

33 ታን ቃይ ጮራቲ አታና ማላ፡ ኤንቲንቲ ኡባ ማዳናዳንፕ አትን፡ ታ ሀጸወ ማዲዋ ኮየናን፡ አሳ ኡባ ስባባን ርሸኝያዋዳን፡ ህንተንቲካ ሄዋዳ ኡላተ።

### 11

1 ታን ክርሰቶሳ ለምሱዋ ካልያዋዳን፡ ህንተንቲካ ታዋ ካልተ።

አሳይ እትፕ ዋሰያ ዋደ ደእናው በሰያ ዋጋ 2 ታናዳን አማንያዋንቶ፡ ህንተ ኡባባን ታና ሀሳይያ ድራውን፡ ዋጋ ታን ህንተንቶ እሜዳዋዳን፡ ህንተ ሞንሲደ ናግያ ድራው፡ ህንተንታ ጋላታይ።

3 ሸን ክርሰቶሰ አቲማዋ ኡባወ ሁጸ ግድያዋ፡ አቲማ አሳይ ማጫ አሳወ ሁጸ ግድያዋን ቃይ ጸሳይ ክርሰቶሳወ ሁጸ ግድያዋ ህንተ ኤራና ማላ ኮያይ።

4 ጸሳ ዋሰይ፡ ዋይ ትምቢትያ ኡዲደ፡ ባረ ሁጸያ ጎዝያ አቲማ አሳይ ኡባይ ክርሰቶሳ ቶቶ።

5 ቃይ ጸሳ ዋሳይ ዋይ ትምቢትያ ኡዲደ፡ ባረ ሁጸያ ጎዝና ማጫወና ባረ አሰና ቶቻወ፤

10:6 ፓይ. 11:4 10:7 ከሳ 32:6 10:8 ፓይ. 25:1-18 10:10 ፓይ. 16:41-49 10:18 ዋጋ 7:6 10:20 ዛረ. 32:17 10:22 ዛረ. 32:21 10:26 ማዘ. 24:1

አያው ጎጥ፡ እዛ ባረ ሁጲያ ሜደታ ድጎንና እት ማላ።

6 ማጫወር ባረ ሁጲያ ጎዛና ቆየጥ፡ ቃንጽሱ። ሽን እዛ ባረ ሁጲያ ቃንጽሳናዌ ዋይ ሜድሳናዌ ፖኮጥ፡ ባረ ሁጲያ ጎዙ።

7 አቱማዌ ጸሳ ለምሱዋን ቦንቹዋ ግድያ ድራው፡ ባረ ሁጲያ ጎዛናዉ በሰና፤ ሽን ማጫወር አቱማዋ ቦንቹ።

8 አያው ጎጥ፡ ማጫወር አቱማዋጥ ቤታዲጥ አትን፡ አቱማዌ ማጫወንጥ ቤትቤና።

9 አያው ጎጥ፡ ማጫወር አቱማዋ ድራው መጋዲጥ አትን፡ አቱማዌ ማጫወን ድራው መጋትቤና።

10 ሄዋ ድራው፡ ማጫወር ባረ እሰና አይሱዋጥ ጋርሳና ደአያዋ ኤርሳናዉን ከታንቻቱዋ ድራው፡ እዘ ሁጲያን ጎዘያባይ ደአናዉ በሴ።

11 ሽን ጎዳን ማጫወር አቱማዌ ባይናን ደኡኩ፤ አቱማዌካ ማጫወር ባይናን ደኡና።

12 አያው ጎጥ፡ ማጫወር አቱማዋጥ መጋቱዳዋዳን፡ ቃይ አቱማዌካ ማጫወንጥ የለቱዳ። ቃይ ኡባሳይካ ጸሳጥ ዬ።

13 ህንተንቱ ህንተ ሁጲያ ፕርድተ። ማጫወር ባረ ሁጲያ ጎዛናን ጸሳ ዋሳናዉ በሴ?

14-15 አቱማዌ ባረ ሁጲያ ድቾጥ፡ እዉ ፖኮ። ሽን ማጫወር ባረ ሁጲያ ድቾጥ፡ እዘዉ ቦንቹ ግድያዋ ሀራይ አቶ፡ መጋተንቶን ህንተንታ ታማርሰኔ? አያው ጎጥ፡ ማጫወር ሁጲ እዘ ካማናዉ እዘዉ እመቲዳ።

16 ሽን ኦን ሀ የዉዋን ፓሉመታናዉ ኮየጥ፡ ኑዉ ግድና ዋይ ጸሳ አማንያዋንቶ ግድናካ፡ ሀዋጥ ሀራ ዋጋይ ባዋ።

ጎዳ ካዉዋ አክያ ዋጋ

(ማቶሳ 26:26-29፤ ማር. 14:22-25፤ ሉቃሳ 22:14-20)

17 ህንተ ሽቅያዌ ኢታባሳጥ አትን፡ ሎኦባሳ ግድና ድራው፡ ታን ሀ እዛዙዋ እማደ ህንተንታ ጋላትከ።

18 ሽን ህንተ ዋሳ ጎለን ሽቅያ ዋይ፡ ህንተ ግድን ጸልቀላይ ደአያዋ ታን ሰሳይ። ቃይ ሄዌ እት ባጋና ቱማ ግድያዋ አማናይ።

19 አያው ጎጥ፡ ህንተ ማታን አማንቲዳዋንቱ ቆንጭ ኤረታና ማላ፡ ህንተ ግድንካ ቃይ ቫኩ ደአናዉ በሴ።

20 ሄዋ ድራው፡ ህንተ እትጥ ሽቅያ ዋይ፡ ህንተ ሽቆ ጎዳ ካዉዋ ማናሳ ግድና።

21 አያው ጎጥ፡ ህንተ ቁማ ምያ ዋይ፡ ኡባይ ሁጲያን ሁጲያን ባረዋ ባረዋ ምያ ድራው፡ እቱ ኮሻቲ፤ እቱ ቃይ ማላቲ።

22 ማናዉን ኡሻናዉ ህንተንቶ ጎሊ ባዌ? ዋይ ጸሳ ዋሳ ጎልያ ካጲቲ? ቃይ አይነ ባይናዋንታ ዬላዪቲ? ታን ህንተንታ ዋሳ? ሀ የዉዋን ታን ህንተንታ ጋላቶ? ጋላትከ።

23 አያው ጎጥ፡ ታን ቃይ ህንተንቶ እሜዳ ትምርትያ ጎዳጥ አካድ። ጎዳ የሱሰ ኡንቱንቱ እ አሊድ እሜዳ ቃማ ዳቡዋ እኪድ።

24 ጸሳ ጋላቲዳ፤ ዳቡዋ መንሊድ፡ “ሄይተ፤ ሚተ። ሀዌ ህንተ ግሻታዉ ባረና እሜዳ ታ አሹዋ። ሀዋን ታና ቆፕተ” ያጌዳ።

25 ሀዋዳንካ፡ ካዉዋ ሚደ ሰምና፡ ጸአ ቃይ እኪድ፡ “ሀዌ ጸአይ ታ ሱላን ታን ጫቄዳ ኦራላ ጫቁዋ። ህንተንቱ እጥ ኡሼዳ ዋይ ኡባን ሄዋን ታና ቆፕተ” ያጌዳ።

26 አያው ጎጥ፡ ህንተ ሀ ዳቡዋ ሜዳ ዋይ ኡባን ሀ ጸአጥ ኡሼዳ ዋይ ኡባን ጎዳይ ያና ጋካናዉካ፡ እ ሀይቁዋ ኦዲታ።

27 ሄዋ ድራው፡ በሰናን ደኢደ ጎዳ ዳቡዋ ምያዌ፡ ዋይ ጎዳ ጸአጥ ኡሽያዌ ኦን እ አሹዋን እ ሱላ አጮቲ።

28 ሽን አሳይ ባረ ሁጲያ ፓጮ። ያቲደ ዳቡዋ ዋ። ጸአጥካ ኡሾ።

29 አያው ጎጥ፡ ጎዳ አሹዋ ቫኪደ ኤረናን ዳቡዋ ምያዌን ጸአጥካ ኡሽያዌ ባረ ሁጲያ ፕርዳ ሜኔ ኡሼ።

30 ሄዋ ድራው፡ ህንተ ግድን ጮራቱ ዳቡራንቻን ሀርጋንቻ ግዳድና፤ ቃይ ኡንደኔዳዋንቱ ሀይቁድና።

31 ሽን ኦን ኑ ሁጲያ ቱሙ ፓጮደንቶ፡ ጸሳይ ኑና ፕርድና።

32 ኦን ፕርደትያ ዋይ፡ ሀ አላምያና እትጥ ፕርደተና ማላ፡ ጎዳይ ኑና ሴሬ።

33 ሄዋ ድራው፡ ታናዳን አማንያዋንቶ፡ ጎዳ ካዉዋ ማናዉ ህንተ ሽቅያ ዋይ፡ እቱ እቱዋ ናግተ።

34 ኦን ኮሻቲዳዋ ግዳጥ፡ እትጥ ሽቅያ ዋይ ጸሳ ፕርድን ህንተ ገለና ማላ፡ ባረ ሰይን ዋ። አቲዳዋ ታን ያ ባደ ገግሳና።

12

ጌሻ አያና አዋታቱዋ

1 ታናዳን አማንያዋንቶ፡ ጌሻ አያና አዋታታ ህንተ ኤራናዉ ኮያይ።

2 ህንተንቱ ጸሳ አማንና ዋይ፡ ኡባ ዋይ ካልያዋዳንካ፡ ሃሳየና ኤቃቱዋኮ ህንተ ቤዳዋ ኤሪታ።

3 ሄዋ ድራው፡ ጸሳ አያናይ ካለልያ አሳይ ኦን፡ “የሱሰ ሽቆቶ” ያጌደ ሃሳየናዋን ቃይ ጌሻ አያናይ ካለለጥጥ አትን፡ ሀራይ አቶ እት አሳይነ፡ “የሱሰ ጎዳ” ጋናዉ ዳንዳየናዋ ታን ህንተንታ ኤርሳይ።

4 አያና አዋታይ ዳማ ዳማ፤ ሽን አምያ አያናይ እቱዋ።

5 ቃይ ኦልያ ኦሱ ዳማ ዳማ፤ ሽን ጎዳይ እቱዋ።

6 ኦሱዋ ኦላናዉ ዳማ ዳማ ኦጊ ደአሽን፡ ሄ ኦልያ ኦግያ ኡባ አሳ ኡባዉ ቆንጭሰያ ጸሳይ እቱዋ።

7 ሽን አሳ ኡባ ማዳናው፡ ጌሻ አያና ቆንጭሰያ ዋልቃይ ኡባው ሁጺያን ሁጺያን አመቲዳ።

8 አያው ጎጥ፡ ጌሻ አያናይ እቶ እጅ ኤራተላ ሃሳያ እሜዳ፤ ቃይ እቶ ኤራተላ ሃሳያ እሜዳ።

9 ሄ ጌሻ አያናይ እቶ አማኑዋ እሚደ፡ የኮ ሀርጋንቻ ገልያ ዋልቃ እሜዳ።

10 ጌሻ አያናይ እቶ ማላታ አልያ ዋልቃ እሚደ፡ እቶ ትምቢትያ ኦድያ ዋልቃ እሜዳ። እቶ አያናቱዋ ግዲዋን ደእያ ዲማተላ ኤርያ ዋልቃ እሚደ፡ እቶ ዲማ ዲማ ቃላን ሃሳይያ ዋልቃ እሜዳ። ቃይ እቶ ዲማ ዲማ ቃላን ሃሳይያዋ ብልያ ዋልቃ እሜዳ

11 ሽን ሀ ኡባባ አልያዋ ሄ እት ጌሻ አያና። አሳ ኡባው እ ባረ ኮይያዋዳን፡ ዲማ ዲማ አሞታ ሻክ ሻኪደ እሜዳ።

እት ቦላን ደእያ ዲማ ዲማ አሳተላቱዋ

12 ክርሰቶሰ ጮራ አሳተላቱ ደእያ እት ቦላ ማላ። ቦላይ ጮራ አሳተላቱዋ ጠባቲዳዋ ግደጥካ፡ እት ቦላ።

13 አያው ጎጥ፡ ኑን አይሁዳ አሳ ግደጥነ ዋይ ግሪክ አሳ ግደጥ፡ ዋይ አይለ ግደጥነ ዋይ ዋማኖ ግደጥ፡ ኡባይ እት ጌሻ አያናን እት ቦላ ግዳናው ጸማቀቲደ። ቃይ ኑን ኡባይ እት ጌሻ አያና ኡሼደ።

14 አያው ጎጥ፡ ቦላው አሳተላይ ጮራ ግድያዋጥ አትን፡ እቱዋ ግደና።

15 ገዳ፡ “ታን ኩሽያ ግደና ድራው፡ ቦላ ቆሞ ግድክ” ጎጥ፡ እ ሄዋ ግያዌ ቦላ ቆሞ ግድያዋ ድጋኔ?

16 ሀይላይካ፡ “ታን አይፍያ ግደና ድራው፡ ቦላ ቆሞ ግድክ” ጎጥ፡ እ ሄዋ ግያዌ ቦላ ቆሞ ግድያዋ ድጋኔ?

17 ቦላይ ኡባይ አይፍያ ጸላላ ግድንቶ፡ ዋቲደ ሰሳናው ዳንዳዪ? ቃይ ቦላይ ኡባይ ሀይላ ጸላላ ግድንቶ፡ ዋቲደ ሰንጋናው ዳንዳዪ?

18 ሽን ጸሳይ ባረ ኮይዳዋዳን፡ ቦላ አሳተላቱዋ እቱዋ እቱዋ ቦላን ዋሌዳ።

19 ኡባይ እት ቆሞ ግድንቶ፡ ቦላይ ሀቃን ደእኔ?

20 ሽን አሳተላቱ ጮራ ግደጥካ፡ ቦላይ እቱዋ።

21 አይፊ ኩሽያ፡ “ኔን ታና ኮሻካ” ጋናው ዳንዳየና። ዋይ ቃይ ሁጺ ገዳቱዋ፡ “ህንተንቲ ታና ኮሽክታ” ጋናው ዳንዳየና።

22 ሽን ላፋ ማላትያ ቦላ አሳተላቱ ሎይል ኮሽያዋንታ።

23 ቦላ አሳተላቱዋጥ ቦንቼተናዋንታ ኑው ማላትያዋንታ ኑን ሎይል ቦንቼቶ። ቃይ ኑና ዬላይያ ቦላ አሳተላቱዋካ ሎይል ቦንቼቶ።

24 ኑ ቦላጥ ቤትያ ባጋው ማዶ ኮሸና፤ ሽን ፖክያ ባጋ አሳተላቱዋ ሎይል ማይዛናዳን፡ ጸሳይ አሳተላ እትጥ ጋሌዳ።

25 ቦላ አሳተላቱ እቲ እቶ እት ማላ ቆፋ ቆገናጥ አትን፡ ቦላን ዲማተላይ ደእናው በሰና።

26 ቦላ አሳተላቱዋጥ እቲ ሴለቶጥ፡ ቦላ አሳተላቱ ኡባይካ አናና ሴለቲና፤ ቦላ አሳተላቱዋጥ እቲ ቦንቼቶጥ፡ ቦላ አሳተላቱ ኡባይ አናና ናሽቲና።

27 ህንተንቲ ኡባይ ክርሰቶሳ ቦላ፤ ቃይ ሁጺያን ሁጺያን ህንተ ኡባይካ እ ቦላ አሳተላቱዋ።

28 ጸሳይ ዋሳ ጎላን እት እት አሳቱዋ፡ ኮይሩዋን የሱሰ ኪቲዳዋንታ፡ ላኤንሉዋን ናሳቱዋ፡ ሄዘንሉዋን ታማርሰያዋንታ፡ ሄዋጥ ጉይያን፡ ማላታ አልያዋንታ፡ ሄዋጥ ጉይያን፡ ገልያ ዋልቃይ ደእያዋንታ፡ ማድያዋንታ፡ ዋሳ ጎልያ አይሰያዋንታ ዲማ ዲማ ቃላን ሃሳይያዋንታ አሌዳ።

29 ኡባቲ የሱሰ ኪቲዳዋንቲ? ኡባቲ ናሳቲ? ኡባቲ ታማርሰያዋንቲ? ኡባቲ ማላታ አሌና?

30 ኡባው ገልያ ዋልቃይ ደእ? ኡባቲ ዲማ ዲማ ቃላን ሃሳይያ? ቃይ ዲማ ዲማ ቃላን ሃሳይያዋ ኡባቲ ብላና?

31 ሽን ኡባጥ አድያ አሞታ ሎይል ኮይተ። ቃይ ኡባጥ ሎይል አድያ ኦግያ ታን ህንተንታ በሳና።

### 13

ቲሙ ሲቁዋ

1 ታን አሳ ቃላን ኪታንቻ ቃላን ሃሳዮጥካ ታው ሲቁ ጳዮጥ፡ ታ ሃሳያይ ጮ ዋሰያ ዳዋላ ማላ፤ ዋይ ቆልጫካትያ ጽናጽልያ ማላ።

2 ናበተላ አሞታይ ታው ደአጥካ፡ ታን ጌሜዳ የወዋ ኡባን ኤራተላ ኡባ ኤርንቶካ፡ ቃይ ደርያ ደንል ድግያ አማኑ ታው ደአጥካ፡ ሲቁ ጳዮጥ፡ ታን አያን ግድክ።

3 ታው ደእያዋ ኡባ ሀይላቱዋ ምዛናው አምንቶካ ሀራይ እቶ፡ ታ ቦላ ታማን ጉዳናው አላ አምንቶካ ሲቁ ጳዮጥ፡ ታና አይነ ማደና።

4 ሲቁ ዳንዳያንቻ፡ ሲቁ ኪኪ። ሲቁ ቃናተና። ጨቀተና፤ ቃይ ኦቶረተና።

5 ሲቁ ባረው በሰናዋ ኦግና፤ ኡዜተና፤ ይሎተና፤ ሲቁ ናቀቲዳዋካ ፓይደና።

6 ሲቁ ቱማተላን ናሽትያዋጥ አትን፡ ዋርዲዋን ናሽተና።

7 ሲቁ ኡባባ ዳንዳዬ። ኡባባይካ ሀናናዋ ገደ፡ ናሽቻን ናጌ። ኡባባን ገንጩ።

8 ሲቁ ሙላካ ጳየና። ሽን ናበተላይካ አታና፡ ዲማ ዲማ ቃላን ሃሳይያዋካ አታና፡ ኤራተላይካ ጳየና።

9 አያው ጎጥ፡ ኑን ኤራተላጥ ፓጫ ኤሬቶ፤ ትምቢትያጥ ፓጫ ኦዳቶ።

10 ሽን ኩሙንላ ግዳዳዌ ይያ ዋደ፡ ፓጫይ ጳየና።

11 ታን ናአተላን ደእያ ዋደ፡ ናአዳን ሃሳያይ። ናአዳን ቆገይ። ቃይ ናአዳንካ

አኪካይ። ዋዳላ ግዴዳ ዋደ፣ ናአተፋ ሁኑዋ አጋድ።

12 ኑን ሀእ በእያዌ ማሰቶትያን በእያ ለምእ ለምእያ ማላ ማላ፤ ሸን ሄ ዋደ ኑን ኑ አይፍያን ቆንጭያን በእና። ሀእ ታን ኤራተፋጥ ፓጫ ኤራይ፤ ሸን ጸሳይ ታና ወርሲይ ኤርያዋዳን፣ ሄ ዋደ ታንካ ወርሳ ኤራና።

13 ሸን ሄዋ ግደ፣ አማኑ፣ ሀናናዋ ጊደ ናሸቻን ናግያዌን ሲቁ፣ ሀዋንቱ ሄዛቱ ሞኒደ ደኢኖ። ሀዋንቱጥ አድያዌ ሲቁዋ።

### 14

ጌሻ እያና አሞታን ኡንቱንቱ ማዲዋ

1 ሲቁዋ ካልተ። እያና አሞታካ ሎይል ኮይተ። ሸን ኡባጥ አሊደ፣ ናበተፋ ኮይተ።

2 እያወ ጎፕ፣ ዲማ ዲማ ቃላን ሃሳይያ ኡራይ ጸሳዊ ሃሳይ፣ አትን፣ አሳወ ሃሳየና። እያወ ጎፕ፣ እ ሃሳይያዋ ኡን አኪከና። ሸን አሳወ ቆንጭቤና የወዋ እያና ዋልቃን ሃሳዬ።

3 ሸን ናቢ አሳ ማዳናወ፣ ዘራናወን ምንሳናወ አሳወ ሃሳዬ።

4 ዲማ ዲማ ቃላን ሃሳይያ ኡራይ ባረና ማዴ። ሸን ናቢ ዋሳ ጎልያ ማዴ።

5 ሀንተንቱ ኡባይ ዲማ ዲማ ቃላን ሀሳናናዋ ታን ደሳይ። ሸን ናበተፋ ሄዋፕ አላደ ደሳይ። እያወ ጎፕ፣ ዲማ ዲማ ቃላን ሃሳይያዋ ሄ ሃሳይዳዋ ዋሳ ጎልያ ማዳናወ ብልያ አሳይ ቆፕ፣ ዲማ ዲማ ቃላን ሃሳይያዋፕ ናበተሳይ አዴ።

6 ሸን ታናዳን አማንያዋንቶ፣ ሀእ ታን ሀንተንቱኮ ባይ፣ ዲማ ዲማ ቃላን ሃሳይያ፣ ሳጸን ዋይ ኤራተፋን ዋይ ናበተሳን ዋይ ታማርሰያዋን ሀንተንቶ ኡዳና ቆፕ፣ ታን ሀንተንታ እያ ማዳይታ?

7 ሀራይ አቶ፣ ሸምፑ ባይናባይ ሱሱልያ ግድና ዋይ ዲላ ግድና ካኢደ፣ ባረ ካሳ ዲማተላ ኤርሳና ቆፕ፣ ሱሱልያ ፑናፕ፣ ዋይ ዲላ ዲጸ፣ አሳይ ዋቲደ ኤራኔ?

8 ቃይ ጸራምባ ዋሱ ሎይል ኤረታና ቆፕ፣ ኦላወ ኦኔ ገገታናዋ?

9 ሀዋዳንካ፣ ቃይ ዲማ ዲማ ቃላን ሀንተ ሃሳይያዌ ቆንጩ ግደናን ቆፕ፣ ሀንተ ሃሳይያዋ አሳይ ዋት አኪካኔ? እያወ ጎፕ፣ ጫርኮ ሀንተ ሃሳይያ።

10 ሀ አላምያን ጮራ ቃላይ ደኤ፤ ሸን ብለሳይ ባይና ቃላይ እቱን ባዋ።

11 ሸን እት አሳይ ሃሳይያ ቃላ ታን ኤራና ቆፕ፣ ሄ ሃሳይያዋ ታወ አማላ ግዴ፤ ታንካ አወ አማላ ግዴይ።

12 ሀዋዳንካ፣ ቃይ ጌሻ እያና አሞታ ሀንተ አካናወ ሎይል ኮይያዋንታ ግድያ ድራወ፣ ዋሳ ጎልያ ድቻናወ ማዳዋ ኡባጥ አሊደ ኮይተ።

13 ሄዋ ድራወ፣ ዲማ ዲማ ቃላን ሃሳይያዌ ባረ ሃሳይዳዋ ብላናወ ዳንዲያና ማላ፣ ጸሳ ዋሱ።

14 እያወ ጎፕ፣ ታን ዲማ ዲማ ቃላን ጸሳ ዋሱ፣ ታ እያናይካ ዋሴ፤ ሸን ታ ጋርሳ ቆፋይ እይን ጎኤተና።

15 ያትና፣ ታን ዋቶ? ታን ታ እያናን ጸሳ ዋሳና፤ ቃይ ታ ቆፋንካ ጸሳ ዋሳና። ታ እያናን የጸና፤ ቃይ ታ ቆፋንካ የጸና።

16 ሄዋ ግዳና ቆፕ፣ ኔን ነ እያና ጸላላን ጸሳ ጋላትያዋ ግደ፣ ሄ ሳኦን ኔን ግያዋ ኤረና አሳይ ኔን ጸሳ ጋላትያዋ ኤረና፣ ኔን ጋላቲዳዋን ዋቲደ፣ “አመንእ” ጋኔ?

17 ኔን ጸሳ ጋላትያዋ ሎእ፤ ሸን ሄዋ የኮ ብታንያ ማደና።

18 ታን ዲማ ዲማ ቃላን ሀንተ ኡባጥ አላደ ሃሳይያ ድራወ፣ ጸሳ ጋላታይ።

19 ሸን ታን ዋሳ ጎልን ሀራቱዋ ታማርሳናወ ዲማ ዲማ ቃላን ታሙ ሻእ ቃላቱዋ ሃሳይያዋፕ እቼሹ ቃላቱዋ ታ ዋዛና ቆፋን ሃሳይናወ ደሳይ።

20 ታናዳን አማንያዋንቶ፣ ሀንተ ኢታ የወዋን ጉላ ናና ማላ ግደና፣ አትን፣ ቆፋን ጉላ ናና ማላ ግደተ፤ ሀንተ ጋርሳ ቆፋን ዋዛናማቱዋ ግደተ።

21 ጸሳ ማጸፋን፣ “ሳዲይ፣ ታን ሀ አሳወ፣ ዲማ ዲማ ቃላን ሃሳይያ አሳን፣ አማላቱዋ ድናን ሃሳይና።

ሸን ሄዋንካ፣ ታን ግያዋ ኡንቱንቱ ሰሰክኖ ያጌ” ጌተቲደ ጸፈቲዳ።

22 ሰም ዲማ ዲማ ቃላን ሃሳይያዋ አማንናዋንቶ ማላታ ግድያዋፕ አትን፣ አማንናዋንቶ ማላታ ግደና። ቃይ ናባቱዋፕ ሃሳይትያዌ አማንናዋንቶ ማላታ ግድያዋፕ አትን፣ አማንናዋንቶ ማላታ ግደና።

23 ሄዋ ድራወ፣ አማንያ አሳይ ኡባይ አትፕ ሸቁደ፣ ቃይ ኡባይካ ዲማ ዲማ ቃላን ሃሳይ፣ ታማርቤና አሳይ ዋይ አማንና አሳይ ገሊደ፣ ሀንተንታ ኡባ፣ “ሳይታ” ጌኔ?

24 ሸን ታማርቤና አሳይ ዋይ አማንና አሳይ ዋሳ ጎል ገልያ ዋደ፣ አሳይ ኡባይ ትምቢትያ ኦደ፣ እ ባረ ሰሰያዋን ባረ ናጋራ አኪኮ። ቃይ ሄ ሰሴዳባ ኡባንካ እ ፕርደታና።

25 እ ዋዛናን ጌምዳ ቆፋይካ ቆንጫና። ሀዋዳንካ ቃይ፣ “ጸሳይ ትሙ” ሀንተ ግደን ደኤ” ያጊደ ማርካቲደ፣ ጉፋኒደ ጸሳወ ጎይና።

አሳይ አትፕ ዋሰያ ዋደ ደኢናወ በሰያ ዋጋ

26 ሰም ታናዳን አማንናዋንቶ፣ እዬ? ሀንተንቱ አትፕ ሸቅያ ዋደ፣ ሀጺያን ሀጺያን፣ እቶ ማዘሙሪ ደኤ፤ እቶ ታማርሰያዋ ደኤ፤ እቶ ሳጸይ ደኤ፤ ቃይ እቶ ዲማ ዲማ ቃላን ሃሳይያዋ ደኤ፤ እቶ ብልያዋ ደኤ። ኡባይካ ዋሳ ጎልያ ማድያዋ ግደናወ በሴ።

27 ኡን ዲማ ዲማ ቃላን ሃሳይ፣ ላኡ ግዲደ፣ ዋይ ዳርፕ ሄዙ ግዲደ፣ ካላን ካላን ሃሳይናወ በሴ። ቃይ ሀራ እቱ ኡንቱንቱ ሃሳይዳዋ ብሎ።

28 ሽን ብልያ አሳይ ቆየ፡፡ ዲማ ዲማ ቃላን ሃሳይያዌ ዋሳ ጎልያን ጮኡ ጎ፡፡ ባረ ሁጳወን ጸሳወ ሃሳየ፡፡

29 ናባቱካ ላኡ ግዲደ ዋይ ሄዙ ግዲደ ሃሳይና፡፡ ቃይ ሀራንቱ ኢንቱንቱ ግያዋ ሻክኖ፡፡

30 ሽን ጸሳይ ሄ ሳኅን ኡቴዳ ሀራው እትባ ቆንጮሶ፡፡ ካሰና ሃሳይያዌ ጮኡ ጎ፡፡

31 እያው ጎ፡፡ ኡባይ ታማራና ማላን ኡባይ ሞናና ማላ፡፡ ካላን ካላን ትምቢትያ ኦዳናው ዳንዳዪታ፡፡

32 ትምቢትያ ኦድያዋንቱ እሞታይ ኢንቱንቶ አዛዘቱ፡፡

33 እያው ጎ፡፡ ጸሳይ ሳርተላ ጸሳ፡፡ አትን፡፡ ጫቡዋ ጸሳ ግደና፡፡

34 ማጫዋንቱ ሸቆዋ ጋርሳን ጮኡ ጊና፡፡ እያው ጎ፡፡ አይሁዳቱዋ ህጊ ግያዋዳንካ ኢንቱንቱ ሞደታና፡፡ ሸቆዋ ጋርሳን ሃሳይናው ኢንቱንቶ ማት ባዋ፡፡

35 ማጫዋንቱ ሸቆዋ ጋርሳን ሃሳይያዌ ፖኮ ግድያ ድራው፡፡ አየንቶ ኡራናው ኮዮ፡፡ ሰይን ባረንቱ አሰና ኦቶኖ፡፡

36 ጸሳ ቃላይ ኮይር ህንተ፡፡ ዌዳ? ዋይ ህንተ ጸሳላኮ ዌዳ?

37 ኢን ባረና ሩባን ዋይ ጸሳ እያናይ ደእያ አሳ ያጊደ ቆፖ፡፡ ታን ህንተንቶ ጸፍያዌ ጎዳ እዛዙዋ ግድያዋ አኩኩ፡፡

38 ሽን ኢን አኬካና ቆየ፡፡ አኬኮፖ ባሽ አጎ፡፡

39 ሄዋ ድራው፡፡ ታናዳን አማንያዋንቶ፡፡ ትምቢትያ ኦዳናው ሎይላ እሞትተ፡፡ ቃይ ዲማ ዲማ ቃላን ሃሳይያዋካ ድጎ፡፡

40 ሽን ኡባባይካ ዋጋንነ ማራን ሀና፡፡

ኢንቱንቱ፡፡ ዳርያ ባጋይ ሀና ጋካናሰካ ፓጸ ደእኖ፤ ሽን አማራዳዋንቱ ሀይቄድና፡፡

7 ሄዋ፡፡ ጉይያን፡፡ ያቆባው ቆንጮዳ፤ ጉየ፡፡ ባረ ኪቴዳ ኡባቶ ቆንጮዳ፡፡

8 ቃይ ኡባ፡፡ ወርሰላን፡፡ ዋዲ ጋክናን የለቴዳ ታወካ ቆንጮዳ፡፡

9 እያው ጎ፡፡ የሱሰ ኪቴዳ ኡባ፡፡ ታን ላፋ፤ ታን ጸሳ ዋሳ ጎልያ ዋይሴዳ ድራው፡፡ የሱሰ ኪቴዳዋ ጌተታይ ጸሰታናውካ በሰከ፡፡

10 ሽን ጸሳ አጾ ኬካተላን ታን ታናካ፡፡ ቃይ ታው እ አማዳ አጾ ኬካተላይ መላ ግድቤና፤ ሽን ታን ኢንቱንታ ኡባ፡፡ አላይ አላድ፡፡ ሽን ታናና ደእያ ጸሳ አጾ ኬካተላይ ኦፊዳ፡፡ አትን፡፡ ታና ግድከ፡፡

11 ሰም ታና ግደ፡፡ ዋይ ኢንቱንታ ግደ፡፡ ኩን ኡባይ ኦድያዌ ሀዋ፤ ህንተንቱካ ሀዋ አማኔድታ፡፡

አሳይ ሀይቁዋ፡፡ ደንዳና

12 ክርሰቶስ ሀይቁዋ፡፡ ደንዳናዋ ኦድያዋ ግደ፡፡ ህንተንቱ፡፡ እት እት አሳቱ ያትና ዋቲይ፡፡ “ሀይቁዳ አሳይ ሀይቁዋ፡፡ ደንደና” ያጊና?

13 ሀይቁዳ ኡራይ ሀይቁዋ፡፡ ደንድቤናዋ ግደ፡፡ ያትና ሄኮ ክርሰቶስካ ሀይቁዋ፡፡ ደንድቤና ግያዋ፡፡

14 ክርሰቶስ ሀይቁዋ፡፡ ደንድቤናዋ ግደ፡፡ ያትና ኩን ኦድያዌካ መላ፤ ቃይ ህንተ አማኔካ መላ፡፡

15 ቃይ ኩን፡፡ “ክርሰቶሳ ሀይቁዋ፡፡ ደንጤዳ” ያጊደ ጸሳባ ማርካቲዳ ድራው፡፡ አ ዋርዶ ማርካቲዋ ግዲደ ቤቲይ፡፡ ሽን ሀይቁዳዋንታ ሀይቁዋ፡፡ እ ደንጤናዋ ግደ፡፡ ክርሰቶሳካ ደንጤና፡፡

16 እያው ጎ፡፡ ሀይቁዳዋንቱ ሀይቁዋ፡፡ ደንደናዋ ግደ፡፡ ሰም ክርሰቶስካ ደንድቤና፡፡

17 ክርሰቶስ ሀይቁዋ፡፡ ደንድቤናዋ ግደ፡፡ ህንተ አማኔካ መላ፤ ቃይ ህንተ ሀዋ ጋካናውካ ናጋራና ደኢታ፡፡

18 ሰም ክርሰቶሳ አማኒደ ሀይቁዳዋንቱካ ቃይ ቆይድና ግያዋ፡፡

19 ኩን ሀ ደኡዋ ጸላላው ክርሰቶሳን ሀይቲዳ \* ግደ፡፡ ሀ አላምያን ደእያ አሳ ኡባ፡፡ ኩባይ ኩባይ ሎኤና፡፡

20 ሽን ክርሰቶስ ሀይቁዳዋንቱ ደንደ ባይራ ግዲደ፡፡ ሀይቁዋ፡፡ ደንደዳዋ ቱማ፡፡

21 እያው ጎ፡፡ ሀይቁ እት አሳ ባጋና ሀ አላምያ ዌዳ፡፡ ሀይቁዳዋንቱ ደንደካ ቃይ እት አሳ ባጋና ዌዳ፡፡

22 እያው ጎ፡፡ አሳይ ኡባይ አዳማና እትተላ መጴዳ ድራው ሀይቁዳዋንቱ፡፡ ክርሰቶሳና እትተላ መጴዳ ድራው፡፡ ኡባይ ደኡ ደንዳና፡፡

23 ሽን ኡባባይካ ባረ ካላን ካላን ደንዳና፡፡ ክርሰቶስ ኡባ፡፡ ካሰቲይ ደንደዳ፤ ሄዋ፡፡

### 15

ክርሰቶስ ሀይቁዋ፡፡ ደንደዳባ

1 ታናዳን አማንያዋንቶ፡፡ ታን ህንተንቶ ኡዳዳ ሞሽራቹዋ ቃላ ህንተ አኬዳዋን ቃይ ህንተ አማኔ አን ኡቁዳዋ ህንተንታ ቆፈላይ፡፡

2 ህንተንቱ አማኔ መላ ግዳና ቆየ፡፡ ቃይ ታን ህንተንቶ ኡዳዳ ቃላ ሎይላ ኦይቆ፡፡ ህንተ ሄ ሞሽራቹዋ ቃላን አቴድታ፡፡

3 እያው ጎ፡፡ ታን ቃይ አኬዳዋ ኡባ፡፡ አጲደ ኮሽያዋ ካሰታይ ህንተንቶ አማኔ፡፡ ሄዋ አይ ጎ፡፡ ጸሳ ማጸፋይ ግያዋዳን፡፡ ክርሰቶስ ኑ ናጋራ ድራው

4 ሀይቁደ ሞገቲይ፡፡ ጸሳ ማጸፋይ ግያዋዳንካ፡፡ ሄክላያ ጋሳሰ ሀይቁዋ፡፡

5 ደንደደ፡፡ ጸጵርሳው ቆንጮዳ፡፡ ሄዋ፡፡ ጉይያን፡፡ ባረ ኪቴዳ ታማኒ ላኦቶ ቆንጮዳ፡፡

6 ሄዋ፡፡ ጉይያን፡፡ እቼሹ ጸቱዋ፡፡ ዳርያ ባረና ካልያ አሳው እት ካላ ቆንጮዳ፡፡

15:3 እሳ. 53:5-12 15:4 ማዘ. 16:8-10፤ ማቶሳ 12:40፤ ኪታ 2:24-32 15:5 ማቶሳ 28:16-17፤ ማር.

16:14፤ ሎቃሳ 24:34፤ 36፤ ዮሃ. 20:19 15:8 ኪታ 9:3-6 \* 15:19 ሀይታ- ክርሰቶሳን ኑ ዋጬዳ ኑ ኡባ ሀይታይ፡፡ ሀ አላምያን ደኡዋሳ ግደ፡፡ ሀ አላምያን ደእያ ሀራ አሳቱዋ ኡባ፡፡ ኩባይ አጲደ ኢታ፡፡ ጉሳ፡፡



ጉይያን፣ ክርስቶስን ተብሎ ክርስቶስ ይያ ዎደ ደንዳና።

24 ሃዋጥ ጉይያን፣ ክርስቶስ ማታ ኡባ፣ ጎዳተላ ኡባን ዎልቃ ኡባ ጳይሲደ፣ ጳሳው ባረ ኦቦ ካውተላ እምያ ዎደ፣ ዎድያ ወርሰላይ ያናዎ።

25 እያው ጎጥ፣ ጳሳይ እ ሞርከቱዎ ኡባ እ ገድያጥ ጋርሳና ዎላና ጋካናው፣ ክርስቶስ ሞዳናወ በሴ።

26 ኡባጥ ወርሰላን ጳይደ ደእያ ሞርከ. ሀይቁዎ።

27 እያው ጎጥ፣ ጳሳ ማጻፋይ፣ “ጳሳይ ኡባ እ ገድያጥ ጋርሳና ዎላደ ሞድሴዳ” ያጌ። ሽን ኡባባ እ ገድያጥ ጋርሳና ዎላደ ሞድሴዳ ግያ ዎደ፣ ኡባባ ኡሴዳ ጳሳጥ እትን፣ የኮ ኡባይ ሞድቲዳ ግያዌ ቆንጩ።

28 ሽን ኡባባይ ክርስቶሳው ሞድቲዳዎጥ ጉይያን፣ ክርስቶስ ቃይ ባረ ሁጸው ኡባባ ባረና ሞድሴዳ ጳሳው ሞድታና። ጳሳይ ቃይ ኡባባ ወርሲደ ሞዳና።

29 ሃዎ ግዳና ጳዮጥ፣ ሀይቁዳዎንቱ ኮታ ጳማቀትያዎንቱ እያ ኦሊኖ? ሀይቁዳዎንቱ ኡባካ ደንደናዎ ግደጥ፣ እሳይ ሀይቁዳዎንቱ ኮታ እያው ጳማቀት?

30 ያትና፣ ኮን ኡባ ዎደ እያው ሀሳየና መቱዎን ገሌቶ?

31 ታናዳን እማንያዎንቶ፣ ታን ኑ ጎዳ ክርስቶሳ የሱሳን ታው ደእያ ህንተናን ጩቀታይ፣ ጋላሳን ጋላሳን ሀይቃይ።

32 ታን ኤፊሶንን እሳ ቆፋዳን ዱኣና ባጸቲዳዌ ታና እያ ማዳ? ሽን ሀይቁዳዎንቱ ሀይቁዎጥ ደንደናዎ ግደጥ፣

“ሰሞ ሞይተን ኡሸይተ፤

እያው ጎጥ፣ ኮን ዎንት ሀይቃና” ግያዎ ማላ።

33 ጭመቶጥተ፤ ኢታ ላገተላይ ሎኦ ሆናታ ባይዘ።

34 ጽሎተላኮ ሰሞተ። ናጋራ ኦሎጥተ። ህንተንቱጥ እት እት እሳይ ጳሳ ኤረና፤ ታን ሀዎ ህንተንታ ዬላያናው ጋይ።

ሀይቁዎጥ ደንደዳ ቦላ ሆናታ

35 ሽን እት እሳይ፣ “ሀይቁዳ እሳይ ዎኒደ ደንዳኔ? ኡንቱንቱ እያ ማላ ቦላና ያኔ?” ያገናን እገና።

36 ኔኖ ኤያው፣ ኮን ጋድያን ዘርያ ዘረላይ ሀይቁናን ሞከና።

37 ኮን ዘርያዌ ዘርጋ ግድና ዎይ ሀራ ቆሞ ካላ ግድና፣ እይፍያ ጸላላጥ እትን፣ ላሞ ደሊደ ከሰያዎ ግደና።

38 ሽን ጳሳይ ዘረላው ባረ ደሴዳ ቦላ እማ፤ ቃይ ዘረላ ኡባውካ ሁጸያን ሁጸያን ኡንቱንቱ ቦላ እማ።

39 መጋታ ኡባ እሹ እቱዎ ግደና። ሽን እሳ እሹ እቱዎ፤ መሀያ እሹ ዱማ፤ ካፋቱዎ እሹካ ዱማ፤ ቃይ ሞልያ እሹካ ዱማ።

40 ቃይ ሳሉዎ አሳተላቱን ሳኦ አሳተላቱ ደኢኖ። ሽን ሳሉዎ ቦላ ቦንቹ ዱማ፤ ቃይ ሳኦ ቦላ ቦንቹ ዱማ።

41 አዎይፍያው እ ሁጸ ቦንቹ ደኤ። እገናውካ እ ሁጸ ቦንቹ ደኤ። ቃይ ጸልንታቶካ ዱማ ቦንቹ ደኤ፤ እያው ጎጥ፣ እት ጸልንቲ የኮ ጸልንትያጥ ቦንቹዎን ዱማቲ።

42 ቃይ ሀይቁዳዎንቱ ሀይቁዎጥ ደንድያ ዎደ ሃዎዳን ሀናና፤ ሀይቁያ ቦላይ ሞገቲደ፣ ሀይቁና ቦላ ግዲደ ደንዳና።

43 ቦላይ ቶሽያን ሞገቲደ፣ ቦንቹዎን ደንዳና። ቃይ ዳቡራን ሞገቲደ፣ ዎልቃን ደንዳና።

44 መጋታ ቦላይ ሞገቲደ፣ ጌሻ እያናን ካለስትያ ቦላ ግዲደ ደንዳና። መጋታ ቦላይ ደኦጥ፣ ቃይ ጌሻ እያናን ካለስትያ ቦላይካ ደኤ።

45 ሀዎዳንካ፣ ቃይ ጳሳ ማጻፋን፣ “ኮይሮ ብታኒ፣ አደዎ፣ ፓጸ ደእያ እሳ ግዲደ መጋቲዳ” ያጌ። ሽን ወርሰላ አዳሞ ደኡዎ እምያ እሳ ግዲዳ።

46 ሽን መጋታ እሳይ ኮይሮ ዪና፣ ጌደጥ እያና እሳይ ዬዳጥ እትን፣ እያናዌ ኮይሮ ይቤና።

47 ኮይሮ አዳሞ ቢታጥ መጋቲዳ፤ እ ቢታጥ መጋቲዳዎ። ላኤንሱዎ አዳሞ ሳሉዎጥ ዬዳ።

48 ሀ ሳኦ እሳቱ ቢታጥ መጋቲዳዎ ማላቲኖ። ቃይ ሳሉዎ አሳቱ ሳሉዎጥ ዬዳዎ ማላቲኖ።

49 ኮን ቢታጥ መጋቲዳዎ ማላ ማዬዳዎዳን፣ ሳሉዎጥ ዬዳዎ ማላካ ቃይ ማያና።

50 ታናዳን እማንያዎንቶ፣ ታን ግያዌ ሀዎ፤ እሹኑ ሱላይ፣ ጳሳ ካውተላ ላታና ደንዳየና። ቃይ ዎቁያዌ ዎቁናዎ ላተና።

51-52 ሰስተ! ታን ህንተንቶ እትባ ጸራይ። ኮን ኡባይ ሀይቆኑ። ሽን ወርሰላ ጸራምባይ ጥንትያ ዎደ፣ ልጼዳ እይፊ ጸላናዎ ዎዳና እግናን ላመታና። እያው ጎጥ፣ ጸራምባይ ጥንትያ ዎደ፣ ሀይቁዳ እሳይ ዎቁና እሳ ግዲደ ደንዳና፤ ኮንካ ላመታና።

53 እያው ጎጥ፣ ሀዎ ዎቁያዌ ዎቁናዎ ማያናወ በሴ፤ ቃይ ሀዎ ሀይቁያዌ ሀይቁናዎ ማያናወ በሴ።

54 ሽን ሀዎ ዎቁያዌ ዎቁናዎ ማይያ ዎደ፣ ቃይ ሀዎ ሀይቁያዌ ሀይቁናዎ ማይያ ዎደ፣ ሄ ዎደ፣ ጳሳ ማጻፋይ፣ “ሀይቁ ጸንቲደ ሞተቲዳ።

55 ሀይቆ፣ ነ ይሻይ ሀቃኔ? ሀይቆ፣ ነ ጸኑ ሀቃኔ?”

ጌዳ ቃላይ ፖለታና።

56 ሀይቁ ዱክያ ዎልቃ ናጋራጥ ደማ፤ ቃይ ናጋራይ ዎልቃ ህግያጥ ደማ።

57 ሽን ኑ ጎዳ የሱሰ ክርስቶሳ ባጋና ኑና ጸንሰያ ጳሳ ጋላታይ ጋኮ።

15:25 ማዘ. 110:1 15:27 ማዘ. 8:6 15:32 ኢሳ. 22:13 15:45 ደመላ 2:7 † 15:50 ሀ ሳኦ ቦላ ደኢደ እሳይ ማዬዳ እሹዎን ሱላ፣ ጉሳይ ሀ አላምያ አሳተላ ጉሳ። 15:51-52 1 ተሰ. 4:15-17 15:54 ኢሳ. 25:8 15:55 ሆሰ 13:14

58 ታን ሲቅያ ታናዳን አማንያዎንቶ፥ ሄዎ ድራው፥ ቃጸናን ምን ኤቁተ። ህንተንቱ ደቡራይ ጎዳ ባጋና መላ ግደናዎ ኤሪደ፥ ኡባ ዎደ ጎዳ ኦሱዎ አዛለናን ኦሳተ።

### 16

የሩሳላመን ደእያ አማንያ አሳዉ ሺቁዳ ሚሻ ማደዎ

1 ጸሳ አሳቶ ሚሻ ሸሻናዉ ጋላትያን ደእያ አማንያ አሳቶ ታን ቃላ ገሌዳዎዳን፥ ህንተንቱካ ቃይ ሄዎዳን ኦሳተ።

2 ህንተንቱ ታን ያ ብያ ዎደ፥ ሚሻ ሸሻና ማለ፥ ህንተ ኡባይ ዎጋ ጋላሰ ጋላሰ፥ ህንተ ደምያ ኬናፕ ህንተ ጎላን ዳጋይተ።

3 ታን ያ ጋክያ ዎደ፥ ህንተ አማንያ አሳ ኦና ግደፕነ፥ ህንተ አሜዳዎ ጋላና ማላ፥ ዳብዳቤያና ኡንቱንታ የሩሳላመ ኪታና።

4 ቃይ ታን ኡንቱንቱና ባናዉ ኮሾፕ፥ ኡንቱንቱ ታናና ኦትፕ ባናዎንታ።

ጳውሎሳ ቆፋቱዎ

5 ታን ማቅደንያና አጳእደ፥ ህንተንቱኮ ባና፤ አያዉ ጎፕ፥ ታን ማቅደንያና አጳይ።

6 ታን ብያሳ ሀቃ ግደፕነ፥ ታ ቡሳን ህንተ ታና ማደና ማላ፥ ህንተ ማታን አማራዳ ዎድያ ጋምኤናን አግከ። ዎይ ባልፑዎካ ህንተ ማታን ሻጨናን ዎያ አጋና።

7 አያዉ ጎፕ፥ ታን ሀእ ያና አጳእደ ሄ ኦግያና ህንተንታ በአናዉ ኮይከ። ጎዳይ ጎፕ፥ ህንተ ማታን አማራዳ ዎድያ ታካናዉ ቆፓይ።

8 ሸን ታን ጸንጸቆሰተ ግያ ጋላሳይ ጋካናዉ ኤፈሶንን ጋምኦና።

9 ታዉ ኦሱ ኩሜዳ አኮ ፕንጊካ ያን ደየቱዳ። ቃይ ታዉ ጮራ ሞርከቱ ደእኖ።

10 ጽሞቶሰ ህንተንቱኮ ዮፕ፥ ህንተ ማታን እ ያየናን ደአናዳን፥ እ ሎይል ኦይቁተ። አያዉ ጎፕ፥ እካ ቃይ ጎዳ ኦሱዎ ኦሌ።

11 ሄዎ ድራው፥ ኡን እ ካጶፖ። ሸን እ ታኮ ሳር ሰማና ማላ፥ አ ማዲደ ሳርተላን ሞይዘተ። አያዉ ጎፕ፥ ታን እ እሻቱዎና ሰማናዎ ናጋ ኡታድ።

12 ሸን ኑ እሻ አጳሎሰ የኮ እሻቱዎና ህንተንቱኮ ባና ማላ፥ ታን እ ምንሳ ዎሳድ። ሸን ሀእ ህንተንቱኮ ባናዉ ኮይቤና፤ እ ባረዉ ሚክያ ዎደ ህንተንቱኮ ባናዎ።

ወርሰላ ዘርያነ ሳርታ

13 ቤጎትተ። አማኑዎን ምን ኤቁተ። ጸልተ። ጎብተ።

14 ኦሱዎ ኡባ ሰቁዎን ኦሳተ።

15-16 ታናዳን አማንያዎንቶ፥ እሰጽፋኖሰነ እ ሶይ አሳይ ግሪከን ኮይሮ አማኔዳዎንታ ግድያዎነ ጸሳ አሳቶ ኦላናዉ ባረንታ አሜዳዎ ህንተ ኤሪታ። ህንተንቱካ ኡንቱንቱ ማላ አሳዉነ፥ ኡንቱንቱና ኦሳያ ኡባዉ ዳቡርያ ኡባዉ ኤኖ ጋናዳን፥ ታን ህንተንታ ዎሳይ።

17 እሰጽፋኖሰ፥ ፓርደናጽሰነ አካይቆሰ ህንተ ባይናሳን ታና ቦራሰሰቤና ድራው፥ ኡንቱንቱ ዩሳን ታን ናሸታይ።

18 ኡንቱንቱ ህንተንታ አያናን ምንሴዳዎዳን፥ ታናካ አያናን ምንሴዳ ድራው፥ ሄዎንቱ ማላ አሳቱዎ ደጎፕተ።

19 ኢሰያን ደእያ አማንያ አሳይ ህንተንታ፥ “ሳራ፥ ሎኤ” ገኖ። አቁላይነ ጽርሰቁላ ባረንቱ ሶይን ሸቅያ ዎሳ ጎላ አሳናካ ህንተንቶ ጎዳ ሳርታ ዎዛናፕ ኪቲኖ።

20 እሻቱ ኡባይ ህንተንቶ ሳርታ ኪቲኖ። እቱ እቱዎና ጌሻ የሪታ የሪቲደ ሳርተትተ።

21 ታን ጳውሎሰ ሀ ሳርታ ታ ኩሽያን ጸፋድ።

22 ጎዳ የሱሰ ክርሰቶሳ ሰቀና አሳይ ደኦፕ፥ እ ሸቀቱዳዎ ግደ። ኑ ጎዳው፥ ሃያ።

23 ጎዳ የሱሰ ክርሰቶሳ አጶ ኬካተላይ ህንተንቱና ግደ።

24 ክርሰቶሳ የሱሳን ደእያ ህንተንቱ ኡባና ታ ሲቁ ግደ። አመንእ።

# ጳውሎስ ቆርንቶሳ አሳው ጳጳዳ ላኤንሶ ኪታ ገሉዋ

ጳውሎስ ቆርንቶሳ አሳው ጳጳዳ ላኤንሶ ኪታይ ጳጳዳዳዊ፣ ጳውሎሳው ቆርንቶሳን ደገኝ አማንያ አሳና ደገኝ ጋከላይ ዳር መቱዋ ግደ ገል ኡቲዳ ዋድያና። እት እት አማንያ አሳቱ እት እት ቶሽያ ጳውሎሳ ቦላ ዋሴድና፤ ግደገን ጳውሎስ ስጋተላ ማጻና ላሞታይ ባረው ደገኝዋ በሲደ፣ ሃዌ ሀንያ ዋደ ዋልቃማ ናሽቻ ናሽታናው ዳንዳይያዋ ቆንጭሴ።

ሀ ኪታ ኮይር ደመላን ጳውሎስ ቆርንቶሳን ደገኝ አማንያዋንቱና ባረው ደገኝ ጋከተላ ቆንጭሴደ፣ አማንያዋንቱ ግደን ደንዳዳ ቶሽያሰን ጸልቀላው። እ ኡንቱንቶ እያወ ሞኖ ዛሩዋ እሜይንቶ ኦይ። ሃዋናካ ጋሴ ወሀ ሀዌ እ ሴራይ ኡንቱንታ ናጋራገ ሰማወን ስጋተላው ካለሌዳ ድራው፣ ሰሰቲዳ ናሽቻ ኡንቱንቶ ቆንጭሴ። ካሊደ ቃይ ይሁዳን ደገኝ አማንያዋንታ ማድያዋ ባረንቱዋገ ጮ እማና ማላ፣ ኡንቱንታ ሀሳይሴ። ወርሰላ ሸምጋቱዋን ጳውሎስ የሱሳገ ከተቲዳዋ ግድያዋ ቦላ ሺቄዳ ሞቶ ዛሩዋ ቃላ እሜ። አያው ሳገ፣ ቆርንቶሳ አማንያዋንቱ ግደን እት እት አሳቱ ባረንታ ቱሙ የሱሰ ከቲዳዋ ግደና፤ እ ዋርዲዋ” ያገደ፣ እ ሞቲኖ።

**ሸምጋቱዋ ኡባቶ እመቲዳ ቃንላ ቆፋቱዋ**  
ኡባገ ስንሳትያ የወዋ 1:1-11  
ጳውሎስን ቆርንቶሳን ደገኝ አማንያዋንታ 1:12—7:16  
ይሁዳን ደገኝ አማንያዋንቶ እመቲዳ ማዲዋ 8:1—9:15  
ጳውሎስ ባረ ከተቲዳ ማታው ኡቃታናው ሺሼዳ ቃላ ማርካ 10:1—13:10  
ወርሰላ ቁትያ 13:11-14

1 ታን ጳውሎስ፣ ጳሳ ሸንያን፣ ክርሰቶስ የሱሰ ከቲዳዊን ኑ አሻይ ጸሞቶስ ጳሳው ገይንያ ቆርንቶሳ ካታማን ደገኝ አማንያዋንቶን አካይያን ደገኝ ጳሳ ናናቶ ሀ ዲብዳቢያ ጳጳዳ።

2 ጳሳ ኑ አወዋጥን ጎዳ የሱሰ ክርሰቶሳገገ፣ አጼ ኬካተላይን ሳርተላይ ህንተንቶ ግደ።

ጳውሎስ ጳሳው ሺሼዳ ጋላታ

3 ጳሳ ኑ ጎዳ የሱሰ ክርሰቶሳ አወዋ፣ ማርተላ አወዋን መንግሥቱ ኡባ ጳሳ ጋላታይ ጋከ፤

4 ጳሳይ ኑና ኑ ሁጸወ መንግሥቱ መንግሥቱዳን፣ ዳር ዋይያ ዋየትያዋንታ ኑካ መንግሥቱዳን፣ ኑ ዋይያ ኡባን እ ኑና መንግሥቱ።

5 አያው ሳገ፣ ኑ ክርሰቶሳ ባጋና ዳር ዋይያ ዋየትያዋዳን፣ ሃዋዳንካ፣ ቃይ ኑና አ ባጋና ዳር መንግሥቱን መንግሥቱ።

6 ኑን ዋየቶ፣ ሃዌ ህንተና መንግሥቱን ህንተና አሻና፤ ቃይ ኑን ሞንቶ፣ ኑን ዳንዳይዳ ዋይያ ማላ ህንተካ ገንጨደ ዳንዳይያ ማላ፣ ጳሳይ ህንተወካ ቃይ መንግሥቱን ዳንዳይ አማና።

7 ህንተ ደማና ገደ፣ ህደታን ናግ ኡቲዳዊ ዳር ሞና፤ አያው ሳገ፣ ህንተ ኑናና ዋየቲዳዋዳን፣ ሃዋዳን መንግሥቱካ ኑናና አካናዋ ኑን ኤራቶ።

8 ኑ ኑናዳን ጳሳ ካልያዋንቶ፣ ኑን ኢሰያ ጋድያን ዋየቲዳ ዋይያ ህንተና ሀሳይሳናው ኮይቶ፤ ኑ ዋዩ ኑ ዋልቃገ ዳርና፣ ኑና ዋዴ ገደ፣ ሀርጋና ጋካናው፣ ኑና ዋጋይ ባይናዋ ዴዴዳ።

9 ኑን ኑ ቦላ ሀይቁዋ ፕርዳይ ፕርደቲዳ ያገደ ቆገደ፤ ሸን ሃዌ ሁዳዊ ሀይቁዳ አሳ ሀይቁዋገ ደንሰያ ጳሳን ኑን አማንታናገ እትን፣ ኑ ሁጸያን አማንተናዳና።

10 ጳሳይ ሀዋ ማላ ኢታ ሀይቁዋገ ኑና አሼዳ፤ እ ኑና አሻና፤ ስንሳገካ እ ኑና አሻናዋ ገደ፣ ህደታን ናግ ኡቲዳ።

11 ህንተ ዋሴዳ ዳር ዋሳን ኑወ አንጁ ሰሜዳ ድራው፣ ዳር አሳይ ኑ ድራው ጳሳ ጋላታና ማላ፣ ህንተካ ቃይ ኑና ዋሳን ማዳና ኮሼ።

ላመቲዳ ጳውሎስ ቆፋ

12 ኑን ጨቀትያዊ ሀዋ፤ ሀ ሳኣን ኑን ደገኝ ደኡ፣ ኡባ ቃይ ህንተናና ኑወ ደገኝ እትገተላይ ጳሳ አጼ ኬካተላናገ እትን፣ አሳ አጼዳ ኤራተላና ግደናዋ፣ ቃይ ጳሳይ እሜዳ ጌሻተላን ሱራተላን ኑን ደገኝዋ ዋዛና ቆፋይ ኑወ ማርካቲ።

13-14 አያው ሳገ፣ ህንተ ናባባናውን አኬካናው ዳንዳይያዋ ጳላላ ህንተንቶ ጳፍያዋገ እትን፣ ኑን ሀራባ ህንተንቶ ጳፍኮ። ኑ ጎዳ የሱሳ ጋላስ ኑን ህንተናን ጨቀታናዋዳን፣ ህንተካ ኑናን ጨቀታና ማላ፣ ህንተ ሁእ ወርሰ አኬከና የወዋ ግድን ወርሰ አኬካና ጋይ ቆገይ።

15 ሃዋ ታን ሎይላ ኤራዳ ድራው፣ ህንተ ላኡ ገደ ጎኤጋ ማላ፣ ኡባገ ካስታደ ህንተኮ ባናው ቆፋ ቃቻድ።

16 ታን ማቅደንያ ባይ ህንተናና ጋከታናዋን ቃይ ያገ ሰማይ ህንተ ማታና ይሁዳ አድሸን፣ ህንተ ታና ማዳናዋ ቆገ ኡታድ።

17 ሃዋ ድራው፣ ታን ሃዋ ቆገደ ታናን አማንትብይክታ? ታን ታ ቆፋ ቃቻያ ዋደ፣ ሳኣ አሳዳን እት ከላን፣ “ኤ፣ ኤ” ዋይ፣ “ግደና፣ ግደና” ጋናው ገጋ ኡታድታ?

18 ሸን ጳሳይ አማንቲዳዋ ግድያዊ ቱማ ግድያዋዳን፣ ኑን ህንተንቶ ኦድያ ቃላይ “ኤ” ግያዋን “ግደና” ግያዋ ግደና።

19 አያው ሳገ፣ ታን፣ ስላሰን ጸሞቶስ ህንተ ግደን ኦይዳ ጳሳ ናኢይ፣ የሱሰ ክርሰቶስ

“ኤ” ግያዋጥ አትን። “ግደና” ግያዋ ግደና። ሸን ጸሳ ሳገና እ ኡባ ዋደካ “ኤ”።

20 እያው ጎጥ። ጸሳይ እማና ጌዳባው ኡባው ኡኖ ጌዳዌ ክርሰቶሳ ሳገና ፖለታና፤ ሄዋ ድራው። ኑን ክርሰቶሳ ሳገና ጸሳ ሰንቸ። እመንእ \* ጌቶ።

21 ጸሳይ ክርሰቶሳ ሳገና ኑናን ሀንተና መንግሥት ኦክ።

22 ኑን አዋ ግድያዋ ኤርሰያ ማታፋ እ ኑ ሰላ ዋሊደ። ባረ ጌሻ እያና ዋሰያዳን። ኑ ዋዛና ግደን ዋሌዳ።

23 ቃይ ታን ቆሮንቶሳ ቤናን አጌዳዌ ሀንተና ቆሃናደና። ሄዌ ዋርድ ግደጥ ታና ሙራናው ታ ሸምጥዋን ጸሳይ ማርካ።

24 ኑን ሀንተና ናሸቻናው ሀንተናና እትጥ አልያዋንታጥ አትን። ሀንተ እማንያዋን ሀንተና ጎደታናው ኮይያዋንታ ግደኮ፤ እያው ጎጥ። ሀንተንቱ ሀንተ እማኑሳን ምኒደ ደኢታ።

### 2

1 ታን ላኤንሉዋ ሀንተና ካዮየና ማላ። ሀንተኮ ቤናዳን። ታ ቆፋ ቃቻድ።

2 እያው ጎጥ። ታን ሀንተና ካዮይያዋ ግደጥ። ሀ ታን ካዮዬዳ ሀንተ ታና ናሸቻናጥ አትን። ኦክ ታና ናሸቻናዌ?

3 ታን ሀንተንቶ ሄ ዳብዳቢያ ጸፊዳዌ። ታና ናሸቻናው በሰያ አሳቱዋን ታን ካዮታናው ሀንተኮ ባናው ኮያቤናዋሳ፤ ታን ናሸትያ ዋደ። ሀንተ ኡባይካ ቃይ ናሸታናዋ ሀንተ ኡባን እማነታይ።

4 እያው ጎጥ። ታን ሀንተንቶ ዳር ዋይያንነ ቱጋን ቃይ ዳር አፎላና ጸፊዳዌ። ሀንተና ካዮያናሳ ግደና፤ ሸን ታን ሀንተና ኡባቱዋ አይ ከና ሲቃይታንቶ ሀንተ ኤራናዳና።

ባይዛንቻው አቶ ግያዋ

5 ሸን እት ኡራይ ሀራ ካዮዬዳዋ ግደጥ። ታን አ የወዋ ዳርሳናው ኮይከ፤ እ ሀንተና ኡባቱዋ ካዮዬዳጥ አትን። ታ ጸላላ ካዮይቤና።

6 ሀንተጥ ዳርያ ባጋ አሳይ ሄ ብታንያ ማላ አሳ ሄዋዳን ሙርጥ። ሄ ሙራይ እው ግዳናዋ።

7 ሄዋ ድራው። ሄ ብታኒ ሎይሌ ካዮተና ማላ። ሀንተ እው አቶ ጋናውን አ መንግሥትናው በሴ።

8 ሄዋ ድራው። ሀንተ አ ምንሲደ ሲቅያዋ እ ኤራና ማላ። ታን ሀንተና ዋሳይ።

9 እያው ጎጥ። ሀንተ ታው እዛዘታናው ኡባ ዋደ ገባ ኡቴድተንቶን ቃይ ፓጭያ ሀንተ ዳንዳይንቶ ኤራናው። ሄ ዳብዳቢያ ሀንተንቶ ጸፋድ።

10 እት ኡራይ ናቁዳዋ ሀንተ አቶ ግያ ዋደ። ታንካ ቃይ አቶ ጋይ፤ ታን አቶ ጌዳዋ ግደጥ። አቶ ጌዳዋ እያን ክርሰቶሳ ሰንሳን ሀንተ ድራው። አቶ ጋድ።

11 ሴጸናይ ኑኮ ዪደ። ኑና ጭመና ማላ። ታን አቶ ጋድ፤ እያው ጎጥ። ኑን እ ቆፋ ኤራቶ።

ኦራላ ጫቁዋ ኦሳንቻቱዋ ጸኑዋ

12 ታን ክርሰቶሳ ምሽራቹዋ ቃላ ኦዳናው ጽርኤዳ ቤዳ ዋደ። ጎዳይ ያን ታው ጥንግያ ደይ ዋሌዳ።

13 ታን ታ እሻ ቲታ ያን ደማቤና ድራው። ታው እያናይ ሸምጥቤና። ሄዋ ድራው። ያን ደእያ አሳ። “ሳር ደእት” ጋይ ማቅደንያ ባድ።

14 ሸን ክርሰቶሳ ሳገና ኡባ ዋደ ኑና ጸኖ ካለልያ ጸሳ። ቃይ ክርሰቶሳ ትምርትያ ኑ ባገና ሸቱዋዳን። ኡባገ ጋልያዋ ጋላታይ ጋኮ።

15 እያው ጎጥ። ኑን አትያ አሳ ግዲዋንነ ጳይያ አሳ ግደን ክርሰቶሰ ጸሳው ያርሸያ ሳውዋ ቶሽኩ ግያ ሸቱዋ ማላ።

16 ኑን ጳይያዋንቶ ዜእያ ሀይቁዋ፤ ቃይ አትያዋንቶ ደኡዋ አምያ ሳዊያ ሸቱዋ፤ ያትና። ሄዋ ኦላናው ዳንዳይያዌ ኦክ?

17 ኑን ጸሳ ቃላ ገሎባዳን። ዋላኪደ ዛልእያ ሀራ ጮራ አሳቱዋ ማላ ግደኮ፤ ሸን ጸሳይ ኑና ኪትና። አማነቲደ ጸሳ ሰንሳን ክርሰቶሳ ሳገና ቃላ ኦዶቶ።

### 3

ጸሳ ኦራላ ጫቁዋ

1 ኑን ሸረቲደ። ኑ ሁጲያ ሳባናው ደማዴዬ? ዋይ ሀራ አሳቱዋዋዳን። ሳባ ዳብዳቢያ ሀንተንቶ የዳናው ዋይ ሀንተጥ አካናው ኮይቶ?

2 ሀንተንቱ ሀንተ ሁጲያን አሳይ ኡባይ ኤራናዳንነ ናባናዳን። ኑ ዋዛናን ጸፊት ኡቴዳ ኑ ዳብዳቢያ።

3 ሀ ዳብዳቢያ ክርሰቶሰ ባረ ሁጲያን ጸፊደ። ኑ ሰላ ከቲዳዌ ቱማ፤ ሀ ዳብዳቢ ደኡዋ ጸሳ ጌሻ እያናን አሳ ዋዛናን ጸፊቲዳዋጥ አትን። ሹቻ ሰላ ቃላምያን ጸፊትቤና።

4 ኑው ክርሰቶሳ ሳገና ጸሳን ሀዋ ማላ እማኑ ደኤ።

5 ኑ ዳንዳይያ ጸሳጥ ይያዋጥ አትን። ሀ ኦሱዋ ኑን ሁጲያን ኦላናው ዳንዳይቶ ግያዌ ኑው እያይነ ባዋ።

6 ኑን ኦራላ ጫቆ ኦላና ማላ። ጸሳይ ኑና ዳንዳይቤዳ፤ ሄ ኦራላ ጫቁ ጌሻ እያናዋጥ አትን። ጸፊቲዳ ሀግያዋ ግደና። ጸፊቲዳ ሀገ ሀይቁዋ አሄ፤ ሸን ጌሻ እያናይ ደኡዋ አሄ።

7 ሹቻ ዋጪደ ጸፊዳ ሀገ እመትያ ዋደ። ጸሳ ሰንቹ ቤቲዳ፤ ሙሴ ሶምእያን ደእያ ጸለላይ ጳይያዋ ግደጥ። ሄ ጸለላይ ዳር ዋልቃማ ግድያ ድራው። እሰራኤልያ አሳይ አ ሶምእያ ትሽ ኦላ ጸላናው ዳንዳይቤና። ሀይቁዋ አሀያ ሀገ ኦልያ ኦሱ ሀዋ ማላ ሰንቹዋና ይያዋ ግደጥ።

\* 1:20 እመንእ፡- “እመንእ” ግያ ቃላይ ሀዋን “ኤ” ያገትያ ብለላ ላይቁ። 3:3 ከሳ 24:12፤ ኤር. 31:33፤ ሀዘ. 11:19፤ 36:26 3:6 ኤር. 31:31 3:7 ከሳ 34:29

8 ጌሻ እያናይ ኦልያ ኦሱዋ ቦንቹ አይ ኬና ዳራኔ?

9 እያው ጎጥ፡ አሳይ ፕርዳ እክያ ኦሱ ቦንቹ ግደጥ፡ አሳይ ጽልያ ኦሱዋ ቦንቹ ዋረደ ዳራንዳሻ?

10 እያው ጎጥ፡ ካሰ ቦንቹ ሀእ ባረጥ ሎይሳ አድያ ቦንቹዋ ጋሱዋን ቦንቹዋ ጳዬዳዌ ቱማ።

11 እያው ጎጥ፡ ሄ ጳዬዳዋን ቦንቹ ደእያዋ ግደጥ፡ መድናዉ ደእያዋን አይ ኬና ዋልቃማ ቦንቹ ደእንዳሻ?

12 ኑን ሀድታን ናግያ ሀዋ ማላባይ ኑዉ ደእያ ድራዉ፡ ቆንጭያን ጸሊደ ሃሳዬቶ።

13 እስራኤልያ አሳይ ጳይያ ቦንቹዋ ዉርሰላ በኤና ማላ፡ ባረ ሶምእያ ናጻላን ካሜዳ ሙሴ ማላ ግደጥ።

14 ሽን ኡንቱንቱ ዋዛናይ ደንጭሌዳ፤ እያው ጎጥ፡ ኡንቱንቱ ኤጫ ጫቁዋ ናባብያ ዋይ፡ ሀቼ ጋካናዉካ፡ ሄ ናጻላይ ኡንቱንቱ ዋዛና ካም ዋሌዳ፤ ኦንነ ክርሰቶሳና ጋከትያ ዋይ ጸላላን ሄ ናጻላይ ክቼ።

15 ሽን ኡንቱንቱ ሙሴ ማጻፋ ናባብያ ዋይ ኡባን ሀቼ ጋካናዉካ፡ ሄ ናጻላይ ኡንቱንቱ ዋዛና ካም ዋሌዳ።

16 ሽን ጸሳ ማጻፋይ፡ “ኦንነ ጎዳኮ ሰምያ ዋይ፡ አዉደነ ሄ ናጻላይ ቃረቱ” ያጌ።

17 ጎዳይ ጌሻ እያና፡ ጎዳ እያናይ ደእያ ሳን አይለተላይ ባዋ።

18 ኑን ኡባይካ ናጻላን ካመትቤና ሶምእያን ጎዳ ቦንቹዋ በእና \* ቃይ ጌሻ እያና ግድያ ጎዳጥ ይያ ሄ ቦንቹ ኑና ባረና ማለትሲደ፡ ቦንቹዋጥ ቦንቹ ላማና።

4

ጳዉሎስ ባረ ኦሱዋን አማነቱዳ አሳ

1 ሰም ጸሳይ ኑዉ ሀ ኦሱዋ ባረ ማረተላን ኦላናዳን እሚዳ ድራዉ፡ ኑን ባለቶኮ።

2 ኑን ጌማን ኦልያ ዬላይያ ኦሱዋ ኡባ አጎይተ፤ ቃይ ገንያ ኦሱዋካ ኦሎኮ፤ ዋይ ጸሳ ቃላ ዋርዲዋና ዋላኮኮ። ሄዋዳንካ፡ ቱሙዋ ቆንጭያን ሃሳዬደ፡ ጸሳ ሰንላን ሱረ ዋዛናዉ ኑና ሺሾይተ።

3 ኑን ኦድያ ዋንጋላ ምሽራቹ ጌማዳዋ ግደጥካ፡ ጳይያ አሳቱዋ ጸላላዉ ጌማዳ።

4 ሀ ሳኣ ጸሳይ አማና ኦሳቱዋ ቆፋ ጆልሴዳ፤ ክርሰቶሳ ቦንቹዋ፡ ዋንጋላ ምሽራቹዋ ፖኡዋ ባረንቶ ፖእያዋ፡ ጸሳ ማለትያዋ ኡንቱንቱ በኤና ማላ፡ ኡንቱንታ ድጌዳ።

5 እያው ጎጥ፡ የሱስ ክርሰቶስ ጎዳ ግድያዋን አ ድራዉ ኑን ኑ ሀጺያን ሀንተንቶ ቆማ ግድያዋ ኦደቶጥ አትን፡ ኑባ ኦደኮ።

6 እያው ጎጥ፡ “ጳማጥ ፖኡ ፖእና” ጌዳ ጸሳይ ኑ ዋዛናን ባረ ፖኡዋ ፖእሴዳ፤ ቃይ አ ባረ ቦንቹ ኤራተላ ፖኡዋ ክርሰቶሳ ሰንላን ፖእያዋ ኑዉ አማናዉ ፖእሴዳ።

7 ሽን ኡባጥ አድያ ዋልቃይ ጸሳዋጥ አትን፡ ኑሳ ግደናዋ በሳናዉ ኑዉ ሀ ምንጃይ ኡርቃጥ መጠቅዳ ሚሻ ግዴዳ ኑ ግደን ደኤ።

8 ኑን ኡባ ባጋናካ ኡንኤቲደ፤ ሽን መኤረትቦይኮ፤ ቃይ እት እት ዋይ ሰዴቶ፤ ሽን ኑ ኡባናካ አግቦይኮ።

9 ኑን የደርሰቲደ፤ ሽን ጸሳይ ኑና ኦልቤና፤ ቃይ ኑ ሞርከቱ ኑና ኦል አጌድኖ፤ ሽን ኑን ጳይቦይኮ።

10 ቃይ የሱሳ ደኤ ኑ አሳተላን ቤታና ማላ፡ ኑን ኡባ ዋይ አ ሀይቁዋ ኑ አሳተላን ቶክ ዩዬቶ።

11 እያው ጎጥ፡ ሀይቁያ ኑ አሳተላ ቦላ የሱሳ ደኤ ቤታና ማላ፡ ፓጻ ደእያ ኑን አ ድራዉ፡ ኡባ ዋይ ሀይቁቶ።

12 ሄዋ ድራዉ፡ ሀይቁ ኑ ግደን ኦሌ፤ ሽን ደኤ ቃይ ሀንተ ግደን ኦሌ።

13 ጸሳ ማጻፋይ፡ “ኑን አማኔዳ ድራዉ ሃሳያድ” ያጌ፤ ሄ አማኑዋ እያናይ ኑዉካ ደእያ ድራዉ፡ ኑንካ አማኔቶ፤ ሄዋ ድራዉ፡ ሃሳዬቶ።

14 ጸሳይ፡ ጎዳ የሱሳ ሀይቁዋጥ ደንጫዳዌ፡ ኑናካ ቃይ የሱሳና ሀይቁዋጥ ደንጫደ፡ ሀንተናና አትጥ ባረ ሰንላ ሺሻናዋ ኤራቶ።

15 ሀዋ ኡባይ ሀንተ ድራሳ፤ ጸሳ አዶ ኬካተላይ ዳር አሳ ጋክያ ዋይ፡ አሳይ ጸሳ ቦንቹ ዳር ጋላታ አማና።

አማኑዋን ደኡሳ

16 ሄዋ ድራዉ፡ ኑን ሳለቶኮ፤ ኑዉ ሀራይ አቶ፡ ቦላ ባጋ አሳተላይ ዋቂንቶካ፡ ጋርሳ ባጋ አሳተላይ ጋሳሳን ጋሳሳን ኦራዴ።

17 እያው ጎጥ፡ ሀእዉ ዋየትያ ሀ ጉላ ዋዬ፡ ኡባጥ ሎይሳ ዳርያ መድና ቦንቹዋ ኑዉ ቤትሳና።

18 ኑን ቤተናዋ ጴሌቶጥ አትን፡ ቤትያዋ ጴሌኮ፤ እያው ጎጥ፡ ቤትያባይ ሀእሳ፤ ሽን ቤተናዌ መድናዉ ደእያዋ።

5

1 እያው ጎጥ፡ ኑን ደእያ ሀ ሳኣ ዳንካኒ ኮለቶጥ፡ ኑዉ አሳይ ኬጽቤና ጎሊ፡ ጸሳይ ኬጴዳዌ፡ ሳሉዋን መድናዉ ደእያዋ ኑን ኤራቶ።

2 ኑን ሀ አላምያን ደኢደ ዳር ኦሌቶን ሳሉዋን ደኤና ኑ ጎልያ ማያናዉ ሎይሳ አሞቲቶ።

3 ኑን ሄዋ ማዬደ፡ ካሎቶኮ፤

4 ኑን ሀ ሳኣ ዳንካንያን ደኢደ፡ ዳይቲደ ኦሌቶ፤ እያው ጎጥ፡ ሀይቁያ አሳተላይ ደኡዋን ሞተታና ማላ፡ ኑን ማያናዉ ኮዬቶጥ አትን፡ ካሎታናዉ ኮዮኮ።

5 ኑና ሀዋ ገግሴዳዌ ጸሳ፤ ቃይ አ ባረ ጌሻ እያና ዋሰ ኦሌደ፡ አሚዳዌ አ።

6 ሄዋ ድራዉ፡ ኑን ኡባ ዋይ አማነቲቶ፤ ቃይ ኑን ኑ ጎለን ሀ አሳተላን ደኤዳ ኬናን፡ ጎዳጥ ሻከቲደ ደእያዋካ ኤራቶ።

3:13 ከሳ 34:33 3:16 ከሳ 34:34 \* 3:18 ናጻላን ካመትቤና ሶምእያን- እት አሳ ደኡዋን ሰንላ ሀናናባይ፡ ከሃ ጋርሳን ጸልቂ ቤትያዋዳን ጉሳ። 4:6 ደመሳ 1:3 4:13 ማዘ. 116:10

7 እያወ ጎጥ፣ ኑን አማኑዋን ደኤቶፕ አትን፤ በእያዋን ደኤኩ።

8 ኑና አማንሌ፤ ቃይ ሀ አሳተፋን ኑ ጎልያ አግ ጎለ ቢደ ጎዳና እትፕ ደእያዋ ኑና ናሸቼ።  
9 ሃዋ ድራው፣ ኑን ቃይ አሹዋን ደእና ደእና ቆይና፣ ኑ ቆፋይ እ ናሸቻናሳ።

10 እያወ ጎጥ፣ ኑን ሁጺያን ሁጺያን አሌዳ ኡሱ ሎአ ግድና፣ ዋይ ኢታ ግድና፣ ኑወ በሰያዋ አካናወ፣ ክርስቶስ ፕርዳ ኦይድያ ሰንፋን ኡባይካ ሺቃናወ በሴ።

አሳ ጸሳና ዳቦይያ ኡሱዋ  
11 ሃዋ ድራው፣ ኑን ጸሳወ ያዩሳይ እየንቶ ኤሪድ፣ ሃዋዳን ቃይ አሳካ አማንሌቶ፤ ጸሳይ ኑና ኡባና ኤሬ፤ ቃይ ሀንተካ ሀንተ ዋዛና ቆፋን ኑና ኤሪታ ያገደ ቆገይ።

12 ቤትያባን ጨቀትያዋንቱፕ አትን፣ ዋዛናን ደእያዋን ጨቀተና አሳቶ ሀንተ ኦድ ዛርያባይ ደእና ማላ፣ ሀንተ ኑናን ጨቀታናዳን፣ ኑን ሀንተንቶ ጋሱዋ ግዳናወ ከይያዋፕ አትን፣ ኑና ጋላታናወ ከዮኩ።

13 ኑን ጎይያዋ ግደፕ፣ ጸሳ ቦንቹዋሳ፤ ዋይ ቃይ ዋዛናና ደእያዋ ግደፕካ፣ ሀንተና ጎኤናሳ።

14 ክርስቶስ ሲቁ ኑና ግደ፤ እያወ ጎጥ፣ እት አሳይ አሳ ኡባወ ሀይቄዳዋ ኑን እኬኬድ፤ ሃዋ ግደፕ አሳይ ኡባይ እናና ሀይቄዳ።

15 ፓጾ ደእያዋንቱ ባረንቱ ድራወ ሀይቄዳዋን ቃይ ሀይቄዋፕ ደንዴዳዋ ደእናፕ አትን፣ ሰንፋፕ ባረንቱ ሁጺወ ደኤና ማላ፣ እ አሳ ኡባ ድራወ ሀይቄዳ።

16 ሃዋ ድራው፣ ኑን ሀዋፕ ሰንፋወ እናን አሳ ቆፋን ፕርድኮ፤ ሀራይ እቶ፣ ኑን ክርስቶስ ካሰ አሳ ቆፋን ፕርዴዳዋ ግደፕካ፣ ሰዎ ሰንፋፕ ሃዋዳን ፕርድኮ።

17 ሃዋ ድራው፣ ኡንን ክርስቶስና ደአፕ፣ ኡራሳ መታ፤ ጭማይ አዴዳ፤ በእተ፣ ኡባባይካ ኡራጾዳ።

18 ክርስቶስ ባጋና ኑና ባረናና ሰገሌዳ ጸሳይ ኡባባካ ኡሌዳ፤ ቃይ እ ኑወ ሀራቱዋ ባረናና ሰገሌያ ኡሱዋ እሜዳ።

19 ጸሳይ ክርስቶስ ባጋና አሳ ኡባ ባረናና ሰገሌ፤ አሳ ናጋራካ አሳ ቦላ ፓይደና፤ ቃይ አሳ ባረናና ሰገሌያ ከታካ ኑወ እሜዳ።

20 ሰዎ ጸሳይ ኑ ባጋና ሀንተንቶ ሃሳይያዋዳን፣ ኑንካ ክርስቶስ ድራወ ሃሳይያ እ ከቲዳዋንታ፤ ቃይ ኑን ሀንተና፣ “ጸሳና ሰገትተ” ገደ፣ ክርስቶስ ድራወ ዋሴቶ።

21 ኑን ጸሳ ጽሎተሳ ክርስቶስ ባጋና አካና ማላ፣ ናጋራ ኤረና ክርስቶስ ኑ ድራው፣ ጸሳይ ናጋራንቻ አሌዳ።

**6**

1 ሀንተ ኑናና ጸሳ ኡሱዋ አሌዳ፣ እ አይ ከካተሳ አኪደ ሀነና ኦግን ጎኤተና ማላ፣ ኑን ሀንተና ዋሴቶ።

2 እያወ ጎጥ ጸሳይ፣

“ታን እንጀ ዋድያን፣

ኑን ግያዋ ሰሳድ፤  
ቃይ አቶተሳ ጋላሰ፣  
ኑና ማዳድ”

ያጌ። በእተ፣ እንጀ ዋዲ ሀኢ። በእተ፣ አቶተሳ ጋላሳይ ሆቻ።

3 ኑን ኑ ኡሱዋ ኡንን ቦራናዋ ኮዮኮ፤ ቃይ ኡናን ቆባናዋ ኮዮኮ።

4 ሸን ኡባባን ኑን ጸሳ አሳንቻቱዋ ግድያዋ ኑ ሁጺያን በሴደ፤ ዳር ገንጫን፣ ዋይያን፣ መቱዋን፣ ዋልቃማ ቱጋን፣

5 ልሱዋን ሸጬትያዋን፣ ቃሹዋን፣ ቫቢረቱሳን፣ ዳቡራን፣ ገምእሹዋ ቆይያዋን፣ ጸማን፣

6 ገሻተሳን፣ ኤራተሳን፣ ዳንዳያን፣ ከካተሳን፣ ገሻ እያናን፣ ቱሙ፣ ሰቁዋን፣

7 ቱሙዋ ሃሳይያዋን፣ ጸሳ ዋልቃን ኑን ጸሳ አሳንቻቱዋ ግድያዋ ኑ ሁጺያን በሴደ፤ ቃይ ጽሎተሳ ቶራ ኡሸቻ ኩሸያን፣ ጎንዳልያ ሀድርሳ ኩሸያን አይቃና።

8 ኑን ቦንቹቲደን ቶሸቲደ፤ ቦረቲደን ጋላተቲደ። ቃይ ቱሙዋ ሃሳይቶ፤ ሸን አሳይ ኑና ዋርዳዋ ገደ ቆገ።

9 ኑን አሳይ ኤረና አሳ ማላ፤ ሸን አሳይ ኡባይ ኑና ኤሬ፤ ኑን ሀይቄዳ አሳ ማላ፤ ሸን ሀንተ በእያዋዳንካ ደኤቶ፤ ሙረቲዳ አሳ ማላ፤ ሸን ሀይቄበይኮ።

10 ኑን ካዮትያዋንታ ግደፕካ፣ ኡባ ዋይ ናሸቲቶ፣ ሀይሳ ማላቲቶ፤ ሸን ዳር አሳ ዲራይቶ፤ ቃይ እያይን ባይና አሳ ማላቲቶ፤ ሸን ኡባባይካ ኑዋ።

11 ቆርንቶስን ደእያ አሳወ፣ ኑን ሀንተንቶ ቆንጭያን አዴደ፤ ኑ ኡሉዋካ ሀንተና በሴደ፤

12 ኑን ሀንተንቶ ድብበይኮ፤ ድቤዳዋንቱ ሀንተና። ኑን ኑ ኡሉዋ ሀንተንቶ ገንልበይኮ፤ ሸን ሀንተ ኡሉዋ ኑወ ገንጫዳዋንቱ ሀንተና።

13 ሀእ ታን ታ ናናወ ሃሳይያዋዳን፣ ሀንተንቶ ሃሳይ፤ ኑን ሀንተና ኑ ኡሉዋ በሴዳዋዳን፣ ሀንተካ ኑና ሀንተ ኡሉዋ አሰ ደዴደ በሰተ።

እማነና አሳና ዘፕተና ማላ ሴራ

14 እማነና አሳቱዋና ዘፕተደ፣ ገገና ኡሱዋ ኦሎፕተ። እያወ ጎጥ፣ ጽሎተሳወን ናጋራወ እያን ጋከላይ ደኢ? ፖኦን ቆማወ እያን እትፕተሳይ ደኢ?

15 ክርስቶስን ዳብሎሳ \* እትፕ ጋልያባይ አይ? ቃይ አማንያዌን እማነናዋ ኮጽያዌ አይ ደኢ?

16 ጸሳይ ገሻ ጎለወን ኤቃወ አይበ ዘፕተሳይ ደኢ? እያወ ጎጥ ጸሳይ፣

“ታን ኡንቱንቱ ግደን ደእናን

ኡንቱንቱ ግደን ሀመታና።

ታን ኡንቱንቱ ጸሳ ግዳና፤

ቃይ ኡንቱንቱ ታ አሳቱዋ ግዳና”

ጌዳዋዳን፣ ኑን ደኡዋ ጸሳ ገሻ ጎልያ።

17 ሃዋዳንካ፣ ቃይ ጎዳይ፣

6:2 አሳ. 49:8 \* 6:15 ዳብሎሳ- ግሪክያ ማጻፋይ “በልያር” ጌ። ሃዋ ጉሳይ እብራይስጽያን “በልያል” ግያዋ። ላኡዋ ብለላይካ “ማካላንቻ” ዋይ “ማደናዋ” ጉሳ። 6:16 ዋጋ 26:12፤ ህዘ. 37:27፤ 1 ቆር. 3:16፤ 6:19

“ኢንቱንቱ ግደፕ ከሰተ፤  
እንቱንቱፕ ሻከትተ።  
ቱናባካ ቦቾፕተ።  
ታን ህንተና ሞካ እካና።

18 ቃይ ታን ህንተንቶ እወዋ ግደና፤  
ህንተካ ታዉ እቱማ ናናቱዋ፤  
ማጫ ናናቱዋ ግደንታ።  
ታን ኡባፕ ዋልቃማ ጎዳይ።  
ሀዋ ኦዳይ”  
ያጌዳ።

**7**

1 ሄዋ ድራዉ። ታ ሲቃቶ። ጸሳይ ሀ ኡባባ ኑዉ እማና ጌዳዋፕ ህን ባጋን። ኑ እሹዋን ኑ ሸሞፕዋ ቱንሰያ ኡባባፕ ኑ ሁጺያ እነ ጌሹይተ፤ ቃይ ጸሳዉ ያይያዋን ኡባና ጌዪደ ደኤቶ።

ጸዉሎሳ ናሸቻ

2 ህንተ ኡሉዋ ኑና በሰተ፤ ኑን ኦናን ናቁበይኩ፤ ኦናን ቆህበይኩ፤ ቃይ ኦናን ጭምባይኩ።

3 ታን ሄዋ ህንተ ቦላ ፕርዳናዉ ጊከ፤ እያዉ ጎፕ። ታን ካሰ ህንተንቶ ጌዳዋዳንካ። ህንተንቱ ኑ ዋዛናን ደኢታ፤ ኑን ደእናካ ሀይቁናካ። እትፕ ደኤቶ።

4 ታን ሃሳይያዋ ህንተፕ ቆስከ፤ ታን ህንተናን ጩቅታይ፤ ኑ ዋይያ ኡባን ታን ሎይላ ሞናይነ ናሸታይ።

5 እያዉ ጎፕ። ሀራይ እቶ ኑን ማቅደንያ ቢዳ ዋይ። ኡባ ባጋንካ ዋየቱደፕ እትን። ሸሞፕበይኩ፤ ሀራ እሳና ዋሳሳይ ደኤ፤ ኑ ዋዛናንካ ያሻይ ደኤ።

6 ሸን ካወሼዳዋንታ መን። ልያ ጸሳይ። ቲቶ ዩሳን ኑና መን። ልዳ።

7 ኑና ካሰዋፕ እላ ናሸቾያዎ። ቲቶ ዩሳ ጸላላ ግደና፤ ሸን ህንተ ኦ መን። ልዳዎ። ህንተ ታና በእናዉ እሞቱዳዋን ታዉ ቃረቱዳዋ ቃይ ህንተ ታና ማዳናዉ ጊቲዳዋ እ ኑዉ ኦዳይ።

8 እያዉ ጎፕ። ታ ዳብዳቢ ህንተና ካዮዴዋ ግደፕካ። እያዉ ጸፋድታሻ ጊከ፤ እያዉ ጸፋድታሻ ጎፕካ። ታ ዳብዳቢ ህንተና ጉሳ ዋድያ ካዮዴዋ በእይ።

9 ሀእ ታና ናሸቾያዎ ታን ህንተና ካዮዴዳ ድራሳ ግደና፤ ሸን ህንተ ካዩ ህንተና ናጋራፕ ዘራዳዋ ድራሳ፤ እያዉ ጎፕ። ኑን ህንተና እያንጎ ቆሄናዳን። ጸሳይ ባረ ኮዴዳዋዳን። ህንተና ካዮዴዳ።

10 እያዉ ጎፕ። ጸሳይ ኮይያ ካዩ ናጋራፕ ዘራደ እቶተላኩ እሄ፤ ሄዌካ ታን ባይዛድ ጌና ዋዛና፤ ሸን አላምያ ካዩ ሀይቁዋ እሄ።

11 ጸሳይ ሄ ህንተ ካዩዋን እይ እይፍያ እሚደንቶ በእተ። ህንተና እይ ከና ደን። ልደንቶን ህንተ ጌሻተላ ቱምያናዉ ህንተና እይ ከና ዘሩዋ እምሴደንቶ። እይ ከና ሀንቀሌደንቶን እይ ከና ታዉ ያሸሴደንቶ።

እይ ከና ሴልሴደንቶ። እያ ከና ታና ላሞትሴደንቶን ናቆ ኦሱዋ ኦላዋንታ ሙራናዉ እይ ከና ጊገሴደንቶ ፓጭ በእተ፤ ህንተ ህንተ ሁጺያን ጌሻ ግዴዳዋ ኡባባንካ ኤርሴድታ።

12 ሄዋ ድራዉ። ታን ሄ ዳብዳቢያ ህንተንቶ ጸፊዳዋ ግደፕካ። ናቁዳ ኡራ ዋይ ናቀቱዳ ኡራ ድራሳ ግደና፤ ሸን ህንተ ኑዉ ዋይሳ ቆፕንቶን ጸሳ ሰንላን ህንተንቶ ቆንጭሳናዉ ታን ጸፋድ።

13 ኑን ሞኔዳዎ ሄዋ ድራሳ፤ ሄ ኑ ሞናፕ ቦላ። ቲቶ ናሸቱዳዎ ኑን ኡባፕ ዳርያ ናሸቻ ናሸቱዳ። እያዉ ጎፕ። ህንተ ኡባይ ኦ ሀርጋፕ ሸሞፕሴድታ።

14 ታን ህንተዋ ሳባደ እዉ ኦድና። ህንተ ታና ዬላይበይክታ፤ ሸን ኑን ህንተንቶ ኡባ ዋደ ቱሙዋ ሃሳይዳ፤ ሄዋዳንካ። ኑን ቲቶ ሰንላን ህንተዋ ሳቤዳዎ ቱማ ግዴዳ።

15 ሄዋ ድራዉ። ህንተ ኡባይ እዉ ያዩደ ኮኮሪደ። ኦ ዋት ሞኬድተንቶን ቃይ እዉ እይ ከና እዘዘቲድተንቶ እ ሀሳይያ ዋይ። ህንተና ሎይላ ሰቁ።

16 ታን ኡባባን ህንተና እማንያ ድራዉ ናሸታይ።

**8**

ጸሳ አሳቱዋ ከካተላ እሞታ

1 ኑዋዳን ጸሳ አሳቶ። ጸሳ እጾ ከካተላይ ማቅደንያ እማንያዋንቱ ግደን ኦሌዳዋ ህንተና ኤርሳናዉ ኮዬቶ።

2 ኢንቱንቱ እጾዳ ዋይያን ዋልቃማ ፓጭያ ፓጩቱድና፤ ሸን ኢንቱንቱ ሀይሳ ግደፕካ። ባረንቱ እምያዋን ዳር ኬክናን ቃይ ዋልቃማ ናሸቻ ናሸቱዳ።

3 እያዉ ጎፕ። ኢንቱንቱ ባረንቱ ዋልቃ ከና ቃይ ሀራይ እቶ ባረንቱ ዋልቃፕካ ዳርያዋ ደሲደ እሚዳዋ ታን ማርካ።

4 ኢንቱንቱ ጸሳ አሳቱዋ ማድያ ሎኦ ኦሱዋ ኑናና ኦላናዉ ኑና ዳር ዋሴድና።

5 ኢንቱንቱ ኑን ቆፕዳዋፕ እላደ ኦሌድና፤ ካሰቲደ ኢንቱንቱ ባረንቱ ሁጺያ ጎዳዉ እሚዳዋፕ ጉይያን። ጸሳ ሸንያዳን። ኑዉካ ባረንቱ ሁጺያ እሚድና።

6 ሄዋ ድራዉ። ኑን ሀ ሎኦ ኦሱዋ ደሚዳ ቲቶ ጉጅ ኦላናዳንጎ ህንተና ማዲደ። ሄ ኦሱዋ ፖልሳናዳን ኦ ሞሴ።

7 ሸን ህንተ ኡባባን። እማኑዋን። ሃሳያን። ኤራተላን። ዋልቃማ ሎኦ እሙዋን። ኑና ሲቅያዋንካ ዳረቱዳዋዳን። ሀ ሎኦ ኦሱዋንካ ህንተንቱ ከካ ግዳናዋ ኑን ኮዬቶ።

8 ታን ሄዋ አዘዛናዉ ጊከ፤ ሸን ሀራቱዋ ዋልቃማ ሎኦ እሙዋ ባጋና ህንተ ሲቁ እይ ከና ቱሙንቶ ኤራናዉ ጋይ።

9 እያዉ ጎፕ። ህንተ ኑ ጎዳ ዩሱሰ ክርሰቶሳ እጾ ከካተላ ኤሪታ፤ ክርሰቶሰ ዳረ ግድ ደኢደ። ህንተ ኦ ሀይሳተላን ዳረታናዳን። ህንተ ድራዉ ሀይሴዳ።

10 ታን ሀ የወዋ ህንተና ዘርያዌ ሀዋ፤ ዝላይሌ ህንተ ደሚዳዋ ሀእ ወርሰያዌ ህንተንቶ ሎእ፤ ህንተ ኦሶ ጸላላዉ ግደናን፤ ኦሳና ቆፋዉካ ካሰቲዳዋንታ።

11 ህንተ ኦሳናዉ ሎይሌ አዋቲዳዌ ኦሊደ ፖሌዳዋና ገጋ ግደና ማላ፤ ህንተንቶ ዳንዳየቲዳዋዳንካ ኦሱዋ ፖላተ።

12 አያዉ ጎፕ፤ እት ኡራይ እማናዉ ሎይሌ ኮዮፕ፤ እ ባረዉ ደኤዳ ኬና እማናፕ እትን፤ እዉ ባይናዋ እፕ እከና።

13 አያዉ ጎፕ፤ ታን ሀራንቲ ዋይያፕ ሸዋፕና፤ ህንተ ዋየትተ ጊከ፤ ህንተ ኡባይካ ቃራ ደእናዳናፕ እትን።

14 ኡንቲቲቲ ፓላሀይ ህንተ ፓጫ ኩንላና ማላ፤ ህንተንቶ ሀ ዋድያን ደእያ ፓላሀይ ኡንቲቲቲ ፓጫ ኩንላና ኮሼ፤ ላኡካ ሄዋን ቃራን ጎኤቲና።

15 ጸሳ ማጸፋይ፤ “ዳርሲደ ሺሹዳዋ ፓላሀይና፤ ቃይ ጉላ ሺሹዳዋካ ፓጫሴና” ጌተቲደ ጸፈቲዳ።

ቲታን አ ላገላ

16 ሸን ኮን ህንተንቶ ቆፕያዋ ማላ፤ ዋልቃማ ቆፋ ቲታ ቆፍሴዳ ጸሳ ጋላታይ ጋኮ።

17 ቲቶ ህንተኮ ባናዉ ባረ ቆፋ ቃቹዳዌ፤ ባረ ሀጺያን ህንተና ማዳናዉ ዳር አዋቲዳ ግሻፕ እትን፤ ኑ ዘርያ ጸላላ እኬዳዋና ግደና።

18 ሞሽራቹዋ ቃላ ኦድያ ባረ ኦሱዋን አማንትያ አማንያዋንቲ ሰንላ ኡባን ዳር ቦንቹቲዳ እሻ ኮን ኦናና እትፕ ከቲቶ።

19 ሄዋ ቦላን ቃይ፤ ሀ ኮን ኦላያ ሎኦ ኦሱዋ እ ኦናና እትፕ ኦላናዉን ጎዳ ቦንቻ ኮን ሀራቲዋ ማዳናዉ ሎይሌ አዋትያዋ በሳናዉ አማንያ አሳቲ አ ዶሪደ ሱንሴድና።

20 ኮን ኦላያ ሀ ኬካ እዋታ ድራዉ፤ ኦንካ ኑና ዝግረና ማላ ናገቲቶ።

21 አያዉ ጎፕ፤ ኮን ጎዳ ሰንላን ሎኦባ ኦላናዋ ጸላላ ግደና፤ ሸን ኦሳ ሰንላንካ ሎኦባ ኦላናዉ ቆፕቶ።

22 ኮን ዳር ገደ ፓጭ በኤዳ ኑ እሻ፤ ኡባ ዋይ ህንተና ማዳናዉ ዳር አዋትያዋ፤ ሀ አሳቲዋና ህንተኮ ከቲቶ፤ ቃይ ሀእ እ ህንተና ዳር አማንያ ድራዉ፤ ህንተና ማዳናዉ ካሰዋፕ እሊደ ሎይሌ አዋቲ።

23 ቲቶዋ ግደፕ፤ እ ህንተና ማዳናዉ ታናና እትፕ ኦላያ ታ ላግያ፤ የኮ እሻቲዋባ ግደፕ፤ ኡንቲቲቲ አማንያ አሳቲ ከቲዳዋንታን ኡንቲቲቲ ደኡ ክርሰቶሳ ቦንቻሰያዋ።

24 ሰዎ አማንያዋንቲ ኡባቲ ህንተ ሰቁ ቲማ ግድያዋ ኡራና ማላ፤ ቃይ ኮን ህንተዋ ሳቢያዌ ልከ ግድያዋ ኡራና ማላ፤ ህንተ ሰቁዋ ኡንቲቲቲ በሰተ።

9

ፓጫይ ደእያዋንታ ማዳሳ

1 ይሁዳን ደእያ ጌሻ አሳቲዋ ማዳናዉ የድያባዉ ታን ህንተንቶ ጸፋናዉ ኮሸና።

2 ህንተ ማዳናዉ ሎይሌ አዋትያዋ ታን ኤርያ ድራዉ፤ ማቅድንያን ደእያ አሳዉ ህንተዋ ሳባድ። ታን ኡንቲቲቲ፤ “እባይያን ደእያ እሻቲ ዝላይሌፕ ደሚደ፤ ማዳናዉ ገገቲድና” ያገደ ኦዳድ፤ ቃይ ህንተ ዋልቃማ ኦሙካ ኡንቲቲቲ ዳርያ ባጋ ደን።

3 ሸን ታን ኡንቲቲቲ ጌዳዋዳንካ ኮን ሀ የወዋ ህንተናን ጨቀትያዌ መላ ግደና ማላ፤ ህንተ ገገቲዳዋንታ ግዳናዳን፤ ሀ እሻቲዋ ህንተኮ ከታይ።

4 ማቅድንያ አሳቲ ታናና ዪደ፤ ህንተ ገገተናን ደእሸን፤ ህንተና ደዋፕ፤ ኑ ጸላላ ግደናዳን፤ ህንተ ኑፕ አቆዋ ይላታንታ፤ ሸን ኮን ህንተና ሎይሌ አማኒደ ጨቀቲዳዋሳ።

5 ሄዋ ድራዉ፤ ታን ሀ እሻቲ ታፕ ሰንላት ህንተኮ ቢደ፤ ህንተ አማና ጌዳ እዋታ ካሰቲደ ገግሳና ማላ፤ ኡንቲቲቲ ዋሳናዉ ከሸያዋ እኬካድ። ሄዋፕ ጉይያን፤ ሄ እዋታይ ታን ገክያ ዋይ ገገ ኡታናዋ፤ ሄዌ ቃይ ዋልቃን ህንተ አዎያዋ ግደናን፤ ደሲደ አዎያዋ ኤርሴ።

6 ሀዋ እኬክተ፤ ጉላ ዘረላ ዘርያ ኡራይ ጉላ ካላ ጫካና፤ ዳር ዘረላ ዘርያ ኡራይ ቃይ ዳር ካላ ጫካና።

7 ጸሳይ ናሽቻን አዎያ ኡራ ሰቆያ ድራዉ፤ ቃረቲደ ዋይ ደሰናን አዎያዋ ግደናን፤ አዎያ ኡራይ ሀጺያን ሀጺያን ባረ ዋዛናን ቆፕዳዋ አዎ።

8 ጸሳይ ህንተንቶ ግድያዌ ኡባ ዋይ ደእናዳን ቃይ ሀራቲካ ህንተ አማናዉ ግድያዌ ደእናዳን ህንተና ከሸያ ኡባ ህንተንቶ አማናዉ ዳንዳይ።

9 ጸሳ ማጸፋይ፤ “እ ህይሳ አሳዉ ዳርሲደ እማ፤ ቃይ አ ጽሎተላይ መድናዉ ደእናዋ” ያጌ።

10 ጸሳይ፤ ዘርያዋ ዘረላን ማናዉ ቁማ አዎያዌ፤ ህንተና ከሸያ ዘረላ ኡባ ህንተንቶ አማና፤ ቃይ ህንተ ጽሎተላፕ ዳር አይፍያ አይፍሳናዉ ሄ ዘረላ ድቻናዋ።

11 ዳር አሳይ ህንተ አዎያ እዋታ ኑፕ እኬደ፤ ጸሳ ጋላታዳን፤ ህንተ ኡባ ዋይ ዳርሲደ አዎያዋንታ ግዳና ማላ፤ ጸሳይ ህንተና ኡባ ባጋና ዱረያና።

12 አያዉ ጎፕ፤ ሀ ህንተ ኦላያ ኦሱ ጸሳ ናናዉ ከሸያዋ ኩንላ አዎያዋ ጸላላ ግደና፤ ሸን ጸሳዉ ዳር ጋላታ አዎያዋን ኩሚደ ገኜ።

13 ሀ ህንተ ኦሱ ህንተ አማኑዋ ኤርሰያ ድራዉ፤ ዳር አሳይ ክርሰቶሳ ዋንጋላ ህንተ አማኒደ ማርካትያዋን ህንተ ማዳዋ ኡንቲቲቲናን ሀራ ኡባቲዋና ሻኪደ፤ ዳርሰ አዎያዋ ጸሳ ቦንቻና።

14 ኡንቲቲቲ ህንተንቶ ጸሳ ዋሲደ፤ ህንተናን ደእያ ጸሳ እጾ ኬካተላይ ዛዋይ ባይናዋ ድራዉ፤ ህንተና ላዋቲቶ።

15 ዛዋይ ባይና ጸሳ እጾ ኬካተላ ድራዉ፤ ጸሳ ጋላታይ ጋኮ።



# 10

ጳውሎስ ሞትያዋንቶ ዛሬዳ ዛሬና  
 1 ታን ጳውሎስ፡ ህንተ፡ “እ ኑናና ደእያ ዋይ እሸኸ” ግያዌ፡ ቃይ፡ “ኑፕ ሃክ ደእያ ዋይ ኑ ቦላ ጸሌ” ግያዌ፡ ሎእነ አሸኸ ግዴዳ ክርሰቶሳ ባጋና ህንተና ዋሳይ።  
 2 ኑና ሀ ሳእ ደያደን ደእያ ገደ ቆፕያ እት እት አሳቱዋ ቦላ ታን ጸላናዋ ኤራይ፤ ሸን ታን ህንተኮ ብያ ዋይ ህንተ ታና ጸልሰና ማላ፡ ህንተና ዋሳይ።  
 3 እያው ጎፕ፡ ኑን ሀ ሳእን ደኦፕካ፡ ሀ ሳእ አሳዳን ኦላቶኮ።  
 4-5 እያው ጎፕ፡ ኑን ኦላትያ ቶራይ ሀ ሳእዋ ግደና፡ ሸን ጌሱዋ ላላናው ዋልቃና ደእያ ጸሳ ቶራ። ኑን አሳ ቆፋ ዳይሴቶ፤ ቃይ ጸሳ ኤራተላ ቦላ ደንዲደ ቆ.ቢያ ኦቶሮ ቆፋ ኡባ ላላቶ፡ ሄ ቆፋ ኡባይ ክርሰቶሳው አዛዘታና ማላ እዋዴቶ።  
 6 ህንተ አዛዘትያዋ ፖሌዳዋፕ ጉይያን፡ አዛዘተናን እጽያዋ ኡባ ኑን ሙራራው ገገታና።  
 7 ህንተ ሰንፋን ደእያዋ ጸልተ፤ ኦንነ ባረና ክርሰቶሳዋ ገደ ቆፖፕ፡ ሄዋ ጉኛ ቆፖ፤ ክርሰቶሳዋ እ ግዴዳዋዳን፡ ኑንካ ቃይ አዋ።  
 8 እያው ጎፕ፡ ጎዳይ ኑው እሚዳ ኑ አዋተላን ታን ሎይላ ኦቶረትያዋ ግደፕካ፡ ሄዋን ኬላትከ፤ ሄ ኑው እሚዳ አዋተላይ ህንተና ከጸናሳፕ እትን፡ ኮላሳ ግደና።  
 9 ታን ታ ዳብዳቢያን ህንተና ያሸሳናው ጸፎ አሳ ማላታደ ቤታናው ኮይከ።  
 10 እያው ጎፕ፡ እት እት አሳዳ፡ “ጳውሎሳ ዳብዳቢ ዳዳን ዋልቃማ፤ ሸን ጸልያ ዋይ እ ዳቡራንቻ፤ እ ሃሳያይካ ፓርና” ያጌ።  
 11 ሄዋ ማላ አሳይ ኑን ሃኩዋን ደእደ ጸፍያ ዳብዳቢያንን ያን ህንተናና ደእደ እልያ ኦሱዋን ዳማተላ ባይናዋ አከካና ኮሺ።  
 12 ኑን ባረና ናሽያ እት እት አሳቱዋና ኑና ፓይዳናው ዋይ ልክሳናው ኮዮከ፤ ሸን ኡንቱንቱ ባረና እቱ እቱዋና ልክሲድን ቃይ ባረና እቱ እቱዋና ቃራዪይ፡ ኡባና ኤዬድ።  
 13 ሸን ኑን ጸሳይ ኑው ኤሴዳ ዛዋ ግደን ጩቀትያዋፕ እትን፡ ሄ ዛዋፕ ፕጊደ ጩቀቶኮ፤ ሄ ዛዋይ ህንተኮካ ጋከ።  
 14 ኑን ህንተኮ ጋከቤናዋ ማላቲይ፡ ዛዋ ፕናኮ፤ እያው ጎፕ፡ ኑን ክርሰቶሳ ሞሽራቹዋ ቃላ ኦዲይ፡ ህንተኮ ካሰ ጋከይ።  
 15 ኑን ጸሳይ ኤሴዳ ዛዋ ፕጊደ፡ ሀራ አሳይ እሌዳ ኦሱዋን ጩቀቶኮ፤ ሸን ህንተ አማኑ ድጭ ድጭ ብያ ዋይ፡ ኑን ህንተ ግደን እልያ ኦሱዋ ዛዋይ ካሰዋፕ ሎይላ እክ እክ ባናዋ ገደ ቆፕቶ።  
 16 ኑን ሞሽራቹዋ ቃላ ህንተ ደእያሳፕ ህን ባጋን ኦዳና፤ ቃይ ሀራ ዛዋን ኦሰት ድጌዳ ኦሱዋንካ ጩቀቶኮ።  
 17 ሸን ጸሳ ማጸፋይ፡ “ጩቀትያ ኡራይ ኦንነ ጎዳ ሎኦተላባን ጩቀቶ” ያጌ።

# 11

18 እያው ጎፕ፡ ጎዳይ ናሽያ ኡራፕ እትን፡ ባረና ናሽያ ኡራይ ጋላተተና።  
 1 ህንተ ታ ኤያተላ ጉላ ዳንዳይንቶ ሎእ። ሀያና ዳንዳይተ።  
 2 ጸሳይ ቃናትያዋዳን፡ ታንካ ህንተው ቃናታይ፤ እያው ጎፕ፡ ታን ህንተና እት አቱማዋ፡ ክርሰቶሳው እማና ጋይ፡ አቱማዋ ኤረና ጌሻ ዋድራቲዳን ገግሳ ዋላድ።  
 3 ሸን ሸሻይ ባረ ማካላን ሄዋና ባለሌዳዋዳን፡ ክርሰቶሳው ህንተ እሚዳ ህንተ ሱረ ቆፋይ ባይቤናዋ ዋራ ባንዴሻ ጋይ ሀርጋይ።  
 4 እያው ጎፕ፡ እት ኡራይ ዪይ፡ ኑን ህንተንቶ ኦዳዳ የሱሳፕ ሀራ የሱሳ ህንተንቶ ኦድፕ፡ ዋይ ህንተ እኬዳ እያናፕን ዋንጋላፕ ዳማ እያናን ዋንጋላ ህንተ እኮፕ፡ ህንተ ኤና ገደ እኬድታ ጉሳ።  
 5 የሱሳ ከቲዳ ሀ ዋናቱዋፕ ታን እያንካ ላፍያዋ ታው ማላተና።  
 6 ታን ሃሳይያ ሃሳያን ታማራቤና አሳ ግደፕካ፡ ኤራተላን ግደከ፤ ሸን ኑን ህንተንቶ ሀ የዋዋ አሳ ኡባ ግደን ኡባ ባጋና ቆንጭሴይ።  
 7 ዋይ ታን ህንተና ሚሻ ኦቹናን፡ ጸሳ ሞሽራቹዋ ቃላ ህንተንቶ ጮ ኦዳዳዌን ህንተና ቁቁ ኦላናው ታ ሁጲያ ቶቹዳዋ ታው ናጋራ ግደንዴሻ?  
 8 ታን ህንተንቶ ኦላናው ሀራ አማንያ አሳፕ ሚሻ እኬዳዋ፡ ሄዋንታ ቦንቃድ።  
 9 ቃይ ታን ህንተናና ደእሸን፡ ታና ሙትና፡ ህንተፕ እት ኡራካ ዋይሳቢይከ። እያው ጎፕ፡ ማቅደንያፕ ዪዳ እሻቱ ታና ኮሺዳ ኡባባ ታው እሚድና፤ ታን ህንተና ዋይሰና ማላ፡ ካሰ ቶኮ ግዳቤናዋዳንካ ሰንፋውካ ቶኮ ግድከ።  
 10 ክርሰቶሳ ቱማተላይ ታናን ደእሸን፡ ሀ ታ ጩቁ አካይያ ጋድያን ሀቃንነ አተና።  
 11 ታን ሀዋ እያው ጋይታ? ህንተና ሲቀና ድራሴ? ታን ህንተና ሲቆያዋ ጸሳይ ኤራ።  
 12 ሸን ሄ ባረንቱ ጩቀትያዋን ኑን እልያዋዳን ኦላናው ጋሶትያዋንቱ ጋሶቱ ድጋናድ፡ ሀእ ታን እልያ ኦሱዋ ጉጃይ ኦላና።  
 13 እያው ጎፕ፡ ኡንቱንቱ የሱሳ ከትቤና ዋርዶ አሳቱዋ፤ ሄዋንቱ ማላ አሳቱ ክርሰቶሳ ከቲዳዋንታ ማላታናው ባረንቱ ማላ ለመረልያ ከተትቤና ዋርዳንቻቱዋን ላባንቻ ኦሳንቻቱዋ።  
 14 ሄዋ ማላልሰያዋ ግደና፤ እያው ጎፕ፡ ሴጸናይ ባረ ሁጲው ፖኡዋ ኪታንቻ ማላታናው ባረ ማላ ላሚ።  
 15 ሄዋ ድራው፡ ሴጸና ኦሳንቻቱ ጽሎተላ ኦሳንቻቱዋ ማላታናው ባረንቱ ማላ ላዋፕ፡

ሄዌ ዋልቃማባ ግድና፤ ኢንቱንቱ ወርሰላን ባረንቱ ኦሱዋ ማላ እካና።

ጳውሎሳ ጋኬዳ መቼዋ

16 ታን ላኢንሎዋካ ጋይ፤ ታና ኦንነ ኤያ ጊደ ቆፖፖ፤ ሽን ሀንተ ታና፣ እ ኤያ ጎፐካ፣ ታን ጉላ ጩቀታናዳን፣ ታና ኤያ ገተ።

17 ታን ሀዋዳን ጸላደ ጩቀታደ ሃሳይያዌ፣ ኤያተላ ሃሳያ፣ አትን፣ ታና ጎዳይ አዛዝና ግደና።

18 ዳር አሳይ ሀ ሳካባን ጩቀትያ ድራው፣ ታንካ ጩቀታና።

19 ሀንተ አይዳ ኤራንቻ ግድያ ድራው፣ ኤያ አሳዋ ናሽቻን ዳንዳደታ።

20 አያው ጎፐ፣ ኦንነ ሀንተና አይለዮ፣ ዋይ ሀንተዋ ሞፐ፣ ዋይ ሀንተዋ ቦንቆፐ፣ ሀንተ ቦላ ኦቶሪቶ፣ ዋይ ሀንተ ሻይያ ባቆፐ፣ ዳንዳደታ።

21 ኩን ሄዋ አላናወ ዳር ዳቡራንቻ ግዳዳዋ ታን ዬላታደ ኦዳይ።

ሽን ኦንነ አትባን ጸሊደ ጩቀቶ፣ ታንካ ጩቀታናወ ጸላይ፤ ታን ኤያ አሳዳን ሃሳይያ።

22 ኢንቱንቱ አብራዌ? ታንካ አብራዌ፣ ኢንቱንቱ አሰራኤልያ ኦሴ? ታንካ አሰራኤልያ አሳ። ኢንቱንቱ አብራሃመ ዛረ? ታንካ ቃይ አብራሃማ ዛረ።

23 ኢንቱንቱ ክርስቶሳ ቆማቲ? ታንካ ኢንቱንቱ፣ አድያ ቆማ፤ ታን ጎይያ አሳዳን ሃሳይያ፤ ታን ዳር ኦላ ዳቡራድ፤ ዳር ዋድያ ቃሽታድን ልሱዋን ሾጩታድ፤ ቃይ ዳር ዋድያ ሀይቃደ አታድ።

24 አይሁዳቱ ታና እቺሹ ገደ፣ ሀታማነ ኡዳፕኩዋ ልሱዋን ሾጩድና።

25 ሮመ አሳይ ታና ሄዙ ገደ ጸምኢን ሾጩዳ፤ እት ጋላስ ሹቻን ጫድ ጫዲደ እኼዳ፤ ማርካቢ ሄዙ ገደ መእና፣ አባ ግደን እት ቃማነ እት ጋላስ አቃደ ፔሻ።

26 ታን ዳር ኦግያ ሀመታድ፤ ታና ኩንሎ ሃላይነ ቦንቃንቻቱ ቦንቁ ድጊደ አሼዳ፤ ቃይ ታ ቢታ አሳይነ አይሁዳ ግደና አሳይ ቦንቁ ድጊደ አሼድና። ቃይካ ካታማይ፣ ባዙ፣ አባይ፣ ታና ያሽሴዳ፤ ዋርዳዋ ዳባቱካ ታና ቦንቁ ድጊደ አሼድና።

27 ታን ዳቡራድነ መቶታድ። ዳር ገደ ገምእሹዋ ጳያድ፤ ኮሻታድ፤ ሳመታድ። ዳር ገደ ጸማድ፤ ቃይ ሜገታድን ካሎታድ።

28 ሀራባ ኡባፐካ ኡባ ጋላስ ታው ቶኩዋ ግዳዳባይ፣ ዋሳ ጎልያ ኡባወ ሀርግያዋ።

29 ዳቡርያዌ ኦኔ? ታን ዳቡርክታዬ? ናጋራን ገልያዌ ኦኔ? ታን ኢንኤታደ እወ ቃረትክታዬ?

30 ታን ጩቀታናወ ኮሽያዋ ግደፐ፣ ታን ዳቡራንቻ ግድያዋ ኤርሰያዋን ጩቀታና።

31 መድናወ አንጀቲዳ ጸሳይ፣ ኑ ጎዳ የሱስ ክርስቶሳ እወ፣ ታን ዋርዶተናዋ ኤራ።

32 ዳማስቆ ካታማን አረታሳ ግያ ካትያፐ፣ ጋርሳና ጋድያ ሞድያዌ፣ ታና ኦይላናወ ዳማስቆ ካታማ ናግሴ።

33 ሽን ካታማ ግምቢያ ድርሳ ማሰኮትያና ታና ቁንኢን ዱገ ዋሐና፣ አፕ ከሳ አካድ።

# 12

ጳውሎሳ ሳዎ

1 ጩቀትያዌ ታወ አይነ ጎኤናዋ ግደፐካ፣ ታን ጩቀታናወ በሴ። ሽን ታን ሳዳባነ ጎዳፐ ቆንጩዳዋ ሃሳያና።

2 ታማነ ኦይዲ ላይላፐ ካሰ፣ ሄዘንሎ ሳሌዋ ፑደ ቤዳ እት ብታንያ፣ ክርስቶሳ አማንያዋ፣ ታን ኤራይ፤ ሄ ብታኒ ባረ አሳተላን ቤዴ ዋይ ሳዳን ቤደንቶ፣ ታን ኤርከ፤ ጸሳይ ኤራ።

3 ሄ ብታንያ፣ ሄዘንሎ ሳሌዋ ፑደ ቤዳዋ፣ ኤራይ፤ እ ባረ አሳተላን ቤደንቶን ዋይ ሳዳን ቤደንቶ፣ ታን ኤርከ፤ ጸሳይ ኤራ።

4 ሄዋን ሄ ብታኒ አሳይ ሃሳያናወ ዳንዳየናዋ፣ አሳ አንጸርሳይካ ሃሳያናወ ዳንዳየናዋ ሰሴዳ።

5 ታን ሄ ብታንያባን ጩቀታና፤ ሽን ታን ዳቡራንቻ ግድያዋ ኤርሰያ ድራው፣ ታ ሁጲያን ጩቀትከ።

6 ታን ጩቀታናወ ኮይያዋ ግደፐካ ኤያ ግድከ፤ አያው ጎፐ፣ ታን ቱመዋ ሃሳይያ። ሽን አሳይ ታዋ ታናን በእያዋፐን ታፐ ሰሰያዋፐ አላደ ቆፐና ማላ ናገታይ።

7 ቃይ ጸሳይ ታወ ዳር ቆንጩዳ ዋልቃማ የወዋፐ ደንዴዳዋን ኦቶሪተናዳን ድጋናወ ታና ጫድ ኦይቂያ፣ ሴዳና ኪታንቻይ፣ ታና መቶላናወን ታን ኦቶሪተና ማላ፣ ታና ናጋናወ ታወ እመቲዳ።

8 ሄዋ ታፐ ሻካና ማላ፣ ታን ጎዳ ሄዙ ገደ ዋሳድ።

9 ጎዳይ ታና፣ “ታ እጅ ከካተላይ ነወ ግዳናዋ፤ አያው ጎፐ፣ ታ ዋልቃይ ነ ዳቡራን ፖለቲ” ያኒዳ፤ ሄዋ ድራው፣ ክርስቶሳ ዋልቃይ ታናን ደእና ማላ፣ ታ ዳቡራን ጩቀታናወ ታን ዳር ናሽታይ።

10 ታን ክርስቶሳ ድራው ዳቡርያዋን፣ አሳን ቦረትያዋን፣ ዋየትያዋን፣ የደርሰትያዋን፣ መቶትያዋን ናሽታይ፤ አያው ጎፐ፣ ታን ዳቡርያ ዋይ፣ ሄ ዋይ ሞናይ።

ጳውሎስ ቆርንቶሳ አሳወ ኢንኤቲደ ቆፐዳ

11 ታን ጩቀቲዳዋን ኤያድ፤ ሽን ሄዋ ሀንተ ታና ዋልቃን ኦሴይድ፤ አያው ጎፐ፣ ሀንተ ታና ጋላታናወ በሴ፤ ታን አያንነ ኤሪተናን ጳዮፐካ፣ የሱስ ኪቴዳ ጴቃ ጌተቲዳ ኡባቲዋፐ ላፍከ።

12 ታና የሱስ ኪቴዳዌ ቱማ ግድያዋ ኤርሰያ ማላይ፣ ኦራሳባይነ ዋልቃማ ኦሱ ሀንተ ግደን ዳር ገንጫን ኦስቲዳ።

13 ታን ታ ሁጲያን ሀንተና ዋይሳቤናዋፐ አትን፣ ሀራ አማንያ አሳቲዋፐ ሀንተ አያን ላዕቲ? ሀያና ታን ሀንተና ናቂዳዋ ታወ አቶ ጊተ።

14 ታን ሀንተኮ ባናወ ጊሳደፐ፣ ሀዌ ታወ ሄዘንሎ ዋይ፤ ታን ሀንተና ዋይሰከ። ታን

ህንተና ከይያወጥ እትን፡ ህንተ ሚሻ ከይከ፤ እያው ጎጥ፡ እውነ እታ ባረንቱ ናናው ሚሻ ምንጅያወጥ እትን፡ ናናይ ባረንቱ አዎነ እትው ምንጅክና።

15 ታን ህንተ ሸምፖ ታው ደእያዎ ታናና ጋላይ ናሸቻን እማና፤ ያትና፡ ታን ህንተና ሎይላ ሲቃያ ድራው፡ ህንተ ታና ላፋ ሲቁቱ?

16 ግደጥካ፡ ታን ህንተና ዋይሳበይከ፤ ሸን ህንተ ታና፡ “ኔን ኑና ጭማደ ማካላን ኦይቃዳ” ያጋንታ።

17 ታን ሀራይ አቶ፡ ህንተኮ ከቲዳ እት አሳ ባጋናካ ህንተፕ ጎኤታድታ?

18 ቲቶ ህንተኮ ባና ማላ፡ ታን ዋሳድ፤ ቃይ አማንያ እሻካ እናና የዳድ። ቲቶ ህንተፕ ጎኤቲዳ? ኑን ኑ ኦሱዋ እት ቆፋን ኦሐበይኮ? ቃይ ኑ ሀኑካ እቲዋ ግደኔይ?

19 ኑን ኡባ ዋይካ ህንተ ሰንፋን ኑ ሀጳው ሞተትያዎ ህንተንቶ ማላቲ? ኑን ክርሰቶሳን ደእያዎንቲዳን፡ ጸሳ ሰንፋን ሀእ ጋካናሰካ ሃሳይቶ። ኑ ሲቃቶ፡ ኑን ኦሐያ ኡባባይካ ህንተና ማዳናሳ።

20 እያው ጎጥ፡ ታን ህንተኮ ብያ ዋይ፡ ኑን ኤር ታን ኮይያዎ ማላ ህንተ ግደናን አጋነንቶ፤ ቃይ ታንካ ህንተ ኮይያዎ ማላ ግደናን አጋነንቶ። ቃይ ኑን ኤር ሄዋን ፓሉሚ፡ ቃናቲ፡ ሀንቁ፡ የራይ፡ ዘግርሳይ፡ ሳርተላ ድጉሳይ፡ ኦቶሩ፡ መቱ ደኤናን ዋዪ አጋና፤ ታና ያሹ።

21 ታን ህንተኮ ላኤንሎዎ ብያ ዋይ፡ ታ ጸሳይ ህንተ ሰንፋን ታና ካወሻነንቶነ ያያይ፤ ታን ናጋራ ካሰ ኦሊደ፡ ባረንቱ ኦሌዳ ቱናተላጥ፡ ዋሹምያወጥን እሙዋጥ ሰምቤና ዳር አሳቶ ዬከናን እግከ ጋይ ያያይ።

ደእያዎ ህንተ ኤርክቲ? ሄዎ ጳዮፕ ፓጭያን ኩንዴድታ ጉሳ።

6 ኑን ፓጭያን ኩንድቤናዎ ህንተ ኤርያዎ እማናይ።

7 ህንተ ኢታባ ሙሊካ ኦርና ማላ፡ ኑን ጸሳ ዋሴቶ። ኑን ፓጭያ ዳንዳይያዎንታ ግዲደ ቤታናሳ ግደና፤ ሸን ኑን ፓጭያ ዳንዳየናዎንታ ማላቲደ ቤቶጥካ፡ ሎኦባ ህንተ ኦሳናሳ።

8 እያው ጎጥ፡ ኑን ቱሙዋ ጸላላው ኦሳናፕ እትን፡ ቱሙዋፕ ሀራ ኦይነ ኦሳናው ዳንዳዮኮ፤

9 ኑን ዳቡራንቻ ሸን ህንተ ዋልቃማ ግደደ ናሸቲቶ። ህንተ ፖሎ ግዳና ማላ ኑን ጸሳ ዋሴቶ።

10 ታን ህንተፕ ሃኩዋን ደአደ ጸፌዳዌ ሄዎ ድራሳ፤ ታን ህንተኮ ብያ ዋይ፡ ጎዳይ ታው እሚዳ ማታን ዘምፓይ፡ ህንተና መቶላናው ታና ዋዪ ኮሻና። ሄ ማታይ ታን ህንተና ኬጻናው ታው እመቲዳዋጥ እትን፡ ህንተና ኮላናው እመትቤና።

11 ወርሰላን ታናዳን ጸሳ ካልያዎንቶ፡ ሳር ደእተ፤ ባል ባይናን ደእተ፤ ታ ዘርያ ሰሰተ፤ እት ዋዛና ግዲደ ደእተ፤ ሳርተላን ደእተ። ሲቁዋነ ሳርተላ ጸሳይ፡ ህንተናና እትፕ ደእና።

12 እቲ እቲዋና ጌሻ የረታ የረቲደ ሳርተት።

13 ጸሳ አሳ ኡባቲ ህንተና ሳር ሳር ጊኖ።

14 ጎዳ የሱሰ ክርሰቶሳ አጼ ኬካተላይ፡ ጸሳ ሲቁ፡ ጌሻ እያና እትፕተላይ ህንተናና ኡባና ግድ። እመንእ።

### 13

#### ወርሰላ ዘርያን ሳርታ

1 ሀዌ ታው ህንተኮ ዩሳይ ሄዘንሎ ዋይ። አይ ሞቲካ ላኤ ዋይ ሄዙ ማርካይ ማርካትና ፕርደታናው ኮሹ።

2 ታን ላኤንሎዎ ህንተናና ጋከቲዳ ዋይ፡ ህንተና ናገትተ ጋድ፤ ሀእካ ሃኩዋን ደእፕካ፡ ህንተና ናገትተ ጋይ። ታን ቃይካ ህንተኮ ብያ ዋይ፡ ናጋራ ካሰ ኦሌዳዎንታካ ቃይ ሀራቲዋ ኡባቲዋካ ሙረናን እግከ።

3 እያው ጎጥ፡ ክርሰቶሰ ታ ባጋና ሃሳይያዎ ኤርሰያዎ ህንተ ኮዪታ። እ ህንተናና ሃሳይያ ዋይ እ ዋልቃፕ እትን ቤትያዌ እ ዳቡራ ግደና።

4 እያው ጎጥ፡ ክርሰቶሰ ማሰቃልያ ቦላ ምሰማርያን ድሸቲደ፡ ዳቡራን ካቀቲዳ፤ ሸን ጸሳ ዋልቃን ፓጸ ደኤ። እያው ጎጥ፡ እ ዳቡራንቻ ግዳዳዋዳን፡ ኑንካ ዳቡራንቻ፤ ሸን ህንተናና ሃሳይያዎን ኑን ጸሳ ዋልቃን እናና ደእና።

5 አማኑዋን ህንተ ምን ደእንቶ እነ ህንተና ፓጭተ፤ ህንተና ብድተ። ክርሰቶሰ ህንተናን

# ጳውሎስ ገላትያ አሳው ጳጳሩ ኪታ ገሎቀ

የሱስ አሸያዎ ግድያዎ እድያ ምሽራቸው ቃላይ፤ ዳማ ዳማ ሳኒን ኦደትሽናን አይሁዳ ግድና አሳይካ አማኒደ እክ እክ ቢሸን፤ “አማንያ አሳ ግድናው ሙሴ ህግያ ፖላናው ኮሺዬ ኮሸኔ?” ግያ ዋላሳይ እትፕ ደንዴዳ። ሄ ዎደ ጳውሎስ፤ “አማንያ አሳ ግድናው ሙሴ ህግያ ፖላናው ኮሸና፤ የሱሳን ኦራላ ደኡዎ ደማናው እን አማኖ አሳይ፤ ጳሳ ስንሳን ጽላናው ዳንዳይያዎ አማኖ ጳላላና” ያጊደ ታማርሱዎ ደማዳ። ሸን ቄር ኢስያ ግድን፤ “አሳይ ጳሳ ስንሳን ጽላናው የሱሳን አማንያዎ ጳላላ ግድናን፤ ሙሴ ህግያካ ፖላናውን ቃጸረታናው ኮሺ” ያጊደ ጳውሎሳ ትምርትያ ጳልቂያ አሳቲ ደኢኖ።

ጳውሎስ ሀዋ ገላትያ ኪታ ጳጳዳዌ ሀ ባላ ትምርትያን ጭመቲዳ አሳ ሱረ አማናን አማኑዎ ደኑ ዛሪደ ካላላናሳ። ጳውሎስ ኮይሮ ደማደ፤ እ ባረና፤ “ታን የሱስ ኪቲዳዎ” ያግ ኤርሲደ ደማ። የሱስ ኪቲዳዎ ኦሊደ እ ዴሴዳዌ ጳሳፕ እትን፤ አሳ ግድናዎን ቃይ እ ከተቲዳዌ አይሁዳ ግድና አሳቲዎሳ ግድያዎ ቆንጭሴደ ኦደ። ሄዋናካ ኦይቀቲደ፤ አሳይ ጽላናው ዳንዳይያዎ አማኑዎ ጳላላና ግድያዎ ኦደ። ወርሰላ ሸምፓቲዎን አማኑዎ ኤሻይ የሱሳ አማንያ አማኑዎፕ ከሰያ ሲቁዋፕ ፑልትያዎ ግድያዎ ኦደ።

## ሸምፓቲዎ ኡባቶ እመቲዳ ቃንሳ ቆፋቲዎ ገሎቀ 1:1-10

ጳውሎስ ጳሳፕ ኪተቲዳ ማታ 1:11—2:21  
ጳሳ እጶ ኬካተላ ምሽራቸው ቃላ 3:1—4:31  
ክርስትና ላእተሳን አማኑዎ 5:1—6:10  
ወርሰላ ቁትያ 6:11-18

1 ታን ጳውሎስ፤ የሱስ ክርስቶስን ቃይ ሀይቁዋፕ እ ደንጹዳ ጳሳይ እው ኪቲዳዋፕ እትን፤ አሳፕ ዎይ አሳ ባጋና ኪተቲዳዎ ግድክ።

2 ሀ ታንን ታናና ደእያ አማንያ እሻቲ ኡባይ፤ ገላትያ ጋድያን ደእያ አማንያ አሳ ኡባው ሳርታ ኪቲቶ።

3 ጳሳይ ኑ እውን ኑ ጎዳይ የሱስ ክርስቶስ ህንተንቶ እጶ ኬካተላን ሳርተላ አዎ።

4 ኑ ጳሳ፤ ኑ እውዎ ሸንያን ክርስቶስ ሀ ኢታ ኦሱ ኦሱትያ ዎድያፕ ኑና አሻና ማላ፤ ኑ ናጋራ ድራው፤ ባረ ሁጺያ አማዳ።

5 ጳሳው መጵፕ መጵና ጋካናው ቦንቹ ግድ። አመንእ።

ምሽራቸው ቃላ ቲሙ እቲዎ ጳላላ

6 ክርስቶሳ እጶ ኬካተላን ህንተንታ ዴሴዳ ጳሳ እጊደ፤ ሀራ ዎንጋላኮ፤ ህንተ ኤሌሊደ፤ ዎት ሰማድተንቶ ታው ኦራሳባ ግዳዳ።

7 ህንተንታ ቡልክያዎንቲ ክርስቶሳ ምሽራቸው ቃላ ገላያናው ኮይያ አማራዳ አሳቲ ደኢኖፕ እትን፤ ቲሙፕ ሀራ ምሽራቸው ቃላይ ባዎ።

8 ሸን ሀራይ እቶ ኑና ግድና፤ ዎይ ሳሉዋፕ ኪታንቻ ግድና፤ ኑን ህንተንቶ ካስ ኦዴዳ ምሽራቸው ቃላፕ ዳማትያዎ ህንተንቶ ኦድያዎ ግድ፤ እ መጵናው ሸቀቲዳዎ ግድ።

9 ካስ ኑን ጌዳዋና፤ ሀእካ ላኤንሱዎ ታን ኦዳይ፤ ህንተ ኦኤዳ ምሽራቸው ቃላፕ ዳማትያዎ ኦንን ህንተንቶ ኦድ፤ ሄ ኡራይ መጵናው ሸቀቲዳዎ ግድ።

10 ሀዌ ታና አሳፕ ሳባ ኮይያዎ ማላትሲ? ማላትሲና! ታን ጳሳይ ሎእ ግያዎ ኮያይ። ዎይ ታን አሳ ናሸቻናው ኮያይታ? ታን ሀእካ አሳ ናሸቻናው ኮይያዎ ግድ፤ ክርስቶሳ አይላ ግድክ።

ጳውሎስ የሱስ ኪቲዳዎ ግዳዳ ሀኑዎ

11 ታ እሻቶ፤ ታን ህንተንቶ ኦዴዳ ምሽራቸው ቃላይ አሳፕ ግድናዎ ህንተንቶ ኦዳይ።

12 እያው ጎፕ፤ ታው የሱስ ክርስቶስ ቆንጭሴዳፕ እትን፤ ታን ምሽራቸው ቃላ አሳፕ አካባይክ፤ አሳይ ታና ታማርሰቤና።

13 ካስ ታን አይሁዳ አማኑዎን ደእያ ዎደ፤ ዎናደ ደእድታንቶ፤ ህንተ ሰሴድታ፤ ታን ክርስቶሳን አማንያዎንታ ቃረታይ ባይናን የደርሳድን ጳይሳናው ባጸታድ።

14 ታ ዎደ ደኤዳ አሳቲዎፕ ጮራቲዎ አይሁዳ አማኑዎ ህግያ ናጉዎን አጳይ፤ ኑ አዎቲዎ ዎጋ ኦፕን እጳኢ ደሲቃድ።

15-16 ሸን ጳሳይ ባረ እጶ ኬካተላን፤ ታን ብር ታ ዳይ ኡሉዎን ደእሸን፤ ባረው አላናው ታና ዴሴዳ፤ አባ ኦድያ ምሽራቸው ቃላ አይሁዳ ግድና አሳው ታን ኦዳና ማላ፤ ጳሳይ ባረ ናእ ታው ቆንጭሳናው ኮዬዳ ዎደ፤ ዛረታናው ኦኩን ባባይክ።

17 ዎይ ታፕ ካስ የሱስ ኪቲዳዎንቲና ጋከታና የሩሳላመ ባባይክ፤ ሸን ታን ኤላካ ኦራብያ ጌተትያ ጋድያ ባድ። ሄዋፕ ዳማሰቆ ግያ ካታማ ሰማድ።

18 ሄዙ ላይላፕ ጉይያን፤ ጳጵርሳና \* ጋከታና የሩሳላመ ባድ፤ አናና ታማን እቸቹ ገላሳ ኡታድ።

19 ሸን የሱስ ኪቲዳዎንቲፕ ጎዳ እሻ ያቆባፕ እትን፤ ሀራቲዎና ጋከታባይክ።

20 ታን ህንተንቶ ጳፍያዎን ዎሪ ባዎ፤ ታን ህንተንቶ ዎርዲዎ ኦደናዎ ጳሳይ ማርካ!

21 ሄዋፕ ጉይያን፤ ሶርያ ጌተትያ ጋድያን ክልቂያ ጌተትያ ጋድያ ባድ።

22 ይሁዳን ደእያ ክርስቶሳን አማንያዎንቲ ታናና ኤረታ ግድክና።

\* 1:18 ጳጵርሳና- ግሪክ ማጻፋይ ከፋ ያገ። ብላላይካ አራማይክ ቃላን “ዛላ” ግያዎ።

23 ሸን ሀራ አሳይ፡ “ኑና የደርሰ ዩይያ ብታኒ ሀዋጥ ካሰ እ ጳይሳናዉ ኮይያ አማኑዋባ ሀእ ኦዴ” ግያዋ ኢንቱንቱ  
 24 ሰሲደ ታባን ጸሳ ገላቴድኖ።

## 2

ጳውሎስ ኪቴቶዋ ግድያዌ ሀራቱዋ ማታን ኤረቲዳ

1 ሄዋጥ ሰማይ ታን ታማን ኦይዲ ላይላጥ ጉይያን፡ ባርናባሳና ላኢንሱዋ የሩሳላሙ ባደ፡ ቲታካ ታናና አካይ ባድ።

2 ጸሳይ ታው ሳጸን ቆንጭሴዳ ድራው ባይ ታን ሀእ ኦልያ ኦሱ ዋይ ካሰ ኦሌዳዌ ሙላ አተና ማላ፡ ክርስቶሳን አማንያዋንታ ካለልያዋንታ ዲማ ሸሻይ፡ አይሁዳ ግደና አሳው ታን ኦድያ ምሽራቹዋ ቃላይ አይ ማለንቶ ኢንቱንቶ ኦድድ።

3 ሸን ሀራይ አቶ ታናና ደእያ ቲታ እ ግሪከ ጋድያ አሳ ግድሸን፡ ቃጸረቶ ገደ ጎደትብይክና።

4 ግደጥካ፡ ዋርዲዋን ኑው አሻቱዋ ማላት ዪደ፡ ኑናና ዋላከቲዳ ጮራ አሳቱ እ ቃጸራናው ኮዬድኖ። ሄ አሳቱ ክርስቶሳን የሱሳን ኑው ደእያ ኑን ኮዬዳዋዳን ሀናና ዳንዳይያ ላአተላ ዋቹደ ጳሻናው፡ ዉኤቲደ ኑ ግደ ገሊደ ኑና አይለ ኦላናው ኮዬድኖ።

5 ሸን ምሽራቹዋ ቃላ ቱማተላይ ህንተንቱና ምን ደእና ማላ፡ ኑን ሀራይ አቶ ጉላ ዋድያካ ኢንቱንቶ ሞደትብይኩ።

6 ሸን ካፓቱዋ ማላትያዋንቱ ታው አይነ ኦራላ ቆላ አምብይክና፤ ሀዋ እያው ጋይታ ጎጥ፡ ሀዋጥ ካሰ ኢንቱንቱ ኦና ግድናካ ታና ሙትያባ ግደና፤ ጸሳይ አሳ ሰዎእያ ጼሊደ ፕርድና።

7 ሸን ጉየጥ ጸሳይ ጳጵርሳው፡ አይሁዳቶ ምሽራቹዋ ቃላ ኦድያ ሀዳራ እሚዳዋዳን፡ ታውካ አይሁዳ ግደና አሳው ምሽራቹዋ ቃላ ኦድያ ሀዳራ እሚዳዋ ኢንቱንቱ ብኤድኖ።

8 እያው ጎጥ፡ ጳጵርሳ አይሁዳቶ የሱስ ኪቴዳዋ ግደዳዋዳን፡ ታንካ ጸሳን ዋልቃን አይሁዳ ግደና አሳው የሱስ ኪቴዳዋ ግደድ።

9 ቃይ ካለልያዋንታ ማላቲደ ቤትያዋንቱ፡ ያቆብ፡ ጳጵርሳን የሃንሰ፡ ታው አሙቲዳ አጼ ኬካተላ ኤሪደ፡ ታናን ባርናባሳ ኑ ኩሽያ ኦይቂደ ሳርቲድኖ። ታንካ ባርናባሳ አይሁዳ ግደና አሳ ግደን ኦላናዳን፡ ቃይ ኢንቱንቱ አይሁዳቱዋ ግደን ኦላናዳን ቃቹደ ደንዳደ።

10 ኢንቱንቱ ኑና ካሰጥካ ታን ኦላናው ቆፓደ ደእያ ሀዬሳቱዋ ማዳናዋ ጸላላ ቆፍሴድኖ።

ጳውሎስ እንጸክያን ጳጵርሳ ትምርትያ ጸልቂዳ

11 ሸን ጳጵርሳ እንጸክያ ግያ ካታማ ዬዳ ዋደ፡ እ ባይዜዳ ድራው፡ ቆንጭያን ታን እ፡ “ኔን ባይዛንቻ” ያጋድ።

12 እያው ጎጥ፡ ያቆባ ማታጥ ኪተቲዳ አማራዳ አሳይ ያናጥ ካሰ አይሁዳ ግደና አሳቱዋና ቁማ ሜ፤ ሸን ኢንቱንቱ ዬዳዋጥ

ጉይያን፡ አይሁዳ ግደናዋንቱ አማንያዋንታ ግደናው ቃጸረታናው ከሼ ግያዋንቶ ያዬዳ ድራው፡ ምያዋ ኤሲደ፡ አይሁዳ ግደናዋንቱ ሻከቲዳ።

13 ቃይ የኮ አማኔዳ አይሁዳቱ ጳጵርሳና ያሻ ደሚድኖ፤ ሀራይ አቶ ባርናባሳካ ኢንቱንቱና ያሻንቻ ግዳዳ።

14 ሸን ኢንቱንቱ ምሽራቹዋ ቃላ ቱማተላዳን፡ ሱረ ሀሙተናዋ ባእደ፡ ጳጵርሳ ሄ ኡባ አሳ ሰንሳን፡ “ኔን ጸሳ አሳ አይሁዳ ግደድ፡ ኢንቱንቱዳን ግደናን ጸሳ አሳ ግደና አይሁዳ ግደናዋንቱዳን ደእ፤ ሸን ያትና፡ ምታደ አይሁዳ ግደናዋንታ፡ ‘አይሁዳቱዋዳን ደእተ’ ጋይ ግዳይ?” ያጋድ።

አይሁዳቲካ አይሁዳ ግደናዋንቲካ አትያዋ አማኑዋና

15 ኑን የለታን አይሁዳ፤ “ናጋራንቻ ግዳዳ አይሁዳ ግደና አሳቱዋ” ግደኩ።

16 ሄዋ ግደጥካ፡ አሳይ የሱስ ክርስቶሳን አማኒደ ጸሳ ሰንሳን ጽላናጥ አትን፡ ሙሴ ሀግያ ናጉዋን ጽላናዋ ኤሪደ፤ አሹዋ ማዬዳ አሳይ ኡባይ ሙሴ ሀግያ ናጉዋን ጽላና ድራው፡ ኑን ኑ ሁጳዉካ ሙሴ ሀግያ ናጉዋን ግደናን፡ ክርስቶሳን አማኒደ ጽላና ማላ፡ ክርስቶሳን የሱሳን አማኔደ።

17 ሸን ኑው ክርስቶሳን ደእያ አትጥተላን ጽላናው ኮይያዋንታ ግዲደ፡ ኑ ሁጳዉ ናጋራንቻ ግዲደ ቤቶ፡ ያትና ክርስቶሳን ናጋራ ታማርሰያዌ? ሄዌ ሙላካ ዋርደ!

18 እያው ጎጥ፡ አት ካላካ አጋ ድጌዳዋ ታን ላኢንሱዋ ኦልያዋ ግደጥ፡ ታን ታ ሁጳዉ ሀግያ ሙንሳያዋ ግድያዋ ኤርሳይ።

19 ታን ጸሳው ፓጸ ደእና ማላ፡ ሀግያ ባጋና ሀገው ሀይቃድ።

20 ታን ክርስቶሳን አ ማሰቃልያ ቦላ ምሰማርያን ድሸታደ ካቀታድ፤ ሰም፡ ሀእ ፓጸ ደእያዌ ታና ግድኩ። ሸን ክርስቶሳን ታ ግደን ደኤ፤ ታን ሀእ ደእያ ደኤ፡ ታና ሰቂደ፡ ታ ድራው፡ ባረ ሁጲያ እሜዳ ጸሳ ናኻን ደእያ አማኑዋና።

21 ታን ጸሳ አጼ ኬካተላ አጽከ፤ አሳይ ሀግያ ባጋና ጽሎተላ ደምያዋ ግደጥ፡ ክርስቶሳን ጮ ሙላ ሀይቂዳ ጉሳ።

## 3

ጽሎተላይ አማኖ ጸላላን ቤቲ

1 እኬካይ ባይና ገላትያ አሳቶ፡ ታን ህንተና ክርስቶሳን ማሰቃልያ ቦላን ምሰማርያን ድሸቲደ ካቀቲዳዋ ቆንጭሳይ ታማርሳድ። ያትና፡ ቱዋ ህንተ ኤኖ ጌና ማላ፡ ህንተንታ ብቲዳዌ ኦኔ?

2 እነ ታው ሀ እት የወዋ ጸላላ ኦድተ፡ ጸሳ እያና፡ ሀገ ግያዋ ናገደ እኬድቲ ዋይ አማኑዋን ሰሲደ እኬድቲ?

3 ህንተንቱ ሄዋ ከና ኤዬ? ጸሳ እያናን ደኤዋ ደሚደ፡ ሀእ ህንተ ዋልቃን ፖሊቲ?

4 ህንተንቱ ዳቡራ ኡባወ አይነ ማዲ ባዌ? ቱማ ማዲ ደኤ።

5 ያትና፣ ጳሳይ ህንተንቶ ጌሻ እያና እምያዌን ህንተ ግድን ማላታ አላያዌ፣ ሙሴ ህግያ ህንተ አሉዳ ድራሴ? ዎይ ምሽራቸዋ ቃላ ሰሲደ፣ ህንተ ማህኔዳ ድራሴ?

6 ሀዋዳንካ፣ አብራሃም ጳሳ አማኔዳ ድራወ፣ ጳሳይ እ ጽሉዋዳን ጸሌዳ።

7 ሃዋ ድራወ፣ አማንያዋንቱ አብራሃም ዛረ \* ግድያዋ ኤርተ።

8 ጳሳይ አይሁዳ ግደና አሳ አማኑዋን ጽልሳናዋ ጳሳ ማጻጻይ ካሰት በኢደ፣ “ሀ አላምያን ደእያ አሳይ ኡባይ ኔናን እንጀታና” ያገደ፣ ምሽራቸዋ ቃላ አብራሃም ካሰቲደ አዳዳ።

9 ሃዋ ድራወ፣ አብራሃም አማኒደ እንጀቲዳዋዳን፣ አማንያዋንቱ አዋዳካ እንጀታና።

10 ህግያ ኡቡዋን አማነቲደ ደእያዋንቱ ኡባይ ሸቃ ግደን ደኢና፣ አያወ ጎጥ፣ ጳሳ ማጻጻይ፣ “ህግያ ማጻጻን ጸፊቲዳ ኡባባን ደኤናዌን ፖለናዌ ኦንነ ሸቀቲዳዋ” ያገ።

11 ጳሳ ማጻጻይ፣ “ጳሳ ሰንሳን ጽላቱ እን አማነቲደ ደኤዋን ደኢና”፣ ግያ ድራወ፣ ኦንነ ጳሳ ሰንሳን ህግያ ናግያዋን ጽለናዌ ኤረቲዳዋ።

12 ህገ አማኑዋን ባሰት ኤቁቤና፣ ሽን ጳሳ ማጻጻይ፣ “ህገ ግያዋ ፖለናዌ እን ደኤዋን ደኢና” ያገ።

13 ጳሳ ማጻጻን፣ “ምላ ቦላ ካቀት ሀይቁያ ኦንነ ሸቀቲዳዋ” ጌተት ጸፊቲዳ ድራወ፣ ክርሰቶሰ ኑ ድራወ ሸቀቲዳዋ ግዲደ፣ ኑና ህግያ ሸቃጥ ዋዘ አኩዳ።

14 ክርሰቶሰ ሃዋ እያወ ኦሌዳ ጎጥ፣ ጳሳይ አማና ጎጥ፣ ጌሻ እያና ኑን አማኑዋን አካናዳንን አብራሃም እንጂ ባረ ባጋና አይሁዳ ግደና አሳ ጋካና ማላ ገደ አሉዳ።

ህገ ሀይታ ቃላ ኮለና  
15 ታናዳን አማንያዋንቶ፣ ታን አሳይ ግያዋዳን ህንተንቶ ገይ፤ ሀራይ አቶ ላኡ አሳቱ እት የወዋ ሃሳዪደ፣ ጫቁዋ ዎሌዳዋጥ ህን ባጋን፣ ኦንነ ሄ ጫቁዋ ብለናወ ዎይ ሀራባ ሄ ጫቁዋ ቦላ ጉጃናወ ዳንዳየና።

16 አብራሃምን አ ዛሪ ጳሳይ ሰንሳጥ እማና ገደ ሃሳዪዳዋ ሰሴድና፣ ጳሳ ማጻጻይ ጮራ አሳወ ሃሳይያዋዳን፣ “ነ ዘረላቶ” ጌና፣ ዋጊ ጎጥ፣ “ነ ዘረወ” ያገ። ሃዌ፣ እት አሳ ጸላላ ጌ፤ እካ ክርሰቶሳ።

17 ታን ግያዋ ሀዋ፤ ጳሳይ አብራሃም ጫቁደ፣ ሀ ጫቁዋ ታን ናጋና ያገዱ። ኦይዱ ጸታን ሀታሙ ላይሳጥ ጉይያን ዪዳ ሙሴ ህገ ጳሳይ ዎሌዳ ሀ ጫቁዋ ቆይሳናወን ሰንሳጥ እማና ገደ ሃሳዪዳዋ ድጋናወ ዳንዳየና።

18 እያወ ጎጥ፣ ጳሳይ እምያ ላታይ ህግያን ቤትያዋ ግደጥ፣ ያትና ጳሳይ ሰንሳጥ እማና ገደ፣ ቃላ ገሌዳዋና ግደና ግያዋ፤ ሽን ጳሳይ እማና ገደ ቃላ ገሌዳዋን ላታ አብራሃም አሚዳ።

19 ያትና፣ ህገ እያወ ደኢ? ህገ ባይዘ ኡቡዋ ግድያባይ አየንቶ በሳናወ ጳሳይ እማና ገደ ሃሳዪዳ አብራሃም ዛሪ ያና ጋካናወ ጉጃቲዳ፤ ከታንቻ ባጋና ሙሴ ጋናትያዋን አሚዳ።

20 ጋናይ እት ኡራ ጸላላሳ ግደና፣ ሽን ጳሳይ አቲዋ።

ህግያ ቆፋ  
21 ያትና፣ ጳሳይ ሰንሳጥ እማና ገደ ሃሳዪዳዋ፣ እት ህገ፣ “ሀንና” ያገ? እእ! ሃዋ ጌና፣ እያወ ጎጥ፣ ህገ አሳወ ደኤዋ እማናወ ዳንዳይያባ ግደጥ፣ ጽሎተላይካ ቲሙ፣ ህግያ እዛዘትያዋጥ ቤቲ ግያዋ።

22 ሽን የሱሰ ክርሰቶሳ አማንና፣ ጳሳይ ሰንሳጥ እማና ገደ ቃላ ገሌዳ ላአተላይ፣ አማንያዋንቶ አሙታና ማላ፣ አሳይ ኡባይ ናጋራወ ሞደቲደ ደእያዋ፣ ጳሳ ማጻጻይ ኦይ።

23 ሽን ካሰ ሀ አማኑ ያናወ፣ ሰንሳጥ ቆንጫና እማና ህገ ኑና ቃሸቲዳ አሳዳን ጎርድ ዎሌዳ።

24 ሃዋ ድራወ፣ ኑን አማኑዋን ጽላና ማላ፣ ክርሰቶሰ ያና ጋካናወ ህገ ኑና ናግያዋ ግዳዳ።

25 ሽን ሀእ ሰም አማኑ ዪዳ ድራወ፣ ህገ ሀዋጥ ሰንሳወ ኑና ናግያዋ ግደና።

26 ህንተንቱ ኡባይ አማኑዋ ባጋና ክርሰቶሳ የሱሳን አቲዋ ግዳዳ ጳሳ ናና።

27 እያወ ጎጥ፣ ህንተ ክርሰቶሳና አቲዋ ግዳና ማላ ጸማቀቲዳ ኡባቲ ክርሰቶሳ ማይድታ።

28 ሃዋ ድራወ፣ አይሁዳ አሳ ግደንን ግሪክ አሳ ግደን ዲማተላይ ባዋ፤ አይልያ ዎይ ዎማኑዋ ግደን ዲማተላይ ባዋ፤ አቲማዋ ዎይ ማጫ አሳ ግደን ዲማተላይ ባዋ። እያወ ጎጥ፣ ህንተንቱ ኡባይካ ክርሰቶሳ የሱሳን እት አሳ።

29 ህንተንቱ ክርሰቶሳዋ ግደጥ፣ ሰም ህንተንቱ አብራሃም ዛረ፤ ቃይ ጳሳይ ሰንሳጥ እማና ገደ ቃላ ገሌዳዋ ላትያዋንታ።

### 4

ኑን ጳሳ ናና ግድያዋ  
1 ሽን እኩክተ፤ ባረ አቡዋ ላትያ ናእይ ናአተላን ደኢደ፣ ደእያዋ ኡባወ ጎዳ ግደጥካ፣ አይላቲዋጥ አወ ዲማትያሳይ ባዋ።  
2 ሽን ባረ እቡ ጌዳ ዎዲ ወራና ጋካናወ፣ አ ሀዳራ እኩዳዋንቱ ኩሽያንን አ ሚሻ ናግያዋንቱ ኩሽያን ደኤ።

\* 3:7 አማንያዋንቱ አብራሃም ዛረ- ጳሳይ አብራሃም ደራዳ፤ ሄ ድራወ ኦንነካ አብራሃም ናእ ጌተቲዳዌ፣ ጳሳ ናእ ግድያዋ አማነቲዳ። 3:29 ጸልተ። 3:7 ርመ 4:16 3:8 ደመላ 12:3 † 3:11 ጳሳ ሰንሳን ጽላቱ እን አማነቲደ ደኤዋን ደኢና- ጳሳይ እኩዳ አሳይ አማኑዋጥ ደንዳዳዋን ደኤዋን ደኤ። 3:12 ዋጋ 18:5 3:13 ዛረ፣ 21:23 3:16 ደመላ 12:7 3:17 ከሳ 12:40 ‡ 3:29 አብራሃም ዛረ- ሀእ ኑን አብራሃም ጎላ እሳ፣ ሃዋሳ ጸወሎሰ ጋላትያ አሳወ ኦይደ፣ እት አሳይ የሱሳ አማኔዳ አማኑዋን አብራሃምወ ቲሙ ናእ ያገቲደ ጸገቲ። ሃዋ ጉባይ ጳሳ ናእ ጉሳ። 3:7 ጸልተ።

3 ሀዋይን ኑንካ ቃይ ናአተላን ደእያ ዎደ፡ ሀ አሳምያ ሞድያ አያናቶ አይለቲድ።

4 ሽን ያናዉ በሰያ ዎዲ ጋኬዳ ዎደ፡ ጸላይ ማጫዉን፣ የለቶዎ፡ ሙሴ ህገዉ ሞደትያ አሳ ጋርሳን የለቲዳዎ፡ ባረ ናአ ኪቲዳ።

5 አያዉ ኪቲዳ ጎፕ፡ ህግያን ሞደቲደ ደእያዎንታ ዎዛናዉን ኑና ባረ ናና አላናዉ ኪቲዳ።

6 ጸላይ ህንተ አ ናና ግድያ ድራዉ፡ “አባቦ፡ ታ አቦ” ጊደ ዋሰያ ባረ ናአ አያና፡ ኑ ዎዛና ግደ ኪቲዳ።

7 ሄዎ ድራዉ፡ ሀዋፕ ሰንጻዉ ኔን ጸላ ናአ ግድያዎፕ አትን፡ አይለ ግዳካ፤ ቃይ ኔን አ ናአ ግደፕ፡ ክርሰቶሳ ባጋና ጸላይ ቃላ ገሌዳባ ላትያዎ።

ጳውሎስ ገላትያ አሳባ ህርጌዳ

8 ሽን ህንተ ሀዋፕ ካሰ ጸሳ ኤረናን ደኢደ፡ ቱማ ግደና ጸሳቶ አይለ ግዲደ ኤና ጌድታ።

9 ሽን ሀአ ጸሳ ኤሪደ፡ ኡባካ ጸሳን ኤረቲደ፡ ላፋነ ቃይ ካፒቲዳ ሀ አያናቱዎኮ ዋኒደ ሰሚቱ? ሽረት ሰም፡ አይለ ግዲደ፡ ላኒንሱዎ አንቲንቶ ኤና ጋናዉ ኮዩቲ?

10 ዲማቲዳ ገላሳቱዎ፡ አገናቱዎ፡ ዎደቱዎን ላይሳቱዎ ህንተ ሎይሳ ናጉዎን አይለቲድታ።

11 ታና ህንተባይ ያሼ፤ ታን ህንተንቶ ጮ ጋደ መላ ዳቡራድታሻ?

12 ታናዳን አማንያዎንቶ፡ ታን ህንተንቲዳን ሀኔዳ ድራዉ፡ “ህንተንቲካ ታናዳን ህንተ” ጋደ፡ ህንተንታ ዎሳይ፤ ህንተ ታና አይነ ናቁበይክታ።

13 ታን ኮይሮ ህንተንቶ ሞሽራቹዎ ቃላ ኡዴዳዌ ታና ህርገሰሽና ግድያዎ ህንተ ኤሪታ።

14 ታዉ ፓጸተሳይ ጳዪደ፡ ህንተንቶ ፓጩ ግድናካ፡ ታና ካድባይክታ፤ ሽንትካበይክታ። ሄዎ ድራ ኡባ ታና ጸሳ ኪታንቻ ሞክያዎዳን፡ ዎይ ክርሰቶሳ የሱሳ ሞክያዎዳን ሞኪድታ።

15 ያትና፡ ሄኮ ህንተ ናሽትያዎ ቤተና! ታና ግደፕ፡ ህንተንቶ ዳንዳየትያባ ግድና፡ ታዉ ህንተ ህንተንቲ አይፍያ ዎጭ እምንቶን አጸናዎ ማርካታይ።

16 ያትና ታን ህንተንቶ ቱሙዎ ኦድያ ድራዉ፡ ህንተ ሞርከ ግዳይታ?

17 ሀራ አሳቱ ህንተንቶ ቃረትያዎ ማላቲና፤ ሽን አንቲንቲ ቆፋይ ሎኤና፤ አያዉ ጎፕ፡ ህንተ አንቲንቶ ቃረታና ማላ፡ ታፕ ህንተንታ ሻካናዉ ኮዩና።

18 ሽን ታን ህንተ ማታን ደእያ ዎደ ጸላላን ግደናን፡ ኡባ ዎደካ ሎኦባን ህንተ ኮየትያዎንታ ግደፕ ሎኡ።

19 ታ ሲቆ ናቶ፡ ክርሰቶሳ መጠታይ ህንተንቲን ቤታና ጋካናዉ፡ ማጫዉዳ ኦይሳይ ሳክያ ኬና፡ ታን ህንተ ድራዉ ሳክታይ።

20 ሽን ታን ህንተንቶ ህርግያ ድራዉ፡ ሀአ ህንተ ማታ ባደ ህንተንቲና ደናን ሃሳያንቶ፡ ዳሪ ደሳይ።

አጋርነ ሳር ሌምሱዎ

21 ሙሴ ህግያን ሞደቲደ ደእናዉ ኮይያዎንቶ፡ ህጊ ግያዎ ሰሰክቲ? አነ ታዉ ኦድተ።

22 አያዉ ጎፕ፡ ጸሳ ማጸፋይ፡ “አብራሃም ዳንጋጽራት፣ ጎዳት፣ የለቲዳ ላኡ ናናይ ደእኖ” ያጌ።

23 ሽን ዳንጋጽራት ናአይ አሳይ ናአ የልያ ማራዲንካ የለቲዳ፤ ቃይ ጎዳት ናአይ፡ ጸሳይ ሰንጻፕ አማና ጊደ ቃላ ገሌዳዎን የለቲዳ።

24 ሀ ላኡ ማጫዎንቲ ላኡ ጫቆ ግድያ ሌምሱ፡ አንቲንቲ አትና፡ ሙሴዉ ህጊ አመቲዳ ሲና ደርያፕ ጫቆ ዬዳዉና፡ ባረ ናና አይለተሳዉ የላዲ፤ አዛካ አጋር።

25 ሀ አጋራ አራብያ ጌተትያ ጋድያን ደእያ ሲና ደርያን ሌምሰታዉ፤ ቃይካ ሀአ ደእያ የሩሳላመን ሌምሰታዉ፤ አያዉ ጎፕ፡ የሩሳላመ ካታማይ ባረ ግድን ደእያ አሳ ኡባና ሙሴ ህግያ አይለተሳን ደኤ።

26 ሽን ሳሉዎን ደእያ የሩሳላመ አይለተሳን ደኡኩ፤ አዛ ኑዉ አቶ ግዴዳ ሳር።

27 አያዉ ጎፕ፡ ጸሳ ማጸፋይ፡ “ሀኔ፡ የላቤና ማንሳቲ፡ ናሽታ፤ የሉዎ ኦይሳይ ኦይቄ ኤረናዉ፤ ጎ ኮሻ ጶቁ ኦሳደ አልላ! አያዉ ጎፕ፡ ባረ አሰናና ደእያ ማጫዉን፣ ባረካ ደእያ ማጫዉንዉ ጮራ ናናይ ደእና”

ያጌ።

28 ታናዳን አማንያዎንቶ፡ ኑንካ ሳር ናአ ይሳቃዳን፡ ጸላይ ሰንጻፕ አማና ጊደ ቃላ ገሌዳ ናና።

29 ሽን ሄ ዎደ አሳ ማራዲን የለቲዳዎ፡ ጸሳ አያናይ ጌዳዎዳን የለቲዳዎ የደርሰ ድጎዎዳን፡ ሀአካ ሄዎ ማላ።

30 ሽን ጸሳ ማጸፋይ ዋጊ? “ዳንጋጽራት ናአይ ጎዳት ናአና አትፕ ላተና ድራዉ፡ ዳንጋጽራቶ አዘ ናአና አትፕ ከሳ የዳ” ያጌ።

31 ሄዎ ድራዉ፡ ታናዳን አማንያዎንቶ፡ ኑን ጎዳት ናና ግድያዎፕ አትን፡ ዳንጋጽራት ናና ግደኮ።

5

ክርሰቶሳን አይለተሳፕ ከሱሳ

1 ኑን አይለተሳይ ባይናን፡ ደእና ማላ፡ ክርሰቶሰ ኑና አይለተሳፕ ከሱዳ፤ ሰም ሞኒደ ኤቁተ፤ ላኒንሱዎ አይለተሳ ሞርገ ሞላን ዎጸቶፕ።

2 ሰሰተ፡ ታን ጳውሎስ፡ ህንተንታ ያጋይ፤ ህንተ ቃጸረትያዎ ግደፕ፡ ክርሰቶሰ ህንተንታ አይነ ማደና።

3 ቃዳረትያ ኡባቱ ህጊ ግያዎ ኡባ ፖሊደ ናገናወ በሰያዎ ጉጃደ ቆፈሳይ።

4 ህግያ ናገደ ጽላናወ ኮይያዎንቶ፣ ክርሰቶሳጥ ሻከቲድታ፣ ጸሳ ኦቶ ኬካተሳጥካ ኩንዴድታ።

5 ኑና ግደጥ፣ ኑን ጸሳ ኣያና ባገና ኣማኑዋን ጽላናወ ናሽቻን ናገቶ።

6 ኣያወ ጎጥ፣ ኑን ክርሰቶሰ የሱሳና ኣትጥ ደኣጥ፣ ሲቁዋን ኦሳያ ኣማኑዋጥ ኣትን፣ ቃዳረትናካ፣ ቃዳረተናን ኣገናካ ኑና ኣይነ ማደና።

7 ካሰ ሎኦ ዎጺታ፣ ሽን ቱማተላዉ ህንተ ኤኖ ጌና ማላ፣ ኦኔ ህንተንታ ድጌዳዌ?

8 ሀ ጭሙ ህንተንታ ጸሴዳ ጸሳጥ ይቤና።

9 ኣሳይ ግያዎዳን፣ ጉላ ኣርሹ ሙናቃ ኡባ ደንሴ።

10 ህንተንቱ ሀራባ ቆጥናዎ ታን ጸሳን ኣማነታይ፣ ሽን ህንተንታ መትያ ኡራይ ኦና ግደጥ፣ ጸሳጥ ባረ ፕርዳ ኣካናዎ።

11 ሽን ታናዳን ኣማንያዎንቶ፣ ታን ሀዎ ጋካወ ቃዳራይ ከሽያዎ ኦድያዎ ግደጥ፣ ታና ኣያወ የደርሲኖ? ሄዌ ቱማ ግደጥ፣ ታን ክርሰቶሳ ማሰቃልያባ ታማርሰና ኣይነ መትያባይ ባዎ።

12 ህንተንታ መቶሳያዎንቱ ባረንታ ባረንቶካ ጎይሪርክናሻ!

13 ህንተንታ ግደጥ፣ ታናዳን ኣማንያዎንቶ፣ ኣይለተሳጥ ከሳናወ ጸሰቲድታ። ግደጥካ ኣይለተሳጥ ህንተ ከሴዳዎን፣ ህንተ ኣሳተላ ኣሙ፣ ህንተንታ ሞደፖ። ሄዎ ድራ ሲቁዋን ኣቲ ኣቶ ሞደትተ።

14 ኣያወ ጎጥ፣ ህጊ ኡባይ ኣት ሃሳያን ቃሽቲዳ፤ ኣካ፣ “ኣ ሾረዎ ነ ሁጺያዳን ሲቃ” ያግያዎ።

15 ሽን ህንተ ኣቲ ኣቲዋና ሳኤትያዎን ሜትትያዎ ግደጥ፣ ህንተ ህንተ ግደን ዉረና ማላ ናገትተ።

ኣያና ኣሹዋ

16 ሽን ሰሰተ፣ ጸሳ ኣያናይ ህንተንታ ካለሳያዎ ግደጥ፣ ህንተ ኣሹዋ ኣሙዋ ሙላካ ፖልክታ።

17 ኣያወ ጎጥ፣ ኑ ኣሹ ኣሞትያዎ ጌሻ ኣያናይ ኣጺ፤ ቃይ ጌሻ ኣያናይ ኣሞትያዎ ኑ ኣሹ ኣጺ፤ ሀዎንቱ ኣቲ ኣቲዋና ኣጸቲኖ። ሄዎ ድራዉ፣ ህንተ ደሴያዎ ኦሳናወ ዳንዳይክታ።

18 ሽን ጸሳ ኣያናይ ህንተንታ ካለሳያዎ ግደጥ፣ ሙሴ ህጊ ህንተንታ ሞደና።

19 ኣሹዋ ኣሱ ኤሪቲዳዎ፣ ኣካ ኣይ ጎጥ፣ ዎሹሞያዎ፣ ቱናተላ፣ ኣኤዳ ቱናተላ ኣሱዋ።

20 ኤቃዉ ጎይንያዎ፣ ብትያዎ፣ ሞርከተላ፣ ፓሉሙ፣ ቃናትያዎ፣ ህንቃዎ፣ ባረና ደሴያዎ፣ ዋላቃትያዎ፣ ኣቲ ኣቲዋጥ ሻከትያዎ።

21 ኣሳዎ ኣሞትያዎ፣ ማላትያዎ፣ የላንቻ ግድያዎን ሀዎንታ ማላትያዎንታ። ካሰካ ታን ህንተንቶ ኦድዳዎዳን፣ ሀዎንታ ማላትያዎንታ ኣሳያዎንቶ ጸሳ ካወተላን ገልያሳይ ባዎ።

22 ሽን ጌሻ ኣያና ኣይፊ፣ ሲቁዋ፣ ናሽቻ፣ ሳርተላ፣ ዳንዳያ፣ ኬካተላ፣ ሎኦተላ፣ ኣማነትያዎ።

23 ኣሽከተላ፣ ባረ ሁጺያ ናግያዎ። ሄዎንታ ማላትያዎንታ ድግያ ህጊ ባዎ።

24 ክርሰቶሳ የሱሳግ ግድያዎንቱ ባረንቱ ኣሳተላ ኦ ኣጋ ቆፋና ኦ ኣሙዋና ኣትጥ ማሰቃልያ ቦላን ሞሰማርያን ድሹይ ካቁድኖ።

25 ኑዉ ጌሻ ኣያናይ ደኡዎ ኣሞዋጥ ጉይያን፣ ኑና ቃይ ኣ ካለላ።

26 ኣነ ኡቶረትያዎ፣ ዎይ ኣቲ ኣቲዎ ህንቀሳያዎ፣ ዎይ ኣቲ ኣቲዎ ቃናትያዎ ኣጎይተ።

6

ኣቲ ኣቲዋና ማደትያዎ

1 ታናዳን ኣማንያዎንቶ፣ ህንተናን ጌሻ ኣያናን ደኣያዎንቱ ኣት ኡራይ ኣይ ባይዘዎ ኣሊደ፣ ቤቶጥካ፣ ኣሽከተላ ኣያናን ኣ ሱርሰተ፣ ቃይ ህንተ ፓጨተና ማላ፣ ህንተ ሁጺያ ናግተ።

2 ኣቲ ኣቲዎ ቶኩዋ ቶክተ፣ ሄዎ ኣሳያዎን ክርሰቶሳ ህገዉ ኣዛዘተታ።

3 ኣያወ ጎጥ፣ ኣት ኡራይ ኣይነ ህንናን ደኣደ፣ ኣትባ ኣ ህኔዳዎ ኣዉ ማላቶጥ፣ ባረ ሁጺያ ጭሜ።

4 ሽን ኣሳይ ኡባይ ሁጺያን ሁጺያን ባረ ኣሱዋ ፓጮ፣ ሄዎጥ ጉይያን፣ ሀራ ኣሳዋና ልክናን፣ ባረ ሁጺ ኣሱዋ ጸላላን ኣማነትያዎ ደማና።

5 ኣያወ ጎጥ፣ ኣሳይ ኡባይ ሁጺያን ሁጺያን ባረጥ ናገትያዎ ኦላና ቦሴ።

6 ሽን ጸሳ ቃላ ታማርያዌ ባረዉ ደኣያ ሎኦባ ኡባ ባረና ታማርሰያዎና ሻኩ።

7 ህንተንታ ህንተረካ ጭሞጥተ። ኦንን ጸሳ ቦላ ቅሊጫናወ ዳንዳያ፣ ኣያወ ጎጥ፣ ኣሳይ ባረ ዘርያዎ ዘረሊደ ቆይጫና።

8 ባረ ኣሹዋ ኣሙዋን ዘርያዎ ግደጥ፣ ኣሹዋ ኣሙዋጥ ሀይቁዎ ቆይጫና። ሽን ጸሳ ኣያናን ዘርያዎ ግደጥ፣ ጸሳ ኣያናጥ መድና ደኡዎ ቆይጫና።

9 ኣነ ሎኦ ኣሱዋ ኦላናወ ሞናይተ። ኣያወ ጎጥ፣ ኑን ሞን ኦላጥ፣ ቆይጫና ዎዲ ሰንሳጥ ያናዎ።

10 ሄዎ ግደጥ ሀ ኦላናወ ኑን ዳንዳይያዎን፣ ኣሳ ኡባዉ ሎኦባ ኣላይተ፣ ሽን ኡባጥ ኣሊደ፣ ኑናና ኣማኑዋን ደኣያዎንቶ ሎኦባ ኣላይተ።

ዉርሰላ ዘርያን ሳርታ

11 ታን ታ ኩሽያን፣ ኣይ ማላ ዎልቃዎ ፕደላቲዋን፣ ሀዎ ህንተንቶ ጸፋድታንቶ በኣተ።

12 ኣሳ ሰንሳን ሎኡደ ቤታናዉ ኮይያ ኡባቲ፣ ህንተ ቃዳረታና ማላ ኮዪኖ፣ ሽን ሄዎ ኡንቲንቲ ኣሳያዌ ባረንቶ ክርሰቶሳ ማሰቃልያ ድራዉ የደርሰተናን ኣታና ጸላላሳ።

13 ኣያወ ጎጥ፣ ኡንቲንቲ ህንተ ቃዳረቲዳዎን ጨቀታናዉ ህንተንታ ቃዳረትና



ጊኖፕ አትን፣ ሀራይ አቶ ቃጸረቴዳዎንቱካ ባረንቱ ሁጸዉ ሙሴ ህግያ ናግክኖ።

14 ሸን አላሚ ታዉ ካቀትና፣ ታንካ አላመዉ ካቀቴዳ የሱሰ ክርሰቶሳ ማሰቃልያፕ አትን፣ ታን ጨቀትያባይ ሀራባይ ታፕ ሃኮ።

15 አያዉ ጎፕ፣ ክርሰቶሰ የሱሳን ኦራፋ መፍታ ግድያዌ ማዳፕ አትን፣ ቃጸረትናካ ቃጸረትናን አግናካ እይነ ማደና።

16 ሀ ዎጋን ሀመትያ ኡባቱዋ ቦላንነ ጸሳ አሳ ኡባ ቦላ፣ ሳሮተላይነ ማሮተላይ ግድ።

17 ታን የሱሳዉ ማይቴዳ ማላ ታ ቦላን ቶኬዳ ድራዉ፣ ሀዋፕ ሰንፋዉ አት አሳይካ ታና መቶሳፖ።

18 ታናዳን አማንያዋንቶ፣ ኑ ጎዳ የሱሰ ክርሰቶሳ አጼ ኬካተላይ ህንተንቱና ግድ። አመንእ።

# ጳውሎስ ኤፌሶና አሳው ጳጳዳ ኪታ ገሎጥ

ጳውሎስ ኤፌሶናን ደጋፊ አሳው ጳጳዳ ኪታን ኡባባፕ አሊደ እ ጴሎዳዊ፡ “ጳሳ ቆፋ ኦሱዋን ፔሻናዊ ሳሉዋን ሳኣን ደጋፊባይ ኡባይ እትፕ ሸቁደ፡ እት ክርስቶሳ ማታ ጋርሳን አቅያ ዋዲ ጋካና” ምገያ ቆፋ (1:10)። ሄዋ ቦላንካ ጉጂይ የሱስ ክርስቶሳና እትፕ ግዲደ፡ አሳ ዛርያ ኡባይ እቱዋ ግዲና ማላ፡ ሀ ዋልቃማ ቆፋ ኦሱዋን ፔሻናዳን ጳሳ አሳ ሀሳይሴ።

ኤፌሶና ኪታይ ኮይሮ ሳን ጳፊ እትፕተላዋ ጳፋናዉ ደማዳዋ አሲደ፡ ጳሳይ አዉ ባረ አሳ ዋት ደራደንቶ፡ ኡንቱንቱካ እ ናኣ፡ የሱስ ክርስቶሳን ባረንቱ ናጋራፕ ማረቲደ፡ ዋን ላእ ከሴደንቶን ጳሳ ዋልቃማ ህደታ ቃላይ ጌሻ አያና ባጋና ዋት ኤሪቴደንቶ ኦደ። ላኤንሉያ ሻኩዋን ቃይ ጳፊ ሀ ኪታ ናባባያዋንቱ ባረንቱ እትፕተላ ደኡዋን ክርስቶሳን ኡንቱንቱ ደጋያ እትፕተላይ ቱማ ግዲና ማላ ኡንቱንቱ ዋሪደ ደአናዉ በሰንቶ ቆፍሴ።

አሳይ ክርስቶሳን ደጋያ እትፕተላን ዋሪደ ደአናዉ ዳንዳይንቶ ዲማ ዲማ ሃላ ሃሳያን ቆንጩዳ። አማንያ አሳይ እት አሳተላ ለምሱዋ ግድያ ዋደ፡ ክርስቶሳ ሄ አሳተላዉ ሁጲያ ግደ። አማንያ አሳይ ግምቢያ ጎልያን ለምሰትያ ዋደ፡ ክርስቶሳ ሄ ግምቢያ ጎለዉ ጎዳ ጸጸዋ ምንሰያ ዋና ሹቻ ግደ። አማንያ አሳይ ማቕያዳን ለምሰትያ ዋደ፡ ክርስቶሳ አሰናዳን ግደ። ጸፍያዊ ክርስቶሳ ባጋና ቆንጩዳ ጳሳ አጼ ኬካተላ ዳሮ ቶቂሰ ናሽ ሃሳዪደ፡ ጨማቴዳ ቆፋ ሺሼ። እ ኡባባካ ክርስቶሳ ሲቁዋን፡ እ ያርሸቶዋን፡ እ ማሮተላን፡ እ አጼ ኬካተላን እ ሳሮተላ ባጋና ጴሌ።

### ሸምገቱዋ ኡባቶ አመቴዳ ቃንሳ ቆፋቱዋ ገሎጥ 1:1-2

ክርስቶሳን አማንያ አሳ 1:3—3:21  
ክርስቶሳን ቤትያ ኡራሳ ደኡዋ 4:1—6:20  
ዉርሰሳ ቁትያ 6:21-24

1 ታን ጳሳ ሸንያን ክርስቶሳ የሱስ ኪቱዳ ጳውሎስ፡ ኤፌሶናን ደጋፊ ጳሳ ናናዉ ቃይ ክርስቶሳ የሱሳዉ አማንቲደ ደጋያዋንቶ ሀ ዲብዳቢያ ጳፋይ።

2 ጳሳ ኦ አዉዋፕን ጎዳ የሱስ ክርስቶሳፕ አጼ ኬካተላይን ሳሮተላይ ህንተንቶ ግደ።

ክርስቶሳፕ ቤትያ አያና አንጂዋ

3 አያና አንጂዋ ኡባን ክርስቶሳ ባጋና ቦላ ሳሉዋን ኦና አንጂዳ ጳሳ፡ ኦ ጎዳ የሱስ ክርስቶሳ አዉዋ፡ ኦን ጋላቱቶ።

4 ኦን እ ሰንላን ጌሻቱዋን ፖኩ ባይናዋንታ ግዲና ማላ፡ ጳሳይ ኦና ሳኣይ ሙጋታናፕ ካሰ፡ ክርስቶሳ ባጋና ባረ ሲቁዋን ደራዳ።

5 ጳሳይ ባረ ሸንያን ባረ ደሴዳዋዳን፡ የሱስ ክርስቶሳ ባጋና ኦና ባረ ናናቱዋ ኦላናዉ ካሰቲደ ቆፕ ዋሌዳ።

6 ጳሳይ ባረ ሲቅያ ናኣ ባጋና ኦዉ ጮ አሜዳ አጼ ኬካተላ ቦንቹዋ ድራዉ፡ ኦፕ ጋላታ አካናዉ ሄዋ ኦሌዳ።

7 ኦን ጳሳ አጼ ኬካተላ ዳረዋዳን፡ ክርስቶሳ ሱላን ዋዘቲደ፤ ሄዋን ጳሳይ ኦ ናጋራ አቶ ጌዳ።

8 ጳሳይ ባረ አጼዳ ኤራተላ ኡባንን ባረ ዋዛና ቆፋ ኡባን ባረ አጼ ኬካተላ ኦዉ ዳርሲደ አሜዳ።

9 አያዉ ጎፕ፡ ጳሳይ ባረ ቆፕዳዋ ኦሌዳ፤ ቃይ ክርስቶሳ ባጋና ፖላናዉ ቆፕ ዋሌዳ ደራ የዉዋ ኦና ኤርሴዳ።

10 ጳሳይ ዋድያ ዉርሰላይ ጋክያ ዋደ ፖላናዉ ቆፕዳ ቆፋይ ክርስቶሳ ዋና ኦሌዳ፡ ሳሉዋንን ሳኣን ደጋያ ሙጋታ ኡባ እትፕ አን ሸቫናዋ።

11 ኡባባይ ጳሳ ቆፋዳንን እ ጌዳዋዳን ሀኔዳ፤ ጳሳይ ካሰቲደ ቆፕ ዋሌዳዋዳን፡ ክርስቶሳ ባጋና ኦን አዋንታ ግዲናዳን፡ ኦና ደራዳ።

12 ኦን ካሰቲደ፡ ክርስቶሳ ባጋና አካና ጌደ ናሽቻን ናግያዋንቱ፡ ጳሳ ቦንቹዋ ጋላቲቶ።

13 ህንተዉካ ቃይ ሄዋዳን ሀኔዳ፤ ቱሙ ኪታ፡ ህንተንቶ አቶተላ አሄዳ ምሽራቹዋ ቃላ፡ ህንተ ሰሴዳ ዋደ ክርስቶሳ አማኔድታ፤ ጳሳይ ህንተንቶ አማና ጌዳ ጌሻ አያና ባጋና፡ ህንተ አዋ ግድያዋ ኤርሴያ ማታፋ ህንተ ቦላ ዋሌዳ።

14 ጳሳይ ባረ አሳዉ አማና ጌዳዋ ኦን ላታና ጋካናዉ፡ ጌሻ አያና ዋሰተላ ኦይቄደ። ሄዌ ቃይ አ ቦንቾ፡ ጋላታ ግዲናዋ።

### ጳውሎስ ኤፌሶና አሳው ዋሴዳ

15 ሄዋ ድራዉ፡ ጎዳ የሱሳ ህንተ አማንያዋን ጌሻቱዋ ኡባ ህንተ ሲቅያዋ ታን ሰሴደፕ ደማደ።

16 ህንተንቶ ጳሳ ጋላትያዋ አጋቢይከ፤ ጳሳ ዋሳይ ህንተዉካ ዋሳይ።

17 ቃይ ጎዳ የሱስ ክርስቶሳ ጳሳይ፡ ቦንቹዋ አዉ፡ ጳሳ ህንተ ኤራናዳን፡ ህንተና አጼዳ ኤራንቻ ኦላያ ቃይ ጳሳ ህንተንቶ ቆንጭሰያ ጌሻ አያና ህንተንቶ አማናዳን፡ ታን ዋሳይ።

18 ጳሳይ ህንተ አካና ጌደ፡ ናሽቻን ናግ ኡቱዳዋ ህንተና ጴሴዳዋን እ ባረ አሳዉ አማና ግያ አንጂ አይ ከና ዲረንቶ ህንተ ኤራናዳን፡ ጳሳይ ህንተ ዋዛና ደይና፡ አ ፖኡዋ ህንተ በአናዳን፡ ታን ጳሳ ዋሳይ።

19-20 ቃይ አ አማንያ ኦናን አ ዋልቃይ ሎይላ ኦሌ። ሀ ኦናን ደጋፊ ዋልቃይን ሀይቁዋፕ ክርስቶሳ ደንሏደ፡ ሳሉዋ ሳኣን

ጸገት ኡሸቻ ባጋና \* ኡትሴዳ ዎልቃማ ዎልቃይ እቱዎ።

21 ክርስቶስ ሳሉዎ ሱንገቱዎ፣ ጎዳተላይ ደእያዎንቱ፣ ዎልቃማቱዎ፣ ጎዳቱዎ ኡባጥ ቦላ ግዲደ ዎዴ፤ እ ሀእ ደእያ የለታ ጸላላን ግደናን፣ ሰንገጥ ያና የለታንካ ሀራ ሱንገተላ ኡባጥ ቶቄ።

22 ጸሳይ ኡባባ ክርስቶሳ ገድያ፣ ጋርሳን ዎድሲደ፣ ቃይ ጸሳይ እ ኡባባን ኡባጥ ቦላና ጎዳ ግዳናን፣ ዎሳ ጎላው እ እሜዳ።

23 ዎሳ ጎሊ ክርስቶሳ አሳተላ፤ ዎሳ ጎሊ ክርስቶስ ኡባ ሳን ኡባባ ኩንሳያ እ ፖሎዎ።

## 2

ክርስቶሳን ሀይቁዎ፣ ደእ ፕንያዎ

1 ሀንተ አዛዘተናን እጼዳ ድራውን ሀንተ ናጋራ ድራው፣ ካሰ ዎድያን እያና ሀይቁዎ ሀይቁድታ።

2 ሄ ዎደ ሀንተ ሀ አላሞያ የለታ ኢታ ኦገያ ሀመቲድታ፤ ጫርኩዎ ግደን ደእያ ዎልቃማ እያናቱዎ ካፓ ቃይ ጸሳይ አዛዘተና አሳ ሀእ ዎድያ እያናው አዛዘቲድታ።

3 ኑንካ ቃይ ኡባይ ሄ አሳ ማላ፤ ቃይ ኑን ኑ አሹዎ እሙዎዳን ደኤደ፤ ኑ አሹን ኑ ዎዛናይ ኩዬዳዎ ኦሌድ። ኑንካ ሀራቱዎዳን፣ ኑ መጋታን ጸሳ ሀንቁዎ አካናው ደኤቶ።

4 ሸን ጸሳ ማርተላይ ዳራ ግድያ ድራው፣ ባረ ስቁዎ ዳራዎዳን።

5 ኑን እው አዛዘተናን እጼደ፣ ሀራይ አቶ እያናን ሀይቁዳዎንታ ግድናካ፣ እ ክርስቶሳና ኑው ደኤዎ እሜዳ። ጸሳ አቶ ኬካተላን ሀንተ እቲድታ።

6 ኑን ክርስቶስ የሱሳና ሳሉዎን ሳእን ሞዳናዳን፣ ጸሳይ ኑና እናና እትጥ ሀይቁዎ፣ ደንሌዳ።

7 እ ሰንገጥ ያና ዎድያን፣ ኑው ክርስቶስ የሱሳን ደእያ ኬካተላን፣ ኡባጥ አቲያ ባረ አቶ ኬካተላ ቶቃተላ በሳናው ሄዎ ኦሌዳ።

8 እያው ጎ፣ ሀንተ ጸሳ አቶ ኬካተላን፣ እማኑዎን እቲድታ፤ ሀዌ ጸሳ እሙዎጥ እትን፣ ሀንተ ኡሱዎና ግደና።

9 ሀንተ ዳቡራን ቤትቤና ድራው፣ ሀንተ ጩቀትያባይ እያይን ባዎ።

10 እያው ጎ፣ ኑን ጸሳ መጋታ፤ እ ኑው ካሰቲደ ገገሰ ዎሌዳ ሎኦ ኡሱዎ ኑን ኦላናዳን፣ ክርስቶስ የሱሳ ባጋና ኑና መዴዳ።

ክርስቶሳን ቤትያ እትጥተላ

11 ሄዎ ድራው፣ ሀንተኖ ዛርያን አይሁዳ ግደና አሳቶ፣ ባረንቱ አሳተላ ቦላ ኩሸያን ኡስቲዳዎን፣ ባረና ቃጸረቲዳዎንታ ገያ አይሁዳቱ፣ ቃጸረትቤናዎንታ ገደ ጸሰያዎንቶ፣ ሀንተ ካሰ ኦንቶ አኬክተ።

12 ሄ ዎደ ሀንተ ክርስቶሳጥ ሻከቲድታ፤ እማላ ግዲደ፣ እሰራኤልያ አሳጥ ሃኪደ ደኤድታ፤ ጸሳይ ባረ አሳው እማና ገደ ጫቁዳ ጫቁዎ፣ እይን ደሞበይክታ፤ ሀ ሳእ ቦላ

ሀንተ ደማና ገደ፣ ናሸቻን ናግ ኡቲዳዎ ደመናንን ቃይ ጸሳይ ባይናን ደኤድታ።

13 ሸን ሀንተ ካሰ ሃኪደ ደእያዎንቱ ሀእ ክርስቶሳ የሱሳና ደኤደ፣ ክርስቶሳ ሀይቁዎን ማታ ሸቂድታ።

14 እያው ጎ፣ ክርስቶስ አይሁዳ አሳን አይሁዳ ግደና አሳ እቲዎ ኦሌደ፣ ኑው ሳርተላ አሄዳ። ኡንቲንቲ ላኡዎ ሻኪደ፣ ሞርከ ኦላ ዎሌዳ ሞርከተላ ጎዳ ባረ አሳተላን ኮል የጌዳ።

15 እ ባረ ሀጸው ሀ ላኦ ዛራቱዎ፣ እት ኦራላ አሳ መዲደ ሳርተላ ዎላናው፣ አይሁዳ አሳቱዎ ሀገያ እ አዛዛቱዎን ዎጋቱዎና እትጥ ቆይሲዳ።

16 ክርስቶስ ማስቃልያ ቦላ ሞሰማርያን ቲሸቲደ ሀይቁዳ ባረ ሀይቁዎን ሞርከተላ ቆይሲዳ፤ ቃይ ማስቃልያ ባጋና ላኦ ዛራቱዎን እት አሳ ኦላ ሰገሌደ፣ ጸሳኮ አሄዳ።

17 ክርስቶስ ዪደ፣ ጸሳጥ ሃኪደ ደእያ ሀንተንቶ አይሁዳ ግደናዎንቶ፣ እ ማታን ደእያ አይሁዳቶ ኡባው፣ ሞሸራቹዎ ቃላ ሳርተላ ኦዴዳ።

18 እያው ጎ፣ ኑን ኡባይ፣ አይሁዳቱካ አይሁዳ ግደናዎንቱካ፣ እት ጌሻ እያናን ክርስቶሳ ባጋና እውዎ ሰንገላ ሸቃናው ዳንዳዬቶ።

19 ሰሞ ሀንተ አይሁዳ ግደና አሳቱ ሀዎጥ ሰንገላው አላጋ ዎይ እማላ ግድክታ፤ ሀእ ሀንተን ጌሻቱ እት ቢታ አሳ፤ ቃይ ጸሳው ሀንተ ሶይ አሳ።

20 የሱሰ ኪቲዳዎንቱን ትምቢትያ ኦድያዎንቱ ባሴዳ ባሱዎ ቦላ ሀንተካ ኬጸቲድታ፤ ጎዳ ጸጸዎ ሞንሰያ ዎና ሹቻይ ክርስቶስ የሱሳ።

21 እ ጎልያ ኡባ እትጥ ሸሸ ኦይቂደ፣ ጸሳ ባጋና ጌሻ፣ ጸሳ ጌሻ ጎሊ ግዳና ማላ ድቹ።

22 ሀንተ ቃይ ጸሳይ ባረ እያናን ደእያ ጎልያ ግዳናው፣ ሀራቱዎ ኡባና እትጥ ክርስቶሳን ኬጸቲታ።

## 3

ጳውሎስ እማንና አሳው ኦሌዳ ኡሱዎ

1 ሄዎ ድራው፣ ሀንተኖ አይሁዳ ግደና አሳቶ፣ ታን ጳውሎስ ሀንተ ድራው ክርስቶስ የሱሳ ቃሾ አሳ ግዳዳዌ፣ ጸሳ ዎሳይ።

2 ጸሳይ ባረ አቶ ኬካተላን፣ ታን ሀንተና ማዳናዳን፣ ሀ ኡሱዎ ታው እሜዳዎ ሀንተ ሎይላ ሰሴድታ።

3 ጸሳይ ባረ ጸራ ቆፋ ታው ቆንጭሲደ፣ ታና ኤርሴዳ፤ ታን ሄዎ ቃንጎን ጸፋድ።

4 ቃይ ታን ጸፊዳዎ ሀንተ ናባብያ ዎደ፣ ክርስቶሳ ጸራ ታን ዎታ አኬካድታንቶን ኤራናው ዳንዳዬታ።

5 በን ዎደ አሳይ ሄ ጸራ የወዎ ሰሰቤና፤ ሸን ጸሳይ ሄዎ የሱሰ ኪቲዳ ጸሳ ናናቶን

\* 1:19-20 ኡሸቻ ባጋ- ዎልቃ ቦንቹዎ ሳእ። 1:19-20 ማዚ. 110:1 1:22 ማዚ. 8:6 1:22 ቆል. 1:18 2:17 ኢላ. 57:19

ትምቢትያ ኦድያዎንቶ፡ ጌሻ አያናን ሀእ ቆንጭሴዳ።

6 ጹራ የወ ሀዋ፤ አይሁዳ ግድና አሳይ ዋንጋላ ባጋና፡ ጸሳ እንጂዋ አይሁዳቱዋና እትጥ ላቲኖ፤ ኤንቱንቱ እት አሳተላን ሻከተናን ደኢና፤ ቃይ ክርስቶስ የሱሳ ባጋና ጸሳይ እማና ጌዳዋ አይሁዳቱዋ ሻኪኖ።

7 ጸሳይ ባረ ኦሎዋ ዋልቃ ባጋና ታወ እሜዳ አጾ ከካተላን ታን ሀ ዋንጋላዉ ቆማ ግዳድ።

8 ታን ጌሻቱዋ ኡባ ግዳን ላፍያዋ ግደጥካ፡ አይሁዳ ግድና አሳዉ ዛዋይ ባይና ክርስቶሳ ዲረተላ ምሽራቹዋ ቃላ ኦድያ ሀ ካጫ ጸሳይ ታወ እሜዳ።

9-10 ቃይ ታን ሄዋን ጸሳ ጹራ ቆፋ አሳ ኡባዉ ቆንጭሳ ኡዳና፤ ኡባባ መጪዳ ጸሳይ ባረ ጹራ የወዋ በን ዋደ ገንሳ ዋሌዳ። ጸሳይ ሀእ ሄዋ ዋሳ ጎልያ ባጋና ሳሉዋ ሳእን ደእያ ካጋቶን ጎዳተላይ ደእያዋንቶ ዛዋይ ባይና ባረ አጫዳ ኤራተላ ቆንጭሳናዉ ኦሌዳ።

11 ጸሳይ ሄዋ ኑ ጎዳ ክርስቶስ የሱሳ ባጋና እ ፖሌዳ ባረ መጅና ቆፋዳን ኦሌዳ።

12 ኑን ክርስቶስ የሱሳና እትጥ ግዳድ፡ አ አማንያ አማኑዋን አማኑቲድ፡ አይነ ያየናን ጸሳ ሰንሳ ሺቃናዉ ዳንዳዬቶ።

13 ሄዋ ድራዉ፡ ታን ሀንተዋን መቶትያዋን ሀንተ ሀርገና ማላ፡ ሀንተና ዋሳይ፤ አያዉ ሳጥ፡ ታን ሀንተ ቦንቾ መቶታይ።

ክርስቶሳ ሲቁዋ

14-15 ሄዋ ድራዉ፡ ታን ሳሉዋንነ ሳእን ደእያ አማንያ ጎልያ አሳይ ኡባይ አጥ ዬዳ

\* ጸሳ ሰንሳን ጉልባታይ።

16-17 ጸሳይ ባረ ቦንቾዋ ዳናዋዳን፡ ባረ ጌሻ አያናን፡ ሀንተንቶ ሀንተ ጋርሳ አሳተላን ሀንተ ምንያ ዋልቃ እማናዳን፤ ቃይ አማኑዋ ባጋና ክርስቶስ ሀንተ ዋዛና ባረ ጎልያ መጃናዳን፡ ታን ጸሳ ዋሳይ፤ ቃይካ ሀንተ ጸጸዋ የዲድ፡ ቶከቲደ ሲቁዋን ምናናዳን፡ ጸሳ ዋሳይ።

18 ቃይ ጌሻቱዋ ኡባና ክርስቶሳ ሲቁ አይ ኬና አከንቶ፡ አዲሰንቶ፡ ጾቀንቶን ጨመንቶ † ኤርያ ዋልቃ ሀንተንቶ ደማናዳን፡ ታን ጸሳ ዋሳይ።

19 ኤራተላጥ አጫዳ ክርስቶሳ ሲቁዋ ሀንተ ኤራናዳንነ ቃይ ጸሳዋ ግድያ ኡባባን ሀንተ ፖል ኩማናዳን፡ ታን ጸሳ ዋሳይ።

20-21 ሰም ኑ ግደን ኦሳያ ባረ ዋልቃ ባጋና ኑን ዋሰያዋ ዋይ ቆጥያዋ ኡባጥ ሎይሳ ዳርሰ ኦሳናዉ ዳንዳይያ ጸሳዉ፡ ዋሳ ጎልያንነ ክርስቶስ የሱሳን ኡባ ዋደ መጅናጥ መጅና ጋካናዉ ቦንቾ ግድ። አመንእ።

4

ቦላ እትጥተላ

1 ሄዋ ድራዉ፡ ታን ጎዳዉ አሳያ ድራዉ ቃሽቲዳዊ ጸሳይ ሀንተና ጸሴዳ ጸሳዉ በሰያ ደኡዋ ሀንተ ደአናዳን፡ ታን ሀንተና ዋሳይ።

2 ኡባ ዋደ ሀንተ ሀንተ ሀጺያ ካዉሽያዋንታ፡ አሽከቱዋን ዳንዳያንቻቱዋ ግድተ፤ እቲ እቲዋ ማድያዋን ሀንተ ሲቁዋ በሰተ።

3 ሀንተና እትጥ ጋላ ቃችያ ሳርተላን፡ ጌሻ አያናይ ሀንተንቶ እምያ እትጥተላ ናጋናዉ ምንተ።

4 ጸሳይ ሀንተና ጸሴዳ ሀደታይ፡ ሀንተ ደማና ጌደ ናግ ኡቲዳዊ መጽ እቲዋ ግደዋዳን፡ እት አሳተላይነ እት ጌሻ አያናይ ደኤ።

5 እት ጎዳይ፡ እት አማኑነ እት ጽንቃታይ ደኤ።

6 ኡባ ጎዳይ፡ ኡባ ባጋና ኦሳያዎ፡ ኡባ ግደን ደእያዎ፡ እት ጸሳይ፡ ኡባ አዉ ደኤ።

7 ሽን ክርስቶስ እሜዳ እመዋዳን፡ ኑን ሀጺያን ሀጺያን ዲማ እመዋ አከድ።

8 ሄዋ ድራዉ፡ ጸሳ ማጻፋይ፡

“አ ፑደ ጾቃሳ ከሴዳ ዋደ፡ አዋደቲዳዋንታ አፌዳ፤ አሳዉካ እሞታ እሜዳ”

ያጌ።

9 ያትና፡ “ፑደ ከሴዳ” ግያዌ ዋግያዌ? እ ከይር ዲገ ዋጂዳ፤ ሄዌ ሳአዉ ሀርክ ዉርሰሳሳ ዋጂዳ ግያዋ።

10 ሀ ዲገ ዋጂዳዌ ባረ ሀጺዉ አ፤ ሄ እ ኡባባ ኩማናዳን፡ ሳሉዋ ኡባጥ ጾቂያሳ ፑደ ከሴዳ።

11 አሳዉ እሞታ እሜዳዌ አ፤ እ እቲዋ እቲዋ የሱሰ ኪቲዳዋንታ፡ ሀራቲዋ ትምቢትያ ኦድያዋንታ፡ ቃይ ሀራቲዋ ምሽራቹዋ ቃላ ኦድያዋንታ፡ ቃይካ ሀራቲዋ ዋሳ ጎልያ ካለሌያዋንታን ታማርሰያዋንታ ኦሳ ሱንሌዳ።

12 እ ሄዋ ጌሻቱ ኡባይ አማንያ አሳ ኦሎዋ ኦሳናዳንነ ክርስቶሳ ቦላን ኬጸታናዳን ገግሳናዉ አሌዳ።

13 ቃይ ኑን ኡባይ ጸሳ ናአ አማንና ኤርና ቤትያ እትጥተላኮ ጋካና፤ ኑን ክርስቶሳ ፖሎ ድቻ ኬና ድጨድ፡ ደንዛ አሳ ግዳናዳና።

14 ኑን ቤታን ያነ ሃነ ሾጬቲድ፡ ባረንቱ ጭምያ ሆናታን አሳ ባላ ኦግያ ካለሌያ ገንያ አሳ ትምቢትያ ጫርኩዋ ኡባን ሰገቲድ፡ ሀዋጥ ሰንሳዉ ናአ ግዳናዉ በሰና።

15 ሽን ኑን ሲቆተላን ቱመዋ ሃሳዪድ፡ ሀጺ ግድያ ክርስቶሳኮ ኡባባን ድጫናዉ በሴ።

16 ቦላ ግደን ደእያ ዲማ ዲማ ሻኮታይ እን እትጥ ኦይቀቲድኖ፤ ቃይ ኩመንላ ቦላይ ባረዉ እመቲዳሳ ኡባን እቲ እቲዋና ጋከቲድ፡ እትጥ ኦይቀት ኡቲዳ፤ ሄ ዲማ ዲማ ሻኮታይ ኦሳናዉ በሰያዋ ኦሳያ ዋደ፡ ኩመንላ ቦላይ ሲቁዋን ድጨኑ ባረና ኬጹ።

ክርስቶሳን ቤትያ ኦራላ ደኡዋ

\* 3:14-15 አጥ ዬዳ፡- አጥ ደንዳዋን፡ እቲዋ እቲዋ ሀጺያን ሀጺያን ኤርያዋሳ። † 3:18 አከንቶ፡ አዲሰንቶ፡ ጾቀንቶን ጨመንቶ፡- ሀዌ በሰያዌ ሳሉዋን ደእያ የሩሳላዋ ዋይ ጸሳ ሲቁዋ ዋይ ጸሳ አጾ ኤራ ዋይ የሱሳ ማስቃልያዉ ደእያ ብላላ። 4:8 ማዚ. 68:18

17 ሄዎ ድራው፡ ታን ሀዋ ህንተንቶ ጎዳ ሱንጎን ኦዳይነ ማርካታይ። ህንተ ጎእ ባይና ቆፋ ቆጥያ እይሁዳ ግደና አሳቱዋዳን ደክተ።

18 ኢንቱንቱ ዋዛናይ ቆማን ደኤ፤ ኢንቱንቱ እይነ ኤሪናዋንታን አዛዘተና ድራው፡ ጸላይ እምያ ደኤዋጥ ሃኬድና።

19 ኢንቱንቱ ማታን ዬላ ግያዌ ባዋ፤ ኢንቱንቱ ዋሹማዉ ካጄላናዉ ባረንቱ ሁጲያ እል እማና፤ ቃይ ቱናባ ኡባ ፓጭ ባይናን ኦፋናዉ ሎይል ዮራትያዋንታ።

20 ሸን ህንተ ክርስቶሳዋ ሄዋዳን ታማርቢይክታ።

21 አባ ቱሙ ሰሴድታ፤ ቃይ ቱማተላይካ ዮሱጎን ደእያዋ፡ አፕ ታማራድታ።

22 ህንተ ካሰ ደእያ ደኤዋ አገተ፤ ቃይ ባረ ጭምያ አሙዋን ቆይያ ህንተ ኤጫ አሳተላ ቆይሰተ።

23 ህንተ ዋዛናይነ ቆፋይ ኡባና ኦራጻናዉ በሴ።

24 ቱሙ ጽሎተላንን ጌሻተላን ጸላ ሊምሱዋን መጠቱዳ ኦራላ አሳተላ ማይተ።

25 ሰም ዋርዶቶተ። ኑን ኡባይ ክርስቶሳ አሳተላን እት አሳ ግድያ ድራው፡ አሳይ ኡባይ ባረ እሻዉ ቱሙዋ ሃሳናዉ በሴ።

26 ሀንቆትተ፤ ሸን ህንተ ሀንቆዋን ናጋራ ኦፋተ። ህንተ ሀንቆዋን ደእሸን፡ አዋይ ዉሎፖ።

27 ጸላሄዉ ጸእያ እምጥተ።

28 ዉእያ ኡራይ ሀዋፕ ሰንላዉ ዉኦፖ፤ ሸን ሄዋ አገደ፡ ሀይሳቱዋ ማድናዉ፡ ባረ ኩሽያን ሎኦባ ኦሊደ ዳቡር።

29 ህንተ ሃሳያይ ሰሰያዋንታ ጎኦና ማላ፡ ኩሽያዋዳን መንግሥል ሎኦ ቃላይ ህንተ ዶናፕ ከሰፕ አትን፡ ኢታ ቃላይ ሙላካ ከሰፖ።

30 ጸላይ ህንተና ዋዘያ ገላሳዉ ህንተ አታመት ኡቱዳ ጸላ ጌሻ እያና ካዮፖተ።

31 እጽያ ሀሮታ፡ ይሉዋ፡ ህንቆዋ፡ ዋሱዋን ጫሻ ኡባ ኢታተላ ኡባና ህንተፕ ቆይሰተ።

32 እቱ እቶ ኬክተን ቃረትተ፤ ቃይ ጸላይ ክርስቶሳ ባጋና ህንተንቶ አቶ ጌዳዋዳን፡ ህንተካ እቱ እቱዋ አቶ ጌተ።

5

ፖኡዋን ደእተ

1 ሰም ጸላይ ሲቆያ ናናቱዋዳን፡ አ ማላትተ።

2 ቃይ ክርስቶስ ኑና ሲቀድ፡ ባረ ሁጲያ ጸላዉ ናሽቶያ ያርሹዋዳንን እምታ ኦሊደ እሚዳዋዳን፡ ህንተካ ሲቆዋን ደከናዉ በሴ።

3 ሸን ጸላ ናናዉ በሰያዋዳን፡ ህንተ ግደን ዋሹምያዌን ቱናተላ ኡባይ፡ ዋይ ሚሻ እምትያዌ ሙላካ ሰሰቶፖ።

4 ዬላይያዌን ኤያ ሃሳያይ ዋይ ፓፍ ቅጂ ህንተንቶ በሰናዋ ግድያ ድራው፡ ህንተ ማታን

ኡባካ ደእፖ፤ ህንተ ሄዋ ኡባ አገደ፡ ጸላ ገላታናዉ በሴ።

5 ሀዋ ኤርተ፤ ኦንን ዋሹምያዋ ዋይ ቱናባ ኦልያዋ፡ ዋይ ሚሻ እምትያዋ ግደፕ፡ ክርስቶሳ ካዉተላን ጸላ ካዉተላ ላታናዉ ዳንዳየና፤ ሚሻ እምትያዌ ኤቃዉ ጎይንያዋፕ ዲማተና።

6 ህንተና ኦንን ፓፍ ሃሳያን ጭምፖ፤ እያዉ ጎፕ፡ ሀዋ ጋሱዋን ጸላ ሀንቆ አዛዘተና አሳ ቦላ ያና።

7 ሰም ሄዋ ማላ አሳና ዘፕቶፕተ።

8 እያዉ ጎፕ፡ ካሰ ህንተ ቆማን ደኤድታ፤ ሸን ጎዳ ባጋና ሀእ ፖኡዋን ደኤታ፤ ፖኡዋን ደእያ አሳዳን ፖኡዋን ሀመትተ።

9 እያዉ ጎፕ፡ ፖኡ ሎኦተላ፡ ጽሎተላን ቱማተላ ኡባ እይፌ።

10 ጎዳ ናሽቶያባይ እየንቶ ታማርተ።

11 ጎእ ባይና ቆማ ኦሱዋ ቆንጭሰ በሰተፕ አትን አናና ዋላከቶፕተ።

12 ኢንቱንቱ ጌማን ኦልያዌ ሀራይ አቶ ሃሳይያዌካ ፖኡ።

13 ሸን ኡባባይ ፖኡዋ ከሰያ ዋይ፡ ቆንጭያን ቤታና፤ እያዉ ጎፕ፡ ቆንጭያን ቤትያ ኡባባይ ፖኡዋ።

14 ሄዋ ድራው፡

“ገምእሸያዎ፡ ቤጎታ፤

ሀይቆዋፕካ ደንዳ፤

ክርስቶስ ካዉ ፖእሳናዋ”

ያጌ።\*

15 ሰም ህንተ ዋን ደእንቶ እኬክተ፤ አጴዳ ኤራተላና ደእያ አሳዳን ደእተፕ አትን፡ እጴዳ ኤራተላይ ባይና አሳዳን ደክተ።

16 ዋዲ ኢታ ግድያ ድራው፡ ህንተ ዋድያ ህንተዉ ዳንዳየቶዋዳን ሎኦተላዉ ጎኤትተ።

17 ሄዋ ድራው፡ ጎዳይ ኮይያዌ እየንቶ እኬክተፕ አትን፡ ኤያ ግድፕተ።

18 ቃይ ህንተናን ጌሻ እያናይ ቃንጸናን ኩምፕ አትን፡ ህንተና ባይዘያ ዋይንያ ግያ ኤሳ ኡሺደ ማላቶፕተ።

19 ማዘሙርያ የላን፡ ገላቲደ የጽያዋንን እያና የላን እቱ እቱዋና ሃሳይተ፤ ቃይ ገላትያ የላንን ማዘሙርያ የጽያዋን ህንተ ዋዛናን ጎዳ ገላቲደ የጽተ።

20 ኑ ጎዳ የሱሰ ክርስቶሳ ሱንጎን፡ አዉዋ ጸላ ኡባባዉ ኡባ ዋይ ገላትተ።

አሰናባነ ማቻትባ

21 ክርስቶሳዉ ያዪደ፡ እቱ እቶ ሞይትተ።

22 ማቼቶ፡ ጎዳዉ ሞይትያዋዳን፡ ህንተ አሰናዉ ሞይትተ።

23 እያዉ ጎፕ፡ ክርስቶስ ዋሳ ጎለዉ ሁጲ ግድያዋዳን፡ አሰናይካ ባረ ማቻትዉ ሁጲ፤ ቃይ ክርስቶስ ባረ ሁጲያን፡ ባረ ቦላ ግድያ ዋሳ ጎልያ አሸያዋ።

24 ሸን ዋሳ ጎሊ ክርስቶሳዉ ሞይትያዋዳን፡ ማቼቱ ቃይ ባረንቱ አሰናዉ ኡባባን ሞይታናዉ በሴ።

4:25 ዛካ. 8:16 4:26 ማዘ. 4:4 5:2 ከሳ 29:18፤ ማዘ. 40:6 \* 5:14 ሀዌ ማዘሙርያ ግዲደ እማኤዳ እሳይ ጸማቆትያ ዋይ የጸትያዋ።

25 አሰናቶ፡ ክርስቶስ ዋሳ ጎልያ ሲቂደ፡ ባረ ሁጲያ እዝዉ እማዳዋዳን፡ ህንተካ ህንተ ማቻቱዋ ሲቅተ።

26 እ ዋሳ ጎልያ ባረ ቃላን ሃላን ማጭ ጌሺደ፡ ጸሳዉ ዲማያናዉ ሀዋ ኦሌዳ።

27 ክርስቶስ ዋሳ ጎልያ ቅታይ ዋይ ዴሙዋ ጭፏሰያዋ ቀይ ሄዋ ማላትያዋ ባይናን፡ እ ኩሙንላ ቦንቹዋና ጌሻን ቦረተናዋ ኦሌደ፡ ባረ ሁጲዉ ሺሻናዉ ኮዬዳ።

28 ሰዎ ቃይ አሰናይ ባረ ማቻቶ ባረ ቦላዳን ሲቃናዉ በሴ፤ ባረ ማቻቶ ሲቅያዋ ባረና ሲቁ።

29 እያዉ ጎጥ፡ ባረ ቦላ እጽዮ አሳይ ሙላካ ባዋ፤ ሸን ክርስቶስ ዋሳ ጎልያ ሙዝያዋዳን ስግያዋዳን እንነ ባረ ቦላ ሙዚነ ናጌ።

30 እያዉ ጎጥ፡ ኑን አ ቦላ ዲማ ዲማ አሳተላ።

31 ጸሳ ማጻፋይ፤ “ሄዋ ድራዉ፡ እቱማዋ ባረ አዉዋን ባረ ዳዮ አጊደ፡ ባረ ማቻትና እትጥ ደእና፤ ኡንቲንቲ ላኡካ እት እሹዋ ግዳና” ያጌ።

32 ሀ ጵራይ ዋልቃማ ቱማተላ፤ ሸን ታን ሀዋ ክርስቶሳባን ዋሳ ጎልያ ባረ ኦዴ ያጋይ።

33 ግድገካ፡ ቃይ አሰናይ ሁጲያን ሁጲያን ማቻያ ባረ ሁጲያዳን ሲቃናዉ በሴ፤ ማቻታካ ባረ አሰና ቦንቻናዉ በሴ።

6

የሌዳዋንቱባን የለቲዳ ናናቱዋባ

1 ናቶ፡ ህንተና የሌዳዋንቶ ጎዳ ቦንቻዎዋዳን እዛዘትተ፤ እያዉ ጎጥ፡ ሀዋ ኦላናዉ በሰያዋ።

2-3 “ኅዉ ኡባባይ ሎእናዳን ሳእን ነ ላይላይ እዲቃናዳን፡ ነ አዉዋን ነ ዳዮ ቦንቻ” ግያ እዛዘ ጸሳይ እማና ጌዳ ሀይታና ደእያ ኮይር እዛዘዋ።

4 እዋቶ፡ ህንተ ህንተ ናናቱዋ ጎዳ ሴራንነ ዘርያን ድቕተጥ እትን፡ ኡንቲንታ ሀንቀላጥተ።

ጎዳቱዋባን እይላቱዋባ

5 እይላቶ፡ ክርስቶሳዉ አልያዋዳን፡ ህንተ ጎዳቶ ያሻተላንነ ኮኮርሳን ሱረ ዋዛናጥ እዛዘትተ።

6 ጸሳይ ጌዳዋ አልያዋንቱዳን፡ ክርስቶሳዉ እይላቱዋዳን፡ ዋዛናጥ ኦላተጥ እትን፡ አሳ ናሽቻናዉ አልያዋዳን፡ አሳይ በኦ ጊደ ኦላጥተ።

7 አሳዉ ግድናን ጎዳዉ አልያዋዳን፡ ፏብናን ዋዛናጥ ኦላተ።

8 እይላ ግድና ዋይ ዋማኑዋ ግድና፡ እ አልያ ሎኦ ኦሶ ኡባዉ ጎዳይ ሁጲያን ሁጲያን ዋይታናዋ ኤሪታ።

9 ጎዳቶ፡ ህንተ እይላቱዋ ናሰያዋ አጊደ፡ ኡንቲንቶ ሄዋዳን ኦላተ፤ ህንተናን ኡንቲንታ

ጋላ ሞድያ ጎዳይ፡ እናን ማድ ፕርደናዋ፡ ሳሉዋን ደእያዋ ኤሪታ።

ጸሳ ኦላ ሚሻቱዋባ

10 ዉርሰላን፡ ጎዳንነ አ ዋልቃማ ዋልቃን ኡባ ዋይ ምንተ።

11 ጸላህያ ኢታ ጭሙዋ ተእናዉ ህንተ ዳንዳያና ማላ፡ ጸሳይ ህንተንቶ እዋያ ኦላ ማዩዋ ኡባ ማይተ።

12 እያዉ ጎጥ፡ ኑን ቦላ ሳሉዋ ደእያ ኢታ እያና ዋልቃቱዋና፡ ሞድያዋንቱና፡ ጎዳተላይ ደእያዋንቱና ሀ ጴማ ቢታ ሞድያዋንቱና ኦላትያዋጥ እትን፡ አሳና ኦላቶኮ።

13 ሄዋ ድራዉ፡ ኢታ ጋላሳን \* ተእናዉነ ቃይ ዉርሰላይ ጋካናዉ ዋቅቶዋጥ ጉይያን፡ ምን ኤቃናዉ ህንተ ዳንዳያና ማላ፡ ጸሳ ኦላ ሚሻ ኡባ ኦይቂተ።

14-15 ሄዋ ድራዉ፡ ጸሳን ሳቂያ ዳንጭያዋዳን ቱማተላ ዳንጩደ፡ ትራን ዋልያ ኦላ ሚሻዳን ጽሎተላ ማዬደ፡ ህንተ ገድያን ጫማ ዋልያዋዳን ሳርተላ ሞሽራቹዋ ቃላ ኦዳናዉ ጊጊደ፡ ምን ኤቂተ።

16 ሄ ኡባጥ አሊደ፡ ጸላሂ የድያ ዋንዳፍያ ታማ ኡባ ቶይሳናዉ፡ አማኑዋ ኡባ ዋይ ጎንዳልያዳን ኦይቂተ።

17 አቶተላ ሁጲያን ዋልያ ብራታ ቆብያዳን ዋልተ፤ ቃይ ጌሻ እያና ማሻ ግዳዳ ጸሳ ቃላ ኦይቂተ።

18 ጸሳ ዋሲደን አ ማዳዋ ኦቹደ፡ ኡባ ዋይ ጌሻ እያናን ጸሳ ዋሰተ። ሄዋ ድራዉ፡ ምንተ፤ ሳላቶጥተ፤ ጌሻቱዋ ኡባዉ ጸሳ ኡባ ዋይ ዋሰተ።

19 ቃይ ታን ያየናን ዋንጋላ ጵራ ኦዳናዉ፡ ጸሳይ ታ ደና ደዬደ፡ ሃሳይያዋ እማናዳን፡ ታዉካ ጸሳ ዋሰተ።

20 ታን ሀእ ቃሹዋን ደኦጥካ፡ ሀ ዋንጋላ ድራዉ ታን ከተቲዳዋ፤ ታን አባ ታዉ በሰያዋዳን ያየናን ኦዳና ማላ፡ ታዉ ጸሳ ዋሰተ።

ዉርሰላ ሳርታ

21 ሸን ታን ዋና ደእንቶነ እያ ኦላይታንቶ ህንተካ ኤራናዳን፡ ኑ ሲቆ እሻይ፡ ጎዳ ኦሶዋን እማኑቲዳ ቆማይ ትክቆሰ፡ ታዋ ኡባ ህንተንቶ ኦዳናዋ።

22 ኑን ኡባይ ዋን ደእንቶ ህንተንቶ ኦዲደ፡ ህንተና ምንሳና ማላ፡ ታን አ ህንተኮ ኪታድ።

23 ጸሳ አዉዋጥነ ጎዳ የሱሰ ክርስቶሳዉ ሳርተላይነ ሲቆተላይ እማኑዋና እትጥ እሻቱዋ ኡባዉ ግደ።

24 ዶቹና ሲቁዋን ኑ ጎዳ የሱሰ ክርስቶሳዉ ሲቅያ ኡባቱዋና ጸሳ አዶ ከካተላይ ግደ። እሙንአ።

5:31 ደግሞ 2:24 6:1 ቆል. 3:20 6:2-3 ከሳ 20:12፤ ዛረ. 5:16 6:4 ቆል. 3:21 6:5 ቆል. 3:22-25 \* 6:13 ኢታ ጋላሳን- ሀእ ደእያ ዋድያ ዋይ ሀይቁዋ ጋላሳ ዋይ ዉርሰላ ፕርዳ ዋይ ሙራ ጋላሳ ግያዋ። 6:14-15 ኢሳ. 52:7 6:17 ኢሳ. 59:17 6:21 ኪታ 20:4፤ 2 ጽዋ. 4:12 6:21 ቆል. 4:7-8

# ጳውሎስ ፕላን 1:1 ለሰው ጳውሎስ ከታ ገሎጥ

ጳውሎስ ፕላን 1:1 ለሰው ጳውሎስ ከታይ ደፊቱዳዌ፣ ማቅደንያ ግድግዳ ደጋጋሪ ርመን አዋቂዳዊ ፕላን 1:1 ለሰው ገታይ ደፊቱዳዌ፣ ለማንያዎንቱሳ። ሆኖንቱ ጳውሎስ ኮይር አማንሊደ ሺሺዳዎንታ። አንቱንቱ ርመን ገደ የለታ ግደ ድራውን ቃይካ ካረ ገደፕ ዬዳ ዋጋንን አማንቱን ዳረፕ አይፍ። ጳውሎስ ሰላን አንቱንቱ ዳረፕ ሆኖንቱን ጋሱካ ሆፕ (ኪታ 16:20)። ሆ ኪታይ ደፊቱዳዌ፣ ሆራ አማንያ ኦሳንታይ ጳውሎስ ቆፋ ዳልቁ ዳልቁደ ዋይሰያ ዋድያን ፕላን 1:1 ለሰው አማንያዎንቱ ግደን ደንዴዳ ዋርደ ትምርትያ ጋሱፕን አ ዋዛናይ ዳር ካዮቲደ መኤዳ ዋይን ቃሾ ጎልያን አ ደጋጋሪ ዋድያን። ግደ ሸን፣ ጳውሎስ የሱስ ክርስቶስ ምንሲደ አማንያ አሳ ግዴዳ ድራው፣ ሆ ኪታ ሰላን ቆንጨደ ቤትያዌ ናሸቻን ኩመንሳ አማንትያዎ።

ጳውሎስ ሆ ኪታ ደፊቱ ኮይር ጋሱ አ መቱዋ ዋደ አ ማዳናው ፕላን 1:1 ለሰው አማንያ አሳይ አዋታ አው ኪቱዳ ድራው፣ አንቱንታ ገላታናሳ። አ ሰላንካ አንቱንቱ ሰላንካ ዲማ ዲማ መቱ ጋኬዳዋ ግደፕካ፣ አንቱንቱ ዳላና ማላን ኩመንሳ አማንቲደ ደላና ማላ፣ ሆ ጋከቱዳ አንቲያን አንቱንታ መን። አይዋን አቶሩዋ ድጊደ፣ የሱስ ክርስቶስ አሸከተላን አንቱንቱ ኩማና ማላ፣ ምንሲደ አንቱንታ ሰላይሴዳ። የሱስ ክርስቶስ አትፕ ግዴዳዎን አንቱንቱ ደሜዳ ደኤ ጳሳ አይ ኪካተላፕ ፑልቲዳዎን አንቱንቱ አማንቱን አኪዳዋ ግድያዋፕ አትን፣ አይሁዳቲዋ ዋጋቲዋ ፖልያዎን ቤቲዳዋ ግደናዋ አንቱንታ ሰላይሴ። የሱስ ክርስቶስ አቲዋ ግዲደ ደጋጋ ኡባቶ ዳሳይ አምያ ሳርተላባን ናሸቻባ አንቱንቶ ዳፊ።

ሆ ኪታይ ኤረትያዌ ናሸቻ፣ አማንትያዎ፣ አትፕተላን ክርስቶስ አማንቱን ደኤዋን ምንሲደ ደጋጋሪ ጌሺደ በሰያዋና። ሄዋ ሰላካ ጌጅደ፣ ጳውሎስ ፕላን 1:1 ለሰው ደጋጋሪ አማንያ አሳቲዋ ሲቅያ ዋልቃዎ ሲቁዋ ቆንጭሴ።

**ሸምፕቲዋ ኡባቶ አመቲዳ ቃንሳ ቆፋቲዋ ገሎጥ 1:1-11**  
ጳውሎስደ ደኤዳ ደኤዋ ሆኖታ 1:12-26 ክርስቶስ ደኤዋ ለምሱዋ 1:27—2:18 ጽዋቶሳውን ኤጳፍሮዲቲሳው ደጋጋ ቆፋ 2:19-30 አማንቱ ኤቀትያዎንቱፕ ናገታና ማላ አይቲዳዋ 3:1—4:9 ጳውሎስ ፕላን 1:1 ለሰው አማንያዎንቶ ሺሺዳ ገላታን ማቁዋ 4:10-20 ወርሰላ ቁትያ 4:21-23

## ሳርታ

1 ኑን የሱስ ክርስቶስ አሳንታይ ደውሎስን ጽዋቶስ፣ ክርስቶስ የሱሳን ደጋጋሪዎንቶ፣ ፕላን 1:1 ለሰው ግያ ካታማን ደጋጋሪ ጌሻቶ ኡባቶ፣ አማንያዎንታ ካለሰያዎንቶን ማድያዎንቶ ሆ ዲብዳቢያ ደፊቶ።

2 ኑ አውዋ ዳሳፕን ጎዳ የሱስ ክርስቶስ ላይ አይ ኬካተላይን ሳርተላይ ሆንተንቶ ግድ።

ጳውሎስ ዋሴዳ ገላታ ዋሳ  
3 ታን ሆንተና ሰላይያ ዋደ ኡባን ታ ዳሳ ገላታይ።

4-5 ሆንተ ኮይር ገላሳፕ ሆኖ ጋካናው፣ ምሽራቹዋ ቃላ አድያዎን ታና ማዴዳ ድራው፣ ታን ኡባ ዋደ ሆንተንቶ ኡባው ናሸቻን ዳሳ ዋሳይ።

6 ቃይ ሆንተንቱ ግድን ሎኦ ኡባዋ ደሜዳ ዳሳይ፣ ክርስቶስ የሱስ ሰምያ ገላሳይ ጋካናው ፖላናዋ ኤሪይ።

7 ታን ሆንተንቶ ኡባው ሄዋዳን ቆፕናው በሴ፣ አያው ጎፕ፣ ታን ሆንተና ኡባ ዋደ ሆሳይ። ሆኦ ታን ቃሹዋን ደጋጋሪዎን ሆንጋላው ሞተትያዎን፣ ቃይ ሆንጋላ ምንሳ ኤሰያዎን፣ ዳሳይ ታው ካጩዳ ካጫ ሆንተካ ታናና ግሽ አኪድታ።

8 አያው ጎፕ፣ ታን ሆንተና ኡባቲዋ ክርስቶስ የሱሳፕ ይያ ሲቁዋን አይ ኬና ሲቅንቶ፣ ዳሳይ ታው ማርካ።

9-10 ቃይ ታን ሆንተንቶ ዳሳ ዋሳይ ሆኖ፣ ሎኦካ አያኔካ ደራናው ሆንተንቱ ዳንዳያዳን፣ ቃይ ሆንተንቱ ሲቁ ቱሙ ኤራተላናን አኪካ ኡባና አትፕ ጌጅ ጌጅ ድጫዳን፣ ዳሳ ዋሳይ፣ ያቲደ ክርስቶስ ሰምያ ገላሳን ሆንተንቱ ሱሪን ፖኩ ባይናዎንታ ግድና።

11 ቃይ ሆንተንቱ ሸምፑካ ዳሳ ቦንቾን ገላታው የሱስ ክርስቶስ ባጋና ቤትያ ጽሎተላ አይፍያ አይፋና።

ጳውሎስ ቃሹ ሆንጋላይ አካናዋ ድግቤና  
12 ታናዳን ዳሳ ካልያዎንቶ፣ ሆ ታና ጋኬዳዌ ምሽራቹዋ ቃላይ አካናዳን ቱሙ ማዴዳዎ ሆንተንቱ ኤራና ማላ ኮያይ።

13 ታን ክርስቶስ ድራው ቃሸቲዳዎ፣ ካትያ ጎልያ ናግያ ኡባቲን ሆኖን ደጋጋ ሆራቲ ኡባቲ ኤሪዮ።

14 ቃይ ታን ቃሸቲዳዌ ኑ አሻቲዋፕ ዳርያዎንቱ ጎዳን ሎይሳ አማንቲደ፣ ዳሳ ቃላ ያሽ ባይናን ካሰዋፕ ዳሊደ ኦዳናዳን ማዴዳ።

15 ቱሙፕ አቲ አቲ ቃናትያ ድራውን ፓሎምያ ድራው፣ ክርስቶስ ሆኖ ኡዲና፣ ሸን ሆራንቲ ሎኦ አሙዋን ኡዲና።

16 ሆኖንቱ ዳሳይ ታው ሆንጋላ ናግያ ኡባዋ አሜዳ ድራው፣ ሲቁደ ቃላ ኡዲና።

17 ሸን የኮንቲ ታን ቃሹዋን ደጋጋሪ፣ ታ ሰላ ዋይያ አሀናዋ አንቱንቶ ማላትና፣ ባረና ሲቅያ ዋልቃዎ አሙዋን ክርስቶስ ሆኖ ኡዲናፕ አትን፣ ዋዛናፕ ኦድክና።

18 እይነ ገዳ፤ ማላትሰያ ኦደነ ግድ ዋይ ቱሙ ኦደነ ግድ፤ እይ ኦግያንነ ክርሰቶሳዋ ኦደ፤ ታን ሄዋን ናሽታይ። ሰንፋናዉካ ቃይ ታን ናሽታና።

19 እያዉ ሳፕ፤ ታን ህንተንቱ ዋሳንነ የሱሰ ክርሰቶሳ እያናፕ ይያ ማዲዋን ኦታናዋ ኤራይ።

20 ታ ዋልቃማ ኦሙሳ ጸሳፕ ኦካና ጋደ ታን ናሽታን ናግያ ናጉ እዬ ሳፕ፤ ታን ፓጸ ደእናካ ዋይ ሀይቁናካ ያየናን፤ ካሰዋዲን ሀእካ ታ ኩሙንፋ ኦሳተሳን ክርሰቶሰ ሰንቼታናዋፕ ኦትን፤ ታን ሀራይ ኦቶ ኦትባንካ ዬላተናን ኦታናሳ።

21 እያዉ ሳፕ፤ ታዉ ደኤ ክርሰቶሳ፤ ቃይ ሀይቁካ ታዉ ጎእ።

22 ሸን ታን ፓጸ ደእያዋን ዳር ጎእያዋ ኦፋናዋ ግድፕ፤ ሀቃዋ ድራንንቶ ታዉ ኤረተና።

23 ታን ሀ ላኤ የዋቱዋን ሙቶታይ፤ ሀ ደኤዋፕ ቫከታናዉን ቃይ ክርሰቶሳና ኦትፕ ደእናዉ ኦሞታይ፤ ክርሰቶሳና ኦትፕ ደእያዋ ኡባፕ ኦጼዳ ዳር ሎኦባ።

24 ሸን ታን ሀይቁያዋፕ ህንተንቱ ድራዉ ፓጸ ደእያዋ ህንተና ዳር ኮሸያዋ።

25 ሀዋ ቱማ ግድያዋ ታን ጌቫደ ኤራይ፤ ቃይ ኦማኦዋን ህንተንቱ ድጫናዳንነ ናሽታናዳን፤ ታን ህንተናና ኡባና ፓጸ ደእና።

26 ሄዋ ድራዉ፤ ታን ህንተናና ላኤንሱዋ ይያ ዋደ፤ ክርሰቶሳ የሱሳና ህንተ ደእያ ደኤዋን፤ ታባን ጨቀትያባይ ህንተንቶ ዳራና።

27 ግደፕካ፤ ህንተንቱ ህንተንቱ ሁጸዉ ክርሰቶሳ ዋንጋላዉ በሰያ ደኡዋ ደኦተ፤ ታን ህንተና ባደ ዋይ በኦና ቆይና፤ ህንተንቱ ኦት ቆፋን ሞኒደ ኤቁዳዋን፤ ቃይ ዋንጋላ ኦማኖ ኦት ዋዛና ግዲደ ኦትፕ ባጸትያዋ ሰሳና።

28 ህንተ ሞርከቶ ኦያንካ ያዮፕተ፤ ሄዋ ኤንቱንቶ ኤንቱንቱ ባሻ ጂሸሴ፤ ሸን ጸሳይ ህንተና ጸንሰያ ድራዉ፤ ህንተንቶ ኦቶተሳ ጂሸሴ።

29 እያዉ ሳፕ፤ ክርሰቶሳዉ ኦልያ ካጫይ ህንተና ጋኬዳዋ ህንተንቱ ኦን ኦማናና ጸላላሳ ግድናን ኦ ድራዉ ዋይያካ ኦካናሳ።

30 ታን ካሰ ባጸትሸን ህንተንቱ በኤዳዋ ማላ ባጸነ ቃይ ሀእካ ታን ባጸትያዋ ህንተንቱ ሰሰያዋ ማላይ ህንተና ጋኬዳ።

## 2

ክርሰቶሰ ባረና ካዉሼዳዋ ለምሱዋ

1 ክርሰቶሳን ህንተንቱ ደእያ ደኤ ህንተና ዋዛንሉ? ኦ ሰቁ ህንተና ሙን። ጌቫ እያናና ህንተንቶ ኦትፕተሳይ ደኤ? ህንተ ኦቶ ኦቶ ኬኪቲኔ ቃረተቲ።

2 ያቶፕ፤ ህንተንቱ ቆፋን፤ ሰቁዋን፤ ዋዛናን፤ ቆፋ ፖሎዋን ኦቶዋ ግዲደ፤ ታና ፖሎ ናሽቶተ።

3 ህንተና ሲቅያዋን ዋይ ጨቀታናዉ ኮይያ ሙላ ኦሙዋን ኦትባነ ኦሎፕተ፤ ሸን ኦቶ ኦቶ ኦቶ ደቃይ ያጊደ ቆፕናን፤ ኦቶ ኦቶ ህንተንቱ ሁጸያ ካዉሸተ።

4 ቃይ ኦቶ ኦቶዋ ጎእያዋ ኮያናፕ ኦትን፤ ህንተንቱ ሁጸ ጸላላ ጎእያዋ ኮዮፕተ።

5 ክርሰቶሳ የሱሳን ደእያ ሀ ኦሽከተላ ቆፋይ ቃይ ህንተናንካ ደእናዉ በሴ።

6 ኦ ኡባ ዋደ ጸሳ ግዲደ ደኤዳ፤ ሸን ኦ ዋልቃን ጸሳ ኬና ግድያ ማታይ ደእያዋ በሰያዋዳን ፓይድቤና።

7 ሸን ኦ ባረ ሸንያን ኡባባ ኦጊደ፤ \* ኦይልያ ሙ። ታ ኦኬዳ፤ ቃይ ኦሳ ማላቲደ ቆንጨዳ።

8 ኦ ባረና ካዉሼዳ፤ ሀይቆ፤ ኡባ ሀራይ ኦቶ፤ ማሰቃልያ ቦላ ሀይቃናዉካ ኦዛዘቲዳ።

9 ሄዋ ድራዉ፤ ጸሳይ ኦ ሎይሶ ደቁ ደቁ ኦሌዳ፤ ቃይ ሱንሳ ኡባፕካ ኦጼያ ደቃ ሱንሳ ኦዉ ኦማዳ።

10 ሄዋ ድራዉ፤ ሳሎዋን ሳኦን፤ ሳኦፕ ጋርሳን ደእያ ኡባይ፤ የሱሳ ሱንሳ ቦንቻናዉ ጉልባታና።

11 ቃይ ኦሳይ ኡባይ የሱሰ ክርሰቶሰ ጎዳ ያጊደ፤ ጸሳ ኦዉዋ ቦንቻ ማርካታና።

ሀ ሳኦን ደእያ ኦሳዉ ፖኦ ግድያዋ

12 ሄዋ ድራዉ፤ ታ ዳባቶ፤ ታን ህንተናና ደእያ ዋደ ኡባን ህንተንቱ ታዉ ኦዛዘቲዳዋዳን፤ ሀእ ታን ህንተንቱ ማታን ደኤና ዋደካ፤ ህንተንቱ ካሰዋፕ ኦሊደ ታዉ ኦዛዘታናዉ በሴ፤ ያሻተሳንነ ኮኮርሳን ህንተንቱ ኦቶተሳ ፖላናዉ ኦላተ።

13 እያዉ ሳፕ፤ ጸሳይ ህንተና ባረዉ ኡኖ ጊሳናዳንነ ቃይ ኦ ቆፕዳዋ ህንተንቱ ኦፋናዳን ህንተንቱ ግደን ኡባ ዋደ ኦሌ።

14-15 ጌላነ ናጋራንቻ ኦሳ ግደን ፖኩ ባይናዋንታ፤ ጌቫቱዋ፤ ጸሳ ናናቱዋዳንካ ፖኩ ባይናዋንታ ግድተ፤ ቃይ ዙዙሙናን ዋይ ኢታባ ቆፕናን ኡባባ ኦላተ። ሄ ኦሳ ግደንካ ሳሎዋን ፖኦ ያልንትያዳን ፖኦደ፤

16 ደኡዋ ሞሽራቹዋ ቃላ ኤንቱንቶ ኦድተ፤ ሄ ዋደ ታ ዳኩራይነ ታ ኦሱ ሙላ ቆይቤናዋ ኤረትያ ድራዉ፤ ክርሰቶሰ ሰምያ ጋላሰ ታን ህንተናን ጨቀታና።

17 ሀራይ ኦቶ ህንተንቱ ኦማኦ ጸሳዉ ያርሸያ ያርሸዋ ቦላ ታ ሱላይ ኡቫ ያርሸዋዳን ጉኮፕካ፤ ታን ናሽታይ፤ ህንተናና ኡባና ኦትፕ ናሽታይ።

18 ሄዋዳን ህንተካ ቃይ ናሽታናዉ በሴ፤ ታናና ኦትፕ ናሽቶተ።

ጽሞቶሰነ ኤፓናርድቶሰ ኦሌዳ ኦሱዋ

\* 2:7 ኡባባ ኦጊደ- ኦ ባረና ሙላ ኦሌዳ ጉሳ። 2:10 ኦሳ. 45:23 2:14-15 ዛረ. 32:5



19 ሽን ታን ህንተንቱ ደኡዋባ ሰሳደ ናሽታናዳን፡ ጽሞቶሳ ህንተኮ ኤለካ የዳናዋ ጎዳ የሱሳን አማነታይ።

20 አያው ጎጥ፡ ህንተንቱ ደኡዋባው ዋዛናጥ ሀርግያ አ ማላ አሳይ ሀራይ ኦንነ ታው ባዋ።

21 አያው ጎጥ፡ ሀራቱ ኡባቱ ባረንቱ ሁጸ ጎኣ ኮዪኖ፤ የሱሳ ክርስቶሳዋ ኮይክኖ።

22 ሽን ናኦይ ባረ ኦሱ ኦልያዋዳን፡ ጽሞቶሰ ታናና እትጥ ግዲደ፡ ዋንጋላ ኦሱዋ ኦልዳዋን፡ አማነትያ አሳ ግድያዋ ኤርሴዳዋ ህንተንቱ ኤሪታ።

23 ሄዋ ድራው፡ ታን የወ ህንያዋ በኣደ፡ ኤለካ አ ህንተኮ የዳና ጋይ ቆገይ።

24 ታን ታ ሁጸው ማታ ዋድያን ህንተኮ ባናዋ ጎዳን አማነታይ።

25 ሽን ታን ታ አሻ ኤፓፍርድቶሳ፡ ታናና እትጥ ታ ባጋ ግዲደ ኦልዳዋ፡ ኦላቴዳዋን፡ ቃይ ታና ማድያዋን ህንተንቱ ኪተቲደ ኦልዳዋ ህንተኮ ኪታናው ኮሽያዋ ቆገይ።

26 አያው ጎጥ፡ እ ህንተና ኡባ በአናው ላሞቱ፤ ቃይ እ ሳከቴዳዋ ህንተንቱ ሰሴዳ ድራው፡ ባረ ዋዛናን ዳር ሙቶቱ።

27 እ ቱሙ ሳከቴደ፡ ሀይቁ አቴዳ፤ ሽን ጸሳይ አው ቃረቴዳ፤ እ ጸላላው ግድናን ካዩ ካዩዋ ቦላ ጉጀተናዳን፡ ታውካ ቃረቴዳ።

28 ሰም ህንተንቱ ላኢንሱዋ አ በኢደ ናሽታናዳን፡ ታውካ ታ ዋዛና ካዩ እርጻናዳን፡ ታን ኤለካ አ ህንተኮ የዳና።

29 ሄዋ ድራው፡ ጎዳን ደኢያ አሻዳን፡ ኩሙንላ ናሽቻን አ ሞክተ፤ ቃይ አ ማላትያ አሳ ኡባካ ቦንቶተ።

30 አያው ጎጥ፡ ህንተንቱ ህንተንቱ ሁጸው ታና ማዳና ዳንዳየና ማዳዋ ማዳናው፡ ክርስቶሳ ኦሱዋ ድራው፡ ባረ ሸሞጥዋ ሽኩ ጊደ፡ ሀይቁ አቴዳ።

### 3

ቱሙ ጽሎተላ

1 ወርሰላን፡ ታናዳን ጸሳ ካልያዋንቶ፡ ጎዳይ ህንተንቶ ናሽቻ እሞ። ታን ካሰ ጸፊዳዋ ዛረሳደ ጸፍያዋ ታና ዋይሰና፤ ቃይ ሄ ጸፍያዋ ህንተና ናጋና።

2 ኢታባ ኦልያዋንቱ፡ ሄ ካናቱዋ ኤሻይ ደኢያዋንቱ፡ ቃጸራይ ኮሼ ግያ አሳቱዋጥ ናገትተ።

3 አያው ጎጥ፡ ኩን ጸሳ ጌሻ አያናን ጸሳው ጎይንያ ድራውን ኑ ደኡዋን ጎዳ ክርስቶሳ የሱሳን ናሽትያ ድራው፡ ቱሙ ቃጸራ ቃጸረቴዳዋንታ፤ አሳተላ ቦላ ኦሰትያዋን አማናኩ።

4 ቃይ ታው ታ ሁጸያንካ ታ አሳተላን አማነትያዋ ደኤ። አይ አሳይን ባረ አሳተላን አማነትያዋ ባረው ደኤ ጊደ ቆገጥ፡ ታን አጥ ሎይላ አቆይ።

5 ታን የለቶደጥ ሆሰፑንላ ጋላሳን \* ቃጸረታድ። ታን የለታን እስራኤልያ፤ በንያማ ዛረ፤ ዋላካይ ባይና አይሁዳ አሳ። አይሁዳ ህግያ ናግያዋን ግደጥ፡ ታን ፓርሳዌ፤

6 አይሁዳ አማኖ ሴላ ግደጥ፡ ታን አማንያዋንታ ዋይሳድ፤ እት ኡራይ ሙሴ ህገው አዛዘቲደ ጽልያዋ ባጋ ግደጥ፡ ታናን ፖኮባይ ቤትቤና።

7 ሽን ታና ጎእያ ሄ ኡባባ ክርስቶሳ ድራው ባዬዳዋዳን ፓይዳይ።

8-9 ቱማካ፡ ሄዋንቱ ጸላላ ግደና፤ ታን ታ ጎዳ ክርስቶሰ የሱሳ ኤርያዌ ኡባባጥ ሎይላ አድያ ድራው፡ ኡባባ ታና ሙላካ ጎኤናዋዳን ፓይዳይ፤ ታን አ ድራው ኡባባ የጋ ባሻድ። ክርስቶሳ ደማናውን አናና ደአናው ኡባባ ዋራ ኦላዳዋዳን ፓይዳይ፤ ታን ሙሴ ህገው አዛዘታደ ደምያ ታ ሁጸ ጽሎተላይ ታው ባዋ። ክርስቶሳ አማንና፡ ጸሳይ አምያ ጽሎተላይ፡ አማኑዋን ጸሳ ማታጥ ይያ ጽሎተላይ ታው ሀእ ደኤ።

10-11 ታን ክርስቶሳን አ ደንዲዋ ዋልቃ ኤራናው ኮያይ፤ ያታደ ታን ታ ሁጸው ሀይቁዋጥ ደንዳና ያግያዋን፡ እ ዋይያ አናና ዋየታናውን እ ሀይቁዋን አ ማላታናው አሞታይ።

### ጋክያሳ ጋካናው ዋጽያዋ

12 ታን ሀእ ደማ ድጋድ ዋይ ታናን ባል ባዋ ጊከ። ሽን ክርስቶሰ የሱሰ ታና ባረው ኦልዳ ዋይታ ደማና ጋይ ኤሌላይ።

13 ታናዳን ጸሳ ካልያዋንቶ፡ ታን ሄዋ ደማ ድጋድ ጋይ ቆጥከ፤ ሽን ታን እትባ አላይ፤ ታጥ ጉየና ደኢያዋ ድጋይ ሰንላን ደኢያዋ ኦይቃናው ዋታይ።

14 ጸሳይ ክርስቶሰ የሱሳ ባጋና ቦላ ደኡ ጼሰያ ዋይታ አካናው፡ ታ ጋካናው ዋጸይ።

15 ሰም ኩን አያናን ሞኔዳዋንቱ ኡባቱ ሀዋ ቆገጥናው በሴ፤ ቃይ ህንተጥ አማራዳዋንቶ አያንነ ዲማ ቆፋይ ደኡጥ፡ ሄዋካ ጸሳይ ህንተንቶ ቆንጭሳና።

16 ግደጥካ፡ ኩን ሀኖ ጋካናው ደኤዳ ማራዳን፡ እነ ሰንላው ሄ ማራ ካሎይተ።

17 ታናዳን ጸሳ ካልያዋንቶ፡ ታን ህንያዋዳን ህንተ። ኩን ህንተንቶ ለምሱዋ ግዴደ፤ ሄዋዳን ህንተካ ኩን ህንተንቶ ለምሱዋ ግዴዳ ማራ ካልያዋንታ አኬክተ።

18 አያው ጎጥ፡ ታን ሄዋ ህንተንቶ ካሰ ጮራቶ ኦዳድ፤ ቃይ ሀእ ላኢንሱዋካ እርጸደ ህንተንቶ ኦዳይ፤ ክርስቶሰ ማሰቃልያ ቦላ ሞሰማርያን ቱሽቲደ ሀይቁዳዋ ባረንቱ ሸምጥ ባረና ሞርከ ኦልዳ ዳር አሳቱ ደኡና።

19 ኢንቱንቱ ወርሰላይ ባሻ፤ ኢንቱንቱ ኡሉ ኡንቱንቶ ጸሳ፤ ዬላታናው በሰሰዋን ኡንቱንቱ ኡቶረቲኖ፤ ቃይ ሀ ሳኣባ ጸላላ ቆጥኖ።

20 አያው ጎጥ፡ ኩ ቢታይ ሳሉዋና፤ ኩን ቃይ ሳሉዋጥ ያና ኩና አሸያ ጎዳ የሱሰ ክርስቶሳ ናጌቶ።

\* 3:5 ታን የለቶደጥ ሆሰፑንላ ጋላሳን፡ ሀዌ አይሁዳያ አቱማ ናናይ የለቶደጥ ሆሰፑንላ ጋላሳን ቃጸረትያዋ በሴ።

21 ክርስቶስ ኡባባ ባረጥ ጋርሳን ዋሳናው ዳንዳይያ ባረ ዋልቃን፣ ኑ ዳቡራንቻ አሳተላ ላሚደ፣ ባረ ቦንቾ አሳተላ ማላትሲደ ኦላና።

4

ወርሰላ ዘርያ

1 ታናዳን ጸሳ ካልያዋንቶ፣ ታን ሲቅያዋንቶ፣ ላሞትያዋንቶ፣ ታና ናሽቶያዋንቶ፣ ታና ቶቁ አልያዋንቶ፣ ታ ዳባቶ፣ ሰሞ ጎዳን ህንተንቱ ሞን ኤቃናዊ በሴ።

2 ኤዋይን ሰንጸኪ፣ ህንተንቱ ላኡካ ቆፋን አቱዋ ግደደ፣ ጎዳን ደአናዳን፣ ታን ህንተና ዘራይ።

3 ቃይ ታናና ኦልያ አማካይታ፣ ኔን ሀ ማጫ አሳቱዋ ማዳናዳን፣ ታን ኔና ዋሳይ፣ አያው ጎጥ፣ ኡንቱንቱ ታናና ኡንቱንቱ ሱንሳይ ጸሳ ደኡዋ ማጸፋን \* ጸራቲዳ ቃለሞንጸሳና ቃይ ታናና እትጥ ኦልያ ሀራቱዋ ኡባና ዋንጋላ ኡባሳ ገሳናዊ ዳቡራድና።

4 ጎዳና ህንተንቱ ደአያ ደኡዋን ኡባ ዋደ ናሽትተ፣ ታን ሀዋ ጉጃደካ ገይ፣ ናሽትተ።

5 አሳይ ኡባይ ህንተንቱ አሽከተላ ኤር፣ ጎዳይ ማታን ያና።

6 ጸሳ ህንተንቱ ዋሰያ ዋሳ ኡባን አ ሎይሳ ጋላቲደ፣ ህንተና ኮሽያዋ ኡባው ዋሰተጥ አትን፣ አትባወካ ሀርጎጥተ።

7 ቃይ አሳ ኤራተላ ኡባጥ አጅያ ጸሳ ሳርተሳይ ህንተንቱ ዋዛና ህንተንቱ ቆፋ ጎዳ የሱሰ ክርስቶሳ ባገና ናገና።

8 ወርሰላን፣ ታናዳን ጸሳ ካልያዋንቶ፣ ህንተንቱ ዋዛናን ሎኦባን ጋላትሰያዋ ቆጥተ፣ ቱማ ግድያባ ኡባ፣ ቦንቾሰያዋ ኡባ፣ ባይዙዋ ግድናባ ኡባ፣ ጌሻባ ኡባ፣ ሲቁዋ ኡባ፣ ሱረ ግድያባ ኡባ ቆጥተ።

9 ህንተንቱ ታጥ ታማራዳዋ፣ እኬዳዋ፣ ሰሴዳዋን በኤዳዋ ኡባ አሳተ፣ ቃይ ኑው ሳርተላ እምያ ጸሳይ ህንተናና እትጥ ግዳናዋ።

ባረወ ከተቲዳ እሞታው ጳውሎስ ጋላቲዳዋ

10 ሸን ዳር ዋድያጥ ጉይያን፣ ሀእ ህንተንቱ ታዋ ላኤንሱዋ ቆገናዊ ደሜዳ ድራው፣ ታን ጎዳን ሎይላ ናሽታይ፣ ታው ቆገናዊ ህንተንቶ እንጅተናን እጼዳዋጥ አትን፣ ታው ቆፋ ቆጥታ።

11 ታን ሀዋ ታና ሙቲዳ ድራው ጊከ፣ አያው ጎጥ፣ ታው ደአያባይ ታው ግዳና ተ ግያዋ ታን ታማራድ።

12 ታን ሙቶቲደ ዋት ደአንንቶ ኤራይ፣ ቃይ ዳረቲደ ደአያዌካ እየንቶ ኤራይ፣ ሀቃን ግድናካ አውደ ግድናካ፣ ታን ካሉዋን ኮሻ ቃይ ፓጫን ፓላሃ ታማራድ።

13 ክርስቶስ ታው አሜዳ ዋልቃን፣ ኡባባ አላናዊ ታን ዳንዳይያ።

14 ግደጥካ፣ ህንተንቱ ታ ሙቲዋ ታናና ሙቶቲደ ዳር ሎይሴድታ፣

15 ፕገጽ 3:21 ላሳው፣ ዋንጋላ ሞሽራቹ ከይር ህንተ ግደን ኦይቲዳ፣ ሸን ታን ማቅደንያጥ ከሴዳ ዋደ፣ ታና አማንያ ህንተንቱጥ አትን፣ ሀራይ ማድቤናዋ ህንተንቱ ህንተንቱ ሁጸው ኤሪታ፣ ቃይ እምያባንካ እክያባንካ ህንተጥ አትን፣ ሀራይ ታና ማድቤና።

16 አያው ጎጥ፣ ታና ሙቲ ኦይቁዳ ዋደ፣ ሀራይ አቶ ታን ተሰሎንቀን ደአሸንካ ታና ዘር ዘሪደ ማዴድታ።

17 ታን ህንተዋ ቦላ ሀራባይ ጉጀታናዋ ኮይያዋጥ አትን፣ ዋይታ ጸላላ አካናዊ ኮይከ።

18 ሸን ታን ህንተንቱ እሜዳዋ ኡባ አካድ፣ ቃይ ታው ፓላሃደ ግድያዋ ደኤ። ህንተ ከቲዳ ኡባባ ኤፓርፍቶሳጥ አካድ፣ ኮሽያ ኡባይ ታው ደኤ። ህንተ ታው ከቲዳ እሙ ጸሳው ሳውዋ ቶሽኩ ግያን አ ደሰያ፣ አ ናሽቶያ ያርሹዋ ማላ።

19 ቃይ ታ ጸሳይ ባረ ቦንቾ ዳረተላ ዳናዋን ክርስቶስ የሱሳ ባገና ህንተና ኮሽያዋ ኡባ ህንተንቶ እማና።

20 ኑ ጸሳው፣ ኑ አዎ ሙጅናጥ ሙጅና ጋካናዊ ቦንቾ ግደ፣ አሙንአ።

ወርሰላ ሳርታ

21 ክርስቶስ የሱሳዋ ግድያ ጸሳ አሳቱዋ ኡባቱዋ ሳር ጊቱ። ታናና ሀዋን ደአያ እሻቱ ህንተና ሳር ጊቱ።

22 ሀዋን ደአያ ጸሳ አሳቱዋ ኡባቱ፣ ኡባጥካ አሳደ ካትያ ቁሳረ ጎልያን ደአያዋንቱ ህንተና ሳር ጊቱ።

23 ኑ ጎዳ የሱሰ ክርስቶሳ አጼ ኬካተላይ ህንተናና ግደ።

\* 4:3 ጸሳ ደኡዋ ማጸፋን- ጸሳ አሳ ሱንሳይ ጸፊትያ ማጸፋን። † 4:11 ታው ደአያባይ ታው ግዳና- ታው ደአያባን ታን ሸምጋይ፣ ካላይ፣ ዋፑ ጋይ። 4:15 2 ቆር. 11:9 4:16 ከታ 17:1 4:18 ከሳ 29:18

# ጳውሎስ ቆላስያ ላሳወ ጳጳሩ ኪታ ገሎጥ

ጳውሎስ ቆላስያ ላሳወ ጳጳሩ ኪታይ ጳጳራዊ፣ ኤፊሶን ላሳወ ጳጳራዊ ኪታና እት ዋይና ማላቲ። ሄዋካ ቄር ኢሰያን፣ ኤፊሶን ለዋይ ዶልያ ባጋና ቤትያ ቆላስያ ላሳወ ደእያ ለማንያ ላሳቱዋሳ ግዲድ ላሉዋ ግደን ደእያ ዲማተላይ፣ ቆላስያ ላሳወ ጳጳራዊ ኪታይ ክርስቶስ መጋታ ኡባወ ሁጳ ግድያዋ በሰያ ዋይ ኤፊሶና ላሳወ ጳጳራዊ ኪታይ ቃይ ክርስቶስ ዋሳ ጎለወ ሁጳ ግድያዋ በሴ። ሀ ላሳቶ ቃላ ማርካቲዳዊ ጳውሎሳ ግድና ጳዮፕካ፣ ሮመ ጋድያን፣ ኢሰያ ዋና ካታማ ግድያ ኤፊሶን ለካቲቶ ክሳያ ላሳቱዋ ከትያዊ እ ግድያ ድራወ፣ ቆላስያ ላሳወ ካ ለዋትያ ሀናታይ እወ ደኤ። ቆላስያ ላሳወ ለማንያዋንቱ ግድን፣ “ጳሳ ኤሮናወን ኩመንሳ ለቶተላ ደማናወ፣ ላሳይ ኡባይ ለያና ዋልቃቶን ማታይ ደእያዋንቶ ጎይናወ ኮሺ” ያግያ ዋርዶ ለስታማራቱ ደእያዋ ጳውሎስ ሰሴዳ። ሀ ለስታማራቱ ሀራባ ቃይ፣ “እሳይ ኡባይካ ቃጻራ ማላትያ ዋጋት ሞደታናወን ቁማ ዋጋን ሀራ ዋጋቱዋ ኡባ ናጋናወ ኮሺ” ያገኛ።

ጳውሎስ ሀ ኪታ ጳጳራዊ ቱማንቻ ግድያ ክርስቶና ኪታ ኦድያዋን፣ ኢንቲንቲ ዋርዶ ትምርትያ ጳጳራዊ፣ እ ዛሬዳ ዛሬዋፕ ዋናትያዊ “የሱስ ክርስቶስ ኩመንሳ ለቶተላ ለማናወ ዲንዳይ፤ ሀ ሀራ ክማቲን ኦሳቲ እፕ ሃሳናወ ዲንዳይና” ያግያዋ። ጳሳይ ክርስቶሳ ባጋና ሀ አላምያ መጺዳ። ቃይ እ ባጋና ዛሬደ እ ባረኮ አሀና። ሀ አላምያወ ክርስቶሳ ዋዛናፕ ለማንያዋ ጳላላን ለቶተላ ሀደታይ ደኤ። ሀዋ ማራን ጳውሎስ ሀ ዋልቃማ ትምርቲ ለማንያ ላሳ ደኡዋን ዋሂዶ ኦሱዋን ፕሻናወ ዲንዳይንቶ ኦይ።

ሀ ኪታ ጳውሎሳ ስኪደ፣ ቆላስያ ጋላናወ ከተቲዳ ቲኪቆሳና እትፕ ቤዳዊ አናስሞሳ ግድያዋ በእያዊ ጎእያዋ። ዋሂደ ጎፕ፣ ጳውሎስ ሀ አናስሞሳ ፔተትያ ባረ ኦሳንቻባ ደንሏደ፣ ፕልሞናወ ሀራ ኪታ ጳጳራዊ።

### ሸምፓቱዋ ኡባቶ ለመቲዳ ቃንሳ ቆፋቱዋ ገሎጥ 1:1-8

ክርስቶሳ ኤሻን ኦሱዋ 1:9—2:19  
 የሱሳን ቤትያ ኦራሳ ደኡዋ 2:20—4:6  
 ወርሰሳ ቁትያ 4:7-18

1 ታን ጳውሎስ፣ ጳሳ ሸንያን ክርስቶስ የሱስ ኪቲዳዋ ግዴዳዊን ኦ እሻይ ጽሞቶስ፣  
 2 ቆላስያ ግያ ካታማን ደእያ ጳሳ ናናቶ፣ ክርስቶሳን ለማንቲዳ እሻቶ ሀ ዲብዳቢያ ጳጳራዊ።

ጳሳ ኦ አወዋፕን ጎዳ የሱስ ክርስቶሳፕ፣ እጹ ኬካተላይን ሳርተላይ ህንተንቶ ግድ።

ጳውሎስ ዋሴዳ ጋላታ ዋሳ  
 3 ኩን ህንተንቶ ዋሴደ፣ ኦ ጎዳ የሱስ ክርስቶሳ አወዋ፣ ጳሳ ኡባ ዋይ ጋላቲቶ።

4 እያወ ጎፕ፣ ኩን ክርስቶስ የሱሳ ህንተንቲ ለማንያዋን ጳሳ ላሳቱዋ ኡባ ሲቅያዋ ሰሴደ።

5 ቱሙ ኪታይ ዋንጋላይ ከይሮ ህንተኮ ዬዳ ዋይ፣ ጳሳይ ሰንሳፕ ለማና ፔዳዋ ሰሴድታ። ሰም ህንተንቲ ለማካን ሲቅ ሳሉዋን ገሂደ ናግያ፣ ጳሳይ ሰንሳፕ ለማና ፔዳዋን ደመቲዳ።

6 ሄ ዋንገሊ ህንተኮ ጋኬዳ፤ ህንተንቲ እ ሰሴደፕን ጳሳ እጹ ከካተላ ቱማተላን ኤርደፕ ደሚደ፣ ህንተንቲ ግደን ደእያዋደንካ፣ ቢታ ኡባን እንጂዋ እሄን ኡባሳ ኪኤ።

7 ህንተንቲ ሄዋ ኦናና እትፕ ቆማ ግዴዳ ሲቆ ኤፓፍራፕ ታማራድታ፤ እ ኦ ድራወ ክርስቶሳወ ለማንቲደ ክሳያዊ።

8 ጳሳ ለያናን ሀራቱዋ ህንተንቲ ሲቅያዋ ኦወ ኦይዳ።

9 ሄዋ ድራወ፣ ኩን ቃይ ሄዋ ሰሴዳ ጋላሳፕ ደሚደ፣ ጳሳይ ህንተንቶ ባረ ሸንያ ኤርያ ኤራተላ፣ ጳሳ ለያናይ ለምያ እጹዳ ኤራተላናን ኢኬካና እትፕ ኩንሏደ ለማናደን፣ ኡባ ዋይ ባለናን ጳሳ ዋሴቶ።

10 ሄዋፕ ፔይያን፣ ጎዳይ ኮይያዋደን ህንተንቲ ደእናወን፣ ኡባ ዋይ እ ናሽቶያባ ኦላናወ ዲንዳይና፤ ህንተንቲ ክሳያ ሎኦ ኦሱዋ ኡባን ህንተንቲ ደኤ ጎእና ደእያዋ ግድናዋ፤ ቃይ ጳሳ ኤርያዋን ድጭ ድጭ ባንታ።

11 ህንተንቲ ኡባባን ናሽቻን ገንጫናደንን ደንዳይናደን፣ ጳሳይ ባረ ቦንቹዋ ግታተላደን ለምያ ዋልቃ ኡባን ምንተ።

12 ቃይ ጳሳ ናናቶ ገሂዳ ፖኦ ካወተላ ላታናወ፣ ኦና ደንዳይሴደ ጳሳ አወዋ ጋላትተ።

13 እ ኦና ጳማ ዋልቃፕ ኢሺደ፣ ባረ ሲቅያ ናኦ ካወተላኩ ፕንሏደ።

14 ቃይ እ ባረ ናኦን ኦና ዋዚደ፣ ኦ ናጋራ እቶ ፔዳ።

ክርስቶሳ ጳሳተላን እ ኦሱዋ  
 15 ክርስቶስ ቤተና ጳሳ ቆንጭሰያዋ፤ እ መጋቲዳዋ ኡባፕ እጹያ ባይራ ናኦ።

16 እያወ ጎፕ፣ ኡባባይካ እን መጋቲዳ፤ ቤትያዋንቲ፣ ቤተናዋንቲ፣ ለያናቱዋፕ ቤትያ ዋልቃይን ጎዳተላይ፣ ጳቃተላይን ማታይ፣ ሳሉዋን ሳኦን ደእያ ኡባባይካ እንን አወ መጋቲዳ።

17 እ ኡባባፕ ካሰ ደኤዳ፤ ኡባባይካ እን ባረ ሳኦ ሳኦ ኦይቂደ ደኤ።

18 እ ባረ ሁጳወ፣ ዋሳ ጎለወ ሁጳን ደኤ፤ እ ኡባፕ ቦላ ግዳና ማላ፣ ካሰቲደ ሀይቁዋፕ ደንዳይ ባይራ ናኦ ግዴዳ።

19 እያወ ጎፕ፣ ጳሳይ ኮዬዳዋደን፣ እን ጳሳተላ ኩመንሳይ ደኤ።

20 ያትና ጳሳይ ክርስቶሳ ባጋና ኡባባ ባረናና ሰጎላናወ የወዋ ቃቹዳ፤ ባረ ናኦይ ማሰቃልያ ቦላን ፔሴዳ ሱላን ሳሉዋን ሳኦን ደእያ ኡባባ ባረናና ሰጎሏዳ።

21 ሀዋጥ ካሰ፡ ህንተንቱ ኢታባ ቆፔዳ ድራውን ኦሎዳ ድራው፡ ጸሳጥ ሻከቲደ፡ እናና ሞርከቲድታ።

22 ሸን ጸሳይ ሀእ ህንተንታ ፖኮባይ ባይናዋንታ ቃይ ጌሻቱዋ ኦሎደ፡ ባረ ሰንላ ሸሻናው፡ ባረ ናእ ሀይቄዳዋ እሳተላን ባረናና ህንተንታ ሰገሌዳ።

23 ሄዌ ህንተንቱ ቱሙ አማኑዋን ሞን ኤቂደ፡ ሞሽራቹዋ ቃላ ሰሲደ፡ ሰንሳጥ አካና ጌዳዋጥ ቃጸናን ሞኒደ ደኦጥ ሀናና፤ ሄ ዋንጋላ ሞሽራቹ ሳኦን ደእያ መፀታ ኡባ ማታን ኦደቲዳ። ታን ጳውሎስካ ሞሽራቹዋ ቃላ ኦድያዋ ግዳድ።

ጳውሎስ የሱስ ከቲዳዋ ግዲደ ኦሎዳ ኦሱዋ

24 ታን ህንተንቶ ዋየቲዳ ድራው፡ ሀእ ናሽታይ፤ ክርስቶስ ባረ ሀጸው፡ ሄዋ ግያዌ ዋሳ ጎለው፡ ዋየትሸን ፓጩዳዋ ታን ታ ቦላ ሳኩዋን ኩንሳይ።

25 ጸሳይ ታና ህንተንታ ማድያዋን አ ቃላ ፖላደ ኦድያ ቆማተላ ከታ ታው እሚዳ።

26 ሀ ቃላይ ሀዋጥ ካሰ ባጋ ኡባን፡ አሳ ኡባው ኤረተናን ጌሚደ ደኤ፤ ሸን ባረና አማንያዋንቶ ጸሳይ ሀእ ቆንጭሲዳ።

27 ጸሳይ አይሁዳ ግድና አሳው ዋሌዳ ሀ አሳው ቆንጭሴና ቦንቹዋን ዲረ የው እየንቶ ጌሻቱዋ ኤርሳናው ኮዬዳ፤ ሀ አሳው ሀእ ቆንጩዳዌ እዬ ጎጥ፡ ክርስቶስ ህንተንቱን ደእያዋ፤ ሄዋ ግያዌ ጸሳ ቦንቹዋ እናና ህንተንቱ አካናዋ።

28 ሄዋ ድራው፡ ኑን አሳ ኡባው ክርስቶሳዋ ኦዳቶ፤ አሳ ኡባ ክርስቶሳው ኩሙንላ አሳ ኦሎዳ፡ ጸሳኮ ሸሻና ማላ፡ ኑው እዲዳ ኤራተላ ኡባን ህንተንታ ሴረቶን ታማርሴቶ።

29 ታን ሀዋ ፖላናው፡ ታናን ኦሳያ ክርስቶስ ታው እምያ ዋልቃን ባጸታይን ዳቡራይ።

### 2

1 ታን ህንተንቶን ሎዶቅያ ግያ ካታማን ደእያ አሳቶን ቃይ ታና በእቤና አማንያዋንቶ ኡባቶ እይ ኬና ባጸታድታንቶ ህንተንቱ ኤራና ማላ ኮያይ።

2 ኡንቲንቱ ዋዛናይ ሞናና ማላ፡ ሲቁዋን እትጥ ግዲደ፡ ቱሙ እኬካን ቤትያ ዱረተላ ኡባ ኡንቲንቱ አካና ማላን ቃይ ኡንቲንቱ ጸሳይ አሳው ቆንጭሲቦናዋ፡ ክርስቶሳ አ ሀጸው ኤራና ማላ፡ ታን ዳቡራይ።

3 ጌማን ጸሳይ ሞንጄዳ ኤራይን እዲዳ ኤራተላይ ኡባይ እን ደኤ።

4 አንን ህንተንታ ጭምያ ቃላን ባለፍ ማላ፡ ታን ህንተንታ ሀሳይሳይ።

5 እያው ጎጥ፡ ታን ህንተንቱ ማታጥ ሃካደ ደኦጥካ፡ እያናን ህንተንቱና ደእይ፤ ህንተንቱ ደእያ ማራን ክርስቶሳ ህንተንቱ ሞኒደ አማንያዋ በእደ ናሽታይ።

ክርስቶሳን ቤትያ ኩሙንላ ደኡዋ  
6 ሰም ህንተንቱ ጎዳ ክርስቶስ የሱሳ እኬዳዋዳን፡ እን ደእተ።

7 እን ጸጸዋ የዲደ ድጭተ፤ ህንተንቱ ታማራዳዋዳን አማኑዋን ሞንተ፤ ጸሳ ኡባ ዋይ ጋላትተ።

8 ክርስቶሳጥ ግድና ትምርትያን፡ ሀ ሳኦ ሞድያ እያናቱዋ ትምርትያን፡ አሳጥ ዬዳ ኤራተላን፡ ቃይ መላ ጭሙዋን ህንተንታ ኦንን አሞደና ማላ ናገትተ።

9 እያው ጎጥ፡ ክርስቶሳ አሳተላ ቦላን ጸሳተላ መፀታ ኩሙንሳይ ደኤ።

10 ቃይ ኡባ እያናቱዋ ካፖተላውን ጎዳተላው ኡባው ሀጸ ግድና ክርስቶሳጥ ኩሙንላ ደኡዋ ደሚድታ።

11 ህንተንቱ ክርስቶሳና እት አሳ ማላ ግዲደ፡ አሳ ቃጸራ ማላ ግድናን፡ ህንተንቱ ናጋጋቻ መፀታ ድግያ ቃጸራ፡ ሀዌካ እሹዋ ቃጸራ ግድናን ክርስቶስ ኦሎዳዋ።

12 ህንተንቱ ጸማቁቲዳ ዋይ፡ ክርስቶሳና ሞገቲደ፡ ክርስቶሳ ሀይቁዋጥ ደንሌዳ ጸሳ ዋልቃ አማኔዳ ድራው፡ ኦራላ ደኦ ጽንቃታን ክርስቶሳና እትጥ ደንዴድታ።

13 ህንተንቱ ህንተንቱ ናቁዋንን ህንተንቱ ኤጫ አሳተላ ቃጸረተናን እኬዳዋን ሀይቁደ ደእያ ዋይ፡ ጸሳይ ህንተንቱ ናቁዋ አቶ ጊደ፡ ክርስቶሳና ህንተንታ ፓጸ ዋሌዳ።

14 ኑና እጾን፡ አጩዋ ፓራማ አ ጫቁዋና እትጥ ጸሳይ ዳኬዳ፤ ማሰቃልያ ቦላን ድሺደ፡ ኦግያጥ ድጌዳ።

15 ክርስቶስ ሄ ማሰቃልያን ካፓቱዋጥን ጎዳቱዋጥ ዋልቃ ዋል እኪደ፡ ባረ ጸኑዋን አሞደቲዳዋንታ ቆንጭንታ በሴዳ።

16 ሄዋ ድራው፡ ሙሳን ዋይ ኡሻን፡ ባላ ጋላሳ ዋይ አገናይ ጸርያ ዋድያ ቦንቹያዋን፡ ዋይ ሳምባታ ቦንቹያዋን፡ ኦንን ህንተንቱ ቦላ ፕርዶፖ።

17 ህንተንቱ ሰንሳጥ ያና የዋቶ ኤሹዋ፤ ሸን ቱማተላይ ክርስቶሳዋ።

18 ዋርዲዋ እሸከ ማላታናውን ከታንቻው ጎይናናው ኮይያዌ፡ በእቤናዋ ሳጸን በእድ ጊደ ኦቶረትያዌ፡ አሳተላ ቆፋን ጮ አይያዌ፡ ኦንን ህንተንቱ ቦላ ፕርዶፖ።

19 ሄዋ ማላ አሳይ ሀጸ ግድና ክርስቶሳ ሞንሰ ኦይቄዳዋ ለፕሴ። ቦላ ኡባይ ሄ ሀጸያጥ ዋልቃ ደሚደ፡ ቦላን ደእያ ኩርያናን ጸጸዋና እትጥ ኦይቀቲደ፡ ጸሳይ ድቕያ ድሹዋዳን ድጩ።

ሀይቁዋንካ ፓጸንካ ክርስቶሳና ደእያዋ  
20-21 ህንተንቱ ሀ ሳኦ ሞድያ እያናቱዋጥ ሃኪደ፡ ክርስቶሳና ሀይቁድታ፤ ያትና፡ እያው ሀ ሳኦ ዋጋን ደእያ አሳዳን ደእቲ? “ኦይቆፓ፤ ባረ በኦፓ፤ ቦቾፓ” ያግያ ሀገቶ እያው አዛዘቲቲ?

22 ሀ ኡባባይካ አሳይ መዴዳ ሀገን ትምርተ ግድና ድራው፡ ዋድያጥ ጉይያን ቆያና።

23 ኡንቲንቱ ከታንቻው ጎይንያዋንን ዋርዲዋ እሸከ ማላትያዋን ቃይ ባረንቱ አሳተላ ግልቁሰያዋን እዲዳ ኤራጋቻ ማላቲና፤ ሸን እሹዋ አሙዋ ድጋናው ጎኤና።

**3**

1 ሰም ህንተንቱ ክርስቶስ ህይቁጥጥ ደንዳዴግ ግደጥ፡ ጸሳጥ ኡሸቻ ገገና ኡቲዳ ክርስቶስ ደእያ ሳን ሳሉግን ደእያግ ሞንስ ኮይተ።

2 ሳሉግን ደእያግ ህንተንቱ ቆጋናጥ አትን፡ ሳንን ደእያግ ቆጋጥተ።

3 እያዉ ጎጥ፡ ህንተንቱ ህይቁድታ፤ ቃይ ህንተንቱ ሸግጥ ጸሳን ክርስቶስ ጌሜዳ።

4 ህንተዉ ደኦ ግዴዳ ክርስቶስ ቆንጭያ ዎደ፡ ሄ ዎደ ህንተካ እናና ቦንቹግን ቆንጭና።

ኤጫነ ኦራላ ደኡግ

5 ሄግ ድራዉ፡ ህንተንቱን ደእያ ሀ ሳእ አዎቱግ ዎድተ፤ ሄግንቱካ ዎሹግያግ፡ ቱናተላ፡ ዎሹግናዉ ኮይያግ፡ ኢታ አሙግ፡ ሚሻ አዎትያግ፡ ዮራንቻ ግዲሳይ ኤቃዉ ጎይንያግጥ ዲማተና።

6 ሀግንቱ ጋሱግን፡ ጸሳይ አዛዘተና አሳቱግ ህንቃታናግ።

7 ካሰ ህንተንቱ ሀ ኢታ ቆፋቱግን ደእያ ዎደ ኡንቱንቱን ሞድቱድታ።

8 ሸን ሀእ ህንተንቱ ቃይ ህንቁግ፡ ይሉግ፡ እጹግ፡ ህንተንቱ ዶናጥ ከሰያ ጫሻነ ጭላይያ ሃሳያ ሀግንታ ኡባ ህንተጥ ቆይሰተ።

9 እቱ እቶ ዎርዶቶጥተ፤ እያዉ ጎጥ፡ ናጋራንቻ መጋታ እ ኡሱግና ህንተጥ ቆይሰ ድጊደ።

10 ጸሳይ፡ አ መዴዳግ፡ ባረና ማላትሳናዉን ባረዉ ደእያ ኤራተላ ኡባ አማናዉ፡ ኡባ ዎደ ኦራላያ ኦራላ መጋታ ማዬድታ።

11 ሀ ኦራላ መጋታ፡ ግሪክ አሳ ዎይ አይሁዶ አሳ፡ ቃጸረቱዳግ ዎይ ቃጸረትቤናግ፡ እማላቱግን አይነ ታማርቤናግ፡ አይልያ ዎይ ዎማኦግ ጊደ ሻክያባይ ባግ፤ ሁጸ አላሊ ክርስቶሳ፤ እ ኡባንካ ደኤ።

12 ሄግ ድራዉ፡ ጸሳይ ዶሬዳግንቱዳን፡ ጌሻነ ሲቆያግንታ ግዲደ፡ ማርተላ፡ ቃረታ፡ ከካተላ፡ ህንተንቱ ሁጲያ ካዉሸያግ፡ አሸከተላን ዳንዳያ ማይተ።

13 እቱ እቱግ ዳንዳይተ፤ ኦንነ ባረ ላግያ ቦላ ህንቁቱዳግ ደኡጥ፡ እቱ እቶ እቶ ያን። ክርስቶስ ህንተንቶ እቶ ጌዳዎዳን፡ ህንተካ እቶ ጊተ።

14 ሄግ ኡባ ቦላ፡ ኡባባ እትጥ ሺሸ ቃቕያ ሲቁግ ማይተ።

15 ክርስቶስ አምያ ሳርተላይ ህንተንታ ሞዶ፤ እያዉ ጎጥ፡ ጸሳይ ህንተንታ እት አሳ ኦሊደ፡ ሄ ሳርተላዉ ጴሴዳ ጸሳ ጋላትተ።

16 ክርስቶሳ ቃላይ ህንተንቱ ዎዛናን ኩሚደ ደኤ፤ ህንተንቶ ደእያ እጴዳ ኤራተላ ኡባን እቱ እቱግ ታማርሰተነ ዘርተ፤ ህንተንቱ ዎዛናን ጸሳ ጋላቲደ፡ ዎሳን ማዘሙርያ፡ ጸሳ ሱንላ ቋቁ ኦልያ ሳ ያጸተ።

17 ህንተ አይ ሃሳይያግ ዎይ አይ ኦልያግ ግደጥካ፡ አዉግ ጸሳ የሱሳ ገገና ጋላቲደ፡ ኦልያግ ኡባ ጎዳ የሱሳ ሱንላን ኦልተ።

አማንያ አሳቱግ ጎሊን ደእናዉ በሰያ ግጋ 18 ማቼቶ፡ አማንያ አሳዉ በሰያዎዳን፡ ህንተንቱ አሰናዉ ሞደትተ።

19 አቱማ አሳቶ፡ ህንተንቱ ማጫ አሳ ሲቅተ፤ ኡንቱንቱና ዎጥ ጊደ ደአተ።

20 ናቶ፡ ህንተንታ የሌዳዎንቶ ኡባባን አዛዘትተ። እያዉ ጎጥ፡ ህንተንቱ ኡንቱንቶ አዛዘትያግ ጸሳ ዳር ናሸቼ።

21 አዎቶ፡ ህንተንቱ ናናይ ዎዛና ባየና ማላ፡ ኡንቱንታ ይሉግጥተ።

22 አይለቶ፡ ሳኣን ህንተንቶ ጎዳ ግድያዎንቶ ኡባባን አዛዘትተ፤ ጎዳዉ ያደደ፡ ሱረ ዎዛናን ኦልተጥ አትን፡ አሳ ናሸቻናዉን አሳይ በኦ ግያግን አዛዘትያግንታ ግደጥተ።

23 ህንተ ኦልያ ኦሱ ኡባ አሳዉ ግደናን ጎዳዉ ኦልያዎዳን፡ ዎዛናጥ ኦልተ።

24 ጎዳ ክርስቶሳዉ ህንተንቱ ኦልያ ድራዉ፡ እ ባረዎንቶ አማናዉ ጊገሰ ዎሌዳግ ህንተንቱ ላታናግ አኬክተ።

25 ባሳባ ኦሌዳ ኡራይ ኦንነ፡ ባረ ኦሌዳ ባላዳን ዎይታ እካና፤ እያዉ ጎጥ፡ ጸሳይ ፕርዲደ፡ ኦናን ማደና።

**4**

1 ጎዳቶ፡ ህንተዉካ ሳሉግን ጎዳይ ደእያግ ኤሪደ፤ ህንተንቱ አይለቶ ጽሎተላንነ ሱረተላን ኮሸያግ ኦልተ።

ዘርያ

2 ጸሳ አገናን ዎሰተ፤ ቃይ ዎሲደ አዛለናን፡ እ ጋላቲደ ዎሰተ።

3 ቃይ ህንተንቱ ዎሲያ ዎደ ኡባን፡ ካሴይጥ አሳዉ ቆንጭቤናግ፡ ክርስቶሳግ ኡን ኦዳና ማላ፡ ጸሳይ ኡዉ እንጀያዳን፡ ኡዉካ ጸሳ ዎሰተ፤ እያዉ ጎጥ፡ ሀእ ታን ቃሾ ጎልያን ደእያግ ሄግሳ።

4 ቃይካ ታን በሰያግ ኬና ቆንጭሳይ ሀ የዉግ ኦዳና ማላ፡ ታዉ ጸሳ ዎሰተ።

5 ህንተዉ ደእያ ዎድያ ጎእ ባይናሳን ቆይሰናን፡ አማናዎንቱ ማታን ጭንጫተላን ደአተ።

6 ህንተንቱ አሳ ኡባዉ ዎት ዘራናዉ በሰንቶ ኤራና ማላ፡ ህንተንቱ ሃሳያይ ኡባ ዎደ፡ ሰሳናዉ ሎእያግን ናሸቼያግ ግዳናዉ በሴ።

ዉርሰላ ሳርታ

7 ኦ ሲቆ እሻይ ትክቆስ፡ ታናና እትጥ ጎዳ ኡሱግን ቆማ ግዴዳ አማነትያ ኡሳንቻይ፡ ታ ደኡግ ህንተንታ ኤርሳና።

8 ታን እ ህንተኮ ከትያግ፡ ኡን ዎን ደእንቶ ህንተንቶ እ ኡዲደ፡ ህንተንታ መንግሳና ድራሳ።

3:9 ኤ.ደ. 4:22 3:10 ደ.ሞላ 1:26፤ ኤ.ደ. 4:24 3:19 ኤ.ደ. 5:25፤ 1 ጳጳ. 3:7 3:20 ኤ.ደ. 6:1 10:17፤ ኤ.ደ. 6:9 4:9 ገል. 10-12 3:16 ኤ.ደ. 5:19-20 3:18 ኤ.ደ. 5:22፤ 1 ጳጳ. 3:1 3:21 ኤ.ደ. 6:4 3:22 ኤ.ደ. 6:5-8 3:25 ዛ.ረ.

9 አናስሞስ፡ አማካኝ ሲቆ እሻይ፡ ህንተንቱ ጋደዌ፡ አናና እትጥ ህንተኮ ቤ፤ አንቱንቱ ሀዋን ሀንያ ኡባባ ህንተንታ ኤርሳና።

10 ታናና ቃሹዋን ደእያ አርሰጽሮኮስነ ባርናባሳዉ እዉዋ ግዴዳ ማርቆስ ህንተንታ ሳርቲና፤ ታን ህንተንታ ካሰ እዛዜዳዋዳን፡ ማርቆስ ህንተኮ ቦጥ፡ ዋዛናጥ እ ሞክተ።

11 ዮሰጸሳ ግያ የሱስካ ህንተንታ ሳር ሳር ጌ፤ እይሁዳ እሳቱዋጥ ታናና ጸሳ ካዉተላዉ ኦሳያዌ፡ ሀ ሄዙ እሳቱዋጥ ሀራይ ባዋ፤ ሀዋንቱ ታና ዳሮ ማዴድኖ።

12 ኤፓፍር፡ ህንተንቱ ጋደዌ፡ ክርሰቶስ የሱሳ ቆማይ፡ ህንተንታ ሳር ሳር ጌ። እ ህንተንቱ ጸሳን ሞኒደ ኤቃናዳንነ ጸሳይ ኮይያዌ ኡባይ እየንቶ ኤሪደ፡ ፖል አማናናዳን፡ ኡባ ዋደ ጸሳ ሞንሰ ዋሴ።

13 እያዉ ጎጥ፡ እ ህንተንቶ፡ ሎዶቅያ አሳዉነ ሀራፖሊሳ ግያ ካታማ አሳዉ ዳሮ ዳቡርያዋ ታን ማርካታይ።

14 ኑ ሲቆ ደቶሪ ሉቃስነ ዳማሰ ህንተንታ ሳር ደእቱ ያጊኖ።

15 ሎዶቅያን ደእያ ኑ እሻቶነ ንሞፕዉ ቃይ እዘ ጎልያን ሺቅያ አማንያ አሳቶ ኑ ሳርታ ኦድተ።

16 ሀ ዳብዳቢያ ህንተንቱ ናባቤዳዋጥ ጉይያን፡ ሎዶቅያ አማንያዋንቶካ ናባብሰተ፤ ህንተካ ሎዶቅያ አማንያዋንቱካ ህንተንቶ የድያ ዳብዳቢያ ናባብተ።

17 ቃይ አርክፖሳዉ፡ “ሳዳይ ነዉ እሜዳ ኡሱዋ ፖላናዋ ደሳፓ” ያጊደ ኦድተ።

18 ታን ጳዉሎስ፡ ታ ኩሽያን ሳርታ ጳፌዳዋ ሀዋ በእተ፤ ታን ቃሹዋን ደእያዋ ደሳፕተ። ጸሳ አዶ ኬካተላይ ህንተንቱና ግደ።

# ጳውሎስ ተሰሎንቆ አሳው ጻፈዱ ኮይሮ ኪታ ገሉዋ

ተሰሎንቆ ማቅደንያ ጌተትያ ሮማ ቢታወቀው ዋና ካታማቶ። ጳውሎስ ተሰሎንቆን አማንያዎንቶ ሺሺዳዌ፣ ፕልጵሰዮሳ ቢታ የግ ቤዳዋፕ ጉይያና። ግደፕ አትሸን፣ አይሁዳቱዋ አማኑዋ አካናወ ማቴዳ አይሁዳ ግደና አሳቱ ጳውሎስ ታማርሰያ፣ አማኑዋ ትምርትያ ደሴዳ ድራወ (1:8-10)፣ አይሁዳቱ ጳውሎሳ ቃናቲደ፣ ጳልቀላ ደንፊድና። ሄዋ ድራወ ጳውሎስ ተሰሎንቆ የዲደ፣ ቤርያ ጌተትያ ጋድያ ቤዳ። ታኪደ እ ቆርንቶሳ ጋኪዳ ዋደ፣ ማታን አ ማድያ ጽሞቶስ ተሰሎንቆ ቢደ ሰሞዋፕ ጉይያን አማንያ አሳ ሀናታ አወ ቆንጭሲደ ኦዴዳ።

ጳውሎስ ኮይሮ ኪታ ተሰሎንቆ አሳው ጻፈዳዌ፣ አማንያዎንታ ምንሳናሳነ መንፈሳና። እ ኡንቱንቱ አማኑዋባነ ሲቁዋባ ሎት ዋርያ ሰሴዳ ድራወ፣ ጳሳ ጋላቲ። ካሰ እ ኡንቱንቱ ግደን ሄዙ ሳምንታ (ኪታ 17:1-9) ደኤዳ ዋደ፣ አይ ማላ ደኤዳ ደኤደንቶ ኡንቱንታ አኪክሴ። ሄዋፕ ጉዮ ክርስቶሳ ላኤንሱዋ የሳ ጴሌዳዋን ደንዴዳ እሻቶ ዛፋዋ አሜ። ሄ እሻቱዋፕካ አማራዳዋንቱ። “ክርስቶስ ሀ አሳምያ ሰማናፕ ካሰቲደ ሀይቄዳ አማንያ አሳይ፣ ክርስቶሳ ሰማይ አምያ መድና ደኤዋ ሻክ አካናወ ዳንዳዪ? ክርስቶስ ሰሚደ ያናዌ አወዴ?” ያግያዋንታ። ጳውሎስካ ሄ ጋከቲዳ ዋድያ ጎኤቲደ፣ “ክርስቶሳ ላኤንሱዋ የሳ ትምርትያ ሀድታን ናጊደ አ ያና ጋካናወ ዋፕ ጊደ ሀንተንቱ ኦሱዋ አላተ” ያጊደ ኡንቱንታ ዘራ።

## ሸምፓቱዋ ኡባቶ አመቴዳ ቃንሳ ቆፋቱዋ ገሉዋ 1:1

ጳውሎሳ ናሽቻን ጋላታ 1:2—3:13  
አማንያዎንቱ ደኤዋ ካለሌያ ኡግያ 4:1-12  
የሱሳ ላኤንሱዋ የሳ ትምርትያ 4:13—5:11  
ወርሰሳ ማቁዋ 5:12-22  
ቁትያ 5:23-28

1 ኑን ጳውሎስ፣ ሰላሰነ ጽሞቶስ ተሰሎንቆን ደኤያ አማንያ አሳቶ ሀ ዳብዳቢያ ጻፈቶ፤ ሄዋንቱ ጳሳ ኑ አሱዋንቶን ጎዳ የሱስ ክርስቶሳዋንቶ፣ አዶ ኬካተላይነ ሳርተላይ ግደ።

ተሰሎንቆ አሳ ደኤዋን አማኑዋ  
2 ኑን ዋሳን ጳሳ ጋላቲደ፣ ኡባ ዋደ ሀንተና ኡባቱዋ ሀሳዬቶ።  
3 ኑን ኑ ጳሳ፣ ኑ አወዋ ሰንላን አማኑዋን ሀንተንቱ ኡሌዳ ኡሱዋን፣ ሲቁዋን ሀንተንቱ ዳቡራዳ ዳቡራ፣ ቃይ ኑ ጎዳ የሱስ ክርስቶሳን

ሀንተወ ደኤያ ሀድታን ገንጭያ ገንጨዋ ኡባ ዋደ ሀሳዬቶ።

4 ኑናደን ጳሳ ካልያዎንቶ፣ ጳሳይ ሀንተና ሲቅያዋን ሀንተና ባረወ ናና ኡላናወ ደራዳዋ ኑን ኤራቶ።

5 አያወ ጎፕ፣ ኑን ዋንጋላ፣ ዋልቃን፣ ጌሻ አያናንነ ሄ ዋንገሊ ቱማ ግዴዳዋ ወርሰ አማንያዎን ሀንተንቶ አሄዳዋፕ አትን፣ አሳ ቃላ ጳላላን አሀበይኩ። ኑን ሀንተናና ደኤያ ዋደ፣ ሀንተንቱ ድራወ ዋን ደኤደንቶ፣ ሀንተንቱ ኤሪታ።

6 ቃይ ሀንተንቱ ዳር ዋየቶፕካ፣ ጌሻ አያናይ አሜዳ ናሽቻን ኪታ አኪድታ፤ ሄዋን ኑ ሌምሱዋን ጎዳዋ ካሌድታ።

7 ሄዋ ድራወ፣ ማቅደንያን አካይያ ግያ ጋድያን ደኤያ አማንያ ኡባቶ ሌምሱዋ ግዴድታ።

8 አያወ ጎፕ፣ ጎዳ ቃላይ ሀንተፕ ስሲደ፣ ማቅደንያን አካይያ ጳላላን ሰሰትቤና፤ ሽን ጳሳ ሀንተንቱ አማንያዋ ኡባ ሳን ሰሰቲዳ። ስም ኑን ሃሳያናወ ኮሽሽን አቶዌ አይነ ባዋ።

9 አያወ ጎፕ፣ ኑን ሀንተኮ ቤዳ ዋደ፣ ሀንተንቱ ኑና ዋት ሞኬደንቶነ ቃይ ሀንተንቱ ሀንተንቱ ኤቃወ አልያ አጊደ፣ ዋርደተና ደኤዋ ጳሳው ኡላናወ ዋን ጳሳኮ ስሚድተንቶ፣ ኡንቱንቱ ባረንቱ ሁጲያን ሃሳዪና።

10 ቃይ ጳሳ ናአይ የሱስ፣ ጳሳይ ሀይቁዋፕ ደንፊዳዌ፣ ኑና ሰንላፕ ያና ጳሳ ሀንቁዋፕ አሽያዌ ሳሉዋፕ ያናዋ ሀንተንቱ ናግያዋ ኡንቱንቱ ሃሳዪና።

## 2

ጳውሎስ ተሰሎንቆን ኡሌዳ ኡሱዋ

1 ኑናደን ጳሳ ካልያዎንቶ፣ ኑን ሀንተኮ ቤዳዌ መላ ግደናዋ ሀንተንቱ ሀንተንቱ ሁጲወ ኤሪታ።

2 ሽን ኑን ሀንተኮ ያናፕ ካሰ ፕልጵሰዮሳ ግያ ካታማን ዋየቲዳዋን ቦረቲዳዋ ሀንተንቱ ኤሪታ፤ ዳር ጳልቀላይ ደኡፕካ፣ ሀንተንቶ አ ሞሽራቹዋ ቃላ ኦዳና ማላ፣ ጳሳይ ኑወ ሞናተላ አሜዳ።

3 ኑን ሀንተና ዋሰያዌ ባሊደ ዋይ ቱናተላን ዋይ ገንያን ግደና።

4 ሽን ጳሳይ ዋንጋላ ሀዳራ አካናወ ኑን አማንትያዎንታ ግድና፣ ኑወ ሄ ሀዳራ አሜዳ፤ ሄ አሜዳዋደንካ ኑን ሃሳዬቶ። ቃይ ኑን ኑ ዋዛና ጳሞሰያ ጳሳ ናሽቻያዋዳን ሃሳዬቶፕ አትን፣ አሳ ናሽቻያዋዳን ሃሳዮኩ።

5 ኑን ሀንተኮ ጭምያ ሃሳያና፣ ዋይ ኑን የራ ገንሐያ ሀናታን ይቤናዋ ሀንተንቱ ሎይሐ ኤሪታ፤ ጳሳይካ ኑወ ማርካ።

6 ኑን አሳፕ፣ ዋይ ሀንተፕ፣ ዋይ ሀራንቱ አፕነካ ቦንቹዋ አካናወ ኮይባይኩ።

7 ኑን ክርስቶስ ኪቲዳዋንታ ግዴደ፣ ቦንቹዋ ሀንተንቱፕ አቻናወ ዳንዳዬቶ። ሽን አታ ባረ ናናቱዋ ሲቁዋን ድቻያዋዳን፣ ሀንተንቱ ግደን አሽከ ግዴደ።

8 ህንተንቱ ኑዉ ዳር አልእ ግዳዳ ድራው፤ ጸላ ዋንጋላ ህንተንቱ እማናዋ ጸላላ ግደናን፤ ኑ ደኡዋካ ህንተንቱ እማናዉ ገግ ኡቲደ፤ እያዉ ጎጥ፤ ህንተና ኑን ሎይላ ሲቆደ።

9 ኑናዳን ጸላ ካልያዋንቶ፤ ኑ ኦሱዋካ ኑ ዳቡራ ህንተንቱ እኬኪታ፤ ህንተንቱ ጸላ ሞሽራቹዋ ቃላ ኦዲደ፤ ህንተና እይነ ዋይሰና ማላ፤ ቃማነ ጋላሰ ኑን ኦሴደ።

10 ኑ ደኡ ህንተንቱ ማጎጎ፤ እማንያዋንቱ ማጎጎ፤ ጌሻ፤ ጽሎነ ቦረተናዋ ግድያዋ ህንተነ ጸላይ ማርካ።

11 ኑን ህንተንቱ ሁጲያን ሁጲያን አዉ ባረ ናናዉ ህንያዋዳን ሀኔዳዋ ኤሪታ።

12 ኑን ህንተና ዘራደ፤ መን።ሴዳነ ህንተንቱ ማርካቲደ። ሄዌኔካ ህንተና ጸሴዳ ጸላ ናሽቶያ ደኡዋ ህንተንቱ ደአናዳና ከ ካዉተላነ አ ቦንቹዋ ገላናዳና።

13 ህንተ ኑጥ ጸላ ቃላ ቱማ ግዳዳዋዳን አኬዳ ዋደ፤ ጸላ ኪታዳን አኬዳዋጥ አትን፤ አሳ ኪታዳን እክቤና ድራው፤ ጸላ ቃላይ እማንያ ህንተናን ኦሴ፤ ኑ ጋሱዋን ኑን ጸላ ኡባ ዋደ ጋላቲቶ።

14 እያዉ ጎጥ፤ ኑናዳን ጸላ ካልያዋንቶ፤ ክርሰቶሰ የሱሳን እቱዋ ግዳዳ ይሁዳ ግያ ጋድያን ደእያ እማንያዋንታ፤ ህንተንቱ ለምሰቲታ፤ ሄዋንቱ ጸላ እማንያዋንታ። አይሁዳቱ ኡንቱንታ ዋይሴዳዋዳን፤ ህንተንቱ ቢታ አሳይካ ህንተና ዋይሴዳ።

15 ሄ አይሁዳቱ ጎዳ የሱሳን ናባቱዋ ዋዴድና፤ ቃይ ኑና የደርሴድና። ኡንቱንቱ ጸላ ናሽቶክና፤ አሳ ኡባካ አጸድ።

16 አይሁዳ ግደና አሳይ አታና ማላ፤ ኑን ኡንቱንቱ ቃላ ኦድያዋ ድጊና። ቃይ ኡንቱንቱ ናጋራይካ ኡባ ዋደ ዳር ዳር ቤ። ሽን ዉርሰላን ጸላ ሀንቁ ኡንቱንቱ ቦላ ዋዴዳ።

ጳዉሎስ ተሰሎንቆ አሳ ላኤንሉዋ ጸዋሳናዉ አዋቲዳ አውዋ

17 ሽን ኑናዳን ጸላ ካልያዋንቶ፤ ኑን ኑ ቆፋን ግደናዳን፤ አሳተላ ጸላላን ህንተጥ ጉላ ዋደዉ ሻከቲዳ ዋደ፤ ህንተና ዳር ላሞቲደ፤ አይፍያን በአናዉ ሎይላ ኮዬደ።

18 እያዉ ጎጥ፤ ኑን ህንተኮ ሰሚደ ባናዉ ኮዬደ። ኡባ ታን ጳዉሎስ ዘራ ዘራደ ህንተኮ ባናዉ ማላ በአድ፤ ሽን ሴጻፍይ ኑና ድጊዳ።

19 እያዉ ጎጥ፤ ኑ ጎዳ የሱሰ ክርሰቶሰ ይያ ዋደ፤ ኑን በአና ጊደ ናሽቶን ናግያዌ፤ ዋይ ኑ ናሽቶይ፤ ዋይ ኑን ጩቀትያ ካላቻይ ኦኔ? ህንተና ግድክቲዬ?

20 እያዉ ጎጥ፤ ህንተንቱ ኑ ቦንቹዋን ኑ ናሽቶ።

**3**

1 ሄዋ ድራው፤ ኑዉ ገንጫናዉ ዳንዳየተናን እጹዳ ዋደ፤ አቲና ግያ ካታማን ኑረካ አታናዉ ቆፋ ቃቹደ።

2 ህንተና ዘራናዳን ህንተንቱ እማኑዋን ህንተና ሞንሳናዳን፤ ጸላዉ ኦሳያ ኑ እሻ፤

ኑናና እትጥ ክርሰቶሳ ሞሽራቹዋ ቃላ ኦድያ ጽሞቶሳ ህንተኮ ከቲደ።

3 ሀ ዋይያ ጋሱዋን ህንተጥ ኦንነ ጉየ ሰመና ማላ፤ አ ኪቲደ። ኑን ሄዋ ደረቲዳዋ ህንተንቱ ህንተንቱ ሁጲዉ ኤሪታ።

4 እያዉ ጎጥ፤ ኑን ህንተናና ደኢደ፤ ኑን ዋየታናዋ ካሰቲደ ህንተንቱ ኦዴደ፤ ቃይ ህንተንቱ ኤርያዋዳንካ ካሰ ሄዋዳን ሀኔዳ።

5 ሄዋ ድራው፤ ቃይ ገንጫናዉ ታዉ ዳንዳየተናን እጹዳ ዋደ፤ “ኦን ኤር ጸላህያ ካፑ ህንተና ፓጩናን አገና። ኑ ዳቡራይካ መላ ግደናን አገና” ያጋደ ህንተንቱ እማኑዋ ኤራናዉ ጽሞቶሳ ህንተኮ ኪታድ።

6 ሽን ሀእ ጽሞቶሰ ህንተንቱ ማጎጥ ኑኮ ዪደ፤ ህንተንቱ እማኑዋባነ ህንተንቱ ሲቁዋባ ህንተንቱ ሞሽራቹ ጊደ ኑዉ ኦዴዳ። ቃይ ኑን ህንተና በአናዉ ላሞትያዋዳን ህንተካ ኑና በአናዉ ላሞቲደ፤ ኡባ ዋደ ኑዉ ሎኦባ ቆጥያዋ አ ኦዴዳ።

7 ሄዋ ድራው፤ ኑናዳን ጸላ ካልያዋንቶ፤ ኑ ዋይያን ኑ ቲታን ኡባን ህንተንቱ እማኑዋ ባጋና ህንተዋን ኑ ሞነቲደ።

8 ጎዳን ሞኒደ ህንተንቱ ደአጥ፤ ኑንካ ሀእ ደኡቶ።

9 እያዉ ጎጥ፤ ኑን ህንተባዉ ጸላ ጋላቲቶ። ኑን ኑ ጸላ ሰንላን ህንተንቱ ድራዉ ደእያ ናሽቶ ኡባዉ አ ዳር ጋላቲቶ።

10 ኑን ህንተና በአናዉ ህንተንቱ እማና ፓጩዳዋ ኩንሳናዉ፤ ቃማነ ጋላሰ ኑ ኩመንላ ዋዛናጥ ጸላ ዋሴቶ።

11 ኑ አዉ፤ ኑ ጸላይ ባረ ሁጲዉ፤ ቃይ ኑ ጎዳይ የሱሰ ክርሰቶሰ ኑን ህንተኮ ብያ ኦግያ ኑዉ ግግሶ።

12 ኑን ህንተና ሎይላ ሲቆያዋዳን፤ ጎዳይ ህንተንቱ እቲ እቲዋ ሲቆያ ሲቆዋን ቃይ አሳ ኡባ ሲቆያ ሲቆዋ ህንተንቱ ዳርሶነ ጉጅ።

13 ኑ ጎዳይ የሱሰ ባረ ጌሻቲዋ ኡባና ይያ ዋደ፤ ኑ ጸላ፤ ኑ አዋዋ ሰንላን ህንተ ዋዛናደ ጌሻነ ፖኩ ባይናዋ ኦሴደ፤ ህንተና አ መን።ሴ።

**4**

ጸላ ናሽቶያ ደኡዋ

1 ሰሞ ዉርሰላን፤ ኑናዳን ጸላ ካልያዋንቶ፤ ጸላ ናሽቶናዉ ህንተንቱ ዋን ደአናዉ በሰንቶ፤ ኑጥ ታሚራቲ። ሄዌ ህንተንቱ ካሴደጥ ደእያ ማራ፤ ሽን ሀእ ህንተንቱ ካሰዋጥ ሎይሴደ ኦሳናዳን፤ ጎዳ የሱሳ ሱንላን ህንተና ዋሴቶን ዘራቶ።

2 እያዉ ጎጥ፤ ኑን ጎዳ የሱሳ ማጎ ባጋና ህንተንቱ እሚዳ አዛዙ ሀቃዌንቶ፤ ህንተንቱ ኤሪታ።

3 እያዉ ጎጥ፤ ጸላይ ህንተጥ ኮይያዌ አዬ ጎጥ፤ ህንተንቱ ጌሻ ግዳናዋን ዋሹሞያዋ ኡባና አጋናዋ ኮዬ።

\* 4:4 ጌሻተላንነ ቦንቹዋን ህንተንቱ ማቶና ዋት ደእነንቶ። ጉሳይ ባረ አሳተላ ናጊደ ጌሻተላን ደአናዉ ኮሽያዋ በሴ።



4 ህንተንቱ ሁጲያን ሁጲያን ገሻተላንን ቦንቹዋን ህንተንቱ ማቶያና ዋት ደእነንቶ \* ኤራናው በሴፕ አትን።

5 ጳጳስ ኤራና አማና ከሳቱዋዳን፣ ሎይሳ አምቶያዋን እካናው በሰና።

6 ኑን ቃይ ካሰ ህንተንቶ ኦዴዳዋዳንን ህንተና ሞንሰ ዘራዳዋዳን፣ ጎዳይ ሀዋ ማላባን ኡባን ሀሉዋ ከሰያዋ ግድያ ድራው፣ ኦን ሀ የወዋን ባረ እሻ ናቃናውን ጭማናው በሰና።

7 እያው ጎፕ፣ ጳጳስ ኑን ገሻተላን ደእናው ጴሴዳዋፕ አትን፣ ቱናተላን ደእናው ጴሰቤና።

8 ሄዋ ድራው፣ ሀ ትምርትያ እጽያ ኦን ህንተንቶ ባረ ገሻ እያና አምያ ጳጳስ እጸፕ አትን፣ አሳ እጸና።

9 ህንተ ህንተንቱ ሁጲያን እቱ እቱዋ ሲቃናዳን፣ ጳጳስ ህንተና ታማርሴዳ ድራው፣ ህንተንቱ ህንተንቱ እሻቱዋ ዋት ሲቃናው በሰንቶ፣ ኑን ጳጳናው ኮሸና።

10 ቃይ ማቆዳንያ ቢታ ኡባን ደእያ እሻቱዋ ኡባቱዋ ቱው ህንተንቱ ሲቁታ። ሸን ኑናዳን ጳጳስ ካልያዋንቶ፣ ህንተንቱ ሄዋፕ ጉጅ ጉጂ ደ ኡንቱንታ ሲቃና ማላ፣ ህንተና ዋሴቶ።

11 ኑን ካሰ ህንተንቶ ኦዴዳዋዳን፣ ዋፑ ጌዳ ደኡዋ ደአተ። ቃይ ህንተና ኮሸያዋ ደማናው፣ ህንተ ኮሸያን አላተ።

12 ሄዋ ግድፕ፣ አማናናዋንቱ ማታን ህንተንቱ ቦንቹታና ቃይ ህንተና ኮሸያባው ኦናን አውደሸክታ።

ጎዳይ ይያ ዋይ ሀይቄዳ አሳይን ፓጻ ደእያ አሳይ ሀናናባ

13 ሸን ኑናዳን ጳጳስ ካልያዋንቶ፣ ህንተንቱ ሀይታይ ባይና አሳቱዋዳን ካዮተና ማላ፣ ሀይቄዳ አሳቱዋባ ህንተንቱ ኤራና ማላ ኮዬቶ።

14 ኑን የሱሰ ሀይቄዳዋን ቃይ ሀይቄዋፕ እ ደንዴዳዋ አማኔቶ፣ ሄዋዳንካ፣ ጳጳስ የሱሳ አማኒደ ሀይቄዳዋንታ የሱሳና አሀናዋ አማኔቶ።

15 እያው ጎፕ፣ ኑን ህንተንቶ ኦዴያ ጎዳ ቃላይ ሀዋ፣ ኑን፣ ጎዳ ላኤንሉዋ የሳ ጋላሳይ ገካናው ሀዋን ፓጻ ደእያዋንቱ፣ ሀይቄዳዋንቱፕ ካሰቶኮ።

16 እያው ጎፕ፣ ጎዳይ ባረ ሁጲያን አዛዙዋና፣ ኪታንቻቱዋ ካቸዋ ኮሻና፣ ጳጳስ ማላካታ ገረሳና ሳሉዋፕ ዋጳና። ክርሰቶሳ አማኒደ ሀይቄዳዋንቱ ካሰቲደ ሀይቄዋፕ ደንዳና።

17 ሄዋፕ ጉይያን፣ ኑን ሄ ዋይ ፓጻ ደእያዋንቱ፣ ጎዳና ጫርኩዋ ግድን ጋከታናው ኡንቱንቱና እትፕ ሻርዋን ደንዳና። ሄዋ ድራው ኑን ጎዳና እትፕ ኡባ ዋይ ደእና።

18 ሄዋ፣ ሀ ቃላን እቱ እቱዋ መንግሥተ።

### 5

ጎዳ የሳ ጊጊደ ናግተ

1 ሸን ኑናዳን ጳጳስ ካልያዋንቶ፣ ሀ የዋቱ አውደ ሀናንቶ፣ ዋድያን እገና ህንተንቶ ጳጳናው ኮሸና።

2 እያው ጎፕ፣ ጎዳ ጋላሳይ ካይሱ ቃማ ይያዋዳን ያናዋ ህንተንቱ ሎይሳ ኤሪታ።

3 አሳይ፣ “ኡባባይ ሳራ፣ እያይካ ሀናና” ጊሸን፣ ማጫ አሳ የሉ ኦይቄያዋዳን፣ ባሻይ ኡንቱንቱ ቆፕናን ኡንቱንቱ ቦላ ያና። ኡንቱንቱ ሙሊካ ከሰ አክክና።

4 ሸን ኑናዳን ጳጳስ ካልያዋንቶ፣ ሄ ጋላሳይ ህንተንቶ ካይሱ ይያዋዳን ያናው ህንተንቱ ጴማን ደእክታ።

5 ህንተ ኡባይ ፖኡዋ አሳን ጋላሳ አሳ፣ ኑን ቃማ አሳ ዋይ ጴማ አሳ ግድኮ።

6 ሄዋ ድራው፣ ኑን ሀራቱ ገምእሸያዋዳን ገምእሻናው በሰና። ኑን ሴንታናውን ዋጋን ደእናው በሴ።

7 እያው ጎፕ፣ ገምእሸያዋንቱ ቃማ ገምእሸና፣ ማላትያዋንቱካ ቃማ ማላቲና።

8 ሸን ኑን ጋላሳ አሳ ግድያዋንቱ ዋጋን ደእናው በሴ። ኑን አማኑዋን ሲቁዋ ትራን ዋሳያ ኦላ ሚሻዳን ኦይቄደ፣ ኑን ሀይታን ናግያ አቶተላ፣ ብራታ ቆቦዳዳን፣ ሁጲያን ዋሳናው በሴ።

9 እያው ጎፕ፣ ጳጳስ ኑን ኑ ጎዳ የሱሰ ክርሰቶሳ ባጋና አቶተላ ደማናው ደራዳዋፕ አትን፣ አ ሀንቁዋ አካናው ደርቤና።

10 ኑን ፓጻ ግድና ዋይ ሀይቄዳዋንታ ግድና፣ ክርሰቶሳና እትፕ ደእና ማላ፣ ክርሰቶሰ ኑ ድራው ሀይቄዳ።

11 ሄዋ ድራው፣ ህንተንቱ ቃይ ሀእ ኦሳያዋዳን፣ ሀራቱዋ መንግሥተን እቱ እቱዋ ድኙተ።

### ወርሰላ ዘርያን ሳርታ

12 ኑናዳን ጳጳስ ካልያዋንቶ፣ ህንተንቱ ግድን ኦሳያዋንታ፣ ህንተና አማኑዋ ኦገያን ካለላያዋንታን ዘርያዋንታ፣ ህንተንቱ ቦንቻና ማላ፣ ህንተና ዋሴቶ።

13 ኡንቱንቱ ኦሳያ ኦሱዋ ድራው፣ ኡንቱንታ ሎይሳ ቦንቻተን ሲቅተ። እቱ እቱዋና ሳርተላን ደእተ።

14 ኑናዳን ጳጳስ ካልያዋንቶ፣ ኑን ህንተና ዘራቶ፣ ማራይ ባይና ደኡዋ ደእያዋንታ ሴርተ። ያይያዋንታ መንግሥተ። ዋልቄ ባይናዋንታ ማድተ። አሳ ኡባ ዳንዳይተ።

15 ኦንን ኢታ ድራው ኢታ ዘረና ማላ ናገትተ፣ ሸን ኡባ ዋይ፣ እቱ እቶን ቃይ አሳ ኡባው ሎኦባ ኦሳናው ሞንተ።

16 ኡባ ዋይ ናሸትተ።

17 ኡባ ዋይ ቃንጸናን ጳጳስ ዋሰተ።

18 ኡባባን ጋላትተ። እያው ጎፕ፣ ክርሰቶሳ የሱሳ ባጋና ጳጳስ ህንተፕ ኮይያዋ ሄዋ።

19 ጊሻ እያና ታማ ቶይሶፕተ።

20 ትምቢትያ ቃላ ካጵፕተ።

21 ኡባባካ ፓጭተ። ሎኦባ ኦይቄተ።

22 ኢታ ኦሱዋ ኡባፕ ሃክተ።

23 ሳሮተላ ጸሳይ ባረ ሁጳው ህንተና  
ኡባባን ፖሎ ጌሾ፤ ቃይ ኑ ጎዳይ የሱሰ  
ክርስቶስ ይያ ዋደ፣ ጸሳይ ህንተንቱ አያና፣  
ሸምፑዋን አሳተላ እትፕ ቦረተናዋን ፖሎ  
አላይ ናጎ።

24 ህንተና ጸሰያዌ አማነቴዳዋ፤ ቃይ ሄዋ  
እ ፖላና።

25 ኑናዳን ጸሳ ካልያዋንቶ፣ ኑዉ ጸሳ  
ዋሰተ።

26 እሻቱዋ ኡባ ጌሻ የሩዋ የሪደ ሳሮትተ።

27 ህንተ ሀ ዳብዳቢያ ጌሻ እሻቱዋ ኡባዉ  
ናባባናዳን፣ ጎዳ ሱንሳን ህንተና ዋሳይ።

28 ኑ ጎዳ የሱሰ ክርስቶሳ አዶ ኬካተላይ  
ህንተናና እትፕ ግድ።

# ጳውሎስ ተሰሎንቆ አሳው ጳጳሩ ላኤንሶ ኪታ ገሎቆ

ክርስቶስ ላኤንሶ የሳ ጳጳሪያዎን ደንዳዳ አሻይ ዋላሳ መጳደ ቤዳ ድራው፡ ተሰሎንቆን ደእያ አማንያ አሳ ግደን መቱ ዳሪደ ቤዳ። ጳውሎስ ተሰሎንቆ አሳው ጳጳሩ ላኤንሶ ኪታይ፡ “ጎዳይ ያና ጋላሳይ ማቲዳ” ያግያ አማኑቆ ምንሲደ እዳ። ጳውሎስ እንቱንቶ ኦዲደ፡ “ክርስቶስ ያናፕ ካስቲደ ክርስቶስ ትምርትያ ጳጳቂያ እት፡ ማካላ አሳ፣ ጌተትያ ክርስቶስ እጽያዌ ካለለና አሳምያ ቦላን ኢታተላይን ማካላይ ዳሪደ ባና” ያገደ እንቱንቱ አማኑቆ ሱርሳናው ማሌ።

የሱስ ኪቲዳዌ ናባብያዎንቶ፡ “መቱን ዋዪ ዳርፕካ ኡንቱንቱ ባረንቱ አማኑቆን ምናዳን፡ እካ አናና እትፕ ኦሳያዎንቱካ ኦሳያዎዳን፡ እንቱንቱ ባረንቱ ደኦ ኮሽያዎ ደማናው፡ ምኒደ ኦሳናዳን፡ ሄዋዳንካ ቃይ ሎኦ እሱቆ ኦሳናው ድብናዳን” ያግ እንቱንታ ምንሲደ ዘራ።

### ሸምጋቱዎ ኡባቶ እመቲዳ ቃንላ ቆፋቱዎ

ገሎቆ 1:1-2  
ጋላታን ሀዳራ 1:3-12

የሱሳ ላኤንሶ-ዎ የሳው እመቲዳ ትምርትያ

2:1-17  
አማኑቆን ደኡቆባ ማቁዎ 3:1-15  
ወርሰላ ቁትያ 3:16-18

1 ኑን ጳውሎስ፡ ስላስን ጽሞቶስ፡ ተሰሎንቆን ደእያ አማንያ አሳቶ ሀ ዳብዳቢያ ጳጳቶ፡ ሄዋንቱ ጳሳ ኑ እሱቆንታን ጎዳ የሱስ ክርስቶስባዎንታ።

2 ጳሳ ኑ አወዋፕን ጎዳ የሱስ ክርስቶስባፕ፡ አዲ ኬካተላይን ሳርተላይ ህንተንቶ ግደ።

ክርስቶስ የሳ ጋላስ ሀናና ፕርዳ

3 ኑናዳን ጳሳ ካልያዎንቶ፡ ህንተንቱ አማኑ ሎይላ ድጭያ ድራውን፡ ህንተንቱ እቱ እቱዎ ስቅያ ስቅ ዳርያ ድራው፡ ኑን ህንተንቶ በሰያዎዳን፡ ጳሳ ኡባ ዎደ ጋላታናው በሴ።

4 ሄዎ ድራው፡ ህንተንታ የደሳይን ዋይያ ኡባይ ጋክናካ ህንተንቱ ገንጭያዎን አማንያዎ ኑን ኑ ሀጸው ጳሳ አማንያዎንቶ ኡዲደ፡ ህንተዎን ጨቀቱቶ።

5 ህንተንቱ ዋየትያ ጳሳ ካወተላወ በሰያዎንታ ግዲደ ፓይይታና ማላ፡ ጳሳይ ፕርድያ ጽሎ ፕርዳ በሰያ ማላ።

6-7 ጳሳይ ቱሙ ፕርዳ ፕርዳና፡ ጎዳይ የሱስ ባረ ዎልቃማ ኪታንቻቱዋና ታማ ላጩዎ ግደን ሳሉዋፕ ይያ ዎደ፡ ጳሳይ ህንተንታ ዋይሰያዎንቱ ቦላ ዋይያ አሀና፡ ቃይ ዋየትያ ህንተናን ኑና ሸምፕሳና።

8 ቃይ ጳሳይ ባረና ኤረናዎንታን ኑ ጎዳ የሱስ ክርስቶስ ቀንጋላ ምሽራቾ አዛዘተናዎንታ ሙራና።

9-10 ሄ ጋላስ እ ባረ ጌሻቱዎን ቦንቻታናውን ቃይ ባረና አማንያ ኡባቱዎን ሳበታናው ይያ ዎደ፡ እንቱንቱ ጎዳ ስንላፕን አ ዎልቃ ቦንቻዎፕ ሻከቲደ፡ መጵና ባሻን ሙረታና። ጋሱንካ፡ ኑን ህንተንቶ ኡዳዳ ኪታይ አማንቲዳ።

11 ኑን ህንተንቶ ኡባ ዎደ ጳሳ ዎስያዌ ሄዋሳ። ኑ ጳሳይ ጸሴዳ ደኦ ህንተንታ በሰያዎንታ ገደ ፓይዳናዳን፡ ኑን አ ዎሴቶ፤ ህንተንቱ ሎኦባ ኡባ አዎትያዎን ህንተንቱ አማኑቆ ኡሱቆ እ ባረ ዎልቃን ፖሎ።

12 ሄዋን ኑ ጳሳ አዲ ኬካተላንን ቃይ ኑ ጎዳ የሱስ ክርስቶስ አዲ ኬካተላን፡ ጎዳ የሱሳ ሱንላ ህንተንቱ ቦንቻና፤ ህንተናካ እ ቦንቻና።

## 2

የሱሳ ላኤንሶ የሳባ  
1 ሀእ ኑናዳን ጳሳ ካልያዎንቶ፡ ኑ ጎዳ የሱስ ክርስቶስ የሳባውን ኑን አናና ደእናው እኮ ሺቃናባው።

2 ትምቢትያ አሳይ ህንተንቶ ኦድያዎን ዎይ ሀራ አሳፕ ስሴዳ ቃላን፡ ዎይ እንን ኑፕ ዬዳ ኪታዳን ሃሳይያዎን፡ “ጎዳ ጋላሳይ ጋኬዳ” ገደ ህንተንቱ ኤላካ ዳጋመናዳንን ዎዛና ባዩናዳን፡ ኑን ህንተንታ ዎሴቶ።

3 ህንተንታ እንን አይ ኦግያንን ባለሉ። አያው ጎፕ፡ ካስቲደ ማካልያዌን ቃይ ናጋራንቻይ፡ ባሻ ናአይ ቆንጨናን ደእሸን፡ ሄ ጋላሳይ ጋክና።

4 አሳይ ጎይንያ ኡባባን አሳይ ጳሳ ግያ ኡባባ እ እጻና። እ ባረና እንቱንቱ ኡባፕ ቆቁ ኦላና። ቃይ ሀራይ አቶ ጳሳ ጌሻ ጎልያ ገል ኡቲደካ፡ “ታን ጳሳ” ጋና።

5 ህንተንቱ ሀሳይክቲ? ታን ሄዎ ህንተንቶ ህንተናና ደእደ ኦዳድ።

6 እ ባረ ዎድያን ያናፕ አትን፡ ሀእ ያናዎ አያይ አ ተቁንቶ፡ ህንተንቱ ኤሪታ።

7 አያው ጎፕ፡ ጸራ ግዴዳ ማካላይ ሀእ ኦሌ፤ ሸን ሄ ተእያዌ ኦግያፕ ክቻና ጋካናው፡ እ ቆንጨና።

8 ሄዋፕ ጉይያን፡ ሄ ማካላንቻይ ቆንጭና፡ ጎዳይ የሱስ ባረ ዳና ፔኩዎን አ ዎቆና። ቃይ የሱስ ባረ ላኤንሶ ቦንቻ የሳን አ ሙላካ ቆይሳና።

9 ሄ ማካላንቻይ ሴዳና ኦሱቆን ዪደ፡ ዳር ዎልቃን ዎርደ ማላታን ማላልሰያዎ ኦላና።

10 ሄዋዳንካ፡ ቃይ ቆይያ አሳቱዎ ዲማ ዲማ ኢታ ጭሙዎን ባለላና። ቆይያዎንቱ አታናው ቱምተላ ስቁደ አክቤና ድራው ቆይና።

11-12 ሄዎ ድራው፡ ቱምተላ አማንቤና ኡባ አሳቱ፡ ናጋራ ኦሳያዎን ናሽትያዎንቱ ኡባይ ፕርደታናዳንን ዎርደ ግድያባ አማናዳን፡ ጳሳይ ዎልቃማ ባላ እንቱንቱ ግደ የዳና።

አቶተላወ ደረቲዳ አሳቱዎ

13 ሸን ጎዳይ ሲቆያ ኑናዳን ጸሳ ካልያዋንቶ፣ ኑን ጸሳ ህንተንቱ ድራው፣ ኡባ ዋይ ጋላታናው በሰ። አያው ጎጥ፣ ጌሻ አያና ዋልቃንነ ተማተላ ህንተንቱ አማንያዋን ህንተንታ አሻናው፣ ጸሳይ ህንተና ባይራዳን ደራዳ።

14 ጸሳይ ህንተንታ ኑን ህንተንቶ ኦዴዳ ኑ ሞሽራቹዋ ቃላ ባገና ጸሴዳዌ፣ ህንተንቱ ኑ ጎዳ የሱሰ ክርሰቶሳና እትጥ ቦንቹታናሳ።

15 ሰሞ ኑናዳን ጸሳ ካልያዋንቶ፣ ሞኒደ ኤቁተ፤ ኑን ህንተና ኑ ደናን ግድና፣ ዋይ ኑ ዳብዳቢያን ግድና፣ ታማርሴዳ ዋጋ ኦይቁተ።

16-17 ኑ ጎዳ የሱሰ ክርሰቶሰ ባረ ሁጲያን ቃይ ጸሳይ፣ ኑ አው ኑና ሲቁይ፣ ባረ አጾ ኬካተላን ኑው መድና ዳንዳያን ሎኦ ህይታ አማዳዌ፣ ቃይ ህንተንቱ ሎኦባ ኡባ ኦላናዳንነ ሃሳያናዳን፣ ህንተንቱ ዋዛና ሞንሶነ መንግጥ።

13 ሸን ህንተንቱ ኑናዳን ጸሳ ካልያዋንቶ፣ ሎኦ ኦሎቶ ኦላናው አዛሎጥተ።

14 ቃይ ኑን ሀ ዳብዳቢያን ኪቱዳ ኪታው አዛዘተና ኡራይ ኦንነ ደኦጥ፣ ሄ ኡራ አኬክተ። እ ዬላታና ማላ፣ አጥ ሻከትተ።

15 ሸን አሻዳን አ ሴርተጥ አትን፣ ሞርክያዳን ጴሎጥተ።

ወርሰላ ሳርታ

16 ሳርተላ ጎዳይ ባረ ሁጲያን ህንተንቶ ኡባ ዋይነ ኡባ ባገና ሳርተላ እሞ። ጎዳይ ህንተናና ኡባና ግድ።

17 ታን ጳውሎስ፣ ሀ ሳርታ ታ ኩሸያን ጸፋድ፤ ታ ዳብዳቢያ ኡባው ሀዌ ታ ፍርማ። ሀዌ ታን ጸፍያ ኦግያ።

18 ኑ ጎዳ የሱሰ ክርሰቶሳ አጾ ኬካተላይ ህንተናና ኡባና ግድ።

3

ጳውሎስ፣ “ኑው ዋሰተ” ያጌዳ

1 ወርሰላን ኑናዳን ጸሳ ካልያዋንቶ፣ ጎዳ ቃላይ ህንተንቱ ግድን፣ ኤለካ አካናዳንነ ቦንቹታናዳን፣ ኑው ጸሳ ዋሰተ።

2 ቃይ አሳይ ኡባይ አማንና ድራው፣ ጸሳይ ኑና ናጋራንቻ አሳቱዋጥነ ኢታ አሳቱዋጥ አሻና ማላ፣ ኑው ዋሰተ።

3 ሸን ጎዳይ አማንልያዋ፤ እ ህንተና መንግጥናን ቃይ ኢታጥካ ናጋና።

4 ኑን ህንተና አዛዘያዋ ህንተንቱ ሀእ አልያዋን ቃይ ሰንላጥካ ኦላናዋ ጎዳይ ኑና ህንተዋን አማንጤ።

5 ጎዳይ ህንተንቱ ዋዛና ጸሳ ሲቁዋኮነ ክርሰቶሰ እምያ ዳንዳያኮ ካለሉ።

ኪታ ከተት ደአናዌ ግደ

6 ኑናዳን ጸሳ ካልያዋንቶ፣ ህንተንቱ ኑጥ አኬዳ ዋጋ ካለናን አዛላ ደኡዋ ደእያ እሻ ኡባጥ ህንተንቱ ሻከታናዳን፣ ኑ ጎዳ የሱሰ ክርሰቶሳ ሱንላን ህንተና አዛዘቶ።

7 አያው ጎጥ፣ ኑን ህንተናና ደእያ ዋይ አዛልቤና ድራው፣ ህንተንቱ ኑዋዳን ሀኒደ ደአናው በሰያዋ ህንተንቱ ህንተንቱ ሁጲያን ኤሪታ።

8 ኑን ህንተጥ ኦሰነ ቶኩዋ ግደና ማላ፣ ቃማነ ጋላሰ ዳቡሪደነ ጃሚደ ኦላደ ደኤዳዋጥ አትን፣ ኦጥነ ቁማ ጮ ሞቦኮ።

9 ኑን ሄዋ ኦሌዳዌ ህንተንቱ ኑዋዳን ሀኒደ ደአናዳን፣ ኑን ህንተንቶ ሊምሱዋ ግዳናደጥ አትን፣ ሄዋ ህንተና ኦቻናው ኑው ማታይ ሳይና ግደና።

10 አያው ጎጥ፣ ኑን ሀራይ አቶ ህንተናና ደእደካ፣ “ኦላናው ኮየና ኡራይ ኦንነ ሞፖ” ያጌደ ህንተና አዛዘድ።

11 አያው ጎጥ፣ አሳ የወዋን ገልያዋጥ አትን፣ አይነ ኦግናዋንቱ፣ አዛላ ደኡዋ ደእያ አማራዳ አሳቱ ህንተንቱ ግድን ደእያዋ ኑን ሰሴድ።

12 ኑን ሄዋንቱ ማላ አሳቱ ማራ ደኡዋ ደአናዳንነ ኦላደ ቁማ ማናዳን፣ ጎዳ የሱሰ ክርሰቶሳ ሱንላን አዛዘቶነ ዞራቶ።

### ጳውሎስ ጽሞቶሳው ጳጳሱ ኮይሮ ኪታ ገሉቀ

ጽሞቶሳ ጌተትያ፡ አማንያ ያላጋይ፡ ቄር ኢስያ ጌተትያ ሳኣን የለቲዳ። እ ባረ ዳይ ባጋና አይሁደ አሳ፤ ባረ አቡ ባጋና ቃይ ግሪክ አሳ። እ ጳውሎሳና ኪታን እትጥ ዙጥትያ አሳ፤ ምሽራቸዋ ቃላ ኪታካ እናና ማደቲደ ኦልያዋ። ጳውሎስ ጽሞቶሳው ጳጳሱ ኮይሮ ኪታይ ሄዙ አይፈ የዋቱዋን ሻከቲ።

ኡባጥ ካስቲደ ሀ ኪታይ አማንያ አሳ ግደን ደንዴዳ ዋርዶ ትምርትያባ ምንሲደ ኦዴ። ሀ እማላ ግዴዳ ትምርቲ እይሁዳ አሳቱዋ ቆፋጥ ባጋን ሀራ አሳቱዋ ቆፋጥ ባጋ ኦይቄዳዋ፤ “ሀዌ ቤትያ አላሚ ናጋራን ሀምባላቸት ድጌዳዋ ግድያ ድራው፡ አሳይ አቶተላ ደማናው ዴማ ግዴዳ ጸራ ኤራተላ ኤራናው፡ እት እት ቁማቱዋ ሜናን አጋናውን ማቶያ እከናንን አሰና ገለናን ደእናው ኮሼ” ያግያ ቆፋ ባሶ ኦሊደ ኦይቄዳዋ። ሄዋ ቦላካ ጉጂደ አ ኪታይ አማንያ አሳ አይሱዋባን ጎይኑዋ ዋጋባ ታምርሱያ ትምርትያ፤ ሄዋዳንካ ቃይ አማንያ አሳ ካለልያዋንቲን ኡንቲንታ ማድያዋንቲ አይ ማላ ኡሻና ደእያዋንታ ግዴናው በሰንቶ ኦድያባ ኦይቄዳ። ዉርሰላን ጽሞቶስ የሱስ ክርሰቶሳው ኦልያ ሎኦ ኦሳንቻ ዋኒደ ግዴናው ደንዳይንቶን ቃይ ዴማ ዴማ አማንያ አሳ ማባራ በሰንቶ አዉ ደእያ አዋተላው፡ ጳውሎስ እ ዘራዳ ዘርያ በኤቶ።

#### ሸምጋቱዋ ኡባቶ አመቴዳ ቃንላ ቆፋቱዋ ገሉቀ 1:1-2

አማንያ አሳባን ኡንቲንቲ ግደን ኦልያ ጸሳ ኡሳንቻቱዋባ 1:3—3:16

ጽሞቶሳው እ ኦሶ አመቴዳ ትምርትያ 4:1—6:21

1 ኑና አሸያ ጸሳይን ኑን በከና ጊደ ናሸቻን ናግያ የሱስ ክርሰቶስ አዛዜዳ አዛዙዋዳን፡ የሱስ ክርሰቶስ ኪቲዳዋ ግዴዳ ታን ጳውሎስ።

2 አማኑዋ ባጋና ታ ቱሙ ናአው፡ ጽሞቶሳው ሀ ዳብዳቢያ ጸፋይ።

ዋርዶ ትምርትያጥ ናገቱሳ ጸሳ ኑ አዉዋጥን ኑ ገዳ ክርሰቶሳ የሱሳጥ አጵ ኬካተላይ፡ ማርተላይን ሳርተላይ ነዉ ግዴ።

3 ታን ማቅዶንያ ባደ ነዉ ጌዳዋዳን፡ ኔን ኤፈሶንን ጋምእና ማላ ኮያድ። እት እት አሳቱ ዋርዶዋ ትምርትያ ታምርሱና፤ ሄዋንቲ ታምርሱና ማላ፡ አገተ ጋይ ኦዳ።

4 ኡንቲንቲ ቶሳ ኦድያዋን ባረንቲ ዛርያ ጋይርያዋ አጋናዳን ኦዳ። አያው ጎጥ፡ ሄዋ ማሳባይ ፓሉማ ካለፎ፤ ቃይ ጸሳ ቆፋ አማኑዋን ኤረትያዋ አላክና።

5 ሀ እዛዘ ዋና ቆፋይ ጌሻ ዋዛናጥ፡ ሎኦ ሱረ ዋዛናጥ፡ አሳይ በኦ ግያባይ ባይና አማኑዋጥ ቤትያ ሲቁዋ ደን፳ላና።

6 እት እት አሳቱ ሀዋ አጊደ፡ ማደና ሃሳያኮ ሰሜድና።

7 ኡንቲንቲ አያ ሃሳይንቶን ዋይ ባረንቲን አማኑቲደ ኦድያባይ አየንቶ ኤርክና፤ ሽን ጸሳ ሀግያ ታምርሱያዋንታ ግዴናው ኮዶና።

8 አሳይ በሰያዋዳን ሀግያን ጎኤቶጥ፡ ሀጊ ሎኦ ግድያዋ ኔን ኤራቶ።

9 እትባ አከካናው ኮሼ። ሀጊ ሎኦ አሳው መ፳ቲና። ሽን ሀግያ መንልያዋንቶ፡ አዛዘተናዋንቶ፡ ማካላንቻቶ፡ ናጋራንቻቶ፡ ጌሻተላይ ባይናዋንቶ፡ ቱናቶ፡ ባረንቲ ዳዮ ዋይ አባ ዋድያዋንቶ፡ ሸምጥዋ ዋድያዋንቶ፡

10 ዋሹማናው ካጂልያዋንቶ፡ አቲማ አሳይ አቲማ አሳና ዋሹምያዋንቶ፡ አሳ ዛልእያዋንቶ፡ ዋርዶንቻቶን ዋርዶዋን ጫቂያዋንቶ፡ ዋይ ቱሙ ትምርትያና ጋከተና አይ ኦሱዋ ግድናካ ኦልያዋንቶ ከሴዳ።

11 ሄ ቱሞ ትምርቲ አንጀቴዳ ጸሳይ ታን አዋያና ማላ፡ ታዉ ሀዳራ እሜዳ ቦንቾ ዋንጋላ ግዴዋን ደኤ።

#### ጳውሎስ ጸሳው ሸሼዳ ጋላታ

12 ታን ኦልያ ኪታን ታዉ ዋልቃ እሜዳ ኑ ገዳ ክርሰቶሳ የሱሳ ጋላታይ። ታና ባረ ኦሳንቻ ሱንገዳይ፡ ታና ሄ ኦሶ በሰያ አማኑቶዋ ጊደ ፓይዴዳ ድራውካ አ ጋላታይ።

13 ታን ሀዋጥ ካስ አ ቦርያዋ፡ አ የደርሰያዋን ቱጋይያዋ ግድገና፡ ታዉ ሀዋ እ ኦልዳ። ሽን ታን ኤረናን ኦልዳ ድራውካ አማናቤና ድራው፡ ጸሳይ ታና ማራዳ።

14 ቃይ ኑ ገዳይ ዛዋይ ባይና ባረ አጵ ኬካተላ ታ ቦላን ጉሲደ፡ ክርሰቶሳ የሱሳ ባጋና ኑባ ግዴዳ አማኑዋን ሲቁዋ ታዉ እሜዳ።

15 ክርሰቶሳ የሱስ ናጋራንቻቱዋ አሻናው ሀ ሳኦ ዴዳ ግያ ሃሳያይ አማኑቲዳዋን አሳይ ኡባይ ቱማ ጊደ አካናው በሰያዋ። ኡባጥ አጵያ ናጋራንቻይ ታና።

16 ሽን መድና ደኤዋ አካናው እን አማናናው በሰያ አሳው ታን ለምሱዋ ግዴናዳን፡ ኡባጥ አጵያ ናጋራንቻው ታዉ የሱስ ክርሰቶሳ ዳር ዳንዳያዳን፡ ጸሳይ ታና ማራዳ።

17 አይፍያን ቤተና መድና ጸሳው እቶ፡ መድና ካተቶ፡ መድናጥ መድና ጋካናው ጋላታይን ቦንቾ ግድ። አመንእ!

18 ታ ናኦ ጽሞቶሳ፡ ካስ ነባ ትምቢትያ ኦዴዳዋዳን፡ ሄ ኦዴዳዋዳን ሎኦ ኦላ ኔን ኦለታና ማላ፡ ሀ እዛዘዋ ነዉ ሀዳራ እማይ።

19 አማኑን ሎኦ ሱረ ዋዛናይ ነዉ ደኤ። አቲ አቲ ባረንቲ ሱረ ዋርዶ የግ አጊደ፡ ለግያዌ ባይና ማርካቢ ባይያዋዳን፡ ባረንቲ አማኑዋ ባይዜድና።

20 ጸሳ ቦርያዋ አጋና ማላ፡ ሄዋ ታምርሱው ታን ቤዳናው አሳ እሜዳ ሄመንዮስን አስክንድር ኡንቲንቲ ግደን ደኤና።

### 2

ዎሳ ጎልያ ዎሳ

1-2 ኑን ጸሳ ማላትያዎን፣ ጌሻተላ ኡባን፣ ሳርተላንን አሽከተላን ደእና ማላ፣ አሳ ኡባው፣ ካተቶን ሱንላተላይ ደእያ ኡባቶ፣ ጸሳ ኦቻናው፣ ዎሳናው፣ ጋናታናውን ጋላታናው በሰያዎ ኡባባ፣ ካሳታይ ታን ኔና ኤርሳይ።

3-4 አሳይ ኡባይ አታናዳንን ቱማተላ ኤራናዳን ኮይያ ኑና አሽያ ጸሳ ሰንላን ሀዌ ሎእያባን ናሽቶያዎ።

5 እያው ጎፕ፣ እት ጸሳይ ደኤ፤ ጸሳፕን አሳፕ ግዳዎን ግዳዳ ጋናቶያ እቱ ደኤ። ሄዌካ ክርሰቶሰ የሱሳ ግያ አሳ።

6 እ አሳ ኡባ ዎዛናው ባረና ኡባው እሜዳ። ጸሳይ ባረ ዎድያን አሳ ኡባ ዎዛናው ኮይያዎ በሰያ ማርካይ ሀዎ።

7 ታን ጸሳ ቃላ ኦድያዎ፣ የሱሰ ኪቱዳዎን ቃይ እማኑዎንን ቱማተላን እይሁዳ ግድና አሳ ታማርሰያዎ ግዳደ ሱጊ፣ቱዳዌ ሀዎሳ። ታን ዎርዶትከ፤ ቱሙዎ ሃሳያይ።

8 ሄዎ ድራው፣ ኡባ ሳን ደእያ አቱማ አሳይ ሀንቁን ፓሉሚ ባይናን፣ ባረ ጌሻ ኩሽያ ፑደ ደንላደ፣ ጸሳ ዎሳናዳን፣ ታን ኮያይ።

9-10 ሄዎዳን ቃይ ማጫዎንቱካ በሰያ ማዩዎ ያሻተላንን ባረንታ ዎድያዎን ማይና። ጸሳው ያያይ ግያ ማጫ አሳ በሰያዎዳን፣ ሎኦባ ኦልያዎናፕ አትን፣ ሁጲያ ሹሩባ ዳድያዎን፣ ዎርቃን ዎይ እንቁዎን፣ ዎይ ዳር አልኦ አፍላን ባረና አሌቁሶፕና።

11 ማጫውና ኡባባን ሞደታድ፣ ጮኤ ጋደ ታማሩ።

12 ታን ማጫውና ጮኤ ጋደ ደኤ ጋይፕ አትን፣ አቱማ አሳ ታማርሱነ ዎይ ኡንቱንቱ ቦላ አዎቱ ጊከ።

13 እያው ጎፕ፣ አዳም ኮይሮ መፍቱዳ፤ ሄዎና ጉየፕ መፍታዳ።

14 ሄዎና ጭመታይ ጸሳ ሀግያ መንላዳ፣ፕ አትን፣ እዳም ጭመትቤና።

15 ሽን ማጫውና አማኑዎን፣ ሰቁዎን፣ ጌሻተላንን ባረና ሞዳደ ደኤ፣ ናና የልያዎን አታና። \*

### 3

ዎሳ ጎልያ ካለላያዎንታ

1 ኦንን ዎሳ ጎልያ ካለላያዎ ግዳናው ኮዮፕ፣ ሎኦባ አሞቱዳ ግያ ሃሳያይ ቱማ።

2 ዎሳ ጎልያ ካለላያ ኡራይ ቦርሰናዎ፣ እት ማቻት ጸላላይ ደእያዎ፣ ባረና ሞድያዎ፣ ባረና ናግያዎ፣ ባረው በሰያዎ ኦልያዎ፣ እማላ ሞክያዎ፣ ታማርሳናው ዳንዳይያዎ።

3 ማሳተናዎ፣ አሽከተላፕ አትን ዎላቀተናዎ፣ ፓሉመተናዎ፣ ሻሉዎ ሰቁናዎ።

4 ናናይ አው አዛዘትያዎን ቦንቶያዎ፣ ቃይ ባረ ጎልያ እይሳናው ዳንዳይያዎ ግዳናው በሴ።

5 እያው ጎፕ፣ እት ኡራይ ባረ ጎልያ እይሳናው ዳንዳይያዎ ግዳፕ፣ ጸሳ አማንያዎንታ ዎት እይሳናው ዳንዳይያዎ?

6 አቶሩዎን ሱጊቱድ፣ ጸላህያ ካቱ ጸሳ ፕርዳን ኩንዳዳዎዳን ኩንደና ማላ፣ ኦራላ አማኔዳ አሳ ግዳናው በሰና።

7 ጸላህያ ካቱዎ ቦርያንን ጸርያን ገለና ማላ፣ ሄ ኡራይ ዎሳ ጎልያፕ ካረና ደእያ አሳን ናሽቶያዎ ግዳናው በሴ።

ዎሳ ጎላን ማድያዎንቱባ

8 ሄዎዳን ቃይ ዎሳ ጎልያ ማድያዎንቱ አሳይ ቦንቶያዎንታ፣ ላኤ ዶና ሃሳየናዎንታ፣ ዳር ዎይን ኤሳ ኡሽናዎንታ፣ ሚሻው ያረተናዎንታ።

9 አማኑዎ ጸራ ጌሻ ዎዛና ቆፋን ናግያዎንታ ግዳናው በሴ።

10 ሄዎንቱ ካሰቲደ ፓጫታናው ኮሼ። ፓጭያ አዲዎፕ ጉይያን፣ ዎሳ ጎላን ኦልያዎንታ ግዳደ አላ።

11 ሄዎዳንቱ ቃይ ኡንቱንቱ ማቻቱ አሳይ ቦንቶያዎንታ፣ ዘግረናዎንታ፣ ባረና ሞድያዎንታ፣ ኡባባን አማኑትያዎንታ ግዳናው በሴ።

12 ዎሳ ጎልያ ማድያዎ እት ማቻት ጸላላይ ደእያዎን ቃይ ባረ ናናን ባረ ጎልያ ሎይላ አይሰያዎ ግዳናው በሴ።

13 እያው ጎፕ፣ ዎሳ ጎልያ ማድያዎንታ ግዳደ፣ ሎኦ ኡሱዎ ኦልያዎንቱ ባረንቱ ሁጲው ዎልቃማ ቦንቶዎ ደሚኖ፤ ቃይ ክርሰቶሳ የሱሳን ባረንቶ ደእያ አማኑዎ ሎይላ ጸሊደ ሃሳያናው ዳንዳይያዎ።

ዎልቃማ ጸራ

14 ታን ኔኮ ኤላካ ባና ጋደ ሀዎ ነው ጸፋይ።

15 ሽን ታን ቤናን ጋምኦፕ፣ ጸሳ ጎላን ኔን ዎታ ደእናው በሰንቶ ኡራና ማላ ጸፋይ። ሄ ጎሊ ቱማተላው ቱሳን ባሶ ግድያ ደኡዎ ጸሳ ዎሳ ጎልያ።

16 ኑ አማኑዎ ጸራይ ዎልቃማ ግድያዎ ኦንን ሰቆናው ዳንዳይያዎ።

ክርሰቶሰ አሹዎን ቆንጩዳ፤

እ ጸሉዎ ግድያዎ ጌሻ እያናይ ማርካቲዳ።

ኪታንቻቱካ አ በኤድኖ፤ እይሁዳ ግደና አሳይ አባ ኦድና ሰሴዳ።

ሳኦን ደእያ አሳይ አ አማኔዳ፤ ቦንቶዎን አ ሳሉዎ ቤዳ።

### 4

ዎርዶ አስታማራቱዎ

1 እት እት አሳይ ዉርሰላ ዎድያን አማኑዎ አጋናዎ ጌሻ እያናይ ቆንጭያን ኦዳዳ። ኡንቱንቱ ዎርዶ እያናይ አዛዘታና፤ ቃይ ጸላሁቱዎ ትምርትያ ካላና።

2 ሀዎ ማላ ትምርቲ፣ ትላ ዎዛና ታማን ቦንቁዳ ብራታን ጉዳዳዎዳን ደንጭሌዳ ዎርዶ አሳቱዎ ባጋና ዬዳ።

2:13 ደመላ 2:7፣ 21-22      2:14 ደመላ 3:1-6      \* 2:15 ናና የልያዎን አታና- ናና የልያዎን ናገታ ደእና ጉሳ። 3:2 ቲቶ 1:6-9

3 ሀዋንቱ ማላ አሳቱ እክያዋን ገልጻዎ ቃይ እት እት ቆሞ ካሳ ምያዎ ድጊኖ። ሸን አማንያዋንቱን ቱማተላ ኤርያዋንቱ ጸሳ ጋላቲዳዋጥ ጉይያን ማና ማላ፡ ጸሳይ ካላ መዲዳ።

4 እያወ ጎጥ፡ ጸሳይ መዲዳባይ ኡባባይካ ሎእ። ጸሳ ጋላቲዳ እኮጥ፡ ኦላትያዌ እያይነ ባዎ።

5 እያወ ጎጥ፡ ሄ ኡባባይ ጸሳ ቃላንን ዋሳን እንጀቱዳዎ።

ክርስቶሳዉ ሎኦ ኦሳንቻ ግድያዎ

6 ሄዎ ድራዉ፡ ኔን እሻቱዎ ሄዎ ሀሳይሰያዎ ግደጥ፡ እማኑዋን ኔን ካሌዳ ሎኦ ትምርትያ ቃላን ኤቆጥ ኔን ክርስቶሰ የሱሳዉ ሎኦ ኦሳንቻ ግድናሳ።

7 ሸን አማንያ አሳዉ ሎኤና ሃሳያጥን ቃይ ጭማ ማጫ አሳ ቶሳጥ ባቃታ። ቃይ ጸሳ ማላትያዋን ኔና ሎሀሳ።

8 እያወ ጎጥ፡ አሳይ ባረ ቦላ ምንሰያዌ ላፋ ጎኤ። ሸን ጸሳ ማላትያዋን ሎሀሰያዌ ሀእካ ሰንሳጥካ ደኡዎ አማና ግያ ድራዉ፡ ኡባባዉካ ጎኤ።

9 ሀ ሃሳያይ አሳይ ኡባይ አካናዉ በሰያ ቱሙ ሃሳያ።

10 ኩን ሄዎ ደማናዉ ዳቡሬቶን ሎይሐ ኦሌቶ፤ ሄዎ ኩን ሀይታ ዎሌዳዌ አሳ ኡባ፡ ኡባጥ አሌዳ፡ አማንያዋንታ እሸያ ደኡዎ ጸሳ።

11 ሀዎ አዛዛነ ታማርሳ።

12 ኔን ያላጋ ግድያ ድራዉ፡ ኔና ኦንን ካዲፖ። ሸን አማንያዋንቶ ነ ሃሳያን፡ ሀኖተላን፡ ሰቁዋን፡ አማኑዋንን ጌሻተላን ለምሱዋ ግዳ።

13 ታን ያና ጋካናዉ አሳዉ ጸሳ ማጸፋ ናባብያዋን፡ ጸሳ ቃላ ኦድያዋንን ታማርሰያዋን ምና።

14 ትምቢትያ ኦድያዋንቱ ሃሳይናን ጭማቱ ባረንቱ ኩሸያ ነ ቦላ ዎሐና፡ ኔን እኬዳ፡ ኔናን ደእያ ጌሻ እያና እምዎ ቶቾጥ።

15 ነ ድቻይ አሳ ኡባዉ ቆንጫና ማላ፡ ሄዎ ምንሳ ቆገ። ሀዎ ኡባ ዎደ ኦላ።

16 ነ ሀጺያን ነ ትምርትያ ናጋ። ኔን ሄዎ ኦሎጥ፡ ኔናን ኔን ግያዎ ሰሰያዋንታ እሸያ ድራዉ፡ አገናን ኦላ።

### 5

እምኤቱዎ ዘሬዳ ዘርያ

1 ጭማ አሳ ነ አባ ቦንቶያዎዳን ቦንቻጥ አትን፡ ቶቾጥ። ያላጋቱዎ ነ እሻዳን።

2 ቃይ ጭማ ማጫ አሳ ነ አተዳን፡ ያላጋ ማጫ አሳ ነ ምቻቲዳን፡ ኩሙንላ ጌሻተላን ቦንቻ።

3 ባረ ጸላላ ግዴዳ ቱሙ አምኤቱዎ ቦንቻ።

4 ሸን አምኤትዉ ናናይ ዎይ ናና ናናይ ደኦጥ፡ ሄ ናናይ ጸሳ ማላትያዎ ባረንቱ ሶይ

አሳ በሰያዋንን ቃይ ሄዎ ኦሌያዋን ባረንታ የሌዳዋንቱ ኩሸያ ዛርያዎ ታማርና። እያወ ጎጥ፡ ሄዎ ጸሳ ናሽቶያዎ።

5 እያ ማዲካ ባይና ባረ ደእያ ቱሙ አምኤታ ጸሳይ አማና ጋይ ናሽቻን ናጋ ኡታዱ። ቃይ ጋላሰን ቃማ ጸሳይ እዞ ማዳና ማላ፡ ዎሳዉን ኦቻ።

6 ሸን ባረና እሻልሰያ አምኤታ ገጸ ደኦጥካ፡ እዛ ሀይቃድጋዱ።

7 ቃይ ኦንን ኡንቱንታ ቦረና ማላ፡ ሀ አዛዙዎ አማ።

8 ሸን ባረንቱዎ ቃይ ኡባጥ አሌዳ፡ ባረ ሶይ አሳዉ ቆጥና ኡራይ ኦናን ግደጥ፡ ሄዎ ባረ አማኑዎ ካዴዳዎ። አማና ኦሳጥካ ኦዲደ አዉ ኤታ።

9 ኡሱቱን ታሙ ሳይላይ ኩምቤና አምኤት ሱንላ ማዘንብሰን ጸፎጥ። ሄዎ ቦላን ቃይ እዛ እት እሰናጥ ሀራ ገላቤናዉና ግዳናዉ ኮሼ።

10 ናና ድቶያዋን፡ አማላ ሞክያዋን፡ ጌሻቱዎ ገድያ ማጭያዋን፡ ዎየቲዳ አሳ ማድያዋን፡ ሎኦ ኦሱዎ ኡባ ካልያዋን፡ ሀ ሎኦ ኪታ ኪተትያዋን ኤረቲዳዉና ግዳናዉ በሴ።

11 ሸን ያላጋ አምኤቱዎ የኮንቱ ሱንላና ጋላ ጸፎጥ። እያወ ጎጥ፡ ኡንቱንቱ ባረንታ፡ አሰና ገላ ገላ ግያ ዎደ፡ ክርስቶሳ አጋናዋንታ።

12 ኩይር አማኑዎ ካዴዳ ድራዉ፡ ኡንቱንቱ ጥርደታና።

13 ሄዎ ባይናን ኡሱዎ ጻዱደ እት ጎልያጥ ሀራ ጎልያ የዱደ፡ ሀመትያዎ ሳላላ ግደናን፡ ባረንቶ በሰናባ ሃሳዱደ፡ ዘግርሳን የዉዋን ጮ ገልጻዎ ታማሪና።

14 ሄዎ ድራዉ፡ ኦ ሞርከቱ ኦ ቦላ ሃሳይያ ኤታባ ደመና ማላ፡ ያላጋ አምኤቱ አሰና ገሊደ፡ ናኦ የሊደ፡ ባረንቱ ጎልያ እይሳና ማላ ዘራይ።

15 እያወ ጎጥ፡ ሀዋጥ ካሰ አማሬዳ አምኤቱ ሴጻና ካላናዉ አጊደ ጉየ ሰሚድና።

16 አማንያ ምሽራትዉ ሀቃንካ ዳቦ አምኤቱ ደኦጥ፡ እዛ ኡንቱንታ ማዳናዉ በሴ። አማንያ አሳቱ ማዲ በሰያ ቱሙ አምኤቱዎ ማዳና ማላ፡ ኡንቱንቱ አማንያዋንቶ ቶኮ ግደጥና።

17 ሎይሐ ሄምያ ጭማቱ፡ ቃይ ኡባጥ አሌዳ፡ ቃላ ኦድያዋንን ታማርሰያዋን ዳቡርያዋንቱ፡ ዳኮ ቦንቹዎ አካናዉ በሲና።

18 እያወ ጎጥ፡ ጸሳ ማጸፋይ፡ “ኡዲማን ካላ የድያ ቦራ ደና ቃቾጥ” ቃይ፡ “ኦሳንቻይ ባረ ድርጉዎ አካናዉ በሴ” ያጌ።

19 ለኡ ዎይ ሄዙ ማርካይ ባይናን፡ ዎሳ ጎልያ ጭማ ሞትያዎ ሰሶጥ።

20 ሀራቱ ያያና ማላ፡ ናጋራ ኦሌያ ኡባቱዎ አሳ ኡባ ሰንሳን ሴራ።

21 ኔን እይነ አሳ ዴሙዎ ጸለናን፡ እቱዎ እቱዋጥ ዲማየናን ሀ አዛዙዎ ናጋና ማላ፡ ጸሳንን የሱሰ ክርስቶሳን ደረቲዳ ኪታንቻቱዎ ሰንሳን ኔና ታን ዘራይ።

22 ኦ ቦላንን ኤሌላደ ነ ኩሸያ ዎላጥ። ሀራቱዎ ናጋራን ገሎጥ። ኔና ጌሻተላን ናጋ።

23 ኔን ኡባ ዋደ ሳከትያ ድራውነ ነ ኡሉዋ ድራው፤ ጉሳ ዋይንያ ኤሳ ኡሻፕ አትን፤ ሃላ ጸላላ ኡሻፓ።

24 እት እት አሳቱዋ ናጋራይ በአናው ቆንጨ፤ አንቱንቱ ናጋራይ አንቱንታ ፕርዳናው አንቱንቱ፤ ሰንሳዊ አይ። ሽን ሀራቱ ናጋራይ ነየፕ ቆንጨ።

25 ሃዋዳንካ፤ ሎኦ ኦሱካ ቆንጨ። ቆንጭቤናባ ግደፕን፤ ጌማናው ዳንዳየና።

### 6

አይለቶ እመቴዳ ዘርያ

1 ጸሳ ሰንሳይነ ኑ ትምርቲ ቦረተና ማላ፤ አይለተሳ ሞርገ ሞሳ ግደን ደእያዋንቱ ባረና ሞድያ ጎዳቶ ቦንቹ በሰያዋ ኤርና።

2 አማንያ አሳ አይልያ ግዴዳዋንቶ አንቱንቱ ጎዳቱ አንቱንቶ እሻ ግድያ ድራው፤ አንቱንታ ካጹፕና። ሽን ባረንቱ ኪታን ጎኡትያዋንቱ አንቱንቱ ሰቅያ አማንያዋንታ ግድያ ድራው፤ አንቱንቱ ካሰዋፕ አላደ አላናው በሴ።

ዋርዶ ትምርትያን ቱሙ ዲረተላ

ኔን ሀ የዋቱዋ ታማርሳናውነ ኦዳናው በሴ።

3-4 ኦንነ ዲማ ትምርትያ ታማርሰያዋ ግደፕ፤ ቃይ ኑ ጎዳ የሱሰ ክርሰቶሳ ቱሙ ቃላናን ኑ አማኑዋ ትምርትያና ጋከተና ኡራይ ዳር ኡቶረቲ፤ አይነ ኤረና። ቃይ ቃላ ቦላን ፓሉመታናውነ ዋላቀታናው አንቱንቶ ገገና ቆፋይ ደኤ። ሃዌ ቃናትያ፤ ፓሉማ፤ ቦርያ፤ ኢታ ሰጵያ ካለሌ።

5 ቃይ አንቱንቱ ሀጺ አፍ። ቱማተላይ ባይና አሳቱዋናካ ፓሉማ ካለሌ። አንቱንቱ ጸሳ ማላትያዋን ዲረተና ጊደ ቆፕና። ኔን ሃ አሳቱዋፕ ሻከታ።

6 ሽን ታው ደእያባይ ታው ግዳና ግያ ኡራ ጸሳ ማላትያዋ ዲረቤ።

7 አያው ጎፕ፤ ኑን ሀ አላምያ አይነ አሀበይኮ፤ ቃይ አፕ አይነ አፎኮ።

8 ሽን ሞያባይነ ማይያባይ ደኦፕ፤ ሃዌ ኑው ግዳናዋ።

9 ሽን ዲረተናው ኮይያዋንቱ ፓጭያንነ ጸርያን ገለፍ፤ ቃይ ዳር አሳ ባሻውነ ጳዮ ጎኙ አፍያ ዳር ኤያነ ቆህያ አሙዋን ከንዲና።

10 አያው ጎፕ፤ ሻሉዋ ሰቅያዋ ኢታተላ ኡባው ፑልቱዋ። እቱ እቱ ሃዋ አሞቲደ፤ አማኑዋፕ ባለቲደ፤ ዳር መቱዋን ባረንታ ቆሄድና።

ጳውሎስ ጽሞቶሳ ዘራዳ ዘርያን አዛዜዳ አዛዙዋ

11 ሽን ኔና፤ ጸሳ አሳው፤ ሃዋፕ ባቃታ። ጽሎተላ፤ ጸሳ ማላትያዋ፤ አማኑዋ፤ ሰቆዋ፤ ዳንዳያን አሽከተላ ካላ።

12 አማኑዋ ባጽያ ሎይላ ባጸታ። ዳር አሳ ሰንሳን ሎኦ ማርካ ማርካታደ፤ ኔና ጸሳይ ጴሴዳ መጵና ደኡዋ ኦይቃ።

13 ኡባባው ደኡዋ አምያ ጸሳ ሰንሳን፤ ቃይ ጸንጹናውያ ጽላጸሳ ጌተትያ ጋድያ ሞድያዋ ሰንሳን ሎኦ ማርካ ማርካታደ ክርሰቶስ የሱሳ ሰንሳን ታን ኔና ሀዋ አዛዛይ።

14 ኑ ጎዳ የሱሰ ክርሰቶስ ቆንጫና ጋካናው፤ ቅታይ ባይናንነ ቦሪ ባይናን ሃ አዛዙዋ ናጋ።

15 አ ቆንጨላ፤ እት ሱንሳይ ደእያ አንጀቱዳ ጸሳይ፤ ካታቱዋ ካቲ፤ ጎዳቱዋ ጎዳይ፤ ባረ በሰያ ሞድያን በሳና።

16 ሀይቆናዊ እት አ ጸላላ። ኦንነ አኮ ሺቃናው ዳንዳየና ፖኡዋን ደኤ። ኦንነ አ በእቤና፤ ቃይ በአናውካ ዳንዳየና። ቦንቹነ መጵና ዋልቃይ አው ግደ። አመንአ።

17 ሀአ ሀ ሞድያን ዲረ ግድያዋንቱ ኡቶረተናዳንነ ቃይ ኑን ናሽታናዳን፤ ኡባባ ፓላሀሲደ ኑው አምያ ደኡዋ ጸሳን አማንታናዋፕ አትን፤ እጵያ ዲረተላን አንቱንቱ አማንተናዳን፤ አንቱንታ አዛዛ።

18 አንቱንቱ ሎኦባ ኦላናዳን፤ ሎኦ ኪታን ዲረተናዳን፤ ኬክያዋንታን ሀራቱዋና ሻክ አክያዋንታ ግዳናዳን አዛዛ።

19 ሃዋ ያትያዋን አንቱንቱ ሰንሳው ባረንቶ ሞና ባሰ ግድያ ሻሉዋ ባረንቶ ሺሽና። ሃዋፕ ጉይያን፤ አንቱንቱ ቱሙ ደኡዋ አካና።

20 ጽሞቶሳ፤ እት እት አሳይ ባላን ኤራተላ ግያ ኤያ ፓሉምያፕነ መላ ሃሳያፕ ባቃታደ፤ ነው አመቴዳ ሀዳራ ናጋ።

21 አያው ጎፕ፤ እቱ እቱ ኑው ኤራተላይ ደኤ ያጊደ፤ አማኑዋ ባሌድና።

ጸሳ አጼ ኬካተላይ ህንተናና ኡባና ግደ።



# ጳውሎስ ጽሞቶሳው ጳፌዳ ላኤንሶ ኪታ ገሉቀ

ሀዌ ጳውሎስ ጽሞቶሳው ጳፌዳ ላኤንሶ ኪታይ፣ ጳውሎስ ማታ ባረና ማድያን ኦሱቀ ባረናና እትፕ ኦሳያ ዋዳላ፣ ጽሞቶሳ ዘሬዳ ዘርያ ኦሪቁዳዎ። እ ዘርያፕ ዳርያ ባገይ ዳንዲያን ገንጫና በሴ ግያዎ። ጽሞቶሳው ዘርያን መንግሥቱ ቃላይ እመቲዳዊ፣ የሱስ ክርስቶሳባ አማነትያዎ ግዲደ ማርካታናዳን፣ ምሽራቸዎ ቃላነ ኤጫ ቃላ ጫቁዎ ትምርትያ ምንሲደ ኦይቃናዳን መትያባይነ ኤቀትያባይ ዳርፕካ ታማርሰያዎን ምሽራቸዎ ቃላ ኦድያዎን ምናናሳ።

ጽሞቶሰ ኤያተላን ኦሰትያ ፓና መላ ፓሌማፕ ሃካና ማላ፣ ዲማ ምኖ ኦዲ እዉ ኦይቲዳ። እያው ጎፕ፣ ሄዎ ማላ ኦዲ ሰሰያዎንታ ባይዘያዋፕ አትን፣ ሀራ እ እምያ ጎእ ባዎ።

ሄዎን ኡባን ጽሞቶሰ ሀሳያናው በሰያባይ ጳውሎሳ ደኡቀን እ ሀናታ ሎኦ ቆፋ፣ ሄዋፕካ እ አማኑዎ፣ እ ገንጨዎ፣ እ ሰቁዎ እ ዳንዲያን የደሳን እ ጋኬዳ መቱዎ ለምሱቀን ካላናዳና።

## ሸምፓቱዎ ኡባቶ እመቲዳ ቃንሳ ቆፋቱዎ ገሉቀ 1:1-2

ጽሞቶሳው እመቲዳ ማቁዎ 1:3—2:13  
አሳይ ካድያ ዎደ አማነት ቤቱሳ 2:14—4:5

ሄ ዎደ ደእያባቱዎን ኮሽያ ካለሉያ ኦጋቱዎ 4:6-18

ወርሰሳ ቁትያ 4:19-22

1 ታን ጳውሎስ፣ ጳሳይ እማና ጌዳ ክርስቶስ የሱሳና ኑዉ ደእያ ደኡዎባ ኦዳናው፣ ጳሳይ ጌዳዎዳን፣ ክርስቶስ የሱስ ከቲዳዊ፣  
2 ታ ሲቆ ናእ ጽሞቶሳው ሀ ዳብደቢያ ጸፋይ።

ጽሞቶሳው እመቲዳ ዘርያ  
ጳሳ እዉዋፕነ ኑ ጎዳ ክርስቶስ የሱሳፕ፣ እዲ ኬካተላይ፣ ማርተላይነ ሳርተላይ ነዉ ግደ።

3 ታ ዛራቱ ኦሌዳዎዳን፣ ታንካ ታና ዘርያ ጌሻ ዋዛናፕ ኦሳያ ጳሳ ቃማን ጋላስ ዎስያ ዎሳን ኡባ ዎደ ኔና ሀሳይያ ድራው፣ እ ጋላታይ።

4 ታን ነ እርሳ ሀሳያ ሀሳያደ ናሽታና ማላ፣ ኔና በእናው ዳር ላሞታይ።

5 ኔናን ደእያ ዎርደ ባይና አማኑዎ ሀሳያይ። ሄ አማኑ በን ነ ዳይ ዳይ ሎይድን ነ ዳይ ኤዉኒቅን ደእያ አማኑዎ ማላ፤ ቃይ ኔናንካ ሄዎ ደእያዎ ኤራድ።

6 ሄዎ ድራው፣ ታን ታ ኩሽያ ላኡዎ ነ ቦላ ዎሌዳ ዎደ፣ \* ጳሳይ ነዉ እሜዳ እሙዎ ኔን ደሽሰና ማላ፣ ኔና ሀሳይሳይ።

7 እያው ጎፕ፣ ጳሳይ ኑዉ ዎልቃ፣ ሰቁዎን ኑ ሁጲያ ናግያዎ እምያ ጌሻ እያና እሜዳፕ አትን፣ ያሻ እያና እምቤና።

8 ሰም፣ ኑ ጎዳው ማርካትያዎን ዎይ እ ድራው ቃሹዎን ደእያ ታዎንካ ዬላቶፓ። ሽን ጳሳይ ነዉ እምያ ዎልቃ ኬናን ታናና ምሽራቸዎ ቃላው ዋየታ።

9 ጳሳይ ባረ ቆፋንነ ባረ እዲ ኬካተላን ኑና አሺደ፣ ባረ አሳ ኦሳናው ጴሶፕ አትን፣ ኑን ኦሌዳ ኦሱቀ ድራው ግደና። እ ሀ እዲ ኬካተላ ክርስቶስ የሱሳ ባገና ዎዲ ደመታናፕ ካሰ ኑዉ እሜዳ።

10 ሽን ሀእ ሀ እዲ ኬካተላይ ኑና አሽያ ክርስቶስ የሱሳ ዩሳን ኑዉ ቆንጩዳ። ቃይ ሀይቁዎ ዎልቃካ እ ዳይሴዳ። ዎንጋላ ምሽራቸዎ ባገና ባየና ደኡዎ ኑዉ ቆንጩሴዳ።

11 ታን የሱስ ከቲዳዎን እይሁዳ ግደና አሳ ታማርሰያዎ ግዳደ፣ ዎንጋላ ምሽራቸዎ ኦዳና ማላ፣ ጳሳይ ታና ደሬዳ።

12 ቃይ ታን ሀ መቱዎ አክያዌ ሄዎ ድራሳ። ሽን ታን አማኔዳዎ ኤርያ ድራው፣ ዬላትከ። ቃይ እ ታው እሜዳ ሀዳራ ሄ ጋላሳይ ጋካናው፣ እ ናገናው ዳንዲይያዎ ኤራይ።

13 ታን ኔና ታማርሴዳ ቱሙ ቃላ ለምሱቀ ኡዳ ኦይቃይ፣ ክርስቶስ የሱሳን ኑዉ ደእያ አማኑዎን ሰቁዎን ደእ።

14 ኑ ግደን ደእያ ጌሻ እያና ባገና ነዉ ሀዳራ እሜዳ ሎኦ ባፓ።

15 ኢሰያ ግያ ቢታን ደእያ ኡባቱ ታፕ ባቃቲዳዎ ኤራሳ፤ ኢንቲንቲ ግደን ፕገሉሰነ ሄርሞጌስ ደኢኖ።

16 ሄነሰፎሬ ታና ዳር ዎደ መንግሥቱ ድራው፣ ጎደይ አ ሶይ አሳው ማርተላ እሞ። ቃይ ታን ቃሻ ጎላን ደእያዎ እ ዬላትቤና።

17 ሽን ሮመ ግያ ካታማ ጋኬዳሳና ታና ሎይሳ ኮዲደ ደሜዳ።

18 ሄ ጋላስ ጎዳፕ ማርተላ ደማናዳን፣ ጎዳይ እዉ እሞ። ቃይ ኤፈሶና ግያ ካታማን እ ታና እይ ኬና ማዴደንቶን ኔን ሎይሳ ኤራሳ።

## 2

ክርስቶሳው ሎኦ ዎታዳራ ግዲደ መቱዎ አክያዎ

1 ሰም ታ ናእው፣ ክርስቶስ የሱሳን ደእያ እዲ ኬካተላን ምና።

2 ቃይ ዳር ማርካቱ ደእያ ሳን ታፕ ኔን ሰሴዳ የዎቱዎ ሀራቱዎ ታማርሳናው ዳንዲይያ አማነቲዳ አሳቶ ሀዳራ እማ።

3 ክርስቶሳ የሱሳው አማነቲዳ ዎታዳራዳን፣ ታናና ዎየታ።

\* 1:6 ታን ታ ኩሽያ ላኡዎ ነ ቦላ ዎሌዳ ዎደ- ሀዌ በሰያዎ፣ አማንያ አሳ ካለላናዳን ጌሻ እያናይ ኦሶ ዳርና ቱማተላን ካለሉያዎንቱ ቃላ ኦዳናው ዎይ ታማርሳናው ጳሳይ ኦኬዳዎንቱ ቦላን ባረንቱ ኩሽያ ዎሌደ ዎስያዎ በሴ። 1 ጽሞ። 1:4 ጴልተ።

4 ኦላ ብያ ዎታዳራይ ባረ ካፑዋ ናሸቻናው፡ ዎታዳራ ግደና አሳይ ኦላያ ኪታን ዋላከተና።

5 ቃይ ዎላን ኬሰትያ ኡራይካ ዎጋዳን ዎጻና ቆየ፡፡ ዎይታ አከና።

6 ዳር ዳቡሪይ ኦሌዳ ቢታ ጎሽያ ብታኒ ሸቄዳ ካላፕ ባረና ጋክያዋ ኮይሮ አካናወ በሴ።

7 ኔን ኡባባ አከካናዳን፡ ጎዳይ ኔና ዳንዳይሳና ድራው፡ ታን ግያዋ ቆፓ።

8 ታን ዎንጋላ ሞሽራቹዋ ኦድያዎዳን፡ ሀይቁዋፕ ደንዴዳ ዳዊተ ዛርያ የሱሰ ክርሰቶሳ ቆፓ።

9 ታን ዎንጋላ ሞሽራቹዋ ኦድያ ድራው፡ ኢታባ ኦሌዳዎዳን፡ ሀራይ አቶ ቃሸታና ጋካናወ ዎየታይ። ሸን ጸሳ ቃላይ ቃሸተና።

10 ሄዎ ድራው፡ ታን ጸሳይ ደራዳ አሳቲካ ክርሰቶሰ የሱሳን ደእያ አቶተላ መድና ቦንቹዋና ደማናዳን፡ ኡንቲንቲ ድራው፡ ታን ኡባባን ዎየታይ።

11 ሀዌ፡  
“ኡን አናና እትፕ ሀይቁዳዎ ግደፕ፡  
አናና እትፕ ደአና።

12 ኡን ገንጮፕ፡  
አናና እትፕ ካተታና።  
ኡን አ ካደፕ፡  
አካ ኡና ካዳና።

13 ኡን አማነተናን አጎፕካ፡  
አ አማነትያዎ ግዲደ ደአናዎ።  
አያወ ጎፕ፡ አ ባረና ባረ ሀጸወ  
ኤርከ ጋናወ ዳንዳየና”  
ግያዌ ቱሙ ሃሳያ።

ምኖ ኦሳንቻ

14 ኔን ነ አሳ ሀዎ ሀሳይሳ፤ ኡንቲንቲ ቃላን ፓሌሙተና ማላ፡ ጸሳ ሰንሳን ዞራ። ሄዌ ሰሰያ አሳ ባይዘያዎፕ አትን፡ አይነ ጎኤና።

15 ኔን ጸሳ ቱማተላ ቃላ ሱረተላን ኦድያዎን ቃይ አ ኦሶ ዬላተና ኦሳንቻ ግዳደ፡ ጸሳይ ሳቢያ አሳዳን፡ ነ ሀ-ጸያ ጸሳወ እማናወ ምና።

16 ሸን ሀ ሳአወ እንጀትያ ማደና ሃሳያፕ ኔና ናፓ። አያወ ጎፕ፡ ሄዌ ጸሳፕ አሳ ሃሴ።

17 ቃይ ኡንቲንቲ ታማርሰያዌ ቦላ ጭቱዎዳን ኡባሳ ጋካናሳ። ሄ ታማርሰያዎንቲ ላአቲ ሄመነዮሳን ፕሊጸሳ።

18 ኡንቲንቲ ቱሙዋ ኦግያ አጊደ፡ “ሀይቁዋፕ ደንድያዌ ካሰ አድድጌዳ” ያጊደ አማራዳ ለማንያ አሳቲዋ አማኑዋ ባይዚኖ።

19 ግደፕካ፡ ጸሳይ ኤሴዳ ምኖ ቱሳይ ቃጻና ዳንዳየና። ቃይ አ ቦላን፡ “ጎዳይ ባረዎንታ ኤሬ”፤ ቃይ “ጎዳዎ ግድያ ኡን ኢታ ኦሶዋ አጎ” ያግያ ቃላቲ ጸፈቴድኖ።

20 እት ዎልቃማ ጎለን ዎርቃፕነ ብራፕ መፍቲዳ ሚሻ ጸላላ ግደናን፡ ሞሳፕነ ኡርቃፕ መፍቲዳ ሚሻቲካ ደአኖ። ሄዎንቲፕ ባጋቲ

ቦንኛ ኦሶዋ ኡንቲንቲን ኦሳናው፡ ቃይ ባጋቲ ቶሸትያባ ኡንቲንቲን ኦሳናወ መፍቲድኖ።

21 ሄዎ ድራው፡ ኡን ሀ ኢታባ ኡባፕ ባረና ጌሾፕ፡ አ ባረ ጎዳ ጎእያ ኦሶዋ ኦሳናወ ባረና እሜዳ ድራው፡ ቦንኛ ኦሶዋ ኦላያ ሚሻ ግዳናዎ። ቃይ ሎኦ ኦሶዋ ኡባ ኦሳናወ ጊፕቲዳዎ ግዳናዎ።

22 ሸን ኔን ኢታ ዎዳላተላ አሙዎፕ ባቃታ። ባረንታ ማዳናወ ጌሻ ዎዛናፕ ጎዳ ጴሰሰያዎንቲና እትፕ፡ ጽሎተላ፡ አማኑዋ፡ ሲቆተላን ሳርተላ ምንጎዳ ካላ።

23 ሸን ኤያቱዋ ፓሌሚ ኦይነ ኤረናዎንቲ ፓሌሚ ዋላሳ ካለላያዎ ኤራደ አፕ ባቃታ።

24 ጎዳ ቆማይ ኡባወ ኪክያዎ፡ ሎይላ ታማርሰያዎን ዳንዳያንቻ ግዳናወ በሴፕ አትን፡ ዋላቃታናወ በሰና።

25 ቃይ አ ባረና እጽያዎንታ አሸከተላን ሲርያዎ ግዳናወ በሴ። ኡንቲንቲ ባረንቲ ናጋራፕ ሰሚደ፡ ቱማተላ ኤራናዳን ጸሳይ ኡሳንቲ፡ ኡን ኤር።

26 ቃይ ኡንቲንቲ ባረንቲ ዎዛና ቆፋወ ሰሚደ፡ ኡንቲንታ ባረ ኮይደባወ አዛዘታና ማላ ኦይቄዳ ጸላህያ ካፑዋ ዳባፕ ከሰ አካና።

3

ወርሰላ ጋላሳቲዎን ሀናናወ ደእያ ኢታ የዎቱዎ

1 ሸን ወርሰላ ጋላሰ ዎይሰያ ዎዲ ያናዎ አከካ።

2 አያወ ጎፕ፡ አሳይ ባረና ሲቅያዎንታ፡ ሻሉዋ ሲቅያዎንታ፡ ጨቀትያዎንታ፡ አይያዎንታ፡ ቦርያዎንታ፡ ባረና የሌዳዎንቶ አዛዘተናዎንታ፡ ጋላተናዎንታ፡ ጌሻተላይ ባይናዎንታ፡

3 ሲቁ ባይናዎንታ፡ ሰገተናዎንታ፡ ዘግርሳንቻቱዎ፡ ባረና ናገናዎንታ፡ ኬከናዎንታ፡ ሎኦባ ደሰናዎንታ፡

4 ኡባ ኤርከ ግያዎንታ፡ ድርቢያዎንታ፡ ኦቶሩዎን ሱገትያዎንታ፡ ቃይ ጸሳፕ አሌደ፡ አሻሉዋ ደሰያዎንታ ግዳና።

5 ኡንቲንቲ ጸሳወ ጎይንያዎ ማላቲኖ፤ ሸን አ ዎልቃ ካዴድኖ። ሄዎንቲ ማላ አሳቲዎኮ ሺቆፓ።

6-7 አያወ ጎፕ፡ ኡንቲንቲ እቲ እቲ አሳ ጎልያ ገሊደ፡ ናጋራይ ዴዴዳዎንታ፡ ዲማ ዲማ አሙዎን ሱገትያዎንታ፡ ኡባ ዎደ ታማሪደ፡ ቱማተላ ኤራ አካናወ ሙላ ዳንዳይቤና ዳቡራንቻ ማጫዎንታ ባለሊኖ።

8 ያኔሰን ያምባራሰ \* ሙሴ የወዎ ጸልቆዎዳን፡ ሄዎዳን ቃይ ሀዎንቲ፡ ሱረ ቆፋይ ባይናዎንታ አማኑዋን ኩንዴዳዎንቲ፡ ቱማተላባ ጸልቁኖ።

9 ሸን ያኔሳ ኤያተላይነ ያምባራሰ ኤያተላይ ቃይ ቆንጨዳዎዳን፡ ኡንቲንቲ ኤያተላይካ

\* 2:19 ፓይ. 16:5 3:8 ያኔሰን ያምባራሰ- ሀ ሱንሳቲ ኤጫ ጫቁዎ ማጻፋን ባዎ። ሸን ጮራ አሳይ ግያ ቆፋይ፡ “ሀዎንቲ ሙሴ እስራኤልያ አሳ ግብጾፕ ከሲደ ካለላናወ ቆፔዳ ዎደ፡ አናና ኤቀቲዳ ሙሩንያዎንታ” ያግያዎና። ከሳ 7:11፣ 12 ጸላተ። 3:8 ከሳ 7:11

አሳ ኡባወ ቆንጫና ድራው። ኡንቱንቱ ካሰዋፕ አዲደ ድጭክና።

ወርሰላ ዘርያ

10 ሸን ኔን ታ ትሞርትያ፡ ታ ሀናታነ ታ ቆፋ፡ ታ አማኑዋነ ታ ዳንዲያ፡ ታ ሲቁዋነ ታ ገንጩዋ።

11 ታ የደሳነ ታ ዋይያ በኣዳ። አንጾክያነ፡ እቆንዮነን ልሰጽራ ግያ ካታማቱዋን ታና ጋኬዳባነ ታን ዳንዲዬዳ የደሳ ኤራሳ። ጎዳይ ታና ሄ ኡባፕ አሺዳ።

12 ቱማተላን ክርሰቶሰ የሱሳን ጸሳ ማላቲደ ደእናዉ ደሰያ ኡባይ የደርሰታና።

13 ሸን ኢታ አሳቱን ባለሉዎንቱ ሀራቱዋ ባለሉደነ ባረንቱ ሀጸዉ ባሊደ፡ ካሰፕ ኢት ኢት ቢና።

14 ሸን ኔን ሄ ቱማተላ ኦፕ ታማሪደንቶነ ኤራደ፡ ኔን ታማሪዳዋን ኤራዳዋን ሞናደ ደእ።

15 ኔን ጉላ ናአተላፕ ደማደ ክርሰቶሰ የሱሳ አማናደ፡ አቶተላይ ቤትያ እዴዳ ኤራ አማናዉ ዳንዲያ ገሻ ማጻፋቱዋ ኤራዳ።

16-17 ጸሳ ማጻፋ ኡባን ጸሳ አያናይ ደኤ። ቃይ ሄ ማጻፋቱ ጸሳዉ ኦሎያ አሳይ ኩሙንላነ ሎኦ ኦሱዋ ኡባወ ጊቤዳዋ ግዳና ማላ፡ ቱማተላ ታማርሳናዉ፡ ባላ ሴራናዉ፡ ባይዙዋ ሱርሳናዉን ጽሎተላ ደኦ ዘርያ አማናዉ ማዲኖ።

4

1 ታን ኔና ጸሳ ሰንላን፡ ደኡዋን ደእያ አሳነ ሀይቁዳ አሳ ፕርዳናዉ ደእያ ክርሰቶሰ የሱሳ ሰንላን፡ ቃይ እ ዩሳን፡ እ ካዉተላን ኔና ዘራይ።

2 ቃላ ኦዳ። ዋዲ እንጀትና እንጀታና ጳይና፡ ሞናደ ኦዳ። ዳሮ ዳንዲያን አሳ ታማርሳደ ሱርሳ፡ ሴራነ ዘራ።

3 አያዉ ጎፕ፡ አሳይ ቱሙ ትሞርትያ ሰሰናን እጽያ ዋዲ ያናዋ። ሸን አሳይ ባረንቱ አሙዋ ካሊደ፡ ሰሳናዉ ናሸኙያዋ ኦድያ ታማርሰያዋንታ ጉጅ ጉጅ ሸሻና።

4 ኡንቱንቱ ቱሙ የወዋ ሰሰያዋ አገደ፡ ቶሳ ሰሳናዉ ባረንቱ ሀይላ ዋራ ዛራና።

5 ሸን ኔን ኡባባን ነ ሀጺያ ናጋናዉ በሴ። ዋይያ ዳንዲያ። ዋንጋላ ሞሸራቹዋ ኦድያዋ ኦሎያ ኦሱዋ ኦላ። ጸሳ ቆማዳን፡ ነ ኦሎያ ኦሱዋ ኡባ ፖላ።

6 ታና ግደፕ፡ ታ ሱላይ ጉኪደ ያርሸትያ ዋዲነ ቃይ ሀ ደኡዋ አጋደ ብያ ዋዲ ጋኬዳ።

7 ታን ሎኦ ባጽያ ባጸታድ፤ ዋላ ዋጸደ ዉርሳድ፤ አማኑዋካ ናጋድ።

8 ሰንላፕ ታዉ ጽሎተላ ካላቻይ ገግ ኡቲዳ። ሄዋ ጽሎ ፕርዳ ፕርድያ ጎዳይ ሄ ጋላሰ ታዉ አማና። ቃይ ክርሰቶሰ ቆንጫናዋ ደሰያ ኡባ ሳፕ አትን፡ ታ ጸላላሳ ግደና።

እ ቡዞ አላላቱዋባ

9 ታኩ ኤላካ ያናዉ ሞና።  
10 አያዉ ጎፕ፡ ዴማሰ ሀ አላምያ ደሲደ፡ ታና አገደ፡ ተሰሎንቀ ግያ ካታማ ቤዳ።

ቀርቂሰ ጋላትያ ግያ ጋድያ ቢና፡ ቃይ ቲቶ ድልማጽያ ግያ ጋድያ ቤዳ።

11 ሉቃሳ ጸላላይ ታናና ደኤ። ማርቆስ ታና ከታን ሎይላ ማዳናዉ ዳንዲያ ድራው፡ እ ደማደ ኔናና አካደ ያ።

12 ሸን ታን ትክቆሳ ኤፊሶና ግያ ካታማ ከታድ።

13 ኔን ያይ፡ ጽርኣዳ ግያ ካታማን ካርፖሳዋን ታን የጋደ ዬዳ ታ ጋብያነ ቃይ ማጻፋቱዋ ታዉ አካደ ያ። ሸን ዴማያደ ጋልባን ጻፈቱዳ ማጻፋቱዋ እያ ግደፕ፡ እከናን ዮፓ።

14 ብራታ ቆጽያ እሰክንድር ታና ዳር ቆሄዳ፤ ጎዳይ አዉ እ ኦሱዋዳን ዛራና።

15 እ ኔን ኦድያዋ ሎይላ ጻልቂያ ድራው፡ ኔን አፕ ኔና ናጋ።

16 ኮይሮ ታና ሞትያ ዋደ፡ ኡባይካ እጌዳዋፕ አትን፡ ታና ኦን፤ ማድቤና። ጸሳይ ሄዋ ኡንቱንቱ ፓይደፖ።

17 ሸን ታን ኩሙንላ ከታ አይሁዳ ግደና አሳይ ኡባይ ሰሳናዉ ኦዳና ማላ፡ ጎዳይ ታ ማታን ኤቂደ፡ ታዉ ዋልቃ አሜዳ። ቃይ ጋሙዋ ደናፕካ ታና አሺዳ።

18 ጎዳይ ታና ኢታባ ኡባፕ አሺደ፡ ባረ ሳሉዋ ካዉተላ ሳርተላን አፋና፤ አዉ ሙድ ሙድናዉ ቦንቹ ግደ። አሙንእ።

ወርሰላ ሳርታ

19 ጽርሰቁልዉ፡ አቁላሰነ ሄነሰፎሩ ሶይ አሳዉ ታ ሳርታ ኦዳ።

20 ኤራሰጸሰ ቆሮንቶሳ ግያ ካታማን አቲዳ። ሸን ጽርፊሞሰ ሳከቲዳ ድራው፡ ሞሊጸ ግያ ካታማን እ ዋላድ።

21 ባልፕ ዋጳናፕ ካሰ ያናዉ ሞና። ኤዉቡሉሰ፡ ጵዴሰ፡ ሊናሰነ ቅላዉደ ቃይ ሀራ እሻቱ ኡባይካ ኔና ሳር ሳር ገና።

22 ጎዳይ ነ አያናና ግደ። እጵ ኬካተላይ ሀንተናና ኡባና ግደ። አሙንእ።

# ጳውሎስ ቴቶ ጳፌዳ ኪታ ገሉቀ

ቴቶ አይሁዳ ገደና አሳ ግዲደ፣ ጉየፕ ክርስትና አማኑዋን ለመቲደ ጳውሎስ ሞሽራቸዋ ቃላ ኪታ አልያ ዋደ፣ ማታን ደኢደ፣ ሄ ኦሱዋ ማዴዳ አሳ። ጳውሎስ ሀ ኪታ ጳፌዳዊ፣ ላይላን አፕ ጉጽያ ሀ ባረናና አልያ ቴቶ ግድሽን፣ ሄ ዋደ ቴቶ አማንያዋንታ ጸላናውን ናገናው፣ ቃርጾስ ግያ ሃላን ደደቱዳ ሳኣን አቴዳ። አ ኪታ ቆፋይ ሄዙ ሁጸ የዋቱዋ ቦላና።

ኮይሩ ዋሳ ጎልያ ካለልያዋንቱ ቃርጾስ አሳቱዋ ኢታ ኦሱዋ ጸልያዋን አይ ማላ ኤቫይ ደእያዋንታ ግደናው ኮሽንቶ ቲታ አኬክሳናሳ። ላኤንሉ አማንያዋንቱ ግደን ደእያ ዲማ ዲማ ጭታ፣ ጭማ አቱማዋንታን ማጫዋንታ፣ ያለጋ አቱማ አሳቱዋን ጎዳው አልያ ዲማ ዲማ አሳ ቦታ ታማርሳናው በሰንቶ ቲታ ዘሬዳ። ወርሰላይ ቃይ አማንያ አሳ ኤቫባ፣ ሳርተላንን ሲቁዋን ደኣና ደኤዋባ፣ አማንያ አሳ ግደፕ ዋላሳ፣ ፓሉምያን ቫኮተላ ጳይሳናባ ቴቶ ዘርያ እሜዳ።

## ሸምፓቱዋ ኡባቶ አመቴዳ ቃንሳ ቆፋቱዋ ገሉቀ 1:1-4

አማንያ አሳቱዋ ካለልያዋንታ 1:5-16  
አማንያ አሳቱዋ ዲማ ዲማ ኦሱዋ ጭታ 2:1-15  
ማቁዋን ናገታና ማላ አመቴዳ ማራ 3:1-11  
ወርሰላ ቁትያ 3:12-15

1 የሱስ ክርስቶስ ከቴዳ ታን ጳውሎስ፣ ጳሳ አይል፣ ሀ ዲብዲቢያ ጳፋይ። ጳሳይ ደሬዳ አሳው አማኑ ደኣናዳንን ጳሳ ቱማተላ ኤራኮ ኤንቱንታ ካለላናዳን ታን ደረታይ ከተታድ።

2 ዋርደተና ጳሳይ ኑወ ሀ መጅና ደኡዋ ዳሮ ዋድያፕ ካስ እማና ጌዳ።

3 ጳሳይ ኑና አሽያዌ ልከ ዋድያን ባረ ቃላን ሀዋ ቆንጭሴዳ፤ አ ሀዳሪደ ታና አዛዜዳዋዳን፣ ታን አ ቃላ ኦዳይ።

4 አማኑዋ አትፕተላን ታ ቱሙ ናአ ነወ ቲቶ፣ ጳሳ አወዋፕን ኑና አሽያ የሱስ ክርስቶሳፕ፣ አጼ ከካተላይ፣ ማሮተላይን ሳርተላይ ግድ።

ቴቶ ቃርጾሳን አልያ ኦሱዋ  
5 ታን ኔና ቃርጾሳን አጋይ ዬዳዌ፣ ኔን አቶዋ ግጎሳናሳ፣ ታን አዛዜዳዋዳን፣ ካታማ ኡባን ዋሳ ጎልያ ጭማቱዋ ደራናሳ።

6 ጭማይ ቦረተናዋን እት ማቻት ጸላላይ ደእያዋን አማንያ ናናይ ደእያዋ ግደናው በሴ፤ አ ናናይ ቫሉዋ ባይዝያባንን ዋይ አዛዘተናን

እጽያባን አሳይ አማሳለናዋንታ ግደናው በሴ።

7 እያው ሳፕ፣ ሄ ጭማይ ጳሳ ኦሱዋ አዛዝያ ካፑዋ ግዲደ፣ ፖክሰናዋ፣ ኦቶረተናዋን ኤለ ሀንቀተናዋ ግደናው በሴ፤ ቃይ ማሳተናዋ፣ ሱገናዋን ዮራተናዋ ግደናው በሴ።

8 ሽን እማላ ሞክያዋን ሎኦባ ደሰያዋ ግደናው በሴ፤ ቃይ አኬካንቻ፣ ጽሉዋ፣ ጌቫን ባረና ናግያዋ ግደናው በሴ።

9 አማንታያ ደኤ ቤትያ ትምርትያና ገግያ ቃላ አ ሎይላ ኦይቆ። ያቶፕ ሀራቱዋ ቱሙ አማኑዋ ታማርሰያዋን መንግሥቱናውን ቃይ ሄዋ እጽያዋንታካ ዘራናው ዳንዳያናዋ።

10 እያው ሳፕ፣ አዛዘተናዋንቱ፣ ማደናዋ ሃሳይያዋንቱ፣ ሀራቱዋ ጭምያዋንቱን ቃደረቱዳ አይሁዳ አማንያዋንቱ ባጋ ግዲዳ ዳሮ አሳቱ ደእኖ።

11 ኤንቱንቱ ታማርሳናው በሰና ፖክያ ኦግያን ማሻ ደማናው ታማርሰያዋን ጎልያ ኡባ ባይዝያ ድራው፣ ኤንቱንቱ ሃሳያ ተአና በሴ።

12 ኤንቱንቱ ግደፕ እቱ፣ ትምቢትያ ኦድያዌ ኤንቱንቶ፣ “ቃርጾስ አሳይ ኡባ ዋደ፣ ዋርዳቱዋ፣ ኢታ ዲአቱዋን ዮራንቻ፤ ቃይ አዛላ አሳ” ያጌዳ።

13-14 አ ማርካቶዌ ቱማ፤ ሄዋ ድራው፣ ኔን ኤንቱንቶ ምኖ አማኑ ደአናዳንን ቃይ አይሁዳቱዋ ቶሳን ቱሙዋ አጼዳ አሳቱዋ አዛዘዋ ኤንቱንቱ ሰሰናዳን፣ ኤንቱንታ ምንሳይ ሴራናው በሴ።

15 ባረንቱ ሁጸው ጌቫ ግዴዳዋንቶ ኡባባይካ ጌቫ፤ ሽን ቱናትን አማንያዋንቶ ኤንቱንቱ ዋዛና ቆፋይን ኤንቱንታ ሱረ ዋዛናይ ቱኔዳ ድራው፣ ኤንቱንቶ እያይን ጌቫ ግደና።

16 ኤንቱንቱ ባረንቱ ጳሳ ኤርያዋ ቆንጭያን ኦዲና፤ ሽን ኤንቱንቱ ሸንይያዋንታ፣ አዛዘተናዋንታን ኦሱዋ ኡባውካ ገገናዋንታ ግድያ ድራው፣ ባረንቱ ኪታን አ ኤሮኮ ጊኖ።

## 2

ጌቫ ትምርትያዋ  
1 ሽን ኔን ደኡዋ ደማናው ገግያ ትምርትያ ታማርሳናው በሴ።

2 ጭማ አቱማ አሳይ አማኑዋን፣ ሲቁዋንን ዳንዳያን ምኖ ግደናዳን፣ ቃይ ማሳተናዋ፣ ቦንቹትያዋን ባረናካ ናግያዋ ግደናዳን ዘራ።

3 ሄዋዳንካ ጭማ ማጫ አሳይ ጌቫ ደኡዋ ደእያዋንታ፣ ዘግረናዋንታ፣ ዋይንያ ኤሳው ሞደተናዋንታን ሎኦባ ታማርሰያዋንታ ግደናው በሴ።

45 ኤንቱንቱ ጳሳ ቃላይ ቦረተና ማላ፣ ባረንቱ አሰናቱዋን ባረንቱ ናና ሲቆያዋንታ፣ ባረንታካ ናግያዋንታ፣ ጌቫቱዋ፣ ባረንቱ ጎለን አልያዋንታ፣ ከካቱዋን ባረንቱ አሰናቶካ አዛዘተናዋንታ ግደና ማላ፣ ያለጋ ማጫዋንታ ታማርሳ።

6 ሄዋዳንካ ያለጋ አቱማ አሳቱ ባረንታ ናጋና ማላ ዘራ።

7 ኔን ነ ሁጸወካ ሎኦ ኦሱዋ ኡባን ኡንቱንቶ ለምሶ ግዳ፤ ኔን ታማርሰያዋንካ አማነትያዋን ቦንቼትያዋ ግዳ።

8 ነ ሞርከቱ ኑና ዝግርያባይ ኡንቱንቶ ጳይያ ዋደ ኡንቱንቱ ዬላታና ማላ፤ ኔን ቦረተና ሎኦ ሃሳያ ሃሳያ።

9 አይለቱ ባረንቱ ጎዳቶ አዛዘታና ማላን፤ ኡንቱንቱና ፓሉመተናን ኡባባን ኡንቱንታ ናሽቻና ማላ ዘራ።

10 ኡንቱንቱ ባረንቱ ጎዳቱዋጥ ወኤና ማላ፤ ቃይ ኑና አሽያ ጸሳዋ ታማርሰያዋ ኡባባን ጋላትሳናወ፤ ባረንቱ ኦሳያ ኪታን ኡባ ዋደ ሎኦ አማነትያዋንታ ግድያዋ በሳና ማላ፤ ኡንቱንታ ዘራ።

11 አያወ ጎጥ፤ ጸሳይ አሳ ኡባ አሽያ ባረ አዶ ኬካተላ ቆንጮሴዳ።

12 ሄ አዶ ኬካተላይ ናጋራ ኦሱዋን ሀ አላምያ አሙዋ ኡን አጋናዳንን ኑ ሁጲያ ናጊደ፤ ጸሳ ማላቲደ፤ ጽሎተሳን ደአናዳን፤ ኑና ታማርሴ።

13 ኑን ኑ ዋልቃማ ጸሳይ፤ ኑና አሽያ የሱሰ ክርሰቶሰ ቤታና ጌዳ እንጀቱዳ ቦንቾ ጋላሳ ናጌቶ።

14 ኢታ ኦሱዋ ኡባጥ እ ኑና ዋዛናወን ሎኦካ ኦሳናወ አሞትያ ባረ ጌሻ አሳ ከሳናወ፤ ኑ ድራወ፤ ባረ ሁጲያ አሜዳ።

15 ኔን ሀዋ ታማርሳ፤ ነ ኩመንላ ማታን ዘራን ሴራ፤ ኦንን ኔና ካዶ።

### 3

ጸሳ አሳይ ኦሳያ ኦሱዋ

1-2 ኡንቱንቱ ሞድያዋንቶን ማታይ ደእያዋንቶ ሞድታናወ፤ አዛዘታናወን ሎኦ ኦሱዋ ኡባ ኦሳናወ ገገታናዳን ኡንቱንታ ሀሳይሳ፤ ቃይ ኡንቱንቱ ኑ ቦላንን ኢታ ቃላ ሃሳየና ማላ፤ አናናን ዋላቀተና ማላ፤ አሳ ኡባ አሽከተላን ሰጋተላ በሰያዋንታ ግዳናዳን ዘራ።

3 አያወ ጎጥ፤ ኑን ካሰ ኑ ሁጸወካ ኤያቱዋ፤ አዛዘተናዋንታ፤ ባለያዋንታን አሞን ደማ ዳማ ናሽቻወ አይልያዳን ሞድትያዋንታ፤ ቃይ ኢታተላንን ቃናትያን ደእያዋንታ፤ አሳን እጸትያዋንታን እቱ እቱዋካ እጽያዋንታ።

4 ሸን ኑና አሽያ ጸሳ ኬካተላይን አሳ እ ሲቅያ ሲቁ ቆንጮዳ ዋደ፤

5 እ ባረ ማርተላዳንካ፤ ኦራላ የለቱሳን ሀኔዳ ጌዩሳንን ጌሻ አያናን ኦራዴዳዋን ኑና አሽዳዋጥ አትን፤ ኑን ጽሎ ኦሱዋ ኦሴዳዋና ግደና።

6-7 ጸሳይ ባረ አዶ ኬካተላን ኑን ጽላናዳንን፤ እ አማና ጌዳ መድና ደኡዋ ላታናዳን፤ ኑና አሽያ የሱሰ ክርሰቶሳ ባጋና ጌሻ አያና ኑ ቦላ ዳርሲደ ትጌዳ።

8 ሀ ሃሳያይ አማነቱዳዋ፤ ጸሳ አሳቱ ሎኦ ኦሱዋ ኦሳናወ ጊጋናዳን፤ ሀ የወዋ ኡንቱንቶ

ኔን ሞንሳደ አዳናወ ኮያይ፤ ሀዋንቱ አሳወ ሎኦን ጎእያዋንታ።

9 ሸን ኤያተላ ፓሉማጥ፤ ዛርያ ፓይድያዋጥ፤ ዋላሳጥን ሀግያባን ዋላቀትያዋጥ ናገታ። አያወ ጎጥ፤ ሄዋንቱ ጎኤናዋንታን ማደናዋንታ።

10-11 ሻኩተላ መድያ ኡራይ ጌላ አሳ ግድያዋን ባረ ሁጲያን ፕርዲደ ናጋራ ኦሳያዋ ኤራደ፤ እት ገደ ዋይ ላኡ ገደ አ ሴሬዳዋጥ ጉይያን፤ ሄዋ ማላትያ አሳጥ ሻከታ።

ወርሰላ ዘርያ

12 ታን አርጸማሳ ዋይ ትክቆሳ ኔኮ ኪትያ ዋደ፤ ኔን ታኮ ንቆጲልዮና ያናወ ሞና። አያወ ጎጥ፤ ታን ባልጉዋ \* ያን ሻጮናወ ቆፋ ቃቻድ።

13 ሀግያ ኤርያ ዜናሰን እጲሎሰ ኦግያ ብያ ዋደ፤ ኡንቱንቶ አያይን ፓጩና ማላ፤ ኡንቱንታ ሎይሳ ማዳ።

14 ኑ አሳይካ ማደና አሳ ግዲደ አተና ማላ፤ ባረንታ ሎይሳ ኮሽያዋ ደማናወ፤ ሎኦ ኦሱዋ ሞኒደ ኦሳያዋ ታማርኖ።

15 ታናና ደእያ ኡባቱ ኔና ሳር ሳር ጌድኖ። ኑና አማኑዋን ሲቅያዋንታ ሳር ሳር ጋ። ጸሳ አዶ ኬካተላይ ሀንተናና ኡባና እትጥ ግድ። አመንእ።

2:14 ማዘ. 130:8፤ ከሳ 19:5፤ ዛረ. 4:20፤ 7:6፤ 14:2፤ 1 ጸጽ. 2:9 \* 3:12 ባልጉዋ- ግሪክ ቃላንካ እራይ ቡክያ ዋድያ ግድያዋ ኦዶ። እንገልጹላዋን ዊንተር ግያዋ።

# ጳውሎስ ጥልምናው ጳጳራዊ ኪታ ገሉቀ

ጥልምን ኤሪቲዳ እማንያ አሳ፤ እ ቆላሶስያሳ ዋሳ ጎልያ አሳ ግድናን ዋዪ አጋና። ጥልምናው እናሰሞሳ ግያ አይሊ ደኤ። ሄ አይሊ ባረ ጎዳፕ በቲደ ቤዳ ዋደ። ቃሾ ጎሊን ደእያ ጳውሎስና ጋከቲዳ። እናሰሞሰ ጳውሎሳ ባጋና የሱሳ እማኔዳ። ጳውሎስ ጥልምናው ጳጳራዊ ኪታይ ጥልምን ጉየ ሰም ቢደ ደእያ ባረ ቆማና ሰገታናዳን። ሄዋ ሀሳይሰያዋ። ሄዋ ቦላካ ሀእ እናሰሞሰ እማንያ አሳ ግዳዳ ድራው። ሀዋፕ ሰንገላው እማንያ እሻዳን እ ሞክ እካናፕ አትን። ቆማዳን እ ጸላናዳን እው ኦዳ።

## ሸምፓቱዋ ኡባቶ አሙቴዳ ቃንሳ ቆፋቱዋ ገሉቀ 1-3

ጥልምናው ጳውሎሳ ጋላታ 4-7

ጳውሎስ እናሰሞሳ ድራው ሸሼዳ ምኖ ኦሻ 8-22

ወርሰሳ ቁትያ 23-25

1 ታን ጳውሎስ፣ የሱስ ክርስቶሳ ድራው ቃሹዋን ደእያዌነ ኑ እሻ ጽሞቶስ፣ ኑናና አልያ ኑን ሲቆያ ጥልምናው።

2 ነ ጎሊን ሸቆያ እማንያዋንቶ፣ ኑ ምቻት አፍብሰነ ኑናና እትፕ ደእያ ክርስቶሳ ዋታዳራ አርክፖሳወ ሀ ዳብዳቢያ ጳጳራቶ።

3 ጳሳ ኑ አወዋፕነ ኑ ጎዳ የሱስ ክርስቶሳፕ አዶ ከካተሳይነ ሳርተሳይ ህንተንቶ ግድ።

ጥልምና ሲቁዋን እማኔዋ

4-5 ኔን ጳሳ አሳቱዋ ሲቆያዋን ጎዳ የሱሳ እማንያዋ ታን ሰሰያ ድራው። ጳሳ ምሳደ ኔና ሀሳይያ ዋደ ኡባን፣ ታ ጳሳ ጋላታይ።

6 ኔን ነ እማኔዋ ሀራቱዋና ሻክያዌ ኑወ ክርስቶስ የሱሳ ባጋና ይያ ሎኦባ ኡባ ኤርሳና ማላ፣ ታን ጳሳ ዋሳይ።

7 እያወ ጎፕ፣ ጳሳ አሳቱዋ ዋዛናይ ነ ኪታን ምኔዳ ድራው፣ ታ እሻው፣ ታን ነ ሲቁዋን ዳሮ ናሸቻን መንግሥቱ ደማድ።

እናሰሞሰ ጥልምናኮ ሰሚዳ ሰሙዋ

8 ሄዋ ድራው፣ ኔን አላናወ በሰያዋ አላና ማላ፣ ታን ኔና አዛዛናወ ክርስቶሳ ባጋና ጸሎፕካ።

9 ታን ጳውሎስ ጭሚዳዌ፣ ክርስቶስ የሱሳወ ሀእካ ቃሹዋን ደእያዌ፣ ሲቁዋ ድራው፣ ኔና ዋሳይ።

10 ታን ቃሹዋን ደእደ አወ አወዋ ግዳዳ ታ ናኣ እናሰሞሳ \* ድራው፣ ኔና ዋሳይ።

11 እ ካሰ ኔና ጎኤና፤ ሸን ሀእ ኔናካ ታናካ ቱሙ ጎኤ።

12-13 ታን ዋዛናፕ ደሰያ እናሰሞሳ ኔኮ የደዌ ታ ዋዛና የደዋ። ታን ዋንጋላ ድራው

ቃሸታ ኡታ ደእሸን፣ ኔና ኮቺደ፣ ታና ማዳና ማላ፣ ታ ማታን አ እሻናወ ኮያይ።

14 ሸን ኔን ነ ሸንያዳን ኦላናዋ ኮያይፕ አትን፣ ኔናና ዘረተናን ዋልቃን አይነ ኦላናወ ኮይከ።

15 እናሰሞሰ ጉላ ዋድያ ኔፕ ሻከቲዳዌ፣ ኦን ኤር ሰሚደ፣ ኡባ ዋደካ ኔናና ደእናሰንቶ።

16 ሰም ሀዋፕ ሰንገላው እናሰሞሰ አይልያ ግድና፤ ሸን አይልያፕ እ ሎይል አዴ፤ እ ታወ አይ ኮና ሲቆ እሼ! ቃይ እ ነወ አሳ ባጋናካ ጎዳ ባጋናካ አይ ኮና አዴዳ እሻ ግዳንዳሻ!

17 ሰም ኔን ታና ነ ላገላ ግያዋ ግድፕ፣ ታና ሞክያዋዳን፣ እ ሞክ።

18 እ ነወ ባይዜዳባይ ዋይ አ ቦላ ነወ አጩ ደኡፕ፣ ታፕ ጭጋ አካ።

19 ሄ አጩዋ ታን ጭጋና ጋደ፣ ታን ጳውሎስ ታ ኩሸያን ጸፋይ። ኔን ታወ ነ ሸምፕዋ አጮታ ኡቴዳዋ ታን ኔና ሀሳይሳናወ ኮሸና።

20 ኤ፣ ታ እሻው፣ ጎዳ ባጋና ኔፕ ማዴዋ ደማናወ ኮያይ። ክርስቶሳ ባጋና ታና መንግሥቱ።

21 ታን ጌዳዋፕ ዳሩዋ ኔን ኦላናዋ ኤራደ፣ ቃይ ነ ታወ አዛዛታናዋካ አማናደ፣ ሀዋ ነወ ጳፋይ።

22 ቃይ ህንተንቱ ኤላካ ታወ እማላይ ሸምፕያ ጎልያ ጊገሰተ። እያወ ጎፕ፣ ጳሳይ ህንተንቱ ዋሳን ታና ህንተንቶ ጉየ ዛሪደ እማና ጋደ ቆፓይ።

ወርሰሳ ሳርታ

23 ክርስቶስ የሱሳ ድራው፣ ታናና ቃሹዋን ደእያ ኤፓፍር ኔና ሳር ሳር ጌ።

24 ቃይ ታናና እትፕ አልያ ማርቆስ፣ አርሰጽርኮስ፣ ዴማሰነ ሉቃስ ኔና ሳር ሳር ጊኖ።

25 ጎዳ የሱስ ክርስቶሳ አዶ ከካተሳይ ህንተንቱ አያናና ግድ።

1:2 ቆል. 4:17 \* 1:10 እናሰሞሳ፦ ግያ ሱንሳ ብለላይ፣ ግሪክያ ቃላን ጎልያዋ ዋይ ማድያዋ ጉሳ። 1:10 ቆል. 4:9

### አብራዌ አሳዉ ጻፈቴዳ ኪታ ገሉዋ

ሀዌ ጸዉሎስን ጸጽሮስ ጻፈቴዳዋን ኪታ ግደናን ትምርተ ግደዱ ጻፈቴዳዌ። ዋልቃማ ቱጋይ ጋክና፡ እማኑዋ አጋናዉ ማቴዳ እማንያ አሳቱዋሳ (10:32-39)። ሀ ማጻፋ ጻፈቴዳዌ እንቶ ኤረተና። ሀ ጻፍያ ሁጸ ቆፋይ ኮይሮቲደ እንቱንቱን ደእያ ሲቁዋኮ ሰማናዳን የሱሳ ጶቃተላ በሲደ እንቱንታ ዞራ። ሄ ጸፊ አብራዌ እማንያዋንቶ ምንሰ እድያዌ የሱሰ ክርሰቶስ ቱማን ጸሳ ፖሎ ቆንጨላ ግድያዋና። ሀ እማንያዋንቱ ባረንቱ እማኑዋን ምናና ማላ፡ ኤንቱንታ መን፴። እ ሄዋ ኦሊደ ሄዙ ቱማቱዋ ቆንጭሲደ በሴ።

1. እ እኬዳ ሙቱዋ ባጋና ባረ አዋ ቱሙ እዛዘቱዳ የሱሰ ጸሳዉ መጵና ናእ። እ ጸሳ ናእ ግዴዳ ድራዉ፡ ኤጫ ቃላ ጫቁዋ ዋድያን ትምቢትያ እድያዋንቱ፡ ኪታንቻቱዋ፡ ሀራይ አትን፡ ሙሴ፡፡ ሉይላ አጵያዋ።
2. የሱሰ ኤጫ ቃላ ጫቁዋ ቄሳቱዋ፡ ሉይላ አጵያ፡ መጵና ቄሳ ግድያዋ ጸሳይ ባረ ሁጸዉ ኦዴዳ።
3. የሱሳ ባጋና እማንያዌ ናጋራ፡ ያሻተላ፡ ሀይቁዋ፡ አቱ። የሱሰ ቄሳቱዋ ኡባቱዋ ካፑዋ ግድያ ድራዉ፡ ካሰ አብራዋቱዋ እማኑዋ ዋጋቱዋን መሄቱዋ ያርሹዋን ኩዋዳን ቤትያ እቶተላ ሀእ ቱማ ግድናዳን ኦሊደ።

ጸፊ እሰራኤልያ አሳ ታርክያን ዳር ኤረቲዳ አሳ እማኑዋ ለምሱዋዳን ጎኤቲደ (ሸምፑዋ 11)። ሀ ማጻፋ ናባብያ አሳቱ ባረንቱ እማኑዋን ምናናዳን ቆፍሴ። ሄዋዳንካ (ሸምፑዋ 12) ናባብያዋንቱ ባረንቱ እይፍያ የሱሳ ቦላን ትሽ እላ ዋሊደ፡ ባረንቱ እማኑዋን ምናናዳን እይ ማላ ሙቱን ዋዪ ጋኮ፡ ኤንቱንቱ ገንጫናዳን ዞራ። ዉርሰሳን ቃይ ዞርያን እኬክሱዋ ቃላ እምያዋን ዉርሴ።

**ሸምፓቱዋ ኡባቶ እሙቴዳ ቃንላ ቆፋቱዋ**  
ገሉዋ፡ ጸሳይ የሱሳን ቆንጨዳዋ 1:1-3  
ክርሰቶስ ኪታንቻቱዋ፡ ሀ ግድያዋ 1:4—2:18  
ክርሰቶስ ሙሴ፡፡ ሉይላ ሁጸ ግድያዋ 3:1—4:13  
ክርሰቶሳ ቄሳተላ ጶቃተላ 4:14—7:28  
ክርሰቶሳ ቃላ ጫቁዋ ጶቃተላ 8:1—9:23  
ክርሰቶስ ያርሹቲዳዌ ኦዋ፡፡ ሀ ዳርያዋ 9:23—10:39  
እማኑዋ ዳርተላ 11:1—12:29  
ጸሳ ናሸቹሳ 13:1-19

ጸሳይ ባረ ናእ ባጋና ሃሳዬዳ  
1 ጸሳይ በን ዋድ፡ ኑ አዋቱ ናባቱዋ ባጋና ዲማ ዲማ ኦግያንን ዳር ዋድያን ሃሳዬዳ።  
2 ሸን ሀ ዉርሰሳ ዋድያን፡ ኡባባ እ ላትሲደ፡ የለታ አ ባጋና መጴዳ ባረ ናእ ባጋና ኑዉ ሃሳዬዳ።  
3 ናእይ ጸሳ ቦንቾ ፖኡዋ ጸሌ፤ ቃይ ኩመንላ ጸሳ ኤሻ እኪደ፡ ባረ ዋልቃማ ቃላን ሀ ሳኣ ናጌ፤ ያቲደ እሳ ናጋራ፡ ጌሺደ፡ ኡባ፡ ሀ ጸሳ፡ ኡሸቻ ባጋና \* ሳሉዋን ኡቲዳ።

ጸሳ ናእይ ኪታንቻቱዋ፡ ሀ  
4 ጸሳይ እዉ እሜዳ ሱንላተላይ ኪታንቻቱዋ፡ ቃላ ግድያዋዳንካ፡ ኤንቱንቱ፡ ሀ ሉይላ ጶቁ ኦሊደ።

5 እያዉ ጎ፡፡ ጸሳይ ባረ ኪታንቻቱዋ፡ ሀና፡ “ኔን ታ ናእ፤ ታን ሀቼ ነዉ እዉዋ ግደድ” ጌዴ? ዋይ ቃይ ኦና፡ “ታን እዉ እዉዋ ግደና፤ እካ ታዉ ናእ ግደና”

ጌዴ?  
6 ቃይ ጸሳይ ባረ ባይራ ናእ ሀ ሳኣ የዳና ሀኒደ፡ “ታ ኪታንቻቱዋ ኡባቱካ እዉ ጎደንና” ያጌዳ።  
7 ጸሳይ ኪታንቻቱዋ ሃሳዬዳ፡ “ታን ታ ኪታንቻቱዋ ጫርኩዋ ከሳይ፤ ቃይ ታ ኡሳንቻቱዋካ ታማ ላጩዋ ከሳይ”

ያጌ።  
8 ሸን ባረ ናእዋ ሃሳዬዳ፡ “ጸሳዉ፡ ነ ካዉተላ ኦይደ፡ መጵ መጵናዉ ደኤ። ነ ካዉተላ ጽሎተላን አሃሳ።  
9 ኔን ጽሎተላ ሲቃይ፤ ናቁዋ እጻደ። ጸሳይ፡ ነ ጸሳይ ኔና፡ ነ ላገቱዋ፡ ሀሊደ፡ ናሸቻን አልላሰያ ዛይትያ ኦኬዳዋ ሀዋሳ”

ያጌ።  
10 ጸሳይ ሀዋዳን ያጌ፤ “ጎደዉ፡ ኮይሮ ኔን ሳኣ መፋደ፤ ሳሉዋካ ነ ኩሸያን መፋደ።  
11 ሄዋንቱ ኡባይ ቆያና፤ ሸን ኔን ደኣና። ኤንቱንቱ ኡባይካ አፍላዳን ዉራና።  
12 ኔን ኤንቱንታ ጋብያዳን ዳኮያና፤ ቃይ ኤንቱንቱ አፍላዳን ላመታናዋንታ። ሸን ኔን ኔና፤ ነ ላይላይ ኡባካ ዉረና”

ያጌ።  
13 ሸን ጸሳይ ባረ ኪታንቻቱዋ፡ ሀ ክቱዋን፡ “ታን ነ ሞርከቱዋ ኔን ገድያን የጵያዋ ኦላና ጋካናዉ፡ ሀዋን ታ፡ ኡሸቻ ባጋን ኡታ”

\* 1:3 ኡሸቻ ባጋና፡ ቦንቹዋን ዋልቃሳ ግድያዋ በሴ። 1:5 ማከ. 2:7፤ 2 ሳሜላ 7:14፤ 1 ኦዲዋ 17:13 1:6 ዛረ. 32:43 1:7 ማከ. 104:4 1:8 ማከ. 45:6-7 1:10 ማከ. 102:25-27 1:13 ማከ. 110:1

ግብርና።

14 ኪታንቻቱ ኡባይ ጸሳው አላናወነ አቶተላ ደማና አሳቱዋ ማዳናው ጸሳይ ኪቲዳ እያናቱዋ ግድክኖ።

### 2

ዋልቃማ እንጂዋ

1 ሄዋ ድራው፡ ኑን ሰቤዳ ቱሙ የወዋጥ ሱገት ዋራ ቤና ማላ፡ ሄ የወዋ ሎይሐ ኦይቃናው በሴ።

2 እያው ጎጥ፡ ኪታንቻቱ ኦዴዳ ቃላይ ቱማ ግድያ ድራው፡ ናቄያ ዋይ አዛዘተና አሳይ ኡባይ ሙረቲዳዋ ግደጥ።

3 ያጥና፡ ኑን ሀ ዋልቃማ አቶተላ ሸነኮ ጎጥ፡ ዋኒደ አታኔ? ጎዴይ ኮይር ባረ ሁጳው ሀ አቶተላ ኦዴዳ፤ ቃይ አ ኦዴዳዋ ሰቤዳዋንቱ ኑው ጌሺደ ኦዴድና።

4 ሄ ሰቤዳዋንቱ ማርካቴዳዋ ቦላ ጸሳይካ ማላ፡ ኦራላባነ ዲማ ዲማ ማላታ ኪተትያዋን ጉጅ ማርካቴዳ፤ ቃይ ጌሻ እያና እሙዋካ ባረ ኮዬዳዋዳን፡ ግሽ ጋሌዳ።

አቶተላዉ ካለሰያዋ

5 እያው ጎጥ፡ ጸሳይ ኑን ሃሳይያ ሰንሳጥ ያና አላዎና፡ ኪታንቻቱዋ ሞድሰቤና።

6 ሸን ጸሳ ማጸፋይ እትሳን ሀዋዳን ያጌ፤ “ጸሳው፡ ኑን አሳዋ ቆገናው አሳይ አይ? ዋይ ኑን አው ሀርጋናው እ አይ?”

7 ኑን ኪታንቻቱዋጥ፡ አማራዳ ዋይያ አ ጉላዳ። አ ሁጳያንካ ቦንቹዋን፡ ሳባ ካላቻ ዋላዳ።

8 ቃይ ኡባባ አ ገድያጥ ጋርሳና ዋላደ ሞድሳዳ።

ያጌ። እያው ጎጥ፡ ጸሳይ ኡባባካ አ ሞድሴዳዋዳን እን ሞደትቤናዋ እያይነ ባዋ፤ ሸን ሀአ ኡባባይ አው ሞደትያዋ ኑው ቤተና።

9 ሸን ኑን የሱሳ በኤቶ፤ የሱሰ ጸሳ አጼ ኬክተላ ባጋና አሳ ኡባው ሀይቃና ማላ፡ አማራዳ ዋይያ ኪታንቻቱዋጥ ጋርሳ ግዴዳ። ቃይ ሀይቁዋ ዋይያ አ ዋየቴዳ ድራው፡ ፖእያ ቦንቹዋን ሳባ ካላቻ ዋሌዳዋ ሀአ ኑን በኤቶ።

10 ጸሳይ ኡባባ ሙዴዳዋ፡ ኡባባካ ናግያዋ፡ የሱሰ ዳር ናና አሂደ፡ ባረናና ቦንቹሳና ማላ፡ ዋይያ ባጋና የሱሳ ባላይ ባይናዋ ኦሌዳዋ በሴ፤ እያው ጎጥ፡ ሄ ናና አቶተላዉ ካለሰያዋ የሱሳ።

11 እያው ጎጥ፡ አሳ ጌሸያ የሱሳዉካ ቃይ ሄ ጌዬዳ አሳ ኡባውካ አው አቱዋ። የሱሰ አንቱንታ፡ “ታ አሻቱዋ” ጊደ ዬላተናን ጸሰያዋ ሀዋሳ።

12 የሱሰ፡ “ታን ነ ሱንላ ታ አሻቶ አዋያና። ማባራ ሸቆዋንካ ኔና ጋላታና” ያጌ።

13 ቃይ እ፡ “ታን ታ አማኑዋ ጸሳን ዋላና” ቃይካ፡ “ጸሳይ ታው እሜዳ ናናቱዋና ታን ሀዋን ደአይ” ያጌ።

14 ናና ጊደ እ ጸሰያዋንቱ፡ አሹዋጥነ ሱላጥ ሙቅዳ አሳቱዋ ግድያ ድራው፡ የሱሰ ባረ ሁጳው አንቱንታ ማላቲደ፡ አንቱንቱ ሙቅታ አኪዳ፤ ቃይ አ ሄዋ ኦሌዳዋ፡ ጸላህያ ካቸዋ ሀይቁዋ ቦላ ማታይ ደእያዋ ባረ ሀይቁዋን ጳይሳናሳ።

15 ቃይ ባረንቱ ደኡዋ ኡባን ሀይቆ ያዩደ፡ ሀይቆ አይለቲደ ደእያዋንታ ኡባቱዋ አይለተላጥ ከሴዳ።

16 እያው ጎጥ፡ አብራሃማ ዛርያ እ ማድያዋጥ አትን፡ ኪታንቻቱዋ ማደናዌ ኤረቲዳ።

17 ሄዋ ድራው፡ አሳ ናጋራይ አቶ ጌተታና ማላ፡ ጸሳ ኪታን አማነቴዳ ማርያ ቄሳቱዋ ኡባቱዋ ካቸዋ ግድና ማላ፡ ኡባባን አ ባረ እሻቱዋ ማላታናው በሴ።

18 እያው ጎጥ፡ አ ባረ ሁጳው ፓጨቴዳ ድራውን ዋየቴዳ ድራው፡ ፓጨትያዋንታ ማዳናው ዳንዳይ።

### 3

የሱሰ ሙሴጥ ቦላ

1 ሄዋ ድራው፡ ጸሳይ ጸሴዳ ጌሻ አሻቶ፡ ኑ ማርካተላ ጸሳይ ኪቲዳዋ ቄሳቱዋ ኡባቱዋ ካቸዋ፡ የሱሰ ክርስቶሳ ቆጥተ።

2 ሙሴ ባረ ኪታን ጸሳ ጎልያ ኡባን አማነቴዳዋ ግዴዳዋዳን፡ የሱሰካ ባረና ደሪደ፡ ሀ አሳ የዴዳ ጸሳው አማነቴዳዋ።

3 እያው ጎጥ፡ ኪጸትያ ጎልያጥ ኬጸያ ብታኒ ቦንቹትያዋዳን፡ ሙሴዋጥ አድያ ቦንቹዋ አ አካናው በሰያዋ ኤረቴዳዋ።

4 እያው ጎጥ፡ ጎልያ ኡባ ኬጸዳዋ አት አሳ፤ ሸን ኡባባ ኬጸዳዋ ጸሳ።

5 ሙሴ ጸሳ ጎልያ ኡባን አማነቴዳ ኦሳንቻ ግዴደ፡ ጸሳይ ሰንሳጥ ጋናዋ ማርካቴዳ።

6 ሸን ክርስቶሰ ጸሳ ጎልን ናአዳን አማነቴዳዋ፤ ኑን አካና ጊደ ናሸቻን ናግያዋ ጸላተላን አማኑዋን ናጎጥ፡ ጸሳው ጎልያ ግዴቶ።

ጸሳ አሳይ ሸምጥዋ ደማና

7 ሄዋ ድራው፡ ጌሻ አያናይ ሀዋዳን ያጌ፤ “ጸሳ ቃላ ሀንተንቱ ሆቼ ሰሰያባ ግደጥ።

8-9 ሀንተንቱ አዋቱ ታው እጅ ማካሊደ፡ እይታሙ ላይላ ታ ኡሱዋ በኤዳ ባዙዋ ፓጭያ ጋላሳዳን፡

ሀንተንቱካ ዘርያ አከናን እጸጥተ።

10 ሄዋ ድራው፡ ታን፡ ሄ አሳ ሀንቀታይ፡ ሉንቱንቱ ኡባ ዋይ ባረንቱ ዋዛናን ባለና።

ታ ኦግያካ ኤርበይክኖ ያጋድ።

11 ሄዋዳንካ ቃይ፡ ታን ሀንቀታ ጫቃይ፡ ናታን ሸምጥ ሳ ኡንቱንቱ፡ ኡባካ ገልክኖ ያጋድ።



ያጌ።

12 ታናዳን አማንያዋንቶ፣ ደኡዋ ጸሳፕ ህንተንታ ቫክያ ኢታ አማንና ዋዛናይ ህንተናን ኦናንነ ደኤና ማላ ናገትተ።

13 ሸን ጸሳይ ህንተንታ ኡባ ጋላሰ ሀቼ ጌደ ጸብሸን፣ ህንተፕ ኦናን ናጋራይ ባለሌና፣ ዘርያ አከናን እጸና ማላ፣ እቱ እቱዋ ዘርተ።

14 አያው ጎፕ፣ ኑን ኮይሮ ኑው ደእያ አማኑዋ ወርሰሳይ ጋካናው ሎይል ናጎፕ፣ ክርሰቶሳና እትፕ ቫካና።

15 ጸሳ ማጸፋይ፣

“ጸሳ ቃላ ህንተንቱ፣

ሀቼ ሰሰያዋ ግደፕ፣

ሄ ዋደ ኡንቱንቱ እጽ ማካሌዳዋዳን፣

ዘርያ አከናን እጸፕተ”

ያጌዳ።

16 ጸሳይ ግያዋ ሰሲደ፣ አው ማካሌዳ አሳቱ ኦኔ? ሙሴ ግብጾፕ ካለሌና ከሴዳ ኡባቱዋ ግድክኖይ?

17 ጸሳይ አይታሙ ላይላ ኦናን ህንቀቱይ? አሃይ ዋራን አቱዳ አሳቱዋ፣ ናጋራ ኡልዳዋንታ ግድክኖይ?

18 ቃይ ጸሳይ ባረው አዛዘተናን እጾዳዋንቱ እ ሸምፕያ ሳኦ ኡባካ ገለና ማላ፣ ኡንቱንቶ ጫቄዳዋፕ አትን፣ ኦሰ ጫቄይ?

19 ኡንቱንቱ አማንቤና ድራው፣ ሸምፕያ ሳ ገላናው ዳንዳይቤናዋ ኑን በኤቶ።

### 4

1 ሰም ጸሳይ ኑና ባረ ሸምፕያ ሳ፣ “ገልሳና” ጌዳቄ ብራ ግደፕ፣ ህንተፕ ኡንነ ሄ ሸምፕያ ሳ ገለናን አተና ማላ ናገቶ።

2 አያው ጎፕ፣ ኡንቱንቱ ዋንጋላ ሞሽራቹዋ ሰሴዳዋዳን፣ ኑንካ ሰሴደ፤ ኡንቱንቱ ሰሴድኖ፣ ሸን አማኒደ አክቤና ድራው፣ አይነ ኡንቱንታ ጎእቤና።

3 ግደፕካ፣ ጸሳ ከታይ ሳአይ መቶደፕ ደምና ፖለቲዳዋ ግደፕነ፣ ጸሳይ፣

“ታን ህንቀታ ጫቃደ፣

ኡንቱንቱ ታን ሸምፕያ ሳ

ኡባካ ገልክኖ” ያጋድ”

ጌዳዋዳን፣ ኑን አማኒዳዋንቱ እ ሸምፕያ ሳ ገላና።

4 አያው ጎፕ፣ ላፑንላ ጋላሳባ እትሳን ጸሳ ማጸፋይ፣ “ጸሳይ ላፑንላ ጋላሳን ባረ ኡሱዋ ኡባፕ ሸምፕዳ” ያጌዳ።

5 ቃይ ሄ ሳአን፣ “ኡንቱንቱ ታን ሸምፕያ ሳ ኡባካ ገልክኖ” ያጌዳ።

6 ዋንጋላ ሞሽራቹዋ ኮይሮ ሰሴዳዋንቱ አዛዘትቤና ድራው፣ ሸምፕዋ ሳኦ ገልቤይክኖ፤ እት እት አሳቱ ያ ገላናዋንቱ ደአኖ።

7 ጸሳይ ዳሮ ዋድያፕ ጌይያን፣ ዳዊታ ባጋና ላኤንሉዋ እት ጋላሳ፣ “ሀቼ” ግያ ቃላን ኬሪደ።

“ጸሳ ቃላ ህንተንቱ ሀቼ ሰሰያዋ ግደፕ፣

ዘርያ አከናን እጸፕተ”

ያጌዳ።

8 ጸሳይ ሸምፕያ ሳ አሳ አፊደ ኢያሱ ሸምፕሴዳዋ ግድንቶ፣ ጸሳይ ሀራ ጋላሳዋ ጉየ ኬረና።

9 ሄዋ ድራው፣ ጸሳ አሳው ሳምባታ ሸምፕ ናገት ኡቱዳ።

10 አያው ጎፕ፣ ጸሳይ ሸምፕያ ሳ ገልያ ኦንነ፣ ጸሳይ ባረ ኡሱዋፕ ሸምፕዳዋዳን፣ እካ ባረ ኡሱዋፕ ሸምፕና።

11 ሰም እሰራኤልያ አሳይ አዛዘተናን እጸደ፣ ጸሳና እትፕ ሸምፕያ ሳ ገለናን አቱዳዋዳን፣ ኑፕ ኦንነ ሄዋ ማላ ኤኖ ጌናን እጹዋን ያ ገለናን አተና ማላ ሞኖይተ።

12 አያው ጎፕ፣ ጸሳ ቃላይ መድራው ደእያዋኔ ኡልያዋ፤ ላኡ ባጋና ለፊቱዳ ማሻፕካ እጲደ ኩሴ። ሄ ቃላይ ሸምፕኑ አያናይ፣ ኩሪነ ኮልዚ እትፕ ጋከትያሳ ቫካና ጋካናው ጫይ። ቃይ አሳ ዋዛናን ደእያ ኮሻነ ቆፋ እ ሻኬ።

13 ኑን ኡልያዋ ዋቹያ ጸሳ ሰንላን ኡባባይካ ቤትያዋፕኑ ቆንጭያን ደእያዋፕ አትን፣ አ አይፍያን ጌምያ መታይ አያይነ ባዋ።

የሱሰ ቄሳቱዋ ኡባቶ ዋልቃማ ካፑዋ

14 ሰም ሳሉዋ ቤዳ፣ ቄሳቱዋ ኡባቱዋ ዋልቃማ ካፑ፣ ጸሳ ናአይ የሱሰ፣ ኑው ደእያ ድራው፣ ኑ አማኑዋ ሎይል ናጌቶ።

15 አያው ጎፕ፣ ኑ ቄሳቱዋ ኡባቱዋ ካፑ ኑን ዳቡርያ ዋደ ኑው ቃረታናው ዳንዳይ፤ ናጋራ እ ኡልቤናዋፕ አትን፣ ኑናዳን ኡባባንካ ፓጩቱዳ።

16 ሰም ኑና ኮሸያ ዋደ ማድያ ማሮተላ አካናውን እጶ ኬካተላ ደማናው፣ እጶ ኬካተላይ ደእያ ሳኦ ጸሳ አራታኮ፣ ያየናን ሸቆይተ።

### 5

1 ቄሳቱዋ ኡባቱዋ ካፓቱ ሁጲያን ሁጲያን ባረ አሳ ግደፕ ደረቲደ፣ ሄ አሳ ግሻታው ጸሳው ኦላናው፣ እሙዋ አማናውን ናጋራ ያርሹዋ ያርሻናው ሱንቲድኖ።

2 እ ባረ ሁጲው ዳቡራንቻ ግድያ ድራው፣ ታማርቤናዋንቶን ባልያዋንቶ ቃረታናው ዳንዳይ።

3 ሄዋ ድራው፣ ሄ ቄሳቱዋ ኡባቱዋ ካፑ አሳ ድራው ያርሹዋ ያርሸዋዳን፣ ባረ ሁጲ ናጋራ ድራውካ ያርሻናው ሰሴ።

4 ጸሳይ እሮና ቄሳቱዋ ኡባቱዋ ካፑዋ ግዳና ማላ ጴሴዳዋዳን፣ ጸሳይ ጴሳናፕ አትን፣ ኦንነ ቄሳቱዋ ኡባቱዋ ካፑዋ ግድያ ቦንቹዋ ባረው አካናው ዳንዳይና።

5 ሄዋዳንካ፣ ክርሰቶሰ ቄሳቱዋ ኡባቱዋ ካፑዋ ግድያ ቦንቹዋ ባረው አክቤና፤ ሸን ጸሳይ አ፣

3:15 ማዚ. 95:7-8    3:16 ፓይ. 14:1-35    4:3 ማዚ. 95:11    4:4 ደመላ 2:2    4:5 ማዚ. 95:11  
4:7 ማዚ. 95:7-8    4:8 ዛረ. 31:7፤ ኢያሳ 22:4    4:10 ደመላ 2:2    5:3 ዋጋ 9:7    5:4 ከሳ 28:1  
5:5 ማዚ. 2:7

“ኔን ታ ናኢ።  
ታን ሀቼ ነዉ አዉዋ ግዳድ”

ያጌዳ።  
6 ሄዋዳንካ ቃይ ሀራሳን።

“ማልክ-ጸደቁ\* ቄሳ ግዴዳዋዳን።  
ኔንካ መጅናዉ ቄሳ ግዳና”

ያጌዳ።  
7 የሱሰ ሳኣን ደእያ ዎድ። ባረና ሀይቁዋፕ አሻናዉ ዳንዳይያ ጸሳ ሎይል ዩኪደነ አሮጲደ ዎሴዳነ ኦቼዳ፤ ጸሳይ አ ዎሳ ሰሴዳዌ። አ ባረና ቶቼዳዋሳነ አዉ ያዬዳዋሳ።

8 የሱሰ ጸሳ ናኣ ግደፕ። ባረ ዋየቴዳ ዋይያን አዛዘትያዎ ታማራዳ።

9 የሱሰ ባረ ኦሱዋ ፖሌዳ ዎድ። ባረዉ አዛዘትያ ኡባዉ መጅና አቶተላ ደማናዉ ጋሶ ግዴዳ።

10 ቃይ ጸሳይ ማልክ-ጸደቃ ሱንሳተላዳን። ቄሳቱዋ ኡባቱዋ ካቸዋ ግዳና ማላ። አ ሰንሴዳ።

አሳይ ባለናዳን ኦደቲዳ ምኖ ኦዲዋ

11 ኦን ሀ የወዋን ሃሳያናባይ ዳርባይ ደኤ፤ ሸን ህንተንቱ እኪካናዉ አዛላ ግድያ ድራዉ። ህንተንቶ ኦድ ገልሳናዉ ዋይሴ።

12 እያዉ ጎፕ። ህንተንቱ ሀ ዎድያን ታማርሰያዋንታ ግዳናዉ በሶፕካ። ጸሳ ቃላ ኮይሮ ትምርትያ ህንተንታ ዛር ታማርሰያ እት ኡራ ኮሼ፤ ህንተንታ ኡሸያ ማላ ኮሼፕ አትን። ጮምዋ ቁማ ኮሸና።

13 ማላ ፓከቲደ ደእያ ኦንነ ጋጭኖ ናኣ ግድያ ድራዉ። ጽሎተላ ትምርትያዎ ኤረና።

14 ሸን ምኖ ቁማይ ኢታነ ኬካ ደኡዋ ዳሩዋን ሻክ ኤራዳ ዎዛናማ አሳሳ።

**6**

1-2 ሄዋ ድራዉ። ክርሰቶሳ ትምርትያ ብር ደምያዎ አጊደ። ዎዛናማ አሳ ትምርተዉ ሰንሳዉ ቦይተ፤ ኮይሮ ኦን ታማራናዉ ኮሸያ ትምርትያ ዎጅ ኤቄደ ታማራናዉ ኦዉ በሰና፤ ሄ ትምርቲ አዬ ጎፕ። ማደና ኦሱዋፕ ሰምዎ። ጸሳ አማንያዎ። ጽንቃታቱዋባ። \* ኩሸያ ዎሉዋባ። ሀይቁዋፕ ደንዳዋባነ መጅና ፕርዳሳ።

3 ጸሳይ አላተ ጎፕ። ሄዎ ኦን አሳና።

4-5 እያዉ ጎፕ። እቶደካ ፖኡ ፖኤዳዋንታን ሳላዋ አሙዋ ባር በኤዳዋንታ። ቃይ ጌሻ እያናካ ሻክ እኪዳዋንታን ጸሳ ቃላይ ሎአ ግዴዳዎ ሰሰ ኤራዳዋንታ። ሰንሳፕ ያና ሳኣ ዎልቃካ ቦኝ ጸሌዳዋንታ።

6 ሄዋፕ ጉየ ሰማይ ካዴዳዋንታ ናጋራፕ ላእንሉዋ ዛራናዌ ዳንዳየተና። እያዉ ጎፕ። ሄዋንቱ ጸሳ ናኣ ማሰቃልያ ቦላ ምስማርያን

ጅሺደ ካቂያዋንታን አሳ ሰንሳን ካዉሸያዋንቱ ማላ።

7 ኡባ ዎደ ቡክያ አራ ኡሸና። ጎሼዳ ኡራ ጎእያ ካላ ሞክያ ቢታ ጸሳይ አንጄ።

8 ሸን ቡሉዋነ ቡዙዋ ሞኮፕ። አይነ ጎኤና፤ ሸቃዉ ሸቅ ኡቴዳ። ቃይ ዉርሰሳን ጉደታና።

9 ሸን ኦ ሲቃቶ። ኦን ሀዋዳን ሃሳይያዎ ግደፕ። ህንተንቱ አቶተላዉ ግድያ ሎኦባይ ህንተንቶ ደእያዎ ኤራቶ።

10 እያዉ ጎፕ። ህንተንቱ አሌዳ ኦሱዋነ ቃይ አማንያዋንታ ማዴዳዋንነ ሀእካ ማድያዋን ጸሳ ሲቄዳ ሲቁዋ ጸሳይ ደጋናዉ ማካላ ግደና።

11 ህንተንቱ ሁጲያን ሁጲያን ደማና ጊደ። ሀይታን ናግ ኡቴዳ ኩመንሳ ቱማተላ ዉርሰሳዉ ጋካናዉ። ካሰዋዳን ምንሲደ አሳና ማላ አሞቴቶ።

12 ጸሳይ አማና ጌዳዋ አማኑዋንነ ገንጫን ላትያዋንቱ ማላ ህንተንቱ ግዳናዎ ኦን ኮይያዋፕ አትን። አዛላ ግዳናዎ ኮየኮ።

ጸሳይ አሜዳ ሀይታይ ሰጅሰናዎ

13 ጸሳይ አብራሃሞ አማና ጊደ ጫቄዳ ዎድ። ባረፕ አጅያ ዎልቃማይ ባረና ድራዉ። ባረ ሁጲያን ጫቄዳ።

14 ጸሳይ አ።

“ታን ኔና አንጃና፤  
ነ ዘረሳካ ጮርሳና”

ያጊደ ጫቄዳ።

15 ሄዋዳንካ። አብራሃሞ ገንጭ ናጊደ። ጸሳይ አማና ጌዳዋ አኬዳ።

16 እያዉ ጎፕ። አሳይ ባረፕ ጅቂያ ኡራን ጫቄ፤ ቃይ ሄ ጫቄ ፓሉምያ ኡባካ ተኤ።

17 ሄዎ ድራዉ። ጸሳይ ባረ አማና ጌዳዋ ላታናዋንቶ ባረ ቆፋ ኡባካ ላመናዎ ጌሽ ኦዳናዉ ሎይል ኮዬደ። ሄዎ ቴማ ግዴዳዎ ጫቄዳ።

18 ጸሳይ ዎርደታናዉ ዳንዳየና ሀ ላኡ ላመተና የዋቱዋን። አ አማና ጌዳ ኦ ሰንሳን ደእያዎ ኦይቃናዉ አኮ ባቃቴዳ ኦዉ ዎልቃማ መንግሥቱ ደኤ።

19 ሀ ኦን ደማና ጊደ ናሸቻን ናግ ኡቴዳዎ። ኦ ሸምፖ ማርካብያ ኦይቂያ ቃጸና ብራታ ማላ፤ ሄ ኦን ደማና ጊደ። ናሸቻን ናግ ኡቴዳዎ ኤረቴዳ ምኖ ግዲደ። ጋርዲዋ ተ ግደ ጌሻ ሳ ገሌ።

20 ቃይ የሱሰ ማልክ-ጸደቃ ሱንሳተላዳን። መጅናዉ ቄሳቱዋ ኡባቱዋ ካቸዋ ግዲደ። ኦ ግሻታዉ ኦፕ ካሰቲደ። ሄ ሳኣ ገሌዳ።

**7**

ቄሳ ማልክ-ጸደቃ

\* 5:6 ማልክ-ጸደቁ፡- ሀ ሰንሳይ ኤጫ ጫቁዋን ጸሰቴዳዎ። አ ቄሳ አርነፕ ካሰና ደኤዳዎ ኤረቶ ድራሳ። አ ገየ ዛርያባዉነ አ ሀይቁዋባዉ አይነ ጌተቶዌ ባዋ። 7:3፤ ደመላ 14:17-20 ጸልተ። 5:6 ማክ. 110:4 \* 6:1-2 ጽንቃታቱዋባ፡- ማቻቱዋባ ግያዎ ግዲደ ጌሻተላሳ ግሪከን ዲማ ዲማ ዎጋ ግድያዎ በሴ። 6:8 ደመላ 3:17-18 6:14 ደመላ 22:16-17 † 6:19 ጋርዲዋ፡- ሀዌ ዳንካንያ ግዲዋን ጎደናዉ ማድያዎ። ሄዌካ “ጌሻ ሳ” ጌተቴዳዋፕ “ጌሻፕ ጌሻ ሳ” ሻካናዉ ጎእያዎ ግዲደ ቄሳቱዋ ካፖ ጸላላይ ገላናዉ ዳንዳይያሳ። 6:19 ዎጋ 16:2 6:20 ማክ. 110:4 7:1 ደመላ 14:17-20

1 ሀ ማልክ-ጸደቁ፣ ሳሌማ ካቲ፣ ኡባጥ ቦላ ጸሓ ቁሳይ፣ አብራሃም ካተቱዋ ዋጂደ ኦሳጥ ሰምሽን፣ አናና ጋከቲደ፣ አ እንጃዳ።

2 አብራሃም ባረ ኦምዴዳ ኡባጥ አሰራታ ከሲደ፣ አው እሜዳ፣ ማልክ-ጸደቃ ሱንሳው ኮይሮ ብለላይ ጽሎተላ ካትያ ግያዋ፤ ቃይ ሳሌማ ካትያ አ ግድያ ድራው፣ ላኤንሶ ብለላይ ሳርተላ ካትያ ግያዋ።

3 ማልክ-ጸደቃው ዳያ ዋይ አው፣ ዋይ አው ዛርያ ፓይዱ ባዋ፤ ቃይ አ የለታው ደመላይ ዋይ አ ሀይቆ ዉርሰላይ ባዋ፤ ሸን ጸሓ ናአ ማሳተደ፣ መድናው ቁሳ ግዴዳ።

4 ኑ አዎቱዋ ካፑ አብራሃም ኦላን አዎዱደ፣ አሄዳዋጥ አሰራታ እሜዳ ማልክ-ጸደቁ አይ ኬና ቶቁ ግያዋንቶ በአተ።

5 ቁሳ ግድያ ሌዋያ ዛራቱ አሰራኤልያ አሳጥ፣ ሄዌነ ባረንቱ ጋይ አሳጥ ሀራይ አቶ ኡንቱንቱ አብራሃም አረ ግድገን፣ አሰራታ አካና ማላ፣ ሀግያን አዛዘቲድና።

6 ማልክ-ጸደቁ ሌዋያ አረ ግድና፣ ሸን አብራሃምጥ አሰራታ አኪደ፣ ዛረባይ እማና ጌዳዋ ናግያ አብራሃማ እንጃዳ።

7 ቃይ እንጅያዌ እንጀትያዋጥ ቶቁ ግያዌ ፓሉን።

8 እት ባገና፣ ሀይቁያ አሳይ አሰራታ ከሴ፤ ሸን ሀራ ባገና ቃይ፣ ሀይቀና ገደ ማርካትያ ኡራይ አሰራታ ከሴ።

9 ሀዋዳን ሃሳያናው ሀራይ አቶ፣ አሰራታ ከሰያ ሌዋካ አብራሃም ባገና አሰራታ አሜዳ።

10 እያው ጎጥ፣ ማልክ-ጸደቁ አብራሃምና ጋከትያ ዋይ፣ ሌዋ ብር የለትቤና፤ ሸን ባረ ዛርያ አብራሃማ ጉልባታን ደኤ።

11 አሰራኤልያ አሳው ሀገ ሌዋያ \* ዘረላቱዋ ቁስተላ ባገና እመቲዳ። ሄ ቁስተላ ኪታይ ባላይ ባይናዋ ግድገ፣ እርናዋ ማላ ግድናን ማልክ-ጸደቃ ማላ ሀራ ቁሳይ ሱንጋታናው እያው ኮሺ?

12 እያው ጎጥ፣ ቁስተላይ ላመትያ ዋይ፣ ሀገካ ቃይ ላመታናው ኮሺ።

13 ሀ የው ሃሳየቲዳ ኡራይ ሀራ ዛሪ፤ አ ዛርያጥ ኦንነ ያርሽያሳን ቁሳዳን ኦላቤና።

14 ኑ ጎዳይ ይሁዳ ዛርያጥ ዬዳዌ ኤሪቲዳዋ ግድያ ድራው፣ ሙሴ ቁሳቱዋባ ሃሳዪደ፣ ሄ ዛርያባ አይነ ሃሳይቤና።

ክርስቶስ ማልክ-ጸደቃ ማላ ቁሳ

15 ማልክ-ጸደቃ ማላ ሀራ ቁሳይ ዬዳዋ ግድንቶ፣ ሀዌ አጂደ ኤሪታናዋ።

16 አ አሳ ሀግያንነ ዋጋን ቁሳ ግድቤና፤ ሸን ዉረና ደኡዋ ዋልቃን ቁሳ ግዴዳ።

17 እያው ጎጥ፣ ጸሓ ማጻፋይ፣ “ማልክ-ጸደቁ ቁሳ ግዴዳዋዳን፣ ንንካ መድናው ቁሳ ግድናዋ”

ያገደ ማርካቲ።

18 በን ደእያ ሀገ ላፋነ ማደናዋ ግድያ ድራው አቲዳ።

19 እያው ጎጥ፣ ሙሴ ሀገ እያነ ባላይ ባይናዋ ኦሳናው ዳንዳየና፤ ቃይ ኑን አ ባገና ጸሓኑ ሺቃና ገደ ናሽቻን ናግ ኡቲዳ ኡባጥ አጵያዌ ዬዳ።

20 ሄዋ ቦላን ቃይ ጸሓ ጫቀካ ደኤ፤ ሀራቱ ቁሳ ግዴዳ ዋይ፣ ሄዋ ማላ ጫቁ ባዋ።

21 ሸን የሱስ ጫቁዋን ቁሳ ግዴዳ፤ ጸሓ ኦ፣ “ጎዳይ ጫቁዳ፤ አ ባረ ቆፋ ላመና። ንን መድናው ቁሳ ግድና፣ ጌዳ”

ያገዴ።

22 ሄዋ ድራው፣ የሱስ ኡባጥ አጵያ ጫቆ ዋስ ግዴዳ።

23 ካስ ቁሳቱዋ ፓይዱ ጮራ፤ እያው ጎጥ፣ ኡንቱንቱ ኦሳና ኡሱዋ ሀይቆ ድጌዳ።

24 ሸን የሱስ መድናው ደእያ ድራው፣ አ ቁስተላይ ላመተና።

25 ሄዋ ድራው፣ አ ኡንቱንቱ ግሻታው ጋናታናው መድናው ደእያ ድራው፣ ጸሓኑ ባረ ባገና ይያዋንታ ኡባቱዋ አሻናው ዳንዳዬ።

26 ኑው ጊግያ ሀዋ ማላ፣ ቁሳቱዋ ኡባቱዋ ካፑ ደአናው ኮሺ፤ አ ጌሻ፤ አን ገኒነ ካ። ስልያባይ ባዋ፤ ናጋራንቻቱዋና አ ጋከተና፤ ቃይ ቶቃ ሳሌዋንካ አ ቦንቼቲዳ።

27 ሀራ ቁሳቱዋ ኡባቱዋ ካፓቱዋዳን፣ አ ኮይሮ ባረ ሁጻ ናጋራው ያርሺደ፣ ቃይ ጉየጥ አሳ ናጋራው ሀቼ ሀቼ ያርሻናው ኮሻና፤ አ ባረና ያርሺዳ ዋይ፣ ላኤን። ስናን እት ገደ ያርሺዳ።

28 እያው ጎጥ፣ ሙሴ ሀገ ዳቡራንቻ አሳ ቁሳቱዋ ኡባቱዋ ካፑዋ ኡሊደ ሱንሌ፤ ሸን ጸሓይ እማና ገደ ጫቁዳ ሀግያጥ ጉየ ዬዳ ቃላይ መድናው ባላይ ባይናዋ፣ ጸሓ ናአ ሱንሌ።

### 8

የሱስ ኦራላ ቃላ ጫቁዋ ቁሳቱዋ ኡባቱዋ ካፑዋ

1 ኑን ሃሳይያ ዋልቃማባይ ሀዋ፤ ሳሌዋን ኡባጥ ቦላ ጸሓይ ኡትያ ካውተላ ኦይድያጥ ኡሸቻ ባገና ኡቲዳ ቁሳቱዋ ኡባቱዋ ካፑ፣ ሀዋ ማላይ ኑው ደኤ።

2 ጌሻ ሳአንነ ቱሙ ዱንካንያን አ ኦሌ፤ ሄ ዱንካኒ አሳይ ኤሴዳዋ ግድናን፣ ጸሓይ ኤሴዳዋ።

3 ቁሳቱዋ ኡባቱዋ ካፑ ኡባይ እሙዋነ ያርሹዋ ጸሓው እማናው ሱንጋቲዳ ድራው፣ ሀ ቁሳቱዋ ኡባቱዋ ካፓካ ያርሻናው እትባይ ደአናው ኮሺ።

4 ሰም ሳአን አ ደእያዋ ግድገ፣ ኡባካ ቁሳ ግድና፤ እያው ጎጥ፣ ሀገ አዛዘያዋዳን፣ እሙዋ እምያ ቁሳቲ ደአና።

5 ኡንቱንቱ ቁሳቱዋዳን ኦላያ ኪታይ ሳሌዋን ደእያ ኦሶ ቱሙ ለምሱዋነ ኤሹዋ፤ እያው ጎጥ፣ ሙሴ ዱንካንያ ኤሳና ሀንሸን፣ ጸሓይ አ፣ “እኮካ፤ ኡባካካ ታን ኔና ደርያ

7:5 ፓይ. 18:21 \* 7:11 ሌዋያ- ሀ ሱሳን ዴስትዋንቱ ቁሳቱዋጥነ ኡንቱንታ ማድያዋንቱጥ ደረቲዳዋንታ። 7:17 ማክ. 110:4 7:21 ማክ. 110:4 7:27 ዋጋ 9:7 8:1 ማክ. 110:1 8:5 ከሳ 25:40

ሁጲያን በሴዳ ለምሱዋ ካለደ ኦላ” ያጌዳ።

6 ሸን የሱሰ ጋናትያ ጫቁ ካሰዋጥ አድያዋዳንካ፣ አው እመቲዳ አሱካ አንቲንቲዋጥ አዲ፤ እያው ጎጥ፣ ሄ ጫቁ ጸሳይ እማና ጌዳ ኡባጥ አድያ ኪታን አሰቲዳ።

7 እያው ጎጥ፣ ኮይሮ ጫቁዋን ባላይ ባይናዋ ግድንቶ፣ ላኤንሶ ጫቁዋ ኮሸና።

8 ሸን ኡንቲንታ ቦሪደ፣ ጎዳይ ሀዋዳን ያጌ፤ “ታን እሰራኤልያ አሳናን ይሁዳ አሳና፣

ኦራላ ጫቁዋ ጫቁትያ ጋላሳቲ ያናዋ።  
9 ሄ ጫቁ ታን ግብጼ ጋድያጥ፣

ኡንቲንቲ አዋቲዋ ኩሸያ ኦይቃደ፣ ጎቻ ከሴዳ ዋደ፣

ኡንቲንቲና ጫቁቲዳ ጫቁዋ ማላ ግደና።

ኡንቲንቲ ታ ጫቁዋን አማንቲቤና ድራው።

ታንካ ኡንቲንታ አጋደ።  
ታን፣ ጎዳይ፣ ሀዋ ኦዳይ።

10 እያው ጎጥ፣ ሄ ጋላሳቲዋጥ ጉይያን፣ ታን እሰራኤልያ አሳና ጫቁታና ጫቁ ሀዋ፣

ታን ታ ሀግያ ኡንቲንቲ ቆፋን ዋላና፤ ቃይ ኡንቲንቲ ዋዛናንካ ጸፋና።

ታን ኡንቲንቲ ጸሳ ግዳና፤ ኡንቲንቲካ ታ አሳ ግዳና።

11 ኡንቲንቲጥ ኦንካ ባረ ሾሩዋ፣ ዋይ ባረ እሻ፣

ኅዳ ኤራ” ያጌደ ታማርሰና። እያው ጎጥ፣ ኡንቲንቲ ናኦጥ ጭማ ጋካናው ኡባይ ታና ኤሪና።

12 ታን ኡንቲንቲ ናቁዋ ማራና፤ ኡንቲንቲ ናጋራካ ላኤንሶ ሀሳይከ” ያጌ።

13 ጸሳይ ኦራላ ጫቁዋ ጌደ ሃሳይያዋን ኮይሮዋ ኤጭሴዳ፤ ቃይ ኤጭያባይ፤ ዉርያባይ ኤላካ ጳያና።

### 9

ሳሉዋን አሰትያ እያና ኦሱ ሳኦን አሰትያ እያና ኦሱዋጥ አደ።

1 ኮይሮ ጫቆ ጸሳው ጎይንያ ዋጋይ፤ አሳይ ኦሌዳ ጌሻ ጎሊ ደኤ።

2 እያው ጎጥ፣ ኮይሮ ዲንካኒ ኤቁዳ፤ አ ግዴዋን ሙቃዳ ዋሰያዌ፣ ጸራጳዛይ፤ ጎዳ ሰንሳን ዋሰያ ኡክላይ ደኤ፤ ሄ ሳኦይ ጌሻ ሳ ጌደ ጸሴቲ።

3 ላኤንሶ ጋርዳዋ ጉየ ባጋና ኡባጥ አድያ ጌሻ ሳኦ ጌተትያ ዲንካኒ ደኤ።

4 አ ግዴዋን እጻና ጨዋያናው ዋርቃጥ ኦሌዳ ሳኦኒ፤ ኡባ ሳና ዋርቃን ሾሼዳ ቃላ ጫቁዋ ታቦታይ ደኤ። ሄ ቃላ ጫቁዋ ታቦታን ማናይ ደእያ ዋርቃ ጸሩ፣ አርና ጸምአይ አጩዳዊን ቃይ ሙሴ ህጊ ጸፈቲዳ ላኡ ማሰቲዳ ሹቻቲ ደኤና።

5 ሄ ቃላ ጫቁዋ ታቦታጥ ቦላ ባጋና አቶ ግያ ሳኦ ቁምእያ ባረንቲ ቀፍያን ገንሰያ ቦንቾ ክሩበቲ ደኤና፤ ሸን ሀ ኡባጥ ሀእ ዉርሰ ኦዳናው ዲንዳዮኮ።

6 ሄዌ ሄዋዳን ጊግ ደእሸን፣ ቁሳቲ ኡባ ዋደ፣ ባረንቲ ኦሱዋ ኦላናው ኮይሮ ዲንካንያ ገሊና።

7 ሸን ቁሳቲዋ ኡባቲዋ ካጥዋ ጸላላይ ላኤንሶ ዲንካንያ ላይላጥ እት ገደ ገሊደ ባረ ድራው፤ ኤሪናን አሳይ ኦሌዳ ናጋራ ድራው፣ ጸሳው ያርሸያ ሱላ እኪደ ገሊ።

8 ኮይሮ ዲንካኒ ኤቁደእሸን፣ ኡባጥ አድያ ጌሻ ሳኦ አፍና ኦጊ ብር ደየትቤናዋ ጌሻ እያናይ ሄዋን ኤርሴ።

9 ሄ ዲንካኒ ሀ ዋደው ለምሱዋ፤ ሄዋ ግያዌ ጸሳው እምያ እሙን ያርሹ ጎይንያዋ ሱሪ ዋዛና ባላይ ባይናዋ ኦላናው ዲንዳይክና።

10 ሄዋንቲ ሙሳባ፣ ኤሻባ፤ ዲማ ዲማ ማቻባ ኦድያ ካረ ባጋ ዋጋቲዋ፤ ኡንቲንቲ ኦራጽያ ዋዲ ጋካናው አሰትያ ዋጋቲዋ።

11 ሸን ክርሰቶሰ ሀዋን ደእያ ሎኦባው ቁሳቲዋ ኡባቲዋ ካጥዋ ግዲደ ይ ድጌዳ። አ ገሊደ ኦሌዳ ዲንካኒ ኡባጥ አድያዋን ባላይ ባይናዋ፤ ቃይ ሄ ዲንካንያ አሳይ ኦላቤና፤ ሀ መጠቲዳ ሳኦባካ ግደና።

12 ክርሰቶሰ ኡባጥ አድያ ጌሻ ሳኦ ገልያ ዋደ፣ ዴሻ ሱላን ጋሎ ማራ ሱላ ኦይቁይ ገልቤና፤ ሸን ባረ ሱላ ኦይቁይ፣ ኮው መድና አቶተላ እማይ፣ ላኤግናን እት ገደ ገሊዳ።

13 ቲዳዳ አሳ ቦላ ኮሩማ ሱላን ዴሻ ሱላ ጫጫፊደ፣ ጉይቲዳ ኡሳት ብድንሳ ቆልና፣ ሄ ኦራ ቲናተላጥ ጌሻናው ዲንዳዮጥ፣

14 መድና ጌሻ እያና ባጋና ባላይ ባይና ያርሹዋዳን፣ ጸሳው ባረና እማዳ ክርሰቶሳ ሱላይ፣ ኦን ደኤዋ ጸሳው ኦላና ማላ፣ ካሰ ኦ ሀይቁዳ ኦሱዋጥ ኦ ሱሪ ዋዛና ዋት ጌሻንዴሻ!

15 ሄዋ ድራው፣ ጸሳይ ጸሴዳዋንቲ እ እማና ጌዳ መድና እንጂዋ ላታና ማላ፣ ክርሰቶሰ ኦራላ ጫቆ ጋናቲዳ፤ ሄዌ ሀናና ዲንዳይያዋ፣ አሳይ ኮይሮ ጫቁዋጥ ጋርሳን ደኤደ ኦሌዳ ባላ አይለተላጥ ከሰያ ሀይቁ ደእያ ድራሳ።

16 እያው ጎጥ፣ ሀይቁያ ኦራይ ዋይቲዳዌ ደኦጥ፣ ሄ ኦራይ ሀይቆዌ ኤሪታናው ኮሹ።

17 እያው ጎጥ፣ ዋይቲዳ ኦራይ ሀይቁዳ ዋደ፣ አ ዋይቲዳዌ ፖለቲዳ፤ ሄ ዋይቲዳዌ ፓጸ ደእሸን፣ ኤይ ፖለቲና።

18 ሀራይ አቶ፣ ኮይሮ ጫቁካ ሱላይ ባይናን እንጀትቤናዌ ሀዋሳ።

19-20 እያው ጎጥ፣ ሀግያን ደእያ እዛዙዋ ኡባ ሙሴ አሳ ኡባው ኦዳዳ፤ ሄዋጥ ጉይያን፣ ጋሎ ማራ ሱላን ዴሻ ሱላ፣ ሃላና፣ ዞኦ ድርሳ እሰክያናን ሀሶጽያ ግያ ምላ ቦንጭያና

8:8 ኤር. 31:31-34 9:2 ከሳ 26:1-30፤ 25:31-40፤ 25:23-30 9:3 ከሳ 26:31-33 9:4 ከሳ 30:1-6፤ 25:10-16፤ 16:33፤ ፓይ. 17:8-10፤ ዛረ. 10:3-5 9:5 ከሳ 25:18-22 9:6 ፓይ. 18:2-6 9:7 ዋጋ 16:2-34 9:13 ዋጋ 16:15-16፤ ፓይ. 19:9፣ 17-19 9:19-20 ከሳ 24:6-8

እትጥ እኪደ፡ “ሀዌ ህንተንታ ጸሳይ አዛዜዳ ጫቁዋ ሱላ” ያጊደ፡ ሀግያ ማጻፋ ሶላን እሳ ኡባ ቦላ ጫጫፊደ።

21 ሄዋዳንካ፡ ዱንካንያ ቦላን ኦሎያ ሚሻ ኡባ ቦላ ሱላ ሙሴ ጫጫፊደ።

22 ህጊ ግያዋዳን፡ ቱሙካ አማራዳዋጥ አትን፡ ኡባባይካ ሱላን ጌዬ፤ ሱላይ ጉካና ጳዮ፡፡ አትተላይ ባዋ።

ክርስቶስ ያርሽቱዳዌ ናጋራ ቁጭ ጳይሴ

23 ሄዋ ድራው፡ ሳሉዋን ደእያዋንታ ማላትያዋንቱ ሄ ያርሹዋን ጌያናዉ ኮሼ፤ ሸን ሳሉዋን ደእያዋንቱካ ባረንቱ ሁጸዉ ጌያናዉ አድያ ያርሹዋ ኮንቱንታ ኮሼ።

24 አያዉ ጎ፡፡ ክርስቶስ ቱሙ ጌሻ ሳን ሊምሰትያ አሳይ ኦሎዳ ጌሻ ሳ ገልቤና፤ ሸን እ ሀእ ኑ ግሻታዉ ጸሳ ሰንላን ቤታናዉ ያ ሳሉዋ ገሊዳ።

25 ቁሳቱዋ ኡባቱዋ ካፑ ላይላን ላይላን ባረ ሱላ ግድናዋ አይቂደ፡ ጌሻ ሳአ ገልያዋዳን፡ ክርስቶስ ባረና ኡባደ ያርሻናዉ ገልቤና።

26 ሄዋ ግድንቶ፡ ክርስቶስ ሳአይ መፍታደጥ ደሚደ ዳር ገደ ዋየታናዉ ኮሼ፤ ሸን ሀእ ዋድያ ወርሰላን ናጋራ ጳይሳናዉ ባረና ያርሹደ፡ ላኤ።

27 አሳይ ኡባይ እት ገደ ሀይቃናዉ በሴ፤ ሄዋጥ ጉይያን ጸሳይ አሳ ፕርዳና።

28 ሄዋዳንካ፡ ቃይ ክርስቶስ ዳር አሳ ናጋራ ጳይሳናዉ እት ገደ ያርሹቱዳ፤ ቃይ እ ባረና ሎይላ ናግያዋንታ አሻናዉ ቤታና፡፡ አትን፡ ላኤንላ ናጋራ ቶካናዉ ቤተና።

### 10

1 አያዉ ጎ፡፡ ሀገዉ ያና ሎኦባ ኤሹዋ ጸላላይ ደኤ፤ እዉ ቱሙ ሊምሱ ባዋ። ኡባ ዋደ ላይላን ላይላን እት ማላ ያርሹ ያርሹቱ፤ ሄዋ ድራው፡ ህጊ ጸሳኮ ሸቅያ አሳ ሄ ያርሹዋን ባላይ ባይና አሳ ኦላናዉ ኡባካ ዳንዳየና።

2 ጸሳዉ ጎይንያ አሳይ ባረ ናጋራ፡፡ ኡባና ጌዬዳባ ግድንቶ፡ ሱረ ዋዛናን ላኤንላዋ ናጋራ ቆፕና፤ ቃይ ያርሽያዋካ አጋና።

3 ሸን አሳይ ላይላን ላይላን ሄ ያርሹዋን ባረ ናጋራ ሀሳዬ።

4 አያዉ ጎ፡፡ ኮረማ ሱላይን ዴሻ ሱላይ ናጋራ ጳይሳናዉ ኡባካ ዳንዳየና።

5 ሄዋ ድራው፡ ክርስቶስ ሀ አላምያ ያና ሀኒደ፡ ሀዋዳን ያጌዳ፤

“ኔን ያርሹዋን እሙዋ ኮያቦይካ፤ ሸን ታዉ ቦላ ገግሳዳ።

6 ኔን ጸግያ ያርሹዋን፡ ናጋራ ያርሹዋን ኡባካ ናሽታካ።

7 ታን ሄ ዋደ፡ ጻላ ማጻፋን ታባይ ጸፈቱዳዋዳንካ፡፡

ጸሳዉ፡ ታን ኔን ኮይያዋ ኦላናዉ ያድ” ያጋድ”

ያጌዳ።  
8 ያርሹ ያርሽታና ማላ፡ ህጊ አዛዜያዋ ግድፕ፡ ክርስቶስ ኮይሮ፡ “ኔን ያርሹዋ፡ አዋታ፡ ጸግያ ያርሹዋን ናጋራ ያርሹዋ ኡባካ ኮያቦይካ፤ ሄዋንቱን ናሽታካ” ያጌዳ።

9 ሄዋጥ ጉይያን ክርስቶስ፡ “ጸሳዉ፡ ታን ኔን ኮይያዋ ኦላናዉ ያድ” ያጌዳ። ሄዋ ድራው፡ ክርስቶስ ላኤንላዋ ኡሳናዉ ኮይሮዋ ጳይሴ።

10 የሱስ ክርስቶስ ጸሳይ ኮይዳዋ ኦሎዳ ድራው፡ ባረ አሹዋ ላኤን፡፡ ናን እት ገደ ያርሹዳዋን ኩን ኑ ናጋራ፡፡ ጌይ አጌደ።

11 ቁሳቱዋ ኡባቱ ሀቼ ሀቼ ኤቂደ፡ ባረ ኦሉዋ ኦሊና፤ ቃይ ናጋራ ጳይሳናዉ ኡባካ ዳንዳየና እት ማላ ያርሹዋ ዛር ዛሪደ ያርሹና።

12 ሸን ክርስቶስ ናጋራ ድራው፡ ኡባ ዋደዉ ግዴዳ እት ያርሹዋ ያርሹደ፡ ጸሳ፡፡ ኡሸቻ ባጋና ኡት አጌደ።

13 ጸሳይ ሰንላ፡፡ ክርስቶሳ ዋርከቱዋ ክርስቶሳዉ ገድያን የድያዋ ኦላና ጋካናዉ፡ ያን ናጌ።

14 አያዉ ጎ፡፡ እ እት ገደ ያርሹዳዋን፡ ናጋራ፡፡ ጌዬዳዋንታ መድናዉ ባላይ ባይናዋንታ ኦሎደ።

15 ቃይ ጌሻ አያናይ ኑዉ ማርካቲደ፡ ሀዋዳን ያጌ፤

16 “ታን ሄ ጋላሳቱዋ፡፡ ጉይያን፡ አንቱንቱና ጫቀትያ ጫቁ ሀዋ፡ ታን ታ ሀግያ አንቱንቱ ቆፋን ዋላና፤ ቃይ አንቱንቱ ዋዛናንካ ጻፋና”

ያጌ።

17 ቃይ ሄዋጥ ጉየና፡ “ታን አንቱንቱ ናጋራ፡፡ አንቱንቱ ማካላ ኦሉዋ ላኤንላ ሀሳይከ”

ያጌ።

18 ጸሳይ ሄ ናጋራ አቶ ጌዳ ዋደ፡ ናጋራ ጳይሳናዉ ሀዋጥ ሰንላዉ ያርሹዋ ኮሸና።

ጸሳኮ ሸቃናዉ ኮሼ

19 ሰም ታናዳን አማንያዋንቶ፡ ኩን የሱሳ ሱላ ባጋና ኡባ፡፡ አድያ ጌሻ ሳአ ገላናዉ ኑዉ ጸላተላይ ደኤ።

20 ክርስቶስ ኑዉ ኦራሳ ኦግን ደኡዋ ኦግን ጋርዲዋ ባጋና፡ ሄዋ ጉሳይ ባረ ቦላ ባጋና ደዬዳ።

21 ኑዉ ጸሳ ጎሊን ሱን፡፡ ቱዳ ዋልቃማ ቁሳይ ደእያ ድራው፡

22 ኩን ሱረ ዋዛናና፡ ቱሙ አማኑዋና፡ ኢታ ዋዛና፡፡ ጌዬዳ ዋዛናን ቃይ ጸሎ ሃላን ማጨቱዳ ቦላና ጸሳኮ ሸቆይተ።

23 ኑዉ አማና ጌዳ ጸሳይ አማንላያ ድራው፡ ኩን ደማና ጌደ ናሽቻን ናግ ኡቱዳዋ ሎይላ ኦይቆይተ።

24 እቱ እቱዋና ዋን ሲቀታነንቶን ቃይ ሎኦ እሱዋ ዋት ኦሳነንቶ፤ እቱ እቶ ቆፒቶ።

25 እቱ እቱ ሸቆዋ ደያ ኦሊደ ሸቆያዋዳን፤ ኮንካ እትጥ ሸቆያዋ ኦሳነ፤ ሸን ጎዳ ጋላሳይ ማታትያዋ ህንተንቱ በእያ ድራው፡ እቱ እቱዋ መንግሥቶ።

26 ኮን ቱማተላ ኤራ እክ ድጊደ፤ ኤሪደ ናጋራ ኦሊያዋ ግደጥ፤ ሀዋጥ ሰንላው ናጋራ ቆይሶያ ያርሹ እትባይነ ባዋ።

27 ሸን ያሸያ ፕርዳ ናግያዋን ጸሳ እጽያ ኡባ ማናው ዋልቃማ ታማይ ደኤ።

28 ሙሴ ህገው አዛዘተና ኡራይ፤ ላኡ ኡራይ ዋይ ሄዙ ኡራይ ኦ ቦላ ማርካቶ፤ ቃረት ባይናን ሀይቁ።

29 ጸሳ ናኦ ካጫዳ ኡራይ፤ ባረና ናጋራጥ ገሼዳ ጸሳ ጫቆዋ ሱላ ቱናባዳን ቆፒዳ ኡራይ፤ ቃይ እቶ ከካተላ ጌሻ እያና ቦርያ ኡራይ፤ አይ ከና ኢታ ፕርዳ አካናው በሰንቶነ አነ ቆፕተ።

30 እያው ጎጥ፡ “ታን ሀሉዋ ከሳና ኩሸያ ዛራና” ጌዳዋ ኮን ኤሬቶ፤ ቃይካ፤ “ጎዳይ ባረ አሳ ፕርዳና” ያጌዳ።

31 ደኡዋ ጸሳ ኩሸያን ኩንዳናዌ ዳር ያሸያዋ።

32 ህንተንቶ ጸሳ ፖኡ ፖኤዳዋጥ ጉይያን፤ ህንተንቱ ዳርባን ዋየተደ፤ ዋልቃማ ዋጋታን ገንጨዳ በን ዋድያ ሀሳይተ።

33 እት እት ገደ ህንተንታ አሳ ሰንላን ቦራድኖን ፓጾ ካኤድኖ፤ ቃይ ሀራ ዋደ ሄዋዳን ኦሊዳዋንቱናን እትጥ ደኤድታ።

34 እያው ጎጥ፡ ቃሹዋን ደእያ አሳቶ ህንተንቱ ቃረቱድታ፤ ያቲደ ህንተንቶ መቋናው ወረና ኡባጥ አቋያ ሻሉ ሳሉዋን ደእያዋ ህንተንቱ ሁጳው ኤሬዳ ድራው፤ ህንተባ ኡባ እክ ድጎጥ ህድታን ገንጨድታ።

35 ሄዋ ድራው፡ ዋልቃማ ዋይታና ደእያ ህንተንቱ ጸሳተላ ኦሎፕተ።

36 ጸሳይ ኮይያዋ ኦሊደ፤ እ ህንተንቶ እማና ጌዳዋ አካናው ገንጫና ኮሺ።

37 እያው ጎጥ፡ ጸሳ ማጻፋይ፤ “አማራዳ ዋዲ አቲዳ።

ይያዌ ያናዋ፤ ጋምኤና።

38 ታ ጽሉ አማነቲደ ደእናዋ። ሸን ኦንነ ጉየ ሰዋጥ፤ ታና ናሸቹና”

ያጌ።

39 ኮን አማነቲደ አቲዳዋንቱ ባጋ ግድያዋጥ አትን፤ ጉየ ሰሚደ ቆይዳዋንቱ ባጋ ግደኮ።

1 እማኑዋ ግያዌ፡ ደማና ጊደ ናሸቻን ናግ ኡቲዳባይ አማንሉያዋን በእናው ዳንዳየናባ ኤርሲያዋ።

2 ጸሳይ በን ጭማ አሳው ማርካታዌ፤ አንቱንቱ አማኔዳዋና።

3 ሳለነ ሳለይነ ጸሳ ቃላን መጠቅዳዋ አማኑዋን ኮን ኤሬቶ፤ ሄዋ ድራው፡ ቤትያባይ ቤተናባጥ መጠቅዳዋ።

4 አቤል ቃይላዋጥ አቋያ ያርሹዋ ጸሳው ያርሹዳዌ አማኑዋና። ጸሳይ አ እሙዋባ ማርካቲደ፤ እ ጽሉዋ ግዳዳዋካ ማርካቲዳ፤ አቤል ሀራይ እቶ ሀይቁዳሸንካ፤ ባረ አማኑዋን ሀእ ጋካናው ሃሳዬ።

5 ሄኖክ ሀይቆናን ሳሉዋ ቤዳዌ አማኑዋና፤ ጸሳይ አሬዳ፤ ዳራው፡ ኦንነ አ በእናው ዳንዳይቤና። ጸሳ ማጻፋይ፤ “ሄኖክ ሳሉዋ ባናጥ ካሰ ጸሳ ናሸቹዳ” ያጌ።

6 አማኑ ባይናን ኦንነ ጸሳ ናሸቻናው ዳንዳየና፤ እያው ጎጥ፡ ጸሳይ ይያ ኦንነ ጸሳይ ደእያዋን ባረና ኮይያዋንቶ ዋይታ እምያዋ አማናናው ኮሺ።

7 ኖሄ በእናው ዳንዳየና ሰንላጥ ሀናናባው ጸሳይ፤ “ኦና ናጋ” ገና፤ ጸሳው ያዬደ፤ ባረና ባረ ሶይ አሳ አሻናው ማርካብያ መጫዳዌ አማኑዋና፤ ያቲደ ሄዋን ሀ ሳኦ ቦላ ፕርዳደ፤ አማኑዋን ቤትያ ጽሎተላካ ጸሳጥ አኬዳ።

8 አብራሃም ላታናዳን፤ ጸሳይ ባረናው እማና ጌዳ ጋድያ ባና ማላ፤ ጸሳይ ባረና ጴሴዳ ዋደ፤ አዛዘቲዳዌ አማኑዋና፤ እ ባረ ጋድያጥ ከሲደ ብያ ዋደ፤ ሀቃ ብንቶነ ኤሪናን ከሴዳ።

9 አብራሃም ጸሳይ ባረናው እማና ጌዳ ጋድያን ሀራ ቤታ አሳዳን ደኤዳዌ አማኑዋና፤ ጸሳይ ሄ እማና ጌዳዋ ባረናና እትጥ ላታና ይሳቃናን ያቆባና ዳንካንያን ደኤዳ።

10 እያው ጎጥ፡ አብራሃም ጸሳይ ሎኦ ባሉዋን ቆፒደ ከጴዳ ካታማ ናጌ።

11 ሳራ ባረ ሁጳው ሀራይ እቶ ኤጫደካ፤ እማና ጌዳ ጸሳይ አማነቲዳዋ ግዳዳዋ ኤሬዳ ድራው፤ ናኦ ሻሃራናው ዋልቃ ደሚዳዌ አማኑዋና።

12 ሄዋ ድራው፡ ሀይቁዳ አሳ ማላትያ እት ብታንያጥ ሳሉዋን ደእያ ጸልንትያ ኬና፤ አባ ጋጾን ደእያ ፓይዳ ባይና ሻፍያ ኬና ዛራቱ የለቲድኖ።

13 ሄ አሳቱ ኡባቱ አማኑዋን ሀይቁድኖ፤ ባረንቶ ጸሳይ እማና ጌዳዋካ እክበይክኖ፤ ሸን ሃኩዋን ሄዋ በኢደ፤ ሳርቲድኖ። ቃይ አንቱንቱ ሳኦን እማላን የደርሰቲደ ከሴዳ አሳቱዋ ግዳዳዋ ኤሬድኖ።

14 እያው ጎጥ፡ ሄዋዳን ግያ አሳቱ ባረንቱ ሁጳ ጋድያ ኮይያዋ ኤርሲኖ።

15 አንቱንቱ ሄ የጊደ ከሴዳ ጋድያ ሰማናው ቆፒዳዋ ግድንቶ፤ ጉየ ሰምያ ካጫ ደመናን አግክኖ፤ ሸን

# 11

## እማኑዋ

10:27 አሳ. 26:11 10:28 ዛረ. 17:6፤ 19:15 10:29 ከሳ 24:8 10:30 ዛረ. 32:35፤ 36 10:37 እምባ. 2:3-4 11:3 ደመላ 1:1፤ ማክ. 33:6፤ 9፤ ዮሃ. 1:3 11:4 ደመላ 4:3-10 11:5 ደመላ 5:21-24 11:7 ደመላ 6:13-22 11:8 ደመላ 12:1-5 11:9 ደመላ 35:27 11:11 ደመላ 18:11-14፤ 21:2 11:12 ደመላ 18:11-14፤ 21:2 11:13 ደመላ 23:4፤ 1 ኦዲዋ 29:15፤ ማክ. 39:12

16 ኢንቲንቱ ሃዋ አገደ፣ ሎኢያ ጋድያ ላሞቲኖ፤ ሃዋ ሳሉዋ ጋድያ። ሃዋ ድራው፣ ጸሳይ ኢንቲንቱ ጸሳ ጌተታናው ይላተና። አያው ጎጥ፣ እ ኢንቲንቶ ካታማ ጊግሰ ዎሴዳ።

17-18 አብራሃም ይሳቃ ያርሻንንቶ ዎይ ያርሻንንቶ፣ ጸሳይ ኤራናው ጸሞሴዳ ዎይ፣ አብራሃም አማኑዋን እ ያርሼዳ። ጸሳይ አብራሃማ፣ “ና ዛሪ ይሳቃ ባጋና ጴሰታናዎ” ጌዳሽንካ፣ አብራሃም ባረ ናኦ ይሳቃ ያርሻናው ጊኬዳ።

19 አብራሃም ጸሳይ ይሳቃ ሀራይ አቶ፣ ሀይቁዋጥካ ፓላናው ዳንዳይያዎ ኤራዳ፤ ሃዋ ድራው፣ ሀይቁዋጥ ጉዮ እ ዛሪደ እኩዳ።

20 ይሳቅ ሰንገጥ ሀናናባው ያቆባን ኤሳ አንጄዳዌ አማኑዋና።

21 ያቆብ ሀይቃና ሀኒደ፣ ዮሴፎ ናና ሁጲያን ሁጲያን አንጄዳዌን ጋትማን ጉፈቲደ፣ ጸሳው ጎይኒዳዌ አማኑዋና።

22 ዮሴፎ ሀይቃናው ማቲደ፣ አሰራኤልያ አሳይ ግብጾጥ ከሳናዋ ሃሳይዳዌን ባረ መቀላ ኦላናባ ኢንቲንታ እዛዜዳዌ አማኑዋና።

23 ሙሴ የለቲዳዋጥ ጉይያን፣ አውነ አታ ማላ ሎኦ ናኦ ግይዳዋ ሰሊደ፣ ሄዙ አገና ቆሴዳዌ አማኑዋና፤ ኢንቲንቱ ካትያ አሞኖካ ያይበይክና።

24 ሙሴ ድጩዳዋጥ ጉይያን፣ ግብጾ ካትያ ናት ናኦ ጌተታናዎ እጹዳዌ አማኑዋና።

25 ናጋራን ሙሴ ጉላ ዎድያ ናሽታናዋጥ፣ ጸሳ አሳና ዋይታናዎ ደራዳ።

26 ዎደጥ ደማና ዎይታ እ ትሽ እሊደ ጴሎ ድራው፣ ግብጾ ጋድያ ሻሉዋ ኡባጥ ክርሰቶሳ ድራው ቦረትያዌ ዳር እጵያ ዱረተላ ግይዳዎ ቆፔዳ።

27 ካትያ ሀንቆ ሙሴ ያየናን፣ ግብጾ ጋድያጥ ከሴዳዌ አማኑዋና፤ አያው ጎጥ፣ ቤተና ጸሳ በኤዳዋዳን፣ ገንጪደ እሰገላው ቤዳ።

28 ሀይቁዋ ኪታንቻይ አሰራኤልያ አሳው ባይራ ናና ቦቼናዳን፣ ሙሴ ፓሰጋ ቦቼናዳዌን ጉባንያን ሱላ ጫጫፍሴዳዌ አማኑዋና።

29 አሰራኤልያ አሳይ መላ ቢታን ሀመትያዎዳን፣ ዞኦ አባ ፕኔዳዌ አማኑዋና፤ ሽን ግብጾ አሳቱ ፓጩዉ ገልሽን፣ ሃሳይ ኢንቲንታ ሞት እኬዳ።

30 አሰራኤልያ አሳይ እያርኮ ግያ ካታማ ሹቻ ድርሳ ላፑ ጋላሳ ዩይ ዩይ አጾዋጥ ጉይያን፣ ሄ ሹቻ ድርሳይ ኩንዳዳዌ አማኑዋና።

31 ጫራታ ራኦባ የወዋ ቆርያዋንታ ሎይሳ ሞኬዳ ድራው፣ ጸሳው አዛዘተናን እጹዳ አሳና ሀይቃናን እቲዳዌ አማኑዋና።

32 ሰሞ ሀራባ ጉጃደ አያ ኦደ? ጌደናባ፣ ባራቃባ፣ ሳሞሶናባ፣ ዮፍታሂባ፣ ዳዊተባን ሳሚላባ፣ ቃይ ናባቱዋባ ኦዳናው ታው ዎዲ ግደና።

33 ኢንቲንቱ ካትያ ኡባና አለቲደ ጸኔዳዌን ጽሎባ እሴዳዌ አማኑዋና፤ ያቲደ ጸሳይ አማና ጌዳዎ እኬድና፤ ጋሞቱዋ ደናካ ጎርዴድና።

34 ዎልቃማ ታማ ቶይሴድና፤ ኩሳ ማሻጥ እቲድና፤ ኢንቲንቱ ዳቡራንቻ፤ ሽን ሞኔድና፤ ቃይ ኦላን ሞኒደ፣ ሀራ ጋድያ ኦላ አሳ የደርሴድና።

35 ማጫዋንቱ ባረንቱ ሀይቁዳዋንታ ሀይቁዋጥ ደንድና እኬድና።

ቃይ ሀራንቱ ቃሹዋጥ ብለታናዎ እጲደ፣ ኬክያ ደኦ ሀይቁዋጥ ደንዳናው፣ ኡጋቲደ ሀይቁድና።

36 ሀራቱዋ ቦላ አሳይ ቅለጭ ካኤዳ፤ ለሱዋን ሹጩቲድና፤ ሳንገላታን ቃሽቲደ፣ ቃሽ ጎልያ ገሌድና።

37 ሹቻን ጫደቲድና፤ ማጋዝያን ላኡ ከሰደ ጳልቀቲድና፤ ፓጩቲድና፤ ማሻን ሀይቁድና፤ ኢንቲንቶ ኡባባይካ ቆይና፣ ዋየቲደ ቱጋቲደ፣ ደርሳ ጫላን ዴሻ ጫላ ማዶደ ዩዬድና።

38 ኢንቲንቶ ሀ አላሚ ገገናን እጽና፣ ዎራን፣ ደርያን፣ ጎንጎሉዋ ግደንጎ ኦላ ግዲዋን ዩዬድና።

39 ጸሳይ ኢንቲንቱ አማኑዋ ማርካቶጥካ፣ ሃዋንቱ ኡባቱ እ፣ አማና ጌዳዎ አክበይክና።

40 ጸሳይ ኑው እት ሎኦ ቆፋ ቆፕ ዎሴዳ ድራው፣ ኢንቲንቱ ኑን ባይናን ባላይ ባይናዋንታ ግድክና።

# 12

ጸሳይ ኑው አወዋ

1 ሰሞ ኑው ሀዋ ኬና ዳር አሳይ፣ ሻርያዳን ኑ ማታን ዩይ እጲደ ማርካትያዌ ደእሽን፣ ኑና ቆቢያ ኡባባን ባቂ ኦይቂያ ናጋራ ድጊደ ኑ ሰንገላን ደእያ ኑን ዎጻና ዎላ ገንጪደ ዎጻይተ።

2 ኑን ኑ አማና ኡግያ ደዬዳዋን ፖልሰያዎ ግዴዳ የሱሳ ጴሎይተ። የሱሰ ዬላ ካጲደ፣ ሰንገጥ እው ደእያ ናሽቻ ድራው፣ ማሰቃልያ ቦላ ሞሰማርያን ጵሽቲደ ሀይቃናዎ ገንጪደ፣ ጸሳ ካውተላ ኦይድያጥ ኡሽቻ ባጋና ኡቲዳ።

3 ሀንተንቱ ሀንተንቱ ዎዛና ባይዚደ ዳቡረና ማላ፣ ናጋራንቻቱ ባረና ዳር እጽናካ ገንጩዳ የሱሳ ቆፕተ።

4 ናጋራና ሀንተንቱ ባጸቲደ፣ ሱላ ጉሳና ጋካናው ብር አለት ድግበይክታ።

5 ጸሳይ ባረ ናድዳን፣ ሀንተንታ ዘርያዎ ደጌድቱ? ጸሳይ ሀንተንታ።

11:17-18 ደመላ 22:1-14 11:20 ደመላ 27:27-29፣ 39-40 11:21 ደመላ 47:31 11:22 ደመላ 50:24-25፤ ከሳ 13:19 11:23 ከሳ 2:2፤ 1:22 11:24 ከሳ 2:10-12 11:28 ከሳ 12:21-30 11:30 ኢያሳ 2:1-21፤ 6:22-25 11:32 ዳኤላ 6:11—8:27፤ ዳና. 4:6—5:31፤ ዳና. 13:2—16:31፤ ዳና. 11:1—12:7፤ 1 ሳሜላ 16:1—1 ካታ. 2:11፤ 1 ሳሜላ 1:1—25:1 11:33 ዳኤላ 6:1-27 11:34 ዳኤላ 3:1-30 11:35 1 ካታ. 17:17-24፤ 2 ካታ. 4:25-37 11:36 1 ካታ. 22:26-27፤ 2 ኦዲዋ 18:25-26፤ ኤር. 20:2፤ 37:15፤ 38:6 11:37 2 ኦዲዋ 24:21 12:5 ኢዮባ 5:17፤ ለሞ. 3:11-12

“ታ ናአው፡ ጸሳይ ኔና ሙርያ ዎደ፡ ላፋባዳን ቆፖፓ።

እ ኔና ሴርያ ዎደካ ያዮፓ።

6 እያወ ጎፕ፡ እ ባረ ሲቅያ ኡራ ሙሬ፤ ቃይ ባረ ናአዳን እክያ ኡባካ ልሱዋን ሸጮ።”

ያጌዳ።

7 ጸሳይ ህንተንታ ሙርያ ዎደ ገንጭተ። እያወ ጎፕ፡ እ ህንተንታ ናናዳን ኦሌ። እወ ሴረና ናአይ ደአ?

8 ናና ኡባ ሴርያዎዳን፡ ህንተንታ ሙርናን አጎፕ፡ ካረን የለቲዳዋንታ ግዲታፕ አትን፡ ቱሙ ናና ግድክታ።

9 ሃዎ ቦላን ቃይ፡ ኑና የሌዳ ኑ አዎቱ ኑና ሙሬዳ ዎደ፡ ኑን ኢንቱንታ ቦንቹደ። ያትና፡ ኑን ዋኒደ እናና አቦ ሎይላ ዳርሰ ዎደቲደ ደአኮ?

10 እያወ ጎፕ፡ ኑና የሌዳ ኑ አዎቱ ባረንታ ሎአዎዳን፡ አማራዳ ዎድያ ኑና ሙሬድኖ፤ ሸን ጸሳይ ኑን እ ጌሻተላ አካና ማላ፡ ኑና ማዳናወ ሙሬ።

11 ኑን ሙርትያ ዎደ፡ ሀእወ ይሎዬ፤ ናሸቹና። ሸን ሙሬዳዋንታ ጉየፕ ሃ ሙሬይ ጽሎተላ ደኡዎ ሳርተላ ዎይታ እማና።

ዘርያን ሴራ

12 ሃዎ ድራወ፡ ህንተንቱ አርጋጩዳ ኩሽያን ህንተንቱ ዳቡራዳ ጉልባታ መንግሳተ።

13 ዎቢያ ገዲ ፓጻናፕ አትን፡ ቡርቀና ማላ፡ ሱረ ኦግያን ሀመትተ።

14 አሳ ኡባና ሳር ደአናወ ሞንተ፤ ቃይ ጌሻ ደኡዎ ደአተ። እያወ ጎፕ፡ ጌሻተላይ ባይናን ኦንን ጎዳ በአናወ ዳንዳየና።

15 ጸሳ አቶ ኪካተላ ኦንን እከናን አተና ማላ ናገትተ፤ ቃይ ደላደ፡ ባረ ማርዝያን አሳ ዋይሰያ ጫዎ ሞላዳን ሀኒደ፡ ኦንን ዳር አሳ ቱንሰና ማላ ናገትተ።

16 ዎሹማናወ ካጄልያ አሳይ ኦንን ደኤና ማላ፡ ዎይ ቃይ እት ገደ ምያባወ ባረ ባይራተላ ዛልኤዳ፡ እያናባ ካወሸሰያ ኤሳ ማላ አሳይካ ደኤና ማላ ናገትተ።

17 ሃዎፕ ጉይያን፡ ኤሳይ ባረ አቡ እንጂዎ አካናወ ኮዬዳዎ ኤራታ፤ ሸን አ አቡ አ እንጅናን እጼዳ፤ እያወ ጎፕ፡ ናጋራፕ ሰምያ ኦግያ እ ሀራይ አቶ፡ አፎጽ ኮዬደካ ደማናወ ዳንዳይቤና።

18 ህንተንቱ ቦቻናወ ዳንዳይያ ደርያኮን ኤጽያ ታማኮ፡ ጳማኮ፡ ሻርያኮን ጎቱዋኮ።

19 ቃይ ማላካታ ዋሱዋኮን ቃላ ኮሻኮ ይበይክታ። አሳይ ሃ ኮሻ ሰሴዳ ዎደ፡ ሀራ ጉጅ ሰሰና ማላ ዎሴዳ።

20 እያወ ጎፕ፡ ጸሳይ ኢንቱንታ፡ “ሀራይ አቶ፡ ደአይካ ሃ ደርያ ቦቻፕ፡ ሹቻን ጫደቲደ

ሀይቆ” ያጌዳ እዛዙዋ ኢንቱንቱ ገንጫናወ ዳንዳይበይክና።

21 አይፍያን ቤትያዌ ዳር ዳጋንላያዎ ግድያ ድራወ ሙሴ፡ “ታን ያሻን ኮኮራይ” ያጌዳ።

22 ሸን ህንተንቱ ጽዮን ደርያ፡ ደአ ጸሳይ ደአያ ካታማ፡ እትፕ ሺቁደ ናሸትያ ዳር ሻአ ኪታንቻቱዋኮ ሳሉዋ የሩሳላመ ዬድታ።

23 ጸሳ ባይራ ናናቱዋኮ፡ እትፕ ሺቁዳዋንቱኮ፡ ኢንቱንቱ ሱንሳይ ሳሉዋን ጸፊቲዳዋንቱኮ ዬድታ፤ ቃይ አሳ ኡባ ፕርድያ ጸሳኮን፡ ባላይ ባይናዋንታ ኦሌዳ ጽሎ አሳቱዋ እናናቱዋኮ ዬድታ።

24 ኦራላ ጫቆ ጋናትያ የሱሳን አቤላ ሱላፕ አድያዎ አድያ ጉኤዳ ሱላኮ ዬድታ።

25 ህንተንቶ አድያ ኡራ የወዎ ሰሰያዎ ህንተንቱ እጸና ማላ፡ ህንተንታ ናግተ። ጸሳ ኪታ ሳአን ባረንቶ አድያዌ አድያዎ ሰሰና እጸዳዋንቱ አታና ቆየፕ፡ ሳሉዋን፡ “ህንተና ናግተ” ግያ ጸሳፕ ኑን ዋኒደ አታኔ?

26 ሃ ዎደ አ ኮሻይ ሳአ ቃሌዳ፤ ሸን እ ሀእ፡ “ታን ሳአ ጸሳላ ግደናን፡ እት ገደ ጉጃደ ሳሉዋካ ቃላና” ያጌዳ።

27 “አት ገደ ጉጃደ” ግያ ቃላይ ቃጸናባይ ሞኒደ ደአና ማላ፡ መጠቲዳባይ ቃጸናዋኮ ክቻናዎ ጌሺደ በሴ።

28 ኑን ቃጸናወ ዳንዳየና ካወተላ እክያ ድራወ፡ አን ጸሳ ጋላቶይተን እ ናሸቹይተ፤ አወ በሰያዎዳን ቦንቹዋንን ያሻተላን አወ ጎይኖይተ።

29 እያወ ጎፕ፡ ኑ ጸሳይ ቱሙ ባይዘያ ታማ።

13

ጸሳ ኑን ዎት ናሸቻናወ በሰንቶ

1 ህንተንቱ አሻቱዋ ሰቅያዎ አጎፕተ።

2 እማላ ሞክያዋካ ደጎፕተ። እያወ ጎፕ፡ ያትያዋን እት እት አሳይ ኤረናን ኪታንቻቱዋ ሞኪዳ።

3 ቃሾ ጎሊን ደአያዋንቱባ ህንተንቱካ ኢንቱንቱና እትፕ ቃሾ ጎሊን ደአያዎዳን ቆፕተ፤ ቃይ ህንተንቱ ህንተንቱ ሁጸወ ዋየትያዎዳን፡ ዋየትያዋንቱባ ቆፕተ።

4 እክያዋን ገልያዎ አሳይ ኡባይ ቦንቻናወ በሰ፤ ቃይ አሰናይን ማቻታ እቱ እቶ አማነታናወ በሴ፤ እያወ ጎፕ፡ ጸሳይ ዎሹማናወ ካጄልያዋንታን ዎሹምያዋንታ ፕርዳና።

5 ማሻ ሲቁዋፕ ህንተንታ ናግተ፤ ህንተንቶ ደአያዎ ህንተንቶ ግደ። እያወ ጎፕ፡ ጸሳይ ባረ ሁጸወ፡

“ታን ኔና ኡባካ የግከ ዎይ አግከ”

12:12 እ.ኤ.አ. 35:3 12:13 ለም. 4:26 12:15 ዛረ. 29:18 12:16 ደመላ 25:29-34 12:17 ደመላ 27:30-40 12:18 ከሳ 19:16-22፤ 20:18-21፤ ዛረ. 4:11-12፤ 5:22-27 12:20 ከሳ 19:12-13 12:21 ዛረ. 9:19 12:24 ደመላ 4:10 12:25 ከሳ 20:22 12:26 ሃገ 2:6 12:29 ዛረ. 4:24 13:2 ደመላ 18:1-8፤ 19:1-3 13:5 ዛረ. 31:6፤ 8፤ ኢያሳ 1:5



ያጌዳ።

6 ሄዋ ድራው፣ ኑን ጸሊዶ፣  
“ሳዳይ ታና ማድያዎ፤  
ታን ያይከ።  
አሳይ ታና አይ ኦሊ?”

ያጌቶ።

7 ጸሳ ቃላ ህንተንቶ ኦይዳ ህንተንታ  
ካለሌዳዋንታ ሀሳይቲ፤ ኡንቱንቱ ዋን  
ደኤድናንቶን ሀሳይቲ፤ ቃይ ኡንቱንቱዋዳን  
አማንተ።

8 የሱሰ ክርሰቶሰ ዝናካ ሀቼካ መድናውካ  
ላመተና።

9 ዲማ ዲማ ኦራላ ትምርትያን ዋራ ቦፕተ።  
ኑ ዋዛናይ ጸሳ አጾ ኪካተላን ሞኖፕ ሎኦ  
ግድያዋፕ አትን፣ ቁማ ዋጋቶ አዛዘትያዋ  
ግደና፤ ሄዋ አዛዘቱዳዋንቱካ ማደትበይክኖ።

10 ኑዉ ያርሽያሳይ ደኤ፤ ዲንካንያ ግደን  
ኦላያዋንቱ ሄ ያርሽያ ሳፕ ማናዉ ኡንቱንቶ  
ማታይ ባዋ።

11 ቁሳቱዋ ኡባቱዋ ካፑ ናጋራ ድራው፣  
መሀያ ሱላ ያርሻናዉ ኡባፕ አጵያ ጌሻ ሳኦ  
አፌ፤ ሸን ሄ መሀያ አሹዋ ቃይ ድርሳፕ ካረና  
ጉዴ።

12 ሄዋ ድራው፣ የሱሰካ ቃይ ናጋራፕ አሳ  
ባረ ሱላን ጌሻናዉ፣ ካታማ ፕንግያፕ ካረና  
ዋየቱዳ።

13 ሰም ኑን እ ቦረቱዳ ቦርያ አኪደ፣  
ድርሳፕ ካረ አኮ ከሶይተ።

14 አያዉ ጎፕ፣ ኑዉ ሀዋን መድናዉ ደአያ  
ካታማይ ባዋ፤ ሸን ኑን ያና ካታማ ናጌቶ።

15 ሰም ጸሳዉ የሱሳ ባጋና ኡባ ዋደ ጋላታ  
ያርሹዋ እሞይተ፤ ሄዋ ግያዌ መተርሻይ አ  
ሱንሳዉ እምያ ጋላታ ግያዋ።

16 ሎኦባ ኦላያዋን አቱ አቱዋ ማድያዋ  
ደጎፕተ። አያዉ ጎፕ፣ ጸሳ ናሽቶያዌ ሄዋ ማላ  
ያርሹዋ።

17 ህንተና ካለላያዋንቶ አዛዘትተ፤ ቃይ  
ኡንቱንቱ አዛዘያዋካ አላተ። ኡንቱንቱ ባረንቱ  
ኦሌዳዋ ጸሳዉ ኦዳና ድራው፣ ህንተንቱ  
ሸምቱዋ ሎይላ ናጌኖ፤ ህንተንቱ ኡንቱንቶ  
አዛዘቶፕ፣ ባረንቱ ኦሱዋ ናሽቲደ ኦላና፤  
ሄዌ ጳዮፕ፣ ኡንቱንቱ ይሎቲደ ኦላና፤ ሄዌ  
ህንተንታ አይነ ማደና።

18 ኑዉ ጸሳ ዋሰተ። ኑን ኡባ ዋደ ሎኦባ  
ኦላናዉ ኮይያ ድራው፣ ኑና ዘርያ ሎኦ ዋዛናይ  
ኑዉ ደኤ።

19 ጸሳይ ታና ህንተንቱኮ ኤለካ ዛራና  
ማላ፣ ጸሳ ህንተንቱ ሎይላ ዋሳናዳን፣ ታን  
ህንተንታ ሎይላ ዋሳይ።

ዋሳ

20 ሳርተላ ጸሳይ፣ ኑ ጎዳ የሱሳ፣ ድርሳቱዋ  
ሄንላንቻ ዋልቃማ፣ መድና ጫቁዋ ሱላን  
ሀይቁዋፕ ደንሴዳ።

21 ጸሳይ የሱሰ ክርሰቶሳ ባጋና ባረ  
ሰንላን ባረና ናሽቶያዋ ህንተንታ ኦሰሲደ፣  
ህንተንቱካ እ ኮይዳዋ ኦላና ማላ፣ ሎኦ  
ኦሱዋ ኡባን ህንተንታ እ ጊግሶ፤ ጸሳይ መድ  
መድናዉ ቦንቼቶ። አመንአ።

ቁተሳ ቃላ

22 ታናዳን አማንያዋንቶ፣ ታን ሀ ዲብዳቢያ  
ህንተንቶ ቃንላን ጸፊዳ ድራው፣ ህንተንቱ ሀ  
ዘርያ ሳለተናን ሰሳና ማላ፣ ታን ህንተንታ  
ዋሳይ።

23 ኑ አሻይ፣ ጽሞቶሰ ቃሹዋፕ ብለቱዳዋ  
ኤርተ። ኤሌል እ ሃ ዮፕ፣ ታን አናና ባደ  
ህንተንታ በአና።

24 ህንተና ካለላያ ኡባቱዋን ጸሳ አሳቱዋ  
ኡባ ሳር ሳር ጌተ። ጸላያፕ ዬዳ አማንያዋንቱ  
ህንተንታ ሳር ሳር ጌኖ።

25 አጾ ኪካተላይ ህንተናና ኡባና አትፕ  
ግደ። አመንአ።

# ያቆብ ጻፊዳ ኪታ ገሉቀ

ሀ ኪታ ጻፊዳ ያቆብ ጎዳ የሱሳ አሻጥ አትን ታማነ ላኢ የሱሳ ካልያዋንቱ፣ እቱዋ ግደና። እካ የሩሳሳመን ደእያ እማንያ አሳ ካለላያ ጭማ (ጋል 2:9)። ሀ ኪታይ ጻፊቱዳዊ እት ዋሳ ጎሳትወ ግደናን ሮመ ካወተላ ግደን ላለቲዳ አይሁዳ እማንያዋንቱ ኡባቱዋሳ ግዴዳ፣ ኑናካ ሀቼ ሀቼ ደኡዋ ካለላያ ቆፋቱዋ አይቁዳ። ጻፊቱዳዊካ “አላምያ ኡባን ላለቲዳ ጸሳ አሳሳ”። ሀ ማጻፋ ጻፊዳዊ አይኤዳ ኤራተላ ኑን ኡሱዋን ፔሽያ ሂላን አማንያ አሳ ኤሻን ሀሩታ ታማርሲያ ኦግያ ካለሱቀ እምያ የዋቱዋ ምስልያዳን ቆንጭያን በሴ።

ሀይሳተላባ፣ ዲረተላባ፣ ፓጭያባ፣ ሎኦ ኤሻባ፣ ቃናትያባ፣ እማኑዋባን ሎኦ ኡሱዋባ፣ እንጻርሳ ማዲዋባን ቆሁዋባ፣ አይኤዳ ኤራተላባ፣ እቱ እቱዋና ዋላቀትያባ፣ ኦቶሩዋባን አሽከተላባ፣ ሀራ አሳ ቦላ ፕርድያዋ፣ ጩቁዋባ ዋይ አይዋባ፣ ገንጫባን ዋሳባ፣ አማንያ አሳይ ደአናወ በሰያ ኦግያ ኡባ ጻፊዳ።

ኪታይካ ክርሰትና ደኡዋን አማኑ ኡሱዋን ፔሻና ሀሩታባ ቆንጭሲደ በሴ።

## ሸምፓቱዋ ቤባቶ እመቲዳ ቃንሳ ቆፋቱዋ ገሉቀ 1:1

- እማኑዋን አይኤዳ ኤራተላ 1:2-8
- ሀይሳተላባን ዲረተላ 1:9-11
- ፓጭያ 1:12-18
- ጻሳ ቃላ ስሱሳን ኡሱዋ ቦላ ፔሹሳ 1:19-27
- ሀነና ኦግያን እቱ ሀራወ ማደና ማላ እመቲዳ ኡዲዋ 2:1-13
- እማኑዋን ኡሱዋ 2:14-26
- አማንያ አሳን እንጻርሳ፣ ከሰያ ሃሳያ 3:1-18
- አማንያ አሳን ሀ አላምያ 4:1—5:6
- ዲማ ዲማ የዋ እመቲዳ ማቁዋ 5:7-20

1 ታን ያቆብ ጻሳ አይሊን ጎዳ የሱሳ ክርሰትሳ አይሊ፣ ቢታ ኡባን ላለቲዳ ታማነ ላኢ ዘረላቶ\* ሳርታ ኪታይ።

ዳንዳያ፣ አማኑዋ፣ አይኤዳ ኤራተላ  
2-3 ታናዳን ጻሳ ካልያዋንቱ፣ ህንተ አማኑ ፓጭያዋ ህንተንቶ ዳንዳያ አማናዋ ኤሪደ፣ ዲማ ዲማ ፓጭ ህንተና ጋክያ ዋደ፣ ሄዋ ኩመንላ ናሽቻዳን ፓይድተ።

4 ህንተ ዳንዳያይ አይነ ባል ባይናን ህንተና ምኔዳዋንታን ፓጭ ባይናዋንታ ከላደ፣ ባረ ኡሱዋ ፖሎ።

5 ሽን ህንተ፣ ኦንነ ባረወ አይኤዳ ኤራተላይ ቆዮ፣ ካርናን ኡባወ ኪካተላን እምያ ጻሳ ዋሶ። እ አወ አማና።

6 ሽን እ አያንነ ሰርናን አማኑዋን ጻሳ ዋሶ። አያወ ጎፕ፣ ስድያ ኡራይ ጫርኩ ሱግና ቃጽያ አባ ቤታ ማላ።

7-8 አያወ ጎፕ፣ ላኡ ቆፋይ ደእያ ኡራይ፣ ባረ ኦግያ ኡባን ባረ ቆፋ ቃቼናዊ፣ ሄ ኡራይ ጎዳ፣ አይነ ደማናወ ቆፖ።

ሀይሳ አሳን ዲረ አሳ ናሽቻ

9 ሽን ሀይሳ አሻይ ጻሳይ እ ቶቁ ኦሌዳ ዋደ ናሽቶ።

10 ቃይ ዲረ አሻይካ ጻሳይ እ ካወሽሴዳ ዋደ ናሽቶ። አያወ ጎፕ፣ ዲረ ብታኒ ማታ ግደን ድጭያ ጨሻዳን ቆያና።

11 አያወ ጎፕ፣ አዋይ ባረ ሴላና ከሲደ፣ ማታ መልሰና፣ ጨሻይ ቆይ፣ ቃይ እ ማላ ሎኦተላይካ ቆይ፣ ሄዋዳንካ ቃይ ዲረ ብታኒ ባረዋ ኦሊደ ቆያና።

አሳ ቦላ ጋክያ ፓጭያ

12 ዋይያን ገንጭያ ኡራይ እንጀቲዳዋ፣ አያወ ጎፕ፣ ሄ ዋይያ ጸኔዳዋ፣ ጉይያን፣ ጻሳይ ባረና ሲቆያዋንቶ አማና ጌዳ ደኡዋ ካላቻ † እ አሻና።

13 ኦንነ ፓጭቲዳ ዋደ፣ “ታና ጻሳይ ፓጭ” ጎፕ። አያወ ጎፕ፣ ጻሳይ ኢታን ፓጭታናወ ዳንዳየና፣ ቃይ እ ባረ ሁጸወ ኦናን ፓጭና።

14 ሽን አሳይ ሁጸያን ሁጸያን ባረ ሁጸ ኢታ አሙዋን ጎሽትያ ዋደነ ጭመትያ ዋደ ፓጭቲ።

15 ሄዋ፣ ጉይያን፣ አሙ ሻሃሪደ፣ ናጋራ የሌ፣ ቃይ ናጋራይ ድጩደ፣ ሀይቁዋ የሌ።

16 ታናዳን ጻሳ ካልያዋንቶ፣ ጭመቶ፣።

17 ሎኦ አሙዋ ኡባይነ ኩመንላ ዋይታ ኡባይ ሳሉዋ፣ ዩ። ሳሉዋ ፖኡዋ መጴዳ አወዋ፣ ዩ፣ ጻሳይ ባረ ሁጸወ ዲማተናን ዋይ ባረ ኩዋ ላመና።

18 ኑን እ መጴዳ መታቱዋ ግደን ቶቃሳ አካናዳን፣ ኑና ባረ ሽንያን ቱሙ ቃላን የሌዳ።

ስሴዳዋ ኡሱዋን ፔሽያዋ

19 ታናዳን ጻሳ ካልያዋንቶ፣ ሀዋ ሀሳይተ፣ አሳይ ኡባይ ሰሳናወ ኤሌሎ፣ ሽን ሃሳያናወን ሀንቃታናወ ኤሌሎ።

20 አያወ ጎፕ፣ አሳ ሀንቁ ጻሳይ ኮይያ ጽሎተላ አሄራ።

21 ሄዋ ድራወ፣ ቱና ሀሩታ ኡባን ኢታተላ ኡባ ህንተ፣ ቆይሲደ፣ ጻሳይ ህንተ ዋካናን ቶኬዳ ህንተ ሸምፑዋ አሻናወ ዳንዳይያ ቃላ አሽከተላን አክተ።

22 ሽን ጻሳ ቃላ ኡሱዋን ፔሽተ፣ አትን፣ ሰሳ ጸላላን ህንተ ሁጸያ ጭመቶ።

\* 1:1 ቢታ ኡባን ላለቲዳ ታማነ ላኢ ዘረላቶ- ያቆብ ገደ ደእያ ቆፋይ፣ ጎዳ ካልያ እማንያዋንታ ግዲደ ታማነ ላኢ እስራኤልያ ዘረላቶዋን ባረንቲ ሞርከቱዋን ቢታ ኡባ ላለት ጋኬዳዋንታ ጉሳ። 1:10 እሲ. 40:6-7 † 1:12 ደኡዋ ካላቻ- ቦንቼቲዳ ደኡዋ ጉሳ።

23 እያው ጎጥ፡ ቃላ ሰሲደ ኦባ ኡራይ ደአጥ፡ እ ባረ ማላ ማሰቶትያ ጸልያ ኡራ ማላ።

24 እ ባረና ጸሊደ ቤ፤ ኤላካ እ እይ ማለንቶን ደግ አኔ።

25 ሸን ኦንነ እይለተላጥ ከሰያ ባል ባይና ህግያ ጸሊደ፡ አን እቅያዌ ቃይ እ ናግያዌ፡ ሰሴዳዋካ ደገናዌ፡ ሄ ኡራይ ባረ እልያ ኡሶዋን እንጀታና።

26 ባረ እንጸርሳ ናገናን ባረና ጭሚደ፡ ባረው ጸሳ ጎይንያዋ ማላትያ ኡራይ ደአጥ፡ ኦ ጎይናይ መላ።

27 ጸሳ አውዋ ሰንላን ፖኩ ባይና ጌሻ ጎይናይ ሀዋ፤ ሄዋ ሀቃዌ ጎጥ፡ አታ እው ባይና ናናቱዋን ዋየትያ እምኤቱዋ ማዳናዋን ሳኣ ናጋራ ቅታጥ ባረ ሁጺያ ናጋናዋ።

### 2

ህይዳ ካቆናው በሰና

1 ታናዳን ጸሳ ካልያዋንቶ፡ ህንተ ኑ ቦንቾ ጎዳ የሱሰ ክርሰቶሳ አማን ደኢደ፡ ዳሙዋ ጸሊደ፡ እሳ ቦንቾጥተ።

2 እያው ጎጥ፡ ዋርቃ ምግዳዋ ዋሊደ፡ ሎኦ ማዋ ማዬዳ እት እሳይ ህንተ ሸቁዋ ዮጥ፡ ቃይ ጩርቃ ማዋ ማዬዳ ህይዳ እሰካ ዮጥ፡

3 ሎኦ ማዋ ማዬዳ ብታንያ ህንተ አላ ቦንቾደ አ፡ “ኔን ሀዋን ኡባጥ ሎኦያ ኦይድያን ኡታ” ጌደ ቃይ ህይዳ ብታንያ፡ “ኔን ህንና ኤቃሻ፤ ዋይ ሀዋን ታ ገድያ ማታን ሳኣን ኡታ” ጎጥ።

4 ያትና ህንተ ህንተ ግደን ሻከተላ መጵያዋንታን ኢታ ቆፋና ደኢያ ዳናቱዋ ግድክቱዬ?

5 ታናዳን ጸሳ ካልያዋንቶ፡ ሰሰተ፤ ጸሳይ ሀ ሳኣን ደኢያ ህይዳ እሳይ አማኑዋን ዱረታናውን ባረና ሰቅያዋንቶ አማና ጌዳ ሳሉዋ ካውተላ ላታናው ደርቤነዬ?

6 ሸን ህንተ ህይዳቱዋ ቶቼድታ። ዱረቱ ህንተና ቱጋይያዋንታ ግድክናዬ? ኡንቱንቱ ህንተና ዳናን ሞትያዋንታ ግድክናዬ?

7 ህንተው እመቲዳ ሎኦ ሱንላ ቦርያዋንቱ ኡንቱንታ ግድክናዬ?

8 ሸን ጸሳ ማጸፋን፡ “ነ ሾሩዋ ነ ሁጺያዳን ሲቃ” ጌተቲደ ጸፈቲዳ ካትያ ህግያ \* ህንተ ፖሎጥ፡ ሎኦካ ኦሊታ።

9 ሸን ህንተ እሳ ዳሙዋ ጸሊደ ቦንቾጥ፡ ናጋራ ኦሊታ፤ ቃይ ህጊ ህንተ ቦላ፡ ህግያ መንጮዳዋንቱዳን ፕርዳና።

10 እያው ጎጥ፡ ኦንነ ህግያ ኡባ ናጌደ፡ እትኖ መንገልያዋ ግደጥ፡ ሄ ኡራይ ህግያ ኡባ መንገሌ።

11 እያው ጎጥ፡ “ዋሹዋጥ” ጌዳዌ ቃይ “ዋጵጥ” ጌዳ፤ ሸን ኔን ዋሹማና ቆዮጥካ፡ ዋጵዳዋ ግደጥ፡ ህግያ መንገላዳ።

12 እሳ እይለተላጥ ከሰያ ህግያን፡ ፕርዳ አካና እሳቱዋዳን ሃሳይተነ ኡንቱንቱዋዳን ኦላጥ።

13 እያው ጎጥ፡ እሳ ማርቤና ኡራ ጸሳይ ማረናን ፕርዳና፤ ማርተላይ ፕርዳ ጸኔ።

አማኑዋን ኦሱዋ

14 ታናዳን ጸሳ ካልያዋንቶ፡ እት ኡራይ ባረው አማኑ ደኤ ጎጥ፡ ቃይ እ አማኑዋ እ ኦሱ ኤርሳና ቆዮጥ፡ እ እይ ጎእኔ? እ አማኑ ኦ አሻናው ዳንዳዬ?

15 እት እሻይ፡ ዋይ እት ሞቻታ ካሎቶጥ፡ ቃይ ኡንቱንቶ ኡባ ጋላሰ ምያባይ ቆዮጥ፡

16 ህንተጥ እት ኡራይ ኡንቱንታ፡ “ሳር ቤተ። ታማ ሆእተ። ካሊደ ማተ” ጌደ፡ ኡንቱንቶ ኮሸያዋ አማና ቆዮጥ፡ ኡንቱንታ እይ ጎእኔ?

17 ሄዋ ድራው፡ አማኑ ኦሱ ባይናን ባረካ ደአጥ ሀይቄዳዋ።

18 ሸን እት ኡራይ፡ “ነው አማኑ ደኤ፤ ቃይ ታው ኦሱ ደኤ። ኔን ነ አማኑዋ ነ ኦሱዋጥ ሻካደ ታና በሳ፤ ታንካ ታ አማኑዋ ታ ኦሱዋን ኔና በሳና” ጋና።

19 ኔን እት ጸሳይ ደኢያዋ አማናሳ፤ ሄዋ ሎኦ፡ ጸላሄቱካ ቃይ አማኒና፤ ያሻን ኮኮሪና።

20 ኔን ኤያይ! አማኑ ኦሱዋጥ ሻከቲደ ጎኤናዋ ፣ ኤራናው ኮያይ?

21 ኑ አሱ ኡብራሃም ባረ ናኣ ይሳቃ ያርሸያ ሳኣ ቦላ ዋሌዳ ዋደ፡ ባረ ኦሱዋን ጽልቤኔ?

22 እ አማኑን እ ኦሱ እትጥ ኦሌዳዋን እ አማኑ እ ኦሱዋን ፖለቲዳዋ በእኪ?

23 ጸሳ ማጸፋይ “ኡብራሃም ጸሳ አማኔዳ። ጸሳይካ ሄዋ እው ጽሎተላን ፓይዳዬ” ጌዳዌ ፖለቲዳ፤ ቃይ ጸሳ ዳቦ ጌተቲደ እ ጸሰቲዳ።

24 እሳይ አማና ጸላላና ግደናን፡ ኦሱዋን ጽልያዋ ህንተ በኢታ።

25 ሄዋዳንካ ቃይ ጫራታ ራኣባ ከተቶዋንታ ዋካይ ሀራ ኦግያና ኡንቱንታ ሞይዜዳ ዋደ፡ ባረ ኦሱዋን ጽላበይኪ?

26 እያው ጎጥ፡ ሸምጥ ሻከቲዳ ቦላይ ሀይቄዳዋ ግድያዋዳን፡ ሄዋዳንካ ቃይ ኦሱ ሻከቲዳ አማኑ ሀይቄዳዋ።

### 3

እንጸርሳ ናግያዋ

1 ታናዳን ጸሳ ካልያዋንቶ፡ ኑን ሀራቱዋጥ እጵያ ፕርዳ አካናዋ ህንተ ኤርያ ድራው፡ ህንተጥ ጮራቱ ታማርሲያዋንታ ግደጥተ።

2 ኑን ኡባይካ ዳርባን ባሌቶ፤ እት ኡራይ ባረ ሃሳያን ሙላካ ባላና ቆዮጥ፡ እ ባረና ናጋናው ዳንዳይያ ባል ባይና እሳ።

3 ፓራቲ ኑው እዘዘታና ማላ፡ ብጸላ ባርሲደ፡ ኑን ኮይያሳ ኡባ ኡንቱንታ አፊቶ።

\* 2:8 ካትያ ህግያ- ኡባጥ አፋዋን ጎእያ ህግያ፤ ሀዋ ብላላይ፡ ካትያጥ እመቲዳዋ ጉሳ። ካቲ ኦኔ ጎጥ ጸሳጥ እመቲዳ ህግያ። 2:8 ዋጋ 19:18 2:11 ከሳ 20:13፣ 14፣ ዛረ. 5:17፣ 18 † 2:20 ጎኤናዋ- ሀዋ ጉሳይ ሀይቄዳዋ ጉሳ። 2:21 ደመላ 22:1-14 2:23 ደመላ 15:6፤ 2 ኦዳዋ 20:7፤ አሳ. 41:8 2:25 ኤያሳ 2:1-21

4 በእተ፡ ማርካባቲካ ቃይ ሄዋ ኬና ዋልቃማ ግዲደ፡ ጎቱዋ ጨርኩዋን ላገቶጥካ፡ ኢንቲንታ ላግያዌ ባረዋ ኮይያሳ ዛሪደ ላግያ ቄር ጉላ ምላን ላገጉደ ቢኖ።

5 ሄዋዲን እንጸርሳይ ቦላ ግዲን ጉላ አሳተላ ግዲጥካ፡ ዳር ዋልቃማባን ጨቀቱ። ጉላ ታማይ ዋኒደ ዋልቃማ ዋራ ጉዲ! እኬክተ።

6 እንጸርሳይካ ታማ ማላ። እ ኑ አሳተላ ግዲን ኢታባ ኡባ ኦላና ዳንዳዬ፤ አሳተላ ኡባ ቲንሴ። ቃይ ኑ ደኡዋ ዋላካ ታማን ጉዳ፤ ጋናምያ ታማን እ ጉይታናዋ።

7 እያዉ ጎጥ፡ ደኡቱዋ፡ ካፋቱዋ ዛርያ፡ ትራን ጎሽትያ ሾሻቱ ዛርያን አባን ደእያ መጋታቱዋ ዛርያ ኡባ አሳይ አድሴዳ፤ ቃይ ኢንቲንቲካ አዳድኖ።

8 ሽን ኦን እንጸርሳ አድሳናዉ ዳንዳይቤና፤ እንጸርሳይ ዋድያ ማርኪ ኩሚዳ ጮኡ ጌና ኢታ መጋታ።

9 ኦን እንጸርሳን ኑ ጎዳን አዉዋ ጋላቲቶ፤ ቃይ እንካ ጸሳ ማላቲደ መጠቲዳ አሳ ሸቄቶ።

10 እት ደናጥ ጋላታይን ሸቃይ ከሴ። ታናዲን ጸሳ ካልያዋንቶ፡ ሄዋ ሄዋዲን ሀናናዉ በሰና።

11 ፑልቱ እት ኦላጥ ማልእያ ሃላን ጫምያ ሃላ ፑልታናዉ ዳንዳዪ? 12 ታናዲን ጸሳ ካልያዋንቶ፡ ባላሰያ ግያ ምላይ ዋጋራ እይፋናዉ ዳንዳዪ? ዋይ ዋይንያ ቱራይ ባላሰያ ግያ ምላ እይፋናዉ ዳንዳዪ? ማጽን ማጽን ግያ ሃላጥካ ማልኦ ሃላይ ከሳና ዳንዳዪና።

ሳሉዋ አዴዳ ኤራን ሳኦ አዴዳ ኤራ 13 ህንተ ግዲን አዴዳ ኤራንቻይን እኬካንቻይ ኦኔ? ባረ ሎኦ ደኡዋን ኦሰቲዳ ባረ ኦሱዋ አዴዳ ኤራተላጥ ይያ አሸከተላን በሱ።

14 ሽን ህንተ ዋዛናን ጫምያ ቃናቲን ይርጊ ደኦ። ቃይ ቱማተላ ቦላካ ዋርዶቶጥተን ኦቶሪቶጥተ።

15 ሄዋ ማላ አዴዳ ኤራተላይ ሳሉዋጥ ዋድያዋ ግደና፤ ሽን ሄዋ ሳኦባ፡ አሳዋ፡ ጸላሀቱዋ።

16 እያዉ ጎጥ፡ ቃናቲን ይርጊ ደእያ ሳን ዋላሳይን ኢታ ኦሶ ኡባይ ደኡ።

17 ሽን ቦላጥ ይያ አዴዳ ኤራተላይ ኡባጥ ካሰ ጌሻ። ቃይ ሳርተላ ደሰያዋ፡ እሸከን ኤኖ ግያዋ፤ ቃይ ማርተላይን ሎኦ እይፊ ኩሚደዋ። ሰዲን ሎኦ ማላትያ ኢታተላይ ባይናዋ።

18 ጽሎተላ እይፊ ሳርተላ ኦልያዋንቲ ሳርተላን ዛሪዳ ዘረላጥ ቤቲዳ።

4

ሀ አላምያ ኢታተላ ደሰናን አጋናዋ 1 ኦላይን ዋላሳይ ህንተ ግዲዋ ሀቃጥ ዪ? ኢንቲንቲ ዬዳሳይ ህንተ ቦላ ግዲን ኦላትያ

ህንተ ናሽታናዉ ዋልቃማ አሙዋ አሞትያዋጥ ግዲኔ?

2 ህንተ አሞቲታ፤ ሽን ደምክታ፤ ዋዲታ። ሎይሳ ኮዪታ፤ ሽን ደማናዉ ዳንዳይክታ፤ ዋላቀቲታን ኦላቲታ። ሽን ጸሳ ዋሰና ድራዉ፡ ህንተ ኮይያዋ ደምክታ።

3 ጸሳ ዋሲታ፡ ሽን ደምክታ፤ ጋሱካ ባላ ኦግያን ዋሲታ። ሄዋ ህንተና ናሽቶያዋን ፔሻናዉ ኮይያ ድራሳ።

4 ሰም ዋሹምያዋንቶ፡ ሀ አላምያና ዳቦትያዌ ጸሳዉ ሞርኪ ግድያዋ ኤርክቲ? አያዉ ጎጥ፡ ሀ አላምያና ዳቦታናዉ ኮይያዌ ኦን ጸሳና ሞርከቲ።

5 ዋይ ጸሳ ማጸፋይ፡ “ጸሳይ ኑናን ዋልዳ አያናይ ዋልቃማ አሙዋ ኑዉ አሞቲ” ግያዋ ህንተንቶ ጮ ግያዋ ማላቲ?

6 ሽን ጸሳይ እዶ ኬካተላ አላደ እሚ። ሄዋ ድራዉ፡ ጸሳ ማጸፋይ፡ “ጸሳይ ኑቶረትያዋንታ እጾ፤ ሽን ባረና ካዉሸያዋንቶ እዶ ኬካተላ እሚ” ያጌ።

7 ሰም፡ ህንተ ጸሳዉ ሞደት። ያቲደ ጸላሀያና ኤቀትቲ፤ እ ህንተጥ ባቃታና።

8 ጸሳኮ ሸቅተ፤ እካ ህንተኮ ሸቃና። ህንተኖ ናጋራንቻቶ፡ ህንተ ኩሽያ ሜጨት። ላኡ ቆፋይ ደእያዋንቶ፡ ህንተ ዋዛና ጌሸተ።

9 ቱጋትቲ፤ ካኖትኩን ዪክተ። ህንተ ሚቻ ዬኮ ላምተ፤ ህንተ ናሽቻካ ካኖ ላምተ።

10 ጎዳ ሰንላን ህንተ ሁጲያ ቶቶተ፤ ቃይ እ ህንተና ጶቁ ጶቁ ኦላና።

አሳ ላላ ፕርደናን አጋናዋ 11 ታናዲን ጸሳ ካልያዋንቶ፡ እቲ እቲዋ ዝግርጥተ። ባረ እሻ ዝግርያዌን እ ቦላ ፕርድያዌ ህግያ ዝግሬን ህግያ ቦላ ፕርድ። ኔን ህግያ ቦላ ፕርደጥ፡ ህግያ ቦላ ፕርድያዋ ግዳሳጥ እትን፡ ህገዉ አዛዘትያዋ ግዳካ። 12 ህግያ አምያዌን ፕርድያዌ ጸሳ ጸላላ፤ እ አሻናዉን ቆይሳናዉ ዳንዳዬ፤ ሽን ነ ሾሩዋ ቦላ ፕርድያዌ ኔን ኦኔ?

ጨቀተናዲን አመቲዳ ዛርያ 13 ህንተኖ፡ “ኦን ሀቼ ዋይ ዋንት ሄ ካታማ ባና፤ ሄዋን ላይላ ኡታና፤ ዛልአናን ቃይ ሚሻ ዋድሳና” ግያዋንቶ፡ በእተ።

14 ምንት ህንተ ደኡ እያ ሀናናንቶን ኤርክታ፤ ጉላ ዋደዉ ህንተ ቤቲድ፡ ኦየጥ ቆይያ ፔኑዋ ማላ።

15 ሄዋ አጊደ፡ “ጎዳይ ጎጥ፡ ኦን ደእና፤ ሀዋ ዋይ ሄዋ ኦላና” ጋናዉ በሴ።

16 ሽን ህንተ ሀኢ ህንተንቲ ጶቃተላን ጨቀቲታ፤ ሄዋ ማላ ጨቁ ኡባይ ኢታ።

17 ሄዋ ድራዉ፡ ሎኦባ ኦላናዉ ኤሪደ ኦጋና ኡራዉ ሄዋ ናጋራ።

5

ዳሩ ኦሳሰ አመቲዳ ምኖ ዘርያ

1 ሀላክ ህንተኖ ዱረ አሳቶ፡ ህንተ ቦላ ይያ ቱጋወ “አየ! አየ!” ያጊደ ዬክተነ ዘላልተ።

2 ህንተ ዱረተላይ ባይ ድጌዳ፤ ቃይ ህንተ አፍላካ ሰልእይ ሞ ድጌዳ።

3 ህንተ ምርቃይነ ህንተ ብራይ ሸእ ድጌዳ። ቃይ ሄ ሸእይ ህንተ ቦላ ማርካታና፤ ህንተ ቦላካ ታማዳን ማና። ህንተ ህንተ ሚሻ ሰንላወ ዳጋይ ደእታ።

4 አኩክተ፤ ህንተ ጋደን ካላ ቆይጩዳ አሳቶ ጭግቤና ክራ ሚሻይ ዋሴ፤ ኡንቱንቱ ዋሴ ዋልቃማ ጎዳ ሀይላን ሰሰቱዳ።

5 ህንተወ እንጀትና፡ ሳኣን እሻሊደ ደኤድታ፤ ሹካ ጋላሳወ ጲክያዋዳን፡ ህንተ ቦላ ጲኩድታ።

6 ጽሎ አሳ ቦላ ፕርዴድታ፤ ቃይ አ ዋዴድታ፤ አ ህንተናና ኤቀተና።

ጎዳ ላኤንሶ ዩሳ ዳንዳያን ናግያዋ

7 ሄዋ ድራወ፡ ታናዳን ጸሳ ካልያዋንቶ፡ ጎዳይ ያና ጋካናወ ገንጭታ፤ ቢታ ጎሽያዋ አድልያ እራይነ አሱራ እራይ ያና ጋካናወ ገንጪደ፡ አልእ ካላ እ ዋት ናጊደ ጋሐ አክንቶ በእት።

8 ህንተካ ቃይ ገንጭታ፤ ህንተ ዋዛና ምንሰተ። እያወ ጎፕ፡ ጎዳ ዩሳይ ማታቱዳ።

9 ታናዳን ጸሳ ካልያዋንቶ፡ ጸሳይ ህንተ ቦላ ፕርደና ማላ፡ እቱ እቱዋ ቦላ ዙዙሞፕተ። በእት፡ ፕርድያዌ ፕንግያን ኤቁዳ።

10 ታናዳን ጸሳ ካልያዋንቶ፡ ዋይያሰነ ገንጫወ ለምሱዋ ግዴዳዋንታ፡ ጎዳ ሱንላን ሃሳዬዳ ናባቱዋ ሀሳይተ።

11 በእት፡ ዳንዳዬደ ገንጩዳዋንታ ኑን እንጀቱዳዋንታ ጌቶ። አዮባ ገንጫ ህንተ ሰሴድታ፤ ቃይ ጎዳይ አወ ወርሰላን እሚዳዋካ ቤድታ። እያወ ጎፕ፡ ጎዳይ ማርታይነ ቃረታይ ኩሜዳዋ።

12 ሸን ኡባፕ ካሰ፡ ታናዳን ጸሳ ካልያዋንቶ፡ ሳሉዋን ግድና፡ ዋይ ሳኣን ግድና፡ ዋይ ሀራ ጫቁዋን ግድና፡ አያንካ ጫቆፕተ። ሸን ጸሳ ፕርዳን ህንተ ገለናዳን፡ ህንተ የወ ኤ ግያዋ ግደፕ፡ “ኤ” ጌተ፤ ግደና ግያዋ ግደፕ፡ “ግደና” ጌተ።

13 ህንተ ግደን ዋየትያ ኡራይ ኦንነ ደኣፕ፡ ጸሳ ዋሶ፤ ናሽትያ ኡራይ ኦንነ ደኣፕ፡ የጸደ ጋላቶ።

14 ህንተፕ ሳከትያ ኡራይ ኦንነ ደኣፕ፡ አማንያ አሳ ካለሰያ ጭማቱዋ ባረኮ ጸሶ፤ ኡንቱንቱ ጎዳ ሱንላን ዛይትያ አ ኦኪደ፡ አወ ጸሳ ዋሰኖ።

15 አማኑዋን ጸሳ ዋሴዳ ዋሳይ ሀርጋንቻ ፓላና፤ ጎዳይካ አ ሀርግያፕ ደንላና፤ ቃይ ናጋራ አ ኦሌዳዋ ግደፕካ ጎዳይ አወ አቶ ጋና።

16 ሄዋ ድራወ፡ ህንተ ፓጻና ማላ፡ ህንተ ናጋራ እቱ እቶ ፓጽተነ እቱ እቶ ጸሳ ዋሰተ፤ ጽሎ አሳ ዋሳይ ዋልቃማ ኡሱዋ ኦሌ።

17 ኤላሰ ኑ ማላ አሳ። እራይ ሳኣን ቡከናዳን፡ እ ምንሲደ፡ ጸሳ ዋሰና ሄዙ ላይላን ኡሱቱን እገና ሳኣን እራይ ቡክቤና።

18 ላኤንሱዋ ጸሳ እ ዋሰና፡ ሳሉዋፕ እራይ ቡኩዳ፤ ሳኣይካ ባረ ካላ ሞኬዳ።

19 ታናዳን ጸሳ ካልያዋንቶ፡ ህንተፕ ኦንነ ቱሙዋፕ ዋራ ቦፕ፡ ቃይ እቱ አ ጉዮ ሄ ቱሙዋኮ ዛርፕ።

20 ናጋራንቻ አ ባላ ኦግያፕ ዛርያ ኦንነ አ ሸምፕዋ ሀይቁዋፕ አሻናዋነ ዳር ናጋራ ካማናዋ ኤር።

# ጸጵሮሳ ጸፊዳ ኮይሮ ኪታ ገሌቀ

የሱስ ኪቲዳ ጸጵሮሳ ጸፊዳ ኮይሮ ኪታይ ጸፈቲዳዌ፡ ሄ ኪታ ግድን “ደረቲዳ ጸሳ አሳቲዋ” ጌተቲደ ጸሰትያነ ቄር ኢሰያን ሁጺሳ ሳገ ሻኩዋን ላለቲዳ አማንያዋንቲሳ። ሀ ኪታ ዋና ቆፋይ፡ አማኑዋ ጋሱዋን መቲ ዋዪ ጋኬዳዋንታ ምንሳናሳነ መንፍሳናሳ። ጸፊ ሀዋ ኦሳያዌ አ ሀይቁዋ፡ አ ደንዲዋ፡ አ ላኢንላ ዩሳ ኦድያ የሱስ ክርስቶሳ ምሽራቹዋ ቃላ ናባብያዋንታ ሀሳይሰያዋና። ኡንቲንቲ የሱስ ክርስቶሳ ደኡዋ ሊምሱዋዳን አኪደ፡ መቲዋ ገንጫደ አፋናዳን ሀሳይሴ። ሀዋና እትፕ ጋሳያ ዋድ፡ መቲ ኡንቲንቲ አማኑዋ ጸልታተላ ፓጭያዋን የሱስ ክርስቶሳ ቆንጭያ ጋላስ ኡንቲንቲ በሰያ ጋትያ አካናዉ ደእያዋ ኡንቲንታ ሀሳይሴ።

ጸፊ፡ ኡንቲንቲ መቲዋን ገንጫና ማላ መንፍሳዎ ሶላካ፡ ክርስቶሳ ካልያዋንቲ ደእያዋዳን ኡንቲንቲ ደእናዳን ቆፍሴ።

### ሸምገቲዋ ኡባቶ አመቴዳ ቃንሳ ቆፋቲዋ ገሌቀ 1:1-2

ጸሳ አሸዋባ 1:3-12  
ጌዬዳ ደኡዋ ደእናዳን እመቲዳ ማቁዋ 1:13—2:10  
መቲዋ ዋድ አማንያ አሳይ ኦላና በሰያ አዎተላ 2:11—4:19  
አማንያ አሳ አሸከተላን ኡሱዋ 5:1-11  
ዉርሰላ ቁትያ 5:12-14

1 ታን፡ የሱስ ክርስቶሳ ኪቲዳ ጸጵሮሳ፡ ጸሳይ ዶሬዳ አሳቶ ጸንጸሳ ጋድያን፡ ጋላትያ ጋድያን፡ ቃጸደቅያ ጋድያን፡ ኢሰያ ቢታንነ ቢታንያ ጋድያን በትያን ደእያዋንቶ ዳብዳቢያ ጸፋይ።

2 የሱስ ክርስቶሳዉ ህንተ አዛዘታና ማላነ አ ሱላን ጌያና ማላ፡ ጸሳይ አዉ ዶሬዳ ህንተንቶ ባረ እያናን ጌሼዳዋንቶ፡ አጾ ኬካተላይነ ሳርተላይ ግድ።

ደኡዋ አማና ጌዳ ሀይታ  
3 ኑን ጸሳ፡ ኑ ጎዳ የሱስ ክርስቶሳ አዉዋ፡ ባረ ማርተላ ዳሩዋዳንካ ኑና ላኢንላ-ዋ የሌዳዋ፡ የሱስ ክርስቶሳ ሀይቁዋፕ ደንሌዳዋን ኑዉ ደኡዋ ሀይታ አሜዳዋ ጋላቲቶ።

4 ቃይ ጸሳይ ህንተንቶ አማና ዳር ላታይ ዋቀናዌ፡ ባየናዌን ጳየናዌ ሳሉዋን ናጌ።

5 ሄዌካ ህንተንቶ፡ ጸሳ ዋልቃን አማኑዋን ናገት ኡቲደ፡ አቶተላዉ ጊሌዳዋንቶ ዉርሰላ ዋድያን ቆንጫናዋ።

6 ሀእ ጉላ ዋደዉ ሀራይ አቶ ዲማ ዲማ ፓጭያን ህንተ ፓጩታናዉ ኮሾፕካ፡ ሀዋን ዳር ናሸትተ።

7 ሄዌ ሀራይ አቶ፡ ታማን ግግና ጳይያ ዋርቃፕካ ህንተ አማኑ ዳር አልእነ ባል ባይናዋ ግድያዋ በሳናሳ፤ ያቲደ የሱስ ክርስቶሳ ቤትያ ዋድ፡ ጋላታ፡ ቦንቹዋን ሳባ ህንተ አካና።

8-9 ህንተ አ ኤራና ጳየፕካ፡ ሲቂታ፤ ህንተ ሀእ አ በእና ጳየፕካ፡ አማኒታ። ቃይ ህንተ ህንተ አማና ፖሎ ግድያ ህንተ ሸምቹዋ አቶተላ አክያ ድራዉ፡ አዳናዉ ዳንዳየተና ቦንቹ ኩሜዳ ናሸቻ ናሸቲታ።

10 ጸሳይ ህንተንቶ አማና አጾ ኬካተላባዉ ትምቢትያ ኦዴዳ ናባቲ ሎይላ ብዲደ፡ ሀ አቶተላባ ኮዬድና።

11 ኡንቲንቲን ደእያ ክርስቶሳ እያናይ ክርስቶሳ ቲጋባነ ሄዋፕ ጉይያን ያና ቦንቹዋባ ካሰቲደ ማርካቲደ፡ አዉደ ዋይ ዋኔዳ ዋድያን ያንንቶን አኬክሴዳዋዳን፡ ኡንቲንቲ ኮዬድና።

12 ሄ ትምቢትያ ኦድያዋንቲ ኦሌዳ ኡሱ ህንተሳፕ አትን፡ ኡንቲንቲ ሁጺያሳ ግድናዋ ጸሳይ ኡንቲንቶ ቆንጭሴዳ፤ ሀእ ህንተ ሰሴዳ ምሽራቹዋ ቃላ ህንተንቶ ኦዴዳ አሳቲ፡ ባረዉ ሳሉዋፕ ኪተቲዳ ጌሻ እያና ዋልቃን ኦዴድና። ሄዋ ኪታንቻቲካ በእናዉ አዎቲና።

### ጌሻተላን ደእያዋ

13 ሄዋ ድራዉ፡ ኡሱዋ ኦላናዉ ህንተ ዋዛናን ቆፋ ገግሲደ ህንተ ሁጺያ ናግተ። የሱስ ክርስቶሳ ቆንጭያ ዋድ አጾ ኬካተላ ህንተ አክያ ድራዉ፡ ኩመንሳ ሀይታን ናግተ።

14 ጸሳዉ አዛዘትያ ናናዳን፤ ህንተ ካሰ ኤረናን አዎቲዳ አሙዋ ካሎፕተ።

15-16 ሸን ህንተና ጴሴዳ ጸሳይ ጌሻ ግዴዳዋዳን፡ ህንተካ ህንተ ኡሱዋ ኡባን ጌሻ ግድተ። ጸሳ ማጻፋን፡ “ታን ጌሻ ግድያ ድራዉ፡ ህንተካ ጌሻ ግድተ” ጌተቲደ ጸፈቲዳ።

17 አሳ ሁጺያን ሁጺያን ዴሙዋ ጴላናን አ ኡሱዋዳን ፕርድያ ጸሳ ዋሲደ ህንተ፡ “ኑ አቦ” ጊደ አ ጴሰያዋ ግደፕ፡ ሀ አላምያን በተ ግዲደ ህንተ ደእያ ዋድያን ያሻተላን ደእተ።

18-19 ህንተ ህንተ አዎቲዋፕ ላቲዳ ፓርና ደኡዋፕ ዋዘቲዳዌ፡ ጳይያ ብራ ዋይ ዋርቃ ማላና ግድናዋ ኤሪታ፤ ቦርሰያባይ ዋይ ቅታይ ባይና ደርሳ ሱላዳን፡ አልኦ ክርስቶሳ ሱላን ህንተ ዋዘቲድታ።

20 ጸሳይ ሳኦይ መታናፕ ካሰ ክርስቶሳ ደር ዋሌዳ፤ ሸን ህንተ ድራዉ፡ ሀ ዋድያ ዉርሰሳን አ ቤቲዳ።

21 ህንተ አማኑነ ህንተ አካና ጊደ ናሸቻን ናግ ኡቲዳባይ ጸሳን ደእና ማላ፡ ጸሳይ ሀይቁዋፕ አ ደንሌደ፡ አዉ ቦንቹዋ አሜዳዋ አን አማኒታ።

22 ቱማተላዉ ህንተ አዛዘትያዋን፡ ሎኦ ማላትያ ኢታተላይ ባይናን ህንተ አሻቲዋ ሲቃናዉ ህንተ ሁጺያ ጌሺደ፡ አቲ አቲዋና ምንሲደ ዋዛናፕ ሲቅትተ።

23 ህንተ ሀይቂያ ዘረፋጥ ላኤንሉዋ የለትበይክታ፤ ሽን መድናዉ ደእያዋን ሰንፋዉካ ደእና ጸሳ ቃላን ሀይቀና ዘረፋጥ የለቲድታ።

24 እያዉ ጎጥ፣ ጸሳ ማጻፋይ፣ “አሳይ ኡባይ ማታ ማላ፤ እ ቦንቹ ኡባይካ ማታ ጨሻ ማላ። ማታይ መላ፤ ጨሻይካ ቆቆፈቲ።

25 ሽን ጎዳ ቃላይ መድናዉ ደኤ” ያጌ። ሀዌ ህንተንቶ ጎዳይ ኦዳዳ ሞሽራቹዋ ቃላ።

## 2

ደኡዋ ሹቻን ጌሻ እሳ

1 ሄዋ ድራዉ፣ ህንተጥ ኢታተፋ ኡባ፣ ጭምያዋ ኡባ፣ ሎኦ ማላትያ ኢታተፋ፣ ቃናትያን ዘግርሳ ኡባ ድግተ።

2-3 ጎዳይ ኬካ ግዴዳዋ ህንተ ደኡዋን በኤዳዋ ግደጥ፣ ሀእ የለቲዳ ጋጭኖ ናናቱዋዳን፣ ኡሺደ ድጫናዉን አታናዉ ጽሎ ግዴዳ እያና ማላ ላሞትተ።

4 ጎዳኮ ደኦ ሹቻኮ ሺቅተ። አሳይ አ እጹዳ፤ ሽን ጸሳ ማታን እ ደረቲዳ አልኦ።

5 ህንተካ ቃይ ደኦ ሹቻዳን፣ ጌሻ ቄሳ ግዲደ፣ የሱሰ ክርሰቶሳ ባጋና ጸሳ ናሽቶያ እያና ያርሹዋ ጸሳዉ ያርሻናዉ፣ ህንተ ህንተ ሁጸዉ እያና ኬፋዳን ኬጸትተ።

6 እያዉ ጎጥ፣ ጸሳ ማጻፋይ፣ “በአተ፣ ታን ጽዮን ግያ ካታማን ጎልያ ጎዳ ጸጸዋ ሞንሰያ፣ ደረቲዳ፣ አልኦ ሹቻ ዋላይ፤ እን አማንያ ኦንከ ዩላተና” ያጌ።

7 ሄዋ ድራዉ፣ ሀ ሹቻይ ህንተንቶ አማንያዋንቶ ዳር አልኤ፤ ሽን አማንያዋንቶ፣ “ግሞቢያዋንቶ ካጼዳ ሹቻይ ጎዳ ጸጸዋ ሞንሰያ፣ ኡባጥ ኢድያ ሹቻ ግዴዳ” ያጌ።

8 ቃይካ፣ “ሀ ሹቻይ አሳ ጼቢያ ሹቻን አሳ ኩንድሰያ ዛላ” ያጌ፤ ኡንቲንቲ ጸሳ ቃላ አማንና ድራዉ፣ ኡንቲንቲ ካሰና ቆፈቴዳዋዳን ጼቢቲድኖ።

9 ሽን ጸሳይ ጼማጥ ማላልሰያ ባረ ፖኦ ህንተና ጼሴዳ፤ ህንተ እ ኦራፋ ኦሱዋ ኦዳናዉ ደረቲዳ ዛረ፤ ህንተ ካትያ ቄሳቱዋ፤ ጌሻ አሳን ጸሳዉ ቡዞ አሳ።

10 ህንተ ካሰ ጸሳ አሳ ግድክታ፤ ሽን ሀእ ህንተ አ አሳ፤ ህንተ ካሰ ማርተፋ አክበይክታ፤ ሽን ሀእ ማርተፋ አኬድታ።

ጸሳ አይላቱዋ

11 ታ ዳባቶ፣ ህንተ ሀ ሳእን አማላን በተ ግዲደ ደእያዋንታ ግዴዳዋዳን፣ ኡባ ዋደ ህንተ ሽምጭዋና ኦለትያ አሳተፋ አሙዋጥ ህንተ ሃካና ማላ፣ ታን ህንተና ዋሳይ።

12 አማንና አሳይ ህንተና ኢታባ ኦልያዋንቲዳን ዘግርያ ዋደ፣ ክርሰቶሰ ይያ ጋላሰ ህንተ ሎኦ ኦሱዋ ኡንቲንቲ አኬኪደ፣ ጸሳ ጋላታና ማላ፣ ህንተ ደኡዋ ኡንቲንቲ ግድን ሎይላ ናግተ።

13 ጎዳ ድራዉ፣ አሳ ሀግያ ኡባዉ ሞደትተ፤ ካቲካ ኡባጥ ቦላ ግድያ ድራዉ፣ አዉ ሞደትተ።

14 ቃይ ጋደያ ሞድያዋንቶካ ሞደትተ። እያዉ ጎጥ፣ ኡንቲንቲ ኢታባ ኦልያዋንታ ሙራናዉን ሎኦካ ኦልያዋንታ ጋላታናዉ ካትያጥ ከተቲድኖ።

15 እያዉ ጎጥ፣ ጸሳይ ህንተ ህንተ ሎኦ ኦሱዋን ካጵያ ኤያ አሳቱዋ ሃሳያ ጮኡ ኡዳናዋ ኮዬ።

16 አይለተፋጥ ከሲደ፣ ጸሳ አይልያዳን ደአተጥ አትን፣ ሄ አይለተፋጥ ከሴዳዋ ኢታተፋ ገንልያዋ ኦላጥተ።

17 አሳ ኡባ ቦንቶተ። ህንተ እሻቱዋ ሲቅተ። ጸሳዉ ያይተ። ካትያ ቦንቶተ።

ክርሰቶሳ ጋኬዳ መቱዋ ለምሱዋ

18 አይላቶ፣ ህንተ ሎኦ ጎዳቱዋ ጸላላዉን አሽከ ጎዳቱዋ ጸላላዉ ግደናን፣ ኢታቶካ ዳር ያዩደ ሞደትተ።

19 እያዉ ጎጥ፣ አሳይ ናቂያ ዋደ ዋየትያ ኡራይ ጸሳ ቆጥደ፣ ኦገ ባይናን ናቀቶጥ ጸሳይ አ አንጅና።

20 እያዉ ጎጥ፣ ህንተ ናጋራ ኦልና፣ ህንተና ደቶያ ዋደ፣ ህንተ ዳንዳዮጥ፣ ህንተንቶ አይ ጋላታይ ደኤ? ሽን ሎኦካ አሊደ ዋይያ ህንተ ዳንዳዮጥ፣ ጸሳይ ህንተና ሄዋ አንጅና።

21 ጸሳይ ህንተና ጼሴዳዋ ሄዋ ድራሳ፤ እያዉ ጎጥ፣ ክርሰቶሰ ህንተንቶ ዋየቲ፤ ህንተ አ ቃታማ ካላና ማላ፣ ህንተንቶ ለምሱዋ ግዴዳ።

22 ናጋራ እ አላቤና፤ ባረ ደናጥ ዋርዲዋ ሃሳይቤና።

23 አሳይ ባረና ቦርያ ዋደ፣ ዛሪደ ቦርቤና፤ ዋየትያ ዋደካ ማንድቤና። ሽን ጽሎዋ ጥርድያ ጸሳዉ ባረና አሊደ አሜዳ።

24 ኦን ናጋራዉ ሀይቂይ፣ ጽሎተፋዉ ደእና ማላ፣ ክርሰቶሰ ባረ ሁጸዉ ባረ አሹዋን ኑ ናጋራ ማሰቃልያን ቶኩዳ፤ ህንተ አ ማይላን ፓጼድታ።

25 እያዉ ጎጥ፣ ህንተ ኦጊ ባሌዳ ደርሳ ማላ፤ ሽን ሀእ ህንተ ሽምጭዋ ሄምያዋኮን ናግያዋኮ ሰሜድታ።

## 3

አሰናባን ማቶያባ

1-2 ሄዋዳንካ ማቶቶ፣ ህንተ አሰናቱዋጥ ጸሳ ቃላዉ አዘዘተና እቲ እቲ ደኦጥካ፣ ህንተ ፓሉመተናን፣ ኡንቲንቲ ህንተ ያሻተፋን ህንተ ጌሻ ደኡዋ በኢደ ጸንታና ማላ፣ ኡንቲንቶ ሞደትተ።

3 ህንተ ህንተ ሁጸያ አልአባን ገገሰያዋንከ ዋርቃ ዋልያዋን ዋይ አልኦ ማዌዋ ማይያዋን ህንተንቲ ቦላ ባጋ ሎይላጥተ።

1:24 እሳ. 40:6-8 2:2-3 ማዘ. 34:8 2:6 እሳ. 28:16 2:8 እሳ. 8:14-15 2:9 ከሳ 19:5-6፤ እሳ. 43:20፣ 21፤ ዛረ. 4:20፤ 7:6፤ 14:2፤ ቲቶ 2:14፤ እሳ. 9:2 2:10 ሆሰ 2:23 2:22 እሳ. 53:9 2:23 እሳ. 53:7 2:24 እሳ. 53:5 2:25 እሳ. 53:6

4 ሽን ሀንተ ጋርሳን ቆስቲዳ አሳተሳ ሎኦተላይ ጸሳ ሰንሳን ሀንተንቶ ዳሮ አልኦ ግዲደ፣ ጳየና አሸከነ ወፍ ጌዳ እያና ግድ።

5 እያው ጎጥ፣ ሄዋዳን ጸሳን ሀይቲዳ ገሻ ማጫ አሳቱ በን ዋይ ባርንታ አሰናው ዋደቲደ፣ ባርንታ ዳሮ ሎይሌድና።

6 ሄዋዳን ሳራ አብራሃማ፣ “ታ ጎዳው” ያጋ ጸሳደ፣ አው አዛዘታዲ፤ ሀንተካ እትባውን ያየናን ሎኦባ ኦላጥ፣ እ ናናቱዋ።

7 ሄዋዳን አሰናቶ፣ ሀንተ ማጫ አሳቱዋና አከካን እትጥ ደአተ። አንቱንቶ ዳቡራንቻ አሳተላይ ደእያ ድራው፣ አንቱንታ ቦንቶቲ፤ ሀንተ ዋሳይ ጱባተና ማላ፣ ጸሳይ እሜዳ ደኡዋ እጹ ከካተላ አንቱንቱ ሀንተናና እትጥ ላትኖ።

ሎኦባ ኦላደ መቱዋ አክያዎ

8 ወርሰሳን፣ ኡባይ እት ቆፋን ደአተ። እቲ እቶ ቃሪትተ፤ እሻቱዋዳን ሲቀትተ፤ ቃይ እቲ እቶ ከክያዋንታን ሀንተ ሁጺያ ካወሽያዋንታ ግድተ።

9 ኢታ ድራው ኢታ ዋይ ሽቃ ድራው ሽቃ ዘርጥተ፤ ሄዋ አገደ፣ ጸሳይ ሀንተንቱ አንጃዋ ላታናዳን ሀንተና ጸሴዳ ድራው፣ አንጅተ።

10 እያው ጎጥ፣ ጸሳ ማጸፋይ ሀዋዳን ያጌ፤ “ደኡዋ ደሰያዌን ሎኦ ጋሳሳ በአናው ኮይያዌ ኦና ግደጥን ባሪ እንጸርሳን ኢታባ ሃሳይያዋን ዋርዲዋ ኦድያዎ አጎ።

11 “ኢታባ ኦላያዎ አገደ፣ ሎኦባ ኦላ፤ ሳርተላካ ሎይላ ኮዮን ካሳናው ባጸቶ።

12 “እያው ጎጥ፣ ጎዳ አይፊ ጽሎቱዋኮ ጸሴ፤ ቃይ አ ሀይላይ ኡባ ዋይ አንቱንቱ ዋሳው ዳያ ደኤ። ሽን ጎዳይ ኢታባ ኦላያዋንታ ባሪ ሀንቁዋ ሶምእያን ጸሴ” ያጌ።

13 ሀንተ ሎኦባ ኦላናው አዋቶጥ፣ ሀንተና ቆሀዌ ኦኔ?

14 ሽን ሀራይ አቶ፣ ጽሎተላ ድራው ሀንተ ዋየቶጥካ፣ አንጀቲዳዋንታ። አሳው ያዮፕተነ ሀርሳፕተ።

15 ሽን ክርሰቶሳ ሀንተ ዋዛናን ቦንቶተነ አ ሀንተ ጎዳ ኦላጥ፣ ጸሳይ ሀንተንቶ ሀይቲዳ ደኦ ጋሱዋ ኦቶያ ስሰን ዛሩዋ እማናው ኡባ ዋይ ገግ ኡትተ፤

16 ሽን ሄዋ አሸከተላንን ያሻተላን ኦላጥ። ቃይ ክርሰቶሳን ሀንተ ደእያ ሎኦ ደኡዋ ኢታባ ኦላዳዋዳን፣ ሀንተ ቦላን ኢታባ ሃሳይያ አሳይ ባሪ ዘግርያዋን ዬላታና ማላ፣ ሀንተ ዋዛናይ ገሻ ግድ።

17 እያው ጎጥ፣ ጸሳይ ጌዳዋ ግደጥ፣ ኢታባ ኦላዳ ድራው ዋየትያዋጥ፣ ሎኦባ ኦላዳ ድራው ዋየትያዋ ከካ።

18 እያው ጎጥ፣ ክርሰቶሳ ኦና ጸሳኮ አፋናው ባሪው ጽሎ ግዲደ፣ ማካሳንቻቱዋ ድራው፣ እት ገደ ኡባ ናጋራው ሀይቁዳ፤ እ ባሪ አሳተላን ሀይቁዳ፤ ሽን እያናን ገጹዳ።

19 ቃይ ሄ እያናን፣ ቃሹዋን ደእያ እያናቱዋኮ ቢደ፣ አንቱንቶ ቃላ ኦዳዳ።

20 ሄ እያናቲ አማራዳ፣ ሀሰፕን አሳቱ ሃላን አቲዳ ማርካብያ ሮሄ ኬጽሽን፣ ጸሳይ ዳንዳዪደ ጋምኤዳ ዋደ፣ ጸሳው አዛዘትቤና አሳ እያናቱዋ።

21 ሄዋ ጽንቃታው ሌምሱዋ ግዲደ፣ ሀንተና ሀእ አሸ፤ ሱሪ ዋዛናጥ ጸሳ ዋሰያዋጥ አትን፣ ቦላ ቅታ ሜጫያዎ ግደና፤ ሄዋ ሀንተና የሱሰ ክርሰቶሳ ሀይቁዋጥ ደንዴዳዋን አሸ።

22 ሳሉዋ ቢደ ጸሳጥ ኡሸቻ ባጋን እ ኡቲደ፣ ኪታንቻ ኡባ፣ ማታና ደእያዋንታን ዋልቃማቱዋ ዋዳ።

### 4

ገሻተላን ደእና ደኡዋባ

1 ሄዋ ድራው፣ ክርሰቶሳ ባሪ አሹዋን ኦው ዋየቲዳ ድራው፣ ሀንተካ ሄ ቆፋን ዳንጨትተ። እያው ጎጥ፣ ባሪ አሹዋን ዋየቲዳ ኡራይ ናጋራ ኦላያዎ አገደ።

2 ሀዋጥ ሰንሳን፣ ሀ ሳኦን ሸምጥዋና ደአናው አቲዳ ዋድያን፣ ጸሳይ ኮይያዋዳን ደአናው በሰያዋጥ አትን፣ አሳ አሙዋዳን ደአናው በሰና።

3 እያው ጎጥ፣ አማና አሳይ ኦላናው ደሰያዎ ሀንተ ኦላደ፣ ዋሹማናው ካጃልያዋን፣ አሙዋን፣ ማላዋን፣ የላን፣ ኡሻን፣ ፖክያ ኤቃው ጎይንያዋን፣ ደኤዳ ካሰ አይዳ ዋዲ ሀንተንቶ ግዳናዋ።

4 አማና አሳና ሀንተ ሾራይ ባይና ኡሱዋ እትጥ አግር ድራው ማላለቲደ፣ ሀንተና ቦሪና።

5 ሽን አንቱንቱ ገጸ ደእያ አሳ ቦላን ሀይቁዳ አሳ ቦላ ፕርዳናው ገግ ኡቲዳ ጸሳው ዛሩዋ እማና።

6 ሀይቁዳ አሳይ \* ባሪ አሳተላን አሳይ ፕርደትያዋዳን ፕርደታናውን ቃይ እያናን ጸሳይ ደእያዋዳን ደአናው፣ ዋንጋላ ዋሽራቹ አንቱንቶ ሄዋ ኦድቲዳ።

ጸሳይ እሜዳ አዋታቱዋ ሎይላ አይሰያዎ

7 ኡባባውካ ወርሰሳይ ማታቲዳ። ሄዋ ድራው፣ ጸሳ ዋሳናው ቆፋን ጌዱደ፣ ሀንተና ናግተነ ምንተ።

8 ሲቁ ዳሮ ናጋራ ካምያ ድራው፣ ኡባባጥ አላደ እቲ እቲዋና ዋዛናጥ ሲቀትተ።

9 ዙዙመናን እቲ እቲዋ እማተላን ሞክተ።

10 ሀንተ ሁጺያን ሁጺያን ጸሳጥ ደማ ዳማ እጹ ከካተላ አኬዳዋዳንካ፣ ጸሳ ደማ እመዋ ሀዳራ ሎይላ ከሰያዋንቱዳን፣ እቲ እቶ ኦላጥ።

11 የሱሰ ክርሰቶሳ ባጋና ኡባባን ጸሳይ ጋላተታና ማላ፣ አንነ ኦድያዎ ግደጥ፣ ቃላ ጸሳጥ አኪደ ኦድያዳን ኦድ። ቃይ ኦንን ማድያዎ ግደጥ፣ ጸሳይ እው እምያ ዋልቃን ማድ። ቦንቹን ጎዳተላይ ጸሳው መጅናጥ መጅናው ግደ። አመንአ።



መቲዎ ዋደ ምንያዎ

12 ታ ሲቃቶ፡ ህንተ ግደን ታማዳን ጉዲደ ፓጭያ ዋዪ ይያዎ ኦራላባይ ህንያዋዳን ማላላቶፕተ።

13 ሸን ክርስቶሳ ቦንቹ ቤትያ ዋደ ህንተ ናሸታና ማላ፡ አናና ዋየትያዋን ናሸትተ።

14 አሳይ ህንተና ክርስቶሳ ሱንሳ ድራው ቦርያዎ ግደፕ፡ ህንተ እንጀቴዳዋንታ፤ እያው ጎፕ፡ ቦንቹ እያናይ፡ ጳሳ እያናይ፡ ህንተ ቦላ ሸምፓና።

15 ህንተፕ ኦንን ሸምፕዎ ዋዪዳዋዳን፡ ዋይ ካይሱዋዳን፡ ዋይ ኢታባ ኦሌዳ አሳዳን፡ ዋይ ሀራ አሳ የወዎ ገሌዳዋዳን ዋየቶ።

16 ሸን ኦንን ክርስታንያ ግድያ ድራው ዋየቶ። ክርስቶሳ ሱንሳ ድራው፡ ጳሳ ገላታናፕ ኢትን፡ ይላቶ።

17 እያው ጎፕ፡ ፕርዳይ ጳሳ ጎልያን ደመትያ ዋዲ ጋኬዳ። ቃይ ሄ ፕርዳይ ኮይሮ ኑ ቦላ ደመትያዎ ግደፕ፡ ኦ ምንጋላው እዛዘተናዋንቲ ዉርሰላይ እያ ግዳኔ?

18 ጽሎ አሳይ ቱጋን ኢትያዎ ግደፕ፡ ማካላንቻይን ናጋራንቻይ ያትና ዋናኔ?

19 ሄዎ ድራው ቃይ፡ ጳሳይ ጌዳዋዳን ዋየትያዋንቲ ሎኦባ ኦሊደ፡ ባረንቲ ሸምፕዎ ሀዳራ ባረና መዴዳ እማንትያ ጳሳው እምኖ።

### 5

ጳሳ አሳ አይሳናው እመቲዳ ዘርያ

1 ሰም ታን ዋሳ ጎልያ ጭማቲዎና ጭማ ግድያዋ፤ ክርስቶሳ ዋይያ ማርካትያዋ፤ ቃይ ቆንጫና ቦንቹዎ ሻካናዌ ህንተ ግደን ደእያ ጭማቲዎ ዘራይ።

2 ህንተ ግደን ደእያ ጳሳ ዉድያ ጳሳይ ኮይያዋዳን ሄምተ። ደሱዋናፕ ኢትን፡ ዋልቃን ግደና። ቃይ ህንተ ጎኦ ጳላላ ጴሊናን፡ ሎኦ ቆፋን ሄምተ።

3 ዉደው ህንተ ሌምሱዎ ግድተፕ ኢትን፡ ህንተ ሄምያዋንታ ዋልቃን ሄምፕተ።

4 ቃይ ሄምያዋንቲ ካፑ ቆንጭያ ዋደ፡ ባየና ቦንቹ ካላቻ ህንተ ኦካና።

5 ሄዋዳንካ ያላጋ አሳቶ፡ ጭማቶ ሞደትተ። ኡባይካ እቲ እቶ ኦላናው ህንተ ሁጲያ ካዉሸያዎ አፍላዳን ማይተ። እያው ጎፕ፡ ጳሳይ ኦቶረትያዋንታ እጹ፤ ሸን ባረና ካዉሸያዋንቶ እጹ ኬካተላ እሜ።

6 ጳሳይ ባረ ሎኦ ዋድያን ህንተና ቶቁ ኦላና ማላ፡ ዋልቃማ ጳሳ ኩሸያፕ ጋርሳና ህንተና ቶቶተ።

7 ኦ ህንተንቶ ቆፕያ ድራው፡ ህንተና ሀርግሰያ ኡባባ ኦ ቦላ ኦልተ።

8 ጳላህያ ካፑ፡ ህንተ ሞርኪ፡ ምትያ ኡራ ኮዪደ፡ ጉድያ ጋሙዋዳን ህንተ ዩሹዋን ዩይያ ድራው ናገትተን ቤጎትተ።

9 ሳእን ደእያ ህንተ እሻቲ ሄዋዳን ዋየትያዎ ኤሪደ፡ እማኑዋን ምኒደ፡ አናና ኤቀትተ።

10 እጹ ኬካተላ ኡባ ጳሳይ፡ ባረ መድና ቦንቹ ክርስቶሰ የሱሳ ባጋና ህንተና ጴሴዳዋ፡ እማራዳ ዋድያ ህንተ ዋየቲዳዋፕ ጉይያን፡ ኦ ባረ ሁጸው ህንተና ሸር ኦራላናን ምንሳና። ቃይ ኦ ህንተና ማዳናን ባሰ ኤሳና።

11 ዋልቃይ መድናፕ መድና ጋካናው ኦው ግደ። እመንኦ።

ዉርሰላ ሳሮታ

12 ሀዌ ጳሳ ቱሙ እጹ ኬካተላ ግድያዎ ታን ህንተንቶ ማርካታይን ህንተና ዘራደ፡ ህንተንቶ ቃንላን ጳፊዳ ዳብዳቢያ እማንትያ እሻ ጋደ ታን ቆፕያ ሰላሰ ቦላ ኪታድ፤ ሄ እጹ ኬካተላን ምኒታ።

13 ህንተናና ኢትፕ ደረቴዳ ባብሎንን \* ደእያ ዋሳ ጎልያ አሳይን ታ ናኦይ ማርቆስ ህንተና “ሳር ሳር” ገኖ።

14 ሲቁዎ የረታ የረቲደ፡ እቲ እቲዎ ሳርትተ። ህንተው፡ ክርስቶሳና እቲዎ ግዴዳዋንቶ ኡባቶ ሳርተላይ ግደ። እመንኦ።

# ጳጳሮሳ ጳጳዴ ላኤንሳ ኪታ ገሉዋ

የሱስ ከቲዳ ጳጳሮሳ ጳጳዴ ላኤንሳ ኪታይ ጳጳዴዳዊ፣ ዲማ ዲማሳን ደእያ፡ በን አማንያ አሳቱዋሳ። ኪታው ሁጸ ቆፋይ ዋርዶ አስታማራቱዋ ኢታ ኦሱዋን ኤንቲንቲ ትምርትያ ጋሱዋን መጠቲዳ ፖኮ ደኡዋ ኤቀትያዋ። መጠቲዳ መታቱዋ ቃራናው ማዶ ግድያዌ የሱሳ ባረንቱ እይፍያን በኤዳነ እ ታማርሰያ ዋደ ባረንቱ ሀይላን ሰሴዳ አሳቱ ታማርሴዳ ትምርትያ ባጋና ጸሳባን ጎዳ የሱስ ክርሰቶሳዋ አማንሳያ ኤራ ደምያዋ። ጳጳ ዲማ ናጊዶ ኦዴዳባይ፣ “ክርሰቶሰ ላኤንሳ ዬና” ያግያ ዋርዴዋ ትምርትያባ። ሄዋ ጳጳያዋን ሃሳዬደ፣ “ክርሰቶሰ ሰሚዶ ዬናን ጋምኤዳዌ፣ ጸሳይ፣ አሳይ ኡባይ ባረ ናጋራፕ ሰማናዋፕ አትን፣ ኦን ጳያናዋ ኮየና ድራሳ” ያጌ።

**ሸምፓቱዋ ኡባቶ አመቴዳ ቃንሳ ቆፋቱዋ ገሉዋ 1:1-2**  
አማንያ አሳ ጸሳ 1:3-21  
ዋርዶ አስታማራቱዋ 2:1-22  
የሱሳ ላኤንሳ ዩሳ 3:1-18

1 ታን ሰሞን ጳጳሮሳ፣ የሱስ ክርሰቶሳ ጸሎተላ ባጋና ኑዋ ማላ አማኑዋ አኬዳዋንቶ፣ ሀ ዲብዳቢያ ጳጳይ።

2 ጸሳነ ኑ ጎዳ የሱሳ ሀንተ ኤርያዋን አቆ ኬካተላይን ሳርተላይ ሀንተንቶ ፓላሂዶ ግድ።

ጸሳ ጸሳነ እ ደሩዋ  
3 ኑን ጸሳ ቦንቹዋን ሎኦተላ ላታና ማላ፣ ኑና ጴሴዳዋ ኑን ኤርያዋን፣ ደኡዋሰን ጸሳ ማላቱሳው ኑና ኮሽያዋ ኡባ ጸሳ ዋልቃይ ኑው አሜዳ።

4 ሀንተ እ አሙዋ ባጋና ሳኣን ደእያ ባይዝያ አሙዋፕ ከሰ አካናዳንን ጸሳ ጸሳተላ ላታናዳን፣ እ ባረ አማና ጌዳ ዳር ዋልቃማን አልእ አሙዋ ኑው አሜዳ።

5 ሄዋ ድራው፣ ሀንተና በሰያዋ ኡባ ምን አሉደ፣ ሀንተ አማኑዋ ቦላ ሎኦተላ፣ ሎኦተላ ቦላ ኤራተላ፣

6 ኤራተላ ቦላ ሀንተና ናግያዋ፣ ሀንተና ናግያዋ ቦላ ገንጫ፣ ገንጫ ቦላ ጸሳ ማላትያዋ፣

7 ጸሳ ማላትያዋ ቦላ አሻተላ ሲቁዋ፣ አሻተላ ሲቁዋ ቦላ ሲቁዋ ጉጅተ።

8 እያው ጎፕ፣ ሀዋንቲ ሀንተንቶ ሎይሳ ዳርያዋ ግደፕ፣ ሀንተና ጎዳ የሱስ ክርሰቶሳ ኤራተላን ትሻነ እይፍያና ደእያዋንታ ኦላና።

9 ሸን ሄዋንቲ ባይና ኡራይ ባረ ማታን ደእያዋ ጸላላ ደሚ፣ ቃይ እ ቆቃ፣ እ ካሰ አሉዳ ናጋራይ አቶ ጌተቲዳዋ ደጌዳ።

10 ሄዋ ድራው፣ ታናዳን ጸሳ ካልያዋንቶ፣ ሀንተና ጸሳይ ጴሴዳዋን ደራዳዋ ሎይሳ

ኤርሳናው፣ ካሰዋፕ አጅ ምንተ፤ እያው ጎፕ፣ ሀንተ ሄዋ አልያዋ ግደፕ፣ ቆብትክታ።\*

11 ሄዋዳን ቃይ ኑ ጎዳነ ኑና አሽያ የሱስ ክርሰቶሳ መጅና ካውተላ ገልያ ኩመንሳ ማታይ ሀንተንቶ አመታና።

12 ሄዋ ድራው፣ ሀንተ ሀ የዋቱዋ ኤርያዋ ግደፕካ፣ ቃይ ሀንተ ኦይቄዳ ቱሙዋን ምኤዳዋንታ ግደፕካ፣ ታን ሀንተና ሀ የዋቱዋ ኡባ ዋደ ሀሳይሰያዋ አግከ።

13 ታን ፓጸ ደኤዳ ኬና፣ ሀንተና ሀሳይሳደ ቃሰሳናው ኮሽያዋ ታው ማላቲ።

14 ኑ ጎዳይ የሱስ ክርሰቶሰ ታው ቆንጭያን ኦዴዳዋዳን፣ ታን ሀ ሀይቄያ አሳተላ ጋምኤናን ቃራ ኦላናዋ ኤራይ።

15 ታን ሀይቄዳዋፕ ጉይያን ግድናካ፣ ሀንተ ሀ የዋቱዋ ኡባ ዋደ ቆፓናው ዳንዲያና ማላ፣ ታው ዳንዲየቲዳዋ ኡባ ኦላና።

ክርሰቶሳ ቦንቹዋ ባረ እይፍያን በኤዳ ማርካቱዋ

16 ኑን እ ዋልቃማ ቦንቹዋ ኑ እይፍያን በኤደ ኦደቶፕ አትን፣ መጅ አኬዳ ቶሳን ኑ ጎዳ ክርሰቶሳ ዋልቃነ ዩሳ ሀንተንቶ ኦድቢይኮ።

17 እያው ጎፕ፣ ዳር ዋልቃማ ቦንቹዋፕ፣ “ታን አን ዳር ናሽታያ ታ ሲቆ ናእይ ሀዋ” ያግያ ኮሻይ ዬዳ ዋደ፣ ጸሳ አወዋፕ ቦንቹዋን ጋላታ እ አኬዳ።

18 ቃይ ኑንካ ጌሻ ደርያ ቦላን እናና ደኢደ፣ ሄ ኮሻይ ሳሉዋፕ ዬዳዋ ሰሴደ።

19 አሳይ ሄዋፕ ሎይሳ አጅያ ትምቢትያ አድያዋንቲ ሃሳዬዳ ኑና ሎይሳ አማንሳያ ቃላይ ኑው ደኢ፤ ሀንተ ሄ ቃላ ናግያዋ ግደፕ ሎይሴቶታ። እያው ጎፕ፣ ሄዋ ሳእይ ዋንታና ጋካናሰነ ዋንታ ጸልንትያ ፖኤ ሀንተ ዋዛናን ፖኤና ጋካናው፣ ቆማን ፖኤያ ፖኤዋ ማላ።

20 ኡባፕ ካሰቲደ፣ ሀዋ ኤርተ፤ ጸሳ ማጸፋን ጳጳቲዳ ትምቢትያ ኦዴዳዋ ኦንን ባረካ ብላናው ዳንዲያና።

21 እያው ጎፕ፣ ትምቢትያ ኦዴዳዋ ኡባይ ጌሻ አሳቲ ጌሻ እያናይ ካለሰና፣ ጸሳ ቃላ ሃሳዬድኖፕ አትን፣ አሳ ሸንያን ሃሳየትቤና።

## 2

ዋርዶ አስታማራቱዋ

1 ሸን ትምቢትያ አድያ ዋርዳቲ አሳ ግደን ካሰ ደእያዋዳን፣ ሀንተ ግደንካ ዋርዳዋ ታማርሰያዋንቲ ደእና። ኤንቲንቲ ባረና ዋዜዳ፣ ጎዳ ካዲደ፣ ባይዝያ ዋርዶ ትምርትያ አሀና፤ ቃይ ኤንቲንቲ አኬከና ባሻ ባረንቲ ቦላ አሀና።

2 ቃይ ዳር አሳይ ዬላይያ ኤንቲንቲ ኢታ ኦግያ ካላና፤ ኤንቲንቲ ጋሱዋን ቱሙዋ ኑጌ ቦረታና።

3 ዋርዳዋ ታማርሰያ ሄዋንቲ ሻሎ ያረትያዋን ባረንቲ መጅ አኬዳ ቶሳን ሀንተና

\* 1:10 ፋብትክታ- ናጋራን ኮንድክታ።

ቦንቃና፤ ቦንፕ ደሚድ፤ ኢንቲንቲ ፕሮዳይ ገግ ኡቴዳ፤ ኢንቲንታ ጳይሲያዊ ቤጎቲድ ናኼ።

4 ናጋራ ኦሌዳ ከታንቻቶ ጳሳይ ቃረተናን፤ ፕሮዳ ጋላሳይ ጋካናው ጳማ ኦላን ኢንቲንቲ ቃሸት ኡቴዳ ጋናምያን የጌዳ።

5 ጳሳይ ናጋራንቻቱዋ ቦላ ባሻ ሃላ የዴዳፕ አትን፤ ቦን አሳው ኪክቤና፤ ሽን ጽሎተላባ ኡዴዳ ኖህን ሀራ ላፑ አሳቱዋ አሸዱ።

6 ጳሳይ ሰዶማን ጋሞራ ግያ ካታማቱዋ ቢታ ብድንላ ኦሊድ፤ ፑድ ጳይሲድ፤ ናጋራንቻ ግዴያዋንታ ጋካናባው ለምሱዋ ኦሌዳ።

7 ህገው አዛዘተና ቱናተላ ኦላያ አሳቱዋ ግዴን ቱጋቲድ ደእያ ጽሎዋ ሎጻ ጳሳይ አሸዱ።

8 ሄ ሎኦ ብታኒ ኢንቲንቲ ግዴን ደኢድ፤ ኢንቲንቲ ኦላያ ኢታ ኦሱዋ ጋላሰ ጋላሰ በኤዳ ዋደነ ሰሴዳ ዋደ አ ሎኦ ዋዛናይ ኢንኤቴዳ።

9-10 ሄዋ ግድፕ፤ ጎዳይ ጳሳው ጎይንያ አሳቱዋ ፓጭያፕ ዋት አሻነንቶ ኤሬ፤ ናጋራንቻቱዋ ቃይ ኡባፕ አሊድ፤ ቱና አሙዋን አሸዋ አሙዋ ካልያዋንታን ቃይ ጳሳ ዋልቃ ካዲያዋንታ፤ ፕሮዳ ጋላሳይ ጋካናው ጎዳይ ሙሪድ ዋላናዋካ ኤሬ።

ዋርዳዋ ታማርሰያ ሄዋንቲ ጳላነ ኦቶራንቻ ግዴዳዋን፤ ቦላን ደእያ ቦንቻ ሙጋታ ቦሪናፕ አትን፤ ቦንቻክኖ።

11 ሄ ዋርዳዋ ታማርሰያ አሳቱዋፕ ዳር ምና ዋልቃማ ግድያ ከታንቻቱካ ኢንቲንታ ጎዳ ሰንሳኝ ቦርያን ሞታናው ኮይክኖ።

12 ሸን ሄ አሳቲ ኦይቃቲድ ጳያናው የለቲዳ ባረንቲ ሙጋታን ዋዛናይ ባይና ዋራ ደአቲዋዳን ህኒኖ፤ ኢንቲንቲ ኤረናባ ቦሪኖ፤ ቃይ ባረንቲ ባይዙዋን፤ ኢንቲንቲ ጮ ጳያና።

13 ኢንቲንቲ ባረንቲ ሙዴዳ ሙቱዋን ሙቶታና፤ ጋላሰ የጸደዱ ዳርያዋ ናሽቶያባ ገደ ቆፒኖ፤ ኢንቲንቲ ካወሸሰያዋንታን ቱናቱዋ ግድ ኡቴድ፤ ህንተናና ምያ ቁማ ሙሳን ናሽቲኖ።

14 ጫራትያ ማጫ አሳ ጸልያዋ አገና አይፊ ኢንቲንቶ ደኤ፤ ቃይ ናጋራ ኦላያዋካ ኢግክኖ። አማኡዋን ምንቤና አሳ ጭሚኖ። አሙዋ ደዬዳ ዋዛናይ ኢንቲንቶ ደኤ፤ ኢንቲንቲ ሸቀቲዳዋንታ።

15 ሱረ ኦግያ አገደ ባሊድኖ። ብኡራ ናኢ ባላማ ኦግያና ቤድኖ፤ ባላሞ ማካላን ሚሻ አካናው ኮይዳ።

16 አ ትምቢትያ ኦድያዋ፤ ሸን አ ናጋራ ድራው፤ አ ሀሪ አሳዳን ሃሳያን ሴሪድ፤ ጎሻ ማላ ሁኑዋፕ አ ተኤዳ።

17 ሄ አሳቲ ሙል ድጌዳ ፑልቲዋ ማላ፤ ቃይ ጎቱ ቶኪድ አፍያ ሻርያ ማላ፤ ጳሳይ ኢንቲንቶ ሳካና ጳማ ገግሰ ዋሌዳ።

18 አያው ጎፕ፤ ኢንቲንቲ ሙላነ ኦቶራ ሃሳያ ሃሳዬኖ፤ ባሊድ ደእያ አሳፕ ከሰ ዬዳዋንታ ዋልቃማ አሸዋ አሙዋን ጭሚኖ።

19 ኢንቲንቲ ባረው ባሻ አሙዋና ደኢድ ኢንቲንታ፤ “ህንተ ኦይለተላፕ ከሳና” ያገኛ፤ አያው ጎፕ፤ እት አሳይ ባረና ጸኔዳባው አያውን አይልያ።

20 ኢንቲንቲ ኑ ጎዳነ ኦና አሸያ የሱሰ ክርሰቶሳ ኤራተላን ሀ ሳኢ ቱናተላፕ ከሰ አኬዳዋፕ ጉይያን፤ ጉየ ሰሚድ፤ እን ጭብቲድ ጸንትያዋ ግድፕ፤ ካሰ ደእያ ደኡዋፕ ጉየዋ ኢንቲንቶ ኢታና።

21 አያው ጎፕ፤ ኢንቲንቶ አሙቲዳ ጌሻ አዛዙዋ ኤሪድ አግያዋፕ ኢንቲንቲ ጽሎተላ ኦግያ ኤረናን አግንቶ ሎኦ ሸን።

22 “ካናይ ባረ ጮሻኩ ጉየ ሰሚ” ግያ ለምሱነ ቃይ፤ “ሚጨቲዳ ጉዲንሳይ ጉየ ሰሚድ፤ ኡርቃን ጎንድረቲ” ግያ ለምሱ ቱማ ግድያዋ ኢንቲንታ ጋኬዳዊ በሴ።

### 3

ጎዳይ የሱሰ ያና ናሽቻ

1 ታ ሲቃቶ፤ ሀዌ ታን ህንተንቶ ጳፌዳ ላኤንሶ ዳብዳቢያ፤ ታን ሄ ላኤ ዳብዳቢቱዋካ ህንተ ሱረ ቆፋ ቆፓናዳን ደንግሳናው ህንተና ሀሳይሳናዳን ጸፋድ።

2 ጌሻ ግዴዳ ናባቲ ቦን ኦይዳ ቃላ ህንተ ሀሳያና ማላነ ጎዳይ ህንተና አሸያዎ፤ ባረ ከቴዳዋንቲ ባጋና ህንተና አዛዜዳ አዛዙዋ ህንተ ሀሳያና ማላ ኮያይ።

3 ዋድያ ወርሰላን፤ አሳ ቶቶያ ባረንቲ አሙዋዳን ደእያዋንቲ አሳ ቶቶድ ደንዳናዋ ኡባፕ ካሰቲድ ኤርቲ።

4 ኢንቲንቲ፤ “ኣ ናና” ያጌዳ። ግቤኔ? ያትና ሀቃን ደኢ? አያው ጎፕ፤ ኑ አዋቲ ሀይቁ ድገድኖ፤ ሸን ኡባባይካ ሳኢይ ሙጋቶደፕ ደሚድ ደእያዋዳንካ ደኤ” ያጋና።

5 ዳር ዋድያፕ ካሰ ጳሳይ ሃሳይና፤ ሳሉነ ሳኢይ ሙጋቲዳዋ ኤሪድ፤ ኢንቲንቲ አኬከናን አጼድኖ። ሳኢይ ሃላፕነ ሃላን ሙጋቲዳ።

6 ቃይ ሄዋ ጋሱዋን፤ ሄ ዋደ ደእያ ሳኢይ ሄ ሃላን ሞተት ጳይዳ።

7 ሸን ሀኢ ደእያ ሳሉነ ሳኢይ፤ ጳሳው ጎይነና አሳቲ ፕሮድትያ ጋላሳይነ ጳይያ ጋላሳይ ጋካናው ታኪድ፤ ሄ ቃላን ታማ ናገኖ።

8 ሸን ታ ሲቃቶ፤ ሀ እት የዋቶ ደጎፕተ፤ ጎዳ ማታን፤ እት ጋላሳይ ሻኦ ላይላ ማላ ግድያዋን፤ ቃይ ሻኦ ላይላይ እት ጋላሳ ማላ ግድያዋ ደጎፕተ።

9 አቱ አቱ ቆፕያዋዳን፤ ጎዳይ ባረ ኦላና ጌዳዋ ኦላናው ታክና፤ ሸን ኦንነ ባረ ናጋራፕ ሰማናዳን ኮይፕ አትን፤ ኦንነ ጳያና ማላ ኮየና ድራው፤ ህንተው ገደ ዳንዳያን ጋምኤ።

10 ሸን ጎዳ ጋላሳይ ካይሱዋዳን ያና። ሄ ጋላሰ ሳሎቱ ዋልቃማ ጉንላን ጳያና፤ ሳሎዋ ሙጋታቱ ዋልቃማ ሴላን ሲላና፤ ሳኢይነ አ ቦላን ደእያ ኡባባይ ጳያና።

2:5 ደመላ 6:1—7:24    2:6 ደመላ 19:24    2:7 ደመላ 19:1-16    2:15 ፓይ. 22:4-35    2:22 ለም. 26:11    3:5 ደመላ 1:6-9    3:6 ደመላ 7:11    3:8 ማክ. 90:4

11 ኡባባይካ ሄዋዲን ጳይያዎ ግደፕ፡ ህንተ አይ ማላ እሳ ግዳናዉ በሲ? ህንተ ደኡ ጌሻነ ጸሳ ማላትያዎ ግዳናዉ ኮሼ።

12 ህንተ ጸሳ ጋላሳ ናግሸና፡ ሄ ጋላሳይ ኤለካ ጋካናዳን፡ ህንተንቶ ዳንዳየትያዎ ኦሐተ፤ ሄ ጋላሰ ሳሎቱ ጉደቲደ ጳያናን ሳሉዋ መጋታቱካ ዎልቃማ ሴላን ሲላና።

13 ሸን ኑን ጸሳይ እማና ጌዳ ኦራሳ ሳሉዋን ኦራሳ ሳኣ ጽሉ ደእናሳ ናጌቶ።

14 ሄዎ ድራዉ፡ ታ ሲቃቶ፡ ሄ ጋላሳ ናጌደ፡ ፖኩነ ዬላይያባይ ባይናዋንታ ግዲደ፡ እናና ሳሮተላን ደእና ማላ ሎኣባ ኡባ ኦሐተ።

15 ጎዳ ዳንዳያይ አቶተላ ግድያዎ ህንተ ዎዛናን ቆፕተ፤ ሄዎዳን ቃይ ኑ ሲቆ አሻይ ጳዉሎስ፡ ጸሳይ ባረዉ እሜዳ አጴዳ ኤራተላን ህንተንቶ ጳጴዳ።

16 ባረ ጸፍያ ዳብዳቢያን፡ ሄ የዉዋባ ጸፍያ ዎደ፡ ታማርቤና አሳቱነ ምንቤና አሳቱ ሀራ ጸሳ ማጸፋቱዋ ጌላይያዎዳንካ፡ ሄ ዳብዳቢያ ግደን ደእያ እኬካናዉ ዋይሰያ የዉዋ ጌላዪና። ኡንቱንቱ ሄዎ ኦሐያዎን ባረንቱ ቦላ ባሻ አሂና።

17 ሄዎ ድራዉ፡ ታ ሲቃቶ፡ ህንተ ሄዎ ኤርያ ድራዉ፡ ማካላንቻቱዋ ባላን ጭመቲደ፡ ዎራ ቤና ማላ፡ ቃይ ምኒደ ደእያ ሳኣፕ ኩንደና ማላ ናገትተ።

18 ሸን ህንተ ኑ ጎዳ፡ ኑና አሸያ የሱሰ ክርሰቶሳ አጴ ኬካተላንን ኤራተላን ድጭተ። አዉ ሀእነ መድና ጋላሳይ ጋካናዉ ጋላታይ ጋኮ። አመንአ።

# ዮሃንሳ ጻፌዳ ኮይሮ ኪታ ገሉቀ

የሱስ ኪቴዳ ዮሃንሳ ጻፌዳ ኮይሮ ኪታይ፡ ላኤ ሀጸ ቆፋቱዋ እይቄዳ፤ ሄዋንቱካ፡ ናባብያዋንቶ ጸሳናን እ ናኣ የሱስ ክርስቶሳና እትተላቄ ደእናዳን መንግሥትና ሀ እትተላቄ ቆይሳናው ዳንዳይያ ዋርዶ ትምርትያ ሌንቱንቱ ሃካና ማለ፡ ምንሲደ እኬክሳና፡ ሄ ዋደ ደንዴዳ ዋርዶ ትምርቲ “ኢታተላይ ፑልትያዊ ሀ ኑን ደእያ ዋልቃማ አላምያና ጋከትያ ጋከሳና ግድያ ድራው፡ ጸሳ ናኣይ የሱስ ሙለካ አሳ ግዳናው ዋይ፡ አሳተላ ኤሻይ እው ደእናው ዳንዳየና” ያግያዋ። ሄ እስታማራቱ፡ “አቶተላ ጉሳይ አላምያ ደኡ አንኤትያዋ፡ ላኦ ከሰያዋ” ያገኛ። ሄዋ ቦላካ ቃይ “ኢታን ኬካ ሻኪደ እይቄያዋ ዋይ፡ ሀራ አሳው ሲቁዋ በሰያዋ ግድግዳ፡ እቶተላና ሌንቱንታ ጋልያባይ ባዋ” ያገኛ።

ጻፊ ሀ ትምርትያ ኤቀቲደ፡ “የሱስ ክርስቶስ ሃሎ አሳ፤ የሱሳን አማንያዋንቱን ጸሳ ሲቆያዋንቱ ኡባይ ባረንቱ ግድግዳ እቲ እቲዋና ሲቀታናው በሴ” ያገደ ኦዴዳ።

**ሸምጋቱዋ ኡባቶ እመቴዳ ቃንሳ ቆፋቱዋ ገሉቀ 1:1-4**  
ፖኤዋን ቆማ 1:5—2:29  
ጸሳ ናናን ጸላህያ ናና 3:1-24  
ቱሙዋን ባለሉቀ 4:1-6  
ሲቁዋ ኦሱቀ 4:7-21  
ጸንያ አማኑዋ 5:1-21

ደኡዋ ቃላ

1 ኑን ኮይራዋ፡ ደማደ ደእያ፡ ኑ እይፍያን በኢደ፡ ኑ ኩሽያን አ ቦቻ በኤዳ ደኡዋ ቃላባ ህንተንቶ ጻፊቶ። ኑን አ በኤዳ፤ ኑ ኩሽካ አ ቦቻ በኤዳ።

2 ሄ ደኤ ቆንጭና፡ ኑን አ በኢደ፡ አባ ህንተንቶ ማርካቲቶ፤ ቃይ ጸሳ አውዋ ማታን ደእያ ኑው ቆንጭዳ መድኑ ደኡዋባ ህንተንቶ ኦዴቶ።

3 ቃይ ኑናና ህንተንቶ እትተላቄ ደእና ማለ፡ ኑን በኤዳዋን ሰሴዳዋ ህንተንቶ ኦዴቶ፤ ኑው አውዋናን እ ናኣ የሱስ ክርስቶሳና እትተላቄ ደኤ።

4 ኑን ኑ ናሽቻይ ሃለታና ማለ፡ ሀዋ ህንተንቶ ጻፊቶ።

ጸሳይ ፖኤዋ

5 ኑን ጸሳ ናኣ፡ ሰሲደ፡ ህንተንቶ ኦድያ ኪታይ፡ “ጸሳይ ፖኤዋ፤ እን ቆማይ ሙለካ ባዋ” ያግያዋ።

6 ኑን ኑው አናና እትተላቄ ደኤ ገደ ቆማን ደኡ፡ ኑ ሃሳያንን ኑ ኡሱዋን ዋርዶቲቶ።

7 ሸን ፖኤዋን እ ደእያዋዳን፡ ኑንካ ፖኤዋን ደኡ፡ ኑው እቶ እቲዋና እትተላቄ ደኤ፤ ቃይ እ ናኣ፡ የሱስ ክርስቶሳ ሱላይ ናጋራ ኡባ፡ ኑና ገሼ።

8 ኑን ናጋራ ኦለበይኮ ጎፕ፡ ኑረካ ኑና ጭሚቶ፤ ኑናን ቱማተላይካ ባዋ።

9 ሸን ኑን ጸሳው ኑ ናጋራ ፓጸ፡ እ ኑ ናጋራ እቶ ጋናውን ኑ ባይዞ ኡሱዋ ኡባ፡ ኑና ገሻናው፡ አማንትያዋን ቱሙዋ አልያዋ።

10 ኑን ናጋራ ኦለበይኮ ጎፕ፡ ጸሳ ዋርዶዋ ጌቶ፤ እ ቃላይካ ኑ ዋዛናን ደኤና።

## 2

ክርስቶስ ኑው ጋናትያዋ

1 ታ ናቶ፡ ናጋራ ህንተ ኦግናዳን፡ ታን ሀዋ ህንተንቶ ጸፋይ፤ ሸን ኡንን ናጋራ ኦለ፡ አውዋ ማታን ኑው ጋናትያ የሱስ ክርስቶስ፡ ጽሉ፡ ደኤ።

2 ቃይ ኑን ኑ ናጋራ እቶ ጌተቲሳ ክርስቶሳ ባጋና ደሚቶ፤ ክርስቶስ ያርሸቲዳዊ አሳ ኡባ ናጋራ ድጋናባ፡ እትን፡ ኑ ናጋራ ጸላላ ድጋናሳ ግደና።

3 ኑን ጸሳ አዘዘዋ ናጎ፡ ቱሙ አ ኤርያዋ ሄዋን ሻካናው ዳንዳይቶ።

4 እት ኡራይ፡ “ታን አ ኡራይ” ገደ፡ ቃይ አ አዘዘዋ ናጎናን አጎ፡ ሄ ኡራይ ዋርዶዋ፤ ቱማተላይካ እን ባዋ።

5 ሸን አ ቃላው አዘዘትያ ኑና ግድግዳ፡ ሄ ኡራይ ጸሳ ሲቆያዊ ቱሙ ሃለቲዳ። ኑን ጸሳን ደእያ ሀዋ ኑና ኤርሴ። ሄዋካ፡

6 “ታን፡ ጸሳን ደኤ” ግያ ኡንን ክርስቶስ ደኤዳዋዳን ደእናው በሴ።

ኦራሳ አዘዘዋ

7 ታ ሲቃቶ፡ ታን ህንተንቶ ኮይራዋ፡ ደእያ ኤጫ አዘዘዋ ጸፋይ፡ ኦራሳ አዘዘዋ ጸፍከ፤ ሄ ኤጫ አዘዘ ህንተ ሰሴዳ ቃላ።

8 ግድግዳ፡ ታን ህንተንቶ ላኤንሱዋ ኦራሳ አዘዘዋ ጸፋይ፤ ሄ አዘዘዋ ቱማተላይካ ክርስቶሳንን ህንተናን ቤቱ። እያው ጎፕ፡ ቆማይ ቆይ፤ ቱሙ ፖኤ ሀኦ ፖኤ።

9 ፖኤዋን ደእይ ገደ፡ ባረ እሻ እጽያ ኡንን ሀሮ ጋካናውካ ቆማን ደኤ።

10 ባረ እሻ ሲቆያ ኡንን ፖኤዋን ደኤ፤ ሄ ኡራን ሀራ ኡራ ቆሲያባይ አያይን ባዋ።

11 ሸን ባረ እሻ እጽያ ኡንን ቆማን ደኤ፤ ቆማን ሀሙቲ፡ ቆማይ አ እይፍያ ቆቀሰ ዋሌዳ ድራው፡ ሀቃ ብንቶን ኤረና።

12 ታ ናቶ፡ ጸሳይ ክርስቶሳ ሰንሳ ድራው፡ ህንተ ናጋራ እቶ ያጌዳ ድራው፡

ታን ህንተንቶ ጸፋይ።

13 አዋቶ፡ ኮይራዋ፡ ደእያዋ ህንተ ኤራዳ ድራው፡

ህንተንቶ ጸፋይ።

ያላጋቶ፡

ጸላህያ ካፑዋ ህንተ ጸኔዳ ድራው፡ ህንተንቶ ጸፋይ።

ጉላ ናቶ፡ ጸሳ አወዋ ህንተ ኤራዳ ድራወ፡

ህንተንቶ ጸፋይ።

14 አዋቶ፡ ኮይሩዋፕ ደእያዋ ህንተ ኤራዳ ድራወ፡

ህንተንቶ ጸፋይ።

ያላጋቶ፡

ህንተ ሞና ግድያ ድራወን

ጸሳ ቃላይ ህንተናን ደእያ ድራወ፡

ቃይ ጸላህያ ካፑዋ ህንተ ጸኔዳ ድራወ፡ ህንተንቶ ጸፋይ።

15 ሀ አላምያ ዋይ አላምያን ደእያ እያን ሲቆጥተ። ህንተ ሀ አላምያ ሲቆጥ፡ ጸሳ ሲቆ ህንተናን ባዋ።

16 እያወ ጎጥ፡ ሀ አላምያን ደእያ ኡባባይ፡ ሄዋካ፡ አሳተሳ አሙ፡ አይፍያን ጸሊደ ካጃልያዊን ባረ ደእያዋን ጩቀትያዊ ሀ አላምያጥ ዬዳዋጥ አትን፡ ጸሳጥ ይሴና።

17 ሀ አላሚን ሀ አላምያን አሳይ አዋትያ ኡባባይ አቆና። ሽን ጸሳይ ጌዳዋ ኦልያ ኡራይ መፅፍጫ ደእና።

ክርስቶስ ኤቀትያዋጥ ናገትያዋ

18 ታ ናቶ፡ ዋድያ ወርሰላይ ማታቲዳ፤ ክርስቶስ ኤቀትያዊ ሰንላጥ ያናዋ ህንተ ሰሴዳዋዳን፡ ሀራይ አቶ ሀእካ አ ኤቀትያዋንቱ ጮራቱ ደንዴድና። ሄዋ ድራወ፡ ዋድያ ወርሰላይ ማታቲዳዋ ኮን ሄዋን ኤራቶ።

19 ሀ ኤቀትያዋንቱ ኮ ባጋ ግደና ድራወ፡ ኮ ግደጥ ከሴድና፤ እያወ ጎጥ፡ አንቲንቲ ኮ ባጋ ግደናባ ግድንቶን፡ ኮ ግደን ደእና፤ ሽን አንቲንቲጥ ኦን ኮ ባጋ ግደናዌ ኤራታና ማላ፡ ኮ ግደጥ ከሴድና።

20 ሽን ክርስቶስ ህንተ ቦላ ጌሻ እያና ጉሴዳ፤ ቃይ ህንተ ኡባይ ቱሙዋ ኤሪታ።

21 ቱሙዋ ህንተ ኤርያ ድራወን ቃይ ቱሙዋን ዋርዱ እያይነ ባይናዋ ህንተ ኤርያ ድራወ፡ ታን ህንተንቶ ጸፋይጥ አትን፡ ቱሙዋ ህንተ ኤረና ድራወ ጸናከ።

22 የሱሰ አከቲዳ ክርስቶስ ግድያዋ ኤርከ ግያ ኡራጥ አትን፡ ዋርዱ እኔ? ሄዋ ጸሳ አወዋና ናእ ኤርከ ግያዌ ክርስቶስ ኤቀትያዋ።

23 ጸሳ ናእ ኤርከ ግያ እናን ጸሳ አወካ ኤረና፤ ጸሳ ናእ ኤራይ ግያ እናን ቃይ ጸሳ አወካ ኤራ።

24 ሄዋ ድራወ፡ ኮይሩዋጥ ህንተ ሰሴዳዋ ህንተ ዋዛናን ምንሲደ ናገጥ። ኮይሩዋጥ ሰሴዳዋ ህንተ ናጎጥ፡ ህንተንቶ ቃይ ጸሳ ናእናን ጸሳ አወዋና አትጥተላይ ደእና።

25 ቃይ ክርስቶስ ባረ ሁጸወ ኑወ እማና ጌዳዌ መፅፍ ደእኦ።

26 ታን ሀዋ ህንተንቶ ሄ ህንተና ባለላያ አሳቲዋ ገርወ ዳፋድ።

27 ሽን ክርስቶስ ህንተ ቦላ ባረ ጌሻ እያና ጉሴዳ፡ ጌሻ እያናይ ህንተናን ደእያ ድራወ፡ እንነ ህንተና ታማርሳና ኮሸና፤ እያወ ጎጥ፡ አ ጌሻ እያናይ ህንተና ኡባባ ታማርሴ። አ ታማርሰያዌ ቱሙዋጥ አትን ዋርዱዋ ግደና።

ሄዋ ድራወ እያና ጌሻ ትምርተወ አዛዘቲደ፡ ክርስቶስና አትጥተላን ደእተ።

28 ታ ናቶ፡ ቃይ እ ቆንጭያ ዋደ፡ ኮን ያሽ ባይናዋንታ ግድናዳን፤ አ ዩሳ ጋላሰ አ ሰንላን ኮን ዬላተናዳን፡ እናና አትጥተላን ደእተ።

29 ክርስቶስ ጽሎ ግድያዋ ህንተ ኤርጥ፡ ጽሎባ ኦልያ ኡባይ ጸሳ ናእ ግድያዋ ኤራናወ በሴ።

### 3

ጸሳ ናናቱዋ

1 ኮን ጸሳ ናናቱዋ ጌተቲደ ጸሰታና ማላ፡ ጸሳይ ኮና አይ ኬና ሲቀደንቶን በእተ። ኮን ቱሙካ አ ናናቱዋ። ሀ አላሚ ጸሳ ኤረና ድራወ፡ ኮናካ ኤረና።

2 ታ ሲቃቶ፡ ሀእ ኮን ጸሳ ናናቱዋ፤ ኮን እያ ሀናንቶ ብር ኤረትቤና፤ ሽን ክርስቶስ ቆንጭያ ዋደ፡ ኮን አ ማላታናዋ ኤራቶ። እያወ ጎጥ፡ አ ቱሙ አ ግድያዋ ኮን ኩመንላን በእና።

3 ቃይ ክርስቶስ በእና ጊደ ናሽቻን ናግያ ኦንነ ክርስቶስ ጌሻ ግዴዳዋዳን፡ ባረና ጌሹ።

4 ናጋራ ኦልያ ኡባይ ጸሳ ሀግያ መንሐ፤ እያወ ጎጥ፡ ናጋራይ ጸሳ ሀግያ መንሐ፡

5 ክርስቶስ አሳ ናጋራ ቆይሳናወ ቆንጭዳዋ ህንተ ኤሪታ፤ አን ናጋራይ ባዋ።

6 ክርስቶስን ደእያ ኦንነ ናጋራ ኦሊደ ደእና፤ ቃይ ናጋራ ኦሊደ ደእያ ኦንነ አ በእቤና ዋይ ኤርቤና።

7 ታ ናቶ፡ ኦንነ ህንተና ባለላ። ክርስቶስ ጽሎ ግድያዋዳን፡ ጽሎባ ኦልያ ኡራይ ጽሎ።

8 ጸላህያ ካፑ ኮይሩዋጥ ናጋራ ኦሊደ ድራወ፡ ናጋራ ኡባ ዋደ ኦልያ ኡራይ ጸላህያ ካፑዋሳ፤ ሄዋ ድራወ፡ ጸሳ ናእይ ጸላህያ ካፑዋ ኦሎዋ ቆይሳናወ ቆንጭዳ።

9 ጸሳ ናናቱዋ ግድያ ኡባይ ጸሳ መጋታይ አንቲንቲን ደእያ ድራወ፡ ናጋራ ኡባ ዋደ ኦልያና፤ ቃይ ጸሳይ አንቲንቲ አወዋ ግድያ ድራወ፡ ናጋራ ኦላናወ ዳንዳይክና።

10 ጸሳ ናናቱ ግድያን ጸላህያ ካፑዋ ናናቱዋ ግድን ደእያ ዳማተላይ ሀዋን ኤረቲ፤ ጽሎባ እርግዋንቲን ዋይ ባረ እሻ ሲቀናዋንቲ ኦንነ ጸሳ ናናቱዋ ግድክና።

እቲ እቲዋና ሲቀትያዋ

11 እያወ ጎጥ፡ ኮይሩዋጥ ህንተ ሰሴዳ ኪታይ፡ “እቲ እቲዋና ሲቀታናወ በሴ” ያግያዋ።

12 ኮን ቃይላ ማላ ግዳናወ በሰና። ቃይል ጸላህያ ካፑዋሳ፤ ሄዋ ግደ ድራወ፡ ባረ እሻ ዋዴዳ። አ ባረ እሻ እያወ ዋዴዳ? አ ኦሊደ ኦሎ አታ ግድና፡ አ እሻይ ኦሊደ ኦሎ ሎአ ግዴዳ ድራወ ዋዴዳ።

13 ታናዳን ጸሳ ካልያዋንቶ፡ ሀ ሳአ አሳይ ህንተና አጸጥ፡ ኦራሳባ ጎጥተ።

14 ኮን አማንያዋንታ ሲቆያ ድራወ፡ ሀይቁዋጥ ደኦ ፕኔዳዋ ኤራቶ፤ አማንያዋንታ ሲቆና ኡራይ ኦንነ ሀይቁዋ ግድን ደእ።

15 አማንያዎንታ እጽያ ኦንነ ሸምቸዎ ዎዴዳዎ፤ ቃይ ሸምቸዎ ዎዴዳዎን መድና ደኡ ባይናዎ ህንተ ኤሪታ።

16 ክርስቶስ ባረ ሸምቸዎ ኑ ድራወ አሲደ አሜዳዎን ሲቁ እየንቶ ኑን ኤሪደ፤ ኑንካ አማንያዎንቱ ድራወ። ኑ ሸምቸዎ አሲደ አማናወ በሴ።

17 ሸን ዱረ አሳይ ኦንነ ባረ እሻይ መቶትያዎ በኢደ። እዉ ቃረተናን እጸፕ። ባረ ዎዛናን ጸሳ ሲቃይ ጋናዉ ዋን ዳንዳዪ?

18 ጎ ናቶ። ኑን ኦሱዋንነ ቱማተላን ሲቀቶይተፕ አትን። ጮ ሃሳያን ዎይ ቦላ ድናን ሲቀታናዉ በሰና።

ጸሳ ሰንላን አማነቲደ ኤቁያዎ

19-20 ኑን ቱሙዎ ባጋን ደእያዎ ሄዎን ኤራና፤ ቃይ ኑ ዎዛናይ ኑ ቦላ ፕርድያ ዎደ ኡባን። ጸሳ ሰንላን ቱማተላ ኑና ሄዎን ኤርሴ። እያዉ ጎፕ። ጸሳይ ኑ ዎዛናፕ ዎልቃማ፤ ቃይ እ ኡባባ ኤራ።

21 ታ ሲቃቶ። ኑ ዎዛናይ ኑ ቦላ ፕርደናዎ ግደፕ። ኑን ጸሳ ሰንላን ያዮኮ።

22 ኑን አ አዛዙዎ ናግያ ድራወነ አ ናሽቶያባ ኦሳያ ድራወ። ዎሰያ ኡባባ አፕ አኬቶ።

23 ጸሳ አዛዙ ሀዋ። ክርስቶስ ኑና አዛዜዳዎዳንካ። ጸሳ ናአ የሱስ ክርስቶሳ ሱንላን ኑን አማናዳንነ አቱ አቱዋና ሲቀታናዳን ጸሳይ ኑና አዛዜዳ።

24 ጸሳ አዛዙዎ ናግያ ኦንነ ጸሳ ግደን ደኤ፤ ጸሳይካ አ ግደን ደኤ፤ ጸሳይ ኑዉ አሜዳ አ እያና ባጋና አ ኑ ግደን ደእያዎ ኑን ኤራቶ።

### 4

ቱማንቻ እያናን ዎርዶ እያና

1 ታ ሲቆቶ። ጸሳ እያናይ ታናን ደኤ ግያ ኡባ አማናፕተ፤ ሸን ኡንቱንቱን ደእያ እያናይ ጸሳፔየ ዎይ ግደንንቶ ፓጭተ። እያዉ ጎፕ። ጮራ ዎርዶ ናባቱ ኡባሳ ቤድና።

2 ጸሳ እያና ግድያዎ ህንተ ሀዋን ኤራና፤ “የሱስ ክርስቶስ አሳ ግዲደ ዬዳዎ አማናይ” ግያ ኦናንነ ደእያ እያናይ ኡባይ ጸሳፕ ዬ።

3 ቃይ ክርስቶስ አሳ ግዲደ ዬዳዎ አማናይ ፔናዎ እያናይ ኡባይ ጸሳፕ ይቤና፤ አን ክርስቶሳ ኤቀትያ እያናይ ደኤ። ህንተ ሄዌ ያናዎ ካሰ ሰሴድታ፤ አ ሀራይ አቶ ሀእካ ሀ አላምያን ደኤ።

4 ታ ናቶ። ህንተ ጸሳዋንታ፤ ህንተ ግደን ደእያ ጌሻ እያናይ ሀ አላምያን ደእያ እያናፕ ዳር ዎልቃምያ ድራወ። ዎርዶ ናባቱዎ ህንተ ጸኔድታ።

5 ኡንቱንቱ ሀ አላምያ አሳ ግድያ ድራወ። ሀ አላምያባ ሃሳዪና፤ ሀ አላምያ አሳይካ ኡንቱንቱ ሃሳያ ሰሴ።

6 ኑን ጸሳዋንታ፤ ጸሳ ኤርያ ኦንነ ኑን ግያዎ ሰሴ። ጸሳ ኤረና ኦንነ ኑን ግያዎ ሰሰና። ኑን ቱሙ እያናን ዎርዶ እያና ሄዎን ሻኬቶ።

ጸሳይ ሲቁዎ

7 ታ ሲቃቶ። ሲቁ ጸሳፕ ይያ ድራወ። አን አቱ አቱዋና ሲቀቶይተ። ሲቀትያ ኦንነ ጸሳ ናና፤ ጸሳካ ኤሪና።

8 ጸሳ ኤሻይ ሲቆ ግድያ ድራወ። ሲቀና ኡራይ ኦንነ ጸሳ ኤረና።

9 ጸሳይ ኑና ባረ ሲቁዎ ሀዋን በሴዳ፤ ኑን አ ባጋና ደኡዎ ደማና ማላ። ባረ እት ናአ ሀ አላምያ ከቲዳ።

10 ሲቁዎ ግያዌ ሀዋ፤ ጸሳይ ኑና ሲቁደ። ኑን ኑ ናጋራፕ ማራተላ ደማዳ ባረ ናአ ኑዉ ከቲዳፕ አትን። ኑን አ ሲቁዳዋና ግደና።

11 ታ ሲቆቶ። ጸሳይ ኑና ሀዋዳን ሲቁዳዎ ግደፕ። ኑንካ አቱ አቱዋና ሲቀታናዉ በሴ።

12 ጸሳ ኦንነ ሙሊካ በእቤና፤ ኑን አቱ አቱዋና ሲቀቶ። ጸሳይ ኑ ግደን ደኤ፤ አ ሲቁካ ኑ ግደን ፖለቲዳ።

13 ጸሳይ ባረ እያና ኑዉ አሜዳ ድራወ። ኑን ጸሳ ግደን ደእያዎን እካ ኑ ግደን ደእያዎ ኤራቶ።

14 ጸሳ እዉ ባረ ናአ ሀ አላምያ አሽያዎ ግዳናዉ ከቲዳዎ ኑን በኢደ ማርካቴቶ።

15 የሱስ ጸሳ ናአ ግድያዎ ማርካትያ አ ግዲዋንነ ጸሳይ ደኤ፤ እካ ጸሳ ግደን ደኤ።

16 ጸሳይ ኑና ሲቅያዎ ኑን ኑ ሁጳዉ ኤራቶን አማኔቶ።

ጸሳይ ሲቁዎ። ሲቁዎን ደእያ ኦንነ ጸሳ ግደን ደኤ፤ ጸሳይካ አ ግደን ደኤ።

17 ኑ ደኤ ሀ አላምያን ክርስቶስ ደኤዳዎ ማላ ግድያ ድራወ። ፕርዶ ጋላሰ ኑን ያየና ማላ። ሲቁ ኑ ግደን ፖለቲዳ።

18 ሲቁዎን ያሽ ባዋ፤ ጋሱካ ቱሙ ሲቁ ያሻ ከሰ ኦሌ። ያሻይን ሙራይ እትፕ ብያ ድራወ። ያይያ ኡራ ሲቁ ኩሙንሳ ግደና።

19 ጸሳይ ኮይር ኑና ሲቁዳ ድራወ። ኑን አ ሲቁደ።

20 ኦንነ። “ታን ጸሳ ሲቃይ” ገደ ባረ እሻ እጸፕ። አ ዎርዶዎ። እያዉ ጎፕ። በኤዳ ባረ እሻ ሲቀናዌ በእቤና ጸሳ ሲቃናዉ ዋን ዳንዳዪ?

21 ቃይ ክርስቶስ ኡዉ አሜዳ አዛዙ ሀዋ፤ ጸሳ ሲቅያ ኡራይ ባረ እሻካ ሲቃናዉ በሴ።

### 5

ሀ አላምያ ጸንያዎ

1 ኦከቲዳ ክርስቶሳ ያጊደ። የሱሳ አማንያ ኡባይ ጸሳ ናና፤ ቃይ ጸሳ አዉዎ ሲቅያ ኦንነ አ ናናቱዋካ ሲቁ።

2 ኑን ጸሳ ሲቅያዎንነ አ አዛዙዎ ናግያዎን። ጸሳ ናናቱዎ ሲቅያዎ ኤራቶ።

3 እያዉ ጎፕ። ኑን ጸሳ ሲቅያዌ አ አዛዙዎ ናግያዋ፤ አ አዛዙካ ዴጾ ግደና።

4 እያዉ ጎፕ። ጸሳ ናአ ግድያ ኦንነ ሀ አላምያ ጸናናዉ ዳንዳዪ፤ ኑንካ ሀ አላምያ ጸናናዌ ኑ አማኔታና።

5 ሀ አላምያ ጸናናዉ ዳንዳይያዌ ኦኔ? የሱስ ጸሳ ናአ ግድያዎ አማንያዎ ጸላላይ ጸናና።

ክርስቶሳዎ ማርካቴዳዎ

6 ጽንቃታ ሃፋናን ሀይቁዎ ሱላና ዬዳዌ ሀዋ፤ እካ የሱሰ ክርሰቶሳ፤ ሃፋናን ሱላና\* እ ዬዳዋጥ አትን፤ ሃላ ጸላላና ይቤና። ጌሻ አያናይ ቱማ ግድያ ድራው፤ ሄዌ ቱማ ግድያዎ እ ባረ ሁጸጧ ማርካቲ።

7 አያው ጎጥ፤ ሄዙ ማርካቲ ደኢኖ።

8 ሄዋንቲ፤ ጸሳ አያና፤ ሃላን ሱላ፤ ሀ ሄዛቲ እቲ እቲዋዋ ጸልቁክና።

9 ኑን አሳይ ማርካትያዎ አማኖጥ፤ ጸሳይ ማርካትያዌ አሳዋጥ ሎይሳ አዲ፤ አያው ጎጥ፤ ጸሳይ ባረ ናአባ ማርካቲዳ ማርካተሳይ ሀዋ።

10 ጸሳ ናአ አማንያ ኡራ ዋዘናን ሀ ማርካተሳይ ደኤ። ጸሳ አማንና ኡራይ ኑን ጸሳይ ባረ ናአው ማርካቲዳ ማርካተሳ አማንቤና ድራው፤ ጸሳ ዋርዲዎ ጌ።

11 ሰሞ ማርካተሳይ ሀዋ፤ ጸሳይ ኑወ መድና ደኡዋ አሜዳ፤ ሄዌካ እ ናአን ደኤ።

12 ጸሳ ናአይ ደአያ ኑስን ደኡ ደኤ፤ ጸሳ ናአይ ባይና ኑስን ደኡ ባዋ።

መድና ደኡዋ

13 ጸሳ ናአ ሱንላን አማንያ ህንተንቶ መድና ደኡ ደአያዎ ህንተ ኤራና ማላ፤ ሀዋ ህንተንቶ ጸፋድ።

14 ጸሳይ ኮይያዋዳን፤ አይነ ኑን አ ዋሶጥ፤ እ ሰሰያዎ ኑን ኤርያ ድራው፤ እ ሰንላን ያዮኩ።

15 ኑን ዋሰያ ኡባን እ ሰሰያዎ ኤርጥ፤ ኑን አ ዋሴዳዎ እ ዛሬዳዎ ኤሬቶ።

16 ኑን ሀይቁ በሰና ናጋራ ባረ እሻይ አሰሽን በኑጥ፤ ጸሳ ዋሳናው በሴ፤ ሀይቁ በሰና ናጋራ ኡጼዳዋንቶ ጸሳይ ደኡዋ አማና። ሀይቁ በሰያ ናጋራይ ደኤ፤ ታን ህንተና ሄዎ ጸሳ ዋሰተ ገከ።

17 ባይዘ ኑሱ ኡባይ ናጋራ፤ ሽን ሀይቁ በሰና ናጋራይ ደኤ።

18 ጸሳ ናናይ ኑን ናጋራ ኡባ ዎደ ኦርናዎ ኑን ኤሬቶ። አያው ጎጥ፤ ጸሳ ናአይ ኡንቲንታ ናጌ፤ ቃይ ጸላህያ ካፑካ ኡንቲንታ ቆሀናው ዳንዳየና።

19 ኑን ጸሳዋንታ ግድያዋን ሀ አላሚ ኡባይ ጸላህያ ካፑዋን ሞደቲዳዌ ኤሬቶ።

20 ኑን ቱሙ ጸሳ ኤራናዳን፤ ጸሳ ናአይ ዬዳዋን ኑወ እኩካ አሜዳዎ ኤሬቶ። ኑን ቱሙ ጸሳ ግድን፤ እ ናአ የሱሰ ክርሰቶሳ ግድን ደኤቶ፤ እ ቱሙ ጸሳን መድና ደኡዋ።

21 ታ ናቶ፤ ኤቃቲዋጥ ህንተ ሁጸያ ናግተ።

\* 5:6 ሃፋናን ሱላና- የሱሰ ሀ አላሞያ ደደ ጽንቃታ ሃላ ጸላላና ግድናን ባረ ሀይቁዎ ሱላን ዬዳ። ሄዋ ጉሳይ እ እሳ ኩሽያን ጸማቀቱሳ ጸላላ ግድናን፤ ሀ አላሞያን ሀይቁዳ ጉሳ።



# የሃንሳ ሳኤንሶ ሳኤንሶ ኪታ ገሉዋ

የሃንሳ ሳኤንሶ ኪታ፣ የሱሰ ኪቲዳ አማንያዋንታ ካለልያ ጭማ የሃንሰ ጸፊዳ። ጸፊቱዳዌካ፣ ደረቲዳ ገንጫን እዝ ናናቱዋሳ። እዛካ ሄ ዋደ ደእያ አማንያ አሳ ሸቁዋ በሳጤ። ሀ ቃንሳ ኪታይ ጸፊቱዳዌ ኤንቱንቱ እቱ እቱዋና ሰቀታናዳን ሀሳይሳናሳን ዋርዶ አስታማራቱዋፕን ኤንቱንቱ ትምርትያፕ ናገታናዳን ቆፍሳናሳ።

**ሸምፓቱዋ ኡባቶ አመቴዳ ቃንሳ ቆፋቱዋ**  
ገሉዋ 1-3  
ሲቆ ኡባፕ ቦላ 4-6  
ዋርዶ ትምርትያፕ ናገታናዳን ኦደቶዋ 7-11  
ወርሰሳ ቁትያ 12-13

1-2 ታን አማንያዋንታ ካለልያ ጭማይ፣ ሀንተንቶ፣ ደረቲዳ ገንጫን እዝ ናናዉ \* ሀ ዳብዳቢያ ጸፋይ፤ ኑ ግደን ደእያ ቃይ ኑናና ሙድናዉ ደእና ቱማተሳ ድራዉ፣ ታን ሀንተና ቱሙ ሲቃይ። ቃይ ታ ጸላላ ግደናን፣ ቱማተሳ ኤርያ ኡባቱ ሀንተና ሲቁኖ።

<sup>3</sup> ጸሳ ኑ አወዋን እ ናኦ የሱሰ ክርሰቶሳ አጼ ከካተሳይ፣ ማርተሳይን ሳርተሳይ ቱማተሳንን ሲቁዋን ኑናና አትፕ ግደ።

ቱሙዋባን ሲቁዋባ  
<sup>4</sup> ጸሳ አዉ ኑና አዛዜዳዋዳን፣ ነ ናናቱዋፕ አማራዳዋንቱ፣ ቱማተሳን ደእያዋ በእደ ታን ዳሮ ናሸታድ።

<sup>5</sup> ሲቆ ገኔ፣ ሀእካ ኑን ኡባይ እቱ እቱዋና ሲቀታና ማላ፣ ታን ኔና ዋሳይ፤ ሀ አዛዙ ካሴደፕ ኑናና ደእያ አዛዙዋፕ አትን፣ ታን ነዉ ኦራሳ አዛዙዋ ጸፍከ።

<sup>6</sup> ሲቁዋ ግያዌ ኑን ጸሳ አዛዙዋ ናገደ ደእያዋ ግያዋ። ቃይ ኮይሩዋፕ ሀንተ ሰሴዳዋዳንካ፣ እ አዛዙ አዬ ሳፕ፣ ሀንተ ኡባይ ሲቁዋን ደእናዋ።

<sup>7</sup> አያዉ ሳፕ፣ የሱሰ ክርሰቶሰ አሳ ግዲደ ዬዳዋ አማኖኮ ግያዋንቱ፣ ባለልያ ዳር አሳቱ፣ ጋደ ግደ ገሌድኖ። ሄዋ ማላ ኡራይ ኑን አሳ ባለልያዋን ክርሰቶሳ ኤቀትያዋ።

<sup>8</sup> ሀንተ ኦጼዳዋ ኩሙንሳ ዋይታ አካናፕ አትን፣ ኑን † ኦጼዳዋ ባይዘና ማላ፣ ሀንተና ናግተ።

<sup>9</sup> ክርሰቶሳ ትምርትያፕ ሃክያ ኡራዉን ቃይ አ ትምርትያን ደኤና ኡራዉ ጸሳና አትፕተሳይ ባዋ። ክርሰቶሳ ትምርትያን ደእያ ኡራዉ ጸሳ አወዋናን እ ናኦና አትፕተሳይ ደኤ።

<sup>10</sup> ኦንን ሀንተኮ ዪደ፣ ሀ ትምርትያ አሄናን አሳፕ፣ ሀንተ ሳለ አ ገልሶፕተ፤ ሳርካ ሳፕተ።

11 አያዉ ሳፕ፣ እ ሳር ግያ ኡራይ አ ኢታ ኦሱዋ አናና ግሸቱ።

ወርሰሳ ሳርታ  
12 ታን ሀንተንቶ ጸፋናዉ ኮዬዳ ዳርባይ ደኤ፤ ሸን ዋራቃታንን ቃላምያን ጸፋናዉ ኮያበይከ፤ ሸን ኑ ናሸቻይ ፖለታና ማላ፣ ሀንተናና ደናን ሃሳያናዉ ሀንተኮ ባና ጋደ ቆፓይ።

<sup>13</sup> ሲቆ ገኔ፣ ጸሳይ ደራዳ ነ ምቻት ናናይ ኔና ሳር ሳር ያገኖ።

\* 1:1-2 ደረቲዳ ገንጫን እዝ ናናዉ- ኦን ኤር ሀዌ ጸፊቱዳዌ፣ ዋሳ ሳለዉን እዝን ደእያ ሳዳ ካልያ አማንያዋንቶ ግደናን አገና። 13 ጸልተ። 1:5 የሃ. 13:34፤ 15:12፣ 17 † 1:8 ኑን- እት እት ጌሻ ማጻፋ ብለላይ፣ “ሀንተንቱ” ያገ።

# ዮሃንሳ ጻፌዳ ሄዘንሎ ኪታ ገሎቀ

ዮሃንሳ ሄዘንሎ ኪታ፣ የሱስ ኪቲዳ አማንያ አሳ ካለልያ ጭማ ዮሃንሳ ጻፌዳ። እ ጻፌዳዌካ ጋዮሳ ግያ እት ዋሳ ጎልያ ካለልያዋሳ። ጻፌ፣ ጋዮስ ሀራ አማንያዋንታ ማዴዳ ድራዉ እ ጋላቲ፤ ሀራ ባጋና ቃይ ድዮትራፍሳ ጌተትያ መቱዋ መድድ ብታንያፕ ናገታና ማላ አኬክሴ።

**ሸምጋቱዋ ኡባቶ እመቴዳ ቃንሳ ቆፋቱዋ**  
ገሎቀ 1-4  
ጋዮስ ጋላተቶዋ 5-8  
ድዮትራፍሳ ናገታናዳን ኦደቶዋ 9-10  
ድመጽሮስ ጋላተቶዋ 11-12  
ዉርሰላ ቁትያ 13-15

1 ታን አማንያዋንታ ካለልያ ጭማይ፣ ቱሙ ሲቅያ ታ ሲቁዋ ጋዮሳዉ ሀ ዳብዳቢያ ጻፋይ።

2 ታ ሲቆ፣ ኔን ጸሳና ደእያ ደኤ ሎአ ግድያዋ ታን ኤርያዋዳን፣ ኔና እያይነ ዋይሰና ማላነ ቃይ ነ አሳተላይ ፓጸ ግዳና ማላ፣ ጸሳ ዋሳይ።

3 እያዉ ሳፕ፣ አማራዳ እሻቱ ዪደ፣ ኡባ ዋደ ኔን ቱማተላን ደእያዋነ ነ ቱማተላባ ማርካቲዳ ዋደ፣ ታን ዳር ናሽታድ።

4 ታ ናናይ \* ቱማተላን ደእያዋ ሰሰያዋፕ አዲደ፣ ታና ናሽቶያባይ ባዋ።

ጋዮሳባ አሳይ ማርካቲ

5 ታ ሲቆ፣ ኑ እሻቱ እማላ ግደፕካ፣ ኔን ኡንቲንቶ ኦልያ ኦሱዋ ኡባን አማነቲዳ ኦሱዋ ኦላዳ።

6 ቃይ ኡንቲንቲ ነ ሲቁዋባ አማንያ አሳቶ ማርካቲድኖ፤ ኡንቲንቲ ቃንጸናን ባረ ኦግያ ባና ማላ ጸሳይ ደሰያዋዳን፣ ኔን ሎኦባ ኦላደ ኡንቲንታ ማዳርኪ።

7 እያዉ ሳፕ፣ ጸሳ አማንናዉንቲፕ አይነ አከናን፣ ክርሰቶሳ ሱንላ ድራዉ ከሴድኖ።

8 ሄዋ ድራዉ፣ ኔን ቱማተላ ኡንቲንቲና እትፕ ኦላና ማላ፣ ሀዋንቲ ማላ አሳቱዋ ማዳናዉ ሰሴ።

ድዮትራፍሳ ሴረቲዳ፤ ድመጽሮስ ሳበቲዳ

9 ታን አማንያዋንቶ፣ ዳብዳቢያ ጻፋድ፤ ሸን ኡንቲንቲ ካፑዋ ግዳናዉ ኮይያ ድዮትራፍሳ ኔን ግያዋ አከና።

10 ሄዋ ድራዉ፣ ታን ያ ብያ ዋደ፣ እ ኑ ቦላን ሃሳይያ ኢታ ሃሳያን እ ኦሌዳ ኦሱዋ ሀንተንቶ ኦዳና፤ ቃይ እ ሄዌ ጉጾዳ ገደ፣ ኑ እሻቱ ይያ ዋደ ሞከና፤ ሀራይ አቶ ኡንቲንታ ሞካናዉ ኮይያዋንታካ ድገደ፣ አማንያዋንቲ ግደፕ ከሴ።

11 ታ ሲቆ፣ ሎኦባፕ አትን፣ ኢታባ ማላቶፓ። ሎኦባ ኦልያ ኦንነ ጸሳ አሳ፤ ሸን ኢታባ ኦልያ ኦንነ ጸሳ ኤረና።

12 ድመጽሮስ ሎአ ግድያዋ አሳይ ኡባይ ማርካቲ፤ ቱማተላይ ባረ ሀዲያንካ አባ ማርካቲ። ኩካ ቃይ አባ ማርካቲቶ፤ ኑ ማርካተላይ ቱማ ግድያዋ ሀንተካ ኤሪታ።

ዉርሰላ ሳርታ

13 ታን ነዉ ጻፋናዉ ኮዬዳ ዳርባይ ደኤ፤ ሸን ዋራቃታንነ ቃላሞያን ጻፋናዉ ኮይከ።

14 ሸን ታን ማታን ኔናና ጋከታናዉ ቆፓይ፤ ሄ ዋደ ኩን ጋከቲደ ሃሳያና።

15 ሳርተላይ ኔናና ግድ።  
ነ ዳባቲ ኔና ሳር ሳር ያገኛ። ኑ ዳባቲዋ ኡባ ኡንቲንቲ ሱንላ ሱንላ ጸሳደ፣ ታና ሳር ሳር ጌዳ ያፓ።

1:1 ኪታ 19:29፤ ሮሞ 16:23፤ 1 ቆር. 1:14 \* 1:4 ታ ናናይ፡- ጎዳ አማኒደ ካልያዋንታ ጉሳ።

# ይሁዳይ ጻፊዳ ከታ ገሉቀ

ይሁዳ ከታይ ጻፈቱዳዊ፡ አማነናን ደኢደ አማንያ አሳ ማላቲደ፡ ዋርዶ ትምርትያ ላልያ አሳቱዋፕ አማንያ አሳይ ናገታና ማላ፡ ኦዳናሳ። ሀ ቃንላ ከታይ ባረ ግዶን ኦይቄዳዋን ላኤንላ ጸጽሮሳ ማላቲ። ጻፊ ናባብያዋንቶ ኦዳደ፡ “ላኤ□ና ሀኖታን ጸሳይ ባረ ናናቶ እት ካላካ እሜዳ አማኖ ምኒደ ባጸታናዳን” ምንሲደ ቆፍሴ።

## ሸምፓቱዋ ኡባቶ እመቲዳ ቃንላ ቆፋቱዋ ገሉቀ 1-2

ዋርዶ አስታማራቱዋ ትምርትያ ኤሻነ ከንደሳ 3-16  
አማኑዋ ናገናዳን እመቲዳ ዘርያ 17-23  
ወርሰላ አንጃዋ 24-25

1 ታን የሱስ ክርስቶሳ ቆማይ ይሁዳይ፡ ያቆባ እሻይ፡ ጸሳይ ጸሴዳዋንቶ፡ ጸሳይ እዉ ሲቅያዋንቶ፡ ቃይ የሱስ ክርስቶሳ ናገያዋንቶ፡ ሀ ዳብዳቢያ ጸፋይ።

2 ማርተሳይ፡ ሳርተሳይነ ሲቆተሳይ ህንተናን ኩሞ።

### ዋርዶ አስታማራቱዋ

3 ታ ሲቃቶ፡ ኑን እትፕ ሻክ አካና አቶተላባ ህንንጉቶ ጸፋናዉ ታን ዳሮ ዳቡርያ ዋይ፡ ጸሳይ ባረ ናናቶ ላኤ□ናን እት ገደ እሜዳ አማኖ ህንተ ባጸታና ማላ፡ ህንተና ዘራደ ጸፋናዉ ኮሽያዋ አከካድ።

4 አያዉ ጎፕ፡ ጸሳ ኤሪና እት እት አሳቱ ኦነ በኤናን ህንተ ግደ ገሌድና። ሄዋንቱ ኑ ጸሳ አዶ ኬካተላባ ኦድያ ከታ ኢታ ቱናተላዉ ጌላይ ታማርሲና፤ ኢንቱንቱ ኑ እት ካትያ፡ ኑ ጎዳ የሱስ ክርስቶሳ ኤርኮ ያገኛ፤ ቃይ ኢንቱንቱ ፕርዳ እካናዋ ጸሳ ማጸፋቱ ዳሮ ዋድያፕ ካሰ ኦዳድና።

5 ሸን ህንተ ሀ ኡባባ ኤርያዋ ግደፕካ፡ ጎዳይ እስራኤልያ አሳ ግብጾ ጋድያፕ ዋት አሽደንቶን ቃይ አማንቤናዋንታ ጉየፕ ዋት ዳይሴደንቶ፡ ታን ህንተና ሀሳይሳናዉ ኮያይ።

6 ቃይ ባረንቱ ደኢያሳ አገደ፡ ባረንቶ እመቲዳ ካፖተላ ናግቤና ከታንቻቱ ፕርዳ አክያ ዋልቃማ ጋሳሳይ ጋካናዉ ጸሳይ ኢንቱንታ ናገያሳን፡ ቆማፕ ጋርሳን መድናዉ ቃቻ ዋሴ።

7 ሄዋዳን ሰደማነ ጋሞራ ግያ ካታማቱዋንን ኢንቱንቱ ሄራን ደኢያ ካታማቱዋን ደኢያ አሳይ ሄ ከታንቻቱዋዳን ዋሹሜድናን ዋሹማናዉ ሎይሳ ካጃሌድና፤ ሄዋንቱ መድና ታማን ኤጲደ፡ ሀራቶ ለምሱዋ ግዴድና።

8 ሄዋዳን ቃይ ሄ አኩመትያ አሳቱ ባረንቱ አሳተላ ቱንሲና፤ ጸሳ ጎዳተላ ካዲና፤ ቦንቾ መ□ታቱዋካ ቦሪና።

9 ሸን ከታንቻቱዋ ካፑ ምካኤል ሙሴ አሃባ \* ጸላህያና ፓሎመቲዳ ዋይ፡ “ጎዳይ ኔና ሴሮ” ጌዳዋፕ አትን፡ ቦርያ ቃላን አ ቦላ ፕርዳናዉ ከይቤና።

10 ሸን ሄ አሳቱ ባረዉ አከከናባ ኡባ ቦሪና፤ ቃይ ኢንቱንቱ የሽ ቆፕና ደአቱዋዳን፡ መ□ታ ኤራተላን ኤርያ የዋቱ ኢንቱንታ ዳይሰያዋንታ።

11 ኢንቱንቶ አይሮ! አያዉ ጎፕ፡ ኢንቱንቱ ቃይል ሀመቲዳ ኦግያ ተ ሀመቲድና። ሻሉዋ ድራዉ ገደ፡ ባለሞ ኦሴዳዋ፤ ማላ ባይዘዋ አሴድና። ቃይ ቆረ ስ ግያ ብታኒ ማካሊደ ዳይዳዋዳን፡ ኢንቱንቱካ ማካሊደ ዳይድና።

12 ሄዋንቱ ሲቁዋን ሾቢያ ህንተ ምያሳን ህንተናና ያሽ ባይናን ምያ ዋይ፡ ቆሰቲዳ ቆሱዋ ማላ። ኢንቱንቱ ባረንቱ ጸላላ ናገኛ። ኢንቱንቱ ጫርኩ አፍያ እራይ ባይና ሻርያ ማላ፤ ቃይ ኢንቱንቱ ቦንያን አይፍያ አይፈና፡ ጸጶዋና ሾደቲደ፡ ሙላካ መሌዳ ምላ ማላ።

13 ኢንቱንቱ ባረንቱ ፖኩዋ ገን□ና ሆሞትያ፡ ኢታ አባ ቤታ ማላ። ኢንቱንቱ፡ ጸሳይ፡ ሙድናዉ ሳካና ቆማን ሳኦ ጊባሰ ዋሴዳ ዩይያ ጸልንታቱዋ ማላ።

14-15 ሄኖክ አዳማፕ ደምና፡ ላፑንላ የለታ ግድያዋ፡ ዳሮ ዋድያፕ ካሰ ኢንቱንቱዋ ትምቢትያ ኦዳደ፡ ሀድያፕ ያጌዳ፤

“አኬክተ፤ ጸሳ ኤሪና ናጋራንቻ አሳቱ ኦሴዳ፡ ኢታ ኦሱዋ ኡባዉን፡

ቃይ ጸሳ ኤሪና ሄ ኢታ አሳቱ፡

ጸሳ ቦላ ሃሳይዳ ኢታ ሃሳያ ኡባዉ፡

ጎዳይ ኢንቱንቱ ኡባ ቦላ ፕርዳናዉ፡

ባረ ጮራ ሻኦ ጌሻቱዋና እትፕ ያና”

ያጌዳ።  
16 ሄ አሳቱ ኡባ ዋይ ዘዙሚኖን ሀራቱዋ አማሳሊና፤ ቃይ ባረንቱ ኢታ አሙዋ ካሊና፤ ባረንቱ ሁጸዉ ጎኦ ደማናዉ ሀራቱዋ ሳቢኖን ባረንቱ ኮሻ ዋጋፕ አሌደ፡ ጶቁ አላ ሃሳዪና።

### ምኖ አኬክሱዋን ዘርያ

17 ሸን ታ ሲቃቶ፡ ኑ ጎዳ የሱስ ክርስቶሳ ከቲዳዋንቱ ህንተንቶ በን ሃሳይዳ ቃላ አኬክተ።

1:5 ከሳ 12:51፤ ፓይ. 14:29-30 1:6 ደመላ 6:2 1:7 ደመላ 19:1 \* 1:9 ምካኤል ሙሴ አሃባ- ሀዋ በሰያዋ፡ በን ኮይቲደ አይሁዳቱዋ ማጸፋን ሙሴባዉ ጸፈቲዳዋ። 1:9 ዳኔላ 10:13፤ 21፤ 12:1፤ ሳፃ 12:7፤ ዛረ. 34:6፤ ዛካ. 3:2 † 1:11 ቃይል ሀመቲዳ ኦግያ- ቃይል ባረ እሻ አቤላ ዋዲዳ። ደመላ 4:3-8 ጸልተ። ‡ 1:11 ባለሞ ኦሴዳዋ- ጌሻ ቃላ ፓይዳዋ ማራዳን፡ ቦላ ጉጃ ደማና ገደ እስራኤልያ አሳ ሸቁከ ገደ እጼዳ ጋሱዋን ኢንቱንቱ ጸሳዉ አዘዘተናዳን ደኢና ኦግያ ታማርሲዳ። ፓይ። 22:18፤ 24:13፤ 25:1-3፤ 31:16 ጸልተ። § 1:11 ቆራ- ዳታና እትፕ ግዳደ ሙሴዉን እርግዉ ማካሊዳዋዳን፡ ማካላ አሳ ታማርሲድና። ፓይ. 16:1-35፤ 26:9-10 ጸልተ። 1:11 ደመላ 4:3-8፤ ፓይ. 22:1-35፤ 16:1-35 1:14-15 ደመላ 5:18፤ 21-24

18 ኡንቱንቱ ህንተንቶ፡ “ዉርሰላ ዎድያን፡ ባረንቶ ጸሳይ ባይናዎንቱ፡ ባረንቱ አሙዎ ካልያዎንቱ፡ ቃይ ህንተ ቦላ ቅሊጭያዎንቱ ያና” ያጌድና።

19 ሄዎንቱ አሳ ግደን ሻኮተላ መድያዎንታን፡ ባረንቱ ኢታ አዎ ዎድቱዳዎንታ፤ ቃይ ጌሻ አያናይ ባይናዎንታ።

20 ሸን ታ ሲቃቶ፡ ኡባፕ አድያ ጌሻ አማኑዎን ህንተ ሁጲያ ኬጽተ፤ ቃይ ጌሻ አያና ዎልቃን ጸሳ ዎሰተ።

21 ቃይ ኑ ጎዳይ የሱሰ ክርሰቶሰ ባረ ማሮተላን ህንተንቶ አማና መድና ደኡዎ ናጊይ፡ ህንተ ሁጲያ ጸሳ ሲቁዎን ዎሰተ።

22 አት አት ሰጂ ደአያ አሳቶ ቃረትተ።

23 አቱዎ አቱዎ ታማፕ ዳፍ ከሲደ አሸተ። ቃይ ሀራይ አቶ ኡንቱንቱ ኢታ አሙዎን ቱኔዳ ማዩዎ አጲደካ፡ አቶ አቶ ያሻተላን ቃረትተ።

ጋላታ ዎሳ

24-25 ህንተ ኩንደናዳን፡ ህንተና ናጋናዉነ ፖኩ ባይናዎንታ አሊይ፡ ባረ ቦንቹዎ ሰንላ ዎልቃማ ናሽቻን ሸሻናዉ ዳንዳይያ ኑና አሸያ አት ጸሳዉ፡ ኑ ጎዳ የሱሰ ክርሰቶሳ ባጋና ቦንቹ፡ ግታተላይ፡ ዎልቃይነ ማታይ፡ አጴዳ ዎደ ኡባፕነ ሀእነ መድና ጋካናዉ ግደ። አመንአ።

# ዮሃንሳው ዬዳ ሳፃ ገሉቀ

ዮሃንሳው ዬዳ ሳፃይ ጸፈቱዳዌ፡፡ እማንያ አሳቱ የሱስ ክርስቶስ ባረንቱ ጎዳ ኦሊደ፡፡ ጌሻተላን ደኤዳ ድራው፡፡ ኤንቱንታ መቱነ ዋዪ ጋኬዳ ዋድያና፡፡ ጸፍያ ሁጳ ቆፋይ፡፡ ናባብያዋንቱ ህይታይ ኩመንላ ግዳናዳን፡፡ ኤንቱንታ መገጠፋናሳን ባረንታ ጋኬዳ የደሳነ መቱዋ ግዳን ባረንቱ እማኑዋን ምናናዳን፡፡ ኤንቱንታ ምንሳናሳ፡፡

ማጻፋ ግደን ዳርያ ባጋይ ዳራነ ካል ካሊደ ቆንጨዳ ሳጻቱዋ ኦይቆዳዋ፡፡ ሳጻቱ ሄ ላይላን ደእያ እማንያ አሳው ገልያዋንታ፡፡ ሸን ሀራቶ ጸራ ግዲደ ቆንጨና ሃሳያን ሸቄድና፡፡ ማዘመርያ አዘማኙ ዛረጋትያዋደን፡፡ ሀ ማጻፋ ግደን ደእያ ሁጳ የዋቱዋ ዲማ ዲማ ሳጻቱ ባጋና ዲማ ዲማ ማላንነ ዲማ ዲማ ምስልያ ፓይዳቱዋን ዛር ዛሪደ ሸቄድና፡፡ ሀ ማጻፋ ጸልያዋን ዲማ ዲማ ቆፋይ ደኦገን አው ግዳ ቆፋይ ቆንጨ፡፡ ሄዌነ፡፡ “ጸሳይ ጎዳ ግዳዳ ክርስቶስ ባጋና ላኤጋ ሀኖታን፡፡ ባረ ምርክቱዋ፡ ሴጸናናካ እት፡ እት ገደ ወርሰላ ጸኑዋ ጸናና፡፡ ፖሌዳዋጥ ጉይያን ባረዉ እማንቲደ ደኤዳ፡፡ ባረ ባጋቱዋ ኦራላ ሳሉዋን ኦራላ ሳኦ እንጃዋ ላትሳና” ያግያዋ፡፡

## ሸምፓቱዋ ኡባቶ እመቴዳ ቃንላ ቆፋቱዋ

ገሉቀ 1:1-8  
ሳፃ ደያነ ላፑ ዋሳ ጎለቶ ኪተቴዳ ኪታ 1:9—3:22  
ማጻፋነ ላፑ ማታፋቱዋ 4:1—8:1  
ላፑ ማላካታቱዋ 8:2—11:19  
ዳዊያነ ላኡ መሄቱዋ 12:1—13:18  
ዲማ ዲማ ሳጻቱዋ 14:1—15:8  
ጸሳ ሀንቁዋ ላፑ ጸኡቱዋ 16:1-21  
ባብሎን ባሻ፡ ዲኦ፡ ዋርዶ ናብያነ ሴጸናይ ጸነትያዋ 17:1—20:10  
ወርሰላ ፕርዳ 20:11-15  
ኦራላ ሳሉዋ፡ ኦራላ ሳኦ ኦራላ የሩሳላዋ 21:1—22:5  
ወርሰላ ቁትያ 22:6-21

1 ኤሌል ሀናናዉ በሰያዋ ባረ ኦሳንቻቱዋ በሳና ማላ፡ ጸሳይ የሱስ ክርስቶስዉ እሜዳ ሳጻይ ሀዋ፤ የሱስ ባረ ኪታንቻ ኪቲደ፡ ሀ ሳፃ ባረ ኦሳንቻ ዮሃንሳ ኤርሴዳ፡፡  
2 ዮሃንስ በኢደ ቱምተላን ኦዴዳ ኡባባይ፡ ጸሳ ቃላነ የሱስ ክርስቶስ ማርካተላ፡፡

3 ሀ ማጻፋ ናባብያ ኡራይ \*  
እንጃቱዳዋ፤ ቃይ ሀ ትምቢትያ ማጻፋ ሰሰያዋንቱን ሀ ማጻፋን ጸፈቱዳዋ ናግያዋንቱ እንጃቱዳዋንታ፤ እያው ጎፕ፡ ሀ የዉ ፖለታናዉ ዋዲ ማታቱዳ፡፡

እሴያን ደእያ ላፑ ዋሳ ጎለቶ ኪተቴዳ ሳርታ  
4 ታን ዮሃንስ፡ እሴያ ጋድያን ተ ደእያ ላፑ ዋሳ ጎለቶ ያጋይ፤  
ካሰ ደእያ ጸሳ፡፡  
ሀእካ ደእያ ጸሳ፡፡  
ሰንላፕካ ያና ጸሳ፡፡  
ቃይ አ ካዉተላ ኦይድያ ሰንላን ደእያ ላፑ እያናቱዋ፡፡  
አጼ ኪካተላይነ ሳርተላይ፡፡  
ህንተንቶ ግደ፡፡

5 ቃይ እማንቲዳ ማርካ፡፡  
ሀይቁዋፕ ኮይር ደንዴዳ ናአፕ፡፡  
ሳኦ ካታቱዋ ሞድያ የሱስ ክርስቶስ፡፡  
አጼ ኪካተላይነ ሳርተላይ፡፡  
ህንተንቶ ግደ፡፡

እ ኦና ሰቄነ፡፡  
ቃይ ኦ ናጋሪ አይለተላፕካ፡፡  
ባረ ሱላን ኦና ከሴዳ፡፡

6 ኦና ባረ ጸሳዉን አዋ ኦላና ማላ፡፡  
እ ኦና ካታቱዋ፡፡  
ቄሳቱዋ እሌዳ፤  
አው መድናፕ መድና ጋካናዉ፡ ቦንቹነ ሞድያ ዋልቃይ ግደ፡፡ እመንእ፡፡

7 በእተ፡፡  
የሱስ ሻርያን ዬ፡፡  
አሳይ ኡባይ፡ ሀራይ እቶ፡፡  
አ ጫዴዳዋንቱካ፡ አ በእና፤  
ሳኦን ደእያ አሳይ ኡባይ፡፡  
አ ጋሱዋን ዬካናዋንታ፡፡  
ሀዌ ቱመፕ ሀናናዋ፡፡ እመንእ፡፡  
8 ካሰ ደእያዌ፡ ሀእካ ደእያዌ፡ ሰንላፕካ ያና ጎዳይ፡ ኡባፕ ዋልቃዎን ጸሳይ፡ “ኡባባዉ አልፋይነ ኦሜጋይ፡ ኮይሩነ ወርሰላይ ታና”፥ ያፍ፡፡

ክርስቶስ ሳጻን ቆንጨዳዋ  
9 ታን ዮሃንስ፡ ህንተንቱ እሻይ፡ ህንተናና የሱስ ክርስቶስ ዋይያን አ ካዉተላ ቃይ አ ዳንዳያ እትፕ ሻከትያዌ፡ ጸሳ ቃላ ኦዴዳ ድራዉን የሱሳዋ ማርካቲዳ ድራዉ፡ ፒጽዋ ግያ ሃሳይ ደዳ ቢታን ደኦድ፡፡

10 ጎዳ ጋላሳን ታን እያናን ደእይ፤ ታን ታፕ ጉየና ማላካታ ዋሱዋ ማላ ዋልቃዎ ኮሻ ሰሳድ፡፡

11 ሄ ኮሻይ ታና፡ “ኤን በእያዋ ማጻፋን ጸፋ፤ እሴያን ደእያ ላፑ ዋሳ ጎለቶ፡ ኤፈሶና፡ ሳምርኔሳ፡ ጸርጋሞና፡ ትያጽርና፡ ሳርዴሳ፡፡

\* 1:3 ናባብያ ኡራይ- ሀዋ ጉሳይ ኡባ አሳይ እትፕ ጸሳ ጎሸትያ ዋደን ሄዋንቶ ቃላ ናባብያ ኡራይ እንጃቱዋ ጉሳ፡፡  
† 1:4 እሴያ ጋድያ- 1:4—3:22 ደእያዌ ዳብዳቤያ ግዲደ ጸፈቱዳ፡፡ እሴያ ጋዲ አዋይል ደልያ ባጋና ደእያ ርመ ካዉተላ ግዲደ ሀሀ ሀ ዋድያን ቱርከ ጋድያ ጊደ ጸሰትያዋ፡፡ 1:4 ከሳ 3:14፤ ሳፃ 4:5 1:5 አሳ. 55:4፤ ማዘ. 89:27 1:6 ከሳ 19:6፤ ሳፃ 5:10 1:7 ዳኤላ 7:13፤ ማቶሳ 24:30፤ ማር. 13:26፤ ሉቃሳ 24:27፤ 1 ተሰ. 4:17፤ ዛካ. 12:10፤ ዮሃ. 19:34፤ 37 ‡ 1:8 አልፋይነ ኦሜጋይ- ሀዋ ጉሳይ ኡራላ ጫቄ ኮይር ግሪክ ቃላን ጸፈቱዳ ድራዉ፡ ኮይሩነ ወርሰላይ ጋናዉ ኮዪደ፡ አልፋ ግያ ግሪክ ኮይር ፕዶልያ አኪደ ወርሰላዉ ቃይ ኦሜጋ ግያ ወርሰላን ደእያ ፕዶልያ አኪድና፡፡ ሀዋንታ ጉሳይ ለምሱዋን ዳወርሱዋ ፕዶላቱዋ አክንቶ [አ - ዘ] ያግያዋ ማላ ጉሳ፡፡ 1:8 ሳፃ 22:13፤ ከሳ 3:14

ጥላይልፍያ፣ ሎዶቅያ ዋሳ ጎለቶ ዬዳ” ያጌዳ።

12 ታን ታዉ ኦድያ ኮሻ በእናዉ ጉየ ሰማድ፤ ጸምጥያ ዋልያ ላፑ ዋርቃ ባላቱዋ በኣድ።

13 ሄ ባላቱዋ ግደን አሳ ሩአ ማላትያዋ በኣድ፤ አዲሳ አፍላ ባረ ገድያ ጋል ማዪድ፤ ዋርቃ ዳንጨዋ ባረ ትራን የሽ እሌዳ።

14 አ ሁጸን አ ሁጸያ ብናናይ ቦላ ደርሳ አሰክያን ሄዋጥካ እጂደ ሻቻ ማላቲ፤ አ እይካ ታማ ላጩዋ ማላቲ።

15 አ ገዳካ ጮጭያ ታማን ቴሪደ ጳልያ ሩሃሰያ ግያ ብራታ ማላቲ፤ አ ኮሻይካ ዋልቃማ ሻፋ ጉንላ ማላ።

16 አ ባረ ኡሸቻ ኩሸያን ላፑ ጸልንታቱዋ ኦይቄዳ። አ ድናጥ ላኡ ባጋና ቃረቲዳ ማሻይ ከሴዳ። አ ዴመካ ሎይላ ፖእያ አዋይፍያ ማላቲ።

17 ታን አ በኤዳ ዋይ ሀይቄዳዋን ሀናድ፤ አ ገድያ ማታን ኩንዳድ። ባረ ኡሸቻ ኩሸያ ታ ቦላ ዋልድ፤ ታና ሀዋዳን ያጌዳ፤ “ያየፓ፤ ኮይሩካ ዉርሰላይካ ታና።

18 ታን ደኡዋን ደእያዋ። ታን ሀይቃድ፤ ሸን በአ፣ መድ መድናዉካ ደኡዋን ደእይ። ሀይቄዋ ቁልፒን ሰኦልያ ቁልፒ ታ ኩሸያን ደኤ።

19 ሰም ኔን በኤዳባነ ሀእ ደእያዋ፣ ቃይ ሰንሳጥ ሀናናባ ጸፋ።

20 ኔን ታ ኡሸቻ ኩሸያን በኤዳ ላፑ ጸልንታቱዋ ብለላይነ ቃይ ጸምጋቱዋ ዋልያ ላፑ ዋርቃ ባላቱዋ ብለላይ ሀዋ፤ ላፑ ጸልንታቱ ላፑ ዋሳ ጎለቱዋ ኪታንቻቱዋ፤ ስ ዋሳ ጎልያ ላፑ ዋርቃ ባላቱ ላፑ ዋሳ ጎልያ።”

### 2

(1) የሱሰ ኤፈሶንን ደእያ ዋሳ ጎለዉ ጎዋ

1 ኤፈሶንን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ባረ ኡሸቻ ኩሸያን ላፑ ጸልንታያ ኦይቄዳዋ፣ ጸምጋቱዋ ዋልያ ላፑ ዋርቃ ባላቱዋ ግድዋና ሀመትያዉ ሀዋዳን ያጌ።

2 ታን ነ ኪታ፣ ነ ዳቡራን ነ ገንጨዋ ኤራይ። ቃይ ኔን ኢታ አሳቱዋ ገንጫናዉ ዳንዲያቡናዋካ ታን ኤራይ፤ የሱሰ ኪቲዳዋንታ ግድን ደእይ ባረንታ፣ ናን የሱሰ ኪቲዳዋንታ ግያዋንታ ኔን ጸምሳይ፤ ኤንቲንቲ ዋርዶ ግድያዋ ደሜዳዋካ ኤራይ።

3 ኔን ገንጫዳ፤ ቃይ ታ ሰንሳ ድራዉካ መቱዋ ዳንዲያዳ፤ ዳቡራብይካ።

4 ሸን ታን ኔና ካድያባይ ደኤ፤ እያዉ ጎፐ፣ ኔን ካሰ ነ ሰቁዋ አጋዳ።

5 ሰም ኔን ሀቃፕ ኩንዳድንቶ አከካ። ነ ናጋራፕ ሰማ፤ ኔን ካሰ አልያ ኦሱዋ አላ። ሄዋ ቆየፐ፣ ታን ኔኮ ያና፤ ያደ ኔን ነ ናጋራፕ ሰማና ቆየፐ፣ ኔን ጸምጥያ ዋልያ ነ ባላ አ ሳአፕ አካ ድጋና።

6 ሸን አትባ ሎይላዳ፤ ኒቆላዋቱዋ ኦሱዋ፣ ታን አጽያዋ ኔንካ አጸዳ።

7 “ሰሳናዉ ሀይላይ ደእያ ኡራይ ጌሻ እያናይ ዋሳ ጎለቶ ግያዋ ሰሰ፤ ታን ጸንያ ኡራዉ ጸሳ ገነትያን ሞክያ ደኡዋ ሞላ አይፍያ ማናዉ እማና ያጌ” ያጋደ ጸፋ።

(2) የሱሰ ሳምርኔሳን ደእያ ዋሳ ጎለዉ ጎዋ

8 ሳምርኔሳን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ሀይቄዳዋ፣ ሀይቄዋጥካ ደንዴዳዋ፣ ኮይሩን ዉርሰላይ ሀዋዳን ያጌ።

9 ታን ነ ዋይያን ነ ሀይሳተላ ኤራይ፤ ሸን ኔን ዲራ። አይሁዳ ግድናን ደእይ ባረንታ፣ ኔን አይሁዳ ግያዋንቲ ቦርያዋ ታን ኤራይ፤ ሸን ኤንቲንቲ ሴጸና ማባራን ደእድ።

10 ኔን ዋየታና ዋየዉ ያየፓ። በአ፣ ጸላህያ ካፑ ህንተፕ አማራዳዋንታ ጸምሳናዉ ቃሾ ጎለን የጋ፤ ታሙ ጋላሳ ጋካናዉ ህንተንቲ ዋየታና። ሀይቃና ጋካናሰካ አማነቲዳዋ ግዳ፤ ታን ነዉ ደኡዋ ካላቻ \* አማና።

11 “ሀይላይ ደእያ ኡራይ ጌሻ እያናይ ዋሳ ጎለቶ ግያዋ ሰሰ።

“ጸንያ ኡራይ ላኤንሎዋ ሀይቄዋን ተ ቆሄተና ያጌ” ያጋደ ጸፋ።

(3) የሱሰ ጸርጋሞናን ደእያ ዋሳ ጎለዉ ጎዋ

12 ጸርጋሞናን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ላኡ ባጋና ሌፈቲዳ ማሻይ ደእያዋ ሀዋዳን ያጌ።

13 ታን ኔን ደእያ ሳኣ ኤራይ። ኔን ሴጸና ካዉተላ ኦይዳ ደእያ ሳኣን ፣ ደእሳ፤ ታ ሰንሳ ሞንሳ ናጋሳ። ሀራይ አቶ፣ ሴጸናይ ደእያ ሳኣን ህንተንቲ ማታን አሳይ ዋዴዳ ታን አማንያ ማርካይ አንትጸሰ ደእያ ዋደካ ታና አማንያዋ አጋ በይካ።

14 ሸን ታን ኔና ቦርያ ጉላባይ ደኤ፤ አሰራኤልያ አሳይ ኤቃዉ ያርሼዳ ቁማ ማናዳንካ ዋሹማናዳን ኤንቲንታ ናጋራ ኦሰሴዳ

1:13 ዳኤላ 7:13፤ 10:5 1:14 ዳኤላ 7:9፤ 10:6 1:15 ህዘ. 1:24፤ 43:2 1:17 አሊ. 44:6፤ 48:12፤ ሳፍ 2:8፤ 22:13

§ 1:20 ኪታንቻቱዋ- ሀዋግታ ጉሳይ አማንያዋንታ ካለልያ ጭማቱዋ ዋይ አማንያዋንቶ ኪተቲዳዋንታ።

2:7 ደመላ 2:9፤ ሳፍ 22:2፤ ህዘ. 28:13፤ 31:8 2:8 አሊ. 44:6፤ 48:12፤ ሳፍ 1:17፤ 22:13 \* 2:10 ደኡዋ ካላቻ- ቦንቲቲዳ ደኡዋ። † 2:11 ላኤንሎዋ ሀይቄዋ- ኮይር ሀይቄ አሹ ሸምዋጥ ሻክትያዋ ግድድ፣ ላኤንሎ ሀይቄ ሸምፕ መድናዉ መቶተደ ደእያ ሀይቄዋ። ‡ 2:13 ሴጸና ካዉተላ ኦይዳ- ሀዋ ብለላይ ሎይላደ ቆንጨ ግድና፣ ሸን ሀዋ በሰያዋ ጸሳ ኤራናን አጼዳዋንቲ ጎይንያ ጎይና ሳኣ ጋና ዳንዳየቲ።

2:14 ፓይ. 25:5፤ ሸን 31:16፤ ዛፍ. 23:4፤ ፓይ. 25:1-3

ባለቃ ታማርሴዳ ባለማ ትምርትያ ታማርያ አማራጭ አሳቱ ኔናና ደሊኖ።

15 ሃዋዳንካ፣ ቃይ ኒቆላዋቱዋ ትምርትያ ታማርያ አሳቱ ኔናና ደሊኖ።

16 ሃዋ ድራው፣ ኔን ነ ናጋራጥ ሰማ፤ ሃዋ ቆጥ፣ ታን ኔኮ ኤለካ ያና፤ ሄ አሳቱዋና ታ ደናጥ ከሰያ ማሻን ኦለታና።

17 “ ሳይላይ ደሊያ ኡራይ ጌሻ አያናይ ዋሳ ጎለቶ ግያዋ ሰሶ። ጸንያ ኡራው ታን ጌማን ደሊያ ማናጥ አማራዳዋ እማና። ቃይ ታን ቦላ ሹቻካ አው እማና፤ እክያ ኡራጥ አትን፣ ኦን ኤረና ኡራላ ሱንላይ ሄ ሹቻ ቦላ ጸፈት ኡቴዳ፣ ያጋይ ያጋይ።

(4) የሱሰ ትያጽርነን ደሊያ ዋሳ ጎለው ጎዋ

18 ትያጽርነን ደሊያ ዋሳ ጎለያ ኪታንቻው ሆዋዳን ያጋይ ያጋይ።

“ጸሳ ናኤይ፣ ታማ ላጩዋ ማላትያ እይፊ ደሊያዋ፣ ቃይ ጮጭያ ታማን ቴሪደ ጸልያ ናሃሰያ ጌተትያ ብራታ ማላትያ ገዲ ደሊያዋ፣ ሆዋዳን ያጋይ።

19 ታን ነ ኡሱዋ፣ ነ ሲቁዋ፣ ነ አማኑዋ፣ ነ ማዲዋን ነ ገንጨዋ ኡራይ፤ ኔን ኮይር ኦልያዋጥ ሀእ ዳርሳደ ኦልያዋ ታን ኡራይ።

20 ሽን ታን ኔና ካጅያባይ ደኤ፤ ባረና፣ ታን ናባቶ ያግያ ምሽራቶ ኤልዛቤሎ ሽንኮ ጋዳ፤ ሄ ምሽራታ ታ ኦሳንቻቱ ዋሹማናዳን ኤቃው ያርሼዳ ቁማ ማናዳን፣ ታማርሳውን ባለላው።

21 እዛ ባረ ናጋራጥ ሰማና ማላ፣ ታን እዘው ዋድያ እማድ፤ ሽን ዋሹማናው ካጃልያዋጥ እዛ ሰማናው ኮያባይኩ።

22 በእተ፣ ታን እዞ ግሱዋን ኩንድሰና፤ ሳኩዋን እዛ ዋየታና። እዝና ዋሹምያዋንቱ ሄ እዝና ኦልያ ናጋራጥ ሰማና ቆጥ፣ ኡንቱንታካ ዋልቃማ ዋይያን ይጋና።

23 ታን እዝ ናናካ ዋፋና፤ ቃይ ዋሳ ጎለያ ኡባይካ ታን አሳ ቆፋን አሙዋ ኡርያዋ ግድያዋ ኡራና፤ ታን ህንተንቶ ህንተንቱ ኪታ ማላ እማና።

24 “ትያጽርነን ደሊያ ሀራቶ፣ ሀ ኢታ ትምርትያ ታማርቤናዋንቶ፣ ሀራቱ፣ ሴዳና ጨዋ የወዋ ግያዋ ህንተንቱ ታማርቤይክታ፤ ታን ህንተንታ ሀራ ዴዱዋ ቶስከ ጋይ።

25 ሽን ታን ያና ጋካናው ህንተንቶ ደሊያዋ ሎይል ናግተ።

26 “ጸኔዳዋን ወርሰላይ ጋካናው፣ ታ ኪታ ናጌዳዋ፣ አሳ ዛርያ ኡባ ሞዳና ማላ፣ ታን ታ አውዋጥ እኩዳ ማታ ማላ አው እማና፤

27 “እ አሳ ዛርያ ኡባ ብራታ ጸምእን ሞዳና፣ ኡርቃጥ ሙታ ሚሻ ሙንልያዋዳን ሙንላና።

28 ቃይ ታን አው ባካልያ ጸልንትያ እማና።

29 ሰሳናው ሀይላይ ደሊያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋይ ያጋይ።

3

(5) የሱሰ ሳርዳሳን ደሊያ ዋሳ ጎለው ጎዋ

1 ሳርዳሳን ደሊያ ዋሳ ጎለያ ኪታንቻው ሆዋዳን ያጋይ ያጋይ።

“ጸሳ አያና ላጥናቱን ላጥ ጸልንታቱ ደሊያዋ ሆዋዳን ያጌ። ታን ነ ኪታ ኡራይ፤ አሳይ ኔና ሸምጥዋና ደሊሳ ግንቶካ፣ ኔን ሀይቃዳ።

2 ቤንታ! አቴዳዋን ሀይቃናው ማቴዳዋ ሙንባ። አያው ጎጥ፣ ነ ኪታይ ታ ጸሳ ሰንላን ፖሎ ግድያዋ ታን ደማድ።

3 ሰም ኔን እኩዳዋን ሰሴዳዋ እኩካ፤ ናጋ፤ ነ ናጋራጥካ ሰማ። ኔን ቤንተናዋ ግድገ፣ ታን ኔኮ ካይሱዋዳን ያና፤ ታን ዋይሳደ ያንንቶ ኔን ኡራካ።

4 ሽን ባረንቱ ማደዋ ቅትሰቤና አማራዳ አሳቱ ሳርዳሳን ኔናና ደሊኖ። ኡንቱንቱ ቦላ ማደዋ ማደደ ታናና ሆሙታና፤ አያው ጎጥ፣ ኡንቱንቱ ቦላ ማደዋ ማያናው በሰያዋንታ።

5 ጸንያዋ ሃዋዳንካ ቦላ ማደዋ ማያና፣ ታን አ ሱንላ ደኡዋ ማጸፋጥ \* ቁጭከ፤ ታን ታ አቡ ሰንላንን አ ኪታንቻቱዋ ሰንላን አ ታዋ ግድያዋ ማርካታና።

6 “ሰሳናው ሀይላይ ደሊያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋይ ያጋይ።

(6) የሱሰ ጥላደልፍያን ደሊያ ዋሳ ጎለው ጎዋ

7 ጥላደልፍያን ደሊያ ዋሳ ጎለያ ኪታንቻው ሆዋዳን ያጋይ ያጋይ።

“ዳዊተ ቁልጥያ ተ ኦይቁዳዋ፣ ኦንን ጎርዳናው ዳንዳየናዳን ዳይያዋ፣ ቃይ ኦንን ደያናው ዳንዳየናዳን ጎርድያዋ ጌሻይነ፣ ቱማንቻይ ሆዋዳን ያጌ።

8 ታን ነ ኪታ ኡራይ። በእ፣ ታን ነ ሰንላን ኦንን ጎርዳናው ዳንዳየና ጥንግያ ዋላድ፤ አያው ጎጥ፣ ነ ዋልቃይ ጉላ ግድገ፣ ታ ቃላ ናጋዳን ታ ሱንላካ ኤርከ ጋባይካ።

9 በእ፣ አይሁዳ ግድክኖ ሽን ባረና፣ ፉን አይሁዳ፣ ገደ ዋርዶትያ ሴዳና አይሁዳ ዋሳ ጎለያ ታን አሃይ፣ ነ ሰንላን ጎይንሳናን ኔና ሲቁያዋካ ኡንቱንታ ኡርሳና።

10 ኔን ገንጨዋን ታ አዛዙዋ ናጌዳ ድራው፣ ሳኦን ደሊያ አሳ ፓጫናው ኩሙንላ ሳኦ ቦላ ይያ ዋይያ ዋድያጥ ታንካ ኔና ናጋና።

11 ታን ኤለካ ያና፤ ኦንን ነ ካላቻ እከና ማላ፣ ነው ደሊያዋ ሞንሳ ኦይቃ።

2:17 ከሳ 16:14-15፤ 16:33-34፤ የሃ. 6:48-50፤ ኢሳ. 62:2፤ 65:15 2:20 1 ካታ. 16:31፤ 2 ካታ. 9:22፤ 30 2:23 ማዝ. 7:9፤ ኤር. 17:10፤ ማዝ. 62:12 2:27 ማዝ. 2:8-9 \* 3:5 ደኡዋ ማጸፋጥ፡- ጸሳ አሳቱዋ ሱንላይ ጸፈትያ ማጸፋጥ። 3:5 ከሳ 32:32-33፤ ማዝ. 69:28፤ ሳዖ 20:12፤ ማጥሳ 10:32፤ ሉቃሳ 12:8 † 3:7 ዳዊተ ቁልጥያ- ሆዋ ጉሳይ ዳዊተ ካወተላ እይሱዋ ማታ ኦድያዋ። 3:7 ኢሳ. 22:22፤ እርባ 12:14 3:9 ኢሳ. 49:23፤ 60:14፤ 43:4

12 ታን ጸንያ ኡራ ታ አወዋ ጌሻ ጎልያን ቱሳ ኦሳና፤ እ ሄዋፕ ኡባካ ከሰና። ታን ታ ጸሳ ሰንሳ። ታ ጸሳ ካታማ ሰንሳን ታ ጸሳ ማታፕ ዋቆና ኦራሳ የሩሳላመ ሰንሳ አ ቦላ ጸፋና። ቃይ ታን ታ ኦራሳ ሰንሳካ አ ቦላ ጸፋና።

13 ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያኔ” ያጋደ ጸፋ።

(7) የሱሰ ሎዶቅያን ደእያ ዋሳ ጎለዉ ጎዋ

14 ሎዶቅያን ደእያ ዋሳ ጎልያ ኪታንቻዉ ሀዋዳን ያጋደ ጸፋ።

“አማነቲዳ ቱማንቻ ማርካይ፤ ጸሳይ መዲዳዋ ኮይሩ፤ አመንእ ግያዌ ሀዋዳን ያኔ።

15 ታን ነ ኪታ ኡራይ። ኔን እርጸ ግዳካ፤ ዋይ ሴልያዋ ግዳካ፤ እርጸ ዋይ ሴልያዋ ግዳርኪ።

16 ኔን እርጸ ዋይ ሴልያዋ ግዳና፤ ደምቦሎላ ግድያ ድራዉ፤ ታን ኔና ታ ደናፕ ጩቻና ሀናይ።

17 አያዉ ጎፕ ኔን፤ ‘ታን ዱረ፤ ሚሻና ደእይ፤ ታና አይነ ኮሽና’ ያጋሳ። ሽን ኔን መቶትያ አሳ፤ ቃረለያ አሳ፤ ሀዬሳ፤ ቆቃነ ካሎቲዳ አሳ ግድያዋ ኡራካ።

18 ሄዋ ድራዉ፤ ኔን ዱረታና ማላ፤ ታማን ጌዬዳ ዋርቃ፤ ኔና ዬላይያ ነ ካሉዋ ካማናዉ ቦላ ማዩዋን ቃይ ሎይሳ ጸላናዉ ነ አይፍያ ኦክያ ቆልያ ታፕ ሻማናዳን፤ ታን ኔና ዞራይ።

19 ታን ሲቅያ ኡባ ሴራይነ ሙራይ፤ ሰዎ ሎይሳ ሴለታ፤ ነ ናጋራፕካ ሰማ።

20 በእ። ታን ካረን ኤቃደ ጸሳይ። እንነ ታን ጸሰዋ ሰሰደ፤ ካርያ ደዮፕ፤ ታን አኮ ገላደ አናና እትፕ ካወዋ ማና፤ እካ ታናና እትፕ ማና።

21 ቃይ ታን ጸናደ ታ አወዋና አ ካወተላ ኦይድያን ኡቲዳዋዩን፤ ጸንያ ኡራዉ ታናና ታ ካወተላ ኦይድያን ኡትያ ማታ እማና።

22 “ሰሰያ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያኔ ያጋደ ጸፋ” ያኔዳ።

### 4

ጸሳይ የሃንሳ ባረ ካወተላ ኦይድያ ሰንሳ አሄዳ

1 ሄዋፕ ጉይያን፤ ታን ሳሉዋን ደያ ፕንግያ በእድ፤ ቃይ ታዉ ማላካታዳን ኦድሽን፤ ታን ሰሴዳ ኮይሮ ኮሻይ ታና፤ “ሀዋፕ ጉይያን፤ ሀናናዉ በሰያዋ ታን ኔና በሳና፤ ሃ ከሳ” ያኔዳ።

2 ኤለካ ታን ጌሻ አያና ሞዴዋ ግደ ገላ አጋድ። በእት፤ ሳሉዋን ካወተላ ኦይዲ ደኤ፤ ሄ ኦይድያን እቱ ኡቲዳ።

3:19 ለዎ. 3:12፤ አብራ. 12:6 4:2 ሀዘ. 1:26-28፤ 10:1 4:5 ከሳ 19:16፤ ሳፕ 8:5፤ 11:19፤ 16:18፤ ሀዘ. 1:13፤ ሳፕ 1:4፤ ላካ. 4:2 4:6 ሀዘ. 1:5-10፤ 10:14 4:8 ሀዘ. 1:18፤ 10:12፤ አሳ. 6:2-3 \* 5:1 ጸጸቶ ማጸፋ፤ ሀዋ ጉሳይ ዋራቃን ዋይ ጋልባን ጸፈቲዳ ጸጸትያ ማጸፋ ግዲዳ፤ ዳር ካረ ባጋና እት ዋይ ላኡ ቦላ ባጋ ጋልባን ማታፋይ አታመቱ። 5:1 ሀዘ. 2:9-10፤ አሳ. 29:11

3 ሄ ኡቲዳዋ ማላይ አልእ እያሰጸድያ ሹቻዳንነ አልእ ሰርድና፤ ሹቻዳን ጸሌ። ካወታ ኦይዲ ዙሉዋን ዩይ አጂደ ኡባ ባጋና አልእ ማርግድያ ሹቻዳን ጸሌ።

4 ሄ ካወተላ ኦይድያ ዩይ አጂደ፤ ሀራ ላታማን ኦይዲ ካወተላ ኦይደቱ ደእና፤ ኡንቱንቱን ቦላ ማዩዋ ማዩደ፤ ሁጲያን ዋርቃ ካላቻ ዋሌዳ ላታማን ኦይዲ ጭማቱ ኡቲድና።

5 ካወተላ ኦይድያፕ ዋልቃንሳይ፤ ኮሽንቻይነ ጉጉንሳ ጉንሳይ ከሴዳ፤ ቃይ ካወተላ ኦይድያ ሰንሳን ላቸ ጸምፓቱ ፖኢና። ሄዋንቱ ጸሳ ላቸ አያናቱዋ።

6 ካወተላ ኦይድያ ሰንሳን ብርልያ ማላትያ ቡርጩኩዋ አሳይ ደኤ።

7 ካወተላ ኦይድያፕ ሰንሳናን ጉየና አ ማታን ዩይ አጂደ፤ አይሪ ኩሜዳ ኦይዲ ደኡዋን ደእያ መ□ታቱ ደእና።

8 ኮይሮ ደኡዋን ደእያ መ□ታይ ጋሙዋ ማላቲ፤ ላኡንሉ ሚዛ ማራ ማላቲ፤ ሄዘንሉዋ ሰምእ አሳ ዳሙዋ ማላቲ፤ ቃይ ኦይደንሉ ፓልያ አርጋንሳ ማላቲ።

9 ኦይዲ ደኡዋን ደእያ መ□ታቶ ሁጲያን ሁጲያን ኡሱቸን ቀሬ ደኤ፤ ኡንቱንቶ ቦላን ጋርሳንካ ኡባ ሳን አይሪ ኩሜዳ። ኡንቱንቱ ቃማን ጋላሰ።

“ጌሻዉ፤ ጌሻዉ፤ ጌሻዉ፤ ካሰ ደእያዎ፤ ሀእካ ደእያዎ፤ ቃይ ሰንሳፕ ያናዎ፤ ጎዳዉ፤ ኡባፕ ዋልቃማ ጸሳዉ” ግያዋ አግክና።

9 ሄ መ□ታቱ ካወተላ ኦይድያን ኡቲዳ መድ መድናዉ ደኡዋን ደእያዋ ማዘሙርያን ሳቤዳ ዋደ፤ ቦንቹዳ ዋደነ ጋላቲዳ ዋደ፤

10 ላታማን ኦይዲ ጭማቱ ካወተላ ኦይድያን ኡቲዳ መድ መድናዉ ደእያዋ ሰንሳን ጉፋኒደ፤ አዉ ጎይኒና፤ ባረንቱ ካላቻ ካወተላ ኦይድያ ሰንሳን ዋሊደ ሀዋዳን ያኒና።

11 “ኑ ጎዳዉ ጸሳዉ፤ ኔን ቦንቹዋ፤ ሳባን ዋልቃ አካናዉ በሳሳ። አያዉ ጎፕ፤ ኡባባ ኔን መፋዳ፤ ቃይ ኡባባይካ፤ ኔን ኮዬዳዋዳን ሀኔዳነ ደኤዳ” ያኒና።

### 5

ማጸፋን ደርሳ

1 እት ጸጸቶ ማጸፋይ \* ካወተላ ኦይድያን ኡቲዳዋ ኡሽቻ ኩሽያን ደእያዋ በእድ፤ ሄ ጸጸቶ ማጸፋይ ላኡ ባጋናካ ጸፈት ኡቲዳ፤ ቃይ ላቸ ማታፋይ አ ቦላ አታመቲዳ።



2 ታን እት ዋልቃማ ኪታንቻይ ባረ ቃላ ቶቁ ኦሊድ፡ “ማታፋ ደዪድ፡ ጸጸቶ ማጸፋ ብላናው በሰያ ኡራይ ኦኔ።” ያጊድ፡ አዋይያዎ በእድ።

3 ሳሉዋን ግድና ዋይ ሳኣን ግድና፡ ዋይ ሳኣጥ ጋርሳን ተ ግድና፡ ሄ ጸጸቶ ማጸፋ ብላናው ዋይ አ ግዲዋ ጸላናው ኦን በሰያዌ ባዋ።

4 ጸላ ማጸፋ ብላናው ዋይ አ ግዲዋ ጸላናው በሰያ ኡራይ ባይና ድራው፡ ታን ዳር ዬካድ።

5 ጭማቱዋጥ እቱ ታና፡ “ዬኮፓ፤ በእ፡ ይሁዳ ዛርያ ግዴዳ ጋሙ፡ ዳዋተ ዛሪ ጸኔዳ። እ ማታፋ ደያናውን ጸጸቶ ማጸፋ ብላናው በሴ” ያጊድ።

6 ታን ካወተላ ኦይድያ፡ ደኡዋን ደእያ ኦይዲ መጋታቱዋጥን ቃይ ጭማቱዋጥ ግዲዋን፡ ሹከቲዳ ደርሳ ማላቲደ ኤቄዳዎ በእድ፤ አዉ ላፑ ካጨቱነ ላፑ አይፈቱ ደእኖ። ሄዋንቱ አላዎያ ኡባ ኪተቲዳ ጸሳ ላፑ አያናቱዋ።

7 ሄ ደርሳይ ቢድ፡ ካወተላ ኦይድያ ቦላ ኡቲዳዎ ኡሸቻ ኩሸያጥ ጸጸቶ ማጸፋ አኬዳ።

8 እ ሄ ጸጸቶ ማጸፋ አኬዳ ዋድ፡ ደኡዋን ደእያ ኦይዲ መጋታቱን ላታማነ ኦይዲ ጭማቱ አ ሰንሳን ኩንዴድና። ኡንቱንቱ ሁጲያን ሁጲያን ዲላነ እጻናይ ኩሜዳ ዋርቃ ሚሻ ኦይቄድና። ሄ እጻናይ ገሻቱ ጸሳ ዋሰያዋ።

9 ኡንቱንቱ፡

“ጸላ ማጸፋ አካናውነ፡  
ማታፋ ደያድ፡  
ጸላናው ነዉ በሴ።  
አያዉ ጎ፡ ኔን ሹከታዳ።

ኔን ቆሙዋ ኡባ፡  
ዲማ ዲማ ጋድያ ቃላ ኡባ፡  
ያራ ኡባ፡ ዛርያ ኡባ፡  
ነ ሱላን፡ ጸሳው አሳ ዋዛዳ።

10 ኑ ጸሳው አላና ማሳ፡  
ኡንቱንታ ኔን፡ ካታቱዋን፡  
ቄሳቱዋ ኦሳዳ።  
ቃይ ኡንቱንቱ ሳኣንካ ዋዳና”  
ያጊድ ኡራላ ማዘሙርያ የጸኖ።

11 ሄዋጥ ጉይያን፡ ታን ጸላድ፡ ካወተላ ኦይድያ፡ ደኡዋን ደእያ ኦይዲ መጋታቱዋን ጭማቱዋ ዩይ አጲደ ኤቄዳ ዳር ኪታንቻቱዋ ኮሻ ሰሳድ፤ ኡንቱንቱ ሻኣንነ ሚሎንያን ፓይደቲድና።

12 ሄ ኪታንቻቱ ባረንቱ ቃላ ቶቁ ኦሊድ፡ “ሹከቲዳ ደርሳይ ዋልቃ፡ ዲረተላ፡ አጲዳ ኡራ፡ ሞኖተላ፡ ቦንቹዋ፡ ሳባ፡ ጋላታ አካናው በሴ!” ያጊድና።

13 ሄዋጥ ጉይያን፡ ሳኣን፡ ሳሉዋን፡ ሳኣጥ ጋርሳን አባ ግዲዋን ደእያ መጋታ ኡባይን ቃይ ሄዋንቱን ደእያ መጋታ ኡባይ፡

“ካወተላ ኦይድያ ቦላ፡  
ኡቲዳዋን ደርሳው፡  
ጋላታይ፡ ቦንቹ፡  
ሳባይን ዋልቃይ፡  
መፍ መፍናው ግድ!”  
ያጊድ የጸሸን ሰሳድ።

14 ደኡዋን ደእያ ኦይዲ መጋታቱ፡ “ኦመንእ” ያግና፡ ጭማቱ ጉፋኒደ ጎይኔድና።

### 6

ሄ ጸጸላ ማጸፋ ማታፋ ደያ

1 ደርሳይ ላፑ ማታፋቱዋጥ እቱዋ ደይሸን በእድ፤ ቃይ ሸምፑዋና ደእያ ኦይዲ መጋታቱዋጥ እቱ ጉጉላ ጉላ ማላትያ ኮሻን፡ “ሃያ!” ያግያዋ፡ ታን ሰሳድ።

2 ታን እት ቦላ ፓራ በእድ። ሄ ፓራ ቶጌዳዋ ዋንዳና ኦይቄዳ፤ ቃይ አዉ ካላቻይ እመቲዳ። ኦላ አ ጸኒድን ቃይካ ጻናናው ከሴዳ።

3 ደርሳይ ላኤንላ ማታፋ ደዬዳ ዋድ፡ ሸምፑዋና ደእያ መጋታቱዋ ላኤንላ፡ “ሃያ!” ያግያዋ፡ ታን ሰሳድ።

4 ቃይ ሀራ ዳማ ፓራይ ከሴዳ። አሳይ እቱ እቱዋና ሹከታና ማላ፡ ሄ ፓራ ቶጌዳዋ ሳኣን ሳርተላ ድግያ ዋልቃይ እመቲዳ። ዋጋ ማሻይ አዉ እመቲዳ።

5 ደርሳይ ሄዘንላ ማታፋ ደዬዳ ዋድ፡ ደኡዋን ደእያ መጋታቱዋ ሄዘንላ፡ “ሃያ!” ያግያዋ፡ ታን ሰሳድ። ያታደ ካረላ ፓራይ ከሴዳዋ በእድ፤ ቃይ ሄ ፓራ ቶጌዳዋ ባረ ኩሸያን ሚዛንያ ኦይቄዳ።

6 ታን ደኡዋን ደእያ ኦይዲ መጋታቱዋ ግደ፡ ኮሻ ማላትያባ ሰሳድ። ሄ ኮሻይ፡ “እት ጋላሳ ኦሶ ድርጉ ባጋ ኪሉዋ ዛርጋ፤ ቃይ እት ጋላሳ ኦሶ ድርጉ እት ኪሉዋ ባጋ ባንጋ። ሸን ዛይትያን ዋይንያ ኤሳ ቆሆፓ” ያግያዋ ሰሳድ።

7 ደርሳይ ኦይደንላ ማታፋ ደዬዳ ዋድ፡ ደኡዋን ደእያ መጋታቱዋ ኦይደንላ፡ “ሃያ!” ያግያዋ፡ ታን ሰሳድ።

8 ታን ግራጨ ፓራይ ከሴዳዋ በእድ። ሄ ፓራ ቶጌዳዋ ሰንሳይ ሀይቁዋ፤ አ ጌዲዋ ሰኦሊ ካሌዳ። ሀይቁን ሰኦሊ ሳኣጥ ኦይደንላ ኩሸያ ኦላን፡ ኮሻን፡ ሀርግያን፡ ደኣን ዋፎሳና ማላ፡ ኡንቱንቶ ማታይ እመቲዳ።

9 ደርሳይ እቼሸንላ ማታፋ ደዬዳ ዋድ፡ ኡንቱንቱ ጸሳ ቃላ ኦይዳ ድራውን ባረንቱ ማርካተላን ኦማንቲዳ ድራው፡ ሹኩዳ አሳ ሸምፑዋ ያርሹዋ ያርሸያ ሳፕ ጋርሳን በእድ።

† 5:3 ሳኣጥ ጋርሳን፡ ሀይቁዳዋንታ ጉሳ። 5:5 ደመላ 49:9፤ እሳ. 11:1፣ 10 5:6 እሳ. 53:7፤ ዛካ. 4:10 5:8 ማዘ. 141:2 5:9 ማዘ. 33:3፤ 98:1፤ እሳ. 42:10 5:10 ከሳ 19:6፤ ሳፃ 1:6 5:11 ጻኤላ 7:10 6:2 ዛካ. 1:8፤ 6:3፣ 6 6:4 ዛካ. 1:8፤ 6:2 6:5 ዛካ. 6:2፣ 6 6:8 ሀዘ. 14:21

10 ኢንቴንቴ ባረንቴ ቃላ ቆቁ ኦሊድ፡ “ኡባ ሞድያ ጎዳጃ፡ ጌሻጃ፡ ቱማንቻ፡ ሳኣን ደእያ አሳ ቦላ አዉደ ፕርዳይ? ቃይ ኑ ሱላ አዉደ ጭገታይ?” ያጌድኖ።

11 ኢንቴንቴ ሁጲያን ሁጲያን ቦላ ማዩ እመቴዳ፡ ኢንቴንቴዎዳን ሀይቃናዉ በሰያ ኢንቴንቴ ላገላ ኦሳንቻቱዎ ፓይዱን ኢንቴንቴ አሻቱዎ ፓይዱ ኩማና ጋካናዉ፡ ኢንቴንቴ አማራዳ ዎድያ ታክሻና ማላ፡ ኢንቴንቴ ኦደቴዳ።

12 ደርሳይ ኡሱፑገላ ማታፋ ደዬዳ ዎደ፡ ታን በኣድ፤ በታይ ሎይሕ ቃዬዳ። አዋይሬ ካረላ ማዩዎዳን ካረዬዳ፤ አገናይካ ሙላ ሱላ ማላቴዳ።

13 ባላሰያ ግያ ሞላት ጋሞኤ አይፊ፡ ዎልቃማ ጫርኩ ቃሕና፡ ሳኣን ቆቆፊትያዎዳን፡ ጸልንታቱ ሳሉዋፕ ሳኣን ቆቆፊቴድኖ።

14 ሳሉ ጸጸቶ ማጸፋይ ጸጸትያዎዳን፡ ጸጸቲደ ቆይ አኔዳ፤ ደር ኡባቱን ሃላን ደደቴዳ ሳኣይ ኡባይ ባረንቴ ደኢያሳፕ ክቾ አጌድኖ።

15 ሄዋፕ ጉይያን፡ ሳኣ ካታቱ፡ ደርያ ሞድያዎንቴ፡ ሻላቃቱ፡ ዱራቱ፡ ዎልቃማቱ፡ ቃይ ሀራ አሳይ ኡባይ፡ አይለቱ፡ ዎማናቱ፡ ደርያ ከሲደ፡ ጎንጎሉዎ ግደንን ደርያን ደኢያ ዛላ ጉዩ ባጋን ቆሰቴድኖ።

16 ያቲደ ደረቱዋን ሹቻ፡ “ካዉተላ ኦይድያን ኡቴዳዎ አይፍያፕን ደርሳ ሀንቁዋፕ ኑ ቦላ ኩንዲደ፡ ኑና ገንጭርክቲሻ!

17 አያዉ ሳፕ፡ ኢንቴንቴ ዎልቃማ ሀንቁዎ ጋላሳይ ጋክ ክቾዳ፤ ሄ ሀንቁዎ ዳንዲያናዌ ኦኔ?” ያጌድኖ።

### 7

እሰራኤልያ አሳፕ 144,000 አሳቱዎ ሰሞእያን ማታፋይ ዎዬዳ

1 ሄዋፕ ጉይያን፡ ታን ኦይዱ ኪታንቻቱ ኦይዱ ባጋ ሳኣ ጋጸን ኤቄዳዎንታ በኣድ። ሄ ኪታንቻቱ ሳኣ ቦላን፡ ዎይ አባ ቦላን፡ ዎይ አይ ሞላ ቦላን፡ ጫርኩ ጫርከናዳን ተኤድኖ።

2 ቃይካ ደኡዎ ጸሳ ማታፋ ኦይቂደ ሀራ ኪታንቻይ አዋይ ሞክያሳፕ ከሰያዎ ታን በኣድ። ሄ ኪታንቻይ ባረ ኮሻ ቆቁ ኦሊድ፡ ሳኣን አባ ቆሀናዉ ዎልቃይ እመቴዳ ኦይዱ ኪታንቻቱዎ

3 ጴሲደ፡ “ኑ ጸሳ ኦሳንቻቱዎ ዴሙዋን ኑን ማታፋ ዎላና ጋካናዉ፡ ሳኣ ግድና ዎይ አባ ግድና፡ ዎይ ሞላ ግድናካ ቆሆፕተ” ያጌዳ።

4 ታን ጸሳ ማታፋ ዴሙዋን ዎሴዳዎንቴ ፓይዱዎ ሰሳድ። እሰራኤልያ ዛርያ ኡባፕ እት ጸታን ኦይታማን ኦይዱ ሻኦ አሳቱዎ ዴሙዋን ማታፋይ ዎዬዳ።

5 ይሁዳ ዛርያፕ፡ ታማነ ላኡ ሻኦ ዴሙዋን ማታፋይ፡

ዎዬዳ።  
ርቤላ ዛርያፕ፡  
ታማነ ላኡ ሻኦ።  
ጋደ ዛርያፕ፡  
ታማነ ላኡ ሻኦ።

6 አሴራ ዛርያፕ፡  
ታማነ ላኡ ሻኦ።  
ንፍታሌመ ዛርያፕ፡  
ታማነ ላኡ ሻኦ።

7 ሰሞና ዛርያፕ  
ታማነ ላኡ ሻኦ።  
ሌዋያ ዛርያፕ  
ታማነ ላኡ ሻኦ።

8 ዛብሎና ዛርያፕ፡  
ታማነ ላኡ ሻኦ።  
ዮሴፎ ዛርያፕ፡  
ታማነ ላኡ ሻኦ።

9 ሰንያዎ ዛርያፕ፡  
ታማነ ላኡ ሻኦ።  
ዴሙዋን ማታፋይ፡  
ዎዬዳ።

ቦላ ማዩዎ ማዬዳ ጮራ አሳቱዎ  
9 ሄዋፕ ጉይያን፡ ዛርያ ኡባፕ፡ ቆሙዎ ኡባፕ፡ ያራ ኡባፕን ዴማ ዴማ ጋድያ ቃላ ኡባፕ ኦንጎ ፓይዳናዉ ዳንዲያና ዛዋይ ባይና ጮራ አሳ ታን በኣድ። ሄ አሳይ ቦላ ማዩዎ ማዬዳ፡ ዛሞባ ሀይላ ባረንቴ ኩሽያን ኦይቂደ፡ ካዉተላ ኦይድያ ሰንሳንን ደርሳ ሰንሳን ኤቁዳ።

10 ኢንቴንቴ ባረንቴ ቃላ ቆቁ ኦሊድ፡ “ኑ አቶተላይካ፡ ካዉተላ ኦይድያን ኡቴዳ፡ ኑ ጸሳፕን ደርሳፕ ዬ” ያጌድኖ።

11 ኪታንቻቱ ኡባይ ካዉተላ ኦይድያ፡ ጭማቱዋን ደኡዋን ደኢያ ኦይዱ መፍታ ዩይ አዲደ ኤቁድኖ። ኢንቴንቴ ካዉተላ ኦይድያ ሰንሳን ባረንቴ ዴሙዋን ጉፋኒደ ጸሳዉ ጎይኒደ፡

12 “አመንእ!  
አንጅ፡ ቦንቹ፡  
አዴዳ ኤራተላይ፡  
ጋሳታይ፡ ሳባይ፡  
ዎልቃይ፡ ሞኖተላይ፡  
መፍናፕ መፍና ጋካናዉ ኑ ጸሳዉ ግደ።

13 ጭማቱዋፕ እቲ ታና፡ “ሀ ቦላ ማዩዎ ማዬዳ አሳቲ ኦኔ? ኢንቴንቴ ሀቃፕ ዬድኖ?” ያጌደ ኦቶዳ።

14 ታን፡ “ታ ጎደዉ፡ ኔን ኤራሳ” ያጋድ። እ ታና ሀዋዳን ያጌዳ።

6:13 ኢሳ. 34:4 6:15 ኢሳ. 2:19፣ 21 6:16 ሆሰ 10:8፤ ሉቃሳ 23:30 6:17 ኢዩ. 2:11፤ ሚልክ. 3:2 7:1 ኤር. 49:36፤ ዳኔላ 7:2፤ ዛካ. 6:5 7:3 ሀዘ. 9:4፣ 6

“ሀዋንቱ ዳር ዋይያ ዋየቲደ ዬዳዋንታ።  
 እንቱንቱ ባረንቱ ማዬዋ ደርሳ ሱላን  
 ማጠፊደ።  
 ቦጼዳዋንታ።  
 15 ሄዋ ድራው።  
 እንቱንቱ ጸሳ ካወተላ ኦይድያ ሰንላን  
 ኤቂደ።  
 ቃማን ጋላሰ። ኦ ጌሻ ጎልያን።  
 አወ ኦሊኛ።  
 ቃይ ኦ ባረ ካወተላ ኦይድያን ኡቲዳዋ።  
 እንቱንቱ ግዱዋን ደአና።  
 16 ሀዋጥ ሰንላናዉ ኡባካ።  
 እንቱንቱ ኩሻትክኛ።  
 ዋይ ሳመትክኛ።  
 አዋይ እንቱንታ ማኛ።  
 ቃይ ኦይ ሱላይካ እንቱንታ ጉድና።  
 17 አያዉ ጎጥ። ካወተላ ኦይደዉ።  
 ግዱዋን ኡቲዳ ደርሳይ።  
 እንቱንታ ሄማና።  
 ደኡዋ ሃላ ፑልቲዋኮካ።  
 እንቱንታ ካላላና።  
 ጸሳይካ እንቱንቱ አይፍያ አፎላ ኡባ  
 ቆጭ ድጋና”

ያጌዳ።

### 8

ጸጸላ ማጸፋ ላፑንላ ማታፋይ ደየቲዳ  
 1 ደርሳይ ላፑንላ ማታፋ ደዬዳ ዋይ። ባካ  
 ሳትያ ግድያዋ ከና ሳሉ ጮኡ ጌዳ።  
 2 ሄዋጥ ጉይያን። ታን ላፑ ከታንቻቱዋ  
 ጸሳ ሰንላን ኤቂያዋንታ በአድ፤ እንቱንቶ ላፑ  
 ማላካታይ እመቲዳ።  
 3 እጸና ጨዋይያ ዋርቃ ሚሻ ኦይቄዳ ሀራ  
 ከታንቻይ ዪደ። ያርሽያ ሳ ማታን ኤቄዳ።  
 ዋርቃጥ መጠቲዳ ያርሽያሳይ ካወተላ ኦይድያ  
 ሰንላን ደኤ፤ ሄ ያርሽያ ሳ ቦላ ጌሻ ኡባቱዋ  
 ዋሳ ጉጅና ማላ። ከታንቻዉ ዳር እጸናይ  
 እመቲዳ።  
 4 እጸና ጨዋይ ጌሻቱዋ ዋሳና እትጥ ሄ  
 ከታንቻ ኩሽያጥ ፑደ ጸሳኮ ቤዳ።  
 5 ሄዋጥ ጉይያን። ከታንቻይ እጸና  
 ጨዋይያዋ አኪደ። ያርሽያ ሳጥ ታማ ቦንቁዋ  
 አኪደ። አን ኩንሴዳ። ሄ እጸና ጨዋይያዋ  
 ዳገ ሳኦ አልና። ጉጉንላይ ጉሜዳ። ዋልቃንላይ  
 ዋልቃሜዳ፤ ቃይ ቢታይካ ቃጼዳ።

ማላካታቱ ፑንቲድኖ

6 ቃይ ላፑ ማላካታ ኦይቂደ ላፑ ከታንቻቱ  
 ማላካታ ፑናናዉ ጊጌድኛ።  
 7 ኮይር ከታንቻይ ባረ ማላካታ ፑንና ሱላና  
 ዋላከቲዳ ሻቻይን ታማይ ሳኦን ቡኬዳ። ሳኦጥ

ሄዘንላ ኩሺ ጉደቲዳ፤ ሞላጥካ ሄዘንላ ኩሺ  
 ጉደቲዳ፤ ማታ ኡባይካ ጉደቲዳ።

8 ላኤንላ ከታንቻይካ ባረ ማላካታ ፑኔዳ።  
 ዋልቃማ ደርያ ማላትያባይ ታማን ኤጲደ።  
 አባን የገቲዳ፤ ያትና። አባጥ ሄዘንላ ኩሺ ሱላ  
 ግዴዳ።

9 አባን ደኡዋን ደአያ መጠታቱዋ ሄዘንላ  
 ኩሺ ሀይቄዳ፤ ማርካበቲዋጥካ ሄዘንላ ኩሺ  
 ቆይዳ።

10 ሄዘንላ ከታንቻይ ባረ ማላካታ ፑንና  
 ሻፋጥን ፑልቲዋ ሃላጥ ሄዘንላ ኩሽያ ቦላ  
 ሳሉዋጥ ጸሞጥያዳን ኤጸያ ዋልቃማ ጸልንቲ  
 ዋይዳ።

11 ሄ ጸልንትያ ሱንሳይ ጫሙዋ ጌተቲ።  
 ሃላጥ ሄዘንላ ኩሺ ጫሜዳ፤ ቃይ ሃላይ  
 ጫሜዳ ድራው። ዳር አሳይ ሄ ሃላ ኡሺደ  
 ሀይቄዳ።

12 ኦይደንላ ከታንቻይ ባረ ማላካታ  
 ፑኔዳ። አዋጥ። አገናጥን ጸልንትያጥ ሄዘንላ  
 ኩሺ ደሸቲዳ፤ እንቱንቱ ፖኡዋጥካ ሄዘንላ  
 ኩሺ ቆሜዳ። ሄዋ ድራው። ጋላሳጥ ሄዘንላ  
 ኩሺ። ቃማጥካ ሄዘንላ ኩሺ ቆሜዳ።

13 እት አርጋንሳይ ሳሉዋን ፓልያዋ ታን  
 በአድ። ሄ አርጋንሳይ ባረ ቃላ ጶቄ ኦሊደ።  
 “ሄዙ ከታንቻቱ ፑናና በሰያ የኮ ማላካታይ  
 ፑንትያ ዋይ። ሳኦን ደአያ አሳዉ አዬር!  
 አዬር! አዬር!” ያግያዋ ሰሳድ።

### 9

1 ሄዋጥ ጉይያን። እቼሽንላ ከታንቻይ ባረ  
 ማላካታ ፑንና ሳሉዋጥ ዲገ ሳኦ ኩንዴዳ  
 ጸልንትያ በአድ። ሄ ጸልንተዉ ጨዋ ኦላ \*  
 ቁልጥ እመቲዳ።

2 ጸልንቲ ጨዋ ኦላ ደዬዳ፤ እኮ ጮጭያጥ  
 ከሰያ ጨዋ ማላ ጨዋይ ሄ ጨዋ ኦላጥ  
 ከሴዳ። ቃይ አዋይን ሳኦይ ሄ ጨዋ ኦላጥ  
 ከሴዳ ጨዋን ቆሜድኛ።

3 ጨዋጥ ቦሊ ዲገ ሳኦ ዬዳ። ሳኦን ደአያ  
 ስጋቶ ደአያ ዋልቃ ማላ ዋልቃይ ቦሊዉካ  
 እመቲዳ።

4 ጸሳ ማታፋይ ዴሙዋን ባይና አሳ ጸላላ  
 ቆሀናጥ አትን። ሳኦን ደአያ ማታ ዋይ አጭያ  
 ሞላ ግድና ዋይ ኦይ ሞላ ግድናካ ቆሄና ማላ።  
 ቦሊዉ ኦደቲዳ።

5 ቦሊ ሄ አሳ እቼሹ አገና ግድያዋ ፓጸ  
 ካኦና ማላ። ማታይ እመቲዳዋጥ አትን። አዉ  
 አሳ ዋቆናዉ ማታይ እመትቤና። ሱጉ አሳ  
 ዲኪደ ሴልሰያዋ ከና ቦሊ ሴልሴ።

6 ሄ ጋላሳቲዋን አሳይ ሀይቄዋ ኮያና፤ ሽን  
 ደመና። ቃይ ሀይቃናዉካ አሞታና፤ ሽን ሀይቄ  
 አሳጥ ባቃታና።

7:14 ዳኤላ 12:1፤ ማቶሳ 24:21፤ ማር. 13:19 7:16 ኤሳ. 49:10 7:17 ማዘ. 23:1፤ 2፤ ሀዘ. 34:23፤  
 ኤሳ. 49:10፤ 25:8 8:3 አሞጸ 9:1፤ ከሳ 30:1፤ 3 8:5 ሳን 11:19፤ 16:18፤ ዋጋ 16:12፤ 18፤ ሀዘ. 10:2፤  
 ከሳ 19:16 8:7 ከሳ 9:23-25፤ ሀዘ. 38:22 8:10 ኤሳ. 14:12 8:11 ኤር. 9:15 8:12 ኤሳ. 13:10፤  
 ሀዘ. 32:7፤ ኤዪ. 2:10፤ 31፤ 3:15 \* 9:1 ጨዋ ኦላ፡- ሀዋ ጉሳይ ጋርሳ ባጋ ቢታን ዳርሰ ጨማጥደ ደአያ ኤታ  
 እያናቱ ባረንቱ ዉርሰሳ ሙራ ጋላሳይ ጋካናዉ ቃሽቲደ ደአያሳ። 9:2 ደመላ 19:28 9:3 ከሳ 10:12-15 9:4  
 ሀዘ. 9:4 9:6 ኤዪ 3:21፤ ኤር. 8:3 9:7 ኤዪ. 2:4 9:8 ኤዪ. 1:6

7 ቦሊ አላው ጊገ ኡቴዳ ፓራ ማላቴ።  
ቦልያ ሁጺያን ዋርቃ ማላትያ ካላቻይ ደኤ፤  
አ ዴሙካ አሳ ዴሙዋ ማላቴ።

8 አ ብናናይካ ማጫ አሳ ብናናይዳ አዲቄ፤  
አ አቻይካ ጋሙዋ አቻ ማላቴ።

9 አ ትራይ ብራታን ኦሌዳ ጎንዳልያ  
ማላትያዋን ጎዘት ኡቴዳ፤ ቃይ አ ቀፍያ ኮቫይ  
አላ ባናው ፕሪጽያ ፓራቱ ጎቻያ ጋርያ ኮቫ  
ማላ።

10 አው ሶጉዋ ዲፍያ ማላትያ ዲፊ ደኤ፤  
አ ዲፍያን ዲክያባይ ደኤ። ሄ ዲፍያን አቸቩ  
አገና ግድያዋ አሳ ቆሀናዳን፤ አው ማታይ  
አመቲዳ።

11 አ ሞድያ ካቲ ደኤ። ሄ ካቲ ጨዋ  
አላ ከታገቻ። አ ሱንሳይካ አብራይሰጸ ቃላን  
አብደና፤ ቃይ ግሪከ ቃላን አጸልዮና ጌተቴ።  
አጸልዮና ግያዋ ብላሳይ፤ ጳይሰያዋ ግያዋ።

12 ኮሮር አይሮ ግያዋ አይዳ፤ በአ፡ ብር  
ሀራ ላኡ አይሮ ግያዋ ያናዋ።

13 ኡሱፑንሳ ከታገቻይ ባረ ማላካታ  
ፑኔዳ። ጸሳ ሰንሳን ኤቄዳ ዋርቃ፤ ሙጴዳ  
ያርሽያሳን ደአያ ኦይዱ ጋጸ ካጩቱዋ፤ አት  
ኮቫ ሰሳድ።

14 ሄ ኮቫይ ማላካታይ ደአያ ኡሱፑንሳ  
ከታገቻ። “ኤፍራጺሳ ግያ ዋጋ ቫፋን ቃሽቲዳ  
ኦይዱ ከታገቻቱዋ ብላ” ያጌዳ።

15 አሳ ዛርያ፤ ሄዘንሱ ኩሽያ ዋቆናው፤  
ሀ ሳትያው፤ ጋሳሳው፤ አገናው፤ ሳይሳው ጊገሰ  
ዋሌዳ፤ ኦይዱ ከታገቻቱ ብላቴድና።

16 አላ ፓራ ቶግያ አሳ ፓይዱ ላኡ ጴቲ  
ሚሎን ግድያዋ ታን ሰሳድ።

17 ቃይካ ታን ሳጸን ፓራቱዋን ሄ ፓራቱዋ  
ቶጌዳ አሳ በአድ። አሳው ትራን ዋልያ ብራታ  
ጎንዳልያ ማላይ ደኤ። ሄ ትራን ዋልያ ብራታ  
ጎንዳልያ ማላይ ታማዳን ዘኔ፤ ሳማይያ፤  
ቃይ ኡጽያ ዲንያ ማላ። ፓራቱዋ ሁጺ  
ጋሙዋ ሁጺያ ማላ። አንቲንቲ ዶና፤ ታማይ፤  
ጨዋይን አድልያ ጨቫ ማላትያ ኡጽያ ዲንያ  
ታማይ ከሴዳ።

18 ፓራቱዋ ዶና፤ ከሴዳ ታማን፤ ጨዋን  
ኡጽያ ዲንያን ሀ ሄዙ ቦቫቱዋን አሳ ዛርያ፤  
ሄዘንሱ ኩሽ ሀይቄዳ።

19 አያው ጎፕ፤ ፓራቶ ዋልቃይ ዶናን  
ዲፍያን ደኤ። አንቲንቲ ዲፊካ ሁጺያና ደአያ  
ቦቫ ማላቴ፤ ሄዋን አንቲንቲ አሳ ቆሂና።

20 ሀ ቦቫቱዋን ሀይቀናን አቴዳ አሳይ  
ባረ ኩሽያን አልዋ አግቤና። ቃይ ዋርቃ፤  
ብራፕ፤ ናሃሰያ ጌተትያ ብራታ፤ ሹቻ፤  
ሞላ፤ አሰቲዳ፤ ጴሳናው ዋይ ሰሳናው  
ዋይ ሀመታናው ዳንዳናና ኤቃውን ጸላህያው  
ጎይንያዋካ አግቤና።

21 አሳይ ኤሪድ ዋቆዳዋ፤ ዋይ ባረ  
ብቲዳዋ፤ ዋይ ባረ ዋሹሚዳዋ፤ ዋይ ባረ  
ዉኤዳዋ አጌዳ፤ ባረ ናጋራ፤ ሰሞቤና።

# 10

ከታገቻን ጉሳ ማጻፋ

1 ቃይካ ታን ሀራ ዋልቃማ ከታገቻይ  
ሳሎዋ፤ ከሲድ፤ ዲገ ዋቆያዋ በአድ። ቫርያ  
አ ማይ ኡቴዳ፤ ቃይ ዙሉ አ ሁጺያ ያይ አጅ  
ኡቴዳ። አ ዴሙካ አዋ ማላ፤ አ ገዲካ ታማ  
ቲሳ ማላ።

2 ሄ ከታገቻይ ዶያ ደአያ አት ጉሳ ጸጸቶ  
ማጻፋ ባረ ኩሽያን ኦይቄዳ። ባረ ኡሽቻ ገድያ  
አባ ቦላ ኤሲድ፤ ባረ ሀድርሳ ገድያ ቢታ ቦላ  
ኤሲድ።

3 ጉድያ ጋሙዋዳን፤ ዋልቃ፤ ጉዳዳ።  
አ ጉዳዳዋ፤ ጉይያን፤ ላፑ ጉጉንሳቱ አናና  
ጉንሳን ሃሳዬድና።

4 አንቲንቲ ጉሚዳ ዋይ ታን ጸፋናው  
ቆፓድ። ሽን ሳሎዋ፤ “ላፑ ጉጉንሳቱ  
ሃሳዬዳዋ አሳው ቃቶ፤ ጸፈ፤” ያግያ ኮቫይ  
ታው ሰሰቲዳ።

5 ሄዋ፤ ጉዮ፤ አባ ቦላን፤ ቢታ ቦላን  
ኤቄደአሽን ታን በኤዳ ከታገቻይ፤ ባረ ኡሽቻ  
ኩሽያ ሳሎዋ ፑደ ሞጩዳ።

6 ሳሎዋ፤ ሳሎዋን ደአያ ኡባባ፤ ሳላን ሳላን  
ደአያ ኡባባ፤ አባን አባን ደአያ ኡባባ፤ ሙጴዳ  
ሙጴ፤ ሙጴዳው ደአያ ጸሳ ሰንሳን ጫቄዳ።  
ያቲድ፤ “ዋዲ ዉራራው ጋምኤና።

7 ሽን ላፑንሳ ከታገቻይ ባረ ማላካታ ፑንያ  
ዋይ፤ ጸሳይ ናባቱዋ ግዴዳ ባረ ቆማቶ ቃላ  
ኦድ ዋሌዳዋዳንካ፤ አ ጹራዳ ቆፋይ ፖላታና”  
ያጌዳ።

8 ሄዋ፤ ጉይያን፤ ሳሎዋ ሃሳይሽን ታን  
ሰሴዳ ኮቫይ ላኤንሱዋ ዛሪድ ታና፤ “አባ  
ቦላን፤ ቢታ ቦላን ኤቄዳ ከታገቻ ኩሽያን  
ዶያ ደአያ ጸጸቶ ማጻፋ ባይ አካ” ያግያዋ  
ሰሳድ።

9 ታን ሄ ከታገቻኩ ባይ፤ ጉሳ ጸጸቶ ማጻፋ  
ታው አማና ማላ፤ አ አቻድ። አ ታና፤ “አካይ  
ማ፤ ማጻፋይ ነ ኡሎዋ ጫምሳናዋ፤ ሽን ነ  
ዶናን ኤሳዳን፤ አ ማልአናዋ” ያጌዳ።

10 ሄዋ፤ ጉዮ፤ ታን ከታገቻ ኩሽያ፤ ሄ  
ጉሳ ጸጸቶ ማጻፋ አካይ ማድ፤ ታ ዶናን  
ማጻፋይ ኤሳዳን ማልኤዳ። ሽን ታን ሚዳዋ፤  
ጉይያን፤ ታ ኡሎ ግዳ ጫሚዳ።

11 ቃይካ ታና፤ “ያራ ኡባ፤ ዛርያ ኡባ፤  
ዲማ ዲማ ቢታ ቃላን ካታቱዋባ ኔን  
ትምቢትያ ቃንጸናን ሃሳናው በሴ” ያጌዳ።

# 11

ላኤ ማርካቱዋ

1 ሄዋ፤ ጉዮ፤ ማቃ ማላትያ ልክያ ጸምአይ  
ታው አመቲዳ፤ ታና ጌዳዌ ሀዋ፤ “ባይ  
ጸሳ ጌቫ ጎልያን ያርሽያ ሳ ልካ። ሄዋን  
ጎይንያዋንታካ ፓይዳ።

2 ሽን ጌቫ ጎላው ካረ ባጋ አጋ ባቫ፤ ሄዋ  
ልኮ፤ አያው ጎፕ፤ ሄ ሳአይ አይሁዳ ግድና

9:9 እዪ. 2:5    9:13 ከሳ 30:1-3    9:20 ማዘ. 115:4-7፤ 135:15-17፤ ዳኤላ 5:23    10:5 ከሳ 20:11፤  
ዛረ. 32:40፤ ዳኤላ 12:7፤ አዋጸ 3:7    10:8 ህዘ. 2:8—3:3    11:1 ህዘ. 40:3፤ ዛካ. 2:1-2    11:2 ለቃሳ  
21:24

አሳው እመቲዳ። አይሁዳ ግደና አሳይ ገሻ ካታማ ኦይታማነ ላኡ አገናው የጳና።

3 ታን ጋብያ ማዬዳ ታ ላኡ ማርካቱዋ ከታሮ፤ ኡንቱንቱ እት ሻእነ ላኡ ዴታነ ኡሱቱን ታሙ። ጋላሳን ጸሳ ከታ ኦዳና። ያጌዳ።

4 ሃ ላኡ ማርካቱ ሀ ሳኣ ጎዳ ሰንሳን ኤቂያ ጸምጥያ ዋሳያ ላኡ ባላቱዋ።

5 ኦንነ ኡንቱንታ ቆሀናው ኮዮፕ፣ ኡንቱንቱ ደናፕ ታማይ ከሲደ ኡንቱንቱ ሞርከቱዋካ ጳይሴ። ቃይ ኦንነ ኡንቱንታ ቆሀናው ኮዮፕ፣ ሃዋዳንካ ሀይቃና።

6 ኡንቱንቱ ጸሳ ከታ ኦድያ ዋድያን አራይ ቡከናዳን፣ ሳሉዋ ጎርዳናው ኡንቱንቱ ማታይ ደኤ። ኡንቱንቱ ሃሳ ሱሳ ከሰያ ማታይካ ደኤ፤ ቃይ ኡንቱንቱ ባረና ኮሽያ ዋይ፣ ሳኣ ደማ ደማ ባሻን ሸጫናው ኡንቱንቱ ማታይ ደኤ።

7 ኡንቱንቱ ባረንቱ ማርካተላ ወርሴዳዋፕ ጉይያን፣ ጨዋ ኦላፕ ፑይ ከሰያ ደኤይ ኡንቱንቱና ኦላታና። ሄ ደኤይ ኡንቱንታ ጸኒደ ዋጳና።

8 ኡንቱንቱ ጎዳይ ማሰቃልያ ቦላን ሞሰማርያን ጵሸቲደ ሱላቴዳ ካታማ ዋጋ ኡግያን ኡንቱንቱ እሃይ ግሳናዋ። ሄ ካታማይ ሊምሱዋን ሰዶማ ዋይ ግብጾ ጌተቲደ ጴሰቲ።

9 ቃይ ያራ ኡባፕ፣ ቆሙዋ ኡባፕ፣ ደማ ደማ ቢታ ቃላፕነ ዛርያ ኡባፕ ዬዳ አሳይ ኡንቱንቱ እሃ ሄዙ ጋላሳን ባጋ በእና። እሃይ ሞገተና ማላ፣ ሄ አሳይ ድጋና።

10 ሳኣን ደኤያ አሳይ ሀ ትምቢትያ ኦድያ ላኡ አሳቱዋ ሀይቁዋን ናሽታና። አሳይ ኡንቱንቱ ሀይቁዋ እቲ እቲዋና እሞታ ላሙቲደ ቦንቻናዋ፤ እያው ሳፕ፣ ሳኣን ደኤያ አሳ ኡንቱንቱ ዳርሰ መቶጴድና።

11 ሄዙ ጋላሳን ባጋፕ ጉይያን፣ ደኡዋ ሸምፑዋ ጸሳይ ኡንቱንቱን ሸምፕና፣ ኡንቱንቱ ደንድ ኤቁድና። ኡንቱንታ በኤዳ ኡባይ ኢታ ያሻ ያዬዳ።

12 ሃዋፕ ጉይያን፣ ሄ ትምቢትያ ኦድያ ላኡ አሳቱ ሳሉዋፕ፣ “ሃ ፑይ ከሰተ” ግያ ዋልቃማ ኮሻ ሰሴድና። ባረንቱ ሞርከቱ ባረንታ ጴልሽን፣ ኡንቱንቱ ሻርያን ገሊደ፣ ፑይ ሳሉዋ ቤድና።

13 ሄ ሳትያን ቢታይ ሎይላ ቃጽና ካታማፕ ታሙንላ ኩሺ ጳዬዳ። ቃይ ቢታ ቃላን ላፑ ሻኦ አሳይ ሀይቁዳ። አቲዳ አሳይ ሎይላ ኮኮር ያዬዳ፣ ሳሉዋ ጸሳ ግታተላ ሳቤዳ።

14 ላኤንላ አዬር ግያዋ አዴዳ። ሸን አኬክተ፤ ሄዘንላ አዬር ግያዋ ኤላካ ያናዋ።

ላፑንላ ማላካታ

15 ሃዋፕ ጉይያን፣ ላፑንላ ከታንቻይካ ባረ ማላካታ ፑኔዳ። ሳሉዋን፣

“አላምያ ካውተላይ

ሀኦ ኦ ጎዳሳነ

ክርሰቶሳሳ፤

ቃይ መጵናፕ መጵና ጋካናው

እ ሞዳና”

ያግያ ዋልቃማ ኮሻይ ሰሰቲዳ።

16 ባረንቱ ኦይድያን ኡቴዳ ላታማነ ኦይዳ ጭማቱ ጸሳ ሰንሳን ዳገ ጉፋኒደ፣ ጸሳው ጎይኒደ ሀዋዳን ያጌድና፤

17 “ሀኦ ደኤያዎ፣

ካሰፕካ ደኤያዎ፣ ጎዳው፣

ኡባፕ ዋልቃማ ጸሳው፣

ነው ዋልቃማ ዋልቃይ ደኤያ ድራውነ፣

ኔን ሞዳናው ደሜዳ ድራው፣

ኮን ኔና ጋላቴቶ።

18 እይሁዳ ግደና አሳይ ሀንቀቴዳ፤

ነ ሀንቀካ ዬዳ።

ሀይቁዳዋንቱ ፕርደትያ ዋዲ ሀኦ፤

ቃይ ኔን ነ ኦሳንቻቶ፣ ናባቶ፣

ገሻቶ፣ ነ ሱንሳው ያይያዋንቶ፣

ጵቃቶን ላፋቶ ኡንቱንቱ ኦሱዋዳን፣

አምያ ዋዲካ ሀኦ።

ሳኣ ጳይሴያዋንታካ ኔን ጳይሴያ ዋዲ ሀኦ”

ያጌድና።

19 ሳሉዋን ደኤያ ጸሳ ገሻ ጎሊ ደየቲዳ፤ እ ገሻ ጎልያን ጸሳ ቃላ ጫቁዋ ታቦታይ ቤቴዳ። ቃይ ዋልቃንሳይ ዋልቃሜዳ፤ ጉንሳይ ሰሰቲዳ፤ ጉጉንሳይ ጉሜዳ፤ ቢታይ ቃጾዳ፤ ዋልቃማ ሻቻይካ ሻጮዳ።

## 12

ታን ሞሽራቶ፣ ናኣን ዳዊያ በእድ

1 ሃዋፕ ጉይያን፣ ሳሉዋን ዋልቃማ ማላይ ቤቴዳ። አዋ ማዬዳ እት ሞሽራታ፣ አገና ቦላ ኤቁዳውና፣ ታማነ ላኡ ጸልንትያ ካላቻ ባረ ሁጺያን ዋሌዳውና ሃዋን ደኤዳ።

2 ሄ ሞሽራታ ሻሃራ፤ እዙ የሉዋ ኦይሳይ፣ ኡንኤሰና ሞሳዳ።

3 ሀራ እት ዋልቃማ ማላይ ሳሉዋን ቤቴዳ። ታሙ ካጭያና ደኤያ ላፑ ሁጺያን ካላቻ ዋሌዳ እት ዋልቃማ ዘኦ ዳዊ ደኤ።

4 ሃ ዳዊ ባረ ዱፍያን ሄዘንላ ኩሽ ጸልንትያ ሳሉዋፕ ዳፊደ፣ ሳኣን ኦሌዳ። ሄ ዳዊ የለት ዋሌሳናካ ናኣ ማናው የላና ሀንያ ሞሽራት ሰንሳን ኤቁዳ።

5 ሞሽራታ አቲማ ናኣ፣ እይሁዳ ግደና አሳ ኡባ ሰራታ ጸምኣን ሞዳናዋ የላዳ። ሸን ናኤይ ጸሳኮን ኦ አራታኮ፣ ፑይ ኤላካ አከቲዳ።

6 ሞሽራታ እት ሻእነ ላኡ ዴታነ ኡሱቱን ታሙ። ጋላሳው ሞዚደን ኡሺደ ዋላናው ጸሳይ ገግሰ ዋሌዳ ሳኣ ባዙዋ ባቃታዳ።

7 ሃዋፕ ጉይያን፣ ሳሉዋን ኦላይ ደንዳዳ። ሞካኤል ባረ ከታንቻቱዋና እትፕ ዳዊያ

11:4 ዛካ. 4:3፣ 11-14 11:6 1 ካታ. 17:1፤ ከሳ 7:17-19፤ 1 ሳሜላ 4:8 11:7 ዳኤል 7:7፣ 21፤ ሳፃ 13:5-7፤ 17:8 11:8 ኢሳ. 1:9-10 11:11 ሀዘ. 37:10 11:12 2 ካታ. 2:11 11:15 ከሳ 15:18፤ ዳኤል 2:44፤ 7:14፣ 27 11:18 ማዘ. 2:5፤ 110:5፤ 115:13 12:3 ዳኤል 7:7 12:4 ዳኤል 8:10 12:5 ኢሳ. 66:7፤ ማዘ. 2:9 12:7 ዳኤል 10:13፣ 21፤ 12:1፤ ዳኤል 9

ከላይ ደብዳቤ ባረ ከታንቻቱዋና ግዲድ፤  
ዛር ከላይድ።

8 ሽን ደቂ ጸንትና ደቂዎስነ ከ ከታንቻቶ ሳሉዋን ሳላይ ቆይዳ።

9 ምልቃማ ደቂ፣ ጸላህያ ካፑዋ ዎይ ሴጻና ግያዌ፣ በን ሾሻይ፣ አላምያ ኡባ ባለሰዎ ደብዳቤ ከላይድ፤ እ ባረ ከታንቻቱዋና እትጥ ዲገ ሳላው ከላይድ።

10 ሄዋጥ ጉይያን፣ ታን ሳሉዋጥ ሀዋዳን ያግያ ኮሻ ሰሳድ፤

“ጸሳ አቶተላይ ሀእ ዬዳ።  
ጸሳይ ባረው ካት ግድያዋዳንካ፣  
ባረ ምልቃ በሴዳ፤  
አ ክርስቶስ ባረ ማታ በሴዳ።

አያው ጎጥ፣  
ቃማን ገላሰ ጸሳ ሰንላን ኤቂድ፣  
ኑ እሻቱዋ ሞትያዌ፣  
ሳሉዋጥ ዲገ ከላይድ።

11 ኑ እሻቱ ድርሳ ሱላን፣  
ባረንቱ ቱሙ ማርካተላን  
ደቂያ ከላይድ ጸኔድ።።  
ቃይ ኡንቱንቱ ባረንቱ ሸምጥዋ እስ  
እምያዎ፣  
ቃረትበይክ።።

12 ሄዋ ድራው፣  
ሳሉን ሳሉዋ ግድን ደእያዋንቱ፣  
ናሽትተ።።  
ሽን ሳእውነ አባው አዬር!

አያው ጎጥ፣  
ጸላህያ ካፑ፣  
ባረው ጉላ ዎዲ አቱዳዋ ኤርያ ድራው፣  
ምልቃማ ሀንቁዋን፣  
ዲገ ሀንተንቱኮ ዎዲዳ።።

ያገዳ።።  
13 ቃይ ደቂ ባረና ዲገ ሳእ ኦሌዳዋ በኤዳዋጥ ጉይያን፣ ሄ አቱማ ናእ የሌዳ ምሽራቶ የደርሱዋ ደሜዳ።

14 ምሽራቶ ሾሻይ ቆሄና ማላ፣ ሄዙ ላይላን ባጋ ማደን ኡሻይ እዛ ናገትያሳ ባዙዋ ፓላይ ባና ማላ፣ ላኡ ምልቃማ አርጋንላ ቀፊ እዘው እመቱዳ።

15 ሄዋጥ ጉይያን፣ ምሽራቶ ድኡ ድኡደ አፋና ማላ፣ ሾሻይ ሻፋ ሃላ ከና ሃላ ባረ ደናጥ ምሽራት ጌዳዋን ጉሴዳ።

16 ሽን ቢታይ ምሽራቶ ማዳዳ፤ ቢታይ ባረ ደና ደዪድ፣ ደቂያ ደናጥ ከሴዳ ሃላ ምት እጌዳ።።

17 ደቂ ምሽራትው ደርሰ ሀንቀቲድ፣ እዘ ዘርሳ ጸሳ አዛዙዋ ናግያ ኡባቱዋን የሱስ ቆንጭሴዳ ቱሙ አማነትያዋንታ አላናው።

18 ቢደ አባ ደናን ደእያ ሻፍያን ኤቄዳ።።

አ ታሙ ካጭያ ቦላን ታሙ ካላቻይ ደኤ።  
አ ሁጲያንካ ቦርያ ሱንላይ ጸፈት ኡቱዳ።።

2 ታን በኤዳ ደኤይ ማህያ ማላቲ፤ አ ገዲ ባባንላ ጌተትያ ኢታ ዲኦ ገድያ ማላቲ፤ አ ደናይ ጋሙዋ ደና ማላቲ። ደቂ ባረ ምልቃ፣ ባረ ካውተላ ኦይድያን ባረ ምልቃማ ማታ ሄ ደእው እሜዳ።።

3 ሄ ደኤ ሁጲቱዋጥ አቱ ሀይቄዳዋ ማላትያዋ ታን በኤድ፤ ሽን ዎዲያ ማይላይ ፓጼዳ። ሳእ አሳይ ኡባይ ማላለቲድ፣ ሄ ዲኦ ጌዳዋ ካሌድ።።

4 ደቂ ባረ ማታ ደእው እሜዳ ድራው፣ አሳይ ኡባይ ደቂያው ጎይኔዳ። ቃይ ሄ አሳይ፣ “ደኤ ማላይ ኦኔ፣ አናና ኦለታናው እን ደንደዱ?” ያገደ፣ ደእው ጎይኔዳ።።

5 ሄ ደእው ፓላ የወዋን ቦርያ ሃሳይያ ደናይ እመቱዳ። አይታማን ላኡ አገናው አሳና ማላ፣ አው ማታይ እመቱዳ።።

6 ሄ ደኤይ ጸሳ፣ አ ሱንላ፣ እ ደኤያሳን ሳሉዋን ደእያ ኡባቱዋ ቦርያ ደሜዳ።።

7 ሄ ደኤይ ጸሳ አሳቱዋና ኦለቲድ፣ ኡንቱንታ ጸናና ማላ፣ አው ማታይ እመቱዳ። ቆሙዋ ኡባ፣ ያራ ኡባ፣ ዲማ ዲማ ቢታ ቃላ ኡባን ዛርያ ኡባ ዋድያ ማታይ አው እመቱዳ።።

8 ሳእይ መጋታናጥ ካሰ ሹከቲዳ ድርሳ ደኤዋ ማጻፋን ሱንላይ ጸፈትበና አሳይ፣ ሳእን ደእያዌ ኡባይ፣ ሄ ደእው ጎይናና።።

9 ሰሰያ ሀይላይ ደእያ ኡራይ ሰሶ።።

10 አዎደታና አሳይ ደኤጥ፣  
አንነ አዎደታናዎ።።

ማሻን ሹከታና አሳይ ደኤጥ፣  
አንነ ማሻን ሹከታናዎ።።

ጌሻቱዋ ዳንዳያይ፣  
እማኑ ሀዋን ኤረታናዎ።።

ታን ሳእጥ ከሰያ ደኤ በኤድ

11 ሄዋጥ ጉይያን፣ ሀራ ደኤይ ሳእጥ ከሰያዋ ታን በኤድ። ደርሳ ካጭያ ማላትያ ላኡ ካጪ አው ደኤ፤ ሽን ሄ ደኤይ ደቂያዳን ሃሳይዳ።።

12 ሄ ደኤይ ኮይር ደኤ ምልቃማ ማታ ኡባ አ ሰንላን ኡሌዳ። ሳእይነ ሳእን ደእያ አሳይ ኡባይ አ ዎዲያ ማይላይ ፓጼዳ ኮይር ደኤው ጎይናና ማላ፣ ሄ ደኤይ ጎዳቲዳ።።

13 ሄ ላኤንላ ደኤይ ምልቃማ ማላታቱዋ ኡሌዳ፤ ሀራይ አቶ ታማ ሳሉዋጥ አሳ ኡባ ሰንላ ሳእ ዎላና ጋካናው ማላታቱዋ ኡሌዳ።።

14 ኮይር ደኤ ሰንላን አላናው፣ አው እመቱዳ ማላታቱዋን ሳእን ደእያ አሳ ኡባ አ ባለሌዳ።። ማሻን ማይላቶጥን ፓጸ ደእያ ኮይር ደኤ ቦንሻ ምስልያ ገግሳናዳን፣ ሳእ አሳ ኡባው ላኤንላ ደኤይ ኦዳዳ።።

15 ቃይ ኮይር ደኤ ምስሊ ሃሳናዳንን ባረው ጎይናና ኡባ ዎዲያዳን፣ ላኤንላ ደኤይ ባረ ሸምጥዋ ኮይር ደኤ ምስልያን ሸምጥዋ ገልሳናው አዛዘቲዳ።።

### 13

ታን አባጥ ከሰያ ላኡ ደኤቱዋ በኤድ

1 ሄዋጥ ጉይያን፣ እት ደኤይ አባጥ ከሰሸን፣ ታን በኤድ። አው ታሙ ካጪነ ላፕ ሁጲ ደኤ፤

12:10 እዮባ 1:9-11፤ ዛካ. 3:1 12:14 ዳኤላ 7:25፤ 12:7 13:1 ዳኤላ 7:3፤ ሳፍ 17:3፣ 7-12 13:2 ዳኤላ 7:4-6 13:5 ዳኤላ 7:8፣ 25፤ 11:36 13:7 ዳኤላ 7:21 13:8 ማዘ. 69:28 13:10 ኤር. 15:2፤ 43:11

16 አሳይ ኡባይ ዋጋይን ቁራይ፣ ማንቁን ዱሪ፣ ሞማኑን አይሊ ባረ ኡቸቻ ኩቸያን ዋይ ባረ ዳሙዋን ማላ ዋላዳዳን፣ ሄ ላኤንሶ ደአይ ጎዳቲዳ።

17 ሄ ደአ ሱንሳይ ዋይ አ ሱንሳ ፓይዱ ደአያ ማላይ ባይና አሳይ ኦንን ዛልአናውን ሻማናው ዳንዳየና።

18 አዲዳ ኤራተላይ ሀዋን ደአ። ኤራይ ደአያ ኦንን ሄ ደአ ፓይዱዋ ብለላ ኤር፣ እያው ጎፕ፣ ሄ ፓይዱ እት አሳ ሱንሳ። አ ፓይዱ ኡሱፑን ጴጥን ኡሱፑን ታማን ኡሱፑና።

### 14

ታን ደርሳን 144,000 አሳቱዋ በአድ

1 ሄዋፕ ጉይያን፣ ታን በአድ። በአተ፣ ደርሳይ ጸዮን ደርያ ቦላ ኤቁዳ። አ ሱንሳይን አ እቡ ሱንሳይ ዳሙዋን ጸፈቲዳ፣ እት ጴጥን ኦይታማን ኦይዱ ሻአ አሳቱ እናና እትፕ ደአና።

2 ሳሉዋፕ ኩንሶ ሃላ ጉንሳን ዳዳ ጉንሳ ማላትያ ዋልቃማ ኮሻ ታን ሰሳድ። ቃይ ታን ሰሴዳ ኮሻይ ዲላ ዲጽያዋንቱ ባረንቱ ዲላ ዲጽና ሰሰትያ ኮሻ ማላቲ።

3 እት ጴጥን ኦይታማን ኦይዱ ሻአ አሳቱ ካውተላ ኦይድያ ሰንሳን፣ ኦይዱ ፓጾ ደአያ ሙታቱዋ ሰንሳንን ጭማቱዋ ሰንሳንን ኤቁድና። ሳአፕ ዋዘቲዳ ኤንቱንቱፕ አትን፣ ሀራይ ኦንን ታማራናው ዳንዳየና ኦራሳ ማዘሙርያ የጴድና።

4 ሀዋንቱ ጌሻ አሳቱዋ ግድያ ድራው፣ ማጫዋንቱና ጋከቲደ ባረና ቱንሰበይክና። ደርሳይ \* ብያሳ ኡባ ኤንቱንቱ ካሊና። ኤንቱንቱ ጸሳውን ደርሳው ባይራ ግዳናው፣ ሳአ አሳ ግደፕ ዋዘቲዳዋንታ።

5 ኤንቱንቱ ኡባካ ዋርደት ኤርክና፣ ኤንቱንቱን ባይዙ ባዋ።

ታን ጸሳ ኪታንቻ በአድ

6 ሳአን ደአያ አሳ ኡባው፣ ዛርያ ኡባው፣ ቆሙዋ ኡባው፣ ዲማ ዲማ ቢታ ቃላ ኡባውን ያራ ኡባው ሙድና ዋንጋላ ሞሽራቹዋ አዋያናው፣ ቦላ ሳሉዋን ፓልያ ሀራ ኪታንቻ ታን በአድ።

7 ሄ ኪታንቻይ ባረ ቃላ ቶቁ ኦሊድ፣ “ጸሳው ያይተ፣ አ ቦንቶተ። እያው ጎፕ፣ ሳአ አሳ አ ፕርድያ ሳቲ ጋኬዳ። ሳሉዋ፣ ሳአ፣ አባን ሃላ ፑልቱዋ ሙድዳ ጸሳው ጎይንተ” ያጌዳ።

8 ሀራ ላኤንሶ ኪታንቻይ፣ “ዋልቃማ ባብሎና ኩንዳዳ፣ እዛ ኩንዳዳ ጋሱንካ አሳ ዛርያ ኡባ ኢታ ኡሱዋ ኦሰሰያ ድራሳ” ያጌደ፣ ኮይሮ ኪታንቻ ካሌዳ።

9 ሄዘንሶ ኪታንቻይ ባረ ኮሻ ቶቁ ኦሊድ፣ ሀዋዳን ያጌደ፣ ኮይሮ ላኤ ኪታንቻቱዋ ካሌዳ፣ “ደአውን አ ሞሰለው ጎይንያ ኦንን

ቃይ አ ማላ ባረ ዳሙዋን ዋይ ባረ ኩቸያን ዋሳያ ኦንን ደአፕ።

10 ጸሳይ ባረ ዋልቃማ ሀንቁዋ ቡርጩኩዋን ኩንሴዳ ሀንቁዋ ዋይንያ ኤሳ አ ኡሻና። ሄዋ ኡሴዳ ኡባይ ጌሻ ኪታንቻቱዋ ሰንሳንን ደርሳ ሰንሳን፣ ታማንን ኤጽያ ዲንያን ፓጾ ካኤታና።

11 ኤንቱንታ ፓጾ ካእያ ታማ ጩዋይ ሙድ ሙድናው ጩዋታና። ደአውን ሄ ደአ ሞሰለው ጎይንያ ኦሰን ቃይ ሄ ደአ ሱንሳ ማላታና ደአያ ኦሰን ቃማን ጋላሰ ሸሞፑ ባዋ” ያጌዳ።

12 ጸሳው እዛዘትያን የሱሳው እማንትያ ጌሻቱ ዳንዳይያ ዳንዳይይ ሀዋና።

13 ሄዋፕ ጉይያን ሳሉዋፕ፣ “ሀዋ ጸፋ፣ ሀዋፕ ሰንሳው ጎዳን ሀይቂያዋንቱ እንጅቲዳዋንታ” ያግያ ኮሻ ታን ሰሳድ።

አያናይ፣ “ቱማ፣ ኤንቱንቱ ባረንቱ ዳቡራፕ ሸምፓና፣ እያው ጎፕ፣ ኤንቱንቱ ሎኦ ኪታው፣ ጸሳይ ሎኤዋን ዛራና” ያጌ።

ታን ቆይቻ ዋድያ በአድ

14 ቃይካ ታን በአድ። በአተ፣ ቦላ ሻሪ ደኤ። ሻርያ ቦላን አሳ ናአ ማላትያዋ ኡቲዳ፣ አ ሀ-ጲያን ዋርቃ ካላቻይ፣ ቃይ አ ኩቸያን ቃራ ባጫይ ደኤ።

15 ሀራ ኪታንቻይ ጌሻ ጎልያፕ ከሲደ፣ ሻርያ ቦላን ኡቲዳዋ ባረ ቃላ ቶቁ ኦሊድ፣ “ቆይቻ ሳቲ ጋኬዳ ድራው፣ ነ ባጫ የዳደ ካላ ቆይጫ፣ እያው ጎፕ፣ ሳአ ካላይ ሙሌዳ” ያጌዳ።

16 ሻርያ ቦላን ኡቲዳዋ፣ ባረ ባጫ ሳአ የዲደ፣ ሳአ ካላ ጫኬዳ።

17 ቃይካ ሳሉዋን ደአያ ጌሻ ጎልያፕ ሀራ ኪታንቻይ ከሴዳ፣ አውካ ኩሳ ባጫይ ደኤ።

18 ታማው ካፕ ግዴዳ ሀራ ኪታንቻይ ያርሽያ ሳፕ ከሲደ፣ ኩሳ ባጫይ ደአያ ኪታንቻው ባረ ቃላ ቶቁ ኦሊድ፣ “ዋይንያ አይፊ ቲሬዳ ድራው፣ ነ ኩሳ ባጫ የዳደ፣ ሳአን ደአያ ዋይንያ ቱራፕ ሆንዶዳ አይፍያ ቃንጸ!” ያጌዳ።

19 ሄ ኪታንቻይ ባረ ባጫ ሳአ የዲደ፣ ሳአን ደአያ ዋይንያፕ ሆንዶዳ አይፍያ ቃንጸዳ፣ ጸሳ ዋልቃማ ሀንቁዋ ሄ ዋይንያ ጉምእያ ኦላን የጌዳ።

20 ካታማፕ ጋጽን ደአያ ዋይንያ አይፍያ ጉምእያ ኦላን ዋይንያ አይፊ ጉምኤቲ። ሱሳይ ከሲደ፣ ሄ ዋይንያ ጉምእያ ኦላፕ ሄዙ ጴቱ ኪሎ ሚትርያ ኬና ሃኪደ፣ ፓራው ፑሉዋ ጋክያዋ ኬና ቶቁ ጌደ ኤሌዳ።

### 15

ታን ቡርጩኩዋ አባ ቤአድ

1 ታን ሳሉዋን ሀራ ዋልቃማን ማላልሰያ ማላ በአድ። ጸሳ ሀንቁ ኤንቱንቱ ቦላን

14:1 ሀዘ. 9:4፣ ሳፍ 7:3 \* 14:4 ደርሳ- የሱሳው እመቲዳ ሱንሳ። 14:5 ሶር. 3:13 14:8 አሳ. 21:9፣ ኤር. 51:8፣ ሳፍ 18:2 14:10 አሳ. 51:17፣ ደሙላ 19:24፣ ሀዘ. 38:22 14:11 አሳ. 34:10 14:14 ዳላ 7:13 14:15 አይ. 3:13 14:20 አሳ. 63:3፣ ሴላ 1:15፣ ሳፍ 19:15

ፖለቲያ ድራው። ወርሰሳ ላፑ ቦሻና ደእያ ላፑ ኪታጎቻቱ ደእኖ።

2 ቃይካ ታጎ ቡርጩኩዋ አባ ማላትያዋ ታማና ዋላከቴዳዋ በእድ። ቃይ ደእ፤ አ ሞሰልያነ አ ሱጎሳ ፓይዲዋ ጸኔዳዋንታ በእድ። ጸሳይ ኡንቱንቶ እሜዳ ዲላቱዋ ኦይቁድ፤ ቡርጩኩዋ ማላትያ አባ ማታጎ ኡንቱንቱ ኤቁድኖ።

3 ኡንቱንቱ፤ ጸሳ ኦሳጎቻ ሙሴ ማዝሙርያነ ደርሳ ማዝሙርያ ሀዋዳጎ የጹድኖ።

“ጎዳው፤ ኡባፕ ዋልቃማ ጸሳው፤ ጎ ኪታይ ግጎን ማላልሰያዋ።

አሳ ዛርያ ኡባ ካተው፤ ጎ ኦጊ ጽሉዋጎ ቱሙዋ።

4 ጎዳው፤ ነው ያየናዌጎ ጎ ሱጎሳ ቦንቹናዌ እኔ? አያው ጎፕ፤ ጌሻይ ነ ጸላላ።

አሳ ዛርያ ኡባይ ዪድ፤ ጎ ሰንላጎ ጎይናኛ፤ አያው ጎፕ፤ ነ ጽሎ ኪታይ ኡባው ቆንጩዳ”

ያጊደ የጸድኖ።

ላፑ ቦሻና ደእያ ላፑ ኪታጎቻቱዋ

5 ሄዋፕ ጉይያጎ፤ ታጎ ሳሉዋጎ ደእያ ጌሻ ጎሊ ደየቶዋ ሄዌካ ማርካተላ ዲንካንያ በእድ።

6 ላፑ ቦሻና ደእያ ላፑ ኪታጎቻቱ ጌሻ ጎልያፕ ከሱድኖ። ኡንቱንቱ ጳሊደ ቦጽያ ላይኑዋ ማዩዋ ማዬድኖ፤ ባረንቱ ትራ ዋርቃ ዳንጩዋን የሽ አሊደ ቃቻድኖ።

7 ደኡዋጎ ደእያ ኦይዱ መፓታቱዋፕ እቱ፤ መቋ መቋናው ጋካናው ደእያ ጸሳ ሀንቁ ኩሜዳ ላፑ ዋርቃ ከረቱዋ ላፑ ኪታጎቻቶ እሜዳ።

8 ጸሳ ቦንቹዋፕጎ አ ዋልቃፕ ዬዳ ጩዋይ ጌሻ ጎልያ ኩሜዳ። ላፑ ኪታጎቻቱ አሄዳ ላፑ ቦሻቱ ፖለታና ጋካናው፤ ጌሻ ጎልያ ኦንጎ ገላናው ዳንዳይቤና።

### 16

ጸሳ ሀንቁ ኩሜዳ ከረቱዋ

1 ሄዋፕ ጉይያጎ፤ ላፑ ኪታጎቻቶ፤ “ቢደ ጸሳ ሀንቁዋ ላፑ ከርያፕ ሳኢን ጉሰተ” ያጊደ፤ ጌሻ ጎልያፕ ሃሳይያ ዋልቃማ ኮሻ ታጎ ሰሳድ።

2 ኮይር ኪታጎቻይ ቢደ፤ ባረ ከርያጎ ደእያዋ ሳኢን ጉሰና፤ ደኢ ማላይ ደእያዋንቱ ቦላን ሄ ደኢ ሞሰለው ጎይንያዋንቱ ቦላ ሎይላ ሳክያ ማይላ ከሱዳ።

3 ላኢንላ ኪታጎቻይ ባረ ከርያጎ ደእያዋ አባጎ ጉሰና አባ ሃሳይ ሀይቁዳ አሳ ሱላ ማላቱዳ። ቃይ አባጎ ደእያ መፓታ ኡባይካ ሀይቁ አኔዳ።

4 ሄዘንላ ኪታጎቻይ ባረ ከርያጎ ደእያዋ ሻፋቱዋጎን ፑልታቱዋን ጉሰና ኡንቱንቱ ሱላ ግዴድኖ።

5 ሃላው አዋትያ ኪታጎቻይ ሀዋዳጎ ያግያዋ፤ ታጎ ሰሳድ፤

“ካሰካ ሀእካ ደእያ ጎዳው፤ ጌሻው፤ ሀ ፕርዳ ፕርዳዳ ድራው፤ ኔን ጽሉዋ።

6 ኡንቱንቱ ጌሻቱዋ ሱላጎ፤ ናባቱዋ ሱላ ጉሴዳ ድራው፤ ኔን ኡንቱንታ ኡሻናው፤ ሱላ ኡንቱንቶ እማዳ።

ኡንቱንቱ ባረንቶ፤ በሰያዋ እኬድኖ”

ያጌዳ።

7 ያርሹዋ ያርሹያ ሳፕ፤ “ጎዳው፤ ኡባፕ ዋልቃማ ጸሳው፤ ጎ ፕርዳይ ቱሙዋጎ ጽሉዋ!”

ያግያ ኮሻ ታጎ ሰሳድ።

8 ኦይደንላ ኪታጎቻይ ባረ ከርያጎ ደእያዋ አዋይፍያ ቦላን ጉሰና ባረ ታማ ሴላን አሳ ጉዳናው፤ አዋይፈው ማታይ እመቱዳ።

9 አሳይ ዋልቃማ ሴላን ጉደቲደ ሀ ባሻቱዋ ቦላን ማታይ ደእያ ጸሳ ሱጎሳ ቦራዳ። ሽን ባረ ናጋራፕ ሰምቤናጎ ጸሳ ግጎተላካ ቦንቹቤና።

10 እቼሽንላ ኪታጎቻይ ባረ ከርያጎ ደእያዋ ደኢ ካውተላ ኦይድያ ቦላ ጉሰና፤ ሄ ደኢ ካውተላይ ቋሜዳ። አሳይ ባረ ሴላ ድራው፤ ባረ እንጸርሳ ሳኤዳ።

11 ቃይ ካሳይ ባረ ሴላ ድራውጎ ባረ ማይላ ድራው ሳሉዋ ጸሳ ሸቁዳ። ሽን ባረ ኦፊዳ ናጋራፕ ሰምቤና።

12 ኡሱፑንላ ኪታጎቻይ ባረ ከርያጎ ደእያዋ ዋጋ ኤፍራጺሳ ጌተትያ ሻፋን ጉሰና አዋይ ደልያ ባጋፕ ያና ካታቶ ኦጊ ጊጋናዳጎ፤ ሃሳይ መሴዳ።

13 ሄዋፕ ጉይያጎ፤ ታጎ ሼዲያ ማላትያ ሄዙ ቱና አያናቱ ዳዊያ ደናፕ፤ ዱኢ ደናፕጎ ዋርዲዋ ትምቢትያ ኦድያዋ ደናፕ ከሰሽን በእድ።

14 ኡንቱንቱ ማላቱዋ ኦልያ ጸላሀቱዋ አያናቱዋ። ሄ ሄዙ ኢታ አያናቱ ኡባፕ ዋልቃማ ጸሳ ዋልቃማ ጋላሳጎ፤ ሳኢ ካታቱዋ ኡባ ኦላው ሽሻናው ባና።

15 “በእ፤ ታጎ ካይሱዋዳን ያና። አሳ ሰንላጎ ካሎ ሀመቲደ ዬላተና ማላ፤ ገምሳሽናጎ ባረ ማዩዋ ማዬደ ናግያ ኡራይ ኢንጃቱዳዋጎ” ያጌዳ።

16 ሄ ኢታ አያናቱ ካተቱዋ አብራይሰጸ ቃላን አርማገደና \* ጌተትያ ሳኢ ሸሼድኖ።

17 ላፑንላ ኪታጎቻይ ባረ ከርያጎ ደእያዋ ጫርኩዋን ጉሰና፤ ጌሻ ጎልያጎ ደእያ አራታፕ፤ “ፖለቱዳ” ያግያ ዋልቃማ ኮሻይ ዬዳ።

15:3 ከሳ 15:1 15:4 ኤር. 10:7፤ ማዘ. 86:9 15:5 ከሳ 38:21 15:8 ከሳ 40:34፤ 1 ካታ. 8:10-11፤ 2 ኦዲዋ 5:13-14፤ አሳ. 6:4 16:2 ከሳ 9:10 16:4 ከሳ 7:17-21፤ ማዘ. 78:44 16:10 ከሳ 10:21 16:12 አሳ. 11:15 \* 16:16 አርማገደና- ሀ ቃላው ኮይርት ደእያ አብራይሰጸያ መፓታይ፤ “ሀር-ማግደ” ያግያዋ ግዲደ፤ “ሀር-ማግደ” ግያዋ ደእያ ብላላይ፤ “ሜገደ-ዘዝያ” ያግያዋ። ሀዋ ጉሳይ በን ዋድያን አሳይ ጮራ ኦላ ላለቱዳ ሳኢ ጉሳ። 16:16 2 ካታ. 23:29፤ ዛካ. 12:11



18 ሃዋጥ ጉይያን፣ ዋልቃንሳይ ዋልቃሜዳ፤ ጉንሳይ ሰሰቴዳ፤ ጉጉንሳይካ ጉሜዳ። ቃይ ቢታይ ፓላ ቃላ ቃጼዳ። አሳይ ሳኣን መፀቶደገካ ቢታይ ሃዋ ማላ ቃላ ቃጽ ኤረና፤ ሃዋ ኡባጥ አዲዳ ቃላ።

19 ዋልቃሜ ካጉማይ ሄዙ ከሲይ ዛኤዳ። ቢታ ኡባን ደእያ ካጉማቱ ጳዬድና። ጸሳይ ዋልቃሜ ባብሎና ቆጥደ፣ ባረ ኢታ ሀንቁዋ ዋይንያ ኤሳይ ኩሜዳ ቡርጨኩዋጥ ዋይንያ ኤሳ ባብሎና ኡሼዳ።

20 አባን ደይቴዳ ቢታይ ኡባይ ጳዬዳ፤ ደሪካ ቤትቤና።

21 አሳ ቦላ ኦይታሙ ከሎ ከና ደጸያ ዋልቃሜ ሻቻይ ሳሉዋጥ ዋዴዳ። አሳይ ሄ ሻቻ ቦሻ ድራው፣ ጸሳ ቦራዳ፤ አያው ሳጥ፣ ቦሻይ ዳሮ ዋልቃሜ።

### 17

ባብሎን ቦላ ያና ሙራ

1 ሃዋጥ ጉይያን፣ ላፑ ከረቱ ደእያ ላፑ ኪታንቻቱዋጥ አቱ ታኮ ዪደ፣ ታና ሀዋዳን ያጌዳ፤ “ሃያ፤ ዳሮ ሻፋቱዋ ጋጸን ደእያ ዋሹዋም፣ ዋልቃሜ ካጉማታ፣ ዋና ሙረታንንቶ፣ ታን ኔና በሳና።

2 ሳኣን ደእያ ካጉታቱ እዝና ዋሹሜድና፤ ሳኣን ደእያ አሳይካ እዝ ዋይንያ ኤሳ ኡሽ ማላቲደ እዝና ዋሹሜዳ” ያጌዳ።

3 ሄ ኪታንቻይ ታና አያናን ባዙዋ አፊዳ። ሃዋን ታን እት ሞሽራቶ ቦርያ ሱንሳይ ቦላ ኡባን ጸፈት ኡቴዳ ዘኣ ደኣ ቶጌዳወኖ በኣድ፤ ሄ ደኣው ላፑ ሁጲያን ታሙ ካጨ ደኤ።

4 ሄ ሞሽራታ ቱራ ኦቻ ማላትያ ማዩዋን ዘኣ ማዩዋ ማያዳ፤ እዝ ቃይ ዋርቃን፣ ቦንቾ ሹቻንን እንቁዋ ጌተትያ አልኦ ሹቻን አሊቃዱ። እዝ ዋሹዋም ቱናባይን ሽነይያባይ ኩሜዳ ዋርቃ ቡርጨኩዋ ባረ ኩሽያን ኦይቃዱ።

5 እዝ ዳሙዋን ጸራ የወዋ ብለላይ ደእያ ሱንሳይ፣

“ዋልቃሜ ባብሎና፤ ሳኣን ደእያ ዋሹዋምዋንቶን ሳኣን ደእያ ሽነይያባወ አቶ”

ያግያዌ ጸፈት ኡቴዳ።

6 ቃይ ሄ ሞሽራታ ጌሻቱዋ ሱሳን የሱሳው ማርካትሽን ዋዴዳዋንቱ ሱሳ ኡሻደ ማላቲዳወኖ ታን በኣደ ማላለታድ።

7 ኪታንቻይ ታና፣ “ኔን አያው ሀዋዳን ማላለታዱ? ታን ነው ሞሽራት ጸራ የወዋን

እዝ ቶኬዳ ላፑ ሁጲያን ታሙ ካጨ ደእያ ዲኣ ጸራ የወዋ ኦዳና።

8 ኔን በኤዳ ደኣይ ካሰ ደኤ፤ ሽን ሀእ ባዋ። ሄ ደኣይ ጨዋ ኦላጥ ኤላ ከሰደ፣ ባሻው ባናዋ። አላሚ መፀቶደገ ደሚደ፣ ደኤዋ ማጸፋን ኡንቱንቱ ሱንሳይ ጸፈትቤና ሳኣን ደእያ አሳይ ደኣ በኢደ ማላለታና። አያው ሳጥ፣ እ ካሰ ደኤ፤ ሀእ ባዋ፤ ሽን ሰንሳጥ ያናዋ።

9 “ሀዋ አዲዳ ኤራተላን እኬካ ኮዬ። ላፑ ሁጲ ሞሽራታ ኡትያ ላፑ ደረቱዋ፤ ሃዋንቱ ቃይ ላፑ ካጉታዋ።

10 ኡንቱንቱጥ እቼሹ ካጉታቱ ኩንዳድና። እቱ ሀእ ጋካናሰካ ሞዴ፤ የኮ ካቲ ይቤና። እ ዪደ፣ ጉሳ ዋድያ ታካናው በሴ።

11 ካሰ ደኤዳ ደኣይ፣ ሀእ ባይናዌ፣ እ ባረ ሁጲወ ሆሰፑንሳ ዲኣ። እ ላፑ ደኣቱዋጥ እቱዋ፤ እ ጳያናው ቤ።

12 “ኔን በኤዳ ታሙ ካጨቱ ሞዳናው ደምቤና ታሙ ካተቱዋ። ሽን ኡንቱንቱ ደኣና እትጥ እት ሳተወ ካተቱዋዳን ሞዳናው ኡንቱንቶ ማታይ እመታና።

13 ኡንቱንቶ ኡባወ እት ቆፋይ ደኤ፤ ኡንቱንቱ ባረንቱ ዋልቃን ባረንቱ ማታ ደኣው እማና።

14 ኡንቱንቱ ደርሳና ኦለታና፤ ሽን ደርሳይን ደርሳና ደእያዋንቱ፣ እ ጸጌዳዋንቱ፣ ደራዳዋንቱ፣ እ ካልያ አማንቱዳዋንቱ፣ ሄ ካተቱዋ ጸናና፤ እያው ሳጥ፣ እ ኅዳቱዋ ኅዳን ካተቱዋ ካትያ” ያጌዳ።

15 ኪታንቻይ ቃይካ ታና ሀዋዳን ያጌዳ፤ “ጨራታ ኡቴዳ ሄ ኔን በኤዳ ሃሳይ ያራቱዋ፣ ጮራ አሳ፣ አሳ ዛራቱዋን ዲማ ዲማ ቢታ ቃላ።

16 ቃይ ኔን በኤዳ ታሙ ካጨን ደኣይ ዋሹመወኖ እጸናዋንታ። ኡንቱንቱ እዝወ ደእያ ኡባባ አክ ድጋና። ቃይ እዝ ካሎ አሻናን እዝ እሹዋ ሞ ድጋና፤ ያቲደ ኡንቱንቱ እዝ ታማን ጉዳና።

17 አያው ሳጥ፣ ጸሳ ቃላይ ቱማታና ጋካናው፣ ኡንቱንቱ ቆፋይ እቱዋ ግዳናዳን፣ ኡንቱንቱ ባረንቱ ዋድያ ዋልቃ ደኣው እማናዳንን ጸሳይ ቆጌዳዋ ኡንቱንቱ ኦሳናዳን፣ ኡንቱንቱ ዋዛናን ጸሳይ እሙዋ ዋሴዳ።

18 “ሄ ኔን በኤዳ ሞሽራታ ሳኣ ካተቱዋ ሞድያ ዋልቃሜ ካጉማቶ” ያጌዳ።

### 18

ባብሎን ኩንደላ

1 ሃዋጥ ጉይያን፣ ዋልቃሜ ማታይ ደእያ ሀራ ኪታንቻይ ሳሉዋጥ ዋድሽን፣ ታን በኣድ። ሄ ኪታንቻ ቦንቾ ሳኣ ፖኣሴዳ።

2 ሄ ኪታንቻይ ባረ ኮሻ ቶቁ ኦሊደ፣ “እዝ ኩንዳዱ!

ዋልቃሜ ባብሎና ኩንዳዱ!

16:19 ኢሳ. 51:17 16:21 ከሳ 9:23፤ ሳፃ 11:19 17:2 ኢሳ. 23:17፤ ኤር. 51:7 17:4 ኤር. 51:7 17:8 ዳኤላ 7:7፤ ሳፃ 11:7፤ ማዚ. 69:28 17:12 ዳኤላ 7:24 18:2 ኢሳ. 13:21፤ 21:9፤ ኤር. 50:39፤ 51:8፤ ሳፃ 14:8

ባብሎና ጸላሀቱ አቅያሳ ግዳዲ፤  
 ኢታ አያናቱ ኡባቱነ፤  
 እጸትያ ኢታ ካፋቱ ኡባቱ እን ደአና።  
 3 እያወ ጎጥ፣ አሳ ዘርያ ኡባ፤  
 ባረ ማላይያ ዎይንያ ኡሳ ኡሸና፤  
 እዝና ዎሹሚድና።  
 ቃይካ ሳእ ካታቱ።  
 እዝና ዎሹሚድና።  
 እዝ እሻሎ ዎልቃ ጋሱዎን፤  
 ሳእን ደእያ ዘልእንቻቱ ዱረቴድና።

ያጌዳ።።  
 4 ሄዋጥ ጉይያን፤  
 ታን ሳሉዋጥ፤  
 ሀዋዳን ያግያ ሀራ ኮሻ ሰሳድ፤  
 “ታ አሳወ፣ አፕ ከሰተ!  
 እዝ ናጋራ እዝና ኮጸጥተ!

እዝ ሙራ ግሸቶጥተ።  
 5 እያወ ጎጥ፣ እዝ ናጋራይ፤  
 ሳሉዋ ጋካናወ ደረት ኡቱዳ።  
 ጸሳይ እዝ ኢታ ባይዙዋ፣ ሀሳይዳ።  
 6 እዛ እሚዳዋ ኬና ዛሪድ፤  
 እዝወ እምተ። እዛ አሌዳዎ፤  
 ላኡ ኩሸያ እዝወ ቃንጸተ።  
 እዛ ሀንተንቶ ጊግሴዳ ኡሻፕ፤  
 ላኡ ኩሸያ ኡሻ፤  
 እዝ ቡርጨኩዋ ኩንሰተ።

7 እዛ ቦንቱዳዋን፤  
 እሻሌዳዋ ኬና፤  
 እዝ ቱጋይተን ካዮይተ።  
 እዛ ባረ ዎዛናን፤  
 “ታን ካታቲዳን ኡታይ፤  
 ታን አሰናይ ባይና ማጫወኖ ግድክ፤  
 ቃይ ኡባካ ካዮትከን ያጋወ።

8 ሄዋ ድራወ፣ እዝ ቦሻ ኡባይ፤  
 ሀርጌ፣ ካይን ኮሻይ፤  
 እዝ እት ጋላሰ አይቃና።  
 ቃይ እዛ ታማን ጉይታና፤  
 እያወ ጎጥ፣  
 እዝ ቦላ ፕርድያ ጎዳ ጸሳይ፣ ዎልቃማ።

ያጌዳ።።  
 9 ሳእ ካታቱ፣ እዝና ዎሹሚደ  
 እሻሌዳዋንቱ ሄ ካታማታ ጉደትና፣ ከሰያ  
 ጨዋ በኤዳ ዎድ፣ ካታማትወ ኡንቱንቱ  
 ዎሳናን ዬካና።

10 ኡንቱንቱ ሄ ካታማት ኡጋወ ያዬዳ  
 ድራወ፣ ሃክ ኤቁድ፣ “ሀ ዎልቃማ ካታማቱ!  
 ዎልቃማ ካታማቱ! ባብሎኔ፣ ነወ አዬር!  
 ኔን እይ ማላ ቱጋታላሻ። ኔን እት ሳትያ ግደን  
 ነ ፕርዳ እካዳ” ያጋና።

11 ኡንቱንቱ ማርካብያ ጫና ሀዋጥ  
 ሰንፋናወ ሻምያባይ ባይና ድራወ፣ ሳእን ደእያ  
 ዘልእንቻቱ ሄ ካታማትወ ዎሳናን ካዮታና።

12 ኡንቱንቱ ዎርቃ፣ ብራ፣ ቦንቾ ሹቻ፣  
 እንቁዋ ጌተትያ አልኦ ሹቻ፣ ቱራ ኦቻ ማላትያ

ማዩዋ፣ ሱፍያ ማላ ማዩዋ፣ ሀርያ ጌተትያ  
 ማዩዋ፣ ዘኦ ማዩዋ፣ ኡባ ቆዋ ሳዊያ ሞላ፣ ኡባ  
 ቆሙዋን ኡሌዳ ዳንጋርሳ አቻ፣ አልኦ ሞላፕ  
 መጠቱዳባ፣ ናሃሰያ፣ ብራታ፣ እብነበረድያ  
 ጌተትያ ሹቻ።

13 ቃራፋ፣ ቅማምያ፣ እጻና፣ ሸቱዋ፣ ሳዊያ  
 እጻና ጁልያ፣ ዎይንያ ኤሳ፣ ዎጋራ ዛይትያ፣  
 ለቁዳ ጁልያ፣ ዛርጋ፣ ሚዛ፣ ደርሳ፣ ፓራነ  
 ፓራይ ጎቻያ ጋርያ፣ ኡንቱንቱ አይለቱዋን ሀራይ  
 አቶ አሳ ሸምፑን ሻምያባይካ ባዋ።

14 ዘልእንቻቱ ሞሸራትወ፤  
 “ኔን አዎቲዳ፤  
 ሎኦባይ ኡባይ ኔፕ ሀል ድጌዳ።  
 ነ ደኡ፤  
 አለቀትያባይ ኡባይ ጳይድጌዳ።  
 ኔን ላኤንሉ ኡንቱንታ ኡባካ ደማካ።”

ያጌዳና።።  
 15 ሄ ካታማትን ዘልኢደ ዱረቴዳ  
 ዘልእንቻቱ እዝ ኡጋወ ያዩደ፣ አፕ ሃኪደ  
 ኤቃና። ኡንቱንቱ ዬካናን ካዮታና።

16 ቃይ፤  
 “ሱፍያ ጌተትያ፤  
 ክርያን ዳይቲዳ ማዩዋ፤  
 ቲራ ኦቻ ማላትያ፤  
 ማዩዋን ዘኦ ማዩዋ ማያደ፤  
 ዎርቃ አለቁዋን፤  
 ቦንቾ ሹቻን፤  
 እንቁዋ ጌተትያ አልኦ ሹቻን አለቁዳ፤  
 ሄ ዎልቃማ ካታማትወ አዬር!

17 ሀዋ ኬና ዎልቃማ ማጸ ኡባይ፤  
 እት ሳትያ ግደን፣ ድፕ ግ ጳይ አጌዳ።”  
 ያጌዳና።።

ማርካብያ ላግያ ኡባቱ፣ ማርካብያን ብያ  
 ኡባቱ፣ ማርካብያን ኡሰያ ኡባቱን አባን ኡሰ  
 ጎኤትያ ኡባቱ ሃክ ኤቁድና።

18 ሄ ካታማት ጉደትና ከሰያ ጨዋ በኤዳ  
 ዎደ ባረንቱ ኮሻ ጶቁ አሊደ፣ “ሀ ዎልቃማ  
 ካታማቶ ማላትያ ካታማይ ኡባካ ባዋ”  
 ያጌዳና።።

19 ኡንቱንቱ ባረንቱ ሀጲያን ባና ቆሊደ፣  
 ዎሴድናን ካዮቲድና፤  
 “አባን ማርካባቱ ደእያ ኡባ፤  
 ባረ ማቁዋን ዱረዬዳ፤  
 ዎልቃማ ካታማትወ አዬር!  
 ቃይ እዝወ ደእያባይ ኡባይ  
 እት ሳትያ ግደን ጳይ አጌዳ።”

20 ሄ ካታማት ጳይዳ ድራወ፣  
 ሳሎ፣ ናሸታ!

ጌሻቶ፣ የሱሰ ክቲዳዋንቶ፣  
 ናባቶ፣ ናሸተተ!  
 እያወ ጎጥ፣  
 እዝ ሀንተንታ ኡሌዳዎ ድራወ፣  
 ጸሳይ እዝ ፕርዳዳ።” ያጌዳ።።

21 ሄዋጥ ጉይያን፤

18:3 እሳ. 23:17፤ ኤር. 51:7 18:5 ደወላ 18:20-21፤ ኤር. 51:9 18:6 ማዝ. 137:8፤ ኤር. 50:29  
 18:7 እሳ. 47:7-9 18:9 ህዝ. 26:16-17 18:11 ህዝ. 27:31፣ 36 18:12 ህዝ. 27:12፣ 13፣ 22  
 18:15 ህዝ. 27:31፣ 36 18:17 እሳ. 23:14፤ ህዝ. 27:26-30 18:18 ህዝ. 27:32 18:19 ህዝ.  
 27:30-34 18:20 ዛረ. 32:43፤ ኤር. 51:48

ዋልቃማ ኪታንቻይ፤  
 ዋጸ ማላትያ ዋልቃማ ሹቻ፤  
 ደንሳ አባን ኦሊደ ሀዋዳን ያጌዳ፤  
 “ዋልቃማ ካታማታ፤  
 ባብሎና፤ ሱግና ሀዋዳን ኩንዳና፤  
 ላዛ ሀቼ፣ ሰንሳጣ፤ ኡባካ ቤቱኩ።”  
 22 ዲሳ ዲጽያዋንቱ፤  
 ማዘሙርያ የጸያዋንቱ፤  
 ሱሱልያን ማላካታ ፑንያዋንቱ፤  
 ከሻይ ሀዋ፣ ሀን ባገን፤  
 ነ ግደን ኡባካ ሰሰተና።  
 ኩሽያ ሂላ ኤርያ ኦን፤  
 ላኢንሎ ኡባካ ደኤና።  
 ዋጸ ከሻይካ  
 ሀዋ፣ ሰንሳጣ ነ ግደን ሰሰተና።  
 23 ጸምጥያ ፖኡካ ላኢንሎዋ ነ ግደን ፖኤና።  
 እክያዋ ከሻይ፤ ገለጫን ከሻይ፤  
 ሰንሳጣ ነ ግደን ሰሰተና።  
 ነ ዘልእንቻቱ ሳእ ኡባን፤  
 ኤረቱዳ ዋልቃማቱዋ።  
 ነ ብትያዋን አሳ ዘርያ ኡባይ  
 ጭመቱዳ።  
 24 ናባቱዋ ሱሳይ፤  
 ጌሻቱዋ ሱሳይ፤  
 ሳእን ሀይቄዳ ኡባቱዋ ሱሳይ፤  
 እዘን ቤቱዳ ድራጫ።  
 ባብሎና፤ ሙረታዳ”  
 ያጌዳ።

### 19

1 ሄዋ፣ ጉይያን፤ ሳሉዋን ጮራ አሳ  
 ከሻዳን ኮሹምያ ዋልቃማ ከሻይ ሀዋዳን  
 ያግያዋ ታን ሰሳድ፤  
 “ጸሳ ጋላታይ ገኩ።  
 አቶተሳይ፤ ቦንቹን ዋልቃይ፤  
 ኑ ጸሳሳ።”  
 2 እ ፕርዳይ ቱሙዋን ጽሉዋ።  
 ጫራታደ ሳእ ቱንሴዳ፤  
 ዋልቃማ ጫራቶ ጸሳይ ፕርዳዳ፤  
 ጸሳ ኦሳንቻቱዋ እዛ ዋዴዳ ድራጫ።  
 ጸሳይ እዘ ሙራዳ”  
 ያጌዳ።  
 3 አሳይ ላኢንሎዋ ባረ ከሻ ዶቁ ኦሊደ፤  
 “ጸሳ ጋላታይ ገኩ።  
 ሄ ካታማታ መጵ መጵናጫ ጩዋታና”  
 ያጌድና።  
 4 ላታማን ላይዱ ጭማቱን ሸምጥዋና ደእያ  
 ላይዱ መጋታቱ ካጫተላ ላይድያን ኡቱዳ  
 ጸሳጫ ጉፋኒደ፤ “እመንእ። ጸሳ ጋላታይ ገኩ”  
 ያጌደ ጎይኔድና።  
 ደርሳ ቡላቻጫ ጸሰያ ጸሳ  
 5 ሄዋ፣ ጉይያን፤  
 “ጸሳ እይላቱ ኡባይ፤  
 ጸሳጫ ያይያ ጉሳይ፤

ደረ ኡባይ ኑ ጸሳ ጋላትተ”  
 ያግያ ከሻይ ካጫተላ ላይድያ፣ ስሴዳ።  
 6 ሄዋ፣ ጉይያን፤ ጮራ አሳዳን ኮሹምያ፤  
 ዋልቃማ ሻፋዳን ጉምያ፤ ዋልቃማ ጉጉንላዳን  
 ጉጉምያ ከሻ ታን ሰሳድ። ሄ ከሻይ፤  
 “ጸሳ ጋላታይ ገኩ።  
 እያጫ ጎፕ፤ ኑ ጎዳይ፤  
 ኡባ፣ ዋልቃማ ጸሳይ ካጫቱዳ።  
 7 ደርሳ ቡላቻ ጋላሳይ ጋኬዳ ድራጫ፤  
 ገለጫናካ ቡላቻጫ ባረና ገግሴዳ  
 ድራጫ፤  
 ኑን ፓሽኮይተን ናሽቶይተ፤  
 ቃይ ደርሳ ቦንቹይተ።  
 8 ገለጫንጫ ማያና፤  
 ሱፍያ ጌተትያ ክርያን ዳይቲዳ፤  
 ጸልያ ቦላ ማዩ እመቲዳ።  
 ሱፍያ ጌተትያ ክርያን ዳይቲዳ ማዩ፤  
 ጌሻቱዋ ጽሎ ኦሱዋ”  
 ያግያዋ፤ ታን ሰሳድ።  
 9 ሄዋ፣ ጉይያን፤ ኪታንቻይ ታና፤ “ ደርሳ  
 ቡላቻጫ ጸሰቲዳዋንቱ እንጀቲዳዋንታ” ያጋይ  
 ጸፋ” ያጌዳ። ሄ ኪታንቻይ ቃይካ ታና፤ “ሀዋ  
 ጸሳ ቱሙ ቃላ” ያጌዳ።  
 10 ሄዋ፣ ጉይ ያን እጫ ጎይናናጫ እ  
 ገድያን ኩንዳድ። ሸን እ ታና፤ “ሄዋ ኦላፓ።  
 ታን ነ ማላን የሱሰ ኡንቱንቶ ቆንጭሴዳ  
 ቱማተላ ላይቄዳ ነ እሻቱዋ ኡባ ማላ ላይልያ።  
 ጸሳጫ ጎይና። እያጫ ጎፕ፤ የሱሰ ቆንጭሴዳ  
 ቱማተላይ ትምቢትያ ኦድያዋ ደንጋልያዋ”  
 ያጌዳ።  
 ቦላ ፓራ ቶጌዳዋ  
 11 ያትና፤ ሳሉ ደየቲዳዋ ታን ቦእድ። ሄዋን  
 ቦላ ፓራይ ደኤ፤ ሄ ፓራ ቶጌዳዋ እማንትያዋን  
 ቱማንቻ ገደ ጸሰቲ። ቶጌዳዋ ጽሎተላን  
 ፕርዳይ ባረ ኦላካ ኦሊቲ።  
 12 እ አይሬ ታማ ላጩዋ ማላቲ፤ ቃይ እ  
 ባረ ሀጺያን ደር ካላቻ ዋሌዳ። እ ቦላ ጸፊት  
 ኡቲዳ ሱንሳይ ደኤ፤ ሸን ሄ ሱንሳይ እየንቶን  
 አፕ አትን፤ ኦን ኤረና።  
 13 እ ማዩዳ ማዩ ቡላን ናቂ ከሴዳዋ። እ  
 ሱንሳይካ ጸሳ ቃላ።  
 14 ሳሉዋ ዋታዳራቱ ቦላ ጌሻ ሱፍያ ጌተትያ  
 ክርያን ዳይቲዳ ማዩዋ ማዩደ፤ ቦላ ፓራቱዋ  
 ቶጌይ፤ እ ጌዱዋ ካለና።  
 15 እሳ ዘረሳ እ ጳይሰያ ኩሳ ማሻይ እ  
 ደና፣ ከሴ። ብራታ ጸምእን አሳ እ ሞድና።  
 ኡባ፣ ዋልቃማ ጸሳይ ባረ ሀንቁዋ ዋይንያ  
 ኤሳይ ጉምኤትያሳን፤ ጉምኤደ ቦሳና።  
 16 እ ማዩዋ ቦላን እ ዋድርያ ቦላ፤  
 “ካታቱዋ ካትያን ጎዳቱዋ ጎዳ” ያግያ ሱንሳይ  
 ጸፊት ኡቲዳ።  
 17 ሄዋ፣ ጉይያን፤ ታን እት ኪታንቻይ እዋን  
 ኤቄዳዋ ቦእድ። ሄ ኪታንቻይ ሳሉዋን ዶቂደ

18:21 ኤር. 51:63-64፤ ሀዘ. 26:21 18:22 ሀዘ. 26:13፤ አሳ. 24:8 18:22 ኤር. 7:34፤ 25:10  
 18:24 ኤር. 51:49 19:2 ዛረ. 32:43፤ 2 ካታ. 9:7 19:3 አሳ. 34:10 19:5 ማዘ. 115:13 19:6  
 ሀዘ. 1:24፤ ማዘ. 93:1፤ 97:1፤ 99:1 19:11 ሀዘ. 1:1፤ ማዘ. 96:13፤ አሳ. 11:4 19:12 ዳኤላ 10:6  
 19:15 ማዘ. 2:9፤ አሳ. 63:3፤ ኤጲ. 3:13፤ ሳፍ 14:20 19:17 ሀዘ. 39:17-20

ገልጾ ካፋዋ ኡባቶ ባረ ኮሻ ቋቁ ኦሊድ፡ “ሃ ዪተ፡፡ ጸሳ ካዋ እትሳ ሸቅተ፡፡

18 ዪደ ካታቱዋ እሹዋ፡ ሻላቃቱዋ እሹዋካ ዋታዳራቱዋ እሹዋ ሚተ፤ ፓራቱዋ እሹዋካ ፓራቱዋ ቶጌዳዋንቱ እሹዋካ ሚተ፤ ቃይ እሳ ኡባ እሹዋ እይልያዋን ዋማኑዋ፡ ቋቃዋን ሆካዋ ሚተ” ያጌዳ፡፡

19 ፓራ ቶጌዳዋንቱ እ ዋታዳራቱዋና ኦለታናዉ፡ ዶአይነ ሳኣ ካታቱ ቃይ ኡንቱንቱ ዋታዳራቱ እት ሳኣ ሸቅ ኡቴዳዋንታ ታን በኣድ፡፡

20 ሄ ዶአይ እ ሰንሳን ማላታ ኦሌዳ ዋርዶ ናብያና እትገ ላይቀቱዳ፡፡ ዶአ ማላይ ደእያዋንታን ዶአ ምሰለዉ ሳይኔዳዋንታ እ ባለሌዳዌ ሄ ኦሌያ ማላታቱዋና፡፡ ዶአይነ ዋርዶዋ ትምቢትያ ኦድያዌ ላኦቱካ ዲንያን ኤጽያ ታማ አባን ፓጸ የገቱድድ፡፡

21 ኡንቱንቱ ዋታዳራቱ ፓራ ቶጌዳዋ ድናገ ከሰያ ማሻን ሀይቄድና፡፡ ካፋቱ ኡባቱ ኡንቱንቱ እሹዋገገ ባረንቶ ዳንዳዬዳዋ ከና ሜድና፡፡

### 20

ሻእ ላይላ ካዉተላ

1 ጨዋ ኦላ ቁልገያን ዋልቃማ ሳንላላታ ባረ ኮሻን ላይቄዳ እት ኪታንቻይ ሳሉዋገገ ይያዋ ታን በኣድ፡፡

2 ኪታንቻይ ዳዌያ፡ ሄ በን ሸሻ፡ ጸላሀያ ካፈዋ ዋይ ሴጸና ግያዋ ኦይቄዳ፤ ያቴዶ ሻእ ላይላዉ ቃቹዳ፡፡

3 ኪታንቻይ ጨዋ ኦላን እ የጊደ፡ ሻእ ላይላይ ዉራናዉ፡ እሳ ዘረላ ላኤንሎዋ ባለተና ማላ፡ ሄ ጨዋ ኦላ ቁልገ ጎርዲደ አታሜዳ፡፡ ሄዋገገ ጉይያን፡ ዳዌ አማራዳ ዋድያ ብለታናዉ በሴ፡፡

4 ሄዋገገ ጉይያን፡ ታን አራታቱዋን ኡንቱንቱን ኡቴዳዋንታ በኣድ፤ ኡንቱንቶ ፕርድያ ማታይ እመቱዳ፡፡ የሱሰ ቆንጭሴዳ ቱሙዋን ጸሳ ቃላ አዋዬዳ ድራዉ፡ ባረንቱ ቆድያ ቃንጸቴዳ እሳ ሸምጉዋካ ታን በኣድ፡፡ ኡንቱንቱ ዶአዉ ዋይ ዶአ ምሰለዉ ገይንበይክና፡፡ ኡንቱንቱ ዶአ ማላ ባረንቱ ዳሙዋን ዋይ ባረንቱ ኮሻን ዋልቢይክና፡፡ ኡንቱንቱ ሀይቄዋገገ ደንዲደ፡፡ ክርስቶሳና እትገ ካተቱዋዳን ሻእ ላይላዉ ዋዳድና፡፡

5 ሀይቄዳዋንቱገ ጮራቱ ሻእ ላይላይ ዉራና ገካናዉ፡ ሀይቄዋገገ ደንድብይክና፡፡ ሄዌ ኮይር ደንዲዳ፡፡

6 ኮይር ደንዲዳዋን ደንዲዳዋንቱ አንጀቴዳዋንታን ጸሳ አሳቱዋ፡፡ ኡንቱንቱ ቦላ ላኤንሎ ሀይቆ ዋልቃይ ባዋ፡፡ ኡንቱንቱ ጸሳዉን ክርስቶሳዉ ቁሳቱዋ ግዳና፤ ኡንቱንቱ አናና እትገ ሻእ ላይላዉ ዋዳና፡፡

ሴጸናይ ጸንቲዳ

7 ሻእ ላይላይ ዉራዳዋገገ ጉይያን፡ ሴጸናይ ቃሹዋገገ ብለታና፡፡

8 እ ሳኣን ኡባ ሳን ደእያ እሳ ዘረላ ባለላናዉ ከሳና፤ ሄዌ ጎጋን ማጎጋ ጌተትያዋ፡፡ ሴጸናይ አባ ሻፍያ ከና ዘረላ ኦላዉ ሸሻና፡፡

9 ሄ ዛራቱ ቢታ ኡባ ማጸደ ጌሻቱዋ ሄራን ጸሳይ ሲቅያ ካታማቶ ዩይ እድ ኤቄድና፡፡ ሸን ታማይ ሳሉዋገገ ዋዲደ፡፡ ኡንቱንታ ሜዳ፡፡

10 ዶአይነ ዋርዶ ናቢ የገቱዳ ኤጽያ ዲንያ ታማ አባን ጸላሀያ ካፈ፡፡ እሳ ዘረላ ባለሌዳዌ፡ የገቱዳ፡፡ ኡንቱንቱ ቃማን ጋለሰ ሙድ ሙድናዉ ፓጸ ካኤታና፡፡

ዉርሰላ ፕርዳ

11 ሄዋገገ ጉይያን፡ ታን ዋልቃማ ቦላ አራታን ሄ አራታን ኡቴዳዋ በኣድ፡፡ ሳኣይነ ሳሉ ኦ ሰንሳገ ባቃቱድና፤ ላኤንሎ ቤትበይክና፡፡

12 ሀይቄዳዋንቱ፡ ቋቁ ግያዋንቱን ጉላቱ አራታ ሰንሳን ኤቄዳዋንታ ታን በኣድ፡፡ ማጸፋቱ ዶየቱድና፤ ሀራ ማጸፋይ፡፡ ደኡዋ ማጸፋይካ ዶየቱድና፡፡ ሀይቄዳዋንቱ ባረንቱ ኦሱዋዳን፡ ማጸፋቱዋን ጸፈት ኡቴዳዋዳንካ ፕርደቱድና፡፡

13 አባይ ባረ ግደን ደእያ ሀይቄዳዋንታ እሜዳ፤ ሀይቄን ሰኦሊ ባረንቱ ግደን ደእያ ሀይቄዳዋንታ እሜድና፡፡ ኡባይካ ባረንቱ ኦሱዋዳን ፕርደቱድና፡፡

14 ሄዋገገ ጉይያን፡ ሀዩነ ሰኦሊ ታማ አባን የገቱድና፡፡ ሄ ታማ አባይ ላኤንሎ ሀይቄዋ፡፡

15 ደኡዋ ማጸፋን ባረ ሱንሳይ ጸፈትቤና አሳይ ኡን ታማ አባን የገቱድና፡፡

### 21

ኦራላ ሳሉዋን ኦራላ ሳኣ

1 ሄዋገገ ጉይያን፡ ታን ኦራላ ሳሉዋን ኦራላ ሳኣ በኣድ፡፡ ኮይር ሳሉን ኮይር ሳኣይ ቆዩዳ፡፡ አባይካ ቆዩዳ፡፡

2 ጌሻ ካታማታ ኦራላ የሩሳላሙ፡ ባረ አሰናዉ ማያደ ጊጌዳ ገልያ ዋይር ናቲዳን፡ ጌጋ ኡቴዳዉና ሳሉዋገገ ጸሳ ማታገገ ዲገ ዋግዳና ታን በኣድ፡፡

3 ዋልቃማ ኮሻይ አራታገገ ሀዋዳን ያጊደ፡ ሃሳይሸን፡ ታን ሰሳደ፤ “ጸሳ ጎሊ አሳና ደኤ፤ ጸሳይ አሳና እትገ ደእና፡፡ ኡንቱንቱ ኦ አሳ ግዳና፤ ጸሳይ ባረ ሁጸዉ ኡንቱንቱና ደእና፡፡ ኦ ኡንቱንቱ ጸሳ ግዳና፡፡

4 ጸሳይ ኡንቱንቱ እይፍያ አይላ ኡባ ቁጫና፡፡ ሀዋገገ ሰንሳናዉ ሀይቄን ካዩ ዋይ ዋሱን ሳቡ ባዋ፡፡ አያዉ ጎገ፡፡ ኤጫባይ ቆዩዳ” ያጌዳ፡፡

5 አራታን ኡቴዳዌ፡ “ታን ኡባባ ኦራጽሳይ” ያጌዳ፡፡ ቃይካ ጉጂደ ታና፡ “ታን ሃሳይያዌ አማንትያዋን ቱማ ግድያ ድራዉ ጸፋ” ያጌዳ፡፡

20:2 ዶሙላ 3:1 20:4 ዳኤላ 7:9፣ 22 20:8 ህዝ. 7:2፣ 38:2፣ 9፣ 15 20:11 ዳኤላ 7:9-10 21:1 አላ. 65:17፣ 66:22፣ 2 ጸጸ. 3:13 21:2 አላ. 52:1፣ 61:10፣ ሳፃ 3:12 21:3 ህዝ. 37:27፣ ዋጋ 26:11፣ 12 21:4 አላ. 25:8፣ 35:10፣ 65:19

6 ቃይካ ታና ሀዋዳን ያጌዳ፤ “ፖለቲካ። ታን አልፋን ኦሜጋ፤ ደመላኝ ፖሎ። ሳሙቲዳ ኦናን ታን ደኡዋ ሃላ ፑልቱዋ። ጮ ኡሻና።

7 ጸንያ ኡራይ ኦንጎ ሀዋ ኡባ ላታና። ታን አዉ ጸሳ ግዳና፤ እካ ታና ኡ ግዳና።

8 ሽን ያይያዋንቱ። አማናዋንቱ። ቱናቱ። ሸሞቱዋ ዋድያዋንቱ። ዋሹሞያዋንቱ። ብትያዋንቱ። ኤቃዉ ጎይንያዋንቱን ዋርዶትያዋንቱ ኡባይ ደእያ ሳኦይ ታማይን ኡጽያ ዲኒ ኡጽያ አባ ግዳናዋ። ሄዌ ላኤንላ ሀይቁዋ” ያጌዳ።

ኦራላ የሩሳላሞ

9 ላፑ ዉርሰላ ቦቫቱ ኩሜዳ ላፑ ከረቱዋ ኦይቄዳ ላፑ ኪታንቻቱዋ። እቱ ታኮ ዩደ ታና። “ሃያ። ታን ኔና ገለዉኖ ደርሳ ማቻቶ በሳና” ያጌዳ።

10 ኪታንቻይ ታና ደር ቶቃ ደርያ ሀጺያ አያናን ከሲደ ጌቫ ካታማታ። የሩሳላማ ሳላዋ። ጸሳ ማታ። ደገ ዋግዉኖ ታና በሴዳ።

11 ሄ ካታማታ ጸሳ ቦንቹዋን ፖአዉ። ሄ ካታማት ፖኡ ያሰጺድያ ጌተትያ አልኦ ሹቻ ማሳ፤ ብርሊያዳን ጸላዉ።

12 ሄ ካታማትዉ ታማን ላኡ ፐንገቱን ሄ ፐንገቱዋን ታማን ላኡ ኪታንቻቱ ናግያ ዋልቃማ አዲሳ ድርሳይ ደኤ። ፐንገቱዋን ታማን ላኡ እሰራኤልያ ዛራቱዋ ሱንሳይ ጸፈት ኡቲዳ።

13 አዋይ ደልያ ባጋና ሄዙ ፐንገቱ ደኤና። ቃይ ሀርክ ባጋና ሄዙ ፐንገቱን ሀጺሳ ባጋና ሄዙ ፐንገቱ ደኤና። አዋይ ዉልያ ባጋናካ ሄዙ ፐንገቱ ደኤና።

14 ካታማት ድርሳይ ደርሳይ ኪቲዳ ታማን ላኡቱዋ ሱንሳይ ጸፈቲዳ ታማን ላኡ ሹቻቱዋ ቦላ ግሞብቲዳ።

15 ታናና ሃሳዬዳ ኪታንቻዉ ካታማቶ። እዘ ፐንገቱዋን እዘ ድርሳ ልክያ ዋርቃ ጋትማይ ደኤ።

16 ካታማትዉ አይዱ ጋጸይ ደኤ፤ ካታማት ጌሳይን ገሞፓይ እት ማላ። ኪታንቻይ ካታማቶ ባረ ጋትማን ልኬዳ። ካታማታ ላኡ ሻእን ላኡ ጾቱ ኪሎ ማትርያ ግዳዲ፤ ካታማት ጌሳይ። ገሞፓይን ቶቃተላይ እት ማላ።

17 ኪታንቻይ ቃይ ድርሳካ ልኬዳ። አሳ ኩሽያን እት ጾታን ኦይታማን ኦይዱ ዋቆ ግዳዳ። ሄዌ ኦንጎ ልክያ ኦግያን ኪታንቻይ ልክናዳ።

18 ካታማት ድርሳይ ያሰጺድያ ጌተትያ ሹቻን ድረቲዳ። ካታማታ ብርሊያዳን ጸልያ ጌቫ ዋርቃን መጋታዳ።

19 ካታማት ድርሳዉ ሂጸቲዳ ሹቻይ ቦንቹቲዳ ሹቻ ኡባን አለቀቲዳ፤ ኮይር

ሂጸቲዳ ሹቻይ ያሰጺድያ፤ ላኤንላ ሳሞፐርያ፤ ሄዘንላ ከልቀደንያ፤ ኦይደንላ ባሉርያ፤

20 እቹሽንላ ሳርደንክሳ፤ ኡሱፑንላ ሳርደኖና፤ ላፑንላ ክርሰትሎባ፤ ሆሰፑንላ ብራል፤ ኡዲፑንላ ቶጻዘኖንያ፤ ታሙንላ ክርሰጽራሲሳ፤ ታማን ኦተንላ ያክንትያ፤ ታማን ላኤንላ አሙተሰጽሳያ።

21 ታማን ላኡ ፐንገቱ ታማን ላኡ አንቁዋ ጌተትያ አልኦ ሹቻ፤ እት እት ፐንገ እት አንቁዋን ኦሰቲዳ። ካታማት ኦጊ ብርልያ ማላ ጌቫ ዋርቃ።

22 ጎይይ፤ ኡባ። ዋልቃማ ጸሳይን ደርሳይ ካታማት ጌቫ ጎልያ ግድያ ድራዉ። ታን ሄ ካታማትን ጌቫ ጎልያ በአቦይከ።

23 ካታማትዉ ፖኤ አዋይ ዋይ አገናይ ኮሸና። አያዉ ጎፐ። ጸሳ ቦንቹ ሄ ካታማትን ፖኤ፤ ደርሳይካ ሄ ካታማትዉ ጸሞፐያ።

24 አሳ ዘርሳይ ካታማት ፖኡዋን ሀመታና። ሳኦ ካታቲካ ባረንቲ ቦንቹዋ ሄ ካታማትኮ አሀና።

25 ካታማት ፐንገቱ ኡባ ጋላሰካ ደያ ደኤና፤ ኡባካ ጎርደትክኖ። አያዉ ጎፐ። ሄዋን ቃማይ ባዋ።

26 አሳ ዘርሳ ግታተላይን ቦንቹ ሄ ካታማትኮ ሸቃና።

27 ሽን ቱናባይ ዋይ ካዉሻባ አልያዌ። ዋይ ዋርዶትያዌ ኦንጎ ሄ ካታማቶ ገለና። ቃይ ደርሳ ደኡዋ ማጸፋን ሱንሳይ ጸፈቲዳዋንቱ ጸላላይ ሄ ካታማቶ ገለና።

22

1 ሄዋፐ ጉይያን። ኪታንቻይ ታና ጸሳ ካዉተላ ኦይድያፐን ደርሳ ካዉተላ ኦይድያፐ ጎግያ ብርሊያዳን ጸልያ ደኡዋ ሃላ ሻፋ በሴዳ።

2 ሄ ሻፋይ ካታማ ኦግያ ግዲዋና ደገ ጎጌ። ሻፋፐ ሄፍንላ ባጋናን ሀፍንላ ባጋና አገናን እት ገደን ላይላን ታማን ላኡ ገደ አይፍያ ደኡዋ ሞላይ ደኤ። ሄ ሞላ ቦንቹ ደኤያዌ። ዛርያ ኡባ ሀርግያፐ ፓላሳና።

3 ሄ ካታማን ጸሳ ሸቃይ አይን ባዋ። ጸሳ ካዉተላ ኦይዲን ደርሳ ካዉተላ ኦይዲ ሄ ካታማን ደኤና። ጸሳ ኦሳንቻቲ ጸሳዉ ጎይናና።

4 ኡንቲንቲ ኦ ደሙዋ በአና፤ ኦ ሱንሳይ ኡንቲንቲ ደሙዋን ጸፈታና።

5 ሄዋፐ ሱንሳዉ ሀራ ቃማይ ባዋ። ኡንቲንቶ ጸሞፐያ ዋይ አዋ ፖኡዋ ኮሸና፤ አያዉ ጎፐ። ጎዳይ ጸሳይ ኡንቲንቶ ጸሞፐያ ግዳናዋ። ኡንቲንቲ መጽ መጽናዉ ካተታና።

የሱሳ ዩሳ

6 ሄዋፐ ጉይያን። ኪታንቻይ ታና ሀዋዳን ያጌዳ፤ “ሀ ታን ሃሳይያዌ ቱሙዋን

21:7 2 ሳሜላ 7:14፤ ማዘ. 89:26-27 21:10 ህዘ. 40:2 21:12 ህዘ. 48:30-35 21:15 ህዘ. 40:3 21:18 አሳ. 54:11-12 21:23 አሳ. 60:19-20 21:24 አሳ. 60:3 21:27 አሳ. 52:1፤ ህዘ. 44:9 22:1 ህዘ. 47:1፤ ዛካ. 14:8 22:2 ደሞላ 2:9፤ ህዘ. 47:12 22:3 ዛካ. 14:11 22:5 አሳ. 60:19፤ ዳኔላ 7:18

አማኑትያዎ። ናባቶ ባረ ጌሻ አያና እምያ ጎዳይ ጸሳይ። ማታን ሀናናዉ በሰያዎ ባረ ኦሳንቻቱዎ በሳናዉ ባረ ኪታንቻ ኪቴዳ” ያጌዳ።

7 የሱሰ፡ “በአ! ታን ኤለካ ያና። ሀ ማጻፋን ደእያ ትምቢትያ ናግያዎንቱ አንጀቱዳዎንታ” ያጌዳ።

8 ታን የሃንሰ፡ ሀ ኡባባ ሰሳድን በኣድ። ታን ሀዎ ሰሴዳ ዎደነ በኤዳ ዎደ፣ ሄዎ ታና በሴዳ ኪታንቻዉ ጎይናናዉ፣ አ ገድያን ኩንዳድ።

9 ሸን ኪታንቻይ ታና፡ “ሄዎ አላፓ። ታን ኔናዳንነ ናበ ግዴዳ ነ እሻቱዎዳን፣ ቃይ ማጻፋን ደእያባዉ አዛዘትያ ኡባቱዎዳን አይልያ። ጸሳዉ ጎይና” ያጌዳ።

10 ሄዎፕ ጉይያን፣ ኪታንቻይ ታና፡ “ሀናና ጌዳ ሀ ማጻፋ ቃላ ማታፋን ጎርደፓ። አያዉ ጎፕ፣ ሀ ኡባባይ ፖሊትያ ዎዳ ማታቱዳ።

11 ኢታባ አላያዌ ጉጂደካ ኢታባ አላ፤ ቱናይ ጉጂደካ ቱኖ። ሎኦባ አላያዌ ጉጂደካ ሎኦባ አላ፤ ጌሻይነ ጉጂደካ ጌሻ ግድ” ያጌዳ።

12 የሱሰ፡ “በአ! ታን ኤለካ ያና። አሳ ኡባዉ አ ኡሱዎዳን እማናዉ፣ ታ ዎይታ አካ ያና።

13 ታን አልፋነ አሜጋ፤ ኮይሩዋነ ዉርሰላ፤ ደመላነ ፖሊዎ” ያጌዳ።

14 ባረንቱ ማዩዎ ጌሽ ሜጭያዎንቱ አንጀቱዳዎንታ። ደኡዎ ሞላ አይፍያ ማናዉን ካታማ ፐንግያና ገላናዉ አንቱንቶ ማታይ እመቱዳ።

15 ሸን ካናቱ፣ ብትያዎንቱ፣ ዎሹምያዎንቱ፣ ሸምፑዎ ዎድያዎንቱ፣ ኤቃዉ ጎይንያዎንቱን ባረንቱ ሃሳያንነ ባረንቱ ኪታን ዎርዶትያዎንቱ ካረና ደኣኖ።

16 “ታን የሱሰ፡ ሀ የዉዎ ህንተንቶ ዎሳ ጎለቱዎን ማርካታና ማላ፣ ታ ኪታንቻ ኪታድ። ታን ዳዊታ ጎልያ የለታ። ታን ፖእሰያ ዎንታ ባካልያ” ያጌዳ።

17 ጌሻ አያናይነ ገለዉና፡ “ሃያ” ያገና። ቃይ ሀዎ ሰሰያዌ ኦንነ፡ “ሃያ” ያጎ። ሳመቱዳ አሳይ ኦንነ ሃ ዮ። ደኡዎ ሃላ ኮይያ አሳይ ኦንነ ጮ አኮ።

18 ታን ሀ ማጻፋን ጸፈቱዳ ሀናና ጌዳ ቃላ ሰሰያ ኦናነ ዞራይ። ኦንነ ሀ ቃላ ቦላ እትባ ጉጀፕ፣ ጸሳይ ሀ ማጻፋን ጸፈቱዳ ቦሻ አ ቦላ ጉጀና።

19 ኦንነ ማጻፋን ደእያ ትምቢትያ ቃላፕ አያነ ፓጭሶፕ፣ ሀ ማጻፋ ግድን ቆንጭሴዳ ደኡዎ ሞላ አይፍያፕነ ጌሻ ካታማፕ አ ጋክያ ግሹዎ ጸሳይ ፓጭሳና።

20 ሀ ኡባባዉ ማርካትያዌ፡ “ቱማ! ታን ኤለካ ያና” ያጌ።

አመንእ። ጎዳ የሱሳ፡ ኔን ሃያ።

21 ጎዳ የሱሰ ክርሰቶሳ እጹ ኬካተላይ ህንተናና \* ኡባና ግድ። አመንእ።

22:11 ዳኔላ 12:10      22:12 ኢሳ. 40:10፤ 62:11፤ ማዝ. 28:4፤ ኤር. 17:10      22:13 ሳዩ 1:8፣ 17፤ 2:8፤ ኢሳ. 44:6፤ 48:12      22:14 ዶመላ 2:9፤ 3:22      22:16 ኢሳ. 11:1፣ 10      22:17 ኢሳ. 55:1      22:19 ዛረ. 4:2፤ 12:32      \* 22:21 ህንተናና- ጮራ ሀራ ብለላቱዎን፣ ጸሳ አሳ ኡባና ያጌ።

# ማዘሙርያ ማጻፋ ገሎቀ

ዳዋታ ማዘሙሪ (ማዘሙርያ ማጻፋይ) ገዥ ማጻፋ ግድን ማዘሙርያን ዋሳ ማጻፋ ግድደ ኤሪቲ። ሀ ማጻፋ ገገሲዳዋንቱ አዲሳ ዋደቱዋ ግድን ቤቲዳ ዲማ ዲማ አሳቱዋ። እት እት ማዘሙሪቱዋ ካቲ ዳውት ጸፊዳዌ አማነቲ። ሀ ማዘሙሪቱዋን ሀ ዋሳቱዋ ሸሺደ፣ ባረንቱ ጎይኑዋ ዋድያን ጎኤቲድ ጋሞኤዳዋንቱ እስራኤልያ አሳቱዋ። ገዮጥ ጋሞኤደ ባረንቱ ገዥ ማጻፋቱዋ ግድን ገልሴድኖ።

ሀዋንቱ አያናጥ ጸፊቲዳ ግንጸቱ ጮራ ቆሞ፤ ኤንቲንቲካ ጋላትያን ጸሳወ ጎይንያ ግንጸቱዋ። ጸሳይ ማዳና ማላ፣ ናጋና ማላን ሳር ዋሳና ማላ ዋሰያ ዋሳቱዋ፣ ናጋራጥ ማረታናወ ሸሸያ ዋሳቱዋ፣ ጸሳ አንጀዋባ አድያ ጋላታ ሳባቱዋን ሞርከቱዋ ሙራና ማላ ጸሳወ አድያ ማጋናቱዋ። ሀ ዋሳቱ እት ኡራይ ባረካ ዋሰዳ ዋሳቱዋን ጮራ አሳይ እትጥ ለሲዳ ዋሳቱዋ። ኤንቲንቲካ እቲ እቲ እት ኡራ ዋዛናን ሰሰቲዳ ሴላ ቆንጭሰያዋንታ። ሀራቱ ቃይ ጸሳ አሳይ ኡባይ ኮይያዋን አሳወ ኡባወ ሰሰትያ ሀናታቱዋ በሰያዋንታ።

የሱሰ ታማርሲደ ማዘሙርያ ማጻፋጥ ቦኛ ቦኛ አከደ ታማርሲደ። ኦራላ ጫቁዋ ጸፊዳዋንቲካ እን ጸፊቲዳዋጥ ባረንቱ ጸፍያ ማጻፋ ግድ ገልሴድኖ። ዋሳ ጎላታ ኤቆደጥ ደማደ፣ ማዘሙርያ ማጻፋ ጎይኑዋ ዋጋወ ጎኤትና ዋልቃማ ሞንጂዋባዳን ፓይዳወ።

## ሸሞጋቱዋ ኡባቶ አሙቲዳ ቃንሳ ቆፋቱዋ

1. ኮይሮ ማጻፋ ማዘ. 1—41
2. ላኤንላ ማጻፋ ማዘ. 42—72
3. ሄዘንላ ማጻፋ ማዘ. 73—89
4. አይደንላ ማጻፋ ማዘ. 90—106
5. አቼሸንላ ማጻፋ ማዘ. 107—150

## ኮይሮ ማጻፋ

### 1

(1—41)

- ሎኦ አሳን ኢታ አሳ ሀመታ
- 1 ኢታቱዋ ዘርያንን ቤናዋ፣  
ዋይ ናጋራንቻቱዋ ኦግያን ኤቀናዋ፣  
ቅሊጭያዋንቲ ሸቁዋን ኡተናዋ፣  
ሄዌ አንጀቲዳዋ።
  - 2 ሸን መጅና ጎዳ ሀግያን እ ናሸቲ፤  
አ ሀግያ ጋላሰን ቃማ ቆጥ።
  - 3 ሄዌ ጎግያ ሃላ ጸጸዋን ቶከቲደ፣  
አይፍያ አገናን አይፍያ፣  
ባረ ሀይላካ ቆቆፈና ሞላ ማላ።  
አ ኦልያ ኡባይ አዉ ሀኔ።
  - 4 ሸን ኢታቲ ሄዋ ማላ ግድክና፤

1:3 ኤር. 17:8 2:1 ከታ 4:25-26 2:7 ከታ 13:37፤ ለብራ. 1:5፤ 5:5 2:9 ሳዓ 2:26-27፤ 12:5፤ 19:15 2:12 2 ሳሜላ 15:13—17:22

- ጫርኩ ጥት አፍያ ሱላ ማላ።
- 5 ሄዋ ድራወ፣ ኢታቱዋ ቦላ ጸሳይ ጥርዳና፤  
ናጋራንቻቲካ ጽሎቱዋ ሸቁዋን ኤቁክና።
  - 6 አያዉ ጎጥ፣ መጅና ጎዳይ ጽሎቱዋ ኦግያ ኤሬ፤  
ሸን ኢታቱዋ ኦጊ ጳያና።

### 2

- ጸሳን ደረቲዳ ካትያ
- 1 አማነናዋንቲ አያዉ ደንዲና?  
ቃይ ካወተላቲ አያዉ ፓርባ ማቀቲና?  
2 ሳኦ ካተቲ ደንዲድኖ፤  
አሳ ሞድያዋንቲ እትጥ ሸቁድኖ።  
ኤንቲንቲ መጅና ጎዳ ቦላን  
አ ኦኤዳዋ ቦላ እትጥ ሸቁድኖ።
  - 3 ኤንቲንቲ፣ “ኦን ኤንቲንቲ ሳንሳላታ ዲላይተ፤  
ኤንቲንቲ ኦና ቃኙያዋካ ዋራ ኦሎይተ”  
ያገኛ።
  - 4 ሳሎዋን ባረ አራታን ኡቲዳዌ  
ኤንቲንቲ ቦላ ሚጮ፤  
ጎዳይ ኤንቲንቲ ቦላ ቅሊጮ።
  - 5 እ ባረ ሀንቁዋን ኤንቲንታ ሴሬ፤  
ባረ ዋልቃማ ሀንቁዋን ኤንቲንታ ያሸሴ።
  - 6 ጎዳይ፣ “ታን ታ ገዥ ደርያ ጽዮን ቦላ  
ታ ካትያ ካወላድ” ያገ።

- 7 ሄ ካቲ፣ “ታን መጅና ጎዳ ሀግያ አዋያና፤  
አ ታና፣ ናን ታ ናኦ፤  
ታን ሀኛ ነዉ አወዋ ግዳድ።
- 8 ኔን ታና ኦቻ፤  
ታን ካወተላ ኡባ ነዉ አማና፤  
ሳኦ ኡባይ ነባ ግዳናዋ።
- 9 ኔን ብራታ ጸሞኦን ኤንቲንታ መንግራላና፤  
ኤንቲንታ ኔን ኡርቃ ሚሻ መንሰያዋዳን  
ለቅሳና ያገ። ያገዳ።

- 10 ሄዋ ድራወ፣ ሀንተና ካተቶ፣ ኤያቶጥተ፤  
ሀ ሳኦ ሞድያዋንቶ፣ ሀንተና ናግተ!
- 11 መጅና ጎዳዉ ያሻተላን አላተ፤  
ኮኮርሳን አዛዘትተ።
- 12 ጸሳይ ሀንቀትና፣ ኦግያን ሀንተ ጳየናዳን  
ሱሪ ዋዛናን አወ ጎይንተ፤  
አያዉ ጎጥ፣ አ ሀንቁ ኤለካ ኤጽ ከሳና።  
ባቃት እን ቆሰት አትያ ኡባቲ አንጀቲዳዋንታ።

### 3

- ባረ ናኦ እበሰሎማጥ ባቃቲዳ ዋደ ዳዋታ ማዘሙርያ
- 1 አቤት መጅና ጎዳዉ፣ ታ ሞርከቲ አያ ጮራቲድኖ!  
ታ ቦላ አፕናቲ ደንዲና!
  - 2 ዳሮቲ፣ “ጸሳይ አ አሸና” ያገደ  
ታዋ ሃሳዪና።

1:3 ኤር. 17:8 2:1 ከታ 4:25-26 2:7 ከታ 13:37፤ ለብራ. 1:5፤ 5:5 2:9 ሳዓ 2:26-27፤ 12:5፤ 19:15 2:12 2 ሳሜላ 15:13—17:22

- 3 ሽን አቤት መድና ጎዳው፤ ኔን ታ የሹዋን ጎንዳለ።  
ታና ቦንቶሰያዊን ታ ሱንላ ዶቄ ኦልያዊ ኔናቴ።
- 4 ታን ታ ቃላ ዶቄሳደ መድና ጎዳኮ ዋሳይ።  
ባረ ጌሻ ደርያፕ ታዉ እ ዛሬ።
- 5 መድና ጎዳይ ታና ናግያ ድራው፤  
ታን ግሳደ ገምእሻይን ቤጎታይ።
- 6 ታን ታና ዶዲደ ደንዴዳ፤  
ታው ሻእ አሳቶካ ያይከ።
- 7 አቤት መድና ጎዳው፤ ደንዳ!  
አቤት ታ ጸሳው፤ ታና አሻ!  
አያዉ ጎፕ፤ ኔን ታ ሞርከቱዋ ኡባ ጎሳጩዋ ሸጫዳ፤  
ኢታቱዋ አቻካ መንላዳ።
- 8 አሹ ጸሳዋ፤  
ጸሳው፤ ነ አሳ ኔን አንጅ።

4

- ማደ አማርሰ ሸቅያ ዋሳ  
ዛማረቱዋ ካፖ ዲላቱዋን የጸቴዳ፤ ዳዊታ ማዘመርያ
- 1 አቤት ታና ጽልሰያ ጸሳው፤  
ታን ኔና ጸሰያ ዋደ፤ ታዉ ኮያ።  
ታን ኡንኤቴዳ ዋደ፤ ታና ሸምፕሳዳ።  
ታዉ ኔን ቃረታደ ታ ዋሳ ሰሳ።
- 2 ህንተኖ አሳቶ፤ አዉደ ጋካናዉ ታ ቦንቹዋ ካዉሸቴ?  
ሾር ባይናባካ አዉደ ጋካናዉ ህንተ ሰቂቴ?  
ዋርዱዋ አዉደ ጋካናዉ ጫድ ኦይቂ ካለቴ?
- 3 ሽን መድና ጎዳይ ጸሳ አሳቱዋ  
ባረዉ ዱማይ ዋፊዳዋ ህንተ ኤርተ።  
ታን መድና ጎዳ ጸሰያ ዋደ፤  
አ ታዉ ሰሴ።
- 4 ህንቀትተ፤ ሽን ህንተ ህንቁዋን ናጋራ አላፕተ።  
ሂጸን ግሰያ ዋደ፤  
ህንተ ዋዘና ብድተነ ሰርጽ ጌተ።
- 5 ልከ ያርሹዋ ያርሸተን መድና ጎዳን አማነትተ።
- 6 ዳርቱ፤ “ኑና ሎኦባ በሳናዋ ኦኔ?” ያጊኖ።  
አቤት መድና ጎዳው፤ ኔን ኑና ኬካ አይፍያን ጽላ።
- 7 ኔን ታ ዋዘናን ዋልቃማ ናሽቻ ኩንላዳ።  
ሄዌነ፤ ካላ አይፊነ ኦራላ ዋይንያ ኤሳይ፤  
ባረንቶ ዳርና ናሽትያ ናሽቻፕካ ዳርያዋ።
- 8 አቤት መድና ጎዳው፤  
ነ ጸላላይ ታና ሳሩዋን ናጋ ዋልያ ድራው፤

ታን ግሳደ ሳርተላን ገምእሻይ።

5

- ዋንታ ዋሳ  
ዛማረቱዋ ካፖ ሱሱላቱዋን የጸቴዳ፤ ዳዊታ ማዘመርያ
- 1 አቤት መድና ጎዳው፤ ታን ኦድያዋ ሀይዛ፤  
ታ ኦልያነ ሰሳ።
- 2 ታ ካትያዉን ታ ጸሳው፤  
ታና ማዳ ጋደ ታ ኔኮ ዋሰይያ ድራው፤  
ታ ዋሳ ሰሳ።
- 3 አቤት መድና ጎዳው፤  
ዋንታ ዋንታ ጉራን ኔን ታ ቃላ ሰሳሳ።  
ዋንታ ዋንታ ጉራን ታን ታ ዋሳ ነ ሰንላ ሸሻደ፤  
ኔን ታዉ አምያ ዛሩዋ አካና ጋደ ናጋይ።
- 4 ኔን ኢታተላን ናሽተና ጸሳ፤  
ኢታባይ ኔናና ደኤና።
- 5 ጩቀትያዋንቱ ነ ሰንላን ኤቁክኖ፤  
ኢታባ ኦልያ ኡባቱዋ ኔን እጽ።
- 6 ዋርዱዋ ሃሳይያዋንታካ ኔን ቆይሳሳ።  
ሱላ ጉሰያዋንታን ጭምያ አሳቱዋ፤  
ጸሳይ ሸነቴ።
- 7 ሽን ታን ነ ማርታ ዳሩዋን ነ ጎልያ ገላና።
- ነ ጌሻ ጎልያኮ ሰማደ፤  
ነዉ ያሻተላን ጎይናና።
- 8 አቤት መድና ጎዳው፤ ታና ነ ጽሎተላን ካለሳ፤  
ታ ሞርከቱዋ ድራው ጋደ፤  
ነ ኦግያ ታ ሰንላን ሱርሳ።
- 9 ኡንቱንቱ ደናፕ ከሰያዋ አማን።  
ኡንቱንቱ ዋዘናንካ ገኒ ኩሜዳ፤  
ኡንቱንቱ ደናይ ደየቱዳ ዱፋዋ ማላ፤  
ኡንቱንቱ ባረንቱ እንጸርሳን ጭሚኖ።
- 10 አቤት ጸሳው፤ ኡንቱንታ ኔን ፕርዳ፤  
ኡንቱንቱ ኮባይ ኡንቱንታ አክ ቦ።  
ኡንቱንቱ ናጋራይ ዳር ግዴዳ ድራው፤  
ኔን ኡንቱንታ የደርሳ፤  
አያዉ ጎፕ፤ ኡንቱንቱ ነ ቦላ ማካሌድኖ።
- 11 ሽን ኔኮ ባቃት ቆሰት አትያ ኡባይ ናሽትኖ፤  
ኡንቱንቱ ኡባ ገደ ናሽቻን የጽኖ።  
ኔንካ ኡንቱንታ ናጋና፤  
ነ ሱንላ ሲቅያ ኡባቱ ኔናን ሎይል ናሽትኖ።
- 12 አያዉ ጎፕ፤ አቤት መድና ጎዳው፤  
ቱሙካ ኔን ጽሎዋ አንጅሳ።  
ኔን ጎንዳሊ ካምያዋዳን ነ ኬካተላን አ ካማሳ።



**6**

አንኦ ዋድያን ሸቆዳ ዋሳ  
ዛማረቱዋ ካፖ ዲላቱዋን የጸቴዳ፣ ዳዊታ  
ማዘመርያ

- 1 አቤት መድና ጎዳው፣ ነ ሀንቁዋን ታና ሴርፓርኪ፤  
ዋይ ነ ይሉዋን ታና ሙርፓርኪ።
- 2 አቤት መድና ጎዳው፣ ታን ላባኔዳ ድራው፣  
ታና ማራርኪ።
- አቤት መድና ጎዳው፣ ታ ዋዛናይ ማዱጾ  
ድራው፣ ታና ፓላ።
- 3 ታ ሸምፓታ ዳርፐ ኡንኤታዲ፤  
ሸን ጸሳው፣ ታና ማዳናዉ ኔን አዉደ  
ጋካናዉ ጋምአይ?

- 4 አቤት ጸሳው፣ ኔን ሰማይ፣ ታና አሻ፤  
ነ ማርታ ዳሩዋን ታና ከሳ አካ።
- 5 ሀይቆዳ ኡራይ ኡን ኔና ሀሳየና፤  
ዲፋዋን ኔና ጋላትያዋ ባዋ።

- 6 ታን ኦልያን ዳቡራድ፤  
ቃማ ኡባን ታን ዩካደ፣ ታ ሂጾ  
አርጽሳድ፤

- 7 ታ ሞርከቱዋ ኡባ ጋቡዋን ታን አፎጾዳ  
ድራው፣  
ታ አይፊ ጋልጃዳ፤  
ታ አይፊ ደመናን አጾዳ።

- 8 መድና ጎዳይ ታን ዩክያ ዩኩዋ ሰሴዳ  
ድራው፣  
ሀንተኖ፣ ኢታ ኦልያ ኡባቶ፣  
ገደ ታፐ ሻከትተ።

- 9 መድና ጎዳይ ታ ዋትዋቱዋ ሰሴዳ፤  
መድና ጎዳይ ታ ዋሳን ሰሴ።

- 10 ታ ሞርከ ኡባቱ ዩላትኖን ቱጋትኖ።  
አንቱንቱ ቆፐናን ዩላቲደ፣ ጉዮ ሰምኖ።

**7**

የደሳ ዋድያን ጽሎ አሳ ዋሳ  
ቢንያማ ዛርያ ኩዛዋ ዳዊተ፣ ጸሳኩ ዘላሌዳ  
ዘላሳ።

- 1 አቤት መድና ጎዳው፣ ታ ጸሳው፣ ታን ኔኮ  
ባቃታደ ቆሰታይ።  
ታና የደርሰያ ኡባቱዋፐ ኔን ታና አሻ አካ።
- 2 ኔን ታና አሸናባ ግደፐ፣  
አንቱንቱ ታና ጋምዋዳን ቦንቂደ፣  
ኡን አሸናን መገጠላና።

- 3-4 አቤት መድና ጎዳዉ ታ ጸሳው፣  
ታን አሳ ናቂዳዋ ግደፐ፣  
ሄዌን ታ ላግያዉ ሎኡዋ ድራዉ ኢታ ዛሬዳዋ  
ግደፐ፣  
ዋይ ጋቡ ባይናን ታ ሞርክያ ቦንቂዳዋ  
ግደፐ፣

ሀዋ ማላ የዋቱዋፐ እቱዋን ታን ኦሌዳዋ  
ግደፐ፣

- 5 ታ ሞርኪ ታና የደርሲደ ኦይቆ።  
ታና ሳኢን የጠራ፤  
ያቲደ፣ ታና ቢታን ኦል ባሾ።

- 6 አቤት መድና ጎዳው፣ ነ ሀንቁዋን ደንዳ  
ኤቃ፤  
ታ ሞርከቱዋ ኤጽያ ሀንቁዋ ቦላ ደንዳ።  
ታ ጸሳዉ ጎዳው፣ ቤጎታ፤ ቱሙዋ ፕርዳ።

- 7 ካዉተላቱዋ ሸቆ ነ ዩሹዋን ሸቆ፤  
ኔን ኡንቱንቱፐ ቦላና ግዳደ ሃና።

- 8 መድና ጎዳይ ካዉተላቱዋ ቦላ ፕርዳ።  
አቤት መድና ጎዳው፣ ታዉ ታ  
ጽሎተላዳን ፕርዳ፤  
አቤት ኡባፐ ዶቃዉ፣ ታ ሱራተላዳን ፕርዳ።

- 9 ቆፋን ዋዛና ብዳደ ኤርያ ጽሎ ጸሳው፣  
ኢታቱዋ ገንያ ኔን ቆይሳ።  
ሸን ጽሎዋ ሳርታን ሞንሳ ዋላ።

- 10 ዋዛና ጽሎዋ አሸያ ጸሳይ  
ታዉ ጎንዳላ።

- 11 ጸሳይ ጽሎዋ ፕርድያዋ፤  
አ ሀች ሀች ሀንቅትያ ጸሳ።

- 12 አሳይ ባረ ናጋራ ፓጺደ ሰመናን አጸፐ፣  
ጸሳይ ባረ ማሻ ሌሬ፤

- አ ባረ ዋንዳፍያ ገግሴ።

- 13 አ ባረ ዋድያ ኦላ ሚሻቱዋ ገግሴ፤  
ታማ ላጩዋዳን ጸልያ ባረ ዋንዳፍያ  
ቶራ ገግሴ።

- 14 ኢታተላ ሻሃራዳ፣  
ገንያ ሻሃራ ሻሃራዌ፣ ዋርዱዋ የሌ።

- 15 ሀራ አሳቶ ኦላ ቦኬዳ አሳይ  
ባረ ቦኬዳ ኦላን ባረዉ ኩንዳ።

- 16 አ አሀያ ገኒ አ ሀጺያዉ ሰሜ።  
አ ማካላይን አ ሀጺያዉ ሰሜ።

- 17 መድና ጎዳ ጽሎተላ ድራው፣  
ታን አ ጋላታና፤  
ቃይ ኡባፐ ዶቂያ መድና ጎዳ ሱንላው፣  
ታን ጋላታ የጸና።

**8**

ጸሳ አንጋይ መጠታ ቦላን  
ዛማረቱዋ ካፖ ሱሱላቱዋን የጸቴዳ፣ ዳዊታ  
ማዘመርያ።

- 1 አቤት መድና ጎዳው፣ ኑ ጸሳው፣  
ነ ሱንላይ ሳኦ ኡባ ቦላን አያ  
ቦንቹቲዴሻ!

- ኔን ነ ቦንቹዋ ሳሎቱዋፐ ቦላን  
ዶቂ ዶቂ ኦላ ዋላዳ።

- 2 ኔን ነ ሞርከቱዋ ድራው፣  
ነ ባልጋራ ነዉ ማንድያዋ ሰርጽ  
ኦላናው፣  
ጉላ ናናቱዋ ዶናን

ቆሞያ ናናቱዋ ደናን ጋላታ ኩንሳዳ።

እያው ጎጥ፣ መድና ጎዳው፣ ኔን ኔና ኮይያዋንታ የጋ አጋ በይካ።

3 ኔን ነ ብራፍቱዋን መዴዳ ነ ሳሎቱዋ፣

ሳኣን ሳኣን ኔን ዋሌዳ አግናነ  
ጸልንተቱዋ ታን በእያ ዋይ፣

4 ኔን አሳባ ቆጋናው አሳይ አይ?  
ዋይ ኔን አው ሀርጋናው አ አይ?

5 አ ኔን ጸሳጥ አማራዳዋ ጉሳዳ፤  
ቦንቹዋን ግታተሳ ካላቻ አ ሀጺያን  
ዋሳዳ።

6 አ ኔን ነ መዴዳ መፍተሳ ኡባ ቦላን  
ዋድያዋ ኦሳይ ሱንሳዳ፤

ኡባባ አ ገድያጥ ጋርሳና ዋሳዳ።

7 ደርሳቱዋን ቦራቱዋ፣ ሳኣ ደአቱዋን፣

8 ሳሎቱዋ ካፎቱዋ፣ አባ ዋለቱዋን፣  
አባይ ጎጣያሳን ዋድያዋንታ ኡባካ  
አ ዋድሳዳ።

9 አቤት ጸሳው፣ ኑ ጸሳው፣ ነ ሱንሳይ  
ሳኣ ኡባን እያ ቦንቹቱዳሻ!

### 9

ኢታ ቦላን ፕርዳ  
ዘማራቱዋ ካፖ፣ “ናኣ ሀይቁዋን” የጸቲዳ፣  
ዳዊታ ማዘመርያ።

1 አቤት መድና ጎዳው፣ ታን ኔና ታ ኩመንሳ  
ዋዛናጥ ጋላታና፤

ኔን ኦሌዳ ማለልሰያ  
ነ ኦሱዋ ኡባካ አዳና።

2 ኔናን ናሽታናን ሀሹ ጋና።  
ኡባጥ ጹቂያ ጸሳው፣  
ታን ነ ሱንሳው ጋላታ የጸና።

3 ታ ሞርከቱ ጉየ ሰምያ ዋይ፣  
ነ ሰንሳጥ ቆቦት ቆያና።

4 ኔን ታው ጽሎ ፕርዳ ፕርዳዳ፤  
ኔን ጽሎተሳን ፕርዳዳ፤  
ነ ካዉተሳ አራታን ኡታዳ።

5 ኔን ካዉተሳ ሴራዳ፤

ኢታቱዋካ ቆይሳዳ።  
ኔን ኡንቱንቱ ሱንሳ መድ መድናዉካ ቁጫ  
ድጋዳ።

6 ሞርከቱ መድና ቆየዋ ቆይድና፤  
ቃይ ኡንቱንቱ ካታማቱዋ ኡባና ጹቆላ  
ድጋዳ።

ኡንቱንቱ ኡባና ደገት አቲድና።

7 ሽን መድና ጎዳይ መድናዉ ካተቲደ ደኤ፤  
አ ባረ ካዉተሳ አራታ ፕርዳዉ ገግሴዳ።

8 ሀ ሳኣ ጽሎተሳን ፕርዳና፤  
አሳቱዋካ ሱረተሳን ፕርዳና።

9 መድና ጎዳይ ኡንኤቲዳዋንቶ ባቃት አትያዋ፤  
መቶ ዋድያንካ ገል አትያ ጌሱዋ።

10 ነ ሱንሳ ኤርያዋንቱ ኔናን  
አማነቲና፤

11 ጽዮን ደርያን ካተት ኡቲዳ  
መድና ጎዳው ጋላታ የጽተ።

እ ኦሌዳ ኡባባካ አሳ ኡባዉ አድተ።

12 እያው ጎጥ፣ ሱሳ ጉሰያዋንቶ  
ሀሎዋ ከሰያ ጸሳይ  
ናቀቲዳዋንቱ ዋሱዋ ሸኩ ጌና።

13-14 አቤት መድና ጎዳው፣ ጽዮን አሳ ካርያን  
ታን ኤቃደ፣  
ነ ጋላታ ኦዳና ማላን

ሄዋን ነ አተተሳን ሎይሰ ናሽታና ማላ፣  
ታ ሞርከቱ ታና የደርሰያዋ በአ።

ኔን ነ ማርታን፣ ሀይቁዋጥ ታና አሻ።

15 ካዉተሳቱ ባረንቱ ቦኬዳ ኦላን ባረንቶ  
ኩንዴድኖ።

ኡንቱንቱ ቆሰ ዋሌዳ ጸሪ ኡንቱንቱ  
ገድያ ኦይቁዳ።

16 መድና ጎዳይ ባረ ጽሎ ፕርዳን ባረዉ  
ኤረቲዳ፤

ኢታ አሳይ ባረ ኩሸያን ኦሌዳ ኦሱዋ  
ጸርያን ኦይቁቲዳ።

17 ኢታቱ ዱፋዋ ባና፤  
ጸሳ ደግያ ካዉተሳቱ ኡባይካ  
ኡንቱንቱዳን ሀናና።

18 ሀይሳይ ኡባ ገደ ደገት አተና፤  
ዋይ መቶታንቻይ ዋሌዳ ሀደታይ  
መድናዉ ቆየና።

19 አቤት መድና ጎዳው፣ አሳይ ነ ቦላ  
ደንዲደ፣

ባረ ዋልቃን ጨቀተና ማላ፣ ኔን ደንዳ!  
ነ ሰንሳን ካዉተሳቱዋ ቦላ ኔን ፕርዳ።

20 አቤት መድና ጎዳው፣ ኡንቱንታ ኔን ያሸሻ፤  
ኡንቱንቱ አሳ ግድያዋ ኔን ኡንቱንታ  
ኤርሳ።

### 10

ፕርዳ ደማናዉ ሸቄዳ ዋሳ  
1 አቤት መድና ጎዳው፣ እያዉ ሃካይ ኤቃይ?  
መቱዋ ዋድያን እያዉ ኔን ገማይ?

2 ባረ ኦቶሩዋን ኢታ አሳይ ሀይሳ ሻንካቲ።  
ኡንቱንቱ ባረንቱ ፓላ ማቁዋን ባረንቶ  
ኦይቁትኖ።

3 ሄ ኢታይ ባረ ዋዛና ኢታ አሙዋን ጨቀቲ፤  
የራንቻይ መድና ጎዳ ቦላ ኢታ ቃላ  
ሃሳይን ካይ።

4 ኢታይ ባረ ኦቶሩዋን ጸሳ ኮየና፤  
ባረ ቆፋ ኡባንካ ጸሳ አይን ኮየና።

5 ኡባባይ አዉ ኡባ ዋደካ ኩሙ፤  
እ ኦቶሩዋ ጴዳሌ።

ነ ህጊ እው ገለና፤  
 ባረ ሞርከቱዋ ቦላን እ ቅሊጩ።  
 6 ባረ ዋዛናን እ፣ “ታና አያይነ ቃ፣ና።  
 ታና ኡባካ መቼ ጋከና” ያጊደ ቆፔ።  
 7 እ ዶናን ሸቃይ፣  
 ዋርዲነ ማንደላይ ኩሚዳ።  
 ባረ እንጻርሳን ገነባነ ኢታባ ሃሳያናው ኤሌሌ።

8 ሄራን ቆስትያሳን እ ዙጊደ ኡቴ።  
 ባረ ዋድያዋ ዋዳናው ቆስት ናጊደ፣  
 ዋልቃይ ባይና አሸከቱዋ ጼሌ።  
 9 ባረ ቆስትያሳን ጌሚዳ፣  
 ህዬሳ ኦይቃናው ጋሙዋዳን ዙጌ።  
 እ ህዬሳ ኦይቁደ፣ ባረ ጸርያን ጎቹደ አፌ።

10 ያትና፣ ዋልቃይ ባይና ህዬሳይ ሾጩቲ፤  
 ንፕ ጌነ ሄ ሞኑዋን ጸነቱ።  
 11 እ ባረ ዋዛናን፣ “ጸሳይ ታና ዶግ ክቼዳ።  
 ባረ ሶምኡዋ ታፕ ገንሰ ክቼዳ፤  
 ኡባካ እ በኤና” ያጌ።

12 አቤት መድና ጎዳው፣ ደንዳ።  
 ጸሳው፣ ነ ኩሸያ ቶቁ ኦላደ ደንላ፤  
 ህዬሳ ደጎ።

13 ናጋራንቻ ኡራይ ባረ ዋዛናን፣  
 ጸሳ አያው ካዲ?  
 ባረ ቆፋንካ፣ “ጸሳይ ታና ሙረና”  
 አያው ያጊ?

14 ሸን ጸሳው፣ ኔን ቱሙካ በአሳ፤  
 መቱዋካ ዋይያካ ጸላሳ።  
 ኔን ኡባ ዋደ ኑና ማዳናው ጊጋ ኡታዳ።  
 ዪአቶ ኔን ማዲዋ።  
 ቆሄቴዳዌ ኔን ማዳናዳን ባረና ነው ሸጴ።

15 ገንያዋንቱ ዋልቃ ኔን ዉርሳ፤  
 ኢታ አሳቱዋካ ሄዋዳ ኦላ።  
 ላኤንሶ ኡንቱንቱ ግደን ኢታተላይ ቤተና ማላ  
 ኡንቱንታ ሙራ።

16 መድና ጎዳይ መድ መድናው ካተቲደ ደኤ፤  
 ሀራ ካዉተላቱ እ ቢታፕ ጳያና።

17 አቤት መድና ጎዳው፣  
 ኔን ባረንታ ካዉሸያዋንቱ አሙዋ ሰሳሳ።  
 ኔን ኡንቱንታ ሞን፣ሳሳ።

18 ይአቶን ኡንኤቴዳዋንቶ ቱሙዋ ፕርዳ፤  
 ሳኢን ደኢያ አሳይ፣ ኡንቱንታ ያሸሰና  
 ማላ፣  
 ኡንቱንቱ ዋሱዋ ሰሳሳ።

### 11

ጸሎቱዋ ጨቁዋ  
 ዛማረቱዋ ካፖ የጸቴዳ፣ ዳዊታ ማዘመርያ።  
 1 ታን መድና ጎዳ ግደን ባቃታ ቆስታ አታይ።  
 ያትና፣ ህንተ ታና አያው፣  
 “ካፋዋዳን ነ ደርያ ባቃታ” ያጌቱ?

2 ሄኮ ናጋራንቻቱ፣  
 ዋዛና ጌሻቱዋ ጳማን ጫዳናው፣  
 ባረንቱ ዋንዳፍያ ባቀሳ ቦላን ፖላ  
 ቶሊና።

3 ባሱ ባይያ ዋደ፣  
 ጸሎ አያ ኦላናው ዳንዳዪ?

4 መድና ጎዳይ ባረ ጌሻ ሳኢን ደኤ፤  
 ባረ ሳሉዋ ካዉተላ አራታን፣

መድና ጎዳይ አሳ ጸሌ፤  
 ጸሳ አይፊ አሳ ብዳ።

5 መድና ጎዳይ ጸሎዋ ብዳ።  
 ሸን ኢታቱዋን ኮባባ ሲቅያዋንታ  
 እ ሎይሰ አጼ።

6 ጸሳይ ኢታቱዋ ቦላን ኤጽያ ታማ ቦንቁዋን  
 ኤጽያ ዲንያ ቡክሳና።

ጳይሰያ ጎትያ ጫርኩዋን ኡንቱንታ ሙራና።  
 7 መድና ጎዳይ ጸሎ ግዴዳ ድራው፣  
 ጸሎተላ ዶሴ።

ሱረ አሳቱ እ ሰንሳ በከና።

### 12

ኢታ አላሞያፕ አታናው ሸቁዳ ዋሳ  
 ዛማረቱዋ ካፖ ዲላን የጸቴዳ፣ ዳዊታ  
 ማዘመርያ።

1 መድና ጎዳው፣ ኑና ማዳርኪ?  
 አያው ጎፕ፣ ጸሳ አሳይ ኡባካ ባዋ፤  
 አሳ ግደን አማንታያዌ ጳይክቼዳ።

2 ኡባ ዋደካ እቱ እቶ ዋርዲዋ ሃሳዪና፤  
 እቱ እቱዋ ሸሌሸያ እንጻርሳን ባለሉዋን  
 ሃሳዪና።

3 አቤት መድና ጎዳው፣ ሀ ሸሌሸያ ዶና ባራ።  
 ኡቶራዋን ጨቁትያ እንጻርሳ ኡባ ኔን  
 ጭጋ አላ።

4 ኡንቱንቱ፣ “ኡን ኑ እንጻርሳን ጸናና፤  
 ኑ መተርሻይ ኑዋ፤ ኑ ጎዳይ ኦኔ?”  
 ያግኖ።

5 መድና ጎዳይ፣ “ህዬሳቱ ኡንኤቴዳ ድራው፣  
 መቶታንቻቱዋ ኦልያ ድራው፣  
 ሀእ ታን ደንዳና።  
 ታን ኡንቱንቱ አሞትያ ሳርተላን ኡንቱንታ  
 ዋላና” ያጌ።

6 ጸሳ ቃላቱ ዋላክ ባይና ጌሻቱዋ፤  
 ጮጭያ ታማን ላፑን ገደ ትገቴዳ  
 ብራዳን ጌዬዳዋንታ።

7 አቤት መድና ጎዳው፣ ኔን ኡንቱንታ ሳርተላን  
 ናጋጋ

ሀዋ ማላ አሳፕ መድናው ኡንቱንታ አሻ።

8 አሳ ግዲዋን ኢታይ ቦንቼቴዳ ዋደ፣  
 ኢታቱ ኡባ ሳና ሰመረቲድና።

### 13

ባረ ጸሳን አማኒቱዳ አሳ ዋሳ  
 ዛማራቱዋ ካፖ የጸቴዳ፣ ዳዊታ ማዝሙርያ።  
 1 አቤት መጅና ጎዳጃ፣ አወደ ጋካናዉ ኔን  
   ታና ደጋይ?  
   መጅናዉ ታና ደጋይ?  
   አወደ ጋካናዉ ኔን ታፕ ጌማይ?  
 2 ታን ታ ቆፋና ባጸትያዌ  
   አወደ ጋካናዉ?  
 ኡባ ጋላሰ ካዩ ታ ዋዛናን ደእናዌ  
   አወደ ጋካናዉ?  
 ታ ሞርከቱ ታ ቦላ ጎባናዌ  
   አወደ ጋካናዉ?  
 3 መጅና ጎዳጃ ታ ጸሳዉ፣ ሃ ታኮ ጸላደ፣  
   ታዉ ዛራ።  
 ታ አይፍያ ፖእሳደ፣  
   ሀይቁዋፕ ታና አሻ።  
 4 “ኑን ኦ ጸኔደ” ያጊደ፣  
   ታ ሞርከቱ ጨቀተናዳን ተአ።  
 ታ ከንደላን ኡንቱንቱ ናሽተናዳን ድጋ።  
 5 ሽን አገና ነ ማሮታን ታን አማኒታይ፤  
   ኔን ታና አሽያ ድራዉ፣ ታን ናሽታይ።  
 6 መጅና ጎዳጃ፣ ታን ነዉ የጸና፤  
   እያዉ ጎፕ፣ ኔን ታዉ ከካዳ።

### 14

ጸሳይ ባይና አሳቱዋ  
 ዛማራቱዋ ካፖ የጸቴዳ፣ ዳዊታ ማዝሙርያ።  
 1 ኤያቱ ባረንቱ ዋዛናን፣ “ጸሳይ ባዋ”  
 ያጊና።  
 ኡንቱንቱ ደኡ ባይደ።  
   ኡንቱንቱ ሽንይያዋ ኦሊኖ፤  
   ሎእያዋ ኦሊያ አሳይ ባዋ።  
 2 ጸሳ ኮይያ ኤራንቻቱ ደእንቶን  
   ቦእናዉ፣ መጅና ጎዳይ ሳሉዋፕ ዱገ አሳ  
   ጸሌ።  
 3 ሽን ኡባይካ ዋራ ሰሜድኖ፤  
   ኡባይካ ኡባና ጎኤናባ ግዴድኖ።  
 ሎእያዋ ኦሊያ ኦንነ ባዋ፤  
   ሀራይ አቶ አቱነ ባዋ።  
 4 መጅና ጎዳይ፣ “ሀዋንቱ ታ አሳ፣  
   አሳይ ቁማ ሞያዋዳን ቦንቂ ሚኖ።  
 ኢታ አሳቱ ቱሙ አያነ እኬክክኖ?  
   ኡንቱንቱ ታና ዋሰክኖ” ያጌዳ።  
 5 ሽን ጸሳይ ጽሎ አሳቱዋና ደእያ ድራዉ፣  
   ኢታቱ ሄዋን ደጋማና።  
 6 ኡንቱንቱ ሀይሳቱዋ ቆፋ ሀልሲኖ፤  
   ሽን መጅና ጎዳይ ሀይሳቱ ባቃቲደ፣  
   ቆሰት አትያ ሳኦ።  
 7 እሰራኤልያዉ አቶተላይ ጽዮንፕ ዩራኔ!

መጅና ጎዳይ ኡንቱንቱ ደኡዋ ዛርያ  
 ዋይ፣  
 ያቆባ ዘረሳይ ናሽታና፤  
   እሰራኤልያ አሳይ ናሽቻ ፖጩ ጋና።

### 15

ጸሳይ አሳፕ ኮይያዌ እዬ?  
 ዳዊታ ማዝሙርያ  
 1 አቤት ጸሳዉ፣ ነ ዱንካንያን ጋምእናዌ ኦኔ?  
   ነ ጌሻ ደርያን ኔናና ደእናዌ ኦኔ?  
 2 ሱሪ ደኡዋ ደእያዋ፣  
   ጽሎባ ኦሊያዋ፣  
   ባረ ዋዛናፕ ቱሙዋ ሃሳይያዋ፣  
 3 ሀራ አሳ ሱንሳ ባይዘናዋ፣  
   ባረ ላግያ ቦላ ኢታባ ኦ ኩናዋ፣  
   ባረ ሸሩዋ ዝግረናዋ፤  
 4 መጅና ጎዳን እጸቴዳ አሳቱዋ ካጅያዋ፣  
   ሽን ጸሳዉ ያይያ አሳቱዋ ቦንቻያዋ፣  
   ባረ ጫቁዳዋ እያ ዳጽናካ ፖልያዋ፣  
 5 ባረ ሚሻ ድቻዉ እመናዋ፣  
   ጽሎ አሳቱዋ ቆሀናዉ  
   ማታይያ እከናዋ።  
 ሀ የዋቱዋ ኦሊያዋ፣  
 መጅናዉካ ቃጸና።

### 16

ጸሳይ ታ ላታ  
 ዳዊታ ዋሳ  
 1 አቤት ጸሳዉ፣  
   ታን ኔኮ ባቃቱዳ ድራዉ፣ ታና ናጋ።  
 2 ታን መጅና ጎዳጃ፣ “ኔን ታ ጎዳ፤  
   ኔፕ አትን፣ ሀራ ሎኡ ታዉ ባዋ” ያጋይ።  
 3 ሳኦን ደእያ ጌሻቱ  
   አይ ማላ ጋላተቱድኖ!  
 ታ ናሽቻይ ኡባይ ኡንቱንቱና አትፕ ግድያዋ።  
 4 ዋርዶ ጸሳቱዋ ካልያዋንቱ  
   ባረንቱ ቦላ መቱዋ ዳርሲኖ።  
 ሽን ታን ኡንቱንቱ ዋርዶ ጸሳቶ ያርሸከ፤  
   ታን ኡንቱንቱ ሱንሳ ጸሰከ።  
 5 ታ መጅና ጎዳጃ፣ ታ ደኡዋ ላታይነ ጸኡይ  
   ኔና፤  
   ታና ኮሽያ ኡባ ኔን ታዉ እማሳ።  
 ታ ደኡዋ ሳማይ ኔና።  
 6 ኔን ታዉ ዋጴዳ ሳማይ አይ ኬሻ ሎኤ!  
   ኤ ታ ላታይ ቱሙዋፕ ሎኤ!  
 7 ታና ዘርያ መጅና ጎዳ ጋላታይ፤  
   ብላሄካ ታ ዋዛናይ ታና ሴራ።  
 8 ታን ኡባ ገደ መጅና ጎዳ ታፕ ሰንሳይያ  
   ኢ ታፕ ኡሽቻ ባጋና ደእያ ድራዉ፣  
   ታን ሀርግከ።

- 9 ሄዋ ድራሬ። ታ ዋዛናይ ናሽቲ፤  
ታ ሸምቸካ ሀሹ ጌ።  
ታ ቦላይካ ሀርግ ባይናን ደኤ።
- 10 ታና ሰኦልያዉ አፋይ እማካ፤  
ኔን ነ ጌሻ ሙሰሳካ።
- 11 ኔን ታና ደኤዋ ኦግያ በሳሳ።  
ታን ነ ማታን ደእና፤ ታ ናሽቻይ ፖለቲ፤  
ነ ኡሸቻ ባጋና እንጂ መድናዉ ደኤ።

### 17

- ጌሻ እሳ ዋሳ  
ዳዊታ ዋሳ
- 1 አቤት መድና ጎዳዉ፤ ታ ጽሎ ኦችያዋ ሰሳ፤  
ታ ዋሱዋ ሀይዛ።  
ታን ጭመና እንጸርሳፕ ዋሰያ  
ዋሳኮ።  
ነ ሀይሳ ዛራ።
- 2 ታ ሻትንላይ ነ ሰንሳፕ ዮ፤  
ነ አይፊ ልከ ግድያዋ ጹሎ።
- 3 ኔን ቃማን ታና ጸሞሳዳ፤  
ታ ዋዛና ፓጫዳ።
- ሸን ታ ቦላፕ አይነካ ደማካ።  
ታ እንጸርሳይካ ባለትቤና።
- 4 ታን ሀራ አሳቱዋዳን ኢታ ቃላ ሃሳይከ፤  
ታን ነ አዛዙዋ ናግያ ድራሬ። ገን ኦግያ  
ካላበይከ።
- 5 ታ ገዲ ጹበትና ማላ፤  
ታ ታንጉ ነ ኦግያፕ ጋጾ ከሰቤና።
- 6 አቤት ጸሳዉ፤ ኔን ሰሰያ ድራሬ።  
ታን ኔና ዋሳይ።
- ነ ሀይሳ ታኮ ዛራደ፤  
ታን ነዉ ኦድያዋ ሀይዛ።
- 7 ባረንቱ ሞርከቱዋፕ ባቃትያዋንታ  
ነ ኡሸቻ ኩሸያን ቆሳደ አሸያዎ፤  
ነ ሎኦተላ ማላልሰያ ኦግያን በሳ።
- 8 ነ አይፍያ ጭሩዋዳን ታና ናጋ፤  
ነ ቀፍያ ግድን ታና ቆሳ።
- 9 ታና ኡንአ ዋሴዳ ኢታቱዋፕን  
ደድ ዋሴዳ ጸላ ሞርከቱዋ ኩሸያፕ  
ታና ቆሳ።
- 10 ኡንቱንቶ ቃረት ባዋ፤  
ኡቶሩዋን ሃሳይኖ።
- 11 ታን ብያሳኦ ኡባን ኡንቱንቱ ታና ደዲኖ።  
ታና ቢታን አላ የጋናዉ ጸሊኖ።
- 12 ኡንቱንቱ ባረንቶ ዋያዋ ኮይያ ጋሞቱዋ  
ማላ፤  
ጌማን ዙግ ናግያ ዋዳላ ጋሞቱዋ ማላ።
- 13 አቤት መድና ጎዳዉ፤ ደንዳ።  
ታ ሞርከቱዋና ኤቃታደ ጸና፤  
ነ ማሻን ኢታቱዋፕ ታና አሻ አካ።
- 14 አቤት መድና ጎዳዉ፤ ሀዋ ማላ እሳፕ።

- ኡንቱንቱ ካጫይ ሀ ሳኦ ደኤዋ ጸላላ  
ግድያ እሳፕ
- ነ ኩሸያን ታና አሻ።  
ኔን ኡንቱንቶ ሞንጆዳ ቦሻን ኡንቱንታ  
ሙራ፤
- ሄ ቦሻይን ኡንቱንቱ ናናቶ ግዲዳ፤  
ኡንቱንቱ ናናቱዋ ናናትካ ፓላሆ።
- 15 ሸን ታን ጽሎተላን ነ ሰምእያ በእና።  
ታን ደንድያ ዋዳ፤ ነ ማላ በኦደ ናሽታና።

### 18

- ጸኡዋ ማዘሙርያ  
ዛማረቱዋ ካፖ የጸቴዳ ዳዊታ ማዘሙርያ።  
መድና ጎዳይ አ ሞርከያፕን ሳኦላ ኩሸያፕ  
አሼዳ ዋደ ዳዊ ተ መድና ጎዳዉ ሀ የላ  
የጾዳ
- 1 አቤት መድና ጎዳዉ፤  
ታ ዋልቃዉ፤ ታን ኔና ሲቃይ።
- 2 መድና ጎዳይ ታዉ ዋጋ ዛላ፤  
ታን ኦላፕ ናገትያ ሚጸ፤
- እ ታና አሸያዎ።  
ታ ጸሳይ ታን አኮ ባቃትያ ታ ዋጋ ዛላ።
- እ ታ ጎንዳልያ፤ እ ታና አሸያ ዋልቃ፤  
እ ታን ቆሰታ አትያ ሳኦ።
- 3 ጋላታይ በሰያ መድና ጎዳ ታን ጸሳይ፤  
እ ታ ሞርከቱዋፕ ታና አሼ።
- 4 ሀይቁዋ ዋደሩ ታና ቃቹዳ፤  
ባሻይ ድኡዋዳን ታና ዳጋንሴዳ።
- 5 ዲፉዋ ዋደሩ ታና ቃቹዳ፤  
ሀይቁ ጸርያዳን ታና ኦይቁዳ።
- 6 ታና መቱ አሰና፤ መድና ጎዳ ጸሳድ፤  
“ታና ማዳ” ጋደ ታ ጸሳዉ ዋሳድ።
- እ ባረ ጌሻ ሳኦን ታ ኮሻ ሰሴዳ፤  
ታን ዋሴዳ ዋሱ አ ሀይሳን ዋዴዳ።
- 7 ዋድና ጸሳይ ሀንቀቱዳ ድራሬ፤  
ቢታይ ዩቁዩቁደ ቃጾዳ፤  
ደረቱዋ ጸጹ ጋጅ ጋጅደ ኮኮሬዳ።
- 8 አ ሲድያፕ ሀንቁዋ ጨዋይ ጨዋቱዳ፤  
እ ደናፕ ሞያ ታማ ላጩን ጸግያ ቦንቁ  
ከሴዳ።
- 9 ሳሉዋ እ ጸልቂደ፤ ዳገ ዋዴዳ፤  
ሄ ዋደ አ ገድያፕ ጋርሳና ሰቅመቱዳ  
ሻሪ ደኤ።
- 10 ቀፍያና ደእያ ኪታንቻ ክሩብያን ኡቲደ  
ፓሌዳ፤
- ጫርኩዋ ቀፍያ አኪደ ኤሌሌዳ።
- 11 ባረና ጹማን ካሜዳ፤  
እ ዳንካኒ እራና ሰቅመቱዳ ሻርያ።
- 12 እ ሰንሳን ደእያ ዋልቃማ ፖኡዋፕ  
ሻቻይን ታማ ላጩ ከሴዳ፤  
ከሲደ ሰቅመቱዳ ሻርያ አዲደ ቤዳ።
- 13 ቃይ መድና ጎዳይ ጉጉንላዳን ሳሉዋፕ  
ጉሜዳ፤

ኡባጥ ዶቂያ ጸሳይ ዋልቃንጻንነ ታማ  
 ላጩዋን ቆንጩዳ።  
 14 ባረ ዋንዳፍያ ጩብያ የዲደ።  
 ባረ ሞርከቱዋ ላሌዳ፤  
 ዋልቃንጻ ፖኡዋ ከቲደ፤ ኡንቱንታ  
 የደርሴዳ።  
 15 አቤት መጅና ጎዳው፤ ኔን ሴሬዳ ዋደነ።  
 ሀንቀታደ ፔኑቄዳ ዋደ።  
 አባ ሃሳይ ግሴዳ ቢታይ ቤቴዳ።  
 ቃይ ሳኦ ባሱካ ቆንጩዳ።  
 16 ጸሳይ ቦላጥ ኩሽያ ዲገ የዲደ።  
 ታና ኦይቄዳ፤  
 ጨዋ ሃሳጥ ታና ከሴዳ።  
 17 እ ታና ታ ዋልቃማ ሞርከያጥ፤  
 ታና አጽያዋንቱጥ አሼዳ።  
 አያው ጎጥ፤ ኡንቱንቱ ታው ሎይሳ ዳር  
 ዋልቃማ።  
 18 ታ ዋይያ ጋላስ ኡንቱንቱ ታ ቦላ ደንዴድኖ፤  
 ሽን መጅና ጎዳይ ታና ዘምጥሰያዋ።  
 19 እ ታና አኮ ሳኦ ከሴዳ፤  
 ታናን ናሽቱዳ ድሬው፤ ታና አሼዳ።  
 20 ታ ጽሎተላዳን መጅና ጎዳይ ታው ጭጌዳ፤  
 ታ ኩሽያ ጌሻተላዳን እ ታው ዛሬዳ።  
 21 ታን መጅና ጎዳ ኡግያ ካላድ፤  
 ታን ታ ጸሳ አጋደ ዋራ ባበይከ።  
 22 ታን እ ሀግያ ኡባ ናጋድ፤  
 እ ዋጋ ፖልያዋ አጋበይከ።  
 23 ታን እ ሰንጻን ሱረ ደኣድ፤  
 ታን ታና ናጋራጥ ናጋድ።  
 24 ሄዋ ድሬው፤ መጅና ጎዳይ ታው ታ  
 ጽሎተላዳንነ  
 ታ ኩሽ እ ሰንጻን ጌሻ ግድያዋዳን  
 ዛሬዳ።  
 25 አቤት ጸሳው፤ አማነትያዋንቶ ኔን  
 አማነትያዋ፤  
 ሱረቶ ኔንካ ሱረ።  
 26 ጌሻቶ ኔንካ ጌሻ፤  
 ሽን ጌላቶ ኔን ጭንጫ።  
 27 ባረንታ ሆክሰያዋንታ አሻሳ፤  
 ሽን ባረንታ ዶቂሰያዋንታ ኔን ዘቂሳሳ።  
 28 አቤት መጅና ጎዳው፤ ኔን ታ ጸምጥያ  
 ፖአሳሳ፤  
 ታ ጸሳይ ፖአሰና፤ ታ ጹማይ ክቼ።  
 29 ነ ማዲዋን ታን ታ ሞርከ ዋታዳራቱዋ  
 ኦላይ፤  
 ታ ጸሳን ታን ኡንቱንቱ ሚጸ ጸሬና ጉፓ  
 አሳይ።  
 30 ጸሳ ኦጊ ሱረ።  
 መጅና ጎዳ ቃላይ ጌሻ።  
 አኮ ባቃትያ ኡባቶ እ ጎንዳላ።  
 31 ጸሳጥ አትና፤ ሀራ መጅና ጎዳይ ባዋ፤  
 ኑ ጸሳጥ አትና፤ ሀራ ዋጋ ዛል ባዋ።  
 32 ታው ዋልቃ አምያዋገ

ታ ኡግያ ሳር ኦላያዋ ጸሳተኔ።  
 33 እ ታ ገድያ ገንአያ ገድያዳን ሞንሴ፤  
 ታና ዶቃ ሳኦቱዋን ሳርተሳን ዋሌ።  
 34 እ ታ ኩሽያ ኦላ ሜዘዬ፤  
 ሄዋ ድሬው፤ ታን ታ ቀሰያን  
 ናሰያ ግያ ብራታ ዋንዳፍያ ዳፋደ  
 ዲካይ።  
 35 ታና አሽያ ነ ጎንዳልያ ኔን ታው አማዳ።  
 ነ ኡሽቻ ኩሺ ታና ዘምጥሰይ፤  
 ነ ሎኦ ኦይላይ ታና ዶቂሴ።  
 36 ታ ሀመትያሳ አሳሳ፤  
 ሄዋ ድሬው፤ ታ ገዲ ሀልጸቤና።  
 37 ታ ሞርከቱዋ ታን የደርሳ ኦይቃድ፤  
 ታን ኡንቱንታ ጳይሰናን ደኣደ ጉየ  
 ሰማበይከ።  
 38 ታን ኡንቱንታ ላኤንሎ ደንደናዳን ሾጫድ፤  
 ኡንቱንቱ ታ ገድያን ኩንዴድኖ።  
 39 ኦላው ታና ዋልቃ ዳንጭሳዳ፤  
 ታናና ጋዳትያዋንታ ታው ጉልባትሳዳ።  
 40 ታ ሞርከቱዋ ታ ሰንጻጥ ጉየ ባቃትሳዳ፤  
 ታና አጽያዋንታ ታን ጳይሳድ።  
 41 ባረንታ ማዳና ማላ ዋሴድኖ፤  
 ሽን ኦንነ ኡንቱንታ አሽቤና።  
 መጅና ጎዳካ ኡንቱንቱ ጸሴድኖ፤  
 ሽን እ ኡንቱንቶ ኮይቤና።  
 42 ጫርኩ ፕቲደ አፍያ ባናዳን ታን ኡንቱንታ  
 ለቅሳድ፤  
 ኡግያን ደኣያ ኡርቃዳንካ ኡንቱንታ  
 የሳድ።  
 43 ማካላ አሳጥ ታና አሻዳ።  
 ታና ካውተላቱዋ ቦላን ሱንጻዳ፤  
 ታን ኤረና አሳይ ታው ሞይቱዳ።  
 44 ኡንቱንቱ ታ ዋርያ ሰሲደ፤ ታው አዛዘቲኖ፤  
 አላጋ ደረ አሳይካ ታ ሰንጻን ሆኪኖ።  
 45 ኡንቱንቱ ዋዛና ካሃ አገና።  
 ባረንቱ ናገትያ ሚጸጥ ኮኮሪደ ዪና።  
 46 መጅና ጎዳይ ደኤ!  
 ጸሳይ፤ ታ ዋጋ ዛላይ ጋላተቶ!  
 ታና አሽያ ጸሳይ ዶቁ ዶቁ ጎ!  
 47 እ ታ ሀሉዋ ከሰያ ጸሳ፤  
 ካውተላቱዋ ታጥ ጋርሳና ሞድሰያዋ፤  
 48 ታ ሞርከቱዋጥ ታና አሽያዋ።  
 አቤት ጸሳው፤ ኔን ታናና ጋዳትያዋንቱ  
 ቦላን  
 ታና ዶቁ ዶቁ ኦላሳ፤  
 ማካላንቻ አሳቱዋጥ ኔን ታና አሻሳ።  
 49 ሄዋ ድሬው፤ ታን ኔና ካውተላቱዋ ግድን  
 ጋላታና፤  
 ታን መጅና ጎዳ ሱንጻ ሳባና።  
 50 ጸሳይ ባረ ካትያው ጸኑዋ ቦላን ጸኑዋ አሜ።  
 ባረ ኡኩዳ፤ ዳዊተውን እ ዘረፋው፤  
 ሎኦተላ መጅናው በሴ።

# 19

ጸሳይ ጽሎተላ አዎ  
 ዛማረቱዋ ካፖ የጸቴዳ፥ ዳዊታ ማዘሙርያ።  
 1 ሳሎቱ ጸሳ ሰንቸዋ ሃሳዬና  
 ሳሎቱዋ ጉፋንሉ እ ባረ ኩሽያን ኦሌዳዋ  
 አዋዬ።  
 2 እት ጋላሳይ የንኮ ጋላሳዉ ሄዋ ኦዳ፤  
 እት ቃማይካ የንኮ ቃማዉ ኤራተላ  
 ቆንጭሴ።  
 3 ሃሳይ ወይ ቃላይ ባዋ፤  
 እንቱንቱ ኮሻይካ ሰሰተና።  
 4 ግደጥካ፥ እንቱንቱ ሃሳያ ኮሻይ ሳኦ ኡባን  
 ላለቲዳ፤  
 እንቱንቱ ቃላይካ ሳኦ ጋጸ ጋኬዳ።

ጸሳይ አዋይ ደእያ ሳኦ ሳሎዋን ገግሴዳ።  
 5 ናሽቲደ ካረ ሶፕ ከሰያ ምሽራዳን፥  
 ዋሳ ናሰያዉ ጊዬዳ ዋሳንቻዳን፥  
 አዋይ ዋንታ ዋንታ ከሴ።  
 6 አዋይ እት ባጋ ሳሎዋ ጋጸፕ ሞኪደ፥  
 ሀራ ባጋ ሳሎዋ ጋጸ ጋካናሰ ቤ፤  
 አ ሆኡዋፕ ጌምያዌ አያይን ባዋ።

7 መድና ጎዳ ህጊ ሱረ፤  
 ሸምፑዋ ዛሬ።  
 መድና ጎዳይ ኦድያዌ አማነትያዋ፤  
 እኬካይ ፓጩዳዋንቶ ኤራተላ እሜ።  
 8 መድና ጎዳ ዋጋይ ልከ፤  
 ዋዛና ናሽቹ።  
 መድና ጎዳ እዛዙ ጌሻ፤  
 ዋዛና ፖእሴ።  
 9 መድና ጎዳዉ ያይያዌ ጌሻተላ፤  
 ሄዌ መድናዉካ ኤቂድ ደእያዋ።  
 መድና ጎዳ ፕርዳይ ቱማን ጽሎዋ።  
 10 ዋርቃፕን ዋላክ ባይና ዋርቃፕ አዲደ  
 ደሰቱ፤  
 ኤሳፕን ኤሳ እልሎዋፕ አድ ማልኤ።  
 11 ቃይ ታና ነ ቆማ ናገታናዳን ዞሬ፤  
 ነ ህግያ ናጉ ዳር ጎኤ።

12 ባረ ሁጲያ ባላ ደምያዌ እኔ?  
 እቤት ጸሳዉ፥ ጌሜዳ ናጋራፕ ታና ጌሻ።  
 13 ቃይ ታን፥ ነ ቆማይ፥  
 ጸላን ናጋራ ኦፍዳን፥  
 ኔን ታና ናጋ።  
 ታና ናጋራዉ ሞድሶፕ፤  
 ሄ ዋደ ታን ሱረ ግደደ፥  
 ዋልቃማ ባይዙዋፕ ጌያና።

14 እቤት መድና ጎዳዉ፥ ታ ዋጋ ዛላዉ፥  
 ታና ዋዜዳዋ፥  
 ታ ደናፕ ከሰያ ቃላይን  
 ታ ዋዛና ቆፋይ ኔና ናሽቻያዋ ግድ።

# 20

ካትያዉ ዋሳ  
 ዛማረቱዋ ካፖ የጸቴዳ፥ ዳዊታ ማዘሙርያ

19:4 ርመ 10:18

1 ኔን መቶቲዳ ዋደ መድና ጎዳይ ነ ዋሳ ሰሶ፤  
 ያቆባ ጸሳ ሱንሳይ ኔና ምንሶ።  
 2 ባረ ጌሻ ሳኦፕ ነዉ ማዳዋ ኪቶ፤  
 ጽዮንፕ ኔና ዘምፕሶ።  
 3 ነ ያርሹዋ ኡባ እ ነዉ ሀሳዮ፤  
 ነ ጹግያ ያርሹዋን ናሽቶ።  
 4 ነ ዋዛና አሙዋ ነዉ አዋ፤  
 ነ ሀልቸዋ ኡባ ፖሎ።  
 5 ነ ጸኑዋ ድራዉ፥ ኦን ናሽቻዉ ሆምቦጫና፤  
 ኦ ጸሳ ሱንሳን ኦ ባንድራ ዶቁ ኦላና።  
 ኔን ዋሴዳዋ ኡባ መድና ጎዳይ ነዉ አዋ።

6 መድና ጎዳይ ባረ ደሬዳ ካትያዉ  
 ጸኑዋ አምያዋ ታን ብር ኤራይ።  
 እ ባረ ጌሻ ሳሎዋን ሰሳና፤  
 ባረ ኡሽቻ ኩሽያን ዋልቃማ ጸኑዋ አዉ  
 አማና።  
 7 እቱ እቱ ባረንቱ ኦላ ፓራይ ጎቻያ ጋርያን፥  
 ሀራቱ ባረንቱ ፓራን ጨቀቲና፤  
 ሸን ኦን መድና ጎዳ ኦ ጸሳ ዋልቃን  
 ጨቀቲቶ።  
 8 እንቱንቱ ጹብቲደ ኩንዳና፤  
 ሸን ኦን ደንዲደ፥ ምን ኤቃና።

9 እቤት መድና ጎዳዉ፥ ካትያዉ ጸኑዋ አማ፤  
 ኦን ኔና ጹሰያ ዋደ ሰሳ።

# 21

ጸኑዋ ድራዉ ጋላታ  
 ዛማረቱዋ ካፖ የጸቴዳ፥ ዳዊታ ማዘሙርያ  
 1 እቤት መድና ጎዳዉ፥ ካቲ ነ ምናተላን ሀሹ  
 ጌ፤  
 ኔን አሜዳ ጸኑዋን እ እያ ናሽቲ!  
 2 ኔን እ ዋዛና አሙዋ አዉ አማዳ፤  
 ቃይ እ ኔና ባረ እንጸርሳን ኦቹዳዋ  
 ድጋባካ።

3 ኔን ሎኦ እንጀዋን አ ዋካሳ፤  
 ጌሻ ዋርቃ ካላቻ እ ሁጲያን ዋላሳ።  
 4 ኔን ደኡዋ አዉ አማናዳን ኔና ዋሴዳ፤  
 አዉ ጮራ ላይላን እዲሳ ደኡዋ አማዳ።  
 5 ኔን ጸኑዋ አሜዳ ድራዉ፥  
 እ ቦንቹ ዳሬ፤ ግታተላን እንጋ አዉ  
 አማዳ።  
 6 ኔን አዉ መድና እንጀዋ አማሳ፤  
 ኔን እትፕ ደእያዋን አ ናሽቻሳ።  
 7 ካቲ መድና ጎዳን አማነቱ።  
 ኡባፕ ዶቂያ ጸሳ ሎኦተላ ድራዉ፥  
 እ ቃጸና።

8 ነ ኩሺ ነ ሞርከቱዋ ኡባ ኩቱታና፤  
 ነ ኡሽቻይ ኔና እጸያዋንታ ደማና።  
 9 ኔን ቆንጭያ ዋደ፥  
 እንቱንታ ጮጭያ ታማዳን ጹጋና።  
 መድና ጎዳይ ባረ ሀንቁዋ ሱሎዋን ኡንቱንታ  
 ምታና፤  
 እ ታማይካ እንቱንታ ሞ ጳይሳና።  
 10 ኔን እንቱንቱ ናናቱዋ ቢታፕ።

ኢንቱንቱ ዘረላካ አሳ ግደጥ ጳይሳና።  
 11 ነ ሞርከቱ ነ ቦላ ሺቅና  
 ኢታባ ማቀቲኖ፤ ሸን ፖልክኖ።  
 12 አያው ጎጥ፣ ኔን ኢንቱንታ ነ ዋንዳፍያ ፖላን  
 ዲካናው ባብሳና፤  
 ባብሳደ ጉየ ዛራደ ባቃትሳና።

13 አቤት መጅና ጎዳው፣ ነ ሞኖተላን ጾቁ  
 ጾቁ ጋ፤  
 ነ ዋልቃ ድራው ነው ጋላታ ማዘሙርያ  
 የጹቶ።

## 22

ጽሎ አሳ መቱዋን ህድታ  
 ዛማረቱዋ ካፖ የጸቲዳ፣ ዳዊታ ማዘሙርያ።  
 ዋንታ ጉራ “ገንኢያ” የላዳን የጸቲዳ ዳዊታ  
 ማዘሙርያ

1 ታ ጸሳው፣ ታ ጸሳው፣ ታና አያው አጋዲ?  
 ታና ማዳ ጋደ ታን ነው ዋትዋትያ ዎደ፣  
 አያው ታፕ ሃካይ?

2 አቤት ታ ጸሳው፣ ጋላሳን ኡባን ታን ነው  
 ዋሳይ፤  
 ሸን ኔን ታው አላካ።  
 ቃማን ኡባንካ ነው ዋሳይ፣  
 ሸን ዎፓ ደሞከ።

3 ግደጥ፣ ኔን ጌሻ።  
 እስራኤልያ ጋላታይ ነ አራታ የሹዋን  
 ደኤ።

4 ካሰ ኑ አዎቱ ኔናን አማነቲድኖ፤  
 ኔናን አማነትና፣ ኔን ኢንቱንታ አሻዳ።

5 ነው ዋሲደ አቲድኖ፤  
 ኔናን አማነቲደ ዬላትቦይክኖ።

6 ሸን ታን አሳ ግድከ፤ ታን ጉጹንያ።  
 ታን አሳን ካጴተዳዋን ቅሊጨቲዳዎ።

7 ታና በእያ ኡባቱ ቅጴኖ፤  
 ኢንቱንቱ ታና ጽት ጼሊኖን ባረንቱ  
 ሁጲያ ቃሊኖ።

8 ያቶ፣ “እ መጅና ጎዳን አማነቲዳ፤  
 አያው አ አሸኔ?  
 መጅና ጎዳይ አ ዶሰ፣  
 አነ አ አሸ” ያገኖ።

9 ግደጥ፣ ታና ታ አት ኡሉዋፕ ሱረ የልሴዳዌ  
 ኔና፤  
 ታ አት ጳንላ ጳሞያ ዎደካ ታን  
 አማነታናዳን አላዳ።

10 ታን የለቶደፕ ደማደ ኔናን ድጫድ፤  
 ታ አት ኡሉዋፕ ደማደካ፣ ኔን ታ ጸሳ።

11 መቱ ታኮ ማትያ ድራውን  
 ታና ማድያዌ ባይና ድራው፣  
 ሀእ ኔን ታፕ ሃኮፓ።

12 ዳር ሞርከቱ ኮሩማ ቦራቱዋዳን ታና  
 ደዲኖ፤  
 ቃይጫያ ባሳን ቢታ ቦራቱዋዳን ታና  
 ደዲኖ።

13 መን ጌላያን ጉድያ ጋሙዋዳን  
 ባረንቱ ዶና ታ ቦላ ሀንጊኖ።

14 ታን ሃላዳን ጎጋድ፤  
 ታ መቀላቱ ባረንቱ ኩሻፕ ኮለቲድኖ።

ታ ዋዛናይ ኤሳ ሙቃዳ ማሳ፣  
 ታ ግደን ሴር ዉራ።

15 ታ ቆጴ ኮንአዳን መሊ፤  
 ታ እንጸርሳይ ኮክያና አይቀቱ።  
 ኔን ታና ሀይቄዳ አሳዳን ባናን የጋዳ።

16 ካናቱ ታና ተኤድኖ፤  
 ኢታ አሳቱ ታ የሹዋን ደዴድኖ።

ታ ኩሸቱዋን ታ ገደቱዋ ጫዲኖ።  
 17 ታ መቀላቱዋ ኡባ ታን ፓይዳይ።

17 ታ ሞርከቱ ታና ጼሊኖን ደረቁኖ።  
 18 ታ ማዌዋ ሻክ አከኖ፤  
 ታ አዲሳ ማዌዋን ሳማ የገኖ።

19 አቤት መጅና ጎዳው፣ ኔን ታፕ ሃኮፓ።  
 አቤት ታ ዎልቃው፣ ታና ማዳናው ኤለካ  
 ሃያ።

20 ታና ማሻፕ አሻ፤  
 ታ አልኦ ደእያ ካናቱዋ ዎልቃፕ አሻ።

21 ጋሞቱዋ ዶናፕ ታና አሻ፤  
 ቃይጫያ ባዙዋ ቦራቱዋ ካጫያፕ ታና  
 ናጋ።

22 ታን ነ ሱንላ ታ አሻቶ ኦዳና፤  
 ማባራ ሸቁዋንካ ኔና ጋላታና።

23 ህንተኖ፣ መጅና ጎዳው ያይያዋንቶ፣ አ  
 ጋላትተ።  
 ህንተኖ፣ ያቆባ ዘረላቶ፣  
 ኡባይካ አ ቦንቶተ።  
 ህንተኖ፣ እስራኤልያ ዘረላቶ፣  
 ኡባቱካ ቦንቶዋን አው ያይተ።

24 አ ናቀቲዳዋንታ ካፍ፤  
 ኢንቱንታ ጋኬዳ ቆሁዋ ታው አይ መቱ  
 ጌና።

ባረ ሰሞኡዋ ኢንቱንቱፕ ገንፍ፤  
 ሸን ኢንቱንቱ ማዶ አኮ ዋሰያ ዎድያን፣  
 ኢንቱንቱ ዋሱዋ ሰሴ።

25 ታን ኔን ኡሉዳ ሎኦ ኡሉዋ ድራው፣  
 ኩንሴዳ ሸቁዋን ጋላታና።  
 ታን ሸቁቲዳዋ ነው ያይያ አሳ ሰንላን ጋላና።

26 ህዬሳቱ ሚደ ካላና።  
 መጅና ጎዳ ኮይያዋንቱ አ ጋላታና።  
 ኢንቱንቱ መጅናው ደአና።

27 ሳኦ ጋጸ ጋካናው አሳይ ኡባይ  
 ሀሳዪደ፣ መጅና ጎዳኮ ሰማና።

22:1 ማቶሳ 27:46፤ ማር. 15:34    22:7 ማቶሳ 27:39፤ ማር. 15:29፤ ሉቃሳ 23:35    22:8 ማቶሳ 27:43  
 22:18 ማቶሳ 27:35፤ ማር. 15:24፤ ሉቃሳ 23:34፤ ዮሀ. 19:24    22:22 አብራ. 2:12



አሳ ዛረ ኡባይ አዉ ጎይናና።  
 28 እያዉ ጎጥ፣ ካተትያ ማታይ መድና ጎዳዋ፤  
 ካዉተላቱዋ እ ዋዴ።  
 29 ሳእን ደእያ ዱረ አሳቱ ኡባይ  
 አዉ ጎይናና።  
 ባረንታ ሀይቁዋጥ አሻናዉ ዳንዳየናዋንቱነ  
 ባናዉ ላመትያዋንቱ ኡባቱ አዉ  
 ጉልባታና።  
 30 ይያ ዘረሳይ አዉ ኪተታና፤  
 እሳይ ጎዳ ኦሱዋ ይያ የለታዉ ኦዳና።  
 31 ብር የለትቤና አሳይካ እ ጽሎተላ ኦዳና።  
 “ጸሳይ ባረ አሳ አሼዳ” ያግያዌ  
 ኦደታና።

### 23

ሎእ ሄንሳንቻ  
 ዳዊታ ማዘመርያ  
 1 መድና ጎዳይ ታ ሄንሳንቻ፤  
 ታዉ እያይነ ፓጩና።  
 2 ታና አጫ ቆሩዋን ሸዋፕሴ፤  
 ዋፑ ጌዳ ሃሳኮ ላጌ።  
 3 ታ ደኡዋ ኦራጽሴ።  
 ባረ ሱንሳ ድራዉ፣ ታና ጽሎተላ ኦግያን  
 ካለሌ።  
 4 ኔን ታ ጸሳይ ታናና ደእያ ድራዉ፣  
 ታን ድጽ ጎ ቆማ ዛንጋራ ግዳዋና  
 ቦጥካ፣  
 ኢታባዉ ያይከ።  
 ነ ጋትማይነ ነ ጉፊ ታና ምንጫሉና።  
 5 ታ ሞርከቱዋ ሰንሳን ታዉ ግብራ ማካዳ።  
 ታና ሞካድ፣ ታ ሀጺያ ዛይትያ ኦካዳ።  
 ታ ዋንጫይ ፓላሂይ ጎጋና ጋካናዉ ኩንሳዳ።  
 6 ነ ኬካተላይነ ማርተላይ  
 ታ ደኡዋ ላይላ ኡባን ቱሙዋጥ ታና  
 ካላና።  
 ታን መድና ጎዳ ጎልያን መድናዉ ደእና።

### 24

ጌሻ ጎልያ ገሉዋ ማዘመርያ  
 ዳዊታ ማዘመርያ  
 1 ሳእይነ ሳእን ኩሜዳዌ ኡባይ መድና ጎዳዋ፤  
 ቢታይነ ቢታን ደእያባይ ኡባይ አዋ።  
 2 እያዉ ጎጥ፣ ሳእ ዋልቃማ አባ ቦላን አ  
 ሂዴዳ፤  
 ጩዋ ሃላ ቦላን ምንሲይ ኤሴ።  
 3 መድና ጎዳ ደርያ ግእናዌ ኦኔ?  
 አ ጌሻ ሳእን ኤቃናዌ ኦኔ?  
 4 አ ኩሺ ናጋራጥ ጌዴዳዋ፣  
 አ ዋዛናይ ጌሻ ግዴዳዋ፣  
 ኤቃዉ ጎይናናዋ፣  
 ዋርዲዋን ጫቀናዋ።

5 እ መድና ጎዳጥ አንጃዋ አካና፤  
 አሸያ ጸሳጥ እ ጽሎተላ ፕርድዳ አካና።  
 6 ጸሳኮ ጴልያ አሳይነ  
 ያቆባ ጸሳ ሰንሳ ኮይያ አሳይ ሀዋንቱ  
 ማላ።  
 7 ጥንገቱ ደየትተ! ቦንቾ ካቲ ገላና ማላ፤  
 ቦን ጥንጋቱ አ ናሽቻን ሞክተ!  
 8 ሄ ቦንቾ ካቲ ኦኔ?  
 ሞኔነ ዋልቃማይ መድና ጎዳቱ!  
 ኦላዉካ እ ዋልቃማ መድና ጎዳቱ!  
 9 ጥንገቱ ደየትተ! ቦንቾ ካቲ ገላና ማላ፤  
 ቦን ጥንጋቱ አ ናሽቻን ሞክተ!  
 10 ሀ ቦንቾ ካቲ ኦኔ?  
 ሀ ቦንቾ ካቲ ሳሉዋ መጠላቱዋ መድና  
 ጎዳቱ!

### 25

ዳዊተ ማዘመርያ \*  
 1 አቤት መድና ጎዳዉ፣  
 ታ ሸዋፑዋጥ ኔና ዋሳይ።  
 2 አቤት ታ ጸሳዉ፣ ታን ኔናን አማንታይ፤  
 ታና ዬላዮፓ፤ ታ ሞርከቱዋ ሀይላ  
 ከሶፓ።  
 3 ኔናን ሂደታ ኦልያዋንቱ ዬላትክና፤  
 ሸን ጋሱ ባይናን ገንያዋንቱ ዬላታና።  
 4 አቤት መድና ጎዳዉ፣ ታና ነ ኦግያ ቦሳ፤  
 ነ ኦግያ ታና ታማርሳ።  
 5 ኔን ታና አሸያ ጸሳ ግድያ ድራዉ፣  
 ነ ቱማተላን ታና ካለላን ታማርሳ።  
 ጋላሳ ኩሙንሳን ታን ኔናን ሀደታ ኦሳይ።  
 6 አቤት መድና ጎዳዉ፣ ቦኒደፕ ደእያ ነ ቃረታን  
 ነ ኬካተላ ሀሳያ።  
 7 ታ ያላጋተላ ናጋራነ ባይዙዋ ሀሳዮፓ።  
 አቤት መድና ጎዳዉ፣  
 ነ ኬካተላን ሎኦተላ ሀሳያ።  
 8 መድና ጎዳይ ኬካነ ሱረ፤  
 ሄዋ ድራዉ፣ ናጋራንቻቱዋ ባረ ኦግያ  
 ታማርሴ።  
 9 አሸከቱዋ ሱረተላን ካለሌ፤  
 አሸከቱዋ ባረ ኦግያ ታማርሴ።  
 10 መድና ጎዳ ጫቁዋን አ አዋዩዋ ናግያዋንቶ  
 አ ኦኒ ኡባይ ቱማተላን ኬካተላ።  
 11 አቤት መድና ጎዳዉ፣ ታ ናጋራይ ሎይላ  
 ደራ፤  
 ግደጥካ፣ ነ ሱንሳ ድራዉ፣ አቶ ያጋ።  
 12 መድና ጎዳዉ ያይያ አሳይ ኦኔ?  
 አ ደሪደ ካላና ኦግያ ጸሳይ አ  
 ታማርሳና።  
 13 አ ኡባ ገደካ ሎኦ ደኡሳ ደእና፤  
 አ ዘረሳቱ ቢታ ላታና።  
 14 መድና ጎዳይ ባረዉ ያይያዋንቶ፣  
 ባረ ጹራ ሻክያዋ፤

23:2 ሳፃ 7:17    24:1 1 ቆር. 10:26    24:4 ማቶሳ 5:8    \* 25: ቆጥናባይ ጋክያ ዋይ ሸቅያ ዋሳ።

እ ኡንቱንቶ ባረ ጫቁዋካ ቆንጭሴ።

ታን ዋልቃማ ሺቁዋን መድና ጎዳ ጋላታና።

15 መድና ጎዳይ ታ ገድያ ጲርያፕ ከሰያ ድራው።

ታ አይፊ ማዶ ኡባ ገደ አኮ ጼሌ።

16 ጸሳው፣ ታን ታረካ ደእያ ቆሄቲዳ አሳ ግድያ ድራው።

ሃ ታኮ ሰማ፤ ነ ማረተላ ታና በሳ።

17 ታዉ ህርጋይ ዳራዳ፤

ታ መቼዋፕ ታና ኔን ዋዘ።

18 ታ መቼዋን ታ ቱጋ ኔን በእ።

ታ ናጋራ ኡባ አቶ ጋ።

19 ታ ሞርከቱ አይ ኬሻ ዳራደንቶን በእ፤ ኡንቱንቱ ታና ዋቆናዳን እጽያዋ ጼላ።

20 ኔን ታና ናጋ፤ ኔን ታና አሻ፤

ታን ኔኮ ባቃቲዳ ድራው፣ ታና ዬላዮፓ።

21 ታን ኔናን ሂዶታ ኦሌዳ ድራው፣

ሱረተላይን ቱማተላይ ታና ናጎ።

22 አቤት ጸሳው፣ አሰራኤልያ አሳ

ኡንቱንቱ መቼዋ ኡባፕ ኔን አሻ።

### 26

ጌሻ አሳ ዋሳ

ዳዊታ ማዘመርያ

1 አቤት መድና ጎዳው፣ ታን ሱረተላን ሀመቲዳ ድራው፤

ሰጂ ባይናን መድና ጎዳ አማነቲዳ ድራው።

ታዉ ፕርዳ።

2 አቤት መድና ጎዳው፣ ታና ፓጫ፣ ታና ብዳ፤

ታ ዋዘና ጸሞሳ።

3 እያዉ ጎፕ፣ አገና ነ ሲቁ ታ ሰንላን ደኤ፤

ታን ነ ቱማተላ ኦግያን ሀመታይ።

4 ታን ጭምያ አሳቱዋና እትፕ ኡትከ፤

ሎኦ ማላትያ ኢታቱዋ ማባራን ገልከ።

5 ኢታ ኦልያ አሳቱዋ ሸቁዋ ታን እጻይ፤

ማካላንቻቱዋና እትፕ ኡትከ።

6 አቤት መድና ጎዳው፣ ታን ቆሀቤናዋ በሳናዉ ታ ኩሸያ ሚጫይ።

ነዉ ያርሽያ ሳኦ ዩያይ፤

7 ነ ጋላታ የሳ የጻይ፤

ኔን ኦሌዳ ኦራሳባ ኡባ ኦዳይ።

8 አቤት መድና ጎዳው፣ ኔን ደእያ ጎልያ፣

ነ ቦንቹ አቅያ ሳኦ ታን ደሳይ።

9 ታና ናጋራንቻቱዋና እትፕ ፕቶፓ፤

ዋይ አሳ ዋቆናዋንቱና እትፕ ቆይሶፓ።

10 ኡንቱንቱ ኩሸያን ኢታ ሀልቹ ደኤ፤

ቃይ ኡንቱንቱ ኡሸቻ ኩሸያን ማታዪ ኩሞ ኡቲዳ።

11 ሸን ታና ግድፕ፣ ታን ሱረተላን ሀመታይ።

ታና ዋዘ፤ ታዉ ቃረታ።

12 ታ ገዲ ደሞባ ሳኦን ኤቄዳ፤

### 27

ጸሳና ደእያ አሳ አማኑዋ

ዳዊታ ማዘመርያ

1 መድና ጎዳይ ታዉ ፖኦን ታና አሸያዋ፤

ያትና፣ ታን ኦዉ ያያንታ?

መድና ጎዳይ ታ ደኤ ናገትያ ሚጻ፤

ያትና፣ ታን ኦዉ ዳጋማንታ?

2 ኢታ አሳቱ፣ ታ እጽያዋንቱን ታ ሞርከቱ

ታና ዋቆናዳ ታኮ ዋጾያ ዋይ፣

ኡንቱንቱ ባረንቶ ቆብቲዳ ኩንዳና።

3 ሞርከያ ቶራይ ታና ደድንቶካ

ታ ዋዘናይ ያየና።

ኦላይ ታ ቦላ ደድንቶካ፣

ታን መድና ጎዳን አማነታይ።

4 ታን መድና ጎዳ እትባ አቻድ፤

ታን ሄዋ ኮያድ፤

ሄዋ፤ ታን ታ ደኤዋ ላይላ ኡባን፣

መድና ጎዳ ጎልያን ደእናዋ፤

ቃይካ ታን መድና ጎዳ ሎኦተላ በእናዋን

አ ጎልያን አ ኮያናዋ።

5 ሄዋ ድራው፣ መቼዋ ጋላሳን

እ ታና ባረ ደእያ ሳን ገንላና፤

ባረ ዲንካንያን እ ታና ቆሰ አሻና።

እ ታና ቆቃ ሹቻ ቦላን ኤሳና።

6 ሄ ዋይ ታን ታና ደዳዳ ታ ሞርከቱዋ፤

ግታታይ ቆቁ ቆቁ ያጋና።

ታን እ ዲንካንያን ናሽታይ ያርሹዋ ያርሻና።

ታን መድና ጎዳዉ ዲዳናን የጻና።

7 አቤት መድና ጎዳው፣ ታን ኔና ጼሰያ ዋይ፤

ኔን ታዉ ኮያ፤

ታዉ ቃረታ፤ ታና ሰሳ።

8 ኔን፣ “ታ ሰንላ ኮይተ” ጌዳ ዋይ፣

ታ ዋዘናይ፣ “አቤት መድና ጎዳው፣

ኤኖ፤

ታን ነ ሰንላ ኮያና” ያጌዳ።

9 ነ ሰንላ ታፕ ገንሶፓ።

ታና ማዳዳዋ፣ ታና ነ ቆማ

ሀንቀታይ ጉዮ ዛርፓ።

አቤት ታና አሸያ ጸሳው፣

ታና ኦሎፓን አጎፓ።

10 ታ አዉነ ታ አታ ታና አግንቶን

መድና ጎዳይ ታና ሸሽ አካና።

11 አቤት መድና ጎዳው፣ ነ ኦግያ ታና ታማርሳ፤

ታ ሞርከቱዋ ድራው፣ ታና ሱረ ኦግያ

ካላሳ።

12 ታና ናሰያ ዋርይ ማርካቱ ታ ቦላ ኢታተላን

ደንዳዳ ድራው፣

ታና ታ ሞርከቱዋ አሞ አላይ አሞፓ።

13 መድና ጎዳ ኬካተላ ታን ፓጻ ደኤይ በእናዋ

አማናይ።

14 መድና ጎዳን ሂደታ ዋላ፤  
ምናደነ ዋዛናማደ፣ መድና ጎዳን ሂደታ  
ዋላ።

### 28

ማደዋ ደማናዉ ዋሳነ ጋላታ  
ደዊታ ማዘመርያ

1 እቤት መድና ጎዳዉ፣ ታ ዛላዉ፣ ታን ኔና  
ዴሳይ፤  
ታን ኔና ዴሰና፣ ታዉ ሰሳ እጸፓ።  
ነ ጮኡ ጎፕ፣  
ታን ዲፋዋ ቤዳ አሳቱዋ ማላ  
ግዳይ።

2 “ማደ” ጋደ ታን ኔና ዴሰያ ዋደነ  
ነ ኡባፕ ጌሻ ዲንካንያኮ ዛራደ፣  
ታ ኩሽያ ምጭያ ዋደ፣  
ኔን ታ ዋትዋቱዋ ሰሳ።

3 ኢታ ኦልያ ኢታ አሳቱዋና ታና ጋላደ ኦይቆፓ፤  
ሄዋንቱ ባረንቱ ዋዛናን ኩባባ ቆፕ  
ኡቲደ፣  
ባረንቱ ደናን ባረንቱ ሾሩዋና ሳርባ  
ሃሳይያዋንታ።

4 ኡንቱንቱ ኡሱዋዳንን ኡንቱንቱ ኡሱዋ  
ኢታተላዳን፣  
ኡንቱንቶ ጭጋ፤  
ኡንቱንቱ ኩሺ ኦሌዳባዉ ኡንቱንቶ  
ዛራ።  
ኡንቱንቶ በሰያ ኢታ ኡንቱንቶ ዛራ።

5 ኡንቱንቱ ጸሳ ኦሱዋን ኦ ኩሺ መጫደዋ  
ደሰናን እዬዳ ድራዉ፣ ጸሳይ ኡንቱንታ  
ኮላና፤  
ዛራደ ኡንቱንታ ኡባካ ኬጸና።

6 ታ ዋትዋቱዋ ሰሴዳ ድራዉ፣ መድና ጎዳይ  
ጋላተቶ።

7 መድና ጎዳይ ታዉ ዋልቃነ ጎንዳለ፤  
ታ ዋዛናይ እን አማነቱ፤  
ሄዋን ታን ማደታድ።  
ሄዋ ድራዉ፣ ታ ዋዛናይ እን ናሽቱ፤  
ታን የላን አ ሳባና።

8 መድና ጎዳይ ባረ አሳዉ ዋልቃ፤  
እ ባረ ኦኬዳ ካትያ አሽያ ማጸ።

9 ጸሳዉ፣ ነ አሳ አሻ፤  
ነዉ ግድያዋንታ አንጅ።  
ኡንቱንታ ሄምያዋ ኔና ግዳ፤  
ኔን ኡንቱንታ መድናዉካ ቶካ።

### 29

ጸሳ ኩሻ ዋልቃ  
ደዊታ ማዘመርያ

1 ህንተኖ ሳሉዋን ደእያ መጋታቶ፣  
መድና ጎዳባ ኡድተ፤  
“ቦንቹን ዋልቃይ መድና ጎዳዋ” ጊደ ኦድተ።  
2 መድና ጎዳ ቦንቹ ሱንላ ጋላተተ፤  
እ ጌሻተላ ፑላዉ መድና ጎዳዉ ጎይንተ።

3 መድና ጎዳ ጉንሳይ ሃላቱዋ ቦላን ሰሰቱ።  
ቦንቹ ጸሳይ ጉንሳዳን ጉማ፤  
መድና ጎዳይ ዋልቃማ ሃላቱዋ ቦላን ጉማ።  
4 መድና ጎዳ ጉንሳይ ዋልቃማ፤  
መድና ጎዳ ጉንሳይ፣ “ሆላ!” ጊሰያዋ።

5 መድና ጎዳ ጉንሳይ ዘጋቱዋ መንጋራሬ፤  
ለባናሳ ግያ ቢታን ደእያ ዘጋቱዋካ፣  
መድና ጎዳይ መንጋራሬ።

6 ለባናሳ ደረቱዋ ጋሎ ማራዳን ቡራቅሴ፤  
ሰርዮና ግያ ዋልቃማ ደርያ መንሳዳን  
ጲጵጸላሴ።

7 መድና ጎዳ ኩሻይ፣  
ዋልቃንላ ዋልቃምሴ።

8 መድና ጎዳ ኩሻይ ባዙዋ ቃሌ፤  
መድና ጎዳይ ቃዴሳ ባዙዋ ቃሌ።

9 መድና ጎዳ ኩሻይ ዋላቱዋ ቃሌ፤  
ምላ ሀይላካ ቆቆፊ።  
ያትና፣ እ ደእያ ሳእን ደእያዋንቱ፣  
“ቦንቹ ጸሳዉ ግደ” ያገና።

10 መድና ጎዳይ ድኡዋ ሃላ ቦላ ባረ ካዉተላ  
አራታ ዋሊደ ኡቲዳ፤  
መድና ጎዳይ ባረ ካዉተላ አራታን  
ኡቲደ፣  
መድናዉ ካተቲዳ።

11 መድና ጎዳይ ባረ አሳዉ ዋልቃ እማ።  
መድና ጎዳይ ባረ አሳ ሳርተላን አንጅ።

### 30

ጋላታ ዋሳ  
ደዊታ ማዘመርያ፣ ጌሻ ጎልያ አንጅሰያ ጋላሰ  
የጼዳዋ

1 እቤት መድና ጎዳዉ፣  
ኔን ታና ጨመፕፕ ከሴዳ ድራዉነ  
ታ ሞርከቱዋን፣ “ሀሹ አዉ”  
ጊሳቤና ድራዉ፣  
ታን ኔና ቶቁ ቶቁ ኦላና።

2 እቤት መድና ጎዳዉ ታ ጸሳዉ፣  
ኔን ታና ማዳናዳን፣ ታን ኔና ዴሳድ፤  
ኔን ታና ፓላዳ።

3 እቤት መድና ጎዳዉ፣ ታና ዲፋዋ ቤናዳን  
ናጋዳ፤  
ዲገ ጨሞ ኦላን ገለናዳን፣  
ኔን ታና ፓጻ አሻዳ።

4 ህንተኖ ጸሳ አሳቶ፣ መድና ጎዳዉ የጽተ፤  
እ ጌሻ ሱንላካ ጋላተተ።

5 አ ሀንቁ ጉላ ዋድያሳ፣  
ሽን አ ኬካተሳይ ደኡዋ ላይላ ኡባሳ።  
ቃማ ዬኪደ አቆፕ፣  
ዋንታ ዛዋይ ባይና ናሽቻ ግዴ።

6 ታን ዋፓን ደእያ ዋደ፣  
“ሰም ታን ኡባካ ቃጽከ” ያጋድ።

7 እቤት መድና ጎዳዉ፣ ኔን ታዉ ኬኬዳ ዋደ፣

ታና ወልቃማ ደርያደን ምንሳደ ኤሳዳ።  
ሸን ኔን ነ ሰንሳ ዋራ ዛሬዳ ዋደ።  
ታን ዳጋማድ።

8 አቤት መድና ጎዳዉ። ታን ኔና ዴሳድ፤  
ታን መድና ጎዳኮ ማሮተላዉ ሀዋደን  
ያጋደ ዋሳድ፤

9 “ታን ሀይቂያዋፕ ዋይ  
ዱፋዋን ገለያዋፕ እያ ደማኒ?  
ባናዉ ላመቲዳ አሳይ ኔና ጋላቲ?

10 አቤት መድና ጎዳዉ። ታና ኔን ሰሳ፤  
ታዉ ቃረታ።

አቤት መድና ጎዳዉ። ኔን ታዉ ማዲዋ ግዳ”  
ያጋድ።

11 ታ ዬኩዋ የላዉ ላማዳ።  
ካዩዋ ማዩዋ ታፕ ቃራደ።  
ናሽቻ ታና ማይዛዳ።

12 ሄዋ ድራዉ። ታን ኔና  
ሳባናፕ እትና። ጮኤ ገከ።  
አቤት መድና ጎዳዉ ታ ጸሳዉ።  
ታን ኔና መድናዉካ ጋላታና።

### 31

መቼዋ ዋደ ዋሳ  
ዛማረቱዋ ካፖ የጸቲዳ። ዳዊታ ማዘመርያ

1 አቤት መድና ጎዳዉ። ታን ኔኮ ባቃታይ፤  
አዉደነ ታና ዬላዮፓ።  
ነ ጽሎተላን ታና አሻ።

2 ነ ሀይላ ታኮ የጋ፤  
ኤለካ ታና አሻ።

ኔን ታን ጌምያ ዛላነ  
ታና አሽያ ምኖ ጌሱዋ ታዉ ግዳ።

3 ኤ። ኔን ታዉ ዛላነ ጌሱዋ፤  
ነ ሱንላ ድራዉ። ኔን ታና ካለላነ ነ ኦግያ  
በሳ።

4 ኔን ታዉ ጌምያ ሳ ግድያ ድራዉ።  
ኡንቱንቱ ታዉ ቆሰ ዋሴዳ ጲርያፕ ታና  
ኔን ናጋ።

5 አቤት መድና ጎዳዉ። ቱሙዋ ጸሳዉ።  
ታን ታ ሸምፑዋ ነ ኩሽያን ዋላይ፤  
ኔን ታና ዋዛ።

6 ፓ፣ ኤቃቶ ጎይንያዋንታ ታን እጻይ፤  
ሸን ታን መድና ጎዳን አማነታይ።

7 ታ መቼዋ ኔን በኤዳ ድራዉነ  
ታ ቱጋ ኔን ኤሬዳ ድራዉ።  
ታን አገና ነ ሲቁዋን ናሽታናነ  
ናሽቻን ናጩ ጋና።

8 ኔን ታና ሞርክያ ኩሽያን አላደ አማባካ፤  
ታ ገደቶካ ላአተላ አማዳ።

9 አቤት መድና ጎዳዉ።  
ታን መቼዋን ገሌዳ ድራዉ። ታዉ  
ቃረታ።

ታን ዳር ሞሽቲዳ ድራዉ። ታን መቼዋን።  
ታ አሽካ። ታ ሸምፑካ ዳቡሬዳ።

10 ሞሹዋ ዳሩዋን ታ ደኡ ጭሬዳ፤  
ታ ላይላቱካ ኦልሸን ዉሬድና።  
መቼዋ ዳሩዋን ታ ዋልቃይ እጽና፤  
ታ መቀላቱካ አርጋጩድና።

11 ታ ሞርከቱዋ ኡባዉ ቅድያ ግዳድ  
ታን ታ ሾርቶ ዬላ።

ታና ኤርያዋንቶካ ያሽሰያዋ ግዳድ።  
አግያን ታና በኤዳዋንቱካ ታፕ ባቃቲና።

12 ታን ሀይቂዳዋዳን ደገታድ፤  
መእና ኦሌዳ ኦቱዋ ማላ ግዳድ።

13 ታን ዳርቱዋ ሳሱከላ ሰሳድ፤  
ዳጋማይ ኡባ ሳን ደኤ።  
ኡንቱንቱ ታ ቦላ ሸቅኖን ታና ዋጳናዉ  
ማቀቲና።

14 ሸን መድና ጎዳዉ። ታን ኔናን አማነታይ።  
ኔን ታ ጸሳ ያጋይ።

15 ታ ደኡዋ ላይላይ ነ ኩሽያና።  
ታና የደርሰያ ታ ሞርከቱዋ ኩሽያፕ ታና  
ኔን አሻ።

16 ነ ቆማ ቦላን ነ ሶምኤዋ ፖአሳ፤  
አገና ነ ሲቁዋን ታና አሻ።

17 አቤት መድና ጎዳዉ። ታን ኔና ዴሰያ ድራዉ  
ታና ዬላዮፓ።

ሸን ኢታቱ ዬላተና፤  
ኡንቱንቱ ዱፋዋን ገሊደ። ሰርጽ ገና።

18 ኦቶሩዋን ካድያን ጽሎቱዋ ቦላ  
ጸሊደ ሃሳይያ ድራዉ።  
ኡንቱንቱ ዋርዶቻያ ዶና ጮኤ ኦላ።

19 ነዉ ያይያዋንቶ ኔን ምንጃዳነ  
ኔኮ ባቃትያዋንቶ አሳ ሰንላን።  
ኔን ኦሴዳ ነ ከካተላይ እያ ዳሬ፤

20 ኔን ኡንቱንታ ነ ሰንላን ጌማ ሳኔነ ገንላደ።  
አሳ ማቁዋፕ አሻሳ።  
ኔን ኡንቱንታ ነ ዱንካንያን ቆሳደ።  
ኢታ እንጸርሳፕ አሻሳ።

21 ታን ሞርከ ደዴዳ ካታማ ግደን ደእያ  
ዋደ።  
እ ታና ማላልሰያ ባረ አገና ሲቁዋ በሴዳ  
ድራዉ።

መድና ጎዳይ ጋላተቶ።  
22 ታን ዳጋማደ።

“ታን ነ ሰንላፕ ክቻድ” ያጋድ።  
ሸን ታና ማዳና ማላ። ኔና ዴሴዳ ዋደ።  
ታ ዋሱዋ ኔን ሰሳዳ።

23 ህንተና። ጸሳ አሳቶ። መድና ጎዳ ሲቅተ።  
መድና ጎዳይ አማነትያዋንታ ናጌ፤  
ሸን ኡቶራንቻቶ ኡንቱንቱ ጋትያ ዉርሰ  
ጭጌ።

24 ህንተና። መድና ጎዳን ሀይታ ኦልያዋንቶ።  
ምንተነ ዋዛናምተ።

### 32

- ናጋራ ፓጸሳን ማርታ ደሙሳ ዳዊተ አከካን ጻፊዳ ገንጹዋ
- 1 አ ባይዙ አቶ ጌተድዳነ አ ናጋራይ ካመቴዳ ኡራይ እንጀቴዳዋ።
- 2 መጅና ጎዳይ እ ኢታተላ ፓይደና አሳይነ አ ቆፋን ባለሉ ባይና አሳይ እንጀቴዳዋ።
- 3 ታ ናጋራ ፓጸናን ደእደ፡ ታን ጋላሳ ኩመንሳ ኦሌዳዎ ታ አሳተላይ ዳቡራዳ።
- 4 ጋላሳን ቃማ ነ ኩሺ ታ ቦላ ዴዴዳ። ሃላይ ቦንያ አዋን መሊደ ዉርያዎዳን፡ ታ ዋልቃይ ዉራዳ።
- 5 ታን ታ ናጋራ ነዉ ፓጸድ፤ ታ ኢታተላካ ኔፕ ገንላበይከ፤ “ታ ባይዙዋ መጅና ጎዳዉ ፓጸና” ጋድ። ያትና፡ ኔን ታና ዴዴዳ ናጋራ አቶ ያጋዳ።
- 6 ሄዋ ድራዉ፡ ጸሳ አሳ ግድያ ኦንነ፡ ኔን ቤትያ ዎደ፡ ኔና ዎሶ። ዋልቃማ ሃላይ ኩንሳያ ዎደ፡ ቱሙዋፕ ሄ ኡራ ጋከና።
- 7 ኔን ታዉ ቆስትያ ሳኣ፤ ኔን ታና መቱዋፕ ናጋሳ። አቶተላ የላ የጽያዋንታ ታ ዩሹዋን ዎላዳ።
- 8 ጸሳይ፡ “ታን ኔና ኤርሳና፡ ኔን ባናዉ በሰያ ኡግያ ኔና ታማርሳና፤ ታን ኔና ዘራናን ናጋና።
- 9 ብጸሳንን ፑሉዋን ኦይቀተናን አዛዘተና፡ ዎዛናይ ባይና ባቁሉዋዳን ዎይ ፓራዳን ሀንተ ሀናፕተ” ያጌ።
- 10 ኢታቶ ቱጋይ ዳራና፤ ሸን መጅና ጎዳን አማነትያዋንታ፡ አገና ሲቁ ዶዳና።
- 11 ሀንተኖ፡ ጽሎቶ፡ መጅና ጎዳን ናሸትተን “ሀሹ!” ጌተ፤ ሀንተኖ፡ ዎዛና ሱረቶ፡ ናሸቻዉ የጽተ።

### 33

- ማርያ ጸሳ ሳቡሳ
- 1 ሀንተኖ፡ ጽሎቶ መጅና ጎዳዉ ናሸቻን የጽተ፤ ሱረ አሳቱ እ ጋላታናዉ በሲ።
- 2 ማሰንቁዋ ዲዲደ፡ መጅና ጎዳ ጋላትተ፤ ታሙ ባቁላን ዋጸቴዳ ዲላካ አዉ ዲጽተ።
- 3 ኡራሳ የላ የጽተ፤ ሎይሳ ዲዲደ፡ ቃላ ቶቂሲደ የጽተ።
- 4 መጅና ጎዳ ቃላይ ሱርያ፤ አ ኦሳያ ኡሱዋ ኡባይ አማነትያዋ።

- 5 መጅና ጎዳይ ጽሎተላን ቱሙ ፕርዳ ዶሴ፤ አገና እ ሲቁ ሳኣ ኩሜዳ።
- 6 መጅና ጎዳ ቃላን ሳሎቱ መጠቴድና። አ ዶናፕ ከሰያ ሸዎፑዋን አንቱንቱን ደእያ መጠታቱካ ኦሰቴድና።
- 7 ዎልቃማ አባ ሃሳ እ አትሳን ኤልሴዳ፤ ሄ ጨዋ ሃላ ምንጃ ሳን ዜሬዳ።
- 8 ሳኣ ኡባይ መጅና ጎዳ ያየ፤ ሳኣን ደእያ አሳይ ኡባይ እ ቦንቾ።
- 9 አያዉ ጎፕ፡ እ ሃሳይና ሀኔዳ፤ እ አዛዘና፡ ምኒደ ኤቄዳ።
- 10 መጅና ጎዳ ኤሪና ካዉተላቱዋ ዘረታ ጸሳይ ላሊ፤ አንቱንቱ ሀልቼዋካ መላ ከሲ።
- 11 መጅና ጎዳ ሀልቼ መጅናዉ ኤቄደ ደኤ፤ አ ዎዛና ቆፋይካ የለታ ኡባ ጋካናዉ ደኤ።
- 12 ጸሳይ መጅና ጎዳ ግዴዳ ካዉተላይ፡ አ ባረሳ ኦሊደ ዶራዳ አሳይ እንጀቴዳዋ።
- 13 መጅና ጎዳይ ሳሎዋና ዲገ ዴሊደ፡ አሳ ኡባ በኤ።
- 14 ጸሳይ ባረ ደኤያሳፕ ሳኣን ደእያ ኡባ ዴሊ።
- 15 እ ኡንቱንቱ ኡባ ዎዛና መጄዳ፤ አንቱንቱ ኦሳያዎ ኡባ ኤሬ።
- 16 ካቲ ባረ ዎታዳራ ጮራተላን አተና፤ ኦላንቻይ ባረ ዎልቃ ምናተላን ከሰ አከና።
- 17 ኦላ ፓራይ ጸንሳና ጊደ ናግያዌ መላ፤ አ ባረ ዎልቃ ምናተላን አሻናዉ ዳንዳየና።
- 18 መጅና ጎዳ አይፈቱ አዉ ያይያን አገና እ ሲቁዋን ሀይታ ኦሳያ አሳቱዋ ቦላና።
- 19 ሄዌነ፡ ኡንቱንታ ሀይቁዋፕ አሻናሳን ከሻ ዎድያን ፓጸ ዎላናሳ።
- 20 ኡን መጅና ጎዳን ሀይታ ኦሳቶ፤ አ ኑና ማድያዋን ኑ ጎንዳልያ።
- 21 ኡን እ ጌሻ ሱንላን አማነትያ ድራዉ፡ ኑ ዎዛናይ እን ናሸቴ።
- 22 አቤት መጅና ጎዳዉ፡ ኑን ኔናን ሀይታ ኦሳያዎዳን፡ አገና ነ ሲቁ ኑናና ግድ።

### 34

- ጸሳይ ፕርድያዎ ግዴዎ ሳቡሳ ባረና የደርሴዳ ኡብመሊካ ሰንላፕ ጎይያዎ ማላቲደ ቤዳ ዎደ፡ ዳዊታ ማዘመርያ
- 1 ታን መጅና ጎዳ ኡባ ዎደ ጋላታና፤ አ ጋላታይ አይ ዎደነ ታ ዶናፕ ፓጩና።
- 2 ታን መጅና ጎዳን ጨቀታይ፤

### 35

ናቀቱዳዋንቱ ሄዋ ሰሲደ ናሸትኛ።  
 3 ታናና ግዲደ፣ መፅና ጎዳ ግታይተ።  
 እነ እትፕ ለ ስንሳ ጶቁ ጶቁ ኦላይተ።  
 4 ታን መፅና ጎዳ ኮያድ፤  
 እ ታወ ዛሬዳ፤  
 ታን ያይያዋ ኡባፕ ታና እ እሼዳ።  
 5 ኔኮ ጸልያዋንቱ ናሸትኛ፤  
 ኡንቱንቱ ሶሞኢ ኡባካ ዬላተና።  
 6 ሀ ሀዬሳ ብታኒ ዋሴዳ፤  
 መፅና ጎዳይ እ ዋሱዋ ሰሴዳ፤  
 እ መቱዋ ኡባፕ እ እሼዳ።  
 7 መፅና ጎዳ ኪታንቻይ እ ያይያ አሳቱዋ ናገ፤  
 እ ኡንቱንቱ ዩሹዋን ግዲደ፣ ኡንቱንታ  
 አሼ።  
 8 መፅና ጎዳይ ከካ ግድያዋ ጸል በእተ።  
 እኮ ባቃትያ አሳይ እንጀቱዳዋ።  
 9 ሀንተኛ፣ እ ጌሻ አሳቶ፣ መፅና ጎዳወ ያይተ፤  
 እያወ ጎፕ፣ እወ ያይያ ኡባቶ አያይነ  
 ፓጨና።  
 10 ጋሞቱካ ምያዌ ጳይና ኮሻቲኛ፤  
 ሽን መፅና ጎዳ ኮይያዋንቶ ሎኦባይ  
 ፓጨና።  
 11 ታ ታማረቶ፣ ሃ ዩተ፤ ሰሰተ፤  
 መፅና ጎዳ ያሻ ታን ሀንተና ታማርሳና።  
 12 ሎኦ ደኡዋ ደአናወነ  
 ከካባ በእና ማላ፣  
 ባረ ላይላይ እዱቃናወ ኮይያ አሳይ  
 ኦኔ?  
 13 ነ እንጻርሳይ ኢታባ ሃሳየናዳን፣  
 ነ ድናይካ ጭሚናዳን ተእ።  
 14 ኢታፕ ሻከታ፤ ሎኦባ አሳ፤  
 ሳርተሳ ሎይላ ኮያድ ካላ።  
 15 መፅና ጎዳ አይፊ ጽሎቱዋኮ ጸሌ፤  
 ቃይ እ ሀይላይካ ኡንቱንቱ ዋሱዋ  
 ሀይዜ።  
 16 ኡንቱንታ ሀሳይሰያዋ ቢታፕ ጳይሳና ማላ፣  
 መፅና ጎዳይ ኢታ ኦሳያዋንታ፣  
 ባረ ሀንቁዋ ሶሞኡዋን ጸሌ።  
 17 ጽሎቱ ዋሲኛ፤  
 መፅና ጎዳይ ኡንቱንቱ ዋሱዋ ሰሴ።  
 እ ኡንቱንቱ መቱዋ ኡባፕ አሼ።  
 18 መፅና ጎዳይ ዋዛናይ መኤዳዋንቶ ማታና፤  
 ቃይ ባረንቱ ሀይታ ቃንጸዳዋንታ አሼ።  
 19 ጽሎ አሳ መቱ ዳራ፤  
 ሽን መፅና ጎዳይ እ ሄ ኡባፕ አሼ።  
 20 ጸሳይ እ ምንሳ ናግያ ድራወ፣  
 እ መቀላፕ እቱነ መኤና።  
 21 ኢታቱዋ ኢታተላይ ዋዳና፤  
 ጽሎቱዋ እጽያዋንቱ ፕርደታና።  
 22 መፅና ጎዳይ ባረ ቆማቱዋ አሼ።  
 እኮ ባቃቲደ ኦንነ ፕርደተና።

ናቀቱዳ አሳ ዋሳ  
 ዳዊታ ማዘሙርያ  
 1 እቤት መፅና ጎዳወ፣ ታናና ኤቀትያዋንቱና  
 ኔን ኤቀታ፤  
 ታናና ኦለትያዋንቱና ኔን ኦለታ።  
 2 ጎንዳልያን ሀራ ኦላ ሚሻ ኦይቃድ፣  
 ታና ማዳናወ ደንዳ።  
 3 ታና የደርሰያዋንቱ ቦላን  
 ነ ቶራነ ማሻ ደንሳ።  
 ታና፣ “ታን ኔና አሸያዋ” ያጋ።  
 4 ታ ሸሞፕዋ ዋዳናወ ኮይያዋንቱ፣  
 ዬላትኖን ካወሸኖ፤  
 ታ ቦላ ኢታባ ማቀትያዋንቱ ካወሸደ  
 ገዮ ሰሞኖ።  
 5 መፅና ጎዳ ኪታንቻይ ኡንቱንታ የደርሰያ  
 ዋድ፣  
 ኡንቱንቱ ጫርኩዋ ሰንሳን ደእያ  
 ሱላዳን ሀንኖ።  
 6 መፅና ጎዳ ኪታንቻይ፣  
 ኡንቱንታ ደቻና ሀንያ ዋድ፣  
 ኡንቱንቱ ኦጊ ጳማን ሀልላ ግድ።  
 7 ጮ ታና ኦይቃናወ ባረንቱ ጲርያ ዋሌድኖ፤  
 ቃይካ ጮ ታና ከንድሳናወ ኦላ  
 ቦኬድኖ።  
 8 ኤረናን ደእሸና፣ ኡንቱንቱ ቦላን ባሻይ ፑቱ  
 ጎ።  
 ኡንቱንቱ ዋሌዳ ጲሪ ኡንቱንታ ኦይቆ፤  
 ኡንቱንቱ ባሻ ኦላን ከንድኖ።  
 9 ሄ ዋድ ታን መፅና ጎዳን ናሸታና፤  
 እ እሼዳ ድራወ፣ ታን ናሸቻ ኖጨ ጋና።  
 10 ታ ኩመንሳ አሳተላይ ኔና፣  
 “እቤት መፅና ጎዳወ፣ ነ ማል ኦኔ?  
 ሀዬሳ ዋልቃማ ኩሸፕፕ ዋላ አካሳ።  
 ሀዬሳን መቶታንቻ ቦንቂ ምያዋንቱ  
 ኩሸፕፕ አሻሳ” ያጋና።  
 11 ዋርዲዋ ማርካትያዋንቱ ታ ቦላ ደንዲኖ።  
 ታን ኤረናባን ታና ሞቱኖ።  
 12 ታን ሎኡዋ ኦሌዳዋ ኩሸያ ኢታ ዛሪኖ፤  
 ያትና፣ ታን ታረካ ኢታድ።  
 13 ሸን ታን ኡንቱንቱ ሀርጌዳ ዋድ፣  
 ማቃ ማያድ፤ ታ አሳተላ ጸማን  
 ዲቡርሳድ።  
 ታ ዋሳይ ዛረዋ ደመናን አቲዳ።  
 14 ታ ሁጲያ ዝቂ አሳደ፣ ታ ዳቦ።  
 ዋይ ታ እሻወ ዩክያዋዳን ዩካድ።  
 እት አሳይ ባረ እትወ ካኖትያዋዳን ታ ሁጲያ  
 ኦይቃድ፣  
 ዩካደ ሀመታድ።  
 15 ሸን ኡንቱንቱ ታን ጳብቲዳዋን ናሸቲደ፣  
 ታ ቦላ ሸቂድኖ።  
 ታን ኤረና ጋሱዋን ታና ዋዲደ፣  
 እትዋ እጸድኖ።

16 ኢታ አሳይ ቅሊጭያዎዳን ኡንቱንቱ ታና ቅሊጪኖ፤  
ኡንቱንቱ ይሎቲደ፣ ባረንቱ አቻ ጋርጩድኖ።

17 አቤት ጸሳዉ፣ ኔን አዉደ ጋካናዉ ጮኤ ጋደ ጸላይ?

ኡንቱንቱ ኢታ ኦሱዋፕ ታና አሻ፤  
ሀ ጋሞቱዋ ማላ አሳቱዋፕ ታ አልኦ ሸሞፑዋ አሻ።

18 ሄ ዋደ ግታ ሸቆዋን ታን ነዉ ጋላታ እማና፤ ጮራ አሳ ሸቆዋን ታን ኔና ሳባና።

19 ጋሱ ባይናን ታና ሞርክያዋንቱ ናሽቶፕኖ፤  
ታና ጮ አጽያዋንቱ ታ ቦላ ሰሞኤቶፕኖ።

20 ኡንቱንቱ ሳርባ ሃሳይያዋ አጊደ፣ ቢታን ጮኤ ጊደ ደእያ አሳቱዋ ቦላን ዋርዲዋ መጲደ ሃሳዪኖ።

21 ኡንቱንቱ ባረንቱ እንጸርሳ ታ ቦላ ቃራዪደ፣ “ኤ፣ ኤ፣ ኔን ኦሌዳዋ ኔን ኦ አይፍያን በኤደ” ያጊኖ።

22 አቤት መጵና ጎዳዉ፣ ኔን ሀዋ በአደ፤ ጮኤ ጎፓ።

አቤት ጸሳዉ፣ ኔን ታፕ ሃኮፓ።  
23 አቤት ታ ጎዳዉ፣ ታ ጸሳዉ፣ ታ ድራዉ ደንዳ፤ ቤጎታ ታ ደና ግዳደ ሞተታ።

24 አቤት መጵና ጎዳዉ፣ ታ ጸሳዉ፣ ነ ጽሎተላን ታና ሻትጎላ፤ ታ ሞርከቱዋ ናሽቻፓ።

25 ኡንቱንቱ ባረንቶ፣ “ሀሹ፣ ሀሹ፣ ኔን ኦ ዋዛናን አሞቱዳዋ ጋሴደ። ኔን ኦ ሞቱደ” ጋናዳን ኦላፓ።

26 ታ ዋይያን ናሽትያዋንቱ ኡባይ ዩላትኖን ካዉሸኖ።

ታ ቦላን ኦቶረትያዋንቱ ዩላን ካዉሻ ማይኖ።

27 ታን ሻትምያዋ ደሰያዋንቱ ናሽቲደ፣ “ሀሹ!” ጊኖ።

ኡንቱንቱ ኡባ ገደ፣ “ባረ ቆማ ሳርተላን ናሽትያ መጵና ጎዳይ ግታቶ” ያግኖ።

28 ጋላሳ ኩመንላን ታ እንጸርሳይ፣ ነ ጽሎተላባን ነ ጋላታባ ኡዳና።

### 36

ናጋራንቻ ኢታተላን ጸሳ ሎኦተላ ዛማሪቱዋ ካፖ የጸቲዳ፣ መጵና ጎዳ ቆማ ዳዊታ ማዝሙርያ

1 ኢታ አሳይ ባረ ዋዛናን ደእያ ኢታተላ ኮሻ ሀይዜ።

ጸሳዉ ያይያዋ አ ቆፋን ባዋ።

2 አያዉ ጎፕ፣ እ ባረና ሎይሳ ናሽ፤ ሄዋ እ ባረ ናጋራ ደማናዉን እጸናዉ ዳንዳየና።

3 አ ደናፕ ከሰያ ሃሳይ ገንያን ዋርዲዋ። አጴዳ ኤራባን ሎኦባ ኦላያዋ እ አጌዳ።

4 እ ባረ ሃዳን ደእደካ ገንያባ ኦላናዉ ሀልቼ። እ ሎኦ ግደና ኦግያን ኤቄዳ፤ እ ኢታባ እጸና።

5 አቤት መጵና ጎዳዉ፣ አገና ነ ሲቁ ሳሎቱዋ ጋዜ፤ ነ ቱማተላይካ ቦላ ሻርያዳን ቶቄ።

6 ነ ጽሎተላይ ኡባፕ ቶቃ ደረቱዋ ማላ፤ ነ ፕርዳይካ ኡባፕ ዝቃ ጪማ ማላ።

አቤት መጵና ጎዳዉ፣ ኔን አሳካ ደአካ ናጋሳ።

7 አቤት ጸሳዉ፣ አገና ነ ሲቁ አይባ አልኦቤ! አሳይ ነ ቀፍያ ግደ ባቃት አቲ።

8 ኡንቱንቱ ነ ሶ ግደን ፓላሀ ማዳፕ ሚደ ካሊኖ፤ ነ ኬካተላ ሻፋፕ ኔን ኡንቱንታ ኡሻሳ።

9 አያዉ ጎፕ፣ ደኡዋ ፑልቱ ነ ማታን ደኤ፤ ነ ፖኡዋን ኔን ፖኡዋ በኤቶ።

10 ኔና ኤርያዋንታ ኔን ሲቅያ ሲቁዋን ሱረቶ ኬክያ ኬካ አጎፓ።

11 ኦቶራንቻ ገዲ ታና የቶፖ፤ ናጋራንቻቱዋ ኩሺ ታና የደርሶፖ።

12 ኢታ አሳቱ ኩንዴዳዋንታ በአፕ፤ ኡንቱንቱ ኩንዴድኖ፤ ደንዳናዉካ ዳንዳይክና።

### 37

ኢታቱዋን ሎኦቱዋ ዉርሰሳ ዳዊታ ማዝሙርያ

1 ኢታ ኦላያዋንቱ ድራዉ ይሎቶፓ። ናጋራ ኦላያዋንታ ቃናቶፓ።

2 አያዉ ጎፕ፣ ኡንቱንቱ ማታዳን ኤላካ መላና፤ ሹሌዳ ቦንጭያዳን ኡንቱንቱ ቆቆፈታና።

3 ኔን መጵና ጎዳን አማንታ፤ ሎኦባ ኦላ። ያታደ ቢታን ፓላሀና ደአ።

4 መጵና ጎዳን ናሽ፤ እ ነዉ ነ ዋዛና አሙዋ እማና።

5 ነ ኦግያ ሀዳራ መጵና ጎዳዉ እማ። አን አማንታ፤ እ ነዉ ኦላና።

6 እ ነ ጽሎተላ ዋንታ ጸልቂያዳን፣ ቃይ ነ የዉዋ ፕርዳ ጋላሳ ሴታ አዋዳን ፖእሳና።

7 መጵና ጎዳ ሰንላን ጮኤ ጋደ፣ እ ኦላናዉ፣ ዳንዳያን ናጋ።

ኡንቱንቱ ኢታ ሀልቼ ፖለትና፣ ዲረቲዳ አሳቱዋ ቦላ ይሎቶፓ።

8 ሀንቁዋ አጋ፤ ይሉዋፕ ተኤታ። ይሎቶፓ፤ አያዉ ጎፕ፣ ሄዋ መቱዋን የጌ።

9 ኢታ ኦላያዋንቱ ቶቆለቲደ ቆያና፤ ሸን መጵና ጎዳን ሀዳታ ኦላያዋንቱ ቢታ ላታና።

10 ኢታ ኦሳያዎንቱ ጉፋ ዎድያፕ ጉይያን ደእክኖ፤  
 ኔን ኡንቱንታ ኮይንቶካ ኡንቱንቱ ቢትክኖ።  
 11 ሸን አሸከቱ ቢታ ላታና፤ ኡንቱንቱ ግታ ሳርተላን ናሸቲደ ደእና።  
 12 ኢታ አሳይ ጽሎ አሳ ቦላ ማቀቱነ ባረ አቻ ጋርጩ።  
 13 ሸን ጎዳይ ኢታቱዋ ቦላን ሚጩ፤ እያዉ ጎፕ፣ ኡንቱንቱ ፕርዳ ጋላሳይ ይያዋ እ ኤሬ።  
 14 ኢታ አሳቱ ሀይሳቱዋን መቶታንቻቱዋ ኡንጋናዉነ ሱረተላን ሀመትያዋንታ ዎጳናዉ። ባረንቱ ማሻ ሸዴድና፤ ባረንቱ ዎንዳፍያ ዳፊድና።  
 15 ሸን ኡንቱንቱ ማሻይ ኡንቱንቱ ዎዛና አይፍያን ገላና፤ ኡንቱንቱ ዎንዳፊካ መእና።  
 16 ጽሎ ደእያ ጉላባይ ጮራ ኢታ አሳቶ ደእያ ዳርባፕ ሎእ።  
 17 እያዉ ጎፕ፣ ኢታቱዋ ዎልቃይ መእና፤ ሸን ጽሎቱዋ መድና ጎዳይ ዘምፕሴ።  
 18 ሱረ አሳቱዋ ኦግያ መድና ጎዳይ ኤሬ፤ ኡንቱንቱ ላታይካ መድናዉ ኡንቱንቱዋ ግዳና።  
 19 ኢታ ዎድያን ሱረ አሳቱ ዬላትክና፤ ኮሻ ዎድያን ኡንቱንቱ ካላና።  
 20 ሸን ኢታ አሳቱ ሀይቃና። መድና ጎዳ ሞርከቱ ጋምኤና ደምባ ጨሻ ማላ፤ ኡንቱንቱ ጨዋዳን ጳያና።  
 21 ኢታ አሳይ ታልእ አኪደ ጭገና፤ ሸን ጽሎ አሳይ ቃረቲደ እሜ።  
 22 መድና ጎዳን እንጀቴዳዋንቱ ቢታ ላታና፤ ሸን ሸቀቱዳዋንቱ ዶቆለት ጳያና።  
 23 አሳ ኦጊ መድና ጎዳ ናሸቻፕ፣ ጎዳይ እ ታንጉዋ ካለፊነ ምንሴ።  
 24 እ ጳብቶፕካ ኩንደና፤ እያዉ ጎፕ፣ መድና ጎዳይ እ ኩሸያ አይቂደ ዘምፕሴ።  
 25 ታን ካሰ ያላጋ፤ ሀእ ሰም ጭማድ፤ ሸን ጽሎ አሳይ ጮ አትና፣ ዎይ እ ናናቱ ምያዋ ጳይ ዎሰሸን፣ ታን ኡባካ በእ ኤርከ።  
 26 እ ኡባ ዎደካ ከካ፤ ጮ ታልኤ።  
 አ ናናቱካ ሀራቶ እንጀ ግዳናዋንታ።  
 27 ኢታፕ ሃካ፤ ሎኦባ ኦላ። ያቶፕ፣ ኔን አዲሳ ሳይላ ደእና።  
 28 እያዉ ጎፕ፣ መድና ጎዳይ ጽሎባ ደሴ። ጳሳ አሳቱዋ እ አገና፤ ጽሎቱ መድናዉ ናገቲና። ሸን ኢታቱዋ ዘረላይ ዶቆለታና።  
 29 ጽሎቱ ቢታ ላታና፤ ያን መድናዉ ደእና።

30 ጽሎቱ ዳይይ አዴዳ ኤራ ኦዴ፤ እ እንጻርሳይካ ጽሎባ ሃሳይ።  
 31 እ ጳሳ ሀጊ እ ዎዛናን ደኤ፤ እ ገዳካ አፕ ሀልጻና።  
 32 ኢታ አሳይ ጽሎ አሳ ዎቻነ ዎጳናዉ ኮይ።  
 33 ሸን መድና ጎዳይ ጽሎ አሳ እ ኩሸያን አገና፤ ፕርዳዉ ኤቂያ ዎደካ እ ቦላ ፕርድሰና።  
 34 መድና ጎዳን ሀይታ ዎላደ፣ እ ኦግያ ናጋ። ኔን ቢታ ላታና ማላ፣ እ ኔና ዳርሳና። ኢታ አሳቱ ዶቆለቲደ ጳይሸና፣ ኔን በእና።  
 35 ታን አት ዳጋንሐያ ኢታ ብታንያ፣ ዎላዳን ዳሼዳዋ በእድ።  
 36 ሸን ታን ሄ ሳና ሰማደ አድያ ዎደ እ ጳይዳ፤ ኮይናካ እ ቤትቤና።  
 37 እነ ሎኦ አሳ አኪካ፤ ሱረ አሳ በእ፤ እያዉ ጎፕ፣ ሳር አሳዉ ፖሎ ሎእና።  
 38 ሸን ባይዛንቻቱ ኡባ ጳያና፤ ኢታቱዋ ፖሎካ ዶቆለት ጳያና።  
 39 ጽሎቱዋ አቶተላይ መድና ጎዳፕ ዬ፤ መቱዋ ዎደ እ ኡንቱንቶ ናገት አትያ ሳእ።  
 40 መድና ጎዳይ ጽሎቱዋ ማዴነ አሸ። ኡንቱንቱ አኩ ባቃቲዳ ድራዉ፣ እ ኡንቱንታ ኢታቱዋፕ ዎሳ አኪነ አሸ።

**38**

እንኤቲዳ አሳ ዎሳ ዳዊታ ሀሳይሰያዋ ማዘመርያ  
 1 እቤት መድና ጎዳዉ፣ ነ ሀንቁዋን ታና ስርፓ፤ ነ ይሉዋን ታና ሙርፓ።  
 2 ነ ዎንዳፍያ ፖላይ ታና ጫድ ድጌድና፤ ነ ኩሸካ ታና ናቂ ኦይቁዳ።  
 3 ኔን ላንጩዳ ድራዉ፣ ታ ቦላይ ፓጻ ግደና፤ ታ ናጋራ ድራዉ፣ ታ አሳተላይ ሳራ ግደና።  
 4 ታ ኢታተላይ ድኡዋዳን ታና ሙኬዳ፤ ደንደና ዎልቃማ ቶኩዋዳን ታዉ ዴዴዳ።  
 5 ታን ናጋራ ኦፊዳ ኤያተላ ድራዉ፣ ታ ማዲላይ ገሻ ኦይቂደ ጽንቁዳ።  
 6 ታን ሆካድነ ቁናድ። ጋላሳ ኩመንላ ዬካደ ፕሻድ።  
 7 ታ አሹዋ ሞሹ ጸጌ፤ ታ ቦላይ ፓጻ ግደና።  
 8 ታን ዳቡራድን ንፕ ጋድ፤ ታ ዎዛናይ ድድቅያ ድራዉ ኦላይ።  
 9 እቤት ጳሳዉ፣ ታ አሙ ኡባይ ነዉ ኤሪቲ፤ ታን ኦልያዊ ኔፕ ጌምቤና።  
 10 ታ ዎዛና አይፍያን ድድቂ፤ ታ ዎልቃይ እጽና፤



ታ አይፊካ ጸላ እጹዳ።  
 11 ታ ማይላ ድራሬ።  
 ታ ሸርቱካ ታ ላገቱካ ሃኩዋን ኤቁድኖ።  
 ታ ዳቦቱካ ታገ ሃኩድኖ።  
 12 ታና ዋዳናዉ ኮይያዋንቱ።  
 ታና ቆሀናዉ ኮይያዋንቱ።  
 “ኤቃሻ፤ ኑን ኔና ደማና” ያጊደ።  
 ማንዲኖን ጋላሳ ኩመንላ ታ ቦላ ያኢኖ።  
 13 ሄ ዋደ ታን ቱለ አሳ ማላ። ሰሰከ፤  
 ታን ዱደ አሳ ማላ። ድናን ፖክከ።  
 14 ኤ። ታን ሰሰና፤  
 ድናይ ዛረና አሳ ማላ።  
 15 ሸን አቤት መድና ጎዳሬ። ታን ኔናን ሀዶታ  
 አላይ።  
 አቤት መድና ጎዳሬ። ታ ጸሳሬ። ኔን ታዉ  
 ዛሩዋ አማና።  
 16 ታን ጸሳ። “ታ ገዲ ጴብትና።  
 ኤንቱንቱ። ፍአዉ ሀሹ” ጋናደን፤  
 ታ ቦላ ጩቁታናደን አሳፓ” ያጋይ።  
 17 ታን ኩንዳና ሀናይ፤  
 ታ ሳኩካ ታና የደናን እጹዳ።  
 18 ታን ታ ኢታ ኡሱዋ ፓጸይ፤  
 ታን ታ ናጋራ ጋሱዋን ካዮታይ።  
 19 ታ ዋርከቱ ጎባነ ዋልቃማ፤  
 ታና ጮ እጽያዋንቱ ጮራ።  
 20 ታን ሎኦባ አሰና።  
 ታዉ ኢታ ዛርያ አሳቱ።  
 ታን ሎኦባ ካልያ ድራሬ። ታና ኤቁቲኖ።  
 21 አቤት መድና ጎዳሬ። ታና የጎፓ።  
 አቤት ታ ጸሳሬ። ታገ ኔን ሃኩፓ።  
 22 አቤት መድና ጎዳሬ። ታና አሽያዎ።  
 ታና ማዳናዉ ኤሌላ።

**39**

መቱ ጋካ አሳ ፓጸላ  
 ዳዊተ ዛማራቱዋ ካፑዋ ጁዱቶ የጹዳ  
 አማኑዋ ቃላ (1 ኦዲዋ 25:3)  
 1 ታን። “ታ እንጸርሳን ናጋራ ኦባናደን።  
 ታ ኦግያ ናጋና።  
 ኢታ አሳቱ ታ ሰንሳን ደእያ ዋደ።  
 ታ ድና ባራና” ያጋድ።  
 2 ሸን ታን ዱድያደን ጮኡ ጋድ፤  
 ታን ሀራይ አቶ ሎኦባ ሃሳይያዋካ አግና።  
 ታ ዋዪ ያ ዳሬዳ።  
 3 ታ ዋዛናይ ታ ጋርሳን ሰሌዳ፤  
 ታ ቆፋይ ፖዱ ጊደ። ኤጽ ከሴዳ።  
 ያትና። ታ እንጸርሳን ሀዋደን ያጋድ፤  
 4 “አቤት መድና ጎዳሬ። ታ ደኡዋ ዉርሰላን  
 ታ ደእናዉ አቴዳ ጋላሳ ታና ቦሳ።  
 ቃይ ታ ደኡ ዉራናዉ አይ ኬሻ ኤሌልንቶ።  
 ታና ኤርሳ።  
 5 ኔን ታ ላይላ ጸ ታካ ኬሻ ከሳዳ።  
 ታ ላይላይ ነ ሰንሳን ባይናዋ ማላ፤  
 ቱሙዋገ አሳይ ኡባይ እት ገደ ሸምፕያ  
 ጫርኩዋ ማላ።

6 ቱሙዋገ አሳይ ኤሹዋደን ሀመቱ፤  
 ቱሙዋገ ጮ መላ ሰመረቱ።  
 እ ማጹዋ ሸሼ፤ ሸን ኦካና አሳ ኤረና።  
 7 “አቤት ጎዳሬ። ሀእ ሰም።  
 ታን ናግያዌ አዬ?  
 ታን ሀዶታ ኦሳያዌ ኔናና።  
 8 ታ ባይዙዋ ኡባገ ታና አሻ፤  
 ኤያቱዋን ታና ቶሽሱ።  
 9 ሀዋ ኡባ ኦሌዳዌ  
 ኔና ግድያ ድራሬ። ታን ዱዳድ፤  
 ድናን ፖጋቢይከ።  
 10 ነ ቦሻ ታ ቦላገ ደንላ።  
 ነ ኩሽያ ምናተላ ጋሱዋን ታን ዳቡራድ።  
 11 ኔን አሳ እ ናጋራ ድራሬ። ሴራሳን ሙራሳ፤  
 አ አልኦ ሸምፑዋ ብልኦደን ዉርሳሳ።  
 ቱሙዋገ አሳይ ኡባይ እት ገደ ጫርክያ  
 ጫርኩዋ ማላ።  
 12 “አቤት መድና ጎዳሬ። ታ ዋሳ ሰሳ፤  
 ታና ማዳናዉ ታ ዋሱዋ ሀይዛ።  
 ታ አፎላ ጮኡ ጎፓ፤  
 አያዉ ጎፓ። ታን ታ አዎቱዋ ኡባደን ቦተን  
 አማላ ግዳደ።  
 ኔናና ደአይ።  
 13 ታን ሻከታናገን ላያናገ።  
 ካሰታደ ናሽታና ማላ።  
 ሀእ ታና አጋ” ያጋድ።

**40**

ጋላታ ማዝሙርያ  
 ዛማራቱዋ ካፖ የጸቴዳ። ዳዊታ ማዝሙርያ  
 1 ታን መድና ጎዳ ዳንዳደን ናጋድ፤  
 እ ታኩ ሰሚደ። ታ ዋሱዋ ሰሴዳ።  
 2 ባሻ ኦላገ። ሀልልያ ኡርቃገ ታና ከሴዳ።  
 ታ ገድያ ዛላ ቦላን ኤሴዳ፤  
 ቃይ ታ ሀመላካ ሳሩዋ ኦሌዳ።  
 3 እ ታ ድናን ኦራላ የላ ዋሌዳ፤  
 ሄ የላይነ። “ኑ ጸሳይ ጋላተቶ” ያግያዋ።  
 ዳርቱ ቦኢደ። ያያናን መድና ጎዳን አማኑታና።  
 4 መድና ጎዳ ባረዉ አማኑትያዋ ኦሌዳ አሳይ።  
 ኦቶራንቻቱዋኩ ጸላናዌነ።  
 ዋርዳንቻቱዋኩ ሰመና አሳይ  
 አንጀቱዳዋ።  
 5 አቤት መድና ጎዳሬ። ታ ጸሳሬ።  
 ኔን ዳር ማላልሰያባ ኦላዳ፤  
 ኔናና ልከትያዌ ኦንነ ባዋ!  
 ኔን ኑዉ ቆፔዳ ሎኦ ቆፋ  
 ኦንነ ፓይዳናዉ ዳንዳየና።  
 ሄዌ ታን ኦድና። ዉርያዋ ግደና።  
 6 ኔን ያርሹዋን እሙዋ ኮያባካ፤  
 ሸን ሰሳና ማላ። ታዉ ሀይላ ዳያዳ።  
 ጸግያ ያርሹዋን ናጋራ ያርሹዋ ኔን ኮያባካ።  
 7 ሄዋገ ጉይያን ታን። “ጸላ ማጸፋን  
 ታባይ ጸፈቱዳዋደን። ታን ያድ።

8 አቤት ታ ጸሳው፡ ታን ኔን ኮይያዎ ኦላናው ደሳይ፤  
ነ ህጊ ታ ዋዛና ግደን ደኤ” ያጋድ።

9 ዎልቃማ ሸቆዋን ታን፡ “ነ ጽሎተላ”  
ምሽራቹዋ ኦዳና።

አቤት መድና ጎዳው፡ ኔን ኤርያዎዳንካ፡  
ታን ታ ደናን ኦድያዎ አጋበይከ።

10 ታን ነ ጽሎተላ ታ ዋዛና ግደን ቆሳበይከ፤  
ኔን አማነትያዋን አሸያዎ ኦዳድ።

ቃይ አገና ነ ሲቁዋን ነ ቱማተላ፡  
ነ ዎልቃማ ሸቆዋፕ ገንሳበይከ።

11 አቤት መድና ጎዳው፡ ነ ማሮተላ ታፕ  
ሃሶፓ።

አገና ነ ሲቁን ነ ቱማተላይ  
ታና ኡባ ዎደ ናገ።

12 እያወ ጎፕ፡ ፓይዱ ባይና ኢታባይ ታና  
ደዴዳ።

ታ ኢታተላይ ታና ጋኪደ ጎዜዳ፤  
ታን ጸላናው ዳንዳይከ።

ታ ኢታ ኦሱ ታ ሀጺያ ብናናፕ ዳሬዳ፤  
ታ ዋዛናይ ታ ግደን ሴሬዳ።

13 አቤት መድና ጎዳው፡ ታና አሻናወ ኤና ጋ፤  
አቤት መድና ጎዳው፡ ታና ማዳናወ  
ኤሌላ።

14 ታና ዎቆናወ ኮይያዋንቱ  
ኡባካ ዬላትኖን ካወሸኖ።

ታን ቆሄታናዎ አዎትያዋንቱ  
ካወሸደ ገዮ ሰምኖ።

15 ታ ቦላ፡ “አወ ሆሹ! ሆሹ!”  
ጌዳዋንቱ ጸነቱዳ ድራው፡ ዬላትኖ።

16 ሸን ኔና ኮይያ ኡባቱ፡  
ኔናን ናሸትኖን ሆሹ ጊኖ።

ቃይ ነ አቶተላ ደሰያዋንቱ ኡባቱ፡  
“መድና ጎዳይ ግታቶ!” ያግኖ።

17 ታን ህዬሳን መቶታንቻ፤  
ታዎ ጎዳይ ቆፖ።

ታና ማድያዌን አሸያዌ ኔና፤  
አቤት ታ ጸሳው፡ ጋምኦፓ።

### 41

ሀርጋንቻ አሳ ዎሳ

ዛማራቱዋ ካፖ የጸቴዳ፡ ዳዊታ ማዘመርያ

1 ህዬሳው ቆፕያ አሳይ አንጀቱዳዋ፤  
መቱዋ ጋላስ መድና ጎዳይ አ አሹ።

2 መድና ጎዳይ አ ናጊደ፡ ፓጸ ዎሌ።  
አነ ቢታ ቦላን አንጀቱዳዋ ግዴ፤

ጸሳይ አ አ ሞርከቱዋ አዎ አሊደ እመና።

3 መድና ጎዳይ አ ሀርጋያ ሃላን ደአሸናካ  
ማዴ፤  
እ ሳከትናካ፡ አ ፓሌ።

4 ታና ግደፕ፡ ታን፡ “አቤት መድና ጎዳው፡  
ታን ኔና ናቄዳ ድራው፡ ታና ማራ፤

ሀርጋያፕካ ታና ፓላ” ያጋድ።

5 ታ ሞርከቱ ኢታባን ታና ሃሳዪደ፡

“አ አወደ ሀይቃንዴሻ?

ቃይ አ ስጎላይካ አወደ ቆያንዴሻ?” ያጊኖ።  
6 ታና በአናወ ይያ ኦንነ ታወ ዎርደባ ኦዴ፤  
ባረ ዋዛናን ታና ዝግርያዎ ብዴ።

ሄዎፕ ፕይያን፡ ካረ ከሲደ፡  
ያን ሃን ኦዲዎ ላሌ።

7 ታና እጽያ ኡባቱ  
አትፕ ታ ቦላን ሳሱኪኖ፤

“ኢታባይ አ ቦላ ጋኪ” ጊደ ቆፕኖ።  
8 ኡንቱንቱ “አ ኢታ ሀርጊ ኦይቆዳ፤  
እ ሄ ግሴዳሳፕ ኡባካ ደንደና” ያጊኖ።

9 ሀራይ አትኖ፡ ታን አማነትያ ታ ሲቆ ላጊ፡  
ታን ባርሴዳዌ ታ ኩሸያ ሳኤዳ።

10 ሸን አቤት መድና ጎዳው፡ ኔን ታና ማራ፤  
ታን ኡንቱንቱ ኩሸያ ከሳናዳን፡  
ታና ሀርጋያ ሃላፕ ደንላ።

11 ኔን ታናን ናሸታናዎ ታን ኤራይ፤  
እያወ ጎፕ፡ ታ ሞርኪ ታና፡  
ጸኒደ ጋይረና።

12 ኔን ታና ታ ሱረተላ ድራው ዘምፕሳዳ፤  
ነ ሰንሳን ታና መድናወ ዎላዳ።

13 መድና ጎዳይ፡ አሰራኤልያ ጸሳይ፡  
መድናፕ መድና ጋካናወ ጋላተቶ።

አመንእ። አመንእ።

## ላኤንላ ማጻፋ

### 42

(ማዘ. 42—72)

የደሳ ዎደ ዎሳ  
ዛማራቱዋ ካፖ የጸቴዳ፡ ቆረ ናናቱዋ እኬካ  
ግንጾዋ

1 ጋራይ ጎግያ ሃላ ለሞትያዎዳን፡  
አቤት ጸሳው፡ ሄዎዳን ታንካ ኔና  
ለሞታይ።

2 “ታን ባደ፡ ጸሳ ስንሳ  
በአናዌ አወዴሻ?” ጋደ፡

ጸሳ፡ ደኡዎ ጸሳ በአናወ ሳመታይ።

3 አሳቱ ኡባ ገደ፡ “ነ ጸሳይ ሀቃን ደኢ?”  
ያግያ ዎደ፡ ታወ ጋላስነ ቃማ ታ አፎላይ  
ቆማ ግዴዳ።

4 ታን ኡንቱንቱ ባላ ቦንቻናው፡  
ሸቆዳ ዳር አሳ ግዲዎና  
ሳልፕያን ሆምቦጫሸናን  
ጋላታ የላ የጽሸን፡

ጸሳ ጎል ካለሌዳዎ ቆፕያ ዎደ፡  
ታ ዎዛናይ ካዮቲደ፡ ግደን ሴሬዳ።

5 ታ ሸምፓቱ፡ ታን እያወ ካዮታይታ?  
ቃይ እያወ ጃባካታይታ?

ታን ጸሳን ሀደታ ዎላና፡  
እያወ ጎፕ፡ ታን ብር  
ታና አሸያዋን ታ ጸሳ ጋላታና።

6 ታ ዎዛናይ ካዮቲደ፤ ሄዎ ድራው፡  
ታን ዮርዳናሳ ቢታን፡ ሄርሞን ጴቃን፡

ሚዛረ ደርያን ኤቃይ ኔና ሀሳያይ።  
 7 ነ ሶሱዋ ጉንፋን ጨሙ ጨማወ ጸሴ፤  
 ቃይ ነ ቤታይን ነ ሆቢ ኡባይ  
 ታ ቦላና ጎጌዳ።  
 8 ጋላሰ መጅና ጎዳይ አገና ባረ ሲቁዋ ታወ  
 ከቲ።  
 ቃማካ አ የላይ ታናና ደኤ፤  
 ሄ የላይካ ታን ታ ደኤዋ ጸሳ ዋሰያ ዋሳ።

9 ጸሳ፣ ታ ዋጋ ዛላ ታን፣  
 “አያወ ታና ደጋዲ?  
 ታን አያወ ታ ሞርከያን ናቀታደ ካዮታደ  
 ሀመቶ?” ያገይ።  
 10 ታ ሞርከቲ ታና፣  
 “ሳ ጸሳይ ሀቃን ደኢ?” ያገይ።  
 ታ መቀላ መንሊደ ቦሪኖ።  
 11 ታ ሸምጋቲ፣ ታን አያወ ካዮታይታ?  
 ቃይ አያወ ጃባካታይታ?  
 ጸሳን ሀደታ ዋላና፣  
 አያወ ጎጥ፣ ታን ሀእካ  
 ታና አሸያዋን ታ ጸሳ ጋላታና።

**43**

1 አቤት ጸሳወ፣ ታና ሻትጎላ።  
 ጸሳ ኤሪና አሳቲዋና ታ ሞቲዋ ኔን  
 ሞተታ።  
 ጭምያ ኢታ አሳቲዋጥ ታና ኔን አሻ።  
 2 ጸሳወ፣ ታን ናገታ አትያ ሚጸይ ኔና።  
 ኔን ታና አያወ አጋይ? ታን አያወ ታ  
 ሞርከያን፣  
 ናቀታደ ካዮታደ ሀመቶ?  
 3 ነ ፖኡዋን ነ ቱሙዋ ታወ ኪታ፤  
 ኡንቲንቲ ታና ካለሰና።  
 ነ ጌሻ ደርያ ኔን ደኢያሳ አፍና።  
 4 ሄ ዋደ ታን ታ ጸሳ ያርሹዋ ሳኣ፣  
 ታና ናሽቶያ ጸሳኮ ባና።  
 አቤት ጸሳወ፣ ታ ጸሳወ፣  
 ታን ዲላ ዲጸደ፣ ኔና ሳባና።  
 5 ታ ሸምጋቲ፣ ታን አያወ ካዮታይታ?  
 ቃይ አያወ ጃባካታይታ?  
 ታን ጸሳን ሀደታ ዋላና፣  
 አያወ ጎጥ፣ ታን ብር  
 ታና አሸያዋን ታ ጸሳ ጋላታና።

**44**

ጸሳይ ናጋናደን ዋሳ  
 ዛማረቲዋ ካፖ የጸቲዳ፣ ቆረ ናናቲዋ እኩካ  
 ግንጸዋ  
 1 አቤት ጸሳወ፣ አጴዳ ዋድያን፣  
 ኔን አፍዳዋ ኔን ኔ ሀይላን ሰሴደ፣  
 ኔ አዋቲዋ ዋድያንካ ነ አፍዳዋ  
 ኡወ አጴድኖ።  
 2 ካወተላቲዋ ኔን ነ ኩሸያን ላጋደ ከሳዳ፤  
 ኔ አዋቲዋ ኡንቲንቲ ቢታን ቶካናወ፤  
 ሀራ ካወተላቲዋ ሙራዳ፤  
 ሸን ነ አሳቲዋ አሳዳ።

3 ኡንቲንቲ ባረንቲ ማሻን ኦሊደ፣  
 ሄ ቢታ ከሰባይክና፤  
 ኡንቲንቲ ባረንቲ ኩሸያ ሞኖተላን  
 ጸንባይክና።  
 ሸን ኔን ኡንቲንታ ሲቁዳ ድራወ፣  
 ኡንቲንቲ ነ ኡሸቻ ኩሸያ፣  
 ነ ቀሰያን ነ ሰንላ ፖኡዋ ዋልቃን  
 ጸኔድኖ።

4 ያቆባ አሳወ ጸኑዋ አዛዘያ፣  
 ታ ካቲን ታ ጸሳይ ኔና።  
 5 ኔናን ግዲደ፣ ኔ ሞርከቲዋ ኔን ሱግ ኦላና፤  
 ነ ሱንፋን ኔ ኤቀትያዋንታ ኔን የቆና።  
 6 ታን ታ ቶራን አማንተከ፤  
 ታ ማሻይካ ታና አሸና።  
 7 ሸን ኔን ኔና ኔ ሞርከቲዋጥ አሻዳ፤  
 ቃይ ኔና አጽያዋንታ ኔን ካወሻዳ።  
 8 ኔን ኡባ ዋደ ጸሳን ጨቀቲቶ፤  
 ነ ሱንፋወ መጅናወ ጋላታ አማና።

9 ሸን ሀእ ኔን ኔና አጋዳ፤ ካወሻዳ፤  
 ኔ ቶራ አሳና እትጥ ኦላ ባካ።  
 10 ኔ ሞርከቲዋ ሰንፋጥ ኔና ባቃትሳዳ፤  
 ኔ ኤቀትያዋንቲ ኔባ ቦንቁድኖ።  
 11 ኔን ኔና ደርሳቲዋዳን ሹካወ አላደ አማዳ፤  
 ቃይ ካወተላቲዋ ግደን ኔና ላላዳ።  
 12 ኔን ነ አሳ ሀራይሱዋን ዛልኣዳ፤  
 አያ ዋድያን ደማቦይካ።  
 13 ኔን ኔና ኔ ሾርቲ ቦርያዋ፣  
 ቃይ ኔ ሄራን ደኢያዋንቲ ቅሊጭያዋን  
 ሚጭያዋ ኦላዳ።  
 14 ኔን ኔና ካወተላቲዋ ግደን ቶሳ ከሳዳ፤  
 ኔና ኡንቲንቲ ባረንቲ ሀጺያ ቃሐ ቃሐ  
 ቅድያዋ ኦላዳ።  
 15 ታን ጋላሳ ኩመንፋን ቶሸታደ።  
 ታ ሶምኤያ ዬላይ ካሚዳ።  
 16 ታና ሸቁያዋንቲን ቦርያዋንቲ ጋሱዋን፣  
 ታና ሞርከያዋንቲን ማንድያዋንቲ  
 ጋሱዋና።  
 17 ኔን ኔና ደግቤናዋ ግደጥካ፣  
 ዋይ ነ ጫቁዋ መንላቤናዋ ግደጥካ፣  
 ሀዌ ኡባይ ኔ ቦላ ሀኔዳ።  
 18 ኔ ዋዛናይ ኔጥ ጉየ ሰምቤና፤  
 ኔ ገዲ ነ ኦግፖጥ ገጸ ከሰቤና።  
 19 ሸን ኔን ኔና መንግጫላደ ደኣ ግደን የጋዳ፤  
 ጅጽ ጎ ጵማን ካማዳ።  
 20 ኔ ጸሳ ሰንፋ ኔን ደጌደንቶ፣  
 ሀራ ጸሳ ዋሳናወ ኔን ኔ ኩሸያ  
 ሞጩደንቶ፣  
 21 ዋዛናን ጌሜዳ ጸራ ጸሳይ ኤርያ ድራወ፣  
 አ ሀዋ ብዲደ ደመኔ?  
 22 ሸን ነ ድራወ፣ ጋላሳ ኡባን ኔና ዋዲኖ፤  
 ሹካናወ አፍያ ደርሳዳን ፓይደቲደ።  
 23 አቤት መጅና ጎዳወ፣ ደንዳ! አያወ  
 ገሞአሻይ?  
 ቤንታ! መጅናወ ኔና አሳጋ።  
 24 ነ ሶምኤዋ ኑጥ አያወ ገንፋይ?  
 ኔ ቆሁዋን ኔ ኡንኣ አያወ ደጋይ?

- 25 ኑን ባናን ዲን ኦላቲድ፤  
ኑ አሳተላይካ ቢታና ኦይቀቲዳ።
- 26 አቤት ጸሳው፤ ደንዳ! ኑና ማዳ!  
አገና ነ ሲቁዎ ድራው፤ ኑና ዋዛ።

### 45

ሲቁዎ ግንጹዋ  
ቆረ ናናቱ ዛማራቱዋ ካፖ ጨሻ ዋላ ግያ ዋላን  
የጼዳ የላ. እኬካን ጸፈቲዳ ሲቁዎ የላ.  
1 ታን ታ የላ ካትያ ሰሳና፤  
ታ ዋዛናይ ሎኦ ቆፋ ፑልቲ፤  
ታ እንጸርሳይ ሎኦ ጸፍያ አሳ  
ብእርያ ማላ።

- 2 አሳ ኡባፕ ኔን ማላንቻን፤  
ነ ሃሳያይ ናሽሰያዎ ግዳና ማላ፤  
ጸሳይ ኔና መድናው እንጂዳ።
- 3 ዋልቃማ ካትያው፤  
ነ ማሻ ነ ጸሳን ዳንጫ፤  
ቦንቹነ ግታተላይ ነዎ።
- 4 ነ ቱማተላ፤ አሽከተላን ጽሎተላ ድራው፤  
ነ አንጋ ማያደ፤ ጸናናው ፕሪጸ።  
ነ ኡሽቻ ኩሺ ማላልሰያባ በሶ።
- 5 ነ ፖላይ ቃራ፤  
ኡንቱንቱ ካትያ ሞርከቱዋ ዋዛና አይፍያ  
ጫድና።  
ካወተላቱ ነ ገድያን ኩንድና።

- 6 አቤት ጸሳው፤  
ነ ካወተላ አራታይ መድ መድናው ደኤ፤  
ነ ካወተላ ጸምአይካ ሱረተላ ጸምአ።
- 7 ኔን ጽሎተላ ሲቃሳ፤  
ጌላተላ እጸ።  
ጸሳይ፤ ነ ጸሳይ፤ ኔና  
ነ ላገቱዋፕ አሊድ፤  
ናሽቻ ዛይትያ ኦኬዳዌ ሄዋሳ።
- 8 ካዋራን፤ ጎዳረ ኡላን ነብርጉድያን፤  
ነ ማዩ ኡባይ ፑሻከቲዳ።  
ዳንጋርሳ ዛልያን አሊቀቲዳ፤  
ነ ካወተላ ጎልያን ዲጽያዋንቱ ኔና  
ናሽቹና።
- 9 ካትያ ጎልያን ደእያ ማጫ አሳቱዋ ግድን፤  
ካተቱዋ ማጫ ናናቱ ደእኖ፤  
ካታታ ጌሻ ዋርቃን አሊቀታድ፤  
ኔፕ ኡሽቻ ባጋን ኤቃዱ።
- 10 ታ ናቱ፤ ሰሳ፤ ሀይዛ፤  
ነ ሀይላ ሃ የጋ።  
ነ ዛርያን ነ አወዋ ጎልያ ደጋ።  
11 ነ ፑላ ካቲ አሞቲ፤  
አ ነወ ጎዳ ግድያ ድራው፤ አወ አዛዘታ።
- 12 ጸሮሳ አሳይ እዝወ አሞታ አኪደ ያና፤  
ዱረቱ ኔና አወዳሻና።
- 13 ካትያ ናታ ካትያ ጎልያ ግድን ዋታ ሎአይ!  
እዝ ቡላቻ ማዩካ ዋርቃ ቃጭናን  
ዳደቲዳ።

- 14 ባረ አሊቆ ማዩዋ ማያደ፤ ካትያከ  
ሞይዘታው፤  
እዝ ላገ ናናቱ ዋድሮቱ፤  
እዝ ካሊድ፤ አ ሰንላ አሄድኖ።
- 15 ኡንቱንቱ ናሽቲደነ ሆሞብጨደ ዪደ፤  
ካትያ ጎልያ ገሊኖ።
- 16 ካትያው፤ ነ አዎቱዋ ኮታ ነ ናናቱ አካና።  
ኔን ኡንቱንታ ቢታ ኡባ ቦላን ሱንላና።
- 17 ታን ነ ሱንላይ የለታ ኡባን ሀሳየታናዳን  
ኦላና።  
ሄዋ ድራው፤ አሳይ መድ መድናው ኔና  
ጋላታና።

### 46

- ጸሳይ ኔናና ደኤ  
ዛማራቱዋ ካፖ ቆረ ናናቱ አሞና የጸቲዳ፤  
ዋድሮ ናና የላ ሂላን ጸፈቲዳ የላ.  
1 ጸሳይ ኔን ናገት አትያ ሳነ ኑወ ዋልቃ።  
ኑና መቱ ጋክያ ዋድ፤  
ማዳናው አ ኡባ ገደ ማታን ደኤ።
- 2 ሄዋ ድራው፤ ቢታይ ቃጽንቶካ፤  
ዋይ ደረቱ አባን ኩንድንቶካ፤  
ኔን ያዮኩ።
- 3 አባ ቤታይ ጉሚደ፤ ሆሙዋ ማይንንቶካ፤  
አ ዋልቃማ ሆቢያን ደረቱ  
ዩቁዩቁንቶካ፤  
ኔን ያዮኩ።
- 4 እት ሻፋይ ደኤ።  
ሄ ሻፋይ ጎገደ፤ ጸሳ ካታማ፤  
ኡባፕ ዶቁያ ጸሳይ ደእያ ጌሻ ሳኦ ናሽቹ።
- 5 ጸሳይ አ ግድን ደእያ ድራው፤  
ሄ ካታማይ ቃጸና።  
ዋንታ ጉራን ጸሳይ አ ማዳና።
- 6 ጋድያ አሳይ ሻባረቲ፤  
ካወተላቱ ቃጸኖ።  
ጸሳይ ባረ ቃላ ሰሴዳ ዋድ፤ ሳኦይ ሴሬ።

- 7 መጠተላ ኡባ ጎዳይ ኑናና ደኤ፤  
ያቆባ ጸሳይ ኔን ቆስት አትያ ሳኦ።
- 8 ሃ ዩተ፤ መድና ጎዳይ ኦሱዋ ጸልተ፤  
አ ሳኦን አሄዳ ባሻ በእተ።
- 9 እ ሳኦ ጋጸ ጋካናው ደእያ ኦላ ተኤ፤  
ዋንዳፍያ መንሴ፤  
ቶራ መንሴ፤  
ጎንደልያካ ታማን ጸጌ።
- 10 ዋፑ ጌተ፤ ታን ጸሳ ግድያዋ ኤርተ።  
ታን ካወተላቱዋ ግድን ዶቃይ።  
ቃይ ቢታ ቦላንካ ዶቃይ።
- 11 ኡባፕ ዋልቃማ መድና ጎዳይ ኑናና ደኤ፤  
ያቆባ ጸሳይ ኔን ቆስት አትያ ሳኦ።

### 47

ጸሳይ አላሞያ ኡባ ካትያ  
ዛማራቱዋ ካፖ የጸቲዳ፤ ቆረ ናናቱዋ  
ማዘመርያ

- 1 ካወተላቱ ኡባይ ህንተ ኩሽያ ባቂተ፤  
ቃላ ዶቁ ኦሊደ፣ ጸሳው ጋላታ የጽተ።
- 2 ኡባፕ ዶቂያ መጅና ጎዳይ ያየታናው በሴ፤  
ሳኦ ኡባ ቦላን እ ዎልቃማ ካትያ።
- 3 ጋድያ አሳ ኑፕ ጋርሳና፤  
ካወተላቱዋካ ኑ ጌድያፕ ጋርሳና ዎሊደ፣  
ኑው ሞድሴ።
- 4 እ ኑው ላትያ ቢታ ደሬዳ፤  
ሄ ቢታይ፣ እ ሲቅያ ያቆባ ዛራቱ  
ጨቀትያዎ።
- 5 ጸሳይ ዩደ ካወተላ አራታ ከሴዳ።  
መጅና ጎዳይ ዩደ ከሰያ ዎደ፣  
ናሽቻ ሆሞቦጨላይነ ማላካታ ፑናይ  
ሰሰቱዳ።
- 6 ጸሳ ሳቢተ፤ ኤ፣ አ ሳቢተ።  
ኑ ካትያ ሳቢተ፤ ኤ፣ አ ሳቢተ።
- 7 ጸሳይ ሳኦ ኡባ ካትያ ግድያ ድራው፣  
ጋላታ ሳባ ሳቢተ።

- አገና ነ ሲቁዎ ቆፔደ።
- 10 እቤት ጸሳው፣ ነ ሱንላደንካ፣  
ነ ጋላታይ ሳኦ ጋጾ ጋኬዳ።  
ነ ኡሽቻ ኩሽ ጽሎተላን ኩሜዳዎ።
- 11 ነ ፕርዳ ድራው፣  
ጽዮን አሳይ ናሽቱ፤  
ይሁዳ ሞላቱካ ናሽቲኖ።
- 12 ጽዮን የሹዋን ሀመትተ፤  
እ የሹዋን ያነ ሃነ ሰመረትተ።  
እ ዎችያ ሳ ፓይድተ።
- 13 ይያ የለታው ኦዳናዳን፣  
እዝ ግሞቢያ እኬክተነ እዝ እከ  
ግሞቢያ ጸሞሰተ።
- 14 ህንተ፣ “መጅ መጅናው  
ሀ ጸሳይ ኑ ጸሳ፤  
እ ኑና ሀይቃና ጋካናው ካለላና” ያጊደ  
ኦድተ።

### 49

- 8 ጸሳይ ባረ ጌሻ ካወተላ አራታን ኡቴዳ፤  
ጸሳይ ካወተላቱዋ ኡባ ሞዴ።
- 9 ካወተላቱዋ ካፓቱ፣  
አብራሃማ ጸሳ አሳቱዋና እትፕ ሸቂኖ።  
አያው ጎፕ፣ ሳኦን ደእያ ዎልቃማቱ ኡባይ  
ጸሳሳ፤  
እ ሎይሳ ዶቁ ጌዳ።

### 48

- ጸሳ ካታማት ጽዮና  
ቆራሀ ናናቱዋ ማዘመርያ፤ የላ
- 1 መጅና ጎዳይ ዎልቃማ።  
ኑ ጸሳ ካታማን እ ጌሻ ደርያን እጶ  
ጋላታይ አው በሴ።
- 2 ጸሳ ደርያ ጽዮን ቶቃነ ሎኦ።  
ፑደሃ ባጋና ደእያ  
ሄ ዎልቃማ ካትያ ካታማይ ሳኦ ኡባው ናሽቻ።
- 3 ሄ ካታማ ግሞቢያ ግድን፣  
ባረናን ሳር አሳይ ደእያዎ ጸሳይ በሴዳ።
- 4 ካተቱ ባረንቱ ቶራንቻቱዋና እትፕ ሸቂድና፤  
ጽዮን ኦላናው ዩድና።
- 5 አ በኢደ፣ ማለላቲድን ዳጋሚደ፣  
ባቃቲድና።
- 6 ኡንቱንቱ ሄዋን ደእሸና፣  
ኡንቱንታ ያሻ ኮኮርሳይ ኦይቄዳ፤  
ኦይላይ ኦይቄዳ ሞሽራቲዳን  
ኡንኤቲድና።
- 7 አዎይ ዶልያ ባጋ ዎልቃማ ጫርኩዋን፣  
መእያ ታርሴሰ ማርካብያዳን ኡንቱንቱ  
ኮኮራድና።
- 8 ኑን ሰሴዳዎዳንካ፣  
ኡባፕ ዎልቃማ መጅና ጎዳ ካታማን፣  
ኑ ጸሳ ካታማን፣ እ ኡሴዳዎ በኤድ።  
ጸሳይ ሄ ካታማ መጅናው ሞንሰ ኤሴ።
- 9 እቤት ጸሳው፣ ነ ጌሻ ጎልያ ግደን

- ዱረታን እማነቱሳይ ሀዳ ግዴሳ  
ዛማረቱዋ ካፖ የጸቴዳ፣ ቆረ ናናቱዋ  
ማዘመርያ
- 1 ህንተና፣ አሳቶ፣ ኡባቱካ ሀዋ ሰሰተ።  
ህንተና፣ ሳኦን ደእያዎንቶ፣  
ኡባቱካ ሀዋ ሀይዘተ።
- 2 ዶቂይ ዝቃይካ፣  
ዱሪ ማንቁካ ሰሰተ።
- 3 ታ ዎዛና ቆፋይ ጨማ፤  
ታ ደናይ እዴዳ ኤራተላ ሃሳይ።
- 4 ታ ሀይላ ለሞሱዋኮ የጋና፤  
ዲላ ዲጸደ፣  
ታን እ ብለላ ቆንጭሳና።
- 5 መቶ ጋላሳይ ይያ ዎድያንነ ባለለያ ሞርከቱ፣  
ታና ደድያ ዎደ፣  
ታን እያው ያያይታ?  
6 ታ ሞርከቶ፣  
ባረንቱ ደእያዎን እማነትያዎንቶን  
ባረንቱ ዱረተላ ዳራዋን ጨቂያዎንቶ  
እያው ያያይታ?  
7 አይ አሳይነ ባረና ዎዛናው፣  
ዎይ ባረ ሸሞፑዋ ጋትያ ጸሳው ጭጋናው  
ዳንዳየና።
- 8 አያው ጎፕ፣ አሳ ሸሞፑዋ ጋቲ አልኦ።  
አይ ጋትያ ጭግናካ ግደና።
- 9 እ መጅናው ደእናዳን፣  
ዎይ እ ሀይቃናዳን ኦላናው ጋከና።
- 10 ኤያቱን ቦዛቱ ሀይቂያዎዳን፣  
እዴዳ ኤራንቻቱካ ጳይያዎን  
ባረንቱ ማጽዋ ሀራቶ የጊደ ብያዎ  
አሳይ ኡባይ በኤ።
- 11 ኡንቱንቱ ባረንቱ ቢታ ባረንቱዋ ጊናካ፣  
ዱፋ መጅናው ኡንቱንቱ ጎለነ የለታፕ  
የለታ ጋካናው  
ኡንቱንቱ ደእያ ሳኦ ግዳናዎ።
- 12 አሳይ አይ ግታቶፕካ ፓጾ አተና፤  
እ ዶኦዳን ሀይቃና።

- 13 ባረካ ባረንቱ ሁጺያን አማነትያዋንቱ ካጫይነ አንቱንቱ ቃላ ቱማ ግያዋንቱ ወርሰላይ ሆኖ።
- 14 ሹካዉ ደረቴዳ ደርሳቱዋዳን፤ አንቱንቱ ዱፎ ደረቴድኖ፤ ሀይቁ አንቱንቱ ሄንጎንቻ ግዳናዋ። ሱረቱ ዋንታ አንቱንቱ ዱፋዋ ቦላ ሀመታና፤ አንቱንቱ ባረንቱ ደእያ ጎልያፕ ሃኪደ፤ ዱፋዋን ዋቃና።
- 15 ሸን ጸሳይ ታና ዋዛና፤ አ ታ ሸምቸዋ ሀይቁዋ ዋልቃፕ አሻና።
- 16 አሳይ ዱረትያ ዋደነ፤ አ ቦንቹ ዳርያ ዋደ ያዮፓ።
- 17 አያዉ ጎፕ፤ አ ሀይቁደ፤ አይነ አኪደ ቤና፤ አ ዱረታይ አናና አትፕ ዱፋዋ ቤና።
- 18 አሳይ ፓጻ ደእያ ዋድያን፤ “ታዉ ኩሚዳ” ጎፕ፤ አባባይ አዉ ጊጌዳ ድራዉ ጋላተቶፕ፤
- 19 ሰሚደ ፖኡዋ በኤና ባረ ማይዛ አዋቱዋና ጋከቱ።
- 20 ኤር ባይናን ግታቱዳ አሳይ ዶኣዳን ሀይቃና።

**50**

- ቱሞ ጎይና
- አሳፋ ማዘመርያ
- 1 ዋልቃማ ጸሳይ፤ መድና ጎዳይ ሃሳዬ። አዋይ ዶልያሳፕ ዉልያሳ ጋካናዉ ሳኣን ደእያ አሳ ጾሴ።
- 2 ፑላይ ኩመንጎላ ሎአ ግድያ ጽዮነፕ ጸሳይ ፖኤ።
- 3 ኑ ጸሳይ ያና፤ ጮኤ ጌና። ኤጽያ ታማይ አ ሰንጎና፤ ዋልቃማ ጎቱ አ ዩሹዋና።
- 4 ጸሳይ ባረ አሳ ፕርዲደ፤ ሳሎቱዋን ሳኣ ጾሴ።
- 5 “ያርሹዋ ያርሸያዋን፤ ታናና ጫቅቱዳ ጸሳ አሳቱዋ፤ ታኮ ሺሸተ” ያጌዳ።
- 6 ጸሳይ ፕርድያዋ ግድያ ድራዉ፤ ሳሎቱ አ ጽሎተላ ኦዲኖ።
- 7 “ታ አሳዉ፤ ሰሳ! ታን ነዉ ኦዳይ። አሰራኤልያ አሳዉ፤ ታን ነ ቦላ ማርካታይ። ታን ጸሳ፤ ነ ጸሳ።
- 8 ነ ያርሹዋ ድራዉን ኔን ኡባ ገደ ሺሸያ ጹግያ ያርሹዋ ድራዉ፤ ታን ኔና ሴርከ።
- 9 ሄዋዳንካ፤ ነ ድርሳፕ ኮሩማቱዋ፤ ዋይ ነ ሰኩዋፕ ዳሻቱዋ አካናዉ ኮይከ።
- 10 አያዉ ጎፕ፤ ዋራን ደእያ ዶኣቱ ኡባቱ ታዋንታ፤

- ሻኤ ደርያ ቦላን ደእያ መሄቱካ ታዋንታ።
- 11 ታን ጶቃ ደርያን ደእያ ካርቱዋ ኡባ ኤራይ፤ ደምባን ደእያ መፍተላቱ ታዋንታ።
- 12 ታና ኮሸንቶን፤ ታን ነዉ ኦድከ፤ አያዉ ጎፕ፤ ሳኣይነ ሳኣን ኩሚዳዋ ኡባይ ታዋ።
- 13 ታን ኮሩማቱዋ አሹዋ ማይታ? ዋይ ዳሻቱዋ ሱላ ኡሻይታ?
- 14 ሄዋ ድራዉ፤ ጸሳዉ፤ ኔን አምያ ያርሹ ጋላታ ግደ፤ ኡባፕ ጶቂያ ጸሳዉ ነ ቃንገላ ጋላ።
- 15 ያታደ፤ መቱዋ ጋላሰ ታና ጾሳ። ታን ኔና አሻና፤ ኔንካ ታና ቦንቻና” ያጌ።
- 16 ሸን ጸሳይ ኢታ አሳ ሀዋዳን ያጌ፤ ታ ሀግያ ኔን ዛራ ዛራደ አያዉ ኦዳይ? ዋይ ታ ጫቁዋ ነ ድናን አያዉ ሃሳያይ?
- 17 ኔን ታ ትምርትያ አጻዳ፤ ታ ቃላካ ሀይላ ቦላና አላዳ።
- 18 ኔን ካይሱዋ በኤዳ ዋደ፤ አናና ዳቦታዳ፤ ሻርሙጽያዋንቱ ማባራን ገላዳ።
- 19 ኔን ነ ድና ኢታባ ሃሳያናዉ ብላ ዩዳሳ። ነ አንጻርሳይካ ዋርዲዋ ሃሳያ ሜዘቱዳ።
- 20 ነ ኡቱዳሳን ነ አሻ ኢሳይ ሃሳያዳ፤ ነ አት ናኣ ዝግራሳ።
- 21 ኔን ሀዋ ኡባ ኦልያ ዋደ፤ ታን ጮኤ ጌዳ ድራዉ፤ ታናካ ነ ማላ ጋደ ቆፓዳ። ሸን ሀኣ ታን ኔና ሴራይነ ነ ባላ ነ ሰንጎን ፓይዳይ።
- 22 “ህንተና፤ ጸሳ ደግያዋንቶ፤ ሀዋ አኬክተ። ሄዋ ቆዮፕ፤ ታን ህንተና መንግራላና፤ ሄ ዋደ ህንተና አሸያዋ ባዋ።
- 23 ታዉ ጋላታ አምያ አሳይ ታና ቦንቹ። ባረ ኦግያ ሱርሰያ አሳ ታን ጸሳ አቶተላ ቦሳና” ያጌ።

**51**

- ማርተላ ደማናዉ ሸቁዳ ዋሳ ዛማራቱዋ ካፖ የጸቱዳ፤ በርሳብና ሻርሙጾዳ ሀናታ ትምቢትያ ኦድያ ናታን አዉ ኡዲደ ሰምና፤ ዳዋታ ማዘመርያ
- 1 አቤት ጸሳዉ፤ አገና ነ ሲቁዋዳን ታና ማራ፤ ነ ቃረታ ዳሩዋዳን ታ ባይዙዋ ቁጫ።
- 2 ታ ኢታተላፕ ታና ሙላ ሜጫ፤ ታ ናጋራፕ ታና ጌሻ።
- 3 አያዉ ጎፕ፤ ታ ባይዙዋ ታን ኤራይ፤ ታ ናጋራይ ኡባ ገደ ታ ሰንጎና።
- 4 ታን ኔና፤ ነ ጸላላ ናቃድ፤ ነ አይፍያ ሰንጎን ኢታባ ኦላድ። ሄዋ ድራዉ፤ ሃሳያደካ ኔን ልከ፤ ፕርዳደካ ኔን ጽሎቱ።
- 5 ታን የለቶደፕካ ቱሙ ናጋራንቻ፤

ታ እት ኡሉዋን ብር እትያ ዎደፕ  
ደማደካ፤  
ታን ናጋራንቻ።

6 ሄኮ ኔን ዎዛና ግደ ቱማተላ ኮያሳ፤  
ሄዎ ድራዉ፡ ነ እዴዳ ኤራተላ ታ ጋርሳን  
ታማርሳ።

7 ሂሶጵያ ግያ ቦንጭያን ኔን ታና ጌሻ፤  
ታን ጌያና።

ታና ማጫ፤  
ታን ሻቻፕ አቆአደ ቦጻና።

8 ኔን ታና ናሽቻን  
ሀሹ ግያዎ ሰሳ፤  
ኔን ታና መንፀሬዳዳ ግደፕካ፤  
ዛራደ ናሽቻ።

9 ታ ናጋራፕ ነ ሰንላ ዎራ ዛራ፤  
ታ ኢታተላ ኡባ ቁጫ።

10 አቤት ጸሳዉ፡ ጌሻ ዎዛና ታ ግደን መቆ፤  
ምንሰያ እያና ታ ግደን ኡራላ።

11 ታና ነ ሰንላፕ ኦሎፕ፤  
ነ ጌሻ እያና ታፕ አኮፕ።

12 ነ አቶተላ ናሽቻ ታዉ ዛራደ እማ፤  
ታን ነዉ ኤኖ ጋደ እዛዘታናዳን፤  
ታና ዘምፕሳ።

13 ሄ ዎደ ታን ባይዛንቻቱዎ ነ ኦግያ  
ታማርሳና፤

ሄ ናጋራንቻቱን ኔኮ ሰማና።

14 አቤት ጸሳዉ፡ ታና እሽያ ጸሳዉ፤  
ሱላ ጉሴዳ ናጋራፕ ታና አሻ፤

ሄ ዎደ ታ እንጸርሳይ ነ ጽሎተላባ የጻና።  
15 አቤት ጎዳዉ፡ ታ ዶና ዶያ፤  
ያቶፕ፡ ታ እንጸርሳይ ነ ጋላታ አዎያና።

16 ኔን ያርሹዎን ናሽታንቶ ታ ነዉ ሺሻናሽን፤  
ኔን ያርሹዎን ናሽታካ።

17 ጸሳዉ ያርሽያ ያርሹ  
አሽከ እያና፤ አቤት ጸሳዉ፤

“ናጋራ ኦግናን አጋርክታሻ” ግያ፤  
መኤዳ ዎዛና ኔን ካቆካ።

18 አቤት ጸሳዉ፡ ነ ደሱዎን ጽዮንዉ ኬካ፤  
የሩሳላመ ግምብቱዎ ግምባ።

19 ሄ ዎደ ጽሎ ያርሹዎን፤  
ጹግያ ያርሹዎን፤  
መሀያ እሹዎ ዉርሰ ጹግያ ያርሹዎን ኔን  
ናሽታና።  
ቃይ ኮሩማቱ ነ ያርሽያሳን ያርሽታና።

### 52

ኢታቱዎ ዉርሰላ ካጫ  
ዛማረቱዎ ካፖ የጸቴዳ፡ ኤደማ ቢታ  
አሳ ግድያ ደይቅ ሳኦላኮ ቢደ፡ “ዳዊተ  
አብመሊካ ጎላ ቤዳ” ያጌደ ኦዲደ ሰምና  
ዳዊታ አኬካ ግንጹዎ.

1 ኔኖ፡ ዎልቃማ ብታንያዉ፤  
ጸሳ አሳቱዎ ቦላ ኢታባ አልያዎዳን፤  
ጋላሳ ኡባን እያዉ ጨቋታይ?

2 ኔኖ፡ ዎርደባ ሀንያዎ።

ኔን ሀራቱዎ ቆይሳናዉ ማቀታሳ።  
ነ እንጸርሳይ ኩሳ ማቆልያ ማላ።

3 ኔን ሎኡዎፕ ኢታ ሲቃሳ፤  
ቃይ ቱሙዎ ሃሳይያዎፕ፤  
ዎርዲዎ ሃሳይያዎ ደሳሳ።

4 ኔኖ፡ ዎርዳንቻዉ፤  
ኔን ቆሀያ ቃላ ኡባ ሲቃሳ።

5 ሽን ጸሳይ ኔና መድናዉ ቆይሳና።  
እ ኔና ዳፋና ነ ጎልያፕ ቦንቂደ ከሳና፤

እ ኔና ፓጻ ደእያዎንቱ ግደፕ ቶቆላና።  
6 ጽሎቱ ሀዎ በኢደ ያያና።  
ኢንቱንቱ ሀዎዳን ያጌደ፡ ነ ቦላ ሚጫና፤

7 “ጸሳ ባረዉ ጌሱዎ አልቤና፤  
ባረ ዲረተላ ዳሩዎን አማነቴዳ፤  
ኢታ ኦሱዎን ምኔዳ ብታንያ  
ሀዎ በአተ!” ያጋና።

8 ሽን ታን ጸሳ ጎልያን አጭያ ዎጋራ ማላ።  
አገና እ ሲቁዎን ታን መድ መድናዉ  
አማነታይ።

9 ኔን ኦሴዳ ድራዉ፤  
ታ ኔና ጋላታና፤  
ታን ኔን ኬካ ግድያ ድራዉ ነ ሱንላን  
ሀደታ ዎላይ።  
ታን ጸሳ አሳቱዎ ሰንላን ኔና ሳባና።

### 53

አሳ ኢታተላ  
ዛማረቱዎ ካፖ የጸቴዳ፡ ዳዊታ አኬካ  
ግንጹዎ.

1 ቦዛቱ ባረንቱ ዎዛናን፤  
“ጸሳይ ባዎ” ያገና።  
ኢንቱንቱ ደኡ ባዬዳ።  
ኢንቱንቱ ሽንይያባ አልና፤  
ሎእያባ አልያ አሳይ ባዎ።

2 ጸሳ ኮይያ ኤራንቻቱ ደእንቶን በአናዉ፤  
ጸሳይ ሳሉዎፕ ዲጎ አሳ ጸሌ።

3 ኢንቱንቱ ኡባይካ ጸሳፕ ሃኬድኖ፤  
ኡባይካ እትፕ ቱኔድኖ።  
ሎኡዎ አልያ አሳይ ባዎ፤  
ሀራይ አቶ አቱን ባዎ።

4 ጸሳይ፡ “ሀዎንቱ ታ አሳ ቦንቂ ምያ ኢታ  
አሳቱ  
ቱሙ እይነ ኤርክኖ?  
ኤንቱንቱ ታና ዎሰክኖ” ያጌ።

5 ኢንቱንቱ ካሰ ዳጋዎ ኤረናዎ ኬሻ ዳጋማና።  
እያዉ ጎፕ፡ ጸሳይ ባረ አሳ ዎርክያዎንቱ  
መቀላ ላላና።

ጸሳይ ኢንቱንታ ካዴዳ ድራዉ፡ ኢንቱንቱ  
ዬላታና።

6 እሰራኤልያዉ አቶተላይ ጽዮንፕ ዬረኔ!  
ጸሳይ ባረ አሳ አዎዲዎ ዛርያ ዎደ፡  
ያቆባ ዛራቱ ናሽታና፤  
እሰራኤልያ አሳይ ናሽቻዉ ፖጩ ጋና።

### 54

ሞርክያ ኩሽያጥ አታናዉ ሺቄዳ ዎሳ  
ዛማሪቱዎ ካፖ የጸቴዳ፣ ዚፋን ደእያ አሳቱ  
ሳአላኮ ቢደ፣ “ዳውት ኑ ቢታን ቆሰቲዳ”  
ያጊደ ኦዲደ ሰሞና ዳዊተ እኩካን ዲዴዳ  
ግንጾዎ.

- 1 አቤት ጸሳው፣ ነ ሱንላን ታና አሻ፤  
ነ ዎልቃን ታና ሻትንላ።
- 2 አቤት ጸሳው፣ ታ ዎሳ ሰሳ፤  
ታ ድና ሃሳያ ሀይዛ።
- 3 ኦቶሪንቻቱ ታ ቦላ ደንዲኖ፤  
ዳጋንሐያ አሳቱ ታና ዎጳናዉ ኮዪና።  
ኤንቲንቱ ጸሳ አላለ ጊክና።
- 4 ሄኮ ጸሳይ ታና ማድያዎ፤  
ጎዳይ ታና ዘሞፕሰያዎ።
- 5 አቤት ጸሳው፣ ታ ሞርከቶ ኤንቲንቱ ኢታተላ  
ዛራ።  
ኔን አማነትያዎ ግድያዎዳን፣  
ኤንቲንታ ጳይሳ።
- 6 አቤት መድና ጎዳው፣ ታን ታ ሸንያን ነዉ  
ያርሻና፤  
ኔን ኬካ ግድያ ድራዉ፣  
ታን ነ ሱንላ ጋላታና።
- 7 አያዉ ጎፕ፣ ኔን ታና  
ታ መቱዎ ኡገፕ አሻዳ፤  
ታ ሞርከቱ ጸነትያዎ ታ አይፍያን በኣድ።

### 55

ላገላይ ካዴዳ አሳ ዎሳ  
ዛማሪቱዎ ካፖ የጸቴዳ፣ ዳዊተ እኩካን  
ዲዴዳ ዲላ.

- 1 አቤት ጸሳው፣ ታ ዎሳ ሰሳ፤  
ታ ማጋና አይ መቱ ጎፕ።
- 2 ሀይዛ፤ ታ ዎሳ ሰሳ፤  
ታ ቆፋይ ታና ዋይሰና፣  
ታን ሻሳሪታድ።
- 3 ሄዌነ፣ ታ ሞርከቱዎ ኩሻፕነ፣  
ኢታቱዎ ናቁዋፕ ደንዴዳዎና።  
ኤንቲንቱ ታ ቦላ መቱዎ አሃኖን  
ባረንቱ ሀንቁዋን ታና ሞርከኖ።

- 4 ታ ዎዛና አይፍያን ድድቁ፤  
ሀይቁዎ ሀርጋይ ታና ማሸሴዳ።
- 5 ታና ያሻይን ኮኮርሳይ አይቄዳ፤  
ዳጋማይ ታና ዎጵ ድጌዳ።
- 6 ታን፣ “ታዉ ሀራጽያዳን ቀሬ ደኤሪኔሻ።  
ያንንቶ ታን ፓላ ባደ ሸሞፓና ሸን፤
- 7 ታን ሃካደ ባና ሸን፤  
ባዙዋን ደአና ሸን።
- 8 ታን ጎትያፕነ ኡሹዋፕ፣  
አትያሳ ኤሌላደ ጋካና ሸን” ያጋድ።
- 9 አቤት ጸሳው፣ ታን ካታማ ግድን  
ዋላሳነ ዋ□ታ በኤዳ ድራዉ፣  
ኢታቱዎ ሃሳያ ቡሉቃ።

- 10 ኢታቱ ጋላሰነ ቃማ፣  
ግሞቢያ የዪኖ፤  
ኢታተላይን ኮባይ ካታማ ግድን ደኤ።
- 11 ባሻይ አ ግድን ደኤ፤  
ናቁካ ጭሙካ እ ጉታራፕ ሻከተና።
- 12 ታና ቦርያዎ ታ ሞርክያ ግድና፤  
ግድንቶ ታን ዳንዳያና።  
ታ ቦላ ጨቀትያዎ ታና እጽያዎ ግድና፤  
ግድንቶ ታን አፕ ቆሰታና።
- 13 ሸን ሀዎ ኡባ ኦሐያዎ አሳ፣  
ታ ላፕያ፣  
ታ ዳቡዋነ ታ ሰቁዎ።
- 14 ኑን አቱ አቱዋና ኡሎባ ሃሳዬዳ፤  
ኑን ጸሳ ጎልያን አሳና እትፕ ሰመረቲድ።
- 15 ታ ሞርከቱ ዎዲ ጋከናን ሀይቁና፤  
ኤንቲንቱ ፓጾ ሞገትና።  
አያዉ ጎፕ፣ ኢታተላይ  
ኤንቲንቱ ግድንነ ኤንቲንቱ ደእያ ሳን  
ደኤ።
- 16 ሸን ታን ጸሳ ዴሳይ፤  
መድና ጎዳይ ታና አሼ።
- 17 ዎንታ፣ ጋላሰነ አማርሰ  
ታን ዋሳናነ ታ መቱዎ አዉ ኦዳና፤  
እ ታና ሰሳና።
- 18 ዳርቱ ታና ሞርኮፕካ፣  
እ ታና ኦላ ቶራፕ አሼ።
- 19 በንፕ ካዉተላ አራታን ኡቲዳ ጸሳይ፣  
ታ ዎሳ ሰሰደ ባረንቱ ኦግያ  
ላመናዋንታን  
ባረዉ ያየናዋንታ፣  
እ ካዉሻና።
- 20 ታ ላጊ ባረ ዳቡቱዎ ቆሀናዉ፣  
ባረ ኩሽያ ደንሌዳ፤  
ኤንቲንቱና ጫቁቲዳ ጫቁዎ ኮሌዳ።
- 21 አ ሃሳያይ አይሳገኑ አጼዳ ቩጋ፤  
ሸን ባረ ዎዛናን ሞርከዳ።  
አ ቃላቱ ዛይትያፕካ አጼደ ዎሎላቲና፤  
ሸን ኩሳ ማሻዳን ቃንዴድና።
- 22 ነ ቶኩዋ መድና ጎዳን ዎሳ፤  
እ ኔና ዘሞፕሳና።  
ጸሳይ አዉደነ ጽሎቱ  
ሻሳሪታናዳን አ□ና።
- 23 ሸን አቤት ጸሳው፣ ኔን  
ኢታ አሳቱዎ ጨሞ ኦላን ዳን ኦላና።  
ሱላ ጉሰያዎንቲን ጭሞያዎንቲ፣  
ባረንቱ ደአና ላይሳዉ ባጋን ደእክና፤  
ሸን ታን ኔናን አማነታና።

### 56

ጸሳን ዘሞፕዎ ዎሳ  
ዛማሪቱዎ ካፖ የጸቴዳ፣ ፕልሰጴማ አሳቱ  
አ ጋተ ግያ ካታማን አሞዴዳ ዎደ፣  
ዳዊታ ማዘመርያ። ሃኮ ሳን ዎላ ቦላን  
ኡቲዳ ዳጎማትሰ ጌተቲደ ሱሱልያን የጸቴዳ  
ማዘመርያ።  
1 አቤት ጸሳው፣ አሳቱ ታና የደርሰያ ድራዉነ



ጋላሳ ኡባንካ ታ ሞርከቱ ታና ኡንኤሌዳ ድራው።  
 ታዉ ቃረታ።  
 2 ታ ሞርከቱ ጋላሳ ኡባን ታና የደርሲኖ፤  
 ጮራቱ ኦቶራዋን ታና ኡንኤሌኖ።  
 3 ታን ያዬዳ ዋደ።  
 ኔናን አማነታይ።  
 4 ታን ጸላን አማነታይ፤  
 ታን አ ቃላ ጋላትያ ጸላን አማነታይን ያይከ።  
 አሳይ ታና አያ ኦላኔ?  
 5 ጋላሳ ኡባን ታ ሞርከቱ፤  
 ታዉ መቱዋ መጃኖ፤  
 ኡንቱንቱ ኡባ ገደ ታዉ ኢታባ ቆፒኖ።  
 6 ኡንቱንቱ ታ ቦላ ማቀቲኖ፤  
 ኩኩሊደ ዋቹኖ፤  
 ታ ኦግያ ናጊኖ፤  
 ታና ዋቆናዉ ኩጻኖ።  
 7 ኡንቱንቱ ኢታተላ ድራው። ኡንቱንታ የደፓ፤  
 ነ ሀንቁዋን ሄ አሳቱዋ ዝቂ ኦላ።  
 8 ኔን ታን ቶይላካቶዋ ፓይዳዳ።  
 ታን ዋይሳ አፎላ ጉሳድታንቶ። ኔን ኤራሳ።  
 ኡንቱንቱ ነ ማዘንብያን ደእክኖ?  
 9 ታን ኔና ጸሰያ ዋደ፤  
 ታ ሞርከቱ ጉየ ሰማና።  
 ጸላይ ታ ባጋ ግድያዋ ታን ኤራይ።  
 10 ታን አ ቃላ ጋላትያ ጸላይ፤  
 ታን አ ቃላ ጋላትያ መጅና ጎዳ፤  
 11 ታን ሄ ጸላን አማነታይ፤ ያይከ።  
 አሳይ ታና አይ ኦላኔ?  
 12 አቤት ጸላው። ታን።  
 ነዉ ሸቀቱዳዋ ኦላና፤  
 ሄዋ ጋላታ ያርቩዋ ታን ነዉ አማና።  
 13 አያዉ ጎፕ። ኔን ታና ሀይቁዋፕ፤  
 ታ ገድያ ኩንደላፕ አቫዳ።  
 ሄዋ ድራው። እ ፓጾ ደእያዋንቱ ቦላን ፖእሰያ ፖኡዋን  
 ጸላ ሰንላን ታን ሀመታይ።

### 57

ማዳዋ ደማናዉ ሸቄዳ ዋሳ ዛማረቱዋ ካፖ። ጎንጎሎ ግደፕ ሳኦላፕ ባቃቲደ ብ ሰምና ዳዊታ ዋሳ። “ቆይሶፓ” ጌተትያ ዋሳን የጸቱዳ ዋሳ።  
 1 ታና ማራ፤ አቤት ጸላው። ታና ማራ፤  
 ታን ኔኮ ባቃታይ።  
 ባሻይ አቆና ጋካናው፤  
 ነ ቀፍያ ግደን ባቃታደ አታይ።  
 2 ታን ኡባፕ ቆቂያ ጸላው፤  
 ታዉ ኡባባ ኦላያ ጸላው ዋሳይ።  
 3 ጸላይ ሳሉዋፕ ማዲዋ ከቲደ። ታና አሻና፤  
 ታና ናቂያዋንታ ካዉሻና፤  
 ጸላይ አገና ባረ ሲቁዋ፤  
 ባረ ቱማተላ ታዉ ኪታና።

4 ታን ታ ሞርከቱዋ ግደን፤  
 አሳ ቦንቁደ ምያ ጋሙዋ ማላቱዋ ግደን ደአይ።  
 ኡንቱንቱ አቻይ ቶራን ዋንዳፍያ ማላ፤  
 ኡንቱንቱ አንጸርሳይ ኩሳ ማሻ ማላ።  
 5 አቤት ጸላው። ኔን ሳሎቱዋፕ ቦላና ቆቁ ጋ፤  
 ነ ቦንቹ ሳኦ ኡባ ቦላ ደአ።  
 6 ኡንቱንቱ ታ ገድያዉ ጰርያ ዋሌድኖ፤  
 ታን መቶታደ ሆካድ።  
 ኡንቱንቱ ታ ኦግያን ኦላ ቦኬድኖ፤  
 ሸን ሄ ኦላን ባረንቶ ኩንዴድኖ።  
 7 ታ ዋዛናይ ምኒደ ደኤ፤  
 አቤት ጸላው። ታ ዋዛናይ ምኒደ ደኤ።  
 ታን ነዉ የጸናን ኔና ሳባና።  
 8 ታ ሸምፓቱ። ቤጎታ!  
 ዲላዉን ማሰንቆ። ቤጎትተ!  
 ታንካ ዋንታ ጉራና ቤጎታና።  
 9 አቤት ጸላው። ታን ኔና አሳ ግደን ጋላታና፤  
 ቃይ ካዉተላ ግደን ኔና ሳባና።  
 10 አያዉ ጎፕ። አገና ነ ሲቁ ዋልቃማ፤  
 ሳሎቱዋ ጋኬዳ።  
 ነ ቱማተላይካ ቦላ ሻርያዳን ቆቁ።  
 11 አቤት ጸላው፤  
 ሳሎቱዋፕ ቦላና ቆቁ ቆቁ ጋ!  
 ነ ቦንቹ ሳኦ ኡባ ቦላ ግደ።

### 58

ጸላይ ናጋራንቻቱዋ ሙራናዳን ሸቆ ዋሳ ዛማረቱዋ ካፖ የጸቱዳ። ዳዊታ ዋሳ። “ቆይሶፓ” ጌተትያ ማዘመርያ ዋጹዋን የጸቱዳ ዋሳ።  
 1 ሀንተኖ ደርያ ሞድያዋንቶ፤  
 ቱሙዋፕ ልክያ ሃሳዪቲ?  
 አሳ ኡባ ግደን ጽሉዋ ፕርዲቲ?  
 2 ግደና። ሀንተ ዋዛናን ኢታባ ሀልቺታ፤  
 ቤታን ሀንተ ኩሺ ማካላባ ኦሌዳ።  
 3 ኢታ አሳይ አት ኡሉዋፕ ደሚደ ባሌ፤  
 የለቶደፕ ደሚደ፤  
 ባይዜን ዋርዲዋ ሃሳዪ።  
 4 ኡንቱንቱ ሸቫዳን ይሻና ደአና፤  
 ቱለ ሀሱዋዳን ሀይላ ቱጩድኖ።  
 5 ብትያዋ አይ ኬሻ ሃላንቻ ግደፕካ፤  
 ሀሱ አ ሳሱከላ ሰሰና።  
 6 አቤት ጸላው። ኡንቱንቱ አቻ  
 ኡንቱንቱ ጋፓታ ግደን መንላ፤  
 አቤት መጅና ጎዳው። ጋዋቱዋ ካሰልያ ቆካ።  
 7 ኡንቱንቱ ጎፕ ቆይያ ሃላዳን ቆይና።  
 ኡንቱንቱ ባረንቱ ዋንዳፍያ ዲክያ ዋደ።  
 ፖላ ጼራን ጫድያ አይፊ ቆኖ።

8 ኡንቱንቱ ሙሺደ ሳሶ ከሰያ ቋጅያዳን ሀንኖ፤  
 እት ኡሉዋፕ ሶሽቲደ የለቲዳ፥  
 ፖኡዋ በኤና ናኣዳን ሀንኖ።  
 9 ኡንቱንቱ አጉንሳ ግዲደ ዳሻናፕ ካሰ፥  
 ኡንቱንቱ ብሮ ፑትያን ደእሸን፥  
 ጸሳይ ኡንቱንታ ባረ ሀንቁዋን ቋይሳና።  
 10 ሀሉዋ ከሰያዋ በእያ ዋደ፥  
 ጸሎቱ ናሽታና።  
 ኢታቱዋ ሱላን ባረንቱ ገድያ ሜጨታና።  
 11 ሄ ዋደ አሳይ፥  
 “ቱሙካ ጸሎቶ ዋይቱ ደኤ፤  
 ቱሙካ ሳኣ ሶላ ፕርድያ ጸሳይ ደኤ”  
 ያጋና።

### 59

ኢታቱዋ ኤቀቲደ ሺቆ ዋሳ  
 ዛማረቱዋ ካፖ የጸቲዳ፥ ዳዊታ ዋቆናዉ ኢ  
 ጎልያ ናጋና ማላ ሳኡል አሳቱዋ ኪት ሰምና  
 ዳዊታ ማዝሙርያ። “ቋይሶፓ” ጊደ ዲላ  
 ገግሱዋን የጸቲዳ ዋሳ  
 1 አቤት ታ ጸሳዉ፥ ታ ሞርከቱዋፕ ታና አሻ፤  
 ታ ሶላ ደንድያዋንቱፕ ታና ናጋ።  
 2 ኢታ ኦላያዋንቱፕ ታና አሻ አካ፤  
 ሱላ ጉሰያ አሳቱዋፕ ታና አሻ።

3 አቤት ጸሳዉ፥ ኡንቱንቱ ታና ዋቆናዉ  
 ኩኩሊደ ናግያዋ በእ!  
 ሄ ዋልቃማ ኢታ አሳቱ ታ ሶላ ያኢና።  
 አቤት መጅና ጎዳዉ፥ ታ ባይዙዋ ድራዉ  
 ዋይ ታ ናጋራ ድራዉ ግደና።  
 4 ኡንቱንቱ ታና ኦላናዉ ዋላ ጃምያዋ፥  
 ታ ባላ ድራሳ ግደና።  
 ቤሳታ፥ ታኮ ሃ ያደ በእ።  
 5 አቤት ኡባፕ ዋልቃማ መፍታ ኡባ ጎዳ  
 ጸሳዉ፥  
 እሰራኤልያ ጸሳዉ፥  
 ካወተላቱዋ ኡባ ፕርዳናዉ ቤሳታ፤  
 ማካላ ኦላያዋንታ ማርፓ።

6 ኡንቱንቱ ኦማርሳን ሰሚኖ፤  
 ካናቱዋዳን ሶጪደ፥ ካታማ ግደን  
 የዪኖ።  
 7 ሄኮ፥ ኡንቱንቱ ባረንቱ ደናን ሃሳዪደ  
 ሳልክና፤  
 ኡንቱንቱ እንጸርሳይ ማሻ ማላ።  
 ኡንቱንቱ ብሮ፥ “ኡን ከሰና” ጊደ ቆፒኖ።

8 ሸን አቤት መጅና ጎዳዉ፥  
 ኔን ኡንቱንቱ ሶላ ሚጫሳ፤  
 ካወተላቱዋ ኡባ ሶላ ቅለጫሳ።  
 9 ጸሳዉ፥ ኔን ታዉ ቆስታ አትያ ሳኣ ግድያ  
 ድራዉ፥  
 ታን ነ ዋልቃን አማነታይ።  
 10 ታ ጸሳይ አገና ባረ ሲቁዋን ታኮ ያና፤  
 ታ ጸሳይ ታ ሞርከቱዋ ጸንያዋ እ ታና  
 በሳና።  
 11 ታ አሳቱ ደገና ማላ፥ ኔን ኡንቱንታ ዋቆፓ።

አቤት ጸሳዉ፥ ኑ ጎንዳልያዉ፥  
 ነ ዋልቃን ኡንቱንታ ሳላደ ጸና።  
 12 ኡንቱንቱ ባረንቱ ደና ናጋራ ድራዉን  
 ባረንቱ እንጸርሳ ቃላ ድራዉ፥  
 ባረንቱ ኦቶሩዋን ኦይቀትኖ።  
 ኡንቱንቱ ሸቃ ድራዉን ኡንቱንቱ ሃሳይያ  
 ዋርዲዋ ድራዉ።  
 13 ነ ሀንቁዋን ኡንቱንታ ቋይሳ።  
 ጸሳይ ያቆባ ዛራቱዋ ሞድያዋን  
 ሳኣ ጋጾ ጋካናዉ ደኢያ ቢታ ሞድያዋ  
 አሳይ ኤራና ማላ፥  
 ኡንቱንታ ሙላ አተናዳን ቋይሳ።  
 14 ታ ሞርከቱ ኦማርሳን ሰሚኖ፤  
 ካናቱዋዳን ሶጪደ፥  
 ካታማ ግደን የዪኖ።  
 15 ኡንቱንቱ ሞያዋ ደማናዉ ቶይላካቲኖ፤  
 ካላና ቋፕ ላዊኖ።  
 16 ሸን ታን ነ ዋልቃ ሳባና፤  
 ዋንታ አገና ነ ሲቁዋባ የጸና።  
 አያዉ ጎፕ፥ ኔን ታዉ ታ ዋይያ ጋላሰ፥  
 ታን ባቃታ አትያ ሳን ቆስታ አትያሳ  
 ግዲዳ።  
 17 አቤት ታዉ ዋልቃ ግዲዳ ጸሳዉ፥  
 ታን ኔና ሳባና።  
 አያዉ ጎፕ፥ ታን ቆስታ አትያ ሳኢይነ  
 አገና ሲቁዋ ታና በሰያ ጸሳይ ኔና።

### 60

ጸሳይ አሸያዋ ቆንጭሰያ ዋሳ  
 ዛማረቱዋ ካፖ፥ ማሰጸጸምያን ሰባላን  
 ደኤዳ ሶርያ አሳቱዋና ኦላቲዳ ዋደ፥ ዮኡብ  
 ጉየ ሰሚደ ማጽንያ ዛንጋራን ታማነ ላኡ ሻኡ  
 አሳ ዋቆዳ ዋደ፥ ዳውት ትምርትያዉ ጸፊዳ  
 ዋሳ። አድልያ ጪሻ ዋላ ማርካተላ ዋሳ።  
 1 አቤት ጸሳዉ፥ ኔን ኑና አጋዳ፤  
 ኑና መንሳዳ።  
 ኔን ኑና ሀንቀታዳ፤  
 ሸን ሀኢ ኑኮ ሰማ።  
 2 ኔን ቢታ ቃላዳን ዛኣሳዳ፤  
 ቢታይ ኮኮርያ ድራዉ፥ ኔን አ ዛኡዋ  
 ባረ።  
 3 ኔን ነ አሳ መቱዋ በሳዳ፤  
 ኔን ኑና ጋንድጋርሰያ ዋይንያ ኡሻዳ።  
 4 ነዉ ያይያዋንቱ፥  
 ባረንቱ ሞርከያ ዋንዳፍያፕ አታና ማላ፥  
 ማላ አማዳ።  
 5 ኔን ሲቆያዋንቱ አታና ማላ፥  
 ነ ኡሸቻ ኩሸያን ኑና አሻ፤  
 ኔን ኑዉ አላ።  
 6 ጸሳይ ባረ ጌሻ ሳኣን ሀዋዳን ያጌዳ፤  
 “ታን ጸናደ ሰኬማ ቢታ ሻካና፤  
 ቃይ ሱኮታ ዛንጋራ ልካና።  
 7 ጋላኦደ ታዋ፤ ዋናሰካ ታሳ፤  
 ኤፍሪም ታ ሀጺያ ናግያ ቆብያ፤  
 ይሁዳይ ታ ካወተላ ጸምኢ።  
 8 ሞኦቢ ታን ሜጨትያ ኩይጸሩዋ፤

ኤደም ታዋ ግድያዎ ኤርሳናው ታ ጫማ  
 አ ሰላ ዋላይ፤  
 ታን ፕልሰጾማ ጸናደ ገሬራይም ያጌዳ።  
 9 ግምቡቱዳ ካታማኮ፡ ታና ኦኔ አፋናዌ?  
 ኤደማ ጋካናው ታና ኦኔ ካለፋናዌ?  
 10 አቤት ጸሳው፡ ኦና አጌዳዌ ኔና ግድኪ?  
 አቤት ጸሳው፡ ኔን ኦ ቶራንቻቱዋና ኦላው  
 ከሳካ።  
 11 አሳ ማዲ ፓፍ ድራው፡  
 ሞርክያና ኦላታናው ኔን ኦና ማዲ።  
 12 ጸሳ ዋልቃን ኦ ሞርከቱዋ ኦን ጸናና፤  
 ኦ ሞርከቱዋ የቆናዌ አ።

4 ኡንቱንቱ አ ቦንቾ ሳአፕ  
 አ ዋላናዋ ጸላላ ኮዪኖ፤  
 ኡንቱንቱ ዋርዲዋን ናሽቲኖ።  
 ባረንቱ ዶናን አንጂኖ፤  
 ሽን ባረንቱ ዋዛናን ሸቁኖ።  
 5 ታ ሸምፓታ ጸሳ ጸላላን ሸምፑዋ ደማዲ፤  
 ታን ህደታን ናግያዌ አፕ ዬ።  
 6 አ ጸላላይ ታ ዛላን ታ አቶተላ፤  
 አ ታን ቆሰታ አትያ ሳአ ግድያ ድራው፡  
 አይነ ህርግከ።  
 7 ታ አቶተላይነ ታ ቦንቾ ጸሳና፤  
 አ ታ ሞኖ ዛላን ታ ጌሱዋ።

### 61

ናጋናዲን ሸቆ ዋሳ  
 ዳዊተ ዛማራቱዋ ካፖ ዲላን የጼዳ  
 ማዝሙርያ  
 1 አቤት ጸሳው፡ ኔን ታ ዋሱዋ ሰሳ፤  
 ታ ዋሳ ሀይዛ።  
 2 ታ ዋዛናይ ህደታ ቃንጸ ዋዶ፡  
 ታን ቢታ ጋጸፕ ኔና ጸሳይ።  
 ታፕ ጶቂያ ዛላኮ፡ ታና ካለላ።  
 3 አያው ጎፕ፡ ኔን ታው ጌሱዋ  
 ታን ታ ሞርከቱዋፕ ናገትያ ግምቢያ  
 ድርሳ።  
 4 ታን ነ ዲንካንያን መጵናው ደአርክታ!  
 ታን ነ ቀፍያ ሀጸ ግድን ሳር አታርክታ!  
 5 አቤት ጸሳው፡ ኔን ታ ቃንገላ ሰሳዳ።  
 ነ ሱንላ ያይያዋንቱ  
 ላትያ ላታ ታውካ አማዳ።

8 አሳው፡ ኡባ ዋደ ጸሳን አማነትተ፤  
 አ ኦው ጌሱዋ ግድያ ድራው፡  
 ህንተ ዋዛና ቆፋ አው ኦድተ።  
 9 አሳይ ኡባይ አት ገደ ሸምፕያ ጫርኩዋ  
 ማላ፤  
 ጶቂና ዝቂና፡ አሳይ መላ።  
 ማዛንያን ዋሰናካ ኡንቱንቱ አይነ ዴጽክኖ፤  
 ኡንቱንቱ አት ገደ ሸምፕያ ጫርኩዋፕካ  
 ካውሸኖ።  
 10 ማካላን ሸሽዋን አማነቶፕተ፤  
 ዉአ ሸሽደ ዲረታናው ሀልቾፕተ።  
 ህንተ ዲረተላይ ዳርፕካ፡  
 ህንተ ዋዛና አ ሰላ ዋሳፕተ።  
 11 ጸሳይ አት ገደ ኦዴዳ፡ ታን  
 ላኡ የዉዋ ሰሳድ፤ “ዋልቃይ ጸሳሳ።  
 12 አገና ሰቆ ጎደዋ” ያጌዳ።  
 አቤት ጸሳው፡ ኔን አሳ ኡባው  
 አ ኡሱዋዲን ኡሱዋዲን ዛራና።

### 63

6 ካትያ ላይላ አዲሳ፤  
 አ የለታፕ የለታ ጋካናው ደኡ።  
 7 አ ጸሳ ስንላን መጵናው ካተቶ፤  
 አገና ነ ሰቆዋንነ ነ ቱማተላን አ ናጋ።  
 8 ያትያዋ ግደፕ፡ ታን  
 ታ ቃንገላ ጋላሳን ጋላሳን ጋላደ፡  
 ነ ሱንላ ኡባ ገደ ሳሳና።

ጸሳ ኮዪሳ  
 ይሁዳ ባዙዋን ደአያ ዋደ ዳዊታ ማዝሙርያ  
 1 አቤት ጸሳው፡ ኔን ታ ጸሳ፤  
 ታ ዋዛናይ ኔና ላሞቴ፤  
 ታ አሹካ ኔና አሞቴ።  
 መል ዛኤዳ፡ ሃላ ባይና ቢታዲን  
 ታ ኩመንላ አሳተላይ ኔና ሳመቴ።  
 2 ታን ኔና ጌሻ ሳአን በአድ፤  
 ነ ዋልቃካ ነ ቦንቾዋካ ታን በአድ።  
 3 አገና ነ ሰቆ ደኡዋፕ ሎኤያ ድራው፡  
 ታ አንጸርሳይ ኔና ቦንቻና።  
 4 ታ ደኡዋ ላይላን ታን ኔና ጋላታና፤  
 ነ ሱንላን ታ ኩሽያ ፑደ ሞጫና።  
 5 አሳይ ሎኦ ቁማ ካልያዋዲን፡  
 ታ ሸምፓታ ኔናን ካላና።  
 ታን ታ አንጸርሳን ናሽቻ የላን ኔና ጋላታና።

### 62

ህደታይ ጸሳ ቦላ ጸላላን  
 ዳዊተ ዛማራቱዋ ካፑዋ ጁዲቶ የጼዳ  
 ማዝሙርያ።  
 (1 ኦዲዋ 25:3)  
 1 ጸሳ ጸላላን ታን ሸምፑዋ ደማድ፤  
 ታ አቶተላይ አፕ ዬ።  
 2 አ ጸላላይ ታ ዛላን ታ አቶተላ፤  
 አ ታን ቆሰታ አትያ ሳአ ግድያ ድራው፡  
 አይነ ህርግከ።  
 3 ዋድያ ጎዳን ቃጽያ ድርሳ ማላትያ አሳ  
 ዋቆናው፡  
 ህንተ አውደ ጋካናው ደንዲቱ?

6 ታን ታ ግሱዋን ኔና ሀሳያይ፤  
 ቃማ ኡባን ነባ ቆፓይ፤  
 7 አያው ጎፕ፡ ኔን ታና ማዴዳዋ።  
 ታን ነ ቀፍያ ኩዋን ኡታዶ፡ ናሽቻው  
 የጸይ።

- 8 ታን ነ ማታ ሺቃ ኡታይ፤  
ነ ኡሸቻ ኩሺ ታና ኡይቂደ ናጌ።
- 9 ሸን ታና ዎቆና ኮይያዋንቱ፤  
ቢታ ጋርሳ ጨዋ ሳእን ሞገታና።
- 10 ኡንቱንቱ ማሻዉ እቋደ እመታና፤  
ኡንቱንቱ ባባርቂያ ካተ ግዳና።
- 11 ሸን ካቲ ጸሳን ናሽታና።  
ጸሳ ሱንሳን ጫቂያ ኡባይ አ ጋላታና፤  
ሸን ዎርዱዎ ሃሳይያዋንቱ ዶናይ  
ጎርደታና።

**64**

- ናጋናዳን ሸቆ ዎሳ  
ዛማረቱዎ ካፖ የጸቴዳ፣ ዳዊታ ማዘሙርያ
- 1 አቤት ጸሳው፣ ታን ማጋንያ ማጋና ኔን ሰሳ።  
ታን ታ ሞርከቶ ያያድ፤ ታና አሻ።
- 2 ኡታቱዎ ማቁዋጥ፤  
ኡታ ኡልያዋንቱ ሸቁዋጥ ታና ገንሳ።
- 3 ኡንቱንቱ ባረንቱ እንጸርሳ ማሻዳን  
ሌፊድኖ፤  
ቃይ ማርዘ ቃላቱዎ፣  
ዎንዳፍያ ፖላዳን ዱካናዉ ገገሴድኖ።
- 4 ኡንቱንቱ ቆሰቲደ፣  
ባረንቱ ዎንዳፍያ ጸሎ አሳ ቦላ ዳፊኖ፤  
አኬባይ ባይናን ዱኪኖ፤ ኡንቱንቱ  
ያይክኖ።
- 5 ኡንቱንቱ ባረንቱ ኡታ ማቆ እቱ እቱዎ  
ምን።ሊኖ፤  
ባረንቱ ጸርያ ቆሰያሳ ዘረቲኖ።  
ኡንቱንቱ፣ “ኑና ኡን በእኔ?” ያገኖ።
- 6 ኡንቱንቱ ኡታባ ማቀቲደ፣  
“ኑን ሎኦ ማቁዎ ማቀቲደ” ያገኖ።  
ሃዌን፣ አሳዉ ዎዛናይን ካሀይ ጨማ ግድያዎ  
በሴ።
- 7 ሸን ጸሳይ ኡንቱንታ ባረ ዎንዳፍያን ዱካና፤  
ኡንቱንቱ እኬከናን ማዱጸና።
- 8 ኡንቱንቱ ማቁዎ ድራዉ፣  
እ ኡንቱንታ ቆይሳና፤  
ኡንቱንታ በእያ ኡባይ ሁጺያ ቃላና።
- 9 ሃ ዎደ አሳይ ኡባይ ጸሳዉ ያያና፤  
አ ኡሱዋባ ኡዳናን ዛር ዛሪደ ቆፓና።
- 10 ጸሎቱ መድና ጎዳን ናሸትና፤  
እኮ ባቃቲደ እቲኖ፤  
ዎዛና ሱረቱ ኡባይ ጋላትኖ።

**65**

- ጋላታ ማዘሙርያ  
ዛማረቱዎ ካፖ የጸቴዳ፣ ዳዊታ ማዘሙርያ፣  
ሳባ
- 1 አቤት ጸሳው፣ ጽዮንን ነዉ ጋላታይ በሴ፤  
ኡን ነዉ ሸቀቲዳዋካ ጋላና።
- 2 አቤት ዎሳ ስሰያዎ፣  
አሳይ ኡባይ ኔኮ ያና።
- 3 ኑ ናጋራይ ኑና ሙኬዳ ዎደ፣

- ነ ኑዉ አቶተሳ አማዳ።
- 4 ኔን ድራዳን ነ ትሎታን ኡታናዉ  
ማታ ሸሸያ አሳይ እንጀቲዳዎ።  
ኑን ነ ሶን፣ ጌሻ ዱንካንያን  
ደእያ ሎኦባን ኩሜድ።
- 5 አቤት ኑና አሸያ ጸሳው፣  
ማላልሰያ ነ ጽሎ ኦሱዋን ኔን ኑዉ  
አላሳ።
- ሳኣ ጋጸፕ ጋጸ ጋካናዉ፣  
ሃኮ አባቱዋጥካ ሃፍንሳን ደእያ አሳ  
ኡባዉ፣  
አማነትያዎ ኔና።
- 6 ኔን ኔና ዎልቃ ደረቱዎ ነ ምኖተሳን ኤሳዳ።  
ዎልቃማ ደረቱዎ ነ ምኖተሳን ኤሳዳ።
- 7 ኔን አባ ኮሻን፣  
ቤታ ጉንሳ ሰርጽ ኦላሳ፤  
ቃይ አሳይ ደንድያ ደንዱዎ እርጽሳሳ።
- 8 ሃዎዳን ኔን ኡፊዳ ማላታ ድራዉ፣  
ሳኣ ጋጸ ጋካናዉ ደእያ አሳይ ኡባይ ነዉ፣  
“ሆላ!” ጌ።  
አዎይ ሞክያሳፕ ዉልያሳ ጋካናዉ ደእያ አሳ  
ኡባ ናሸቻዳ።
- 9 ኔን ቢታ ናጋደ እራ ቡክሳሳ፤  
ያታደ ዳር ቱኤያሳ።  
አሳዉ ካላይ ሞካና ማላ፣  
ጸሳ ፑልቶቱ ሃላን ኩሜድኖ፤  
ሃዎዳን ኦላይ ኔን ገገሳዳ።
- 10 ካቻ ዎቆና ማላን ጉሉዎ ሸግሳና ማላ፣  
ኔን ያፋራን ሃላ ኩንሳሳ፤  
ካላይ ሞካና ማላ እንጀሳ።
- 11 ላይሳ ካሎ ሳይሳ ኦላሳ፤  
ኔን እቋዳ ሳእይ ኡባይ ኩም ፓላሃ።
- 12 ኔን ሃንሳ ሳኣ ማታን ኩንሳሳ፤  
ዘዘቱዋካ ናሸቻ ደንጭሳሳ።
- 13 ኔን ሃንሳ ጋድያ ደርሳ ዉድያ ማይዛሳ፤  
ዘንጋራ ቢታካ ካላ ኩንሳ።  
ኡንቱንቱ ናሸቻዉ ሆምቦጪኖን የጸኖ።

**66**

- እትጥተሳ ጋላታ  
ዛማረቱዎ ካፖ የጸቴዳ ሳባ፣ ማዘሙርያ
- 1 ሳኣን አሳ ኡባዉ፣ ሀንተ ቃላ ቶቂሲደ፣  
ናሸቻን ጸሳ ጋላትተ።
- 2 “ጸሳ ሱንሳይ ቦንቸቶ!” ጊደ የጽተ፤  
ቦንቸ ጋላታ እዉ አምተ።
- 3 ጸሳዉ ሀዎዳን ያግተ፤  
“ኣ ኦሶቱ ዋን ማላልሰያዋንቱ!  
ነ ዎልቃይ ዳራዳ ድራዉ፣  
ነ ሞርከቱ ያሻዉ ነ ሰንሳን ኮኮሪኖ።
- 4 ሳኣን ደእያ ኡባቱ ነዉ ጎይኒኖ፤  
ኔና ሳቢኖ፤  
ነ ሱንሳዉ ጋላታ የጸኖ” ያግተ።
- 5 ሃይተ፤ ጸሳይ ኡፊዳዎ በእተ፤  
እ አሳ ግድን ማላልሰያ ኡሱዎ ኡፊዳ።
- 6 እ አባ ሃላ ሻኬዳ፤

66:6 ከሳ 14:21፤ ኢያሳ 3:14-17

ቃይ በን ኑ አዎቱ የርዳዳሳ ሻፋ፡  
 ባረንቱ ገድያን ሀመቲድ፡ መላ ቢታን  
 ፕኔድኖ።  
 ሄዋን እ ኦሴዳባን ኑን ናሸቲድ።  
 7 እ ባረ ዋልቃን መድናዉ ዋዴ።  
 ካዉተፋቱዋ ባረ እይፍያን ዴሌ፤  
 ሄዋ ድራዉ፡ ማካልያዋንቱ እ ቦላ  
 ደንደፕኖ።  
 8 አሳቶ፡ ኑ ጸሳ ጋላትተ፤  
 ሀንተ እ ጋላትያ ጋላታይ ሰሰቶ።  
 9 እ ኑና ፓጸ ዋሴዳ፤  
 ኑን ከንደናዳን ናጌዳ።  
 10 አቤት ጸሳዉ፡ ኑን ኑና ፓጫዳ፤  
 ብራ ገሻናዉ ታማን ፓጫያዋዳን፡  
 ኑና ገሻዳ።  
 11 ኑን ኑና ጸርያን ገልሳዳ።  
 ኑ ዘኩዋንካ ዳዳባ ቶሳዳ።  
 12 ሞርከቱ ኑ ሀጺያን ቶጋናዳን ኦላዳ።  
 ኑን ሃላ ግዴዋናን ታማ ግዴዋና እጴዴ፤  
 ሸን ሀእ ኑና እሻልያ ሳ እሃዳ።  
 13 ታን ጸግያ ያርሹዋና ነ ጎልያ ገላደ፡  
 ታ ቃንግያ ነዉ ጋላና።  
 14 ታን መቶቲዳ ዋደ፡  
 ታ ደናን ሸቀቲዳ ቃንግያ፡  
 ታ እንጸርሳፕ ከሴዳዋ፡ ታን ጋላና።  
 15 ታን ነዉ ጸጊደ ያርሸያ፡  
 ደርሳ ኦርገቱዋ ሸሻና።  
 ኮሩማ ቦራቱዋን ዳሻ ኦርገቱዋ ነዉ ያርሻና፤  
 ሄ ያርሹቱዋ ጩዋይ ሳሉዋ ጋካና።  
 16 ሀንተኖ፡ ጸሳዉ ያይያዋንቶ፡  
 ኡባቱ ሃ ዪደ፡ ሰሰተ።  
 ጸሳይ ታዉ ኦሴዳዋ ታን ሀንተዉ ኦዳና።  
 17 ታ ቃላ ቶቁ አላደ ታን ጸሳ ዋሳድ፤  
 ታ እንጸርሳን አዉ ጋላታ ሸሻድ።  
 18 ታን ታ ዋዛናን ናጋራ ገንፌደንቶ፡  
 ጎዳይ ታና ሰሰና።  
 19 ሸን ጸሳይ ቱሙዋፕ ታና ሰሴዳ፤  
 ታ ዋሳካ ሀይዜዳ።  
 20 ጸሳይ ታ ዋሳ እጽቤና ድራዉ፡  
 ቃይ እገና ባረ ሰቁዋ ታዉ ድግቤና  
 ድራዉ፡ ጋላቲቶ።

**67**

ጋላታ ማዘመርያ  
 ዛማረቱዋ ካፖ የጸቲዳ፡ ዲላን ዋጸቲዳ  
 ማዘመርያ፡ ሳባ  
 1 ጸሳይ ኑዉ ቃረቶን ኑና አንጃ፤  
 ባረ ሶምእያ ኑ ቦላን ፖእሶ።  
 2 ነ ኦገቱ ሀ ሳእ ቦላን፡  
 ነ አሸያ ዋልቃይካ፡  
 ካዉተፋቱዋ ኡባ ግዴዋን ኤረትኖ።  
 3 አቤት ጸሳዉ፡ አሳይ ኑና ጋላቶ፤  
 አሳይ ኡባይ ኑና ጋላቶ።  
 4 ካዉተፋቱ ኡባይ፡ “ሀሹ!” ገደ፡  
 ናሸቻዉ ዪኖ።  
 አያዉ ጎፕ፡ ኑን አሳ ጽሎተላን ፕርዳሳ፤  
 ቃይ ሳእን ደእያ ካዉተፋቱዋ ካለላሳ።

5 አቤት ጸሳዉ፡ አሳይ ኑና ጋላቶ፤  
 አሳይ ኡባይ ኑና ጋላቶ።  
 6 ቢታይ ካላ ሞኬዳ፤  
 ጸሳይ፡ ኑ ጸሳይ ኑና አንጃዳ።  
 7 ጸሳይ ኑና አንጃዳ።  
 ሳእ እጸ ጋካናዉ ደእያ አሳይ ኡባይ አዉ  
 ያዮ።

**68**

ጸኑዋ ማዘመርያ  
 ዛማረቱዋ ካፖ የጸቲዳ፡ ዳውት ጸፊዳ  
 ማዘመርያ፡ የሳ  
 1 ጸሳይ ደንደ፤ አ ሞርከቱ ላለትኖ።  
 እ እጽያዋንቱ እ ሰንሳፕ ባቃትኖ።  
 2 ጩዋይ ጫርኩዋን ፑንትያዋዳን፡  
 ኑን ኡንቱንታ ፑና ጳይሳ።  
 ሙቃዳይ ታማን ሙሽያዋዳን፡  
 ኡታቱ ጸሳ ሰንሳፕ ጳይኖ።  
 3 ሸን ጽሎቱ ሀሹ ገኖ፤  
 ጸሳ ሰንሳፕ ናሸትኖ፤  
 ናሸቻን አልልኖ።  
 4 ጸሳዉ የጽተ፤ እ ሱንሳ ሳቢተ።  
 ሻርያ ቦላን ጋልፍያዋ ቶቁ ቶቁ ኦለተ  
 ከሰተ፤  
 እ ሱንሳይ መድና ጎዳ፤  
 እ ሰንሳፕ ናሸትተ።  
 5 ጸሳይ ባረ ደእያ ገሻ ሳእን፡  
 አዉ ባይና ናናቶ አዉዋ፤  
 ቃይ አሰናይ ሀይቁዳ ማጫ አሳቶ ዳና።  
 6 ጸሳይ ባረካ ደእያዋንቶ ጎለ አሳ እማ።  
 ቃሾ ጎልያን ደእያዋንታ ብሊደ፡  
 ኡንቱንታ እሻሉዋን ዋሴ።  
 ሸን ማካላንቻቱ መሌዳ ቢታን ደእኖ።  
 7 አቤት ጸሳዉ፡ ኑን ነ አሳ ካለሴዳ ዋደ፡  
 ኑን ኡንቱንቱና መላ ባዙዋ ቤዳ ዋደ፡  
 8 ሲና ደርያን ቆንጩዳ ጸሳ ሰንሳፕ፡  
 እሰራኤልያ ጸሳ ሰንሳፕ ቢታይ ቃዴዳ፤  
 ሳሎቱ እራ ዳገ ትኑድኖ።  
 9 አቤት ጸሳዉ፡ ኑን እራ ዳርሳይ ቡክሳዳ፤  
 መላ ቢታ ዛራደ ኦራላዳ።  
 10 ነ አሳይካ ያን ኡቲዳ።  
 አቤት ጸሳዉ፡ ነ ኬካተላን፡  
 ሀይሳቶ ኮሸያባ ገግሳደ እማዳ።  
 11 ጎዳይ ኪታ ከቲዳ፤  
 ሄ ኪታ አፊዳ ማጫ አሳቱ ዳራ።  
 12 ኡንቱንቱ፡ “ሞርከ ካተቱን  
 ኡንቱንቱ ቶራንቻቱ ገዮ ባቃቲድኖ፤  
 ሶን አቲዳ ማጫ አሳቱ ኦሞዲዋ  
 ሻከቲድኖ።  
 13 ኡንቱንቱ፡ ጸልያ ዋርቃ ቀፍያና ደእያ፡  
 ብራፕ መጠቲዳ ሀራጽያ ሞሰልያ፡  
 ኦሞዲዋ ደሞደ፡ ሀንተንቱ።

ደርሳ ስኩዋ ግደን አያው ግሴድቴ? ”  
 ያጌድኖ።  
 14 ኡባ ዳንዳይያ ጸሳይ፤  
 ካተቱዋ ላሌዳ ዋደ፤  
 ጸልሞና አሳ ቦላ ሻቻ ቡክሴዳ።  
 15 ባሳነ ደረቱ ዋጋ ዋልቃማ ደረቱዋ፤  
 ባሳነ ደረቱ ዳር ጴራቱ ደእያዋንታ።  
 16 ዳር ጴራቱ ደእያ ደረቶ፤  
 ጸሳይ ባረሳ ኦላናው ደሬዳ አሳ፤  
 ህንተ እያው ቃናቲደ ጴሊቲ?  
 መጵና ጎዳይ አነ መጵናው ደእናዋ።  
 17 ጸሳ አላ ፓራ ጋረቱ  
 ታሙ ሻኦንነ ሻኡ ገደ ሻእን  
 ፓይደትያዋንታ፤  
 ጎዳይ ሲና ደርያፕ ባረ ጌሻ ሳኣ ዬዳ።  
 18 እሞደቱዳ ዳርቱዋ አከደ፤  
 እ ፑደ ጴቃ ከሴዳ።  
 አሳፕ፡ ሀራይ አቶ ማካላንቻ አሳፕካ እሙዋ  
 አኩዳ።  
 መጋታ ኡባ ጎዳይ ያን ደእና።  
 19 ጋላሳን ጋላሳን ኑ ቶኩዋ ቶክያ ጎዳይ፤  
 ኑና አሸያ ጸሳይ ጋላተቶ።  
 20 ኤ፡ ኑ ጸሳይ ኑና አሸያ ጸሳይ!  
 ሀይቁዋፕ አትያዋ፤  
 ኡባ ሞድያ መጵና ጎዳይ አሸናዳ።  
 21 ጸሳይ ቱሙዋፕ ባረ ሞርከቱዋ፤  
 ጉግያ ክንቻና፤  
 ናጋራ ኡግያን ሀመትያ፤  
 ጎፋራንቻቱዋ ሁጲያ ጸልቃና።  
 22 ጎዳይ ያጌዳ፤ “ታን ህንተ ሞርከቱዋ፤  
 ባሳነፕ ዛራደ አሀና፤  
 ታን ኡንቱንታ ጨሞ አባ ግደፕ ከሳደ  
 ጉዮ አሀና።  
 23 ሄዌነ፡ ኔን ነ ሞርከቱዋ፤  
 ሱላ ግዳዋና ጮልባያ የቆደ ሀመታናሳነ፤  
 ነ ካናቱካ ሞርከያ ሱላፕ፤  
 ባረንቱ ግሹዋ እንጸርሳን ላጫናሳ”  
 ያጌዳ።  
 24 አቤት ጸሳው፡ ነ ሳልፕ፤  
 ታ ጸሳ ታ ካትያ ሳልፕ፤  
 ጌሻ ጎልያ ገልያ ዋደ ኡባው ቤቱ።  
 25 የጸያዋንቱ ስንላና፤ ዲጸያዋንቱ ጉዮና፤  
 ቃይ ካራቡዋ ባቂያ ዋደሮቱ ግዲዋና።  
 26 ኡንቱንቱ፡ “ጸሳ ከንሌዳ ሸቆዋን ጋላትተ፤  
 ህንተኖ፡ እስራኤልያ ዘረሳቶ፤  
 መጵና ጎዳ ጋላትተ” ያጌዳ።  
 27 ሄ ሳልፕያን ኡባፕ ቱፋትያ፤  
 ቢንያማ ዛራቱ ኮይሮ ቤቲና።  
 ካሊደ ይሁዳ ካፓቱ ባረንቱ ጭታና ደእኖ፤  
 ወርሰላን ዛብሎና ካፓቱን ንፍታሌማ  
 ካፓቱ ቤቲና።  
 28 አቤት ጸሳው፡ ነ ዋልቃ ቆንጭሳ።  
 አቤት ኑወ ኦሌዳ ጸሳው፤  
 ነ ሞኖተላ ቦሳ።  
 29 ሄዋ ድራው፡ የሩሳላሙን ደእያ  
 ነ ጌሻ ጎልያ ካተቱ ዪደ፤  
 ነወ አሞታ እማና።

30 ደኣዳን ማቃ ግደን ደእያ ግብጾ አሳቱዋ  
 ኔን ሴራ።  
 ቦራቱዋን ማራቱዋ ወድያ፤  
 ማላትያ ካውተላቱዋ ኔን የደርሳ።  
 ኡንቱንቱ ጉልባቲደ፡ ባረንቱ ብራ ነወ  
 እማና ጋካናው፤  
 ኔን ኡንቱንታ ሴራ።  
 አላታናው ዬሞትያ አሳቱዋ ላላ።  
 31 ከተቲዳ ካፓቱ ግብጾፕ ያና፤  
 ቶጶታ ባረ ኩሽያ ኤላ ጸሳኮ ሞጫና።  
 32 ህንተኖ፡ ሳኣ ካውተላቶ፤  
 ጸሳው የጸተ፤  
 33 ሳሎቱዋን፡ ቢንፕ ደእያ ሳሎቱዋን ብያ  
 ጎዳ ሳቢተ።  
 ስሰተ! እ ባረ ኮሻ፤  
 ባረ ዋልቃማ ጉንላ ከቲ።  
 34 ጸሳ ዋልቃባ አዋይተ፤  
 አ ከንጋይ እስራኤልያ ቦላና፤  
 አ ዋልቃይካ ሳሎዋና።  
 35 ጸሳይ ባረ ጌሻ ጎልያፕ ቆንጭደ፤  
 ማላልሴ።  
 እስራኤልያ ጸሳይ ባረ አሳው ሞኖተላን  
 ዋልቃ እማ።  
 መጵና ጎዳይ ጋላተቶ።

**69**

ማዳዋ ደማናው ሸቆ ዋሳ  
 ዛማራቱዋ ካፖ፡ ጨሻ ዋላ ግያ ዋጶዋን  
 የጸቲዳ ዳዊታ ማዝሙርያ  
 1 አቤት ጸሳው፡ ታና አሻ፤  
 እያው ጎፕ፡ ሃሳይ ታው ቆጵያ ጋኬዳ።  
 2 ገዲ ኤቂያ ሳኣይ ባይና ጫርያን ሙከታድ፤  
 ጨሞ ሃላ ግደ ገላድ፤  
 ሃላ ዙሉ ታ ቦላ ባና ሀኔ።  
 3 ማደ ዋሳደ ዳቡራይ፤  
 ታ ኩቶኒካ መሌዳ።  
 ታ ጸሳይ አሌ ጋደ ጴልሸን፤  
 ታ አይፊ ጋልጄዳ።  
 4 ታና ጮ እጽያዋንቱ፤  
 ታ ሁጲያ ብናፕ ዳራ።  
 ዋርዲዋን ታና ሞርከያዋንቱን፤  
 ቆይሳናው ኮይያዋንቱ ዳሬድና።  
 ታን ዋልቃንላ አካቤና ማሻ ታና ጭግሲና።  
 5 አቤት ጸሳው፡ ታ ባይዙዋ ኤያተላ ኔን  
 ኤራሳ፤  
 ታን ኦሌዳ ናጋራይ ኔፕ ቆስተና።  
 6 አቤት ጎዳው፡ ኡባፕ ዋልቃማ መጵና  
 ጎዳው፤  
 ኔና ህይታን ናግያዋንቱ፤  
 ታ ጋሱዋን ዬላቶኖና።  
 አቤት እስራኤልያ ጸሳው፡ ኔኮ  
 ሸቆያዋንቱ  
 ታ ጋሱዋን ካውሾፕኖና።  
 7 ታን ቦርያ ዳንዳይዳዊን  
 ታ ስሞኢ ዬላ ማዬዳዊ ነ ድራሳ።  
 8 ታን ታ እሻቶ እማላ።

ቃይ ታ ኦት ናናቶ አላጋ ግዳድ።

9 ታን ነ ጎልያዉ ሴለትያ ሴላይ፤  
ታና ታማዳን ጉዴ፤  
ኔና ስርያዋንቱ ስሪ ታ ስላ ዎጴዳ።

10 ታን ጸማደ፣ ታ ሁጲያ ካዉሼዳዊ፣  
ታዉ ቅሊጩዋ ግዴዳ።

11 ታን ካዩዋ ማዩዋ ማዬዳ ዎደ፣  
ኡንቱንቶ ቶሳዉ ግዳድ።

12 ካታማ ፐንግያን ኡትያዋንቱ ታና  
ቅሊጩኖ፤  
ማላትያዋንቱ ታባ የሳ ከሲኖ።

13 ሸን አቤት መጵና ጎዳዉ፣ ታና ግደፐ፣  
ታን ኔና ዎሳይ።

አቤት ጸሳዉ፣ ነ ደሰያ ዎድያን፣  
አገና ነ ሲቁዋ ዳሩዋን፣  
ኔን አሻና ጌዳዋዳን ታዉ ዛሩዋ እማ።

14 ጫርያን ሙከተናዳን ታና አሻ።  
ታና እጽያዋንቱ፣  
ጨዋ ሃላቱዋፐፐ ኔን ከሳ አካ።

15 ሃላ ድኡዋን ታና አናሶፐ፤  
ዎይ ጨዋ ኡላን ታና ሞትሶፐ፤  
ዎይ ዱቅዋ ደና ታ ስላ ጎርድሶፐ።

16 አቤት መጵና ጎዳዉ፣ አገና ነ ሲቁዋ  
ከካተሳዳን፣  
ታዉ ዛሩዋ እማ።

ነ ቃረታ ዳሩዋዳን ታኮ ሰማ።  
17 ታፐፐ ነ ቆማፐ ነ ሰምኡዋ ገንላፐ፤  
ታን ዎየትያ ድራዉ፣ ታዉ ኤለ ዛሩዋ  
እማ።

18 ኔን ታኮ ሸቃ፤ ታና ዎዛ፤  
ታ ሞርከቱዋፐ ታና ላአ ከሳ።

19 ታን ስርያ፣ ዬላነ፣  
ካዉሻ አኬዳዋ ኔን ኡራሳ።  
አያዉ ጎፐ፣ ታ ሞርከቱዋ ኡሳ ኔን በአሳ።

20 ስሪ ታ ዎዛና ፓጸናዳን መንሶ ድራዉ፤  
ሀዶታ ቃንጸድ።  
ታዉ ቃረትያዋ ከያድ።

ሸን እቱነ ባዋ፤  
ታና ሞንጳያ አሳ ጴላድ፤ ሸን  
ደማበይከ።

21 ታን ኮሻቱዳ ዎደ፣  
ታዉ ጨምያ ቁማ አጴድኖ።  
ታን ሳመቱዳ ዎደ፣  
ታዉ ጨላ ዎይንያ ኤሳ እማድኖ።

22 ኡንቱንቱ ሞያ ሳምፓይ ኡንቱንቶ ጲረ  
ግደ።  
ኡንቱንቱ ያርሹዋ ያርሹደ፣  
ሞያ ግብራይ ኡንቱንቶ ግትያ ግደ።

23 ጴለናዳን ኡንቱንቱ አይፊ ጎዘቶ፤  
ኡንቱንቱ ጋዲዋ ኡሳ ገደ ኮኮርሳ።

24 ነ ሀንቁዋ ኡንቱንቱ ስላ ትጋ፤  
ነ ሱሎ ሀንቁ ኡንቱንታ የደርሲደ  
ኦይቆ።

25 ኡንቱንቱ ካምቡ መላ ደኦ፤  
ኡንቱንቱ ዲንካንያን ኦንነ ደኦ።

26 አያዉ ጎፐ፣ ኡንቱንቱ፣  
ኔን ሙራዳዋንታ የደርሲኖ፤  
ቃይ ኔን ደቼዳዋንቱ ቱጋባ  
ደንሲደ ሃሳዬኖ።

27 ኔን ኡንቱንቱ ናጋራ ስላ  
ናጋራ ጉጅናዳን አጋ፤  
ነ ማርተላፐ ኡንቱንታ አያይነ ጋኮፐ።

28 ኡንቱንቱ ደኡዋ ማጻፋፐ ቁጨትኖ፤  
ጽሎ አሳና ማዝጋበቶፐኖ።

29 ታን ሳከታደነ ቱጋታደ ደአይ።  
አቤት ጸሳዉ፣ ታና አሻደ፣  
ሳር ሳኦን ዎሳ።

30 ታን ጸሳ ሱንሳ የሳን ጋላታኖ፤  
ጋላታ አሙዋን አ ዳርሳና።

31 ሄዌካ፣ ስራ ያርሸያዋፐ  
ዎይ ካጫማ ኮራማ ያርሸያዋፐ  
አጲደ፣ መጵና ጎዳ ናሸቻኖ።

32 ናቀቱዳዋንቱ ታና ጸሳይ፣  
አሺዳዋ በኢደ ናሸቻኖ።  
ሀንተኖ ጸሳኮ ሸቆያዋንቶ፣  
ሀንተ ዎዛናይ ሞንቶ።

33 አያዉ ጎፐ፣ መጵና ጎዳይ ሀዬሳቱዋ ሰሴ፤  
ቃሾ ጎልያን ደአያ ባረ አሳካ ካርና።

34 ሳሉነ ሳአይ፣ ቃይ አባይነ  
አ ግደን ዎጽ ቃጽያ ኡባቱ ጸሳ ጋላትኖ።

35 አያዉ ጎፐ፣ ጸሳይ ጽየነ አሻና፤  
ይሁዳ ካታማቱዋ ዛራደ ኬጸና።

አ አሳይ ያን ደአናነ ሄ ቢታይ ኡንቱንቱሳ  
ግዳድኖ።

36 አ ቆማቱዋ ናናቱ ሄ ቢታ ላታና፤  
አ ሱንሳ ሲቆያዋንቱ ያን ደአና።

**70**

ኡንላ ዋሱዋ  
ዛማረቱዋ ካፐ ዳዊታ ሀሳይሰያዋ  
ማዛሙርያ።  
(40:13-17)

1 አቤት ጸሳዉ፣ ታና አሻናዉ ኤኖ ጋ፤  
አቤት መጵና ጎዳዉ፣ ታና ማዳናዉ  
ኤሌላ።

2 ታና ዎጳናዉ ኮይያዋንቱ  
ዬላትኖን ካዉሸኖ።  
ታን ቆሃታናዋ አሞትያዋንቱ፣  
ካዉሸደ ጉየ ሰምኖ።

3 ታ ስላ፣ “አዉ ሀሹ! ሀሹ!”  
ጌዳዋንቱ ጸንቱዳ ድራዉ ዬላትኖ።

4 ሸን ኔና ኮይያ ኡባቱ፣  
ኔናን ናሸቻኖን ሀሹ ገና።  
ቃይ ነ እቶተሳ ደሰያዋንቱ ኡባቱ፣  
“ጸሳይ ግታት!” ያግኖ።

5 ታን ሀዬሳነ መቶታንቻ፤  
አቤት ጸሳዉ፣ ኤለ ታኮ ሃያ።  
ታና ማድያዌን አሸያዌ ኔና፤

አቤት መድና ጎዳው፣ ጋምኦ፡፡

### 71

- ጳጳሳ ማዳዋ ደማናው ሺቆ ዋሳ
- 1 አቤት መድና ጎዳው፣ ታን ኔኮ ባቃታይ፤ አዉደነ ታና ዬላዮ፡፡
- 2 ነ ጽሎተላን ታና ዋሳ አካ፤ ነ ሀይላ ታኮ የጋደ፣ ታና አሻ፡፡
- 3 ኔን ታው ኡባ ዋደ ጌምያ ምኖ ዛላ፤ ታና አሸያ ምኖ ጌሱዋ ግዳ፡፡ ታ አታና ማላ ነ አዛዘ፡፡ ኤ፣ ኔን ታ ዛላን ታ ጌሱዋ፡፡
- 4 አቤት ታ ጸሳው፣ ኢታቱዋ ኩሸያ፡፡ ኢታ ኦሳያዋንቱ፡፡ ቃረት ባይና አሳቱዋ ዋልቃ፡፡ ታና አሻ፡፡
- 5 አያው ጎ፡፡ አቤት ኡባ ሞድያ መድና ጎዳው፣ ኔን ታን ሀይታን ናገያዋን ታ ያላጋተላ ዋድያ፡፡ ታና አማነትያዋ ግዳደ፡፡
- 6 ታን የለትያ ዋድያ፡፡ ደማደ ኔናን ዘም፡፡ ታ አት ኡሉዋ፡፡ ዋድያ፡፡ ኔን ታና ናጋደ፡፡ ኡባ ገደካ ታ ጋላታይ ኔሳ፡፡
- 7 ኔን ታው ባቃታ አትያ ዋልቃ ሳኦ ግዳደ ድራው፣ ታ ደኡ ዳር አሳው ለምሶ ግዳደ፡፡
- 8 ጋላሳ ኡባን ታ ደናይ፣ ነ ጋላታን ነ ቦንቹዋን ኩሜዳ፡፡
- 9 ታን ጭሜዳ ዋድያን ታና ኦሎ፡፡ ታ ዋልቃይ እጹዳ ዋድያን ታና አጎ፡፡
- 10 አያው ጎ፡፡ ታ ሞርከቱ ታ ቦላ ሃሳዪዳ፣ ታና ዋዳናው ኮይያዋንቱ አት፡፡ ሸቆይ ማቀቱና፡፡
- 11 አንቱንቱ፣ “ጸሳይ አ ኦሎዳ፤ የደርሱደ አ ኦሎቁቶ፡፡ አያው ጎ፡፡ አ አሻናዊ ኦንነ ባዋ” ያገና፡፡
- 12 አቤት ጸሳው፣ ታ፡፡ ኔን ሃኮ፡፡ አቤት ታ ጸሳው፣ ታና ማዳናው ኤሌላ፡፡
- 13 ታና ሞትያዋንቱ ዬላቲደ ሳይና፡፡ ታና ቆሀናው ኮይያዋንቱ ዬላነ ካዉሻ ማይና፡፡
- 14 ሸን ታና ግደ፡፡ ኡባ ገደ ኔና ሀይታን ናጋና፡፡ ታን ጉጃ ጉጃደ ኔና ጋላታና፡፡
- 15 ዋድሳንቶ ለክያ ኤራና ሳዮ፡፡ ታ ደናይ ጋላሳ ኡባን ነ ጽሎተላባነ አሸያ ነ ኦሎባሳ ኦዳና፡፡
- 16 ታን ኡባ ሞድያ መድና ጎዳ ዋልቃን ያና፤ ነ ጸላላይ ጽሎ ግድያዋ አዋና፡፡
- 17 አቤት ጸሳው፣ ኔን፣ ታ ያላጋተላ፡፡ ደማደ ታና ታማርሳዳ፡፡ ሀእ ጋካናው ታን ነ ማላልሰያ ኦሎባሳ ኦዳይ፡፡
- 18 አቤት ጸሳው፣ ነ ዋልቃ ነ ምኖተላ፣ ይያ የለታ ኡባው ኦዳና ጋካናው፣ ታን ጭማደ ፑሉዋ፡፡ ታና አጎ፡፡

- 19 አቤት ጸሳው፣ ነ ጽሎተላይ፣ ቦላ ሳሉዋ ጋኬዳ፡፡
- አቤት ዋልቃማባ ኦሎዳ ጸሳው፣ ነ ማል ኦንነ ባዋ፡፡
- 20 ኔን ታ ቦላ ዳር መቱዋ አሃዳ፤ ግደ፡፡ ኔን ታ ደኡዋ ዛራደ ኦራጽሳና፤ ኔን ታና ቤታ ግደ ጪዋ ኦላ ገለናዳን ናጋና፡፡
- 21 ኔን ታ ቦንቹዋ ካሰዋ፡፡ ዳርሳና፤ ኔን ታና ዛራዳካ ምንግግ፡፡
- 22 አቤት ታ ጸሳው፣ ነ ቱማተላ ድራው፣ ታን ኔና ዲላን ጋላታና፡፡
- አቤት እሰራኤልያ ጌሻው፣ ታን ማሰንቁዋን ኔና ሳባና፡፡
- 23 ታን ዲዳደ፣ ናሸ፡፡ ታ ቃላ ቶቁ ኦላደ የጸና፤ ኔን ታና አሸዳ ድራው፣ ታን ኔና ሳባና፡፡
- 24 ታ እንጸርሳይ ነ ጽሎ ኦሎባሳ ኡባ ጋላሰ ኦዳና፤ አያው ጎ፡፡ ታና ቆሀናው ኮይያዋንቱ፣ ዬላቲድና ካዉሸድና፡፡

### 72

- ካትያው ሺቆ ዋሳ
- ሰሎሞና የሳ
- 1 አቤት ጸሳው፣ ካቲ ነ ሱረተላን ፕርዳናዳን፣ ኔን አ ታማርሳ፤ ኦ ካትያው ነ ጽሎተላ አማ፡፡
- 2 ያቶ፡፡ አ ነ አሳው ጽሎተላን ፕርደ፤ ናቀቱዳዋንቶካ ሱረተላን ዳናቶ፡፡
- 3 ደረቱ ሳርተላ አይፍያ፣ ዘዘቱን ጽሎተላ አይፍያ ነ አሳው አይፍና፡፡
- 4 ሄ ካቲ አሳ ግደን ናቀቱዳዋንቱ ድራው ሞተቶ፤ ሀዬሳቱዋ አ አሸ፤ ኡቁንያዋንታ አ መንግግ፡፡
- 5 አዋይነ አግናይ ደእያ ዋደ ኡባን፣ የለታ፡፡ የለታ ጋካናው፣ አሳይ አዉ ያደና፡፡
- 6 ካቲ ሸይቃን ቡክያ እራን ጋድያ ካልሰያ እራ ማላ ግደ፡፡
- 7 አ ደእያ ላይላ ኡባን ጽሎ ዳሻና፤ አግናይ ሳያና ጋካናው ሳርተላይ ዳራና፡፡
- 8 አባ፡፡ አባ ጋካናው፣ ቃይ ኤፍራዲሳ ሻፋ፡፡ ሳኦ ጋጾ ጋካናው አ ሞደ፡፡
- 9 ባዙዋ አሳቱ አዉ ሆክና፤ አ ሞርከቱ ባና ላጭና፡፡
- 10 ታርሱሳን ሃላን ደደቱዳ ቤታ ካተቱ፣ አዉ ገራ ጊርና፡፡
- ሼባነ ሳባ ካተቱ፣ አዉ አሞታ አይና፡፡
- 11 ካተቱ ኡባይ አዉ ጉልባትና፤ ካዉተላቱ ኡባይ አዉ ከተትና፡፡
- 12 አ ጾሰያ ሀዬሳቱዋ፣ ናቀቱዳዋንታን



ማድያዌ ባይናዋንታ እ አሼ።  
 13 ሀዬሳቶን ማንቆቶ እ ቃረቱ፤  
 ሀዬሳቱዋ ሸምቸዋ አሼ።  
 14 ኡንቱንታ ናቀዋ፤ ማካላፕ እ ዋዜ።  
 ኡንቱንቱ ሱሳይ እ ሰንሳን አልእ።  
 15 ካቲ ሸምቸዋ ጋምእ፤  
 ሼባ ቢታ ዋርቃይ እዉ እመቶ።  
 ፓጨናን እዉ ዋሳይ ዋሰቶ፤  
 ጋላሳ ኡባን እ አንጀቶ።  
 16 ቢታን ዳሮ ካሳይ ሞኮ፤  
 ደረቱ ካሳን ካመትኖ።  
 ቢታይ ለባኖሰ ደሪ ሞክያዋዳን ካሳ ሞኮ፤  
 ማታይ ደምባ ኩሞያዋዳን አሳይ ካታማ  
 ኩሞ።  
 17 ካትያ ሱንሳይ መድኖዉ ደእ፤  
 አዋይ ደኤዳ ኬቫ ኡባን ዪገቲደ።  
 ጋምእ።  
 አሳይ ኡባይ አ ባገና አንጀታና፤  
 ካዉተሳቱ ኡባይ አ። “አንጀታ” ያገደ  
 አንጀና።  
 18 ማላልሰያባ ባረካ ኦልያ መድኖ ጎዳ ዳሳዉ።  
 እሰራኤልያ ዳሳዉ ጋላታይ ግደ።  
 19 አ ቦንቾ ሱንሳይ መድኖዉ ጋላተቶ፤  
 አ ቦንቾ ሳኣ ኡባ ኩሞ።  
 አመንእ። አመንእ።  
 20 እሰይ ናኣ ዳዊታ ዋሳይ ሀዋን ፖለቲዳ።

**ሄዘንሶ ማጻፋ**

**73**

(73—89)

ጽሎ ፕርዳ ጸኑዋ  
 አሳፋ የላ  
 1 ዳሳይ እሰራኤልያዉ ቱሙዋፕ ሎእ፤  
 ዋዛና ጌቫቶ አ ከካ።  
 2 ሸን ታና ግደፕ። ታ ገዲ።  
 ቆብታናዉ ጉላ አቲዳ፤  
 ታ ገዲ ሀልጻናዉ ማቲዳ።  
 3 እያዉ ጎፕ። ኢታ አሳቶ ሳሮተላይ ደእያዋ  
 በእደ።  
 ሄ ኦቶራቻቱዋ ዱረተላን ታን ቃናታድ።  
 4 ኡንቱንቶ ቱግ ባዋ።  
 ኡንቱንቱ ቦላይ ፓጸን ምና።  
 5 ኡንቱንቱ ሀራ አሳይ ቱጋትያዋዳን ቱጋትክና፤  
 ኡንቱንቱ ሀራ አሳዋዳን ሙቱዋን  
 ሸጨትበይክና።  
 6 ሄዋ ድራዉ። ኡንቱንቱ ኦቶራዋ።  
 አሌቁዋዳን ቆድያን አሊኖ፤  
 ማካላ አፍላዳን ማጺኖ።  
 7 ኡንቱንቱ ዋዛናይ ኢታባ ፑልቲ።  
 ኡንቱንቱ ቆፋይ ኢታ ሀልቾዋ ኩሜዳ።  
 8 ኡንቱንቱ ቅሊጨናን ኢታባ ሃሳዪኖ፤  
 ኡንቱንቱ ባረንቱ ኦቶራዋን።  
 ሀራቱዋ ኡንኤላናዉ ናሲኖ።  
 9 ኡንቱንቱ ሳሌዋን ደእያ ዳሳ።  
 ባረንቱ ድናን ጫሺኖ።  
 ሳኣን ደእያ አሳ ቦላካ።  
 ባረንቱ እንጸርሳን ኦቶራዋ ሃሳዪኖ።

10 ሀራይ አቶ። ዳሳ አሳይካ ኡንቱንቱኮ ሰማና፤  
 ኡንቱንቱ ኦድያዋካ ኤለ አማናና።  
 11 ኡንቱንቱ። “ዳሳይ ኑባ አይነ ኤረና፤  
 ኡባፕ ቆቆያ ዳሳይ እይነ በኤና” ያገና።  
 12 ሰሞ ኢታቱ ሀዋ ማላ፤  
 ኡንቱንቱ ኡባ ገደካ አንጀትና ደእኖ፤  
 ኡንቱንቱ ጉጅ ጉጅ ዱረቲኖ።  
 13 ያቶፕ። ታን ታ ዋዛና ጌቫ ኦልዳዌን  
 ታን ታ ጽሎተላ በሳናዉ።  
 ታ ኩሸያ ሜጨቲዳዌ ቱሙዋፕ ሙላ።  
 14 ጋላሳ ኩሙንሳን ታን ሙቱዋን ሸጨታድ፤  
 ዋንታን ዋንታን ሙረታድ።  
 15 ታን ኢታቱዋዳን። ኡንቱንቱ ግያዋ ጌደንቶ።  
 ታን ነ አሳዉ አማነተናዋ ግዳና።  
 16 ታን ሀ ኡባ የዉዋ ኤራናዉ ቆፕያ ዋደ።  
 ታዉ ኤረተና ዴጸባ ግዴዳ።  
 17 ሸን ታን ዳባ ጌቫ ሳኣ ገሌዳ ዋደ።  
 ኢታቱዋ ዉርሰላ ካጫ እኩካድ።  
 18 ኡንቱንታ ኔን ቱሙዋፕ ሀልጽያ ሳኣን  
 ኡትሳሳ፤  
 ኔን ኡንቱንታ ኩንድሳሳን ባይዛሳ።  
 19 ኡንቱንቱ እኩከናን ጳዴድኖ፤  
 ዳጋማን እቱ አተናን ሙለ ዉሬድኖ።  
 20 እት አሳይ ቤንትያ ዋደ።  
 አ ከኩሙዋን በኤዳባይ ደገትያዋዳን።  
 አቤት ጎዳዉ። ኔን ደንድያ ዋደ።  
 ኡንቱንቱ ደገታና።  
 21 ታን ይሎቴዳ ዋደጎ  
 ታ ዋዛናን ሴለቲዳ ዋደ።  
 22 እይነ እኩከናን ደንጭላድ፤  
 ታን ነ ሰንሳን ሚዛ ማላ ግዳድ።  
 23 ሸን ታን ኡባ ገደካ ኔናና ደእይ፤  
 ታ ኡሸቻ ኩሸያ ኔን ኦይቃዳ።  
 24 ነ ዘርያን ታና ካላላሳ፤  
 ሄዋፕ ጉይያን ኔን ታና ቦንቾ አፋና።  
 25 ታዉ ሳሌዋን ኔፕ አትና።  
 ሀራይ ኦን ደእ?   
 ታን ኔፕ አትና።  
 ሳኣን ሀራባ እያን አሞትካ።  
 26 ታ ዋልቃይን ታ ዋዛናይ ዳቡራናዉ ዳንዳዬ፤  
 ሸን ዳሳይ ታ ዋዛና ሞንሰያዋን።  
 መድኖዉ ታና ጋኬዳ ሳማ።  
 27 ኔፕ ሃክያዋንቱ ጳያና፤  
 ኔና አማነተናዋንታ ኡባ ኔን ዉርሳና።  
 28 ሸን ታና ግደፕ።  
 ታን ዳሳ ማታን ደእያዋ ታዉ ሎእ።  
 ታን ኡባ ሞድያ መድኖ ጎዳ።  
 ታዉ ባቃታ አትያ ሳኣ ኦላድ።  
 ሄዋ ድራዉ። አ ኦሱዋ ኡባ ታን ኦዳና።

**74**

ጋዲ ላእ ከሳናዳን ሸቆ ዋሳ  
 አሳፍ እኩካን ጸፊዳ ግንጹዋ  
 1 አቤት ዳሳዉ። ኔን ኑና መድኖዉ እያዉ  
 አጋዲ?  
 ነ ሀንቁ ነ ቆሩዋን ደእያ ድርሳቱዋ ቦላ።  
 እያዉ ሱሌዳ?  
 2 ኔን በን ደሬዳ አሳ። ኔን

ነው ቡዞ አላደ ዎዜዳ ዛራቱዎ ሀሳያ።  
 ኔን ደኤዳ ጽዮነ ደርያ ቆገ።  
 3 አነ ነ ጌሻ ጎሊ ኮለቲዳ ሳኣ ያደ ጸላ።  
 ሞርከቱ አን ደእያባ ኡባ ጳይሴድኖ።  
 4 ነ ሞርከቱ ነ ጌሻ ጎልያ ግደን።  
 “ኑን ጸኔደ” ያጊደ ገራራድኖ።  
 ጸኑዎ ማላታ ያጊደ፣ ባረንቱ ባንድራ  
 ኤሴድኖ።  
 5 አንቱንቱ ሞላ ቃንጻናው ባረንቱ ካልታ።  
 ጶቁ አሊደ፣ ኤቄዳ አሳቱዋዳን ሀኔድኖ።  
 6 አንቱንቱ ማሰቲዳ ሳንቃ ኡባ።  
 ባረንቱ ካልታን ማደሻን ማሳ  
 የጌድኖ።  
 7 ጌሻ ጎልያ ታማን ጸጊደ ጳይሴድኖ፤  
 ነው ጎይንያ ሳኣ ቱንሴድኖ።  
 8 ባረንቱ ዎዛናን፣ “አንቱንታ ኑን፣  
 ኡባና ጳይሳና” ያጊደ ቆፔድኖ።  
 ቢታን አሳይ ጸሳው ጎይንያ ሳኣ ኡባ ታማን  
 ጸጌድኖ።  
 9 ሄ ዎደ ማላይ ኑው እመተናን እጾዳ፤  
 ትሞቢትያ ኦድያዌ እቱነ ባዎ።  
 ሀዋዳን ሀኒደ፣ ዎይሳ ዎድያ ደአነንቶ፣  
 ኤርያ አሳይ ኑ ግደን እቱነ ባዎ።  
 10 አቤት ጸሳው፣ ነ ሞርከቱ።  
 ዎይሳ ዎድያ ነ ቦላ ቅለጫኔ?  
 አንቱንቱ ነ ሱንሳ መጅናው ቦራኔ?  
 11 ነ ኩሽያ ሽሻ አካደ አያው ገምአይ?  
 ነ ኡሽቻ ኩሽያ ነ ቁማዩዋፕ ከሳደ  
 አንቱንታ ጳይሳ።  
 12 ግደፕ፣ አቤት ጸሳው።  
 ኔን በንፕካ ታ ካትያ፤  
 ኔን ቢታ ቦላ አቶተላ አሃዳ።  
 13 ነ ዎልቃማ ዎልቃን ኔን አባ ሻካዳ፤  
 አ ግደን ደእያ ዳዊያ ሀ-ጳቱዋ ኔን  
 ቆጻዳ።  
 14 ሊዎታና ግያ ዳዊያ ሀ-ጳቱዋ ቆጻደ፣  
 አ አሹዋ ባዙዋን ደእያ መ□ታቶ፣  
 ቁማ አላደ እሜዳዌ ኔና።  
 15 ኔን ፑልቶቱዋ ደያ የዳዳ፤  
 ኡባ ገደ ጎግያ ሻፋቱዋ ቃይ መልሳዳ።  
 16 ጋላሳይ ነዎ፤ ቃማይካ ነዎ፤  
 ቃይ አዋነ አግና አንቱንቱ ሳኣን ዎሴዳዌ  
 ኔና።  
 17 ቢታው ዛዋ ዎሴዳዌ፣  
 ባልጉዋነ ቦንያ መጴዳዌ ኔና።  
 18 ሽን አቤት መጅና ጎዳው፣ ነ ሞርከቱ።  
 ኔና ዎት ቅለጫድኖንቶ፣  
 ቦዛ አሳቱ ነ ሱንሳ ዎት ቦሬድኖንቶ  
 ሀሳያ።  
 19 ነው ሞደትያዋንቱ ሸሞፑዋ  
 ኢታ ሞርከቶ አላደ አዋፕ።  
 መቶታንቻቱዋ መጅናው ደጎፕ።  
 20 ኑ ቢታን ደእያ ጴማ ሳኣይ ኡባይ፣  
 ማካላንቻቱዋን ኩሜዳ ድራው፣  
 ኔን ኑው ጫቄዳ ጫቁዋ ቆገ።  
 21 ናቀቲዳዋንታ ዩላዮፕ፤  
 ሀዩሳቱነ መቶታንቻቱ ነ ሱንሳ ጋላትና።

22 አቤት ጸሳው፣ ደንዳ፤ ነ የወዋ ሞተታ።  
 ገዘ አሳቱ ጋላሳ ኡባን፣  
 ነ ቦላ ቅለጫድዋ ሀሳያ።  
 23 ነ ሞርከቱ ነ ቦላ ዋሰያ ዋሱዋን  
 ኔና እጽያዋንቱ፣  
 ፓጭ ባይናን ቅለጫዎ ቅለጫዋ  
 ደጎፕ።

### 75

ጸሳይ ፕርድያዎ ግደሳ  
 ዛማረቱዋ ካፖ አሳፍ። “ጳይሳፕ” ጌትትያ  
 ዲላ ዋሳን የጸዳ የሳ።  
 1 ነው ጋላታ እሜቶ፤ አቤት ጸሳው፣ ኔና  
 ጋላቶቶ፤  
 “ኅ ሱንሳይ ዎፓ” ጊደ አዋዬቶን፣  
 ማላልሰያ ነ ኡሱዋ ኡባ ኦዴቶ።  
 2 ጸሳይ፣ “ድራደ ኬራዳ ጋላሰ፣  
 ሱረ ፕርዳ ፕርዳናዌ ታና።  
 3 ሳኣይነ አን ደእያዎንቱ ኡባይ ቃጽናካ፣  
 አ ቱሳ ምንሳ ኤሰያዌ ታና።  
 4 ታን ኦቶራንቻቱዋ፣ ኦቶራንቻቱ ስጋይ፤  
 ኢታቱዋካ፣ ህንተ ካጭያ ደንሰፕተ።  
 5 ህንተ ካጭያ ጶቁሰ በሰፕተ፤  
 ዙቲሪደ ሃሳዮፕተ ስጋይ” ያጌ።  
 6 ቦንቹ አዋይ ዶልያሳፕ  
 ዎይ ወልያሳፕ  
 ዎይ ባዙዋፕ ዬና።  
 7 ሽን ፕርድያዎ ጸሳይ፤  
 አ እቱዋ ቦላ ፕርዴ፤  
 እቱዋ ሻትንሴ።  
 8 መጅና ጎዳ ኩሽያን እት ዋንጫይ ደኤ፤  
 ሄ ዋንጫይ ጸሳ ህንቁዋ ዎይንያ ኤሳን  
 ኩሞ ኡቲዳ።  
 አ ሄዋፕ ኡሻ ትግና፣  
 ሳኣን ደእያ ኢታ አሳቱ ሄዋ ኡሻና፤  
 አንቱንቱ ኦርጫዋካ አሸናን ጭንግሲደ  
 ኡሻና።  
 9 ሽን ታን ያቆባ ጸሳባ ኦዳና  
 መጅናው አ ሳባና።  
 10 አ ኢታ አሳቱዋ ካጭያ ኡባ መንሳና፣  
 ሽን ጽሎቱዋ ካጪ ጶቁ ጶቁ ጋና።

### 76

ጸሳ ጸኑዋ  
 ዛማረቱዋ ካፖ ዲላ ዋሳን የጸቲዳ፣ አሳፋ  
 ማዝሙርያ  
 1 ጸሳይ ይሁዳን ኤራቲዳዎ፤  
 አ ሱንሳይ እሰራኤልያን ዎልቃማ።  
 2 አ ዲንካኒ ሳለማና፤  
 አ ደኢያሳይ ጽዮና።  
 3 እ፣ ሄዋፕ ደንገትያ፣  
 ሞርከቱዋ ዎንዳናና ጩብያ፣ ጎንዳልያ፣  
 ማሻን  
 ሀራ ኦላ ሚሻቱዋ መን□ሬሴዳ።

74:14 አዮባ 41:1፤ ማዘ. 104:26፤ አሳ. 27:1

4 አቤት ጸሳው፤ ነ ቦንቹ አይ ኬሻ ግቲ!  
 ኔን ነ ሞርከቱዋ ጸናደ፤  
 ደርያፕ ሰሞያ ዎደ፤  
 ነ አንጋይ አይባ ያሸያዌ!  
 5 ጎባ ቶራንቻቱ፤  
 ባረንቶ ደአያዋ ኡባ ቦንቀት ክቼድኖ።  
 ሀእ ሰሞ አንቱንቱ፤  
 ዎልቃማ ገሞእሹዋ ገሞእሹድኖ፤  
 ኢንቱንቱፕ እቱነ ባረ ኩሽያ ደንሐቤና።  
 6 አቤት ያቆባ ጸሳው፤ ኔን ሴሬዳ ዎደ፤  
 ፓራ አሳቱነ ፓራቱ ኩንዶ ሳን አቴድኖ።  
 7 ሸን አቤት ጸሳው፤ ኔን ያሻሳ!  
 ነ ሀንቁ ሱሊዳ ዎደ፤  
 ነ ሰንሳን ኦኔ ኤቃናዌ?  
 8 ኔን ፕርዳ ሳሉዋፕ ሰሴዳ ዎደ፤  
 ሳኣን ደአያ አሳይ ያዪደ፤ ጮኡ ጌዳ።  
 9 ኔን ሳኣን ቆሄቲዳዋንታ አሻናው፤  
 ፕርዳዉ ደንዴዳ ዎደ፤ ሄዌ ሀኔዳ።  
 10 አሳ ሀንቁ ዳሬዳ ኬሻ ኔን ጋላተታሳ።  
 ኦላፕ አቴዳ አሳቱ ኡባይ፤  
 ነ ባላ ጋላሳቱዋ ቦንቻና።  
 11 መድና ጎዳው፤ ሀንተ ጸሳው፤  
 ሸቀትተ፤ ሄዋካ ጋሐተ።  
 ሀንተና ሾሮ ካዉተላቶ፤  
 ያየታናዉ በሰያዋ አሞታ አሀተ።  
 12 እ ካፖቱዋ ኦቶሩዋ ካዉሼ፤  
 ዎልቃማ ካተቱዋካ እ ያሸሴ።

10 ቃይካ ታን፤ “ታና ቆሄዳዌ፤  
 ኢባፕ ዲቆያ ጸሳ ኡሸቻ ኩሺ፤  
 ካሰፕ ማድያ ማዳዋ አጌዳዋ” ያጋይ።  
 11 መድና ጎዳው፤ ነ ኦሶቱዋ ታን ቆፓና።  
 ኤ፤ ኔን በን ዎደ፤  
 ኦሴዳ ማላልሰያባቱዋ ኡባ ታን ሀሳያና።  
 12 ነ ኦሴዳዋ ኡባ፤  
 ታን ዛራ ዛራደ ቆፓና፤  
 ነ ዎልቃማ ኦሶቱዋ ኡባ ታን ዩሻ ቆፓና።  
 13 አቤት ጸሳው፤ ነ ኦጊ ጌሻ፤  
 አይ ጸሰነ ኦ ጸሳ ማላ ዎልቃማ ግደና።  
 14 ኔን ማላልሰያባ ኦሐያ ጸሳ።  
 አሳ ግደን ነ ዎልቃ ቆንጭሰያዋ።  
 15 ነ አሳ፤ ያቆባን ኮሴሬ ዘረፋቱዋ፤  
 ነ ቀሰያን ዎዛዳ።  
 16 አቤት ጸሳው፤ ሃላቱ ኔና በኤድኖ፤  
 ሃላቱ ኔና በኢደ ያዬድኖ።  
 አባ ጨማቱካ ኮኮሬድኖ።  
 17 ሻረቱ እራ ዱገ ዛራይ ትጌድኖ፤  
 ጉጉንላይ ሳሉዋን ጉሜዳ።  
 ነ ዎልቃንላይ ያን ሃን ዎልቃሜዳ።  
 18 ነ ጉጉንላይ ጉንላይ ጎትያ ግደን ኮሾሜዳ፤  
 ነ ዎልቃንላይ ጸለላይ ሳኣ ፖእሴዳ።  
 ቢታይካ ጋጅ ጋጂደ ኮኮሬድ።  
 19 ኔን አባ ግዲዋና ሀመታሳ፤  
 ጨሞ አባ ግዲዋና እቆሳ፤  
 ግደፕ፤ ነ ገዲ ዩዴዳ ሳአይ ቤተና።  
 20 ሙሴነ አሮና ኩሽያን  
 ኔን ነ አሳ ደርሳ ዉድያዳን ካለላዳ።

77

78

ምንግሉዋ ዎሳ  
 አሳፍ ዛማረቱዋ ካፖ ጁዲቶ የጼዳ፤  
 ማዝሙርያ  
 1 ታን ጸሳዉ ማጋናይ፤  
 ታና ስሶ ጋደ ታን ጸሳ ዎሳይ።  
 2 ታን ታ መቱዋ ጋለሰ ጎዳ ኮያይ።  
 ቃማን ታን ሸሞፕናን ታ ኩሸቱዋ አኮ  
 ሞጫይ፤  
 ግደፕ፤ ታን ምነታናዉ ዳንዳይከ።  
 3 ታን ጸሳባ ቆፕያ ዎደ፤ ኦላይ፤  
 ታን አባ ዩሻ ቆፕያ ዎደ፤  
 ታ ሸሞፕ ዳቡሬ።  
 4 ኔን ቃማ ኡባ ታና ገሞእሹዋ ድጋደ አሀሳሳ።  
 ታን ሎይላ ሀርግያ ድሬዉ፤  
 ሃሳያናዉ ዳንዳይከ።  
 5 ታን አዲዳ ጋላሳቱዋ ቆፓይ፤  
 ካሰ ላይላቱዋካ ሀሳያይ።  
 6 ታን ቆፋ ሼካደ አቃይ፤  
 ታ ዎዛናይ ዩሸ ቆፕያ ዎደ፤  
 ታን ታ ሁጲያ ሀዋዳን ያጋደ ኦቻይ፤  
 7 “ሳዳይ ኦና መድናዉ አገ ባሻኔ?  
 ዛረሴደ እ ኦና ኬካ በሰኔ?  
 8 አ ሰቄ አቴዳ?  
 እ ጌዳዌ ሀዋፕ ሰንሳናዉ ሳኣን ኦግኔ?  
 9 ጸሳይ ማርያዋ ደጌዳ?  
 ባረ ቃረታካ ሀንቁዋን ላሜዳ?” ያጋደ  
 ኦቻይ።

ጸሳነ እ አሳ  
 አሳፍ አኬካን ጸፊዳ ግንጾዋ  
 1 ታ አሳዉ፤ ታን ሀንተና ታማርሰያዋ ሰሰተ፤  
 ታ ደናፕ ከሰያ ቃላ ሀይዘተ።  
 2 ታን ኡንቱንቶ ሃሳይያ ዎደ፤  
 ሊምሱዋን ሃሳያይ፤  
 በኒደፕ ጌሜዳ የዎቱዋ ቆንጭሳና።  
 3 ኦን ሰሴዳነ ኤሬዳ የዎቱዋ፤  
 ቃይ ኦ አዎቱ ኦዉ ኦዳዳ የዎቱዋ  
 ሃሳያና።  
 4 ሄ የዎቱዋ ኦን ኡንቱንቱ ናናቱዋፕ ቆሶኮ፤  
 መድና ጎዳዉ በሰያ ጋላታ፤  
 እ ዎልቃን ማላልሰያ እ ኦሶዋ፤  
 ይያ የለታዉካ ኦን ኦዳና።  
 5 እ ያቆባ ዛረቶ እዛዙዋ፤  
 አሰራኤልያ አሳዉ ሀግያ እሜዳ።  
 ካሰ ኦ አዎቱ ባረንቱ ናናቱዋ፤  
 ሄ ሀገቱዋ ታማርሰያ ማላ እዛዜዳ።  
 6 ሄዌነ፤ ካልያ የለታይ፤  
 ሄ ብር የለታና ናናቱ ኤራናዳና፤  
 ኡንቱንቱካ ባረንቱ ናናቶ ኦዳናዳና።  
 7 ያትና፤ ሄ ናናቱ ጸሳን አማነታናዳን፤  
 እ ኦሴዳባካ ደገናዳን፤  
 እ እዛዙዋ ናጋናዳና።  
 8 ኡንቱንቱ ካሰ ባረንቱ አዎቱዋዳን ዎዛና  
 ሙመካ

ማካላንቻ አሳ ግደናዳንነ  
ጸላን ኤቀናን አማነተና የለታ ግደናዳና።

- 9 ኤፍሪሚ አሳቱ፣ አላው፣  
ዎንዳፍያና ፖላ ገግሲደ፣  
አላ ጋላሰ ገዮ ሰሜድኖ።
- 10 ኢንቱንቱ ጸሳ ጫቁዎ ናግበይክኖ፤  
አ ህግዳን ሀመተናን እጹድኖ።
- 11 ኢንቱንቱ አ ኦሌዳ ዎልቃማ ኦሱዋን  
ኢንቱንታ አ በሴዳ ማላታ ደገድኖ።
- 12 አ ኢንቱንቱ አዎቱዋ ሰንሳን ግብጹ ቢታን፣  
ጸኢን ደምባን ማላታ ኦሌዳ።
- 13 አባ ሻኪደ፣ ግዳጦና ኢንቱንታ ፕንሌዳ፤  
አ ሃላ ሻኪደ፣  
ያነ ሃነ ሻኪደ ጎዳዳን ኤሴዳ።
- 14 አ ኢንቱንታ ጋላሰ ሻርያን፣  
ቃማ ታማ ፖኡዋን ካለሌዳ።
- 15 አ ባዙዋን ዛላ ጸልቂደ፣  
ጨመዋፕ ዳር ሃላ ኢንቱንታ ኤሹዳ።
- 16 ዛላፕ ሃላ ፑልትሲደ፣  
ሻፋዳን ዲገ ጎግሴዳ።
- 17 ሸን ኢንቱንቱ አ ቦላ ናጋራ ኦሱዋ ገደ  
ጉጃድኖ፤  
ኡባፕ ቶቆያ ጸሳ ቦላ፣  
ባዙዋን ማካሌድኖ።
- 18 ባረንቱ አሞቲዳ ቁማ ኦቶያዎን  
ጸሳ ኤሪደ ፓጩድኖ።
- 19 ኢንቱንቱ ጸሳ ቦላ ሀዋዳን ያገደ  
ሃሳዬድኖ፤  
“ባዙዋን ጸሳይ ኑዉ ቁማ አላናዉ  
ዳንዳዪ? ”
- 20 ዛላ ሸጭና፣ ፑልቱ ከሲደ፣  
ሻፋይ ጎጌዳ፤  
ሸን ኡክላ አ ኑዉ እማናዉ ዳንዳዪ?  
ዎይ ባረ አሳዉ አሹዋ እማናዉ  
ዳንዳዪ?” ያጌድኖ።
- 21 መድና ጎዳይ ሃዋ ሰሴዳ ዎደ፣  
ኢንቱንቱ ቦላ ዳር ሀንቀቲዳ።  
ያቆባ ዛራቱዋ ቦላ ታማይ ኤጹዳ፤  
እስራኤልያ ቦላ አ ሀንቁ ዳር ዳር ቤዳ።
- 22 አያዉ ጎፕ፣ ኢንቱንቱ ጸሳን አማንበይክኖ፤  
ዎይ አ አሸያዎን አማንበይክኖ።
- 23 ግደፕ፣ አ ቦላ ሳሉዋ አዛዚደ፣  
ሳሉዋ ፕንግያ ደዬዳ።
- 24 ኢንቱንቱ ማናዉ፣ ኢንቱንቶ ማና ቡክሴዳ፤  
ሳሉዋ ቁማ ኢንቱንቶ እሚዳ።
- 25 ከታንቻቱዋ ኡክላ አሳይ ሚዳ፤  
ጸሳይ ኢንቱንቶ ቁማ ዳርሲደ እሚዳ።
- 26 አዎይ ደልያ ባጋ ጫርኩ ጫርካናዳን  
ኦሌዳ፤  
ባረ ዎልቃን ገድሳ ባጋ ጫርኩዋ  
ደንግሌዳ።
- 27 አ አሳዉ አሹዋ ባና ኬሻ ከቲዳ፤  
ፓልያ ካሮቲዋ አባ ደና ሻፍያ ኬሻ  
ቡክሴዳ።
- 28 ኢንቱንቱ ደእያ ሳን፣

- ዲንካንያ የሹዋን ዎጄድኖ።
- 29 ኢንቱንቱ አሞቲዳዋ ኢንቱንቶ እሚዳ፤  
ኢንቱንቱ ሚደ፣ ባረንቱ ጋንጅያ  
ከንሌድኖ።
- 30 ሸን ኢንቱንቱ ባረንቱ አሞቲዳ አሹዋ  
ካለናን ደእሸን፣  
አሹ ኢንቱንቶ ብር ደናን ደእሸን፣
- 31 ጸሳ ሀንቁ ኢንቱንቱ ቦላ ዎጄዳ፤  
ኢንቱንቱ ግደፕ ምና አሳቱዋን  
እስራኤልያፕ ያላጋ አሳቱዋ ዎጄዳ።
- 32 ሀዋ ኡባይ ሀንናካ፣  
ኢንቱንቱ ናጋራ ኦልያዎ አግበይክኖ።  
ባረ ማላታ ኡባ ኦልናካ፣ አማንበይክኖ።
- 33 ሃዋ ድራዉ፣ አ ኢንቱንቱ ጋላሳቱዋ  
ጫርኩዋዳን፣  
ኢንቱንቱ ላይላቱዋካ አኬከናን  
ጳይሴዳ።
- 34 ጸሳይ ኢንቱንቱፕ ዎጄያ ዎደ፣  
አቲዳዎንቱ ናጋራ ፓጹደ፣  
ጸሳ ምንሐ ኮሌድኖ።
- 35 ኢንቱንቱ ጸሳይ ኢንቱንቶ ዛላ ግዴዳዋን  
አባፕ ቶቆያ ጸሳይ፣  
ኢንቱንታ ዎዘያዋ ግዴዳዋ ሀሳዬድኖ።
- 36 ሸን ኢንቱንቱ ባረንቱ እንጸርሳን አዉ  
ዎርደቲደ፣  
ባረንቱ ደናን ጭሜድኖ።
- 37 ኢንቱንቱ ዎዛናይ ጸሳን ኤቀና፤  
አ ኢንቱንቱና ጫቀቲዳ ጫቁዋ  
አማንነቱኖ።
- 38 ሸን አ ኢንቱንታ ማርያዎ፤  
ኢንቱንቱ ኢታተላ አቶ ጌዳ።  
ኢንቱንታ ጳይሴቤና፤ ዳር ገደ ባረ ሀንቁዋ  
ተኤዳ፤  
ባረ ሀንቁዋ ኡላ ኡባና ኢንቱንቱ ቦላ  
የድቤና።
- 39 አያዉ ጎፕ፣ ኢንቱንቱ አሹዋ ጸላላ  
ግድያዋን  
ያ ጫርኩዳሳፕ ሃ ሰመና፣  
ጫርኩዋ ማላ ግድያዋ ሀሳዬዳ።
- 40 ኢንቱንቱ ባዙዋን አ ቦላ አፑ ገደ  
ማካሌድኖ!  
መላ ባዙዋን አፑ ገደ ላንጭሴድኖ!  
41 ኢንቱንቱ ዛር ዛሪደ፣ ጸሳ ፓጩድኖ፤  
እስራኤልያ ጌሻ ሀንቁሌድኖ።
- 42 ኢንቱንቱ አ ዎልቃባ ደጌድኖ፤  
አ ኢንቱንቱ ሞርከቲዋፕ ዎኬዳ ጋላሳ፣
- 43 አ ግብጹ ቢታን ማላታ፣  
ጸኢን ደምባን ማላልሰያባ፣  
ኦሌዳ ዎድያ ሀሳይበይክኖ።
- 44 ኢንቱንቱ ሻፋ ሃላቱዋ ቡላዉ ላሚዳ፤  
ሃዋ ድራዉ፣ ግብጹ አሳቱ፣  
ሃ ሻፋቱዋፕ ኡሻናዉ ዳንዳይበይክኖ።
- 45 ኢንቱንታ ዎይሰያ ኡዲንጸቲዋን  
ኢንቱንቱ ቢታ ባይዘያ ሸቆቲዋ ከቲዳ።
- 46 ኢንቱንቶ ደሌዳ ካላ ጎንደ፣

78:12 ከሳ 7:8—12:32    78:13 ከሳ 14:21-22    78:14 ከሳ 13:21-22    78:15 ከሳ 17:1-7፤ ፓይ.  
20:2-13    78:18 ከሳ 16:2-15፤ ፓይ. 11:4-23፤ 31-35    78:24 ዮሃ. 6:31    78:44 ከሳ 7:17-21  
78:45 ከሳ 8:1-6፤ 20-24    78:46 ከሳ 10:12-15

ኢንቱንቱ ኦሊደ ዳቡራዳዋ ቦልያው  
 እሜዳ።  
 47 ኢንቱንቱ ዋይንያ ቱራ ሻቻን፤  
 ኢንቱንቱ ባላሰያ ግያ ሞላካ ጫርኩዋን  
 ዳይሴዳ።  
 48 ኢንቱንቱ ሚዛቱዋ ሻቻን ዎጴዳ፤  
 ኢንቱንቱ ዶርሳ ዉድያ፤  
 ዱቂያ ዋልቃንላን መሪሰ ዉርሴዳ።  
 49 ኢንቱንቱ ቦላ ባረ ሱልያ ሀንቁዋ፤  
 ለንጭያነ እጹዋ፤  
 ባይዝያ ኪታንቻቱዋ ጩጉዋን የዴዳ።  
 50 ባረ ሀንቁዋ አላ የዴዳ።  
 ኢንቱንታ ኢታ ሀርግያዉ አላደ እሜዳፕ  
 አትና፤  
 ሀይቁዋፕ አሽቤና።  
 51 ግላገን የለቴዳ ባይራ ናናቱዋ ኡባ  
 ዎጴዳ።  
 ካማ ዲንካንያን ደእያ ኮይሮ ናናቱዋ  
 ኡባ ዉርሴዳ።  
 52 ሸን እ ባረ አሳ ዶርሳዳን ከሴዳ፤  
 ዉድያዳን ባዙዋን ሄሜዳ።  
 53 እ ኢንቱንታ ሳሩዋን ካለጴዳ፤  
 ሄዋ ድራዉ፡ ኢንቱንቱ ያይበይክና፤  
 ሸን ኢንቱንቱ ሞርከቱዋ አባይ  
 ሙኪዳ።  
 54 ያቲደ እ ኢንቱንታ ባረ ጌሻ ቢታ፤  
 ባረ ኡሸቻ ኩሽያን ጸኔዳ ደርያ አሄዳ።  
 55 እ ኢንቱንቱ ሰንሳፕ ካዉተላቱዋ ላጊደ፤  
 ኢንቱንቱ ቢታ ሻኪደ፤  
 አሰራኤልያ ዛረቶ ግሼዳ።  
 ባረ አሳ ኢንቱንቱ ጎልያን ዎሌዳ።  
 56 ግደፕነ፡ ኡባፕ ዱቂያ ጸሳ ቦላ ማካሊደ፤  
 አ ፓጩድና።  
 አ አዛዙዋካ ናግበይክና።  
 57 ኢንቱንቱ ባረንቱ እዋቱዋዳን፤  
 ማካላንቻቱዋን ካዳንቻቱዋ ግዴድና።  
 ጌላ ቶራዳን ዎራ ዎጴድና።  
 58 ኢንቱንቱ ባረንቱ ጎይንያ ዶቃ ሳኦቱዋን አ  
 ይሎዬድና፤  
 ባረንቱ ኤቃቱዋን አ ቃናትሴድና።  
 59 ያትና፡ ጸሳይ ሀዋ ሰሲደ ሀንቀቱዳ፤  
 አሰራኤልያ ሙለካ ካጴዳ።  
 60 ሴሎን እ ደኤዳ ሳኦ፤  
 አሳ ግደን እ ደኤዳ ባረ ዲንካንያ  
 አኔዳ።  
 61 ጸሳ ዋልቃዉን ቦንቾ፡ ማላታ ግዴዳ፤  
 ታቦታ ሞርከቱዋ ኩሽያን አላደ  
 አሞድሴዳ።  
 62 እ ባረ አሳዉ ሀንቀቱዳ፤  
 እ ኢንቱንታ ማሻዉ አላደ እሜዳ።  
 63 ኢንቱንቱ ዎዳላቱ ኡባይ ኦላን ሀይቂድና፤  
 ያትና፡ ኢንቱንቱ ዎዶሮቱ አሰና ገለናን  
 አቴድና።  
 64 ኢንቱንቱ ቁሳቱ ማሻን ዉራድና።  
 ግደፕነ፡ ኢንቱንቱ ማቼቱ፤

ባረንቱ አሰናቶ ዩክናዳን ድገቱድና።  
 65 ሄዋፕ ጉይያን፡ ጎዳይ ገምእሹዋፕ  
 ዎይ ዎይንያ ኤሳ ማሉዋፕ ቤጎትያ  
 አሳዳን ቤጎቱዳ።  
 66 እ ባረ ሞርከቱዋ ጉየ ዛሪደ ሾጩዳ፤  
 ኢንቱንታ መጵናዉ ዩላዬዳ።  
 67 ዮሴፎ ዲንካንያ ካጴዳ፤  
 ኤፍሬማ ዛርያ ዶርቤና።  
 68 ሸን እ ይሁዳ ዛርያን  
 ሲቅያ ጽዮን ደርያ ድሬዳ።  
 69 ሄዋን እ ባረ ጌሻ ጎልያ ሳሉዋዳን ዶቃን  
 ኬዴዳ፤  
 ሳኦዳን መጵናዉ ኤሴዳ።  
 70 ባረ ቆማ ዳዋታ ዶሪይ፤  
 ዶርሳ ዉድያ ሄምያ ሳፕ አኬዳ።  
 71 ዶርሳ ሄምሸን፡ ባረ አሳ ያቆባ፤  
 ባረ ቡዙዋ እሰራኤልያ ሄንሳናዉ አኪደ  
 አሄዳ።  
 72 ያትና፡ ዳውት ኢንቱንታ ሱረ ዎዛናፕ  
 ሄሜዳ፤  
 ቃይ ባረ ሂላ ኩሽያን ካለጴዳ።

### 79

ጋድያ ላአተላዉ ሸቄዳ ዎሳ  
 አሳፋ ማዝሙርያ  
 1 አቤት ጸሳዉ፡ አይሁዳ ግደና አሳቱ ነ ቢታ  
 ቦላ ሳቴድና።  
 ነ ጌሻ ጎልያ ቱንሴድና፤  
 የሩሳሳመ ኮለሬሌድና።  
 2 ኢንቱንቱ ነ ቆማቱዋ አሃ፤  
 ሳሉዋ ካሮ ቁማ ኦሊደ፡ እሜድና።  
 ቃይ ነ ጌሻቱዋ እሹዋ ሳኦ ደኦት እሜድና።  
 3 ኢንቱንቱ ሱላ የሩሳሳመ ዩሹዋን፤  
 ሃላዳን ጉሴድና፤  
 ኢንቱንቱ አሃ ሞግያዎ ጳዬዳ።  
 4 ኑ ሸርቶ ኩን ሸቂያዎ ግዴዳ፤  
 ኑ ሄራን ደእያዎንቱ፤  
 ሚጭዎን ቅጵያዎ ግዴዳ።  
 5 አቤት መጵና ጎዳዉ፡ ሀዋ አዉደ ጋካናዉ  
 ሀርኔ?  
 ኔን መጵናዉ ሀንቀታይ?  
 ነ ቃናትያ ሀንቁ ታማዳን ኤጸኔ?  
 6 ኔና ኤሪና አሳቱዋ ቦላ ነ  
 ነ ሰንሳ ጸሰና ካዉተላቱዋ ቦላ ነ  
 ሀንቁዋ ጉሳ።  
 7 እያዉ ጎፕ፡ ኢንቱንቱ ያቆባ ዘረላቱዋ  
 ዎጴድና፤  
 ኢንቱንቱ ደኢያሳ ባይዜድና።  
 8 ካሰ ኑ እዎቱዋ አታተላ ኑ ቦላ ፓይደፓ።  
 ኤለካ ነ ማሮታ ኑዉ ኪታ፤  
 እያዉ ጎፕ፡ ኩን ሎይሳ መቶቴዳ።  
 9 አቤት ኑና አሸያ ጸሳዉ፤  
 ነ ሰንሳ ቦንቹዋ ድራዉ፡ ኑና ማዳ።  
 ነ ሰንሳ ድራዉ፡ ኑና አሻ፤

78:47 ከሳ 9:22-25    78:51 ከሳ 12:29    78:52 ከሳ 13:17-22    78:53 ከሳ 14:26-28    78:54 ከሳ 15:17፤ ኢያሳ 3:14-17    78:55 ኢያሳ 11:16-23    78:56 ዳና 2:11-15    78:60 ኢያሳ 18:11 ኤር. 7:12-14፤ 26:6    78:61 1 ሳሜላ 4:4-22    78:70 1 ሳሜላ 16:11-12፤ 2 ሳሜላ 7:8፤ 1 ኦዲዋ 17:7    79:1 2 ካታ. 25:8-10፤ 2 ኦዲዋ 36:17-19፤ ኤር. 52:12-14

ኑ ናጋራ አቶ ያጋ።  
 10 አሳቱ እያው። “አንቱንቱ ጸላይ ሀቃን ደኢ?” ያጋኔ?  
 ነ ቆማቱዋ ሱላ አንቱንቱ ጉሴዳዋ ሀሉዋ።  
 ኔን ከሰያዋ ኑን ያልሸን።  
 አንቱንቱ ግዴዋን ቆንጭሳ።  
 11 ቃሸቱዳ አሳቱዋ ኦሊ ነ ሰንላ ጋኮ።  
 ሀይቆ ፕርደቱዳዋንታ ነ ዋልቃ ግታተላዳን አሻ።  
 12 አቤት ጸላው። ኑ ሾሮ ካውተላቱ ኔና ቦራዳዋ።  
 ሀሉዋ ላፑን ኩሽያ አንቱንቱ ክወዋን አድንላ።  
 13 ሄ ዋደ ኑን ነ አሳቱ። ነ ወድያ ደርሳቱ።  
 መድናው ጋላታ ነው እማና፤  
 የለታፕ የለታ ጋካናው ኔና ዛር ዛሪደ ጋላታና።

### 80

እስራኤልያ ካውተላይ ዛር ኤቃናዳን ሺቆ ዋሳ  
 ዛማረቱዋ ካፖ አሳፍ የጼዳ። ጨሻ ግያ ዋሳን የጸቱዳ ማዘመርያ። ማርካተላ  
 1 አቤት እስራኤልያ ሄንሳንቻው።  
 ዮሴፎ አሳ ወድያዳን ካለልያዋ።  
 ክሩቡቱዋ ግያ ቢታንቻቱዋ።  
 ቦላና ደእያ አራታን ኡቱዳዋ። ፖኦ።  
 ኔን ኑና ሰሳ።  
 2 ኤፍሬማ። ቢንያማን ምናሰ ሰንላን ቆንጭ።  
 ነ ዋልቃ ደንላደ ኑና አሻናው ሃያ።  
 3 አቤት ጸላው። ኑና ዛራ፤  
 ኑን አታናዳን። ነ ሰምኡዋ ኑው ፖኦሳ።  
 4 አቤት ኡባፕ ዋልቃው መጋታ ኡባ ጎዳው።  
 ጸላው።  
 ነ አሳ ዋሳ ቦላ አወደ ጋካናው ሀንቀታይ?  
 5 ኔን አንቱንታ ዬኩዋ ቁማዳን ሞዛዳ፤  
 ቃይ አሮላ ሃላዳን ኡሻዳ።  
 6 ኑ ሾሮቱ ኑ ቢታ አካናው።  
 ባረንቱ ግደን ዋላቀታናዳን አላዳ፤  
 ኑ ሞርከቱ ኑ ቦላ ሚጩድና።  
 7 አቤት ኡባፕ ዋልቃው ጸላው። ኑና ዛራ፤  
 ኑን አታናዳን። ነ ሰምኡዋ ኑው ፖኦሳ።  
 8 ኔን ግብጾፕ ዋይንያ አኑዋ አሃዳ፤  
 አይሁዳ ግደና አሳቱዋ የደርሳዳ፤  
 አንቱንቱ ቢታን አ ቶካዳ።  
 9 ኔን ዋራ ቡላዳ፤  
 ያትና። ጸጸዋ የድ ዳሺደ።  
 ቢታ ኡባ ጋኮዳ።  
 10 ደረቱ አ ኩዋን።  
 ልባኖሳ ዝጋቱ አ ታሸቱዋን ካመቱድና።  
 11 ባረ ታሸቱዋ ሜድተራን አባ ጋካናው።

ቃይ ባረ ጼራቱዋ ኤፍራዲሳ ሻፋ ጋካናው የዳዳ።  
 12 ያትና። ኦግናና አድያ ኡባይ።  
 አ አይፍያ ዲላናዳን።  
 አ የሹዋን ደእያ ግምቢያ እያው ኮላዲ?  
 13 ባዙዋ ጉዲንላይ አ ቦላ ዲሪደ ባይዜ፤  
 ቃይ ጋደን ዋጽ ቃጽያ መጋታቱ ኡባይ አ ሚና።  
 14 አቤት መጋታ ኡባ ጸላው።  
 ኔን ኑኮ ሰማ።  
 ሳሉዋና ዲን ጸላደ ቢኤ፤  
 ሀ ዋይንያ ናጋ።  
 15 አ ነ ኡሸቻ ኩሺ ቶኩዳ ጸጸዋ፤  
 ኔን ነው ጋደ ድቼዳ ፑትያ።  
 16 ነ ሞርከቱ ነ ዋይንያ ቡሉድና፤  
 ታማን ጸጌድና።  
 ሄዋ ድራው። ኔን አንቱንታ ነ ሀንቁዋ ሱሉዋን ጳይሳ።  
 17 ነ ኩሺ። ነ ኡሸቻን ደእያ አሳ።  
 ኔን ነው ጋደ ድቼዳ አሳ ናጎ።  
 18 ያቶፕ። ኑን ኔፕ ጉየ ሰሞኮ።  
 ኑና ፓጸ ዋላ፤ ነ ሱንላ ኔን ጋላታና።  
 19 አቤት ኡባፕ ዋልቃው መድና ጎዳ ጸላው።  
 ኑና ዛራ፤ ኑን አታናዳን።  
 ነ ሰምኡዋ ኑው ፖኦሳ።

### 81

ባላ ማዘመርያ  
 ዛማረቱዋ ካፖ ሱሱላቱዋን የጸቱዳ። አሳፍ ጸፊዳዋ  
 1 ኑው ዋልቃ ግድያ ጸላው።  
 ሀንተ ቃላ ጶቁ ኦሊደ የጸተ፤  
 ያቆባ ጸላ ሳቢተ።  
 2 የላ ደምተ፤ ካራቡዋ ባቁተ፤  
 ዲላን ማሰንቁዋን ሎኦ የላ ሰሰተ።  
 3 አግናይ ጸርያ ዋይን።  
 አግናይ ደይሰያ ዋደ  
 ባላ ጋላሳን ማላካታ ፑንተ።  
 4 ሀዌ እስራኤልያው ሀግያ፤  
 ያቆባ ጸላፕ አመቱዳ ዋጋ።  
 5 ግብጾ ቢታ አ ሾጩዳ ዋደ።  
 ዮሴፎ አሳው ሀ ዋጋ አዋዬዳ።  
 ታን ኤሪና ኮሻ ሀዋዳን ያግያዋ ሰሳድ።  
 6 “ሀንተ ሀሽያፕ ቶኩዋ ዋላድ፤  
 ሀንተ ኩሽያ ጸብያፕ ሸምፕሳድ።  
 7 ሀንተ መቱዋ ዋደ ታና ጼሴድታ፤  
 ሀንተና አሻድ፤  
 ታን ጉምግ ሻርያ ግደን ጌሜዳሳፕ ሀንተና አላድ።  
 ማሪባ ግያ ፑልቱዋ ማታን ታን ሀንተና ፓጫድ።  
 8 ታ አሳው። ታን ሀንተና ሴርያዋ ሰሰተ፤  
 ሀኦ እስራኤላቶ። ሀይዜርክተ!  
 9 ሀንተ ግደን አላጋ ጸሰ ደኡፕ፤  
 ሀራ ጸላው ጎይኖፕተ።  
 10 ታን። መድና ጎዳ ሀንተ ጸላ።

ህንተና ግብጫ ቢታገዝ ከሳደ አሄዳዎ።  
ነ ደና ሎይላ ሀንጋ፤  
ታን ኔና ዳርሳደ ባርሳና።

- 11 “ሸን ታ አሳቱ ታ ቃላ ሰሰበይክኖ፤  
እስራኤላቱ ታወ አዛዘትበይክኖ።
- 12 ሄዎ ድራወ። ታን ኤንቲንቱ ባረንቱ ቆፋ  
ካላና ማላ።  
ኤኖ ጌና ዋዛናዉ አላደ አማድ።
- 13 ታ አሳይ ታና ሰሴደንቶ።  
እስራኤላቱ ታ ኦግያ ካሌደንቶ አይ  
ደኢ!
- 14 ታን ኤንቲንቱ ሞርክያ ኤላ ጸናና ሸን፤  
ኤንቲንቱ ባልጋራቱዋ ቦላ ታ ኩሽያ  
ዋላና ሸን።
- 15 መድና ጎዳ እጽያዋንቱ እ ሰንላን ሆካና።  
ኤንቲንቱ ሙሩካ መድናሳ ግዳናዎ።
- 16 ታን ህንተና ሎኦ ዛርጋ ሞዛና፤  
ቃይ ኤሳ። ሹቻ ጎንጎሎዋጥ ካልሳና።  
ያጌ።

### 82

- ጸሳይ ኡባጥ ቦላ  
አሳፋ ማዘመርያ
- 1 ጸሳይ ሳሉዋ ሸቁዋ ሸሸ።  
ጸሳቱዋ ግዶን ሀዋዳን ያገደ ፕርዴ፤
- 2 “ህንተ አወደ ጋካናዉ ጌላ ፕርዳ ፕርዲቲ፤  
ላኤንሶ ኢታቱዋ ባጋ ግዶፕተ።
- 3 ሀዬሳቶን አወ ባይናዋንቶ ሞተትተ፤  
ማንቆን ናቀቲዳ አሳቱዋ ማታ ናግሰተ።
- 4 ዳቡራንቻቱዋን መቶታንቻቱዋ አሸተ፤  
ኢታቱዋ ኩሽያጥ ኤንቲንታ ዋሳ አክተ።
- 5 “ህንተ እይነ ኤርክታን እይነ እኬክክታ፤  
ህንተ ጴማን ሀመቲታ።  
ጽሎተሳይ ጳይና። ቢታይ ዪቁዪቁ።
- 6 ታን ህንተና። ህንተ ጸሳቱዋ፤  
ህንተ ኡባይካ ኡባጥ ጶቂያ ጸሳ  
ናናቱዋ።
- 7 ግደጥነ። ህንተ አሳይ ሀይቁያዋዳን ሀይቃና።  
ቃይ ሀራ ካፓቱ ኩንዴዳዋዳን።  
ህንተካ ኩንዳና ያጋይ” ያጌ።
- 8 አቤት ጸሳዉ። ደንዳ፤ ሳኦ ፕርዳ፤  
ካወተሳይ ኡባይ ነዋ።

### 83

- እስራኤልያ ሞርክቱዋ ቦላ ሸቁዳ ዋሳ  
አሳፋ ማዘመርያ። የሳ
- 1 አቤት ጸሳዉ። ጮኤ ጎፓ፤  
ሰርጽ ጎፓ፤  
አቤት ጸሳዉ። ሙሞፓ።
- 2 በአ! ነ ሞርክቱ ነ ቦላ ደንዲኖ፤  
ኔና እጽያዋንቱ ነ ቦላ ማካሊኖ።
- 3 ኤንቲንቱ ነ አሳ ቦላን ጌማን ያኢኖ፤  
ኔን ሲቅያ አሳቱዋ ቦላ ማቀቲኖ።

- 4 ኤንቲንቱ። “ሃይተ። ኤንቲንቱ ካወተሳ  
ጳይሶይቲ፤  
እስራኤልያ ግያ ሱንሳ።  
መድናዉ ሀሳየተናዳን ኦላይተ” ያገኖ።
- 5 ኤንቲንቱ እት ዋዛና ግደደ።  
እትጥ ማቀቲኖ፤  
ነ ቦላ ጫቁዋ ጫቀቲኖ።
- 6 ጫቀትያዋንቱ፤  
ኤደማን እስማኤላ አሳቱዋ።  
ሞአባ ዛራቱዋን አጋር ዛራቱዋ፤
- 7 ገባላ አሳቱዋ። አሞና አሳቱዋ።  
አማሌቃ አሳቱዋ።  
ፕልሰጾማ አሳቱዋን ጸርሳ አሳቱዋ።
- 8 አሶረ አሳቱካ ኤንቲንቱና እትጥ ጋከቲኖ፤  
አሶራቲካ ሎጾ ዛረቶ ዋልቃማ ማዲዋ  
ግዴድኖ።

- 9 ኔን ሞድያማ አሳቱዋ ቦላ፤  
ሰሳራን ያብና ቦላ።  
ቂሾና ቫፋን ኦሌዳዋዳን ኤንቲንቱ ቦላ ኦሳ።
- 10 ኤንቲንቱ ኤንደረን ጳይድኖ፤  
ኤንቲንቱ አሃይ ሞገተናን ቢታን ዋቂዳ።
- 11 ኤንቲንቱ ካፖቱዋ።  
ኔን ኦራባን ዛኤባ ኦሌዳዋዳን ኦሳ፤  
ኤንቲንታ ሞድያዋንታ  
ኔን ዘባህን ጸልሙናኦ ጳይሴዳዋዳን  
ጳይሳ።
- 12 ሄዋንቲ። “ኑን ጸሳ አሳ ቢታ  
ኑወ ቡዘታና” ያጌዳዋንታ።
- 13 አቤት ታ ጸሳዉ። ኤንቲንታ ባናዳን ላላ፤  
ጫርኩ አፍያ ሱላዳን ኦሳ።
- 14 ጸራጋይ ዋራ ሚደ ዉርሰያዋዳን።  
ታማ ላጩ ደርያ ማይያዋዳን።
- 15 ሄዋዳንካ ነ ኡሹዋን ኤንቲንታ የደርሳ፤  
ነ ጎትያን ኤንቲንታ ዳጋንሳ።
- 16 አቤት መድና ጎዳዉ። አሳይ ነ ሱንሳ ኮያና  
ማላ።  
ኔን ኤንቲንቱ ሰምኡዋ ዬላ ማይዛ።
- 17 ኤንቲንቱ መድናዉ ዬላትኖን ሀርግኖ፤  
ካወሺደ ጳይኖ።
- 18 ነ ሱንሳይካ መድና ጎዳ ግድያዋ።  
ነ ጸሳላይ ኡባጥ ጶቃ ጸሳ።  
ሳኦ ኡባ ሞድያዋ ኤንቲንቱ ኤርኖ።

### 84

- ጸሳ ጎልያ ላሞቲሳ  
ዛማረቱዋ ካፖ ሱሱላቲዋን የጸቲዳ። ቆረ  
ናናቱ ጸፌዳ ማዘመርያ
- 1 አቤት ኡባጥ ዋልቃማ መድና ጎዳዉ።  
ኔን ደኢያሳይ አያ ሎኢ!
- 2 ታን መድና ጎዳ ጌሻ ጎልያ ዳባባ ላሞታይ፤  
ታ ኩሙንሳ አሳተሳይ ደኡዋ ጸሳዉ  
ናሽቻን የጼ።
- 3 አቤት ኡባጥ ዋልቃማ መድና ጎዳዉ።  
ታ ካትያዉ። ታ ጸሳዉ።  
ነዉ ያርሸያ ሳኦ ማታጎ።

ሱንያ ካፋታ ባረወ ደኢያሳ ደማዲ።  
 ሀራጸታካ ባረወ ቁቁልያ ጎልያ ያን ኬዳዲ።  
 4 ነ ጌሻ ጎልያን ደኢያዋንቱነ  
 መድኛዉ ኔና ሳቢያዋንቱ  
 እንጀቴዳዋንታ።  
 5 ዋልቃ ኔፕ ደምያዋንቱ።  
 ባረንቱ ዋዛናን ጽዮነ እፍያ ኦግያ ባናዉ  
 እሞትያዋንቱ እንጀቴዳዋንታ።  
 6 ዩኩዋ ዛንጋራና ኡንቲንቱ ኦድያ ዎደ።  
 ሂ ሳኦይ ፑልቱዋ ከሴ።  
 ባዴሳ እራይካ ቡኪደ።  
 ያን ደልእያ ግሰሴ።  
 7 ኡንቲንቱ ብያ ዎደ፣ ዋልቃ ጉጅ ጉጂደ ባና።  
 ኡንቲንቱ ጸሳ ሰንፋን ጽዮነን ቤታና።

8 እቤት ኡባፕ ዋልቃማ መድና ጎዳዉ ጸሳዉ።  
 ታ ዎሳ ኔን ሰሳ።  
 እቤት ያቆባ ጸሳዉ፣ ሀይዛ።  
 9 እቤት ጸሳዉ፣ ኑ ጎንዳልያ በእ፤  
 ኔን ድራዳ ካትያ ነ ኬካ እይፍያን ጸላ።  
 10 ታን ሀራ ሳኣን ሻኡ ጋሳሳ ደኢናፕ  
 ጸሳ ጎልያን እት ጋሳሳ ደኢያዌ ሎእ።  
 ኢታቱዋ ዲንካንያን ደኢናዋፕ  
 ታ ጸሳ ጎልያ ፕንግያ ናግያዌ ታዉ ሎእ።  
 11 መድና ጎዳይ ጸሳይ ኑዉ ጎንዳላነ ፖኡዋ፤  
 መድና ጎዳይ ኑዉ ቦንቹዋን ኬካተፋ  
 እሚ።  
 ሱረተፋን ሀመትያዋንታ እ ሎኦባ ኡባ ድገና።  
 12 እቤት ኡባፕ ዋልቃማ መድና ጎዳዉ።  
 ኔናን አማነትያዋንቱ እንጀቴዳዋንታ።

**85**

እሳ ሳርተፋዉ ሸቄዳ ዎሳ  
 ዛማረቱዋ ካፖ የጸቲዳ፣ ቆራሀ ናናቱዋ  
 ማዘመርያ  
 1 እቤት መድና ጎዳዉ፣ ኔን ነ ቢታዉ ኬካዳ፤  
 ያቆባ እሳ ኦሞዲዋፕ ዛራዳ።  
 2 ኔን ነ እሳ ናቁዋ እቶ ጋዳ፤  
 ኡንቲንቱ ናጋራ ኡባ ካማዳ።  
 3 ኔን ነ ሀንቁዋ ኡባ አጋዳ፤  
 ነ ሀንቁዋ ሱሎዋፕካ ሰማዳ።  
 4 እቤት ኑና አሸያ ጸሳዉ።  
 ኑና ጉዩ ዛራ።  
 ኔን ኑዉ ሀንቁቲዳዋ አጋ።  
 5 ኔን ኑና መድኛዉ ሀንቁታይ?  
 ነ ሀንቁዋ የለታ ኡባ ጋካናዉ ጋሞአሳይ?  
 6 ነ አሳይ ኔናን ናሸታና ማላ።  
 ኑና ኦራፋ።  
 7 እቤት መድና ጎዳዉ፣ አገና ነ ሲቁዋ ኑና  
 በሳ፤  
 ኔን ኑና አሻ።  
 8 ታን መድና ጎዳይ ጸሳይ ኦድያዋ ሰሳና።  
 ኔን ኑ ቦዛ ኦግያ ጉዩ ባና ቆሮፕ።  
 እ ኑዉ፣ ባረ አሳዉ፣ “ሳርተፋ እማና” ጊደ  
 ኦዳ።

9 ቱሙካ ጸሳዉ ያይያዋንታ አሻናዉ  
 እ ማታን ደኤ፤  
 ሄዌነ፣ እ ቦንቹ ኑ ቢታን ደኢናሳ።  
 10 አገና ሲቁን ቱማተላይ  
 እትፕ ጋከታና።  
 ጽሎተላይን ሳርተላይ።  
 እትፕ የረታና።  
 11 ቱማተላይ ሳኦፕ ፑደ ከሳና፤  
 ጸሳ ጽሎተላይ ሳሎዋፕ ዲገ ጸላና።  
 12 ኤ፣ መድና ጎዳይ ኬካባ እማና፤  
 ኑ ቢታይካ ሎኦ ካፋ ሞካና።  
 13 ጽሎተላይ ጸሳፕ ሰንፋና ሄመታና፤  
 እዉ ኦግያ ግገሳና።

**86**

መቱዋ ዎደ ዎሳ  
 ዳውት ዎሴዳ ዎሳ።  
 1 እቤት ጎዳዉ፣ ታን ሀይሳነ።  
 መቶታንቻ አሳ ግድያ ድራዉ።  
 ታ ዋሱዋ ሰሳደ፣ ታዉ አላ።  
 2 ታን ጸሳ አሳ ግድያ ድራዉ።  
 ታና ፓጻ ዎሳ።  
 ኔናን አማነትያ ታና፣ ነ ቆማ አሻ።  
 ኔን ታ ጸሳ።  
 3 እቤት ጸሳዉ፣ ታን ጋሳሳ ኡባ  
 ኔኮ ዋሰያ ድራዉ።  
 ታዉ ቃረታ።  
 4 እቤት ጸሳዉ፣ ታን ታ ሸሞፑዋፕ  
 ኔና ዋሰያ ድራዉ።  
 ታና፣ ነ ቆማ ናሸቻ።  
 5 እቤት ጸሳዉ፣ ኔን ኬካነ እቶ ግያዎ፤  
 ኔና ጸሰያ ኡባዉ ነ ሲቁ ዳራ።  
 6 እቤት መድና ጎዳዉ፣ ታ ዎሳ ሰሳ፤  
 ታን ዋትዋትያ ዎትዋቱዋ ሀይዛ።  
 7 ኔን ታዉ አልያ ድራዉ።  
 ታ መቱዋ ጋላሳን ታን ኔኮ ዋሳይ።  
 8 እቤት ጎዳዉ፣ ጸሳቱዋ ግድን ነ ማል ባዎ፤  
 ነ ኡሱዋ ማላ ኡሱካ ባዎ።  
 9 እቤት ጎዳዉ፣ ኔን መዴዳ ካዉተፋ አሳይ  
 ኡባይ ዪደ።  
 ነ ሰንፋን ጉልባታና፤ ኡንቲንቱ ነ ሱንፋ  
 ቦንቻና።  
 10 አያዉ ጎፕ፣ ኔን ዋልቃማ፤  
 ኔን ማላልሰያባ ኦሳሳ።  
 ነ ጸሳላይ ጸሳ።  
 11 እቤት መድና ጎዳዉ፣ ታን ነ ቱሙዋን  
 ሀመታና ማላ።  
 ታና ነ ኦግያ ታማርሳ።  
 ታን ነ ሱንፋዉ ያያና ማላ።  
 ታዉ እት ዎዛና እማ።  
 12 እቤት ጎዳዉ ታ ጸሳዉ፣ ታን ኔና።  
 ታ ኩመንፋ ዎዛናፕ ጋሳታና።  
 ነ ሱንፋ መድኛዉ ቦንቻና።  
 13 አያዉ ጎፕ፣ ነ ሲቁ ታዉ ዳራ፤



ኔን ታና ዲፋዋን ገልጻዋጥ አሻዳ።  
 14 እቤት ጎዳው፣ ኦቶራንቻ አሳቱ ታ ቦላ ደንዴድኖ፤  
 ዳጋንሰያ አሳቱዋ ጩኑ ታና ዋጃናው ኮዬ።  
 ኡንቱንቱ ኔና አላለ ጊክኖ።  
 15 ሸን እቤት ጎዳው፣ ኔን ቃረትያን ማርያ ጸሳ፤  
 ሀንቀታናው ጋምአሳ፤  
 16 ታኮ ሰማይ ታው ቃረታ።  
 ነ ቆማው ዋልቃ እማ፤  
 ነ ቆማት ናኣ ታና አሻ።  
 17 እቤት መጅና ጎዳው፣ ነ ኬካተላ ማላታ ታና በሳ።  
 ኔን ታና ማዳዳዋን ሞንጢዳዋ በእያ ዋደ፣  
 ታና እጽያዋንቱ ሄዋን ዬላታና።

### 87

የሩሳላመ ሳባ  
 ቆራሀ ናናቱዋ ማዘሙርያ  
 1 መጅና ጎዳ ካታማይ ጌሻ ደርያን ኬጸቱዳ።  
 2 መጅና ጎዳይ ጽዮን ፕንገቱዋ፣  
 ያቆብ ደእያ ሳኣ ኡባጥ አሉደ ደሴ።  
 3 ሀኔ ጸሳ ካታማቱ፣  
 ነ ድራው ቦንቱቲዳባይ፣  
 ሀዋዳን ያግ ኦደቱ።  
 4 “ታና ኤርያ ካውተሳቱዋ ግደፕ፣  
 ግብጹን ባብሎን ገላ ማዘገባና፤  
 ፕልሰጼው፣ ጸርሰን ቶጵያ አሳይ፣  
 ያን የለቲድኖ።”  
 5 ጸሳይ፣ “ካውተሳ ኡባይ ጽዮንን የለቲዳዋ”  
 ያጋና።  
 ኡባጥ ጹቁያ ጸሳይ እዘ ሞንሳና።  
 6 መጅና ጎዳይ አሳ ጸፍያ ማዘገብያን፣  
 “ሀዋ ጽዮንን የለቲዳዋ” ያጊደ ጸፋና።  
 7 ኡንቱንቱ የጸደ ዲሪደ፣  
 “ኑ እንጅ ኡባይ ጽዮንፕ ፑልቱ” ያጋና።

### 88

ማዳዋ ደማናው ሸቆ ዋሱዋ  
 ዘማረቱዋ ካፖ፣ ቆራሀ ናናቱዋ ማዘሙርያ፣  
 ማዳዋ ዋሳ፣ ኤዘራህያ ሄማን አኩካን ጸፊዳ ግንጹዋ።  
 1 እቤት መጅና ጎዳው፣ ታና አሸያ ጸሳው፣  
 ታን ገላሰ ነው ዋሳይ፤  
 ቃማካ ነ ሰንሳን ዬካይ።  
 2 ታ ዋሳይ ነ ሰንሳ ጋኮ፤  
 ነ ሀይላ ታ ዋሱዋኮ ዛራ።  
 3 እያው ጎፕ፣ ታ ደኡ መቱዋን ኩሜዳ፤  
 ታን ሀይቃና ማታድ።  
 4 ታን ዲፋዋን ገልጻ አሳቱዋና ፓይደታድ፤  
 ዋልቃይ ባይና አሳ ግዳድ።  
 5 ታን አሃቱዋ ግደን አኔዳ አሳ ማላ፤

ዋጲደ ዲፋዋን የጌዳ አሳቱዋ ማላ።  
 ታን ነ ኡባ ደጌዳ፣  
 ነ ማዳዋፕ ሃኬዳ አሳቱዋ ማላ።  
 6 ኔን ታና ጨሞ ኦላን፣  
 ሀርክ ጲማ ሳኣን የጋዳ።  
 7 ነ ሀንቁ ታና ዴጼ፤  
 ነ ሀንቁዋ ቤታይ ታና ኡባና ሙኬዳ።  
 8 ኔን ታ ዳቦቱዋ ታፕ ሃሳዳ፤  
 ኡንቱንቶ ታና ሸነይያዋ ኦላዳ።  
 ታን ደደታድ፤  
 ከሳ አካናወካ ዳንዳይከ።  
 9 እቤት መጅና ጎዳው፣  
 ካዩዋ ጋሱዋን ታ አይፈቱ ጋልጄድኖ።  
 ኡባ ገላሰ ታን ኔኮ ዋሳይ፤  
 ታ ኩሸያ ኔኮ ሞጫድ።  
 10 ኔን ሀይቁዳዋንቶ  
 ማላልሰያባ ኦላይ?  
 ኡንቱንቱ ደንዲደ ኔና ጋላቲኖ?  
 11 አገና ነ ሲቁ  
 ዲፋዋ ግደን ሃሳየቲ?  
 ኔን አማካትያዌካ ባየሳ ሳኣን ኦደቲ?  
 12 ነ ማላልሰያ ኡሱካ ጲማን ኤረቲ?  
 ዋይ ነ ጽልቶተሳይ ደገቲዳ አሳቱዋ  
 ቤታን ደኢ?  
 13 እቤት መጅና ጎዳው፣ ታን ኔኮ ዋሳይ፤  
 ዋንታን ዋንታን ታ ዋሳይ ነ ሰንሳ ጋኬ።  
 14 እቤት መጅና ጎዳው፣ ታና ኔን እያው አጋይ?  
 ነ ሰሞኡዋ ታፕ እያው ገንሳይ?  
 15 ያላጋተሳፕ ደማደ፣  
 ታን ቱጋታድን ሀይቃና ማታድ።  
 ታን ነው ዳጋማይ ሂደታ ቃንጸድ።  
 16 ነ ሱልያ ሀንቁ ታ ቦላ ኡሾቲዳ፤  
 ነ ዳጋማይ ታና ባይዜዳ።  
 17 ኡንቱንቱ ገላሳ ኡባ ድኡዋዳን ታና  
 ደዳድኖ፤  
 ታና ሙኬድኖ።  
 18 ኔን ታ ላገቱዋን ታ ሲቆቱዋ ታፕ ሃሳዳ፤  
 ጲማ ጸላላይ ታው ዳቦ።

### 89

መቱዋ ማዘሙርያ  
 ኤዘራህያ ኤታና አኩካን ጸፊቲዳ ግንጹዋ  
 1 እቤት መጅና ጎዳው፣ አገና ነ ሲቁዋባ፣  
 ታን መጅናው የጸና።  
 ጸሳይ አማካትያዋ ጋይ፣  
 የለታ ኡባው ታ ድናን አዋያና።  
 2 ታን አገና ነ ሲቁ መጅናው ኤቁዳዋን  
 ኔን ነ ቱማተሳ ሳሎዋዳን ሞንሳዳ  
 ኤሴዳዋ ኦዳና።  
 3 ኔን፣ “ታን ደራዳዋና ጫቁዋ ጫቃታድ።  
 ታ ቆማ ዳዊታው ሀዋዳን ያጋይ ጫቃድ፤  
 4 ‘ታን ነ ዘረላ መጅናው ካውላና፤  
 ነ ካውተሳ አራታ የለታ ኡባው ሞንሳና’  
 ” ያጋዳ።  
 5 እቤት መጅና ጎዳው፣ ሳሎቱ፣  
 ነ ማላልሰያ ኡሱዋ ኦድኖ፤

ነ አማኝትያዎ ኪታንቻቱዎ ሸቆ ኦድኖ።  
 6 ሳሉዋን መድና ጎዳና ልክታናዉ ዳንዳይያዌ  
 ኦኔ?  
 ሳሉዋ መተላቱዋ ግደን ቃይ መድና  
 ጎዳ ማል ኦኔ?  
 7 ጌሻቱዋ ሸቆዋ ግደን ጸሳይ ያየቱዳዋ።  
 ባረና ደዳዳዋንቱ ኡባጥ አዲደ፣ ሎይሳ  
 ዳጋንሰያዋ።  
 8 አቤት ኡባጥ ዋልቃማ መድና ጎዳዉ።  
 ጸሳይ።  
 ኔናዳን ዋልቃማይ ኦኔ?  
 አቤት መድና ጎዳዉ፣ ኔን ኡባባንካ  
 አማኝትያዋ።  
 9 ኔን ቡልእከትያ አባ ዋልቃ አዛዛሳ።  
 ደንድያ ቤታካ ጮኡ ኦሳሳ።  
 10 ኔን ራኣባ ግያ አባ ዳዊያ።  
 ዋድ ያጌዳዋዳን መገጠሬላዳ፤  
 ነ ዋርከቱዋ ነ ዋልቃማ ቀሰያን ላላዳ።  
 11 ሳሎቱ ነዋንታ፤ ሳኦይካ ነዋ፤  
 ቢታን እን ኩሜዳ ኡባባ ኔን መዳዳ።  
 12 ሁጲሳን ገድሳ ኔን መዳዳ፤  
 ታቦራን ሄርሞን ግያ ዋልቃማ ደረቱ  
 ናሸቻን ነ ሱንላ ሳቢኖ።  
 13 ነዉ ዋልቃማ ቄሲ ደኤ፤  
 ነ ኩሺ ሞና፤  
 ነ ኡሸቻይ ዋልቃማ።  
 14 ጽሎተላይነ ሱሪ ፕርዳይ  
 ነ ካዉተላ አራታዉ ባሶ።  
 አገና ሲቆን ቱማተላይ ነ ሰንላን ቢኖ።  
 15 አቤት መድና ጎዳዉ፣ ናሸቻን  
 እልልያዋንቱን  
 ነ ሰምኡዋ ፖኡዋን ሀመትያዋንቱ  
 እንጀቱዳዋንታ።  
 16 ነ ሱንላን ጋላሳ ኡባ ናሸቱኖ፤  
 ነ ጽሎተላ ድራዉ።  
 ኡንቱንቱ ኔና ቶቁ ቶቁ አሲኖ።  
 17 ኡንቱንቱ ጩቀትያ ዋልቃይ ኔና፤  
 ነ ናሹዋን ኑ ካጪ ቶቁ ቶቁ ያጌዳ።  
 18 ኑ ጎንዳሊ፣ ኑ መድና ጎዳሳ፤  
 ኑ ካቲካ፣ እሰራኤልያ ጌሻ ሳ።  
 19 ቢን ኔን ነ አማኝቲዳ አሳቶ፣  
 እት ገደ እኩሙዋን ኦዳዳ፤  
 “አሳ ግደፕ ደራዳዋ ካዉተላ አራታ እማዳ።  
 20 ታ ቆማ ዳዊታ ካተ ከሳድ፤  
 ታ ጌሻ ዛይትያን ኦካደ።  
 21 ታ ኩሺ እናና ደአና፤  
 ታ ቀሲካ አ ሞንላና።  
 22 አ አይ ዋርከኒ ጸና፤  
 አይ ኢታ አሳይነ አ ቶቼና።  
 23 ታን አ ዋርከቱዋ አ ሰንላን ክንቼሬላና፤  
 አ እጽያዋንታ ሸጫ የገና።  
 24 ታ ቱማተላይነ ታ አገና ሲቆ  
 እናና እትፕ ግዳና።  
 ታ ሱንላን አ ካጪ ቶቁ ቶቁ ገና።  
 25 ታን አ ካዉተላ መደትራንያ አባ ጋካናዉ  
 አሳና፤

አ ዛዋካ፣  
 ኤፍራይሲን ጸግሮሰ ሻፋ ጋካናዉ አሳና።  
 26 ዳዊተ ታና፣ ራኔን ታ አዉዋ፣  
 ታ ጸሳን ታና እሸያ ዛላ ያጌደ ጸሳና።  
 27 ታን አ ባይራ ናኦ ኦሳና፤  
 ሳኦን ደእያ ካተቱዋ ኡባጥ አ ዳርሳና።  
 28 ታን አገና ታ ሲቆዋ  
 አዉ መድናዉ ናገና።  
 ታን እናና ቃላ ጫቁዋ ሞንላና።  
 29 ታን አ ዘረላ መድናዉ ሞንሳደ ኤሳና፤  
 አ ካዉተላ አራታካ ሳሉዋዳን  
 ጋምኤላና።  
 30 “ሸን አ ዘረላቱ ታ ህግያ አሳፕ፣  
 ቃይ ኡንቱንቱ ታ ዋጋዳን ሀመተናን  
 እጸፕ።  
 31 ኡንቱንቱ ታ አዋደዋ ሻሮፕ፣  
 ታ አዛዙዋ ናገና ጳዮፕ።  
 32 ታን ኡንቱንቱ ናገራ ድራዉ ጋትማን፣  
 ኡንቱንቱ ኢታተላ ድራዉ፣ ልሱዋን፣  
 ሸጫይ መራራና።  
 33 ሸን ታን አገና ታ ሲቆዋ አፕ እክከ፤  
 ዋይ ታን አዉ አማኝትያዋ አገከ።  
 34 ታን ኡንቱንቱና ጫቀቲዳ ጫቁዋ ኮልከ፤  
 ታ ደናፕ ከሴዳ ቃላ ላምከ።  
 35 “እት ገደካ መድናዉ  
 ታ ጌሻተላን ጫቃ ድጋድ፤  
 ዳዊተዉ ዋርዶትከ።  
 36 ሄዋነ፣ አ ዘረላይ መድናዉ ደአና፤  
 አ ካዉተላ አራታይካ ታ ሰንላን አዋዳን  
 ጋምኤላና።  
 37 ሳሉዋን አማኝትያ ማርካ ግድያ አግዳዳን፣  
 ሄ ካዉተላይ መድናዉ ሞን ኤቄ ደአና”  
 ያገዳ።  
 38 ሸን ሀእ ኔን  
 አካደ ካተዬዳዋ ቦላ ዳር ሀንቀታዳ፤  
 አ እጻዳን አገዳ።  
 39 ኔን ነ ቆማና ጫቀቲዳ ጫቁዋ ካዳዳ፤  
 አ ካላቻ ባናን አላደ ቱንሳዳ።  
 40 ኔን አ ካታማ ግምቢያ ኡባ ላላዳ፤  
 አ ናገትያ ሚጸ ኡባ ባይዛዳ።  
 41 ኦግያና አድያ ኡባቱ አ ቦንቄድኖ፤  
 አ ባረ ሸሮቶ ቀሊጮ ግዴዳ።  
 42 ኔን አ ዋርከቶ ጸኑዋ እማዳ፤  
 ኡንቱንታ ኡባቱዋ ናሸቻዳ።  
 43 ኔን አ ማሻ ጸራ ቃላምኤላና፤  
 ኔን ኦላን አ ማዳባካ።  
 44 ኔን አ ካዉታ ጸምኤ  
 አ ኩሸያፕ ዋላ አካዳ፤  
 ቃይ አ ካዉተላ አራታ ቢታን ኦላዳ።  
 45 ኔን አ ያላጋተላ ዋድያ ቃምሳዳ፤  
 ቃይ አ ዬላ ማይዛዳ።  
 46 አቤት መድና ጎዳዉ፣ አዉደ ጋካናዉ  
 ቆንጭከ?  
 ኔን መድናዉ ጌማይ?  
 ነ ሀንቁ ታማዳን አዉደ ጋካናዉ ኤጸኔ?  
 47 ታ ላይላይ አይ ኬሻ ቃንገቶ ቆፓ፤

እሳ ኡባ ጮ መላ መጻዲ?  
 48 እሳይ ሀይቀናን ጮ ደእናው ዋን ዳንዳዪ?  
 ቃይ ዲፋዋን ገለናዳን፤  
 ባረና አሻናው ዋን ዳንዳዪ?  
 49 አቤት ጎዳው፣ ኔን ነ ቱማተላን ዳዊተው  
 ጫቄዳ፤  
 አገና በን ነ ሲቁ ሀቃን ደእ?  
 50 አቤት ጎዳው፣ ነ ቆማይ  
 ዋይሳ ቦረቱደንቶ ኔን ሀሳያ።  
 ታን አሳ ኡባ ቦርያ ዋታ ዳንዳያድታንቶ ቆፓ።  
 51 አቤት መጵና ጎዳው፣ ሞርከቱ  
 ቅሊጮድኖ፤  
 ኔን ዶራደ ኦኬዳ ካትያ፤  
 ታንጉዋን ታንጉዋን ቅሊጮዳዋ ቆፓ።  
 52 መጵና ጎዳይ መጵ መጵናው ጋላተቶ!  
 አመንእ። አመንእ።

**ኦይደንላ ማጻፋ**

**90**

(90—106)

እሳ ናኣ ደኡዋ  
 ጸሳ እሳይ ሙሴ ዋሴዳ ዋሳ  
 1 ጎዳው፣ ኔን የለታ ኡባን፣  
 ኦን ደእያ ሳኣ ግዳድ።  
 2 ደረቱ መጠታናፕ ካሰ፤  
 ዋይ ኔን ሳኣ ኦላናፕ ካሰ፤  
 መጵናፕ መጵና ጋካናውካ ኔን ጸሳ።  
 3 ኔን እሳ ናናቱዋ፣ “እሳ ናቶ፣  
 ጉየ ቢታው ሰሞተ” ያገደ፤  
 ኡንቱንታ ጉየ ኡንቱንቱ መጠቱዳ ቢታው  
 ዛራሳ።  
 4 ሻኡ ላይላይ ነው ዘን አጼ ጋላሳ ማላ፤  
 ዋይ ቃማ ግደፕ እት ሳትያ ማላ።  
 5 ኔን እሳ ቆፕናን ድኡዋዳን አፋሳ።  
 ኡንቱንቱ አኩሙዋ ማላ፤  
 ዋንታ ዋንታ ደልያ ማታ ማላ።  
 6 ሄ ማታይካ ዋንታ ዋደ ድጨደ ጨሼ፤  
 ኦማርሰያ ዋደ ሹል መሌ።  
 7 ኦን ነ ይሉዋን ወራደ፤  
 ነ ሀንቁዋ ሱሉዋን ዳጋሜድ።  
 8 ኔን ኦ ኢታ ኦሱዋ  
 ነ ሰንሳን ዋላዳ፤  
 ቃይ ኦ ጌሜዳ ናጋራ  
 ነ ሰንሳ ፖኡዋኮ አላዳ።  
 9 ኦ ጋላሳ ኡባይ ነ ሀንቁዋን አጼዳ፤  
 ኦ ላይላ እት ኦልያዳን ወርሴድ።  
 10 ኦ ደኡዋ ላይላይ ላፑን ታማ፤  
 ዋይ ሞናፕ፣ ሆሰፑን ታማ፤  
 ሄቄካ መቱዋን ቱጋ።  
 ኦ ላይላይ ኡላካ አጼ፤  
 ኦንካ ኡላካ ክቼቶ።  
 11 ነ ሀንቁዋ ዋልቃ ኤርያዌ ኦኔ?  
 ነ ሀንቁዋ ሱሉ ያሸያዋ።  
 12 ሄዋ ድራው፣ ኦ ላይላ በሰያዋዳን፣  
 ጎኤታና ማላ አጼዳ ኤራ ኦና ታማርሳ።

13 አቤት መጵና ጎዳው፣ ነ ሀንቁ አውደ  
 ጋካናሴ?  
 ሀያና፤ ነ ቆማቶ ቃረታ!  
 14 ኦ ላይላ ኡባን  
 ኦን ናሽታናዳን፤ የጻናዳን፣  
 ዋንታ ዋንታ አገና ነ ሲቁዋን ኦና ካልሳ።  
 15 ኔን ኦና መቶዬዳ ጋላሳቱዋ ኬሻን  
 ኦን ቱጋ በኤዳ ላይላቱዋ ኬሻ፤  
 ኦና ናሽታ።  
 16 ኦው ነ ቆማቶ ነ ኦሱ ቆንጮ፤  
 ነ ቦንቾ ዋልቃይ ኡንቱንቱ ናናቶ ቤቶ።  
 17 ጎዳ ኦ ጸሳ ከካተላይ ኦ ቦላን ግደ፤  
 ኦ ኩሽያ ኦሱዋ ኦው ሱርሳ።  
 ኤ፣ ኦ ኩሽያ ኦሱዋ ሱርሳ።

**91**

ጸሳይ ኦና ናግያዋ  
 1 ኡባፕ ጵቂያ ጸሳን ናገቲደ ደእያዋ፣  
 ኡባፕ ዋልቃማ ጸሳ ኩዋ ግደን አቁ፤  
 2 መጵና ጎዳው፣  
 “ኔን ታው ጌሱዋን ባቃታ አትያ ሳኣ፤  
 ኔን ታን አማንሕያ ታ ጸሳ” ያጋና።  
 3 እ ኦና ሻንካንቻቱዋ ግትያፕካ፤  
 ዋጵ ወርሰያ ኢታ ሀርግያፕካ አሻና።  
 4 እ ባረ ባለቱዋን ኦና ካማና፤  
 አ ቀፊቱዋ ጋርሳ ኔን ባቃታደ ቆሰታ  
 አታና።  
 እ አማንቱሳይ ነው ጎንዳላ።  
 5 ኔን ቃማ ዳጋንሕያባው፣  
 ዋይ ጋላሰ ጸንገትያባው ያያካ፤  
 6 ዋይ ጳማን ኦይቂያ ሀርግያው፣  
 ዋይ ጋላሳ ሴታን ወርሰያ ኢታ ሀርግያ  
 ሀርጋካ።  
 7 ሻኤይ ነ ሞይያን፣  
 ቃይ ታሙ ሻኤይ ኔፕ ኡሽቻ ባጋና  
 ኩንዳና፤  
 ሽን ኦና አያይን ቦቼና።  
 8 ኔን ነ አይፍያ ጸላላን ጸላና፤  
 ኢታቱ ሙረትያዋካ በእና።  
 9 መጵና ጎዳ ኔን ነው ባቃታ አትያ ሳኣ ኦጼዳ  
 ድራውን፣  
 ኡባፕ ጵቂያ ጸሳ ነው፣  
 ደእያ ሳኣ ኦጼዳ ድራው፣  
 10 ኢታባይ ኦና ቦቼና፤  
 ቦሻይካ ነ ጎልያ ሽቀና።  
 11 አያው ጎፕ፣ ነ ኦግያን ኡባን  
 ኦና ናጋና ማላ፣  
 ጸሳይ ባረ ኪታንቻቱዋ አዛዛና።  
 12 ነ ገዲ ሹቻን ጳብተና ማላ፣  
 ኪታንቻቱ ባረንቱ ኩሽያን ኦና ደንላና።  
 13 ኔን ጋሙዋን ሾሻ ቦላን ሄመታና፤  
 ቃይ ዋዳላ ጋሙዋን ዋጵያ ሾሻ ኔን  
 የጻና።  
 14 መጵና ጎዳይ ሀዋዳን ያጌ፤

- “እ ታና ሲቄዳ ድራው፡
- ታን እ አሻና፡፡
- እ ታ ሱንሳ ኤራዳ ድራው፡
- ታን እ ናጋና፡፡
- 15 እ ታና ጾገያ ወደ፡
- ታን እዉ ኮያና፡፡
- መቱዋን ታን እናና እትጥ ግዳና፤
- ታን እ አሻና፤ ሰንቻና፡፡
- 16 ታን እ ላይላ ኦሩሳደ ካልሳና፤
- ታ አቶተላ እ በሳና” ያጌ፡፡

### 92

ጋላታ ማዘሙርያ  
ማዘሙርያ፡ ሳምባታ ጋላሳው የጽያዋ.

- 1 መድና ጎዳ ጋላትያዋ ሎአ፡፡
- እቤት ኡባጥ ቶቂያ ጸሳው፡
- ነ ሱንሳ ሳቢያዋ ሎአ፡፡
- 2 ዋንታን አገና ነ ሲቁዋ፡
- ቃማን ነ አማነትያዋ ግድያዋ አዋይያዋ ሎአ፡፡
- 3 ታሙ ባቀላን ዋጸቲዳ ዲላ፡፡
- ማሰንቁዋን ዲጽያዋ ሎአ፡፡
- 4 አያው ጎጥ፡ እቤት መድና ጎዳው፡
- ነ ዋልቃማ ኡቡዋን
- ታና ናሽቶዳ ድራው፡
- ነ ኩሽያ ኡቡዋ ድራው፡
- ታን ናሽቻው የጻይ፡፡
- 5 እቤት መድና ጎዳው፡ ነ ኡሱ አይ ኬሻ ግቴ!
- ነ ቆፋይ አይ ኬሻ ጨሜ!
- 6 ኤያ አሳይ ኤራናው ዳንዳየና፤
- ደንጭሌዳ አሳይካ እኩካናው ዳንዳየና፡፡
- 7 ሄዋ፤ ኢታቱ ማታዳን ድጮጥካ፡
- ኢታ ኦላያ ኡባቱ ዳሸጥካ፡
- ኡንቱንቱ መድናው ጳያና፡፡
- 8 ሽን እቤት መድና ጎዳው፡
- ኔን መድናው ኡባጥ ቶቃ፡፡
- 9 እቤት መድና ጎዳው፡ ነ ሞርከቱ ጳያናዋን
- ኢታ ኦላያ ኡባቱ ትሰክ ጋናዋ ኑን ኤረቶ፡፡
- 10 ታ ካጭያ ባዙዋ መንሳ ካጭያዳን
- ቶቂሳዳ፤
- ሎኦ ዛይትያ ታና ኦካዳ፡፡
- 11 ታ ሞርከቱ ጸንቲዳዋ ታ አይፍያን በኣድ፤
- ታ ኢታ ሞርከቱዋ ዋሱዋ ታ ሀይላን ሰሳድ፡፡
- 12 ጽሎቱ ዘምባዳን ዳሻና፤
- ቃይ ሊባናሳ ዝጋዳን ድጫና፡፡
- 13 ኡንቱንቱካ መድና ጎዳ ዳባባን ቶከቲዳ
- ሞላ ማላ፤
- ኡንቱንቱ ኑ ጸሳ ጌሻ ጎልያን ዳሻና፡፡
- 14 ኡንቱንቱ ኤጨደካ አይፋና፤
- ኡንቱንቱ መድናው እርጸን ፓጻ፡፡
- 15 ኡንቱንቱ፡ “መድና ጎዳይ ሱረ፤
- እ ታው ዋጋ ዘላ፤ ኢታተላ እን ባዋ” ያጋና፡፡

### 93

- ጸሳይ ካትያ
- 1 መድና ጎዳይ ካተቲዳ!
- መድና ጎዳይ ቦንቹዋ ማዬዳ፤
- ዋልቃ ዳንጨዳ፡፡
- ሳአይ ሞኒደ ኤቁዳ፤ ኡባካ ቃጸና፡፡
- 2 ነ ካውተላ አራታይ በኒደጥ ኤቁዳ፤
- ኔን መድናደጥ ደአሳ፡፡
- 3 እቤት መድና ጎዳው፡ ጨዋ ሻፋቱ ጉሜዳ፤
- ጨዋ ሻፋቱ ባረ ጉንሳ ቶቁ ኦሴዳ፡፡
- 4 ሳሉዋን ደአያ መድና ጎዳይ ዳሮ ሃላ
- ጉንሳጥካ፡
- አባ በታቱዋጥካ እጴዳ ዋልቃማ፡፡
- 5 እቤት መድና ጎዳው፡ ኔን ኦዴዳባይ
- አማነትያዋ፤
- ነ ጎሊ መድናው ጌሻተላን አሌቃና፡፡

### 94

- ጸሳይ ኡባ ቦላ ፕርድያዋ
- 1 እቤት መድና ጎዳው፡ ኔን ኩሽያ ጭገትያ
- ጸሳ፡፡
- እቤት ኩሽያ ጭገትያ ጸሳው፡ ነ ቦንቹዋ በሳ፡፡
- 2 እቤት ሳአ ፕርድያዋ፡ ደንዳይ፤
- ኡቶራንቻቶ በሰያ ሙሩዋ አማ፡፡
- 3 እቤት መድና ጎዳው፡ አወደ ጋካናው
- ጋምአኔ?
- ኢታቱ አወደ ጋካናው ናሽታኔ?
- 4 ኢታ ኦላያ ኡባቱ፡
- ባረንቱ ኦቶሮ ቃላ ሃሳዬና፤
- ኡንቱንቱ ጨቀቲና፡፡
- 5 እቤት መድና ጎዳው፡ ኡንቱንቱ ነ አሳ
- ሊቆሲና፤
- ነ ሳታ ናቂና፡፡
- 6 ኡንቱንቱ አምኤቱዋን በተቱዋ ዋጲና፤
- አወ ባይናዋንታካ ዋጲና፡፡
- 7 ያቲደ ኡንቱንቱ፡ “መድና ጎዳይ ኑና በኤና፤
- ያቆባ ጸሳይ አኩከና” ያጌና፡፡
- 8 ህንተና፡ አሳ ግደጥ እጴዳ ዳማቶ፡
- አኩክተ!
- ህንተና ኤያቶ፡ አወደ ኤራንቻ ግዳንቱ?
- 9 ሀይላ መጴዳ ጸሳይ ሰሰኔ?
- አይፍያ መጴዳዊ በኤኔ?
- 10 ካውተላ ሴርያዋ ሙራኔ?
- አሳ ኤራ ታማርሰያዋ ባረው ኤረኔ?
- 11 መድና ጎዳይ አሳ ቆፋይ መላ ግድያዋ
- ኤራ፡፡
- 12 እቤት መድና ጎዳው፡ ኔን ሴርያዋን
- ነ ሀገያጥ ታማርሰያ አሳይ ኡንቲቲዳዋ፡፡
- 13 ኢታቱ ኩንድያ ኦላይ ቦከታና ጋካናው፡
- መቱ ጋክያ ጋላሳን ኔን እ ሸምጥሳሳ፡፡
- 14 መድና ጎዳይ ባረ አሳ አገና፤
- እ ባረ ሳታ አገና፡፡
- 15 ፕርዳይ ሰሚደ ጽሎ ፕርዳ ግዳናዋ፤

ዎዛና ሱረቱ ኡባይ ሄ ጽሎ ፕርዳ ማዳና።

16 ማካላንቻቱዋ ቦላ ታ ድራው ደንድያዌ ኦኔ? ኢታ ኦልያዋንቱና ታ ድራው ኤቀቴዳዌ ኦኔ? 17 መድና ጎዳይ ታና ማደነንቶ፣ ታን ኤለካ ዲፋዋን ገላደ ሰርጽ ጋና ሸን።

18 አቤት መድና ጎዳው፣ ታን፣ “ታ ገዲ ሀልዴ” ያጌዳ ዋደ፣ አገና ነ ሰቁ ታው ዘምፖ ግዴዳ። 19 ታና ህርጋይ ዎድያ ዋደ፣ ኔን ታና ዎፑ ኦላደ ናሸቻሳ። 20 ሀግያ ባለሰያ ጌላ ዳናቱዋና ኔን ዙፐታይ? 21 ጽሎቱዋ ዎዳናው ኤንቱንቱ እትፕ ቶብቲና፤ ሱረቱዋ ቦላ ሀይቁዋ ፕርዲና። 22 ግደፕ፣ መድና ጎዳይ ታን ባቃታ አቴዳ ሳኦ፤ ታ ጸሳይ ታን ቆሰትያ ዛላ። 23 ኤንቱንቱ ኢታተላ ድራው፣ አ ኤንቱንታ ሙራና፤ ኤንቱንቱ ናጋራ ድራው፣ አ ኤንቱንታ ዳይሳና፤ ኤ፣ መድና ጎዳይ ኑ ጸሳይ ኤንቱንታ ዳይሳና።

95

ጋላሳ ጋላሳ ማዝሙርያ 1 ሃይተ፤ እነ መድና ጎዳ ሳቦይተ። ኑና አሸያ ዛላው ናሸቻው የጸይተ። 2 አ ሰንላ ጋላታና ሸቆይተ። ጋላታ የላ ናሸቻን የጸይተ። 3 አያው ጎፕ፣ መድና ጎዳይ ዋልቃማ ጸሳ፣ ጸሳቱዋ ኡባ ቦላ ዋልቃማ ካትያ። 4 ቢታ ጨማቱ አ ኩሽያን ደኤና፤ ደርያ ሀጸቱካ አዋ። 5 አባ ሃላይካ አዋ፤ ሄዋ አ መዴዳ፤ መላ ቢታካ አ ኩሺ ኤሌዳ። 6 ሃይተ፤ ሆኪደ እነ አው ጎይናይተ፤ ኑና መዴዳ መድና ጎዳ ሰንላን ጉልባቶይተ። 7 አያው ጎፕ፣ አ ኑ ጸሳ። ኑን አ ቆሩዋን ደኤያ አሳቱዋ፤ ኑን አ ሄምያ አ ደርሳ ወደቱዋ።

ጸሳይ ህንተና ግያዋ ሀቕ ሰስተ! 8 “ካሰ ህንተ ማይዛ አዎቱ፣ ማሪባ ግያ ሳኦን ሀኔዳዋደን፣ ሄ ጋላሰ ማሳ ባዙዋን እጹዳዋደን፣ ህንተካ ዘርያ እከናን እጸፕተ። 9 ኤንቱንቱ ታ ኦሱዋ በኢደካ፣

95:7 እብራ. 3:15፤ 4:7 95:7 እብራ. 3:7-11 14:20-23፤ ዛረ. 1:34-36፤ 12:9-11፤ እብራ. 4:3-5

ታና ኤቀቴድና፤ ፓጩድና። 10 ታን ሄ የለታ ኦይታሙ ላይላ ሸተታድ፤ ኤንቱንቱ ኡባ ዋደ ባረንቱ ዎዛናን ባለና፤ ኤንቱንቱ ታ ኦግያ ኤርቦይክና ያጋድ። 11 ሄዋደንካ ቃይ፣ ታን ሀንቀታ ጫቃደ፣ ኤንቱንቱ ታ ሸምፑዋሳ ኡባካ ገልክና ያጋድ” ያጌ።

96

ጸሳይ ኡባፕ ቦላ ካትያ 1 መድና ጎዳው ኦራላ የላ የጽተ፤ ሳኦን ደኤያ አሳይ፣ ኡባይ መድና ጎዳው የጽተ። 2 መድና ጎዳው የጽተ፤ አ ሰንላ ሳቢተ፤ አ አሸያ ሞሽራቹዋ ጋላሳን ጋላሳን ኦድተ። 3 ካውተላ ግደን አ ቦንቹዋ፣ አሳ ኡባ ግደን አ ማላልሰያ ኦሱዋባ አዋይተ። 4 አያው ጎፕ፣ መድና ጎዳይ ዋልቃማ፤ ግታ ጋላታይ አው በሴ። ጸሳቱዋ ኡባፕ አዲደ አ ያየታናው በሴ። 5 ሀራ አሳ ጸሳቱ ኡባይ ኤቃቱዋ፤ ሸን መድና ጎዳይ ሳሎቱዋ መዴዳ ጸሳ። 6 ቦንቹን አንጋይ አ የሹዋን ደኤ፤ ሞናተላይን ፑላይ አ ጌሻ ጎልያን ደኤ።

7 ህንተና፣ አሳ ዛረቶ ኡባቶ፣ መድና ጎዳባ ኦድተ፤ “ቦንቹን ዋልቃይ መድና ጎዳሳ” ገደ ኦድተ። 8 “ቦንቹ አ ሰንላሳ” ገደ መድና ጎዳባ ኦድተ። ያርሹዋ አኪደ፣ አ ዳባባ ገልተ። 9 አ ጌሻተላ ፑላን መድና ጎዳው ጎይንተ፤ ቢታን ደኤያ አሳ ኡባው፣ አ ሰንላን ኮኮርተ። 10 ካውተላቱዋ ግደን፣ “መድና ጎዳይ ካተቱዳ፤ ሳኦይ ሞን ኤቁዳ፤ ኡባካ ቃጸና። አ አሳ ቦላ ሱረተላን ፕርዲና” ያግተ። 11 ሳሎቱ ናሸተና፤ ሳኦይካ ሀሹ ጎ፤ አባይን አ ግደን ኩሜዳዌ ጉሞ። 12 ሾይቃይን ሾይቃን ደኤያ ኡባይ ናሸቶ፤ ዋራን ደኤያ ሞላ ኡባይካ ናሸቻን አ ሰንላን የጸና። 13 አያው ጎፕ፣ መድና ጎዳይ ዬ፤ አ ሳኦ ቦላን ፕርዲናው ዬ፤ አ ሀ ሳኦ ቦላ ጽሎተላን፣ አሳ ቦላካ ቱማተላን ፕርዲና።

97

ጸሳይ ኡባፕ ቦላ 1 መድና ጎዳይ ካውቱዳ። ሳኦን ደኤያ አሳይ ናሸቶ፤

95:8 ከሳ 17:1-7፤ ፓይ. 20:2-13 95:11 ፓይ. 96:7 ማዝ. 29:1-2

ሃኮ ሃላን ደደቶ ሳን ደእያ አሳቱካ  
 ናሽትና።  
 2 ሻሪነ ጅጅ ጎ ጁማይ አ ደደዳ።  
 ጽሎተላይነ ቱማተላይ አ ካወተላ  
 አራታዉ ባሶ።  
 3 ታማይ አፕ ሰንላና ቤ፤  
 አ ደደዳ ሞርከቱዋ ጸጌ።  
 4 አ ዋልቃንላይ ሳኣ ፖኦሴ፤  
 ቢታይ ሄዋ በኢደ ኮኮሪ።  
 5 መጅና ጎዳ ሰንላን፣ ሳኣ ኡባ ጎዳ ሰንላን  
 ዋጋ ደረቱ ኤሳ ሙቃዳዳን ሙሽና።  
 6 ሳሎቱ አ ጽሎተላ አዋዪና፤  
 አሳይ ኡባይ አ ቦንቸዋ በኤ።  
 7 ዋርዶ ጸሳቶ ጎይንያዋንቱ፤  
 ሄ ጎኤና ኤቃቱዋን ጨቀትያዋንቱ  
 ኡባይ ዬላትና።  
 ጸሳቱ ኡባይ ጸሳዉ ጉልባትና።  
 8 አቤት መጅና ጎዳዉ፣ ጽዮን አሳይ፣  
 ነ ጽሎ ፕርዳ ሰሲደ ናሽቱ፤  
 ይሁዳ ካታማቱዋ አሳይካ ሀሹ ጌ።  
 9 አቤት መጅና ጎዳዉ፣ ኔን ሳኣ ኡባ፣  
 ጸሳቱዋ ኡባ፣ ኔን ጾቁ ጋሳ።  
 10 መጅና ጎዳ ሲቅያዋንቱ ኢታ እጽተ።  
 አ ባረዉ አማነትያ አሳቱዋ ሸምፑዋ  
 ናጌ፤  
 ቃይ ኡንቱንታ ኢታቱዋ ኩሽያፕ አሹ።  
 11 ጽሎቶ ፖኡ ፖኤ፤  
 ዋዛና ሱረቶ ናሽቻይ ደኤ።  
 12 ሀንተኖ ጽሎቶ፣ መጅና ጎዳን ናሽትተ፤  
 አ ጌሻ ሱንላ ጋላትተ።

98

ጸሳይ አላምያ ሞድያዋ  
 ማዘመርያ  
 1 መጅና ጎዳዉ ኑራሳ የላ የጽተ፤  
 እያዉ ጎፕ፣ አ ማላልሰያባ አሌዳ።  
 አ ኡሸቻ ኩሽነ አ ጌሻ ቁሲ  
 አዉ ጸኑዋ እሜዳ።  
 2 መጅና ጎዳይ ባረ ጸኑዋ ኡርሴዳ፤  
 አ አሸያዋ ካወተላቶ ቆንጭሴዳ።  
 3 አ እሰራኤልያ ሶ አሳ ሲቅያዋን  
 ኡንቱንቱ አማነትያዋ ሀሳዬዳ።  
 ሳኣ ጋጸ ጋካናዉ ደእያ አሳይ ኡባይ  
 ኑ ጸሳይ አሸያዋ በኤዳ።

4 ሳኣ ቦላን ደእያ አሳ ኡባይ፣  
 መጅና ጎዳዉ ናሽቻን የጽተ፤  
 ቃላ ጾቁ ኦሲደ፣ ናሽቻ ሳባ ሳቢተ።  
 5 ዲላ መጅና ጎዳዉ ዲጽተ፤  
 ዲላን የላን ጸሳ ሳቢተ።  
 6 ጸሩምባን ሎኩዋ ፑኒደ፣  
 ናሽቻን መጅና ጎዳ ኑ ካትያ ሰንላን  
 ሆምቦጭተ።  
 7 አባይነ አባ ግደን ኩሜዳዊ ኡባይ ጉሞ።  
 ሳኣይነ ሳኣ ቦላን ደእያ ኡባይ የጸ።  
 8 ሻፋቱ አትፕ ባረንቱ ኩሽያ ባቂና።

ቁር ደረቱ መጅና ጎዳ ሰንላን እትፕ  
 ናሽቻን የጽኖ።  
 9 እያዉ ጎፕ፣ አ ሳኣ ቦላን ዳናታናዉ ዬ።  
 አ ሀ ሳኣ ቦላ ጽሎተላን፣  
 አሳ ቦላካ ሱረተላን ዳናታና።

99

ጸሳይ ጽሎዋን ጌሻ  
 1 መጅና ጎዳይ ካዉቲዳ! ሄዋ አሳቱ  
 ከኮርና።  
 ክሩበቱዋፕ ግዲዋን ካወተላ አራታ ቦላ  
 ኡቲዳ፤  
 ሄዋ ቢታይ ቃጸ፤  
 2 መጅና ጎዳይ ጽዮንን ዋልቃማ፤  
 ካወተላ ኡባፕ አ ጾቁ ጾቁ ጌዳ።  
 3 ዳርፕ ያሽያ አ ዋልቃማ ሱንላ፣  
 ኡንቱንቱ ኡባይ ጋላትና።  
 አ ጌሻ!  
 4 ኔን፣ ዋልቃማ ካቲ፣ ልከ ፕርዳ ደሳሳ።  
 ኔን ያቆባ አሳዉ ሱረተላ ምንሳዳ።  
 ጽሎተላን ልከ ፕርዳ ኡሳዳ።  
 5 መጅና ጎዳ ኑ ጸሳ ጾቁ ጾቁ ኦሸተ፤  
 አ ጌዲ የጅያሳን ጉፋኒደ አዉ ጎይንተ።  
 አ ጌሻ!  
 6 ሙሴነ አርነ አ ቀሰቱዋ ግዲዋፕ ላእቱዋ፤  
 ሳሜልካ አ ሱንላን ዋሴዳዋንቱፕ  
 አቱዋ።  
 ኡንቱንቱ መጅና ጎዳዉ ዋሴድና፤  
 አካ ኡንቱንቶ አሊዳ።  
 7 አ ሻርያ ቱሳ ግዲዋና ኡንቱንቶ ሃሳዬዳ፤  
 ኡንቱንቱ አ እሜዳ ሀግያን ዋጋ  
 ናጌድና።  
 8 አቤት መጅና ጎዳዉ፣ ኑ ጸሳዉ፣  
 ኔን ኡንቱንቱ ዋሳ ሰሳዳ።  
 ኔን ኡንቱንቱ ኢታተላ ድራዉ ሙሬዳዋ  
 ግደፕካ፣  
 ኡንቱንቶ አቶ ጌዳ ጸሳ።  
 9 መጅና ጎዳ ኑ ጸሳ፣ ጾቁ ጾቁ ኦሸተ፤  
 አ ጌሻ ደርያ ቦላን አዉ ጎይንተ፤  
 እያዉ ጎፕ፣ መጅና ጎዳይ ኑ ጸሳይ ጌሻ!

100

ጸሳ ጋላታናዳን ሸቆዳ ጸሳ  
 ጋላታ አምያ ማዘመርያ  
 1 ሳኣን ደእያ አሳ ኡባዉ፣  
 መጅና ጎዳዉ ሀንተ ቃላ ጾቁ ኦሲደ  
 የጽተ።  
 2 መጅና ጎዳዉ ናሽቻን ኦሸተ፤  
 ናሽቻ የላና አ ሰንላ ሸቆተ።  
 3 መጅና ጎዳይ ጸሳ ግድያዋ ኤርተ፤  
 ኑና መጄዳዌ አ፤ ኔን አዋንታ።  
 ኑን አ አሳቱዋን አ ቆሩዋን ደእያ ድርሳቱዋ።  
 4 አ ፕንግያ ጋላታና፣

እ ደባባ ሳባና ገልተ፤  
 እ ጋላትተን እ ሱንላ ሳቢተ።  
 5 እያው ጎተ፣ መጅና ጎዳይ ከካ።  
 እገና እ ሲቁ መጅናሳ፤  
 እ የለታተ የለታ ጋካናው አማኑትያዎ።

### 101

ካቲ ጸሳው ገልያ ቃላ ጫቁዎ  
 ዳዊታ ማዘመርያ  
 1 ታን እገና ሲቁዋባን ጽሎ ፕርዳባ የጸና፤  
 እቤት መጅና ጎዳው፣ ታን ነው የጸና።  
 2 ታን ሱረ ኦግያባ ቆገና።  
 ኔን ታኮ አወደ ያን?  
 ታን ታ ጎልያን ሱረተላን ሀመታና።  
 3 ታን ታ አይፍያን ፖኮባ ጸልከ።  
 ጸሳተ ዋራ ሰሜዳ አሳቱዋ ኦሱዎ እጸይ፤  
 እንቱንቱ ሙላካ ታናና ግድክና።  
 4 ዋዛና ጌላተላይ ታተ ሃኮ፤  
 እታተላ ታን ኤርከ።  
 5 ጌማን ባረ ሾሩዋ ዘግርያዎ፣  
 ታን ሰርጽ ኦላና።  
 ኦቶረትያን አይያ አሳ ታን ዳንዳይከ።  
 6 እንቱንቱ ታናና ደእና ማላ፣  
 ቢታ ቦላ ደእያ አማኑትያዎንታ፣  
 ታን ከካ አይፍያን ጸላይ።  
 ሱረተላን ሀመትያ አሳይ ታው ኪተታና።  
 7 ጭምምባ ታ ጎልያን ደኤና፤  
 ዋርዱዋ ሃሳይያዊ ታ ሰንላን ጋምኤና።  
 8 ቢታን ደእያ እታ አሳ ኡባ።  
 ታን ጋላስ ጋላስ ጳይሳና፤  
 እታ ኦልያዎንታ ኡባ፣  
 ታን መጅና ጎዳ ካታማተ ጶቆላና።

### 102

መቱዋ ቦላ ደእያ አሳ ዋሳ  
 መጅና ጎዳ ሰንላን ባረና ደጊደ ባረ ካዩዋ  
 ጉሰያ ዋደ፣ ቱጋቱዳ አሳይ ዋሴዳ ዋሳ።  
 1 እቤት መጅና ጎዳው፣ ታ ዋሳ ሰሳ፤  
 ታ ዋሱ ኔኮ ጋኮ።  
 2 ታ ዋይያ ጋላስ፣  
 ነ ሰምኤዋ ታተ ገንሳፓ።  
 ነ ሀይላ ታኮ የጋ፤  
 ታን ነው ዋሰያ ዋደ፣ ታና ኤላካ አላ።  
 3 እያው ጎተ፣ ታ ላይላይ ጨዋዳን ጳይ፤  
 ታ መቀላይካ ታማ ቦንቁዋዳን ኤጼ።  
 4 ታ ዋዛናይ ሾጭ የጌዳ መላ ማታዳን ሀናድ፤  
 ቁማይካ ታው ማተተና።  
 5 ታን ታ ቃላ ጶቁ አላይ ኦላይ፤  
 ታ ጋልባይ መቀላና ኦይቆቱዳ።  
 6 ታን ባዙዋን ደእያ አንኩዋ ማላ፣  
 ዋይ ኮለቱዳ ጎልያን ደእያ ጉቱዋ ማላ።  
 7 ታን ግሰና፣ ገምእሹ ዬና፤

ታን ጎልያ ሁጺያን ባረካ ኡቱዳ ካፋዎ  
 ማላ።  
 8 ታ ዋርከቱ ጋላሳ ኡባን ታና ጫሺና፤  
 ታና ቅሊጭያዋንቱ ታ ሱንላን ሸቂና።  
 9 ታን ብድንላ ቁማዳን ማይ፤  
 ቃይ ታ እፎላ ታ ኡሻና ዋላካይ።  
 10 ኔን ታና ፑደ ደንላይ፣  
 ነ ሀንቁዋ ድራው ዋራ አላዳ።  
 11 ታ ደኡዋ ላይላይ ኦማርሳ ኩዋ ማላ፤  
 ታን ማታዳን ሹላይ።  
 12 ሸን እቤት መጅና ጎዳው፣  
 ኔን ካውተላ አራታን መጅናው ኡታዳ፤  
 ነ ሱንላይካ የለታተ የለታ ጋካናው  
 ሀሳየታና።  
 13 ኔን ደንዳይ፣ ጽዮነው ቃረታ፤  
 እያው ጎተ፣ ኔን እዘ ማርያ ዋዲ ጋኬዳ፤  
 ሀዌ ኔን ደራዳ ዋድያ።  
 14 እዘ ኮለቱዳዋ ግደፕካ፣  
 ነ ቆማቱ እዘ ሲቁና።  
 እዘ ባይዳዋ ግደፕካ፣  
 እንቱንቱ እዘው ቃረቱና።  
 15 ካውተላቱ መጅና ጎዳ ሱንላው ያያና፤  
 ሳኦ ካተቱ ኡባይ እ አንጋው ደጋማና።  
 16 እያው ጎተ፣ መጅና ጎዳይ ጽዮን ዛረሐ  
 ኬጺደ፣  
 እ ባረ ግታተላ ቦሳና።  
 17 እ ፑቱሳቱዋ ዋሳ ሰሳና፤  
 እንቱንቱ ዋሱዋ ካ።  
 18 ብሮ የለታና አሳቱ መጅና ጎዳ ጋላታና  
 ማላ፣  
 ሀዌ ይያ የለታው ጸልቶ።  
 19 መጅና ጎዳይ ጶቃን ደእያ ባረ ጌሻ ሳኦተ  
 ዲጊ ጸሌዳ፤  
 እ ሳሉዋፕ ዲጊ ሳኦ ጸሞሴዳ።  
 20 ሄዌን፣ ቃሸቱዳ አሳቱዋ ኦልያ ሰሳናሳን  
 ሀይቆ ፕርደቱዳ አሳቱዋ ብላናሳ።  
 21 ሄዋ ድራው፣ መጅና ጎዳ ሱንላይ ጽዮንን  
 ኦይታናን  
 እ ጋላታይ የሩሳላመን አዋየታና።  
 22 አሳይን ካውተላይ እትፕ ሸቂደ፣  
 መጅና ጎዳው ሄ ዋደ ጎይናና።  
 23 እ ታን ያላጋተላን ደእና፣  
 ታ ዋልቃ ወርሴዳ፤  
 ታ ላይላ ቃንሳዬዳ።  
 24 ያተና፣ ታን፣ “እቤት ታ ጸሳው፣  
 ታ ላይላይ ብሮ ግደትያ ዋደ፣  
 ታና እፎፓ” ያጋይ።  
 እቤት ጸሳው፣ ኔን የለታተ የለታ ጋካናው  
 ደእሳ።  
 25 ኔን ቦን ሳኦ መጳዳ፤  
 ሳሉካ ነ ኩሸያ ኦሱዋ።  
 26 ሄዋንቱ ኡባይ ጳያና፤ ሸን ኔን ደእና፤  
 እንቱንቱ ኡባይካ አፍላዳን ወራና።  
 ኔን እንቱንታ ጨርቃ አፍላዳን ሳማና፤  
 እንቱንቱካ አጳና።

100:5 1 ኦዳዋ 16:34፤ 2 ኦዳዋ 5:13፤ 7:3፤ እዘራ 3:11፤ ማዘ. 106:1፤ 107:1፤ 118:1፤ 136:1፤ ኤር. 33:11  
 102:25 እብራ. 1:10-12

27 ሸን ኔን ኔናካ፤ ነ ላይላይ ኡባ ዉረና።  
 28 ኑን ነ ቆማቱዋ፤  
 ኑ ናናቱ ሳርተላን ደአና።  
 ኡንቱንቱ ዘርላይካ ነ ሰንላን ምሊደ ኤቃና።

መድና ጎዳ ጋላትተ!  
 22 ሀንተኖ።  
 እ ሞድያ ሳኣ ኡባ መጠታቶ።  
 ኡባይካ መድና ጎዳ ጋላትተ!

### 103

ጸሳ ሲቁዋ  
 ዳውት ጸፊዳዋ  
 1 ታ ሸምጋቱ፤ መድና ጎዳ ጋላታ!  
 ታ ኩመንላ አሳተላዉ፤ እ ጌሻ ሱንላ  
 ጋላታ።  
 2 ታ ሸምጋቱ፤ መድና ጎዳ ጋላታ!  
 እ ነዉ ኦሌዳ ከካንተላ ኡባ ደሳጋ።  
 3 እ ነ ናጋራ ኡባ አቶ ጌ፤  
 እ ነ ሀርግያ ኡባጥ ኔና ፓሌ።  
 4 እ ኔና ዱፋዋን ገለናዳን አሺ፤  
 አገና ሲቁዋን ማርታን ኔና አንጃ።  
 5 አርጋንላዳን ኔን ያላጋና ማላ፤  
 እ ነ ደኡቀ ኡባን ኔና ሎኦባ ካልሴ።  
 6 መድና ጎዳይ ናቀቱዳዋንቶ  
 ጽሎባ ኦሌኔ ሱርያን ፕርዳ።  
 7 እ ባረ ኦግያ ሙሳ፤  
 ባረ ኦሱቀ እስራኤልያ አሳዉ ኤርሴዳ።  
 8 መድና ጎዳይ ቃረትያዋን ማርያዋ፤  
 እ ሀንቀታናዉ ኤሌለናዋን  
 አገና ሲቁ ዳሩዋ።  
 9 እ ኡባ ገደ ሴረና፤ መድናዉ ሀንቀተና።  
 10 እ ኑና ኑ ናጋራዳን ኦሌቤና፤  
 ኑ ኡታተላዳን ኑዉ ዘርቤና።  
 11 ሳሉ ሳኣጥ ዶቁያዋዳን፤  
 መድና ጎዳዉ ያይያዋንቶ አገና ኦ ሲቁ  
 ዳራ።  
 12 አዋይ ደልያሳጥ አዋይ ዉልያሳይ  
 ሃክያዋዳን፤  
 መድና ጎዳይ ኑ ባይዘዋ ኑጥ ሃሴ።  
 13 አዉ ባረ ናናቶ ቃረትያዋዳን፤  
 መድና ጎዳይ ባረዉ ያይያዋንቶ ቃረቱ።  
 14 አያዉ ጎጥ፤ ኑን አያጥ መጠታደንቶ እ ኤሬ፤  
 ኑን ቢታ ግድያዋ እ አክኬ።  
 15 አሳ ግደጥ፤ እ ደኡ ማታ ማላ፤  
 እ ባዘዋ ጨሻዳን ጨሻ፤  
 16 ጫርኩ እ ቦላ ጫርክና ጳዬዳ፤  
 እ ደሌዳ ሳኣይ ኤረተና።  
 17 ሸን መድና ጎዳዉ ያይያዋንቶ፤  
 አገና እ ሲቁ መድናጥ መድና ጋካናሳ።  
 እ ጽሎተላይካ ናኣ ናኣዉ ጋካናሳ።  
 18 እ ጫቁዋ ናግያዋንቱሳ፤  
 እ አዛዘዋ ፖላናዉ ሀሳይያዋንቱሳ።  
 19 መድና ጎዳይ ሳሎቱዋን ባረ ካዉተላ አራታ  
 ኤሴዳ፤  
 እ ካዉተላይ ኡባ ሞዳ።  
 20 ሀንተኖ፤ እ ከታንቻቶ፤  
 እ አዛዘዋ ፖልያ ዋልቃማቶ፤  
 እ ግያዋ ሰሰሰያዋንቶ፤  
 መድና ጎዳ ጋላትተ!  
 21 ሀንተኖ ሳሎቱን ደእያ ምኖቶ፤  
 እ ሸንያ ኦሌያ ቆማቶ፤

ታ ሸምጋቱ፤ መድና ጎዳ ጋላታ!

### 104

ጸሳዉ ሸቅያ ጋላታ  
 1 ታ ሸምጋቱ፤ መድና ጎዳ ጋላታ!  
 አሴት መድና ጎዳዉ ታ ጸሳዉ፤ ኔን አይ  
 ከሻ ግቱ!  
 ኔን ቦንቸዋን አንጋ ማያዳ።  
 2 ፖኡዋ አፍላዳን ጉሎታዳ።  
 ኔን ሳሎዋ ዳንካንያዳን ቶላዳ።  
 3 ነ ጎልያ ሳሎዋ ጉፋንሱዋ ቦላን ኬጸሳ።  
 ሻርያ ፓራ ጋርያ ከሳሳ፤  
 ጫርኩዋ ቅፍያን ቶጋ።  
 4 ኔን ጫርኩቱዋ ነ ከታንቻ፤  
 ታማ ላጨዋካ ነ ቆማ ከሳሳ።  
 5 ኔን ሳኣ እ ባሱዋ ቦላ ኤሳዳ፤  
 እ መድ መድናዉካ ቃጸና።  
 6 ዋልቃማ አባይ ቢታ ቦላን አፍላዳን  
 ሞጨቱዳ፤  
 ሃላይ ዋልቃማ ደረቱዋ ካሜዳ።  
 7 ሸን ነ ጎደትና ሃላቱ ባቃቲድኖ፤  
 ነ አዛዘዋ ሰሲደ፤ ኤሌሌድኖ።  
 8 ኡንቱንቱ ዋጋ ደረቱዋጥ ዱገ ዛንጋራ፤  
 ኔን ኡንቱንቶ ጊገሴዳ ሳኣ ጎኔድኖ።  
 9 ሃላቱ ሰሚደ ቢታ ካመናዳን፤  
 ኡንቱንቱ አጳናዉ ዳንዳየ ካዋ ኤሳዳ።  
 10 ኔን ፑልቶቱዋ ዛንጋራን ፑልትሳሳ፤  
 ኡንቱንቱ ሃላይ ደረቱዋ ግዲዋና ጎኔ።  
 11 ጎግያዋጥ ባዘዋ ዶኣቱ ኡባይ ኡሸኖ፤  
 ደንባ ሃረቱ ባረንቱ ሳሙዋ አጥ አሊኖ።  
 12 ሳሎዋ ካፎቱ ሄ ሃላ ማታን ባረንቱ ጎልያ  
 ኬጸደ፤  
 ታሸያ ግደን የጸኖ።  
 13 ኔን ዋልቃማ ደረቱዋ ቦላን  
 ሳሎዋጥ እራ ቡክሳሳ፤  
 ቢታካ ነ ኩሸያ ኦሱዋ አይፍያን  
 ካልሳሳ።  
 14 ኔን መሀያዉ ማታ፤  
 አሳዉ ካላ ሞክሳሳ።  
 ሄዋ፤ አሳይ ቢታ ኦሊደ፤  
 ቢታጥ ካላ ደማናሳ።  
 15 አሳ ዋካና ናሸቻያ ዋይንያ፤  
 ስምኡዋ ሸጭሰያ ዛይትያን  
 ዋልቃ ኩንሳያ ቁማ ሞክሳሳ።  
 16 መድና ጎዳ ሞላቱ፤  
 እ ቶኬዳ ሊባናሳ ዝጋቱ፤  
 ዳር እራ ኡሸኖ።  
 17 ኡንቱንቱን ካፎቱ ባረንቱ ጎልያ ኬጸደ፤  
 ቆላቲካ ጸዳ ቦላ ኬጸደ ደኢኖ።  
 18 ቆቃ ደረቱዋ ቦላን ጋራቱ ደኢኖ፤  
 ቃይ ጉፓለቱ ሹቻ ጎንጎሉዋን ቆሰቲኖ።



19 ዎድያ ፓይዲዎ ኤርሳና ማላ፡  
 ኔን እግና መቆዳ፡፡  
 አዋይ ባረ ወልያ ዎድያ ኤሬ፡፡  
 20 ኔን ቃማ መቆዳ፡፡  
 ቆማን ደኣይ ኡባይ ከሴ፡፡  
 21 ዎዳላ ጋሞቱ ሻንካቲደ ጉዲኖ፤  
 ኡንቱንቱ ባረንቶ ምያዎ ጸሳፕ ኮዪና፡፡  
 22 አዋይ ከሰያ ዎደ፡፡  
 ጉዩ ስሚደ ባረንቱ ጌሱዋን ግሲና፡፡  
 23 ሄ ዎደ አሳይ ባረ ኦሶ ከሰ፤  
 ሳአይ ቃማና ጋካናዉ ኦሴ፡፡  
 24 አቤት መድና ጎዳዉ፡ ነ ኦሱ አይ ኬሻ  
 ዳሬ፤  
 ነ እዴዳ ኤራተላን ኔን ኡንቱንቱ ኡባ  
 መቆዳ፤  
 ሳአይ ኔን መዴዳዋን ኩሚዳ፡፡  
 25 አባይ ህንን ሄዌሽ፤ እ ዎልቃማን እኮ፤  
 ፓይዲ ባይና ቃጽያ መጋታቱዋን፡  
 ግታቱዋን ጉላቱዋን ኩሚደ ደኤ፡፡  
 26 ሄዋ ቦላን ማርካባቱ ቢኖ፤  
 ቃይ ኔን መዴዳ ሌዋታና ግያ ዳዊ እን  
 ካኤ፡፡  
 27 ኔን ኡንቱንታ ኮሽያ ዎድያን  
 ኡንቱንቶ ቁማ እማና ማላ፡፡  
 ኡንቱንቱ ኡባይ ኔና ጸሊና፡፡  
 28 ኔን ኡንቱንቶ እምና፡ ኡንቱንቱ ማዲኖ፤  
 ኔን ነ ኩሽያፕ የግና፡፡  
 ኡንቱንቱ ሎኦባ ካሊና፡፡  
 29 ኔን ነ ሰምኤዋ ገንሳያ ዎደ ዳጋሚና፡፡  
 ነ ሸምፑዋ ኔን እክያ ዎደ ሀይቂደ፡፡  
 ባረንቱ ቢታዉ ስሚና፡፡  
 30 ሸን ኔን ነ ሸምፑዋ ከትያ ዎደ፡፡  
 ሀራቱ መጠቲኖ፤ ቢታካ ኦራላሳ፡፡  
 31 መድና ጎዳ ቦንቹ መድናዉ ደኤ፤  
 መድና ጎዳይ ባረ ኦሱዋን ናሸቶ፡፡  
 32 እ ቢታ ጸልና፡ ቢታይ ቃጾ፤  
 ቃይ እ ደረቱዋ ቦንቹና፡ ደረቱ  
 ጨዋቲና፡፡  
 33 ታን ታ ደኤዋ ኡባን መድና ጎዳዉ የጻና፤  
 ታን ደኤዳ ላይላ ኡባን ታ ጸሳ ሳባና፡፡  
 34 ታን መድና ጎዳን ናሸትያ ድራዉ፡፡  
 ታ ቆፋይ እ ናሸቶ፡፡  
 35 ናጋራንቻቱ ቢታፕ ጳይኖ፤  
 ሀዋፕ ሰንሳዉ ኢታቱ ደኡፕና፡፡

ታ ሸምፓቱ፡ መድና ጎዳ ጋላታ! መድና ጎዳ  
 ጋላትተ!

### 105

ማላልሰያ እስራኤልያ ታርክያ  
 (1 ኦዲዋ 16:8-22)

1 መድና ጎዳ ጋላትተ፤ እ ሰንሳ ጸሰተ፡፡  
 እ ኦሴዳዋ ካዉተላቱዋ ግዲዋን  
 ኤርሰተ፡፡

2 እ ሳቢተ፤ ጋላታ የላ እዉ የጽተ፡፡  
 እ ማላልሰያ ኦሱዋ ኡባባ ኦድተ፡፡  
 3 እ ጌሻ ሱንሳን ጨዋታተ፤  
 መድና ጎዳ ኮይያ ዎዛናቱ ናሸትና፡፡  
 4 መድና ጎዳን እ ዎልቃ ጸሞሰተ፤  
 ኡባ ገደ እ ሰንሳ ኮይተ፡፡  
 5 እ ኦሴዳ ማላልሰያባ፡፡  
 እ ማላታን እ ፕርዴዳ ፕርዳ ሀሳይተ፡፡  
 6 ህንተና፡፡  
 እ ቆማ እብራሃማ ዘረላቶ፡፡  
 ደረቱዳ ያቆባ ናቶ፡፡  
 7 እ መድና ጎዳ ኑ ጸሳ፤  
 እ ቱሞ ፕርዲይካ ሳኣ ኡባ ቦላና፡፡  
 8 እ ባረ ጫቁዋ መድናዉ፡፡  
 ባረ እዛዜዳ ቃላ ሻኤ የለታ ጋካናዉ  
 ናጌ፡፡  
 9 ሄዌን፡ እ፡ እብራሃማና ጫቁቱዳ ጫቁዋ፡፡  
 ይሳቃዉ ጫቁዳ ጫቁዋ፡፡  
 10 ያቆባዉ ዎጋ፡፡  
 እስራኤልያዉካ መድና ጫቁዋ  
 ኦሴደ ምንሴዳ፡፡  
 11 ሀዋዳን ያጌዳ፤  
 “ካዉ ካናን ቢታ እማና፤  
 እ ነ ዘረላቶ ላታ ግዳና” ያጌዳ፡፡  
 12 ጸሳ አሳቱ ፓይዲዋን ጸ ጉሳን  
 ካናን ቢታን ቦተ ግዲደ ደኤያ ዎደ፡፡  
 13 እት ጋድያፕ ሀራ ጋድያ፡፡  
 እት ካዉተላፕ ሀራ ካዉተላ የዬድና፡፡  
 14 ጸሳይ ኡንቱንታ ኦን ናቃናዉ እምቤና፤  
 ኡንቱንቱ ድራዉ ካትቱዋ ሴሪደ፡፡  
 15 “ታን ኦኬዳዋንታ ቦቾፕተ፤  
 ታ ትሞቢትያ ኦድያዋንታ ቆሆፕተ”  
 ያጌዳ፡፡  
 16 ጸሳይ ቢታን ኮሻ የዲደ፡፡  
 ኡንቱንቱ ካላ ኡባ ቆይሴዳ፡፡  
 17 ሸን እ ባረ አሳ አሻናዉ፡፡  
 እት ብታንያ ግብጾ ኪቲዳ፤  
 ሄ ብታኒ አይለ ግዲደ ዛልኤቲዳ  
 ዮሴፋ፡፡  
 18 እ ገደቱ ብራታን ቃሸቲድና፤  
 ኡንቱንቱ እ ሳንሳላታን ቃቹድና፡፡  
 19 እ ካሰ ኦዲዳዌ ፖለታና ጋካናዉ፡፡  
 መድና ጎዳ ቃላይ እ ፓጩዳ፡፡  
 20 ግብጾ ካቲ ኪቲደ ቃሾ ጎልያፕ ከሴዳ፡፡  
 ጋድያ ሞድያዌ ብሌዳ፡፡  
 21 እካ፡ እ ባረ ጎልያዉ ጎዳ ኦሴዳን፡፡  
 ባረዉ ደኤያዋ ኡባ ቦላ ሰንሴዳ፡፡  
 22 ባረዉ ዋና ካፖቱዋ እዛዛና ማላን  
 ባረ ጭማቱዋ ዞራና ማላ ማታዬዳ፡፡  
 23 ሄዋፕ ጉይያን፡ እስራኤሊ ግብጾ ገሌዳ፡፡

ያይቆቢ ካመ ቢታን ቦተ ግዲደ ደኤዳ፡፡  
 24 መድና ጎዳይ ባረ አሳ ዳር ጮራዬዳ፤  
 ኡንቱንቱ ሞርከቱዋፕ ኡንቱንታ አሌደ  
 ምንጫ፡፡

104:26 እዮባ 41:1፤ ማዝ. 74:14፤ እሳ. 27:1 105:9 ደመላ 12:7፤ 17:8፤ 26:3 105:10 ደመላ  
 28:13 105:14 ደመላ 20:3-7 105:16 ደመላ 41:53-57 105:17 ደመላ 37:28፤ 45:5 105:18  
 ደመላ 39:20—40:23 105:20 ደመላ 41:14 105:21 ደመላ 41:39-41 105:23 ደመላ 46:6፤ 47:11  
 105:24 ከሳ 1:7-14 105:26 ከሳ 3:1—4:17

25 እ ግብጾ አሳይ ባረ አሳ እጻናዳንነ  
 ባረ ቆማቱዋ ጭማናዳን ኦሴዳ።  
 26 ሦጥ ጉይያን፣ ባረ ቆማ ሙሳነ  
 ባረ ዶሬዳ እርና ኡንቱንቱኮ ኪቱዳ።  
 27 ኡንቱንቱ ግብጾ አሳቱዋ ሰንላን ጸሳ  
 ማላታ።  
 ካመ ቢታን ኦራላባ ኦሴድና።  
 28 ጸሳይ ቆማ ከቲደ፣  
 ሄ ቢታ ቆምሴዳ፤  
 ሽን ግብጾ አሳቱ አዛዙዋ እጾድና።  
 29 እ ኡንቱንቱ ሃላ ሱላወ ላሚደ፣  
 ሞለቱዋ ዋዴዳ።  
 30 ኡንቱንቱ ቢታ ኡባ፣  
 ካትያ ጎልያካ ሸፉ ኩሜዳ።  
 31 እ አዛዝና፣ ኡዲንጸነ ቢኒ  
 ኡንቱንቱ ቢታ ኡባ ቦላ ሻምእሻምኤዳ።  
 32 ኡንቱንቱ ቢታ ቦላን እራ ድራወ  
 ሻቻ ዋልቃንላና ቡክሴዳ።  
 33 እ ኡንቱንቱ ዋይንያ ቱራነ  
 ባላሰያ ግያ ሞላ ሸጩዳ፤  
 ኡንቱንቱ ቢታን ደእያ ሞላካ  
 ከንቹራሴዳ።  
 34 እ አዛዝና፣ ቦሊነ  
 ፓይዱ ባይና ቡምቡራላይ ከሴዳ።  
 35 ኡንቱንቱ ቢታን ዶሌዳ ካላ ኡባ ሜዳ፤  
 ሳእፕ እርጸባ ኡባካ ሞ ቆይሴዳ።  
 36 ጸሳይ ግብጾ አሳቱዋ ጎላ ባይራ ናናቱዋ  
 ኡባ ዋዴዳ፤  
 ኮይሮ የለቱዳ ኡባ ቆይሴዳ።  
 37 ሦጥ ጉይያን፣ እ እሰራኤልያ አሳ  
 ዋርቃነ ብራ አለቁዋና ከሴዳ፤  
 ኡንቱንቱ ግዶፕ ኩንዲደ አቱዳዌ ኦንነ  
 ባዋ።  
 38 ግብጾ አሳቱ ኡንቱንቶ ዳር ያዬዳ ድራወ፣  
 ኡንቱንቱ ከሴዳዋን ናሽቲድና።  
 39 ጸሳይ ኡንቱንታ ካማሳወ ሻርያ ሞጩዳ፤  
 ቃማ ኡንቱንቶ ፖአሳናወ ታማ ገግሴዳ።  
 40 ኡንቱንቱ ሞያዋ ኡቶና፣  
 አካ ማላታያ ካፎቱዋ ኡንቱንቶ የዳዳ፤  
 ኡንቱንታ ሳሉዋ ቁማ ካልሴዳ።  
 41 እ ሹቻ ጳልቁና፣  
 ሃላይ ፑልቲዳ፤  
 ሻፋዳን ባዙዋን ጎጌዳ።  
 42 እ ባረ ቆማ አብራሃማወ፣  
 ገሌዳ ጌሻ ቃላ ሀሳዬዳ።  
 43 እ ባረ አሳ ናሽቻን፣  
 ባረ ዶራዳዋንታ አልልሳን ከሴዳ።  
 44 እ ኡንቱንቶ ሀራ አሳቱዋ ቢታ እሜዳ፤  
 ኡንቱንቱ ሀራቱ ዳቡራዳ ጎሻ ላቲድና።  
 45 ሦጥ እ ኦሴዳዌ ኡንቱንቱ አ ዋጋ  
 ናጋናዳናን እ ሀግያ ኦላናዳና።

መድና ጎዳ ጋላትተ!

# 106

ጸሳይ ባረ አሳወ ቦሰያ ኬካተላ  
 1 መድና ጎዳ ጋላትተ!  
 እ ኬካ ግድያ ድራወ፤  
 አገና እ ሲቁ መድናዋ ግድያ  
 ድራወ፣  
 መድና ጎዳ ጋላትተ።  
 2 መድና ጎዳይ ኦሴዳ ዋልቃማ ኡሱዋ  
 ኡዳናወ፣  
 ዋይ እ ጋላታ ኡባ ቆንጭሳናወ፣  
 ዳንዳይያዌ እኔ?  
 3 ፕርዳ ናግያዋንቱ፣  
 ኡባ ገደ ጽሎባ አልያዋንቱ  
 እንጀቲዳዋንታ።  
 4 አቤት መድና ጎዳወ፣ ኔን ነ አሳወ ኬክያ  
 ዋይ፣  
 ታናካ ቆፓ፤  
 ኡንቱንታ ኔን አሸያ ዋይ፣  
 ታወካ አላ።  
 5 ሦጭ፣ ነ ዶራዳ አሳወ፣  
 ሳእይ ሎእና፣ ታን ቦእናዳና፤  
 ነ አሳ ናሽቻ ታንካ ናሽታናናን  
 ነዋንቱና እትፕ ታንካ ጋላታናዳና።  
 6 ኔን ኑ አዋቱዋዳን ናጋራ ኦሴዳ፤  
 ባይዘባነ ኢታባ ኦሴዳ።  
 7 ኑ አዋቱ ግብጾን ደእያ ዋይ፣  
 ነ ማላልሰያ ኡሱዋ ቆፕቦይክና።  
 አገና ነ ሲቁዋ ዳርተላ ኡንቱንቱ ሀሳይቦይክና፤  
 ዘኑ አባ ላንቁያን ነ ቦላ ማካሌድና።  
 8 ግዶፕካ እ ባረ ሱንላ ድራወ፣  
 ባረ ዋልቃማ ዋልቃ ኤርሳናወ ኡንቱንታ  
 አሸዳ።  
 9 እ ዘኑ አባ አዛዝና፣ አባይ መሌዳ፤  
 ባዙዋን ካለልያዋዳን፣  
 ጨማ ግዲዋና ኡንቱንታ ካለሌደ  
 ፕንሳዳ።  
 10 እ ኡንቱንታ እጽያዋንቱ ኩሽያፕ አሸዳ፤  
 ሞርከቱዋ ኩሽያፕ ኡንቱንታ ዋዜዳ።  
 11 ኡንቱንቱ ሞርከቱዋ ሃላይ ሞቲዳ፤  
 ኡንቱንቱፕ እቲነ አትቤና።  
 12 ሄ ዋይ እሰራኤላቱ አ ቃላ አማኔድና፤  
 አ ሳቤድና።  
 13 ግዶፕካ፣ ኡንቱንቱ እ ኦሴዳዋ  
 ኤለካ ደጌድና።  
 እ ዘርያ ናገናን ባረንቱ ኮይዳዋ ኦሴድና።  
 14 ባዙዋን ደእድና፣ ኡንቱንቱ  
 ደርፕ አዋቲድና፤  
 ቃይ መላ ቢታን ጸሳ ፓጩድና።  
 15 ሦጭን እ ኡንቱንቱ ዋሴዳዋ እሜዳ፤  
 ሽን ኡንቱንቱ ሸምፖ ግልቃተላ ኪቲዳ።  
 16 አሳቱ ባዙዋን ባረንቱ ዲንካንያን ደእድና።

105:28 ከሳ 10:21-23 105:29 ከሳ 7:17-21 105:30 ከሳ 8:1-6 105:31 ከሳ 8:16-17፣ 20-24  
 105:32 ከሳ 9:22-25 105:34 ከሳ 10:12-15 105:36 ከሳ 12:29 105:37 ከሳ 12:33-36 105:39  
 ከሳ 13:21-22 105:40 ከሳ 17:1-7፣ ገይ. 20:2-13 105:44 ኢያሳ 11:16-23 106:1 ነ ጶዳዋ 16:34፤  
 2 ጶዳዋ 5:13፤ 7:3፤ እዝራ 3:11፤ ማዘ. 100:5፤ 107:1፤ 118:1፤ 136:1፤ ኤር. 33:11 106:7 ከሳ 14:10-12  
 106:9 ከሳ 14:21-31 106:12 ከሳ 15:1-21 106:14 ገይ. 11:4-34 106:16 ገይ. 16:1-35

ሙሳን መድና ጎዳው ዲማቲዳ፤  
 ቆማ እርና ቃናቲዳ ዋይ፤  
 17 ቢታይ ደየቲደ ዳታና ሞቲዳ፤  
 አቤርና አ ገልያ አሳቱዋና ሞጌዳ።  
 18 ቃይ ኡንቲንቲ ማባራ ግደን ታማይ ኤጽና፤  
 ላጩ ሄ ኢታ አሳቱዋ ጸጌዳ።  
 19 ኮራባ ደርያን ደኢድ፤  
 ዋርቃ ሙሽሲደ ማራ ሞሰልያ  
 መጭድኖ፤  
 ሄ ሞሰልያው ጎይኔድኖ።  
 20 ኡንቲንቲ ባረንቲ ቦንቾ ጸሳ  
 ማታ ሞያ ማዘ ሞሰልያን ላሜድኖ።  
 21 ኡንቲንቲ ባረና እሼዳ ጸሳ ደጌድኖ፤  
 እ ግብጸን ዋልቃማ ኦሱዋ፤  
 22 ካመ ቢታን ማላልሰያባ፤  
 ዘኦ አባን፤ “ሆላ!” ጌሰያባ ኦሴዳ።  
 23 ሄዋ ድራው፤ ጸሳይ ኡንቲንታ ጳይሳና ጌዳ፤  
 ሽን ጳይሰና ማላ፤ እ ሀንቁዋ ዛራናው፤  
 ጸሳይ ደራዳ ሙሴ ግዳዋን ኤቄዳ።  
 24 ሄዋጥ ጉይያን፤ ኡንቲንቲ  
 እ ቃላ አማነና ድራው፤  
 ሄ ሎኦ ቢታ ካጭድኖ።  
 25 ኡንቲንቲ ባረንቲ ዲንካንያ ግደን  
 ዙዙሜድኖን  
 መድና ጎዳ ቃላው አዘዘትቦይክና።  
 26 ሄዋ ድራው፤ እ ኡንቲንታ ባዙዋን አጋናዋ፤  
 ባረ ኩሽያ ደንሊደ ጫቄዳ።  
 27 ኡንቲንቲ ዘረፋ ካውተላቱዋ ግደን አጋናውን  
 ቢታን ኡንቲንታ ላላናው ጫቄዳ።  
 28 ሄዋጥ ጉይያን፤ ኡንቲንቲ ፓኦራን ደእያ  
 ባኦላ ኤቃው፤  
 ጎይንያውንቲና እትጥ ጋከቲድኖ፤  
 ሸምጥ ባይና ኤቃቶ ያርሸቲዳ ያርሹዋ  
 ሜድኖ።  
 29 ኡንቲንቲ ባረንቲ ኦሱዋን መድና ጎዳ  
 ሀንቀሴድኖ፤  
 ኡንቲንቲ ግደን ኢታ ሀርጊ ዋጭዳ።  
 30 ሸን ጥንሃሰ ደንዲደ፤  
 ኡንቲንቲ ባይዙዋ ፕርድና፤  
 ኢታ ሀርጊ ኡንቲንቲ ቦላጥ ክቼዳ።  
 31 ሄዋይ፤ የለታጥ የለታ ጋካናው፤  
 መድናው እው ጽሎተላ ግዲደ  
 ፓይደቲዳ።  
 32 ማራባ ፑልቲዋ ማታን መድና ጎዳ  
 ሀንቀሴድኖ፤  
 ኡንቲንቲ ጋሱዋን ሙሴ ቦላ መቲ  
 ጋከዳ።  
 33 እያው ጎጥ፤ ኡንቲንቲ እ ሀንቀሴድኖ፤  
 ሙሴ ደናጥ በሰና ቃላይ ከሴዳ።  
 34 መድና ጎዳይ ጳይሰተ ገና፤  
 ኡንቲንቲ ካናን አሳቱዋ ጳይሰቦይክና።  
 35 ሄዋጥካ፤ ኡንቲንቲ ሄ አሳቱዋና  
 ገለት አስቲደ፤ ዋላስቲድኖን፤  
 ኡንቲንቲ ደኡዋ ዋጋ ካሌድኖ።  
 36 ጸሳ አሳቲ ኡንቲንቲ ኤቃው ጎይኔድኖ፤

ሄዋይ፤ ኡንቲንቶ ጸረ ግዳዳ።  
 37 ኡንቲንቲ ባረንቲ አቲማን ማጫ ናናቲዋ  
 ጸላሄቶ ያርሼድኖ።  
 38 ኡንቲንቲ፤ ጽሎ ሱላ  
 ካናን ኤቃቶ ያርሸድኖ፤  
 ባረንቲ አቲማን ማጫ ናናቲዋ ሱላ  
 ጉሰድኖ፤  
 ሄ ሱላን ቢታይ ቲኔዳ።  
 39 ሄዋዳን ኡንቲንቲ ባረንቲ ኦሱዋን  
 ቲኔድኖን፤  
 ሻርሙጸዳን ኡንቲንቲ ባረንቲ ጸሳው  
 አማነተናን እጾድኖ።  
 40 ሄዋ ድራው፤ መድና ጎዳ ሀንቁ፤  
 እ አሳ ቦላ ኤጽ ከሴዳ፤  
 እ ባረዋንታ ሸንቲዳ።  
 41 እ ኡንቲንታ ሀራ ጋድያ አሳቲዋ ኩሽያን  
 እሊደ አሜዳ፤  
 ኡንቲንቲ እጾዳዋንቲ ኡንቲንታ  
 ሞጭድኖ።  
 42 ኡንቲንቲ ሞርከቲ ኡንቲንታ ናቄድኖን  
 ባረንቲ ሸንያዳን አይሴድኖ።  
 43 እ ኡንቲንታ ዳር ገደ እሼዳ፤  
 ሸን ኡንቲንቲ ማካላው ዳንጭ  
 ደንዲድኖ፤  
 ባረንቲ ናጋራ ጋሱዋን ጳይድኖ።  
 44 ግደጥ፤ እ ኡንቲንቲ ዋሴዳ ዋሱዋ ሰሲደ፤  
 ኡንቲንቲ ዋይያ ቆጌዳ።  
 45 እ ኡንቲንቲ ድራው፤ ባረ ጫቁዋ ሀሳይዳ፤  
 አገና ባረ ሰቁዋ ዳሩዋዳን ኡንቲንታ  
 ማረዳ።  
 46 ኡንቲንታ አሞዳዳ ኡባይ ኡንቲንቶ  
 ቃረታናዳን ኦሴዳ።  
 47 እቤት መድና ጎዳው፤ ኦ ጸሳው፤ ኦና አሻ።

ኦን ነ ጌሻ ሱንላ ጋላታናዳን  
 ነ ቦንቼዋን ጨቃታናዳን፤  
 ካውተላቱዋ ግደጥ ኦና ሸሻ።  
 48 መድና ጎዳይ፤ እሰራኤልያ ጸሳይ  
 መድናጥ መድና ጋካናው ጋላተቶ፤  
 አሳይ ኡባይ፤ “አመንአ!” ጎ።

መድና ጎዳ ጋላትተ!  
**እቼሸንሎ ማጸፋ**

**107**

(107—150)

መቲዋ ኡባጥ አሸያ ጸሳ ጋላትተ  
 1 መድና ጎዳ ጋላትተ! እያው ጎጥ፤  
 እ ከካ፤ አገና እ ሰቁ መድናሳ።  
 2 መድና ጎዳይ እሼዳዋንቲ፤  
 ሞርከቲዋ ኩሽያጥ ዋዙዳዋንቲ፤  
 ሄዋዳን ገደ ሃሳይኖ።  
 3 ኡንቲንታ እ ቢታቲዋጥ፤  
 አዋይ ደልያሳጥን ዉልያሳጥ፤

106:19 ከሳ 32:1-14 106:24 ገይ. 14:1-35 106:27 ዋጋ 26:33 106:28 ገይ. 25:1-13 106:32 ገይ. 20:2-13 106:34 ዳና. 2:1-3፤ 3:5-6 106:37 2 ካታ. 17:17 106:38 ገይ. 35:33 106:40 ዳና. 2:14-18 106:47 1 ኦዲዋ 16:35-36 107:1 1 ኦዲዋ 16:34፤ 2 ኦዲዋ 5:13፤ 7:3፤ እዘራ 3:11፤ ማዘ. 100:5፤ 106:1፤ 118:1፤ 136:1፤ ኤር. 33:11

ሁጲሳነ ገድሳ ባጋፕ ሺሼዳዋንታ።

- 4 ኢንቱንቱፕ እቱ እቱ ባዘዋ ቢታን ዩዬድኖ። ባረንቱ ደእያ ካታማ ብያ ኦግያ፤ ደማናዉ ዳንዳይበይክና።
- 5 ኢንቱንቱ ኮሻቲድኖን ሳመቲድኖ፤ ኢንቱንቱ ርባቲድኖ።
- 6 ኢንቱንቱ መቶቲዳ ዋደ፤ መጵና ጎዳዉ ዋሴድኖ፤ እ ኢንቱንታ ኢንቱንቱ ዋይያፕ አሼዳ።
- 7 ኢንቱንቱ ደእና ካታማ ጋካናዉ፤ እ ኢንቱንታ ሰታ ኦግያና ካለሌዳ።
- 8 አገና አ ሲቆነ፤ እ አሳዉ ኦሌዳ ማላልሰያባዉ፤ ኢንቱንቱ መጵና ጎዳ ጋላትኖ።
- 9 እያዉ ጎፕ፤ እ ሳመቲዳዋንታ አሌ፤ ኮሻቲዳዋንታካ ሎኦባ ካልሴ።
- 10 ኢንቱንቱፕ እቱ እቱ ጵጵ ጎ ጱማ ግደን ኡቲድኖ፤ ኢንቱንቱ ብራታ ሳንሳላታን ዋየቲድኖ።
- 11 እያዉ ጎፕ፤ ኢንቱንቱ ጸሳ ቃላዉ ማካሌድኖ፤ ኡባፕ ጵቁያ ጸሳ ዘርያ ካጴድኖ።
- 12 እ ኢንቱንታ ቱጋ ኦሱዋን ዳቡርሴዳ፤ ኢንቱንቱ ኩንዴድኖ፤ ሸን ኢንቱንታ ማድያዌ ጳዬዳ።
- 13 ኢንቱንቱ መቶቲዳ ዋደ፤ መጵና ጎዳዉ ዋሴድኖ፤ እ ኢንቱንታ ኢንቱንቱ ዋይያፕ አሼዳ።
- 14 ባረቶ ጱማፕካ ከሴዳ፤ ኢንቱንቱ ቃሸቲዳ ብራታ ሳንሳላታካ ዱሌዳ።
- 15 አገና አ ሲቆነ እ አሳዉ ኦሌዳ ማላልሰያዋ ኢንቱንቱ መጵና ጎዳ ጋላትኖ።
- 16 እያዉ ጎፕ፤ እ ናሃሰያፕ ኦሰቲዳ ፕንግያ መንሌዳ፤ ብራታ ኩልቡዋካ ጱኬዳ።
- 17 ኢንቱንቱፕ እቱ እቱ ቦዛ ግዴድኖ፤ ባረንቱ ኦሌዳ ናጋራ ጋሱዋን፤ ባረንቱ ኢታተላ ጋሱዋን ቱጋቲድኖ።
- 18 ኢንቱንቱ ቁማ ኡባ ሸንቲደ፤ ሀይቆ ማቲድኖ።
- 19 ኢንቱንቱ መቶቲዳ ዋደ፤ መጵና ጎዳዉ ዋሴድኖ፤ እ ኢንቱንታ ኢንቱንቱ ዋይያፕ አሼዳ።
- 20 እ ባረ ቃላ ከቲደ፤ ኢንቱንታ ፓሌዳ፤ ዱፋዋን ገልያዋፕ አሼዳ።
- 21 አገና አ ሲቆነ እ አሳዉ ኦሌዳ ማላልሰያዋ ኢንቱንቱ መጵና ጎዳ ጋላትኖ።
- 22 ኢንቱንቱ አዉ ጋላታ ያርሹዋ ያርሸኖ፤ ቃይ ናሸቻ የላን እ ኦሌዳዋ ኦድኖ።
- 23 ኢንቱንቱፕ እቱ እቱ፤ ማርካብያን ዋልቃማ አባ ቦላን ቤድኖ። ኢንቱንቱ ሄ ዋልቃማ አባ ቦላ ባረንቱ ኦሱዋ ኦልያዋንታ።
- 24 ኢንቱንቱ መጵና ጎዳ ኦሱዋ፤ እ ጨማ ጋርሳን ኦሌዳ ማላልሰያባ በኤድኖ።

- 25 እ አዛዚደ፤ ጎትያ ደንሌዳ፤ አባ ሆቢ ቃዴዳ።
- 26 ኢንቱንቱ ፑደ ሳሉዋ ጨጉደቲድኖ፤ ሄዋፕ ዱገ ጨማ ዋጴድኖ።
- ሄ ኢታ መቱ ጋክና፤ ኢንቱንቱ ዋዛናይ ቶዩ ጌዳ።
- 27 ኢንቱንቱ ማጸቲዳ አሳዳን ጱቡቲደ ጋንድጋሪድኖ፤ ኢንቱንቱ ኤራይካ ጆሌዳ።
- 28 ኢንቱንቱ መቶቲዳ ዋደ፤ መጵና ጎዳዉ ዋሴድኖ፤ እ ኢንቱንታ ኢንቱንቱ ዋይያፕ አሼዳ።
- 29 እ ጎትያ ጮኡ ኦሌዳ፤ አባ ቤታካ ሰርጵ ኦሌዳ።
- 30 ጮኡ ጌዳ ድራዉ፤ ኢንቱንቱ ናሸቲድኖ፤ ጸሳይ ኢንቱንታ ኢንቱንቱ አዋቲዳ ካታማ አሄዳ።
- 31 አገና አ ሲቆነ እ አሳዉ ኦሌዳ ማላልሰያባዉ ኢንቱንቱ መጵና ጎዳ ጋላትኖ።
- 32 ኢንቱንቱ አ አሳቲዋ ሺቁዋን ጶቁ ጶቁ አላና፤ ቃይ ሞጭቲዋ ሸቁዋን አ ጋላትኖ።
- 33 ጸሳይ ሻፋቲዋ መልሴዳ፤ ፑልቶቲካ ጎገናዳን ተኤዳ።
- 34 ሄዋን ደእያ አሳቲዋ ኢታተላ ድራዉ፤ ዋኪያ አራዳ ቢታካ፤ ዋከና መላ ቢታዉ ላሜዳ።
- 35 እ ዘራይ መላ ባዙዋን ሃሳይ ኤላናዳን፤ ቃይ መላ ቢታን ፑልቲ ጱቃናዳን ኦሌዳ።
- 36 ኮሸቲዳዋንታ ሄ ሳኢን ዋሌዳ፤ ኢንቱንቱ ባረንቶ ደእያ ካታማ ኬዶድኖ።
- 37 ኢንቱንቱ ባረንቱ ጎሻን ዘራይ፤ ዋይንያ ቶኪደ፤ ዳር ሙሩታ ሺሼድኖ።
- 38 እ ኢንቱንታ አንጅና፤ ኢንቱንቱ ሎይል ጮራቴድኖ፤ ኢንቱንቱ መሀያካ ጉልቤና።
- 39 አሳቲ ጸነትያ ዋደነ ኢንቱንቱ ኡቁና፤ መቲዋን ካዩዋ ጋሱዋን ካዉሸያ ዋደ፤
- 40 ጸሳይ ካፖቲዋ ካጴዳዋ በሴ፤ አጊ ባይና ባዙዋን ቶይላካታናዳን እ ኢንቱንታ ኦሌ።
- 41 ሸን እ ሀዬሳቲዋ ቱጋፕ ከሲደ፤ ኢንቱንቱ ጎለ አሳ ደርሳ ዉድያዳን ጮራዬ።
- 42 ሱረ አሳቲ እ ኦልያዋ በኢደ ናሸቲኖ፤ ሸን ኢታ አሳቲ ኡባይ ጮኡ ጊኖ።
- 43 አጴዳ ኤራንቻ ግድያዌ ሀ የዉዋ ቆፖ፤ መጵና ጎዳ አገና ሲቁዋ አኬኮ።

108

ዋንታ ሳነን ጋላታ ዳዊታ ማዘመርያ፤ የላ 1 አቤት ጸሳዉ፤ ታ ዋዛናይ ሞኒደ ደኤ።

ታን ነወ ታ ኩመንላ ዋዛናፕ የጸናነ ኔና ሳባና።  
 2 ዲፋውነ ማሰንቆ ቤንትተ!  
 ታንካ ዋንታ ጉራና ቤንታና።  
 3 አቤት መድና ጎዳው፣ ታን ኔና አሳ ግድን ጋላታና፤  
 ቃይ ካውተላ ግድን ኔና ሳባና።  
 4 እያው ጎፕ፣ እገና ነ ሲቁ ዋልቃማ፤ ሳሉዋፕ ቦላው አዲ።  
 ነ ቱማተላይካ ቦላ ሻርያዳን ቋቋ።  
 5 አቤት ጸሳው፣ ሳሎቱዋፕ ቦላና ቋቋ ቋቋ ጋ!  
 ነ ቦንቹ ሳኦ ኡባ ቦላ ግድ።  
 6 ኔን ሲቅያዋንቱ አታና ማላ፣ ነ ኡሽቻ ኩሽያን ኑና አሻ፤ ኔን ታዉ አላ።  
 7 ጸሳይ ባረ ገሻ ሳኦን ሀዋዳን ያጌዳ፤ “ታን ጸናደ ሰከመ ቢታ ሻካና፤ ቃይ ሱኮታ ዛንጋራ ግሻና።  
 8 ጋላኦደ ታዋ፤ ምናሰካ ታሳ፤ ኤፍራም ታ ሁጲያ አሽያ ቆብያ፤ ይሁዳይ ታ ካውተላ ጸምኦ።  
 9 ሞአበ ታን ሜጨትያ ኩይጸሩዋ፤ ኤደም ታዋ ግድያዋ ኤርሳናው ታ ጫማ አ ቦላ ዋላይ።  
 ታን ፕልሰጸማ ጸናደ ገራራይ” ያጌዳ።  
 10 ግሞበቲዳ ካታማኮ፣ ታና ኦኔ አፋናዌ? ኤደማ ጋካናው ታና ኦኔ ካለላናዌ?  
 11 አቤት ጸሳው፣ ኑና አጌዳዌ ኔና ግድኪ? አቤት ጸሳው፣ ኔን ኑ ቶራንቻቱዋና ኦላው ከሳካ።  
 12 አሳ ማዲ ፓ□ና ድራው፣ ሞርክያና ኦላታናው ኔን ኑና ማዳ።  
 13 ጸሳ ዋልቃን ኑን ኑ ሞርከቱዋ ጸናና፤ ኑ ሞርከቱዋ የጳናዌ አ።

### 109

ሞርክያ ቦላ ሺቆ ዋሳ  
 ዛማረቱዋ ካፕ የጸቲዳ፣ ደውት ጸፌዳ ማዘመርያ  
 1 አቤት ታን ጋላትያ ጸሳው፣ ኔን ታዉ ጮኡ ጎፓ።  
 2 እያው ጎፕ፣ ኢታ ዋርዳንቻ አሳቱ፣ ባረንቱ ደና ታ ቦላ ዶዬድኖ፤ ኤንቱንቱ ዋርዶ እንጸርሳን ታ ቦላ ሃሳዬኖ።  
 3 ኤንቱንቱ እጸ ቃላና ታና ደዲኖ፤ ጋሱ ባይናን ታናና ኦለቲኖ።  
 4 ታን ኤንቱንታ ሲቃይነ ኤንቱንቶ ዋሳይ፤ ግድፕካ፣ ኤንቱንቱ ታና ሞቲኖ።  
 5 ታን ሎኡዋ ኦሳና፣ ኤንቱንቱ ታዉ ኢታ ዛሪኖ፤ ታን ኤንቱንታ ሲቅና፣ ኤንቱንቱ ታና እጲኖ።  
 6 ታ ሞርክያ ቦላ ኢታ ዳና ሱንላ፤

ሞታንቻይ አ ኡሽቻን ኤቆ።  
 7 አ ብድያ ዋይ፣ እ ባይዛንቻ ግዲደ ቤቶ፤ አ ዋሳይካ አው ሰሚደ ጎመቶ!  
 8 አ ላይላይ ቃዋ፤ አ ሱንላተላካ ሀራይ አኮ!  
 9 አ ናናቱ አውዋ ጳዬደ ዪአኖ፤ አ ማቻታ አምኤ ግድ!  
 10 አ ናናቱ ዩይ ዩዪደ ዋሰኖ፤ ባረንቱ ደአያ ኦናፕካ የደርሰትኖ!  
 11 አ ማጺዋ ኡባ አጮ ኦይቆ፤ አ ዳቡራይ ከሴዳባ ኡባ አላጋይ ቦንቆ!  
 12 ኦንነ አው ከካባ ኦሎፕ፣ ዋይ አውዋ ጳዬደ አ ናናቶ ቃሪቶፕ!  
 13 አ ናናቱ ኡባይ ዉር ጳይኖ፤ ካልያ የለታን አ ሱንላይ ደገቶ።  
 14 አ አዎቱዋ ናጋራይ መድና ጎዳ ሰንላን ቆፈቶ፤ አ አት ናጋራይ ኡባካ ቁጨቶፕ!  
 15 ሄ ናጋራይ ኡባ ገደ መድና ጎዳ ሰንላን ቤቶ፤ ኤንቱንታ ሀሳይሰያዌ ሳኦፕ ቋቆለት ክቾ!  
 16 እያው ጎፕ፣ እ ከካባ ኦላናው ኡባካ ቆፕቤና፤ ሀዬሳቱዋ፣ መቶታንቻቱዋን ዋዛናዊ ማዲጶዳዋንታ የደርሲደ ዋዲዳ።  
 17 አ ሽቃናው ደሴዳ ድራው፣ አካ ሸቀቲዳዋ ግድ! አ እንጅናው ደሰና ድራው፣ አንጅ አፕ ሃኮ!  
 18 አ ሸቂይ ሳለና፤ አ ሸቃይ ሃላዳን አ ቦላ ካሶ! ዛይትያዳን አ መቀላን ገሎ!  
 19 አፍላዳን አ ካዋ፤ ሳቂያዳን ኡባ ገደ አ ጸሳን ደኦ!  
 20 ሀዌ ታና ሞትያዋንቶን ታና ኢታን ዝግርያዋንቶ፣ መድና ጎዳይ እምያ ዋይቱዋ ግድ!  
 21 ሽን አቤት ኡባ ሞድያ መድና ጎዳው፣ ነ ሱንላ ድራው፣ ታና ማዳ። አገና ነ ሲቅዋን ነ ከካተላ ድራው፣ ታና አሻ።  
 22 እያው ጎፕ፣ ታን ሀዬሳነ መቶታንቻ አሳ፤ ታ ዋዛናይካ ማዲንጶዳ።  
 23 ታን አማርሳ ኩዋዳን ጳያና ሀናይ፤ ታን ቦልያዳን ቆቆፈታይ።  
 24 ጸምሽን ታ ጉልባታይ እጶዳ፤ ታ ቦላይካ ላፌ።  
 25 ታና ሞትያዋንቶ ቅለጭያዋ ግዳድ፤ ኤንቱንቱ ታና በኢደ፣ ባረንቱ ሁጲያ ቃላኖ።  
 26 አቤት መድና ጎዳው ታ ጸሳው፣ ታና ማዳ፤ አገና ነ ሲቅዋዳን ታና አሻ።  
 27 አቤት መድና ጎዳው፣ ሄዌ ነ ኩሽያ ግዲዳዋን ሄዋ ኔን ኦሌዳዋ ታ ሞርከቱ ኤርኖ።

28 ኢንቲንቲ ታና ሸቆጥነ፤  
 ኔን ታና አንጃ!  
 ታ ቦላ ደንድያዎንቱ ዬላትኖ፤  
 ሸን ታና ነ ቆማ ናሸቻ።  
 29 ታና ሞትያዎንቱ ካወሻ ማይኖ፤  
 ባረንቱ ዬላካ ኩታዳን ቁማይኖ።  
 30 ታን ታ እንጸርሳን መድና ጎዳ ዳርፕ  
 ጋላታና፤  
 ዳር አሳይ ሸቆዳሳን አ ጋላታና።  
 31 አያዉ ጎጥ፣ እ ህዬሳ ድራዉ ሞተቲ፤  
 ሀይቆ ፕርድያ አሳጥካ አ አሼ።

**110**

ጸሳይ ደራዳ ካትያ ዳውት ጸፊዳ ማዛሙርያ  
 1 መድና ጎዳይ ታ ጎዳ፤  
 “ታን ነ ሞርከቱዋ ኔን ገድያን  
 የቆ ኤቂያዋ ኦላና ጋካናዉ፤  
 ሀዋን ታፕ ኡሸቻ ባገና ኡታ”  
 ያጌዳ።  
 2 መድና ጎዳይ ነ ሞኖተላ ጸምኦ ጸኖነፕ  
 ኪታና፤  
 ያትና፣ “ሳ ሞርከቱዋ ሞዳ!” ያገና።  
 3 ኔን ነ ሞርከቱዋና ኦላትያ ጋላሰ፤  
 ነ አሳይ ኤኖ ጋና።  
 ዋንታ ጉራ ከተርሳዳን፤  
 ነ ዋዳላ አሳይ ኔኮ ጌሻ ደረቱዋን  
 ሸቃና።  
 4 መድና ጎዳይ፣ “ማልካ ጸደቅ ቄሰያ  
 ግዴዳዎዳን፤  
 ኔንካ መድናዉ ቄሰያ ግዳና” ያገደ  
 ጫቂዳ፤  
 እ ባረ ቆፋ ላመና።  
 5 ጎዳይ ነ ኡሸቻን ደኤ፤  
 ባረ ሀንቁዋ ጋላሰ እ ካተቱዋ  
 ከንቹሬላና።  
 6 ካወተላ ቦላ እ ፕርዳና፤  
 አላ ደምባቱዋካ አሃ ጸላላ ኦላና፤  
 ሳኔን ኡባን ደኤያ ካተቱዋ እ  
 መገጋሬላና።  
 7 ካቲ ኦግያ ማታን ደኤያ ሃላ ፑልቱዋፕ  
 ኡሸደ፤  
 እ ባረ ሁጲያ ዶቁ ኦላና።

**111**

ጸሳይ ሸቅያ ጋላታ  
 1 መድና ጎዳ ጋላትተ! ሱረቲቱ ሸቅያ ሸቁዋን፤  
 ታን ታ ፖሎ ዋዛናፕ መድና ጎዳ ጋላታና።  
 2 መድና ጎዳ ኦሶቲ አይ ኬሻ ግቲ!  
 ኢንቲንቲን ናሸትያዎንቱ ኡባይ ኡንቲንታ  
 ቆገናዉ በሴ።  
 3 አ ኦሶቲ ቦንቹዋን  
 አንጋን ኩሚዳዋንታ።  
 አ ጽሎተላይካ መድናዉ ደኤ።

4 እ ባረ ማላልሰያ ኦሶቲ፤  
 ሀሳየታናዳን ኦሴዳ።  
 መድና ጎዳይ ቃረትያዋን ማርያዋ።  
 5 ባረዉ ያይያዎንቶ ቁማ እ እሜ፤  
 እ ባረ ጫቁዋ መድናዉካ ቆፔ።  
 6 አላጋቱዋ ቢታ እምያዋን  
 እ ባረ ኦሶቱዋ ዋልቃ ባረ አሳ በሴዳ።  
 7 አ ኩሸያ ኦሶቲ ቱማነ ልከ፤  
 እ ዋጋቲካ ኡባይ አማነትያዋንታ።  
 8 ኡንቲንቲን መድ መድናዉ ኤቂደ  
 ደኤያዋንታ፤  
 ቱማተላን ሱረተላን እመቲዳዋንታ።  
 9 እ ባረ አሳ ዋዚደ ከሴዳ፤  
 እ ባረ ጫቁዋ ኡንቲንቲና መድናዉ  
 ዋሴዳ።  
 አ ሱንላይ ጌሻን፣ “ሆላ!” ጊሰያዋ።  
 10 ኤራተላዉ ኮይረ መድና ጎዳዉ ያይያዋ፤  
 እ ዋጋ ኦሳያዋንቶ ሎኦ አከካይ ደኤ።  
 ጸሳይ መድናዉ ጋላተቶ!

**112**

ሎኦ አሳ ናሸቻ  
 1 መድና ጎዳ ጋላትተ! መድና ጎዳዉ ያይያን፤  
 አ አዛዙዋ ፖላናዉ ዳርፕ ናሸትያ አሳይ፤  
 እንጀቲዳዋ።  
 2 አ ናናቲ ቢታን ዋልቃዎ ግዳና፤  
 ሱረ አሳቲዋ የለታይ እንጀታና።  
 3 ሻሉነ ዲረተላይ አ ጎልያን ደኤ፤  
 እ ጽሎተላይካ መድናዉ ደኤና።  
 4 ሱረ አሳዉ፤  
 ኬካ፣ ጽሎነ ቃረትያ አሳቶ፤  
 ቆማ ግደን ፖኤ ፖኤ።  
 5 ኬካተላን ጮ ታልኤያ ኡራዉ፤  
 ባረ ኦሶቱዋ ሱረተላን ኦሳያ ኡራዉ፤  
 ኬካባይ ያና።  
 6 ጽሎ አሳይ አዉደነ ኩንደና፤  
 መድናዉ እ ሀሳየታና።  
 7 ኡታባ እ ሰሶፕካ ዳጋመና፤  
 እያዉ ጎጥ፣ እ ዋዛናይ ቃጸና፤  
 መድና ጎዳን አ አማነቲ።  
 8 አ ዋዛናይ ጸላ ግደያ ድራዉ፤  
 ኡባካ እ ያየና፤  
 ዉርሰላን ባረ ሞርከቲ ጸነትና በኦና።  
 9 አ ህዬሳ አሳዉ ዳርሲደ እሜዳ፤  
 ቃይ እ ጽሎተላይ መድናዉ ደኤ፤  
 አ ካጨ ቦንቹዋን ቆቁ ጌ።  
 10 ኡታ አሳይ ሄዋ በኢደ ይሎቲ፤  
 እቻ ጋርጨደ፣ ጮ ቆዬ።  
 ኡታ አሳ አሙ ጮ አታናዋ።

**113**

ጸሳይ ኬካተላ ቆንጭሰያ ጋላታ  
 1 መድና ጎዳ ጋላትተ! ህንተኖ መድና ጎዳ  
 ቆማቶ፤

110:1 ማቶሳ 22:44፤ ማር. 12:36፤ ሉቃሳ 20:42-43፤ ከታ 2:34-35፤ 1 ቆር. 15:25፤ ኤፈ. 1:20-22፤ ቆል. 3:1፤ ኦሰራ. 1:13፤ 8:1፤ 10:12-13 110:4 ኦሰራ. 5:6፤ 6:20፤ 7:17፤ 21 111:10 ኢዮባ 28:28፤ ሉሞ. 1:7፤ 9:10 112:9 2 ቆር. 9:9

- መድና ጎዳ ሱንላ ጋላትተ!
- 2 መድና ጎዳ ሱንላይ ሀቼፕ መድና ጋካናዉ ጋላተቶ!
- 3 እዋይ ዶልያሳፕ ቢደ ዉልያሳ ጋካናዉካ መድና ጎዳ ሱንላይ ጋላተቶ!
- 4 መድና ጎዳይ ካዉተላ ኡባፕ ቦላና ሞድያዋ፤ እ ቦንቹካ ሳሎቱዋፕ ዶቂያዋ።
- 5 መድና ጎዳ ኑ ጸሳ ማል ኦኒ? እ ቦላ ዶቃን ካዉተላ አራታን ኡቴዳ።
- 6 እ ሳሎቱዋን ሳአ ጸላናዉ ዲገ ሆኬ።
- 7 እ ሀዬሳ ሳናፕ ዶቂ ኦሌ፤ መቶታንቻካ ብድንላ ፕቱዋፕ ደንሌ።
- 8 ባረ አሳ ሞድያዋንቱና ኡትሴ።
- 9 ማይን ሞሽራቶ ናናቱዋ አቶ ኦሊደ፣ ናሽቺደ እ ጎልያን እዘ ቦንቻሴ። መድና ጎዳ ጋላትተ!

### 114

ፓሰጋ ማዘሙርያ

- 1 እስራኤልያ አሳይ ግብጼ ቢታፕ ከሴዳ ዋደ፣ ያቆባ ጎልያ አሳይ፣ አላጋ ቃላን ሃሳይያ አሳ የጊደ ቤዳ ዋደ፣
- 2 ይሁዳ አሳይ ጎዳዉ ጌሻ አሳ ግዳዳ፤ እስራኤልያ አሳይካ አዉ ሞድቴድኖ።
- 3 ዞኦ አባይ ሄዋ በኢደ ባቃቴዳ፤ ዮርዳኖሳ ሻፋይካ ጉዮ ሰማዳ።
- 4 ደረቱ ዳሻቱዋዳን ቡራቂድኖ፤ ዘዘቱካ ዶርሳ ማራዳን ጉፈረቴድኖ።
- 5 አባዉ፣ ኔና ባቃትሴዳዌ እዬ? ዮርዳኖሳ ሻፋዉ፣ እያዉ ጉዮ ሰማዳ?
- 6 ህንተኖ ደረቶ፣ ዳሻቱዋዳን እያዉ ቡራቂድቴ? ህንተኖ ዘዛቶ፣ ዶርሳ ማራዳን፣ እያዉ ጉፈረቴድቴ?
- 7 ኔኖ ቢታዉ፣ ጎዳ ሰንላን፣ ያቆባ ጸሳ ሰንላን ኮኮራ።
- 8 እ ቩቻ ዜሬቶ ሃሳ ከሴዳዋ፤ ዛላ፣ ሃላ ፑልቱዋ ኦሌዳዋ።

### 115

- እት ቱሙ ጸሳ
- 1 እቤት መድና ጎዳዉ፣ ኑ ግሻ ግደና፤ ኑ ግሻ ግደናን፣ አገና ነ ሲቆዉ ነ ቱማተላ ድራዉ፣ ነ ሱንላ ቦንቻ።
- 2 ካዉተላቱ እያዉ፣ “አንቱንቱ ጸሳይ ሀቃን ደኢ?” ጊኖ?
- 3 ኑ ጸሳይ ሳሎዋና፤ እ ባረ ዶሴዳዋ እይ ግደፕካ ኦሌ።

114:1 ከሳ 12:51 114:3 ከሳ 14:21፤ ኢያሳ 3:16 135:15-18፤ ሳየ 9:20 115:13 ሳየ 11:18፤ 19:5

- 4 ሽን ኡንቱንቱ ኤቃቱ ብራነ ዋርቃ፤ አንቱንቱ አሳ ኩሽያን መግቲዳዋንታ።
- 5 ኡንቱንቶ ደናይ ደኤ፤ ሽን ሃሳይክኖ፤ አይፊ ደኤ፤ ሽን ጼልክኖ።
- 6 ኡንቱንቶ ሀይላይ ደኤ፤ ሽን ሰሰክኖ፤ ሲዲ ደኤ፤ ሽን ሰንግክኖ።
- 7 ኡንቱንቶ ኩሺ ደኤ፤ ሽን ኦይቂ ኤርክኖ፤ ገዳካ ደኤ፤ ሽን ሀመትክኖ፤ አንቱንቱ ባረንቱ ፕላንቲያና ኮሻ ሰሰክኖ።
- 8 ኡንቱንታ መድያዋንቱ፣ አንቱንቱን አማንቲያዋንቱ ኡባይ አንቱንቱ ማላ ግድኖ።
- 9 ህንተኖ፣ እስራኤልያ አሳቶ፣ መድና ጎዳን አማንትተ!
- እ ህንተና ማድያዋን ህንተ ጎንዳልያ።
- 10 ህንተኖ፣ አሮና ጎልያ አሳቶ፣ መድና ጎዳን አማንትተ!
- እ ህንተና ማድያዋን ህንተ ጎንዳልያ።
- 11 ህንተኖ፣ መድና ጎዳዉ ያይያዋንቶ፣ መድና ጎዳን አማንትተ!
- እ ህንተና ማድያዋን ህንተ ጎንዳልያ።
- 12 መድና ጎዳይ ኑና ቆፔ፤ እ ኑና አንጃና። እ እስራኤልያ አሳቱዋ አንጃና።
- እ አሮና ጎልያ አሳቱዋ አንጃና።
- 13 መድና ጎዳዉ ያይያዋንታ፣ ጉላቱዋካ ግታቱዋካ እ ጋላ አንጃና።
- 14 መድና ጎዳይ ህንተናካ ህንተ ናናቱዋካ ደርሶ!
- 15 ሳሎዋን ሳአ መዴዳ መድና ጎዳን አንጃትተ!
- 16 ቦላ ዶቃ ሳሎ መድና ጎዳዋ፤ ሽን ሳአ እ አሳዉ አማዳ።
- 17 ሀይቂዳዋንቱ፣ ዲፉዋን ጮኤ ጌዳዋንቱ፣ መድና ጎዳ ጋላትክኖ።
- 18 ሽን ኑን፣ ፓጸ ደእያዋንቱ፣ ሀቼፕ ደማደ መድና ጋካናዉ መድና ጎዳ ጋላቴቶ።

መድና ጎዳ ጋላትተ!

### 116

ሀይቂዋፕ አቴዳ አሳ ጋላታ

- 1 እ ታ ኮሻን ታ ዋትዋቱዋ ሰሴዳ ድራዉ፣ ታን መድና ጎዳ ሲቃይ።
- 2 እ ባረ ሀይላ ታኮ የጌዳ ድራዉ፣ ታን ፓጸ ደኤዳ ከናን ኡባን አ ጸሳና።
- 3 ሀይቂ ጸርያዳን ታና ኦይቃናዉ ሀይዳ፤ ሞገታና ሀርጋይ ታና ኢሴዳ። ታና ኡንእይ ቶሌዳ።
- 4 ሄ ዋደ ታን፣ “እቤት መድና ጎዳዉ፣ ሀዳራ! ታና አሻ” ያጋደ መድና ጎዳ ሱንላ ጸሳድ።

114:8 ከሳ 17:1-7፤ ፓይ. 20:2-13 115:4 ማዘ.

5 መጅና ጎዳይ ከካነ ጽሉዋ፤  
 ኑ ጸሳይ ቃረትያዋ።  
 6 መጅና ጎዳይ አሸከ ዋዛናይ ደእያዋንታ  
 ናጌ፤  
 ታን መቶቴዳ ዋደ፤ እ ታና አሼዳ።  
 7 ታ ሸሞፓቴ፤ ሰሞ ዋፑ ጋ፤  
 እያወ ጎፕ፤ መጅና ጎዳይ ነዉ ኬኬዳ።  
 8 መጅና ጎዳይ ታና ሀይቁዋፕ፤  
 ታ አይፍያ አፎላፕ፤  
 ታ ገድያካ ጭብያፕ አሼዳ።  
 9 ሄዋ ድራዉ፤ ታን፤  
 ፓጸ ደእያዋንቱ ግደን፤  
 መጅና ጎዳ ሰንላን ሀመታይ።  
 10 ታን፤ “ታና ኤንአይ ቶሌዳ” ግያ ዋደካ፤  
 ታ አማኑዋ አጋበይከ።  
 11 ታን ዳጋማደ፤ “አሳይ ኡባይ ዋርዱዋ”  
 ያጋድ።  
 12 እ ታዉ ኬኬዳ ከካተላ ድራዉ፤  
 ታን መጅና ጎዳዉ አይ ጭጋናዉ  
 ዳንዳያይታ።  
 13 ታን ጸኣ ዋይንያ ኤሳ ጋላታዉ ሺሻደ፤  
 እ ታና አሾ ድራዉ፤  
 መጅና ጎዳ ሱንላ ጼሳና።  
 14 እ አሳ ኡባ ሰንላን  
 ታን ቃንግያ መጅና ጎዳዉ ጋላና።  
 15 ጌሻቱዋ ሀይቁ መጅና ጎዳ ሰንላን፤  
 ሎይሰ ዳርፕ ቦንቹቴዳዋ።  
 16 አቤት መጅና ጎዳዉ፤ ታን ነ ቆማ፤  
 ኤ፤ ታን ነ ቆማ፤ ነ ቆማት ናአ።  
 ታና ቃሹዋፕ ኔን ብላዳ።  
 17 አቤት መጅና ጎዳዉ፤  
 ታን ጋላታ ያርሹዋ ነዉ ያርሻና፤  
 ነ ሱንላ ጼሳና።  
 18 አሳ ኡባ ሰንላን፤  
 ታን ቃንገቱዳ ቃንገላ መጅና ጎዳዉ  
 ጋላና።  
 19 ሄዋካ ታን ጋላናዋ፤  
 የሩሳላመን ደእያ መጅና ጎዳ ጎልያ  
 ዳባባና።

መጅና ጎዳ ጋላትተ!

### 117

ጋላታ ጼሳ  
 1 ካዉተላቶ ኡባቶ፤ መጅና ጎዳ ጋላትተ!  
 አሳይ ኡባይ፤ አ ግታይተ!  
 2 እያዉ ጎፕ፤ አገና አ ሲቁ ኑዉ ዋልቃማ፤  
 መጅና ጎዳይ መጅናዉካ አማነትያዋ።

መጅና ጎዳ ጋላትተ!

### 118

ጸኖ ሺቆ ጋላታ

1 መጅና ጎዳ ጋላትተ! እያዉ ጎፕ፤ እ ኬካ።  
 አገና አ ሲቁ መጅናዋ።  
 2 እሰራኤልያ አሳይ፤  
 “አገና አ ሲቁ መጅናዋ” ያን።  
 3 አርና ጎልያ አሳይ፤  
 “አገና አ ሲቁ መጅናዋ” ያን።  
 4 መጅና ጎዳዉ ያይያዋንቱ ኡባይ፤  
 “አገና አ ሲቁ መጅናዋ” ያግኖ።  
 5 ታን ኡንኤቴዳ ዋደ መጅና ጎዳዉ ዋሳድ፤  
 እ ታ ዋሱዋ አሊደ፤ ታና ላኦ ከሴዳ።  
 6 መጅና ጎዳይ ታናና ደእያ ድራዉ፤  
 ታን ያይከ።  
 አሰ ታና አይ ኑላ?  
 7 መጅና ጎዳይ ታና ማዳናዉ ታናና ደኤ፤  
 ታ ሞርከቱ ጸነቴዳዋንታ ታን በአና።  
 8 አሳን አማነትያዋፕ፤  
 መጅና ጎዳኩ ባቃትያዌ ሎአ።  
 9 ዳናቱዋን አማነትያዋፕ፤  
 መጅና ጎዳኩ ባቃትያዌ ሎአ።  
 10 ካዉተላቱ ኡባይ ታና ድድ ኦይቄድኖ፤  
 ሸን መጅና ጎዳ ሱንላን ታን ኡንቱንታ  
 ጸናድ።  
 11 ኡንቱንቱ ታና ደዳድኖ፤  
 ኡባ ሳና ድድ ኦይቄድኖ፤  
 ሸን መጅና ጎዳ ሱንላን ታን ኡንቱንታ  
 ጸናድ።  
 12 ኡንቱንቱ ማላይ ደድያዋዳን፤  
 ታ የሹዋን ደዳድኖ።  
 ሸን አኩንላይ ታማን ኤጾያዋዳን  
 ኤጾ ጳዬድኖ።  
 መጅና ጎዳ ሱንላን ታን ኡንቱንታ ጸናድ።  
 13 ታና ሱግ የግና፤ ኩንዳና ሀሰይ፤  
 ሸን መጅና ጎዳይ ታና ማዳዳ።  
 14 መጅና ጎዳይ ታዉ ዋልቃን ሞኖተላ፤  
 እ ታና አሸያዋ ግዴዳ።  
 15 ኦላ ጸኒደ ሰሞያ አሳይ፤  
 ጽሎቱዋ ዲንካንያን ሆሞቦጪደ፤  
 ግያዋ ሰሰተ።  
 ኡንቱንቱ፤ “መጅና ጎዳ ኡሸቻ ኩሺ  
 ዋልቃማባ ኦሌዳ!  
 16 መጅና ጎዳ ኡሸቻ ኩሺ ጸኑዋ አሜዳ!  
 መጅና ጎዳ ኡሸቻ ኩሺ ዋልቃማባ  
 ኦሌዳ!” ያገኖ።

17 ታን ሀይቁከ፤  
 ፓጸ ደእናነ መጅና ጎዳይ ኦሌዳዋ  
 አዋያና።  
 18 መጅና ጎዳይ ታና ኢታ ሙሩዋ  
 ሙራ፤  
 ሸን ሀይቆ አሊደ እምቤና።  
 19 ታን ግደ ገላደ መጅና ጎዳ ጋላታና ማላ፤  
 ጌሻ ጎልያ ፕንገቱዋ አነ ታዉ ደይተ።  
 20 ሀዌ መጅና ጎዳ ፕንግያ፤  
 ሀ ፕንግያና ጽሎቱዋ ጸላላይ ገሊኖ።  
 21 ኔን ታና ሰሴዳ ድራዉነ

116:10 2 ቆር. 4:13 117:1 ሮሙ 15:11 118:1 1 ኦዲዋ 16:34፤ 2 ኦዲዋ 5:13፤ 7:3፤ እዛራ 3:11፤ ማዝ. 100:5፤ 106:1፤ 107:1፤ 136:1፤ ኤር. 33:11 118:6 አብራ. 13:6 118:14 ከሳ 15:2፤ ኢሳ. 12:2



ጸኑዋ እሜዳ ድራው፥  
 ታን ኔና ጋላታይ።  
 22 ግምቢያዎንቱ ካጲዳ እጹዳ ሹቻይ፥  
 ጎዳ ጸጹዋ ምንሰያ፥ ኡባጥ አድያ ሹቻ  
 ግዴዳ።  
 23 ሀዌ መድና ጎዳይ ኦሌዳዎ፤  
 ቃይ ኑ አይፍያውካ ማላልሰያዎ።  
 24 ሀዌ ጋላሳይ መድና ጎዳይ መዴዳ ጋላሳ።  
 እነ ኑን እን ላሽቶይተን እልሎይተ።  
 25 አቤት መድና ጎዳዉ፥ ሀእ ኑና አሻርኪ!  
 አቤት መድና ጎዳዉ፥ ሀእ ኑው  
 አንጀያርኪ!  
 26 መድና ጎዳ ሱንላን ይያ አሳይ አንጀቲዳዎ  
 ግዴ!  
 ኑን መድና ጎዳ ጌሻ ጎልያጥ ህንተና  
 አንጀቶ።  
 27 መድና ጎዳይ ጸሳ፤ እ ኑ ቦላን ፖእሴዳ።  
 እርጸ ታሽያ ኦይቂድ፥ አያና ጋላሳ  
 ቦንቶተ፤  
 ያርሹዋ ቦላን ደእያ ካጭያኩ አድተ።  
 28 ኔን ታ ጸሳ፤ ታን ኔና ጋላታና።  
 ኔን ታ ጸሳ፤ ታን ኔና ግታያና።  
 29 መድና ጎዳ ጋላትተ! እያው ጎጥ፥ እ ኬካ፤  
 አገና አ ሲቁ መድናዎ።

### 119

ጸሳ ህግያው እመቲዳ ሳባ  
 አለፍ

1 ባርንቱ ኦግያን ቶሺ ባይናዋንቱ፤  
 መድና ጎዳ ህግያዳን ሀመትያዋንቱ፥  
 አንጀቲዳዋንታ።  
 2 እ ኦዴዳዎ አልያዋንቱ፤  
 ባርንቱ ኩመንላ ዋዛናጥ አ ሲቅያዋንቱ፥  
 አንጀቲዳዋንታ።  
 3 ኡንቱንቱ ባላባ ኦልክኖ፤  
 ጸሳ ኦግያን ሀመቲኖ።  
 4 ነ ዋጋው አማነቲድ ናጋና ማላ፥  
 ኔን ኑና አዛዛዳ።  
 5 ነ አዋዮ አዛዛትያዋን  
 ታ ኦጊ ሞናናዳን አሞታይ።  
 6 ያቶጥ፥ ነ አዛዛዋ ኡባ ሀይዛድ፥  
 ታን ኡባካ ይላትከ።  
 7 ነ ጽሎ ፕርዳ ታማራይ፥  
 ታን ኔና ሱረ ዋዛናጥ ጋላታና።  
 8 ታን ነ አዋዩዋዳን ኦላና፤  
 ታና ኡባካ የጎጋ።  
 ቤት  
 9 ያላጋይ ባር ኦግያ ጌሻ ኦሊደ  
 ዋት ናጋናው ዳንዳዪ?  
 ነ ቃላይ ግያዋዳን ደኦጥ ዳንዳዬ።  
 10 ታን ታ ፖሎ ዋዛናጥ ኔና ኮያይ፤  
 ነ አዛዛቱዋጥ ዋራ ሀመተናዳን ታና ናጋ።  
 11 ታን ኔና ናቀናዳን  
 ነ ቃላ ታ ዋዛናን ዋላድ።  
 12 አቤት መድና ጎዳዉ፥ ኔን ጋላተታ!  
 ነ አዋዩዋ ታና ታማርሳ።

13 ነ ደናጥ ከሴዳ ፕርዳ ኡባ፥  
 ታን ታ አንጻርሳን ኦዴይ።  
 14 ዱረተላን ናሽትያዋዳን፥  
 ታን ኔን ኦዴዳ ቃላን ናሽታይ።  
 15 ነ ዋጋቱዋ ዛራ ዛራይ ቆጋይነ  
 ነ ኦግያ ሎይላ እኬካይ።  
 16 ታን ነ አዋዩዋን ናሽታይ፤  
 ነ ቃላካ ታን ደግከ።  
 ጋሜል  
 17 ታን ገጸ ደእና ማላን  
 ነ ቃላው እዛዛታና ማላ፥  
 ታው ነ ቆማው ኬካባ ኦላ።  
 18 ነ ህግያ ግደን ደእያ ማላልሰያ ቱማተላ፥  
 ታን በአና ማላ፥ ታ አይፍያ ደያ።  
 19 ታን ሀ ሳእን አማላ፤  
 ነ አዛዛቱዋ ታጥ ገንላጋ።  
 20 ታን ኡባ ዋድ፥  
 ነ ፕርዳ ሎይላ ላሞታይ።  
 21 ኡቶረትያዋንቱ፥ ሽቀቲዳዋንታ፥  
 ነ አዛዛዋጥ ዋራ ሀመትያዋንታ፥  
 ኔን ሴራሳ።  
 22 ታን ኔን ኦዴዳዎ ኦሊደ ድራው፥  
 ኡንቱንቱ ቦርያን ኡንቱንቱ ካድያ ታ  
 ቦላጥ ድጋ።  
 23 ሀራይ አቶ ካጋቱ ሽቂድ፥  
 ታ ቦላ ማቀቶጥካ፥  
 ታን፥ ነ ቆማይ፥ ነ አዋዩዋ ዛራ ዛራደ  
 ቆጋና።  
 24 ኔን ኦዴዳ ቃላቱ ታና ናሽቲኖ፤  
 ኡንቱንቱ ታና ዞሪኖ።  
 ዳሌጽ  
 25 ታን ሀይቃና ሀሪይ፤  
 ኔን ጌዳ ቃላዳን ታ ሸምጥዋ አሻ።  
 26 ታን ታ ኦግያዎ ነው ኦድና፥  
 ኔን ታና ሰሳዳ፤  
 ሰም፥ ነ አዋዩዋ ታና ታማርሳ።  
 27 ነ ዋጋ ኦግያ ታና እኬክሳ፤  
 ማላልሰያ ነ ኡቡዋ  
 ታን ዛራ ዛራደካ ቆጋና።  
 28 ካዩ ዳሬዳዋን ታ ሸምጥ ዳቡራዳ፤  
 ኔን ጌዳ ቃላዳን ታና ምንሳ።  
 29 ዋርድ ኦግያ ታጥ ሃሳ፤  
 ነ አዶ ኬካተላን ነ ህግያ ታና ታማርሳ።  
 30 ቱሙዋ ኦግያ ደራድ፤  
 ነ ፕርዳ ሀይዛድ።  
 31 አቤት መድና ጎዳዉ፥ ታን  
 ኔን ኦዴዳዎ ምንሳ ኦይቃድ፤  
 ሰም ታና ይላዮጋ!  
 32 ኔን ታ ዋዛና ላእ ከሴዳ ድራው፥  
 ታን ነ አዛዛዋ ኦግያን ዋጸይ።  
 ህ  
 33 አቤት መድና ጎዳዉ፥ ነ አዋዩዋ ብላላ  
 ታና ታማርሳ፤  
 ታን መርሰሳይ ጋካናው አ ናጋና።  
 34 ታን ነ ሀግያ ናጋና ማላን  
 ታ ኩመንላ ዋዛናጥ ታን አው አዛዛታና  
 ማላ፥

118:22 ሉቃሳ 20:17፤ ኪታ 4:11፤ 1 ጳጳ. 2:7 118:22 ማቶሳ 21:42፤ ማር. 12:10-11 118:25 ማቶሳ 21:9፤ ማር. 11:9፤ ዮሀ. 12:13 118:26 ማቶሳ 21:9፤ 23:39፤ ማር. 11:9፤ ሉቃሳ 13:35፤ 19:38፤ ዮሀ. 12:13

ኔን ታወ እኩካ እማ።  
 35 ነ አዛዙቀ ኦግያን ታና ካለፋ፤  
 እያዉ ጎጥ። ታን እን ናሽታይ።  
 36 ታ ዋዛና እመቀኮ ግደናን።  
 ኔን ኦዴዳ ቃላኮ ዛራ።  
 37 ፓፍናባ ጸለና ማላ።  
 ታ እይፈቱቀ ተለ፤  
 ነ ኦግያን ታ ደኡቀ ኦራፋ።  
 38 ኔን ያየታና ማላ።  
 ኔን ገሎ ቃላ ታዉ።  
 ነ ቆማዉ ፖላ።  
 39 ያሽያ ቦርያ ታጥ ድጋ።  
 ነ ፕርዳይ እይ ማላ ሎኤ!  
 40 ታን ነ ዋጋ ናጋናዉ እዋታይ፤  
 ኔን ጽሉቀ ግድያ ድራዉ።  
 ታ ደኡቀ ኦራፋ።  
 41 እቤት መጅና ጎዳዉ። እገና ነ ሲቁቀ ታና  
 በሳ፤  
 ኔን ጌዳ ቃላዳን ታና አሻ።  
 42 ታን ነ ቃላን እማነትያ ድራዉ።  
 ታና ቦርያዋንቶ ዛራናዉ ዳንዳያይ።  
 43 ታን ነ ፕርዳን ናሽቻ ኦልያ ድራዉ።  
 ታ እንጸርሳጥ ቱማተፋ ቃላ ቆይሶፓ።  
 44 ታን ኡባ ገደ። መጅ መጅናዉካ  
 ነ ሀግያዉ እዛዘታና።  
 45 ታን ነ ዋጋ ፖልያ ድራዉ።  
 እኩቀን ሀመታና።  
 46 ታን ካተቱቀ ሰንፋን ኤቃደ።  
 ኔን ኦዴዳባ ኦዴይ ዬላትከ።  
 47 ታን ደሰያ ነ አዛዙቱቀን ናሽታይ  
 48 ታን ሲቅያ ነ አዛዙቱቀ ቦንቻይ፤  
 ነ አዋዩቀካ ዛራ ዛራደ ቆፓና።  
 ዛዉ  
 49 ኔን ታዉ። ነ ቆማዉ።  
 እማዳ ቃላ ቆፓ፤  
 ሄ ቃላን ታን ሄደታ ኦላይ።  
 50 ኔን። “ታን ኔና ፓጸ ዋላና”  
 ጌዳ ቃላይ ታ ቱጋ ዋደ ታና ሞን።  
 51 ኦቶራንቻቱ ታና ለክያፕ አሊደ ሸቁና፤  
 ሸን ታን ነ ሀግያፕ ሸርእ ጊከ።  
 52 እቤት መጅና ጎዳዉ። በኒደፕ ደእያ ነ  
 ፕርዳ ታን ሀሳያይ፤  
 ሄዋን ታን ሞነታይ።  
 53 ኢታቱ ነ ሀግያዉ እዛዘተናዋ በእና።  
 ዬሌ ታና ዋጄዳ።  
 54 ታን ደእያ አላጋ ቢታን።  
 ነ አዋዩ ታዉ የላ ግዴዳ።  
 55 እቤት መጅና ጎዳዉ። ታን ቃማ ነ ሰንፋ  
 ቆፓይ፤  
 ነ ሀግያካ ናጋይ።  
 56 ነ ዋጋዉ እዛዘትያዌ ታዉ እንጅ ግዴዳ።  
 ሄት  
 57 እቤት መጅና ጎዳዉ። ታና ጋኬዳ ሳማይ  
 ኔና፤  
 ታን ነ ቃላዉ እዛዘታና ያጋይ።  
 58 ታን ታ ኩመንፋ ዋዛናፕ ኔና ዋሳይ።  
 ኔን ጌዳ ቃላዳን ታዉ ቃረታ።  
 59 ታን ታ ኦግያ እኩካ ጸላደ።  
 ኔን ኦዴዳባኮ ሰማድ።

60 ታን ነ አዛዙቀ ናጋናዉ።  
 ኤሌላናፕ አትና ታክከ።  
 61 ኢታቱ ታና ዋደዲቀን ቃቾፕካ።  
 ታን ነ ሀግያ ደጋበይከ።  
 62 ነ ጽሎ ፕርዳ ድራዉ። ኔና ጋላታናዉ።  
 ታን ቃማ ብላሄ ደንዳይ።  
 63 ታን ነዉ ያይያዋንቱ ኡባዉን  
 ነ ዋጋ ናግያዋንቶ ደቦ።  
 64 እቤት መጅና ጎዳዉ። ሳእይ  
 እገና ነ ሲቁቀን ኩሜዳ፤  
 ነ አዋዩቀ ታና ታማርሳ።  
 ጴት  
 65 እቤት መጅና ጎዳዉ። ነ ጌዳ ቃላዳን።  
 ታዉ ነ ቆማዉ ከካባ አላዳ።  
 66 ታን ነ አዛዙቱቀን እማነትያ ድራዉ።  
 ሎኤ ፕርዳን ኤራተፋ ታና ታማርሳ።  
 67 ታን መራረታናፕ ካሰ ዋራ ሀመታድ፤  
 ሸን ሀእ ነ ቃላዉ እዛዘታይ።  
 68 ኔን ከካ፤ ኔን ከካባ አላሳ፤  
 ነ አዋዩቀ ታና ታማርሳ።  
 69 ኦቶራንቻቱ ታና ዋርዲቀ ኦኪና፤  
 ሸን ታን ነ ዋጋ ታ ኩመንፋ ዋዛናፕ  
 ናጋና።  
 70 ኡንቱንቱ ዋዛናይ ኡባካ ደንጭሎቀንታ፤  
 ሸን ታን ነ ሀግያን ናሽታይ።  
 71 ታን መራረቱዳዌ ታዉ ሎኤዳ፤  
 እያዉ ጎጥ። ነ አዋዩቀ ታማራናዉ ታና  
 ማዴዳ።  
 72 ዳር ሻኤ ዋርቃፕ ነ ብራፕ።  
 ነ ደናፕ ከሴሳ ሀጊ ታዉ አዴ።  
 ዮድ  
 73 ታና ነ ኩሺ መጄዳን ገግሴዳ።  
 ነ አዛዙቀ ታን ታማራና ማላ።  
 ታዉ እኩካ እማ።  
 74 ታን ነ ቃላን ሀደታ ዋልያ ኦልዳ ድራዉ።  
 ነዉ ያይያዋንቱ ታና በኢደ ናሽቶና።  
 75 እቤት መጅና ጎዳዉ። ነ ፕርዳይ ጽላ  
 ግድያዋን  
 ኔን እማነቱዳዋ ግድ ድራዉ ታና  
 መራዳዋ ኤራይ።  
 76 ኔን ታዉ ነ ቆማዉ ጌዳ ቃላዳን።  
 እገና ነ ሲቁ ታና ሞንሶ።  
 77 ታን ፓጸ ደእና ማላ። ታዉ ቃረታ፤  
 እያዉ ጎጥ። ነ ሀጊ ታና ናሽቶና።  
 78 ኦቶራንቻቱ ዋርዲቀን  
 ታና ሞትያ ድራዉ። ዬላትና።  
 ታና ግደፕ። ታን ነ ዋጋቱቀ  
 ዛራ ዛራደ ቆፓይ።  
 79 ነዉ ያይያዋንቱን።  
 ኔን ኦዴዳባ ኤርያዋንቱ ኡባይ።  
 ታኮ ዪና።  
 80 ታን ዬላተና ማላ።  
 ነ አዋዩ እዛዘትያዋን  
 ቶሺ ባይናዋ ግዳርክታ!  
 ካፍ  
 81 ኔን ታና አሻና ማላ።  
 ታን ናጋደ ዳቡራይ፤  
 ታን ነ ቃላን ሀደታ ኦላይ።  
 82 ኔን ጌዳ ቃላይ ፖለትና

በእናው ጸሊድ፣ ታ አይፊ ጋልጄዳ።  
 ታን፣ “ኔን ታና አውደ ሞን ላኒሻ?” ያጋይ።  
 83 ጩታን ካቁዳ ኦጎረዋ ግዳደ ጉንዳድ፤  
 ግድገና፣ ነ አዋዩዋ ባልከ።  
 84 ታን ነ ቆማይ አውደ ነካናው ናን?  
 ታና የደርሰያዋንታ ኔን አውደ ፕርዳኒ?  
 85 ነ ህግያ ናገና ኦቶራንቻቱ፣  
 ታና ኩድሳና ጊደ፣ ታው ኦላ ቦኪኖ።  
 86 ነ አዛዙቱ ኡባይ አማንሰያዋንታ።  
 ታና አሳቱ ዋርዳዋን የደርሰያ ድራው፣  
 ሀእ ታና ማዳ!  
 87 ኡንቱንቱ ታና ዋድ ድጉድኖሽን፤  
 ታን ነ ዋጋ አጋባይከ።  
 88 አገና ነ ሲቁዋን ታ ደኡዋ ናጋ፤  
 ሄዌን፣ ኔን ነ ደናፕ ኦዳዳዋ ታን ናጋናሳ።  
 ሳሚድ  
 89 አቤት መድና ጎዳው፣ ነ ቃላይ መድናሳ፤  
 እካ ሳሉዋን ምኒደ ደኤ።  
 90 ኔን የለታፕ የለታ ጋካናው አማንትያዋ።  
 ኔን ሀ ሳኦ ሳሳደ ኤሳዳ፤  
 እካ ምኒደ ደኤ።  
 91 ኔን ጌዳዋዳን ኡባባይካ  
 ሀቕ ጋካናው ምኒደ ደኤ፤  
 እያው ጎፕ፣ ኡባቱካ ነ ቆማቱዋ።  
 92 ነ ሀጊ ታና ናሽቕያባ ግደንጎቶ፣  
 ታ ቱጋ ዋደ ታን ጳያና ሽን።  
 93 ነ ዋጋ ኡባካ ደግከ፤  
 እያው ጎፕ፣ ኔን አን ታና ፓጻ ዋላዳ።  
 94 ታን ነዋቱ፤ ታና አሻ፤  
 እያው ጎፕ፣ ታን ነ ዋጋ ናጋናው ኮያይ።  
 95 ኡታቱ ታና ጳይሳናው ኩኩሊደ ናጊኖ፤  
 ሽን ታን ኔን ኦዳዳዋ ቆጋይ።  
 96 ፖሎ ጌተቶባው ኡባባው ዛዋይ ደእያዋ ታን  
 በእድ፤  
 ሽን ነ ህግያው ዛዋይ ባዋ።  
 ማም  
 97 ታን ነ ህግያ ዋታ ደሳይታ!  
 ጋላሳ ኩመንሳ ታን ቆፕያዋ አ።  
 98 ነ አዛዙቱ ኡባ ዋደካ ታናና ደእያ ድራው፣  
 ኡንቱንቱ ታና ታ ሞርከቱዋፕ አዴዳ  
 ኤራንቻ ከሲና።  
 99 ታን ኔን ኦዳዳዋ ቆፕያ ድራው፣  
 ታና ታማርሴዳ ኡባፕካ አዴዳ አኬካይ  
 ታው ደኤ።  
 100 ታን ነ ዋጋው አዛዙን ድራው፣  
 ጭማቱዋፕ አላደ አኬካይ።  
 101 ታን ነ ቃላው አዛዙን ድራው ኮይያ ድራው፣  
 ታ ገድያ ኡታ ኦግያ ኡባፕ ናጋድ።  
 102 ኔን ታና ታማርሴዳ ድራው፣  
 ታን ነ ፕርዳፕ ዋራ ባባይከ።  
 103 ነ ቃላይ እያ ማልኢ!  
 ኤሳ አልሉዋፕካ አዲደ፣  
 ታ ደናን ማልኤ።  
 104 ነ ዋጋፕ አኬካ ደማድ፤  
 ሄዋ ድራው፣ ታን ጌላ ኦግያ ኡባ እጻይ።  
 ናን  
 105 ነ ቃላይ ታ ገድያው ጸምፕያ፣  
 ታ ኦግያውካ ፖኡዋ።  
 106 ነ ጽሎ ፕርዳዳን ደእናው፣  
 ታን ጫቁዳ ጫቁዋ ምንላና።

107 ታን ዳር ቱጋታድ፤  
 አቤት መድና ጎዳው፣ ኔን ጌዳ ቃላዳን  
 ታና ፓጻ ዋላ።  
 108 አቤት መድና ጎዳው፣ ታ ደናፕ ከሰያ  
 ጋላታ፣ ያርሹዋ እካ፤  
 ታና ፕርዳ ታማርሳ።  
 109 ታ ሸምፕ መቱዋ ቦላ ደእንቶካ፣  
 ታን ነ ህግያ ደግከ።  
 110 ኡታቱ ታው ግትያ የጌድኖ፤  
 ሽን ታን ነ ዋጋፕ ሸርእ ጋባይከ።  
 111 ኔን ኦዳዳባይ መድናው ታዋ፤  
 ኤ፣ አ ታ ዋዛናው ናሽቕ።  
 112 ታን መድናው፣ ወርሰላ ጋካናው  
 ነ አዋዩዋዳን ኦላናው ቃቻድ።  
 ሳምከት  
 113 ታን ላኡ ቆላይ ደእያ አሳቱዋ እጻይ፤  
 ሽን ነ ህግያ ሲቃይ።  
 114 ኔን ታው ቆሰታ አትያ ሳነ  
 ታ ጎንዳልያ፤  
 ታን ነ ቃላን ሀደታ አላይ።  
 115 ታን ታ ጸሳ አዛዙዋ ናጋና ማላ፣  
 ሀንተኖ፣ ኡታባ አልያዋንቶ፣  
 ታፕ ሄክተ!  
 116 ኔን ጌዳ ቃላዳን ታና ሞንሳ፤  
 ያቶፕ፣ ታን ፓጻ ደእና።  
 ታን ሀደታን ናግያባን ታና ዬላዮፕ።  
 117 ታና ዘምፕሳ፤ ያቶፕ፣  
 ታን ሳር ደእና፤  
 ታን ኡባ ዋደ ነ አዋዩዋ ሀይዛና።  
 118 ነ አዋዩዋፕ ዋራ ብያዋንታ ኡባ ኔን አካካ፤  
 ኡንቱንቱ ጭሙ ጮ ሙላ።  
 119 ሳኦን ደእያ ኡታቱዋ ኡባ  
 ኔን ፕቱዋዳን ፓይዳሳ፤  
 ሄዋ ድራው፣ ታን ኔን ኦዳዳባ ሲቃይ።  
 120 ታ ቦላይ ነው ያደደ ኮኮራዳ፤  
 ታን ነ ፕርዳው ያያይ።  
 ኤ  
 121 ልከባን ጽሎባ ኦላድ፤  
 ታና ኡቁንያዋንቶ ኦሎፕ።  
 122 ታና ነ ቆማ ማዳናው ዋሰ ግዳ፤  
 ታና ኦቶራንቻቱዋን ኡቁንሰፕ።  
 123 ኔን፣ “ኔና አሻና”  
 ጌዳ ጽሎ ቃላ ፖሎ ጋደ ናግሽን፣  
 ታ አይፊ ጋልጄዳ።  
 124 ታው፣ ነ ቆማው፣ ኔን  
 አገና ነ ሲቁዋዳን ኦላ፤  
 ነ አዋዩዋካ ታና ታማርሳ።  
 125 ታን ነ ቆማ፤  
 ኔን ኦድያባ ታን ኤራና ማላ፣  
 አኬካ ታው አማ።  
 126 አቤት መድና ጎዳው፣ አሳቱ  
 ነ ህግያ መንሴዳ ድራው፣  
 ኔን ፕርዳና ዋዲ ሀእ።  
 127 ታን ነ አዛዙዋ  
 ዋርቃፕ አላደ ሲቃይ፤  
 ኤ፣ ጌሻ ዋርቃፕካ አላደ ሲቃይ።  
 128 ሄዋ ድራው፣ ታን  
 ነ ዋጋቱ ኡባይ ግያዋዳን ሀመታይ፤  
 ጌላ ኦግያ ኡባ ታን እጻይ።

T

129 ኔን ኦዴዳባይ ማላልሰያባ፤  
 ሃዋ ድራው፡ ታን እው አዛዘታይ።  
 130 ነ ቃላ ብለላይ ፖኤዋ እሚ፤  
 እኩካይ ፓጩዳዋንቶ እኩካ እሚ።  
 131 ታን ነ አዛዘ፡  
 ዳር ሳመታደ ታ ደና ደያይ።  
 132 ሃ ታኮ ሰማ፤  
 ነ ሱንላ ሲቅያዋንቱ ኡባው  
 ኔን ኦልያዋደን ታውካ ቃረታ።  
 133 ኔን ጌዳ ቃላዳን  
 ታ ሃመታ ሱርሳ፤  
 እይ ናጋራይ ነ ታና ሞዶ።  
 134 ታን ነ ዋጋው አዛዘታናው፡  
 ታና ኡቁኔዳዋንቱ ኩሽያፕ ዋዛ።  
 135 ታ ቦላ፡ ነ ቆማ ቦላ፡  
 ነ ሰምኤዋ ፖእሳ፤  
 ነ አዋዩዋካ ታማርሳ።  
 136 ነ ሀግያው አሳይ አዛዘትቤና ድራው፡  
 ታ እይፍያፕ አርሳይ ሻፋዳን ጎጌ።  
 137 አቤት መድና ጎዳው፡ ኔን ጽሉዋ፤  
 ነ ፕርዳይካ ልከ።  
 138 ኔን ኦዴዳባይ  
 ጽሉዋን ኡባ እማነትያዋ።  
 139 ታ ሞርከቱ ነ ቃላ ቶቼዳ ድራው፡  
 ነ ቃላ ሞሹ ታ ጎሞፓን ኤጽ ከሴዳ።  
 140 ኔን ጌዳ ቃላይ ዳርፕ እማነትያዋ፤  
 ታን፡ ነ ቆማይ እ ሲቃይ።  
 141 ታን ጉላን ካፍቱዳ አሳ፤  
 ግደፕ፡ ታን ነ ዋጋ ደግከ።  
 142 ነ ጽሎተላይ መድናው ደኤ፤  
 ነ ሀገካ ቱማ።  
 143 መቱክ ቱጋይ ታና ጋኬዳ፤  
 ሽን ነ አዛዘቱ ታና ናሽቼና።  
 144 ኔን ኦዴዳባይ መድናውካ ጽሉዋ፤  
 ታን ፓጻ ደአና ማላ፡ እኩካ ታው እማ።  
 145 አቤት መድና ጎዳው፡ ኩመንላ ዋዛናፕ፡  
 ነው ዋሳድ፤ ታው አላ።  
 ታንካ ነ አዋዩዋ አዛዘታና።  
 146 ታን ነው ዋሳድ፤ ታና አሻ፤  
 ታንካ ኔን ኦዴዳባ ኦላና።  
 147 ጻልቁ ደለና ጉራን ደንዳደ፡  
 “ታና ማዳ” ጋይ ነው ዋሳይ።  
 ኔን ታው ጌዳ ቃላን ሀይታ ኦላይ።  
 148 ነ ቃላባ ዛራ ዛራይ ቆፓናው፡  
 ቃማ ኡታ አቃይ።  
 149 አቤት መድና ጎዳው፡  
 አገና ነ ሲቁዋ ድራው፡ ታዋ ሰሳ፤  
 ነ ጽሎ ፕርዳዳን ታና ፓጻ ዋላ።  
 150 አታባው ታና የደርሰያዋንቱ፡  
 ታኮ ማቱድና፤  
 ኡንቱንቱ ነ ሀግያፕ ሃኪና።  
 151 ሽን አቤት መድና ጎዳው፡  
 ኔን ታ ማታን ደኤሳ፤  
 ነ አዛዘቱ ኡባይካ ቱማ።  
 152 ታን ቢንፕ ደማይ፡  
 ኔን ኦዴዳባ ታማራድ፤  
 አ ኔን መድናው ሞንሳ ኤሳዳ።

ሬሽ

153 ታ ቱጋ በአይ፡ ታና አሻ፤  
 እያው ጎፕ፡ ታን ነ ሀግያ ደጋበይከ።  
 154 ታ ድራው ሞተታደ ታና ዋዛ፤  
 ኔን ጌዳ ቃላዳን ታና ፓጻ ዋላ።  
 155 ነ አዋዩዋ ኡንቱንቱ አከና ድራው፡  
 አቶተላይ ኢታቱዋፕ ሃኩዋን ደኤ።  
 156 አቤት መድና ጎዳው፡ ነ ቃረታይ ዳራ፤  
 ነ ጽሎ ፕርዳዳን ታና ፓጻ ዋላ።  
 157 ታ ሞርከቱን ታና የደርሰያዋንቱ ዳራ፤  
 ሽን ታን ኔን ኦዴዳዋፕ ሸርእ ገከ።  
 158 ኡንቱንቱ ነ አዛዘቱዋ ናገና ድራው፡  
 ታን ካድያዋንታ በአይ ሽነታድ።  
 159 አቤት መድና ጎዳው፡  
 ታን ነ ዋጋ ሲቁያ ሲቁዋ ቆፓ፤  
 አገና ነ ሲቁዋዳን ታና ፓጻ ዋላ።  
 160 ነ ቃላይ ከይርፕካ ቱማ፤  
 ነ ጽሎ ፕርዳይ ኡባይካ መድናው ደኤ።  
 161 ሽን  
 ካፓቱ ታና ጮ የደርሰና፤  
 ሽን ታ ዋዛናይ ነ ቃላው ያዬ።  
 162 ዳርባ አዋዳዳ አሳይ ናሽትያዋዳን፡  
 ኔን ጌዳ ቃላን ታን ናሽታይ።  
 163 ታን ዋርዳዋ እጻይነ ሽነታይ፤  
 ሽን ነ ሀግያ ሲቃይ።  
 164 ነ ጽሎ ፕርዳ ድራው፡  
 ታን ኔና ጋላሳን ላፑ ገደ ጋላታይ።  
 165 ነ ሀግያ ሲቅያዋንቶ  
 ኩመንላ ሳርተላይ ደኤ፤  
 ኡንቱንታ ኡባካ እያይነ ጱባናው  
 ዳንደየና።  
 166 አቤት መድና ጎዳው፡ ታን  
 ነ አቶተላ ሂድታን ናጋይ፤  
 ነ አዛዘቱዋካ ኦላይ።  
 167 ታን ኔን ኦዴዳባ ናጋይ፤  
 ታን ዳርፕ አ ሲቃይ።  
 168 ታን ነ ዋጋው፤  
 ኔን ኦዴዳዋ አዛዘታና፤  
 እያው ጎፕ፡ ታ ኦግያ ኡባ ኔን በአሳ።  
 ታው  
 169 አቤት መድና ጎዳው፡ ታ ዋሱ፡  
 ነ ሰንላ ጋኮ፤  
 ኔን ጌዳ ቃላዳን ታው እኩካ እማ።  
 170 ታ ዋትዋቱ ነ ሰንላ ጋኮ፤  
 ኔን ጌዳ ቃላዳን ታና አሻ።  
 171 ኔን ነ አዋዩዋ  
 ታና ታማርሰያ ድራው፡  
 ታ ደናፕ ጋላታይ ፑልታና።  
 172 ነ አዛዘቱ ኡባይ ጽሎ ግድያ ድራው፡  
 ታ እንጻርሳይ ነ ቃላባ የጻና።  
 173 ታን ነ ዋጋ ደሬዳ ድራው፡  
 ነ ኩሽ ታና ማዳናው ጊጌዳዋ ግድ።  
 174 አቤት መድና ጎዳው፡ ኔን  
 ታና አሻና ማላ ላሞታይ፤  
 ነ ሀገካ ታና ናሽቼ።  
 175 ታን ኔና ጋላታና ማላ፡  
 ታና ፓጻ ዋላ፤  
 ነ ፕርዳይካ ታና ማድ።  
 176 ታን ባዬዳ ዶርሳዳን ብቻራይ፤

ታና ነ ቆማ ኮያ፤  
እያው ጎጥ፣ ታን ነ እዛዙዋ ደጋቢይከ።

### 120

ጭምያዋንቴጥነ ዋርዶቱዋጥ አታናው  
ሺቆ ዋሳ

ፑደላ ከሲደ የጼዳ የላ  
1 ታ ዋይያ ዋደ ታን መድና ጎዳ ጸሳድ፤  
እ ታው ኮዬዳ።

2 አቤት መድና ጎዳው፣ ዋርዶትያ ዶናቱዋጥነ፣  
ጭምያ እንጸርሳቱዋጥ ታና አሻ።

3 ህንተና ዋርዳንቻቶ፣  
ጸሳይ ህንተና ዋታንዳሻ?

ሰሞ ሀራባ እያ ጉጅንዳሻ?  
4 ቶራንቻቱዋ ፖላ ቃራን እ ህንተና ጫዳናዋ፤  
ታማ ቦንቁዋን እ ህንተና ጸጋና።

5 አየ ታና! ህንተናና ደእያዌ መሸካ  
ዋይ ቄዳሪ እሳና ደእያዋ ማላ ኢታ።

6 ሳርተላ እጽያ አሳቱዋና  
ታን ዳር ዋድያ ደአድ።

7 ታን ሳር አሳ፤  
ሸን ታን ሳርተላባ ሃሳይያ ዋደ፣  
ኤንቴንቴ ኦላዋ ሃሳዬና!

### 121

ጸሳይ ኑና ናግያዋ  
ፑደላ ከሲደ የጼዳ የላ

1 ታን ቶቁ ጋደ ዋጋ ደረቱዋ ጸላይ፤  
ታው ማዱ ሀቃጥ ያንዳሻ?

2 ታው ማዱ  
ሳሉዋን ሳኣ መጴዳ መድና ጎዳጥ ዬ።

3 እ ነ ገድያ ሀልጽሰና፤  
ኑና ናግያዌ ገምእሸና።

4 እስራኤልያ ናግያዌ፣  
ኡባካ ግሰናን ገምእሸና።

5 መድና ጎዳይ ኑና ናግያዋ።  
መድና ጎዳይ ነው ኡሸቻ ባጋና ግዲደ፣  
ኑና ኩዋይያዋ።

6 ጋላስ ኑና አዋይ ሜና፤  
ቃማካ አገናይ ኑና ቆሄና።

7 መድና ጎዳይ ቆህያዋ ኡባጥ ኑና ናጋና፤  
እ ነ ሸምጥዋ ናጋና።

8 መድና ጎዳይ ነ ቡሳ፣ ነ ዩሳ፣  
ሀቼጥ መድና ጋካናው ናጋና።

### 122

የሩሳላምዉ ሸቄዳ ሳባ  
ፑደላ ከሲደ የጼዳ የላ፣ ዳውት ጸፊዳዋ

1 ኡንቴንቴ ታና፣ “አነ መድና ጎዳ ጎልያ  
ቦይተ” ያግና፣  
ታን ናሸታድ።

2 ኑና የሩሳላም ካታማቴ፣  
ኑን ነ ጥንገቱዋና ገሊደ ኤቄደ!

3 የሩሳላም ካታማይ፣  
ዳንግተደ ምን ኬጸቴዳ ካታማ።

4 መድና ጎዳ አዋዩዋዳን፣  
እስራኤልያ ዛራቱ፣  
መድና ጎዳ ጋላታናው ይያ ካታማይ ሀዋ።

5 ዳዊታ ዘረሳጥ ካተቱዳዋንቴ  
ባረንቴ አሳው ፕርዳናው ያን ኡቴድና።

6 የሩሳላም ሳርተላው  
ሀዋዳን ያጊደ ዋሰተ፤  
“ኔና ሲቅያዋንቶ  
ኡንቴንቴ ኦልያዌ ኡባይ ቡር!

7 ነ ግምቦቱዋ ግደን ሳሩ ደእ!  
ነ ኔሳቱዋካ ቦቶያባይ ቆየ!” ያጊደ  
ዋሰተ።

8 ታ አሻቴዋን ታ ዳቦቱዋ ድራው ጋደ፣  
“ኅ ግደን ሳሩ ደእ!” ያጋይ።

9 መድና ጎዳ ኑ ጸሳ ጎልያ ድራው ጋደ፣  
ታን የሩሳላም ዲረታናው ዋሳና።

### 123

ማርታ ደማናው ሺሾ ዋሳ  
ፑደላ ከሲደ የጼዳ የላ

1 ኑና፣ ካውተላ አራታን ሳሉዋን ኡቴዳዋ፣  
ታን ፑደ ኔኮ ጸላይ።

2 ቆማይ ባረ ጎዳ ኩሽያ ጸልያዋዳን፤  
ቆማታ ባረ ጎዳት ኩሽያ ጸልያዋዳን፣  
ሄዋዳንካ እ ኑና ማራና ጋካናው፣  
ኑ እይፊ መድና ጎዳኮ፣ ኑ ጸሳኮ፣ ጸሌ።

3 ኑና ማራ፤ እቤት መድና ጎዳው፣ ኑና ማራ።  
እያው ጎጥ፣ ኑው ካቂ ዳራዳ።

4 ኑን እሻሉዋን ደእያዋንቴ ሸቃ  
ኡቶራንቻቱዋ ካቂያ ካሌደ።

### 124

ጸሳይ እስራኤልያ አሸያዋ  
ፑደላ ከሲደ የጼዳ የላ፣ ዳውት ጸፊዳዋ

1 መድና ጎዳይ ኑ ባጋ ግደንንቶ፣ ኑን ዋናኔሻ?  
እስራኤልያ አሳቱ ዛራዋ ሀዋዳን ያጊደ  
ዛሪና፤

2 “መድና ጎዳይ ኑ ባጋ ግደንንቶ፣  
ኑ ቦላን አሳይ ደንዳዳ ዋደ፣  
ኑና ጋጸ ምታና ሸን።

3 ኡንቴንቴ ኑ ቦላን ሀንቁዋ ቡሊደ፣  
ኑና ጋጸ ምታና ሸን።

4 ድኡ ኑና ሜጪደ፤  
ሻፋ ሃላይ ኑና ሙካና ሸን፤

5 ኩንላ ሃላይ ኑና ማና ሸን” ያግና።

6 ኑና ኑ ሞርከቱዋ ማታን፣  
ጸንሰቤና መድና ጎዳይ ጋላተቶ።

7 ኑን ሻንካንቻቱዋ ጸርያጥ፣  
ካፉ ከሰ አክያዋዳን ከሰ አኬደ።  
ጽሪ መኤዳ፣ ኑንካ ከሰ አክ አቴደ!

8 ኑ ማዱ  
ሳሉዋን ሳኣ መጴዳ መድና ጎዳ ሱንላጥ  
ዬ።

### 125

ጸሳይ ባረ አሳወ ዋሰ  
 ፑደላ ከሲደ የጼዳ የላ  
 1 መጅና ጎዳን አማነትያዋንቱ ቃጸናዉ  
 ዳንዳየና።  
 መጅናዉ ደእያ ጽዮን ደርያ ማላ።  
 2 ደረቱ  
 የሩሳላመ ካታማ የሹዋን ደእያዋዳን።  
 ሀቼፕ መጅና ጋካናዉ።  
 መጅና ጎዳይ ባረ አሳ የሹዋን ደኤ።  
 3 ጽሎቱ ባረንቱ ኩሽያ ኢታተላዉ ደንፍ  
 ማላ።  
 ኢታቱዋ አይሱዋ ጸምአይ።  
 ጽሎቶ አመቲዳ ቢታ ቦላን ጋምኤና።  
 4 አቤት መጅና ጎዳዉ። ኪካ አሳቶነ።  
 ዋዘና ሱረ አሳቶ ኪካባ ኦላ።  
 5 ባረንቱ ጌላ ኦግያ ሰምያዋንታ።  
 መጅና ጎዳይ ኢታ ኦሳያዋንቱና እትፕ  
 ሙራ።  
 እስራኤልያዉ ሳሩ ግደ!

### 126

አሞዲዋፕ ስሜዳዋንቱ ማዘመርያ  
 ፑደላ ከሲደ የጼዳ የላ  
 1 መጅና ጎዳይ ኑና አሞደቲዳዋንታ ዘሪደ።  
 ጽዮን አሄዳ ዋደ። ኑዉ አኩሙዋ  
 ማላቲዳ።  
 2 ሄ ዋደ ኑን ዳር ናሽት። ሚጨደ።  
 ናሽቻ የላ የጼደ።  
 ያትና። ሀራ ካዉተላቱ ባረንቱ ግደን።  
 “ሀዋንቶ መጅና ጎዳይ ዋልቃማባ  
 አሴዳ” ያጌድኖ።  
 3 ቱሙካ መጅና ጎዳይ ኑዉ ዋልቃማባ  
 አሴዳ፤  
 ኑንካ ሎይላ ናሽቲደ።

4 አቤት መጅና ጎዳዉ። ኔጌባ ባዙዋን እራ  
 ቡክሳደ።  
 ሻፋ ሃላ ዛራ ኩንላያዋዳን።  
 ኑዉካ ኑ ካጫ ኦራላ።  
 5 ዩኪደ ዘራዳዋንቱ።  
 ናሽቻን የጸደ ጫካና።  
 6 ዘረሳ ቶኪደ። ዩኪደ ቤዳዋንቱ።  
 ናሽቻ የላ የጸደ።  
 ሞርቂያ ቶኪደ ሰማና።

### 127

ጸሳን አማነታናዳን እመቲዳ ዘርያ  
 ፑደላ ከሲደ የጼዳ የላ። ሶሎሞን ጸፊዳዋ  
 1 መጅና ጎዳይ ጎልያ ኬጸና ጳዮፕ።  
 ኬጸያዋንቱ ጮ መላ ዳቡሪኖ።  
 መጅና ጎዳይ ካታማ ናጋና ጳዮፕ።  
 ናጋያዋንቱ ጮ መላ ናጊኖ።  
 2 ኔን ዋንታ ጉራን ደንድያዌ።  
 አማርሰ ቃምሳደ ግሰያዌ።  
 ቁማዉ ሀርጋደ ቱጋትያዌ ጮ መላ፤

አያዉ ጎፕ። ጸሳይ ባረ ሲቅያዋንቶ  
 ሸምፑዋ እሜ።  
 3 ናናይ መጅና ጎዳፕ እመትያ እሞታ፤  
 የሎቱ ቱሙዋፕ ዋይቲዋ።  
 4 እት ኡራይ ባረ ያላጋተላን የሌዳ አቲማ  
 ናናቱ።  
 አላንቻ ኩሽያን ደእያ ቶራቱዋ ማላ።  
 5 ሄ ቃርጨታን ደእያ ዋንዳፍያ ቶራቱዋዳን።  
 ዳር ናናቱ ደእያ አሳይ እንጀቲዳዋ።  
 አያዉ ጎፕ። አ ባረ ሞርከቲዋና።  
 ካታማ ፕንግያን ሞተትያ ዋደ። ኡባካ  
 ጸነተና።

### 128

ጸሳዉ አዛዘቲሳን ቤትያ እንጂዋ  
 ፑደላ ከሲደ የጼዳ የላ  
 1 መጅና ጎዳዉ ያይያዋንቱ።  
 አ ኦግያን ሀመትያዋንቱ ኡባይ  
 እንጀቲዳዋንታ።  
 2 ኔን ነ ዳቡራ አይፍያ ማና፤  
 ኔን ናሽታና ነዉ ሎኦ ግዳና።  
 3 ነ ማቻታ ነ ሶን አይፍያ ደርኮኬዳ።  
 ዋይንያ ቱራ ማላ ግዳና።  
 ነ ናናቲካ ነ ጋይታ የሹዋን።  
 ዋጋራ ፑትያ ማላ ግዳና።  
 4 መጅና ጎዳዉ ያይያ አሳይ  
 ቱሙዋፕ ሄዋዳን እንጀታና።  
 5 መጅና ጎዳይ ኔና ጽዮንፕ እንጀ!  
 ኔን ደኤዳ ላይላ ኡባን  
 የሩሳላመ ሎኦተላ ኔና ቦሶ።  
 6 ነ ናናቲዋ ናናቲዋ ቦኤ!

እስራኤልያዉ ሳሩ ግደ!

### 129

እስራኤሊ ሞርክያፕ አታናዉ ሺሾ ዋሳ  
 ፑደላ ከሲደ የጼዳ የላ  
 1 እስራኤልያ አሳይ ሀዋዳን ያጎ፤  
 “አንቲቱ ታ ያላጋተላደፕ ደሚደ።  
 ታና ኡቅኔድኖ።  
 2 ኤ። አንቲቱ ታ ያላጋተላደፕ ደሚደ።  
 ታና ኡቅኔድኖ፤  
 ሸን አንቲቱ ታና ጳይሰበይክና።  
 3 ታ ዘክያ ቃይጾርያን ሾጫ ሾጪደ።  
 ጎሼዳ ሾይቃ ማላትሴድኖ” ያጎ።  
 4 ሸን መጅና ጎዳይ ጽሎ ግዴዳዌ  
 ኢታቱዋ ቃሹዋፕ ታና ብል የዴዳ።  
 5 ጽዮን እጽያ ኡባይ።  
 ዩላቲደ ጉየ ሰሞ።  
 6 ጎልያ ሀጺያን ሞኪደ።  
 ድጫርፕ ካሰቲደ መልያ ማታ ማላ  
 ግደ።  
 7 ሄ ማታ ቡጫናዉ ኩሽያን ዳንክያዌ።  
 ዋይ ሞርቂያ ቃችያዌ ኦንን ባዋ።

8 ሄ ኦግያና አድያዎንቱ፥  
 “መድና ጎዳይ ዎልቃ እሞ” ገና፥  
 ጫክያዎንቱ፥  
 “መድና ጎዳይ እንጅ” ግያዌ ደሌና።

### 130

ማዲዎ ደማና ሸቄዳ ዋሳ  
 ፑደላ ከሲደ የጼዳ የላ  
 1 አቤት መድና ጎዳዉ፥ ታን መቱዋ ጨማን  
 ደኣደ፥  
 ኔኮ ዋሳይ።  
 2 አቤት ጎዳዉ፥ ታ ኮሻ ሰሳ፤  
 ታን ዋትዋትያ ዋትዋቱዋ ነ ሀይላይ  
 ሀይዘ።  
 3 አቤት መድና ጎዳዉ፥ ኔን፥  
 ኑ ናጋራ ማዘገብያን ጸፊደንቶ፥  
 አቤት ጎዳዉ፥ ዋን ኦን ፕርዳፕ አታናዉ  
 ዳንዳዪ?  
 4 ሸን ኑን ኔና ቦንቺደ አዛዘታና ማላ፥  
 ኑዉ አቶ ያገሳ።  
 5 ታን መድና ጎዳ ናጋይ፤  
 ኤ፥ ታን አ ላሞታን ናጋይ፤  
 አ ቃላንካ ሀይታ አላይ።  
 6 ሳአይ አዉደ ዎንታንዳሻ  
 ገደ ናግያ ቃማ ዛባይንያቱዋፕ አቆአደ፥  
 ታን ኡንቱንቱፕካ አላደ፥  
 ጎዳ ላሞታን ናጋይ።  
 7 እሰራኤልያ አሳዉ፥ መድና ጎዳን ሀይታ  
 አላተ፤  
 አያዉ ጎፕ፥ አገና ሲቁ መድና ጎዳና፤  
 ቃይ እ ኡባ ገደ አሳ አሻናዉ ኮዬ።  
 8 እሰራኤልያ አሳ  
 ኡንቱንቱ ናጋራ ኡባፕ አሻናዌ አ።

### 131

ዳሳን አማነቱሳ  
 ፑደላ ከሲደ የጼዳ የላ፥ ዳውት ጸፊደዋ  
 1 አቤት መድና ጎዳዉ፥ ታን ዎዛናን አይያዋ  
 አገድ፤  
 ታ አይፍያን ኡቶሩዋን ጸላበይከ።  
 ዎልቃማባዉ ዎይ ኤራናዉ ዳንዳየና  
 ማላልሰያባዉ ታን ሀርግከ።  
 2 ሄዎ አጋይ ቆንሳ ዱጼዳ ናአይ  
 ባረ አት ማታን ጮኤ ግያዎዳን፥  
 ታን ጮኤ ጋድ።  
 ኤ፥ ዎፑ ጌዳ ናአዳን ታን ዎፑ ጋድ።  
 3 እሰራኤልያ አሳዉ፥ ሀቺፕ  
 መድና ጋካናዉ መድና ጎዳን ሀይታ  
 አላተ።

### 132

ጌሻ ጎልያ ሳባናዉ ሺቆ ማዝሙርያ  
 ፑደላ ከሲደ የጼዳ የላ  
 1 አቤት መድና ጎዳዉ፥

ዳዊታን እ ዳንዳዬዳ መቱዋ ቆፓ።  
 2 መድና ጎዳዉ እ ጫቄዳዋ፥  
 ያቆባ ጸሳዉ፥ ዎልቃማዉ  
 እ ሀዋዳን ያገደ ገፕዳዋ ሀሳያ፤  
 3 “ሀዋፕ ጉይያን ታን ታ ጎላ ገልከ፥  
 ዎይ ታ ሂጸን ግሰከ።  
 4 ታን ታ አይፍያ ጨልዎከ፥  
 ዎይ ገሞአሸከ።  
 5 ሄዌን፥ ታን መድና ጎዳዉ ሳአ፥  
 ያቆባ ጸሳዉ፥ ዎልቃማዉ  
 ደኢያሳ ገግሳና ጋካናሳ” ያጌዳ።  
 6 ሄኮ፥ ኑን ታቦታባ፥  
 ቤተሌመን ሰሴደ፤  
 ይአሪማ ግያ ቢታን አ ኑን ደማደ።  
 7 ኑን፥ “አነ አ ደኢያሳ ቦይተ፤  
 አ ገዳ የድያሳን ጉፋኒደ፥  
 አዉ ጎይኔቶ” ያጌደ።

8 አቤት መድና ጎዳዉ፥ ደንዳ!  
 ነ ሞኖተሳዉ ማላ ግድያ ነ ታቦታና፥  
 ነ ጌሻ ጎልያ ገላደ ደአ።  
 9 ነ ቄሳቱ ጽሎተሳ ማይና፤  
 ነ አሳቱ ናሸቻዉ የጽ።  
 10 ነ ቆማ ዳዊታ ድራዉ፥  
 ኔን ኦኬዳ ካትያ አጎፓ።  
 11 መድና ጎዳይ ዳዊታዉ ላመተና ጫቁዋ  
 ሀዋዳን ያገደ ጫቄዳ፤  
 “ነ ጉልባታፕ የለቴዳ ነ ናናቱዋፕ አቱዋ  
 ታን ካዉላና።  
 12 ነ ናናቱ ታ ጫቁዋን  
 ታን ታማርሰያ ትሞርትያ ናጎፕ፥  
 ኡንቱንቱ ናናቱካ ነ ካዉተሳ አራታን  
 መድናዉ ኡታና” ያጌደ።  
 13 መድና ጎዳይ ጽዮን ደራዳ፤  
 ባረዉ ደኢያሳ ኦላናዉካ አሞቲደ፥  
 ሀዋዳን ያጌደ፤  
 14 “ሀዌ ታዉ መድናዉ ደኢያ ሳአ፤  
 ታን አሞቴዳ ድራዉ፥ ሀዋን ኡታና።  
 15 ታን ዳር ካላ እማይ ጽዮና እንጅና፤  
 እዘን ደኢያ ሀዬሳቱዋካ ቁማ ካልሳና።  
 16 እዘን ደኢያ ቁሳቱ ዋካ  
 ታን አቶተሳ ማይዛና፤  
 እዘን ጸሳ አሳቱካ ናሸቻዉ የጸና።  
 17 “ሀ ሳአን፥  
 ዳዊታ ዘረሳፕ አቱዋ ካዉላና፤  
 ታን ኦኬዳ ካትያ ካዉተሳ ጋምኤላና።  
 18 ታን አ ሞርከቱዋ ዬላ ማይዛና፤  
 ሸን አ ሁጲያን ደኢያ ካዉተሳ ካላቻይ  
 ጸላና” ያጌደ።

### 133

እሻቱዋ ሲቆ ሸቄዳ ሳባ  
 ፑደላ ከሲደ የጼዳ የላ፥ ዳውት ጸፊደዋ

130:8 ማቶሳ 1:21፤ ቲቶ 2:14 132:6 2 ኦዲዋ 6:41-42 132:11 2 ሳሜላ 7:12-16፤ 1 ኦዲዋ 17:11-14፤ ማዝ. 89:3-4፤ ከታ 2:30 132:17 1 ካታ. 11:36

- 1 እሻቱ እትተላጎን ደእያዌ አይባ ሎኦቤነ  
ናሽኝያቤ!
- 2 ሄዌ ሁጲያ ኦክና፥ ቡቻና ጎገያ፥  
አሮና ቡቻና ጎጊደ
- እ ማዩዋ ሞርግያ ጋክያ አልእ ዛይትያ ማላ።
- 3 ሄዌ ሄርሞነ ደርያ ከተርሳይ፥  
ጽዮነ ደረቱዋ ጋክያዋ ማላ።
- መድና ጎዳይ ሄዋን እንጂዋ፥ መድና ደኡዋ  
እሜዳ።

### 134

- ጸሳ ጋላቱሳ  
ፑደሳ ከሲደ የጼዳ የሳ
- 1 ህንተኖ መድና ጎዳ ቆማቶ፥  
መድና ጎዳ ጎልያን ቃማ ኦልያዋንቶ፥  
ኡባይካ ሃ ዪደ፥ መድና ጎዳ  
ጋላትተ።
- 2 ጌሻ ጎልያን ህንተ ኩሽያ ሞጪደ፥  
መድና ጎዳ ጋላትተ።
- 3 ሳሉዋነ ሳእ መዴዳ መድና ጎዳይ፥  
ህንተና ጽዮነፕ እንጅ።

### 135

- ጋላታ ማዘመርያ
- 1 መድና ጎዳ ጋላትተ!
- ህንተኖ መድና ጎዳ ቆማቶ፥  
መድና ጎዳ ቡንሳ ጋላትተ!
- 2 ህንተኖ መድና ጎዳ ጎልያ ግደን፥  
ኑ ጸሳ ጎልያ ዳባባን ኤቁዳዋንቶ፥  
ጸሳ ጋላትተ!
- 3 መድና ጎዳይ ከካ ግድያ ድራሬ፥  
መድና ጎዳ ጋላትተ!
- እ ሎእ ግድያ ድራሬ፥  
እ ቡንሳ ሳቢተ፥
- 4 መድና ጎዳይ ያቆባ ባረ ሁጸው፥  
እሰራኤልያ አሳካ ባረጧ ቡዞ ኦሊደ  
ደሬዳ።

- 5 መድና ጎዳይ ዋልቃማ ግድያዋነ  
ኑ ጎዳይ ጸሳቱዋ ኡባፕ ዲቂያዋ፥  
ታን ኤራይ።
- 6 ሳሉዋንካ ሳንካ፥  
አባቱዋንከ ኡንቱንቱ ጨሞቱዋ ኡባ  
ግድንካ፥
- መድና ጎዳይ ባረ ደሴዳዋ ኡባ ኦሌ።
- 7 እራ ቶኮ ሻርያ ሳኒ ጋጸፕ እ ደንሌ፤  
እ እራና ዋልቃንሳ ከቲ፤  
ባረ ሞንጅያ ሳአፕ ጫርኩዋ ከሴ።
- 8 ግብጼ ቢታን አሳ ናናቱዋፕነ፥  
መህያ ማራፕ፥  
ባይራ የለቲዳዋንታ ዋዴዳ።
- 9 ኔኖ ግብጼ፥ ፓርኦናነ እ ቆማቱዋ ሙራናጧ።

- ህንተንቱ ግደን ኦራሳባነ ማላልሰያባ  
የዴዳ።
- 10 እ ዳር ካዉተላቱዋ ባይዜዳ፤  
ዋልቃማ ካተቱዋካ ዋዴዳ።
- 11 አዋረቱዋ ካትያ ሰሆና፥  
ባሳነ ካትያ ኦጋነ፥  
ካናነ ካተቱዋ ኡባ ዋዴዳ።
- 12 ኡንቱንቱ ቢታ ባረ አሳቱዋ፥  
እሰራኤላቱዋ ላትሴዳ።
- 13 አቤት መድና ጎዳጧ፥ ነ ቡንሳይ መድናጧ  
ደአና፤  
የለታፕ የለታ ጋካናጧ መድና ጎዳይ  
ሀሳየታና።
- 14 መድና ጎዳይ ባረ አሳጧ ፕርዳና፤  
እ ባረ ቆማቶ ቃረታና።
- 15 ጋድያ አሳቱዋ ኤቃቱ አሳ ኩሺ  
ብራፕነ ዋርቃፕ መዴዳዋንታ።
- 16 ኡንቱንቶ ዳናይ ደኤ፥ ሽን ሃሳይክኖ፤  
አይፊ ደኤ፥ ሽን ጸልክኖ።
- 17 ሀይሳይ ደኤ፥ ሽን ሰሰክኖ፤  
ኡንቱንቱ ዳናነ ሸሞፑ ባዋ።
- 18 ኡንቱንታ መዴዳዋንቱነ፥  
ኡንቱንቱን አማነትያዋንቱ፥  
ኡባይ ኡንቱንቱዳን ሀንኖ።
- 19 እሰራኤልያ ጎልያ አሳቶ፥  
መድና ጎዳ ጋላትተ፤  
አሮና ጎልያ አሳቶ፥  
መድና ጎዳ ጋላትተ፤
- 20 ሊዊያ ጎልያ አሳቶ፥  
መድና ጎዳ ጋላትተ፤  
መድና ጎዳጧ ያይያዋንቶ፥  
ኡባይ መድና ጎዳ ጋላትተ።
- 21 የራሳላመን ደእያ መድና ጎዳይ  
ጽዮነን ጋላትቶ!

መድና ጎዳ ጋላትተ!

### 136

- ጋላታ ማዘመርያ
- 1 መድና ጎዳ ጋላትተ! እያጧ ጎፕ፥ እ ከካ፤  
እገና ኦ ሲቁ መድናዋ።
- 2 ጸሳቱዋ ጸሳ ጋላትተ!  
እገና ኦ ሲቁ መድናዋ።
- 3 ጎዳቱዋ ጎዳ ጋላትተ!  
እገና ኦ ሲቁ መድናዋ።
- 4 አ ጸላላይ ዋልቃማ ማላልሰያባ ኦሌ፤  
እገና ኦ ሲቁ መድናዋ።
- 5 ባረ ኦዴዳ ኤራን እ ሳሎቱዋ መዴዳ፤  
እገና ኦ ሲቁ መድናዋ።
- 6 ቢታ ሃሳ ቦላን ሞጩዳ፤  
እገና ኦ ሲቁ መድናዋ።
- 7 ዋልቃማ ፖኦቱዋ መዴዳ፤  
እገና ኦ ሲቁ መድናዋ።
- 8 አዋይ ጋላስ ሞዳናዳን ኦሌዳ፤  
እገና ኦ ሲቁ መድናዋ።

135:15 ማዘ. 115:4-8፤ ሳፃ 9:20 136:1 1 ኦዲዋ 16:34፤ 2 ኦዲዋ 5:13፤ 7:3፤ እዘራ 3:11፤ ማዘ. 100:5፤  
106:1፤ 107:1፤ 118:1፤ ኤር. 33:11 136:5 ደመላ 1:1 136:6 ደመላ 1:2 136:7 ደመላ 1:16



9 እግርይን ጸልንተቱ  
 ቃማ ሞዳናዲን ኦሴዳ፤  
 እገና ኦ ሲቁ መጅናቸ።  
 10 እ ግብጾ ቢታን ባይራቱዋ ዋዴዳ፤  
 እገና ኦ ሲቁ መጅናቸ።  
 11 እሰራኤልያ አሳ፤  
 ግብጾ፣ ካለሊደ ከሴዳ፤  
 እገና ኦ ሲቁ መጅናቸ።  
 12 ባረ ምኖ ኩሽያን፤  
 ባረ ዋልቃማ ቀሰያን ሀዋ ኦሴዳ፤  
 እገና ኦ ሲቁ መጅናቸ።  
 13 ዞኦ እባ ሻክ የጌዳ፤  
 እገና ኦ ሲቁ መጅናቸ።  
 14 እሰራኤልያ አሳ፤  
 ሄ እባ ግዳዋና ፕንጌዳ፤  
 እገና ኦ ሲቁ መጅናቸ።  
 15 ግብጾ ካትያን ኦ ኦላንቻቱዋ  
 ዞኦ እባን ሙክሴዳ፤  
 እገና ኦ ሲቁ መጅናቸ።  
 16 እ ባረ አሳ ካለሊደ፤  
 ባዙዋና ኦሴዳ፤  
 እገና ኦ ሲቁ መጅናቸ።  
 17 ዋልቃማ ካትቱዋ ሾጬዳ፤  
 እገና ኦ ሲቁ መጅናቸ።  
 18 ኤራቱዳ ካትቱዋ ዋዴዳ፤  
 እገና ኦ ሲቁ መጅናቸ።  
 19 አሞረቱዋ ካትያ ሰሆና ዋዴዳ፤  
 እገና ኦ ሲቁ መጅናቸ።  
 20 ቃይ ባሳን ካትያ ኦጋ ዋዴዳ፤  
 እገና ኦ ሲቁ መጅናቸ።  
 21 ያቲደ ኦንቱንቱ ቢታ ባረ አሳ ላትሴዳ፤  
 እገና ኦ ሲቁ መጅናቸ።  
 22 ባረ ቆማ እሰራኤልያ ላትሴዳ፤  
 እገና ኦ ሲቁ መጅናቸ።  
 23 እ ኦን ካወሼዳ ዋደካ ኦና ቆፔዳ፤  
 እገና ኦ ሲቁ መጅናቸ።  
 24 ኦና ኦ ሞርከቱዋ፣ እሼዳ፤  
 እገና ኦ ሲቁ መጅናቸ።  
 25 መ□ታ ኡባዉ ቁማ እሚ፤  
 እገና ኦ ሲቁ መጅናቸ።  
 26 ሳሉዋ ጸሳ ጋላትተ!  
 እገና ኦ ሲቁ መጅናቸ።

### 137

አሞዳዋን ደእያ እሰራኤልያ ዬኩዋ  
 1 ባብሎን ሻፋቱዋ ማታን ኡቲደ፤  
 ኦን ጽዮን ቆፔዳ ዋደ ዬኬደ።  
 2 ሄ ሳኦን ኦን፤  
 ኦ ዲላ ሃላ ማታን ድጭያ ሞላ ቦላ  
 ካቁደ።  
 3 ኦና አሞዳዳ አሳቱ፤  
 ኦን የጸደ፤ ኡንቱንታ ናሽቻና ማላ፤  
 “ጽዮን የላ፣ እቱዋ እን ኦዉ የጽተ” ያጌድና።  
 4 መጅና ጎዳ የላ፤ ኦን፤  
 እላጋ ቢታን ዋት የጻኔ?  
 5 የሩሳላመ ካታማቱ፤ ታን ኔና ደጎ፣  
 ታ ኡሽቻ ኩሺ ባረ ኦሱዋ ደጎ።

6 ታን ኔና ሀሳየናን አጎ፣  
 ታ ናሽቻ ኡባ፣ አላደ የሩሳላመ ደሰናን  
 አጎ፣  
 ታ እንጸርሳይ ኮክያና ኦይቀቶ።  
 7 አቤት መጅና ጎዳዉ፤ የሩሳላመ ኦሞደትያ  
 ጋላሰ፤  
 ኤደማ አሳቱ ኦሴዳዋ ሀሳያ፤  
 ኡንቱንቱ፤ “ኮልተ! ኮልተ!  
 ሀርክ ጸጸዋ ጋካናዉ ላልተ!” ያጌዳዋ  
 ደጎ።  
 8 ባብሎን ቢታዉ፤ ኦንካ ባያና!  
 ኦን ኦ ቦላን ኦሴዳ ኡታ ኦሱዋ፤  
 ኦ ቦላ ኦላያዌ እንጀቱዳዋ።  
 9 ኦ ጉላ ናናቱዋ ኦይቁደ፤  
 ዛላ ቦላ ሾጬያዌ እንጀቱዳዋ።

### 138

ጋላታ ዋሳ  
 ዳውት ጸፊዳዋ  
 1 አቤት መጅና ጎዳዉ፤ ታን ታ ኩመንላ  
 ዋዛና፣ ኔና ጋላታና፤  
 ጸሳቱዋ ሰንላን ኔና ሳባና።  
 2 ኦ ጌሻ ጎልያኮ ሰማደ፤  
 ነዉ ጎይናደ፤ እገና ኦ ሲቁዋን ኦ ቱማተላ  
 ድራዉ፤  
 ታን ኦ ሱንላ ጋላታይ፤  
 እያዉ ጎ፣ ኦን ኦ ሱንላን ኦ ቃላ፤  
 ኡባ፣ አላደ ቆቁ ኦላዳ።  
 3 ታን ጸሴዳ ጋላሰ ታዉ ኮያዳ፤  
 ኦ ሞናተላን ታና ሞንሳዳ።  
 4 አቤት መጅና ጎዳዉ፤ ሳኦን ደእያ ካተቱ  
 ኡባይ፤  
 ኔና ጋላትና፤  
 እያዉ ጎ፣ ኡንቱንቱ ኦ ደና፣ ከሴዳ  
 ቃላ ሰሴድና።  
 5 መጅና ጎዳ ቦንቹ ዋልቃማ ግድያ ድራዉ፤  
 ኡንቱንቱ መጅና ጎዳ ኡግያዋ የጸና።  
 6 መጅና ጎዳይ ቦላ ቆቃን ደአ፣  
 ሀይሳቱዋ ኬካ አይፍያን ጸሌ።  
 ሽን ኦቶራንቻቱዋ እ ሃኩዋን ኤሬ።  
 7 ታን መቱዋ ግዳዋና ሀመቶ፣  
 ኦን ታና ደኡዋን ናጎሳ።  
 ታ ሞርከቱዋ ሀንቁዋ ቦላ ኦ ኩሽያ ሞጫሳ፤  
 ኦ ኡሽቻን ታና አሻሳ።  
 8 መጅና ጎዳይ ታዉ ጊደ ቆፔዳዋ ፖላና፤  
 አቤት መጅና ጎዳዉ፤ እገና ኦ ሲቁ  
 መጅናቸ።  
 ኦ ኩሽያ ኦሱዋ ኦጋ አጎ።

# 139

ኡባ ኤርያ ጸሳ  
 ዛማሪቱዋ ካፖ የጸቴዳ፥ ዳውት ጸፊዳ  
 ማዘመርያ  
 1 አቤት መጅና ጎዳው፥ ኔን ታና ብዳደ  
 ኤራዳ፤  
 2 ታን እዉደ ኡትንቶነ  
 እዉደ ኤቁንቶ፥ ኔን ኤራሳ፤  
 ኔን ታ ቆፋ ኡባ ሃኩዋን ኤራሳ።  
 3 ታን ብያሳነ፥  
 ሸምፕያ ሳ ጸሞሳሳ፤  
 ታ ኦገቱዋ ኡባ ኔን ኤራሳ።  
 4 አቤት መጅና ጎዳው፥ ታን ታ እንጸርሳን  
 እት ቃላ ሃሳያናፕ ካሰታደ፥  
 ኔን ታ ቆፋ ኡባ ኤራሳ።  
 5 ኔን ታ የሹዋን ደአሳ፤  
 ነ ኩሸያን ታና ናጋሳ።  
 6 ነ ኤራይ ታና ሎይሳ ማላልሴ፤  
 ታን አኩካናዉ ዳንዳይያሳፕ ጹቃ።  
 7 ታን ነ እያናፕ ሀቃ ባናዉ ዳንዳይያታ?  
 ዋይ ነ ሰንገፕ ሀቃ ባቃታናዉ  
 ዳንዳይያታ?  
 8 ፑደ ሳሉዋ ከሰፕ፥  
 ኔን ያን ደአሳ፤  
 ዱገ ሰኦልያ ዋጅንቶካ፥  
 ኔን ያን ደአሳ።  
 9 አዋይ ሞክያሳ ባጋ ፓላደ ሰፕ፥  
 ዋይ አዋይ ዉልያሳ ባጋን ሃካደ ደአፕ፥  
 10 ሄ ሳንካ ነ ኩሺ ታና ካለሴ፤  
 ነ ኡሸቻ ኩሺ ታና ዘምፕሴ።  
 11 ታን፥ “ጹማዉ፥ ታና ገንፋ፤  
 ፖኡዋ፥ ቃማዉ ላመታ” ያግንቶካ፥  
 12 ጹማ ዳሩ ነዉ ጹመና፤  
 ቃማይ ጋላሳደን ፖኤ፤  
 እያዉ ጎፕ፥ ነዉ ጹማይ ፖኡዋ ማላ።  
 13 ኔን ታ ግዶ አሳተፋ ኡባ መቆዳ፤  
 ታ አት ኡሉዋን ታና ኔን ዋጸ መቆዳ።  
 14 ኔን ታና ማላልሰያባነ ኦራፋባ ኦሳደ መጄዳ  
 ድራዉ፥  
 ታን ኔና ጋላታይ።  
 ነ ኦሶቱ ማላልሰያዋንታ!  
 ታን ቃይ ሄዋ ዉርሳደ ኤራይ።  
 15 ታን ጌማ ሳእን መፀትያ ዋይ፥  
 ታ መቀፋቱ ኔፕ ጌምበይክና።  
 ታ ቦላይ ታ አት ኡሉዋ ጨማ ግዶን  
 ሂላን አሌቀቲደ አሰትያ ዋይ፥  
 16 የለትቤና ታ አሳተፋ ነ አይፊ በኤዳ።  
 ብር እቱነ ደመተናን ደአሸን፥  
 ታዉ ኔን ገገሴዳ ጋላሳቱ ኡባቱ  
 ነ ማዘገብያን ጸፈቲድና።  
 17 አቤት ጸሳው፥  
 ነ ቆፋቱ እያ ጮራቲድና!  
 አንቱንታ ኤራናዌ እያ ዋይሲ!  
 18 ታን ኡንቱንታ ፓይድንቶ፥  
 አንቱንቱ ሻፍያፕ ዳራና ሸን።  
 ታን ቤጎትያ ዋይ፥  
 ሀእካ ኔናና ደአይ።

19 አቤት ጸሳው፥ ኔን ኢታቱዋ ዋጳድንቶ እዬ  
 ደኢ!  
 ሱላ ጉሰያ አሳቱ ታፕ ሃክና!  
 20 ኡንቱንቱ ነ ቦላ ኢታባ ሃሳዪና፤  
 ነ ሞርከቱ ነ ሱንፋ ባይዚና።  
 21 አቤት መጅና ጎዳው፥ ኔና እጽያዋንታ  
 ታን እጽክታ?  
 ነ ቦላ ደንድያዋንታ  
 ታን ሸነትክታ?  
 22 ታን ኡንቱንታ ኡባ እጸይ፤  
 አንቱንታ ታን ታ ሞርከቱዋዳን  
 ፓይዳይ።  
 23 አቤት ጸሳው፥  
 ታና ብዳደ፥ ታ ዋዛና ኤራ፤  
 ታና ፓጫደ፥ ታ ኡንኤትያ ቆፋ ኤራ።  
 24 እነ ታናን ኢታባይ ደአፕ ጸላ፤  
 መጅና ኦግያን ታና ካለሳ።

# 140

ኢታቱዋ ቦላ ሸቄዳ ዋሳ  
 ዛማሪቱዋ ካፖ የጸቴዳ፥ ዳውት ጸፊዳ  
 ማዘመርያ  
 1 አቤት መጅና ጎዳው፥ ኢታ አሳቱዋፕ ታና  
 አሻ፤  
 ማካላንቻ አሳቱዋፕ ታና ናጋ።  
 2 ኡንቱንቱ ኡባ ዋይ፥  
 ኢታባ ኦላናዉ ማቀቲና፤  
 ኡባ ጋላሰካ፥  
 ዋላሳ ደንፀላናዉ ቆፕና።  
 3 ኡንቱንቱ ባርንቱ እንጸርሳ ሸሻዋዳን  
 ቃራዪና፤  
 አንቱንቱ ደናፕ አሳ ዋጅያ ሀሱዋ ሸሻ  
 ደሻ ማላ ሃሳያይ ከሴ።  
 4 አቤት መጅና ጎዳው፥ ኢታ አሳቱዋ ኩሸያፕ፥  
 ታና አሻ፤  
 ታ ገድያ ቃጸናዉ ቆፕያ ማካላንቻ  
 አሳቱዋፕ ታና ናጋ።  
 5 ኦቶራንቻ አሳቱ ታዉ ዲዛ ገገሴድና፤  
 ግትያ ሂጾድና፤  
 ታና ኦይቃናዉ ጸርያ ኦግያን ዋጴድና።  
 6 ታን መጅና ጎዳ፥ “ኔን ታ ጸሳ” ያጋይ።  
 አቤት መጅና ጎዳው፥ ታን ዋትዋትያ  
 ዋትዋቱዋ ሰሳ።  
 7 አቤት ኡባ ሞድያ መጅና ጎዳው፥  
 ታና አሸያ ሞና፥  
 አላ ጋላሰ ታዉ ጎንዳለ ግዳዳ።  
 8 አቤት መጅና ጎዳው፥  
 ኢታቶ ኡንቱንቱ አሙዋ እሞፓ፤  
 አንቱንቱ ኢታ ማቁዋ ፖልሶፓ።  
 9 ታ ሞርከቱዋን ታና ጸንሶፓ፤  
 አንቱንቱ ደናፕ ከሰያ ኢታባይ ኡንቱንቶ  
 ሰሞ።  
 10 ኡንቱንቱ ቦላ ጸግያ ቦንቁ ቆለቶ፤  
 አንቱንቱ ታማን ኦለትና፤

ሄዋተ ላኤንሶ ደንደና ኦላን ኦለትኖ።  
 11 ዝግርያዎንታ ቢታይ ቶኮፖ፤  
 ማካላንቻ አሳቱዋ ኢታባይ ሻንካቲደ  
 ኦይቆ።  
 12 መጅና ጎዳይ ህዬሳቶ ፕርድያዋ፤  
 መቶታንቻቱዋ ማታ ናገሰያዋ ኤራይ።  
 13 ቱሙፕ ጽሎቱ ነ ሰንሳ ጋላታና፤  
 ሱረ አሳቱ ነ ሰንሳን ደእና።

### 141

አማርሳ ዋሳ  
 ዳውት ጸፊዳ ማዘመርያ  
 1 አቤት መጅና ጎዳው፤ ታን ኔና ጸሳይ፤  
 ታና ማዳናዉ ኤሌላ።  
 ታን ኔኮ ዋሰያ ዎደ፤ ታ ኮሻ ሰሳ!  
 2 ታ ዋሳይ እጻና ጨዋዳን፤  
 ነ ሰንሳ ሺቆ፤  
 ታን ታ ኩሽያ ሞጭያዎ፤  
 ነዉ አማርሳ ያርሹዋ ማላ ግደ።  
 3 አቤት መጅና ጎዳው፤ ታ ደና ናግያዋ ዎላ፤  
 ታ መተርሻቱዋ ፐንግያን ዛባይንያ  
 ኤሳ።  
 4 ባይዙዋ ኦሳያ አሳቱዋና፤  
 ኢታ ኦሱዋ ኦፍ ማላ፤  
 ታ ዎዛና ኢታባኮ ዛርፓ።  
 አንቱንቱ ግብራካ ታና ሙዘፓ።

5 ጽሎ አሳይ ታና አገና ሰቆዋን  
 ሴራናዉን ሙራናዉ ዳንዳዬ፤  
 አንቱንቱ ታና ባቆፕ ሄዌ ታ ሁጲያን  
 ዛይትያ ኦክያዋ ማላ፤  
 አያዉ ጎፕ፤ ታን ኡባ ገደካ  
 ኢታቱዋ ኦሱዋ ቦላ ዎሳይ።  
 6 አንቱንቱ ዳናቱ ዛላ አፋዋና፤  
 ዱገ ኦለትያ ዎደ፤  
 ታ ቃላይ ቱማ ግድያዋ ኡንቱንቱ አሳይ  
 ኤራና።  
 7 ቢታይ ጎሽትያዋዳን  
 ጉሉ መኤረትያዋዳን  
 አንቱንቱ መቀላይካ ዱፋዋ ደናን  
 ላለታና።  
 8 አቤት ኡባ ሞድያ መጅና ጎዳው፤  
 ታ አይፊ ኔና ጸሌ፤  
 ታን ኔኮ ባቃታደ አታይ፤  
 ታና ሀይቆ አሳደ አሞፓ።  
 9 አንቱንቱ ታዉ ዎሴዳ ግትያፕ፤  
 ኢታ ኦሳያዋንቱ ጸርያፕ ታና ናፓ።  
 10 ታን ሳር አጅያ ዎደ፤  
 ኢታቱ ባረንቱ ዎሴዳ ግትያን ኦይቆትኖ።

### 142

ጸሳ ማዲዋ ደማናዉ ሺቁዳ ዋሳ  
 አኪካን ጸፊቱዳ ዳዊታ ግንጹዋ፤ ጎንጎሎ  
 ግደን ደእያ ዎደ አ ዋሳ

1 ታ ቃላ ጶቁ አሳደ፤ መጅና ጎዳዉ ዋሳይ።  
 ታ ቃላ ጶቁ አሳደ፤  
 መጅና ጎዳዉ ዋትዎታይ።  
 2 ታ ቆሁዋ ኡባ አዉ ማጋናይ፤  
 ታ ሙቱዋ ኡባ አዉ ኦዳይ።  
 3 ታን ሀይታ ቃንጻና ማቲያ ዎደ፤ ኔን ታ ኦግያ  
 ኤራሳ።  
 ታን ሀመትያ ኦግያን ታዉ ግትያ ቆሰ  
 ዎሴድና።  
 4 ታን ታ የሹዋ ጸሌያ ዎደ፤  
 ታና ማድያዌ አቲነ ባዎ፤  
 ታን ቆሰታ አትያ ሳእይ ባዎ፤  
 ታና ናግያዌካ ባዎ።  
 5 አቤት መጅና ጎዳው፤ ታን፤  
 ነዉ ሀዋዳን ጋደ ዋሳይ፤  
 “ኔን ታን ባቃታደ አትያ ሳእይ፤  
 ታን ፓጸ ደእሸን፤ ታና ጋኬዳ ሳማይ  
 ኔና” ያጋይ።  
 6 ታን ሎይላ መቶትያ ድራዉ፤  
 ታ ዋሱዋ ሀይዛ።  
 ታና የደርሰያዋንቱ፤  
 ታዉ ሎይላ ዎልቃሜዳ ድራዉ፤  
 ታና ኡንቱንቱፕ አሻ።  
 7 ታን ነ ሰንሳ ጋላታና ማላ፤  
 ታና ቃሹዋፕ ብላ።  
 ኔን ታዉ ኬክያ ድራዉ፤  
 ጽሎቱ ታ የሹዋን ሺቃና።

### 143

ጸሳ ማዲዋ ደማናዉ ሺቁዳ ዋሳ  
 ዳውት ጸፊዳ ማዘመርያ  
 1 አቤት መጅና ጎዳው፤ ታ ዋሳ ሰሳ፤ ታ  
 ዋትዎቱዋ ሀይዛ።  
 ኔን ጽሎቱን አማንትያዋ ግድያ ድራዉ፤  
 ታዉ ዛረዋ አማ።  
 2 ነ ሰንሳን ጽሎ ግዳና አሳይ ባዎ፤  
 ሄዋ ድራዉ፤ ታና ነ ቆማ ፕርዳዉ  
 ሺሸፓ።  
 3 ታና ታ ሞርኪ የደርሰደ፤  
 ቢታና ጋላ ክንቼሬሴዳ፤  
 ቢን ሀይቁዳ አሳቱዋዳን ታና ጵማን  
 ዎሴዳ።  
 4 ሄዋ ድራዉ፤ ታን ሀይታ ቃንጸድ፤  
 ታ ዎዛናይካ ይባቲዳ።  
 5 ታን ቢን ዎደቱዋ ሀሳያይ፤  
 ኔን ኡሴዳ ኦሱዋ ኡባ ዛራ ዛራደ ቆፓይን  
 ነ ኩሺ ኡሴዳዋ አኪካይ።  
 6 ታን ታ ኩሽያ ኔኮ ሞጫድ፤  
 መላ ቢታይ ሃላ ኮይያዋዳን፤  
 ታ ሸሞፕ ኔና ሳመቱ።  
 7 አቤት መጅና ጎዳው፤ ታዉ ዛረዋ አማናዉ  
 ኤሌላ!  
 ታን ሀይታ ቃንጸድ።

ታን ዲገ ዲፋዋን ገልፏ አሳቱዋ ማላ ግደናዳን፤  
 ነ ሶሞኡዋ ታጥ ገንጾፓ።  
 8 ታን ኔና አማነትያ ድራወ፤  
 ዋንታ ዋንታ አገና ነ ሲቁዋ ታና በሳ።  
 ታን ታ ሸሞጥዋጥ ኔና ዋሲያ ድራወ፤  
 ታን ባናወ በሲያ ኦግያ ታና ታማርሳ።  
 9 አቤት መድና ጎዳወ፤ ታን ኔኮ ባቃቴዳ ድራወ፤  
 ታና ታ ሞርከቱዋጥ አሻ።  
 10 ኔን ታ ጸሳ ግድያ ድራወ፤  
 ታን ነ ሸንያ ኦላና ማላ፤ ታና ታማርሳ፤  
 ሎኦ እያናን ታና ሱሪ ኦግያ ካለላ።  
 11 አቤት መድና ጎዳወ፤ ነ ሱንላ ድራወ፤ ታና አሻ፤  
 ነ ጽሎተላን ታና መቱዋጥ ከሳ።  
 12 አገና ነ ሲቁዋን ታ ሞርከቱዋ ዋጃ፤  
 ታ ባልጋራቱዋ ኡባ ጃይሳ፤  
 እያወ ሳጥ፤ ታን ነ ቆማ።

አላጋ አሳቱዋ ኩሸያጥ ታና ዋላ አካ።  
 ኡንቱንቱ ቱሙዋ ሃሳያና ጊደ ጫቂደካ፤  
 ዋርዲዋ ሃሳዪና።  
 12 ኦ አቱማ ናናቱ፤  
 ባረንቱ ያላጋተላን ደልቂደልቂደ፤  
 ድጭያ ሞላ ማላ ግድና።  
 ኦ ማጫ ናናቱካ ካትያ ጎልያ ዘዝያን፤  
 እሌቆ ኤሴዳ ቱቅያ ማላ ግድና።  
 13 ኦ ድየቱ፤  
 ዳር ዲማ ዲማ ቆሞ ካላን ኩሞና፤  
 ኦ ደሞባቱዋን ደእያ ደርሳቱ ሻእ፤  
 ታሙ ሻእ የልና።  
 14 ኦ ሚዛቱ ብራሰና፤  
 ኡንቱንቱ ሳልኤሰናን የለቲደ ጮራቲና።  
 ኦ አገቱዋን ዳጋማ ዋሱ ሰሰቶ።  
 15 ሀ የወ ቱሙ ሀንያ አሳቱ፤  
 አንጀቱዳዋንታ።  
 ኡንቱንቱ ጸሳይ መድና ጎዳ ግድያ አሳቱ  
 አንጀቱዳዋንታ።

### 145

ጋላታ ጸሳወ  
 ዳውት ጸፊዳ ጋላታ ሳባ  
 1 አቤት ታ ጸሳወ፤ ታ ካትያወ፤ ታን ኔና ግታያና፤  
 ነ ሱንላ መድ መድናወ ጋላታና።  
 2 ታን ኔና ኡባ ጋላሰ ሳባና፤  
 ነ ሱንላካ መድ መድናወ ጋላታና።  
 3 መድና ጎዳይ ዋልቃማ፤ ቆቃ ጋላታይ አወ በሲ።  
 አ ግታተላይ አሳ ቆፋጥ አዴ።  
 4 እት የለታይ ሀራ የለታወ  
 ኔን ኦፊዳዋ ኦዳና፤  
 ነ ማላልሲያ ኦሶቱዋካ አዋያና።  
 5 ኡንቱንቱ ነ ቦንቹዋን  
 ነ አንጋ ግታተላባ ሃሳያና፤  
 ታንካ ነ ማላልሲያ ኡሱዋ  
 ዛራ ዛራይ ቆፓና።  
 6 አሳይ፤ “ሆላ!” ጊሲያ ነ ኡሱዋ ዋልቃባ ሃሳያና፤  
 ታንካ ነ ግታተላ አዋያና።  
 7 ኡንቱንቱ ነ ኬካተላ ዳራዋ ኦዳና፤  
 ነ ጽሎተላባካ የጻና።  
 8 መድና ጎዳይ ቃረትያዋን ማርያዋ፤  
 አ ሀንቃጋናወ ኤሌለናዋ፤  
 ዳንዳንገቻን አገና ሲቁ ዳርያዋ።  
 9 መድና ጎዳይ ኡባወ ከካ፤  
 አ ባረ መዴዳ ኡባወ ቃረትያዋ።  
 10 አቤት መድና ጎዳወ፤  
 ነ መጋታ ኡባይ ኔና ጋላታና፤  
 ነ አሳቱ ኡባይካ ኔና ሳባና።  
 11 ኡንቱንቱ ነ ካወተላ ቦንቹዋባ ሃሳያና፤  
 ነ ዋልቃባ ኦዳና።  
 12 ሄዌን፤ ነ ዋልቃማ ኡሱዋባን  
 ነ ካወተላ ቦንቹዋ አንጋባ  
 አሳ ኤርሳና።  
 13 ነ ካወተላይ መድና ካወተላ፤

### 144

ጸኑዋ ማዘመርያ  
 ዳውት ጸፊዳዋ  
 1 መድና ጎዳይ፤ ታ ዛላይ ጋላተቶ! እ ታ ኩሸያ ኦላወ፤  
 ታ ብራቅቱዋካ ቶራወ ሎሀሴ።  
 2 እ ታና ሲቅያ ጸሳን ታ ጌሱዋ፤  
 እ ታ ሚጸን ታና አሸያዋ።  
 እ ታ ጎንዳልያን ታን ባቃታደ አትያ ሳኦ።  
 ካወተላቱዋ እ ታወ ሞድሲያዋ።  
 3 አቤት መድና ጎዳወ፤  
 ኔን አወ ቆጥያ አሳይ እ አይ?  
 ኔን ናገትያ አሳ ናአይ አይ?  
 4 አሳይ እት ገደ ጫርክያ ጫርኩዋ ማላ፤  
 እ ጋላሳቱካ አድያ ኩዋ ማላ።  
 5 አቤት መድና ጎዳወ፤ ነ ሳሉዋ ዳካደ ዲገ ዋጃ!  
 ዋጋ ደረቱዋ ቦቻ፤ ኡንቱንቱካ ጩዋትና!  
 6 ዋልቃንላ የዳደ ነ ሞርከቱዋ ላላ!  
 ነ ዋንዳፍያ ፖላ የዳደ ኡንቱንታ የደርሳ!  
 7 ቦላና ነ ኩሸያ ዲገ የዳደ፤  
 ታና ጨሞ ሃላቱዋጥ ጎቻደ ከሳ፤  
 አላጋ አሳቱዋ ኩሸያጥ ታና ዋላ አካ።  
 8 ኡንቱንቱ ቱሙዋ ሃሳይክና፤  
 ጫቂደካ ዋርዲዋ ሃሳዪና።  
 9 አቤት ጸሳወ፤ ታን  
 ነወ ኦራላ የላ የጻና፤  
 ታሙ ባቀላን ዋጸቴዳ ዲላን ነወ ዲጻና።  
 10 ካተቶ ጸኑዋ አማሳ፤  
 ነ ቆማ ዳዊታ አሻሳ።  
 11 ታና ኢታ ማሻጥ አሻሳ፤

144:3 እዮባ 7:17-18፤ ማዘ. 8:4

ነ ማታይ የለታ ኡባ ጋካናሳ።

መጅና ጎዳይ ባረ ጌዳ ቃላው ኡባው  
አማካትያዎ፤

14 መጅና ጎዳይ ሆኔዳዋንታ ኡባ ዘምጥሴ፤  
ኩንዳዳዋንታ ኡባ ደንሌ።

15 ኡባ አይፊ ኔኮ ጸሌ፤  
አንቱንታ ኮሽያ ዋድያን ኔን አንቱንቶ  
ቁማ አማሳ።

16 ኔን ነ ኩሽያጥ አማ፤  
ፓጻ ደእያዋንታ ኡባ አሙዋ አላ።

17 መጅና ጎዳይ ባረ ኦግያን ኡባን ጽሉዋ፤  
አ ባረ ኡሱዋ ኡባን ቃረትያዎ።

18 መጅና ጎዳይ ባረና ጸሴያ ኡባው፤  
ቱሙዋን ባረና ጸሴያ ኡባው ማታን  
ደኤ።

19 አ ባረው ያይያዋንቱ ኡባው፤  
አሙዋ ኩንሌ።  
ቃይ አ ኡንቱንቱ ዋሱዋ ሰሲደ፤  
ኡንቱንታ አሹ።

20 መጅና ጎዳይ ባረና ሲቅያዋንታ ኡባ ናጌ፤  
ሽን ኢታቱዋ ኡባ ጳይሳና።

21 ታን ታ ድናን መጅና ጎዳ ጋላታና።  
መጋታ ኡባይ አ ጌሻ ሱንላ  
መጅ መጅናው ጋላቶ!

### 146

ማዳ ጸሳው ጋላታ

1 መጅና ጎዳ ጋላትተ!

ታ ሸምጋቱ መጅና ጎዳ ጋላታ!

2 ታ ደኤዋ ላይሳ ኡባን፤  
ታን መጅና ጎዳ ጋላታና፤  
ታን ደኤዳ ኬናን ኡባን  
ታ ጸሳ ሳባና።

3 አሳይ አሻናው ዳንዳየና ድራው፤  
አሳ ካፓቱዋን አማካትኘተ።

4 ኡንቱንቱ ሸምጥ ከሰያ ዋድ፤  
አንቱንቱ ቢታው ሰሚኖ፤  
ኡንቱንቱ ሀልቸ ኡባይ  
ሄ ጋላሰካ አት አኔ።

5 ያቆባ ጸሳይ ማድያ ኡራይነ  
መጅና ጎዳ ባረ ጸሳ ባረው ሀደታ አላያ  
ኡራይ፤  
አንጀቱዳዎ።

6 መጅና ጎዳይ ሳሉዋን ሳኦ፤  
ዋልቃማ አባነ አ ግድን ደእያዋ ኡባ፤  
መጅዳዎ፤  
አ መጅናውካ አማካትያዎ።

7 አ ናቀቱዳዋንቶ ፕርድያዎ፤  
ኮሻቱዳዋንቶ ቁማ እምያዎ።

መጅና ጎዳይ ቃሸቱዳዋንታ ብሌ፤

8 መጅና ጎዳይ ቆቀቱዋ ጸልሴ።

መጅና ጎዳይ ኩንዳዳዋንታ ደንሌ፤

መጅና ጎዳይ ጽሉቱዋ ሲቄ።

9 መጅና ጎዳይ በተቱዋ ናጌ።  
አምኤቱዋን አው ባይና ናናቱዋ ማዴ፤  
ሽን ኢታቱዋ ኡግያ ባለሌ።

10 መጅና ጎዳይ መጅናው ካተቱ።  
ጽዮኔ፤ ነ ጸሳይ፤  
የለታጥ የለታ ጋካናው ካተታና።

መጅና ጎዳ ጋላትተ!

### 147

ኡባ ዳንዳይያ ጸሳው ሸቅያ ጋላታ

1 መጅና ጎዳ ጋላትተ! ኑ ጸሳ ሳቢያዌ ሎአ፤  
አ ሳቢያዌ ናሽቶያባነ በሰያዎ።

2 መጅና ጎዳይ የሩሳላመ ኦራላና፤  
አሰራኤልያ አሳቱዋጥ በቱዳዋንታካ  
ሸሻና።

3 ዋዛናይ መኤዳዋንታ አ ፓሌ፤  
አንቱንቱ ማዴላካ አ ቃቼ።

4 አ ጸልንተቱዋ  
አንቱንቱ ፓይዴዋን ኡሬ፤  
አንቱንታ ኡባካ ኡንቱንቱ ሱንላን ሱንላን  
ጸሴ።

5 ኑ ጎዳይ ዋልቃማ፤ አ ዋልቃይ ዳራ፤  
አ አከካይ ልክያጥ አድያዎ።

6 መጅና ጎዳይ ናቀቱዳዋንታ ዘምጥሴ፤  
ሽን ኢታቱዋ ቢታን ዲገ ኦሌ።

7 መጅና ጎዳው ጋላታ የሳ የጽተ፤  
ኑ ጸሳው ዲሳ ዲጽተ።

8 አ ሳሉዋ ሻርያ ካሜ፤  
ሳአው አራ ቡክሴ፤  
ቄሪ ደረቱዋ ቦላ ማታ ሞክሴ።

9 መሄቶን ዋሰያ ቁሩዋ ማራቶ፤  
ምያዋ አ አሜ።

10 አ ናሸትያዌ ፓራቱዋ ዋልቃን፤  
ቶራንቻቱ ሞናተላን ግድና።

11 መጅና ጎዳይ ባረው ያይያዋንቱን  
አገና አ ሲቁዋን፤  
ባረንቱ ሀደታ ዋልዳዋንቱን ናሸቱ።

12 የሩሳላመ ካታማቱ፤ መጅና ጎዳ ጋላታ!  
ጽዮኔ፤ ነ ጸሳ ጋላታ!

13 አያው ጎጥ፤ አ፤  
ነ ፐንግያ ኩልባቱዋ ምንሲ፤  
ነ ግድን ደእያ ነ አሳካ አንጄ።

14 አ ነ ዘዋ ሳርተላን ናጌ፤  
ኔና ሎሌላ ሎእያ ዛርጋ ካልሴ።

15 አ ባረ ከታ ሳአው ከቲ፤  
አ ቃላይካ ኤላ ጋኔ።

16 አ ሻቻ ቡሉኩዋዳን ምጩ፤  
ከተርሳ ብድንሳዳን ላሌ።

17 አ ባረ ዋልቃማ ሻቻ  
ሹቻዳን ዲገ ኦሌ።

ሄ ማጉዋን ኤቃናው ኦንነ ዳንዳየና።  
18 አ ባረ ቃላ ከቲደ፤  
ሻቻ ሙሸሴ።

እ ጫርኩዋ ጫርክሰና፡ ሃላይ ጎጌ።  
 19 እ ባረ ቃላ ያቆባ ዘረፋው፡  
 ባረ አዋዩዋን ፕርዳ  
 እሰራኤልያ እሳው አዋዩ።  
 20 እ ሀራ ካውተላ አሳው፡  
 ሀዋ አላቤና፤  
 ኡንቱንቱ እ ፕርዳ ኤርክኖ።

መድና ጎዳ ጋላትተ!

### 148

መጠታይ ኡባይ ዳሳ ጋላቶ  
 1 መድና ጎዳ ጋላትተ!  
 ሳሎቱዋን ደእያዋንቶ፡ መድና ጎዳ  
 ጋላትተ፤  
 ቦላ ዶቃን ደእያዋንቶ፡ እ  
 ጋላትተ።  
 2 ሀንተኖ፡ አ ኪታንቻቶ፡  
 ኡባቱ እ ጋላትተ።  
 ሳሎዋን ደእያ እ ኦላንቻቶ፡  
 ኡባቱ እ ጋላትተ።  
 3 አዋው፡ አግናው፡ እ ጋላትተ፤  
 ፖእያ ዳልንተቶ፡ ኡባቶ እ ጋላትተ።  
 4 ሀንተኖ፡ ኡባፕ ቦላ ዶቃን ደእያ ሳሎቶ፡  
 እ ጋላትተ።  
 ሳሎዋፕ ቦላና ደእያ ሃላቶ፡  
 እ ጋላትተ።  
 5 ኡንቱንቱ ኡባቱ መድና ጎዳ ሱንላ ጋላትኖ፤  
 እያው ጎፕ፡ እ አዛዘና፡  
 ኡንቱንቱ ኡባይካ መጠታድኖ።  
 6 እ ኡንቱንታ መድ መድኖ፡  
 ኡንቱንቱ ሳኡን ሳኡን ዋጤ።  
 ኡንቱንቱ ኡባካ እጸናው ዳንዳየና አዛዘዋ እ  
 ኡንቱንቶ እጫዳ።  
 7 ሳኡን ደእያዋንቶ፡ መድና ጎዳ ጋላትተ!  
 አባን ደእያ መጠታቶ፡ ዋልቃማ አባ  
 ጨማቶ፡  
 ኡባቱካ እ ጋላትተ።  
 8 ሀንተኖ፡ ዋልቃንላው፡  
 ሻቻው፡ ሻርያው፡ ጫጋናው፡  
 እ አዛዘዋ ፖልያ ጎትያው፡  
 ኡባቱካ እ ጋላትተ።  
 9 ሀንተኖ፡ ደረቶ፡ ዞዘቶ፡  
 ሞያ አይፍያ አይፍያ ሞላቶ፡ ዝጋቶ፡  
 ኡባቱካ እ ጋላትተ።  
 10 መሄቶ፡ ደእቶ፡  
 ሳእና ጎሽቲያ መጠታቶ፡  
 ፓልያ ካፎቶ፡  
 ኡባቱካ እ ጋላትተ።  
 11 ሳኡ ካተቶ፡ ካውተላ አሳቶ፡  
 ካፓቶ፡ እሳ ሞድያዋንቶ፡  
 ኡባቱካ እ ጋላትተ።  
 12 ዋዳላቶ፡ ዋዳራቶ፡  
 ጭማቶ፡ ናናቶ፡  
 ኡባቱካ እ ጋላትተ!  
 13 ኡንቱንቱ ኡባቱ መድና ጎዳ ሱንላ ጋላትኖ፤

እያው ጎፕ፡ እ ሱንላይ ኡባፕ ቦላና  
 ደእያዋ፤  
 አ ቦንቹ ሳሎቱዋፕካ ሳኡፕካ ቦላና ዶቃን  
 ደኤ።  
 14 አ ባጋ ግድያ፡ አው ማታትያ እሰራኤልያ  
 አሳቶ፡  
 እ ጋላትኖ ማላ፡ እ ኡንቱንታ ሞንሴ።

መድና ጎዳ ጋላትተ!

### 149

ጸኑዋ ማዘመርያ  
 1 መድና ጎዳ ጋላትተ! መድና ጎዳው ኦራላ  
 የላ የጽተ!  
 አማንያዋንቱ ሺቁዋን እ ሳቢተ!  
 2 እሰራኤልያ አሳቱ  
 ባረንታ መጪዳዋን ናሽትኖ።  
 ጽዮን አሳቱ ባረንቱ ካትያን ሎይላ ናሽትኖ።  
 3 ዱሪይ፡ ካራቡዋ ባቂደን፡  
 ዲላ ዲዲይ፡ እ ሱንላ ሳቢኖ።  
 4 እያው ጎፕ፡ ዳሳይ ባረ አሳን ናሽቲ፤  
 ናቀቲዳዋንቶ ጸኑዋ አሚይ፡  
 እ ኡንቱንታ ቦንቹ።  
 5 አሳቱ ባረንቱ ጸኑዋን ናሽትኖ፤  
 ቃማን ኡባን ናሽቻው የጽኖ።  
 6 ኡንቱንቱ ድናን ዳሳ ጋላታይ፡  
 ኡንቱንቱ ኩሽያንካ ላኡ ባጋ ኩሳ ማሻይ  
 ደኤ።  
 7 ሄዋካ፡ ኡንቱንቱ ካውተላቶ፡  
 ሀሉዋ ከሳናሳን አሳቱዋ መራናሳ።  
 8 ኡንቱንቱ ካተቱዋ ሳንሳላታን፡  
 ኡንቱንቱ ኦላ ጋዳዋቱዋካ ብራታን  
 ቃቻናሳን፡  
 9 ኡንቱንቱ ቦላ ዳፈቲዳ ፕርዳ ፖላናሳ።  
 ሄዋ ዳሳ አሳቱዋ ኡባው ጸኑዋ።

መድና ጎዳ ጋላትተ!

### 150

ዳሳ ጋላትተ  
 1 መድና ጎዳ ጋላትተ!  
 እ ጌሻ ሳኡን ዳሳ ጋላትተ፤  
 እ ዋልቃማ ሳሎዋን እ ጋላትተ።  
 2 እ ዋልቃማ ኦሳቱዋ ድራው፡ እ ጋላትተ፤  
 ኡባፕ አድያ እ ግታተላዳን እ ጋላትተ።  
 3 ማላካታ ፕደይ፡ እ ጋላትተ፤  
 ዲሳን ማሰንቁዋ ዲዲይ፡  
 እ ጋላትተ።  
 4 ዳርቢያ ባቂደን ዱሪይ፡  
 እ ጋላትተ፤  
 ዲላ ዲዲይን ሎኩዋ ፕደይ፡ እ ጋላትተ።  
 5 ዳዋላ ቃፊይ፡ እ ጋላትተ፤  
 ዳዋላ ሾጪይ፡ እ ጋላትተ።

6 ፓዳ ሸሞፓቱ ኡባቱ፥  
መድና ጎዳ ጋላትተ!

መድና ጎዳ ጋላትተ!